


續修四庫全書

《續修四庫全書》編纂委員會編

續修四庫全書



上海古籍出版社

三八二・史部・編年類

東華續錄一百卷(同治七十二至同治一百)

王先謙撰

.....

2265/02

王先謙敬編

張式恭恭

閏四月戊申朔諭軍機大臣等前因于雲麟等奏詳酌新城事宜請豁免貢皮改設臺兵額兵等情當交原議王大臣等妥議具奏茲據惇親王等奏稱李雲麟等以前擬分歸新城之土爾扈特及烏梁海數旗見擬安設正臺各該旗一切差徭絡繹不絕請將應進皮張全行停止自為體恤貢戶起見所有阿勒太烏梁海七旗應進皮張著准其暫行停止惟此項皮張為內廷傳用及頒賞要需仍著該大臣隨時體察情形總期該處丁力稍充即量為變通設法補交以符舊制其烏梁海各旗內既有善獵槍手數百名可藉為勁旅又有貢戶額兵多名該大臣等請將貢戶一項以百數

東華續錄 同治七十二

十戶改為臺兵下餘五百餘戶作為額兵儘能訓練得宜誠為一舉兩得著即照擬辦理仍著該大臣等按季認真操演務期悉成勁旅以資防剿不得有名無實臺兵遇有重差應用幫臺之人由各該旗貢戶以外之散兵閒丁中調派即由該大臣等詳定章程妥為辦理惇親王等會議原摺均著鈔給閱看將此由五百里各諭令知之○諭宋廷春奏逆匪圍攻省城分股襲踞各州縣近日辦理情形請將從逆各員革職嚴拏各摺片逆匪攻陷易門縣後句結內奸先後竄陷昆陽新興晉甯呈貢嵩明尋甸等州縣賊壘已偪省垣城下僅餘東路尚可繞越亟應趕緊援救岑毓英見由七甸進攻即著該撫督飭各軍轉戰而前將逆股次第掃蕩力解省城之圍仍一面兼顧省東以通糧運宋廷春即飭楊盛宗等就見有兵力分路防剿迅殄逆氛劉嶽昭職任兼圻責無旁貸著懌

遵前旨星馳前進將省城防守事宜與岑毓英會商妥辦以固根本並著該督嚴檄李家福等統率所部迅速赴省相機策應從賊之參將楊振鵬楊先芝馬天順武進士田慶餘都司馬世德守備馬葵千總馬文成均著革職嚴拏務獲訊明後即在軍前正法以昭炯戒母任一名漏網將此由六百里諭知劉嶽昭岑毓英並傳諭宋廷春知之○于安徽被戕訓導金崧祭葬世職○已酉左宗棠奏 臣於四月二十三日行抵鹽山城西十八里地方探悉賊由西南竄走乃改道向南旋接劉松山等報稱二十二日賊東竄至舊滄州方圍搶渡滅河忽見大軍馳至賊黨西來迎拒宋慶率所部衝擊劉松山張曜向東截之槍礮轟擊賊甚眾慶戰半時賊始敗竄折向東南以趨鹽山各軍追二十餘里收隊共計生擒悍賊一百餘名訊知賊之北竄意在天津覓購子藥且擊引追軍與

東華續錄 同治七十二

之俱北仍遂其竄撲運西之計劉松山等仍向東南追擊 臣於二十四日馳抵甯津復接劉松山等馳報賊由鹽山掠樂陵而過邊馬已及德平賊蹤多向南竄 臣以該逆意在西撲運河則吳橋較甯津為要二十五日 臣仍馳回吳橋連日偵探賊由臨邑平原向西南竄走二十七日已過高唐總兵郭運昌一軍已由恩縣躡追而南劉松山馬步各軍亦當距賊不遠矣賊既竄過高唐必由清平博平在平以撲運河 臣得郭松林二十一日東昌函稱已築牆六十里丁寶楨十九日函稱牆工限十日竣事以時日計之則賊至牆成西岸防兵有所憑藉東岸追兵又可速至機局實為湊拍賊如徑竄張秋不能越過則地勢愈偏滅之必矣 臣仍暫駐吳橋地方北顧直隸運防南防狂寇回竄備賊或竄過西岸尚可由德州橋口渡師西出以截其北竄 上諭軍機大臣等賊之縱橫奔

突總思搶渡運河見在東昌沿運一帶牆工計已竣事追剿各軍不下十萬機勢實有可乘左宗棠務將運西力加扼守並商同英翰丁寶楨嚴飭劉松山等軍相機夾擊以為且防且剿之計其臨清迤北等處並著李鴻章官文趕緊派撥隊伍前往填紮丁寶楨亦當督同郭松林等嚴扼張秋一路並與英翰所統各軍聯絡聲勢毋任匪蹤竄越如稍有疏虞必惟丁寶楨等是問至前敵調派事宜乃李鴻章專責該大臣務須嚴督准湘各軍奮加勦擊依限滅賊迅奏膚功儘日久防疏致賊勢復形延蔓則咎各有歸朝廷不能為之曲貸也英翰見赴觀音背一帶河下著即將防務妥為布置並籌進剿其張從龍一軍即歸該署撫調度以厚兵力將此由六百里各諭令知之○諭鄭敦謹奏侍衛陳國瑞自請帶隊北援據情代奏一摺見在捻逆竄東境各路大軍雲集疊經諭令東華續錄 同治七十二 三

該統兵大臣等速籌攻剿自當剋日殲除回逆雖向西趨距晉稍遠而西河一帶防務未可鬆懈該侍衛業經拔隊啟行著鄭敦謹飭令恪遵前旨迅速渡河將宜川等處防勦事宜相機妥辦毋得藉詞延宕致干重咎所有該侍衛進止機宜仍著歸鄭敦謹暫行就近調度嗣後如帶兵需人再行降旨令其北上也將此由五百里諭令知之○以邵亨豫為內閣學士由詹事遷○庚戌廣奉天長春廳學額三名吉林廳二名○辛亥李鴻章奏臣於四月二十四日督周盛傳各隊由德州沿運河東岸北行察勘形勢並擬賊若沿運回竄就近截擊行次東光之連鎮接據潘鼎新等稟稱二十一日夜捻眾突至減河南岸盤踞各村直撲河牆善慶溫德勒克西暨吉玉成徐邦道等嚴堵橋口潘鼎新派張景春潘國揚等馳往援剿楊鼎勳亦派隊過河兜擊二十二日賊因防兵嚴整敗竄鹽

山一路等語是日午後左宗棠亦督軍追至河干劉松山張曜宋慶等遇賊回竄在舊滄州獲一小勝二十五日臣馳抵南皮探聞賊已掠樂陵而西二十六七日臣即往滄州捷地巡視河牆晤商善慶潘鼎新楊鼎勳等察看減河上游水勢尚旺惟下游呂橋東至海口數十里河身淤塞可由鹽山小徑鈔入潘鼎新等親督弁勇逐節挑濬以期引水入海使該逆無隙可乘臣飭各營安速布置俟防務穩固潘鼎新仍抽隊出剿暫留楊鼎勳駐守一面面商崇厚酌添津軍赴減河分段協守蓋守住滄州減河則天津萬無一失無須多兵駐防且不可使臣處游擊勁旅盡改作守兵也臣即於二十八日督隊南下二十九日行次德州之桑園與左宗棠面約相會面籌堵剿機宜意見均合閏四月初一日回駐德州偵知賊已由高唐西走夏津圖撲臨清東昌運河先准丁寶楨英翰郭松林函稱東皖淮軍議分段落淮軍郭松林吳長慶等自東昌城南守至張秋河口東皖各營自東昌以北分守至臨清上下剋期趕築長牆惟河水淺涸可慮臣先派水師提督徐道奎統帶樹字營並張樹屏等在張秋督勇挑濬淤河已報完工適黃水驟漲三尺二十二日徐道奎等趕督勇夫開壩引黃灌運以裨防守並調楚軍丁長春水師由張秋臨清駛入德州運河臣抵德時丁長春啟船亦至面詢臨清以上河牆大致堅厚牆河水勢深淺不等其淤淺處亦有水三四尺將來伏汛盛漲無難引水灌賊竊料東昌上下河防有牆有水又有重兵逆騎必難飛越據各縣探稟賊至東昌不得渡運又從高唐平原回竄二十九日已至禹城固河一帶閏四月初一日向臨邑沙河莊狂奔仍圖北犯等語左宗棠已飭劉松山張曜宋慶喜昌春壽相機兜擊臣過桑園時商令

程文炳迅帶所部前往與皖軍郭運昌牛師韓等合隊迎剿臣抵
德州後令周盛波周盛傳帶馬步親軍馳往陵縣一帶相機攔剿
俟各軍續有戰狀再行馳陳上諭軍機大臣等昨據左宗棠奏
賊由鹽山繞竄清平屢思渡運當經諭令左宗棠等嚴扼運防李
鴻章督軍剿擊茲據該大臣所稱各節是運防已穩固可恃自應
趕緊進兵以期迅就撲滅李鴻章既與左宗棠意見相同即著將
堵剿機宜妥商籌辦萬不可失此機會東昌等處已有東皖淮軍
分段扼守即著丁寶楨英翰分飭各軍實力堵遏以專責成官文
曾有飭令張樹聲在運西督辦民團之奏即著嚴飭該臬司迅速
舉辦並遵奉前旨派撥隊伍前往臨清迤北等處填紮其滄州減
河李鴻章已函商崇厚酌添津軍分段協守即著崇厚星速派兵
前往協防以便騰出勁旅專作遊擊之師左宗棠亦當遵奉前旨

東華續錄 同治七十二 五

嚴飭各軍力扼運西免致疏虞賊既不能突竄運河無虞擬走定
可一鼓擒渠李鴻章所派各軍疊次獲捷即著嚴檄各路將士乘
勝追擊分投兜剿依限滅賊以竟全功將此由六百里各諭令知
之○壬子諭軍機大臣等庫克吉泰劉典奏各軍剿賊連獲勝仗
並見籌防期情形一摺回匪竄擾陝境奔突靡常道員黃鼎一軍
於四月初六日擊賊於涇州斃匪甚多當將城圍立解提督劉厚
基等軍復在甘泉獲勝甘省回逆土匪先後竄至洛川等處總兵
周紹濂一軍大獲勝仗剿辦尚為得手該省西北一帶逆蹤靡定
而西路回逆四五千由靈臺繞竄麟遊境內亟應嚴檄各軍分
投進剿著庫克吉泰劉典督飭黃鼎等覘賊所向力圖掃蕩並飭
劉效忠等由岐山等處進剿其宜君白水一帶偏近北路雖係殘
匪尤應加意嚴防並著庫克吉泰劉典迅將該匪殄除淨盡以清

東華續錄 同治七二

醜類將此由五百里各諭令知之○甲寅諭軍機大臣等崇厚奏
派兵防守滅河請飭撥南路各軍赴滄協守一摺潘鼎新一軍見
經李鴻章調赴前敵進剿天津滅河一帶僅有楊鼎勳一軍不敷
防守崇厚見飭余承恩劉景芳馳赴捷地滅河並調李昌連練軍
兩營前往該處協防惟滅河西自通運石壩東至祁口一百數十
里地段綿長民團稀少分布勢難周密津郡僅存陳濟清練軍槍
隊並遵化兩營兵力甚單未能盡赴河防著左宗棠李鴻章於湘
淮陝豫各軍內擇其轉戰日久應行休息之隊抽撥數營派赴滅
河與楊鼎勳等軍協力防守既可保固河防並可以均勞逸左宗
棠見在吳橋尤當就近兼顧崇厚亦宜添募津勇設法協守並將
糧餉軍火由津運滄以資接濟該大臣等總須協力同心妥籌會
辦不可稍涉推諉致誤事機將此由六百里各諭令知之○丙辰

東華續錄 同治七十二 六

論軍機大臣等恭親王等奏特參侍衛不候調度請旨交部嚴議
並請飭催余承恩迅赴滅河協防各摺片前據鄭敦謹奏陳國瑞
自請帶隊北援當諭令鄭敦謹飭令該侍衛懷遵前旨辦理宜川
等處防剿事宜茲據恭親王等奏據該侍衛稟稱回軍北援於初
四日馳抵臨清等語覽奏不勝駭異該侍衛係奉旨赴陝剿賊之
員乃不候調遣擅行拔隊北上實屬任意自專陳國瑞著先行交
部嚴加議處該侍衛見抵臨清即著歸英翰調遣該署撫即責令
陳國瑞隨同進隊由北而南將此股捻逆痛加剿洗以贖前愆儻
不能奮勇殺賊或任性妄為不遵該署撫調度朝廷惟有執法從
事不能再為該侍衛曲貸也運河已穩固可恃防期各軍不下十
萬亟應乘此機會為一鼓擒渠之計李鴻章務當懷遵疊次諭旨
剋期掃蕩迅殄逆氛並著左宗棠英翰丁寶楨檄飭各軍分投防

三

勦以資厚集各該大臣督撫等毋得遷延觀望日久無功致負委任潘鼎新馬步各營見調為遊擊之師滅河一帶僅有劉景芳五營甚形空虛頃捻蹤又近滄州亟應添兵扼守著官文嚴催余承恩迅率所部馳赴滅河一帶會同劉景芳協力堵禦崇厚於余承恩到防後酌度機宜妥為布置潘鼎新既調赴前敵正與賊隊相迎著李鴻章嚴檄該藩司實力痛勦若復遷延觀望或避賊而行是既不任防又不任勦必當重治其罪運西一帶左宗棠官文英翰丁寶楨當認真嚴防不可稍涉疏虞將此由六百里各諭令知之○諭鄭敦謹等迅撥新疆餉糈○改廣東佛山同知為簡缺裁瓊防同知並廣海寨主簿增設赤溪同知司獄各一撥新甯縣額進客童二名為赤溪應學額隸慶府學升廣海寨遊擊為副將與那扶都司均駐赤溪升廣海寨守備為都司移瓊州右營守備東華續錄 同治七十二 七

於那扶撥欽州左營雷州左營干總把總各一惠州左營三江左營外委各一各標兵四百六十一名為赤溪新營○豫親王義道卒予祭葬諡曰慎賞銀一千兩治喪○戊午諭軍機大臣等丁寶楨奏追賊接仗並築牆設守各情形一摺臨清東昌運防經東院准各軍趕築長牆分段設防足資扼守惟自臨清東北至德州一帶運防事宜尚未籌及李鴻章當與丁寶楨等設法兼顧以期布置周密毋任賊騎乘隙竄渡張曜宋慶與王正起等軍由清平博平等處追及賊股截其竄撲運河之路賊復折竄德平陵縣等處著李鴻章督催前敵各營與丁寶楨所部各軍儘力窮追並分路兜勦依限滅賊銘軍見抵東昌郭松林所部休息已久立著李鴻章飭令該提督進兵追勦作為遊擊之師會合前敵各軍迅殲窮寇毋稍遷延本日復據崇厚奏稱滄州滅河防務未周事機萬緊

一摺滄州開放滅河石壩以運河水灌入下游因劉慶莊以下地勢漸高未能達海其山東海豐縣地方兼有直赴大沽海口捷徑一條又有地名岑子頭大路一帶直通天津葛沽鹹水沽等處見在滅河營牆自石壩起至周慶莊止雖已築有營牆其周慶莊以下至祁口海河約四五十里水勢散漫深不過一二尺岑子頭大路並未淹沒該處營牆未立兼無兵隊駐守勢極空虛見潘鼎新軍向南進勦僅有楊鼎勳並劉景芳數營分布殊屬不敷防守著左宗棠李鴻章趕緊撥兵前赴滅河下游海灘處所扼要駐防毋得稍涉疏虞致干重咎並著李鴻章檄令潘鼎新所部由北向南歷勦儘任賊蹤紛竄搶渡滅河是潘鼎新既不俟接替有人置河防於不顧又不能遇賊痛擊遏其北竄朝廷必當重治其罪著李鴻章嚴飭該藩司實力堵遏以勦為防毋蹈從前膠萊河故轍崇厚亦當設法疏通劉慶莊以下河道並添募練勇扼守以助兵力所不及東省所練西丹馬隊尚有一千五百名見在當已練熟能否得力堪以調用著丁寶楨迅速具奏將此由六百里各諭令知之○諭德勒克多爾濟等奏回匪肆擾請調兵籌餉一摺四月間另股回匪馬拉拉又陷神木縣城並擾及鎮羌木瓜孤山等處董伏祥股匪見在懷遠縣南山滋擾古城沙楞子僕牛川一帶賊匪有由草地圖竄河口之說賊勢如此猖獗備竟分股竄擾則薩托清各境在在可虞邊防蒙古官兵近多疲弱恐不足以資堵截著文盛杜嘎爾遵奉前次諭旨於察哈爾八旗內選派馬隊兵五百名配齊軍械即由杜嘎爾管帶前往綏遠城會同德勒克多爾濟等相機攻勦力保嚴疆德勒克多爾濟等務就見有兵力探明賊蹤分投堵勦毋令一匪竄越邊境並著轉飭貝子札那格爾第巴

達爾琿暨總兵馬陞等嚴飭各官兵竭力堵禦共圖保衛察哈爾官兵應需鍋帳火藥鉛丸等項著鄭敦謹寬為籌解並無論何款先行籌撥銀數萬兩迅速解赴綏城毋稍延誤其沿邊沿河防剿各軍應需餉銀並著源源委解以資接濟將此由六百里各諭令知之○予直隸殉難教諭常純祭葬世職○己未廣浙江諸暨縣學額四名○庚申李鴻章奏閏四月初三日周盛波周盛傳各帶隊伍由陵縣東行二十里至鳳凰店即遇賊馬往來其大股尚在五里以外我軍馬步結陣齊進擣其中堅賊眾驚走當令馬隊躡之沿途擒賊三十餘名奪回賊踞村莊二十餘處追至何家莊張逆突驅馬賊大股回撲我軍亦排陣迎之賊見官軍馬步併進旋又回竄大股直向東路奔馳並有賊騎分路折竄初四日劉松山張曜宋慶程文炳等軍橫出德州邀擊大勝擒斬數百人該逆由東華續錄 同治七十二 九

東北敗向正東初五日劉松山張曜等跟蹤急追周盛波周盛傳慮賊回撲運防改由甯津向吳橋西南截擊初六日賊過海豐東北四十里忽折向西北劉松山宋慶張曜在慶雲東遇賊來撲麋戰時許擒斬二百餘名初七日追過鹽山滄州交界是夜四鼓擒酋高老步等率四百餘人赴劉松山營乞降又有周老鳳率七十餘人赴張曜營乞降均經分別遣雷據降酋供張逆傳令各帶門板繩索欲向東光下口一帶搶撲運河適 臣先派水師總兵丁長春赴下游巡防是日帶礮船駛抵下口初八日劉松山張曜等又追及下口迤東該逆正在搬運板片等件水陸各營分投截剿逆眾狂奔繞東光城而走劉松山等均循河東追殺沿途頗有斬擒該逆向西南奔竄仍欲由連鎮一帶搶渡左宗棠在吳橋聞信已於初七日督隊移紮連鎮河東 臣出張秋調到提督徐道奎水師

飭由德州下駛初七日亦抵連鎮該逆偵知有備初九日繞由吳橋德州界內南走陵縣 臣飭周盛波周盛傳率隊急追至陵縣西二十里之土橋賊騎二三千回拒周盛波督馬勇迎戰步隊趕到合力兜擊賊大潰奔擒斬百餘人聞侍衛陳國瑞是日亦帶所部由恩縣至陵縣截剿獲勝初十日據探賊已向西南平原高唐一帶竄走 臣飭周盛波等乘勝跟追相機兜截劉松山張曜宋慶程文炳均帶隊過德州並令分路躡追賊趨西南我軍仍須傍運東節節牽制見在逆眾並無步隊每賊擄有二三騎替換避兵急走絕不戀戰勢急剽猾幸在運河以東一隅之地稍有限制但冀上下游運防加嚴游擊各軍再沿運兜追先使不得寬渡庶剿辦漸有歸宿 上諭軍機大臣等捻逆雖經周盛波等軍連日兜剿疊有擒獲而逆情慄猶仍向平原高唐一帶圖竄運西周盛波劉松山張曜宋慶程文炳等軍相繼進剿即著李鴻章嚴飭各軍乘勝痛擊大加懲創使賊氛漸衰得以一鼓殲除陳國瑞前有旨交英翰調度見在該侍衛既赴前敵距英翰較遠即著李鴻章就近調遣該侍衛性情諒李鴻章素所深悉朝廷並無成見不過策其後效期其殲此殘寇該大臣自當不避嫌怨妥為駕馭所需餉項並著李鴻章酌量接濟使之知感奮運西各防關緊最要儻任賊竄渡則勢又燎原左宗棠英翰丁寶楨專任此事務當嚴飭各軍晝夜梭巡不使兵力稍有疏懈如任該逆西竄朝廷惟有執法從事決不能寬典吳坤修所派張得勝軍並水師四營即著英翰派員迎提以厚兵力並著該署撫催令迅速啟程毋稍延緩劉銘傳計報啟程著李鴻章檄令迅速趕赴前敵統帶各軍共圖滅賊將此由六百里諭知左宗棠李鴻章英翰丁寶楨並傳諭吳坤修

知之○諭穆圖善奏親抵前敵先將狄道州境熟籌布置仍相機進剿一摺狄道州克復後鞏蘭一帶道途俱已暢行惟河州東南鄉之秦子寺巨巢未下其燕脂川黃家灣三甲集又路徑崎嶇匪蹤環紮康家崖新添鋪沙楞等處則為入省最近之路賊匪於各該處對岸設有渡船隨時可至東岸官軍進攻之路止恃狄道附城之永甯浮橋穆圖善擬將各軍相度要隘分投扼堵著即督飭將士相機規取以杜該匪後襲旁鈔之計痛掃賊氛並將康家崖一帶妥為防範以固省垣狄道甫經收復民氣未蘇該署督仍當責令該地方官將善後各事宜悉心辦理毋滋事端據稱甘省糧餉奇窘各省協濟餉銀數月未到該署督即遵奉本日批諭飛咨四川等省督撫迅將應解協濟餉銀如數籌解以濟軍食將此由五百里諭令知之○飭四川等省迅解甘肅協餉○辛酉諭軍機東華續錄 同治七十二 十一

大臣等富明阿奏請飭理藩院嚴催各盟長迅將越旗種地蒙古收回一摺郭爾羅斯蒙古越旗種地一案自經查辦後業已明定章程見除哲里木錫林郭勒等旗遵旨收領外昭烏達等旗所派各員尚未一律到齊卓索圖一盟迄今並未派員前往其喀喇沁前派各員又稱係會同查辦事件並非收領各戶該員等隨即回旗各該盟於收領越旗各戶任意耽延難保不令眾戶又起種地之念致生事端且官兵在彼久候收領無期徒耗鹽糧實屬不成事體著理藩院行文各該旗嚴催各盟長迅速派員務將越旗種地各戶剋期領回不准該委員等沿途逗留再滋延誤其有不能收領願在郭爾羅斯公旗安置者即照原定章程辦理以弭弊端原摺著鈔給閱看將此諭令知之○壬戌諭軍機大臣等李鶴年奏捻逆圖撲運西督軍守禦南路匪徒突起派兵剿捕並請飭釋

放降人家屬各摺片捻匪由德州恩縣駛至博平在平等境仍圖撲越運河避兵西竄見在臨清以南至張秋鎮經前敵各軍分投扼剿足資堵禦惟張秋一帶河水淺涸難保該逆不鉅險疾趨希圖竄越豫境東路之防亟應早為戒備即著李鶴年迅飭在防將領妥籌布置嚴密扼守與東省各路官軍互相策應以期有備無患豫省南路匪徒花得春等糾眾焚掠自泌陽石河寨等處竄至裕境顧張店旋向東南檀木溝一帶盤踞該處與角子山相近向為匪蹤出沒難保匪徒不竄往該處負隅抗拒且匪眾雖僅百餘人恐糾聚日久裹脅愈眾勦辦益形棘手該撫見調原派防守黃河之歸德鎮標兵一千名交總兵崔廷桂管帶馳赴南陽一帶勦辦著李鶴年嚴飭該總兵會同該管鎮道合力兜擊務將首夥各匪悉數殲除毋任一名漏網致貽後患降人桂錫楨既據該撫奏稱疊次打仗出力察看情形實屬革面洗心毫無疑貳即著該撫飭知該降人奮勉立功圖報效儻能隨同官軍勦平捻逆朝廷必當破格錄用以獎勤勞所有該降人家屬著俟捻匪勦平後再行釋放將此由五百里諭令知之○諭曾壁光奏勦賊獲捷擒斬巨逆並攻克廬山賊巢各摺片川楚各軍攻破覺林寺偽城生擒逆首朱明月與劉岷前奏大略相同賊首楊老冒等突竄札佐班竹園一帶經張文德督飭各軍分次勦擊陣斬偽元帥楊老冒斃賊甚多在事出力員弁著曾壁光擇尤保獎候旨施恩仍著飭令張文德等會合川楚各軍率得勝之師迅克偏巢將平壤龍貴各賊巢次第底定早奏膚功定番文武各員擊退逆匪攻克廬巢在事出力員弁紳團著曾壁光擇尤酌保毋許冒濫逆首陳喬生由龍里逃竄仍著飭令在事各員實力搜捕以期淨絕根株一面料

飭該廳州將防守事宜認真籌辦毋稍大意將此由五百里諭令知之○癸亥諭軍機大臣等庫克吉泰劉典奏陝軍剿賊獲勝並籌堵竄匪情形一摺隆坊白水等處賊匪經周紹濂周金品等軍連日獲勝並將敗竄中部之賊悉數殲除其竄擾宜君之賊復經高連陞疊次獲勝劉厚基克復延長劉端冕將郿州洛川之賊擊敗舊縣槐柏鎮等處賊勢最重亦經周紹濂奮力痛剿大挫賊鋒勦辦尙屬出力總兵周紹濂周金品等所部尤爲出力員弁准庫克吉泰等擇尤彙保毋許冒濫回逆大股由靈臺竄至鳳翔眾約數萬劉典見擬赴鳳郡督戰若即檄調各軍痛加勦洗力遏狂氛毋任蔓延至陝境北路回匪前據德勒克多爾濟等奏稱復將神木縣城攻陷擾及鎮羌一帶意圖竄出口外見在晉省薩托清各城防務甚形喫緊著庫克吉泰劉典迅速籌撥兵勇將延榆一帶

東華續錄

同治七十二

三

回匪實力勦洗嚴扼沿河沿邊要隘毋任竄入晉境致成不了之局是爲至要將此由六百里各諭令知之○諭瑞麟嚴緝廣東會匪○子陝西陣亡知縣宋良等祭葬世職○甲子諭軍機大臣等富明阿奏俄界匪人聚眾攻殺俄兵見飭副都統赴瑯春會商俄官勦辦一摺俄界漁戶雖係中國人民而敢於焚卡作亂其爲不安本分已可概見富明阿見令烏勒興阿訥木津等派兵嚴防要隘遇有匪人拏獲囚禁以備對質所辦尙合機宜卽著該將軍嚴飭烏勒興阿等慎守邊隘毋任匪徒闖入肆擾儻該匪被俄兵擊散逃入瑯春境內卽飭盡數剿除既可綏靖邊境亦不至啟釁封所有富明阿續派全福所帶官兵並著前赴瑯春交烏勒興阿調遣以備策應將此由五百里諭令知之○諭英翰奏運防布置已定見飭各軍合隊進剿請訓安住赴營各摺片運防長牆經英

東華續錄 同治七十二

翰督軍修築完整自清平縣境之李家園起至臨清地上之衛河口止見已沿邊排營分段扼紮南路東准各軍分防地段亦已竣工著左宗棠李鴻章英翰丁寶楨悉心籌商嚴檄兵勇認真守禦毋令該逆竄過運西儘然由何路竄出卽將何路防軍治以應得之罪臨清地北河牆民團見已興工著李鴻章官文嚴催臬司張樹聲等迅速布置剋期蒞事並李鴻章另派得力將弁前往堵扼毋稍疏虞捻逆見已竄至清平之蔡屯孫梁莊等處乘雨搶撲戴家灣運防經張從龍等軍擊退英翰見擬親往督剿卽著星馳前進與左宗棠李鴻章等會籌勦辦該大臣等當懷遵疊次諭旨依限滅賊迅速掃逆氛用副委任陳國瑞已至英翰軍營該署撫當勦以大義俾知奮勉圖功毋得觀望遷延自干罪戾安住一軍見已飭令暫紮保定另候調遣毋庸前赴英翰軍營將此由六百里

東華續錄

同治七十二

四

各諭令知之○諭金順葵遵籌進剿暨逆首乞撫及官軍擊賊獲勝各摺片金順馳抵定邊進剿兵力尙虞單薄著督飭總兵胡世英先就見有兵力將回逆盡心勦洗以孤陝北賊匪之勢蒙古地方水草缺乏著一面趕籌行糧卽酌留隊伍分守花定等處剋日東進相機勦辦並著庫克吉泰劉典迅派得力將弁統帶勁旅馳往會剿以期聯絡聲勢毋稍遲延董福祥爲陝北著名首逆據金順奏稱該逆率眾投誠果能立功自贖不妨予以自新但賊情叵測難保非藉乞撫爲緩師之計著金順咨商穆圖善劉典悉心察看妥爲辦理斷不可墮其狡謀清水營西北五里墩竄賊經官軍擊退金順見在親往督剿著卽激勵將士迅殄逆氛將此由五百里各諭令知之○諭崇實奏川師援黔屢勝見任添派防兵出境助剿一摺劉嶽曙蹇閣唐炯等軍抵黔境後收撫降眾盡下松煙

七

鍾等處賊巢並會楚軍往擒首逆張保山及賊目多人唐炯復乘勝馳抵涪潭之偏乃水與襄陽等約期進取於牛矢溪連獲大捷見已進規水源溝植木圍會同楚軍分取匪家營觀音營盤勢尚覺聯絡崇實復添派川兵分出涪南以趨正安黎川即著檄飭唐炯等督率各軍分投進攻迅圖掃蕩並著劉焜飭令席寶田等與川軍併力夾擊毋得互相觀望致臨前功曾璧光亦當嚴飭黔中將士及各屬紳團聯絡聲援廓清黔境崇實另片奏唐炯一軍攻剿正當喫緊未能兼辦善後等語唐炯見在督軍圍攻偏刀水老巢將來尚須渡江而南進規玉華山尚大坪等處所有善後事宜自未能一人兼顧著劉焜迅派廉明勤幹之員專辦善後事宜以期周妥其川師平定處所撫輯亦關緊要並著曾璧光另派委員次第經理唐炯即責令專事進剿痛殄逆氛將此由五百里

東華續錄 同治七十一 未

各諭令知之○諭陝西各省籌撥金順軍餉○乙丑諭軍機大臣等李鶴年奏官軍剿賊獲勝派兵赴東昌協防並籌辦土匪一摺張曜等軍會合劉松山春壽等馬步各隊於上月在甯津等處追賊疊有斬擒倂賊東趨見在捻逆竄向清平一帶屢圖搶撲運河運西防守事宜極關緊要該撫已檄馬德昭馳赴東昌協同扼守即著飭令該提督迅速到防聽候李鴻章調派不得稍涉遲延泌陽土匪嘯聚業經李鶴年派令總兵崔廷桂馳往剿捕並著飛飭該總兵乘此匪勢未張妥速設法殄除毋使滋蔓所陳暫駐滑縣相機進止情形該撫務當隨時斟酌緩急會合各路大軍防剿兼籌不可稍事拘泥致失戎機是為至要將此由五百里諭令知之

○諭丁寶楨奏官軍追賊疊勝見飭王心安追剿一摺捻逆竄至臨邑經民團接仗丁寶楨斷旅之營官劉時霖等直突賊陣該逆

旋即敗退狂奔復經官軍連日追剿擒賊百數十名奪獲馬三千數百匹馬鞍一千數百副洋礮旗幟數百件逆首張總愚僅隨數十騎向西北潛遁與全股匪眾幾至相失剿辦甚為奮勇此次東軍追剿數日賊竄吳橋東光又竄平原高唐在平均與左宗棠李鴻章大營相近若能派兵迎剿張逆即可就擒何至復令竄遁左宗棠李鴻章等未免心存膜視軍務何日得了該大臣等務當激發天良嚴飭各軍實力會剿毋得各分畛域致干咎戾英翰亦當飭令所部會同馳擊不得稍存觀望至臨清以北武城夏津恩縣德州暨直境之吳橋東光等處運防著左宗棠李鴻章等迅派得力將弁聯絡民團嚴密扼堵毋稍疏虞將此由六百里各諭令知之○諭德勒克多爾濟等奏沿邊蒙兵堵截不力賊匪逼近河干請飭山西巡撫撥兵迎剿並請截留文麟等軍營餉銀及動碾

東華續錄 同治七十一 未

歸化廳倉穀各摺片陝回竄陷神木高家堡後盤踞烏神旗分擾府谷縣等處竄入準噶爾旗界並有賊匪竄踞十里長灘及巴漢圖地方距托克托城不遠河防萬分喫緊即著該署將軍等嚴檄札那格爾第激勵諸軍相機攔截一面飛飭馬陸督率兵勇嚴守要隘其烏喇特三旗無險可扼並著設法嚴防以遏東竄杜嘎爾計已帶兵啟程著即趕緊前進會同德勒克多爾濟等迅籌剿擊殺城需兵甚亟著文盛再行酌撥察哈爾馬隊兵數百名派員帶交德勒克多爾濟杜嘎爾等調度以資厚集匪蹤趨向靡定儘竟越河分擾則晉疆岌岌可虞鄭敦謹務當抽撥勁旅遴選得力將弁督帶取道河保傍河北上迎頭截擊毋任闖入薩清托等廳所管地面邊關又無城堡可守所有扼要防堵及稽查奸宄彈壓匪徒各事宜著鄭敦謹遴派結實可靠之員前往各該廳協同辦理

以資得力並著劉典迅咨金順帶兵由神木等處跟蹤追剿以孤賊勢此次賊偏河干蒙古官兵堵截不力著德勒克多爾濟等查明據實參辦陳國瑞所部見在山東剿賊所請調由吉州迎剿之處著毋庸議山西撥解文麟等軍餉銀五萬兩即著照該署將軍等所請暫行截留應用仍著鄭敦謹於應解歸綏餉內迅撥銀五萬兩解赴歸綏轉解文麟等軍營毋稍延緩歸綏應常平倉存穀二萬八千餘石著即咨明鄭敦謹撥歸綏道迅行動碾提運以濟軍食將此由六百里各諭令知之○諭成祿奏遵旨部署出關請催楊占鼇赴肅接替暨酌撥甘涼米石迅催川省協餉及請飭派員辦理糧臺各摺片關外盼援甚急疊經諭令成祿俟楊占鼇到肅即趕緊出關楊占鼇奉旨已久何以尙未到營著穆圖善催令迅速帶隊馳往接辦防剿毋許遲延成祿著一面趕緊部署俟

東華續錄

同治七十二

七

楊占鼇到肅後即行拔隊馳往哈密等處盡心勦辦不得藉詞逗留自干重咎鎮西一軍著准其統帶出關以厚兵力該提督出關後自應多備餉糈所有前請飭撥倉糧十萬石內未經解到七萬石著穆圖善在甘涼屬下再行分撥數萬石並著先期籌備裹帶以裕兵食上年諭令四川先撥銀十萬兩解交成祿軍營迄今尙未解到著崇實查照前撥餉數剋期解交毋稍延緩並著穆圖善遴派得力道府一員前赴該提督行營辦理糧臺事務以資臂助將此由六百里各諭令知之○予山東陣亡總兵官朱發典等祭葬世職○丙寅諭軍機大臣等英翰奏官軍先後獲勝並追剿情形一摺程文炳牛師韓在高唐擊賊獲勝陳國瑞由陵縣平原追至高唐連獲勝仗莫組紳陳國瑞復於在平夜襲賊營疊獲大勝勦辦均屬認真賊匪無日不遇官軍疊遭挫敗勢已窮蹙正可乘

此機會合方殄除著左宗棠李鴻章李寶楨英翰督催各路官軍會合兜剿迅殄賊氛一面飭令防河將士嚴密扼守毋任竄渡河西再致蔓延此次東院及陳國瑞等軍剿賊均各盡力李鴻章等所部各營何以並未接仗該大臣等務當振刷精神力圖會剿以期速就蕩平不得任聽各將士遷延觀望自干咎戾陳國瑞剿賊奮勇所需軍火糧餉著英翰隨時接濟馬步各隊並著該署撫酌撥數營歸其統帶以厚兵力兼飭程文炳牛師韓等軍與該侍衛合隊實力痛剿俾竟全功將此由六百里各諭令知之○丁卯左宗棠奏前因捻逆圖由東昌竄越運河北窺東昌一帶牆工已成防軍厚集追軍又緊躡其後度不得逞遂向東北疾趨仍圖撲直隸運河臣時在吳橋慮直隸運河地段縣長防軍單薄所恃居民羣萃西岸自相團結憑河固守惟中段運鎮上下數十里閒居

東華續錄

同治七十二

六

民星散牆工未興又值運河水勢漸落局勢懸殊臣於閏四月初六日夜率親軍五千銜枚急進初七日馳抵運鎮探騎還報數十里內尙無賊蹤因包連鎮築壘開濠屏蔽要津以重形勢並移全軍駐之初八日賊騎由南皮界竄至東光縣境將犯連鎮大隊距連鎮已不過三十餘里臣一面促修濠壘一面派騎兵分途偵之遇賊邊騎擒獲老賊牛懌兒等及從前官軍被擄者共二十餘人訊知賊意直注連鎮途聞連鎮已有官軍駐紮改向正南急趨各起邊馬亦均折回南竄是夜臣復引軍赴吳橋初九日馳抵西關則賊已由吳橋進東南竄去比劉松山張曜宋慶程文炳郭運昌春壽喜昌馬步各軍馳至吳橋則已無及臣以連鎮緊要所築牆濠未固是日仍馳回連鎮察度賊情妄思竄越運河西岸別覓生路如運西防固則猛撲滅河亦在意中竊維防剿各軍均集

德州臨清東昌一帶此外惟滄州減河駐有楊鼎勳一軍余承恩
劉景芳各營約計馬步尙有一萬四五千而運西則僅劉祺三營
明慶博崇武馬隊兩起 臣屢奉諭旨嚴扼運西所部亦祇親兵五
千人見駐東岸連鎮以勦爲防除守壘外出隊八成不滿四千之
數且防且勦兵力不敷見在各軍任防者約六七萬前敵之軍除
劉松山郭寶昌喜昌馬步二軍外尙四萬有奇聞陳國瑞帶來勇
丁亦一萬二千有奇是南路防勦之軍多於北路不止數倍近奉
諭旨又須酌撥數營分防減河藉資休息而揣度賊勢既不得逞
於南必仍肆志於北待其既北而防之必落賊後且劉松山喜昌
馬步兩軍由陝西山西河南直隸以至山東與劉摺之寇相追逐
兵馬實形勞頓若不及時稍予休息誠恐無益有損其張曜宋慶
程文炳春壽馬步各軍均已咨交李鴻章調度見正緊躡賊蹤向

東華續錄

同治七十二

九

西南追勦 臣見調劉松山移軍回紮東光縣北二十里下口一帶
郭運昌紮柳莊一帶北距減河七十里分劉松山所部提督黃萬
友兩營總兵章合才一營馬隊一營及郭運昌所部一營合共五
營前赴減河運河交接地方分紮一面咨提督楊鼎勳將見駐減
河口之營勻縮十里向東移紮以便劉景芳余承恩等營接遞勻
減移向東北以期周密黃萬友等馬步五營所以移紮減河偏西
十里者以其地防務緊要黃萬友宿將可恃又本係劉松山軍中
分統之員一軍分紮聲息時通可期聯絡也其減河東北濱海各
處乞飭下崇厚將見紮豫軍勻撥分紮以期周妥再查減河洩運
入海河形係向迤北其入海之處距津郡不過數十里賊如窺伺
東北似天津之軍亦可馳往策應以壯聲援津郡既恃減河爲外
護臨時派兵策應減河防軍卽所以固津郡之防較之增調入戰

疲勞之軍更爲可恃至劉松山郭運昌喜昌馬步數軍雖暫時分
減運之防兼資休息然揣度賊情不久必仍將北竄尙可易尾追
之軍取攔頭橫截之勢於勦局不無微助又奏據劉松山張曜宋
慶春壽喜昌稟報閏四月初四日追賊至德平李家莊賊不及防
我軍分三路並進合力夾擊賊敗奔數里值小港橫前各軍蹙之
生擒賊目楊沅等及悍賊一百二十餘名劉松山所部總兵宋發
與宋慶所部守備李學文均深陷賊陣中礮殞命賊敗向東北轉
向正東竄走初六日竄過海豐東北四十里復折向慶雲縣東北
劉松山等追及騎賊二千餘忽拌死回撲劉松山麾所部奮勇衝
殺立斃執旗騎賊數十名張曜復由閭家莊繞出賊後宋慶與春
壽喜昌亦由大李莊橫截而出賊遂敗潰斃賊二百餘名初七日
追過鹽山至滄州界是夜捻首高老步韓錦生等率黨三百餘人
東華續錄 同治七十二 十

東華續錄

同治七十二

十

周老鳳率黨七十餘人詣劉松山軍前乞撫訊知賊中洵懼殊甚
張總愚喉各賊據板片繩索向泊頭下口一帶搶撲運河劉松山
等立即拔營於初八日馳抵下口附近見賊方搶運板片箱櫃劉
松山等馬步並進賊勢不支折向西南紛竄劉松山等循東岸追
殺三十餘里至東光縣南沿途共斃賊數百名生擒三十餘名賊
方擬搶撲連鎮聞 臣軍已移紮連鎮遂繞由梁家集撲吳橋適
由連鎮徑趨吳橋劉松山等各軍亦躡追而至賊又從東逸去所
有陣亡之總兵宋發與守備李學文仰懇 天恩飭部從優議卹
以慰忠魂 上諭軍機大臣等捻逆見竄在平高唐博平等處疊
經東院及陳國瑞各軍擊敗該逆圖竄運西不遂勢必仍折而北
向東光吳橋及天津減河一帶搶渡左宗棠分防地段自吳橋至
滄州捷地減河一百六十餘里僅止親軍五千人並劉祺三營及

明慶博崇武馬隊兩起兵力較單該大臣見調劉松山移軍回紮東光所屬之下口一帶郭運昌一軍移紮柳莊一帶並分劉松山所部黃萬友章合才四營郭運昌所部一營前赴滅河運河交接地方駐紮兼令楊鼎勳將所部見駐滅河口之營勻縮十里向東移紮以便劉景芳余承恩等營節遞勻滅移向東北籌辦尙屬妥協至滅河下游入海處所距津郡僅數十里該處防兵即可由津軍內就近撥往崇厚即撥津軍各營並添募勇丁前赴下游河岸嚴密扼守毋稍推諉左宗棠崇厚既經專辦防務即當加意嚴守不得稍涉疏懈其進剿事宜即著責成李鴻章認真辦理務當督飭見有前敵各隊並陳國瑞一軍儘力追殺與各處防軍互相策應俾得迅殄賊氛春壽所統馬步各軍著李鴻章飭赴滅河一帶協同防守如遇賊蹤北竄即可迎頭截擊並與喜昌所部馬隊聯

東華續錄

同治七十二

三

絡聲勢以戶兵力將此由六百里各諭令知之○予陣亡總兵宋發興等祭葬世職○已已諭軍機大臣等庫克吉泰劉典奏西北兩路各軍剿賊疊勝甘回竄陝見籌防剿林壽圖奏甯州合水失陷情形各摺片提督劉端冕在鄜州道左鋪等處督軍進剿斃賊甚多賊向西竄其分擾汧隴麟鳳之賊亦經蕭德經羅洪德等迎擊獲勝董志原回逆與土匪潰勇連陷慶陽甯州各城悉由靈臺南竄武功渭河一帶亦有賊蹤劉典見由醴泉移紮咸陽係爲兼顧陝垣起見惟逆眾傾巢竄陝意圖就食鳳境而中宜鄜洛等處賊蹤方張若不亟圖掃蕩勢必聯成一片進剿愈難著庫克吉泰劉典嚴檄劉端冕等軍分投攔擊迅殄逆氛劉典即由咸陽督飭魏光燾等併力西向毋得株守一隅致賊勢日形延蔓林壽圖奏稱甯州仍爲賊踞慶郡守城官兵敗遁各情署甯州知州凌光漢

東華續錄 同治七二

於州城失陷時隱忍偷生實堪痛恨著穆圖善迅速查明從重參辦署合水縣知縣楊炳華力戰捐軀亦著查明請卹逆酋禹得彥等糾黨圖逞並著穆圖善等咨令雷正綰實力堵遏毋稍疏虞雷正綰軍營糧餉林壽圖務當隨時接濟以贍軍食慶陽地方緊要知府員缺豈可久懸穆圖善亦當遴派妥員前往莅事以資撫輯將此由五百里諭知穆圖善庫克吉泰劉典並傳諭林壽圖知之○予陝西傷亡同知李卿林等祭葬世職○庚午李鴻章奏閏四月十一日逆匪南竄高唐在平界內陳國瑞在天官廟鈔出賊前擒斬甚多斃逆首陳熊一名十二日東軍王正起等在往平接仗獲勝張曜宋慶適至夏津東南一帶攔截賊騎散漫徧野宋慶等突出猛擊大股倉皇折走生擒騎賊五十餘名皖軍程文炳牛師韓等是日亦在高唐迤西截擊屢有斬擒十三日陳國瑞遇賊

東華續錄

同治七十二

三

於在平清平之交竭力勦洗賊不繼戰向東潰走十四五等日又竄禹城平原一帶昨又由陵縣之南竄往臨邑據生擒賊供逆情窘迫時圖搶渡運河見在連旬晴燥張秋黃河口業已斷流東昌臨清滎河淺涸殊甚東皖淮軍聯紮濼濱布置嚴兵力較厚似尙無虞自臨清北至滄州運河上通衛河雖有來源日落水二三寸西岸直東民團均集紮牆官文派臬司張樹聲道員歐陽正墉丁寶楨派候補道王成謙等分投督催臣添派直東紳士道員李逢春裘德俊提督傅振邦前往會同督勸以冀剋期集事昨因水淺賊近德州上下牆工閒有斷缺之處潘鼎新帶隊由滅河來德飭令先其所急撥往景州東岸分飭弁勇過河替修吳橋至景州長牆三十餘里又令周盛傳帶隊由四女寺過河替修故城至德州長牆五十餘里運西團勇見官軍通力合作愈增踴躍旬日之

一一

開河竣工惟河道過長自連鎮北至滄州西岸有京營馬隊直
 省練軍協同民勇分段防守連鎮南至臨清數百里則專恃民團
 強弱不齊未盡可靠各省客軍俱在前敵本難分撥且南勇與北
 人本不相習民團既不願與之雜處客軍亦不能全行替防再四
 籌維惟有揀派各軍輪替出擊更番休息其休息之軍即在河岸
 擇要屯駐俟賊竄近立即迎擊以勦為防左宗棠已派劉松山郭
 寶昌喜昌等軍自連鎮北至滄州減河東岸分紮與捷地楊鼎勳
 等軍聯絡策應 臣亦派張曜宋慶分紮夏津高唐一帶程文炳紮
 陵縣吳橋一帶遇賊回竄整隊截擊兼為運防遮護 臣前因北運
 河寬深廠船可以得力咨商曾國藩調長江水師提督黃翼升督
 帶數營前來助防昨准曾國藩咨覆已令黃翼升統淮揚水師五
 營北渡張秋候調日來黃水消落各廠船阻滯張秋不得進口早
 東華續錄 同治七十二 三

晚若得大雨河水增漲廠船可至運防較有把握東昌以南前派
 郭松林往紮嗣因進剿喫緊先令道員丁壽昌帶銘軍北來替防
 但該處運河極涸水僅數寸仍虞地廣兵單已咨商河南撫 臣李
 鶴年將兗州滑縣之提督馬德昭六營調往東昌以南與丁壽昌
 聯絡布守據報業經啟程郭松林昨已帶隊抵德 臣令與潘鼎新
 善慶春壽溫德勒克西及侍衛陳國瑞等會合由陵縣前進覬賊
 所向併力痛剿以期早就殲除又奏據張曜宋慶稟稱閏四月十
 八日追賊至臨邑縣境適該逆由東北折向西南時當薄暮因飭
 各營潛伏樹林宋慶親率劉廷等張曜親率賈慧山等選帶精銳
 銜枚疾進匪眾正在搶踞村莊我軍分投猛擊逆首張總導等率
 黨抗拒官軍奮力衝殺該匪敗歸村莊復經劉廷督率馬玉坤等
 由左路進李永芳等由右路進攻破賊踞村莊十餘處悍賊殺斃

無遺張總愚仍率全股來援張曜宋慶督隊猛擊該逆且敗且走
 繼為河溝所阻倉皇搶越我軍乘勢追壓賊大潰奔宋慶等追殺
 二十餘里始行收隊生擒四百餘名斬賊約千餘名並獲賊首
 瑣李鳳林二名解散脅從甚眾餘眾向東北逃遁等情 臣查宋慶
 等軍最善夜戰近來賊情剽悍見兵即走白晝追逐難得接仗晚
 間必離官軍數十里外圍聚露宿宋慶等調得其情乘夜襲剿有
 此快捷足塞逆膽惟賊技愈窮圖竄愈速難保非引我軍追往東
 北忽折而西伺隙撲運 臣屬 曜等俟郭松林等軍前進接追該
 軍暫行回扼高唐夏津一帶待賊回竄相機攔剿兼可遮護運防
 所有該軍此次戰勝尤為出力將弁可否懇恩准 臣查明存記彙
 案請獎以示鼓勵又奏前奉諭旨劉銘傳計報起程著令迅赴前
 敵統帶各軍共圖滅賊查 臣自前次奏催劉銘傳不營正深盼望
 東華續錄 同治七十二 四

旋接該提督函稱左股瘡毒復發赴六安州就醫潰出血數升
 疼痛異常步履維艱見在趕緊醫治一俟瘡毒收口即力疾就道
 斷不敢有意遷延等情查劉銘傳素性直爽尤不慣以清閒自處
 聞其左股瘡毒係名跨馬難若不即愈於戰陣馳驅固非所宜據
 稱瘡疾收口即行就道為期當不甚遠見在運河圍局漸成逆情
 窘迫思竄如果河水旺發師船並集在事諸將帥均以防務為重
 使猛撲不過諸軍就地協力痛剿可冀殲滅有期若各軍皆圖進
 剿不顧其後賊騎飄忽無定恐乘水淺之時空虛之處亡命衝突
 亦意中事此不可不慮者也 上諭 軍機大臣等王正起陳國瑞
 等軍在在平高唐等處剿賊獲勝程文炳牛師韓在高唐截擊張
 曜宋慶在夏津東南攔截亦均有斬擒賊匪見由陵縣以南竄往
 臨邑著李鴻章檄飭追軍與該處團勇合力兜剿痛加殲戮毋任

喘息東昌臨清隔河水勢淺涸李鴻章見調馬德昭一軍前赴京
昌助守著即督飭在防各軍聯絡聲勢協力防堵毋任賊眾竄越
河牆臨清隔河以下運防並著設法嚴密布置毋稍疏漏張曜宋
慶在臨邑剿賊大勝所部出力將士准李鴻章存記彙案保奏劉
銘傳見患骸疾著李鴻章催令趕緊醫治一俟痊愈即檄調赴營
毋任遷延自便見在賊勢漸形窮蹙李鴻章正當乘此機會督飭
諸軍更番輪擊以期迅速蕘事若僅知防守運河置進剿為緩圖
必致賊倂復張辦理更難措手李鴻章務當一面防守一面追剿
不可顧此失彼致失機宜另片奏請將陳國瑞營軍餉由山西等
省撥解本日已寄諭鄭敦謹等接濟矣該侍衛前已有旨令李鴻
章調遣著該大臣即檄令力洗舊習奮勉立功以觀後效如其故
習復萌不遵約束李鴻章亦常隨時參奏所請將桂錫植兄子釋
東華續錄 同治七十二 天

即督該署撫嚴參懲辦毋稍姑容陝省賊氛日熾晉省河保各邑
暨薩托清等城更形喫緊著庫克吉泰劉典遵奉前旨迅撥得力
兵勇將延榆等處回匪實力剿洗即著駐紮榆林嚴扼沿河邊隘
與晉省防兵互為聲援毋稍疏失將此由六百里各諭令知之○
諭旨西迅解巴里坤軍餉○命榮奎奎昌李雲麟會同俄官建新
疆毗境界牌鄂博○辛未諭內閣盛京將軍都興阿著管理神機
營事務授為欽差大臣馳赴天津等處會同左宗棠李鴻章勦辦
賊匪所有春壽陳國瑞張曜宋慶四軍馬步各隊均歸調遣其餘
吉林黑龍江馬隊並著都興阿酌量札調都興阿所請隨帶之侍
衛興凌等均著准其帶往三口通商大臣兵部左侍郎崇厚著幫
辦都興阿軍務兼籌糧餉軍火以資接濟仍駐天津督辦防守事
宜前有旨諭令左宗棠李鴻章限一月內滅賊迄今限期已滿賊
東華續錄 同治七十二 天

放之處桂錫植勦賊出力如果始終不懈俟軍功完竣時自當將
該軍員家屬全行釋放並將桂錫植加恩獎勵也將此由六百里
諭令知之○諭鄭敦謹奏河保喫緊分飭堵禦並請飭陝省另調
一軍駐紮榆林各摺片前據德勒克多爾濟等奏賊匪攻陷神木
擾及府谷等處當經諭令鄭敦謹派兵取道河保迎頭截擊茲據
該署撫所陳各節與德勒克多爾濟等前奏大略相同見在陝省
之邊內草地均有賊擾晉邊內之河保口外之清托薩包等處
同時喫緊該署撫雖已咨明綏遠城將軍添兵嚴防口外沿河各
處其河保沿邊各處已飭在防文武各員弁分投堵遏布置漸能
周密惟防務萬分喫緊非有大員親往統率不能聯為一氣見在
潞澤防務較鬆著鄭敦謹另派委員駐守即行馳往河保一帶擇
要扼紮嚴督在防各將士加意梭巡實心堵禦儻有稍涉疏懈者

股仍未殲除實屬督勦不力均著交部嚴加議處仍責令該大臣
等會同都興阿協同勦賊務將此股捻匪迅速殲滅毋再遷延致
干重咎著與阿未到以前該大臣等仍當嚴飭各將領認真防勦
毋稍觀望致誤戎機○諭軍機大臣等前因捻逆竄擾直東大肆
猖獗疊經諭令左宗棠李鴻章督兵勦辦並立定期限令於一月
內勦辦淨盡見在限期已滿而賊匪全股尚未蕩平仍復奔突自
如該大臣等辦理毫無成效本日已明降諭旨將左宗棠李鴻章
交部嚴加議處並令都興阿管理神機營事務授為欽差大臣兼
命崇厚幫辦都興阿軍務都興阿久歷戎行於管帶馬隊事務尤
為熟悉是以令其前赴直東一帶會同左宗棠李鴻章勦賊期於
追剿迅速早行蕘事該大臣務當與左宗棠李鴻章等合力同心
妥商籌辦不得稍分畛域崇厚亦當妥籌軍火糧餉接濟都興阿

軍營並將天津防務嚴密布置不得稍形鬆懈左宗棠李鴻章與都興阿同辦一事尤當互相聯絡隨地策應於運河防務固宜盡力布置於會剿事宜亦不可稍涉推諉致懈軍心官文丁寶楨英翰於防剿事宜當隨時與都興阿左宗棠李鴻章合力籌辦不得稍存觀望以期共殄賊氛懋膺上賞將此由六百里各諭令知之

○諭崇厚奏派撥兵勇赴減河下游防守並會國藩等奏調用閩省輪船赴津各摺片天津減河上游已經左宗棠抽派劉松山郭運昌等營勻紮其下游自吳莊至祁口一帶見經崇厚派令劉景芳余承恩春霖三軍防守並添募勇丁兩營以資厚集所陳於水淺處所扁掘陷窆斷岑子頭高埂並雇雁艇槍勇巡防各節籌辦尚屬妥著即認真辦理不得有名無實蘇省捕盜輪船不適於用閩省之華福寶輪船見在上海可以移調北來俟駛抵天津

東華續錄

同治七十二

毛

後著崇厚飭令該督帶委員沈應奎等於津門沿海洋面一帶實力巡緝所有軍火糧餉並著妥籌接濟毋令缺乏曾國藩等原片著鈔給閱看將此由五百里諭令知之○調福建輪船巡防天津海口斷捻逆接濟○諭劉坤一等籌解清淮軍餉○壬申諭軍機大臣等文麟景廉奏請簡放都統並委署道缺及吉恆解餉情形阿底爾句逆復仇並文麟奏親督隊伍剛進擊敗安玉竄匿暨請飭伊勒屯等迅解截贖軍餉各摺片烏魯木齊都統統轄各城當此軍務喫緊之時自應派員總統方可呼應靈捷惟文麟等既未能前進而伊勒屯亦有巴里坤應辦事務未便簡派所請著毋庸議其鎮道員缺准其即以黎獻暫署著穆圖善准令出關赴任接辦催運事宜其屯田都司把總並准其以魏忠義徐天智署理主事鍾貴既於人地相宜即著准其接署主事原缺所有伊勒屯

派往之筆帖式伯恆著即撤回哈密地方遠聞文麟等擬分兵籌辦尚屬可行著文麟即行前赴哈密新任景廉暫駐後路以防安敦玉並催運一切所有西路竄賊著文麟等飭令魏忠義確探情形隨時防剿伯克阿底爾先經擊獲何以復被回逆搶回致令糾眾復仇所稱回子小玉素普與郭鳳賢將阿底爾酷刑拷打勒逼謀殺賄縱等情文麟等既經據伯恆所稟咨詢何以伊勒屯等並未具覆即著伊勒屯何瑄查明阿底爾原案覆奏其伊勒屯等截留餉銀前因巴城待餉孔亟文麟等又無出關消息是以准其提用惟哈密亦屬支絀伊勒屯何瑄遇有餉到即行撥還嗣後不得再行截留各分畛域致干咎戾並著文麟等迅派委員前赴山西烏里雅蘇台迎提以濟急需吉恆催餉不力著暫行革職安敦玉一帶物產有限見在文麟各軍籌糧甚艱所有肅州各軍著穆圖善飭令毋庸前赴關外籌辦糧餉俾文麟等餉稍得以寬為接濟其沁城一帶能否興辦屯田並著文麟景廉等察度情形妥為辦理將此由六百里諭知穆圖善文麟景廉伊勒屯並傳諭何瑄知之○癸酉諭內閣吏部奏遵議各倉監督並倉場侍郎處分一摺富新倉監督鍾霖等均著照部議革職倉場侍郎鍾岱宋晉總理倉儲職任綦重於各倉虧短米石毫無覺察實屬不能勝任鍾岱著調補秦甯鎮總兵兼總管內務府大臣宋晉著補授內閣學士兼禮部侍郎仍照部議革職畱任鍾岱於天津驗收海運米石完竣後再行赴任宋晉於通州收米事竣再行來京供職○以衍秀為倉場侍郎由秦甯鎮總兵官遷○調畢道遠為倉場侍郎以鮑源深為工部右侍郎由左副都御史遷○是月緩徵江蘇邳州等三州縣被擾新

東華續錄

同治七十二

毛

舊額賦

五月丁丑朔諭軍機大臣等劉嶽昭奏行抵曲靖分軍力救省圍兼防東路並請調員差委各摺片滇垣西南北三門均爲池西賊匪所圍其尋甸之賊與省賊響應窺伺東曲省外之大板橋楊林等處經岑毓英屢挫賊鋒糧道無阻劉嶽昭見抵曲靖擬進攻尋甸早解省圍以保全東路著卽嚴檄全祖凱李家福等相機夾擊先將尋甸一路廓清一面飭令宋廷春率在城文武將省防嚴密布置並會同岑毓英妥籌防剿力維全局晉甯一路亦當檄令梁士美等實力進攻以分賊勢據稱移咨四川分撥藥鉛數萬軍火爲進剿急需著崇實迅籌鉛藥數萬斤派員解赴劉嶽昭軍營應用並著源接濟毋令短絀四川候補道李祐旣據該督奏稱熟悉滇省情形卽著崇實迅飭該員刻期前往交劉嶽昭差委以資得力將此由五百里各諭令知之○戊寅左宗棠奏疊接探報賊東華續錄 同治七十二 五

於閏四月十九日由臨邑北竄德平二十日前股向東竄走臣料追軍緊躡賊後計期可抵陵縣甯津一帶賊必東趨樂陵北趨鹽山當卽函商劉松山郭運昌向鹽山橫出截之劉松山等卽於二十二日拔營向東路進發二十三日劉松山於途次得報賊竄山東武定府城西三十餘里之楊家圈八里泡等處卽與郭運昌商赴樂陵比抵樂陵東北十餘里之于家莊訊知賊又竄向海豐縣之東南一帶劉松山慮北面空虚急與郭運昌議北出鹽山截之二十四日馳抵鹽山縣東南八里之劉家莊探得賊在海豐縣之大山一帶距官軍七十里卽於夜深月出時潛師東出行五十餘里抵小山暫憩樹林中適副將譚拔萃覘賊回報賊由東來折向北趨距我軍僅十里劉松山卽分軍由中右兩路郭運昌由左路整隊而進馬隊張兩翼隨之甫行二里許賊瞥見官軍卽停止列

隊官軍三路猛撲賊不能支向南潰竄劉松山郭運昌揮各營壓擊而南追至二十餘里沿途賊屍枕藉官軍方小憩取飲訊據獲賊供稱前面十餘里小港前橫水不過尺劉松山立飭各隊飛奔前進行八九里賊正過港殿後之馬步悍賊忽見追軍又至急列隊回撲維時郭松林潘鼎新陳國瑞等追賊適抵港南已過港之賊復折而北劉松山郭運昌齊隊猛擊賊遂向西奔竄其東面零賊甫過港而北者希圖歸併西向經官軍截擊斬略盡各營乘勝追殺二十五里至蘇家集天晚收隊是日疾馳一百三十餘里共斃悍賊五六百名生擒二百餘名是夜賊於鹽山東北虛燒望火以疑我軍而大股於五鼓踰鹽山而西踞城外數里村莊四出掠食劉松山等於三鼓後拔隊由鹽山東北向西急進二十六日天明已抵鹽山城北賊不虞官軍猝至卽紛紛逃竄劉松山郭運昌分路鈔殺其未及竄出者約二百人圍殺淨盡西面各村踞賊急喊大股回援官軍屢戰一時許斃賊甚夥乃紛向西南敗竄劉松山郭運昌合隊追殺二十餘里擒斬悍賊其眾內有賊目唐金生趙春元等數名是日午後復追至樂陵縣之于家莊計且戰且追者又一百三十餘里始行收隊二十七日午刻劉松山郭運昌追至德平屬之孔家鎮各營小憩樹林中忽鎮南騎賊千餘突撲郭運昌隊伍郭運昌嚴陣擊之斃賊亦多比劉松山整隊來援則賊去又遠是日追至德平城西數里之李家樓探賊仍由德平之南竄去查德平之南與商河濟陽緊連西與臨邑陵縣接壤李鴻章前調郭松林潘鼎新兩軍追賊時令張曜宋慶回高唐夏津一帶原以待賊回竄防護運西此次擒眾折向南趨其窺伺運防別覓生路固在意中所幸南路兵力厚集賊雖回竄必不得逞惟北

路兵力本單劉松山郭運昌兩軍連日追逐計程又七百餘里將士未嘗一日休息亦未忍再加迫促仍飭該軍雷駐北路以防回竄 上諭軍機大臣等此次劉松山等由樂陵急赴鹽山截賊北竄之路辦理尙合機宜賊蹤雖已由德平南竄仍虞伺隙折回左宗棠飭在防各軍嚴密扼守運河天津減河下游著崇厚一體嚴防毋稍疏懈德州至臨清東昌一帶李鴻章當與英翰丁寶楨等督飭各路守軍防剿兼施毋任撲越運河並嚴飭各營認真痛剿不得沾沾以小勝自喜稍涉鬆勁都興阿見已前赴天津著即齊集馬步各軍趕緊進剿既可杜其回竄兼可追剿迅速並著左宗棠李鴻章丁寶楨英翰各飭所部一面嚴守運河一面與都興阿聯絡聲勢會合夾擊不得因有都興阿進剿遂致互相觀望總期和衷共濟合力同心膚功早奏方爲盡心公事李鶴年所陳張東華續錄 同治七十二年

曜軍在夏津等處獲勝情形尙係十一日以前之事見在賊仍由北路南竄東昌臨清一帶正須嚴防馬德昭一軍已經李鶴年派起東昌著即飭令該提督會同在防各營認真遏截該撫見帶四營馳赴大名著與臨清東昌防軍就近策應隨時赴援以固運防並嚴飭帶隊員弁約束兵丁毋任搔擾地方是爲至要將此由六百里各諭令知之○諭前因總理各國事務衙門奏查明誤據諾海安集延貿易牲畜請飭會辦當經諭令榮全會同李雲麟等斟酌妥辦茲據榮全奏稱接准棍噶札勒參來咨語多任性礙難照辦並鈔錄咨文呈覽一摺棍噶札勒參前因迎接索倫等隊路遇拜精格特哈薩克搶掠牲畜互相接仗雖出一時情急究屬冒昧自應靜聽榮全等妥善辦理以息爭端該喇嘛負性強驕不知輕重設竟糾眾肆殺將來辦理諸事窒礙愈多著李雲麟明錫

綸就近善爲開導務須阻止該喇嘛不可因勦洗哈薩克致滋俄人口實並著榮全隨時咨商辦理榮全摺並咨文各一件均著鈔給李雲麟等閱看將此由五百里各諭令知之○予貴州陣亡副將唐立莪等祭葬世職○已卯諭內閣前據會國藩等奏擬補長江水師各缺續陳未盡事宜並請以大銜借補小缺各摺片當令軍機大臣會同該衙門議具奏茲據奏稱總兵係專闈大員例應特簡所有岳州鎮總兵等缺應否仍由軍機開單請旨簡放抑或按照廣西右江鎮雲南普洱鎮之例令該督等另擬正陪請旨簡放等語長江水師事屬伊始該督等請補各缺自爲因地擇人起見所有岳州鎮總兵員缺著准其以彭亨禮借補漢陽鎮總兵員缺著准其以許朝琳補授湖口鎮總兵員缺著准其以丁義方補授瓜鎮總兵員缺著准其以吳家榜借補嗣後遇有該四鎮東華續錄 同治七十二年

缺出卽由該省督撫保舉堪勝總兵人員擬定正陪請旨簡放其請補副將以下新設各缺著照所議准其以周國興等行借補至未盡事宜十條及大銜借補小缺章程均著照所議辦理長江水師所轄江面延袤五千餘里職任所關甚重該督撫等務當會同該水師提督隨時實力整頓期於經久無弊毋任漸形懈弛以重營務而固江防○庚辰李鴻章奏據張曜宋慶稟稱擊獲賊匪楊見山供稱跟隨逆首偽淮王邱遠才多年閏四月十八日夜官軍攻破邱遠才住處邱逆不及騎馬帶同伊等逃跑甫出莊外半里槍斃之下忽見邱遠才受傷倒地伊躲入路傍小廟復見官軍二人過去用矛連扎諒已身死等語查邱遠才係粵逆餘黨與賴汝洸同入捻夥張總愚與之狼狽爲奸實爲賊中巨擘若果伏誅足孤張逆之黨俟確查再行具奏郭松林潘鼎新與陳國瑞合軍

進剿於二十四日追抵陽信縣城二十餘里即遇賊隊該逆不敢
接仗直由海豐竄向東北二十五日潘鼎新郭松林追出西北之
大柏山以攔截之劉松山郭運昌亦各帶隊由南皮鹽山迎剿行
抵小山地方適遇賊由東向北劉松山等分路進鈔賊聞官軍在
北相率停住列隊劉松山郭運昌乘勢猛撲賊紛紛潰走追四五
里張逆復糾眾回拒我軍酣戰半時斃賊甚夥賊仍向南敗竄前
面隔一小河賊已撲過郭松林潘鼎新大隊適至善慶溫德勒克
西唐仁廉等馬隊分列兩翼蟬聯而進該逆抵敵不住越河遁去
郭松林等由後追殺二三十里斃賊二百餘名劉松山郭運昌復
由北面衝擊賊遂折向西奔我軍乘勝追殺又斃賊數百名追至
鹽山城外賊向西南狂奔陳國瑞追過樂陵二十七日及賊接仗
殺斃百餘名二十八日各軍會追至臨邑城南賊由禹城向西南
東華續錄 同治七十二 五
一帶奔一旣軍程文炳牛師韓於二十七日繞出平原縣南遇賊
騎回竄當即督隊迎剿賊又向南敗走查賊情窮蹙之餘極爲狡
猾恃其多騎善走避兵疾驅徒疲我師難得痛戰實深憤急據陳
國瑞函稱該逆欲由在平清平直撲臨清圖渡運河該倚衛已帶
隊由平原赴高唐相機迎擊 又飛飭張曜宋慶由恩縣北往
津一帶攔剿郭松林潘鼎新等由禹城一帶兜進冀收夾擊之效
上諭軍機大臣等此次捻逆乘虛北竄經劉松山等迎擊後經
郭松林陳國瑞等追擊該逆敗後仍向東南回竄據陳國瑞稟報
該逆欲撲臨清渡運其計甚爲狡詐著李鴻章即飭該侍衛會合
各軍奮力追剿毋令得以竄逸英翰近在臨清丁寶楨亦相距非
遙並著督飭各軍嚴密防剿毋令一人一騎得竄運西致干重咎
陳國瑞自春間帶隊以來未見奮勉出力此次由豫赴東雖經屢

次接仗亦僅截殺尾賊未能痛加剿洗遠不及昔年山東剿賊之
時著都興阿李鴻章傳諭該侍衛會合諸將領同心協力迅殄逆
氛張曜宋慶郭松林潘鼎新等亦係帶隊大員務當忠誠共矢不
遺餘力毋得稍有推諉觀望本日李鴻章奏劉銘傳所部剿捻出
力各員獎勵一摺劉銘傳向來卓著戰功特沛恩施降旨允准該
提督當亦倍加感奮著李鴻章傳諭劉銘傳迅赴前敵督隊剿賊
以仰副朝廷終始成全之意捻逆被剿既急難保不復圖北竄並
著左宗棠崇厚嚴振運減各河遇賊即擊毋得鬆勁都興阿抵津
後即著會商左宗棠等檄飭各軍兜剿迅奏膚功以慰懸盼此
由六百里各諭令知之○諭鄭敦謹奏遵撥官兵增防河保以北
相機迎剿一摺陝省神木等處回匪竄入準噶爾旗一帶該署撫
見派河保舊駐大同鎮兵一千名沿河北上與前撥選之存城官
兵等擇要駐紮即著鄭敦謹督飭馬陞統率所部規賊所向認真
截擊一面將船隻提歸東岸毋令該逆偷渡河保偏關一帶與陝
省神木府谷等邑僅隔一河該署撫仍當督飭防軍嚴密守禦不
可稍涉疏虞薩壽托等廳防務著即檄飭道員恆祐會商歸綏道
與奎等將稽查奸宄彈壓匪徒各事宜實心辦理毋得虛應故事
所有防剿機宜鄭敦謹當與德勒克多爾濟杜嘎爾等悉心籌商
妥爲調度以期迅殄逆氛該署撫見駐澤州距省北較遠應如何
兼顧之處並著統籌全局相機辦理將此由五百里諭令知之○
辛巳諭軍機大臣等庫克吉泰等奏遵覆籌兵會剿及土匪悔罪
投誠並飭劉厚基等派兵會剿穆圖善奏北路剿匪情形並河州
回匪畏懼乞降各摺片榆林境屬回匪既經庫克吉泰等抽兵會
剿即著飭令前敵各軍迅速痛剿盡殲醜類胡世英雷廷安之

兩營並著金順飭令歸併進剿以厚兵力土匪董幅祥是否真心投誠該將軍等自能酌度即著會商金順妥為辦理不可墮其詭謀致貽後悔其收撫之後著金順嚴禁兵勇擄取財物俾得資生以免反側北路定靖一帶回逆竄陷梁鎮擾及甯條梁復有回竄之信又有土匪乘間竊發亟宜保護甯條梁要地以免肆擾著金順督率胡世英等軍相機堵剿毋令該逆得以逞志第聞胡世英從前頗知奮勉近來漸形驕縱其原帶各營已不能精選以致多有家室不守紀律未便再令管帶程興烈舊部著穆圖善另派妥員接管並著該署督會同金順檄飭胡世英裁汰老弱嚴加鈐束毋任兵勇肆意妄為以歸實用河州東南鄉回匪畏懼兵威懇請乞降其中誠偽朝廷無從遙測該署督既稱馬占龍所稟尚非虛語即著相機妥辦收繳器械馬匹補納錢糧並與布種以濟軍食其彭忠國等軍並著飭令嚴密扼堵毋任竄逸斤有陸靜土匪即著飭令陳德隆等會剿該署督斷不可因河州已撫稍涉大意致滋貽誤將此由六百里各諭令知之○以四川官軍攻克貴州偏刀水賊巢賞知府唐炳道銜○予甘肅陣亡副都統致奇祥阿等祭葬世職○癸未諭軍機大臣等丁寶楨奏官軍追剿情形一摺捻逆由武定鹽山竄至德平臨邑境內連日奔馳圍撲河牆經郭松林潘鼎新王心安等各率所部追至荏平甫經接仗賊即敗潰折向東趨該逆肆意奔突遇兵即遁官軍追逐多日並未獲一大戰痛加殲戮似此日事尾追疲於奔命於事何濟都興阿見已馳抵津郡著即前赴直東交界處所探賊所向四面布置統率馬部各隊實力夾擊使該逆不得任意奔竄以期一鼓殲除並著左宗棠李鴻章各飭所部節節進紮與追剿之師聯絡援應

俾該逆到處阻截為以逸待勞之計庶辦理較為得力天津滅河一帶崇厚當嚴加防範以備該逆回竄直東沿運河牆均經築就李鴻章左宗棠丁寶楨英翰均當督飭防軍嚴密遏守不可稍形疏懈致逆蹤竄越河西是為至要將此由六百里各諭令知之○諭庫克吉泰劉典奏擊退西路賊匪撥兵防剿西北並榆林等處被擾情形各摺片陝省西路鳳翔各屬被大股甘回竄擾經李輝武督率川軍在寶雞所屬之統縣鎮底店斜坡等處疊擊獲勝殲斃偽帥馬姓賊目趙姓並擊敗杜家莊等處股匪斃賊甚多其由扶風橫竄乾州之賊亦經常與阿等擊退敗竄岐山由鳳翔麟遊分路遁回甘境該逆竄鳳未遂復由邠長三水內竄中部經周紹濂督兵力戰疊獲大勝殲斃偽帥曹姓惟周紹濂所部兵力較單該逆見已分股由中部繞至洛川白水及宜君馬關鎮等處邵陽東華續錄 同治七十二年 美

澄城均有賊蹤勢甚蔓延劉典見已調派各營馳赴白水等縣剿辦著即嚴檄諸軍分路痛擊速行殄滅毋任擾至沿河一帶震及香疆北山土回各匪竄撲榆林各屬兵團失利神木失陷該逆分股竄往草地勢頗張庫克吉泰劉典務當檄調得力之軍迅速馳往剿辦並飛咨金順迅率所部會合延綏鎮總兵盡力剿除不得以去省較遠稍形懈弛三水邠州長武各隘並著庫克吉泰等派兵防守以杜該逆續行東竄昨據御史郭從矩奏請飭陝甘等省修築堡寨堅壁清野一摺所陳事宜三條於陝省情形有無可採著庫克吉泰劉典酌籌舉行郭從矩原摺著鈔給閱看將此由六百里各諭令知之○予陝西陣亡參將慶廉祭葬世職○甲申諭軍機大臣等鄭敦謹奏遵旨移防北路並請將知府等員開復頂帶各摺片陝回竄近準噶爾旗界晉省河保各邑及薩清托等

城情形喫重其潞澤一帶防務較鬆自應移緩就急力固省北鄭敦謹以甯武地處適中見擬由澤州啟程前往駐紮著即懷遵疊次諭旨迅將河保等處防務妥爲布置一面飛咨總兵馬陞統率所部探明何處有警即向何處截擊一面嚴檄郭得勝管帶忠字舊營與原駐河保之忠字新營各勇丁會合扼守毋稍鬆勁在省之撫標官兵並著抽出精壯數百名以資策應其攔車鎮大河口東陽關各隘該署撫仍當飭令陳膺福崇安等加意嚴防不准虛應故事知府陳膺福參將趙融既據查明無縱容勇丁情事其巡查口隘亦尚勤奮陳膺福趙融均著賞還頂帶仍飭帶隊以觀後效前據郭從矩奏請飭山西等省修築堡寨堅壁清野一摺所陳事宜三條於晉省情形有無可採著該署撫相度機宜飭屬斟酌辦理毋徒擾民爲要郭從矩原摺著鈔給閱看將此由五百里諭

東華續錄

同治七十二

五

自應設法接濟烏科兩城尙稱完善著麟興榮全錦丕勒多爾濟奎昌福濟車林多爾濟於該兩城官商及蒙古人等妥爲勸諭如有力能助餉踴躍輸將者准其給予議敘一俟捐有成數即解至巴城以濟軍食惟不得抑勒苛派致滋擾累奎昌奏蒙兵混布報稱聞布倫托海於四月二十六日夜間有難民變亂情事致附近蒙古各站人心驚惶驛路梗塞該處距布倫托海尙遠傳聞是否確實著奎昌等即派員繞道前往探明確耗隨時具奏布倫托海新城關緊要如有難民擾害亟應設法布置李雲麟何以尙未入奏著一面據實奏聞一面嚴飭該城員弁彈壓撫綏以靖邊圉將此由五百里諭知麟興榮全錦丕勒多爾濟奎昌福濟車林多爾濟李雲麟明瑤錫綸伊勒屯並傳諭何瑄知之○丁亥諭軍機大臣等都興阿崇厚奏捻逆勢向北趨擬赴前敵布置一摺捻逆

東華續錄

同治七十二

五

倫托海兵民因風聞李雲麟有洗滅兵民之意眾心驚惶由此起
事搶去軍械並庫存茶布等項傷斃官兵等語該城設立未久一
切安插事宜責成李雲麟等辦理何以倉卒之間忽生變亂李雲
麟何以不亟籌彈壓藉安設臺站為詞率往青格里一帶難保非
有心規避其該兵民交出摺彙是否係李雲麟所擬之件著即明
白回奏聽候諭旨並迅回布倫托海會同明瑞等妥籌彈壓以靖
地方福濟計已將抵科城錫倫係布倫托海幫辦大員見在行抵
何處諒距該城不遠著該大臣等趕緊會同前往查辦將起釁情
形據實奏聞毋稍徇隱該處突起釁端顯係有奸人從中煽惑藉
端生事未必兵民盡萌叛志但人數眾多亟宜妥籌緘緘以靖亂
階明瑞豈可前往科城置本任於不顧棍噶札勒參平日辦事實
心見值該處有之秋正當竭力圖維以副委任豈可遽萌退志

東華續錄

同治七十二

元

著明瑞棍噶札勒參先將附從人眾曉諭解散其為首倡亂者諒
亦不過數人即著設法拏辦以儆刁頑務使該兵民喇嘛等盡釋
疑慮各安生業是為至要明瑞等一件著鈔給福濟錫倫閱看
軍機處呈遞明瑞等咨到文彙等一件著一併發給閱看將此由
六百里諭知福濟李雲麟明瑞錫倫並傳諭棍噶札勒參知之○
戊子諭軍機大臣等劉岷奏援黔官軍攻克偏刀水賊巢肅清河
西並疊克苗寨及勦撫後山各室尚情形一摺貴州偏刀水地方
經李元度等會合川軍攻克賊巢擒斬首逆各情業據崇實奏報
楚軍攻剿黔省教匪疊獲勝捷實素漸可肅清惟教中頭目尚有
劉儀順一犯至今未獲是否乘閒潛逃仍著飭令李元度切實查
明稟報毋稍含混老團嚴柯素家寨等處即著嚴檄彭芝亮督率
所部擇要駐紮如該提督不甚得力該撫務選結實可靠之員前

往管帶以資鎮撫李元度既屬患病著寬假兩箇月一俟病痊即
赴雲南臬司新任其遺撤兵勇並著傳知該臬司挑選精壯帶赴
雲南隨同勦賊貴東一帶地方甫致安靖所有善後事宜曾璧光
務當嚴飭貴東道督率各該地方官妥籌撫輯毋致再生事端將
此由五百里各諭令知之○庚寅諭軍機大臣等李鶴年奏勦辦
泌陽匪徒淨盡並遊擊被戕各摺片河南泌陽匪徒滋事擾及裕
州經該地方官激勵兵勇會同泌陽民團將分股匪徒斬殺殆盡
復經李鶴年派往之總兵崔廷桂督帶官兵聯絡各處鄉團與總
兵趙鴻舉將泌陽唐縣等處股匪殲除淨盡並將首匪張十一及
兇悍夥犯任禿子擒獲辦一尚為迅速所有在事出力之員弁紳
團准李鶴年擇尤存記彙案保獎在逃之首犯花得春著飭令崔
廷桂等嚴督兵練設法搜捕務期弋獲毋任漏網至候補遊擊張

東華續錄

同治七十二

元

鏞經李鶴年派往德州一帶設撥馳送文報行至山東夏津縣之
蘆里莊被民團多人戕害並將同行之豫省遊擊周明岷砍傷張
鏞所帶弁兵及馬夫人等十二名均無下落近來各處民團強悍
恃眾戕官之案不一而足其風斷不可長著丁寶楨認真究辦務
將此案首從各犯嚴拏懲辦以儆兇頑其無下落之弁兵等是否
全行被害一併查明具奏東省民團並著丁寶楨派委員會同
該地方官妥為經理並剴切曉諭毋得仍蹈故習以消隱患李鶴
年原片著鈔給閱看將此由五百里各諭令知之○諭林壽圖奏
平涼失陷遊擊李承萬遇害知縣陳日新並未殉難據稟出城彈
壓且千總張維有通匪情事又風聞陳日新與張維私分餉銀與
之齟齬等語稟城通賊罪名均重一實均應徹底根究以肅紀綱
著穆圖善按照林壽圖所陳情節遴委委員確切查明嚴參懲辦

遇害遊擊李承萬著穆圖善查明請卹林壽圖片著鈔給閱看將此諭令知之○予山東被戕遊擊張鏞祭葬世職○王辰論軍機大臣等郭柏蔭等奏遣撤遠峻各營並辦理江湖會匪情形一摺江湖會匪首蕭潮翥即蕭潮舉在湖北地方立有蓬萊天台等山老帽陪堂紅旗等項名目沿江肆掠乘遠峻等營遣撤糾黨分佈黃梅武穴龍坪各水次阻截散勇迫脅滋事兇殘甚熾經郭柏蔭等檄飭提督譚仁芳等水陸各營擒獲匪黨劉子霖胡國星等十餘名正法並盤獲匪船三隻其盤踞黃梅陸家背之匪亦經總兵婁雲慶密約水師會同民練殲斃四五百人餘匪星散匪首蕭潮翥經知縣廖恩樹副將向百福會合兵勇追捕經勇丁陳之貞等將蕭潮翥殺斃辦理甚為妥速著郭柏蔭何璟嚴飭所屬各地方官聯絡水陸各營將逃散餘匪一體認真究拏務期淨絕根株

東華續錄 同治七十一 至

毋任一名漏網遠峻各營散勇並著飭令婁雲慶妥為鈐束毋令沿途逗留滋事所調各營仍令擇要駐紮嚴密搜捕以靖地方將此諭知郭柏蔭並傳諭何璟知之○諭庫克吉泰劉典奏北山賊匪充斥官軍力戰受挫甘肅賊窺陝境見籌防情形並賊擾府谷及逆勦汧陽獲勝撥營前赴邠州各摺片逆首楊汝志突撲延安副將劉文華等馳往堵禦力戰陣亡劉厚基帶隊赴援槍斃餘賊無算並將延安城防妥為布置賊始不敢攻撲劉厚基一軍此次因賊眾失利膚施宜川延長等處匪勢鴟張晉省吉州一帶與延宜僅隔一河尤虞賊蹤東越該將軍等請飭鄭敦謹派兵渡河與陝軍夾擊著即檄令劉厚基劉端冕各率所部分投追勦鄭敦謹計已馳抵甯武著即相度機宜將本境河防布置周密如可分兵渡河即飭陳湜督率防河之軍由吉州迤河以期東西合擊痛

掃賊氛甘省回逆各匪乘陝境麥熟分途竄擾雖經高連陞周紹濂等軍截擊獲勝而汧隴邠長沿邊地方麥收較遲該逆尚思掠食著庫克吉泰劉典檄令吳士邁黃鼎等聯絡各軍併力嚴扼不可稍涉疏虞榆林東路回逆由神木竄撲府谷縣境擾及木瓜清水等堡遊擊榮光等先期逃避實屬恒怯無能黃甫營遊擊榮光清水營把總康濟均著即行革職擊問交庫克吉泰等提省審訊按律懲辦府谷城與保德州城相距甚近山西防務尤未可鬆如府谷附近近有警即著鄭敦謹飭令防守河保各軍渡河援應並著添派勁旅嚴防河保一帶毋得稍涉大意李輝武等軍在汧陽一帶大獲勝仗汧鳳境內見無賊蹤惟邠州西北原上賊股聚自應迅圖撲滅著庫克吉泰劉典嚴檄劉倬雲喻兆圭等分路前進與黃鼎一軍相機夾擊毋任四出蔓延將此由六百里各諭令知之

東華續錄 同治七十一 至

之○諭崇實奏官軍進剿越嶺夷匪疊獲勝仗並見在籌辦情形一摺四川越嶺夷匪恃其地險巢深叛服無常久為建南之患本年春間滇匪窺伺蜀邊句結冕越夷匪該署督以越嶺為省垣西南門戶尤關緊要派提督周達武等於四月間督兵進剿乘勝攻破賊卡兩座近逼普雄勦撫兼施辦理尚為得手惟該匪負隅抗拒誓不畏死目下阿彌羅尖角啞兩卡雖已攻破而普雄為裸夷藏匿淵藪該處山川險阻尤宜嚴飭將士相度形勢穩慎進攻儘能拔其巢穴庶邊界地方可期一勞永逸著崇實檄令周達武等力圖進取如該夷悔罪投誠亦不妨分別辦理所有此次出力人員著准其擇尤保奏毋許冒濫傷亡弁勇並著查明請卹將此由六百里諭令知之○予甘肅陣亡副將劉文華等祭葬世職○癸巳李鴻章奏前飭郭松林潘鼎新等暫紮陵縣臨邑一帶適中

之地伺賊窺近邀擊以逸待勞張曜宋慶駐軍恩縣夏津屏蔽西北運防休養旬日令即趕緊拔赴東路輪替追剿五月初七八等日賊由武定陽信海豐等處北趨劉松山郭運昌喜昌馬步各軍由東光向鹽山進剿張曜宋慶由樂陵馳向正北春齊統所部馬隊由樂陵向東北前進十二日午後張曜宋慶行抵鹽山之盤村適該匪在村莊休息宋慶張曜分左右兩路捲旗疾進逆眾登時驚亂擊斃悍賊甚多該逆且拒且走兩軍奮勇邊決匪勢不支向西南狂奔我軍緊追三十餘里天氣炎熱人馬困極始行停歇計生擒賊目李幼瞬韓耿二名長髮老捻一百三十餘名劉松山等聞亦於是日剿賊獲勝尚未報到該逆徑向西南敗竄張曜等恐其窺伺運河十三日會同劉松山緊躡賊臣探聞甯津已有賊蹤飛飭提督吳長慶由桑園帶隊赴吳橋攔截郭松林由陵縣派

東華續錄

同治七十二

聖

馬步向東兜擊該逆知西路有兵復向正南偏東往德平竄去是晚突至臨邑城東北十餘里各村踞宿潘鼎新適駐臨邑急令步隊乘夜襲之突入賊巢擒斬甚夥據獲賊供稱張宗先一股殲除殆盡十四日潘鼎新仍出隊跟剿計可與張曜宋慶等會合商辦查該逆窮窘之餘尤極剽猾運東地勢平曠縱橫七八百里晝夜追奔徒疲士卒尙難制賊死命且久晴之後運河日涸西岸民團協守未可深恃處處皆有鋌走之虞臣愚以為宜乘黃河伏汎盛漲時縮地圍紮以運河爲外圍而就恩縣夏津高唐之馬頰河截長補短爲裏圍偏賊西南層層布置占地較狹因賊較易收功或可較速臣已商同丁寶楨檄飭恩夏清平各屬官紳號召民團就馬頰河南岸聯築卡牆分派員弁前往督催日來漸次興築但未卜何時竣工又飭郭松林潘鼎新周盛波各督弁勇由臨邑陵縣

接築牆濠與馬頰河民圩銜接俟將來追賊過濟陽各軍合力圍築直至黃河北岸先困賊於西南一隅再行分隊輪替逐戰庶賊騎有所限制而剿辦稍有把握又奏據潘鼎新馳報五月十四日會同副都統善慶溫德勒克西乘勝兜剿在臨邑東三十里地方截殺斃賊甚多該逆向南竄去是日傍晚張曜宋慶亦督軍追至該藩司會商張曜等請由臨邑而南接連排紮先拒北竄之路再該輪替進擊張曜等以平地紮牆兵力不敷爲慮臣飭其設機妥辦或俟他軍追賊過臨會商協助又據張曜等稟稱獲賊僉供逆首張總愚因無路求生東北軍勢過盛欲糾死黨由臨清以北故城以南乘虛窺渡運河請飭東院各軍就近迎擊各情臣查逆勢先趨東北各軍不得不往北面布置茲漸偪回西南又不得不就地圍紮冀扼北竄而制奔突雖兵力未齊而機勢可圖臣惟督同

東華續錄

同治七十二

聖

諸將竭力籌辦不敢豫料必有成局查夏津清平高唐一帶實爲西北運河屏蔽見在馬頰河北岸鄉團次第興築長牆一時尙難竣事臣已緘商英翰請將新到院軍張得勝清軍張從龍等酌派兩枝就近赴馬頰河南岸清平高唐一帶擇要扼剿遮護西北運防並咨商丁寶楨嚴飭馬頰河沿岸州縣趕緊集團勒限釐工以爲運東屏蔽實於大局有神應懇 聖恩飭下該撫臣等合力籌維勿稍遲誤 上諭軍機大臣等捻逆北竄後經張曜等督軍追剿該逆敗遁南竄臨邑復經潘鼎新等擊敗李鴻章擬趁黃河伏汎縮地圍紮就馬頰河截長補短偏賊西南層層布置庶該逆無可紛竄殄滅更有把握即著李鴻章督飭郭松林等由臨邑陵縣接築牆濠與馬頰河民圩接續並著英翰將新到之張得勝張從龍兩軍酌派赴馬頰南岸清平高唐一帶扼剿丁寶楨身任地方

卽著嚴飭馬頰河沿岸州縣起緊集團勒限賊工見在機勢可圖
總宜剋期辦竣以速爲要若日久爲逆匪窺破必不肯就我範圍
左宗棠李鴻章英翰丁寶楨務當協力同心不得稍存歧視都興
阿卽著懷遵前旨迅由北路進剿會合諸軍一鼓殲除不得以慎
重爲辭致失機宜該將軍營所需軍火糧餉著崇厚安爲護送該
大臣等均爲朝廷倚賴之人當此天氣炎熱兵將疲困而宵旰焦
勞不遑寢食如再遷延各存怠見不能迅奏膚功其何以上對朝
廷下慰將士以拯生民於水火耶勉之慎之將此由六百里各諭
令知之○甲午左宗棠奏前月抄劉松山等軍擊賊獲勝各軍收
隊回運東原防藉資休息甫數日賊復由東昌回竄武定一帶騎
賊已近海豐劉松山卽於五月初九日率馬步各營與郭運昌及
喜昌等所部向鹽山橫出截之初十日行至鹽山縣西南謂知賊
東華續錄 同治七十二 聖

三起一向西南一向正南一向東南計自初十夜至十一日追剿
角逐一百四十餘里約其斃悍擒五六百名生擒逆目李生新及
長髮賊百八十餘名拔出難民無數是夜有騎賊赴營投誠供張
總愚以官軍太偏減運兩河不可竄越喉諸賊明早向南逃走別
覓生路劉松山郭運昌傳令各營就近加薪舉火示賊以形二鼓
後潛向鹽山南路橫擊十二日天明抵滄州屬之張三村適與賊
遇賊以騎賊抗追師而令步賊急由南路竄遁劉松山郭運昌督
各營開放槍礮傷斃賊騎甚多截賊隊爲二左路之賊徑向南奔
右路之賊不能合併遂向西奔復折而南官軍分追二十餘里抵
滄州屬之宋村沿途又擒斬悍賊一二百名午刻馳抵南皮縣境
偵知賊之由張三村南竄者行抵鹽山縣盤村適遇張曜宋慶南
來迎頭截殺賊又大敗生擒賊目李幼麟韓耿及擒黨一百二十
東華續錄 同治七十二 聖

馬頰河民圩接續茲據左宗棠奏稱李鴻章在德州陵縣濟陽掘濠築牆與李鴻章昨奏大略相同左宗棠當督飭諸軍迎頭截擊以固襄圍濠牆一面仍將沿運河牆聯絡民團兵勇嚴密扼守並知會李鴻章丁寶楨英翰一體兼防運河岸牆不可稍有疏虞令賊蹤竄越甯津一帶防剿事宜並著左宗棠督飭劉松山等軍妥籌兼顧將此由六百里諭令知之○丙申諭軍機大臣等都興阿奏馳赴青縣察看減河擬籌布置情形一摺據減河水勢並不寬深自捷地至呂家橋雖築有橫牆而迤北之運河西岸毫無防範京旗各營相距太遠擬將靜海等處鄉團調歸本處扼要之地多紮官兵等語所奏不為無見南路李鴻章等軍追剿既急兵勢甚盛該逆冒險北竄圖越減河實在意計之中第南路鄉團既調回青滄等處則自吳橋以北上湖南皮運河西岸左宗棠之軍能

東華續錄

同治七十二

七

否足敷防守不可不通盤籌畫萬一該逆從東光等處乘虜西顧則南北各軍俱落賊後辦理更無把握著都興阿會商崇厚恩承應否將京兵調紮獨流等鎮之處妥籌布置並咨商左宗棠能否堵扼不使逆匪得以橫竄再行將鄉團調回以扼北路都興阿見已行抵青縣兵力尙單即著迅速前進檄催春壽宋慶張曜陳鳳瑞各軍會合妥為調度俾得與李鴻章之軍南北聲勢聯絡遇賊即擊迅奏膚功用副殷盼將此由六百里各諭令知之○己亥諭軍機大臣等鄭敦謹奏擊退撲河竄匪並進兵驟難渡河情形各摺片陝省府谷賊匪經蒙古官兵會合該處民團擊退竄往葭州米脂一帶神木府谷境內一律肅清惟該逆蹤迹飄忽難保不去而復來鄭敦謹當飭晉省北路防兵隨時嚴防不可稍涉鬆懈葭州與晉省興臨等縣亦係毗連並著庫克吉泰劉典將竄往葭州

米脂之賊派兵迅速剿除毋任再行肆竄至邵陽韓城賊匪竄偏河干疊經晉省西路防軍擊退防堵尙屬認真鄭敦謹見住省城居中調度即著嚴飭陳湜親督各營將士並各地方官於蒲絳吉鄉等處聯絡堵禦並將沿河渡船提歸東岸不可稍涉大意庫克吉泰劉典尤當督飭陝軍將韓城邵陽等處賊匪力籌剿洗不得任聽賊蹤竄及晉疆致干咎戾晉省西路沿河地段綿長鄭敦謹以兵力較單難於抽調防兵過河進剿致本境轉形空虛亦係實在情形庫克吉泰劉典惟應就陝省見有兵力將北山賊匪迅圖殲滅不得專待鄰省會剿致涉延誤至府谷與保德僅隔一河地勢較近儘遇該處有警鄭敦謹仍當酌量派兵渡河援應以固疆圍將此由六百里各諭令知之○庚子諭內閣成祿奏官軍剿賊並勝收復各處屯莊並總兵營勇潰變請旨懲辦一摺甘肅肅州

東華續錄

同治七十二

七

踞逆因黨與漸散潛於肅高兩屬各處勾煽以致逆匪同時蠢動經該提督派總兵馬天祥等統軍由營兒坨進攻連戰皆捷先後殲斃逆回三四百名奸匪千餘名自營兒坨以及石灰窯東洞子金佛寺等處各屯莊全行收復我軍進紮上下河清一帶軍威大振高屬之紅崖子等處從逆各屯莊亦望風反正剿辦甫經得手詎總兵王仁和一軍斗因糧糈變潰各營繼起眾心驚惶旋經健銳鎮西兩軍多方拊循始得相安無事該總兵等統率無方自應嚴行懲辦以肅軍律著肅州鎮總兵王仁和著即行革職仍留署任責令帶營立功贖罪如再不知奮勉即著從嚴參辦已革遊擊王禮和著發往新疆效力贖罪遊擊石子成守備潘禹久剋扣軍糧以致眾心潰變實屬大干軍律均著在軍前正法以昭炯戒○諭軍機大臣等英翰奏皖軍在武定剿擒獲勝牛師韓為民圩誤

傷調營養息並飭張得勝等合隊前進一摺捻逆竄向武定經牛師韓督軍追勦設計誘賊得獲大勝追至雷化距賊甚近乃牛師韓為民圩排槍擊傷以致不能前進機會甚屬可惜即著英翰派員迎調牛師韓前赴臨清趕緊延醫調治以期速痊雷化所屬李家民圩既經該總兵告知勿須驚懼何以驟放排槍致牛師韓身受多傷隨從員弁亦傷至三十餘人是否該弁兵等先有搔擾情事抑係該民圩恃眾傷官並著丁寶楨確切查明嚴行懲辦前據李鴻章奏擬於馬頰河添築壕牆以扼賊竄曾諭英翰派張得勝等軍前往協防見在該署撫已派該提督會同程文炳合隊前進即著英翰飭令張得勝等協同防守如遇賊竄近即行迎勦俾壕牆得以速竣而滅賊較有把握諒該署撫必能與李鴻章妥商籌辦也將此由六百里各諭令知之○諭庫克吉泰等奏回逆竄擾東華續錄 同治七十一 覽

鄂長甘省靈臺境內擊賊獲勝請飭晉兵渡河夾擊並請將知府成定康留於陝西各摺片長武三水等處經閣定邦等分路進剿疊獲勝捷該逆見由邠州折竄庫克吉泰等檄道員黃鼎迅赴長武會勦即著該將軍等催令該道員星速前進會同閣定邦等視賊所向迅殄逆氛甘肅回目馬豔魁等竄踞靈臺擾及麟遊經吳士邁等進剿大獲勝仗即著庫克吉泰等嚴檄官軍乘勝掃蕩悉數殲除毋留遺孽晉省西路沿河地段綿長昨據鄭敦謹奏稱兵力甚單未能抽調防兵過河進剿自係實在情形著庫克吉泰劉典懷遵昨日諭旨就陝省見有兵力分路布置將匪股次第撲滅以期漸就廓清候選知府成定康著准其留於陝西以知府歸候補班用該將軍等擬令該員募勇千五百人進駐綏德並署綏德州知州事務均著照所擬辦理庫克吉泰等當飭令成定康將安

民勦匪事宜實心辦理毋得有名無實將此由六百里各諭令知之○諭成祿奏官軍勦匪情形並商同楊占鼐先願肅軍前敵大局再行部署出關暨籌辦潰勇各摺片官軍進攻肅州連獲大捷克復屯莊多處而王仁和所統仁字一軍因餉匱變亂以致前敵各軍眾心惶惑全行掣動著穆圖善傳諭楊占鼐一面督軍進攻肅城一面將金塔毛目一帶潰勇或勦或撫相機妥辦此起潰勇將來即使收撫回營已成無紀之師並著該署督飭令楊占鼐加意拊循仍須實力整頓並此後放糧嚴禁各營官私行剋扣以肅營規成祿疊奉嚴諭催令出關勦賊乃肅城既日久未下復致有營勇潰變之事該提督見在馳回高臺已與楊占鼐會晤即可將肅州軍務交與楊占鼐接辦不得以潰勇滋事餉絀兵單藉口遷延自干咎戾其前奉指撥川餉十萬兩著由成祿專弁飛催以作料理出關之用並著穆圖善飭令甘涼各屬籌捐糧石豫備該軍出關裹帶由成祿派員催趕星馳挽運毋稍延緩前據都興阿保奏之儘先協領富勒渾記名副都統托克屯著穆圖善查明該二員見在何處軍營即飭令來京聽候諭旨將此由六百里各諭令知之○諭宋廷春奏勦辦逆匪疊勝克復州縣城池及省垣防守穩固情形一摺滇垣被困日久自岑毓英小板橋獲捷之後派遊擊楊玉科等繞由川境收復元謀復進擣環洲賊巢生擒逆目將武定祿勦兩城先後攻克並克羅次縣城其石虎岡等處踞賊復經李維述等四面堵截殲斃甚多將賊壘全行攻克餘匪向新草房右江館一帶逃竄該省城外南北兩路官軍擊賊獲勝疊復城池勦辦尚為得手惟富民安甯祿豐等處逆匪來往靡常仍著岑毓英飭令楊玉科等迅將各該城池克復以斷賊援省東一路並

著劉嶽昭嚴飭全祖凱李家福等軍將嵩尋各股賊匪痛加勦洗以振軍威劉嶽昭等俟各路賊匪廓清後再行進駐省垣會辦一切善後事宜刻下省城防務著宋延春商同馬如龍督率在城文武官紳晝夜巡查嚴加堵禦毋得稍涉疏虞元謀等州縣甫經收復民氣凋殘即著劉嶽昭等遴選州縣等官趕緊赴任以資撫輯所有前次失守各州縣官員下落並勦匪出力文武及傷亡官弁兵勇等應辦事宜著俟劉嶽昭等抵省時分別辦理將此由六百里諭知劉嶽昭岑毓英並傳諭宋延春知之○予陝西陣亡提督李佑厚甘肅陣亡遊擊楊禾先等祭葬世職○辛丑諭軍機大臣等曾國藩奏劉松山派員回至湖南募勇已飭湖南鹽局撥銀招募並令在直隸添募馬勇請飭直隸等省督撫飭屬照料等語直隸河南山東等省各州縣民團近來仇殺官兵之案層見疊出曾

東華續錄

同治七十二

至

諭官文等遵奉查辦此次劉松山所募湖南新勇一千七百名行經直隸等處地方尤恐兵民不習滋生事端著官文李鶴年丁寶楨即檄各屬曉諭居民毋得阻難刁阻以利進行該提督在直隸添募馬勇並著官文責令各該地方就近妥為照料曾國藩即檄飭湖南鹽局照數籌撥俾該軍迅速成行並檄該提督轉飭募勇各員弁沿途嚴加管束毋得搔擾地方是為至要將此由五百里各諭令知之○山東巡撫丁寶楨奏捻逆東竄見飭高唐等縣速修馬頰河隄牆以期兜偪得旨即著嚴飭各該地方官會同王心安一軍安速辦理並著該撫會同英翰及淮豫各軍嚴遏賊竄毋稍疏懈○廣東欽州學額二名○壬寅諭軍機大臣等曾璧光奏川楚各軍攻克偏刀水賊巢窟軍見規龍貴並請飭川楚督撫派員分辦善後川省按月協餉各摺片川楚各軍攻拔偏刀水賊

巢窟撫兼施貴東漸次可望肅清著崇實劉崐飭令川楚各軍乘此聲威將嚴阿廟壩餘匪掃蕩即行移師進拔玉華山向大坪等處賊巢以清積年巨患龍貴教匪黨與眾多曾璧光見商令張文德親統黔軍由谷脚巴鄉龍山一帶分投進剿為擒穴擒渠之計俾該逆有所牽制不至與向大坪等處踞匪接應著該署撫即行妥籌餉需飭令該署提督迅督將士剋期將此股積匪殄滅不可失此機會李元度業經因病賞假前已有旨令該臬司假滿即赴雲南新任並將遣撤兵勇挑選精壯帶赴雲南剿賊所有貴東善後事宜即著崇實派令宣維禮會同署貴東道妥為辦理並著劉崐酌派楚營可靠之員會同川黔各員一體妥辦曾璧光原片著鈔給崇實劉崐閱看至黔省餉源枯竭已久見值防剿喫緊需用尤急著崇實按照曾璧光所奏無論何款每月撥解銀數萬兩不

東華續錄

同治七十二

至

可稍有間斷黔省軍務正當順利之時該署督諒能統顧全局不至推諉遲延坐失機宜也曾璧光原片並著鈔給崇實閱看將此由五百里各諭令知之○甲辰允左宗棠奏提洋款二十萬兩解充甘餉○是月豁免湖南兗州廳被擾上年額賦獨緩山西吉州等十三州縣被擾新舊額賦

臣王先謙敬編

臣張式恭恭校

六月丁未朔諭軍機大臣等榮全奏籌辦誤擄牲畜情形一摺據稱棍噶扎勒參誤擄牲畜一事業經會同麟興錦丕勒多爾濟籌議賠償銀兩備文飛咨俄人約地會辦咨商李雲麟等未據回覆等語此事既據榮全等籌商辦理自應迅速了結若待李雲麟咨覆到日再行商辦往返耽延著榮全會同麟興錦丕勒多爾濟迅將此事辦結不可拘泥誤事一面分定烏里雅蘇台邊卡界址與俄人約至邊界會立鄂博界牌分定限址以正疆界布倫托海亂萌初起尤須速籌弭患之方李雲麟何得藉安設臺為名避往青格勒地方置本任於不顧著懷遠前旨馳回本城會同明瑞等東華續錄 同治七十三

亟籌戡定並將立界事宜安速辦理毋得規避貽誤致干罪戾將此由六百里各諭令知之○諭麟興榮全奏請飭土司厄特盟長速赴布倫托海一摺土爾扈特盟長布彥鄂勒哲依圖來京呈請特派大臣帶兵進剿烏魯木齊回匪該盟長帶領所屬官兵會同征期曾經諭令該盟長前赴布倫托海地方聽李雲麟辦理見據麟興等奏稱該盟長自起程後所屬部落復被烏魯木齊吐魯番等處回匪滋擾該遊牧接仗失利陣歿多人喀喇沙爾地方不能居住見已移至大小珠勒都斯等處各情見在該盟長所屬部落人眾日久無人統率誠恐眾心惶惑別生事端布彥鄂勒哲依圖由京起 是否業已出口著理藩院即行查明令迅速由驛馳赴布倫托海候李雲麟酌量情形辦理並著李雲麟明瑞錫綸遵奉前諭接濟照料妥為羈縻毋使別生枝節麟興等另摺奏見

調蒙兵未能起程並送越界俄人出境及擊獲普哈爾夷人各摺庫倫所屬東西兩盟僅能派兵四百名尙無起程日期扎薩克圖汗賽因諾顏兩盟長應行續派之兵又因情形苦累軍械駝馬口糧均未能自備著麟興等即飭令各該盟長等將所派各兵均行停止以示體恤唐努烏梁海地方越界俄人既經該總管等設法查辦護送出境交俄目收回仍須防其復來並著麟興等飭令該總管等隨時巡防毋任再行越界滋事所有此次出力之候補防禦瑪祿堪等三員均著先行存記俟另有勞績彙案請獎普哈爾賢貝夷人迷失路徑誤至烏瓜既非奸細不必羈禁著麟興等妥為撫恤並咨詢俄國邊界官如可由俄國遞回普哈爾之處即著設法送回該部落以示羈縻將此諭知理藩院並由六百里各諭令知之○撥部庫銀二萬兩解烏里雅蘇台○戶部李鴻章奏搶

華續錄

同治七十三

股由臨邑被擊南趨臣先令郭松林潘鼎新周盛波王心安等自臨邑陵縣聯紮牆汜至恩縣德州境內與馬頰河民圩接續但空出臨邑南至濟陽濱河百里以冀偪賊回竄西南一隅就地圍紮聚而殲旃詎該逆宵窺濟陽連夜折回東北當派張曜宋慶拔隊探追郭松林等所紮牆濠於五月二十日竣工即酌留隊伍於長牆適中處紮立老營以資防護一面挑派精銳馬步進剿並令周盛波周盛傳帶八成隊進駐吳橋甯津交界以備各軍偪賊回竄時急起截擊二十二日張曜宋慶偵知賊竄海豐之北又折而南該軍即由武定向濱州截追二十四日敗賊於濱州西南之白家橋擊斃甚夥該逆向陽信竄去是日郭松林王心安帶隊行抵樂陵東北副都統春壽亦帶馬隊趕至探報賊由信陽直奔海豐遂於二十五日督軍分路進剿王心安繞至賊後衝殺郭松林等由

外殺入將賊隊截為數段生擒八百餘名陣斬千餘名並擒著名逆酋周老廣兄弟及大小賊目多名二十六日賊向西竄追七十餘里擒斬百數十名二十七日賊由樂陵竄至吳橋闖入周盛波周盛傳紮營之毛家莊一帶周盛波等偵賊突至先將步隊設伏密林中以馬隊分作三路誘賊周盛傳將步隊亦分數起伏在馬隊左右騎賊二萬餘分股猛撲我軍嚴陣迎敵賊仍死拒不退周盛波復令下馬鏖戰步隊伏兵並起槍礮雷發斃賊千餘敗匪一股向東回竄一股向西南竄踞離德州七十里之楊丁莊孫世官莊方家莊一帶周盛傳等乘夜進襲賊巢一擁而入該逆自相蹂踐死者無算槍斃張總愚之姪張三彪並生擒逆首李老懷及大小賊酋等數百名餘匪惶遽四散二十八日左宗棠追軍亦至郭松林馬步相繼追及各有擒斬臣在德州派弁梭探中途搜獲零東華續錄 同治七十三 三

匪沿路民團截獲賊騎亦多自今歲北征以來未有如是大捷實足伸天討而快人心據獲賊供稱張逆被勦情急日夜圖竄運河以求生路見在馬頰河西化長牆臣與丁寶楨督催官紳趕緊築漸有頭緒賊若遁入西南究多一層障蔽若仍游弋東北捷地滅河防軍較厚都與阿業經前進當無他慮惟東光南皮以上河西兵團尙少處處可慮劉松山郭運昌各軍諒能就近遮護運河水勢日涸先經咨商河南撫臣李鶴年潘彰德之萬金渠築懷慶之九道埝使洹河丹河泉源下注日來運水僅增尺餘尙恐不足限賊黃河伏汎迄未嘗漲曾國藩所派黃翼升歐陽利見張之萬所派姚廣武等各師船皆阻泊張秋河口未能北駛濟急臣見飭郭松林等仍乘勝會合各軍分路兜追周盛傳吳長慶仍駐陵德吳橋之交以備攔擊兼護東境運防總期早蕩餘氛仰慰 聖廑

至此大截勦尤為出力各員懇懇 天恩先行給獎以示激勵知縣黃振楚等請飭部從優議卹其餘出力勇弁可否容臣彙案保獎出自恩施又奏五月二十四日潘鼎新督軍追賊至武定東南會合陳國瑞張曜宋慶由樊家橋分路兜擊均獲小捷二十五至二十七等日追過海豐慶雲樂陵沿途亦有擒斬二十八日賊將折往西南遂會同善慶溫德勒克西徑向德平攔擊大獲全勝賊屍遍野追至解家店一帶始行收隊臣仍飭催乘勝兜追以冀一鼓殲除 上諭軍機大臣等擒逆竄擾濟陽等處經各軍分投攔擊斬賊甚眾敗賊一股向東回竄一股竄踞離德州七十里之楊丁莊等處見在進勦既經得手著李鴻章檄飭各軍乘此聲威會籌掃蕩迅殄逆氛張逆被勦官急圖竄運河以東以求生路自係意中之事且東光南皮以上河西兵團皆少殊慮空虛李鴻章當東華續錄 同治七十三 七

會商左宗棠等嚴密布置認真守禦馬頰河西化長牆丁寶楨即督飭官紳趕緊築剋日葺工以資障蔽捷地滅河一帶著都興阿崇厚激勵將弁實力堵禦毋任該逆再行北竄運河水勢日涸尤為可慮雖經李鴻章咨商李鶴年使洹河丹河泉源下注惟日來運水僅增尺餘應如何設法疏濬俾該逆不得偷渡之處著李鴻章妥籌辦理英翰即統率所部協同勦洗為四面聚殲之計見在賊勢窮蹙事機較為順手該將軍督撫等務當同心協力扼運防一面督飭前敵諸軍實力兜勦並檄令在防將士認真盤詰不使匪徒偷越是為至要將此由六百里各諭令知之○諭庫克吉泰劉典奏秦楚各軍連獲勝仗回逆退竄董志原仍飭各軍嚴防一摺回酋馬正和糾合涇河川踞賊竄撲長武經總兵閻定邦會同劉正高等迎勦獲勝適黃鼎雷正綰各軍乘勢夾擊賊皆敗

竄長武城圍立解其竄擾三水之賊亦經知縣喻兆圭擊敗竄向正甯知縣劉倬雲等復擊之於萬家村原上並會商高連陞分道直追該逆悉回竄董志原老巢此次管帶甘軍之閻定邦會同長武官紳固守城池擊賊獲勝所有該軍出力將士及該縣官紳著庫克吉泰等擇尤彙保毋許冒濫見在三水邊境雖臻安謐而宜川之雲巖鎮有捻逆餘孽句結土匪潰勇勢甚猖獗庫克吉泰劉典務當嚴飭劉端冕等各率所部跟蹤追剿以竭就地殄滅毋任蔓延其隴鳳邠鄜各屬地方賊氛尙熾並著檄令在防將士嚴加堵扼不准稍有疏虞將此由五百里各諭令知之○予山東陣亡知縣黃振楚副將劉斌等祭葬世職○已酉左宗棠奏五月十八日賊自武定竄樂陵邊騎至海豐霑化一帶劉松山郭運昌富珠哩訥蘇肯各率所部於二十二日追抵海豐訥賊復將北竄遂屯東華續錄 同治七十三 五

海豐之西待之二十四日夜探報賊竄海豐之水灣集龐家集吳家廟等處我軍向東北急進五鼓圍攻賊巢賊祇防南路潘鼎新等軍往襲不意我軍橫繞而來出其北面逆首張總愚不知所為三莊賊黨七八百人不及上馬斬殺略盡各莊之賊倉卒齊隊經官軍乘勝縱擊潰敗狂奔追殺十數里賊向西竄官軍追至慶雲城南斃賊千名生擒四百七十餘名二十六日追至南皮偵賊竄踞砥橋各村我軍四鼓行近賊巢獲賊訊供知張總愚夥黨團聚砥橋各村樹林下將行矣劉松山商令郭運昌富珠哩訥蘇肯向南進親率所部向西進賊驚覺南潰官軍併力擊斃甚多追抵甯津縣境又擒斬百數十名仍向西南進至李家橋探賊忽折由東南竄三寶店劉松山令步隊左右兩路同馬隊先進張遠勢為包鈔之兵中路由大道緩進為正兵三面圍殺屍橫遍野計斬悍

東華續錄 同治七十三

賊數百名生擒賊目郭泳汰等多名餘賊二百餘名方賊竄海豐率親軍由東光至南皮交界之棧莊擬俟賊由西南竄出迎剿嗣賊經劉松山等遮其西路徑向南趨其時連鎮一帶運流復落防務緊要二十四日仍引軍回連鎮老營二十七日探報賊竄東光縣東即夜又竄甯津臣派親軍馬步全隊赴吳橋甯津之交截之是夜駐吳橋之雙柳店賊見兵至折向東南各營於是夜四鼓向東南急進二十八日未刻抵山東陵縣沿途遇散逸之賊絡繹不絕或赤體無衣或有馬無鞍見官軍至輒伏地乞命驗其髮長貌很者斬之餘押帶歸營訊明籍貫分別遣釋惟副將楊鳳元率馬隊前行遇騎賊數百殲斃數十名賊折向東北絕塵而奔追之無及查此次逆賊被創兇殘大衰黨夥披離不能歸隊然巨逆自知罪大難逃曲宥皖豫諸匪以原籍辦理過嚴歸路已斷其直隸東華續錄 同治七十三 六

山陝一帶裹脅之人尤恐遭直東民團殺害故不得不忍死嘯聚苟合須臾竊謂賊無不滅之理亦斷無殺盡之理如果將士一心隨賊所在或迎擊或橫截或尾追此倡彼隨聲勢聯絡則以十倍之官軍擊數千之悍賊亦有餘力所謂賊無不滅之理也其輸誠求撫之匪如給免死護照回籍後別無違犯則地方官司不准牽引舊案絕其自新之機至民團之盤詰宜嚴而擅殺在所當禁所謂賊無盡殺之理也見在賊蹤折向東北劉松山等馬步各軍仍駐甯津之北相機而動惟南路兵丁甚厚而直隸運河一帶除臣所部駐運東防勦外西岸僅劉祺三營及李昌連兩營自連鎮北至減河僅遵化練軍三營此外全係民團且難一律勻布未足深恃見擬與官文都興阿其籌妥策務期計出萬全 上諭軍機大臣等此股賊匪疊為南北官軍所敗其勢已衰惟張逆狡猾異

常非乘其驚駭披離四面兜擊不能殄此渠魁左宗棠務趁官軍得手之時檄令劉松山等各率所部會合南北各軍乘機剿洗李鴻章英翰丁寶楨亦當嚴飭各將領前截後追毋任該逆得以喘息仍一面固守運防使無竄越都興阿計已馳抵滅河何以久無奏報即著會同崇厚迅飭陳國瑞等併力前進以期南北夾擊迅掃逆氛捻眾雖多其中勢窮被脅無路逃歸者諒亦不少茲據左宗棠奏稱賊無不滅及賊無盡殺等語不為無見嗣後官軍接仗該逆眾如有投械乞降非罪在不赦者著該大臣督撫等分別遣釋給以免死護照回籍後如別無違犯地方官概不准牽引舊案故為誅求並著出示曉諭各該州縣所屬圩團遇此項人眾違歸止准隨時盤詰毋得藉端擅殺以示矜全並一面出示如有能將該逆首縛獻者給予重賞使賊眾自相猜忌易於一鼓成擒左宗

東華續錄

同治七十三

七

棠見駐運東其西岸僅安陵有劉祺三營十五口僅有李昌連兩營連鎮北至滅河僅遵化練軍三營其餘全係民團又難勻布逆蹤屢圖北竄直隸運河一帶空虛甚屬可慮即著左宗棠就近會商都興阿崇厚妥籌布置以壯北路聲威並著官文嚴飭臬司張樹聲於河間等處民團妥為勸諭與各官軍聯絡聲勢實力嚴防毋令賊蹤擾及復肆蔓延將此由六百里各諭令知之○諭穆圖善奏甘省兵力不敷請仍留陝西撥兵會防邊內東路並涇州危急情形咨催楊占鼐赴肅州請以謙禧署副都統各摺片前諭穆圖善飭金順一軍繞赴東路以保完善茲據該署督奏稱陝回漸已繞越入甘不惟磴口包頭等處最關緊要且恐甯靈已撫之回被其偏脅金順一軍專防陝西北境難令分赴東路請飭陝軍分出數營駐防東路所奏尚係實在情形著庫克吉泰劉典迅即抽

調勁旅就近繞赴東路並飭令劉厚基高連陞等於延安榆林綏德鄜州等處兼籌防剿穆圖善仍當嚴飭金順相機夾擊轉戰而前毋得株守一隅意存諉卸備完善之區稍有損失恐不能當此重咎也金順軍已入陝所需糧餉軍火即著庫克吉泰劉典隨時撥濟毋令缺乏仍在陝西應解甯夏軍營月餉抵扣以清款項回匪呂得彥等疊陷鎮原慶陽甯州等城大股圍撲涇州勢甚猖獗著穆圖善迅即添撥勁兵會同雷正綰力圖掃蕩並著庫克吉泰劉典飭令黃鼎併力剿洗雷正綰總統慶涇諸軍實無旁貸著穆圖善傳知該提督務須振刷精神早奏廓清之效毋得縱賊蔓延致干罪戾鎮原縣城收復有無捏飾情弊慶陽甯州已否收復各城文武官員下落均著穆圖善確查分別參奏前成祿奏楊占鼐已行抵高臺即著該署督飛咨楊占鼐迅將肅州軍務接辦以便

東華續錄

同治七十三

八

成祿剋日出關甯夏副都統一缺准其以謙禧暫署仍著穆圖善詳細查看能否勝任據實奏聞俟善山保一軍接替有人即著前往署理以重職守將此由六百里各諭令知之○諭崇實奏川軍駐防陝境連獲勝仗等語四川李輝武一軍赴陝助剿扼守寶鳳一帶在寶雞等處疊挫賊鋒乘勝直搗周源立將賊巢平毀該逆悉數逃竄渭河北岸一律肅清崇實復派提督唐友耕等為該軍援應著即傳諭李輝武等互相聯絡以壯聲威渭北一帶得此一軍扼守據崇實奏稱回逆不敢竄入南山與漢兩府皆可無虞其應否令李輝武盡率所部會合陝軍跟蹤追剿之處著崇實劉典相度機宜會商辦理不得顧此失彼另摺奏官軍進剿越肅夷巢連獲勝仗攻破普雄石城該夷族類甚眾犬羊之性反覆無常亟宜乘勝制服俾能革面洗心庶不至重煩兵力仍著崇實督飭將

士及地方文武勦撫兼施恩威並用以期綏靖嚴疆將此由六百里各諭令知之○刑部尚書綿森卒贈太子少保子祭葬諡端愍賞銀五百兩治喪子郎中奕沈以四五品卹堂候補○庚戌調瑞常爲刑部尚書存誠爲工部尚書以崇綸爲理藩院尚書調魁齡爲戶部左侍郎轉恩承爲工部左侍郎以明善爲工部右侍郎由副都統遷○辛亥諭軍機大臣等戶部奏籌辦銅斤請催各督撫認真辦運一摺京師自滇銅停運鼓鑄不能加額曾經戶部奏令四川省派員在瀘州一帶設局採買滇銅由湖北轉運天津並議准林鴻年所奏雲南川東所屬各廠每年額辦京銅三百六十萬斤運赴川楚變價迄今日久並未據該督撫覆奏實屬遲誤著崇實吳棠劉嶽昭岑毓英宋廷春各將該省招商開廠設局收買等事宜迅於三月內妥議章程具奏由部指撥有著之款解往分起

東華續錄 同治七十三 九

辦運不得如前因循以重國法瀘州存積滇銅湖北應如何分局收買及施宜等處銅礦能否開採著郭柏蔭何璟迅飭妥議奏明辦理至紅銅條銅足資鼓鑄應如何體察華洋商販情形隨時變通設法採買之處著曾國藩英桂馬新貽瑞麟丁日昌李瀚章李福泰趕緊籌辦不准空言塞責原摺著鈔給閱看將此由五百里諭知曾國藩崇實英桂吳棠馬新貽瑞麟劉嶽昭郭柏蔭李福泰丁日昌李瀚章岑毓英並傳諭宋廷春何璟知之○癸丑諭軍機大臣等都興阿奏酌度兵力擬親督進紮會剿並陳國瑞連日勦賊大勝及請飭定安移紮泊頭鎮崇厚奏豫籌善後事宜各摺片減河等處防務誠爲緊要該大臣布置既定即當統兵前進與李鴻章左宗棠等軍會剿斷不准託詞河防遷延不進明慶等所部馬隊值此炎暑自不能無疲乏惟其中有無扣剋糧草等情該大

臣亦當嚴密查明懲辦以清宿弊據奏陳國瑞獲勝情形尙屬出力著即嚴飭該侍衛會合各軍乘此得手之時迅速進剿一鼓殲除副將丁錫金前經左宗棠英翰奏降旨革職嚴拏何以見在陳國瑞營中帶隊著都興阿查明辦理定安所統官兵與泊頭鎮相近該處地屬緊要即著恩承與定安妥商移紮泊頭鎮以資防守崇厚所奏豫籌善後各條不爲無見該將領兵勇棄家從征轉戰數省情本可憫此次捻逆蕩平朝廷必沛恩施著該將軍督撫等豫行傳知該將領兵勇等俟捻逆殄滅後其將領中已補缺者即赴本任願休息者准其回籍其兵勇願遣散者即行賞送歸農內有驍健之勇無家可歸者即著酌給口糧於各省扼要處所派員管帶駐紮用資鎮撫備有果敢之士願奮勉西征者並著該大臣等曉諭令其自行報名精加遴選使之踴躍從軍立功上進以

東華續錄 同治七十三 十

備干城之選將此由六百里各諭令知之○諭都興阿奏降勇無故潛逃請飭山海關副都統盤查並盛京將軍等飭屬嚴拏等語據稱劉景芳前由奉天所帶投誠馬勇許占一隊下勇目李維忠原名維藩綽號烏志李李振隆綽號李老疙疸勇丁徐萬良丁萬幅董勳李恒等共六名自到直省以來尙屬安分許占一戰歿後此項勇隊所贖無多都興阿前在盛京將軍任內深知李維忠李振隆等不法情事惟業經投誠姑俟其戴罪立功茲覽該大臣所奏該犯等無故潛逃是稔惡性成必致潛回奉省復逞故技擾害地方且數月以來該犯等習見捻逆詭譎情形爲患尤非淺鮮若不亟行拏辦勢將餘孽復萌著長善密飭在關人役詳加盤詰毋任乘隙遠颺並著奕裕富明阿額勒和布恩錫通飭所屬各該文武嚴密緝務將該犯等按名弋獲毋令潛匿滋患該將軍副都

統等一經擊獲即將該犯等就地正法以絕根株將此由五百里各諭令知之○以石贊清為左副都御史由宗人府府丞遷○甲寅諭軍機大臣等文麟景廉奏前起二營已抵沁城並酌給營勇糧石一摺魏忠義所帶二營已抵哈密沁城據報營官孔才所部因哈密乏食眾議東行經烏城委員途遇勸阻撥給口糧眾勇見投回沁城魏忠義以孔才營勇飢不可待撥給糧二千餘石不過暫濟目前文麟景廉見已派弁前往敦煌守催糧石著於此項糧石到日迅速分撥哈密駐防各營免致飢軍譁潰一面飭令魏忠義將孔才營勇口糧設法通融勻撥毋任缺乏該營雖照舊安紮仍須有大員親往彈壓撫輯方免滋生事端文麟當剋期迅赴本任以資鎮攝並將哈密防勤事務妥為經理不得藉故耽延景廉著仍遵前旨暫駐後路嚴防安敦玉一帶並催運軍糧隨時接濟其屯田

東華續錄 同治七十三

十一

事宜關緊要仍著文麟等迅速商辦毋託空言將此由六百里各諭令知之○諭麟興等奏查看布倫托海大概情形並籌辦烏城難民各摺片奎昌等奏確探西路情形兼籌防守等語布倫托海屯田守備李俊倡率奇古難民搶劫官營財物軍械並將霍博克賽里土爾扈特等旗牲畜等項劫奪殺害蒙古人眾甚多該逆初起時僅百餘人見在裏脅漸眾其勢日熾若不趕緊撲滅將來益難收拾土爾扈特汗布彥鄂勒哲依圖見已由京起程前赴該旗遊收計期當已行抵烏城著麟興榮全催令布彥鄂勒哲依圖兼程馳赴布倫托海統帶所部遊牧進剿並著李雲麟明瑞飭令霍博克賽里土爾扈特三旗備集兵丁二千名聽候該汗調遣新城所屬郡王一旗備兵五百名即由李雲麟明瑞飭派科布多貝子旗下兵五百名即由奎昌福濟車林多爾濟飭派均由布彥鄂

勒哲依圖統帶進剿李雲麟即應親率滿兵及烏梁海兵前進援應至三路進兵會剿之議或恐兵分力單難於得力李雲麟當酌度機宜妥慎籌辦不可拘滯成見總以迅殄逆匪毋任蔓延為要錫綸見在行抵何處著即迅赴布倫托海會同李雲麟明瑞籌辦趕緊進剿烏科兩城地方並著麟興奎昌等嚴密防守烏城迪南所居奇古難民麟興等擬辦團練立營收聚著即揀派妥員剴切曉諭辦理毋任為逆匪勾結並著飭令扎薩克圖汗部落各旗嚴密設法防堵其科布多所屬蒙古部落亦著奎昌等飭令一體防堵以備賊匪繞路劫奪逆首李俊究竟因何起事著福濟錫綸懷遵前旨前往查辦如果李雲麟有辦理不善激變情事著即據實參奏毋稍隱飾麟興等另片奏請將前赴布倫托海查探委員獎勵等語六品頂帶筆帖式依徹布著准其作為防禦先換頂帶以

東華續錄 同治七十三

十一

示鼓勵奎昌等另片奏請令烏梁海貢皮照例呈進等語烏梁海本年應進貢皮著仍照舊例交科布多呈進不准違誤將此由六百里各諭令知之○廣東潮州府學額二名○于甘肅殉難知縣于銓祭葬世職○乙卯山東巡撫丁寶楨奏連日剿賊獲勝暨修築馬頰河牆漸可竣工得旨高唐一帶河牆該撫當嚴飭地方官督率紳團趕緊興築完固水師礮船見已駛赴臨清著丁寶楨即飭帶兵員弁駛赴運河下游歸李鴻章調遣○于山東陣亡副將王福田祭葬世職○丙辰諭軍機大臣等庫克吉泰劉典奏北路官軍剿賊獲勝移營進逼城根見督軍力籌勦洗並三水邠州等處剿賊疊勝情形各摺片白水澄城一帶疊經官兵投勦已無賊蹤其盤踞雲巖嶺之賊經知縣余觀瑞隨同劉厚基等所部分路進攻連破賊卡木城直逼城根逆首袁大魁率黨抗拒城難猝

下見已添兵圍攻雲巖鎮爲該逆老巢若能乘勢攻拔則宜川一路冀可肅清著庫克吉泰劉典卽飭劉端冕魏光燾等激勵士卒併力規取以期就地殲除毋稍鬆勁該處逼近黃河應如何添兵分扼之處並著隨時知照鄭敦謹妥爲辦理回匪紛竄三水邠州等處經提督高連陞等暨黃鼎各軍追擊頗有擒斬隴州火燒寨地方復有回逆土匪乘機擄掠總兵羅洪德先後督勇追殺賊眾敗走見在賊股盤踞正甯涇州甯州一帶涇州情形尤爲喫緊雷正綰雖由長武窰店前進兵力尙單著卽檄飭劉效忠迅率所部先顧涇城會合雷正綰一軍痛加勦洗並著飭令黃鼎相機夾擊迅殄逆氛將此由五百里各諭令知之○丁巳子四川殉難知縣瑛桂祭葬世職○戊午諭戶部撥銀二萬兩備巴里坤軍需○御史郭從矩奏請嚴禁山西種植罌粟允之○己未李鴻章奏郭松林會同東軍王心安於五月二十九日由陵縣進至臨邑東南探賊竄往商河之李家坊三十日郭松林等軍追及之擒斬百餘名賊奔惠民一帶郭松林王心安李長樂等分路追襲奪回賊踞村莊十餘處將賊衝爲兩起一竄東北一竄正北郭松林與東軍向正北疾追七八十里沿途賊棄幼孩羸馬及脅從難民甚多直抵樂陵之劉村擒獲千餘名李長樂擒獲張總愚之姪張七等於軍前正法其竄東北一股經張曜宋慶督隊由樂陵東進擊敗之擒斬甚夥六月初三日郭松林督隊向東北進追探賊合股竄陽信之清豐鎮聞我軍至又折而南初四日由武定之杜家橋竄過徒駭河郭松林卽緊躡過河該逆竄至濱州十八里之李子鎮圍攻民寨郭松林督軍猛壓而前賊遽驚遁馬隊盡力衝突得保民寨三處斃賊數百名郭松林乘勝急追賊又折竄西北是日潘鼎新

亦由陽信南來遂與郭松林會剿初五日賊方西遁已刻追及馬店池南賊被追窘迫押死回拒鼎軍馬步各隊連環並進郭松林督唐仁廉等馬隊從右路鈔出賊後李長樂等步隊繼之賊屢回關悉經擊敗我軍直追四十里至商河東北之于家圩賊仍乘間回撲復經胡良作馬隊截擊生擒悍逆百餘名各軍乘勝合追至晚收隊是日計斃賊千餘名賊目陳信元帶騎賊數十人乘夜來降潘鼎新收撫之該逆旋在沙河左近盤踞初七日黎明郭松林潘鼎新冒雨潛師襲其不備前後夾擊泥淖載塗賊騎難於馳突不得不拌命抗拒我軍無不以一當百奮勇爭先賊大潰挫我軍壓追三十餘里伏屍遍野直抵商河城下沿途敗賊竄匿菰叢樹林間其大股脫逃者約五千餘騎郭松林所部馬隊統領提督胡良作鼎軍步隊統領提督潘國揚均受重傷是役陣斬槍斃及東華續錄 同治七三 古

擊散逆眾約二三千人生擒千餘名實爲非常快戰臣查擒逆屢挫之餘勢極窮蹙裹脅人馬拋棄殆盡惟其百戰死黨敗輒騎駿馬先奔秫苗樹林隨處遁匿忽散忽合每爲困獸之鬪臣初患賊多難制今更患賊少難滅惟有恪遵諭旨徧貼解散告示密布開謀懸立重賞使之擒殺逆首離其心腹並飭郭松林等仍會合皖豫東軍乘勝相機兜追輪替進擊勿任喘息冀可早日蕩事近值三伏炎蒸暑雨載塗軍士用命爭先殊堪嘉憫所有追勦尤爲出力各員分別懇恩獎敘以昭激勸再六月初旬黃河伏汛斗漲黃翼升歐陽利見姚廣武等各督所部礮船陸續由張秋駛入德州運河北路運防得此聲援尙臻穩固臣會商黃翼升卽酌帶船隻周歷東光南皮以下察看形勢分布策應又奏正緒摺開接潘鼎新函報據獲賊供初七日商河之戰逆首張總愚自帶黑旗隊衝

陣被我軍槍傷落馬槍子洞穿背腹賊以數十騎扛之而逃羣賊立時紛潰等語查張總愚受傷既重似無生理據郭松林函報亦稱是日賊眾潰亂非從前敗狀可比若張總愚傷重致斃餘黨必即瓦解見飭該統領等趕緊會合兜剿以期一鼓殲除 上諭軍機大臣等英翰奏飭軍兜剿賊匪並派水師扼紮防運一摺捻逆因陵縣臨邑一帶添築長牆折向東北英翰見復添派馬隊令與張得勝程文炳等會合淮東各軍隨地兜剿著即檄飭該將士等盡力追截並著都興阿親赴前敵督率各軍實力兜剿左宗棠李鴻章嚴飭各將領與英翰丁寶楨所部諸營聯絡聲勢合力截擊以期就地殲除賊匪被勦情急勢必拚死搶撲運河減河上游一帶形勢散漫兵力空虛民團亦甚稀少最為可慮左宗棠李鴻章尤當檄飭諸軍隨地遮護毋任竄近河岸其減河下游近海一帶

東華續錄

同治七十三

五

河防都興阿崇厚亦當加意嚴防毋稍疏懈賊蹤剽疾異常趨向靡定西南馬頰河長牆並臨清東昌等處運防仍著李鴻章英翰丁寶楨實力防守不可因踞賊尙遠稍涉大意黃運兩河見值水勢盛漲余先元等水師礮船均已駛抵臨清英翰見飭令余先元等分駐臨清以北之油坊鎮等處著即飭令認真梭巡並與北路水師互相聯絡黃翼升姚廣武及直隸西路水軍均已由臨清北上著李鴻章妥籌分布本日復據李鴻章馳奏官軍疊獲大勝並張總愚受傷情形各摺片賊匪屢經敗挫勢頗窮蹙見在首逆被傷賊情渙散官軍正可乘此機會盡力勦洗著都興阿等激勵將士趕緊將此股殄滅淨盡毋留餘孽前據都興阿奏稱賊眾多有雜髮希圖裝扮官軍漏迹渡運之事雖不可信為確實而賊情詭譎亦屬事所應有該逆雖被官軍槍子洞穿背腹生死尙未可定

見在下落如何並著李鴻章確實查明具奏仍著都興阿左宗棠李鴻章崇厚等督飭沿河兵團嚴加盤查毋令該逆改裝漏迹潛渡運西致令漏網英翰丁寶楨亦當督飭官軍並各處鄉團一律嚴加盤察毋稍大意黃翼升等水師已抵東光即著李鴻章飭令該提督酌帶師船駛赴南皮東光以下梭織巡防俾河防益臻周密將此由六百里各諭令知之○辛酉諭軍機大臣等工部奏請飭各省欠解硝斤一摺直隸等省欠解硝斤為數甚鉅經工部屢次催解該督撫置若罔聞殊屬延玩所有直隸河南山東承辦硝斤各員著吏部查取職名先行交部議處見在軍務未平硝斤需用甚多而工部火藥局不敷支放所有直隸欠解淨硝五十七萬九千五百餘斤河南欠解淨硝五十六萬九千九百餘斤山東欠解淨硝五十六萬斤著官文李鶴年丁寶楨迅即掃數起解毋得再有遲誤儻如前玩忽延不報解必將該督撫等從重懲處將此各諭令知之○諭蘇鳳文奏官軍剿賊疊勝收復歸順州城並派員赴楚採辦軍火蘇鳳文馮子材奏太郡官軍追剿叛匪獲勝各摺片歸順一州地處粵西極邊逆匪吳亞終逃逸後其黨黃宗漢等負險抗拒經道員軍遠譙派張友田馬正龍各軍連番勦擊逆黨就殲馬正龍等分攻州城隕平城外各賊營壘當將州城收復逃匪悉為官軍所殺惟新墟一帶餘匪俱向三台山舊巢竄去仍著蘇鳳文檄飭軍遠譙督率將士乘此聲威迅圖掃蕩以清邊圉軍火為攻剿要需該省既乏硝磺自不得不向鄰省商辦蘇鳳文見派員前赴衡州永州寶慶三府屬採買軍火即著劉崑迅飭各該地方官幫同粵省委員妥為照料湖南為產硝之區雖各省採辦過多究非若粵西之缺乏劉崑務當設法通融毋得稍存畛

東華續錄

同治七十三

六

域蘇鳳文亦當札知派往各員遵照所給印票採辦不准私運數
浮致滋弊混逆匪吳亞終句結粵南弄匪徒同攻洛陽九封等
處經副將謝繼貴等督帶兵練會合夷兵分路夾擊斬獲甚多立
解九封洛陽之圍期辦尙爲迅速並據獲賊供吳亞終欲分襲龍
州下凍逐卜等處牽掣官兵卽著蘇鳳文馮子材嚴飭羅文福實
力防堵並令太平府各屬文武將逐下一路隘口嚴加扼守以遏
賊蹤一面札飭太平府知會越南國吏官及各路文武員弁會合
剿擊殲厥渠魁毋任日久蔓延頻煩兵力昨據御史郭從矩奏請
飭臬司赴任等語新任山西按察使蔣益澧續假計又期滿該省
防剿需人著劉峴傳知臬司趕緊起程赴任毋再遷延將此由五
百里各諭令知之○壬戌諭軍機大臣等劉嶽昭岑毓英奏省外
官軍歷次剿匪獲勝各情形一摺岑毓英由曲靖赴援省城於宜
東華續錄 同治七十三 七

後彙案請獎劉嶽昭另摺奏瀝陳滇黔軍情吏治營務廢弛並團
練流弊一摺滇西逆黨最多分路攻撲省垣擾及各府州縣紛至
沓來勢甚蔓延該督撫等當督率諸軍先清附省賊匪將新陷各
城以次收復爲進規池西之計並將池東完善各地方銅鹽稅課
妥爲籌辦以裕餉源簡委賢能牧令掃除積習以敦吏治並將潛
冒文武各委員一體裁撤以清積弊其跋扈不馴之滇黔各團首
均著劉嶽昭岑毓英會壁光次第懲辦檄令各歸地方官督理嚴
懲大團首私行仇殺干預公事舊弊以杜亂源黔省各路援剿之
川湘各軍著崇實劉峴卽檄令統帶各員歸官壁光節制以一事
權各該營餉需仍著崇實劉峴源源接濟不得視同膜外滇黔需
餉孔亟所有歷經部撥各省並各關協濟餉銀著戶部行文各該
省督撫並各該關監督嚴行催解毋任視爲具文另片奏岑毓英
東華續錄 同治七十三 六

夏七旬一帶進攻連破大小石壩等賊營二十餘處並攻克小板
營賊壘三座收復官渡水寺等民堡其分攻呈貢晉甯等州縣之
軍亦將賊兵擊敗攻拔金馬寺等處賊巢十餘處進紮大樹營疏
通省城糧路逆黨復由邵甸糾合嵩尋之匪圍攻楊林官軍乘風
縱火焚其木壘連破賊營礮樓並將官渡來撲之賊擊敗甸尾古
城廠口等處賊壘亦經官軍分路攻克追敗焚掠九甲河賊眾拔
海梗賊營一座其石虎岡等處踞壘並經官軍先後攻拔生擒僞
大將軍李洪勳等正法呈貢城外賊營亦經官軍攻破見經合圍
縣城滇省各路官兵自二月至閏四月疊獲勝仗剿辦甚屬得手
見在賊勢漸覺著劉嶽昭岑毓英激勵將士將屯踞省外賊匪速
行剿洗以固省垣重地一面督飭各路官兵將尋甸等處股匪次
第殲除所有歷次出力之文武兵勇均著劉嶽昭等於省城解圍

等進攻楊林受傷情形等語岑毓英臨陣打仗身受槍傷奮勇可
嘉見在調理當已痊愈著劉嶽昭隨時馳奏以慰廬繫將此由六
百里各諭令知之○子雲南陣亡遊擊楊文忻祭葬世職○癸亥
諭軍機大臣等富明阿等奏截剿竄匪獲勝並與俄國會議情形
一摺俄界空金匪人滋事竄入甯古塔界經富明阿派兵迎剿將
匪黨殲戮殆盡並生擒匪首石才等三名在逃餘匪雖僅止三四
十名匿入深林難保不餘燼復然著富明阿等卽飭令派出官兵
實力搜捕不准一名漏網以清邊境烏勒與阿見赴摩闊威地方
與俄官辯論邊境交涉事務並會議見辦事宜五條尙屬妥協著
俄人聲覆後奏明辦理所有此次剿匪出力之官弁兵丁准其俟
邊界會議事竣餘匪剿辦肅清後彙案保獎所陳分界圖說一併
隨中備覽將此由五百里諭令知之○甲子李鴻章奏賊股敗匪

後由商河道入濟陽東北黃河沿之鄆家渡龍王廟一帶連日大雨滂沱平地水深二三尺徒駭河與黃河水勢增漲賊所踞處地形略高以外一片水窪潘鼎新吳長慶由米家橋進張曜宋慶由林家橋進袁保恆郭松林會同院軍張得勝程文炳東軍王心安由多石橋進皆由徒駭河北岸鳧渡而前冀燧之水濱爲一鼓聚殲之計頃據袁保恆潘鼎新馳報我軍搜捕散匿之賊屢有斬獲張曜宋慶於六月十一日帶隊先至林家橋繞出賊前攔擊已獲大勝郭松林潘鼎新張得勝程文炳等均乘夜進兵兜追又據潘鼎新十三日函稟據獲賊供稱張總愚自初七日受傷後甚爲窮迫徒駭河沿岸村莊見有糧死長髮老賊並自燒馬匹者其慌亂情形可想臣飛飭各統領乘此賊勢窘蹙合力兜剿趕緊窮追務期悉數殄除勿畱餘孽劉銘傳於六月初八日行抵東昌銘軍老

東華續錄

同治七十三

九

營昨來德州晤商機宜已檄調該提督原部馬隊並酌抽銘軍步隊由劉銘傳統率即日馳赴前敵相機督戰其圍堵上諭軍機大臣等捻逆經官軍擊敗後遁入濟陽潘鼎新等會軍進剿劉銘傳見亦回營經該大臣飭赴前敵即著李鴻章嚴飭劉銘傳會合諸軍乘此聲勢窮蹙之時加勁追剿悉數殲除毋畱餘孽並著左宗棠英翰丁寶楨嚴防運河毋任該逆得以偷渡備有賊匪竄近卽行派兵截擊鹽山慶雲見在有無捻蹤該捻見分幾股並著都興阿左宗棠李鴻章崇厚確切查明如鹽山等處尙有分股卽著都興阿就近痛剿毋任漏網將此由六百里各諭令知之○諭庫克吉泰劉典奏官軍攻克雲巖鎮賊巢生擒賊目餘黨殲除淨盡一摺逆匪袁大魁等竄踞宜川之雲巖鎮一城兩堡均極堅固知縣余觀瑞屢次環攻該逆恃險抗拒復經道員魏光燾會同劉

端冕等分投進擊拔椿墳濠將雲巖鎮城克復其踞寨之匪卽開門乞降逆目張大有等均經訊明正法惟據奏賊目袁大魁投井溺斃又稱乘人眾擁擠時獨自潛逃該逆屍身既未撈獲難保非乘隙遠颺冀逃顯戮仍著庫克吉泰劉典責令附近各地方文武明查暗訪總期得有實據毋任餘孽復萌該處新經克復百姓困苦異常並著飭令余觀瑞加意拊循將飢民等妥爲安插以蘇民氣涇州長武等處賊勢鴟張庫克吉泰劉典務當乘此得手之時分撥勁軍會同該處在事將士迅圖掃蕩用竟全功將此由五百里各諭令知之○丙寅諭軍機大臣等富明阿等奏防兵需餉孔亟請開墾圍荒繪圖呈覽一摺吉林防兵常川操演餉項支絀所稱墾荒各節業據派員確切查勘繪圖貼說尙屬詳明約計可墾之地共得二萬畝有奇既係光山無樹藏牲且可於荒溝河南

東華續錄

同治七十三

十

原有圍場附近處所另覓圍場不礙虞獵自無妨通融辦理著富明阿等詳慎妥商毋滋流弊並不准再行開闢以示限制至直隸山東等省逃往吉林難民尤須隨時稽查妥籌安插免貽後患圖一件畱覽將此諭令知之○李鴻章奏賊由商河敗遁濟陽以北之鄆家渡曲里集一帶張曜宋慶與潘鼎新商擬繞向賊北面進剿六月十一日行抵郭橋柳橋二更時該逆由東南竄至宋慶飭李承先率隊過河迎剿踏毀賊踞村莊兩處擒斬二百餘名該逆連夜向北狂奔宋慶督隊且攔且追張曜亦乘夜由新橋過河截剿十二日抵崔家寨馬莊擒斬二三百名該逆遺折而南撲入黃河沿之老海窪水向正東逃竄宋慶等亦分路鳧渡追剿張逆竄過老海窪卽循黃河向東北竄去適與張曜相值張曜迎頭剿殺匪勢不支敗回西南仍循河遁走宋慶馳抵河沿將該逆截

住賊復大敗張曜仍帶隊截堵該逆慌亂無路徑撲玉林鎮鴻福寺該處四面皆水官軍殺入賊匪投水死者坑溝俱滿宋慶所部生擒偽天將何洗俊並擊斃花旗著名賊首楊恩楊照悍酋張元等張曜所部擊斃著名賊首程二老砍程三老砍張錦泗周六均已查獲賊屍確實無訛大小賊目死者甚眾計是役擒斬淹斃賊夥約六七千名獲贏馬近萬匹該匪軍械輜重拋棄殆盡宋慶所部傷亡勇丁三百餘名張曜傷弁勇五十餘名是日賊沿徒駭河西向走適郭松林與東軍王心安皖軍張得勝程文炳先後由多石橋兜進十三日賊眾闖至擊斃無數賊由西竄郭松林等跟蹤向西追剿其正東一路張得勝先遇賊接仗擒眾驚竄闖至程文炳隊內奮力轟擊斃賊甚多十四日各軍追過多石橋西賊復折而北向由王莊搶渡徒駭河郭松林張得勝等趕至獲落後馬賊

東華續錄

同治七十三

三

下駛接應臬司張樹聲道員李逢春等飛調景州民團全隊上牆堵擊該逆在河東岸上下數十里盤旋竟夕周盛傳吳長慶督隊由東北兜追臣派親兵小隊道員周世臣總兵張樹屏由德州夾攻劉銘傳復調銘軍馬隊乘夜進襲是夜周盛傳攻破賊踞村莊數處收降賊目張九臨數百人周世臣等收降賊目張政綱張政位張可師尹瑞城等六百餘人銘軍馬隊收降邱麻子夥賊二百餘人周盛波收降李老懷夥賊八百餘人臣因其窮蹙乞命分別遣留十七日餘眾仍向德平一帶竄遁周盛波周盛傳郭松林張得勝等分路緊追臣親訊降目僉供張總愚前此受傷實不致命昨至運河邊猶首先策馬下河奈水深湍急礮子如雨眾賊畏阻不從張逆欲自尋死經其兄張總導勸阻痛哭而返眾賊見運河不能搶過官軍勢盛內生攜貳是夜先後赴臣營乞降者二千餘人見計該逆死黨惟存張總導張總先張政江數隊皆其親屬人愈少則糾結愈固張總愚決意避兵亂竄自稱走一日即活一日各軍追剿若不趁此地勢及另圖內閒似尚非一二仗可了惟有及時相機圖之冀速殲滅張曜宋慶轉戰日久軍士勞苦倍常此次出奇兜剿竭一晝夜之力出入泥淖中獲此大捷所有尤爲出力各員願懇 聖慈准照所請給予優獎俾作士氣至防守運河水陸各營及西岸景州紳團協力堵剿擊退悍逆可否由臣查明出力員弁彙案請獎出自恩施 上諭英翰奏賊竄濟陽抽撥防兵會剿丁寶楨奏東軍連獲大勝並團勇擊退竄賊情形各一摺昨據李鴻章奏徒駭河與黃河水勢增漲賊營以外一片水窪官軍分路進剿已獲大勝見在賊勢甚蹙正可乘此機會迅圖殲滅之計英翰見復添派總兵奎光帶領所部馬隊並於運河防軍內

東華續錄

同治七十三

三

抽撥三千人令奎光帶赴濟陽一帶著即飭令會合張得勝等軍
實力進剿並著丁寶楨檄飭東軍併力合擊一面鼓勵團勇並黃
河礮船嚴密防守李鴻章督飭前敵各營會合東皖豫各軍四面
兜剿務期就地殲除都與阿遵奉前旨如鹽山等處探有分股即
著就近痛剿左宗棠崇厚仍須嚴扼運河及減河一帶以防竄撲
毋稍疏虞英翰所奏本月初二三日後陳國瑞隊伍潰逃該侍衛
不知下落同日據丁寶楨奏初四至初七等日戰事陳國瑞軍在
武定商河等處剿賊屢有斬擒是潰勇等所供未可憑信著都興
阿李鴻章英翰檄飭該侍衛於所部勇丁妥為駕馭會合各軍迅
速滅賊英翰另片奏請將程文炳開副將底缺並將副將黃鳴鐸
以原品休致等語均著照所請行程文炳仍著記名以提督遇缺
儘先提奏本日復據李鴻章奏連日獲勝並擊退搶渡運河逆匪

東華續錄 同治七十三

都興阿奏察看河防並擬挑兵渡河會剿各一摺官軍在濟陽東
北會合攻剿破毀玉林鎮鴻福寺等處賊巢追至黃河沿老海窪
一帶循河剿殺屢獲大勝賊復由德平甯津越過吳橋於德州桑
園高家店等處搶渡先後經礮船團勇及李鴻章由德州派往之
隊會合截剿將賊股擊退屢次擒斬及收降賊匪甚多並嚴懲著
名逆目多名該逆敗殘已極著李鴻章等激勵將士乘勢痛剿或
另圖內間將此股殄滅淨盡毋留餘孽西北一帶運河防堵最關
緊要左宗棠見駐吳橋兵力較單務當振刷精神力籌堵禦李鴻
章尤當於德州一帶加意防河毋任一騎竄渡致成不了之局並
著都興阿將所部各營迅速挑選抽撥得力之軍渡河會剿不可
仍前延玩自干咎戾減河防務仍著會商崇厚妥為兼顧楊鼎勳
在營病故殊堪憫惜著李鴻章奏請優卹都興阿見派王萬鈞督

統所部防河能否勝任仍著李鴻章查奏春壽呈報勝仗情形與
春山等所稟各異而所部將士傷亡頗多有無捏飾仍著都興阿
確查參奏將此由六百里各諭令知之○予山東陣亡遊擊王林
祭葬世職○戊辰左宗棠奏劉松山郭運昌等駐軍甯津池東偵
知賊由商河北竄六月十五夜已抵甯津正南西南孫家集趙家
莊尙家莊一帶劉松山等令軍士捲旗疾追五鼓逼近賊巢分路
並進縱橫盪決賊眾紛紛潰竄斬獲甚多正追殺間有賊目張大
幅率張五孩舊黨七百餘人下馬乞降劉松山等受之挑其健者
隨行餘均解赴甯津聽候發落追殺二十里有賊目洪麟淋率馬
賊百餘伏地乞降受之復整隊追至吳橋探報張總愚正噉諸賊
向桑園渡口撲渡劉松山等派隊兜剿賊已經西岸官軍及礮船
轟退聞後路官軍又至遂折而南竄劉松山等於十六夜復各率

東華續錄 同治七十三

所部追之前後兩日夜共斃悍賊一千三四百名生擒六百餘名
受降賊目除張大幅洪麟淋外據郭運昌稟賊目張瀛超率黨四
百九十七名魯克桂及其子魯全春亦率黨數百名赴營乞撫又
有賊目周六焦仲赴營自稱有眾三千乞撫聞劉松山十六夜出
隊時有賊目率黨二千乞撫之事尙未接其稟報臣當賊蹤竄至
吳橋村派隊截剿沿途亦獲獲逸賊百餘斬賊目徐侍華等九名
均從逆多年髮長尺許者餘並分別安置擬俟事定按名遞籍降
人中如有兇悍嗜亂者亦斷不令其倖免刑誅致貽後患據各賊
供張總愚並無帶傷亦無雜髮之事近因黨與離心各思就撫憂
懼無措此次折竄西北本圖由東光泊頭一帶猛撲運河經老湘
卓勝等營衝擊始擊隊徑向西竄賊數存者不過數千臣仍飭劉
松山郭運昌等乘勝窮追誓滅此賊適黃運大漲賊路愈窮以理

勢論可期迅速就事此次劉松山所部副將雷致祥遊擊江春生血戰捐軀應請旨交部從優議卹以慰忠魂英翰奏張得勝程文炳各軍於六月十三日會合郭松林由多石橋進剿斃賊千餘收降捻首楊榮桂吳得名陳麻等數百人逆首程二老砍張政江楊識等同時爲各軍所偏皆投水而死該逆大潰僅餘敗賊數千人向北狂竄我軍連夜緊躡疊有斬獲十五日追至德平西南殺賊數百又收降捻目韓洛華韓萬等三百餘人挑選精壯分隸我軍隨同進剿仍一面拔隊會同郭松林等儘力窮追據擒賊並降人供張總愚存亡雖未的確而此股敗賊係張總導張政綁等糾領堅欲撲渡運河等語查該逆經各軍奮力合擊殲斃解散以數千計敗賊漏網之餘妄冀暫延殘喘臣已飛檄張得勝程文炳等合力猛攻務令悉數殲除不留餘孽仍親督運防上下一帶將士嚴

東華續錄

同治七十三

五月

斷不任其漏網即著嚴飭各軍加緊追剿俾得剋日殲除以慰厥繫將此由六百里各諭令知之○予山東陣亡副將雷致祥遊擊江春生祭葬世職○庚午諭軍機大臣等李鶴年奏豫軍剿賊疊獲大勝懇將出力員弁獎勵一摺據稱本月初七日至十二等日豫軍追賊至郭橋柳橋並崔寨老海窪一帶接仗疊勝及玉林鎮鴻福寺大捷情形與李鴻章前奏大略相同宋慶張曜前由豫省督軍赴直剿賊頗爲出力此次追賊直東疊獲勝仗並於玉林鎮鴻福寺痛剿賊匪尤屬奮勇可嘉所有出力各員前據李鴻章摺尤保奏已明降諭旨照請獎敘此次李鶴年所保各員有李鴻章前摺未經保獎者即著該撫咨明李鴻章彙案保獎以歸畫一前據李鴻章奏稱逆首張總愚竄至吳橋德州首先搶渡運河爲礮船及對岸民團擊退復被官軍追擊折向德平竄逸是張總愚在

東華續錄

同治七十三

五月

百餘名賊又折走東北袁保恆帶小隊進至德平之義渡口派魏林起馬隊探賊沿途擒獲騎賊數十人訊稱張總愚所部各頭目大半投降僅贖張總導張總先等兄弟相隨賊黨精悍無多等語又據侍衛陳國瑞呈稱十二日戰於濟陽之高橋擒賊百餘十三日偽准王邱遠才率八百餘騎來降該侍衛令其帶罪立功見已向東北追剿近日黃水盛漲灌入運河德州東光南皮境內東岸衝塌三處運水由平地漫溢入海足阻東北一帶賊騎追軍就地蹙剿更易得勢劉銘傳抽調馬步漸齊即日進兵會合各軍兜擊得旨著懷遠疊次諭旨督飭各將士乘此聲勢力圖剿洗以竟全功逆首張總愚悍黨無多務須悉數殲擒毋任逃竄○于軍營病故湖南提督楊鼎勳祭葬卹廕諡忠勤交國史館立傳並於江蘇福建山東等省立地方建祠○王申論軍機大臣等官文奏運東華續錄 同治七十三 天

西勇團師船擊退逆酋見飭加意嚴防一摺捻逆被運東各軍屢次剿敗亟思竄渡運西經臬司張樹聲等督率勇團會同師船奮力擊退不令該逆得以西竄辦理尚屬奮勉但恐該逆被剿窮蹙仍圖竄逸著官文督飭張樹聲等激勵勇團加意防守毋任偷渡致滋延蔓本日據給事中夏獻馨奏京東灤州等處有賭匪倡立花會愚民被其引誘每於夜間聚會附近十餘里村莊男婦相率猜賭請飭查禁等語匪徒聚賭最為閭閻之害花會名目尤干例禁當此捻逆未平京東一帶盜風尚熾亟應嚴行查禁著官文飭令該管地方官嚴行查辦不准虛應故事務使賭風歛迹不至別生事端是為至要原片著鈔給閱看將此諭令知之○癸酉諭軍機大臣等岑毓英奏旋抵省營分布防剿情形並請催四川等省迅撥協餉各摺片岑毓英以回匪分竄邵甸欲糾合各逆阻截省

東糧運因於五月十四日馳回省營相機辦理並派同知岑毓英等分路進剿見在新興州之後裕鄉已經收復又攻克呈貢縣之小古城等處賊壘直薄城下一俟呈貢甯得手即分軍進逼昆陽以解省城之圍籌辦尚合機宜著劉嶽昭岑毓英激勵將士分道進剿速將屯踞省外賊匪全行剿洗以固省垣重地其省內防守事宜並檄飭在城司道等盡心守禦以維大局該省餉需久絀亟須各省接濟著崇實瑞麟李瀚章劉坤一各查照張凱高及劉嶽昭在巡撫任內先後奏准部撥協濟滇餉迅速如數籌畫兌交滇省提餉委員星馳解往以資接濟將此由五百里各諭令知之○乙亥以孟秋時享 太廟 上前期親詣行禮○左宗棠奏查劉松山郭運昌馬步各軍六月十六日在甯津吳橋獲勝後十七日五鼓出隊追賊適賊目楊松茂率騎賊及被脅難民伏道乞撫東華續錄 同治七十三 天

劉松山受之簡其能戰者三百餘騎隨行餘委將弁送回甯津分別安置申刻追及賊之尾隊營總余虎恩率馬隊馳入賊中衝殺賊掣隊紛撲余虎恩被圍甚急劉松山等大隊馳至擊斃賊百餘名賊遂向德平一路奔竄十九日追至德平屬之周家莊忽報賊竄商河劉松山知其欲誘官軍南趨仍由東北逸出也屬郭運昌率所部回甯津扼之二十日劉松山富珠哩訥蘇肯各率所部向東北前進抵樂陵之程家莊適與賊遇賊向北飛奔官軍猛躡之擒斬二百餘名是夜抵鹽山縣之張家村偵知賊聚保和寨劉松山潛師疾進賊眾倉皇失措未及成列官軍衝殺賊屍枕藉寨內逃竄不及者盡殲之賊大股向西敗竄其衝斷各小股分竄正北及西北西南維時月明如晝官軍分路縱擊投斬穢叢伏賊百餘名比及天明北竄賊目周祿帶騎賊二百餘名馳回乞降劉松山

受之仍整隊向西追擊訶賊竄抵陳古村張村劉松山等各率所部急進張村之賊向西南竄走陳古村之賊因隔一港未及合併截殺略盡其斃賊千餘名生擒賊目李秀春成大義陳原亭等及餘賊三百五十名正法見在敗殘之賊不過二三千人能戰者不滿千人兼多軍械不全首逆張總愚屢次求死爲其黨勸止逆勢窮蹙已極臣以張曜宋慶陳國瑞等軍接續南追南路兵力既厚目前黃運交漲賊之去路已窮必仍折而北竄飭劉松山郭運昌於德平樂陵一帶相機兜剿並以連鎮迤北運流東漫防務稍鬆復飭臣親軍各營一駐甯津之大柳一駐吳橋之梁家集以防漏逸臣仍率親軍千餘駐連鎮以顧運防其收撫降眾先後共計七千有奇挑其健壯者分置前敵疲困者暫留老營至被擄孩童資送歸籍見刊護照路票兩種護照備給降眾路票備給難民大約京華續錄 同治七十三 元

老弱疲乏者先予遣散健壯者俟事定後審編明白再行資遣回籍方期周妥此次力戰陣亡之守備張得升把總胡松林應懇天恩飭部從優議卹以慰忠魂 上諭軍機大臣等該逆敗殘之餘僅止二三千人能戰者不滿千人兼多軍械不全其窘蹙情形已可概見正宜乘此機會力圖殲滅著左宗棠李鴻章英翰丁寶楨會督諸軍合力兜剿務期及早殄滅以奏膚功賊匪被剿情急勢必乘隙圖竄運西左宗棠李鴻章當力籌扼截毋稍疏虞並著都興阿一面嚴顧運防一面督軍會勦崇厚亦當力籌軍火糧餉接濟都興阿軍營以應急需至各路軍營所收降眾惟有令在前敵殺賊如不肯盡力或與賊暗通消息著左宗棠等飭令前敵統將即行正法沿河一帶防務見值喫緊之時不可將降眾錯置其間致貽後患該大臣等務須慎之又慎不得稍涉大意其給發照

票散遣老弱降眾難民一節亦宜詳慎辦理不可掉以輕心致令奸匪漏迹渡河又形滋蔓將此由六百里各諭令知之○諭前因林壽圖奏請裁撤西安糧臺當令左宗棠酌度具奏茲據左宗棠奏稱西安所設甘肅後路糧臺原爲支應慶涇諸軍而設西安糧臺一撤秦隴餉道中斷平慶涇固一帶實兩省孔道糧臺專設秦安遠道轉輸亦有鞭長莫及之虞西安所設甘肅後路糧臺斷不可撤等語左宗棠身任兼圻自應總權兩省通盤籌畫既據酌度定議即著林壽圖仍遵前旨將西安糧臺各事宜照舊妥爲經理毋許推諉並著左宗棠隨時提撥協甘各餉通融接濟俾得餉項有著克贖飢軍甘省荒瘠情形既爲該大臣所深悉且見存兵數尙有百四十餘營之多軍士待哺嗷嗷豈能枵腹荷戈雖先秦後隴勢有固然而唇齒相依實爲安危所繫該大臣務當妥籌兼顧以濟急需不可稍存歧視致虞譁潰山西原協涇慶之餉著鄭敦謹照舊撥西安糧臺以歸簡易穆圖善即行轉飭林壽圖於協餉到時隨時提撥以資接濟將此由六百里諭知左宗棠穆圖善鄭敦謹並傳諭林壽圖知之○諭麟興榮全奏請飭撥兵催餉籌辦烏科防務福濟錫綸奏布倫托海叛賊東擾情形各一摺布倫托海起釁之由既由李雲麟辦理不善所致又不能設法彈壓乘營速走以致叛賊尋蹤東擾貽誤事機厥咎甚重本日已明降諭旨將李雲麟先行革職交福濟錫綸確查據實參辦並將明瑞補授布倫托海辦事大臣矣明瑞惟當振刷精神會同錫綸將布倫托海應行事宜妥籌辦理不可畏難苟安致有貽誤棍噶扎勒參見已帶兵進擒賊巢奮勇可嘉並著明瑞錫綸商同該呼圖克圖迅速相機勦辦毋任蔓延其有被脅之人亦當分別解散以孤賊勢

該匪既有東竄之信科城防務實關緊要奎昌福濟務當先事圖維督率兵民嚴密固守並著調蒙古官兵協同防剿不可漫無布置麟興等請調直隸等處兵丁出關助剿此時內地沿邊一帶防剿正資兵力勢難抽調出關且亦緩不濟急其請飭催各省協餉三十萬兩著戶部查明應解新疆餉銀省分行知該督撫催令將欠解之款迅速籌解不得仍前延緩致誤大局烏城防守事宜著麟興榮全錦丕勒多爾濟就見有兵力認真籌辦毋稍大意奎昌等另摺奏車林多爾濟因病懇請開缺等語本日已明降諭旨准其開缺回旗調理該城一切事宜是否必應添設蒙古人員相助為理著麟興奎昌福濟等詳細酌覈如必應添設即著該將軍等酌保一二員候旨簡放將此由六百里各諭令知之○浙江海塘工竣

東華續錄 同治七十三

三

秋七月丙子朔飭山東山西河南撥解新疆軍餉○英翰奏據張得勝程文炳等具報我軍自德平獲勝後會合淮東諸軍由德平甯津吳橋一路跟蹤而進疊有新獲六月十七日該逆搶撲運河經水軍擊退回竄德州東北為我軍追及張得勝程文炳督率馬步直前擊之張逆糾眾來拒營官王心忠等奮勇衝入陣斬悍賊百數十名收降三百餘人其時郭松林郭運昌等軍亦趕到截賊賊向西南奔竄我軍追至商河之常莊該處河湖交錯賊遂阻湖為固以大股分列湖邊抗拒我軍涉水而進馬步分三路衝擊程文炳與總兵李得勝直搗中堅張得勝率隊由湖西夾攻賊始奔潰乘勝掩殺殲斃悍賊六七百名收降捻目羅開詳等共三百人立將該逆衝為三段一循湖向南奔竄一向西北奔竄為淮東卓勝各軍所擊掃除殆盡惟餘張逆一股數千人奪路而奔二十三

日竄至臨邑適總兵奎光帶隊迎剿行至鄧莊遇賊奎光豫伏馬步各隊於西南兩面而自率大隊擊之張逆自帶馬賊直前猛撲副將陸鴻慶等下馬抵戰斃賊數百名正酣戰聞參將徐思祥等伏軍衝出將賊隊截分兩段大軍四面圍鈔該逆大敗狂奔我軍追殺二十餘里其斃賊七八百名生擒四百餘名收降二百餘名此次皖軍前截後追於溥暑苦雨中三獲全捷見在淮東皖豫及陳國瑞各軍均由東北兩路躡賊而進賊已竄至高唐一帶張得勝程文炳奎光等會合諸軍分道追擊據降賊供稱張逆所餘三四千人其中能戰者不過一二人逆目張總導受傷甚重該逆自知無路可逃惟冀搶撲運河希圖漏網等語 見督治運各軍加緊防範並飭催張得勝等儘力窮追務期迅殲首逆竟此全功報聞○丁丑以捻匪蕩平 上諭 慈安皇太后 慈禧皇太后

東華續錄 同治七十三

三

前賀捷○李鴻章奏各路官軍追剿張逆在鹽山滄州德平等處屢次大捷賊勢衰蹙花旗頭目周祿羅大各率敗賊來降張逆向博平清平一帶圖撲運河幸東昌臨清張秋濰河水深各營嚴守賊不敢近又馬頰河黃水漫入先經 臣 與丁寶楨嚴飭該官紳於河西北岸聯築長牆數百里足限戎馬 臣 派劉銘傳調齊馬步即日進追六月二十五日劉銘傳郭松林由陵縣會師南追袁保恆亦同往聯絡豫境各軍旋據郭松林劉銘傳二十八日午刻在莊平縣之南鎮行陣中草書數百言專弁馳遞德州內稱二十七日賊由博平向東昌池南李海務竄撲河牆當經守軍擊退劉銘傳等議於徒駭河沿河橋口紮住劉銘傳步隊由桃橋守至南鎮郭松林步隊由桃橋守至博平袁保恆往博平約會宋慶張曜由博平守至東昌將賊圍在徒駭黃運之間庶馬隊可就地兜逐二十

八日早賊由西向東回竄劉銘傳調集馬隊迎擊該逆且戰且走
追期數里值郭松林東來馬步全軍攔住去路又兼河道分歧水
溜泥陷劉銘傳郭松林兩軍馬隊五六千人縱橫合擊大股賊匪
全數擒斬張總愚僅帶數十騎北逃馬勇追上聞該逆棄馬遁入
高粱叢中又聞有投水淹斃之說劉銘傳當派鄧長安率馬隊四
路兜尋尚未回報張總愚之愛子張葵兒被郭松林所部擒獲並
擊獲頭目甚多張總愚之姪張政江率數十騎逃至南鎮正遇劉
銘傳所派駱國忠左右兩軍堵住擊獲極多約共生擒老賊三四
千人餘經善慶溫德勒克西等軍追殺已盡各等語臣見派各路
官軍搜捕餘匪並令降賊素識張總愚面貌者懸立重賞四處購
求無論死是生務得確實下落該逆本在運河圈套之內見在
河水極漲各處伏軍嚴密皆欲得而甘心斷不容其漏網張總愚

東華續錄

同治七十三

蓋

本有勢窮即自尋死不肯顯受刑戮之說其投水淹斃似尙可信
除俟有確實下落再行馳報外所有各軍出力人員及河防團練
擬請飭下該統兵大臣及各督撫自行覈實保獎英翰奏連日各
軍跟蹤追期屢獲大勝見據張得勝程文炳等派弁馳報六月二
十八日張逆竄至博平東南徒駭河邊經張得勝程文炳會同淮
軍袁保恆劉銘傳郭松林潘鼎新暨豫東各軍四面進隊合力圍
圍大獲全勝逆股三四千人除斬擒收降外其餘盡偏入河中淹
斃全股撲滅淨盡逆首張總愚同時投水伏誅逆屍尙未尋獲等
語聞信之下彌深忭舞此皆仰仗 聖主天威是以大功克定其
連日戰事並查明逆屍容續行詳奏謹先將大概情形恭摺馳報
上諭內閣本日據李鴻章英翰由六百里加緊馳奏官軍會剿
擒逆全股蕩平大概情形各一摺覽奏甚爲欣慰前據李鴻章等

東華續錄 同治七十三

疊次奏報追期逆匪賊勢窮蹙諭令各該大臣等迅速殲除茲據
奏稱六月二十日提督劉松山督隊追至鹽山滄州等處截殺三
四百名布政使潘鼎新提督郭松林張得勝侍衛陳國瑞會同追
賊至德平等處降其逆首羅六郭松林等復會同都統善慶溫德
勒克西追至商河該逆涉水向西南逃逸潘鼎新等仍復冒雨力
追進至高唐該逆圍撲運河復經提督劉銘傳郭松林候補京堂
袁保恆等聯絡豫皖各軍分段扼守二十八日早賊由西向東回
竄劉銘傳調軍追殺適郭松林追賊東來攔截竄路縱橫合擊大
股賊匪全數擒斬並擒獲張總愚之子張葵兒正法兼生擒各賊
目多名計共生擒老賊三四千人餘逆悉數殲除全股蕩平從此
直隸山東河南各地方生民得以安業慶幸良深惟據稱張總愚
投水淹斃逆屍尙未尋獲著李鴻章等查明張逆實在下落無論
生死務須得有確據並著督飭各軍搜捕餘匪總期盡絕根株以
免後患李鴻章前因督軍赴援遲延並不能克期滅賊曾疊予懲
處該大臣深知感畏奮勉督勸冒暑過征克奏膚功自應先予開
復以彰勞勩李鴻章著先行賞還雙眼花翎黃馬褂騎都尉世職
其疊次因勦捻不力降革各處分並著查明開復左宗棠縱賊出
陝追期尙屬迅速抵直隸後督軍截擊扼守運防亦頗嚴密著將
該大臣疊次降革處分一並先行開復河南巡撫李鶴年前以防
勦貽誤量予懲處惟該撫所派張曜宋慶兩軍勦賊甚爲得力該
撫並督隊出境防堵亦能顧全大局李鶴年著先行開復革留處
分並賞還頭品頂戴李鴻章等暨英翰丁寶楨等均俟一律具報
肅清聽候恩旨所有疊次勦賊最爲出力之劉松山郭寶昌郭運
昌宋慶張曜善慶溫德勒克西陳國瑞郭松林潘鼎新跟蹤追期

東華續錄

同治七十三

蓋

東華續錄 同治七十三

四三

歷時最久不解勞瘁甚可嘉尚劉銘傳甫經抵營雖於勦辦此股
捻匪戰績無多惟該提督前勦任賴各逆勤勞卓著此次帶隊會
勦蕩平醜類亦屬一體有功該都統提督等及所部馬步各隊出
力人員著各該大臣督撫等迅速查明覈實請獎以昭懋賞其餘
出力員弁亦著一併請獎毋許冒濫○諭本日據李鴻章馳奏官
軍追勦捻逆於六月二十八日在山東往平南鎮一帶將逆匪張
總愚全股蕩平已明降諭旨宣示因思捻逆自上年冬間渡河北
犯擾及河南彰衛懷三府及直隸山東所屬各州縣凡賊蹂躪之
地焚燒擄掠慘不可言小民耕種失時流離轉徙各該處紳民猶
能集團修寨並隨同官軍築牆防護奮勇殺賊保衛地方朝廷於
矜憫之中尤深嘉尚除山西被擾各州縣應徵錢糧業經該撫奏
請蠲緩外其直隸山東河南被賊各州縣著各該督撫迅速查明

東華續錄

同治七十三

奏

分別擾害輕重情形奏請蠲緩錢糧候旨施恩所有各處團練出
力紳董人等亦著各該督撫等一併詳查奏請獎勵其禦賊被害
者並著查明請卹○諭軍機大臣等李鴻章奏連日督軍追勦屢
獲大捷西捻全股蕩平並飭各軍查明張總愚下落各摺片覽奏
實深欣慰各路官軍追勦張逆至鹽山滄州及德平博平清平等
處屢獲大捷逆目次第乞降大股賊匪全數擒斬惟逆首張總愚
是否擊斃抑係淹死未據查明著李鴻章等督飭各軍嚴密搜尋
該逆無論死是生總須訪查確實毋令渠魁漏網該逆之姪張
正江亦尚無下落著一併查明具奏並著都興阿左宗棠李鴻章
英翰丁寶楨飭令該將領等乘此聲威搜捕餘匪務絕根株運河
等處官軍團練並著都興阿左宗棠李鴻章官文崇厚英翰丁寶
楨等責令各該兵團加意嚴防認真守禦且張總愚屢圖颺水偷

渡以求倖脫尤不可稍涉大意各營疊次收降甚眾該大臣督撫
等當妥籌善策分別遣散並令將馬匹器械一律呈繳見在兵勇
尚難遽撤至將來遣撤之時尤當分起撤回妥為辦理斷不可吝
惜小費就近在直東遣散以致滋生事端陳國瑞所收降人偽淮
王邱元才諒即係邱遠才即著都興阿飭令該侍衛派隊將邱元
才及該降眾送至英翰軍營交該署撫妥為鈐束正在寄諭聞據
英翰馳奏各軍偏賊於徒駭河大獲全勝首逆張總愚投水伏誅
逆屍尚未尋獲等語仍著李鴻章等檄飭各軍會同搜捕務得確
情是為至要將此由六百里各諭令知之○諭本日據李鴻章奏
捻逆蕩平已明降諭旨宣示並將該大臣等分別施恩矣惟此次
各軍追勦陣斬各逆固多而窮蹙投降者亦復不少前據左宗棠
奏稱該大臣收降已至七千餘名而李鴻章英翰各營所收亦不

東華續錄

同治七十三

奏

下數千名此輩狼子野心富賊匪熾盛之時即拚力抗拒官軍追
勦敗之後始行乞降以冀免死恐日久故態復萌為患無窮所有
收降各頭目著該大臣督撫等密為察看其中歷次反覆及桀驁
不馴者即予正法毋稍濡忍致滋後患其所帶降眾如實係獲脅
者量予遣散其餘亦當妥為鈐束設法安插輾轉重地未可稍涉
疏略再煩兵力此次飭赴英翰軍營之降目邱元才並著英翰妥
為辦理該署撫向來遇事尚有決斷諒不至為所愚也將此由六
百里各密諭知之○諭劉岷奏苗股撲犯寨頭官軍疊擊獲勝並
分勦黎平思州竄苗情形暨請准江西協濟餉銀教首劉儀順見
已逃逸各摺片席寶田一軍踴毀岑松等處賊卡逆首潘老目等
聚踞聖州經榮維善各軍分路攻擊疊將鬼總牛尾坡等處賊巢
焚毀淨盡其囊榮賊匪突由寨頭西山圖撲官軍營盤亦經謝蘭

階鄧子垣等督軍追勦斃賊甚多楚邊業已安謐惟貴東近楚苗巢以寨頭爲最險自應於攻克後籌畫進兵即著劉峴飭令葉兆蘭等暫行駐紮寨頭遇賊即擊毋棄前功席寶田業經給假兩月並著飭知該臬司假滿後迅速回營以圖進取思南石阡一帶善後事宜該撫務當檄令彭芝亮妥爲經理並派營分駐以資鎮撫不准稍涉疏虞湖南餉需久形支絀前議由江西每月協濟銀一萬八千兩精資接濟見在李元度席寶田兩軍兵數有增無減需餉尤亟著劉坤一將每月撥解李元度餉銀一萬八千兩改爲協濟湖南援黔軍餉按月委員解往以贍軍食李元度假滿在即著劉峴傳知該臬司懍遵前旨挑帶勁旅趕緊赴滇勦賊毋許藉詞逗留教首劉儀順稔惡已深見雖將朱明月等先後擒斬而該逆改裝遠颺其詭譎已可概見據奏年已昏耄不能爲禍將來第該

東華續錄 同治七十三 逆身爲教首狼子野心安知不復行煽惑見既逃入貴西麻哈州地境則自有蹤迹可尋仍著劉峴密飭各防將士隨時技擊毋任元兇漏網將此由五百里各諭令知之○于貴州陣亡參將彭蓋勳等祭葬世職○戊寅諭軍機大臣等據李鴻章英翰馳奏捻股全數蕩平各摺當經諭令該大臣等並各該督撫按捕餘匪並確查張總愚下落具奏本日據丁寶楨馳奏淮東等軍勦賊屢勝並擒獲逆首各摺片王心安王正起等軍或緊躡賊蹤或在防迎勦

確實仍著李鴻章英翰丁寶楨詳細查明無論淹斃擒獲均須得有確據並著認真按捕不可稍有疏略該逆詭譎性成或恐薙髮改裝泗述渡河竟至漏網李鴻章英翰丁寶楨固宜盡力按捕都興阿左宗棠官文崇厚亦宜督飭兵勇及各地方鄉團一體嚴緝總當俟查明該逆首下落後方可將沿河兵團再行議撤毋得草率了事致貽後患將此由六百里各諭令知之○諭穆圖善奏派隊勦辦東南各匪及秦州土匪一摺土匪剛八即張貴在靜甯州地方糾眾倡亂黨與至一萬餘人之多徼成各縣境界突有東來股匪滋擾糧道梗塞自應迅速勦辦以免蔓延穆圖善見已派令善山保傅先宗等分投勦洗著即嚴飭該副都統等激勵將士實力奮擊以靖亂階徽城一帶回匪尙未踞有巢穴尤當乘此立足未定併力捕誅毋留餘孽剛八雖係迫而爲盜而屬聚稱亂與回匪等其被脅難民固不必概行誅戮該匪首甘心叛逆豈得曲從寬宥著穆圖善飭令派出各員分別妥慎辦理毋得將就了事貽患方來將此由五百里諭令知之○已卯諭內閣前因副都統春壽呈報勝仗情形多有隱飾諭令都興阿確查具奏茲據奏稱查明春壽前在海豐慶雲交界處所突遇大股馬賊接仗失利傷亡頗多捏報勝仗請旨懲辦等語齊齊哈爾副都統春壽以帶兵大員勦辦賊匪一切接仗情形自應據實呈報乃既不能奮勇殺賊又復捏詞稟報諱敗爲勝實屬可惡春壽著即行革職毋庸留營以昭炯戒其所部馬隊即著飭令副都統富和等認真整頓並查明該營員等如有剋扣兵餉等事即著從嚴參辦○庚辰英翰奏前據張得勝等具報張逆伏誅捻匪全股肅清當將大概情形先行馳奏查該逆先於六月二十二日竄至德平程文炳正由甯津

東華續錄 同治七十三 兵團力扼賊匪未容搶渡亦屬出力該逆全股見已經各路官軍團勦殲淨盡准據李鴻章英翰奏稱六月二十八日之戰張總愚尙未擒獲所稱投水淹斃之語亦未得有確據丁寶楨此次所稱二十八日在馮官屯地方將逆首張總愚並張總導擒獲是否

拔隊張得勝一軍已先抵德平探知該逆全股在距城一二里村莊暫息張得勝即會同陳國瑞整隊迎擊該逆人馬正在覓食我軍乘其不備從中殺出擒賊數百名該逆四散奔逃張逆自帶悍賊向東狂竄張得勝會同陳國瑞分道躡追該逆拚命回撲我軍排壓而前且戰且進追奔三十里共斃賊四五百名二十三日賊竄臨邑即遇總兵奎光攔擊大獲全勝維時張得勝程文炳已會合淮東豫各軍緊躡而進該逆自知無路可奔惟拚死向南狂竄臣派總兵徐登善已革道員張景渠帶隊赴魏家灣沿運河一帶探勦二十五日賊為奎光馬步所偏由高唐竄至清平以南遇道員劉傳楨帶隊游巡出其不意斬擒百餘騎賊轉向西趨二十六日甫近魏家灣徐登善等分三路而出該逆不敢戀戰向北狂奔張從龍等復帶防軍攔腰擊之賊回竄東南我軍兩面夾攻又獲

東華續錄 同治七十一

大勝同時淮東各軍沿路追殺擒斬收降者不計其數張逆僅餘死黨踉蹌南遁竄過徒駭河向杜平一帶奔逃二十七日淮東豫皖各軍齊抵徒駭河見賊麇集於一隅之地該處三面皆水東面八九十里南北僅四十餘里正值黃水泛漲平地一片汪洋該逆已入絕地斷難竄越張得勝等三路齊進一面撥雷隊伍扼守徒駭河阻其北竄一面於各軍挑選精銳馬隊分道進攻皖軍由吉家橋進淮軍由王家橋進東軍由陳家西橋進賊正盤踞高阜一見我軍趕到倉皇失措張得勝等直前進擊而以降眾韓洛華等從旁攔截張逆情急事迫自率全股死黨向正北拚命衝撲正與東軍之隊相值我軍人人奮勇大呼而前韓洛華等亦從旁鈔出該逆負創而逃我軍馬隊自後追殺沿途賊屍枕藉該逆亡命向東北奔逃正遇劉銘傳郭松林等督率諸軍乘勝兜勦豫軍亦自

南面前進該逆腹背受敵登時大亂我軍合隊掩殺復陣斬悍賊多名賊匪無路可逃見有大溝數道橫互於前張逆率死黨縱馬猛撲妄冀過溝逃命維時溝中水深數尺賊騎一經墮入皆陷泥淖不能施展各軍會合一處以洋槍四面圍擊逆目張總導張政江程三老砍暨逆眾三四千人除為各軍擒斬收降外咸斃於深溝積潦之中據擒賊供稱首逆張總愚為洋槍所擊同時投水伏誅而徧查該逆屍身竟不可得復再三研究降眾供張逆已為官軍圍裹在內及撤隊時見兵勇將該逆所騎之馬及隨身所帶黃羸牽出若非就擒必死亂軍之中其為張逆伏誅已無疑義伏查擒逆倡亂十四五年流毒數省自臣擒獲張落刑並捕戮張總愚之父張負刑後該逆以漏網餘生狼奔豕突今春竄近畿疆轉趨東豫數十州縣復被蹂躪實屬罪大惡極神人共憤幸蒙 聖

東華續錄 同治七十三

諒廣運指授機宜因運防以扼賊衝懸厚賞以勵士氣各軍同心敵愾克奏膚功實足以快人心而伸 天討所有皖省各軍自本年春開出省牛師韓方長華黃秉鈞屢捷於豫省程文炳復追勦於直境兩扼該逆北趨之路迨賊竄運東各軍復與之縱橫角逐往來數千里迄未喘息四月間商定守運之計黃秉鈞張從龍方長華等扼守運防程文炳牛師韓張得勝等專司游擊於炎天酷暑大雨積潦之中奮勇苦戰卒能始終不懈竟此全功實屬勳績卓著其尤為出力之將領員弁自應先行繕具清單懇恩施分別給獎以示鼓勵其餘出力員弁並懇 天恩俯准 查明保奏出自 鴻慈又奏擒匪蕩平謹將應籌善後事宜據實臚陳一請裁撤直隸練軍另選精銳以衛畿輔也查直隸練軍六軍原以備緩急之用惟練軍平日所習者不過操演陣式從未臨敵猝

遇緊急一無足恃似可裁撤歸伍畿輔重地另簡精兵以資拱衛
爲長駕遠馭之計查淮皖豫各軍精銳可靠臣愚以爲可就此數
軍內選擇勁旅一萬八千人仍分爲六軍每軍計三千人立一統
帶而以兩軍併爲一路每路擇一大將領之其駐紮處所東路宜
在通州寶坻一帶西路宜在涿州良鄉一帶南路宜在固安新城
一帶皆距畿輔甚近平居則住營訓練一有調遣朝發夕至呼應
既靈事權亦一所需軍餉由何省調取之軍即仍由何省供應不
必另撥餉項如此辦理既可隨同神機營勁旅環衛京師亦不至
虛糜軍餉一請酌留皖省防兵以靖地方也查剿捻之軍皖勇居
其大半一經遣撤以皖人回籍者爲最多非獨皖軍皆穎毫人也
卽如淮軍初起之時勇皆募自六安合肥今則穎毫之人十居其
七豫軍亦十居五六而各軍收降之眾又皆係皖北土著安插既
東華續錄 同治七十三 望
定尤非以重兵鎮之不可應請於皖軍內挑留一萬二千人分爲
四大枝每枝三千人選派得力將領統帶分駐要地聯絡彈壓遇
有小醜滋事卽時剿除不令滋蔓其東豫兩省應行酌留兵勇鎮
撫地方亦請飭下東豫兩省撫臣一併察覈辦理具奏抑臣更有
慮者穎毫民情易動難安見在軍事既定宜寬其既往請再申明
諭宣示凡捻逆未平以前所有爲匪之人已經投誠遣散者一律
准予自新不准再行尋仇指控地方官亦不得藉端吹求以安反
側此後再有作奸犯科之徒仍照例由各地地方官隨時嚴辦以昭
炯戒一請緩裁各省釐捐以佐軍食也見在各省之軍既須籌備
西征又須甯防本省兵一日不能撤則餉一日不可缺查軍興以
來各省地丁協餉多不足恃惟恃釐捐爲接濟應請照舊辦理暫
緩裁撤以佐餉項臣愚見所及是否有當恭候 聖裁 上諭軍

機大臣等張總愚投水淹斃之說尙無確據見雖餘眾蕩平而首
逆至今並無實在下落萬一含糊了事日後仍復潛出嘯聚再煩
兵力尙復成何事體著該大臣督撫等嚴飭所部各將領實力搜
查張逆是生是死必得實在確據方能撤防並著該大臣等迅速
查明覆奏以慰屢繫張逆素性詭譎恐其雜髮溷迹潛逃過河著
左宗棠官文崇厚等飭屬一體嚴擊毋稍大意其各處藏匿餘匪
必當搜捕淨盡斷不可使一名漏網所有先後收降之眾爲數甚
多前已密諭該大臣督撫等設法安插其著名頭目及反覆無常
之輩斷難使其倖生諒已安速辦理自來降眾忽撫忽叛最爲大
患況捻逆與流寇無殊該大臣等當引前事爲鑒不可苟且目前
致棄前功諒該大臣督撫等深明利害必能措置得宜也其如何
辦理之處並著妥商覆奏毋稍疏略正在寄諭聞復據英翰奏善
東華續錄 同治七十三 望
後章程各條並請撤皖軍各摺片所奏不爲無見其請撤直隸練
軍留勇扼紮一節都與阿左宗棠李鴻章官文俱久歷戎行目覩
畿輔情形崇厚在津年久亦深知其得失卽著該大臣等會商良
策以昭覈實西征事宜前因崇厚陳奏曾論該大臣等於軍務完
竣擇其願留軍營者挑選入關除劉松山郭寶昌所部兩軍應由
左宗棠統帶回陝接辦回務外其各營勇丁著李鴻章左宗棠等
酌量情形奏聞候旨派往皖省應留重兵並免其查究前案自係
權宜辦理李鴻章籍隸皖省都與阿亦久在江南情形自必熟悉
並著會商覆奏其東豫兩省應如何酌留兵勇鎮撫地方之處並
著丁寶楨李鶴年一併妥籌奏明辦理英翰著查明張逆實在下
落餘匪肅清再行統帶回皖兵勇南下諒旬日之間必可蕪事正
不必急急言旋也所請保舉出力員弁各摺單著暫留中屆時再

行降旨優獎密片一件著留中候旨妥辦將此由六百里各諭令知之○諭本日據英翰密片一件所陳不為無見著將原片鈔給李鴻章閱看該大臣即將所奏情形悉心妥籌辦理該降逆當日句結任張諸逆以致價格林沁捐軀殊堪痛恨該大臣當將此意宣示庶見在降眾不至羣懷疑懼也將此由六百里密諭知之○諭劉嶽昭奏滇中匪股太多省圍難解請飭川軍移防為期一摺據稱迤西賊匪連陷楚雄激江各府州縣二十餘處省城圍困已及半年賊匪愈聚愈多若延至七八月中滇事尤難措手見在鎮雄等處已就肅清川省防兵尚未遣撤請飭將四川筠連各處防軍仍歸提督胡中和統領出境移防滇匪等語滇省匪氛一日未平即川防一日難撤自應移師會剿以全危局而顧邊疆除劉嶽昭咨行胡中和辦理外著崇實迅飭該提督統帶筠連防軍取道東華續錄 同治七十三 聖

昭通直攻永北以擣賊巢該軍軍火口糧即由四川隨時接解俾資飽騰其尋甸一路並著劉嶽昭督率李家福等相機攔截遏賊劣趨岑毓英亦當激勵兵練將附省之賊痛加勦洗以期四面夾擊藉解省圍劉嶽昭另片奏續調之梁士美一軍甫抵晉甯即退是滇練既不足恃客兵尤不可遲等語所奏均係實情胡中和駐紮處所距滇非遠即著該督飛調前進毋任在途逗畱該提督入滇後該督仍當與之妥籌進止會合滇省各軍以壯聲勢而殄寇氛將此由六百里各諭令知之○辛巳諭軍機大臣等蘇廷魁奏黃河險要各工見籌搶護一摺據稱上南廳胡家屯溜勢於六月二十四日以後忽提至榮澤汛十堡該處舊工久經淤閉隄身本矮此時水勢非常旺盛更兼徹夜風雨水由隄頂漫過刷寬口門二十餘丈等語該處險工亟宜搶護著蘇廷魁督飭所屬寬備稽

料廣集人夫乘此尚未奪漚之時趕緊盤做東西裏頭下埽占實力追壓以維危局蘇廷魁所請續撥防險銀兩前已諭李鶴年迅籌撥解著該河督仍一面飭司寬籌款項以資接濟惟須功歸實用毋任該廳員等濫支冒銷徒糜帑項將此由五百里諭令知之○諭庫克吉泰劉典奏甘回分途內犯各軍接仗疊勝暨文家川等處擊賊獲勝各摺片甘省回逆由靈臺宜至麟游經中書吳士通等擊退其大股圖竄耀州三原提督周紹濂高連陞等追至雷原合軍夾擊斃賊尤多黃鼎劉倬雲等軍復在邠州世店等處擊敗馬正和同黨而回逆仍由三水內犯設伏原下劉倬雲督軍屢戰賊始敗走赫阿渾馬偽元帥一股竄至中部之王村一帶亦經魏光燾高連陞等四面鈔擊該逆眾淹斃殆盡見已檄飭高連陞各軍相機進剿所籌尚屬妥協惟三水以北宜君以西賊蹤屢集東華續錄 同治七十三 聖

若不將甘回痛加勦洗則陝境何日得安著庫克吉泰劉典迅飭高連陞由同官一路乘勝前進其洛川中部等處並著分飭劉端冕周紹濂攔頭截擊毋任該逆喘息復肆蔓延所有洛東敗賊即責令魏光燾實力跟追以期悉數殲滅回目楊汶治率黨竄踞文家川紅崖河及正甯之三家原一帶劉倬雲派隊分擊殺斃極多該逆踞堡抗拒復經喻兆圭等督隊圍攻連破賊壘賊向正甯北原上敗去仍著檄令劉倬雲嚴飭所部隨時偵探不得以逆蹤遠颺稍形疏懈將此由六百里各諭令知之○于陝西陣亡總兵官侯鼎綬等祭葬世職○壬午諭軍機大臣等昨據劉嶽昭奏請飭川軍移防為期當經諭令崇實迅飭胡中和統帶筠連防軍取道昭通直攻永北以擣賊巢該軍軍火口糧即由四川隨時接解茲據崇實奏稱胡中和係實缺提督有邊防營務之責難應鄰省徵

調等語見在滇南軍事萬緊餉絀兵單非藉援鄰省殊乏滅賊之策川省援黔之軍屢次獲捷該處軍務較鬆自應分力援滇爲自固藩籬之計仍著該署督遵奉昨日寄諭辦理毋得稍存膜視如該提督萬難移師入滇即著崇實另籌一軍邊派得力將領星速統帶前往不得有名無實一應軍火口糧仍由川省隨時撥解該軍入滇後著劉嶽昭岑毓英遵奉前旨與之妥籌進止會合滇軍聯絡聲勢迅殄逆氛將此由六百里各諭令知之○允崇厚奏撥天津倉米賑恤難民○甲申諭軍機大臣等神機營奏擒逆蕩平餘匪尙須搜捕擬將設防各隊分別畱撤並請飭官文等責令各地方官查拏餘匪各摺片此次期平捻股情形經李鴻章等先後馳奏當將安插降眾遣散兵勇各事宜諭令該大臣等悉心妥辦惟逆首張總愚投水伏誅情節是否可憑至今未據查覆仍著都

東華續錄

同治七十三

聖

聞此股賊中有該逆在內何以見在各營並未提及著該大臣督撫等徹底查明毋任倖逃顯戮直東一帶向多伏莽見當大兵未撤之時搜捕較易爲力即著都興阿左宗棠李鴻章官文崇厚丁寶楨乘此聲威如查有成股未散之著名匪棍派兵搜拏以清積患刻下捻股雖經殲滅其敗匪零散乘隙逃匿者尙復不少若不及早鏟除難保不於撤兵後復行嘯聚第各省兵勇與直東各處民團互相仇殺結怨已深豈可再使兵勇紛紛滋擾著官文崇厚丁寶楨各飭地方道府州縣官親帶紳團按地嚴拏餘匪如有敷衍了事及含混塞責者一經發覺即將各該地方官指名嚴參按律治罪各村莊中有隱匿賊匪逃勇者並著從嚴究辦以遏亂萌儻搜捕各匪必須會同兵勇即著官文等咨調在防京兵及本省駐紮官兵分別勦辦亦毋庸借撥客兵致多擾累將此由六百里各諭令知之○諭總理各國事務衙門奏請改派西疆分界大臣並請飭催將分界事宜迅速舉辦一摺布倫托海分界事宜前有旨派李雲麟辦理該員見已革職所有布城分界事宜著改派明瑞接辦新疆毗連俄境分定界址應建界牌鄂博等事關係極爲緊要宜如何迅速籌舉辦乃布倫托海辦事大臣欲令烏科兩城先辦而科布多參贊大臣將烏柯克卡倫池西屬於布倫托海據原議條約自西而東一語欲令布倫托海先辦烏里雅蘇台將軍又以立界之事自應照原議由西而東而烏柯克卡倫係科布多所屬仍欲令科布多先辦彼此互相推諉不知是何居心儘再任意延宕貽誤事機該大臣等其能當此重咎耶著榮全奎昌明瑞懍遵前旨各於應行建立界牌鄂博之處會同俄國分界官員詳慎妥辦速爲了結麟與身任將軍於地方緊要事件尤不可畏難苟

東華續錄

同治七十三

吳

安一意推諉有負委任布倫托海雖有勦匪事宜亦不可置分界為緩圖一味顧預致滋貽誤明瑤即當斟酌情形會商麟興榮全奎昌剋期辦理毋得遷延干咎原摺均著鈔給閱看將此由六百里各諭令知之○李元度開缺養親以程誠為雲南按察使

○乙酉李鴻章奏據劉銘傳郭松林查明張總愚之兄張總導其弟張總先姪張政江及其族人張元並賊目程大老砍三老砍四老砍馬老三樊大等均於陣前拏殺惟據拏賊供稱張總愚於亂軍中先帶數十騎逃走經官軍追急餘賊潰散該逆僅帶八人向東北秫叢中走去劉銘傳等派隊四路跟尋杳無蹤迹當令道員余思樞率同准軍各馬隊搜捕餘匪附近各州縣尋覓殆徧數日以來已無一賊但聞民間紛傳張總愚投水淹斃旋據統領豫軍張曜稟稱該營續收降賊王雙孜供稱是日實隨張總愚逃至東華續錄 同治七十三 吳

徒駭河邊親見張總愚棄馬投河淹斃當將王雙孜親提訊問據供跟隨張逆九月二十八日之敗張逆帶八人逃走王雙孜即在八人之內張逆先欲逃過黃河無奈黃水漲漫走至徒駭河濱勸令隨從七人各自逃命張逆即下馬投水而死證之各營降眾所稱張總愚平日屢說事急必自尋死不肯顯受刑戮亦屬相符是其投水伏誅毫無疑義惟水漲河深事隔多日逆屍必已腐爛無從尋認謹照鈔王雙孜供詞恭呈 御覽仍將該降人羈留營備質各處逃匿餘匪業經搜捕淨盡並無一名漏網各路官軍均已撤回原營休息再行陸續凱撤回省所有勦賊最為出力人員謹先開列清單懇恩准予優獎又奏軍事大定所有安插降眾裁撤營勇各事宜自須次第妥籌辦理 擬飭所部各軍漸移南下以便就近措置惟見值中原奠定解甲有期犬馬戀主之誠不能

自已可否容 臣將行營緊要各事料簡儘畢即輕騎馳赴京師恭親 天顏跪聆 聖訓俾一切得有遵循如蒙俞允所有 原領欽差大臣關防一顆由 臣齎京恭繳又奏拏逆倡亂已歷十數年從前督辦諸 臣如僧格林沁袁甲三等皆疊次堵穴擒渠戰功卓越雖未克悉數蕩平其滅賊之心久而愈奮今在事各軍馬步多係該前大臣舊部槍懷遺烈莫不感激涕零至見任大學士兩江總督曾國藩接辦年餘謀定後戰雖未立見速效而長牆圍制之策實已得其要領 臣得變通盡利以竟全功實自曾國藩開之且自回任後事事與 臣和衷共濟籌餉籌兵不遺餘力見幸中原底定可否分別加恩以慰忠靈此外凡勦捻以來文武大員歿於王事者可否一律推廣 皇仁而作士氣出自逾格鴻慈 上諭內閣李鴻章奏遵旨查明逆首張總愚實在下落各軍搜捕餘匪淨盡直隸山東一律肅清一摺李鴻章自督兵赴勦以來各該將領隨同進勦均能奮勉出力自應渥沛恩施以示鼓勵所有單開尤為出力之提督劉銘傳著由三等輕車都尉晉為一等男郭松林著由騎都尉晉為一等輕車都尉宋慶著賞給二等輕車都尉世職張曜著賞穿黃馬褂並賞給騎都尉世職副都統善慶著賞給二等輕車都尉世職溫德勒克西著賞穿黃馬褂並賞給騎都尉世職山東布政使潘鼎新著賞給雲騎尉世職一等輕車都尉提督黃翼升著賞加一雲騎尉世職總兵周盛波等十一員均著照一等軍功從優議敘其餘出力人員著李鴻章查明彙案奏請獎勵另片奏京卿赴營勦賊出力請旨獎勵等語候補鴻臚寺少卿袁保恆經李鴻章派充翼長與前敵諸將妥籌防勦且冒暑督隊能耐勞苦因思伊父袁甲三從前勦辦捻匪著有勤勞該京卿尚

能勉承父志袁保恆著開復前次降調處分仍以翰林院侍講學士補用並加恩賞給三品銜頭等侍衛陳國瑞經神機營王大臣奏派管帶銳勇隊協剿捻逆打仗甚屬出力著賞還黃馬褂花翎勇號並開復總兵記名提督仍賞給雲騎尉世職○諭本日據李鴻章馳奏剿辦捻匪全股蕩平覽奏之餘實深嘉悅捻逆自倡亂東南十有餘年竄擾數省生民受其荼毒神人共憤罪惡貫盈上年派李鴻章為欽差大臣剿除任柱賴汶洗等股匪本年正月間逆首張總愚復糾合匪眾肆擾山西河南直隸窺伺近畿經官文英翰丁寶楨李鶴年督兵防剿並經左宗棠統軍追擊朝廷復調李鴻章赴直東一帶督剿以收眾志成城之效見經李鴻章會同各軍督率各將領蕩平捻逆並將餘匪搜捕淨盡具見該大臣督撫等協力同心膚功克奏前已賞還李鴻章雙眼花翎都尉世職黃馬褂並開復處分及左宗棠等降革處分均予開復自應分別再沛恩施以昭懋賞李鴻章著賞加太子太保銜並以湖廣總督協辦大學士左宗棠著賞加太子太保銜並交部照一等軍功議敘李鶴年著賞戴花翎並交部照一等軍功議敘崇厚當捻逆攻撲天津時督率兵勇紳團力保郡城並籌濟各營糧石餉需源源不絕實屬著有勞績崇厚著賞加太子少保銜頭品頂帶並賞戴雙眼花翎兩江總督曾國藩籌辦淮軍後路糧餉軍火俾李鴻章等克竟全功著交部從優議敘署直隸總督大學士官文前在湖廣總督任內暨本年捻匪竄直時均因會剿不力疊經降旨懲處此次捻股悉平著加恩開復太子太保銜暨勦捻不力革職留任處分並賞還雙眼花翎以示錫爵酬庸用彰慶賞至意○諭捻匪倡

東華續錄 同治七三

亂以來十有餘年我 皇考文宗顯皇帝宵旰籌畫 指授機宜朕御極以後仍派李鴻章等督軍勦辦次第掃除直隸等省一律肅清洵堪上慰 在天之靈著派惇親王奕訢前詣 定陵敬謹祭告並著翰林院迅速撰文呈進用昭誠恪○諭見在捻逆蕩平直隸等省肅清朕於本月十一日親詣 壽皇殿行禮並景山關帝廟拈香用申敬悃○諭原任欽差大臣科爾沁博多勒噶台親王僧格林沁自咸豐三年督師勦捻疊殲巨寇懋著勤勞同治四年四月間在山東曹州勦賊乘勝逐北中伏捐軀前已疊降恩旨從優賜卹見在捻股蕩平逆首次第伏誅因思該親王忠勇性成齋志以歿眷念殊動倍深愴惻僧格林沁著加恩賜祭一壇派盛京工部侍郎奕慶前往致祭用示篤念蓋臣至意○諭見在捻匪全股肅清本日降旨將已故親王僧格林沁賜祭一壇因思已

東華續錄 同治七三 卒

故三品頂帶副都統伊興額從前在安徽等省勦捻戰功卓著嗣後隨同僧格林沁在山東東平州力戰陣亡該故員忠勇奮發未獲及身滅賊此時捻股蕩平追念前勦倍深憫惻伊興額著加恩賜祭一壇由富明阿派協領一員前往致祭用慰忠魂○諭侍郎彭玉麟奏病勢日深懇請開缺回籍一摺據稱治軍十餘年身受重傷積勞多疾咸豐二年間母喪未能終制見在東南肅清髮捻平靖軍事已完懇請開缺回籍等語情詞懇切出於至誠自應俯如所請兵部右侍郎彭玉麟著准其開缺回籍補行守制該侍郎帶領長江水師多年戰功卓著近年辦理善後一切事宜悉臻妥協朝廷倚畀甚深著於終制後即行來京陛見聽候諭旨○諭軍機大臣等李鴻章查明逆首投水淹斃得有降賊確供各軍搜捕餘匪淨盡直東一律肅清請循例陛見及恭繳關防各摺片逆

首張總愚前經各軍追逼後在徒駭河投水淹斃情形疊諭該大臣等詳細查覆茲據奏稱張逆實已淹斃並鈔呈降賊王雙枚供單是該逆自知無可偷生投河淹斃其屍身被水漂去情節似尚可信降人王雙枚即著羈留在營備質各處逃匿餘匪見雖搜捕淨盡而各營兵勇若仍留紮德州一帶未免滋生事端著李鴻章飭令劉銘傳等將在營兵勇概行移撤大河以南妥為鈐制該大臣俟各事稍畢再行來京陛見原頒欽差大臣關防並著陛見時齎帶至京恭繳其各營餉項即由該大臣與曾國藩等設法籌措以資應用又據丁寶楨奏捻股蕩平見仍嚴密搜捕並辦理收降及各營見無降眾各摺片山東曹濟等處地方向為匪徒出沒之所此次各軍撤回恐有著名匪棍隻身伏匿瀕述偷生仍著丁寶楨通飭各府州縣文武嚴密搜查毋留萌孽以靖地方英翰所

東華續錄

同治七十三

辛

帶援剿皖省及抽調西征之處著該署撫等會商奏明辦理左宗棠何以久無奏報劉松山郭寶昌疊次追勦捻逆甚為出力喜昌亦尚奮勉著該大臣迅速查明奏請優獎將此由六百里各諭令知之○予山東傷亡提督胡良作祭葬世職○予河南陣亡提督陳振邦建祠○丙戌諭內閣昨據李鴻章奏殲除捻逆直東一律肅清軍機大臣恭親王等贊理機務昕夕慎勤今幸大功告成自應量予獎敘恭親王奕訢文祥寶蓋沈桂芬均著賞加二級軍機章京等夙夜趨公承書諭旨亦屬著有微勞著恭親王等分別奏請獎勵候旨施恩○諭昨據李鴻章馳奏勦辦捻匪全股蕩平地方一律肅清業經降旨分別加恩恭親王暨督理神機營王大臣自辦理巡防以來懋著勤勞茲當紅旗奏捷自當一體加恩恭親王醇郡王文祥崇綸均著賞加一級○諭溯自捻逆肆擾凡屬臣

工無不同深敵愾共盼捷音今幸巨患削平中原底定允宜普被恩施所有親郡王貝勒貝子公及中外文武大小臣工均著賞加一級八旗及綠步各營兵丁著戶部照見放章程賞給半月錢糧用昭恩賚○諭軍機大臣等昨據李鴻章馳奏查明逆首投水確情餘匪淨盡直東一律肅清請循例陛見等情當經諭令該大臣將在營兵勇移撤後再行來京陛見惟見在陝甘等省軍務緊要亟須左宗棠統帶原部劉松山郭寶昌喜昌等軍回勦著左宗棠即飭令劉松山等軍一面拔營由山西渡河入陝將即延綏榆等處回氛節節掃蕩左宗棠著先行來京陛見李鴻章所部並各營兵勇陸續移撤大河以南為數較多計須稍稽時日該大臣當遵奉前諭俟各事稍畢再行來京陛見陝省回匪紛擾股數繁多除劉松山等軍外各營將弁勇丁如有忠勇奮發願西往從征者並

東華續錄

同治七十三

辛

著李鴻章左宗棠英翰曉諭各營聽候遴選歸左宗棠節制郭寶昌傷病見在計已全愈如尚未能銷假即著郭運昌帶領該總兵舊部先行西進英翰即統帶回皖各軍南下妥為安插俟辦理就緒後再行回旗將此由六百里各諭令知之○飭都興阿回盛京將軍任○吳存義以病免調沈桂芬為吏部左侍郎麗鍾瑤為戶部左侍郎轉殷兆鏞為禮部左侍郎以杜聯為禮部右侍郎由內閣學士○調黃倬為兵部右侍郎轉鮑源深為工部左侍郎以石贊清為工部右侍郎由左副都御史○李鴻章以病免以李元華為江蘇按察使由兩淮鹽運使○丁亥諭內閣蘇廷魁奏上南河黃水漫口請將文武懲處並自請治罪一摺本年六月開上南河廳溜勢提至榮澤十堡坐灣淘刷水勢擡高漫隄過水雖經該道應盤做裏頭正河未至奪溜旁趨而口門已刷寬九十餘丈在工各員疏於防護

實屬咎無可辭除上南同知鄒梁辦理不善業經隨隄落水身故外該署河督請將廳員等分別革職議處尙覺過輕署上南守備王麟榮澤汛縣丞龔國琨署榮鄭汛把總朱永和均著卽行革職柳號河干以示懲儆開歸道紹誠著摘去頂帶交部照例議處蘇廷魁督辦河防是其專責未能先事豫防亦難辭咎著摘去頂帶革職畱任仍責成戴罪自效督率在工各員趕緊堵築毋稍延誤至漫水所經地方雖不甚遠而田廬淹沒人民流離殊堪憫惻著李鴻年迅飭地方官分別妥爲撫卹○諭軍機大臣等前據蘇廷魁李鶴年先後馳奏黃河南岸榮澤汛十堡漫口情形屢經諭令該撫等督飭各該道廳趕緊搶護茲據蘇廷魁奏該處漫口已刷寬九十餘丈雖經盤做裏頭正河未至奪溜而口門丈尺甚寬實屬修防不力蘇廷魁身任河督河務是其專責著卽趕緊鳩集料物設法搶辦儻能迅速成功其咎尙可未減若再玩誤定當嚴懲不貸李鶴年見既前赴工所著卽星馳抵工會同蘇廷魁督率道廳營汛各員認真搶築隄工毋任大溜旁趨致成巨患北岸七壩及順二壩埧身爲黃水衝刷各壩數丈情形喫緊並著蘇廷魁李鶴年會督河北道堵禦搶護毋任再有疏失應需銀兩李鶴年當遵奉屢次諭旨力籌撥解毋稍遲緩同知鄒梁於所屬工次石料任聽土夫偷竊售賣漫無稽察致令失事殊堪痛恨業經隨隄落水身故應毋庸議嗣後各廳營汛文武各員弁如有此等玩誤情形該署河督當隨時訪察嚴參懲辦不得稍事姑息將此由五百里各諭令知之○戊子廣江蘇海門廳學額二名○庚寅諭軍機大臣等榮全奏革員通匪等情一摺已革伊犁總管德勤句通不肖官兵毆傷領隊大臣霍伽布等復與逆回句結爲亂實堪痛恨

東華續錄

同治七十三

卷

該革員見與伊犁避難官兵居駐圖扈魯克等處性情反覆難測榮全雖暫事羈縻仍當密爲防範並查明實在情形隨時具奏梟鳴札勒參誤擄俄商牲畜前案業經榮全派員前往斜米辦理見值布倫托海變亂道途恐有梗阻仍著榮全添派妥員設法探明道路護送所帶銀兩前往斜米早將此案辨結將此由五百里各諭令知之○辛卯諭軍機大臣等前據李鴻章等先後馳報捻股肅清首逆張總愚投水淹斃屢經諭令該大臣督撫等搜捕餘匪並將各營勇丁分別次第凱撤見在餘匪是否搜淨各營勇丁如何分別撤歸應由何路行走未據李鴻章等覆奏近聞各營勇丁與民團尋仇互相關殺並有焚掠情事如果屬實必致激成事端左宗棠李鴻章官文崇厚英翰丁寶楨務當將各營勇丁妥爲彈壓不得再行肆行滋擾至直東各處境內賊匪餘匪諒亦不少諒東華續錄

東華續錄

同治七十三

卷

片一件一併鈔給閱看將此由六百里各諭令知之○諭寄諭欽差大臣陝甘總督左宗棠直東軍務完竣以後誠恐餘匪潛藏伺隙萌發而兵團仇殺尤恐釀成禍患業經諭令各該大臣督撫等妥籌辦理惟近聞本月初三四五等日尚有捻股千餘人並有大頭目在內由德平樂陵一帶竄往鹽山經劉松山等軍擊勝復竄甯津等處以致難民紛紛遷徙見在情形如何該大臣駐紮處所相距較近著趕緊查明據實覆奏一面督飭各將士迅速殲除毋得稍留餘孽致貽後患此次李鴻章等捷報頻仍該大臣何以無一字奏報著即將官軍剿賊情形並交辦各件一併具奏又劉松山郭寶昌兩軍當早日部署以便事竣剋日西征前經諭令該大臣會同李鴻章英翰等遴選弁兵隨從前進見在如何辦理著趕緊定議馳奏以慰廬念將此由六百里諭令知之○諭旨壁光奏

東華續錄 同治七十三

奏

勦辦安順股匪疊破賊營一摺貴州安順各路匪黨滋擾經官軍分投勦擊破賊營匪黨陳枝山率眾投誠擊退賀潘嚴旨各逆受撫者一百餘寨六合團匪暨定南各團亦聞風向化自將逆苗擊退軍務尙爲得手惟嚴旨諸匪尙未殲除十三旗逆黨亦須大加懲創方免蔓延著曾壁光仍飭畢大錫等隨時相機勦辦迅掃逆氛其反正各團尤當妥爲鎮撫免致反側另摺奏黎平解嚴攻克寨頭各賊巢與劉岷前奏大略相同該署撫當嚴飭該管文武加意防範毋令匪蹤再肆奔突並檄令黔軍會合楚軍將清台施黃各苗逆次第掃蕩以靖地方將此由五百里諭令知之○毛昶熙奏軍務漸平請益思寅畏 上嘉納之○嚴諭京外整頓捕務○于貴州陣亡參將舒澤洛等祭葬世職○壬辰左宗棠奏據劉松山等呈稱六月二十八日追賊至山東高唐州南之張村遇劉

銘傳馬隊聞賊已悉數搶斬乃引軍北還七月初一日抵甯津營次沿途收獲甫經雜髮之老賊金本利解至 臣營 臣親加訊究所供逆首竄逃餘黨尙多情形雖未足盡信然其時張總愚既無確實下落自應盡力搜捕即飭劉松山等挑選馬步各隊及駐紮梁家集之勇隊分道前進向東北慶雲鹽山各路排按而南初八日暫回甯津據報沿途搜捕未見賊蹤 臣仍飭劉松山等分途搜緝並移行運河西岸水陸各軍暫緩撤防以昭慎密見在尙未收隊至事後最宜慎者處置降人一節 臣軍所收降眾先後共計七千餘人被擄孩童籍隸本地者約千餘人當經各軍遣散其已經族屬認領者數百名此外籍隸山西陝西及河北三府爲 臣軍歸途所必經者約四五百名擬安插各哨隨同行走就地資遣回籍其疲乏病弱者約不過數百名遣之無虞惟其中壯健兇悍者不下

東華續錄 同治七十三

奏

四千見經劉松山郭運昌挑留數百隨行餘均在甯津營次 臣擬暫以軍令鈐束之擊歸陝西良時酌辦理大約收降之要在嚴禁搜奪財物及無故欺凌侮辱以導引善機銷其悍戾之氣而察其狂悖猛鷲干犯軍令者鏽而去之庶可安反側而潛弭後患此次降人內有逆首陳玉城張落刑餘黨江南髮逆兩淮捻逆遺種頗多非辦理寬猛協宜緩急中節斷難期其弭首降心胥就軌度其效固難期之於一時而一切機宜操縱之說非所尙也至劉松山郭寶昌兩軍喜昌所部馬隊謹查明開單先懇 天恩獎勵上諭軍機大臣等張總愚淹斃情形左宗棠訊據賊供並採訪居民傳說未敢信爲真實證據其竄逸餘黨尙復不少自應迅圖搜捕以淨根株著飭令地方官督率民團實力搜剿如有應需兵力之處即檄飭劉松山等選帶妥實隊伍相機勦擊仍一面知照運

河西岸水陸各軍暫緩撤防以期一勞永逸鹽山甯津等處賊蹤已否淨盡並著遵奉昨日諭旨妥為辦理該大臣所收降眾數至七千餘人其中並有髮逆捻逆遺黨若輩懾於兵力窮蹙來歸雖不至遽形反覆而野性難馴駕馭頗非易事據奏將各降眾鈐以軍令挈歸陝西其籍隸山西陝西及河北三府者隨同各哨行走就地資遣所籌向屬妥協即著隨時斟酌辦理該大臣俟善後事宜稍為就緒即遵前旨來京陛見將此由五百里諭令知之○諭都興阿崇厚奏會籌設防各隊分別撤留並請入覲一摺盛京地方關繫極重前有旨諭令該將軍迅回本任且該省馬賊雖經大軍嚴行接捕而萌變易滋難保不復形蠢動緝捕事宜尤關緊要都興阿當懷遵前旨星速回任以重職守毋庸來京陛見所調各隊馬步官兵應如何妥為遣撤之處並一切善後事宜均著崇厚

東華續錄

同治七十三

老

悉心辦理其劉景芳余承恩各軍應否要駐紮或即行裁撤著崇厚咨商官文斟酌情形相機布置將此由五百里各諭令知之○御史張緒楷疏請保泰持盈及時講學上嘉納之○予山東陣亡副將蘇正達等祭葬世職○予安徽陣亡知縣孟煊建祠○以陝西官軍剿辦捻匪出力賞提督劉松山黃馬桂並三等輕車都尉世職郭寶昌騎都尉世職並賞還黃馬桂提督易德麟等升敘有差○癸巳諭軍機大臣等李鶴年奏沁河斗漲民隄漫溢見飭勘辦大概情形一摺據稱武陟縣西北岸趙樊村連日河水斗長水高隄面瀆勢頂衝該處隄身漫溢擊瀆北趨口門約寬五十餘丈由下游修武一帶行走見已設法堵築並派員馳往被水各區分別賑撫等語前因滎澤汎十堡漫口當經諭令該撫馳赴工所會同蘇廷魁督屬搶築茲復據報樊村民隄漫溢是前險未平

後思存至覽奏實為焦急著蘇廷魁李鶴年會督該管道府廳縣等趕緊購集夫料設法堵築毋任汎溢無歸並查明水勢究由何處歸宿妥籌辦理李鶴年見已派員攜帶銀兩馳往被水各區會同該地方官雇覓船筏並帶席棚餅餅分投援渡賑撫所辦尚是惟水災較廣民困苦深該撫務當嚴飭各該地方官及委員等妥為撫恤毋令一夫失所榮澤漫口工程已否辦有頭緒秋汎前能否竣工現在大滎曾否全行掣動並著蘇廷魁李鶴年分飭趕築各廳文武員弁如有偷減玩誤情事蘇廷魁等當懷遵前旨隨時訪查嚴懲辦該撫並檄飭藩司寬籌款項源源接濟以期河患早平藉紓民困將此由五百里各諭令知之○乙未調曾國藩為直隸總督馬新貽為兩江總督以英桂為閩浙總督由福州○丙申以捻逆肅清免直隸疏防屬境司道守州各官處分復道員余

東華續錄

同治七十三

老

承恩職○丁酉諭內閣前因捻匪全股蕩平降旨將已故親王僧格林沁並已故副都統伊興額均加恩遣官賜祭一壇以彰忠盡因思捻逆竄擾安徽河南等省十有餘年各該省文武官員及各路軍營將領等或城破戰歿或臨陣捐軀忠義凜然皆未獲及身減賊此時捻氛廓清追念前勳倍深惻惻所有按察使銜記名道安徽廬州府知府金光飭中閣學士全順記名布政使前福建汀漳龍道彭毓楠開復河南南陽鎮總兵印聯恩江南徐州鎮總兵滕家勝提督銜署山東曹州鎮總兵郝上庠副都統舒明安河南河北鎮總兵余際昌正黃旗漢軍都統舒通額護軍統領恆齡副都統蘇倫保記名副都統常順總兵何建龍廣西右江鎮總兵張樹珊均著加恩賜祭一壇由各督撫將軍都統等迅派參佐道府等員前詣各該旗籍致祭用慰忠魂○諭前因捻逆蕩平施恩在

事諸臣賞加左宗棠太子太保銜並交部照一等軍功議敘茲據左宗棠奏稱追剿無功難以忝竊請收回成命覽其情詞甚為懇摯惟國家論功行賞自有常經該大臣其勉效馳驅用副委任毋許固辭○諭金順奏賊股廣集檄馳赴東路截剿並請飭催山陝協餉胡世英請假回籍各摺片花池等處竄匪雖經各軍截剿疊有擒斬而土回各匪股數甚多蔓延葭米並有髮逆袁姓大股竄至綏德亟應速籌勦辦金順酌留費陞等扼守花定一帶親督胡世英等營兼程東進即著該副都統督率所部迅赴榆郡會商庫克吉泰劉典視賊所向痛加剿洗迅殄逆氛榆郡與晉省永甯保德僅隔一河其東北神木府谷尤與歸綏相近著鄭敦謹嚴檄兵勇實力防守以固晉省門戶甘省回匪絡繹入陝應如何嚴扼竄路次第掃蕩之處著穆圖善庫克吉泰劉典金順會籌布置左

東華續錄 同治七十三 癸

宗棠身任欽差大臣責無旁貸所有西路防勦機宜務當廣籌方略妥為兼顧前據左宗棠奏參胡世英於保安安塞告急時並未派兵往援當諭令穆圖善查奏嗣據劉典奏該總兵不能約束勇丁復將胡世英撤去統領交劉典查參茲據金順奏稱該總兵擬請假五箇月回籍省親就醫等語胡世英著俟被參各節查辦完竣後再照所請給假令其回籍金順帶兵東進需餉極為迫切著鄭敦謹劉典於應解該營協餉內先各籌撥銀數萬兩並籌軍火帳房一併速解金順軍營以資接濟劉典仍一面檄令延榆綏道飭屬籌辦糧石按日供支其糧腳各價准其作正開銷儻因糧餉缺乏致金順所部貽誤事機必惟該撫等是問將此由六百里各諭令知之○命彭玉麟赴江皖會籌長江水師事宜○予山西殉難郎中衛如圭等建祠○戊戌左宗棠奏前奉諭旨除劉松山等

軍外各營將弁如有忠勇奮發願西往從征者並著李鴻章左宗棠英翰曉諭各營聽候遴選歸左宗棠節制 臣維陝甘之事籌餉難於籌兵籌糧難於籌餉籌轉運尤難於籌糧 臣在陝時已曾約略陳明矣從前勝保多隆阿入秦楊岳斌度隴皆務徵調兵勇為迅速驅除之計卒至兵多餉絀回患未平而潰軍叛卒之禍起譬猶貧人無隔宿之糧而張筵召客強作豪舉有不嗤其謬者乎論者謂兩淮之人強悍健鬪用之秦隴可以挫回逆之兇鋒銷淮皖之隱患於計誠為兩得 臣又以為不然江淮之民尚氣任俠古昔已然非生而嗜亂也巨逆如張落刑苗沛霖亦非果具梟雄之資素蓄不軌之謀也始奇其詐力而獎進之繼悟其愚弄而牢籠之終恨其桀黠遂圖舉其類而盡殄之譬猶癰疽初發不用內托外消之方其後乃為剜肉之計也淮皖諸軍皆新立功其將領皆富貴矣若擇其樸勇而稍明紀律者分統之以資鎮壓又擇廉惠稍知方略之守令拊循而化誨之不出數年積習當可一變不此之務乃思移皖淮之隱患於秦隴乎隱患在畿郊驅而遠之可也所謂移腹心之疾置諸股肱也隱患在淮皖如圖驅之秦隴是移股肱之疾於股肱不可也論者又謂淮皖以軍入秦隴必仍由淮皖給餉 臣乃過為之慮無乃太愚不知淮軍之餉千人每月約銀六千左右雖與楚軍相等然近時每年止發九箇月之餉計算每勇每月不過三兩有奇此狙公賦芋之說也士卒之驕逸而難禁制其弊由此皖軍則每勇每月不過二兩四錢糧食由官給領亦不過三兩有奇豫軍亦然若至秦隴則糧價昂貴較之各省奚啻倍蓰若不籌津貼固無以齊其力而服其心若竟籌津貼此項餉銀又將安出 臣於張曜宋慶程文炳歸統時曾請行首功之賞計張

東華續錄 同治七十三 卒

曜宋慶兩軍賞過銀一萬餘兩程文炳一軍賞過銀三千餘兩此
暫時之計耳若處糧價昂貴之地歷窮年累月之久勢何能支迫
日久無功而或生他變而罪臣不善拊循不善駕馭臣固無辭然
將如秦隴何哉臣不得不早為之計也見在各省將領營求入陝
者多未必即為忠勇奮發無須招之使來各省挑軍入陝之舉必
將有之未必容臣挑選臣擬似回陝後將陝甘餉事悉心考究度
可養勇若干再擇營哨各官赴安徽河南開募以符楚軍舊例此
時誠未敢草率從事致貽後悔也李鴻章奏欽奉諭旨以崇厚英
翰所陳善後各條令臣等妥速議奏查裁撤直隸練軍勇扼紮
一節接准官文函稱宣化遵化保定等軍或近接邊關或屏蔽畿
輔此三處擬汰弱留強未便悉議裁撤至南勇久戰之餘誠為勁
旅但慮直民愚蠢或未能耕鑿相安等語似係老成慎重之見臣

東華續錄

同治七十三

空

愚以為兵丁之不得力非獨直省為然蓋由綠營習氣太深兵力
大半驕惰將弁又不一心勇則募自田野多樸拙習苦之人統領
營哨各官自行挑選一氣呼應易於效命惟有事之時募勇以救
急應變無事之時練兵以弭盜安民二者不可偏廢目下軍事大
定勇丁逐漸裁撤各省綠營必須及時整頓畿輔拱衛關繫尤重
若專用本省兵勇人地自較熟習防務亦可經久惟須將領得人
認真簡練耳欽奉諭旨責成在防京兵及本省官兵搜捕餘匪似
可無須留勇扼紮臣所部淮軍均係南人轉戰六七年去家數千
里久役思歸若留駐北方勇與民素不相習久亦未必相安至皖
省應留重兵並免查究前案一節實係因時制宜之策應請飭下
兩江督臣安徽撫臣察度妥辦臣復查安徽之穎亳宿蒙江蘇之
徐海山東之曹沂河南之歸汝各屬地界毗連風氣犷悍見在散

東華續錄

同治七三

勇降眾惟皖徐豫東交界之人為最多即使設法安插而民資地
瘠生計艱難勢不能人人得所目前兵威鎮懾斷不可少尤須慎
選牧令加意教養認真緝捕安徽撫臣宜常駐穎壽一帶就近控
制並懇飭下江皖東豫各督撫曉諭交界各州縣圩寨團練照舊
整理以期化莠安良即有滋事散勇零股馬賊亦不得逞志矣又
奏遵查收降各頭目除疊次反覆及從逆多年者分派親信弁兵
隔別正法外其籍隸河北各屬者當經分給護照川資交地方官
遞解回籍內有籍隸黃河以南急求遣歸者亦勒令收繳馬匹分
起雇船由運河押令南渡至年力強壯無家可歸且有不願回籍
者暫留各營補充勇夫俟裁撤時再設法安插此等降人飢寒無
賴則聚而為盜衣食有資則變而為良將來各路遣撤應如崇厚
所議酌留營勇暫養贖健免其滋生事端其已經散歸地方者則

東華續錄

同治七十三

空

在良有司督同紳團勤求教養妥為鈐束庶可消弭隱患 上諭
軍機大臣等左宗棠奏遵覆善後事宜並料理西征各摺片李鴻
章奏辦理善後並陸續撤勇籌辦降眾各摺片准皖等軍見既無
願往陝境自請投效之人左宗棠亦稱其於西征情形不便且淮
軍月餉數目與各營優絀亦殊諸多未便該大臣擬就見有兵力
辦理陝省軍務如需續行添兵即擬在皖豫等省另行招募著即
照所議辦理直隸所屬地方李鴻章既稱南勇與民情恐不相習
且久役思歸著即照所議將劉銘傳郭松林等軍陸續裁撤分駐
徐州濟甯周家口等處速行籌補欠餉俟補足後即行裁撤歸籍
英翰所部皖軍前據該撫奏稱擬挑留一萬二千名分為四枝選
派將領扼紮要地鎮守會經諭令李鴻章等會商茲據李鴻章覆
奏與該省意見相同著英翰即將遣將選兵並分紮何處妥籌布

五七

准李鴻章所陳駕馭降眾事宜本日已明降諭旨飭令兩江安徽各督撫妥辦矣蒙亳一帶民風素稱強悍將來散遣降眾歸籍錯處尤易滋生事端英翰當慎選賢能牧令妥為整頓李鴻章請令皖撫常駐穎壽一帶就近督察控制所陳不為無見著英翰妥議具奏捻股投降賊目及兇惡反覆並籍隸蒙亳從逆多年之匪業經李鴻章派員正法其餘脅從降眾均著收回軍械分別遣留妥為安插將此由五百里各諭令知之○諭李鴻章奏請飭撫恤難民等語見在捻股蕩平各路兵勇陸續裁撤其鹽山慶雲滄州武定等處向多鹽梟出沒每圖勾結滋事該處此次被擾較重設或難民無業可歸被匪勾結難保不復行嘯聚擾害閭閻瘡痍餘生曷克當此著官文崇厚丁寶楨慎遵前旨督飭地方官將難民分別撫恤毋令流離失所庶不至迫於飢寒窮極思亂至梟匪兇獷東華續錄 同治七十三 卷

性成頑梗難化見雖備於兵威暫時弭伏兵退之後難保不故態復萌著該督撫大臣等督飭兵勇實力巡緝隨地鎗除以靖亂階並責成各該地方官隨時查拏有犯必懲毋得視為具文日久生懈李鴻章奏宋憬詩並不在股捻匪之內惟該逆狡猾萬分難保不仍在直東交界一帶潛匿著官文丁寶楨飭屬嚴查毋任該逆漏網將此由四百里各諭令知之○諭江南安徽河南山東各督撫飭屬修理圩寨整頓鄉團○允左宗棠奏調總兵官馬德順赴陝西差委○以直隸山東運防穩固子傅振邦以提督簡放○已亥于江蘇陣亡在籍中書馬劍祭葬世職○庚子諭軍機大臣等曾璧光奏請飭四川湖南等省嚴督席寶田各軍分進剿辦以竟全功等語見在龍里賁定兩城均經克復後黔省軍務漸有轉機若川楚援期各軍遠行撤退不惟前功盡廢必致後禍尤烈據

曾璧光奏石阡思南因撤兵太速餘匪已有百十為羣漸肆擄劫者且由龍貴東下直至鎮遠清黃施秉一路苗教各匪林立非川軍楚軍分途進擊黔局殊屬難支所奏均係實情唐炯奏聞劉嶽曙所帶川軍見已進取玉華山轎頂山尙大坪等處著崇實迅飭唐炯等由北而南縱橫奮擊不可稍涉遲延臬司席寶田前已給假兩月見計假期將滿著劉嶽令該臬司仍率所部由黔省下游取道前進期與川黔各軍三面夾擊使苗教各匪首尾不能相顧以壯聲威崇實等素願大局諒不至以得勝即止忽視鄰封所有席寶田唐炯各軍並著崇實等慎遵前旨將各該軍飭歸曾璧光節制其各營餉項軍火仍由該省源源接濟用資飽騰曾璧光亦當飭令張文德督率黔中將弁乘此聲威奮力追剿並隨時與川楚各軍互相策應逐漸技除以清餘孽本日據崇實奏生擒越

東華續錄 同治七十三 卷 揭夷酋勒烏立茲見飭越嶲廳監禁等語該夷西攻城擄掠疊拒官軍實屬異常兇悍俟將歷年所擄漢人盡行交出後著即盡法處治毋稍姑容西昌冕甯等處攻劫事宜並著遵奉本日諭旨妥籌辦理將此由五百里各諭令知之○實授曾璧光貴州巡撫○以貴州督辦軍務出力賞提督張文德珍物賞授黎培敬布政使道員林肇元以按察使用○劉嶽昭請運粵鹽以抵滇餉允之○子四川陣亡參將鄧有才等祭葬世職○官軍復貴州龍里賁定縣城子總兵官汪柱元以提督用○于宋儒袁燮從祀 文廟○辛丑諭軍機大臣等成祿奏北路潰勇肅除淨盡南山肅清見合諸軍攻取肅城一摺據稱仁字軍潰眾盤踞金塔附近之舊寺墩等處借立偽號該提督飭令楊占龍率隊圍攻擒獲逆首喬鍾嶽餘黨悉就殲除其南山一帶屯莊亦經馬天祥等次第攻拔等

語該提督正當乘此聲勢懾遵疊次諭旨振刷精神激勵將士勒限將肅城剋期收復星速出關以贖前愆儻仍玩誤遷延藉詞支飾則是自取咎戾國法其在決不能再邀寬典也楊占鼐業經調集各隊行抵下河清滾營前進即著穆圖善傳知該員迅速會合諸軍立將肅城攻克接替軍務毋許延宕致該提督有所藉口將此由五百里各諭令知之○諭麟興榮全奏科布多竄賊退去人心稍定及酌練本城兵丁錫綸奏難民叛形日張蒙兵不能用命會商仍復舊制各一摺布倫托海滋事兵民間棍噶扎勒參起兵追剿之信俱往青格里一帶科城見屬安謐惟據錫綸奏叛民張惡等在土爾扈特肆擾後西竄烏隴古河該處與博塔山等境相連設難眾南竄句結避難民人再行北擾則烏科大局何堪設想見在該難民多掠駝馬其意向圖遠竄正宜糾集蒙兵及早進剿

東華續錄 同治七十三 奎

著麟興榮全錦丕勒多爾濟奎昌福濟明瑤錫綸審賊所向就見有兵力分投攔擊並知會棍噶扎勒參及土爾扈特相機兜剿不得以逆蹤稍遠輒形疏懈其在廠之男婦老幼並著麟興等選派幹員妥為開導將所掠之馬匹軍火等項並令趕緊交出福濟錫綸係查辦此事之人固不可稍形決裂亦不可一意遷就致滋貽誤李雲麟被參各情仍著福濟等懍遵前旨切實查明覆奏毋稍徇隱烏里雅蘇台戍守額兵即著照麟興等所擬分別訓練惟不得虛應故事徒費餉需錫綸奏十蘇木蒙兵不能用命請仍復舊制以期期辦得力等語著即會同奎昌福濟明瑤將改復塔城舊制事宜先行妥籌一面曉諭該蒙兵隨同棍噶扎勒參跟蹤追剿以靖邊氛錫綸摺一件已交原派會議王大臣妥議具奏將此由五百里各諭令知之○于甘肅陣亡參將黃達源等祭葬世職○

工寅諭內閣湖北學政張之洞奏府州縣試錄送過濫請申明舊例以定限制等語向來府州縣錄送文章荒謬不通至五十卷以上者參處立法本嚴自軍興以來被兵省分士子播遷流離備嘗艱苦是以於考試時每寬其科條廣其登進藉以培養士氣茲據該學政所奏近來府州縣積習相沿於考試文章全行錄送並不遺漏一人以致院試時每有塗寫雜字並鈔寫他題成文以及槍冒傳遺懷挾等弊層見疊出於士習文風大有關繫此等惡習他省諒亦不免著各該省學政嚴飭各府州縣遇考試文章時查照舊例認真刪汰錄送不准過濫其實有事故正場後始趕到者定期於院試將近彙齊補考一次認真屬試荒謬不通者屏絕不錄並嚴禁搭冊等弊其有藉考試為名希圖滋事聚眾擾害者並著地方官嚴拏懲辦以正士習而絕弊端將此通諭知之○諭湖

東華續錄 同治七十三 奕

北學政張之洞奏各省捐輸加廣學額請嚴實辦理並請變通廣額章程等語軍興以來各省捐輸團練經費均准加廣學額原於鼓勵人心之中寓嘉惠士林之意若如該學政所奏近來各省開報捐數動多浮冒以致各州縣廣額過多其中根柢淺薄文藝庸疏者濫竽充數殊非朝廷培植人才之意嗣後各省督撫於所屬捐輸團練經費務須查明實用實銷之款切實覈減方准奏請加廣學額不得任聽籠統開報致滋流弊並著該部將原定捐輸廣額章程量為變通與御史范熙溥摺一件妥議具奏○諭軍機大臣等文麟景廉奏修築營寨堵擊出關回匪並委員沿途被劫等情各摺片哈密地方緊要亟須大員帶兵前往鎮守疊經諭令文麟等迅赴該城該辦事大臣等稽遲日久又藉口於城垣坍塌欲於哈密附近蔡巴什湖一帶安設營寨另圖修築其畏難苟安

之心已可概見著文麟景廉懷遵前諭即行督隊先後馳赴哈密
暫駐蔡巴什湖一帶將哈密城垣趕緊擇要修整為振奮堅守之
計不得苟且粉飾致懈眾心自干咎戾肅州逆匪屢次出關竄擾
安玉所屬地方經文麟等派兵擊退仍須加意嚴防不可稍形鬆
懈並著成祿會同楊占鼐速行攻拔肅城不准再事遷延任令該
逆到處滋蔓安玉等處打仗陣亡並出力弁勇及捐辦軍餉各員
名均著文麟等查明彙案奏請獎卹都司龍騰光由關外起程前
赴歸化城迎提山西餉銀行至毛目地方為該處變勇擄劫行李
並將公文護照一併擄去龍騰光亦被變勇擁入堡內前據成祿
奏稱肅州城外變勇業已殲戮殆盡何以毛目地方尚有分股肆
掠著即趕緊派兵按剿並將龍騰光下落查明其被擄公文護照
恐為變勇執持前赴歸化城冒領軍餉著鄭敦謹桂成詳細查明

東華續錄 同治七十三

卷

並著將此項餉銀五萬兩迅派安幹弁兵解赴文麟景廉軍營交
納以應急需將此由五百里各諭令知之○癸卯諭軍機大臣等
李鶴年奏榮工口門刷寬估計籌堵一摺覽奏曷勝焦急前據蘇
廷魁李鶴年先後奏報漫口情形聲稱口門尚未刷寬方期趕緊
堵築易於蕙事乃見在榮工口門已刷寬二百餘丈若任其潰溢
將來逐漸塌卸勢將何所底止著蘇廷魁李鶴年嚴飭道廳及在
工各員弁趕緊盤築兩壩裹頭毋令再行衝刷俟霜清冰落即行
設法堵合此次裹頭工程正在急需著准其先在司庫挪湊以濟
要工將來舉辦大工再行奏請籌撥餉需惟須嚴飭在工員弁等
各矢天良務當涓滴歸公不准絲毫糜費並將下游各工力保平
穩南北兩岸附近各州縣即飭其廣購物料刻速運工以備應用
榮澤鄭州中牟祥符尉氏扶溝一帶被災處所著李鶴年遵奉前

旨妥為周恤並飛咨下游江皖各省查照辦理毋令一夫失所是
為至要將此由五百里各諭令知之○諭庫克吉泰劉典奏剿辦
回逆獲勝並籌防東竄情形一摺回逆大股由中部竄至洛東擾
及白水等縣各村鎮並攻撲郃陽縣城池經官軍分路剿擊大獲
勝仗該逆連受大挫圍回老巢復經官軍分路堵剿於蒲城三原
富平等處斬馘甚多並於同官羅州各境內疊獲勝仗其繞竄涇
陽等縣並竄宜君中部之賊均經官軍擊敗逃回者僅二千餘
人勦辦尚屬出力著庫克吉泰劉典查明酌量彙案請獎見在賊
匪雖已敗遁難保不去而復來仍著嚴飭各將士實力堵剿毋令
復行竄擾魏光燾一軍既經劉典飭令休息店頭隆坊之賊亦須
添兵會剿即著飭令成定康先行馳赴中部會同周紹濂相機剿
辦將此由五百里各諭令知之○子陝西陣亡副將陳清彥等祭

東華續錄 同治七十三

卷

葬世職○甲辰諭軍機大臣等崇實奏川師克復寶安縣城疊破
賊巢生擒首逆見進規向大坪一摺貴州自寶安縣城失陷後玉
華驕頂諸山均為賊匪巢穴勢甚猖獗經唐炯督率同知鄧錡總
兵劉鶴齡等軍由袁家渡龍院江界河三路渡江前進克復寶安
縣城並玉華山大小驕頂山賊巢焚毀淨盡逆首何雙富王超凡
等均擒擊正法開獲餘慶各境一律肅清惟向大坪賊巢尚未攻
破見已督軍進規該處為開州平越通途地方緊要仍著崇實飭
令唐炯乘此聲勢激勵各軍先將向大坪老巢規復並會合黔楚
各軍將下游苗教各匪節節掃蕩以靖黔疆將此由五百里諭令
知之○劉秉璋以病免以胡大任為山西布政使譚鍾麟為河南
按察使

由浙江杭
嘉湖道遷

同治七十四

臣王先謙敬編

臣張式恭恭校

八月乙巳朔諭內閣前日據御史德泰奏請修理園庭以復舊制並稱內務府庫守貴祥有擬就章程五條既不動用庫款又可代濟民生條理得宜安置有法各等語當諭軍機大臣將德泰代遞貴祥所擬章程呈覽詳加披閱荒謬離奇實出情理之外當此軍務未平民生困苦流離朝廷方欲加意撫恤以副視民如傷之隱乃該庫守則請於京外各地方按戶按畝按村鱗次收捐如此擾害閭閻尙復成何政體前明加餉派餉以致民怨沸騰國事不可復問我列祖列宗屢次引為殷鑒中外大小臣工詎不深知況御史為言事之官其於國計民生有礙者正當力陳其弊藉資東華續錄 同治七十四

補救不意德泰所陳顯違 列聖之彝訓反欲朝廷剝削小民動搖邦本並以貴祥所擬章程為可取且云於國計民生兩有神益喪心病狂莫此為甚德泰著即革職庫守貴祥以微末之員輒敢妄有條陳希圖漁利著即革去庫守發往黑龍江給披甲人為奴以為莠言亂政者戒○復以鄧廷枏為福建布政使○永定河溢○丁未諭左宗棠飭軍扼守榆林防回逆東竄○戊申諭軍機大臣等崇實奏川師援黔攻克尙大坪生擒首逆餘賊剿撫淨盡一摺唐炯入黔後節節掃蕩竟將積年難拔之尙大坪攻克生擒倡亂之教首劉儀順號匪秦恩恩餘匪剿撫淨盡辦理甚為得手著崇實仍飭該員等乘勝會同黔楚各軍進規平越黃平等處務期一鼓殲除以清餘孽總兵劉鶴齡等曉暢戎機已交軍機處分別存記將此由五百里諭令知之○杜聯以病免以溫葆深為禮部

右侍郎 由左副都 ○子甘肅陣亡遊擊李三元等祭葬世職○己酉諭軍機大臣等前因錫綸奏布倫托海難民叛形日張十蘇木蒙兵不能用命請仍復塔城舊制當經諭令原派會議王大臣等妥議具奏茲據該王大臣等奏稱李雲麟自到布倫托海以來種種辦理不善見據錫綸咨行明瑞札飭該總管等傳諭該蘇木人眾仍復塔城舊制以安眾心請飭明瑞錫綸等妥為經理其額設餉稍並請照舊定之數源源籌撥所有應行變通事宜仍由明瑞錫綸等隨時體察請旨定奪等語布倫托海新城猝遭變亂是李雲麟所改章程與民不便之處已可概見自應改復舊制以治輿情即著明瑞錫綸等懷遵前旨悉心籌辦但不可稍存遷就貽誤將來張恩等乘機搆亂罪不容誅惟此股人數究有若干見在竄至何處抑仍在烏龍古河著麟興榮全錦丕勒多爾濟奎昌福濟

東華續錄 同治七十四

明瑞錫綸迅飭在事將士偵探明確相機兜擊並檄令巴彥特古斯等督率蒙兵隨同棍噶扎勒參會合土爾扈特各旗兵跟蹤追剿以期痛殲醜類綏靖邊疆其額設餉稍即照該王大臣等所議由該大臣等遵照舊定之數源源接濟毋令稍形缺乏該城係屬新設一切事宜如有隨時變通之處明瑞錫綸等務當加意體察奏明辦理李雲麟貽誤各情仍著福濟錫綸詳細查明據實具奏原摺著鈔給閱看將此由五百里各諭令知之○諭英翰奏皖軍渡黃陳國瑞所部一併帶回皖省請飭劉銘傳扼紮畿南各摺片皖省各軍見已一律渡黃即著該署撫於南旋後悉心籌畫妥為遣撤陳國瑞所部勇丁見既分隸程文炳等隊下將來應如何遣散之處英翰尤當妥為辦理毋令滋生事端東昌一帶各營散勇每起或三四十人或四五十人時有攜帶軍器搶劫滋事之案皖

軍過河時曾遇數起經英翰派員彈壓酌給錢文追繳器械押令
過河回籍黃河北岸地方縣互恐此等散勇尚復不少著官文丁
寶楨遴委委員會同各該地方官稽查彈壓尤不可顧惜小費致
令流而為匪擾害地方恩承當督飭所部沿途接查協同辦理前
諭李鴻章飭令劉銘傳將在營兵勇移撤大河以南見在該提督
所部行抵何處應否飭令扼紮畿南以資鎮撫之處著李鴻章統
籌全局迅速具奏將此由五百里各諭令知之○命兩江總督馬
新貽充辦理通商事務大臣並以江蘇巡撫丁日昌幫同辦理○
庚戌廣廣東豐順縣學額二名○予直隸陳副將李德謙等祭
葬世職○辛亥子山西殉難知縣王國寶等建祠○壬子以捻逆
蕩平免安徽江蘇山東河南湖北被擾地方同治六年以前錢糧
○撥部庫銀二萬兩解科布多○癸丑諭軍機大臣等官文奏請

東華續錄

同治七十四

三

將防剿出力文武大員獎勵各摺片此次捻匪竄擾直境道員劉
策先今春派赴易州到防頗為迅速尚屬能知緩急總兵劉祺防
剿亦尚得力該二員均照所請給獎藩司盧定勳等前已有旨開
復失守所屬州縣處分並其餘各員中所保過優均經酌改以昭
平允唐訓方准其回籍省墓其所部各營暨保定練軍著官文另
派委員管帶道員余承恩等前於開復處分時已諭令不准再保
所請鼓勵之處著毋庸議此外勦捻員弁於勦辦案內已經
保獎者著該署督仍遵前旨不得再行請將此諭令知之○諭
庫克吉泰劉典奏陝甘各軍勦賊疊勝董志原回逆仍圖竄陝一
摺涇河北岸賊匪竄至長武縣境經雷正綰督令陳義等率隊追
擊斬獲甚多提督劉厚基所部復於解清澗城圍後疊獲勝仗賊
向老君殿一帶竄走其竄洛川宜君等處之賊亦經高連陞劉端

冕兩軍擊敗此時賊勢雖衰而大股仍踞正甯北原崔三一股偏
近隴州北路土匪聚聚安定保安蔓延懷遠綏榆一帶防務尚未
可鬆仍著庫克吉泰劉典檄飭高連陞等督率所部會合雷正綰
一軍前截後追將董志原逆股痛加剿洗毋任四出飽掠並一面
嚴飭知州成定康迅赴綏德與榆林鎮兵聯絡聲勢加意嚴防不
准稍涉疏懈將此由五百里各諭令知之○西安將軍庫克吉泰
等奏土匪屢彰自赴延安求撫得旨著嚴飭劉厚基等妥籌辦理
不可稍涉大意○予江蘇殉難在籍府經歷林國楨祭葬世職○
甲寅諭軍機大臣等蘇廷魁李鶴年奏請撥款堵築榮工分流一
摺黃河榮工漫口隄岸塌寬二百十丈之多見經蘇廷魁等督率
工員搶鑿兩壩裹頭雖已完竣而口門寬廣正河溜勢恐其併歸
分流處所南趨該署河督等見擬於外口估築攔溝大壩以閉其

東華續錄

同治七十四

四

氣俟壩基培完竣即於兩壩先行進占為收窄合龍地步著即
趕緊籌辦所需工料銀九十萬兩見當應用緊急之時著戶部先
行撥發庫銀四十萬兩由順天府派員迅速解赴工次以便剋日
興工其銀五十萬兩即由戶部撥有著之款以資接濟蘇廷魁
等務當節節動支不得任聽工員浮冒開銷致涉虛糜所稱此項
用款俟截數後於各省支發各項內每百兩扣除二兩以資歸款
之處著戶部酌議具奏將此諭知戶部並由五百里諭令蘇廷魁
李鶴年知之○乙卯予江南陣亡參將曾思厚等祭葬世職○丙
辰諭軍機大臣等李鴻章奏各軍陸續凱撤遵飭銘軍暫紮張秋
兼顧畿南一摺劉銘傳一軍應否飭紮畿南前經諭令李鴻章統
籌全局具奏茲據奏稱直省兵燹以後再調大枝客軍移紮近畿
居民轉相驚疑見擬令該軍暫紮張秋迤北與大名河間等境相

近尚可兼顧後南糧餉接濟亦便等語該軍久在東省兵民相安自應令其暫紮張秋以資彈壓著即檄令該提督嚴飭劉盛藻將該軍汰弱留強妥爲鈴束並隨時稽查游勇以靖地方德州一帶並著飭令吳長慶督率各營毋稍滋擾昨據曾國藩奏豫籌撤勇經費已諭知李瀚章劉坤一於浙江江西各借撥銀二十萬兩郭柏蔭何璟於湖北借撥銀十萬兩此時遣撤湘淮各軍事關緊要著曾國藩遵奉前旨咨催各該省督撫按照所撥數目趕緊解交江甯以便彙齊餉項將撤勇事宜早爲辦理李鴻章另片奏曲阜孔廟宜及時修葺請飭兩江湖廣總督各籌銀二萬兩彙解山東並由山東巡撫在本省籌銀二萬兩派員興修等語即著曾國藩郭柏蔭於該省撤軍就緒後各速籌銀二萬兩解赴東省並著丁寶楨在該省籌銀二萬兩邊派委員謹將大成殿九間櫺宇及東華續錄 同治七十四 五

圻毀各工擇要興修以昭誠敬將此由五百里各諭令知之○左宗棠奏 臣兩奉寄諭敬悉金順奏稱土回各匪股數甚多蔓延甚米並有髮逆袁姓大股竄至綏德諭令廣籌方略妥爲兼顧鄭敦謹奏請調得力官兵赴榆林進剿諭令酌度情形夾擊兼顧仰見西陲兵事方殷至煩 聖慮竊維陝西所患回土各匪出沒靡常臣上年入關維時捻逆猖獗未遑悉力接剿嗣蒙特簡劉典署理撫篆陝西軍務日有起色稍紓朝廷西顧之憂金順所陳髮逆袁姓大股竄至綏德似即指雲巖踞逆髮捻袁大魁而言此股已經劉典派道員魏光燾提督劉端冕及提督劉厚基所部會剿擊巢擒穴一鼓殲除惟首逆及隨身死黨數十漏逸未獲諒茲敗殘小醜暫無能爲葭米一帶竄匪多由花馬池定邊一帶竄來陝之北鄙與甘肅接壤各處山谷盤互素爲土匪藏匿之所其頭目以董

幅祥扈影爲最著前據各路稟董幅祥扈影均已就撫劉典函中亦略及之惟慮人數眾多安插不易未能日久帖然榆林綏德距西安千里而遙距花馬池定邊一帶亦近千里山程荒遠郵傳闊稀無事時文牘往還已虞沈滯亂後音書寥寂傳聞互異固在意中金順拜摺時尙未知雲巖剿辦竣事故未免鯁過慮耳至鄭敦謹請調得力官兵赴榆林進剿意在以入秦進剿之師爲山西防邊之用事期兼濟局勢攸宜見在凱旋各軍因河間大名一帶積潦縱橫自東徂西官道多遭漫溢人馬難行 臣未拔營之前屢次遣人探視回報皆同故擬由景州取道鉅鹿任縣一帶以向彰德衛輝俟 臣入覲後南旋會隊然後渡師孟津返旆西嚮其未能取道井陘諸徑由晉入秦亦實由前途被水淹阻車馱絕迹致然不僅太行之險爲可憚也諒旨飭 臣酌度情形抽派得力將弁由東華續錄 同治七十四 六

河保一帶渡河西向榆林節節進剿以扼賊匪東竄 臣擬俟行抵懷慶後再察陝邊兵情賊勢以定行止至劉松山所部因從征既久疲病過多前此回湘招募勇丁二千北來更補見已由鄂抵豫該軍渡河後必須在洛陽一帶暫駐從新訓練一律完整乃可率以西趨郭運昌一軍過河後各將士有須給假更換者入關之期亦未能速即 臣之親軍各營入關後亦必須逐加整理始可即戎未可加以迫促也山西防務旣以北路爲重自應早爲籌備綢繆於未雨之先綏遠城將軍大同鎮總兵責有專屬兵力原不爲單旣不過河助剿以剿爲防亦宜憑河設防寓防於剿豈宜遠恃鄰省剿賊官軍爲固圍之計果如鄭敦謹所奏由晉渡河扼守榆林相機進剿從此秦賊不復東窺晉防亦臻鞏固豈非 臣之至願特晉防自歸化薩托清等處由西北折而南由南折而東一千六七

百里惟恃河流一綫扼賊東趨秦軍期賊轉戰而前勢難停軍久駐河岸而回土各匪勢既蔓延北山一帶路徑紛雜臣軍雖節節掃蕩而西保無漏逸餘匪乘虛東犯荷晉防稍有罅漏終難免金隄蟻穴之虞上年綏德方復而逆賊忽從西南疾趨乘冰東竄為大局憂迫本年三月山西增募之湘軍遑調前來已無及矣事後追思悔恨何益合無仰懇 天恩飭下山西撫臣綏遠城將軍豫將轄境防務早為籌畫自薩托清以迄垣曲水陸交膠則無滲漏如須調兵募勇即於冰橋未成之先上緊布置勿如前此諉謝因循再蹈覆轍是所至幸 雖愚昧亦頗知大局為重凡心力所可盡者斷不稍分畛域自重愆尤 上諭晉防自歸化薩托清等處由北而南一千六七百里秦軍進剿勢難久駐河岸回土各匪見既蔓延北山一帶路徑紛雜難保無漏逸餘匪乘虛東犯所有晉

東華續錄 同治七十四

七

省北路防務鄭敦謹當會商定安桂成悉心籌畫河保迤南沿河各邑防堵該署撫亦應督飭帶兵各員弁嚴密布置如須調兵募勇務於冰橋未成之先趕緊籌辦毋得專恃鄰軍投軫坐失機宜晉省防務秦師司難專任而於一切布置機宜左宗棠仍當全局統籌力扼賊匪毋使東竄如有大股賊匪逼近晉邊仍應迅撥兵勇入晉會剿以保完區該大臣無論從何路入陝總以兵由東進偏賊西趨最為要著秦回日肆猖獗亟須添撥勁旅協同剿洗劉松山郭運昌等營即著左宗棠檄令趕緊訓練俾迅速成軍剋期西進掃蕩逆氛將此諭知左宗棠並由五百里諭令鄭敦謹定安桂成知之○以故豫慎親王義道子本格襲爵○子四川殉難知縣國樹建祠○戊午命盛京副都統清凱等赴山海關恭送 文宗顯皇帝聖容 實錄 聖訓 玉牒 冊 寶○諭內閣理藩

院奏據科爾沁博多勒噶台親王伯彥訥謨祜為庶祖母生母呈請封典請飭部查明辦理一摺伯彥訥謨祜故父僧格林沁自幼經額駙索特那木多布齋之勝韓氏撫養賴以成立僧格林沁功勳卓著為國捐軀前已疊沛恩施今韓氏年逾八旬自應念其撫育之勤一體加恩著封為索特那木多布齋之側室伯彥訥謨祜生母尼魯特氏著一併加恩封為僧格林沁之側室以遂孝思嗣後不得援以為例○諭軍機大臣等前因滇省軍務緊要胡中和未能移師入滇諭令崇實另籌一軍遴派得力將領帶往援應茲據崇實奏稱見派道員劉嶽曙統軍赴滇一摺劉嶽曙所部果後營後軍二千八百名本係劉嶽昭舊部見經崇實派令由黔西大定赴滇援應著即飭令迅速前進歸劉嶽昭調遣應需軍火口糧仍由崇實源源接濟黔省安平巖大五股匪即著崇實檄調陳希

東華續錄 同治七十四

八

祥統帶所部馳赴劉嶽曙駐防處所責成勦辦滇省軍務正值喫緊之時省垣城圍未解劉嶽昭帶兵入滇已及半載尚未進抵省城疊據有人奏稱該督所部勇丁與岑毓英所部練丁積不相能戰陣既多推諉又復自相攻擊該督之屏梁士美劾楊盛宗為全滇騷動之由州縣相繼淪亡猶復以捷報掩飾等語劉嶽昭自駐曲靖以來僅止派兵前赴尋甸並未進援省城滇省情形自以先解省圍力顧本根為急豈得遲回觀望專以艱鉅之事諉諸岑毓英一人該督身任兼圻責無旁貸著即迅督所部馳抵省垣會剿應如何布置籌畫並著詳細奏明所統勇丁尤當約束嚴明不得任其與滇練私行爭鬪滇省文武各官亦宜選擇賢能量材器使以收得人之效不可駕馭失宜致拂輿情一切奏報軍情尤應據實直陳不准粉飾欺隱自干咎戾毋謂該處距京遙遠朝廷竟無

聞知也懷之憤之將此由五百里各諭令知之○諭蘇鳳文奏鎮安官軍連克匪巢一摺逆首吳亞終屢被官軍擊敗遁入越南餘黨猶踞三台等巢恃險抗拒經該處團勇分投攻擊必有所擒連克三台安德等賊巢並將湖潤寨另股賊匪擊敗勦辦尚為得手惟各股餘孽見均遁入越南與鎮郡相去非遙邊外游匪素多易於勾結而太平龍州所屬各土司處處接壤密邇賊蹤防剿均形喫重且吳亞終曾勾結越南弄匪攻擾洛陽九葑等處並有欲襲下減等處之說是賊情狡譎異常尤須及早盡數殲除方免延蔓覃遠璣已因病交卸兵事馮子材統帶各營責無旁貸所有太鎮軍情該提督均當妥籌兼顧著即親督諸軍剋期越境剿賊或分兵兩路夾攻或合軍專力進剿務須體察情形相機籌辦越南係屬外藩既有匪徒潛匿自當趕緊接捕絕其根株免致別生枝節

東華續錄 同治七十四 九

著蘇鳳文飭屬知照越南吏官查拏該處奸宄會同官軍悉力兜擊毋令該逆得以漏網並嚴飭地方文武員弁實力防堵以遏賊氛該撫等其隨時和衷商辦早清邊圉不得敷衍草率了事致貽亂萌將此由五百里各諭令知之○官軍復陝西綏德州城賞提督劉厚基珍物○庚申諭官文等籌餉備吉林軍需○命翰林院侍講學士袁保恆赴左宗棠軍營差委○辛酉湖南巡撫劉峴奏援黔各軍疊次獲勝得旨著即督飭道員葉兆蘭等乘勝進剿毋稍鬆勁至河西一帶善後事宜並著檄令彭芝亮妥籌辦理○左宗棠奏竊陝甘籌餉之艱天下共知其所以異於諸省者地方荒瘠物產非饒一也舟楫不通懋遷不便二也各省雖遭搶逆髮逆之害然或旋擾旋復或腴區被擾瘠地猶得苟全或衝途被擾僻鄉猶能自固陝甘回漢錯處互相仇殺六七年並無甯宇新疇已

廢舊藏旋空接掠既頻避移無所三也變亂以來漢回人民死亡大半牲畜掠食鮮存種藝既乏壯丁耕墾並少牛馬生穀無資利源遂塞四也兵勇餉數各省雖贏縮不同然日食所需尚易點綴以糧價平減購致非難故也陝甘則食物翔貴數倍他方兵勇日啖細糧二斤即需銀一錢有奇即按日給予實銀一飽之外並無存留鹽菜衣履復將安出五也各省地丁錢糧之外均有另釐雜稅捐輸各項勉供挹注陝西釐稅每年尚可得十萬兩內外甘省則併此無之捐輸則兩省均難籌辦軍興既久公私交困六也各省轉運雖極繁重陸有車馱水有舟楫又有民夫足供履運陝甘則山徑犖确沙磧荒遠所恃以轉饋者惟馱與夫馱則騾馬難供夫則雇覓不出且糧糗麩料事事艱難勞費倍常七也用兵之道勦撫兼施撫之為難尤甚於勦勦者戰勝之後別無籌畫撫則受降之後更費綢繆各省受降惟籌給資遣散令其各歸原籍而已陝甘則毀由內作漢回皆是土著散遣無歸非籌安插之地給牲畜籽種不可其未及安插之先非酌籌口食之資不可用費浩繁難以數計入也陝甘用兵頗多為時又久亂後荒瘠殊常購糧不易各軍每於人煙稍密種植稍多地方隨時安紮營壘始猶藉稱保護莊稼給錢辦糧繼則捐派民間不給價值甚且按掠殆盡民不敢爭以致轉徙流離變而為匪或被逆回蓄養苟且偷生甘為從教之人黨惡助逆章奏中所稱甘省飢民土匪大率此類居多若不及早覈實汰存子以實餉俾其有所藉口則軍令有所不行垂盡之殘黎靡有孑遺未荒之土地盡成榛莽而西陲之事不可復問矣臣之立意仿漢趙充國議開屯以省轉饋撫輯無業災民且防且勦且戰且耕不專恃軍威為戡定之計者區區之愚蓋

東華續錄 同治七十四 十

以辦回逆與剿羣寇不同陝甘事勢與各省情形各別將欲奠此一方永弭後患則固不敢急旦夕之效而忘遠大之規也通計陝西每年缺餉一百五六十萬兩甘肅每年缺餉二百餘萬兩而屯田之資撫輯之費不與焉茲幸捻逆蕩平海內兵事漸息餉事亦藉資周轉合無仰懇 天恩飭下軍機大臣會同戶部酌議籌撥陝甘的餉俾 微臣得從容整理以奠危疆則陝甘軍民共戴 皇仁於無窮而 臣亦得仰賴 鴻施稍寬咎責矣再 臣軍入陝餉需必須隨時接濟而近來各省協餉未能如期撥解縱使函牘交催多以空言搪塞陝甘距東南各省較遠轉運維艱即各省協濟有款報解之後亦非數月不能到陝往往停軍待餉致誤機宜 臣於上年兩次奏請借撥洋餉由各該藩司解還各海關歸款誠以借款由各省歸還於款目並無出入而 臣軍得此巨款即可據先籌

東華續錄

同治七十四

十一

畫立濟要需見在軍務蕩平東南各省餉事足敷周轉雖釐金一項留奉諭旨量為裁減酌留大宗統計為數尚鉅似可移作西征軍餉 臣軍除前奉部撥各餉外此次江蘇江西湖北四川等省復有請旨加撥之餉應如何按月提撥妥為經理抑仍准 臣援照上年成案酌借洋款由釐金項下歸還俾 臣西行無慮慮之處伏乞 飭部一併會同速為議覆施行無任感激待命之至謹附片具陳伏乞 聖鑒施行得旨軍機大臣會同戶部速議具奏○予貴州陣亡遊擊彭漢明等祭葬世職○王成諭步軍統領等衙門嚴禁捕役勒索○趙蔣益澧赴山西籌備防務○予江蘇陣亡在籍中書許銘勳祭葬世職○癸亥諭軍機大臣等傳諭署安徽巡撫吳坤修吳坤修奏捻逆已平擬旋省督辦善後一摺前因捻逆肆擾皖省應籌前敵餉需吳坤修奏請移紮壽州便於照料該處距省

較遠遇有緊要公事文函往返需時終覺事機滯滯見在捻患已除額毫蒙宿地方亦均安謐吳坤修自可旋省籌辦善後以期呼應較靈著俟前敵各軍回皖分別撤留後吳坤修即暫行旋省督同司道各員將清查田畝招墾荒蕪及一切應辦事宜悉心經理次第舉行藉資整頓惟皖省素稱捻藪尤須隨時稽查彈壓庶免萌孽復生俟善後事宜辦理就緒該署撫仍當出省周歷巡查以期綏靖地方另片奏仍請留張兆棟辦理秋徵等語張兆棟著准其暫緩交卸俟秋徵完竣即行前赴新任以重職守刻下捻逆肅清營伍尤宜整頓該省記名提鎮人員中如有熟悉戎機長於訓練能實心實力整飭營務者著該署撫留心察看出具切實考語隨時奏聞候旨錄用○乙丑諭軍機大臣等庫克吉泰等奏各軍剿賊疊勝並見籌防情形劉典奏審明慘殺回戶人犯正法各摺劉厚基一軍追賊至延川西溝口將匪目袁大魁殲斃其竄中部洛川等處賊匪經知州成定康會同毛正明等夾擊擒斬甚多劉端冕黃鼎等復敗賊於街子河紅崖河一帶該逆分股回撲又經劉倬雲喻兆圭督率各隊四路環攻賊敗向正甯逃走據獲賊供董志原踞賊缺糧已極見仍飭各軍暫時固守此次劉厚基等軍追剿疊勝軍事尚屬得手惟該匪股見正乏食當秋糧棲野之時難保不圖飽掠著庫克吉泰劉典檄飭劉厚基等實力嚴防並偵探賊蹤相機追剿毋任闖入腹地復肆蔓延陝垣團練總蘇淦率勇殺害回人馬五羊兒及其父馬建功弟馬隨羊兒並將伊家婦女幼孩全行殺斃事後又復栽贓誣賴該犯等仇殺回民竟至一家八命殘忍已極見經劉典訊明將蘇淦常添喜楊城蕭老二張豹子五犯正法在逃之李淦常老三飭獲另結辦理尚屬持平

東華續錄

同治七十四

十二

漢民回民皆係朝廷赤子軍興以來已疊諭該督撫等籌辦陝甘地方事宜止分良莠不論漢回原以昭大公而戢亂萌嗣後該署撫遇有漢回交涉事件務當酌度情由妥為覈辦不得稍存歧視致啟紛爭此案逃犯李深常老三仍著飭屬嚴拏務獲究辦毋令倖逃法網該署撫即摘錄此次諭旨徧行曉諭以示化莠為良之意該省漢回錯處近時有無猜忌情形仍著詳查具奏將此由五百里各諭令知之○丙寅諭軍機大臣等奕格奏官兵剿賊獲勝見在搜捕情形一摺奉省邊外匪徒由四家子屯等處竄入邊裏在孤家子屯等處肆擾其彰武臺地方亦有另股匪徒搶掠均經奉省派出官兵並蒙古兵丁分路剿捕殺斃多名槍傷首匪張西城並擊斃王金良等三名惟逃散餘匪尙復不少張西城程廣學二人尤為著名巨匪必須及早剪除以杜滋蔓著奕格督飭協領東華續錄 同治七十四 古

劉嶽昭所部各軍分路進攻七星橋將該處木城攻破並渡河奪破卡隘進敗靈臺庵等處賊匪攻破柳樹河賊寨並青龍村馬石窩逆壘將高峯庵等處賊營一律掃蕩尋甸州城業經官軍築營環攻著劉嶽昭即督飭在營將士將此城迅速攻拔毋稍濡滯至省垣為根本重地被圍日久岑毓英固當督兵剿賊速解城圍劉嶽昭身任疆寄亦豈能專顧一隅置省垣重地於不顧著即懷遵前旨督飭所部兵勇前赴省垣會剿將圍城賊匪迅行殄滅不得專諉諸岑毓英一人儻遲回觀望貽誤事機恐該督不能當此重咎也川省按月應解滇餉銀三萬兩至今五月僅止補解前次協餉銀一萬兩滇省軍務正當喫緊之時崇實當按月如數撥解源源接濟不得稍存膜視並著飭令川省藩司會同劉嶽昭所派道員馮崑辦理滇省駐川捐局事務以資接濟滇營需用火器著曾東華續錄 同治七十四 古

游仰偷越已可概見此次該將軍辦理開墾事宜自當嚴防流弊
 即著親往履勘嚴定界限毋任委員弊混並將新墾各地造具畝
 數四至佃戶花名清冊以及如何那移卡倫添設封堆暨布置員
 弁逐處巡查各事宜詳細妥籌迅行覆奏以杜弊端其前任將軍
 景綸奏請開墾夾信溝涼水泉荒地二十五萬餘畝見有佃認領
 徵租者十三萬畝零未報升科地尙有十二萬畝續墾之士門子
 並省西圍場阿勒楚喀等處地畝共三十萬畝應交押荒地捐兩
 項錢文共一百二萬餘串除交過錢六十二萬餘串尙有未交錢
 四十萬串其交過押租地畝既有佃戶認領何以僅將雙城堡佃
 戶認領地三萬三千一百六十畝零造具花名清冊而其餘十四
 萬八千二百餘畝遲延不報至此此外未交押租地十一萬餘畝何
 以數年之久並不招人承領著富明阿確切查明將士門子等處
 東華續錄 同治七十四 五

已交押租之佃戶造具清冊迅速送部並追出歷年地租錢文以
 充兵餉其餘土門子等處未交押租並夾信溝涼水泉未報升科
 地畝即著詳細履勘予限一年招佃認領按畝升科毋再延宕儘
 查有已墾未報及認多報少情弊並著從嚴參辦以昭覈實將此
 諭令知之○諭成祿奏肅軍接仗情形請飭催總兵帶隊會剿一
 摺肅州踞匪經楊占鰲馬天祥等連番勦擊已形窮蹙惟該城西
 面尙屬空虛必須厚集兵力四面急攻方能得手總兵陶生林所
 統十營見仍留駐涼州該提督以攻剿正亟飭催該軍赴肅州會
 剿自應迅速抽調規復堅城著穆圖善即將陶生林一軍分出五
 營留駐涼州護送省糧其餘五營令該總兵親身統帶前赴肅州
 毋稍延緩成祿於此軍到後並著率同楊占鰲等會合環攻將該
 城迅圖克復不得以賊匪拚命抗拒藉詞耽延成祿另片奏部署

出關請飭戶部指撥銀兩並山東等省匯解鉛丸火藥暨請飭穆
 圖善派定糧臺等語著戶部於山西河東湖北等處欠解新疆協
 餉項下議定指撥銀一二十萬兩以資周轉其前撥山東山西湖
 北河南陝西按月協濟之鉛丸火藥並著戶部咨令各該省解交
 山西藩庫以便該提督委員赴歸化城提取成祿統軍出關應由
 何路安設糧臺著穆圖善先期派定所需車馬駝隻等項並著飭
 知該省軍需局妥議章程隨時接濟以利師行該提督仍當慎遵
 疊次諭旨迅復肅城整軍西向毋藉口於餉絀兵單觀望遷延自
 干咎戾將此由六百里各諭令知之○命曾國藩籌款堵築榮工
 ○于甘肅陣亡遊擊鄧德祥等祭葬世職○己巳諭軍機大臣等
 前因左宗棠奏請議撥實餉當諭令軍機大臣會同戶部速議具
 奏茲據奏稱擬由各海關六成鹽稅內湊撥銀一百萬兩為該督
 東華續錄 同治七十四 六

西征軍餉並由該督酌量協濟甘省等語著曾國藩馬新貽丁日
 昌於江海關撥銀五十萬兩英桂於閩海關撥銀二十萬兩郭柏
 蔭何璟於江漢關撥銀十五萬兩師曾於粵海關撥銀十萬兩李
 瀚章於浙海關撥銀五萬兩各該將軍督撫監督等務當迅速如
 數解往以濟要需廣東福建浙江湖北江蘇五省每月共計協撥
 左宗棠餉銀十九萬兩扣至本年十一月止月餉全行扣抵借款
 著各該督撫等自本年十二月起各照原撥數目按月協濟此外
 山東山西河南湖南四川江西河東等處每月共計協撥左宗棠
 餉銀十萬三千五百兩各該督撫等尤當按照奏撥之數源源報
 解左宗棠返旆西征需餉極為迫切該將軍督撫監督等其各竭
 力籌措星速解交以維大局其河南陝西湖北湖南四川江蘇江
 西山東山西等九省協撥穆圖善餉銀每月共計十二萬八千餘

兩著該督撫等各按原撥數目趕緊籌解甘省糧餉兩缺兵勇困苦難堪該督撫等毋得視甘餉為緩圖以致飢軍譁潰貽誤戎機左宗棠前奏借洋商銀一百二十萬兩及續借續撥各海關銀二百萬兩曾據左宗棠奏此項銀兩陸續解到陝甘時均勻分支見在已支若干尚存若干著左宗棠查明具奏陝甘專請協餉之營尚有數處應如何歸併支發及該督軍餉究竟每月實需若干著左宗棠統籌全局奏明辦理前據御史吳鼎元奏請裁併釐局等語各省釐局為接濟軍需而設勢難遽議裁撤如有分設局卡較多之處亦應量為裁併著瑞麟李福泰李瀚章劉坤一對酌情形辦理至局員局紳網利侵漁等弊尤須嚴加查覈務令涓滴歸公母任中飽原片著鈔給瑞麟李福泰李瀚章劉坤一閱看廣東浙江江西記名提鎮人員中如有曉暢戎機長於訓練能實心實力東華續錄 同治七十四 七

東華續錄

同治七十四

七

吉泰劉典當督飭陝軍與金順所統甘軍互為聲援將延榆一帶賊匪合力會剿不可稍分畛域甘省中衛縣屬之甯安堡路通鹽固慶陽時虞陝匪竄越清水營地方亦時有竄匪滋擾均宜駐兵扼剿不可輕於移調穆圖善見駐蘭州距甯夏較遠所有甯夏府屬各路軍務並著金順就近兼顧應辦事件即與豐紳會銜具奏甯安堡所駐貴字三營需用糧餉並著金順分撥接濟穆圖善亦應於協濟甯夏軍餉內隨時勻撥毋得稍涉推諉儘先協領富勒渾記名副都統托克屯著穆圖善遵奉前旨查明該二員見在何處軍營迅飭來京聽候諭旨將此由五百里各諭令知之○予湖北殉難同知王本立建祠○王申諭軍機大臣等曾璧光奏黔軍攻拔王卡川師收復玉華山等處及甯安縣城一摺黔省王卡踞匪經該撫督飭唐天佑進攻剿撫兼施當將王卡克復在事出力人員准曾璧光擇尤保奏毋許冒濫至克復轎頂山尙大坪等處前已據崇實奏報情形大略相同曾璧光當檄飭兵勇會合川軍節節掃蕩迅殄逆氛張文德見由貴定進剿著曾璧光即飭該署提督實力接捕務將潘逆迅圖擒獲以絕根株並一面分軍進規麻哈等處俾牽賊勢黔省事機極為順手亟盼添軍協助席寶田假期已滿著劉峴催令統率所部從清江台拱等處西上剋日進攻毋再遷延觀望克復平越州城詳細情形曾璧光迅即查明具奏將此由六百里各諭令知之○甲戌諭軍機大臣等吳坤修奏豫省黃水漫口下注淹及皖境情形一摺豫省榮工漫水見已下注皖省之穎壽一帶穎郡所屬地方一片汪洋已成澤國勢必由洪澤湖下注高寶維揚一帶亦慮被災見在淮揚通泰等處有無被水情形著曾國藩張之萬丁日昌趕緊查明具奏應如何分洩

東華續錄

同治七十四

六

湖河水道以殺水勢之處並著豫籌辦理馬新貽計可行抵江境著俟到任後會同曾國藩等迅速籌辦穎壽一帶被災地方著吳坤修即行查明妥為撫恤該處向為捻匪出沒之區見在投誠降眾已歸皖省並著吳坤修妥籌駕馭母任與災民旬結滋事勇丁如何分別撤留分紮何處著曾國藩馬新貽吳坤修熟籌辦理豫境被淹究係何處災黎是否安貼著李鶴年趕緊查奏撫恤一面彈壓奸宄母任滋事榮工漫口有無掣動全瀆情形見距霜降節候已近自應趕籌堵禦以杜水患辦理情形若何並著蘇廷魁李鶴年隨時具奏以慰廬念將此由六百里諭知曾國藩馬新貽張之萬蘇廷魁丁日昌李鶴年並傳諭吳坤修知之○諭崇實奏訊取匪首確供正法鈔錄供詞呈覽一摺教匪首犯劉儀順習教傳徒謀反倡亂秦患思相助為逆受其偽職經官軍擒獲解送成都東華續錄 同治七十四 九

省城崇實親提研訊供認謀逆不諱該二犯罪大惡極業經凌遲處死傳首倡亂地方以昭炯戒該犯劉儀順供稱由湖南寶慶遷居四川宜賓又有四川豐都人徐大川等代為傳教是其醜類散布資繁有徒若不悉數殲除誠恐死灰復燃致貽後患仍著崇實督飭所屬嚴密捕拏毋任漏網至所供兩湖江西浙江河南山東廣西雲貴陝甘等省皆有黨與互相勾結此時首逆既誅人心渙散亟應乘時速為剪滅免致散而復聚著左宗棠等按照該逆犯所供情節並各人犯住址姓名嚴飭所屬認真按緝不得含混了事致留亂萌供詞著各鈔給閱看將此諭知左宗棠崇實穆圖善劉嶽昭郭柏蔭丁寶楨李鶴年李瀚章劉坤一劉峴蘇鳳文岑毓英曾璧光劉典並傳諭何璟知之○是月錫綬直隸霸州等三州縣被水新舊額旗租山東臨清等八州縣暨德州等三衛被水

被寇被擾新舊額賦雜課緩徵廣東鎮平縣被擾同治六年額賦九月丙子以恭送 孝淑睿皇后 孝和睿皇后 宣宗成皇帝 孝穆成皇后 孝慎成皇后 孝全成皇后 孝靜成皇后 文宗顯皇帝 孝德顯皇后 冊 寶尊藏盛京 上詣 太廟恭閱行禮○以陝回滋擾諭李鶴年飭提督馬德昭赴潼關防剿○廣浙江嘉興紹興二府學額各十名甯波六名太平縣六名嘉興永嘉各五名秀水嘉善桐鄉德清各四名定海海甯海鹽諸縣上虞平陽各三名餘杭平湖石門象山臨海義烏各二名餘姚黃巖天台樂清瑞安泰順麗水各一名○己卯九奕裕奏畱奉省防勇調遣○飭山東山西撥解成祿軍餉○辛巳署安徽巡撫英翰奏督飭凱旋諸軍馳抵穎州安籌畱防及善後事宜得旨穎壽一帶被災地方著吳坤修派員查明妥為撫恤至挑選勇丁一萬二千

東華續錄 同治七十四 三 千人著英翰吳坤修督飭張得勝等統率所部分要扼紮俾資鎮撫所餘應撤之二萬人著陸續資遣妥慎安插郭寶昌傷既未愈並傳諭安心調理一俟痊可即添帶精銳一二千人剋日西行以資得力○以鄭錫瀛為左副都御史由宗人府府丞遷○壬午諭軍機大臣等穆圖善奏覆陳官軍克復慶陽郡城並甯州失守情形暨庫克吉泰劉典奏請飭山西撥解餉銀護送軍火各摺片慶陽甫經克復著穆圖善嚴飭在事各員實力防範並將善後事宜妥籌辦理毋稍疏忽甯州賊氛正熾又有赴涇州南原分竄汧隴邠長之說雷正綰既難分兵甘省見駐各營亦難抽調著左宗棠庫克吉泰劉典酌撥各軍會同雷正綰兩面夾擊迅將甯州城池克復毋任賊匪久踞黃鼎一軍見駐邠州能否移營進剿並著該大臣等妥籌辦理晉省按月應解陝西軍餉銀一萬五千兩自上年十一

月以後屢有短絀並未照原定數目報解陝省前借洋稅見將用盡軍營支款短絀需餉甚急著鄭敦謹仍照前定數目每月解銀一萬五千兩以一萬兩解交左宗棠軍營五千兩解交庫克吉泰軍營不得再有短絀致誤要需其從前欠解之項仍著鄭敦謹分起補足搭解以資接濟左宗棠庫克吉泰於晉餉解到時亦當樽節支放毋稍虛糜陝省北山一帶土匪甚多道途梗阻所有駐紮榆林綏德各軍餉銀軍火等項仍須繞由山西解往著鄭敦謹飭令所屬各地方官遇有陝省解往榆綏餉銀軍火過境時照例供支護送劉典仍當揀派委員押解以昭慎重再行軍必先熟悉地勢著左宗棠穆圖善劉典將各該省駐兵及有賊處所詳細繪圖具奏將此由六百里各諭令知之○予甘肅陣亡總兵官沈大興陝西殉難知縣劉蕃昌等祭葬世職並山東殉難知縣周毓楠建

東華續錄

同治七十四

三

祠○癸未諭內閣前因布倫托海地方變亂李雲麟辦理乖謬降旨將該員革職交福濟等查辦茲據福濟錫綸查明具奏李雲麟因幫辦新疆軍務輒行招集古城一帶民勇至科布多地方聽調不能斟酌情形慎之於始旋因人數眾多大半遣回該民勇等遠道跋涉身受飢寒不知體恤大失眾心迨調任布倫托海辦事大臣平日毫無防範致前項民勇在該處造言煽惑滋生事端又不能彈壓地方設法解散種種貽誤咎實難辭已革布倫托海辦事大臣李雲麟著刑部將該革員應得罪名定擬具奏並著福濟錫綸飭令該革員迅即來京聽候部議○諭軍機大臣等麟興等奏探聞變亂難民退至布倫托海一帶明瑤棍噶扎勒參奏難民滋蔓籌備進剿明瑤奏請簡派大臣督同辦理請將李雲麟暫緩查辦棍噶扎勒參奏請赴甘肅軍營效力各摺片布倫托海變民自

竄往青格里一帶後日漸鴟張亟應妥籌進剿見在棍噶扎勒參在阿勒台山挑選蒙兵喇嘛立營成軍著福濟錫綸即行馳赴該處會同棍噶扎勒參督率官兵迅籌進剿毋任日久蔓延愈難了局厄魯特等人眾亦應妥籌安插需用經費銀十萬兩著戶部速議具奏所調烏城馬匹著煥興即行備齊解交棍噶扎勒參應用該呼圖克圖向稱奮勇此時布倫托海賊匪滋擾正在需人勦辦之際自當勉力圖報豈可置身事外所請赴甘省軍營之處殊屬非是著不准行賊匪裹脅漸多難保不復思東竄刻下內地捻匪雖已蕩平而陝甘軍事方殷尙資兵力東三省馬隊勢難遠調出關所有烏科兩城防守事宜著麟興榮全錦丕勒多爾濟奎昌明瑤督率兵民妥慎籌備以固邊圉李雲麟既因辦理不善致滋變亂厥咎甚重豈可復令任事明瑤棍噶扎勒參請令該革員辦理

東華續錄

同治七十四

三

後應及會同麟興督辦之處均毋庸議將此由六百里各諭令知之○予故湖南提督楊鼎勳建祠○甲申諭軍機大臣等文麟奏擇期馳赴哈密並請飭巴里坤興辦屯田各摺片肅州賊匪竄擾安西旋攻撲敦煌城垣經該城防守員弁將賊擊退復經文麟派員追剿獲勝賊匪遁回肅州敦煌軍事已鬆文麟著即刻日起程馳赴哈密將該處撫綏防剿各事宜悉心籌辦以固邊圉毋再遷延干咎安敦玉三處為哈密糧餉所關難保肅州踞匪不再來肆擾著景廉嚴飭在防將弁實力堵剿文麟亦當與景廉隨事咨商以期兼顧所有軍糧轉運章程並著妥籌具奏安敦玉三城奉撥巴里坤兵糧無可籌措自係實在情形惟巴城待餉孔殷所有敦煌縣欠解巴城之糧三千石仍著文麟飭催速解安玉二處能否通融協濟文麟當通籌全局斟酌辦理惟巴城專待外來糧餉終

恐拮据該城既向有屯田地畝又有逆回遺業亟應就地開墾屯田以盡地利而濟兵食即著伊勒屯何瑄熱壽興辦毋得畏難苟安坐以待食已革副將蕭青雲係戴罪效力之員乃仍不知愧奮經文麟派員押解輒敢聞風逃遁實屬怙惡不悛即著文麟咨行各處嚴緝務獲正法以昭炯戒將此由六百里諭知文麟景廉伊勒屯並傳諭何瑄知之○乙酉諭軍機大臣等庫克吉泰劉典奏官兵擊退董志原回逆及北山土匪一摺提督劉端冕等軍在鄜州羊圈等處追剿董志原回逆連獲勝仗其竄擾延川土匪亦經劉厚基等擊退前據穆圖善奏甯州賊匪又有赴涇州南塬分竄汧隴邠長之說已諭左宗棠等酌撥各軍會同雷正綰夾擊並令黃鼎移營進剿諒經妥籌辦理逆酋馬新元等見難竄退董志原而糧盡勢窮意在竄踞長武三水飽掠秋糧分途肆擾北山山路東華續錄 同治七十四 五

紛歧土匪又復聚聚若不痛加剿洗則回逆土匪四面沓來必致乘機東犯仍著左宗棠庫克吉泰劉典檄飭劉端冕等軍分投剿擊將各逆逐漸殲除毋稍鬆勁據報回股重踞靈臺地境擾及汧麟另股至宜君地界張岳齡等軍戰狀何似並著飭令該臬司等互相策應以期痛掃逆氛肅清陝境將此由六百里各諭令知之○諭崇實奏川軍攻克苗寨會同黔軍收復平越州城一摺官軍自攻拔向大坪賊巢後偽苗王楊阿九糾約苗黨於牛場祁山岳等處結寨抗拒道員唐炯飭降人莫掄才隨黔軍乘間入據平越州城提督劉鶴齡知府鄧錡派兵剿擊屢次獲勝陣斬偽苗王楊阿九賊棄祁山出竄去其牛場烏雲山賊寨亦經劉鶴齡及總兵何行保等先後攻拔辦均屬得手即著崇實督飭唐炯等乘此聲威山牛場上塘進規清平黃平兩城回擊都勻麻哈以收破竹

之勢安平安順尚有號匪餘黨及潰散黔勇為害亟應及早殲盡以絕根株並著崇實檄飭提督陳希祥成耀星等力圖掃蕩毋令餘燼復燃見在黔省軍事日有起色尤宜通力合作作用竟全功前有旨令劉峴催席寶田由清江台拱西上進攻即著嚴檄該臬司刻日拔隊毋得遷延貽誤曾望光亦當檄飭黔軍分道會合兜擊以期全境廓清並將收復平越州城詳細情形迅查具奏再行軍必須熟悉地勢著曾望光將黔省進兵道路及賊匪盤踞處所繪圖呈覽將此山六百里諭令知之○丙戌諭軍機大臣等劉峴奏籌畫進剿黔苗機宜並請飭撥餉需一摺黔楚交界之區苗寨林立自應會合各省兵力分道並進方可收夾擊之效席寶田已假滿抵省著劉峴飭令該臬司懷遵前旨刻日拔隊會商唐炯張文德等東華續錄 同治七十四 五

相機進剿毋稍遷延該撫所稱湖南見兵二萬餘人剿苗不敷分布必須添募十餘營方可大舉深入所奏自係實在情形惟餉需支絀增兵則力不能給尤賴各省協濟方克集事江南湖北兩省善每月各協濟湖南援黔軍餉銀二萬兩湖南督銷局原應解江南鹽課釐金即可就近撥解湖南又督銷局有鄂釐一款湖北協濟湖南之款亦可於此項內劃撥所有不敷之數再由各省委解設此兩項內尚有贏餘仍由督銷局分解各省一轉移間兩有裨益即著曾國藩馬新貽郭柏蔭何璟遵照辦理見在捻逆肅清亟盼貴州軍務早平進圖滇省以清南服各該督撫等素願大局諒必合力同心膚功迅奏也將此由五百里諭知曾國藩馬新貽郭柏蔭劉峴並傳諭何璟知之○嚴諭各省督撫命盜重案及京控發交案件依限完結○丁亥諭軍機大臣等金順奏進紫榆林

連日獲勝並籌保完區一摺金順於七月十三日馳抵榆林督飭
官軍進剿截擊綏德州竄匪大獲勝仗追至雙廟灣巡檢司一帶
敗匪不及入巢紛紛西竄復經我軍將周家嶮等處賊巢踴毀金
順南抵榆境即能踴躍焚巢所向克捷實屬謀勇兼備仍著該副
都統督率所部會合陝省官軍將北山一帶土回各匪節節掃蕩
迅殄逆氛庫克吉泰劉典務當檄飭各營與金順之軍聯絡聲援
視賊所向實力殲除毋令竄近晉邊擾及完善花定甯條梁等處
賊匪雖經擊退難保不復圖窺伺著金順檄飭富勒琿等嚴密防
範毋稍疏虞陝省剿匪事宜極爲喫緊亟盼左宗棠前往迅籌滅
賊之方該大臣當督帶兵勇星速西行力圖剿洗以副委任前諭
穆圖善飭令富勒琿來京茲據金順奏該協領在花定一帶防堵
該處防務如有可以接替之人著金順另派妥員接辦即飭富勒
東華續錄 同治七十四 五
琿迅速來京將此由六百里各諭令知之○諭李鴻章勅估湖北
江陵隄工○戊子諭軍機大臣等本日據軍機大臣呈遞棍噶扎
勒參來咨內稱布倫托海賊勢猖獗烏科兩城豫籌防堵恐致虛
耗款項可否將防兵挑派精壯各五百名其烏城之兵責成錦丕
勒多爾濟管帶科城之兵分責棍布扎普管帶該呼圖克圖請另
調土爾扈特三旗之兵會齊進剿以爲三路進兵使賊內變之計
布倫托海叛民見竄青格里一帶烏科兩城應防應剿及由何路
進兵即能撲滅之處麟興等諒已熟籌茲覽該呼圖克圖所陳是
否可採著麟興榮全錦丕勒多爾濟奎昌明瑤福濟錫綸妥商辦
理以期兵歸實用迅殄逆氛棍噶扎勒參打仗素稱奮勇前調烏
城馬匹即著麟興等趕緊備齊解交以資進剿福濟錫綸此時計
抵布倫托海著會同該呼圖克圖督率官兵相機奮擊毋任該逆

愈聚愈多致滋延蔓烏科兩城仍著麟興榮全錦丕勒多爾濟奎
昌明瑤慎籌防範毋稍疏虞棍噶扎勒參原文均著鈔給閱看嗣
後該呼圖克圖遇有應行條陳事宜即咨明該將軍大臣等附報
代遞著福濟錫綸傳知該呼圖克圖欽遵辦理毋得時發咨文以
符體制將此由五百里各諭令知之○己丑有流星犯織女大如
扇○諭軍機大臣等鄭敦謹奏通籌河防分認汛地並請飭催鄰
軍到防暨西河沿岸卡壘工竣繪圖呈覽各摺晉省西路逼近陝
疆在在均須堵禦見由鄭敦謹通籌沿河各防責令分認汛地以
資巡守惟本年節氣較早西河中路之鄉吉北路之河保冰橋早
結尤爲各防中最要之區即著照該署撫所請由李鶴年檄飭張
曜一軍於汾州府境擇要駐紮宋慶一軍由晉入陝扼紮榆林爲
晉省西北路屏蔽所需軍火仍由豫省撥解豫工正值喫緊籌運
東華續錄 同治七十四 五
一切恐難依時如該軍遇有缺乏鄭敦謹務當設法接濟以贍鄰
軍毋得稍存畛域並著鄭敦謹嚴飭王巨孝閻文忠陳必有等軍
於河保以南分段梭巡不得恃有客兵稍涉疏懈晉省黃河每於
大雪前後冰橋凝結著李鶴年催令張曜宋慶均乘河冰未泮之
先督隊入晉以便詳勘地勢籌備設防庶不至臨時失措口外地
方遼闊著定安桂成杜嘎爾率同馬陞酌度情形增調滿漢官兵
隨機布置用壯聲威其西河沿岸卡壘修建既已歲事則兵勇有
險可憑不至毫無把握著鄭敦謹嚴檄各軍督率兵勇加意防範
圖西覽另片奏請令陳湜暫緩交卸臬篆並免發遣等語已革臬
司陳湜獲咎較重且係發遣之員何得仍畱臬司之任該署撫仍
當懷遵前旨派員署理臬篆所請免其發遣之處著不准行將此
由五百里各諭令知之○辛卯諭內閣彭玉麟奏回籍起程日期

各摺片據稱水師分汛各事宜俟交代清楚明春再行起程將來到家後遇有緊要事件儘可東赴江皖商榷料理等語覽奏具見惻忱前因彭玉麟奏請終制情詞出於至誠是以准予開缺回籍補行守制以遂孝思嗣念長江水師營制初定曾國藩調任直隸總督仍須該侍郎始終經理方為妥善是以諭令於守制百日後迅赴江皖地方扼要駐紮並不畀以員缺實於責成之中仍寓體恤之意茲覽該侍郎所陳各節籌畫雖極周密而相距較遠深恐呼應不靈且責任不專亦不足以資統攝著該侍郎將水師分汛各事宜布置周妥明春再行回籍一俟百日日期滿即著懷遵前旨迅赴江皖擇地駐紮用資控制以副朝廷廑念江防曲體重臣至意諒該侍郎素矢公忠必不至再行瀆請置身事外也○諭軍機大臣等曾國藩奏新造輪船工竣並陳上海機器局籌辦情形及東華續錄 同治七十四 毛

請獎上海通商委員各摺片中國試造輪船事屬創始曾國藩獨能不動聲色從容集事將第一號輪船造成據稱堅緻靈便可涉重洋此後漸推漸精即可續造暗輪大艦並陳製器設廠及添建驛館各情形足見能任事者舉重若輕深堪嘉尚馬新貽計抵新任即可會同丁日昌按照曾國藩李鴻章籌辦規模悉心講求以期周妥設局以來各該委員等均屬著有微勞所有尤為出力各員准由曾國藩會商李鴻章馬新貽丁日昌酌量奏保其上海通商委員辦理洋務亦臻妥協並著曾國藩等擇尤請獎以示鼓勵將此由四百里各諭令知之○命延煦等迅速出關查辦奉天展邊事宜○壬辰諭軍機大臣等曾壁光奏官軍克復平越州城暨署提督請假派員暫護提篆各摺片逆首金大五與清黃苗匪勾結久踞平越州城經遊擊唐天佑督同孔茂槐等攻破各門四面

掩殺該匪奪路奔竄官將州城克復此次官軍於收復王卡後兼克堅城勦辦尚屬得力所有在事出力員弁紳團著曾壁光擇尤彙案保獎毋許冒濫惟該城與清平麻哈為鄰守禦極關緊要該撫當嚴飭馬樹清會同唐天佑將善後事宜悉心籌辦毋稍疏虞並一面咨令唐炯將平越未投各寨協同勦撫以期一勞永逸著提督張文德傷病既稱屬實著准其回籍調治因便葬親以示體恤黔省軍事見正得手著傳知該署提督於回籍後趕緊料理仍馳回貴定一帶督軍進剿毋庸泥定三箇月假期藉詞延宕所有貴州提督篆務即著林從太暫行護理督飭各軍妥慎進取毋稍鬆勁將此由五百里諭令知之○癸巳諭軍機大臣等岑毓英奏官軍攻克州縣城池及各路勦賊獲勝一摺迤西逆匪竄撲滇省疊陷府州縣城多處經岑毓英督派各軍分道進剿張保和岑毓

寶等擊退省城竄賊何秀林梁士偉等進逼晉甯登城搏戰復經馬忠岑毓英等由歸化會合兜剿攻克賊壘甚多擒斬偽大將軍馬平岑毓英親督官軍攻克呈貢斃賊三千餘名陣斬逆酋馬開義等四十七名田仲興一軍勦辦新興賊匪將該州之上四鄉全行收復僅餘孤城一座馬宗龍等進剿馬街踞賊殲拾殆盡陣斬逆首偽大將軍等將馬街土城收復勦辦均屬奮勉所有此次攻拔晉甯呈貢並前克復武定祿勸元謀等城出力員弁著岑毓英會同劉嶽昭擇尤彙奏請獎毋許冒濫劉嶽昭見駐曲靖著即將滇省後路布置穩固督飭李家福等由尋甸節節掃蕩而前與岑毓英諸軍會合剿洗相機移軍前進毋事株守滇省糧路已通事機較順岑毓英務當乘勝進規徵江昆陽以次進復各城毋稍鬆勁並咨令馬如龍及在省司道等將省防密佈嚴詰內奸邵何新

興之賊仍責令岑毓英田仲興等迅圖殲滅竄撲武定等處賊匪
尙眾並飭楊玉科等痛剿迅將羅次規復馬街土城卽著岑毀以
清後患晉甯等處有無餘匪並著派軍按捕再行軍必先熟諳地
勢著劉嶽昭岑毓英將滇省各處進兵道路及賊匪竊踞地方詳
細繪圖呈覽將此由六百里各諭令知之○予安徽陣亡同知左
紹登雲南陣亡遊擊金長壽等祭葬世職○甲午諭軍機大臣等
前因明瑤奏籌借經費安插難民請飭部撥銀兩當經降旨交戶
部速議具奏茲據戶部奏請籌撥部款暨飭催各省欠解銀兩等
語布倫托海亂民亟應及早勦辦該部因需項緊急恐外省協撥
稽遲請在部庫撥銀十萬兩自係爲慎重邊防起見卽著戶部撥
庫銀十萬兩由順天府迅速委員解往綏遠城接解烏里雅蘇台
遞解科布多轉解福濟等兌收以爲布倫托海勦匪及賑卹等項

東華續錄

同治七十四

元

之用沿途經過地方不得稍有稽延截留致誤要需福濟等卽派
員迎提以期安速並著懷遵前旨將變民認真勦洗不得再以烏
城解馬遲延等詞藉口推諉致亂民愈集愈多迄無了局其各項
難民亦當妥籌安插毋稍疏失其安置伊犁索倫人眾前經榮全
奏撥庫銀二萬兩戶部業已撥解俟此項到時卽著榮全等會商
將伊犁避難索倫官兵眷口酌量接濟並妥籌安插毋稍疏虞福
濟等卽咨商榮全並傳知棍噶扎勒參欽遵辦理至明瑤所稱布
倫托海新城一切經費及進剿軍餉並官兵應支鹽糧俸銀共約
需數十萬兩見在布倫托海已復塔城督制毋庸另設新城各項
需費諒亦無多惟念該處事機正關緊要不得不寬備餉需以期
應手著鄭敦謹於山西欠解新疆月餉項下提撥銀四萬兩丁寶
楨於山東欠解新疆餉項下提撥銀四萬兩李鴻章於河南欠解

新疆餉項下提撥銀二萬兩查照部撥庫銀遞解章程解交福濟
等分別緩急酌動用毋稍虛糜嗣後該城一切經費盈絀由該
辦事大臣等隨時覈實具奏不得紛紛各請撥餉以歸畫一將此
由六百里各諭令知之○撥部庫銀十萬兩解科布多充餉○乙
未諭軍機大臣等榮全等奏差往俄國辦事章京中途被阻並派
員接應索倫人眾各一摺章京薩碧屯等奉差前往俄國科米辦
事行至烏克卡倫被坐卡蒙古人等阻止並聚眾喧鬧打破帳
房覽奏各節實出情理之外榮全等以該蒙古人等性素愚頑未
便遽行查辦固是權宜辦法然似此聚眾逞強藐視國法亦不可
不加以懲儆著榮全會同麟興錦丕勒多爾濟奎昌明瑤嚴諭該
部落所管官員等令其剴切開導將滋事之蒙古人等量予懲辦
固不可操之太蹙激成事端亦不得一味姑容致長刁風至所奏
擬撤去八卡官兵將昌吉斯臺霍呢邁拉厘兩卡侍衛暫行移入
烏克卡附近駐守等語邊界所設卡倫關繫綦重見在分界未定
若遽將卡倫移撤恐俄人得步進步易滋口實榮全等務當熟籌
妥商如於分界之事尙無窒礙卽可照擬辦理料米等處應辦之
事亦宜早爲了結卽著飭令該章京等由庫倫取道恰克圖迅速
馳往辦理毋稍遲誤其由俄境旋回之索倫部落人眾見旣行抵
雅爾玉爾地方卽著福濟錫綸派員會同榮全派出之員設法接
應並遵前旨俟戶部撥款二萬兩解到後酌量接濟妥籌安插將
此由五百里各諭令知之○賞普濟堂功德林賑米八百石○丙
申諭軍機大臣等曾國藩等奏榮工漫水漸入洪湖會籌堵禦一
摺洪湖水勢自九月初二日後逐日加長淮河入湖一段每多淤
沙騰起漫水業已南趨運河東西隄情形極屬喫重卽著曾國藩

東華續錄

同治七十四

辛

馬新貽張之萬丁日昌會同商酌寬籌款項迅將東隄滲脫處所培築堅固並將西隄各段最要工程趕緊興辦沿隄各廂洞民工近多殘缺並嚴飭各州縣督飭紳董作速補砌毋許藉端滋擾其張福口引河碎石河等處應否再加挑濬以資分洩並著妥籌辦理蘇廷魁李鶴年務當懍遵前旨將榮工亟籌堵合戶部撥款四十萬兩計應解到即著多備料物刻日興工務於年內蒞事轉瞬春水發生恐堵築更為棘手備該署河督等稍涉迂緩以鄰為壑致裏下河等處完善之區被水浸灌恐不能當此重咎也其部撥河南及各省之五十萬兩仍著蘇廷魁等飛速催提毋誤要需黃河改道及舊黃河並運河各廂壩情形著張之萬蘇廷魁分別詳細繪圖貼說具奏將此由五百里各諭令知之○諭崇實奏進剿冕甯夷匪疊勝建南大路暢行見會剿西昌交脚夷巢一摺建南東華續錄 同治七十四 至

大路因夷匪橫行久絕行旅提督周達武總兵李有恆丁永陞等由冕甯督隊進攻將阿馬各支及界木大小馬廠等處夷堡先後焚毀並攻破東山寺山腰夷巢斃賊甚多建南道路一律疏通見會合大兵進駐西昌縣境為偏攻交脚夷巢之計勦辦甚屬得手交脚老巢地險夷悍非痛加勦洗不能盡拔根株著崇實吳棠仍飭周達武等乘此聲威四面圍擊以期擒渠掃穴用竟全功建南善後事宜即著嚴飭該處地方文武悉心經理其投誠之大小部落及交出被擄漢人並著檄飭在事各員妥籌安插毋令別生事端將此由五百里各諭令知之○哈密幫辦大臣景廉奏暫留安西辦理防守催運事宜並肅逆出關竄擾邀擊獲勝得旨該大臣出關後即能督軍截擊竄匪尙屬能事所有出力及陣亡員弁著即會同文麟查明彙案奏請獎卹並著督飭各地方官及各糧臺

設法催運以濟前敵毋稍鬆勁○丁酉于安徽陣亡遊擊何朝亮湖北殉難知府易容之建祠○戊戌論軍機大臣等玉通奏漢回構怨日深請飭穆圖善迅赴西甯籌辦及阿家呼圖克圖出口句結野番各摺片西甯回眾滋事以來屢與漢團構怨近則十大莊等處不法回眾句致撒拉各回焚掠沙塘川一帶兇燄頗張復因阿家呼圖克圖與之結怨攻屠漢團大肆殺戮情形狂悖已極玉通見在親身勸解責令兩造毋再仇殺但須確有把握俾漢回稍息爭端不得一味姑息致該回眾愈撫愈驕玉通當咨商穆圖善妥為籌辦該處難民招撫既有頭緒著玉通設法撫卹以安眾心西甯地方變亂若此一切勦撫事宜亟應認真整頓著穆圖善妥籌兼顧相機辦理阿家呼圖克圖未能保護地方致寺院燒毀多處復潛行出口句結野番欲與回眾報復該野番犬羊成性易生事端著穆圖善玉通傳知該呼圖克圖迅即回寺梵修毋許冒昧從事致貽後患將此由五百里各諭令知之○諭總理各國事務衙門奏豫蘇閩等省見辦傳教各案中外未能相安一摺據稱河南省南陽教堂一案民人傳帖聚眾其勢洶洶江蘇揚州聚眾毆辱教士會國藩咨報訊辦稱有頭緒臺灣壯勇殺死教民英桂尙未將辦理情形咨報而該國使臣屢請率辦正兇情詞迫切等語傳教一事既已載在條約勢難顯為禁止惟在自端趨向崇正黜邪見在辦理各件務須妥慎籌維當行者就案完結當拒者按約辨明不至日久遷延橫生枝節方為妥善著會國藩英桂馬新貽丁日昌卞寶第李鶴年各將見辦未結之教案迅速設法了結毋稍徇徇致辦理不得其平轉滋流弊原摺著各鈔給閱看將此由五百里各諭令知之○諭本日據總理各國事務衙門奏見辦傳

教各案中外未能相安請飭迅速完案並通飭各省按約辦理一摺已諭令江蘇福建河南各督撫迅速辦理矣惟思傳教一案載在條約自難顯為禁止惟在修明正學自端趨向乃能崇正黜邪潛消隱患遇有交涉事件尤當持平辦理當行者就案完結當拒者按約辨明嗣後各該地方如有傳教之洋人務令士民各守本業不得聽信浮言無端尋隙儻有不安本分教士滋擾地方即知會領事官按約懲辦必使民教相安不至釀成巨案著各直省將軍督撫等通飭各該地方官妥慎辦理毋稍徇致滋流弊原摺著各鈔給閱看將此各諭令知之○己亥諭軍機大臣等曾璧光奏逆首投誠妥為安置並請飭催實缺總兵赴任准令辦捐臬司葆亨專摺奏事各摺片龍貴克復以後逆首潘名桀及其胞弟潘得明逃竄復糾合都勻苗酋柳天成等肆擾經官軍痛剿潘得明

東華續錄

同治七十四

五

令李鴻章將該旗所部奇字軍三千人派員帶往貴東仍歸劉士奇統帶所需糧餉仍由原撥省分運濟之處著李鴻章斟酌辦理葆亨在湘辦捐距京較近所有各省捐局請獎及催撥餉銀等事著准其專摺具奏以免遲滯將此由六百里各諭令知之○劉嶽昭等請飭廣東撥還歷年欠解銅價以濟滇餉允之○庚子諭蘇廷魁等整頓河工積習○命金順夾擊米脂竄匪○子陝西陣亡副將張詩奇等祭葬世職○壬寅諭軍機大臣等錫綸奏交代印信在科辦理糧餉一摺錫綸於九月初八日將布倫托海辦事大臣印信派員齎送明瑤俟餉項撥清再行西進惟布倫托海辦事大臣一缺見已將福濟調補錫綸尙在科城正可與福濟彼此會商迅將見到餉項劃撥清楚後路糧臺安置妥協即借福濟剋期前赴布倫托海及早視事不得任意遲延致滋貽誤滿兵身受寒

東華續錄

同治七十四

五

泣勒潘名桀投誠該逆不從竄往獨山潘得明乃自攜妻子戚屬面縛乞降曾璧光飭司訊供尙無偽情已示以不殺交張文德管帶使之殺賊自效固係權宜辦法藉安反側惟潘得明隨其兄爲亂多年罪惡甚重此次窮蹙來歸難保將來不復萌異志其潘名桀在逃未獲尤恐潛通消息洩我軍情著曾璧光密飭張文德妥爲鈴束畱心體察如果始終不渝即責令隨隊剿賊贖罪未可驟假之兵以防反噬潘名桀係首先倡亂之人乃敢怙惡不悛必須上緊緝獲正法以洩黔民之憤並著曾璧光嚴檄各路將領暨各地方官會合按捕毋任久逃法網致貽後患古州鎮總兵劉士奇請假回湘計將假滿見在捻匪蕩平該總兵自當迅赴本任以重職守即著李鴻章飭令該總兵毋庸回營由湘赴任並著劉峴催其迅速啟程到任後與席寶田等共籌防剿以靖苗疆曾璧光請

軍之不宜盡撤頗為深切著明官文七月間初奏以今春南勇追賊北來與民團互相構殺與其留客兵而別開生面莫若循舊制而汰弱留強九月間續奏以直隸附近京畿並兩陵重地宜用兵而不宜留勇因而統籌善後分別留撤練兵並請將各營練勇擇地分布通融飭撥固本餉項以濟要需臣等謹就各該大臣所議互證參觀非特留勇有弊即練軍亦未嘗無弊然天下無無弊之事要在明其弊之所在可治與不可治能經久與不能經久而別擇以定其指歸留勇之弊各該大臣固已言之鑿鑿而猶有未盡者軍中習氣官以募勇為利藪勇以投營為利藪虛名冒餉任意開支且復朝秦暮楚隨其所之無從限制其為害於軍事者固難悉數即以勦匪言之勇之所利惟恃人多氣盛而強悍不馴之性究難改革一有欠餉刻刻防其生變甚至帶勇者挾制居奇幾有東華續錄同治七十四 五月

尾大不掉之勢近年將驕勇惰諱潰之事不一而足至其擾害閭閻倚眾滋事尤屬習為故常當勦匪喫緊勉強用之出於無可如何若賊股已平猶欲蓄養此輩以期保衛竊恐無事生事維持調護日不暇給安能從容訓練令其悉守軍規設或遣撤無期間閭騷動其為害於地方者尤大臣等公同商酌英翰所請留勇扼紮一節應毋庸議至練軍一事同治五年總理各國事務衙門以京師四路無軍不足以固根本因請選練直隸六軍復會同戶部兵部一再籌商定立經制行知直隸總督內外合謀時閱一年始將備糧餉製器械紮營壘派將領及一切緊要事宜次第料理稍有眉目而捻已由楚而豫由豫而東直隸為鄰近之區亟圖守禦即以六軍酌調或令防卡或令防河藉經費為口糧而兵實未嘗練成英翰謂其有名無實洵屬不誣然前此練尚未成不妨再加精

嚴尚非終不可用且亦未能舍六軍而別求奇策臣等查直隸營伍如提標正定大名廣平等處素稱樸實壯健加籌經費調集訓練非不可成勁旅惟是練軍有利亦有弊知其弊而設法整頓即是經久良圖左宗棠摺內謂營伍習氣已深驟難更革劉長佑練兵章程精密所演陣圖亦極合式議將翼長斟酌去留未經戰陣之參遊都守等撤退以久於戰陣屢經保擢者充之庶幾營伍習氣可以蠲除李鴻章摺內謂欲化弱為強立法與用人二者不可不大加變通所陳均屬切要見在大學士會國藩由兩江總督調任直隸於練兵一事責無旁貸且該督久於戎事自能按時勢而力求實效必不徇眾論而敷衍目前應請飭下會國藩於履任後將總理各國事務衙門及部臣會議練兵各條暨劉長佑推廣變通辦法左宗棠李鴻章等見議各節斟酌損益悉心籌畫妥議舉東華續錄同治七十四 五月

行直隸甫經安定土匪游勇恐未絕迹練軍未成之先直隸山東河南各交界應否暫撥勇隊扼紮統由該督一併酌定奏明辦理至都與阿請將臣營隊伍撥赴通州盧溝橋等處輪替紮營查見在北路一律肅清通州等處距京甚近若輪替駐紮與在南苑訓練無異應毋庸議 上諭軍機大臣等軍興以來因兵力不足未嘗不資募勇以利征剿原為救急應變之舉見在畿輔既經肅清若仍留勇丁分紮各路誠恐客軍與土著雜處未必相安轉非所以保衛閭閻英翰所請留勇扼紮一節著毋庸議至直隸營務久經廢弛前經總理各國事務衙門會同戶部兵部議定選練六軍誠以根本重地當為自強之謀迨捻匪北竄直隸官軍打仗仍不得力雖云訓練未精然國家歲糜鉅帑金養此無用之兵實堪痛恨此時賊匪既平亟應將前定練軍章程從新整頓會國藩久

諳戎事應如何變通之處著於到任後詳慎妥籌悉心經理務期
化弱為強一洗從前積弊以衛畿疆儻因直境甫就救平毗連東
豫一帶應暫撥勇隊以資彈壓一併由該督斟酌奏明辦理曾國
藩未到任以前官文務飭各員弁照常訓練不得稍有懈弛神機
營原摺均著鈔給閱看將此各諭令知之○諭左宗棠奏籌防歸
綏派員履緝游勇吳坤修奏請派大員督辦省防長江皖南各釐
請歸還安徽會籌開隄事宜各摺片綏遠歸化地界極邊薩托清
等處黃流淺漫防務極關緊要著左宗棠會商定安等嚴密防維
妥為布置該大臣請飭袁保恆選募准軍徑駐歸化並令其會同
定安奏事之處均毋庸議陝省匪勢蔓延左宗棠當統率各營迅
速西行殄除醜類豫省游勇冒充官軍於師行前後數十里間分
行剽劫弁勇亦遭其害左宗棠雖已派員接捕李鶴年當隨時督
東華續錄 同治七十四 奏
飭地方官實力嚴拏按律懲辦皖境游匪乘機搶掠去省數里劫
案疊出哥老會匪到處皆有尤慮互相勾結吳坤修見駐壽州未
能兼顧所有省城防務著即責成裕祿認真辦理遇有匪徒滋擾
盡法懲治以靖地方山東至清淮一帶亦有游勇涵迹搶掠行旅
並著張之萬丁寶楨飭屬嚴拏務獲究辦吳坤修所稱皖餉支絀
見聞准軍議撤請以長江皖南釐金除每年撥歸水師三十二萬
兩外其餘概歸安徽等語即著曾國藩馬新貽丁日昌吳坤修會
商辦理豫省決開隋隄借道放水皖境宿州及靈泗等處必罹重
災民命攸關不可不慎益加慎著曾國藩馬新貽張之萬蘇廷魁
李鶴年吳坤修悉心籌商妥為辦理毋得以鄰為壑貽害民生將
此由六百里諭知曾國藩左宗棠馬新貽張之萬蘇廷魁丁日昌
丁寶楨李鶴年並傳諭吳坤修知之○左宗棠奏竊陝甘變亂已

久軍威不振其原由於餉源奇絀無以養軍致士氣日頹無以制
賊迫為時既久賊勢仍張復議廣募客軍以求速戰之效於是兵
數日增餉事日絀非僅不能制賊且更以增賊今之土匪哥老匪
游勇潰勇則皆無餉之軍不能制賊反以增賊之明驗也餉足則
將能取軍而軍不敢犯兵能衛民而民不受擾不足則反是聖人
論政以足食為先如不得已則以去兵為急事理昭然豈必今異
於古陝甘餉源支絀人皆知之陝西每年缺餉一百四十餘萬兩
甘肅每年缺餉三百餘萬兩均經署撫臣劉典署督臣穆圖善陳
奏臣前疏請撥實餉謂陝西每年缺餉一百五六十萬兩蓋並臣
親軍各營合計不僅一百四十餘萬兩也謂甘肅每年缺餉二百
餘萬兩蓋除歸併陝西供支之甘軍而言謂約止二百餘萬兩也
合兩省計之缺餉總在四百餘萬兩從前髮逆捻逆未平天下之
東華續錄 同治七十四 奏
患在東南財賦之鄉中原腹心之地勢固難以全注之西北一隅
疆臣坐視淪胥不敢為過望之請計臣但期敷衍無以應如願之
求往復空文徒成畫餅茲幸捻氛盡掃海宇蕩平各省解嚴與民
休息計清釐積欠酌留兵勇為費雖尚不貲而節出之餉需贏餘
之釐金洋稅總不下千餘萬兩用東南之財賦贖西北之甲兵各
省勢本有餘而陝甘則得半斯足此可為陝甘常年經費請者也
諭旨允軍機大臣戶部之請撥各海關六成洋稅項下銀一百萬
兩為臣西征實餉由臣酌撥甘肅自本年十二月起按月協解為
數本不為少惟臣親軍各營五千餘外新開馬隊九營挑留吉林
馬隊三起此外劉松山新增步隊三營馬隊一營郭運昌新增馬
隊一營又全福增募吉林民勇馬隊三百皆踰於常額計日授食
每月即需八九萬兩何有贏餘分撥甘省且此項既自十二月起

算各海關縱如數如期協解水陸程途逾數千里非俟明年春夏之交頭批不能抵陝此數月間懸軍待餉遇有調撥何以應之或者陝餉尚有存餘堪資挹注則挪彼應此事猶可為而途次接閱劉典鈔摺咨會知洋款業經用盡林壽圖詳稱司庫一空如洗穆圖善方索分洋款咄咄逼人即欲稍事通融憑何著手而尤可惜者秦中兵事經劉典調度大有轉機諸將士盡力殫誠著有成績觀回逆之分議移巢土匪之款營乞撫可見其震懾兵威茲復聞臣弭節西旋軍容甚盛其恟懼實在意中如果糧餉充裕因其恟懼攻之事半功倍留秦諸將領緘牘頻來亦均有急擊勿失之請僉謂臣方挈重兵鉅餉還秦勤撫兼籌事無不克而不知臣方垂憂入關兵力雖屬有餘餉事無從取給也無論籌期則必裹行糧儲芻粟亦運籌撫則必籌安插給口糧散籽種非有寬裕款項東華續錄 同治七十四 无

應手不能隨時舉辦即令按兵坐食一無所事又豈能枵腹忍飢遠待數千里外隔年之協餉以舉火哉合無仰懇 天恩飭兩江督臣江蘇撫臣湖廣督臣湖北撫臣兩廣督臣廣東撫臣粵海關監督各海關六成洋稅各照軍機大臣戶部原撥之數共計一百萬兩提前協解務於今臘明正到陝以應急需如各海關一時未能湊集如數即援照成案仍由各督撫臣出備印票交臣上海轉運局福建道員胡光墉領收轉向洋商借取見銀解陝以期捷速仍由各督撫臣按期撥還歸款其息銀先於借款內劃扣統由臣報銷計此項提前數月到陝臣可將亟應辦理各事及時籌辦不致坐失事機而於各海關款目仍無出入其此項未到之前遇有緊急機宜陝西無款可籌并懇 天恩飭下山西撫臣於河南鹽課項下無論京協各款提撥二十萬兩迅速解陝庶期就近有款

接濟掣肘無虞臣得一意經營別無顧慮陝西大局之幸也至陝甘全局之安危不爭一時兵事之利鈍緣地方彫弊異常又頭緒紛繁刻難就理一面用兵即須一面籌辦善後庶幾一了百了後必無災診疾雖在延醫處方必須購藥藥品足備攻達乃神治重病則藥不得輕治久病則功難求速應仍懇 天恩飭下軍機大臣會同戶部妥籌陝甘常年實餉自明年伊始事定而止每歲於各海關洋稅各省釐金項下劃提實銀四百萬兩分給陝甘酌時勢之緩急定協餉之多寡臣當率在事諸臣盡心力之所能到者勉圖維與西事相終始期挈全境還之朝廷斷不敢或作或輟虛負恩知亦不致以餘粟餘財自汙素節區區愚悃冀荷鑒原得旨軍機大臣會同戶部速議具奏○諭都興阿等籌復東三省冬圍舊制○是月減免兩浙橫浦等四場款收電課

東華續錄 同治七十四 早



東華續錄

同治七十五

臣王先謙敬編

臣張式恭恭校

冬十月甲辰朔撥帑銀八十萬兩濟榮澤工需○諭麟興撥解巴里坤兵餉○丙午諭軍機大臣等人奏已革雲南總督張凱嵩前在廣西辦理軍務避重就輕居心壅蔽克復山澤後泗郡乞援擁兵不救以致泗城歸順龍州相繼失陷縱寇殃民咎有應得該革員升任雲南總督不願赴任屢次藉詞遷延平日貪婪官民交怨擁費何止百萬請飭罰銀充餉等語張凱嵩規避雲貴朝廷洞燭其情是以將其革職至在廣西巡撫任內貽誤軍事婪索屬員如果屬實大干法紀蘇鳳文久官粵西知之必悉著即確切查明據實具奏毋稍徇隱原摺片著鈔給閱看將此諭令知之○逆匪

東華續錄

同治七十五

吳亞終竄越南木馬諭蘇鳳文馮子材會籌速剿○丁未諭軍機大臣等庫克吉泰劉典奏西路各軍追剿賊匪情形一摺雷正紹黃鼎所部在靈涇一帶剿賊屢勝總兵黃超羣亦於甘泉境內擊敗董志原竄匪餘賊糾黨攻撲宜川縣城復蜂聚於絳桃村經庫克吉泰等檄令張雲松嚴守要隘扼賊南竄之路並飭劉端冕等分道援剿著即催令該員等迅速前進務將此股賊匪盡數殲除毋令竄逸涇靈境內見無賊蹤邪三中宜等處防範雖嚴尤當格外慎重免致逆股尋隙內犯至廊延一帶兵力尙單董志原回逆糧盡計窮難保不圖竄往肆行擄掠該處防剿均當妥籌兼顧左宗棠已飭卓勝軍先行入關即著庫克吉泰劉典檄飭該軍迅赴宜川將該處賊股剿盡即會同劉端冕所部扼要駐紮毋任匪蹤東竄左宗棠仍當督率各軍剋期入陝相機剿辦以竟全功將此

由五百里各諭令知之○戊申賜陳桂芬等七十八人武進士及

第出身有差○己酉諭李鶴年飭張曜軍迅赴榆林○辛亥諭軍機大臣等穆圖善奏進剿河州回匪獲勝請旨速解餉銀一摺河州回匪投誠後延不呈繳馬匹等項意存反覆自難稍事姑容見經穆圖善派令總兵范銘攻克綠麻景古城等處賊巢疊挫兇鋒勦辦尙爲得手穆圖善見在復親赴狄道督軍進剿著即激勵諸軍奮力攻擊迅圖掃蕩如有畏罪投誠者當察其是否真心悔悟不可輕墮術中致誤戰事大軍後路尤宜妥籌兼顧其西甯回匪仍當會商玉通相機辦理甘省餉需支絀軍士枵腹荷戈殊深廬念據穆圖善奏稱各省應解甘餉除江西九江關協濟銀二十萬兩山西河東四川省城解到銀數萬兩外其餘由鄂臺經收各省協餉數月之久仍未解到著戶部迅即行令應協甘餉省分各督

東華續錄

同治七十五

撫趕緊籌解源源接濟並飭鄂臺將勻撥甘省餉銀速即撥解毋再延緩致誤大局將此由五百里諭令知之○飭各省速撥西征軍餉備借貸洋款議○乙卯諭軍機大臣等文麟奏馳抵哈密籌辦情形一摺哈密自被賊擾後城垣坍塌地方彫敝文麟見已抵任自應將善後事宜妥爲籌辦應否改設城垣或將舊城重加修葺著即相度地勢詳慎辦理葫蘆溝等處見有賊匪竄擾並著派兵搜剿毋任滋蔓威儀等營分紮哈密塔爾納沁等處如已足敷分布即可將巴里坤派來之兵撤歸本城惟哈密巴里坤兩處唇齒相依文麟務當隨時咨商伊勒屯等互相聯絡以壯聲援哈密軍食缺乏全恃後路轉運最廉見駐安西著將安敦玉應辦糧石設法催齊源源運解並著文麟將蔡巴什湖屯田認真興辦暨塔爾納沁附近雪山一帶屯田漸次推廣俾資接濟該城籌辦善後



及應發兵餉需用孔亟著鄭敦謹將應解新疆餉銀寬為籌撥迅速報解並著定安麟興榮全錦丕勒多爾濟於山西餉銀解到時即行轉交該城催餉委員押解赴營毋稍延緩嗣後遇有指撥哈密之餉他處不准擅行截留致誤要需將此由五百里各諭令知之○丙辰諭軍機大臣等穆圖善奏官軍渡洮擊賊獲勝見飭諸軍由高家集進剿一摺河州踞匪與甘肅省垣僅一洮之隔經穆圖善親督諸軍渡河會剿將高家集堅巢攻拔以次平毀鄧家灣大草灘清水溝蘇家集等處賊堡共斃賊數千救出難民甚多奪獲軍糧器械無算勦辦尚為得手所有出力各員弁准穆圖善存記俟續有戰績再請獎勵陣亡將士並著查明請卹賊匪見奔竄泰子寺勢漸窮蹙該處城大而堅山高路險必須先將附近各賊壘掃蕩以全軍四面圍攻乃可一鼓殲滅即著穆圖善激勵各將

東華續錄 同治七十五 三

士乘此聲威由巴池溝等處轉戰而前迅復河州為掃穴擒渠之計其投誠良回並著穆圖善妥為安撫以示招徠將此由五百里諭令知之○諭馮子材奏慶遠南太鎮安各邊境漸次肅清一摺廣西慶遠南甯太平鎮安各屬匪勢延蔓經馮子材分飭各營痛加勦洗將各處匪巢攻拔多處左江軍務已稱得手而右江踞匪吳亞終句結鎮遠上映向武下雷各積匪窟併平馬嘯聚感墟滋擾天保縣屬下崗一帶復經馮子材親往龍州督隊兜勦疏通右江運道各路積匪均已次第鏟除惟吳逆竄併越南木馬邊隘甚多匪勢尚熾亟應迅速勦滅著蘇鳳文馮子材會商調度將積年巨匪趕緊掃蕩並將各邊隘迅圖廓清以弭後患再廣西記名提鎮人員中如有曉暢戎機長於訓練能實心實力整頓營務者著蘇鳳文悉心查察出具切實考語隨時奏聞候旨錄用將此由五

百里各諭令知之○允山東截漕入萬石賑濟南武定被水災民○丁巳 文宗顯皇帝聖容 實錄 聖訓 尊藏禮成予護從王大臣議敘○諭內閣刑部奏遵議已革大員罪名一摺已革布倫托海辦事大臣李雲麟不知體恤民勇以致造言煽變實屬撫取無方該部議以發往新疆係屬照例辦理惟該革員在新疆獲咎未便再行發往李雲麟著改發黑龍江充當苦差以示懲儆○戊午命服闋禮部右侍郎李鴻藻仍在弘德殿軍機大臣上行走○命山東布政使潘鼎新赴陝西軍營交欽差大臣左宗棠差委○胡家玉請濬黃河故道以利漕運命曾國藩等集議以聞○庚申諭軍機大臣等李鶴年奏檄催豫軍剋期入晉遵飭張曜改赴榆林請將陝省募勇滋事員弁懲辦各摺片張曜一軍已於本月初九日北渡即著李鶴年飛催該提督兼程前進迅赴榆林與金順

東華續錄 同治七十五 四

聯絡防剿以固秦晉北路並嚴催宋慶超將舊部招集星速由豫入晉駐紮汾州以重防務該軍應需賞糧等項著李鶴年先為製備俾宋慶超回豫後即可趨行免致稽延貽誤豫軍西征餉需軍火轉運最關緊要李鶴年已派員在澤州地方設局經理並著鄭敦謹一體督飭妥辦毋令稍有缺乏懷慶府屬地方於左宗棠督師過境時突有游勇冒充官軍滋事劫搶傷人之案層見疊出該處瘡痍未復何堪再遭擾害即著李鶴年飭令楊長春會同地方官嚴密查拏盡法懲治以靖閭閻並著左宗棠嚴查如有隨營游勇在外滋擾者即照軍法從事毋稍徇護劉典以親軍缺額派副將劉秀桃參將陳鳳林赴豫招募步隊數百人充補該員等輒濫收馬步至三千餘名之眾沿途漫無約束淫掠毆搶斃民命閭鄉一縣被害呈訴者已一百五十餘起其他可知殊堪痛恨劉秀桃

陳鳳林著即革職並著劉典將縱勇擾害各節逐細查明按律究治並勒令將犯事勇丁交出押解赴豫正法梟示以昭炯戒此項新募之勇到營後如須酌量遣撤務當另派委員分起押送毋使再滋事端將此由六百里各諭令知之○湖南巡撫劉峴奏添調兵勇赴黔剿辦苗匪得旨著即檄飭黃潤昌統率所部迅赴沅州會商席寶田相機前進併力攻剿○以科布多守城賞土爾扈特郡王凌札棟魯布親王銜○辛酉予江蘇殉難知府于醇儒建祠○癸亥諭軍機大臣等蘇鳳文奏逸匪屬聚越南復窺太郡見籌進剿並各屬剿辦土匪情形各摺片賊匪吳亞終等遁入越南境內廣集諒平木馬九葑等處分股擾及太平邊境雖經馮子材派兵分剿攻破丁村壩墟等處賊巢而該匪復敢攻擾龍州下凍窺距憑祥土州匪勢甚為猖獗太郡各屬與越南邊境相連該處防東華續錄 同治七十五 五

兵甚單難保該逆不乘隙回窺且此賊一日不平非特內地不能安堵即越南邊境被擾朝廷一視同仁亦豈能置之不顧著蘇鳳文會商馮子材督飭官軍會合夷兵迅圖進剿務將此股賊匪悉數殲除不得以賊去稍遠停兵不進敷衍目前致成不了之局所有應用軍餉等項並著源源籌解毋令缺乏其太郡防務並著飭令徐延旭添募勁勇認真堵禦毋稍疏懈來賓象州等處伏莽尚多蘇鳳文當分飭在事文武實力勦辦次第廓清並飭實武永等州縣查拏逸匪妥籌善後俾地方日有起色另片奏據馮子材咨稱道員覃遠璉收復歸順州城有給賊銀兩之事如果屬實荒謬已極著蘇鳳文確切查明據實參辦毋稍含混將此由五百里各諭令知之○廣四川崇慶州學額一名○甲子飭各省迅解河工銀○于山東陣亡道員李澤長祭葬世職○乙丑諭軍機大臣等

東華續錄 同治七五

穆圖善奏官軍擊退徽成逆回遣散靜甯土匪並清水縣城解圍請將辦事回目酌保各摺片徽成兩縣回股經敖天印傅先宗等合力勦擊賊眾紛走境內一律肅清其靜甯土匪亦經舒之翰等將首犯樊國昌擒拏正法餘匪分別遣散辦理尙屬認真該州與清水相距甚近無兵防守仍恐為竄匪所乘即著檄飭舒之翰等責令張貴率領所部分駐水洛城等處並令善山保帶領安楨桐二營分駐古城一帶以資保衛崔三大股倅撲清水縣城副將敖天印親督各營乘夜潛襲斃賊甚多城圍得以立解惟訊獲賊供該逆意欲直犯秦州以圖飽掠該處尙稱完善久為匪黨垂涎仍著嚴飭該副將督率兵勇相機堵禦毋得稍有疏虞匪首楊生魁等在同心城滋擾經回目馬朝清馬忠海等將首夥各犯槍斃救出難民地方賴以安靖該回目等居心樸誠甚屬可嘉所有此次東華續錄 同治七十五 六

出力紳民著准其擇尤酌保數人以昭激勸將此由五百里諭令知之○飭山西迅解歸綏防兵欠餉○丙寅命江蘇月撥劉松山軍餉六萬兩○吏部左侍郎吳存義卒予祭葬○追予江南江甯殉難已革廣西巡撫鄒鳴鶴祭葬世職如巡撫例諡壯節○戊辰諭軍機大臣等劉嶽昭奏進剿尋匪疊勝並親赴文筆山相機布置及覆陳到滇後籌畫情形各摺尋甸賊匪經李家福等連番勦擊斬獲甚多而嵩明踞匪分路出巢希圖牽掣兵力劉嶽昭抵文筆山法鼓山察看情形將各要隘嚴為防守李家福等復將新莊魯背等處賊壘乘勢環攻賊不敢出其法鼓山左右村莊及小坡賊壘一律攻克勦辦尙屬得手惟北路餘匪勢仍鴟張該督見已馳回曲靖自當嚴飭李家福全祖凱督率各軍迅拔尋城不得以東路稍清輒形鬆懈至覆陳辦理梁士美等各節尙屬事出有因

八三

該督身任兼圻受恩不為不重滇省軍事方棘務當與岑毓英等和衷共濟緘莫邊陲其於捷報掩飾等情尤當存有則改之無則加勉之心方為不負委任劉嶽曙計已入滇著即檄飭該道員會同李家福等軍分投進剿以壯聲援其省防事宜仍著督飭宋廷春等時加防範毋稍疏虞將此由五百里諭令知之○予雲南陣亡遊擊張肇培被戕知縣盛光斗等祭葬世職○已已諭內閣山東布政使潘鼎新奏懇賞假回籍葬親並帶勇回皖分別辦理各摺片著照所請潘鼎新准其給假三箇月回籍葬親並著於假滿後挑選所部勇丁統帶赴陝聽候左宗棠差遣以資攻剿○諭軍機大臣等曾璧光奏官軍攻克鎮甯苗逆老巢興義縣城被陷旋復成耀星等軍餉請仍由川省撥解各摺片苗逆黃大老板竄踞鎮甯州十三旗地方窺伺郎岱等城經官軍堵剿獲勝先將羊昌東華續錄 同治七十五 七

河玲瓏賊壘平毀進攻十三旗老巢陣斬賊酋黃老五唐開科等二十餘名斃賊無算立將十三旗克復該逆由關塞遁去即著曾璧光檄飭畢大錫等乘勝搜剿務將逆首黃大老板嚴大五等擒獲正法以淨根株六合圍首黃汰向踞烈山堡恐與各屬餘匪句連應聚復肆蔓延並著曾璧光嚴督該文武員弁力圖聚殲毋留餘孽在事出力各員弁紳團准由曾璧光擇尤奏請獎勵毋許冒濫馬紳金萬照等匪句結為患曾璧光當檄飭該文武等會合滇軍相機堵剿毋稍疏虞川省添撥陳希祥一軍著曾璧光檄飭迅速赴防與成耀星各將濫練土匪實力勦洗即合軍由安順進剿興義貞豐等處回逆一面檄催葉正邦迅由西林渡江以收夾擊之效成耀星陳希祥兩軍糧餉軍裝著吳棠照舊源源撥解毋令缺乏將此由五百里各諭令知之○予哈密陣亡三品銜軍功張

和祭葬世職○王申諭內閣前因曾國藩奏稱已革廣西巡撫鄒鳴鶴在江甯殉難大義凜然當經降旨加恩照巡撫例從優議卹並准其子諡茲據御史朱鎮奏稱該故員前經陸建瀛奏請幫辦城守事宜當江甯失守後該故員扶病避匿民居被賊所殺並非力竭捐軀者比該御史當時在籍鄉居自係確有聞見所有前准曾國藩請將鄒鳴鶴照巡撫例從優議卹並加恩予諡之處均著撤銷○癸酉諭軍機大臣等李鶴年奏張曜由澤州赴防宋慶起程來豫並會同蘇廷魁吉興工一摺張曜一軍既行抵清化鎮即著檄令由澤州兼程前進迅赴榆林並咨明鄭敦謹查照辦理宋慶於本月二十日前由籍起程此時計已抵豫該提督所部應需賞糧等項業經李鶴年先期飭備自不至於濡滯著即飭令肅伍邁行星速赴汾擇要駐紮以重冬防榮工已於本月二十一日東華續錄 同治七十五 八

興工先由西壩進占著蘇廷魁李鶴年督率道廳及在工員弁懷遵疊次諭旨實心辦理務期年內合龍以慰屢繫沁河漫口工程並責令尹耕雲綸恩會同勘辦仍著該署河督等將開工後堵築情形分晰具奏續撥部餉六十萬兩均由順天府委員領解著李鶴年派委安幹員弁沿途迎提迅速到工毋稍延緩將此由六百里各諭令知之○諭蘇鳳文奏接據越南國王咨文派兵協剿各等語逆匪吳亞終句結越南降匪謝靜川等憑險抗拒勢甚猖獗前諭蘇鳳文等迅督官軍會合夷兵夾剿剋期殄滅茲覽越南國王咨文是其待援情形實為迫切該國久列藩封恭順有加乃任內地匪黨擾及邊陲何以副朝廷懷柔遠人之意歸順憑祥等處既有踞匪兵力不能兼顧即著蘇鳳文馮子材等添募勁旅分道並進越境疾攻會同越南夷兵兩面夾擊迅殲醜類以靖邊疆不

得以越境險遠置之不問為越南所笑所需糧運軍火並著蘇鳳文寬為接濟毋令缺乏再輿圖為行軍所必需著該撫將見在本省用兵及有賊處所詳細繪圖貼說具奏將此由六百里各諭令知之○予湖北陣亡縣丞鄒永詰等祭葬世職○是月蠲緩直隸安州等四十五州縣被水被雹新舊額賦河南祥符等二十六縣被災被擾新舊額賦山東德州等二十五州縣德州等三衛被災被擾新舊額賦並永阜場竈地錢糧貸河南榮澤等十三州縣被水災民一月錢糧

十一月甲戌朔諭軍機大臣等前因棍噶扎勒參請派烏科兩城防兵剿賊等情諭令麟興等妥商辦理茲據奏稱烏城防兵僅止一百數十名係為彈壓地面而設此項防兵為數無多自應飭令照常認真操防毋稍疏懈布倫托海賊匪近日情形若何亦未便

東華續錄 同治七十五 九

任其蔓延麟興等業經咨商福濟錫綸相機辦理一俟商議就緒即行奏聞如須調蒙古官兵著即將備調之五百名派員管帶前赴福濟等軍營聽候調遣棍噶扎勒參請調馬匹見值大雪封山勢難運解應否派撥前往並著咨商福濟錫綸斟酌辦理布倫托海雖距烏城較遠麟興錫綸多爾濟榮全總當隨時確探情形與科布多大臣豫商籌辦顧全大局不得以一味因循致有貽誤將此由四百里各諭令知之○廣江蘇六合縣學額六名江甯上元各五名安徽桐城三名○乙亥諭內閣前因江甯克復洪逆伏誅經禮部援引成例奏請編輯方略時因遺孽洪幅瓊尚未授首擒逆亦未埽除暫緩纂輯茲復據禮部奏與擒各逆肅清請一併纂修方略等語因思逆氛颺起流毒海內十有八年我 皇考文宗顯皇帝命將出師救民水火憂勤日昃 廟略宣昭朕御極後

欽承 先烈並仰遵 慈安皇太后 慈禧皇太后懿訓激勵將

士疊殲羣醜幸賴 昊蒼默佑粵捻各逆次第蕩平迄今追溯艱難敢不愆後懲前益深兢惕著照禮部所請編輯成書俾資省覽即派軍機大臣恭親王文祥寶璽沈桂芬李鴻藻充方略館總裁督飭該提調總纂等詳慎分編毋遺母漏所有應辦各事宜並著恭親王等隨時斟酌辦理○丙子左宗棠奏 於九月二十七日孟津渡河後按站趨行沿途得各路軍報知回土各匪雖肆鴟張而各路布置既得地勢將領復極一時之選大局穩固差可無虞私懷稍慰十三日行抵西安庫克吉泰劉典與 臣晤商一切連日會籌軍事調度軍食而甘肅提督高連陞署漢中鎮總兵李輝武道員黃鼎魏光燾聞 西還各自防所來見稟商軍事 臣比逐一詳詢益知劉典運籌之審陝西全局東北延榆綏一帶為甘肅土

東華續錄 同治七十五 十

匪所侵擾人數甚多潰勇游勇飢民居其大半亦有甘回附麗其中西南敗回盤踞董志原老巢號稱十八營其地本甘肅甯州轄境北接慶陽南連邠鳳東北直達鄜延陝回而外甘回鎮回之嗜亂無歸者漢民之被脅從教者亦屢雜其中合計兩路回土各匪人數近二十萬幸將士一心每戰皆捷斬馘過當 皇威暢而人心定大局應可無虞所有近時各軍獲勝情形謹會銜馳報見與劉典熟議乘勝進逼分途剿辦以速戎機高連陞一軍分營進駐廟莊楊家店一帶周紹濂一軍分營進駐柳樹魏光燾一軍由張村進王家角以漸達慶陽劉端冕一軍仍駐鄜州甘泉以扼東西關鍵此為中北路之兵調吳士邁全軍赴鳳翔與黃鼎邠州之軍張岳齡喻步蓮汧隴之軍李輝武寶雞之軍相聯絡 臣復調步隊兩營馬隊八營赴鳳翔豫備會剿此為西南路之兵兩路皆所以

勦回也吳士邁劉端冕既勦敗楊馬諸回酋鄜州洛川甘泉肅清
 劉厚基成定康既勦敗高李諸土匪延長延川青澗綬德亦漸有
 肅清之望 臣見調郭運昌所部卓勝馬步八營由同州韓城赴宜
 川以進延長適郭運昌暴得寒疾甚重行至同州馳稟請假見令
 提督蔡光武代領其軍二十三日始拔營前進其劉松山全軍見
 在洛陽整理尙須時日 臣擬飭其由茅津渡河入山西乘冰橋赴
 陝以期周密見據韓城縣稟禹門以上冰橋早成雖晉防今歲增
 兵修堡守禦較嚴土匪伎倆遠不如捻然 臣親承慈諭勦賊須由
 東而西不敢不慎益加慎其榆林有金順之馬步十二營改兵爲
 勇四營兵力本不爲單惟金順所部終須移駐靖遠一帶頃接張
 曜稟初九日始由汴啟行計抵榆林尙須月餘非俟張曜到後金
 順不能移赴靖遠且所部英禮十營慮不足恃也此東北路之兵

東華續錄

同治七十五

十一

尙待綢繆者 臣前疏請增歸綏之軍未荷俞允竊慮終須稍畱

聖意頃據黃鼎面稟董志原回巢所需百貨近從金積堡遠自歸
 化城轉販而來上年包頭地方曾有回逆買馬之事似所稟未盡
 無因大抵陝甘之患未平歸綏之防斷不宜弛以蒙兵綠營駐防
 之兵均難深恃而地當京畿右臂設險宜先期明宣府大同邊防
 並重良非無故也伏乞 聖慈曲垂鑒納 臣所帶親兵一營後路
 五營吉林馬隊三起見結營西安城西擬俟各軍到防河東之餉
 提到再相南北兩路緩急赴之至回土各匪聞 臣軍回陝亦頗懷
 震懼見據各路稟報有移巢者有乞撫者然皆未足信惟當不執
 成見慎以圖之又奏陝甘各軍攻勦靈台涇州一帶竄匪獲勝該
 逆敗退董志原並分股竄擾宜川地境撥營勦辦各情形業經庫
 克吉泰等陳報九月二十一日洛川守將劉竹田訶知回騎數百

竄至龔家原之葫蘆河賊巢克之跟追至王家河賊復回拒官軍
 奮威衝殺斬悍賊十餘騎而還二十九日賊騎數千由甘泉府村
 竄入直趨勞山分股竄及麻子街提督劉端冕所部分防甘泉道
 左鋪之左營總兵銜副將劉士祈聞警率隊至老人倉擊之斃賊
 不少逆勢頓挫仍由原路竄去少頃大股復從麻子街蠢擁而至
 劉士祈留總兵陳光明率三成隊守營派該營後哨列隊河溝防
 後路自率親兵及三哨七成隊出擊正酣戰聞另股逆騎萬餘忽
 繞由對岸山溝衝至駱駝原將後哨重疊圍裹劉士祈一面飛報
 鄜州請援一面率隊回救而山後騎步各賊併勢壓下又圍劉士
 祈隊劉士祈縱橫血戰猛氣甚厲賊欺其單旋卻旋進奔勇傷亡
 已多劉士祈身帶十餘創猶手刃悍賊數名力竭而殞其前哨哨
 官雷陝參將曾恆勝並遊擊魯桂德把總謝文泰均因翼蔽劉士

東華續錄

同治七十五

十二

祈植立不移同歿於陣弁勇陣亡者七十餘名是日劉端冕探悉
 大股竄至鄜州城北二十里之劉家岔一帶率中後兩營往勦中
 途得劉士祈急報即令副將喻先知率後營從榆林橋趕道左
 鋪見該逆正圍攻左營牆壘即麾所部衝殺圍解賊遁復併力而
 前急趨劉士祈戰所則已無及矣劉端冕將岔口村賊擊敗後率
 所部合隊追勦至麻子街斬斃後賊十數名生擒七名據供此股
 回逆係余馬兩偽帥率眾五萬分作三股一攻鄜州一竄延安一
 竄宜川等語訊畢斬之劉端冕令後營暫駐道左鋪自率中營回
 鄜城十月初二日回逆大股分竄開撫鎮廂西鎮馬蹏莊舊縣等
 處分防舊縣之總兵凌默發堅守舊縣城堡逆不得逞逆騎數千
 竄至牛德鎮將趨鄜州劉端冕聞報飛飭駐道左鋪之左後兩營
 準備俟該逆回竄麻子街即出隊截擊一面督率中前兩營及馬

隊赴郡截勦行十餘里遇逆騎數千飛奔而來馬隊向前衝殺斬悍賊十餘名賊瞥見我軍大隊大至即回馬狂奔劉端冕督隊猛追將近午午鎮該逆大股列陣平原意圖拒敵我軍排陣以進始以劈山礮向賊聚處轟擊斃賊百餘名繼以洋槍連環迭進戰十餘回合擊斃悍賊十餘名該逆漸卻官軍奮威衝殺賊益不支遂向英汪鎮鼠竄而去劉端冕仍率隊回郡此九月二十九月初二等日劉端冕勦賊獲勝情形也其由英汪鎮竄至吉子峴之賊已及洛川屬之交口河一帶提督周紹濂率中後兩營於初三日馳赴鞍子頭會合所部左營扼之交口擊敗之賊復分兩股遁去其一股竄赴洛川東北兩鄉圍攻樂安金牌草地各寨適臣劉典調赴洛川勦賊之員外郎銜中書吳士邁先日趕到縣境旋令禮營哨官都司李耀卿等率隊赴援草地民寨令副將謝盛枏率義營援黃章民寨令遊擊余清勝率智營援金牌民寨令副將劉竹田率鎮西營提督銜邱時成率馬隊參將劉厚福率仁營援樂安民寨初三日卯刻分四路而進劉竹田等行近樂安寨忽聞該寨已於先日被賊攻破劉竹田即率所部直撲南門寨中踞逆方列械抵拒因見仁營與馬隊由左右鈔出恐斷後路遂盡棄糧畜由北門竄去旋復勒馬擁眾拒敵劉竹田劉厚福邱時成等三面夾擊斃賊多名賊遂北竄謝盛枏余清勝至黃章金牌等寨賊望見旗幟亦即解圍北竄李耀卿等至草地該逆正在環攻民寨各路敗賊併集一處李耀卿大呼陷陣賊勢披靡且戰且走少頃仁義智營與馬隊鎮西各營跟蹤追至洛川縣知縣王浩鄆州州判周貴庠各督團丁亦到四面夾擊斃賊多名奪獲糧畜甚夥該逆由舊縣一帶竄去我軍追至田家村忽據探報東鄉有回騎數千亦

東華續錄 同治七十五 三

在圍攻民寨遂令收隊回援適東鄉槐柏塔子坪五十村童張彭溪北頃南頃各寨民人來營請援吳士邁即留邱時成馬隊與鎮西營雷防北路兼顧糧運令仁義禮智四營於初四日赴東鄉進勦行六十餘里至槐柏寨已近黃昏該逆聞風均退向塔子坪一帶塔子坪距槐柏十五里北頃距槐柏二十五里南頃距槐柏三十里為該逆回竄必由之路遂傳令二更造飯三更出隊維時總兵朱德樹知縣張遂生率信誠兩營隊伍亦至遂分三路進勦禮仁兩營進勦塔子坪義營與知縣王浩率團丁進勦北頃信誠兩營進勦南頃智營伏於南頃三里外之溝口並派親兵兩哨伏於溝口左右五更時五營齊撲大小槍礮連環轟擊聲震山谷逆賊倉皇失措莫知所之轟斃焚斃墮巖谷冢樹石斃者不計其數其由各路竄遁之賊甫近溝口復經智營伏兵邀擊鮮得脫者計

東華續錄 同治七十五 四

石家峴竄逆周紹濂抵隆坊時前左兩營已與該逆接仗兩路列隊槍礮環攻該逆漫山遍野躍馬衝撲周紹濂率中營四哨由右向古樓村包鈔前進飭毛正明率所部及守備周崑率中營後哨由左進維時前左兩營已擊斃當先悍逆十餘名落馬左右鈔出各弁勇銳氣百倍進戰愈力總兵趙興雲副將陳高華都司周曙良各率隊於右路奮勇衝突而前毛正明下馬挺矛殺入副將劉鳳舞遊擊周雲吉守備周崑率隊隨之兩路槍礮交轟賊益不支紛向馬鞍村原路竄去計共斃賊三百餘名會雪勢愈勁山路凝滑收隊而返此十月初七日周紹濂剿賊中部獲勝情形也同時竄擾西路者回酋馮阿渾郭阿渾張萬寶馬正和馬長順馬文舉等十月初一日由董志原糾黨內犯竄至隴州陽家河一帶連互四五十里初三日直逼城下候補知府喻步蓮率所部義勝三營截擊該逆且戰且走一股萬餘人由隴城西走曹家灣折竄州南白家河朝天坡等處一股七八千人由隴城東走折竄州南蘇家灣臨林川入渡等處並分屯杜陽迤邐下趨悍騎駛至距汧陽二十五里之寇家河而白隴城南竄之賊尙紛至未已甘肅臬司張岳齡慮上良朝那之賊由新集鎮進犯大灣嶺派參將胡弼武帶隊馳赴龍頭伏龍等堡以遏關入馮坊河之路復督各營扼勦於寇家河初五日入渡之賊竄擾新街鎮零騎擾至寶雞之縣頭鎮初六日道員魏光燾率馬步七營馳赴汧陽會同張岳齡進勦初七日出隊行至草碧灘遇賊騎擊之返奔忽大雨如注將士衣履盡濕遂暫駐稍憩是日署漢中鎮總兵李輝武亦由寶雞防所率部馳抵新街初八日大雪難行探報回逆有由上良東趨者李輝武恐其乘虛闖入寶鳳仍率隊回寶雞張岳齡等訥賊尙踞隴境

東華續錄

同治七十五

五

東華續錄

同治七十五

六

初九日雪止乘霧進抵杜陽查探該處係逆酋張萬寶所帶聞風宵遁其自入渡竄出者因官軍攔截仍伏山中未刻各營抵隴州與義勝各營連絡分路探防諸賊以官軍大集先後乘夜出竄自南而西距州城十餘里如蠅如蟻絡繹不絕知府喻步蓮獲賊探據供馮馬各酋原擬飽掠後由杜陽草碧分隊回巢不料官軍大至祇得傍州城奪路夜竄喻步蓮密派勇丁二百名潛伏要隘截之斬獲頗多初十日卯刻張岳齡率所部出西門至溫水溝見該逆滿布川原駭糧絡繹向西北楊家河一路而走斷後騎賊三千餘人一見官軍即乘隊衝突張岳齡派副將李獻厚知縣鍾顯謨率中營從右進總兵黃儲寶州判唐楚榮率左營從左進總兵蕭賞謙府經歷余修鳳率右營從平頭原下擊親督知縣余家珍帶親兵繼之道員魏光燾派總兵吳禧德周勝元各率馬隊踵至張兩翼包鈔該逆分投抗拒都司張佐廷率十餘騎首先突陣轟斃馬賊多名參將陳清輝左手受矛傷力戰不退吳禧德等馬隊奮勇鈔截平江營劈山礮中轟逆勢不支紛紛敗潰然猶時散時聚奔而復戰正在追殺間忽把關口橫出一股前來迎敵喻步蓮繼至整隊當之總兵蕭羣魁擊其左參將龔曉亭擊其右參將劉寶元敵其中喻步蓮自率撫標馬隊及中營親兵緊相策應該處深溝陡岸逆騎不能馳聘亟以排礮轟之逆眾擁擠自相踐踏我軍齊隊進擊該逆棄械狂奔劉寶元率馬勇跟追約三里許為該逆伏騎所困總兵蕭羣魁等率哨弁遊擊張金榜千總彭雲開外委魯大元策馬赴援步隊續至該逆始大敗而逃於是恪靖馬隊逐北谷中平江義勝各營躡蹤原上遇賊即殺伏屍縱橫雪地為赤直至距城四十餘里之李家河蘇家園始行收隊魏光燾於先夜

五更率武威升奇各營出隊向南原潛伏天色甫明該逆果由山內蠶擁而來爲數不下萬餘伺其過半即率伏兵齊出截擊該逆猝不及防紛紛驚潰立斬四十餘名羣逆忽應聚併力轉鬪我軍列陣偪勦槍礮齊施悍黨下馬持矛猛撲各將士奮力相搏塵戰逾時升用提督左日升總兵于奇洋同副將石茂林陳家貴遊擊張清和于維槐等各手刃數賊該逆敗近河岸猶敢回拒升奇兩營協力奮擊賊乃大敗左日升等追殺二十里至米家山魏光燾督武威中後兩營追至玉村川逆酋立馬橫刀嗾黨死鬪魏光燾飭總兵熊道濱參將王致和由小路鈔賊之後參將何昌梓由大路擊賊之前兩面夾攻遊擊魏紀鑿率親隨馬隊陣斬賊酋一名賊益震駭追殺三十里至余家堡沿途擒斬纍纍日晚始行收隊張岳齡自楊家河折回州城南抵太平堡得悉武威等軍獲勝追東華續錄 同治七十五年 七

鎮前進午刻馳抵舊縣謀報賊尙踞袁家寨開撫鎮未動適大雪紛飛頃刻盈尺官軍亦難前進是夜四更雪止出隊十一日卯刻抵袁家寨比飭右營鎮西營繞高原下扼賊東竄中前兩營從正路進馬隊列高原上防賊包鈔天明直逼寨前賊聞鼓聲大震倉卒出寨拒敵官軍奮威衝殺立斬悍回百餘賊騎因雪擁山徑顛蹶不前官軍併力蹙之窘而東趨適遇左營鎮西營從寨東兜勦而上槍礮齊施斃賊不少賊向開撫鎮北竄官軍乘勝躡追沿途擒斬尤眾是夜收隊袁家寨四鼓出隊十二日黎明擊之開撫鎮慶戰三時追殺十餘里斬賊四百級生擒賊目羅平兒等十七名賊向屈家灣英汪鎮一路遁走劉端冕慮其將由勞山麻子街道左鋪舊路歸巢飭右營鎮西營仍回原防自率中前兩營於十三日回廊飭駐甘泉之後營準備截擊十四日戌刻賊果由麻子街東華續錄 同治七十五年 六

日謀報縣城東北四十里有土匪大股圍攻師家溝一帶民寨甚急劉厚基即派隊分道馳援副將李作福鄧登科都日姚發義先進乘其不備擊之斃賊二三百名羣匪敗退郝寨王寨圍解追過一山大股馬步各匪擁擁而至劉厚基令總兵田玉廣提督王雲孚遊擊陳國珍分三路齊進親率馬隊繼之參將李恆勝張正喜鄧萬盛等首先陷陣立斬賊目數名賊勢稍卻劉厚基縱馬衝擊號鼓齊鳴三路畢集奮威衝殺銳氣百倍賊擁擠墮崖落澗者無算逐北至師家溝復前追十餘里始收隊而還計共斃賊千餘名生擒三百餘名奪獲馬騾驢千餘頭牛羊糧食甚夥訊據匪目李玉青余貴保供此股匪目爲匪首高幅祥所統之李雙夏李棟均甘肅固原州人此次由綏德州之雙湖峪入訊畢斬之是夜探報另股回眾正在九里山掠食勦敗之匪已到曹家溝圍與合勢

東華續錄

同治七十五

九

破刀矛並進娶時賊屍枕藉並生擒馬天喜計共殺賊四千有奇奪賊騾馬二千有奇其詳細情形尚未據稟報初四日劉厚基飭陳國珍王雲孚及副將胥榮富迎擊慕家河掠食之匪斃匪數百生擒匪目陳永思等七十五名奪獲旗幟軍械數百件騾驢四百餘匹初六日按剿柴家坂攻寨之匪匪眾解圍鼠竄劉厚基於初八日進綏德州 上諭軍機大臣等左宗棠行抵西安著與庫克吉泰劉典會商調度乘此得手之際督軍分投進剿所有高連陞等軍即照該大臣所擬調撥扼紮以資分剿陝省土回各匪雖以董志原爲淵藪而北路高樹嶺等處有回匪窺伺河干當此冰橋已結尤當加意截其東竄之路歸綏一帶防兵不多朝廷亦深慮其地廣兵單第恐准軍前往扼紮人地不甚相宜著定安等隨時斟酌情形如果兵力不敷防剿即奏明於風土相宜地方酌調官兵前往鎮攝陝省窺伺河干之匪已經官軍擊退難保不狡焉思逞總兵馬陞本係專防河保一路見在添調官兵千名即著鄭敦謹督飭該總兵認真梭巡遇賊即擊並著嚴飭陳湜在中路巡防不得稍有疏忽張曜一軍已抵汾境備吉鄉有警准其酌量數營以厚兵力宋慶前已赴豫著李鶴年仍遵前旨催令該提督統率所部迅速入晉扼紮汾州一帶毋稍延緩郭運昌見既患病自應暫行調理前據英翰奏稱郭寶昌傷疾已愈添兵助剿即著吳坤修催令刻期赴陝並著李鶴年檄令星夜進行沿途毋稍耽延該提督素稱勇敢諒不肯稍有逗留也陝西土回各匪雖有畏懼乞撫各情該將領等亦同心勦賊但當不執成見以收實效左宗棠久在軍中熟悉情僞必能調度合宜以副委任也將此由六百里諭知左宗棠庫克吉泰定安鄭敦謹李鶴年劉典桂成並傳諭吳

東華續錄

同治七十五

十

坤修知之○諭穆圖善奏官軍接仗獲勝進紮劉家坪督剿一摺
河州賊匪憑山踞險抗拒官軍經穆圖善飭軍分道進攻將清水
溝城營並黨川堡逆巢攻拔善山保等軍疊敗大股賊匪攻克段
家坪等處老巢穆圖善已進紮劉家坪相機調度著即分飭善山
保等軍由田家溝進梅開泰等軍由清水溝進兩面夾攻先克復
新路坡要隘以次進攻泰子寺三甲集再圖規復河州毋稍鬆勁
據獲賊供稱該逆見勾結撒拉回股俟洮河冰結竄擾官軍後路
又有約董志原陝回先搶鞏昌糧臺次擾狄道並知會米拉溝回
目分擾平番古浪之說與各營詳報略同該逆等紛紛蠢動無非
爲圖擾河州起見若能將河城及早收復則各路之賊自將聞而
裹足即著穆圖善一面嚴飭各軍奮勇進剿迅拔堅城一面飛飭
敖天印蘇家良等迎剿陝回安防南路並飭張萬美黃有才力順
東華續錄 同治七十五 主

奏官軍肅清晉甯州城餘匪及各路剿匪情形一摺雲南官軍攻
克晉甯州城後該逆眾分西南東北兩路來援勢極兇狂經該撫
派兵力勦擒斬甚多已將州城內外一律肅清其武定州城被圍
日久經楊玉科等督軍固守該撫已函商劉嶽昭由晉甯撥兵援
應著即督率將士力圖攻勦迅解城圍激江尋甸等處賊匪亦已
派兵協勦著俟得手後即分派重兵進攻易門等處劉嶽昭見籌
進剿尋甸著即督軍分投進攻以壯聲勢該督有統軍之責自當
分籌策應不得稍涉觀望附近省城逆壘著岑毓英會同馬如龍
力籌掃蕩其省防事宜仍著督飭宋廷春等隨時防範毋稍疏虞
將此由五百里諭令知之○諭文麟奏行抵哈密籌辦一切並履
勘城垣駐紮地勢及請飭烏科各城撥給駝隻各摺片哈密地當
孔道自被亂後人物荒殘葫蘆溝等處賊騎時有窺伺著文麟督
東華續錄 同治七十五 主

百匹以便文麟將哈密各臺站安設其頭三堡等處見在道路未通准其暫緩興復將此由六百里諭知麟興榮全錦丕勒多爾濟奎昌明瑤文麟景廉伊勒屯並傳諭何珩知之○蘇廷魁請截雷湖北京餉濟工需允之○壬午諭軍機大臣等景廉奏擊敗竄匪見擬移紮敦煌一摺肅州回逆分股竄入安西州境築壘盤踞經景廉派令總兵張玉春等馳往攻剿破壘直入賊眾敗竄追殺二十餘里復獲大捷其竄撲敦煌縣境之賊亦經官軍擊敗剿辦尙爲得手惟安敦玉一帶地廣兵單賊蹤飄忽異常難保不乘隙復來肆行焚掠必須擇要扼紮方足以遏賊氛景廉以敦煌地方較安玉爲完善擬即帶隊親赴該處駐紮仍酌留數營分紮安西以爲犄角所籌尙妥著卽將安玉挽運事宜布置就緒卽行馳赴敦煌以資鎮撫毋任該逆往來自如致地方復遭蹂躪也將此由五

東華續錄 同治七十五年

五

百里諭令知之○甲申 上詣 大高殿祈雪○乙酉諭軍機大臣等金順奏官軍剿匪屢勝葭境肅清見仍帶隊出邊請撥馬隊以資追剿一摺竄逆匪經遊擊李考祥等在關山峁地方擊敗大股屯踞張家坪官軍從旁衝擊遊擊劉崇慶等復帶隊擁上斃賊甚多追殺至小川溝口葭境肅清其邊外回匪見擾扎薩旗之宮堡金順仍督馬隊及英中等營前往並令李考祥出邊隨剿著卽乘此聲威併力追剿以殄賊氛惟榆林高家堡一帶近有賊蹤是該逆意圖回竄神府續行東犯不可不早爲之防目下河水凝結山右河保等處在在堪虞鄭敦謹務飭在防將士晝夜梭巡毋令賊騎偷越張曜已入晉境並著飭令該提督整隊趨行前赴榆林以資厚集逆蹤飄忽靡常歸綏各邊防守尤關緊要著定安等分飭各將領勤加偵探扼要嚴防不准稍涉疏懈神木府谷等處

究屬空虛左宗棠當會同劉典等嚴飭在事文武相機掩擊毋任賊股東趨日形延蔓金順所部馬隊本屬無多且往來疲乏剿辦實覺不敷察哈爾前次備調馬隊五百名著文盛卽在內項內酌撥二三百名選派得力將弁管帶馳赴金順軍營隨同攻剿不得以疲羸應數此起馬隊口糧卽著鄭敦謹按月籌款解支金順給發俾資飽騰秦之榆林無警卽晉之邊境獲安該署撫務須源源接濟毋視爲尋常協撥之款藉詞推延宋慶計已自豫起程著李鶴年迅飭該提督趕緊赴汾駐紮以壯聲援金順得此大所撥馬隊兵力較厚著卽會合張曜一軍四面兜剿迅竟全功將此由六百里各諭令知之○丙戌 上臨故鍾郡王第賜奠○諭軍機大臣等昨因金順奏葭境肅清邊外回匪肆擾誠恐河冰凝結山右河保等處在在堪虞當經諭令該統兵大臣等檄飭各軍分投防

東華續錄 同治七十五年

五

勦見據金順奏由邊外馳回榆林探悉小川溝竄賊盤踞海會寺馬湖峪一帶嚮水堡迤南復有大股屯踞邊外寒地一片沙漠無險可扼金順所部兵力甚單若不會合馬步各軍亟圖防範設該匪乘虛東竄必致防不勝防著鄭敦謹遵奉前旨檄飭張曜星馳赴榆以厚兵力李鶴年迅飭宋慶統帶所部趕緊赴汾州駐紮以壯聲援並著文盛遵奉前諭將備調馬隊官兵內迅撥二三百名派員管帶馳赴金順軍營隨同攻剿毋稍遲延各軍未到以前金順務當就見有兵力實力防剿左宗棠庫克吉泰劉典等迅卽嚴飭在事文武相機勦辦先東北而後西南毋任賊股東趨更成不了之局金順駐兵榆林與甯夏花定相距較遠不能兼顧設回匪句結西竄則該處亦甚可虞著豐紳先事密籌防範以免疏失鄭敦謹劉典撥定協餉暨河東道應解甯夏之餉卽著按月如數批

解金順行營以資勻撥毋稍延欠蒙兵截剿竄匪因眾寡不敵以致東犯逼近河干扎薩克台相距薩托包頭鎮均不過三百餘里該處情形均形喫緊冰橋凝結何堪一誤再誤見在定安等已飭達爾濟等督隊分路防剿大同鎮官兵亦已到防綏遠右衛官兵交馬陞調遣往薩清一帶扼紮即著定安桂成杜嘎爾等責成各路防軍沿河實力堵剿遇賊即擊毋得稍涉鬆懈致干重咎殺虎口監督所撥稅課銀三萬兩著定安等查催迎提以期安速察哈爾暨晉省沿河一帶及宣化地方著文盛鄭敦謹官文一體認真嚴防定安等前請戶部籌撥銀十萬兩見在河防喫緊餉項缺乏著戶部迅速撥銀十萬兩以應急需將此由六百里各諭令知之○以江蘇徐州拾獲匪首高歸子縣丞曹式宗等升敘有差○丁亥諭內閣朕奉 慈安皇太后 慈禧皇太后懿旨前因鍾郡王東華續錄 同治七十五年 鍾郡王 薨逝並無子嗣當即諭令惇親王恭親王醇郡王孚郡王往見鍾郡王福晉問其於近支中願以何人為嗣據實指出以便奏明辦理本日據惇親王恭親王醇郡王孚郡王面奏鍾郡王福晉請以恭親王之次子不入八分鎮國公載澐承繼等語著照鍾郡王福晉所請將載澐給與鍾郡王為嗣載澐著即照例承襲貝勒百日孝滿後不必帶領引見並加恩支食半俸所有應行事宜該衙門察例具奏○諭朕叔鍾郡王素承優眷恩禮疊加昨日朕親臨賜奠篤念懿親彌深悲悅鍾郡王福晉著加恩賞給郡王半俸以資養贍○諭李鶴年奏帶兵大員縱勇殃民請飭查辦一摺甘肅涼州鎮總兵周盛波上年帶勇在河南南陽一帶追剿捻匪縱令所部馬隊駛至唐縣所屬之少拜寺若搶殺難民輒因若民開礮抵禦復縱勇逞兇槍斃團丁多名破砦而入肆行殺掠以致民人婦

女受傷身死及畏辱自盡者百數十人實屬藐法已極周盛波著先行革職並著李鴻章將該總兵從嚴參辦不得稍涉寬縱一面責令將滋事弁勇按名交出從重懲辦以肅軍律○諭軍機大臣等福濟錫綸奏瀝陳布倫托海情形一摺布倫托海新建新城皆係李雲麟偏執已見冒昧從事以致無事之地橫生枝節實屬乖謬已極福濟等體察該處情形宜靜不宜動宜虛不宜實並深悉其受病之由辦理必有把握自應及早另籌良策力革前非著即將叛民趕緊戡定悉心相度機宜妥籌辦法務使各處流民及各屬部落均安生業免致復起事端以靖邊疆而副委任將此由五百里各諭令知之○戊子諭軍機大臣等曾璧光奏川黔各軍攻克麻哈州城一摺賊踞貴州麻哈州城經曾璧光派兵會同川師剿撫兼施當將州城克復與崇實等前奏大略相同見在署提督張文德力疾親督諸軍進紮王都保並分軍規復都勻著曾璧光傳諭該署提督乘此聲威鼓行而進並著崇實吳棠飭令道員唐炯聯絡黔軍進規清平舊州節節進剿務將都勻踞逆一律殲除併力下游以期肅清黔境將此由五百里各諭令知之○回逆竄榆林河防戒嚴諭定安等相機截剿○己丑諭軍機大臣等直隸提督劉銘傳所部勇丁向稱得力捻逆蕩平後該軍移紮山東張秋鎮休息已有時日昨據定安奏回匪竄擾扎薩克烏紳貝子旗等處歸綏情形喫重山西大同直隸宣化一帶亟應嚴防著曾國藩李鴻章傳知劉銘傳即行來京陛見迅赴本任以重職守其駐紮張秋勇隊並令派委得力之員實力整頓聽候調遣將此由六百里各諭令知之○庚寅撥吉林黑龍江等處馬隊赴定安軍營○辛卯諭內閣宗人府奏應給貝勒官員甲數請旨遵行一摺鍾

郡王之承繼子載澄已封為貝勒其應有官員甲數著即照貝勒分內應得之數給與○諭軍機大臣等李鴻章奏分別遣撤雷防各軍一摺李鴻章抵德州後陸續將所部兵勇遣撤共五十營至江甯省城復與曾國藩等商定以淮勇未可盡撤酌留銘鼎兩軍分駐河北濟甯一帶其江蘇徐州及沿江要隘則以吳長慶勇隊及勦字營分防劉玉龍礮隊仍紮江甯下關江口而雷湘勇三營駐紮城內所籌均屬周密李鴻章以湖北為四戰之地游匪防勇尚多擬帶郭松林等裁廢各營前往藉資鎮攝如江皖稍有蠢動仍可調回策應自係老謀深算且沿江一帶難保無游勇滋事亦可以資彈壓即著照所請行以上雷防各軍馬新貽丁日昌均當相度機宜隨時酌量調遣務令地方安戩永絕亂萌各營本食蘇餉自應仍由蘇省供支著馬新貽丁日昌分別籌解源源接濟毋

東華續錄

同治七十五

老

令缺乏俟善後事宜大定再由李鴻章等酌度情形次第裁撤以節餉需至潘鼎新前已有旨令赴左宗棠軍營旋准該藩司所請給予假期統帶舊部回皖再挑募勇丁四千赴陝是該藩司所部未能扼紮濟甯應如何酌撥餉稍另籌布置之處著李鴻章會商丁寶楨妥為辦理前諭李鴻章等飭令劉銘傳來京陛見迅赴本任該軍見有劉盛藻統帶駐防張秋即著李鴻章遵照前旨催令該提督剋期起程毋再延緩李鴻章另片奏請假掃墓省親等語李鴻章為國宣勤身在行間十有餘載今幸軍務平定自應俯如所請以遂孝思著賞假一箇月回籍惟兩湖地方緊要亟須該督前往控制一俟假滿迅即起程赴任以重職守將此由五百里各諭令知之○壬辰御史游百川請除吏胥積弊從之○癸巳延照等奏籌邊外墾地章程命都興阿覆覈以聞○甲午諭內閣前因

毛昶熙奏軍務漸平請飭裁減釐金當經降旨諭令各該督撫體察情形酌留大宗撤去分局零星雜販概免抽釐以紓民力茲據郭柏蔭何璟奏稱湖北見存各營需餉尚多並有積欠舊餉及籌辦善後各事宜見在酌留局卡八十六處擬裁分局分卡五十四處其餘偏僻集場各局卡概行裁撤等語即著照所擬將暫留局卡慎選妥實可靠人員認真經理以歸嚴實其裁撤各局卡如有私收等弊即行從嚴參辦毋稍徇隱此外抽釐省分各該督撫等務當慎遵前旨體察情形分別裁留迅速具奏○乙未諭內閣鍾郡王於本月二十六日奉移暫安處著派恭親王於是日前往府中奠醑並派醇郡王送至暫安處再行祭奠○甘肅回逆竄扎薩克旗諭文盛派兵嚴防○丙申諭內閣前據侍郎胡肇智呈進前任安徽潁州府教授夏忻恭釋 聖諭十六條附律易解一卷暨

東華續錄

同治七十五

无

所撰權弓辨誣三卷述朱質疑十六卷當交南書房翰林閱看據稱該員所輯附律易解尚得周官與民讀禮遺意用於講約甚有裨益其權弓辨誣述朱質疑二書亦均能有所發明該員年屆耄耋篤篤學不倦甚屬可嘉即著武英殿將該員所釋 聖諭十六條附律易解刊刻頒發其權弓辨誣述朱質疑兩書均著留覽○諭軍機大臣等陝省餉項前部議令湖南將捐項四成歸陝甘兩省分用嗣又准劉典所請諭令郭柏蔭何璟將湖北分收湖南銷售准鹽釐金全數解陝原以陝餉支絀藉此資其飽騰茲據劉典奏稱屢次催提並未分釐解到該省軍事方殷見又收撫屢彰一股籌給口食並安插經費無款撥發自係實情且湖南係屬完善之區捐輸各款尚易為力劉峴自應統籌全局彼此兼顧所有前經部議分成捐輸銀兩著即按照成數隨時分解並就近催令道員

易潤壇將准撥湖北分收准鹽釐金全數起解毋再藉詞推延致
陝軍日形匱乏劉典即酌量派員迎提到營以資應用將此由五
百里各諭令知之○丁酉諭軍機大臣等毛昶熙奏請調宿將駐
紮畿北一摺前因歸綏防務喫重宣大一帶亟應嚴防曾降旨令
曾國藩李鴻章傳知劉銘傳迅即來京陛見其駐紮張秋勇隊整
頓候調見在歸綏防務仍未見鬆宣大為畿疆屏蔽亟宜大員督
率辦防劉銘傳著即兼程來京陛見儘該提督尚在江甯即著馬
新貽就近傳知如已回本籍並著李鴻章吳坤修傳知以期迅速
宋慶一軍前令馳赴汾州扼紮該處情形較鬆宋慶曾否自豫起
程即著李鴻章鄭敦謹飭令該提督統率所部徑赴歸綏協同防
剿並著定安等督率所部聯絡聲勢以資得力所需餉糧軍火著
李鴻章鄭敦謹寬為籌備毋令缺乏致有貽誤將此由六百里諭
東華續錄 同治七十五 完

成奏沿河沿邊一帶道路及扼要處所繪圖呈覽並截剿賊匪情
形各摺片賊黨馬繫禁等三四人見在準噶爾旗南界古城哈
喇寨及迪西拉拜山等處盤踞該處路徑崎嶇扎那格爾第達爾
濟以兵力過單未便深入即在沁扎木召地方扼紮距賊尚有百
餘里此時河水凝結難保該逆不乘隙東竄定安桂成務當飭令
該貝子等督率所部嚴密防範勤加偵探遇有賊蹤竄近即行奮
力截剿毋任擾及河干並令杜嘎爾馬陞督帶官兵認真梭巡毋
稍大意前調神機營馬步各隊及天津洋槍隊均已陸續起程俟
此項官兵到後兵力較厚即著定安桂成相機調度飭令會合杜
嘎爾所帶之兵探明賊蹤過河進剿掃蕩逆氛將此由五百里各
諭令知之○諭穆圖善奏官軍攻克新北路坡等處見在進剿情形
一摺河州逆匪久踞新北路坡經穆圖善督軍攻克拔乘勝收復泰子
東華續錄 同治七十五 辛

清台苗逆分擾銅仁石阡印江及麻陽晃州等境楚黔邊防喫緊彭芝亮一軍駐紮思南尚形單薄若再撤回楚省則該處更形空虛設苗逆橫出思南脅降肆擾緩急復何所恃著劉岷仍令彭芝亮一軍留駐思南毋庸撤回楚省席寶田假期已滿並著該撫催令該臬司懷遵疊次諭旨督率所部由黔省下游取道前進毋再稽延將此由五百里各諭令知之○庚子諭軍機大臣等蘇廷魁李鶴年奏榮工兩壩堵占情形並防護凌汛各摺片榮工口門自本月初八日濬勢即走中泓東西兩壩堵占情形均見輕緩趁此事機順利著該署河督等督飭在工員弁趕購料物無分晝夜竭力興辦以期年內合龍見在河水雖未濬淺但一經風雪即轉逆寒冰凌不可不防並著該署河督等飭屬妥慎防護力保無虞毋稍大意將此由五百里各諭令知之○左宗棠奏陝西西北兩路

東華續錄

同治七十五

三

勦賊獲勝十月十五日以前戰事業經馳報所有署綏德州知州成定康十月初一日大破田莊鎮家寨回土各匪已據其賊報馳陳嗣接成定康續稟詳細情形初六日土匪頭目李雙良賊延榆綏鎮總兵劉厚基將赴綏德妄圖截取輜重襲攻劉厚基留駐田莊之提督王雲孚營壘初七日大股回土各匪擁擁倏至王雲孚出隊攻擊眾寡不敵為賊所敗憑壘固守賊眾數萬肉薄壘外併力環攻一晝夜不退王雲孚誓死拒守槍矛殫賊甚多而弁丁傷亡者已數十計遣人於薄暮由賊中穿出去赴綏德求援成定康聞警傳令飽食出隊即夜三鼓親率所部及都司殷忠廷由華家灣進飭喻先恕戴光明由子柏灣進約街枚疾走度行近田莊見火箭上射即併力猛進御者斬將近五鼓距田莊約四五里聞槍礮聲緊知賊攻壘甚急火箭上射兩路並進又二里山右斜徑旁

通飭殷忠廷設伏谷口防鈔尾之賊成定康所部與左路衝殺而出賊見援軍偏近果分股自斜徑鈔來殷忠廷扼之斃賊數十名騎賊先敗成定康及喻先恕戴光明兩路奮威衝殺天明劉厚基所遣援軍遊擊李萬盛亦至王雲孚見援軍四集率所部從壘中躍出各營併力環擊銳氣百倍追殺二十餘里斃賊二千餘名奪獲馬匹旗械無算自此痛勦之後綏德州附近六七十里地方已無賊蹤其雙湖峪三皇苑老巢之賊移踞周家鼓李家河兩處時分股竄擾清澗米脂縣境十月二十六七等日成定康率各部營進駐綏德吳堡交壤之義合鎮賊望風而竄成定康以米脂清澗尚有賊出沒州城未可解嚴仍即收隊回州二十九日署吳堡縣知縣呂懋勳報有馬步賊眾數千回竄縣屬霍家溝應牛寨兩寨旋被攻陷成定康適患寒疾立飭福建候補同知陳瑞芝率各營

東華續錄

同治七十五

三

由義合鎮進勦十一月初一夜師抵應牛溝殷忠廷突襲寨後斬關而入斬賊數十級賊倉皇出走寨外各營挺矛攢刺斃賊極多初二日黎明乘勝進圍霍家溝寨亦一鼓而下其詳細情形尚未據稟報惟同時清澗縣亦有賊攻撲成定康之軍仍須返旆而南急援清澗此綏德一軍連獲大勝實在情形也其延安東北一帶時有甘肅土匪竄擾十月十二日記名總兵劉厚基幫帶刑部主事周瑞松調知賊圍攻劉家寨甚急是日由府城拔隊行八十里抵何家寨即夜五鼓潛師急進行至距劉家寨五里溝口遇賊奪其瞭望大旗殺賊三名行里許有賊二三百列隊川口官軍大呼衝入斬數十級生擒匪黨呂興幅等七名餘皆紛潰劉家寨之危遂解乘勝整隊前進行過一山騎賊五六百飛奔迎戰副將黃超羣陳振贊等躍馬陷陣立斬賊目一名而奪其馬訊據生擒賊供

知騎馬賊目係營官李霸四川潰卒也羣賊喪膽鼠竄官軍長驅疾迫前途遇賊六七千劉厚基飭破隊分起轟擊斃騎賊五名賊皆奔潰復整隊壓之羣賊因山險路仄擠墮崖落澗者不計其數日暮收隊計共陣斬三千餘名生擒數十名餘賊遁回定邊縣新城老巢劉厚基等以距延安甚遠收隊回郡此延安一軍擊賊獲勝之情形也甘泉邠州地居陝西北路之中爲董志原回逆東西奔竄衝要記名提督劉端冕率所部駐邠派副將喻先知率後營填紮甘泉以資扼截十月三十日探報甘泉屬之高家哨靈溝各有由董志原出竄之賊約六七千人突至圍撲城垣二鼓賊至喻先知率弁勇憑城以待昏夜槍礮轟擊賊知有備即時引還黎明輕騎復至喻先知出城迎擊斃賊數十名賊仍卻退而遠望塵氛大起知後有大股鷹至一面收隊回城一面馳告劉端冕迅速赴東華續錄 同治七十五年 聖

援初一夜羣賊復至城下呼噪攻撲雷陝副將喻經魁副將黎思齊周茂林及各弁勇植立垛口開槍礮轟擊斃賊不知多少其悍賊冒死攀梯及頭頂板片登城者甫及垛口輒經官軍揮刃砍下賊氣益沮然猶在近城窺伺未遽退也黎明城南角聲隱隱頃刻劉端冕率馬部大隊夾河馳至城上歡聲雷動劉端冕知賊猶未遁卽傳令管帶前營雷陝知縣邵杜上太和山趨左路自率中營趨右路鼓聲大起整隊猛進賊駭而退奔喻先知開城出隊復從北路截之三路併力窮追至高家哨乃令收隊計是役共斃賊七八百名生擒王虎兒等二十一名軍前正法餘賊分竄洛川白水澄城地界適道員魏光燾遵前檄率所部由邠州進王家角行至蒲城尋蹤掩擊 宗棠亦飭提督蔡光武帶卓勝馬步全軍由韓城出宜川截其乘永東竄之路而與魏光燾收夾攻之功賊知大

軍四集遠從澄城雷原鎮遁去此甘泉殺賊解圍實在情形也其另股回逆同時竄犯邠州麟游蔓及汧隴署隴州知州喻兆奎稟十一月初四日已刻州西之亭口一帶突來騎賊數百直衝至大佛寺里許之七里灣道員黃鼎所部新捷營迎剿鏖戰良久擬保千總張吉珍陣亡弁勇傷亡數名遊擊何占元馳往策應賊欺官軍甚單直前搏戰正相搏間適存城各營隊伍踵至賊卽由南原竄去黃鼎飭副後營及馬隊躡蹤緊追初八日抵拜河賊方攻太白堡見官軍掩至卽解圍竄走初九日追至雷堡則賊已由亭口竄去矣其竄擾汧陽者甘肅臬司張岳齡飭參將胡弼武擊之初九日遇賊黃嵩灣伏兵突出首先刺斃紅衣賊目一名落馬胡弼武率隊急擊斃賊多名追至邱家莊收隊此邠州汧陽擊賊獲勝之情形也竊維陝西兵事東北延榆綏一帶土匪董幅祥李登等東華續錄 同治七十五年 聖

股及甘回蘇阿渾等不時竄擾近日賊蹤偏注米脂葭州迤北神木府谷地界西南自邠州以至邠鳳陝回不時竄擾而甘回亦有時附入其中賊蹤雖蔓延千數百里人數尙多至二十餘萬然屢敗之餘勢均衰蹙如山西能扼其東趨甘肅能扼其西竄則秦軍分投勦辦亦無難就地殲除所慮各省兵力難齊賊匪乘虛輒入將有防不勝防勦不勝勦者 臣等謹就目前籌畫情形分別陳之秦之東北所恃黃河天險與晉共之今歲冰橋凝結較早晉軍備多力分誠恐百密一疏貽誤大局諭旨飭張曜由河曲保德渡河以入榆林宋慶由豫渡河入晉扼汾州晉之西防固已嚴密計張曜此時可以馳抵河保矣惟宋慶尙無入晉之期 臣宗棠前檄劉松山馬步全軍由陝州茅津渡河入晉徑赴汾州乘冰渡河入陝據劉松山呈報十二日全軍始克渡畢計此時可抵平陽一帶其

到汾州在宋慶之前擬飛檄劉松山到汾後於河之西岸擇地駐紮廣購軍糧一面探聽北路一帶軍情自酌進止如河保進南晉防穩固則乘冰橋赴綏德榆林進剿否則北向以赴戎機此軍以固晉為主不必以赴陝為急其宋慶之軍可由太原北趨甯武朔平一帶為歸綏後勁如歸綏有警亦可就近赴之汾防既有劉松山兼顧則宋慶似可無庸駐汾應請飭下山西撫臣傳諭宋慶酌量辦理以期均布周妥其陝回十八營踞董志原為老巢食竭力殫四出剽掠其求撫也每以無糧為詞而於如何安插永遠不侵不叛一切事宜未能據實傾吐各路探稟回眾有北竄金積堡西竄甘肅之議近亦有移眷口入平涼者臣等前摺所籌布置情形原為偏巢會剿起見見正籌商安營運軍糧然後併力前進方為穩慎秦中用兵之難迥異他方者以此大致以杜其北竄為要

東華續錄

同治七十五

五

不能保其必不北竄也 上諭綏德延安等處土回各匪疊經成定康劉厚垣各軍剿擊殲斃甚多賊勢漸已衰蹙左宗棠檄令劉松山一軍由陝州茅津渡河入晉徑赴汾州並以宋慶一軍北趨甯朔為歸綏後勁所籌甚是著即飭令劉松山於到汾後擇地駐紮先固晉防並探聽軍情自酌進止張曜不久即抵榆林自可與金順會商戰事惟黃河水橋早結秦之東北空虛仍應力籌兼顧扼賊東趨善左宗棠庫克吉泰劉典迅飭劉端冕等分投追擊痛殄逆勢使不得乘機北竄其踞董志原之陝回食竭求撫能否就地安插並著該大臣等隨時酌辦沿河賊匪分竄甯大甯等處雖經晉軍擊回難保不乘隙偷渡仍著鄭敦謹督率在防將士及沿河各地方文武於河水未泮之前晝夜梭巡見賊即獲不准稍有疏虞宋慶見已由豫起程該軍行抵晉境時該署撫當慎導前

旨即令該提督統率所部徑赴歸綏以資厚集郭寶昌軍需餉方殷未便任其久待鄭敦謹仍飭該藩司按月籌撥不必以蘇餉抵解致有缺乏歸綏地方緊要定安等當就見有兵力妥為堵禦一面咨令馬陞加意嚴防俟神機營所撥各隊到綏即會同杜嘎爾相機進擊用靖邊陲將此由六百里各諭令知之○諭英桂卞寶第奏臺灣領事官必勳於議結之案忽然翻約縱令嘯嘯開礮擄船占踞營署偪死副將大員殺傷兵勇焚燒軍火局庫索取兵費種種違約實屬有心構釁豈能稍事姑容已諭令總理各國事務衙門知會英國公使辦理矣臺灣物阜而民雜近年各國通商易於啟釁英桂卞寶第務擇為守兼優通達事體之鎮道大員前往遇事剛柔互用按約辦理並整頓營制吏治以肅官方不可稍涉大意未結各案即著飭令曾憲德等迅速辦結將此由五百里各諭令知之○于臺灣被戕副將江國珍祭葬世職○壬寅諭軍機大臣等麒慶奏軍務告厥一摺盜首任義濱及著名匪徒殲除殆盡惟彌勒僧格在逃未獲該犯稔惡多年豈得任令遠颺久稽顯戮且此犯一日不除必致死灰復然貽患將來著都興阿額勒和布恩錫富明阿麒慶嚴飭各該地方文武員弁勤加躡探認真捕拏務獲以絕根株備因兵勇既撤漸生懈心致令要犯漏網恐該將軍等不能當此重咎也將此各諭令知之○癸卯 上詣 大高殿祈雪○于甘肅陣亡知縣倪之經祭葬世職○是月獨免吉林雙城堡被雹被水屯田本年租賦倉穀獨緩直隸開州等三州縣被水新舊額賦暨民借倉穀山東濟甯等六十一州縣德州五衛東平所屯莊禾阜等三場被水被旱被蟲被雹新舊額賦倉穀雜

東華續錄

同治七十五

五

課緩徵兩淮富安等十四場歉收新舊錢糧

十二月甲辰朔諭內閣崇實吳棠奏官軍攻剿西昌交脚夷巢是勝招撫大小部落乘勝進剿一摺四川西昌縣之交脚汛為保夷來往通衢其間部落如林而竹黑大木桿牛壩等處尤為強悍句眾擄掠民間被害甚慘八月間經提督周達武總兵李有恆等四面雕剿先後將竹黑大木桿夷堡一律平毀官軍進紮牛壩後山十月十七十九等日疊敗賊於婁落赤碧璣等處約姑落各踞匪堅壁不出官軍分路設伏進攻陣斃逆匪多名賊股同時擊退竹黑大小夷部悉詣軍營求撫辦向為得手著崇實吳棠飭令周達武等乘勝進攻節節掃蕩一面將牛壩通匪拔除淨盡並撤飭地方文武各官妥籌善後以靖邊陲○諭軍機大臣等劉岷奏湘軍攻克貴州天柱縣城見籌進剿情形一摺逆目陳大六

東華續錄 同治七十五

等占踞天柱縣屬之江口聖陷沒縣城句通苗逆推巨逆李恆吉為首久為黔楚之害經劉岷飭席寶田督軍分道進攻先將援賊之悍苗九大白等股擊退攻入江口聖逆寨擒斬甚多巨逆李恆吉等死於軍中逆目陳大六等均經就獲並將縣城收復勦辦向為奮勉即著劉岷飭令席寶田等務將餘匪搜捕淨盡所有天柱縣善後事宜妥為部署即督軍掃蕩附近苗寨東通鎮遠西達清仁期與川軍會合其分擾石阡銅仁等處之苗匪並著劉岷嚴飭彭芝亮羅孝連黃潤昌迅速殄滅毋任蔓延古州逆目楊志汰等窺伺黎平劉岷已飭戈鑿等募勇兩營進剿該處毗連粵西著蘇鳳文迅速得力兵勇三四千人派員帶赴黔粵交界地方與湘黔各軍會攻以收夾擊之效毋稍玩誤將此由五百里各諭令知之○命直隸等省撥解東三省餉需○予陣亡遊擊吳誠富等祭葬

世職○予四川陣亡知府楊秉環祭葬世職建祠副將董瑞麟等

祭葬世職附祀○丙午諭軍機大臣等定安等奏賊匪竄近河干各隊防剿情形一摺賊匪分撲包頭鎮昭君墳大股在十里長灘等處官軍分路進剿達爾濟所部小有失利亟應速籌守禦扼賊竄擾東北之路著定安桂成檄飭達爾濟等軍防剿兼施將偏近河干之匪節節掃蕩悉數殄除以期次第廓清喇嘛灣對岸已見邊馬托城防務喫緊該將軍見調駐紮薩拉齊之綏遠步隊一千名分防包頭托城即著定安等就現有兵力相機布置嚴密防守並著左宗棠督飭北路官軍規賊所向認真截擊毋令竄邊外致匪勢益肆蔓延鄭敦謹務當嚴檄沿河兵勇實力堵禦不可稍有疏虞宋慶見在行抵何處著鄭敦謹李鶴年催令該提督懷遠疊次諭旨星夜進行徑赴歸綏以厚兵力神機營所撥各隊及天

東華續錄 同治七十五

津洋槍隊業經起程著神機營王大臣催令該官兵兼程前進迅速赴防協剿毋稍遲滯致誤戎機計黑龍江吉林等處官兵刻下可抵殺虎口一帶如托清等處軍情緊急定安當飭就近徑赴該處防剿以免周折薩拉齊包頭為賊匪所垂涎聲東擊西是其故技應如何嚴密布置之處定安等當加意防範毋稍疏忽將此由六百里各諭令知之○倉場侍郎衍秀舉道遠議覆整頓倉務章程從之○飭各省豫撥來年京餉○丁未諭軍機大臣等麒麟奏擒獲要犯保奏出力人員各摺片彌勒僧格一犯結黨肆擾罪大惡極屢次被獲脫逃尤為兇狡見在既經擒獲訊明確實若再羈禁待質儻致痠斃固轉得倖逃顯戮著麒麟接奉此旨後即將該犯明正典刑以彰國法毋稍稽延將此諭令知之○諭福濟錫綸奏見存滿兵請改地安插一摺伊犁巴燕岱烏魯木齊古城吐

魯番各城駐防滿兵自回逆倡亂以後遷徙流亡所餘僅一百五十人鋒鏑餘生殊堪矜憫若留於西路征勦亦不成一隊自應照福濟等所請改地安置即著於綏遠城熱河張家口三處分別安插毋庸改隸京旗福濟等即按定人數妥籌資遣分隸各處仍照該官兵等原有職任錢糧坐補以示體恤此項官兵到時定安麒慶文盛仍責令照常操演毋令游手好閒坐耗餉糈布倫托海勒匪應需兵力著福濟錫綸妥商籌辦毋稍貽誤將此各諭令知之

○飭山西解烏科兩城經費○己酉予福建被戕巡檢曹本祭葬世職○庚戌諭軍機大臣等前據英桂等奏臺灣洋人違約妄為等情當經諭令總理各國事務衙門知會英國使臣辦理茲據奏稱臺灣樟腦一案屢經咨行該督撫早為辦結免致藉端生釁乃遷延日久致有開礮擄船殺傷兵勇之事見經該衙門將領事等東華續錄 同治七十五 完

逞兇違約情形照會該國使臣令其從嚴懲辦向未接有照覆惟該督撫前奏臺灣焚燒教堂並華洋交毆謀死教徒各案已結五起未結二起及吉必勳覆文一切情形未據咨報總理衙門無憑辦理中外交涉事件必須彼此隨時知照方免外誤豈可稍涉遲延著英桂卞寶第即將辦理已未結教案起釁情由及與該領事面議各節並來往文件趕緊詳細咨報該衙門嚴辦並將此案始末情形據實咨報不得稍有回護粉飾致滋口實將此由五百里各諭令知之○壬子諭軍機大臣等金順奏賊眾東趨督兵勦辦一摺邊外回匪東趨麻地溝哈喇寨一帶金順聞信後即帶兵東趨府谷先據渡口視賊所在截其竄渡所籌甚合機宜見在榆林既有總兵劉厚基一軍張曜之軍計日亦可趕到則郡城不至空虛金順已赴府谷自當一意勦截東竄之賊以免顧此失彼即著

該副都統會同張曜督飭官軍實力防勦毋令該逆得以東渡如邊內兵力已厚或繞至清托一帶與歸綏各軍聯絡聲勢合力堵勦仍著該副都統體察情形斟酌辦理協領富勒琿記名副都統托克屯前據都興阿保奏會降旨飭令來京見該二員在金順軍營辦理糧臺等事儘可派員接替即著飭令來京聽候諭旨將此由六百里各諭令知之○予福建陣亡員外郎祝德醇祭葬世職並陣亡總兵官林向榮浙江陣亡知縣楊庭欽等建祠○癸丑諭內閣翰林院侍讀鐵祺奏請開墾南苑一摺所奏實為紕繆南苑為我朝肄武之地 列聖疊降諭旨禁止私墾 聖訓昭垂豈宜稍改舊制朕御極之初升任通政司副使劉有銘陳請開墾當經管理奉宸苑王大臣會同戶部查勘以其事乖舊制會降旨斥駁鐵祺職在論思豈未之知耶所請著不准行○左宗棠奏臣西征東華續錄 同治七十五 罕

實餉前蒙恩允部撥六成洋稅銀一百萬兩疊經催解僅准湖北咨復飭江漢關撥解銀八萬兩交鄂設後路糧臺轉解閩浙督臣借撥四成洋稅銀十萬兩浙海關五萬兩交上海轉運局匯解其江海關之五十萬兩馬新貽函稱年內無款撥解此外則並無一字見復統計西征實餉年內僅祇江漢關八萬兩到陝閩之十萬浙之五萬雖定於十月二十五日在解州運城匯兌明正或可到省餘均無望矣以戰事論回酋畏勦求撫其情甚迫頃據署綏德州成定康稟土匪李登李雙良遞呈求撫其情亦迫劉松山又已馳抵山西永甯州賊之畏勦本在意中復見大軍進逼就撫之心益決臣與劉典擬并力圖之然言勦則必須儲芻粟籌轉運備行糧言撫則必給口食籌安插開屯田兩者均非實餉到手通融挹注隨機立應不可前蒙恩准撥河東鹽課二十萬兩四川鹽釐二

十萬兩臣懷遵諭旨以四川之二十萬兩撥歸甘肅以河東之二十萬兩撥歸陝西彼此就近提取稍期近捷然臣與劉典各軍已欠餉七八箇月未發雖河東鹽餉二十萬兩年內可以到齊而山西照常應解郭寶昌一軍及臣軍月餉自八月至十一月四箇月共計十四萬兩未解河東本欠慶陽雷正綰軍餉五萬兩未解是奏提河東鹽餉二十萬除抵山西應解之陝餉河東應解之慶陽協餉共十九萬僅得銀一萬兩那東掩西得此失彼於陝餉終無實濟其奏提四川鹽釐二十萬兩甫准吳棠允撥三萬兩而陝甘委員在蜀勸捐已發各縣之貢監從九部監執照五千餘張則已經吳棠奏請歸併成都重慶兩局餘均飭令撤繳是甘肅得四川見銀三萬兩失去捐餉二十餘萬兩也臣與劉典各軍月餉僅發至本年五月及前四月止已積欠七八箇月而年內入餉僅止二

東華續錄 同治七十五 聖

十八萬計尙不敷一月之放其勦撫之資更將何所指望乎陝甘窘迫之狀如此待用之繁且鉅如此而諭旨准撥之餉如此續奏山西四川之餉又如此臣計無復之一死曷足塞責不得不憑陳哀籲於 君父之前萬一陝甘危局得以瓦全臣可稍延殘喘國家之福陝甘之幸亦臣之幸也儻陝甘將來或因無餉而致決裂臣無所逃罪而內外諸臣謀國之疏容有不能無遺議者伏念臣初次請撥西征實餉部臣以六成洋稅應夫豈不知各海關六成洋稅之早已提空也嗣請撥常年實餉四百萬兩部臣緩俟各省奏到之日始議劃撥夫豈不知各省釐稅千數百萬兩本為國家同有之款各省可撥之款也臣原奏據陝西撫臣署陝甘督臣陳明短缺實餉四百餘萬兩其各省見協之款本不在內而部臣又誤將見協之餉歸併臣續請之四百萬兩計算夫豈不知陝甘常

東華續錄 同治七五

年應撥之餉本不止四百萬兩也部臣為肅清之各省籌應留之款獨不當為陝甘籌應撥之款乎各省均專籌本省撤兵留兵之餉獨不當為陝甘籌用兵之餉乎至於安徽撫臣英翰署撫臣吳坤修奏增郭寶昌馬步隊三千名合之該軍入陝者七千有奇不過藉西征之名以留餉安插皖勇名為協陝實則無益於陝西之兵事而有損於陝西之餉事又無論也應否請旨飭下部臣籌撥陝甘實餉飭各省督撫海關諸臣速撥陝甘實餉彼此至誠許與急救危疆之處出自 宸衷獨斷臣之愚誠已盡於此軍機大臣奉旨戶部速議具奏○甲寅 上詣 大高殿祈雪○諭軍機大臣等前據曾國藩奏請禁川私入楚收復淮南引地以復舊制當交戶部議奏茲據該部遵議請旨辦理一摺淮南引地以楚岸為大宗從前因江路梗阻淮鹽未能行銷疊經湖廣總督奏明借撥川鹽並抽收川私釐稅原係一時權宜之計近年江路早經暢通自應規復舊制雖節經酌減淮釐以輕成本而鄰私未能盡禁淮鹽總難暢銷曾國藩所陳川私病准各節自係實在情形著吳棠李鴻章郭柏蔭何璟即將川鹽行楚章程妥籌停止其宜昌沙市等處應如何撤局停稅並稽查偷越之處著李鴻章郭柏蔭何璟飭屬妥辦並將裁停川稅日期截清報部毋滋弊混至曾國藩所稱淮鹽並收鄂釐淮銷果暢鄂餉即可加增將來所收鄂釐較之川稅收數能否不至大相懸殊著李鴻章等體察情形具奏惟川鹽行楚既久井甯增多見在既經禁銷自應酌量封禁並著吳棠妥為籌辦其如何分限減停及堵緝各路鄰私著馬新貽嚴議章程奏明辦理自此次改復舊章之後務當嚴禁商人夾帶並飭垣商講求煎煉其到岸候輪之鹽不准私自擡價該督撫等總當

東華續錄 同治七十五 聖

不分畛域實力妥籌以絕弊竇而維大局至湖南郴桂等處抽收
粵鹽釐稅著劉岷查明奏請一併停收禁止粵私入楚以歸畫一
其兩淮應用行鹽引張並著兩江總督查明委員赴部請領不得
僅用鹽政大票以符舊例原摺均著鈔給閱看將此諭知李鴻章
馬新貽吳棠郭柏蔭劉岷並傳諭何璟知之○丙辰諭軍機大臣
等定安等奏連日擊退賊匪情形一摺回逆馬政和等股竄擾唐
蓋謨多等處經杜嘎爾馬陸督率包托兩路官兵分投奮擊賊均
敗退馬陸見已回包頭大營駐紮並於中灘昭君墳地方添兵防
守布置尚屬周密惟該逆等均在哈拉寨十里長灘一帶負隅踞
險難保不偷越冰橋自應迅籌截剿力遏賊氛著定安桂成仍商
同杜嘎爾督飭扎那格爾第達爾濟並檄飭馬陸均就見有兵力
於沿河地面扼要嚴防相機擊毋任該逆乘虛搶渡神機營所

東華續錄 同治七十五

聖

撥各隊除吉林黑龍江兵已由定安派赴托城外其餘馬步各隊
並天津所撥隊日內計可陸續抵綏定安等當即咨令杜嘎爾督
飭帶隊官會同在防將士確探賊蹤節節進剿以期早殄逆氛將
此由五百里各諭令知之○丁巳諭內閣岑毓英奏官軍克復激
江府城各路剿匪獲勝一摺雲南激江府城久為回匪竄踞經岑
毓英督派各軍進攻屢破逆壘多處直逼城下晝夜環攻復經馬
如龍派員將援賊馬自新斬斃十月十四日官軍架梯登城殲斃
逆西逆首偽中郎將張鵬程殲賊一千餘名搜獲偽印偽札等件
其派援武定之師復將沙浪果冬村等逆壘全行攻拔擒斬偽裕
信大將軍沙映棠陣斬茶偽大將軍殲除逆黨多名攻勦邵甸之
軍連破矣者村堡逆壘七座斃賊二百餘名生擒徐偽中郎將楊
偽將軍正法勦辦均屬得手即著岑毓英督飭各軍乘勝進剿肅

清全境○諭軍機大臣等岑毓英奏官軍收復府城各路剿匪獲
勝各摺片激江府城失陷賊燄日張岑毓英於克復呈貢後派令
何秀林等移兵進攻屢破逆壘張元林率眾乞降官軍仍加勁圍
擊乘勝入城殲斃逆首當將府城收復復飭何秀林等進攻嵩明
其沙浪果冬村矣者村堡等處逆壘並經張保和黃文學李廷標
等攻拔擒斬偽將多名勦辦甚為奮勉見在省城糧路較寬惟武
定邵甸一帶尚未肅清著岑毓英仍飭黃文學等相機渡河聯絡
諸軍規復武定一面飭令李廷標等攻勦邵甸毋稍鬆勁該撫見
同省城並著商同馬如龍督飭各將弁將附城賊營悉數掃蕩劉
嶽昭亦當嚴飭各軍迅取尋甸並會合岑毓英所派將士分路兜
剿以收夾擊之效已革守備張元林通賊獻城其罪本無可貸茲
據該撫奏稱隨同克復府城傷疾甚重著暫緩正法俟其立功後

東華續錄 同治七十五

聖

再行請旨將此由六百里各諭令知之○戊午允馬新貽等請江
蘇丹陽金壇溧陽三縣錢漕權辦折徵○己未左宗棠奏續據署
綏德州知州成定康稟報官軍自連破應牛寨霍家溝生擒匪目
張萬雲斬之匪回張登第乞降雷閩補用同知陳瑞芝受之十一
月初八日成定康率所部進張家塢遙見匪眾千餘攻劉家寨甚
急即飭參將戴光明由右都司殷忠廷由左而自率親軍及總兵
喻先恕由中路急進將近劉家寨賊騎數百由寨後小溝橫截而
出突圍成定康及喻先恕先鋒親兵各隊成定康喻先恕皆下馬
步戰親擊洋槍連環轟擊斃賊數名屢戰數刻各哨勇丁飛奔而
至槍礮齊施賊即敗遁步賊奪路狂奔適戴光明由右路至截其
去路羣賊回旗反撲成定康喻先恕應所部截之寨民百餘亦持
械追逐賊馳而左復與殷忠廷遇各路會集環攻頃刻賊屍填滿

坑坎僅一賊目同十餘騎衝出此股悉數就殲計共斃賊千餘獲馬騾五百餘匹訊據生賊供稱衝逸之賊即頭目辛滿城曾約同賊目張萬飛由義合堡內竄向未到也張萬飛聞辛滿城經官軍擊敗不敢內竄改由義合堡南竄出攻陷雷家寨雷家寨距州城七十里十一日辰刻成定康率師追之行抵薛家莊訶知賊已由雷家溝竄渡無定河盤踞峪口海座灣一帶正攻王家寨成定康飭陳瑞芝先赴河邊架造浮橋是夜五更潛師夜起十二日辰刻渡河進擊方半渡時賊騎數百蠶擁而至殷忠廷整隊迎擊酣戰數刻戴光明率隊踵至賊皆下馬挺矛格鬪成定康率所部由左路鈔出賊後號鼓齊鳴賊駭而奔官軍乘勢掩殺追過王家山賊復回拒鄧萬盛徐向清督隊猛擊戴光明帶洋槍隊陷陣轟斃悍賊數十賊敗向張家台喻先恕殷忠廷率隊追至殿子溝邱家寨

東華續錄

同治七十五

吳

逆回斃悍回百餘騎其另股一竄西家溝一竄宜君屬之偏橋而大股則仍踞店頭二十日張大雄商同副將劉甫田李寶光各白防所率隊截之周紹濂得報即夜飭總兵董玉春扼隆坊一面料理中部城防親率所部及參將毛正明於是夜初更向蘇家峴進行十餘里見村前火光知賊屯踞未動潛起撲之賊覺驚號遠滅其火是時夜黑不辨賊數多寡惟視火光明處轟擊賊眾亂竄人馬自相蹂躪分向店頭而遁適董玉春率所部由四溝裏橫截而出斬賊尤多正收隊間遙聞偏橋一帶槍礮聲知張大雄周玉林劉甫田等正在接仗周紹濂率隊向西布莊前進半路接探報知賊以四五百騎抗拒張大雄等營步賊急護所掠之牲糧向趙家寨王家莊而遁已經張大雄劉甫田周玉林前後夾擊斃賊甚多步賊盡棄所掠牲糧潰走周紹濂飭毛正明迅扼黎原而自率中

東華續錄

同治七十五

吳

行抵正甯縣南見城上旗幟森然知黃鼎之軍已至矣劉倬雲以正甯兵力已厚而三水縣職田鎮空虛立飭四營收回三水自率親兵與總兵徐萬福助黃鼎勦北原之賊正拔隊間忽三水老營報到午刻突來大股回逆竄至職田附近之羊坡頭阿塔坪等處肆掠距職田不過數里劉倬雲急率隊回援三鼓後回營料賊敗必由大灣南莊槐樹坡關家川首蒼嶺而遁令劉忠發祝鑑嵩及都司王蓋臣伏於關家川扼之自率四營向羊坡頭進剿天明抵羊坡頭列方陣分左右進遇賊探騎擊敗之各村之賊齊出抗拒總兵周玉堂徐萬福都司李躍騎等奮威衝殺斃賊數百名賊向大灣疾遁劉倬雲知前路偏仄催軍猛擊賊擠墜澗壑者無數官軍追出谷口截賊為二其大股向關家川鼠竄適劉忠發祝鑑嵩王蓋臣等馳至賊正回頭抵拒追軍不虞劉忠發等從關家川溝中突起震懼失措官軍兩面夾擊斃賊又數百名日暮收隊計共斃賊千餘名生擒二十餘名軍前正法奪騾馬二百餘匹黃鼎於二十一日由邠州世店馳援正甯沿途遇賊即擊約斃賊百數十名收隊入城二十二日追賊文家川知羊坡頭之賊已經劉倬雲擊敗收隊回邠州而連日接據各路探報逆騎數大股分擾邠州三水北境永樂堡底廟鎮澆場麻園東西牛家堡一帶黃鼎擬俟賊蹤稍定擊之二十七夜三鼓出隊馳四十餘里天明上永樂原見騎賊方攻陷師家河堡寨搬運糧食黃鼎飭參將林定遠截之而親率三營徑擣底廟之賊甫至底廟原適師家河賊已經林定遠擊敗由店子阿向底廟竄來副將李玉春即率親軍扼之而林定遠又自後猛躡而至賊窘蹙莫支皆棄馬跳巖求免官軍併力轟刺無得脫者總兵章占雄徑攻底廟原賊方憑堡穩抗而麻園

之賊又至知縣雷炯督隊截之正慶戰間章占雄已督隊躍上堡牆堡中羣賊冒死由後門竄走併入大股維時總兵徐占彪副將陳春萬趙興隆皮昌魁率所部各營已破東牛家堡永樂堡之羣賊均奔集底廟騎賊約四千餘步賊約七八百見官軍僅四營在底廟遂四路齊撲兩營黃鼎布方陣屹立不動調林定遠遊擊何玉超從右路澆場鈔出賊後親督兩營拾方陣而進遇賊撲進則槍礮四面轟之賊即旋卻旋前槍礮亦再接再厲斃賊甚多賊向後路狂奔適遇林定遠何玉超馳至賊懼不得脫復分投抗拒官軍夾擊之其向寺村旁竄者黃鼎麾所部截斷二百餘騎賊而奪其馬追至寺村賊紛紛下宮河原竄遁冰凝路滑跌斃又多乃收隊回底廟而徐占彪等由底廟牛家堡收隊回營亦殺賊百餘名計黃鼎一軍是役共殺賊千數百名奪戰馬二百餘匹生擒十餘名而官軍陣亡馬隊隊長儘先副將胡占魁勇丁之帶重傷者五十二名維時劉倬雲率隊由職田馳至適遇賊從四村竄向郭家村即整隊截擊復斃賊數十名訊據生賊供稱此次竄擾邠州三水北路之賊係回目白彥虎馬長順鄒阿渾等各股其禹得彥崔偉即崔三陳林馬正和等逆酋則方赴隴州求撫其黨赴水羅城一帶擄糧未與俱來此劉倬雲黃鼎兩軍十一月二十二日十三二十八日擊敗董志原逆回大獲勝仗之實在情形也其另股渡涇河而南者擾及長武靈臺兩縣北路二十七日陝西提督雷正綰督同總兵閻定邦先擊長武北路之賊行抵封頭堡即與賊遇雷正綰閻定邦督率衝殺立斃悍賊數十名賊即敗潰沿途追殺共計斃賊二百餘名生擒逆回馬順兒虎秀哩正法奪獲騾馬二百餘匹賊奔回董志原老巢適涇州知州林發深飛報回逆

撲涇州甚急雷正綰即率所部援勦二十八日馳抵涇州二十日
鋪賊已聞風遠遁涇州解嚴此股似即馬正和等分出掠食黨夥
生擒賊供水羅城擄糧之賊也竊維董志原回逆號稱十八營以
目馮君福楊文智馬生彥三逆已竄入金積堡所有夥黨均歸併
白彥虎馬長順等其禹得彥崔魏馬正和陳林等在諸回酋中頗
稱桀黠見因屢次出巢掠食均經官軍痛勦飢蹙日甚况同甘肅
清水縣已撫回目李得昌由隴州遞稟前來臣等公同閱看情詞
似非虛妄然撫之為難較甚於勦雖未便概予峻拒絕其就撫之
機亦未可遽許招安墮其緩期之計除仍開誠曉示外仍飭各軍
迅速轉運芻粟約期移營進逼慎以圖之 上諭軍機大臣等左
宗棠等奏官軍勦賊疊勝情形一摺勦辦尚為得手惟洛川澄城
邵陽白水等處尚有賊騎出沒著仍飭周紹濂實力搜捕悉數殲
東華續錄 同治七十五 兇

知之○玉通請給青海蒙古王公累年俸銀允之○予安徽陣亡
總兵官郝光甲直隸殉難從九品王緒等建祠○庚申申諭各省
禁種罌粟○予故江蘇淮海道吳葆晉建祠○壬戌 上詣 大
高殿祈雪○諭軍機大臣等李鶴年奏宋慶全軍馳抵清化改道
前進一摺宋慶一軍抵清化後經鄭敦謹飭令由直省井陘一帶
入晉該提督由清化改道又須折赴東路從衛輝彰德兩府取道
入直行程未免紆折歸綏防務極關緊要亟盼該提督前往以資
厚集著鄭敦謹李鶴年檄催宋慶統帶所部星速赴防定安即派
員迎提俟該提督到後應令扼紮何路相機進剿之處即著妥為
調度宋慶一軍沿途應需芻糧著鄭敦謹飭屬妥為供應儘因兵
食缺乏師行遲滯致誤戎機恐該署撫不能當此重咎也將此由
五百里各諭令知之○諭崇實吳棠奏川軍援黔克復黃平舊州
東華續錄 同治七十五 平

除並飭成定康將竄向清澗之賊迅速追勦董志原賊匪雖已被
擊回巢而來去無定仍當督飭各軍分投堵勦遇賊即擊毋令深
入陝境其榆林一帶及邊外竄匪雖經金順督軍追勦而後路必
須有兵策應杜其續竄之路使邊外之賊勢成孤立較易殲除且
延榆綏沿河一帶尤必隨處有兵截擊庶不至竄越鄰疆左宗棠
庫克吉泰劉典務當妥籌兼顧以維全局回目禹得彥等遞稟乞
撫未必可恃該大臣等當嚴飭諸軍奮力進剿懾以兵威察其真
心悔罪酌量收撫方為一勞永逸之計陝甘賊匪頭緒紛繁應如
何入手次第翦除之處著左宗棠等熟籌方略迅圖大舉毋稍遷
延左宗棠另片奏彭玉麟於水師月餉贏餘項下撥解該督軍營
銀二萬兩尚屬能顧大局又片奏遊擊丁汰洋所部勇丁缺額甚
多奇圖冒餉著即於軍前正法以肅軍律將此由六百里各諭令

兩城並牛場勦賊情形各摺片黃平舊州兩城居鎮遠都勻之中
縱橫數百里悉為苗逆占踞見今唐炯督軍深入疊破關隘克復
城池勦辦甚為奮勉該逆以屢經懲創復敢糾黨圖襲牛場覆安
擾我後路雖經官軍馳救擊退而見在進規清平地險賊眾必應
厚集兵力穩紮穩進以期節節掃蕩崇實吳棠見已調陳希祥一
軍馳赴下游著即飭令會合唐炯等軍併力進剿迅掃逆氛俾苗
疆早得戡定安平股匪奔竄即儘並著檄飭成耀星嚴扼各隘如
遇賊匪回竄即行探蹤截擊毋稍鬆勁張文德一軍克復都勻後
曾否將毛坡賊巢攻拔著曾璧光飭令聯絡川楚各軍迅速進兵
以資厚集將此由六百里各諭令知之○諭蘇鳳文奏官軍攻勦
苗匪獲勝一摺貴州九阡苗匪屢次滋擾粵西邊界經蘇鳳文派
令副將孔憲隆前往防勦將竄擾河池等處賊匪擊退邊境獲安

旋與黔軍定期調派兵練進圍九阡老巢由洞塘進紮巴灰攻毀
 賽糾苗寨期辦尙屬得手惟水洞孟塘各寨尙多踞匪必須次第
 攻克方可直搗九阡掃其巢穴著蘇鳳文嚴飭孔憲隆等會同黔
 軍節節掃蕩迅殄逆氛曾璧光務當檄令該省帶兵員弁乘粵軍
 在境併力夾攻毋稍觀望慶遠各屬蘇鳳文仍飭地方官會同防
 軍嚴密守禦毋令該逆回竄另片奏勦辦吳亞終股匪疊勝等語
 太平官軍連破那仰等處賊寨殺賊甚多並收復派嶺等村賊勢
 見已衰弱著馮子材乘此聲勢迅督各軍相機雕剿一面清除內
 匪免致該逆暗中勾結仍不得以驅賊出境為辭敷衍了事即著
 蘇鳳文會商馮子材慎遵前旨添募兵勇分道越境往剿以期永
 靖邊疆將此由五百里各諭令知之○飭劉岷迅解廣西軍餉○
 子貴州陣亡副將石萬和等祭葬世職○癸亥諭軍機大臣等都

東華續錄 同治七十五年 至

興阿奏蒙古台吉句匪聚擾請飭拏送一摺賓圖王旗台吉托克
 托虎糾集匪徒宋四閻王鄭五楊四藍三等三百餘人以防程廣
 學等復仇為名在東魯地方大肆搶掠並在光定營子五成店等
 處憑圍屯聚經都興阿派員馳赴賓圖王府根究該王西哩巴咱
 爾派令章京入圍開導托克托虎抗不遵諭決意打仗似此聚眾
 構擾警不畏法若不嚴拏懲辦何以儆兇頑而靖邊圉著理藩院
 傳知西哩巴咱爾將托克托虎等拏送歸案並著伯彥訥謨祜派
 員前往光定營子地方幫同查拏不准一名漏網都興阿仍飭德
 昌等統帶勇隊駐紮哈立套力改街勒加密探設法捕拏務期趕
 緊弋獲歸案究辦將此諭知理藩院並由四百里諭令都興阿知
 之○甲子諭軍機大臣等定安等奏官兵截剿撲河竄匪獲勝情
 形一摺此次杜嘎爾督率達爾濟等迎剿逆匪擒斬多名該逆見

我軍整隊齊進翻山逃遁仍窺回十里長灘雖未將全股殲除兇
 鋒已挫著定安等仍飭杜嘎爾等規賊所向奮力攻剿務期盡殲
 醜類毋任東趨包頭河西踞匪千餘名由西山黃地西搶入後套
 漸向舍太一路竄擾著一面檄飭馬陞盡心守禦以遏逆氛並著
 飭令威遠隊進紮薩拉齊地方與該總兵聲勢聯絡加意嚴防金
 順前奏帶兵東趨府谷著該副都統仍遵前旨體察情形如邊內
 兵力已厚即繞出邊外與歸綏各軍合力掃蕩將此由五百里各
 諭令知之○乙丑兵部奏遵議甯夏將軍穆圖善處分得旨著加
 恩改為革職留任○諭刑部將朝審緩決三次以上人犯減等治
 罪○永定河工竣○丙寅諭軍機大臣等福濟錫綸奏叛賊蔓延
 請調援兵一摺布倫托海叛民變亂日久蒙兵既不能用民勇又
 無從招募以致欲期無兵見在悍賊雖止三百餘人脅從不過七
 八百人而厄魯特十蘇木人心渙散棍噶扎勒參招集之兵耗餉
 無功聽賊蔓延燎原立見亟宜派兵勦辦以遏亂萌文麟帶勇已
 抵哈密著先其所急於此項練勇內調撥一千名或五六百名選
 派妥實營官帶至科城交福濟錫綸統率西進勦撫兼施以期早
 日肅事著文麟景康迅籌辦理將此由五百里各諭令知之○諭
 總理各國事務衙門奏接據英國照會據實奏聞一摺洋弁在臺
 灣違約妄為前經總理衙門照會英國使臣辦理見據該國使臣
 阿禮國照覆以一切情形未據臺灣領事詳報若確情果與所奏
 相同必將該領事暨洋將責處其索去之洋銀亦為辦理退還並
 稱吉領事已解任兩月見咨請本國水師提督派員總管兵船前
 赴臺灣會同領事與地方官妥速辦結是該使臣亦屬自知無
 理惟以英民在臺久受冤抑地方官不早為申理致釀巨案其意

東華續錄 同治七十五年 至

形一摺此次杜嘎爾督率達爾濟等迎剿逆匪擒斬多名該逆見

直以辦理失宜歸咎於地方官自占地步設將來該領事所報與英桂等前奏不符該使臣必將藉端抵賴著英桂下寶第懷遵前旨迅將此案始末情形確切查明咨報該衙門嚴辦至洋人在臺有無冤抑之處一併據實陳明均不得迴護粉飾俾該使藉口狡展庶辦理方有把握原摺著鈔給閱看將此由五百里各諭令知之○林壽圖回籍養親以翁同爵為陝西布政使英祥為四川按察使由湖北安襄鄂荆道遷○免江蘇荒地錢糧○飭江蘇廣東等省迅解陝西協餉○飭山東補解運河工程銀兩○諭文麟等撥兵協勦布倫托海叛賊○予廣西陣亡巡檢谷集榮等祭葬世職○丁卯諭軍機大臣等劉嶽昭奏攻勦尋甸賊匪獲勝一摺回逆盤踞尋甸為省城賊匪聲援經劉嶽昭督軍進勦收復果馬一帶地方並在塘子張徐灣等處擊賊屢勝尋賊復環築礮樓負隅抗拒官軍東華續錄 同治七十五 壹

茲據棍噶扎勒參奏稱旗綠索倫厄魯特等營官兵一百零四員名到營在各喇嘛處湊借銀兩梭布為該官兵黏補衣服餬口之資等語索倫人眾此時度可行抵塔境轉瞬雪融春煖自可按程言旋應如何接濟銀兩多備騎馱及到何處安插撥給耕籽牛隻之處著麟興榮全錦丕勒多爾濟福濟錫綸悉心籌商妥為辦理不至顛沛失所此次棍噶扎勒參奏湊借銀兩梭布等項並著麟興榮全錦丕勒多爾濟福濟錫綸按照該呼圖克圖所墊數目趕緊籌還以免苦累至所稱厄魯特人眾與杜爾伯特原係一脈若令遷移該處一切均有所賴其歲支錢糧仍照舊章歸科布多大臣辦理此項人眾願歸杜爾伯特是否出於真情抑另有他處可以安插即著福濟錫綸酌情形妥為安插毋令日久弊生布倫托海叛賊蔓延亟應及早勦洗昨已諭文麟等撥兵援勦福濟錫綸東華續錄 同治七十五 壹

一俟哈密兵勇到時即行統率西進迅殄賊氛不可因循致誤棍噶扎勒參摺片各一件均著鈔給閱看將此由五百里各諭令知之○庚午以給祭 太廟 上期親詣行禮○諭軍機大臣等鄭敦謹奏沿河擊退竄匪永甯渡河之軍勦賊大勝定安等奏南北官軍擊退匪並請由神木截勦各摺片晉省沿河西岸北自包頭南至鄉吉到處賊匪紛至沓來窺伺河干張曜已至河曲分兵渡河金應由十里長灘北進會軍進勦大甯永和臨縣等處竄匪陳湜等往來縱擊各路均有斬擒該匪紛紛回竄仍著定安桂成鄭敦謹嚴檄在事各員弁盡力追勦毋稍鬆勁一面穩慎設防晝夜守禦不可為賊所乘劉松山一軍由永甯州過河於小理川大理川等處圍平賊巢二十餘處斃賊無數敗匪南竄該提督統兵過河獲此大捷洵屬奮勇可嘉著左宗棠仍飭劉松山統帶全

軍再向西南壓勦迅殄賊氛以竟全功十里長灘及東北一帶匪
 匪經金順等軍分路勦洗向西敗竄距托清較遠距薩尙近著定
 安等檄飭馬陞沿河實力堵截咨會杜嘎爾飭令達爾濟烏爾圖
 那遜竭力追勦與金順張曜等會合夾擊以收聚殲之效逆匪敗
 遁西竄勢必沿邊鋌走榆林神木一帶亟須有重兵截勦金順見
 已帶隊折回神木著即相機進兵迎頭勦辦並著鄭敦謹飛催宋
 慶趕赴太原就近馳赴神木出邊截勦宋慶前有從衛輝彰德兩
 府取道入直之說著官文李鶴年沿途飛催趕程前進毋得稍涉
 遲延致誤戎機將此由六百里各諭令知之○都興阿覆陳查勘
 邊地情形諭令妥籌辦理○廣湖南衡州府學額五名湖北棗陽
 縣八名○壬申諭軍機大臣等金順奏官軍截勦偏河大股匪
 壘勝河保解嚴見回榆林察看賊蹤勦辦一摺此次逆匪窺伺河
 東華續錄 同治七十五 奏

干經金順由十里長灘進勦疊獲大勝斃賊甚多前據定安具奏
 已諭知該副都統相機勦辦見在逆蹤西竄已至烏龍堡等處榆
 郡空虚難保不希圖撲犯劉厚基既回榆林該副都統亦帶隊同
 到即著和衷商辦相機截勦張曜此次赴援迅速並馳至邊外古
 城地方與金順會商進勦機宜洵屬勇往並著金順隨時籌商聯
 爲一氣以資策應儻有大股賊蹤竄近即行分路夾勦以靖地方
 另片奏請飭綏遠籌解駝隻等語陝北轉運艱難需駝甚亟即著
 定安等於伊克昭烏蘭察布錫林郭勒三盟內籌辦駝駝三千隻
 配帶鞍繩於來年正月解赴榆林以資轉運將此由六百里各諭
 令知之○允河南截留湖北餉二十一萬兩賑濟災民○是月
 豁免山東泰安等七府州河南汝甯等四府州被擾積欠額賦蠲
 緩浙江海甯等六十二州縣杭嚴等三衛被水被旱被風被雹新

舊漕糧暨仁和等六場被擾竈地錢糧江蘇泰州等三十五州廳
 縣淮安等五衛被水被旱新舊漕糧額賦太倉等二十七州縣蘇
 州等五衛被水新舊額賦雜課山西薩拉齊等八廳縣被水被擾
 新舊額賦陝西邠州等六十州廳縣被水舊欠額賦河南淮州等
 十九州縣被水本年漕糧額賦緩徵直隸永清等三縣被水新舊
 額賦並減免差徭安徽壽州等四十八州縣被水被旱被蟲武昌
 等二衛被水被旱新舊額賦江西義甯等二十六州廳暨九江同
 知所屬被水被旱被蟲新舊額賦○是歲朝鮮入貢○會計天下
 民數數除直隸江蘇安徽福建湖北湖南陝西四川廣西雲南貴
 州未經冊報外奉天等省通共大小男婦二萬三千八百十八萬
 一百三十五名口存倉米穀二百九十萬八千二百四十七石三
 斗六升一合五勺

東華續錄 同治七十五 奏

王先謙敬編

張式恭恭校

同治八年己巳春正月癸酉朔元旦節停止筵宴○丙子廣河南桐柏縣學額一名○予貴州殉難通判汪慶增祭葬世職○丁丑諭軍機大臣等曾璧光奏籌議裁撥黔湘軍並請飭湖南廣西催派各軍會剿一摺黔省自收復龍貴都勻等處後設防愈寬上游各匪尚須剿辦林從太駐師勻城兵練無多僅能支持一面黔事見多可乘之機自未便將後黔湘軍遽行裁減前據劉峴奏湘軍攻克天柱縣城已飭席寶田等軍分道前進刻下澧陽江以北苗教各匪未平即著劉峴迅催席寶田等統帶新舊各部由鎮遠施秉舊日驛路攻剿而上與川軍會合分別勦撫以期東面肅清

其都勻麻哈新復各城及獨山荔波一帶均近廣西著蘇鳳文嚴飭派出之孔憲隆等軍剋期馳赴與川楚黔各軍分路雕剿將澧南苗務早日辦竣不准意存觀望至黔省收復地方殘破已極其安插降眾招集流亡及一切善後各事宜曾璧光務須振刷精神妥籌布置毋藉口於餉絀兵單致多貽誤將此由五百里各諭令知之○官軍復貴州長寨廳城○戊寅諭軍機大臣等岑毓英奏攻克富民縣城分兵援應各營一摺岑毓英自克復澱江後即將該處餘匪殺斫逆回馬葵等內患已清正擬分兵攻擊附省逆壘而武定逆匪分竄新興嵩尋應援各賊田仲興在新興極力抵禦幸未疏虞惟尋甸援賊萬餘勢甚喫緊若不併力勦洗則嵩明尋甸二城不能速拔防剿各軍俱為賊所牽掣劉嶽昭見已親赴尋甸督戰獲勝岑毓英復派員克復富民斷賊咽喉要地正可

乘此聲勢會督諸軍合力截擊毋令死灰復燃著劉嶽昭岑毓英相機勦辦迅掃逆氛尋甸賊糧缺乏勢難久踞富民既克嵩尋逆匪已無路可歸惟賊匪尚有三萬餘恐其奪路狂奔又成滋蔓著岑毓英嚴飭李維述固守廠口防賊衝突並飭張保和等嚴扼富

民各要隘毋稍疏失該縣善後事宜尤應妥為籌辦以定人心其新興軍務岑毓英已派王正坤等前往助剿著即飭令會同田仲興迅將州城恢復毋得曠日持久省外逆壘仍著該撫次第掃蕩以孤賊勢而解城圍岑毓英另片奏胞弟岑毓寶援剿出力可否給予獎勵等語同知岑毓寶著以知府用嗣後續有勞績著咨明劉嶽昭奏請獎敘將此由五百里各諭令知之○己卯諭軍機大臣等穆圖善奏回匪竄擾南路州縣籌辦防剿一摺陝回由渭河偷渡闖入秦州清水秦安地面句結附近游匪肆出滋擾且與董志原賊巢相距甚近省城黃河狄道洮河正在結冰之際設竟踴冰直渡則到處滋蔓勢成燎原省垣空虛大局尤為可慮穆圖善見飭前敵各軍扼要分紮相機進擄三甲集作步步為營之計一面單騎旋省籌備芻糧整理附省各營以防河州東南鄉回匪渡冰東竄即著嚴檄各將士將竄甘陝回迅圖攻擊力解秦安之圍並飛咨駐陝各路官軍一併設法截剿毋得推諉觀望貽誤事機穆圖善將省防布置穩固仍須出省督師以期調度較靈金順見在榆林勦辦陝西北路竄匪正在得手之際勢難抽調回甘穆圖善仍須就見有兵力認真激勵以資攻剿將此由五百里諭令知之○諭定安桂成奏豫軍追剿河西竄匪疊勝成祿奏請飭催指撥銀兩各摺片張曜一軍在十里長灘擊賊獲勝後即由烏蘭布

拉一帶向北進剿行至達拉特旗地方賊眾列隊抗拒經張曜督

軍縱擊馬步各賊紛紛敗竄乘勝由小古城一路西進連踴賊匪
村莊三十餘處斬獲甚夥敗匪復敢糾合騎賊數千回撲各營併
力勦擊擒斬悍匪賊目多名餘賊均向西南逃竄河西及準噶爾
貝子境內均無賊蹤勦辦甚為得手見在此股賊匪窮蹙已極亟
應乘此聲威盡力追勦著定安桂成催令達爾濟烏爾圖那遜各
隊與張曜所部互相聯絡三面環擊務將此股醜類聚而殲旃毋
令回竄沿河一帶防兵仍當實力堵禦不可因賊蹤較遠稍涉鬆
懈著定安等知照杜嘎爾飛飭馬陞認真防範以免疏虞並著鄭
敦謹隨時妥籌兼顧前因成祿軍營餉缺曾令戶部於湖北山西
河東欠解新疆協餉項下指撥該軍餉銀一二十萬兩山西河東
應解指撥成祿軍營餉項著鄭敦謹趕緊措解務於春間解到成
祿軍營以應急需將此由五百里各諭令知之○諭成祿奏肅軍
東華續錄 同治七十六 三

連日攻勦請於凱撤各軍內挑撥馬步西征擬派道員辦理轉運
各摺片肅州東北兩面及南面甫經官軍圍攻旋因南山扁都口
回股出竄峽口等處疊陷我軍失利成祿勦辦肅州逆匪日久無
功似此逡巡畏縮軍務尙有了期耶著成祿會合諸軍實力進勦
將肅城迅圖克復以期振旅出關毋再託故遲延自干罪戾歸化
城距肅州相去甚遠若在該處設局轉運程途紆折一切諸多掣
肘所請令歸綏道與奎辦理後路轉運之處著毋庸議直東凱撤
各軍左宗棠各營見已回秦勦匪李鴻章所部亦尙留防各路一
時均難抽調況成祿軍營餉項本屬不敷豈可再添兵勇該提督
當就見有兵力節節堵蕩迅殄逆氛前因營勇潰變經成祿將王
仁和等奏參當降旨將王仁和革職仍留署任王禮和發往新疆
又據穆圖善奏稱王仁和統率無方不勝重任復降旨將王仁和

毋庸再留署任撤去統領該軍員等情節較重成祿將「字一
軍仍令王仁和統帶王禮和暫緩赴戍留於軍營之均不准行
將此由六百里諭令知之○庚辰廣山東博山縣學額二名○辛
巳以孟春時享 太廟 上前期親詣行禮○諭軍機大臣等崇
實吳棠奏官軍進攻吡牛壩夷匪部落投誠建南一律肅清一摺
建南夷匪煽亂十餘年久為川省邊境之患經崇實奏派周達武
征勦疊勝此次進攻吡牛壩羣夷畏服乞降責令呈繳軍器放還
難民回軍越備修砌建堡用資保障即著崇實等檄飭該提督會
同該地方文武將善後事宜詳細規畫務期亂萌永戢以固邊陲
將此由五百里各諭令知之○諭崇實等奏西陽民教仇殺見飭
查辦一摺四川西陽州教民龍秀元倡勒朱永泰退婚並掠財焚
屋該州團民激於公憤焚毀教堂燒斃司鐸李國安及教民多人
東華續錄 同治七十六 四

是此案起釁由於教民龍秀元而據主教范若瑟陳稱則該州團
民有擄殺教民九家及燒毀教堂傷斃教民百餘人之多情節不
甚相同西陽地處邊隅民情強悍民教各執一詞必致互相尋釁
著崇實吳棠飭令川東道會督該州文武持平辦理庶可折服民
教之心斷不可稍有偏重致滋事端署任知州胡圻先事未能駕
馭臨事又不能彈壓著暫行革職留於地方協緝首先滋事之犯
以贖前愆將此由五百里諭令知之○壬午諭軍機大臣等劉崑
奏彙報勦撫苗寨情形見分路進剿一摺貴州清江廳屬苗寨林
立大為楚黔邊害席實田正擬督兵次第掃蕩而稟雍等寨苗匪
竟敢糾黨圍攻巴治席實田派令榮維善等往援匪眾解圍遁走
乘勝攻拔寨雍六甫柳羅烏包等寨敗匪麇集者磨恃取抗拒官
軍槍礮轟擊賊始敗潰統計殺賊五六千名並收撫耶磨平夏高

邱白兜等寨清江北岸苗寨悉就蕩平勦辦極爲得手席寶田見已派令戈鑑李金榜進剿古州李光燦清查天柱土匪後會師清江黃潤昌率同鄧子垣進規鎮遠彭芝亮俟兩路進兵卽行規取施秉是楚省援黔諸軍正圖大舉深入曾璧光當乘此聲勢飭令黔省帶兵員弁與楚軍協力雕剿迅掃逆氛早清疆圉並著劉崐嚴檄清鎮各營併力勦洗毋稍鬆懈一面催令席寶田迅督所部直攻施洞口諸苗潰其腹心免致該逆四出滋擾此次出力各員弁著劉崐存記俟清江廳城克復後併案保獎將此由五百里各論令知之○甲申諭軍機大臣等都興阿奏拳獲邊外滋事各犯並仍飭緝逃匪一摺蒙古台吉托克托虎句結匪徒宋四閭王等以防程廣學復仇爲名藉肆訛搶前經諭令都興阿等嚴拏茲據該將軍奏稱遵派副都統德昌等督帶兵勇會同賓圖王旗檢獲

東華續錄

同治七十六

五

托克托虎並首匪楊四催等二十餘名分別保候解省審辦復續獲宋四閭王之姪宋七十其兄宋義一併研訊卽著都興阿先將解到各犯逐一嚴訊務得起費確情按律定擬毋稍寬縱托克托虎藉詞復仇殺斃民人韓成福家二十八命兇惡已極尤須嚴切研鞫並有無另案訛搶商民情事從重懲治保候之蒙古特各曹巴彥等如有應行質訊之處著卽提省歸案毋任疏脫在逃之宋英卽宋四閭王程廣學等仍著都興阿富明阿嚴密搜捕並著理藩院傳知賓圖王旗及附近各王旗一體嚴緝務獲究辦以淨根株另片奏請將獲犯出力將弁獎勵等語副都統德昌總兵張德祿所部弁兵內著准其擇尤酌保毋許冒濫將此諭知理藩院並由五百里諭令都興阿富明阿知之尋都興阿奏見經拏獲逸犯藍泳祿及韓成幅之子韓甸偉等到案訊明托克托虎與韓甸偉

東華續錄

同治七六

因細故積恨仇殺互傷多命藍泳祿韓甸偉拒捕致傷弁勇均屬兇惡除楊四催業經病故托克托虎韓甸偉藍泳祿應請先行正法宋七十等訊不知情應卽省釋在逃各犯俟獲另結從之○諭瑞麟奏見派鎮道大員馳赴潮州辦理搶擄械關各案一摺廣東潮州府屬素有搶擄械關之案經瑞麟督飭藩臬出示曉諭各屬械關稍知斂迹而匪類仍未捆交該督因派總兵方耀道員文星瑞帶兵先赴惠州所屬之陸豐再赴潮州相機辦理自係爲整頓地方起見但潮郡民風素稱强悍而各省撤回勇丁尤爲兇橫若辦理不得其宜恐能發而不能收其患不可勝言瑞麟既歷經詳詢諒必深知竅要而李福泰曾任惠潮嘉道於該處民風地利自當熟悉卽著妥籌機宜飭令方耀等嚴申軍律相機辦理俾潮郡良民無稍擾累匪徒知所警惕將搶擄各兇犯交出懲辦以遏亂萌

東華續錄

同治七十六

六

仍不可一味逞威激成變故另片奏鶴山曹冲土匪客民滋事見派兵妥辦等語鶴山客民聚眾數千突入高明縣境肆擾瑞麟見飭總兵鄭紹忠帶兵勇前往辦理其東莞新安土匪潛匿曹冲附近之長沙地方肆行剽掠瑞麟調水師輪船前往圍拏辦理俱尙妥協卽著瑞麟等飭令鄭紹忠等分別妥辦迅速肅事不可稍涉遷延將此由五百里各諭令知之○諭麟興等奏布倫托海請調哈密援兵先將大概情形豫爲籌畫一摺前因福濟錫綸奏叛民變亂亟圖進剿疊諭文麟於哈密撥出兵勇一千名迅速赴援茲據該將軍等奏稱此項兵勇由哈密至巴里坤繞道烏科再至布倫托海沿途行走維難各臺站應付不及見在索倫等眾三千四百餘名已抵雅爾玉爾地方該人眾素稱勁旅若就近調用較之遠調哈勇尤爲便捷等語布倫托海距雅爾玉爾由間道僅有十

餘站轉瞬春深凍解道路自利進行惟該人眾辛苦餘生未及休息即令其荷戈從戎能否得力哈密兵勇遠來既屬不易而該人眾尚有數千亦未便任其棄置著麟興錦丕勒多爾濟榮全福濟錫綸彼此熟商不必各存成見如該人眾略加訓練可以調用即著福濟錫綸咨明文麟將前調兵勇暫為停撥如仍須哈兵前來其添設臺站及應付口糧各事宜該大臣等尤當先行籌畫毋誤師行索倫人眾到後無論調用與否應於何地安插俾無失所之處麟興等務須妥籌辦理將此由五百里各諭令知之○乙酉諭軍機大臣等鄭敦謹奏沿河賊匪被擊西竄並勦賊續勝情形一摺山西北路一帶地方屢有陝回窺伺河干希圖東犯經張曜馬陞等督軍迎勦斬馘甚多前經定安奏到曾降旨令該將軍等飭知達爾濟烏爾圖遜會同張曜所部相機追勦即著仍遵前旨乘

東華續錄

同治七十六

七

此得手之際奮力勦辦毋任逃逸其中路永和大甯吉州各處復經已革臬司陳湜率勇過河與副將何鳴高李運春等分路追勦疊獲勝仗百里以內已無匪蹤春氣融和河冰漸泮自可較有把握第賊情詭譎不可因其遠竄稍涉疏懈仍著鄭敦謹督飭陳湜等嚴密防剿以保完善之區宋慶一軍擬由神木趨赴防所著催令前進與張曜等軍聯絡一氣用資堵遏將此由六百里各諭令知之○戊子諭軍機大臣等瑞麟奏勦辦高明客匪平靖見飭軍按捕鶴山餘匪一摺廣東鶴山客民潛糾高廉等府遣散客眾竄入高明縣境占踞村莊經瑞麟派令總兵鄭紹忠等帶兵往捕該匪猶敢在石圭嶺等院抗拒官軍鄭紹忠等分投追殺復由三峯凹偏攻餘匪由鶴山之石門四堡各村逃逸其主謀之客紳郭大猷等四名並經拏獲解省高明境內被占村莊見已一律收回勦

辦尚為妥速鶴山石門四堡一帶客籍甚多該匪向彼處紛逃難保不復圖糾合仍著瑞麟檄飭鄭紹忠督軍前往勒令該地客紳將逃出滋事各匪逐一交官剋期辦結毋任再滋事端所有高明鶴山交匪清田各事宜並著該督會同李福泰督飭道員齊世熙及鄭紹忠等悉心經理務使土客相安以消後患東莞新安等處土匪該督等當懷遵前旨迅飭鄭紹忠等分別妥辦毋稍遷延將此由五百里各諭令知之○己丑諭軍機大臣等曾國藩奏略陳直隸應辦事宜請調軍駐守並飭江蘇酌撥銀兩一摺直隸練兵治河俱關緊要曾國藩擬練兵二萬有奇自屬防患未然但急切未能奏效劉銘傳一軍萬餘人見駐張秋素稱得力即著李鴻章飭知該軍長作拱衛畿輔之師所需餉項仍由江南撥解將來該軍應否調赴北路或分紮直東之交並著聽候曾國藩酌辦永定

東華續錄

同治七十六

八

河歲修銀兩未能足數而練兵之餉亦須豫籌直隸藩庫款項支絀異常自應酌撥餉項以資應用著馬新貽丁日昌按月籌解銀三萬兩毋得稍有短絀以重畿疆將此由五百里各諭令知之○停止粵鹽運滇飭瑞麟撥銀二十萬兩充劉嶽昭軍餉○庚寅左宗棠奏署綏德州知州成定康等稟報十一月二十七日進勦清澗之賊師次石嘴驛詢知駱駝鋪柏樹坨樓子塔王家溝一帶均有大股盤踞成定康軍至駱駝鋪賊已分踞郝家山一帶排陣來迎成定康令營官鄧萬盛李占榮等先伏於柳莊山之旁以防鈔襲之賊乃三路鼓行而前賊從郝家山一齊擁出柏樹坨樓子塔王家溝之賊亦皆攔擁而至勢殊驕甚成定康令營官殷忠廷戴光明各率所部當左右兩路而自率噱先恕及馬隊當中路忽騎賊數百躍馬橫戈從柳莊山口而出為鄧萬盛李占榮等伏兵所

敗賊爲奪氣官軍知其餒也遽前薄之哨長周克齊首先踏陣噓先怒繼之殷忠廷戴光明左右銳進賊不能支紛紛敗潰追殺三十餘里斃賊千餘名救出難民數百而清澗北境各處之賊均向老君殿一帶奔竄成定康收隊馳抵清澗縣城時已二鼓矣知縣趙聿瀨請勦西南清澗峪原家溝踞賊適劉厚基所部後營營官知縣梁以恭已馳抵縣城二十八日梁以恭追賊老張坵賊已遠颺僅斬其斷後騎賊百數十名而還成定康旋即收隊回城戌刻探報縣東李家寨周家坵塲高家嶺一帶賊數千攻民寨甚急成定康令各營募食潛師擊之二十九日午刻馳抵麻子坵距李家岔約四五里偵賊方撲李家寨成定康令梁以恭由左殷忠廷繼之喻先恕由右鄧萬盛李占榮繼之親率戴光明爲中路馬隊繼之行甫二里馬步賊數千紛來抗拒中路官軍悉銳奮擊正酣

東華續錄

同治七十六

九

戰間右路已由槐黃峪截出賊潰走高腰坵成定康飭李長樂領馬隊衝殺步隊分路兜剿賊屍枕藉左路方進周家坵塲適賊由後鈔襲梁以恭回旗力拒殷忠廷飭所部分左右翼鈔之賊潰走高山嶺官軍三路會合窮追十餘里斃賊數百名生擒百餘名此成定康勦清澗股匪獲勝情形也劉松山全軍馳抵山西永甯州詢知賊眾聚擾榆林東北晉軍扼之東岸而豫軍記名提督張曜已馳抵河曲料北路可以無虞乃急購行糧爲渡河擊賊計十二月初三日隊渡河抵綏德州留所部三千人於山西之軍渡地方防東岸初六日率所部馬步馳抵綏德州城晤商成定康以賊擾榆林其大股麇聚榆林西南懷遠縣之小理川大理川以及安定保安寨靖邊一帶必不料官軍由山西兜剿而西也宜及其卒不及備直擣各股老巢榆林邊內邊外各賊急於回顧而榆

林及歸綏可以解嚴初八日劉松山率所部由綏德州西行繞北路岔把溝自北而南成定康由州西七十里大理川自南而北會師夾擊是夜劉松山行至吳家山調北路無賊賊巢在小理川之南大理川之北縱橫二十餘里劉松山飭提督易德麟率前軍蘇松鎮總兵章合才率左軍並馬隊前營右營先攻大理川西續家灣一帶賊巢兼扼其竄西北之路劉松山俟其拔行十餘里後親率中軍及馬隊中營後營由右進飭提督蕭章開率右軍由左直撲小理川一帶賊巢甫行二十里賊已驚覺紛紛出巢抗拒排列十餘山氣殊驕甚劉松山飭各軍奮衝殺賊不能支奪路狂竄官軍乘勝壓擊立將小理川店子寺一帶賊巢二十餘處一律掃蕩賊向山南大理川周家嶺而竄騎賊數百不能越山沿小理川西遁中後兩營馬隊追及殲之官軍追近周家嶺數里沿途賊屍枕藉敗賊見官軍緊逼不敢入周家嶺老巢而巢中羣賊競出村排隊抗拒劉松山分步隊兩枝由左路一枝由右路一枝爲後拒馬隊從右路之右斜鈔而出正布陣聞賊呼躍而前搗戰甚急官軍靜以待之少頃鼓聲起三路殺入賊遂大敗棄巢而竄附近各賊見周家嶺大巢已傾不戰自潰時則新月初升官軍分路追逐數里沿途擒斬無算是日成定康由三皇廟進午刻行抵樓兒砭見賊壘數座橫踞道旁成定康飭各營更番迭進不遽猛撲意俟劉松山攻破周家嶺庶賊無所歸可多殺也未正總兵喻先恕副將戴光明參將張德榮遊擊殷忠廷易培文成景星鄧萬盛都司古楚南李志剛李占榮守備余發勝把總李長樂同知陳瑞芝各率銳卒仰攻火器環轟賊膽落官軍乘勢奮躍先登連破十餘壘殺賊無算復擣三眼泉劉家坪一帶卡壘破之追八九里適劉

東華續錄

同治七十六

十

松山已連踏賊壘破周家嶽大巢而來兩軍會合縱擊賊更拔靡窮追西南六七里始令收隊是夜五鼓易德麟章合才適由大理川西續家灣一帶掃蕩而來踏平賊壘二十餘處擒斬亦多計是役共破賊壘百十餘處斃賊五六千名生擒三千餘名解散脅從二萬有奇此十二月初九日劉松山成定康兩軍大破綏德懷遠各處賊巢實在情形也初十日劉松山成定康派隊搜山均有擒斬是夜三鼓劉松山飭易德麟章合才率前左兩軍及右後兩營馬隊向西南追勦自率中軍與蕭章開所部右軍及中前兩營馬隊會合成定康一軍分兩路西追行六十里即與大股賊遇劉松山商令成定康由右路自率所部步軍出左路馬隊出左路之左相機鈔襲賊見官軍驟至駭而奔僅雷悍賊殿後官軍乘勢蹙之悍賊亦奔躡追二十里及之南岔路狹溝深賊擁擠不前官軍數面縱擊登時擒斬千餘名其越山潰走者尚數千又追十餘里沿途擒斬無數是夜各軍就地安紮二更時成定康向西繞北而進劉松山率蕭章開及馬隊向西進行三十餘里見小理溝火光長約數十里劉松山因溝狹山高不便列隊飭蕭章開右軍先進親率中軍繼之馬隊居後魚貫而行獲賊探數名訊知賊畏勦甚前隊已行後股待發蕭章開即分兩路沿溝而進時曉日東昇瞥覩前途賊眾擁擠聞官軍號聲遽行返撲蕭章開率所部奮勇衝殺斃殿後悍賊甚多賊悉潰走蕭章開急躡之其循左路岔溝奔竄者約一二千名劉松山麾中軍擊之擒斬殆盡其右路竄去者經成定康緊追擒斬甚眾亦鮮脫者惟越山逃逸者約七八千均向西路狂奔而去十三日卯刻劉松山率馬步各軍急追行五十里許復遇敗賊且追且擊賊狂奔不止追二十餘里忽遇成定康軍

東華續錄

同治七十六

十一

至截其去路賊向西南狂竄兩軍夾擊其紛向西北下溝者經成定康截殺殆盡其向西南竄去者劉松山截殺至李家岔沿途斃賊一千數百名拔出難民數千收隊時已初更矣旋晤易德麟章合才據稱十一日馳至宋家坪探報距營四十里玉梯山一帶賊盤踞是夜分路襲之塌平賊巢二十餘處賊向西南分竄易德麟章合才及馬隊會合猛追賊狂奔不止道右一村頗大踞賊約七八百未及竄走官軍分兩營圍之賊目鄭有才出降官軍一面受降一面躡蹤進勦又追二十餘里沿途斃賊二千有奇生擒近千拔出老少男婦不下數千時已午正易德麟章合才令頓隊少憩傳餐未刻又整隊繼進行十餘里將近瓦窯堡巨巢賊正在造飯聚隊不虞官軍復至也倉忙出竄易德麟等飭馬隊從堡兩旁鈔出步隊分數起截殺將賊衝為數段賊屍遍野又追二十餘里至樂家坪時已二鼓矣十三日復追至南川僅截殺尾賊數百餘賊已向西南散竄易德麟等因裹糧已罄不能再追遂收隊回安定縣就辦行糧通計劉松山所部全軍及成定康一軍上臘十一十二十三等日殺賊萬餘生擒賊匪約五千有奇內有大小頭目四五十名因日夜追勦奔馳均於陣前正法未遑研訊也奪獲戰馬驟驢四千五百餘匹器械無算救出難民以數萬計劉松山全軍僅陣亡弁丁十五名受傷二十七名成定康一軍僅陣亡五名有哨長藍翎把總杜宗太一名受傷將弁勇丁二十九名而已成定康以綏德州職守攸羈而所屬米脂有股匪攻撲堡寨遂稟商劉松山撤隊回州劉松山以竄擾草地及榆林邊內外之賊係逆首董幅祥黨夥而老巢則在靖邊由榆林至靖邊一帶賊巢林立官軍由綏德州西北西南迅掃而前已有大蛇中斷之勢若引

東華續錄

同治七十六

十二

軍而西節節投勦則榆林內外之賊必急於回顧而東北一帶河防自可解嚴特邊牆內外被賊擾掠已久商旅不通前路無可因之糧就地無可移之粟而各軍所持行糧又已告罄裹帶無資殊深焦灼十四日屯軍安定僅獲粟米六千餘斤即宰所獲驃騾雜資充食是夜三鼓率各軍向西北進行五十里適遣充鄉導之降卒飛報敗殘首逆李雙良高萬全率其黨亦向西北竄走見與官軍僅隔胡家山一山劉松山即令易德麟蕭章開各率所部前左兩軍立由右進小川繞出賊北截之右後兩營馬隊護其輜重俟兩軍拔行半時許劉松山自率中軍章合才率左軍分路西進橫擊之踰胡家山而西聞槍礮聲緊知易德麟蕭章開兩軍已接仗矣劉松山麾中左兩軍急進賊見官軍馳至駭而奔官軍躡追至小李莊截賊數段兩路沿途擒斬約千餘名救出難民數千名收

東華續錄 同治七十六 三

隊回胡家山尋訪土人知小李莊之北四十里為隆慶鎮鎮西北為黑牛川邱家坪兩處相距二十里三巢皆賊首董福祥之黨也是夜四鼓劉松山率各軍疾進十五日辰刻馳抵隆慶鎮賊已於先夕初更遁合黑牛川邱家坪兩巢矣劉松山親率易德麟由右向邱家坪先進飭章合才蕭章開遲半時許率所部由左以向黑牛川蓋邱家坪較黑牛川遠十餘里欲其取齊會勦也劉松山兩軍行三十餘里甫近邱家坪賊卡賊已列隊出拒左右兩山有賊如林旗械亦整劉松山飭易德麟分其軍為兩左右攀踏擊兩山之賊而自率中軍分前後隊直撲賊卡偏卡里許揚旗吹號蹙之時左右兩路亦均搶上半山三路槍礮齊轟震山谷賊乍覩軍威惶駭殊甚礮止煙銷見賊陣已動急起乘之立將邱家坪賊巢攻破乘勢猛追八里許沿途又掃賊巢十餘處適章合才蕭章開

東華續錄 同治七六

亦破黑牛川馬營灣一帶賊巢十餘處而來兩股敗賊已歸併一路官軍排追數里沿途賊屍駢列計共斃賊千五六百名解散脅從數千名敗賊竄逸鎮靖堡官軍二鼓收隊點驗勇丁陣亡三名受傷十二名而已是夜提訊陣擒賊目孔幅興呂萬源朱有祥李益昭周其慶李元幅何良如等均供鎮靖堡堅固董福祥恃為巢穴其眷屬則竊踞靖邊縣城訊畢斬之劉松山擬次日進攻鎮靖堡逕搗賊巢待榆邊賊還救而傾之尚未接其續報則師行日遠北山之北驛路處處梗阻軍報須從榆綏資遼山西乃達西安也臣等竊維榆延北境橫抵甯夏正當河套迤南古為用兵之地自陝回倡亂甘回繼之環慶平涼民人自相團結以與回闖喪敗之餘流為盜賊情實可原董福祥高二扈彰之徒阻兵多年官軍未遑征討浸假而失業無賴之徒附之浸假而飢軍潰卒附之旋

東華續錄 同治七十六 四

又句結甘回蘇阿渾等助逆馴致戕官踞城潛圖遠竄而罪乃不可赦矣上年扈彰畏罪輸誠投臣典營次求撫臣典受之為之安插延安其黨之散附高逆者不少故高逆一股多至十餘萬眾以兼有扈彰之黨也此次劉松山成定康所勦者高逆巨股其漏遺者實已不過數千其大小頭目殲除殆盡頃接延安守將劉厚基刑部主事周瑞松報十二月二十四日李雙良高萬全南竄距延安五十餘里之人和寨不過騎賊數百步賊數千經劉厚基周瑞松派隊截勦復斃賊數百名生擒三十餘名其窮蹙可想臣等前接成定康稟報李雙良乞撫曾允其分別安插不意其猶豫不決自取殲滅也劉松山全軍抵甯甯時知北路榆郡一帶兵力漸厚遂決計渡河西勦直搗賊巢竭六晝夜之力轉戰七百餘里實有勁風掃箒之勢計共擒斬數萬救出難民數萬奪獲戰馬驃騾七

千有奇軍械山積洵足伸 天討而快人心十五六兩日劉松山所勦之賊即董幅祥悍黨計董逆聞大軍深入必急於回救檢邊內外自可解嚴而春令漸深河冰待泮晉防或可無虞其於大局實有神益惟師行既遠裹糧告罄 臣等雖籌銀委員在山西永甯採運軍食而距該軍數百里轉饋不前所慮不在賊多而在糧運不繼雖聞大捷仍不免有喜而憂陝甘軍務較難於各省將士苦況較甚於各省者此也又奏北路榆林邊境之賊東窺河干北侵草地均首逆董幅祥賊之董幅祥寄其孥於靖邊而率其醜類四出剽掠較李雙良為狡上年十二月初四日記名提督張曜飭前起各營官總兵王連三遊擊王明泰提督楊春祥副將徐效孟於是夜二鼓由河曲履冰渡河先攻法寺胡灣之賊斃賊三四百名楊春祥追至古城子復斃賊百餘名獲馬二百餘匹初六初八等

東華續錄 同治七十六 五

日楊春祥等擊石界子各處騎賊均有檢斬張曜令王連三等進駐五拉合蘇自率所部渡河會勦十三日副都統金順延綏鎮總兵劉厚基由十里長灘會商張曜由五勞不拉向北路進行約百里距準噶爾貝子營盤二十里之慶達瓦廟探報有賊在敢執漢盤踞未動即督隊前進行抵拉林一帶遙見溝中火光隱隱騎賊數百正在造飯遠前薄之檢斬數十名獲馬百餘匹賊即潰竄張曜督所部緊躡賊蹤追二十里收隊暫駐營見地西西北火光燭天張曜令各營營食聽令五鼓親率各營由敢執漢盤溝西進行三十里誦賊尙踞達拉川遂整隊前進徐效孟楊春祥王明泰等見賊即擊賊即紛紛敗潰張曜麾各軍追之檢斬數百名賊分路鼠竄一向正西一向西南猶盤旋邊外各處張曜督各營緊追十四夜乘月色皎潔馳七十餘里抵臺陽川二庫地方誦賊眾悉聚

於此張曜飭李富貴王明泰潛繞西北截賊去路飭各隊分路壓擊連踏賊巢三十餘處斬賊遂多十五日黎明正分隊搜殺聞忽有賊步騎數千紛紛回撲官軍整隊迎擊賊不能支屍橫遍野陣擒賊目馬明及陳彥王守成蘇旺林等二百餘名訊明軍前正法解散脅從數百名官軍陣亡者僅千總胡桂發及勇丁二名受傷十七名而河西及準噶爾地貝子境內均無賊蹤此張曜一軍由河曲履冰而西連獲勝仗實在此情形也其金順劉厚基兩軍據報十二月初六日波羅營西有大股賊竄至酌副將萬金榮遊擊李考祥三營守波羅扼之自帶所部七營步隊及馬隊百餘名兼程東行十二月初六日馳抵府谷之鎮羌堡探知賊踞邊外古城法寺胡家灣直至十里長灘地周百餘里初九日五鼓金順率所部及劉厚基之中營前進四十餘里遇賊數千擊敗之檢斬約

東華續錄 同治七十六 六

千餘名是日駐軍古城規賊踞十里長灘初十日劉厚基率馬步三營會勦十一日進攻賊已於先夕棄巢先遁矣金順劉厚基尾追二百餘里直抵哈慶當王廟收隊沿途斃賊近千名生擒數十名十四日仍回駐古城賊已悉數西竄晤商張曜暫留古城金順劉厚基遂折回榆林勦葭州米脂之賊十九日抵榆劉厚基接據所部後營知縣梁以恭稟報初十夜率該營弁勇已將米脂桃花茆攻寨之賊擊敗斃賊數百名寨圍遂解 臣等竊維竄犯歸綏榆林之賊及葭米之賊皆董幅祥等黨夥經張曜金順劉厚基成定康邊次擊敗劉松山又急由綏德掃蕩而西擒其巢穴東北敗餘之賊必急於回顧可知不但歸綏邊境遊氛漸斂即榆林綏德亦廓清有期北路機局實為順利 上諭軍機大臣等成定康劉松山等軍由清澗及綏德等處進勦疊獲大捷事機極為順利在事

尤爲出力之將領士卒著左宗棠等存記彙案保奏候旨施恩匪
勢見極窮蹙左宗棠庫克吉泰劉典務當飭令各軍乘此聲威分
路進攻將敗殘餘匪悉數殲除爲次第廓清之計董福祥恃鎮靖
堡爲堅巢其眷屬則竊踞靖邊該逆一日不除賊黨一日不盡著
左宗棠等檄飭劉松山統帶所部進攻鎮靖堡徑擣賊巢迅殲醜
類惟師行日遠轉饋愈難應如何源源接濟俾軍食不至缺乏之
虞著該大臣等妥籌辦理竄邊逆匪經張曜等屢次擊敗劉松山
又由綏德掃蕩而西直擣董福祥老巢該逆急於回顧不但歸綏
游氛漸斂卽榆林等處官軍勦辦亦易得手著左宗棠等激勵將
士迅赴戎機毋稍延緩董志原回逆首鼠兩端見又求撫左宗棠
等恐其包藏禍心未敢將就了事所見甚是該大臣等務當相機
妥爲辦理毋稍大意將此由六百里各諭令知之○諭成祿奏克
東華續錄 同治七十六 七

定再行馳報紅旗將此由六百里各諭令知之○以克復肅州賞
提督成祿楊占鼐黃馬桂餘加銜升敘有差○子陣亡從九品熊
奎祭葬世職○壬辰諭軍機大臣等定安等奏敗匪糾合同逆撲
犯草地經官軍追勦獲勝一摺邊外回逆經官軍擊敗後復敢糾
合邊內大股回匪出邊希圖牽掣官軍撲犯包頭鎮薩拉齊經達
爾濟大敗賊於布爾噶蘇臺扎哩克召等處追殺五十餘里附近
各村竄匪均經殲斃其達拉特旗西北大股賊匪亦經扎那格爾
第等督隊迎勦拾斬頗多該逆喪膽向西南敗遁勦辦甚爲出力
卽著定安等知會杜嘎爾督飭達爾濟等乘此聲威節節跟追奮
力掃蕩並著飭知馬陞督率沿河防兵加意堵遏毋令該逆得以
撲犯以固邊防將此由五百里各諭令知之○以榮工久未合龍
嚴諭蘇廷魁李鶴年堵築○蔣益澧以病免以史念祖爲山西按
察使記名按 同治七十六 六

復肅州城池一摺本日已明降諭旨宣示矣肅州業經克復成祿
當懷遵疊次諭旨迅帶所部剋期出關奮勉圖功以副委任楊占
鼐帶兵尙能得力卽著隨同成祿出關勦辦賊匪肅州地方不可
無兵鎮攝著成祿酌留數營以顧後路成祿出關後所部軍火糧
餉必須源源轉運穆圖善當斟酌情形派員在肅州地方妥爲經
理俾免缺乏肅州善後事宜著穆圖善飭令地方文武悉心籌辦
務臻妥協安肅道蔣凝學如尙未能赴任卽著遴派委員前往接
署毋令員缺久懸成祿另片奏見派馬忠良等充當回民頭目請
先行獎勵等語馬忠良著賞給三品花翎馬金貴蘇海麟韓忠國
均著賞給四品花翎仍責成該回民等將該處回務妥爲料理不
得滋生事端至此克復肅州城成祿由六百里加緊馳奏並附紅
旗殊可不必嗣後遇有克復地方止須照常入奏俟新疆全境底

見在榆林一帶勦賊正屬得手未便拔隊前往著俟該處賊匪掃
除淨盡再行相機移紮此時花定一路應如何保護糧道穆圖善
仍當妥籌辦理前據左宗棠奏官軍疊獲勝仗賊勢漸衰劉松山
等已由綏德西進即著該大臣等檄令各將領與金順等軍聯絡
聲勢迅將榆綏等處踞賊痛加勦洗用竟全功將此由六百里各
諭令知之○甲午諭軍機大臣等蘇廷魁李鶴年奏榮工合龍並
籌辦善後一摺業經明降諭旨將蘇廷魁等獎勵出力員弁並准
保奏矣見在大滙併股東趙仍靠塌前必須普歷大土其大塌前
後應鑲護埽應幫土戩及增培隄塌均當速籌妥辦南岸三廳修
守尤關緊要著蘇廷魁等即將此次節省存項籌備物料責成該
管道督飭趕辦務期全工穩固永慶安瀾不得草率從事致有貽
誤將此由四百里各諭令知之○諭曾壁光奏川黔各軍克復汎

東華續錄

同治七十六

元

城攻拔賊巢一摺川軍陳希祥由安平進勦連戰皆捷平毀苗苗
關永豐山一帶賊營克復定安汎城平舟六崗等處積年賊巢亦
經獨山州文武紳團次第攻拔提督林從太在都勻設伏擊賊屢
有斬擒辦理均尚得手著曾壁光督飭派出各軍會同川師陳希
祥合力勦辦迅掃狂氛獨山州出力員弁著曾壁光擇尤保獎毋
許冒濫另片奏請催廣東欠餉等語粵省於應撥黔省月餉積欠
甚多見在貴州軍務漸有起色亟須餉項充足方能乘機進取著
瑞麟李福泰將積欠黔省月餉於該省司庫鹽運粵海關三處款
下按月勻撥解黔以濟要需毋再延誤將此由五百里各諭令知
之○丙申左宗棠奏劉松山上臘十六日大獲勝仗後擬十八日
進攻鎮靖堡業經 臣等於正月十三日馳報其時方以未得劉松
山續報為疑拜摺後接到松山除日捷報始知上臘二十日曾將

十八日追至鎮靖堡董幅祥跪乞投誠應否准予安置各事宜馳
稟請示 臣等迄未接到料是驛遞沈失應俟行查據劉松山續發
報稱二十日發稟後即催董幅祥之父董世有及董幅祿迅將鎮
靖堡及靖邊縣城所有降眾難民造冊呈覈旋據董世有訴稱各
股徒眾疊蒙截勦其畏誅者或向榆林米脂一帶或向延長竄逸
董幅祥隨身三四人未知竄向何處見已專人喚回稟懇寬限
數日其屢彰餘黨未就撫者經疊次勦辦亦詣鎮靖堡造冊乞撫
南路探報賊首李棟即李登李雙良張萬會即張萬飛姬滿春等
糾集餘黨屯踞洛珠川一帶距堡一百三十餘里二十三日劉松
山飭章合才率左軍蕭章開率右軍及右後兩營馬隊取道烏牛
川進勦正拔行聞西路探報有回逆一股由西而來屯踞定邊縣
屬之高小灣距堡西一百三十里劉松山自率中軍飭易德麟率

東華續錄

同治七十六

元

前軍即夜三鼓潛師西進令步隊兩營守老營護輜重二十四日
行一百里駐張家溝馬隊營官提督余虎恩擒獲回逆四名訊係
回目令其假官軍裝束前來偵探者據供此股回眾約有三四千
皆騎馬從下馬關維州萌城一帶而來見踞高小灣回首為馬萬
得馬棘子劉松山訊畢即傳令三鼓傳餐出隊行二十餘里遙見
高山灣一帶火光隱隱軍分路急進逕逼高小灣回逆警聞官
軍突至驚駭失措有騎無鞍之馬亂逸者有牽馬狂奔而馬不前
者官軍急起蹙之其未及竄逸之賊敗匿民房劉松山督中路馬
步立將民房圍住前面各村之賊不復回顧各圍逃命易德麟率
所部及中軍隊伍躡蹤追之連破賊館七八處時已天明見回逆
悉向西路逃走劉松山飛飭馬隊兩營隨易德麟步隊分路追殺
十餘里擒斬約二百餘名其高小灣被圍各悍回經中路各營接

殺淨盡得倖脫者不過十餘人是役共計斃悍回約六百餘名生擒二百餘名而官軍陣亡者二名受傷者十四名而已二十六日停軍高小灣探報回逆已遁歸老巢二十八日收隊還鎮靖堡適章合才蕭章開勦洛珠川之賊事畢振旅言旋詢知二十四日五鼓師抵洛珠川出賊不意騎賊雖列隊抗拒而步賊已紛紛潰走章合才蕭章開整隊壓之賊向西南狂逸不止窮追三十餘里沿途斃賊千餘名生擒三百餘名拔出難民男婦數千官軍僅受傷三名而已復接留駐山西軍渡提督何作霖稟稱二十二日聞吳堡北境有賊二千由蟬喇峪竄至攻破三和源白家塌一帶民寨比即商同提督周國勝楊清源由軍渡過河行二十餘里抵石堆山見賊圍攻民寨即督隊猛撲賊見官軍大至解圍狂竄官軍乘勢蹙之緊追三十里至汪家渠沿途斃賊百數十名生擒四十三名奪獲騾馬八十餘匹賊敗向西南何作霖仍收隊還軍渡此劉松山全軍三勦土匪一勦回逆克獲全捷實在情形也惟是劉松山渡河而西縱橫掃蕩由綏德而西北至懷遠折而南至安定復西至靖邊之鎮靖堡又西至定邊屬之高小灣見收隊暫還鎮靖所歷皆荒墟廢井人煙斷絕深入賊窟前無可因之糧鎮靖堡距綏德州已四百餘里綏德州距山西永甯州該軍採運軍糧之處又一百餘里餉饋不繼疊接劉松山牘稱軍糧告罄宰騾驢雜糞充飢各營運糧騾馬又芻秣闕乏多已飢斃等遠隔千里不能代爲設措徒切隱憂而榆延綏兩郡一州積年巨寇經劉松山此次痛勦實已震懾兵威或稽顙輸誠或嚮風迎附皆懇請免予駢誅就地安插以天理人情言之此輩初本朝廷赤子弄兵潢池斷無抗拒之理以事勢言之此輩因禦回力竭無家可歸迫而爲匪

東華續錄

同治七十六

五

東華續錄

同治七十六

五

較回逆之阻兵安忍窮蹙來歸其罪猶有可恕今辦回尙議勦撫兼施而於禦回之匪不予安插亦拂我皇上仁育義正大德好生之心其榆延綏鎮屬災民之更宜速圖撫賑則固無論也願安插非有見成之款就近速爲撥解不可土匪難民已多飢斃非急籌糧食速爲散給不可而陝庫無款可籌等餉源早涸實屬無計可施願懇 皇上天恩飭綏遠城將軍於邊外代籌糧食交副都統金順轉輸入邊接濟均於另片陳明而榆林漸已解嚴有張曜劉厚基兩軍足資控制金順一軍應即請旨令其拔赴靖定一帶駐紮一便轉運邊外雜糧一便防勦西路回逆於目前局勢似爲相宜又奏陝省用兵以籌糧爲要兵燹後亦惟籌糧爲難見時大兵雲集自延鄜地南以至汧隴各軍所需糧食草料或就地採辦或由外省購運來陝車駝夫馬絡繹途勞費萬狀延鄜各屬地北以迄沿邊如金順劉松山劉厚基成定康郭寶昌等所部兵勇馬步五六十營餉糧既急轉運尤艱北山以內兵燹連年土地荒廢過多無糧可辦勢不能不於山西沿河一帶設局採購以期運捷然延綏北境如膚施安寨保安安定定邊靖邊各縣地接邊荒道險且遠即由山西採運轉輸亦苦鞭長莫及因思榆林邊外東至綏遠城西至花馬池中間附近邊牆之包頭磴口等處民人向來墾種水地產糧最多客商隨處開設牛犍囤積售賣以爲常業聞金順等頻年軍糧即取給於此惟其地分隸綏遠城將軍所轄陸清托等五廳若由陝派員越省攜銀採運入地生疏恐多窒礙況所需糧本過鉅陝西司道各庫一空如洗各省協濟之款解到寥寥前欠既多一到即盡無從籌此鉅款以濟急需而榆綏各屬難民降冑計男婦大小不下二三十萬口又未可坐視其槁死

守劉嶽昭見擬仍回曲靖覽奏曷勝憤懣匪反覆無常雖屬慣技劉嶽昭辦理此事毫無把握殊負委任即著懷遵昨日諭旨馳赴前敵督飭全祖凱等收集兵勇痛殄賊氛並飭道員劉嶽昭等分紮馬龍王家莊鐵廠等處力為兼顧不得以居中調度為辭遷延不進致滇省全境震動仍一面商同岑毓英力固省防將附近匪巢迅圖攻拔毋得互相觀望貽誤事機所有撤營不報之總兵謝景春著即行革職如再不知奮勉即於軍前正法知縣謝培元縣丞梁廣熙均著革職永不敘用昭通鎮總兵李家福著革職留任總兵李盛貴鍾福俊王與仁副將賀聯璧均著革職留營效力滇營將弁疲玩已極此次失律損師各員姑照所請分別革留以示薄懲嗣後該督等務當申明紀律如再有似此畏葸等情即按照軍法從重懲辦毋稍姑息劉嶽昭調度無方著交部嚴加議處

東華續錄 同治七十六 五

回日馬祥麟等及陣亡之員弁兵勇均著查明請卹將此由六百里各諭令知之○庚子十寶第因病賞假以英桂兼署福建巡撫

由閩浙總督兼署 ○辛丑左宗棠秦陝西北山延鄜甘泉一帶處處與董志原回巢毗連回逆因飢掠食出沒靡常而土匪潰勇夜則伏匿山巖晝則聚眾肆擾此勤彼竄蹤迹亦復無定楚軍前路記名提督劉端冕一軍於十一月下旬由鄜州率隊赴延援捕附郡土匪

十二月初八日擊賊於陳家紙坊克之又擊之下寺灣踞村之賊技殺略盡而村外巖洞十餘處穴山臨水嵌空陡峻僅鳥道一棧可通實為匪眾逋逃之藪劉端冕飭各弁丁蹂升而上甫及巖口賊礮石紛下登時中傷數名副將張復盛攀登仰攻復中石暈跌巖下劉端冕親督各營弁丁冒死衝上前者隕下後者復進賊始敗潰巖洞以次平毀計斃賊二百餘名生擒張保兒等三十餘名

奪獲軍械無數是夜隨據探報董志原回逆數千已由新集將台東竄劉端冕遂率隊於初九日馳赴甘泉初十日列隊高家哨時賊馬步蠶擁而至瞥見官軍步賊退立山岡馬賊逕前搏戰副將王開福都司盧華前直衝賊陣中槍陣亡賊合力猛撲官軍屹立不動槍礮連轟子如雨注賊勢不支官軍大呼乘之步賊先奔馬賊繼潰仍由將臺一路飛馳而去同時復有回騎數百由交口槐柏鎮竄入上曹村另股擾及三叉河並有大股由太白鎮竄麻子街以出甘泉勞山十三日劉端冕飭知縣邵杜總兵文明章率前營東出洛川以攻上曹村令副將劉竹田率鎮西營南出秦關以勦三叉河自率中左右後各營分駐甘泉勞山麻子街以防大股竄入一面函請統領武威軍道員魏光燾會師助勦十九日賊前騎數百由府村口進撲麻子街官軍探報賊騎數千已竄至蘇家河廟一帶劉端冕知大股踵至慮勞山兵單遂自率各營星夜馳勦二十三日黎明登高瞭視廟背以至勞山十餘里塵埃蔽天知回眾大至比飭先鋒馬隊及後營由大路迎擊左右兩營循山左繞進禦賊包鈔而自率中營由河干橫截而出部署甫定賊數百騎已馳聘而來步賊繼至後營列方陣以進槍礮環擊賊不敢進先鋒馬隊突前衝之中營復自河干截出前賊敗走而後賊復蠶擁而至已革鄜州都司張鵬程躍馬陷陣中槍遠殞賊乘勢猛撲我軍槍礮轟擊斃賊數名賊死拒不退自辰至午相持未下維時劉端冕所派之前營邵杜文明章已率隊掃蕩上曹村股匪並勦平土匪鄒光連聞旁山有警即拔隊星馳適從賊後掩擊而至而左右兩營亦同時擊敗包鈔之賊由山左突出前後夾擊賊大敗奔潰官軍縱橫壓擊計共殺賊五百餘名生擒張慶恆王八癩

東華續錄 同治七十六 五

子等三十餘名餘賊悉向王家坪一路西竄其前竄三叉河另股經劉端冕派令鎮西營副將劉竹田由秦關馳剿十五日敗賊於苦桐堡十九日追敗之於陶池二十二日駐師白水適澄城有回騎數百與前賊會合循洛河上竄已至下乞佛村魏光燾委從九張兆雄解餉路過突與賊遇張兆熊即寄餉堡內而自率百餘人與賊鬪劉竹田聞前途有賊率所部自白水截出至朱牛鎮槍礮聲緊乘勢衝入賊大驚駭劉竹田大呼乘之張兆熊復自內奮勇夾擊賊大潰我軍追至馬家河賊分路下原循洛河而走劉竹田急令幫辦劉臣儀率馬隊馳赴上游攔截而自率步隊沿河跟剿追至馬家河兩岸高原賊不能上劉臣儀又自上壓擊而下溝中之賊無路奔逃悉為官軍擒斬生擒逆目馬化祥解省訊辦此劉端冕一軍劉竹田一營十二月間痛剿回土各匪迭獲大勝實在東華續錄 同治七十六

情形也 等聞土匪陳瘋子即陳海春與潰勇陳一本沈淮清糾合逃勇飢民勾結回逆竄擾宜洛各境即密飭統帶猛營遊擊張雲松副將張星元就近接捕十二月初九日遊擊蔡春榮密約孟家嶺外委李汝淵襲賊於老寨坡分布勇丁扼住山口自率壯勇直入該逆逃竄無路拚死格鬪傷我軍十餘人賊亦死亡相繼我軍奮勇衝殺劉竹田亦率眾踵至助剿逆首陳海春等以次就擒餘黨百餘人無一脫者正收隊回宜川途次忽聞回旗千餘屯踞縣境東北土基村撫標左軍副前營副將唐寅清已率隊馳剿張雲松張星元恐其力單即調齊三營星馳助之十三日辰刻抵村各勇奮力攻撲唐寅清繞出村前首尾夾擊斃賊八九十名餘賊北竄張雲松等督隊追擊沿途均有斬獲日暮收回宜川維時記名提督郭運昌率卓勝軍前隊陸續赴宜聞前賊北竄已至甘肅

鎮遂商請張雲松留防後路而自率各營並會同唐寅清追剿十七日擊甘肅鎮之賊敗之十九日復擊之雲岩斃賊頗多二十二日追至百尺鎮賊奔竄不及悉銳回撲千總王化成衝入賊隊中矛陣亡賊追撲益勵提督蔡光武總兵李華文等急麾軍排擊而下槍矛迭施斃前賊數名賊漸披靡會猛營亦由宜川馳至前後夾擊賊大敗西竄官軍分投追殺餘眾四散奔逃悉由延川安定一路竄去此張雲松三營及郭運昌卓勝一軍十二月間剿賊獲勝實在情形也當各軍剿賊甘肅宜延之交其時董志原回逆適分股由太白山河平子等鎮東犯而涇南汧隴靈臺各處亦有賊騎竄入多或千餘少亦數百其從太白山河入者十四日渡惠道河入安子頭魏光燾在中部聞報即率隊渡河直趨槐柏鎮截剿至則該逆已過槐柏擾及橋章十五日魏光燾追及之敗賊於石東華續錄 同治七十六

堡川賊竄要隘十六日提督左日升副將伍正得攻要險之賊賊倚山布陣猛撲直前遊擊史秀成衝入賊中身受數矛傷登時殞命把總鄭有德力救亦中矛陣亡賊騎四合副將王正和急率親兵大呼陷陣總兵吳禧德周勝元率馬隊橫擊槍轟矛刺立斬悍賊數名左日升于奇泮乘勢衝殺賊大潰魏光燾麾軍奮擊斃賊百餘追殺二十餘里餘賊由街子河一路西竄其從山河走平子鎮入者十一日至湫波頭十二日至麻園總兵張福齊率師自職田馳剿十三日賊以數百騎東竄馬欄鎮而以另股撲底廟牽制官軍張福齊督隊攻之賊未及列陣總兵蕭寶林周玉堂等突前衝殺縱橫馳驟槍矛疊施賊勢披靡副將祝鑑嵩參將劉忠發大呼繼進賊大敗仍由平子鎮竄回張福齊撤隊回職田即派徐萬福黃有本等營東追馬欄之賊沿途探賊已入石門關遂星夜擊

截殺落後賊十餘名前賊策騎飛馳已由照金鎮一路竄入時甘肅提督高連陞在同官聞報即整隊東馳十八日至曹村聞賊已由道賢鎮竄澄城十九日抵澄則賊已竄至趙村武安村一帶高連陞慮賊騎馳忽非步隊可及也遂令步軍回防而率馬隊漏夜馳擊二十日抵趙村天未明官軍一擁而入賊驚起殲除過半餘賊棄馬奔入武安村賊盡出列隊以拒副將謝春臺把總張世發怒馬衝入賊並力環刺謝春臺殞於陣前張世發身受數矛傷力戰不退遊擊桂錫楨急率百騎由原上鈔出村後高連陞督中軍排擊而前再接再厲賊敗入村口官軍奮威衝入賊大敗繞村而逃官軍分投追殺桂錫楨亦自村後鈔出賊無路走悉棄馬滾溝而下官軍乘之殺斃跌斃之賊無數餘賊翻溝奔上咸和原連夜竄走榆樹河二十二日魏光燾截之於丁家原擒斬淨盡此魏光

東華續錄 同治七十六 无

者無數官軍跟追二十餘里沿途斬殺三四百名餘賊仍 靈臺寨子山北竄其由崇信靈臺之間竄入隴州東境者甘肅按察司張岳齡自汧陽進擊十九日探賊踞麻家臺約馬三百餘人張岳齡潛師夜起二十一日黎明馳抵賊巢參將陳泰益大呼直入賊驚覺紛紛出抵拒官軍奮威衝殺立斃悍賊十餘名賊棄麻家臺而遁官軍乘勝追擊賊回撲數次官軍愈進愈猛賊無可乘遂大敗奔潰追至鎖匙垓又斃賊數十名餘眾悉向齊家塬奔逸其竄入隴州北境之賊十六日攻雷家堡未下知府喻步蓮率師援之賊解堡圍而去二十日走胡道村二十二日至韋家堡伐木梯四面環攻二十三日喻步蓮得報星馳賊見官軍復至即撤圍列隊猛撲直前官軍屹不少動賊稍卻副將劉寶林乘勢衝入齶羣魁龔曉亭等大呼繼之左右夾擊槍礮紛下賊死傷枕藉大敗奔潰官

東華續錄 同治七十六 三

東華續錄 同治七十六

一一三

牙互擊正在相持適郭寶昌已繞過關家山率步軍由山口壓擊而下前後夾擊大敗紛竄官軍紛投掩殺斃賊二百餘名奪獲騾馬百餘匹餘眾翻山向延長西北一路竄去此正月初旬劉厚基郭寶昌勦賊獲勝實在情形也是時延長延川一帶回逆自上臘由甘鄜竄入飽掠將歸前隊已向甘泉大股尙踞金盆灣等處劉端冕知賊必趨勞山而情歸之宜急擊也遂伏軍於勞山左右以待之一面函請魏光燾率師會勦初九日探賊已過臨鎮午後步騎並至楊旗鳴角紛向勞山大路西馳劉端冕見賊輜重在後戒各軍毋遽進俟前賊過半突出喻經魁文明章大呼橫截而出前賊回馬猛撲官軍擊敗之其截斷後賊亦相顧驚潰拋棄糧食奪路狂奔官軍奮威衝殺躡蹤緊追初十日至劉家屯敗之又敗之於廟塄搥斬甚眾奪獲糧食二千餘袋騾馬五百餘匹十一日追東華續錄 同治七十六 至

岳家屯斬斷後賊百餘名前賊已由府谷一路西竄魏光燾前接劉端冕函報即拔隊赴甘泉中途忽聞賊自金盆灣分百餘騎竄至太平村初八日至桃源相距僅二十餘里魏光燾移師勦之賊倉卒出敵官軍分路排擊而進四面圍攻村內之賊斬殺淨盡初九日仍擬赴甘泉助勦途次得報知賊已爲劉端冕擊敗仍由勞山走府村計必取將臺槐樹莊一路回竄魏光燾即率隊西馳十一日抵張村十二日抵府村探賊已竄將臺十三日奪食擊之賊列隊回拒魏光燾麾軍奮擊縱橫盪決斃賊無算賊大敗盡棄所掠糧食約向廟耳石廠子兩路狂奔十四日正擬拔隊窮追復探報僞胡元帥率黨數千由府村踵至魏光燾遂分軍伏將臺邀之自率親軍待敵十五日辰後賊麇至瞥見官軍步賊即竄而北馬賊巡前撲陣官軍奮擊之賊且戰且退追十餘里伏發官軍從

賊陣中突出賊驚潰狂竄委棄糧袋軍械填塞道路官軍數路追擊搥斬千計奪獲駱駝騾馬千餘匹所掠糧食盡爲官軍奪回餘賊悉由太白鎮竄回老巢此正月十五日以前劉端冕魏光燾勦辦歸巢回逆連獲大勝實在情形也 臣等竊維董志原回逆雖疊經勦敗兇燄漸衰而自延鄜迤南以達汧隴賊騎紛紛四出冒死掠食幾於無日無之官軍非裹糧數日不能盡力窮追又步騎相懸常有不及之勢土匪董幅祥等業已投誠然敗殘零匪遊騎無歸仍復伏處山巖乘虛竄掠各弁勇星馳露宿寢饋不遑往往擊回匪而土匪忽來勦土匪而回逆踵至東西交警羽檄紛馳雖釜底遊魂終歸撲滅而人數較眾究未能責效於數戰之間 臣等惟當嚴飭各軍迅將北山餘匪一律勦除然後合力掃蕩而西以紓聖廛又奏檢綏土匪董幅祥倚靖邊鎮靖堡一帶爲老巢自率悍黨數千並分遣賊眾四出竄掠署綏德州知州成定康既隨劉松山轉戰而西忽聞董逆由府谷神木竄入葭米遂急率隊回州上年十二月十八日師次何家岔十九日至王家坵探報該逆向東折竄已至開花寺劉家塢等處逼近黃河成定康即令陳瑞芝龍錫慶督率各旗冒雪前進初更抵棘針店距賊尚三十餘里二十日整隊前行沿途即遇賊騎數百由右路衝來經陳瑞芝戴光明喻先恕麾隊衝擊賊即疾走我軍追至劉家塢賊萬餘分踞左右山坡嚴陣以待陳瑞芝即率喻先恕戴光明由右成光熙率李長樂等由左龍錫慶率成榮華等由中路策應賊見我軍三路進攻盡擁來撲陳瑞芝率隊進擊槍轟矛刺斃賊數名賊陣未動龍錫慶即由中路衝出賊死拒喊聲震山谷正在相持成光熙遽自左路山下掩至哨官張德榮徐尙清等躍馬上山燈賊先鋒白聯

東華續錄 同治七十六 至

桂賊氣奪李長樂率馬隊縱橫陷陣中右兩路乘勢衝突陣斬黃衣賊目二名賊大潰追至劉家下塢奪路狂奔我軍分途掩殺斃賊數百名窮追二十餘里沿途擒斬無算餘賊向西北竄逸時值高逆餘黨張萬飛自張家臺敗後乘我軍西剿收合各處餘賊復得數千竄入綏德州南至王家溝一帶成定康即飛調各旗隊伍於二十二日回州二十三日進駐雷家溝二十四日抵王家溝該逆正攻民寨甚急突見我軍數路掩至步賊大亂狂奔而馬賊猶復直前抵拒軍功李炳蓮發一槍適中孤裘賊目一名落馬後訊知爲偽幫辦胡梯雲甘肅固原廩生也賊見匪目就殲無復鬪志各旗乘勝衝殺賊悉奔潰我軍跟蹤追剿及之於柏樹坪二十五日又及之於清潤河計共斃賊三百餘名奪獲騾馬百餘匹餘眾竄向延川二十六日擾及頁河子撫標親兵前營記名提督劉聲東華續錄 同治七十六 五

集在延川聞報率隊馳剿賊即敗走餘賊悉翻石山坡西竄此成定康一軍十二月下旬進剿州南各匪兩獲大勝及劉聲集一營截剿獲勝實在情形也見據劉厚基成定康稟報榆林綏德已一律肅清謹附片陳明 上諭軍機大臣等上年十二月間劉端冕一軍由鄜州至新集將臺等處分期回土各匪連獲大勝宜洛一路賊匪亦經張雲松郭運昌等分途追殺其東竄太白山山河等鎮南竄涇州回股疊爲魏光燾雷正綰等軍擊敗本年正月間劉厚填郭寶昌等復將延安土匪宜洛回匪痛剿延川延長歸巢回逆並經劉端冕等追擊擒斬甚多勦辦尙爲得手即著左宗棠等督飭各軍乘勝跟追大張捷伐竄擾葭米綏德之董幅祥張萬飛各股經成定康等疊加截剿綸綬見已肅清該處兵勇自可調赴西路併力進攻著該大臣等斟酌情形將見在如何布置之處詳悉

具奏西征一事必左宗棠督軍前進將士更易爲功著即將自防事宜妥爲料理一面厚集兵力剋期出省節節掃蕩陝省逆回蔓延已久該大臣務當一鼓作氣速奏廓清之效諒不待朝廷再三敦促也其綸綬兩屬善後事務著劉典嚴飭該地方加意經理並著該大臣行知金順仍遵前旨回紮靖定一帶以資堵剿董幅祥是否投誠此次片奏何以又有董逆由府谷神木竄入葭米之事即著查明具奏將此由六百里各諭令知之○王寅諭軍機大臣等李鴻章奏遵查湖南藩司李榕參案先行覆陳大概等語李榕用優伶翠喜爲家丁業已確鑿其有無縱令攬權詐贓及挾妓買良冤抑屬員苛斂殃民等款均須徹底根究至米捐如何騷擾以致輿情不協尤當秉公覈辦本日已照李鴻章所請令王文韶馳往湖南署理藩篆即著李鴻章劉岷督飭該員及臬司李廷樟將東華續錄 同治七十六 五

李榕被參各款確切查明據實具奏毋稍含混優人翠喜見在湖南著劉岷派員密速查拏交地方官管押聽候提訊毋任脫逃將此由四百里各諭令知之○李榕革職查辦以王文韶署湖南布政使由湖北按察使署○予陝西陣亡副將王開福遊擊史秀成祭葬世職○是月豁免江蘇山陽等五縣被擾民欠錢糧暨徐州府海州所屬舊欠額賦浙江蕭山等二縣被水牧地節年租錢蠲緩湖南澧州等十州縣暨岳州衛被水新舊額賦緩徵直隸霸州等四十九州縣款收新舊額賦租課山東臨清等五十五州縣暨德州等四衛本年額賦並永阜等二場竈地錢糧

東華續錄

同治七十七

臣王先謙敬編

臣張式恭恭校

二月癸卯朔諭清安籌銀一萬兩墊發吉林官兵整裝銀兩撥山東地丁銀還之○調巴里坤滿漢官兵二百名赴科布多助剿○改福建海壇鎮右營遊擊為都司裁水師營千總九把總十六外委二十二戰守兵六千七百三十九名○甲辰諭軍機大臣等據長善奏瀝陳邊關緊要情形請飭文武和衷振作辦理一摺直隸軍務雖已肅清而關內盜萌未絕奉天熱河等處節經嚴緝盜匪而邊外馬賊仍不免出沒無常加以土匪奸民俱應隨時緝捕長善所奏於緝盜防邊不無裨益著玉亮於到任後嚴飭所屬體察情形於關門出入人等認真盤詰遇有查出奸匪即知照地方官東華續錄 同治七十七

緝擊懲辦並著曾國藩嚴飭各該州縣一體振刷精神將保甲民團各事宜極力整頓以期互相聯絡各專責成將此各諭令知之○諭定安桂成奏馬隊官兵續獲勝仗敗匪退回邊內並請飭山西巡撫籌撥短解等項餉銀各摺片據稱回逆竄踞拉什吹明召之庫家鋪經烏爾圖那遜扎那格爾第等率隊進剿斃賊甚多追至杭錦旗界賊已由鄂托克旗遁入邊內見在伊克昭盟鄂爾多斯七旗草地已無賊蹤等語惟陝甘回匪每因邊內受創即走草地自應扼要嚴防以杜分竄著定安等迅咨杜嘎爾督飭達爾濟所部駐紮河西新召一帶其河西十里長灘哈拉寨等處並著檄飭烏爾圖那遜等各帶所部駐紮與見紮古城之張曜一軍聯絡聲勢毋任該逆乘虛再犯仍一面嚴飭馬陸督率官兵加意防守不准稍涉疏虞據奏山西應解各款未能如數解到馬步官兵餉

乾均難按月支發自係實情著鄭敦謹迅飭該藩司於戶部指由京餉劃撥銀十萬兩內之短解銀四萬兩及允解防兵月餉之欠解銀五萬餘兩並二月應解防兵月餉三萬兩一併趕緊籌解毋得藉詞推延至滿蒙旗綠各營官兵餉銀亦關緊要仍著該督撫遵奉前諭即飭該藩司查明所欠數目源源撥給以贍軍食將此由五百里各諭令知之○丁未欽奉 慈禧皇太后 慈禧皇太后懿旨皇帝大婚禮儀典則崇隆尤宜先期豫備一切應辦事宜著派恭親王寶鑾會同總管內務府大臣禮工二部堂官詳查典章敬謹辦理○諭軍機大臣等戶部奏遵查各省釐金酌定添撥西征軍餉並請飭各省整頓釐金各摺片左宗棠前請按年籌撥陝甘實餉四百萬兩見據戶部將各省釐金覈明通盤籌計奏請酌量添撥西北餉源素絀本仰給於東南陝甘見又軍務方殷自東華續錄 同治七十七

不得不寬為籌備即著照戶部所議安徽省除接濟郭寶昌餉需軍火外無論釐金捐輸項下著吳坤修每月添協陝甘餉銀二萬兩每年共添協銀二十四萬兩浙江省除每月原協左宗棠軍餉銀七萬兩外著李瀚章每月再添協陝甘軍餉五萬兩每年共添協六十萬兩該省每年協濟雲貴軍餉十餘萬兩仍著照常籌解該撫前奏每月再各撥五千兩即著毋庸添撥其應協山西清淮各餉不得藉口停免該撫當將該省防兵如何裁遣或酌補兵額之處認真籌辦以節經費見辦塘工捐輸及外省收捐分局仍著照舊辦理毋庸議改湖北省每月除原協陝甘各餉外著李鴻章郭柏蔭每月再添撥陝甘軍餉銀四萬兩每年共添撥銀四十八萬兩該省歲入各款較前徵收短少該督等隨時逐款整頓並將用款酌量緩急以資周轉本省及外省捐輸仍著照常辦理毋庸

議改江西省除地丁項下每月原協陝甘軍餉銀二萬兩外著劉坤一每月再添撥陝甘軍餉銀四萬兩每年共添撥銀四十八萬兩江西釐金仍須認真經理毋令減色福建省除每月原協陝甘軍餉銀四萬兩照常籌解外著英桂卞寶第每月再添撥陝甘協餉四萬兩每年共添撥四十八萬兩江蘇省除曾國藩前奏由該省每月協濟陝甘軍餉十萬兩每年共一百二十萬兩照數按月批解外著馬新貽丁日昌每月再添協陝甘餉銀三萬兩每年共添撥三十六萬兩該省釐金仍當整頓其各屬捐輸著照常勸辦毋庸議改至甯防直東江鄂各軍食餉尚鉅應如何漸次裁減著會商李鴻章妥籌辦理至瑞麟前奏廣東省提存釐金五成協撥外省軍需未據酌定准數著瑞麟李福泰於原協陝甘餉銀每月四萬兩照舊籌解外每月再添撥陝甘餉銀三萬兩每年共添撥東華續錄 同治七十七 三

三十六萬兩該省添支各項經費著瑞麟等力求樽節以省虛糜其本省及外省捐輸事宜仍著照舊辦理以上添撥銀兩著該督撫等自本年正月始一律照數籌撥遇閏加算按月各解交湖北省陝甘後路糧臺交收均不准稍分畛域偶有帶欠致誤要需該督撫等總當顧全大局妥速籌解左宗棠於接到餉銀時著按照陝甘兩省缺餉多寡分別接濟勻撥以昭公允其各省原協陝甘各路軍營餉項均著照舊支應毋稍牽混各該省報解陝甘新舊撥款及左宗棠劉典穆圖善等營收到各省撥款並各路捐局所收捐款均著隨時奏報以憑查覈西征軍餉竭各省之力以供應用左宗棠當樽節支發毋稍糜費該大臣前請撥四百萬見已酌撥至三百萬兩不為不多合之原協各餉及收捐款目每年統計九百五十餘萬兩該大臣原請銀數能否覈減即著迅速覆奏並

將各營需餉實在數目分別詳細奏聞釐金一項既據各該省奏報每年減收已不下數百萬兩若辦理不善經費將何所出各該督撫仍須悉心酌覈力除中飽毋得徒博虛譽率行減免遇有局卡太密重複徵收者仍隨時裁汰懲辦其釐金報部章程仍照兩淮鹽釐半年奏報一次著馬新貽將開報式樣鈔錄咨行各該省查照辦理原摺片均著鈔給閱看另片奏遵議穆圖善請催撥餉等語湖北省奉撥甘肅餉銀二十萬兩據郭柏蔭奏報已如數批解著穆圖善查明此項撥款是否收到專案報部查覈尚未收到即著派員迎提左宗棠前借洋款二百萬兩除已提撥銀二十萬兩解甘外其餘應分甘省若干著左宗棠趕緊覈算將應分甘省之款陸續撥給其指撥各海關六成洋稅一百萬兩業據各關奏報批解過半並著該大臣分半勻給甘肅省毋稍延欠四川應解甘東華續錄 同治七十七 四

省鹽釐銀二十萬兩見在解到若干著左宗棠穆圖善查明迅速報部並著吳棠迅將此項銀兩掃數解清毋許推諉其河南等省應協甘餉銀即著戶部開單分投嚴催毋任延宕將此由六百里諭知左宗棠李鴻章穆圖善馬新貽英桂瑞麟吳棠丁日昌劉坤一李瀚章卞寶第郭柏蔭李福泰並傳諭吳坤修知之○諭戶部奏請飭各省整頓丁漕按限奏報等語國家維正之供以地丁漕糧為大宗各省自被兵以後瘡痍甫起田地未盡開墾徵收錢漕勢難驟復定額自係實情然理財之道不外盡地力而務農功果能設法招墾次第推廣賦額自日見起色本屆江浙新漕較之上年數目仍不相上下各直省地丁所入缺額仍多若不力圖整頓恐年復一年正供半歸虧欠國用所關豈容膜視著各直省督撫嚴飭該地方官將招墾開徵諸事宜實力講求以期漸復舊額

並著自同治八年為始督飭藩司將全省一年上下兩忙徵收丁漕各實數及上屆徵收總數開具比較清單詳明專案奏報統限各該年年底出奏以備稽考毋得遲逾將此各諭令知之○諭左宗棠劉典奏請畱見任藩司辦理經手事件鄭敦謹奏請飭分撥張曜軍營駝隻金順奏花定防期情形並請飭晉省借撥京餉各摺片西路定邊花馬池一帶時有賊匪竄擾各軍分路追剿疊有斬擒賊俱敗退惟北山官軍雲集劉松山一軍已抵鎮靖如該逆畏懾兵威別圖竄擾花定一帶恐復喫緊著金順會同張曜體察情形相機布置節節西進掃蕩逆氛榆林附近波羅堡之賊雖已聞風遠遁仍著金順檄飭常福統率所部由邊外之紅洞澗一帶視賊所向認真剿辦郡王旗地方如尚有匪竄伏即著派隊往剿毋任蔓延左宗棠庫克吉泰劉典務當統籌方略將一切進止機

東華續錄 同治七十七 五

宜與金順會商分投勦洗以期次第廓清左宗棠等請將林壽圖暫畱陝西藩司之任清理經手事件即著飭令林壽圖暫緩交卸金順軍營需餉甚迫著鄭敦謹暫將應解京餉借撥十萬兩迅解金順軍營仍著該署撫將欠解金順之餉先行湊足十萬兩補解戶部以清款項張曜一軍見紮古城採辦軍食轉運不易前因金順糧運艱難諭令定安等籌辦駝駝三千隻解赴榆林即著定安於此項駝隻內分撥四百隻解交張曜軍營驗收俾資轉運將此由六百甲各諭令知之○諭崇實吳棠奏川軍赴援徽縣情形並派兵援滇抽練營兵各摺片甘回由秦州南犯直撲徽縣經駐防大安之副將宇文秀等帶兵掩擊生擒回目馬義和等並將全股逆匪殲滅無遺微境一律肅清剿辦甚屬奮勉出力員弁及傷亡勇丁准其查明分奏別請獎卹雲南尋甸賊勢猖獗情形緊急川

滇唇齒相依自應速籌援應崇實等見已撥銀接濟並調唐友耕一軍馳赴東昭尚能力顧大局著該將軍等飭令會合滇軍相機防剿以全危局其川北一帶並著飭令李有恆嚴為戒備毋稍鬆懈川省用兵日久餉需支絀所議裁勇練兵自為節餉整軍起見著即督同富林保胡中和將旗綠各營認真訓練俾成勁旅以備緩急之用所請酌加津貼銀兩即著照數覈實動支將此由五百里各諭令知之○飭安徽添撥銀二萬兩浙江五萬兩湖北江西福建各四萬兩江蘇廣東各三萬兩按月解濟陝甘軍餉○戊申上詣 大高殿祈雨○諭軍機大臣等本日據左宗棠奏榆林

東華續錄 同治七十七 六

匪薩托清一帶肅清宋慶一軍應否飭其回豫免滋勞費等語上年陝回竄擾邊外歸綏等處所調防剿兵勇人數甚多購糧不易左宗棠西征各軍亦以兵多糧絀為虞是轉運日煩軍行轉增苦累見在歸綏薩扎清一帶及榆綏各屬一律肅清且春融凍解晉防較鬆所有前次調赴歸綏之神機營吉林黑龍江馬步各隊天津之洋槍隊如可撤回著定安斟酌情形具奏宋慶一軍雖屬採糧維艱而該軍素稱得力既由太原取道永甯入陝若再令折回未免徒勞跋涉張曜見在陝西北路即著左宗棠迅飭該提督率隊前往會同張曜相機堵剿杜賊東趨將此由五百里各諭令知之○左宗棠奏正月十五日以前提督劉端冕道員魏光燾剿辦歸巢回逆連獲大勝業經 臣等於正月二十三日馳報其時僅據魏光燾十四日收隊後稟陳大略情形而劉端冕戰狀亦止敘至正月十一日止頃據魏光燾稟十五日擊敗將臺歸巢之回逆先據生擒賊供係回酋胡元帥所帶十五日收隊後訊生擒各賊始知胡元帥即虎元帥之訛而賊中所稱虎元帥即白彥虎蓋賊中

十八酋之一兇悍素著者也是日斃賊千餘生擒逆目張阿寶馬元元及悍黨百名總兵吳禧德陣擒執旗賊目賊刃傷吳禧德左手吳禧德急開小洋槍斃之割其首級未詳其名而自此賊殫斃後諸步賊奔潰不暇回顧知必賊中巨目也十六日搜捕山谷餘賊又有擒斬而其軍之畱駐吉字峴者於十五夜訶知前竄澄城邵陽韓城各境回騎經郭寶昌擊敗後餘賊復竄至洛川楊樹村劫去官軍運糧馱騾二十餘頭向交口竄走畱守吉字峴老營知縣余甫勳飭守備楊金龍及各營隊伍進剿訶知騎賊夜聚普羅村即夜出隊掩擊三鼓直抵賊巢先設伏左右兩路斷其紛竄楊金龍等首先殺入賊正酣睡驚起亂竄伏兵齊發槍轟矛刺賊屍遍野騾馬糧食概經奪獲惟回目白同舉棄馬逃走僅獲其馬此股殲除殆盡矣劉端冕自初十一等日截剿劉家屯岳家屯回

東華續錄

同治七十七

七

竄之賊後十三日戌刻探報後股回逆又竄近延安劉端冕立飭副將喻經魁率所部趨勞山爲疑兵以分賊勢自率中前左右四營趨高家哨俟賊竄近則設伏擊之天明抵高家哨已刻遙見馬衣山後塵氛大起劉端冕急飭副將文明章參將黃承佐迅渡洛河伏雷村左右伺賊半渡擊之飭提督甘大有率所部伏牛武川之左自率中營伏牛武川之右約聞中營號聲則起布置甫定賊果由牛武川蠡擁而來中營號聲起右營應之賊見官軍突出大驚棄馬分竄官軍兩路夾擊斃賊無數其冒死槍渡者適冰泮水長擁擠不前官軍乘勝蹙之偏溺無數其先渡之賊又經雷村伏軍突出截擊無一免者其喻經魁一營是日辰刻甫抵小勞山而賊之馬步數千已麤聚大勞山廢寨午刻整隊進擊賊見官軍無多遽前搦戰喻經魁堅陣不動卻之盛戰數時蠡斃悍賊數十名

東華續錄 同治七七

賊翻山而竄知前股已經官軍痛剿不敢復趨舊路繞向蔡家山覓徑狂奔劉端冕訶知之十五日黎明潛師赴王家坪以待逾時賊果絡繹翻山而下劉端冕飭前左兩營由左右鈔襲其後自率中右兩營奮起突擊賊駭而奔官軍壓之斃賊甚多其已搶渡過河者又經先鋒馬隊過河追及步隊追至石門子餘賊奪路狂奔十六日追至洪家河則賊已散竄歸巢矣其回逆另股由董志原西南竄出者賊目王明章等馬步千餘由甘肅秦州竄擾吳家河張家莊等處有窺伺鳳縣唐藏以入棧道之意駐軍寶雞之總兵李輝武訶知之正月十六日飭分駐鳳縣之總兵胡國珍副將楊恩澤率兩營擊之迨抵唐藏賊已遁竄倒回溝胡國珍楊恩澤分三路追擊斃賊甚多賊由隘口辛家山一帶竄向黃牛鋪而遁十七日李輝武親率副將邵永齡總兵王名滔提督王照南副將蕭

東華續錄

同治七十七

八

德林各帶七成隊馳往督剿十八日丑刻行抵東河橋聞賊已由黃牛鋪竄至梅家溝李輝武急飭四營分路鈔襲自率親兵由中路直入賊不料官軍速至駭懼思逃而左右兩路官軍已截其去路槍礮齊施刀矛並進立斃悍賊數十名該逆仍冒死衝突各營乘勝掩殺將溝中之賊全股撲滅其騎賊百餘先奔原上者向馬頭飛奔而遁躡蹤追剿沿途迭有擒斬餘賊由通同峪回董志原老巢官軍始收隊回寶雞提訊生擒回逆殷元兒等訊知回目王明章上臘二十日率其黨千餘由董志原至秦州一路擄掠至鳳縣不料卒遇官軍王明章於十八日在梅兒溝經官軍擊斃其先鋒藍正魁海全幅在倒回溝亦經官軍陣斬此股已剿滅殆盡矣臣等前會商勦辦回逆不峻拒以絕其求生之心亦不輕許致墮其緩兵之計乃犬羊之性反覆無常方求撫時仍一面四出竄掠

北路則擾及定邊東北則擾及甘泉延安延川東路則擾及宜洛韓邵澄城西南則擾及秦州鳳縣縱橫馳突股數甚繁步騎雜運實兼髮逆之悍捻逆之狡而有之幸北路東路東南西南各路各軍且防且剿無戰不克大挫兇鋒可否仰懇 天恩准 臣等擇其尤為出力者彙為一案分別保獎以獎前勞而策後效伏候 聖裁

上諭左宗棠奏官軍截剿逆回大獲勝仗一摺剿辦尚為得手所有各軍歷次勦賊出力員弁准左宗棠等擇尤彙案奏請獎勵

○左宗棠奏 臣於正月初三日准軍機大臣字寄同治七年十二月二十七日奉 上諭前據左宗棠奏請飭催軍餉當交戶部速議具奏茲據該部奏稱左宗棠前奏陝甘缺餉數目暨請增撥鉅款並未明晰前撥六成洋稅一百萬兩未嘗無裨於陝餉其各省

釐金應由各該省定議再行覆覈籌撥於撥餉之期並無遲誤陝

東華續錄 同治七十七 九

省缺餉數目據劉典奏明每年需餉三百萬兩除本省所入及江廣粵海關海江漢協餉外仍不敷銀一百四十萬兩自應酌量添

撥甘省情形雖據穆圖善陳奏月需餉四十萬兩未據逐款分晰等語陝甘常年軍餉及見在用兵餉需必須逐款分明方免移轉

陝省據劉典所奏缺餉已有確數著該部迅即酌度情形彙案添撥以資接濟甘省每年實需餉若干除本省入款及各處協款外

缺餉若干各省專協甘肅之款何處尚能協濟何處並不協濟著左宗棠穆圖善會同覈議陳明再由該部酌覈辦理郭寶昌

一軍見已增募馬隊三千餘於陝餉有無窒礙著左宗棠悉心酌辦戶部原摺著鈔給左宗棠閱看欽此竊維陝西餉項每年需銀

三百萬兩經署撫 臣劉典陳請業經部 臣議准陝餉可期有著甘省之餉 臣欽奉諭旨後即咨署督 臣穆圖善覈明會奏郵遞梗阻

未卜何時接其覆緘然 臣竊意甘肅軍營因餉缺太久士氣難以速振穆圖善雖極意整理亦恐勢有所難非俟度隴後按營點驗切實釐剔需以次第經理難言實濟也 臣之由秦入隴尚難剋期未入隴之前無從懸定其餉數之多少言多則糜國帑言少則拂

人情總於大局無益竊以甘肅缺餉既鉅且久穆圖善實已艱苦備嘗見值銷兵之時東南軍餉已有贏餘自宜及早撥給以固軍

心而蘇民困多寡之間 臣未敢臆斷也 臣軍馬步七十餘營本是楚軍劉典前奏陝餉未曾附入穆圖善覆奏甘餉 臣又未便附入

如歸陝甘計算既患移轉不清不歸陝甘計算又苦虛懸無著再四籌思惟有據實開列清單恭呈 御覽伏懇 天恩飭部速議

指撥專款急濟要需此後部撥 軍實餉請即名為西征實餉各省協撥 軍之餉亦即以西征名之庶幾眉目朗然部 臣容易稽

東華續錄 同治七十七 十

覈而 臣軍此時可免侵佔陝餉攫取甘餉之疑異時辦理報銷亦易清晰至於清單內約計數目均就見在時地而言原非一定章

程即營哨增減亦無一定常額 臣惟有實用實銷隨時另案咨報戶部以昭清白 臣雖無狀不敢以餘粟餘財自污系節上負深恩

劉典制行清嚴同時各將領尚均樸實耐苦至於高連陞劉松山不就廣東提督無事腴區而馳驅於層冰積雪之間力圖報稱其

志節凜然尤可概見此時西征餉需寬裕一分即多為朝廷辦一分實事為閭閻多畲一分元氣區區愚忱實匪有他謹將 臣與撫

臣所部楚軍由 臣發給月餉數目並變通糧價及採買製造轉運各費開具簡明清單恭呈 御覽統計西征實餉每年共需銀四

百六十餘萬兩其陝甘各軍餉項及賑撫難民安插降眾開墾屯田等經費均不在內合併聲明軍機大臣奉旨戶部速議具奏○

左宗棠奏請以翰林院侍讀學士袁保恆督辦西征糧臺並專摺奏事允之○辛亥諭內閣景紋奏瀝陳西藏僧俗受戴情形代請獎勵一摺據稱上年西藏辦理贖對事竣該達賴喇嘛等以商上僧俗及在事漢番各員均邀獎敘惟駐藏大臣未奉恩旨公同具呈代為景紋請獎等語覽奏甚為詫異景紋身為駐藏大臣辦理藏務本屬分內之事乃以俯順番情為詞自行乞恩向來無此體制且據稱新任駐藏大臣恩麟即日可以到任如果該達賴喇嘛等愛戴情真何不呈請恩麟具奏景紋雖託詞批駁數次仍於交卸之先自行陳請實屬卑鄙無恥景紋著交部嚴加議處尋兵部議以降四級調用無庸查級紀議抵從之○甲寅諭軍機大臣等麟興等奏見聞招撫布倫托海變民並請酌留餉銀一摺據稱巴里坤領餉委員毓秀等經伊勒屯等派往布倫托海招撫變民麟興等見已催令先往辦理等語布倫托海變民見在情形若何日久未見奏報何以伊勒屯等遠行派員招撫是否確有把握果能悔罪輸誠未始不可網開一面予以自新若辦理稍涉遷就恐此等愚民不知畏威感恩難免復蹈故轍著麟興榮全錦丕勒多爾濟伊勒屯何瑄飭令該委員等相機妥辦不可輕率從事致貽後患福濟錫綸身任布倫托海大臣此事是否可行並著會商籌辦其哈密練勇應否調用著福濟等仍遵前旨斟酌情形知照文麟辦理麟興等請將布倫托海餉銀酌留四五萬兩借用等著照所請酌量留用將此由五百里諭知麟興榮全錦丕勒多爾濟福濟錫綸文麟伊勒屯並傳諭何瑄知之○丙辰諭軍機大臣等劉嶽昭奏馬龍州城解圍霑益餉道無阻見調勁旅合攻尋城一摺尋甸逆首楊標奇等率眾萬餘由王家莊直竄馬龍經副將楊國發

東華續錄

同治七十七

十一

等連番追擊斬馘甚多並將湖瓜田等處賊營焚毀馬龍州城圍立解王家莊踞匪焚寨而逃附近村堡亦一律收復其竄踞霑益境內之三營各村逆股並經總兵謝景春等先後攻克賊眾奔潰霑益餉道得以無阻見在東昭三郡亦皆安堵即著該督商同岑毓英督飭李廷標等乘此聲威分路進剿一面飭令楊玉科等進攻八甲果馬並守備任順有招集鄉練四面兜圍以期迅速尋城毋稍鬆勁劉嶽昭仍當懷遠聲次諭旨親赴前敵督軍進取以贖前愆此次解圍出力之副將楊國發等著暫行存記俟尋甸收復後再由該督同其餘出力員弁及傷亡兵勇分別奏請獎卹另片奏革職總兵懇請開缺隨營等語革職留任昭通鎮總兵李家福著毋庸開缺仍責令帶隊剿賊以觀後效將此由五百里各諭令知之○丁巳太僕寺卿徐繼畬以老病乞休命以二品頂帶致仕

東華續錄

同治七十七

十二

興錦丕勒多爾濟明瑞錫綸於該城分界事宜隨時與榮全等商酌妥辦毋稍膜視儻該將軍等藉故耽延致有貽誤即著總理各國事務衙門據實參奏原摺均著鈔給閱看將此由五百里各諭令知之○諭文麟景廉按捕哈密賊匪嚴防要隘○子陝西殉難知州鄭壽齡祭葬世職○己未諭軍機大臣等前據岑毓英奏籌辦滇省軍務八條當交該部速議具奏茲據覆奏逐條酌議請飭該督撫認真籌辦並飭各省迅撥餉銀等語滇省杜逆盤踞迤西日久稽誅上年復陷楚雄等處擾及省垣一帶若不練兵選將力圖攻剿恐匪勢蔓延愈難收拾岑毓英所陳各條係為破除積習大舉進剿起見自應速籌辦理著劉嶽昭岑毓英即照部議章程悉心會商將擇將選兵練勇各條實力整頓並將分道進取之處妥籌辦理不得日久因循有名無實原摺單著鈔給劉嶽昭岑毓英閱看至滇省軍餉缺乏各省協撥之款自應趕緊籌解四川湖南山西浙江每月共應撥銀十二萬一千六百餘兩著吳棠劉崑鄭敦謹李瀚章嚴飭藩司迅速籌款按月起解其常年兵餉及酌提餉銀亦即陸續籌解不得仍前延緩岑毓英所請劃撥鄰省協餉著照部議將浙江應解滇餉銀六萬兩江西應解滇餉銀四萬五千兩一併改歸湖北撥解著李鴻章郭柏蔭轉飭藩司在於本年應解京餉款內劃出趕緊解滇並著李瀚章劉坤一文輝將應解滇餉劃解部庫以清款項其廣東省並太平關欠解滇餉銀十三萬八千兩著瑞麟李福泰即行備齊派員由輪船解至漢口即由李鴻章等委員遞解滇省以期迅速至粵鹽劃抵滇省欠餉案內撥銀二十萬兩著瑞麟李福泰仍遵前旨限本年三月前分批解赴劉嶽昭軍營毋稍遲延原單均著摘鈔閱看將此由六百里

東華續錄

同治七十七

七

諭知李鴻章瑞麟吳棠劉嶽昭鄭敦謹郭柏蔭李瀚章劉崑劉坤一李福泰岑毓英並傳諭文輝知之○庚申 上詣 大高殿祈雨○壬戌諭軍機大臣等福濟錫綸奏哈薩克殺賊獲勝籌辦分安厄魯特人眾暨安置索倫各摺片布倫托海叛民殺害哈薩克多人哈薩克率眾尋仇遂將叛民圍殺福濟等見與奎昌等商酌撥給火藥等件助其攻擊即著飭令該郡王凌扎棟魯普轉飭該頭目等勦力進攻迅將叛民盡數殄滅朝廷必立子恩施獎其義憤見在哈薩克既與賊交惡圍攻賊營布倫托海地方事有轉機福濟等前請調哈密巴里坤兵勇應否即行停止即著相度機宜知照文麟伊勒屯何瑄辦理至厄魯特人眾尚多聚之一方不如散之各處自係實情福濟等擬於科城之杜爾伯特地方量為安插再於烏里雅蘇台庫倫所屬喀爾喀等四愛曼內定地分置即

東華續錄

同治七十七

十四

著奎昌明瑞調令棍布扎普赴科面為開導令其酌量杜爾伯特地方可以安置若干戶責成該王妥為經理其餘人眾即在車臣賽因諾顏土謝圖扎薩克圖等四愛曼內安置著麟興榮全錦丕勒多爾濟張廷岳阿爾塔什達各飭該旗汗王等遵照辦理不得互相推諉此項人眾安插得所即各歸該管大臣隨時約束一切未盡事宜著麟興奎昌張廷岳等會商福濟等悉心籌畫務臻妥協至阿爾泰山南既有見成龍畝地多閒曠可以安插索倫人眾著福濟等斟酌情形安速籌辦一面咨商麟興等將厄魯特人眾趕緊分布免與索倫雜居一處滋生事端將此由五百里諭知麟興榮全錦丕勒多爾濟奎昌明瑞福濟錫綸文麟張廷岳阿爾塔什達伊勒屯並傳諭何瑄知之○展普濟堂功德林賁賑兩月○癸亥諭內閣近來參革人員往往以軍營為捷徑夤緣保舉著各

督撫留心察看從嚴參劾州縣為親民之官當久於其任方能洞悉民情無得存調劑之見率行更換至屬員拜認師生向干例禁著隨時訪察嚴行禁止前因軍務方殷擊獲匪徒就地正法原屬一時權宜之計業經肅清省分遇有要犯仍由該上司覆覈辦理各州縣防堵公局本以保衛閭閻見在軍務已平即查明裁撤以省擾累○以紹誠為河南按察使由開歸陳許道遷○甲子諭軍機大臣等穆圖善奏收復肅州大概情形請將出力員弁獎勵並鈔錄肅州回目稟暨遵繪地圖附陳甘省兵勢賊情餉事擬由川省招募兵勇請飭成祿自設糧臺金順回駐花定各摺片所陳收復肅城情形與成祿前奏大略相同前諭楊占鼇隨同成祿出關剿賊惟見在肅城新復一切善後事宜亟須布置該署督即飭楊占鼇暫駐肅州會同該鎮道等悉心籌辦毋令再生事端甘州金塔等處匪蹤未淨並著該署督飭令李守愚等相機布置以靖地方至回目稟內所稱沙州口外各回民奉烏魯木齊妥老阿渾送書來肅寄來帥印二顆其中有無別項情節成祿見在出關即著就近查明斟酌辦理其餘稟訴各情亦著穆圖善隨時體察以消反側成祿統軍西行本無定所應於何地安設糧臺便於呼應之處仍著該提督自行派員督辦該軍應需糧餉著左宗棠於撥給甘餉內分籌該軍的餉數成毋令缺乏穆圖善亦當於甘餉解到時按照左宗棠所籌成數徑解成祿糧臺不可意存歧視四川等省每年應協成祿軍餉即著戶部查照原撥省分迅速咨催前解金順見已移紮定邊花馬池一帶即著督率所部兵勇實力防守遏賊東趨磴口糧臺是否被回匪全搶著左宗棠庫克吉泰穆圖善定安鄭敦謹劉典查明實在情形具奏委員烏勒西布等下落並著

穆圖善飭員查辦甘省兵勇缺額太多由四川招募充補能否得力糧餉能否接濟著該署督酌度辦理甘民困苦已極該署督自當妥籌良策用就救平不得以餉絀兵單為辭稍存諉卸左宗棠已行抵乾州於甘省情形知之較易該署督便可將兵勢賊情彼此和衷商辦迅奏廓清以紓屢繫穆圖善奏磴口糧臺被搶片著鈔給左宗棠庫克吉泰定安鄭敦謹劉典閱看將此由六百里各諭令知之○乙丑彭玉麟以疾乞假得旨長江水師關繫東南大局該侍郎在江上十餘年氣體日衰朝廷不忍遽拂其意第無重臣督率易於廢弛仍著於假滿後遵赴江皖擇地駐紮以資控制○左宗棠奏董志原回逆號稱十八營其中回酋如陳林崔魏禹得彥馬正和白彥虎于彥祿等皆擁眾萬餘素稱剽悍近因分股出掠均被官軍擊敗飢蹙日甚屢次乞撫復無成議遂糾集十八營領巢東犯以陳琳馮君幅居前崔魏于彥祿馬正和藍明泰等繼之其餘逆首隨後策應共合悍黨三四萬各裹十餘日乾糧於初六日分道竄出屯踞正甯南北兩原及永樂堡白吉原宮河原一帶勢將徑犯邠州三水併力以擾秦川初七日陝安道黃鼎在邠州聞報即飛飭總兵徐占彪率駐涇北世店之五營伏牛家堡以扼其衝而調集所部彝字全軍由邠州繼發一面函約知府劉倬雲自三水之職田鎮固原提督雷正綰自長武之政平鎮兩路會剿是日午刻賊前隊數百騎馳上世店至牛家堡伏發立斃數賊陣斬先鋒虎麻子生擒四人餘眾驚走官軍追至原邊賊大股萬餘自白吉原擁出徐占彪以兵力過單扼溝而守是夜黃鼎親率全部渡涇與世店五營合駐沿途遙見白吉宮河一帶號火燭天綿亘數十里知賊勢眾盛傳令各營飽餐嚴陣以待初八日平

明大風東來回騎十餘由洪慶河上世店乘風馳驟黃鼎飭各營堅壁勿動將俟其大股應集突出擊之待至午間賊無踵至者遂令馬隊衝出賊即反奔官軍追下洪慶河賊分向白吉原奔竄治途拋棄騾馬以誘我師黃鼎急令各營整隊勿顧悉力跟追甫上白吉原即見陳林馮君幅率騎賊千餘擁至官軍奮力衝撲賊且戰且走追十餘里至白吉鎮忽前途塵土蔽天回逆大隊馬正和于彥祿等分十數路盡擁而至每路約一二十人橫亘十餘里同時張村底廟之閒伏賊並出陳林馮君幅亦回馬猛撲而前黃鼎念已深入急令總兵章占雄副將趙興隆遊擊林定遠等率左右各營以敵陳馮兩逆而令總兵徐占彪副將李玉春參將劉心灼遊擊何玉超等率正副前後各營以當于彥祿馬正和大隊自率縣丞青勝藍主簿謝初旭督中軍繼進以防伏賊包鈔布置甫定

東華續錄 同治七十七 七

賊已四合官軍圍結方陣周圍槍礮環擊而前賊死傷枕藉紛紛敗退馬隊乘勢衝殺步隊繼進偏至原邊賊見事急合隊回撲崔魏于彥祿等各率悍賊回馬來衝勢甚兇悍黃鼎見馬隊少卻急督步隊猛進號鼓齊鳴參將胡應芳趙嗣昌督矛手直衝入賊陣截賊隊為兩段馬隊繼出槍轟矛刺斃賊百餘名賊大敗官軍分道跟追偏一股至高里坊前阻深溝賊無去路逆首于彥祿率眾死拒連放數槍副將劉治均躍馬挺矛直前刺落馬下官軍羣矛攢刺割取首級其姪于驢兒馳救復被遊擊朱蘭亭衝出檢之餘逆數百四散奔逃官軍圍而殲旃無得脫者其時崔魏馬正和等望見勒馬馳救官軍乘勝衝擊縱橫盡決賊不能支大敗奔潰同時章占雄等亦將陳林馮君幅擊敗合隊跟追賊分路狂奔陳林等走政平大股悉向官河原竄去初九日大雪滿川追至官河衣

械盡涇賊之前隊已竄早社官軍沿途技勦自辰至午復截殺尾隊數百名餘皆竄回老巢先是固原提督雷正綰得黃鼎函約初八日即由長武率隊出政平未刻即見陳林馮君幅等千餘騎奔回望見官軍駭而北竄雷正綰應軍截擊賊奪路向官河狂奔官軍乘勝窮追殲賊甚眾初九日正拔隊赴官河助勦忽中途接據探報回酋馬得彥率數千騎南渡涇河由窰店入黑河川竄至靈臺之獨店柳家鋪一帶遂急收隊折回初十日抵長武之十五里鋪探賊尚在獨店攻掠窰堡雷正綰策賊必不虞官軍之速至也即令各軍飽餐五鼓乘雪夜掩擊十一日黎明馳抵獨店鎮賊尚未覺總兵陳義閣定邦等分數路大呼馳入賊多不及鞍馬倉卒奔逃官軍奮力衝殺斃賊三四百名沿途追勦斬復多賊向西屯什字鎮一路狂奔十三日甘肅按察使張岳齡自汧陽上店邀擊於新集鎮復有新獲餘賊悉向鄭家岸崇信一路折竄回巢臣等竊維回逆以糧盡力竭之餘出萬死一生之計大舉深入兇狡實異尋常仰賴 皇上德威將士用命日夜苦戰大挫兇鋒見據陝安道黃鼎解到逆酋于彥祿首級及生擒回目于驢兒等六十餘名到 宗業乾州營次 臣逐一提訊多係七八年稔惡積匪兇狠異常當經擇其尤悍者十九名立予駢誅並于彥祿首級傳示西同鳳被害地方百姓夾道懽呼觀者如堵洵足以伸 天討而快人心得旨出力員弁著准其擇尤彙案請獎○丁卯飭安徽撥解郭寶昌軍餉○撥戶部銀二十萬兩濟新疆各城餉糈○戊辰諭軍機大臣等金順奏綏德營勇猝變盤踞州城見飭所部嚴加備戒並請飭山西巡撫調軍扼紮軍渡一帶請將玩誤軍糧之知州摘頂各摺片據稱駐紮綏屬新店之老湘四營兵變攻入州城

東華續錄 同治七十七 六

城守陳牧不知去向該逆勇並搶去成信軍餉銀數萬其義合兩營亦同時生變刻下州城逆勢愈熾有合股鼠撲榆林之謀等語覽奏深為詫異老湘一軍向稱得力此次駐紮綏德劉松山交與何人管帶何以任其搆變攻陷州城且西路回逆土匪並未淨盡該逆勇若與句合則下攻清澗上攻米脂而榆林相距非遙亦為可慮金順見已商令劉厚基調撥一營前赴米脂並通知宋慶先由神木酌撥數營取道葭州赴米扼堵所辦甚是著即督飭所部嚴為扼防一面探明情形會同劉厚基等相機堵擊其成信軍新招後營馬隊已否隨同肆擾並著就近查明知照左宗棠等辦理左宗棠身統師干責無旁貸即著會商庫克吉泰劉典嚴飭劉松山迅為截定以遏亂萌並查明該營勇丁因何變亂據實奏明懲辦歸化距榆綏不遠自應及早防範著定安即飭馬步兵勇擇要嚴防毋任乘間竄越綏德與永甯僅隔一河鄭敦謹尤當迅調勁旅於軍渡一帶先期扼紮以備意外之虞並於永甯迤南各渡口一體撥兵嚴防毋任擾及晉疆至湘軍留駐黃河東西兩岸及山西永甯州屬之柳林鎮尙有三營難保不聞信思亂著左宗棠庫克吉泰鄭敦謹劉典察度情形妥為鈴束金順摺內所稱之成守陳牧自係成定康陳瑞芝二員該員等見在下落並著左宗棠劉典查明具奏署葭州知州胡有志經金順派運軍糧並不上緊籌運任意枝梧實屬不知緩急胡有志著先行摘去頂帶仍責令將派運軍糧壩數解營如再有違延即由金順咨照劉典據實嚴參以儆玩泄此項變亂勇丁恐其飽掠而歸仍取道河南著李鶴年迅派得力員弁帶隊前往堵禦免致紛竄將此由六百里各諭令知之○壬申諭軍機大臣等定安等奏請將神機營天津馬步各

隊暫停撤回並左宗棠奏請飭綏遠城將軍等嚴杜逆回接濟各摺片歸綏地方邊關防務緊要所有前次調往之神機營吉林黑龍江天津馬步各隊既據該將軍等察看情形驟難撤回著准其暫行停撤仍令各隊扼紮嚴防不准稍涉疏懈俟該處軍務略鬆再行奏明辦理此次左宗棠奏奪獲逆首于彥祿所騎之戰馬據逆姪于驢兒供係馬化澹餽送又據探報董志原賊巢糧食將絕馬化澹於二月間用駝運糧接濟賊其入犯馬化澹陽雖就撫陰實助逆是京師前此拏獲置買軍械之犯據刑部所奏恐有濟賊情事已屬確實著該部即提丁良潰馬天平二犯嚴刑審訊取有確供即行照律懲辦以昭炯戒逆回糧械等項既自金積堡販運而來必由歸化城包頭一帶轉運前此包頭曾盤獲逆匪買馬是其明證著定安桂成嚴飭各廳於所管地方認真盤查遇有甘肅東華續錄 同治七十七 二 採買糧食戰馬槍礮等項非持有穆圖善委員印文一概禁止轉運以斷逆匪接濟之路毋稍疏忽將此由六百里各諭令知之○是月蠲免直隸安州等四州縣被水額賦 三月癸酉朔諭內閣曾璧光奏拏獲不法武員遵旨正法請將出力各員獎勵一摺已革總兵林自清前在雲南戕官屠民嗣後擁眾萬餘滋擾四川並多擄死黨回籍焚殺擄擄害閭閻甚至妄給頂翎私設釐局霸占田地無所不為其帶勇由四川繞赴貴州興義縣時該署知縣陳世鎮因其蓄意叵測不令入城竟至挾嫌將陳世鎮及其子陳光洋並家丁二名盡行殺斃並搶去行李衣物實屬情同叛逆罪不容誅經曾璧光密派提督陳希祥等設法拏拿立在營前正法並將其隨帶練勇全行剿殺洵足以申國法而快人心該撫等於此事不動聲色籌畫精詳卒使積年巨惡首

從悉就殲除實屬辦理迅速所有出力之提督陳希祥著賞給達春巴圖魯名號並賞穿黃馬褂布政使黎培敬著賞戴花翎道員林肇元著交部從優議敘吳德溥著賞加布政使銜畢大錫著賞給格洪額巴圖魯名號宣維禮著賞給博奇巴圖魯名號○諭軍機大臣等豐紳謙禧奏陝匪突竄河西經官軍迎剿仍遁回河東請飭金順督隊赴援一摺陝匪於上年十二月間竄撲橫城經官軍擊退後復敢偷渡河西撲犯通昌等村莊並由磴口南竄搶掠李岡等堡見經豐紳督兵擊敗該逆仍竄回河東即著豐紳謙禧就見有兵力隨時偵探認真堵剿毋令該逆得以肆擾第甯夏防兵單薄設有大股回逆竄近力難堵禦前諭金順督隊回駐花定等處刻下綏德勇變各軍俱集金順如能西行即著左宗棠等酌量情形飭令金順前赴花定等處駐紮以為甯夏屏蔽用壯聲威

東華續錄

同治七十七

三

將此由六百里諭知左宗棠庫克吉泰劉典金順豐紳並傳諭謙禧知之○諭岑毓英奏官軍肅清武定州逆匪並攻克羅次縣城及邵甸等處賊巢一摺雲南自馬龍州城解圍後該逆分黨竄擾邑市等處經官軍節節進剿當將武定州境一律肅清復進攻羅次斃匪甚多該縣城亦經克復其邵甸古城柯渡可郎等處賊巢俱經官軍以次掃蕩岑毓英此次改調李廷標一軍由邑市橫出嵩尋之間上下截擊並飭何秀林等分道進取調度甚合機宜著該督撫飭各路將弁乘勝進剿以殄逆氛劉嶽昭仍當懷遵疊次諭旨親赴前敵督軍攻剿不得株守一隅將此由六百里各諭令知之○黔匪陷安南普安旋復之○子貴州被賊知縣陳世鎮祭葬世職○甲戌諭內閣劉岷奏援黔各軍連破苗巢並克復鎮遠府衛兩城一摺席寶田等軍自疏通清江後進規鎮遠一路上年

十一月間經榮維善等疊破抱金苗榜報谷黃粘里鬼利各寨斃賊數千人十二月間清江逆苗渡江占踞者磨附近之張清經蘇元春等襲剿拔其柵壘斃逆酋輩往金失並賊黨數百人本年正月間苗逆九大白復糾悍賊三四千人屯踞上下寨經榮維善唐本有等率軍圍偏陣斬逆酋往垢堞等數十名餘賊悉數就殲蘇元章等並將秀地等寨次第攻克黃潤昌等會師焦溪派兵將竄擾思州晃州後路之賊肅清二十七日督隊直薄鎮遠府城各軍奮勇爭先斬關而入該逆奪路狂奔立將鎮遠府衛兩城克復分兵追擊連拔牙溪等處數十里先後擒斬賊眾二三千人其古州一路亦經戈鑑等軍疊克賊寨勦辦甚為得手仍著督飭各軍進取施洞口等處節節掃蕩迅殄逆氛○諭軍機大臣等麟興等奏分安厄魯特人眾諸多窒礙暨請撥款籌買哈密牲畜等件各

東華續錄

同治七十七

三

一摺前據福濟等奏厄魯特人數眾多科屬之杜爾伯特未能安插擬於烏城庫倫之喀爾喀四愛曼內分置當經諭令麟興等遵照辦理茲據麟興等奏稱該城所屬之喀爾喀扎薩克圖汗賽因諾顏西兩部落並無隙地可容厄魯特人眾窒礙甚多已咨明福濟等另行酌議等語厄魯特人眾是否可以分布必須斟酌情形會商良策固不可冒昧舉行致貽後患亦不可因一處畏難不辦遂致彼此推諉著麟興榮全錦丕勒多爾濟奎昌明瑞福濟錫綸張廷岳阿爾塔什達悉心商酌各將該處能否安插有無窒礙之處通盤籌畫會同妥議具奏至烏城應撥哈密駝隻各件既未能措辦足數自應籌款買補以應急需前經戶部借撥銀二十萬兩解赴烏城交麟興等勻撥巴里坤哈密應用著於此項餉銀內提出銀二萬兩由文麟派員前赴烏城接領自行購買足數並著麟

興等派員幫同照料此項銀兩即著文麟覈實報銷以清款目本日明降諭旨將布彥鄂勒哲依圖賞用黃纒並賞給銀二萬兩即作為特旨加恩著麟興傳知布彥鄂勒哲依圖俾該汗益深感激其銀兩亦於戶部借撥之二十萬內如數提用將此由五百里各諭令知之○以湖南官軍克復貴州鎮遠府衛兩城布政使席寶田等下部優敘餘加銜升敘有差予陣亡總兵官江忠珀祭葬世職加等諡武愍建祠范榮超等十六員祭葬世職加等○賞土爾扈特盟長布彥烏勒哲依圖黃纒並所部貝勒公等銀二萬兩○丙子 上詣 大高殿祈雨○諭內閣戶部主事龍錫光呈遞條陳一摺所稱躬行節儉刪除煩例墾荒田汰冗兵以及安置降眾簡練京營選牧令掩積骸各節著各該衙門妥議具奏○予直隸等處陣亡副將周盛武等祭葬世職建祠○戊寅左宗棠奏回逆東華續錄 同治七十七 五

東犯官軍迎剿大捷賊回巢後恟懼益甚始下偽令挈眷先徙金積堡以悍賊殿後拒官軍繼復議暫勿移巢而賊中自縊者紛紛不能禁遏各路調報相同 臣 飭諸路統領急將糧料運足伺賊竄動則追之慮各路銳進而賊或分支擾我後路也復令各留四成隊於後以期慎密又慮各軍分布數百里未能剋期畢赴則飭各軍相機而進但覘賊動即各銳進追之母懷觀望二十二日探報賊之輜重婦女老幼已竄動而悍賊則仍扼太昌鎮二十三日雷正綰黃鼎馬德順補用道李耀南率馬步各軍由長武縣分三路直擣太昌鎮即於是日師進三不通地方二十四日進西峯鎮蕭金鎮鎮原縣孟壩寺三汭河等處二十五日進驛馬關北十五里白馬鋪追殺悍回實一萬數千名拔出被擄漢民男婦數千復由白馬鋪越蔡店追殺至慶陽府沿途賊屍枕藉人馬之墜崖倒斃

東華續錄 同治七七

糧盡餓斃者不可數計見在乘勝窮追尚未收隊所有各軍獲勝詳細情形容俟續報察看賊蹤由西而北徑趨金積堡諸軍躡追甚急其老弱婦女輜重縱盡達金積堡繼後之悍賊必可殲除淨盡機勢實為順利 臣 宗棠既飭各軍分路前進正擬率親軍進邠州忽於二十二夜得 臣 劉典急報甘肅提督高連陞所部弁勇忽變二十夜三更更有賊數百圍高連陞楊店營帳將高連陞戎害營官總兵銜副將賀茂林提督銜總兵黃毓馥聞變救援均同時遇害叛卒既戕統將即徧脅各營各營之預謀者起而應之倉卒之頃營哨各官均不知所為二十一日駐金鎖關之副後營營官楊銘濬聞變帶所部馳援行過同官要同官守將遊擊桂錫楨與俱甫行十餘里遇楊店逃出弁勇告知統將被戕營官幕友均已遇害叛卒已脅各營為亂將趨同官魯馬隊營劫糧局趨金鎖關脅東華續錄 同治七十七 五

副後營楊銘濬帶十餘騎折回同官而所部步隊在後桂錫楨帶所部馬隊急回同官布置城守少頃叛卒大至繞西北兩面大聲而呼城上無應者楊銘濬在城上警見所部副後營旗幟亦植立不動異之遽下城招呼就列甫入隊中亦呼殺營官楊銘濬甫上馬矛已及其左足桂錫楨在城上瞭見知副後營亦變遽下城率隊衝入副後營後哨哨長參將龍恩思及未與逆謀各弁勇擁楊銘濬出警槍挺矛拒追者桂錫楨楊銘濬遂同入城登陴固守叛卒環逼城下桂錫楨禦之槍斃賊數十名其攀援上城者皆經刀矛所刺紛紛墜下楊銘濬龍恩思亦各手刃兩賊自是日已午之交至二十二日卯刻叛卒徹夜猛撲桂錫楨憑城刺殺數百名奪獲木梯三百二十餘架天明賊退桂錫楨開城追剿斃賊八十餘名生擒叛卒十一名正酣戰聞伏賊從東西兩溝突

一三七

出桂錫楨面被矛傷右手受石傷縱橫血戰賊仍敗走是日辰刻
 記名提督周紹濂聞變率所部中前右三營行隊迅赴古泉適叛
 卒讙擁而至周紹濂督副將劉甫田同知張權英副將周玉林等
 分路堵剿立斃悍賊十餘名步賊數十名賊始敗遁官軍進據古
 泉空壘叛賊仍敢圍壘猛撲均經劉甫田等悉力擊退乘勝跟追
 計共斃賊三百數十名繳出軍器伏地自投者五百餘名而官軍
 已陣亡十四名帶傷者四十餘名蓋亦惡戰矣二十三日桂錫楨
 復派馬隊兩哨進攻金鎖關米子窠擒斬多名叛卒望風而靡
 劉典聞變之初立派記名提督丁賢發率所部進耀州扼其南竄
 是日卯刻抵耀適叛卒已經桂錫楨周紹濂等擊敗其兇悍之尤
 甘心為逆者擒斬殆盡其倉卒被裹繳械來降者四百餘名丁賢
 發收之其分駐馬欄鎮之果軍後營營官副將李瑞林前營總哨
 東華續錄 同治七十七 三

官王光發於軍變時恐眾心不固緘請知府劉倬雲赴馬欄以資
 鎮壓二十二日劉倬雲率所部三營及親兵中哨馳赴馬欄傳集
 弁勇諭以大義毋得受人愚弄自干刑誅二十三日率之同歸職
 田鎮李瑞林派弁勇赴楊店覓高連陞獲骸得之昇歸職田二十
 四日總兵張福齊截擊叛逆餘黨於馬欄鎮賊已散盡收輯被脅
 者一百五十餘名是夜三更劉倬雲聞叛卒有趨赴山河鎮入董
 志原者急率所部截之二十五日已刻抵山河適回逆白彥虎鄒
 阿渾餘黨馬步約數百來窺山河劉倬雲令軍士卸裝扮叛卒
 前往誘之比以大隊轟擊斃回逆四十餘名生擒回目許阿宏等
 十四名訊據供稱叛逆約其來迎不料為官軍所敗也通計高連
 陞所部馬步九營除桂錫楨馬步全營殺賊立功外李瑞林所帶
 後營正前營總哨王光發所帶三哨及各營弁勇從叛軍中衝出

來投者共又收集五營其已經官軍擒斬者千餘名事已大定訊
 據生擒叛勇及賊中逃出弁勇共稱二月初旬高連陞因各營收
 雷外來游勇甚多中有哥老會匪藏匿飭各營哨嚴察懲辦勒令
 自悔而前營親兵丁玉龍畏罪倡亂各營之曾經入會者句約
 回逆於二月二十八日入犯因而舉事適高連陞捕丁玉龍甚急
 丁玉龍竄入左營與左營管軍裝差弁郎宏勝郎郎麻子哨長朱
 德遠右營哨長蔣宏高前哨什長石文科等迫不及待密謀於二
 十日夜三更藉索餉為名徑赴高連陞楊店營次致此異變其時
 各營未預逆謀之弁勇均以變起倉卒被其脅制幸桂錫楨周紹
 濂扼之同官古泉疊加痛剿叛黨駢首就戮而未變各弁勇始得
 自拔來歸計該軍謀變起事未及五日已就撲滅而剿回之師自
 太昌勃家堡起追過三不通蕭金鎮西峯等處直抵慶陽府城凡
 東華續錄 同治七十七 三

董志原賊巢無不窮追徧到一律肅清叛逆無可句之回回逆亦
 無可句之叛而異變旋銷大局救靜此固非 臣等意料所及也見
 飭將未變各弁勇概行收輯歸併成營以便從容編審淨絕根株
 其同時遇害之各員弁勇丁應俟確查後再請恩卹逆黨陳恆貴
 黃起昌鄧得勝熊益貴熊兆祥匡世明黃秀成王永春張連芳等
 均經訊明斬梟其首逆是否已經擒斬尚未據各軍稟報見通飭
 各州縣營汛及渭河水師潼關荆紫關各防軍嚴密巡察務獲盡
 法懲處以申軍令而雪高連陞及遇害各員之恨伏念甘肅提督
 穆特木巴圖魯高連陞從軍楚粵屢著戰功洵播廣東右江鎮總
 兵 臣 崇棠於咸豐十一年入浙時調其隨征克復湯谿縣金華府
 城及浙江省城湖州府城浙江全省肅清復追剿首逆李侍賢汪
 海洋由江入粵克復廣東鎮平縣城嘉應州城擢授廣東陸路提

督臣宗棠念廣東亂民過多制兵又不足特於班師回閩時奏請飭高連陞赴任以資整理高連陞在任殲除土客各匪聲績卓著適臣調督陝甘高連陞函願頻來堅求同剿回逆臣宗棠奏調赴陝高連陞感激圖報勦捻回無戰不克身為大將臨陣輒躍馬爭先收隊論功輒推獎諸軍若未嘗親預其事者為人廉靜樸訥待士卒有恩自奉最約任實缺提鎮多年廉俸均充公用臣宗棠臣典近因其家無擔石兩親尚在甘旨缺如擬各分廉餘為之薄謀救水聊資贍養而高連陞以欠餉已久義不可先顧己私堅辭不受其節概如此以該提督忠勇廉謹宅心寬厚如此不死於賊而死於二三逆豎之手此則臣等所不解者也仰懇 皇上天恩飭部照提督陣亡例議給卹典俯允賜諡並宣付史館立傳以彰戰績該提督前轉戰閩浙廣西廣東陝西各省勞績卓著其立功東華續錄 同治七十七 五

之地可否准建專祠以示恩褒而昭激勸又奏 臣等連日辦理果軍叛勇一案甫將就緒二十六日忽接劉松山所部駐山西永甯州軍渡之管帶中軍三旗提督何作霖飛報本月十三日已刻有勇丁自綏德州來據稱駐紮綏德州之前軍後旗勇丁因邀結哥老會經該管官查出縛犯將按軍令忽該營勇丁盡起奪犯左軍四旗弁丁從而附和右旗後旗及馬隊四營繼起應之當劫劉松山所設綏德州城糧局何作霖聞變慮駐西岸宋家莊之五旗被其勾煽乃調過東岸以便鈴束十六日已刻叛卒東來軍渡對岸揚旗吶喊意似勾引東岸之三旗五旗何作霖令三旗五旗勿動仍開嚴轟之叛卒遠退探報劉松山所駐綏德州城外者同時俱變分統之提督易德麟蕭章開總兵章合才及馬步各營官有離營者有被叛卒脅制入城者惟營務處提督黃萬友堅不入城叛

東華續錄 同治七七

卒亦不敢偏見仍駐城外然隨身僅親軍二十餘人無如何也旋據前署綏德州知州成定康十六日自延川之虎兒塢發稟據稱十三日辰刻湘軍突變襲踞州城十四日成定康帶隊衝出是日叛卒追至石家溝將成定康圍住是夜五更成定康突圍而出殺叛卒甚多而官軍亦陣亡五十餘人十五日行五十里至棗坪將赴清澗叛卒復截阻去路成定康繞出店子溝以向虎兒塢擬於十七日赴延水關駐紮續據署綏德州知州陳瑞芝自州城外二十餘里周家河稟報情形大略相同尚未接到劉松山誠牘蓋相距千餘里北山各州縣尚無驛站文報必繞由山西馳遞陝省中多梗滯也惟劉松山全軍糧路專在軍渡其地屬山西永甯州當綏德州正東茲州城為叛卒所踞而該軍採儲之糧存西岸宋家莊者據何作霖稟又已為張曜上年逃回嵩武三營潰卒乘機劫奪劉松山勢難直趨綏德州非繞由延川之延水關就糧不能前進也見據延安府縣稟報劉松山已抵延安矣 臣前因高連陞果軍潰叛檄調郭寶昌分撥數營由洛川中部一帶進剿茲果軍叛卒既平而綏德州復有叛卒陷踞州城之事局勢既更不得不隨宜布置已飛飭郭寶昌迅由宜川進延長延川會同劉松山成定康進剿宋慶一軍已到神木亦檄其由神木南趨相機進剿一面飭何作霖嚴扼軍渡一面咨山西撫 臣飭山西已革臬司陳湜嚴防偷渡又全福馬隊一起已據報正月十九及二十九日啟程計此時已行抵直隸應懇 天恩飭下直隸督 臣山西撫 臣札知全福由汾州永甯州過河隨同劉松山進剿其後永甯州所需餉糧馬乾 臣等已飭汾州永甯採運局員豫備矣全福郭寶昌宋慶曾與劉松山共事最稱契洽當可相與有成也事變紛乘倍形跋扈

一三九

謹當悉心商榷慎以圖之 上諭軍機大臣等董志原回匪疊經
官軍懲創潛謀竄遁經雷正綰黃鼎等督軍追剿自太昌務家堡
起直抵慶陽府城斬馘盈萬沿途賊巢一律肅清見在賊蹤徑趨
金積堡正可乘其喘息未定痛加勦洗著左宗棠劉典飭令各軍
節節進剿毋稍鬆勁追軍既經深入仍當策應後路以助聲援不
得稍涉大意所有各軍獲勝情形並著詳細奏聞果軍營勇變亂
提督高連陞被戕本日已明降諭旨照請予卹矣此次變起倉卒
經周紹濂等扼之同官古泉叛黨殲除殆盡辦理尚為迅速首逆
丁玉隴是否在逃必須嚴拏務獲盡法懲治毋任漏網綏德州叛
勇情形前已據金順鄭敦謹先後奏報諭令左宗棠等速籌戡定
見在郭寶昌宋慶等軍均已前進兵力甚厚著左宗棠劉典飭令
劉松山會合各軍迅速圍剿毋任旁竄其軍渡一帶著鄭敦謹飭

東華續錄

同治七十七

元

令陳湜嚴密守禦以防偷渡陝省各營旬日之間勇丁兩變殊屬
不成事體左宗棠身統師干責無旁貸應如何整頓營規撫馭將
士豫籌弭變之方務當悉心籌畫以固軍心而杜後患全福馬隊
計已行抵直隸境內著曾國藩鄭敦謹催令由山西汾州永甯州
過河隨同劉松山進剿毋稍遲延將此由六百里各諭令知之○
子陝西楊店被戕提督高連陞祭葬世職加等諡勇烈於廣西浙
江福建廣東陝西立功地方建祠○庚辰以麟書為盛京禮部侍
郎山內閣○壬午諭軍機大臣等李鶴年奏籌撥潼關荆關兩路
防軍一摺綏德變勇見經官軍進逼難保不乘隙逸出該逆既有
覓路回家之意勢必取道河南李鶴年見已令宋慶由神木拔隊
會合張曜等軍進剿並令酌撥數營沿河迤南直趨潼關與馬德
昭防軍合力守禦所籌尚妥著即飭令該提督等會合各軍速為

戡定並偵探賊蹤相機防剿毋任闖入豫境荆子關一路為豫楚
交錯之所尤應先事嚴防王萬釗所帶標兵為數無多恐難得力
著李鴻章酌派兵勇迅赴該處會同王萬釗之兵實力防範以備
不虞本日據吳坤修奏皖省撥解郭寶昌軍餉由湖北轉運該營
久未接到恐由西安轉解以致遲滯見在郭寶昌駐紮宜州派員
在潼關接餉著李鴻章飭令轉運局嗣後凡遇皖省解到該軍餉
銀即行徑解潼關交郭寶昌委員兌收以期無誤要需將此由六
百里各諭令知之○癸未改福建臺灣鎮標右營臺灣協中營澎
湖協左右二營都司暨臺灣鎮標右營守備為千總噶瑪蘭守備
為把總裁臺灣協中右二營澎湖協左右二營守備各一缺臺灣
鎮中左等營千總十四缺把總十七缺外委四十六缺馬兵五十
名戰兵三千七百四十七名守兵三千一百五十六名改鎮標右

東華續錄

同治七十七

三

營為道標專隸臺灣道轄○甲申諭軍機大臣等前因降眾李維
忠等由天津潛逃出關當經諭令盛京等將軍府尹一體嚴拏務
獲旋據奕榕奏稱拏獲李振隆一名正法而李維忠原名李維藩
綽號烏志李及徐萬良丁萬幅董勳李恆等五名遲至十月之久
僅據富明阿奏將李恆拏獲其餘均未就擒李維忠等在關外時
種種不法投誠後狼子野心仍復怙惡不悛若不亟行拏辦必致
潛匿滋患著都興阿富明阿德英志和恩錫魁飭屬嚴密緝獲
務將李維忠即烏志李等按名弋獲即於該地方正法以杜後患
並著知照各蒙古旗一體兜拏不得任意遷延致干重咎將此由
五百里各諭令知之○諭史念祖由軍營出身人尚明白惟未經
歷地方事務是否能勝臬司之任著曾國藩留心察看據實具奏
以重地方將此諭令知之○調張樹聲為山西按察使史念祖為

直隸按察使○乙酉、上詣 大高殿祈雨○諭內閣御史宋邦
德疏請整頓吏治一摺州縣不得人則百姓休戚漠不相關如該
御史所陳興教化杜浮收清案贖省徭役禁官價除盜賊修城池
禁賭博治衙蠹減僕從各條均為州縣官應行之事著各省督撫
嚴飭實心講求有廉勤素著者即列名保奏不職之員從嚴參處
至社倉社學普濟堂育嬰堂皆有裨於吾民著飭所屬查照舊章
一律興復○諭見經克復地方小民亟宜復業乃田疇或占於豪
強舊賦或虧於官長困苦情形殊堪矜憫著各督撫慎選牧令加
意拊循流亡有歸業者為之清還田產緩其通租假以籽種俾有
歸農之樂以卹民艱而固邦本○諭昨因英翰百日服滿降旨令
仍回安徽巡撫署任茲據英翰奏稱懇陳下情以伊父葬事尚未
完竣懇懇留京當差等語英翰著賞假兩箇月經理葬事假滿後
東華續錄 同治七十七 三
仍即迅赴安徽巡撫署任以重職守○丁亥諭軍機大臣等傳諭
安徽巡撫吳坤修吳坤修奏皖省捐釐利弊餉項支絀辦理竭蹶
情形裁軍濟餉請飭詢英翰各摺片據稱每月入款約計全皖貨
釐不及三萬兩長淮四成鹽釐一萬餘兩兩淮協餉五千兩鹽課
一萬二千兩撥解軍餉所短甚鉅即動用丁漕亦難挹注等語吳
坤修署理巡撫皖省籌餉事宜是其專責乃僅以所收各款入不
敷出為詞而於餉需如何籌畫各軍如何撥濟未據聲敘若遇事
並不實心籌辦僅將為難情形一奏塞責朝廷又安用此封疆大
吏為耶又據稱擬將防兵裁撤數營勻出月餉增補郭寶昌軍餉
惟畱防之軍英翰又面屬不宜輕撤請飭詢英翰等語居心尤為
巧滑皖中情形英翰固已洞悉吳坤修豈應諉為不知且吳坤修
見在署任並不因時制宜妥籌奏聞轉請飭令久經交卸之英翰

詳審覆奏尤出情理之外著吳坤修將皖省餉項通盤籌畫並謂
防之軍應否裁撤酌定辦法迅速具奏毋再意存取巧致干咎戾
尋奏西征協餉並郭寶昌月餉儘力籌解至畱防之勇此次續裁
後尚存一萬五千餘名見在伏莽仍多未便全撤再容相機辦理
以期妥善報聞○諭金順奏收復綏德州城大略情形派隊剿辦
邊外竄匪請飭撥兵扼紫靖邊各摺片綏德叛勇經南岸清澗劉
厚基一軍由米脂前進收復州城跟蹤追剿擒獲逃匪多名其大
股逆匪已經劉松山剿辦被脅各勇分別收撫所有情形仍著左
宗棠據實具奏其收撫各勇著責成劉松山妥為鈐束毋致再生
事端榆郡池西邊外海流圖河暨波羅堡西南一帶約有竄匪六
七千人並有達拉旗竄來回逆數千金順已派常福等會同劉厚
基所派之兵出邊截剿著即確探賊蹤如有大股東竄之信即行
東華續錄 同治七十七 三
親督各營前往截擊毋任滋蔓此股賊匪係從何處竄至並著查
明具奏歸綏防務未可稍鬆前調神機營等兵業經准其暫停遣
撤仍著定安嚴密布置豫籌防範其宋慶張曜等軍應如何調度
之處著左宗棠妥為籌畫前據穆圖善豐紳謙禧先後奏請飭令
金順前赴花定防剿見在東路既有賊蹤該副都統自應速籌剿
辦一俟軍情稍鬆即行回紮花定以資控扼靖邊一帶亟應派兵
堵剿並著左宗棠酌度辦理甯夏一帶防務仍著豐紳謙禧就見
有兵力認真籌辦並著穆圖善妥籌兼顧將此由六百里諭知左
宗棠穆圖善定安金順豐紳並傳諭謙禧知之○諭崇實吳棠奏
援黔各軍獲勝一摺川省陳希祥一軍援剿貴州上游克復定南
城後招撫七十餘堡收降賊黨三千餘人乘勝蕩平卽岱所屬各
賊巢斬賊其狀下游唐炯懸軍深入疊破苦竹等苗寨提督劉鶴

節復分軍跟蹤掩擊連下重拜等數十寨收復重安要隘各軍同出清平縣城不難卽下惟下游環境皆苗彼眾我寡前本令陳希祥移師下游會同唐炯進剿見在陳希祥辦理上游軍務正在得手黔省兵單若將該軍移赴下游轉致鬆勁著曾璧光飭令陳希祥卽由安順掃蕩直前務將首惡嚴黃各逆悉數殲除肅清上游各境以專責成至下游諸苗必須痛加勦洗陳希祥既不能移師合剿唐大有所部又調赴滇中唐炯兵力過單不敷分布著崇實吳棠檄飭該道增募五營以資厚集仍飭令迅速圖功毋得虛糜餉項劉峴亦當嚴飭楚軍會同川軍早戡黔亂毋稍觀望其上游下游兩路軍情並著曾璧光隨時妥籌兼顧將此由五百里各諭令知之○于甘肅陣亡副都統烏勒西布祭葬世職建祠並入祀昭忠祠○撥吉林黑龍江官兵各二百五十名察哈爾官馬五百匹赴金順軍營○已丑諭麟興酌撥巴里坤滿營經費○庚寅諭軍機大臣等定安等奏察哈爾馬隊擊賊獲勝撥隊迎剿另股賊匪暨查詢磴口失守情形各摺片杭錦旗內盤踞回逆雖經剿滅兩股惟尙有一股逃竄逆首藍倍漳亦未就擒難保不糾黨復來再圖肆擾著定安飭令達爾濟等探蹤截擊務將此股敗匪盡數殲除毋畱餘孽抗錦旗界連磴口尤恐外來匪黨乘間竄入並著飭令達爾濟嚴密防範以顧西路磴口迤東後套纏金一帶既有股匪七八百名該處由後套陸路可以直達歸綏則包頭地方防務實爲喫緊張曜已派王連三等管帶四營移紮包頭迤西黃河對岸烏爾圖那遜亦赴後套纏金一帶進剿卽著定安檄令該員等認真防剿以遏賊氛並知照杜嘎爾嚴防後套聯絡聲勢毋得稍有疏虞磴口失守糧臺餉銀被劫該處係穆圖善儲糧之所關

繫甚重見在賊勢如何究竟失去糧餉若干著穆圖善金順查明具奏甯靈兵力過單勢難撥兵進剿磴口踞賊穆圖善自應迅派隊伍前往剿辦毋任賊勢鴟張至董志原雖經收復賊眾均退踞金積堡老巢左宗棠如何籌畫進兵及近日各路剿賊情形著卽詳細具奏包頭一帶防務緊要張曜見在古城能否親督所部相機援應之處著該大臣酌度辦理將此由六百里各諭令知之○廣廣東合浦縣學額三名○辛卯諭內閣前因山西按察使史念祖於召對時見其年歲甚輕恐於地方事務未能諳練當降旨與直隸按察使張樹聲對調並諭令曾國藩察看茲據曾國藩奏稱直隸刑案積壓極多見與臬司力籌清釐甫有端緒若張樹聲能畱畿輔計一年之內可將積案全清等語曾國藩到任後辦事認真於吏治民風實心整頓力挽敝習自應俯如所請收指臂之助東華續錄 同治七十七 五

張樹聲著准其暫畱直隸按察使以資熟手臬司爲刑名總匯該督奏稱史念祖初入仕途縱有過人才智而欲究諸刑律熟悉地方非數月期年不能所籌亦係實情史念祖年力正強人亦明白若隨同曾國藩講求公事正可藉資歷練史念祖著仍赴直隸將刑名案件悉心學習暫緩接印任事俟張樹聲清理積案完竣後再由曾國藩奏明請旨○諭軍機大臣等金順奏會剿邊外竄匪獲勝並擊退花馬池回匪各摺片賊匪竄至邊外海流圖河馬家梁等處經常福等會合劉厚基所派之兵分路兜擊斃賊三千餘人餘匪向西遠遁惟邊外地勢遼闊匪蹤來去無定且據獲賊供稱另有馬賊數百名繞道向東北竄去究竟竄往何處著定安金順確探賊蹤派兵截剿毋任擾及東路昨據定安奏稱杭錦旗踞匪逃竄一股後套纏金一帶股匪七八百人是否卽係此股匪徒

著定安查明具奏該逆分竄邊外恐有窺伺包頭之意著定安飭令達爾濟烏爾圖那遜等認真防勦力遏賊氛張曜一軍見在古城於邊外地勢賊情自應熟悉著左宗棠飭令相機援應合力截剿毋誤戎機本月初間回匪突襲花馬池城經富勒理等擊退難保不再圖撲犯金順已調洋槍隊及衝勇一營前往助守著即飭令富勒理等加意防範不可稍涉大意將此由五百里各諭令知之○以李慶翱署山西按察使由河東道署○壬辰兵部等部議覆調任兩江總督曾國藩酌改江蘇水師營制事宜一江蘇水師應改爲內洋外海裏河三枝以資控馭一內洋外海營數應以蘇松鎮川沙吳淞二營改歸福山鎮管轄並提督所轄南匯營蘇松鎮中營左營狼山鎮掘港營爲外海六營蘇松鎮右營福山鎮左營狼山鎮右營並新設通州海門二營爲內洋五營一裏河水師應以

東華續錄 同治七十七 五月

原設提標右營太湖左營右營並添設淞北淞南二營爲五營專歸提督管轄一狼山鎮新設通州海門二營應歸江南提督專管並由水師提督兼轄一外海每營撥廣艇二號內洋每營撥三板十二號太湖等營酌撥三板十三號至二十號不等應即興修一續造輪船四號分撥提督及蘇松各鎮協專巡外海內洋一江南設立船廠按年輪修戰船輪船應由上海船塢整理一水師專以管船爲主每船設一官大者設兩官其無船之弁兵一律裁撤一裏河內洋兵糧照長江章程給發外外海較爲辛苦應遞加以示區別一前議設立淮揚水師應行緩辦一太湖七營改爲裏河五營應裁員弁遇有裏河缺出卽行酌補一所裁內河外海及通州海門兩營守備等員分歸兩提督先行序補一蘇松鎮中軍應仍其舊狼山福山裁去中營應以通州營遊擊爲狼山鎮中軍福山

營遊擊爲本鎮中軍各留陸兵百名以備差遣一統計水師俸餉歲需十五萬餘兩兵米雜費四萬餘兩駁算歷年司庫實發銀兩足數支放無庸另議款項以上十四條均應如所請辦理從之○癸巳諭軍機大臣等鄭敦謹奏綏德叛勇安輯河防解嚴並賊匪圖竄包頭張曜等撥兵前進劉典奏叛勇戡定擬回省會勘秋審各摺片綏德叛勇經左宗棠派兵圍剿殲除殆盡晉省永甯沿河一帶防務解嚴鄭敦謹擬將前調之晉右春左中軍三營歸防著卽飭令各回原派防所以期分布周密陝甘回氛尙熾晉防究未可鬆所有沿河防務該署撫卽令署臬司李慶翱接辦以專責成並擇要駐紮聯絡各軍聲勢毋稍疏虞劉典所奏湘軍果營變勇剿撫均已就緒與鄭敦謹奏報情形大略相同陝邊各隘見均安靜劉典著暫行回省將秋審事宜妥爲會勘惟果營逃出叛勇數

東華續錄 同治七十七 五月

十人向逆回老巢遁去湘軍搆叛首逆在逃餘孽亦未淨盡仍著左宗棠等嚴飭劉松山各軍隨時搜捕以絕根株陝省各營營規見在如何整頓嗣後有無變通辦法及湘軍果營起釁詳細情形左宗棠當懷遵疊次諭旨據實具奏董志原踞回旣歸併金積堡老巢見在陝之邠長及中部宜君郿州延安一帶是否肅清甘肅靈州本係逆回麇聚之區東與花馬池及定靖各邑相近出邊卽河套鄂爾多斯旗境沿套迤西而北又可直趨包薩刻下花馬池杭錦及後套鹽金均有賊匪竄及磴口又有匪踞蔓延一片甚屬可虞應如何布置之處著左宗棠相機妥籌該大臣見駐乾州是否扼要能否顧及北路均著酌度隨時奏聞包頭偏近歸綏賊圖竄擾張曜已派兩營赴包頭西岸駐守宋慶亦由神木前進定安務當飭令馬陞及在防文武會同張曜等相機夾擊並晝夜實力

嚴防毋任逆蹤近擾將此由五百里各諭令知之○甲午諭內閣文麟奏已故郡王之福晉捐糧助剿懇恩獎勵等語已故郡王追封親王伯錫爾之福晉邁里巴鈕自哈密軍興以來籌捐兵勇口糧並借回地以備屯田藉資軍食此次投勦西山竄逆復自備資斧遣台吉等隨同官兵征勦約束回部以衛地方洵屬深明大義伯錫爾之福晉邁里巴鈕著加恩封為親王福晉其應得敕封該衙門卽行頒給○諭軍機大臣等文麟奏投勦賊匪情形請將出力各員獎勵各摺片七道溝逆首胡爾板胡里句結吐魯番賊匪圖犯哈密文麟督兵於沙窩子鴨子泉等處投勦疊勝擒獲胡爾板胡里等正法餘匪見已遠遁辦理尙爲得力惟吐魯番逆首蘇布爾蓋既有窺伺哈密之意自應嚴加防範著文麟督飭官兵扼守要隘勤加偵探遇有賊蹤竄近卽行痛加截擊其本地夏回並東華續錄 同治七十七 天

滋擾卽越南境內亦屢受其害自應迅拔根株以清邊圉馮子材已派謝繼貴等四營越境進攻那涯等處逆巢恐兵力尙單著卽添撥勁旅由龍州憑祥繼進力圖掃蕩大兵所至務須約束嚴明不得絲毫擾累是爲至要貴州九阡苗巢久爲粵邊之患孔憲隆四營見紫荔波蘇鳳文已添派潘其泰三營馳往會剿著卽飭令各軍實力進剿迅掃逆氛其古州一帶賊匪並著確探情形次第勦辦將此由四百里各諭令知之○諭李鶴年飭宋慶仍駐陝甘勦賊○已亥諭內閣朕奉 慈安皇太后 慈禧皇太后懿旨本日據倭仁奏大婚禮宜崇儉以光聖德一摺皇帝大婚禮儀前曾諭令各該衙門先期敬謹豫備又恐應辦事宜或致踵事增華稍涉糜費特派恭親王寶鋆會同各該衙門堂官詳稽典章以杜奢靡而示限制皇帝大婚禮儀攸關自不能不籌款辦理惟見在民生未裕軍務未平物力艱難正宜倍加愛惜前據該王大臣等奏稱乾清門外一切工程浩大業經諭令概行停止宮內止令稍加修葺以示撙節倭仁所奏與朝廷愛民節用之心正相脗合著該王大臣及總管內務府大臣並承辦各衙門於一切應辦事宜凡有可以節省之處隨時會商奏明請旨酌量減裁並力杜中飽用副敦崇節儉至意○飭催各省迅解京餉○辛丑諭軍機大臣等穆圖善奏各軍勦匪獲勝見仍相機進取並查明高臺潰勇情形各摺片河州三甲集踞匪負隅日久經副都統善山保等分路進攻該逆膽敢迎拒其東西兩梁之賊勢尤兇悍提督王得勝等乘勝追擊直抵三甲集堡邊洮河邊賊亦經黃金山等擊敗此次各軍會同進剿尙爲得手卽著穆圖善檄飭善山保等各軍所部趁此天氣融和迅圖掃蕩並將大東鄉一路相機進取以竟全功

高臺勇丁潰變該署督所聞雖覈與成祿原咨情形相異惟副將黃應斗所招勇內究竟有無仁字軍脫逃游勇及駐高勇丁因何譁潰之處仍著該署督詳查懲辦毋稍含混前據文麟奏稱首逆索渙漳投誠各節當經諭令成祿即行出關該提督計已啟程著即剋期前進並將所部勇丁分別汰留嚴行約束毋任沿途滋事索渙漳等是否真心歸順該提督即會同文麟等派員妥辦不可輕率議撫致貽後患將此由五百里各諭令知之○調吉林黑龍江馬隊各一千名赴甘肅助剿○飭四川撥銀三萬兩解甘肅採買籽種○予甘肅陣亡州判劉習之等祭葬世職○壬寅以孟夏時享 太廟 上前期親詣行禮○諭內閣前因都察院奏編修朱福基等呈稱前任廣西巡撫鄒鳴鶴在江甯殉難與御史朱鎮所奏情形迥殊當諭令馬新貽丁日昌查明具奏茲據奏稱徧訪東華續錄 同治七十七 无

當時在城紳耆僉稱鄒鳴鶴協同防守事有條理及城垂破誓以身殉旋因罵賊不屈被戕並無避匿民居之說朱鎮所奏係屬傳聞之誤仍請優卹予諡等語朝廷褒忠之典綱紀攸關鄒鳴鶴殉難情形既據訪查確實著仍照曾國藩原請照巡撫例從優議卹予諡以彰忠烈御史原許風聞言事惟事關人之名節亦豈得冒昧瀆陳茲朱鎮於鄒鳴鶴死事情形並未詳查經曾國藩察訪明確奏准賜卹予諡後輒以傳聞無據之詞遽請撤銷實屬不勝言官之任朱鎮著回原衙門行走以示薄懲○諭軍機大臣等本日據周達武奏川省邊防緊要未便以重兵久駐夷地補擬善後八條開單呈覽等語四川越嶲等處夷地見經官軍戡定亟須地方文武各官妥籌善後認真經理方能夷漢相安該提督所陳慎選文武及善後八條著崇實吳棠悉心會商妥為辦理原片單均著

鈔給閱看將此由四百里各諭令知之○是月豁免兩淮富安等十四場舊欠竈課蠲緩廣西新甯等三十一州縣被擾額賦

東華續錄

同治七十八

王先謙敬編

張式蒸恭校

夏四月癸卯湖諭軍機大臣等劉嶽昭奏整軍相機進剿請飭各省迅解欠餉一摺滇省自尋甸兵潰後匪勢猖獗楊林又復被圍劉嶽昭派令副將何秀林等前往援應旋以眾寡不敵失陷營盤劉嶽昭之兵一蹶竟不復振實屬不能得力著該督振刷精神認真整頓以肅軍律省城根本重地逼近賊氛岑毓英獨力難支情形甚為喫緊該督見與岑毓英商定嚴守曲靖以通餉道而固省城後路仍須隨時妥為策應不得株守一隅總兵謝景春全祖凱等已分扼霑益東川等處各路要隘雖均有兵守禦惟賊蹤飄忽劉嶽昭等仍當檄令各員嚴密防守毋令有隙可乘一面相度機

東華續錄

同治七十八

一

宜跟蹤進剿毋任蔓延並催令唐友耕等軍由東川進攻尋甸之北四面兜剿以期一鼓殲除至滇省餉需異常支絀浙江江西湖南廣西山西四川廣東歷年應解滇餉積欠甚多著瑞麟吳棠鄭敦謹李瀚章劉坤一劉崐李福泰蘇鳳文文輝各將該省欠解滇餉於三箇月內全數起解赴滇以顧大局此項餉銀到時著劉嶽昭岑毓英均勻撥用以資飽騰將此由五百里諭知瑞麟吳棠劉嶽昭鄭敦謹李瀚章劉坤一劉崐李福泰蘇鳳文岑毓英並傳諭文輝知之○廣湖南未陽縣學額一名○予浙江陣亡道員繆梓祭葬世職建祠並雲南陣亡副將饒漢卿等祭葬世職○甲辰上詣 大高殿祈雨○乙巳諭內閣福濟錫綸奏大員遇事推諉辦理諸多掣肘據實直陳請旨遵行一摺前因杜爾伯特旗未能安插厄魯特人眾諭令烏里雅蘇台將軍麟興於喀爾喀四愛曼

內分置乃該將軍奏稱喀爾喀並無隙地咨明福濟等另行酌議朝廷已疑其畏難不辦復諭令安商安插茲據福濟等奏稱喀爾喀幅員較廣可以分安麟興並未向各盟勸導率行推諉且所奏各情前後自相矛盾該將軍身膺重寄於安插厄魯特一事關繫北路大局乃堅執己見藉詞搪塞實屬居心巧滑溺職孤恩麟興著革去烏里雅蘇台將軍及鑲紅旗蒙古都統加恩仍留公爵回旗當差以示懲儆○諭軍機大臣等福濟錫綸奏大員遇事推諉及請毋庸截留餉銀並查明分界內無塔城管轄之地各摺片麟興久在北路因其情形尚為熟諳令膺將軍重寄乃於安插厄魯特一事種種推諉取巧不顧大局實屬孤恩溺職殊堪痛恨見在將軍一缺既簡放福濟該將軍受茲異數當思北路安危所繫於安插人眾等事實心經理以副委任前據麟興等請酌留布倫托

東華續錄

同治七十八

二

海餉銀四五萬兩原以備巴里坤哈密調兵安臺之費見在防兵既已停止調往而安插索倫諸費又由布倫托海經理所有前請酌留布城餉銀即著福濟榮全錦丕勒多爾濟知照錫綸停止以歸實用瑪呢圖噶爾幹卡倫既在科布多地界並著奎昌明瑞悉心經理毋稍推諉將此由五百里各諭令知之○丁未子陝西陣亡翰林院編修王鳳翔建祠○戊申湖南官軍復貴州清江廳城賞提督榮維善等珍物子陣亡副將黃時貴等祭葬世職○己酉左宗棠劉典奏提督高連陞軍變被戕經 臣等於三月初一日馳報維時首逆丁玉龍鄔宏勝朱得達等尚未捕獲 臣等嚴飭各營分投躡緝務期罪人斯得旋據前路左營總兵陳光明代理洛川縣知縣喻長銘馳報二月二十六日盤獲首逆鄔宏勝初猶詐稱吳德勝經同時獲案之馬夫陳茂生當面質認確是二月二十

夜倡亂手戕高連陞之鄔宏勝據提督丁賢發報在耀州陸續捕獲首逆朱得遠黃上輔及逆黨熊松貴焦得興田興發唐占龍羅有元楊長福楊廣舒等七犯豫知逆謀之鄧占武等十一犯當經檻送臣典三原行營臣典提訊各犯立即正法以朱得遠黃上輔情節尤重飭解臣宗棠乾州行營彙案審辦三月初六日據陝西提督雷正綰提督周蘭亭報稱三月初二日首逆丁玉龍熊定邦羅興萬李長林及逆黨吳得勝即吳步雲等百餘人竄至長武之窯店雷正綰周蘭亭分途截擊立將丁玉龍等悉數擒獲起解臣宗棠於三月初七十六等日各犯解到時親提研鞫首逆丁玉龍鄔宏勝認係哥老會匪頭目倡首謀變戕害統將不諱比設高連陞黃毓馥賀茂林及同時遇害各員弁之靈臣宗棠親手加刃飭將該五犯磔誅剝心致祭叛弁黃上輔羅興萬吳步雲即吳麻子

東華續錄 同治七十八 三

叛卒汪宏發七十三犯訊皆同豫逆謀到楊店攻同官縣城古泉營壘經官軍擊散折由馬欄鎮出山河鎮擬投回巢適聞回巢已傾折而趨長武窯店始就擒者訊畢概與斬梟據知府劉倬雲總兵張福齋報捕獲叛卒蔡鳳耕等犯亦皆軍前斬決臬示統計高連陞一軍叛弁勇丁除陣斬千三百餘名外捕獲訊決者計一百八十餘名其未變之後營及前營三哨已飭改歸署漢中鎮總兵李輝武統帶丁賢發桂錫楨等所收被脅之勇丁一千五百餘名分爲三營以兩營歸丁賢發統帶以一營歸記名道魏光燾統帶提督周紹濂總兵張福齋所收被脅勇丁六百餘名除補缺額外各編列隊伍安插所部各營中而事已大定所有同時遇害之提督銜湖南補用總兵黃毓馥總兵銜補用副將賀茂林花翎同知銜浙江補用知縣謝生春四川補用副將高英舉守備吳學谷千

東華續錄 同治七八

總余永福把總朱云發從九潘甫一從九張西堂監生方甫臣倉卒遇變遭禍最慘應懇 天恩飭部照原階原資議給卹典並請旨准其附祀高連陞專祠以慰忠魂查異變之起由於左營該營官總兵銜副將楊玉魁駐營米子窯距高連陞楊店老營三十里高連陞查拏會匪丁玉龍丁玉龍逃匿該營遂約該營差弁鄔宏勝哨長熊定邦朱得遠大旗李長林黃上輔遽起爲變寅夜闖入楊店老營戕害統將據該營官供稱二月二十夜叛卒出營時曾向其截阻被傷驗明傷痕屬實訊之首逆鄔宏勝所供亦同然首逆皆出自該營丁玉龍又匿避該營糾約起事該營官縱不豫知逆謀究亦無所逃罪總兵銜副將鄧玉魁駐營宜君縣城於哨長蔣宏高郭見寅李廣全結拜哥老會時漫無覺察與楊玉魁均被叛卒劫赴楊店大營同攻同官縣城經官軍剿敗後始同楊玉魁

東華續錄 同治七十八 四

投營自首厥罪維均管帶中營四哨總哨官補用總兵唐畢賢駐營楊店二十夜之變該總兵不但未能力遏兇鋒救援統將且所管三哨一時均變隨同攻撲同官縣城事敗投臣劉典行營哭訴憂憤訊據生擒叛卒供稱該總兵亦是會內香長是該總兵因迷惑既深意存觀望可知楊玉魁鄧玉魁唐畢賢情罪重大見均押解乾州監禁應請旨一併立正典刑以彰國法總兵銜副將周廷興駐營古泉二十夜五更丁玉龍鄔宏勝率叛勇至古泉脅該營同變該營通逆之弁勇起而內應周廷興立刃數賊忽大股叛勇擁擁而入周廷興立與格鬪右手右耳左膊右腿均受刀矛重傷各叛卒誤謂已斃委之而去所部弁勇俟叛卒既去乃昇置山谷垂絕始蘇赴耀州具稟見因傷重未痊尙留耀州醫治管帶副後營雷甘補用道楊銘濬駐管金鎖關距楊店老營七十餘里二十

一日聞變帶所部過同官邀桂錫棫赴援甫行訶知叛卒來撲即與桂錫棫商同守城兼保糧局因招本營上城致叛卒矛傷左足楊銘濟手刃登城叛卒危城全保亦與有力周廷興楊銘濟兩員於此案情節最輕平日素稱謹樸應否請旨暫行革職仍留營差遣俾昭平允之處伏候 聖裁 上諭內閣前因甘肅提督高連陞軍變被害疊諭左宗棠等詳查究辦茲據該大臣等奏將全案各情審明具奏此案副將鄧玉魁駐營宜君縣城於哨長蔣宏高等結拜哥老會時既無覺察復與副將楊玉魁均被叛卒劫赴大營回攻宜君迨經官軍剿敗始同楊玉魁投營自首補用總兵唐畢賢駐營楊店所管三哨一時同變事前不能救援統將事敗始投劉典軍營並據叛卒所供亦係會內香長見均經逐款訊明押解乾州監禁該犯等情罪重大未便稍事稽誅鄧玉魁楊玉魁唐東華續錄 同治七十八 五

畢賢均著即行正法以伸 國憲副將周廷興道員楊銘濟未能力挫兇鋒本有應得之咎惟或因格鬪受傷或因守城出力情節尙屬可原周廷興楊銘濟均著暫行革職仍留營差遣○左宗棠奏廣東提督劉松山率師由山西永甯州渡河而西設採買糧局於永定州之軍渡留所部中軍三五兩旗及記名提督蕭章開所部右軍後旗勇夫轉軍渡之糧於綏德比埽蕩而西距綏德又遠又畱記名提督易德麟所部前軍後旗記名提督蘇松鎮總兵章合才所部左軍左旗駐紮綏德之糧於周家嶺一帶比抵鎮靖堡復裹糧西期靖邊土匪定邊回匪又飭易德麟率所部前左右三旗駐瓦窯堡轉周家嶺一帶之糧於鎮靖堡以餉前敵各軍兼哺降眾計自軍渡糧局渡河經綏德州周家嶺瓦窯堡以抵鎮靖堡山程往返共一千零八十里各勇夫散布各處絡繹載送其駐

綏德者時需輪替遞運分統之員僅章合才往還監護巡視不常厥居以故游匪竄匿其間潛相煽惑無從察禁此變之所由生也二月十三日游勇勾結綏德州城內外各營起事襲踞州城當變出倉卒時風謠所播人心震駭傳聞異詞不特劉厚基金順據城中逃出士民傳說訛誤頗多即 臣等所據何作霖軍渡來稟及成定康陳瑞芝等所稟情形亦均係游匪叛卒踞城以後謠傳其於游匪叛卒姓名及被脅弁丁固未能指實也茲據劉松山稟二月十七日在洛珠川行營接章合才急報十三日午後由義合鎮糧局察收糧石回州中途突聞游匪滋事州城已被襲踞城內外存管弁勇或被其勾結入夥或被脅入城或乘間逃走其挑糧未歸之弁勇押糧未歸之營哨各官又皆未帶軍械無以制賊東路則折向宋家川西路則竄赴周家嶺形勢倉皇失所依據劉松山得東華續錄 同治七十八 六

報即並蕭章開所部由洛川折由瓦窯堡南趨飭易德麟帶所部會師清澗沿途偵知營務處提督黃萬友所部中軍第六旗聞變時已交總哨帶赴瓦窯堡而何作霖又已將三五兩旗調過東岸知叛卒零星湊集不能抗拒大軍也二十二日馳抵瓦窯堡派提督曹義勝赴綏德察各軍反狀二十三日抵清澗章合才率馬隊三營來會二十四日曹義勝自綏德州飛馬來報城中各營不知統將動靜人心惶惶曹義勝至密告已抵清澗則大喜二十三夜四更乘各遊匪酣卧殺斃百餘名叛卒二十餘名弁勇之被脅者遂乘勢反正縛哥老會首謝永青唐太春方經山胡泰江童嘉隆等五犯解清澗行營成定康所部之在城內者亦隨之俱行二十五日到清澗劉松山提訊謝永青唐太春據供前在湖北軍營當結拜哥老會匪陸續來至綏德旬煇城內外各營勇丁甫數百人

不料被新夥暗算遂致破案訊畢斬之各營哨官什長指出叛卒一百二十七名供認不諱概予斬決在營各哨官參將銜補用遊擊羅忠桂湯惠能補用遊擊王福升補用都司黃忠貴察訊情節較重一併軍前正法劉厚基於二十五日由米脂帶隊馳抵綏德與署綏德州知州陳瑞芝收復城池二十六日進至石嘴驛搜獲逸匪吳得勝楊占魁斬之聞事平仍回米脂郭寶昌行至延川聞事平亦引軍還自會匪句結叛卒起事迄事平甫閱旬日首逆悉數縛誅大局收定臣等見仍嚴飭成定康陳瑞芝劉厚基等察輯游勇會匪務期淨絕以遏亂萌一面咨令劉松山乘軍情安謐之後逐一清釐整頓至綏德軍變與高連陞軍變事起同時論者疑其或有交通情弊則固不然無論綏德去宜君千餘里山谷阻隔聲息難通且高連陞所部名雖楚軍實則朔平廣西江西閩浙粵

東華續錄

同治七十八

七

東髮逆所收降人居多其隸川黔者尤多哥老會蓋哥老會者本川黔舊有嚶嚶匪之別名也昨訊決之首逆丁玉龍朱得達李長林羅興萬黃上輔等皆籍隸貴州四川首逆鄔洪勝熊定邦皆籍隸江西與綏德首要各逆出自湖廣河南者有別雖同一哥老會匪而氣類攸分也劉松山治軍紀律嚴明恩信素著故弁丁聞其還旆清澗卽倒戈相迎而劉松山以此憤積於中義形於色上書臣宗棠懇求奏請從重治罪臣等未敢壅於上聞應否寬免之處出自 鴻慈逾格臣等未敢妄擬此案失察之咎該軍分統及營官哨長均有難辭前署綏德州知州成定康見署綏德州知州陳瑞芝亦有應得之咎容俟察覈明確分別辦理惟綏德宜君兩逆案情罪實有不同宜君楊店之變因拏辦哥老會匪迫而爲亂竟敢謀通回逆撓亂大局戕害主將營官及差官幕友多人攻犯城

東華續錄 同治七八

池情罪重大無以加之綏德則未嘗戕害所管將弁未嘗句通外寇釁端實由游匪句煽而起倡首正犯固罪無可逃被脅各卒情似可恕臣等愚昧之見未知當否 上諭本年二月間陝西綏德州營勇突被游匪句結叛踞州城經提督劉松山率蕭章開等會合總兵章合才所部由瓦窯堡馳抵清澗殺斃游匪百餘名叛卒二十餘名被脅弁勇乘勢反正縛匪首謝泳青唐汰春訊係自湖北句結會匪陸續至綏德煽亂當經處斬其指出敗卒一百二十七名及叛將羅忠貴湯惠能王福升黃忠貴一併正法收復綏德州城池接獲逸匪吳得勝楊占魁斬之軍情大定此案劉松山有統率將弁之責不能先事防範卽予從重治罪亦屬咎有應得姑念該提督平日打仗尙屬奮勉加恩免其治罪著交部議處前署綏德州知州成定康見署綏德州知州陳瑞芝亦有應得之咎均

東華續錄

同治七十八

八

著革職留任失察之營官哨長著左宗棠等查明分別參處此次綏德勇變除倡首之犯務獲正法毋許一名漏網外其餘被脅反正弁勇概免追究以示區別○左宗棠奏官軍追剿回逆蕩平賊巢業經臣等於三月初一日先將大略情形馳報續據各軍收隊回防先後稟報該逆自二月初八日敗遁回巢紛議北徙復聞臣宗棠率師西指各路馬步剋期大舉恟懼益甚遂於十八日集議蕭金鎮併十八營爲四大營以其半護家口輜重先行留崔巍馬正和等率悍黨萬餘伏董志原斷後時出游騎數百由泰昌政平等鎮紛擾涇河兩岸以牽綴官軍維時陝安道黃鼎自邠州率師會固原提督雷正綰於長武記名提督馬德順道員李耀南亦率馬步各軍屯駐靈臺百里西屯鎮一帶均遵臣等前檄儲備十日乾糧伺賊竄動卽銳進追之二十二日探報賊老弱輜重均已離

一四九

巢分向驛馬關三汜河北竄辰刻雷正綰黃鼎率師自長武渡涇
 午後馬德順李耀南亦率馬步各營由靈臺踵至均會師於秦昌
 時精悍賊眾悉伏董志原偽元帥崔巍等率騎千餘扼三不通溝
 溝抗拒是夕各統領會商以賊既萃於三不通則荔家堡西路必
 空虛無備議以雷正綰撥所部總兵陳義步隊六營馬德順派所
 部提督楊世俊馬隊四營由秦昌入荔家堡取蕭金鎮西路以達
 鎮原迎頭截剿餘軍分為四隊以李耀南所統恪靖馬隊為前鋒
 馬德順馬隊繼之雷正綰黃鼎馬隊為左右翼各軍步隊隨後排
 列而進均由三不通一路直搗賊巢會商已定二十三日五鼓各
 軍秣馬蓐食分道進攻辰後行至邱家寨該逆游騎數百瞥見即
 遁各軍風馳電掣直抵三不通時賊騎千餘排列卡外官軍馬隊
 徑前衝撲賊恃險力拒槍礮分注如雨馬隊往來衝擊均為深溝

東華續錄 同治七十八

九

所限卒不得前正相持間適步隊各軍分由左右路踰溝衝上平
 原繞出賊卡之後賊驚駭失措馬隊乘勝衝入槍礮矛刺賊不能
 支紛紛敗竄原上伏賊甫出抵禦又為敗賊牽動相率狂奔官軍
 跟蹤緊追斬殺千餘名復分軍循馬連河而上遂將焦村什社蕭
 金鎮董志鎮一帶賊巢同時踏毀沿途百餘里賊屍枕藉拋棄騾
 馬軍械無算餘賊策騎飛馳悉向西峯鎮北走是夕各軍駐董志
 原二十四日五鼓拔隊跟追辰後抵西峯鎮據擒賊供稱賊前起
 老弱輜重因人馬眾多未能即遁相距不過一日之程其殿後悍
 賊為各軍追逼漏夜奔竄一由驛馬關以出環縣一由蒲河川以
 向三汜河約在黑城子下馬關會齊同竄豫望城半角城金積堡
 一帶維時前派之提督楊世俊總兵陳義兩軍自荔家堡上原出
 西路掃蕩而前沿途斃賊甚眾已將鎮原縣城收復當經各軍統

領會商雷正綰李耀南步隊出蒲河川會合楊世俊陳義馬隊於
 鎮原追剿三汜河一股其竄驛馬關環縣之賊則馬德順黃鼎率
 馬步緊追之午後馳抵驛馬關及賊尾隊各軍爭先馳擊斬落後
 賊十餘名追二十里至黨家腰綫山徑偏仄兩旁溝深數十丈賊
 大隊擁塞急不得脫崔巍馬正和等見勢危急親督悍黨數百人
 阻隘死拒官軍奮威衝殺槍礮矛刺立斃悍賊十餘名回目撥馬
 先逃餘逆紛紛敗竄人馬自相蹂躪墜落坑塹者無算官軍追殺
 五十餘里約其斃賊數千名連夜躡蹤窮追二十五日收復慶陽
 府城二十六日追至蔡家廟沿途斬殺又多餘賊竄過環縣由紅
 德城一路北走各軍追之不及遂於二十七日收回董志原其雷
 正綰李耀南兩軍於二十四日由西峯鎮出蒲河川二十五日會
 楊世俊陳義之師於鎮原各追至孟壩寺截殺尾賊數百名復追

東華續錄 同治七十八

十

拒各軍馬隊徑前衝撲步隊從旁排列而進槍矛迭施賊不能支
 四散奔竄拋棄騾馬輜重填塞道途落後之賊悉被斬獲官軍躡
 追八十餘里至白馬鋪斬賊千計二十六日追至洪河川賊去已
 遠軍中裹糧將罄遂亦收隊回蕭金鎮二十九三十等日各軍以
 次均回原防統計是役殺斃餓斃之賊及墜崖而死者實不止二
 三萬人騾馬之倒斃餓斃及被各軍奪獲者約二萬餘匹拔出難
 民萬餘拾獲軍械無數慶涇各屬一律肅清竊維董志原地居秦
 隴要膺本唐之涇原宋之環慶故地昔時設立重鎮以精兵宿將
 駐之藉以控制遐荒撫綏雜虜形勢之重自古已然陝回竊踞以
 來遠近城邑寨堡慘遭殺掠民靡孑遺平慶涇固之閒千里荒蕪
 彌望白骨黃茅炊煙斷絕被禍之慘實為天下所無此次乘其竄

動急迫猛勦積年蟻穴按蕩一空賊之精騎悍黨銷亡殆半機局本有可乘惟師行所至井邑俱荒水涸草枯賊因此而多所喪亡官軍亦因此而艱於追逐又其時適值內變紛乘北路官軍因內顧不遑未克橫衝側擊共赴師期一收聚殲之效是則臣等所耿耿不能自釋者也見詞該逆由環縣固原兩路竄至下馬關復由下馬關分竄蕭河城豫望城半角城金積堡一帶賊情渙散不但陝回與甘回因剽掠而肇衅生端即陝回之向分東彌西彌者亦因喪敗而各懷怨恨陝甘回患庶有止息之期此時所最急者宜乘時耕墾擇要興屯以活遺黎而弭飢寒之迫以儲軍食而銷譁變之萌庶內政既修軍民漸有固志乃可徐圖進取斷不宜苟目前旦夕之效求速反遲又蹈從前覆轍也其目前兵事所宜急籌者如駐軍董志原扼秦隴兩省關鍵駐軍秦州通蘭州一綫餉道東華續錄 同治七十八 十一

駐軍正甯甯州之間為進慶陽之謀駐軍涇州為通平固之漸皆主固秦以規隴自東徂西者形勢之自然由近及遠者行軍之次第既不敢濡滯而坐失機宜亦不敢造次而貽譏壯往一切規畫皆於無可設法中竭蹶圖之事同枵腹始艱阻萬狀臣等惟有虛衷商榷殫誠盡瘁以求下紓民難上慰慈懷其有濟與否則固未能逆計也至此次各軍將士徑擣積年老巢轉戰數百里不遺餘力洵屬著有微勞應請先予獎敘以酬勞勩 上諭軍機大臣等董志原地居秦隴要衝久為回逆老巢經官軍此次痛勦克復慶涇各屬一律肅清該逆由環縣固原兩路北竄下馬關等處左宗棠等因襄糧將盡仍令各軍回駐原防擬擇要興屯徐圖進取固屬老成持重第當此得勝之餘軍威大振回情渙散甘肅各匪經此懲創自必大為震懾若能乘勢進勦必當事半功倍儻遲遲進取

恐回逆結謀抗拒轉形費力著左宗棠將糧餉等事與劉典妥商後即行西征隴回並馳至涇州接受總督關防擇要駐紮居中調度以期秦隴兩省得以兼顧至延安一帶地方是否安謐扈彰有無反側董福祥是否歸降與辦兵屯應如何經畫左宗棠籌定後即可交劉典經理免致失此機會穆圖善於左宗棠未到甘肅以前仍當將金積堡等處竄回盡力堵剿毋令軼出邊外勢成蔓延左宗棠另摺奏查明劉松山及高連陞兩軍變亂情形均已明降諭旨將劉松山等分別議處革留及副將楊玉魁等正法其未獲之蔣宏高石文科仍著左宗棠等隨時嚴拏毋任漏網見在高連陞所部陣斬及擒獲正法者人數甚多未變各營改派李輝武等統帶尚屬妥協著即飭該統領等妥為鈐束不可稍涉大意致生事端將此由六百里各諭令知之○予甘肅被戕總兵官黃毓馥等祭葬世職○辛亥詔問刑各衙門清釐積案○癸丑 上詣大高殿祈雨○乙卯諭軍機大臣等金順奏回逆趨重北路見籌進剿一摺回匪盤踞磴口烏喇特等處蔓及纏金日漸東趨董志原回逆數千又擾及定邊地西大水坑一帶旋復他竄騎賊由橫城附近出邊者絡繹不絕後套情形甚為喫緊該處地土沃饒為甘軍糧源所出若被該匪竄踞關繫非輕金順見已派副都統常福先赴達拉旗探剿即擬親率各營進規烏喇磴口所籌甚是著即迅速前進向賊匪趨重之處迎頭痛剿截其東竄疏通甘軍糧路兼為甯郡聲援邊外地方遼闊若賊匪分股肆擾必須分兵兜擊金順所部十餘營尚嫌單薄張曜赴陝剿賊甚為奮勉見駐古城相距較近著金順知照該提督移營西進藉為後路策應其古城一帶亦須有兵填紮並著金順知照宋慶即率各營擇要扼堵

仍聯絡劉厚基等軍以壯聲威張曜宋慶等軍剋日進取需餉接濟著鄭敦謹速為籌畫毋誤師行董志原賊匪既經北竄陝西路情形較鬆而北路賊勢日肆蔓延左宗棠豈可膜視著即派撥勁旅馳赴北路相機進剿以期早殄逆氛歸綏等處防務著定安懷遵疊次諭旨認真籌辦以杜窺伺將此由六百里各諭令知之

○戊午諭軍機大臣等穆圖善奏陝回竄擾南路撤回駐狄各軍以保完善請飭金順兼顧山陝西北邊界並餉需為難情形及出差官弁被地方官殺斃多命各摺片陝回竄擾秦州等處勢極猖獗雖經善山保等奮力衝擊立解秦州之圍而糧運不繼譁潰堪虞穆圖善見飭駐紮狄道各軍移紮鞏昌並於甯遠伏羌二縣要隘分營扼守合期南路股匪疏通運道尚係為事勢所迫不得不斟酌緩急處以權宜所請交部議處之處著加恩寬免左宗棠聞

東華續錄 同治七十八 十三

清水民團之變出示曉諭許以請帑賑撫禁革差徭固係為恤民起見惟穆圖善處餉源窮乏之地力為其難左宗棠總當恪遵疊次諭旨將各省解到餉銀均勻分撥不得以空言見好於民致甘省軍務辦理愈形棘手前已有旨令左宗棠馳至涇州接受總督關防見在甘省南路軍情緊急著即懷遵前旨迅赴涇州接印任事規賊所向認真勦辦毋稍延緩金順見已進規烏喇磴口未必即能分兵花定甯夏一帶防務穆圖善當隨時與金順咨商相機布置穆圖善所派赴楚製辦軍裝之遊擊周欽輝等行至榆林被該處地方官殺戮殆盡穆圖善以該道所稟情節支離飭令切實根究一年有餘尚未稟覆顯有事前枉殺事後粉飾情形著劉典提集人證嚴訊確情務令水落石出毋稍瞻徇原摺著鈔給劉典閱看穆圖善另片奏拏辦潰勇情形並派員赴川募勇等語成祿

黃有才勇丁東潰雖經分別安插懲辦該營官未能妥為防範咎有應得副將屈國香著即行革職撤去管帶仍留營效力贖罪儻再不知愧奮即行從嚴參辦勇丁相率潰變此風萬不可長必須嚴加整頓以肅軍律著穆圖善嚴飭楊占鼇黃有才等各將其餘部眾妥為鈴束毋令滋事效尤此起潰勇已抵涼州願入穆圖善軍營隨剿該署督仍當體察情形不可草率錄用至所稱甘勇多不得力而就地招募後患尤多擬派員赴川募勇六營赴甘助剿所籌尚是惟當嚴飭該員等揀選精壯訓練成軍俾知紀律沿途尤宜嚴加約束毋令滋擾地方將此由六百里各諭令知之○己未四川官軍克復貴州清平縣城賞道員唐炯提督劉鶴齡珍物提督陳希祥三代一品封典○庚申諭內閣表揚忠節係地方應辦之事著各直省督撫查明賊擾地方有臨危授命者隨時奏請

東華續錄 同治七十八 十四

旌卹但不得稍涉冒濫○諭軍機大臣等李鴻章奏提督劉銘傳患病未痊懇請開缺已明降諭旨准其開缺調理矣惟該提督所部各營前經曾國藩奏明作為畿輔護衛之師見在劉銘傳既經開缺劉盛藻接統是否勝任或須另派妥員接管並應否遣留之處著曾國藩悉心察度隨時奏明辦理李鴻章原摺著鈔給閱看將此諭令知之尋奏遵查劉盛藻廉明精細將士翕服接統劉銘傳所部堪以勝任報聞○李宗燾以病免以劉齊銜為河南布政使由浙江按察使遷○林之望以病免以崇保為甘肅布政使由西甯道遷○辛酉諭內閣鄭敦謹奏請將出力之已革大員免其發遣等語已革山西按察使陳湜前因辦理河防未能堵禦以致逆匪竄越當經降旨革職並發往新疆效力嗣因鄭敦謹奏請暫留山西辦理防務茲據該署撫奏稱陳湜自留防一年有餘實心實力辦理俱

有成效請加恩免其發遣各等語陳湜著准其暫免發遣帶勇前赴左宗棠軍營戴罪立功以觀後效○諭軍機大臣等陳湜自抵山西後辦理河防增兵益餉朝廷無不立允乃於捻匪搶渡之日竟敢在省遷延其咎甚重迨褫職後辦理防務雖有微勞但並無戰績可稱足以自贖豈能遽行施恩惟該革員在軍營有年廢棄可惜著鄭敦謹即飭陳湜統帶所部楚勇馳赴左宗棠軍營隨同剿賊儻能奮勉立功著有奇績即由左宗棠奏請施恩至陳湜赴陝以後山西兵勇較少應如何布置李慶朝能否得力著鄭敦謹妥籌經理毋得稍有疏懈致負委任將此由四百里各諭令知之○以興奎為浙江按察使由山西歸綏道遷○王成諭軍機大臣等定安等奏截剿黃河兩岸竄匪情形並請飭張曜赴磴口剿賊各摺片磴口賊匪紛竄後套一帶黃河東西兩岸均有賊蹤肆擾經烏爾

東華續錄

同治七十八

五

各諭令知之○癸亥以慶陞為內閣學士由太常寺卿遷○甲子 上詣大高殿祈雨○諭軍機大臣等文麟景廉奏關外軍務喫緊請停撥援兵暨道員呈請回籍據情代奏各摺片前因福濟等奏布倫托海叛賊滋擾請調援兵當諭文麟等抽調兵勇迅速赴援嗣據麟興等奏哈密兵勇來往不易復諭福濟等咨明文麟將前調兵勇暫為停撥茲據該大臣等奏稱所部各營除分撥防護及防守各城外兩路僅十餘營兵力已形單薄而哈密刻下軍務又屬緊急請停止撥兵等語所奏自係實情見在布倫托海地方賊勢稍鬆索倫人眾亦已踵至所有前調之哈密援兵著毋庸調往吐魯番等處回情及惠回堡花海子沙棗園子一帶防務仍著文麟景廉隨時偵探並督飭兵勇實力嚴防毋得稍涉疏懈調署鎮迪道黎獻著准其回籍守制惟鎮迪道係催運哈密後路糧務不可

東華續錄

同治七十八

六

圖那遜馬陞等在哈木爾和碩及薩拉素地方分投進剿斃賊多名餘匪向西南敗遁惟二圪旦灣富家補隆一帶尚有賊匪盤踞難保不乘隙東犯著定安飭令烏爾圖那遜等趕緊探蹤追剿迅殄逆氛所有此次出力官兵准其擇尤彙保毋許冒濫前因磴口情形緊急諭令金順由烏喇一帶進圖規復並令張曜一軍移營西進為後路聲援定安此次所請令張曜前赴磴口進剿自係向未接奉前旨著定安懷遵前旨即飭張曜迅速拔營前進會同金順相機剿辦其宋慶一軍並著遵照前旨填紮古城以資扼堵張曜宋慶兩軍距左宗棠軍營較遠所有該二軍應行進止之處即著定安就近調遣以期迅赴戎機金順見在行抵何處著即調度情形與張曜一軍聯絡進剿力遏賊匪東竄毋任蔓延張曜宋慶兩軍應需糧餉仍著鄭敦謹速為接濟俾利師行將此由六百里

軍機大臣等岑毓英奏堵剿省東竄匪獲勝攻克洛紅甸等處一摺尋甸嵩明賊匪攻撲楊林官軍退守宜良北屯該逆旋撲大板橋各營分股擾竄省東十里鋪等處疊經官軍堵剿俘馘千計省城糧路尚無阻滯惟該逆並未遠遁且恐與江右館之賊暗通消息亟應相機進剿斷賊聲援著岑毓英飭令楊國發等由邑市等處進兵節節掃蕩規復楊林該逆既踞楊林其尋甸老巢當有可乘之機劉嶽昭豈得株守曲靖一籌莫展著即迅速進兵與省城官軍東西夾擊務將嵩尋兩城力圖克復迅掃逆氛其洛紅甸豆

溫鄉等處匪經蔡標等攻克廣西師宗境內肅清辦向屬奮勉仍著飭令迅掃餘匪以靖地方逆首馬福欒雖經殲除謝洪尚無下落並著認真搜捕出力員弁兵勇准其查明存記彙案請獎此次楊林首先失營之都司楊桐千總胡興邦均著革職留營效力贖罪儻再不知愧奮即在軍前正法毋稍姑容副將何秀林督率無方咎無可辭著交部議處仍責令帶兵剿賊以觀後效岑毓英另片奏署提督馬如龍傷疾較重懇請給假等語馬如龍著賞假一箇月起緊調理毋庸開缺將此由六百里各諭令知之○已諭軍機大臣等瑞麟等奏勦辦高明等處客匪完竣見飭進剿長沙踞匪一摺廣東鶴山客民糾黨竄入高明縣境經總兵鄭紹忠先將高明客匪勦平移紮鶴山分別勦撫並經該督等派員將客眾按名酌給川資分遣雷廉等府地方妥為安插該客民自應

東華續錄 同治七十八 七

知感知懼不敢復出為匪惟粵東土客宿隙未除難保不再構釁應如何設法辦理之處著瑞麟李福泰督飭道員齊世熙悉心經理務使日久相安永杜後患新安東莞等處土匪竄踞赤溪同知所屬之長沙地方該處環山臨海匪徒膽敢負隅著該督等即飭鄭紹忠親統兵勇相機進剿所有勦辦客匪出力各員弁准俟長沙剿匪事竣彙案擇尤奏請獎勵將此由五百里各諭令知之○予廣東殉難知縣冒芬建祠○辛未諭曾國藩整頓長蘆鹽務○廣直隸成安縣學額一名安徽鳳陽八名涇縣四名順天大興江蘇婁湖北蒲圻陝西咸陽各一名○是月豁免山東東昌府屬各州縣衛同治六年前舊欠額賦

五月壬申朔以神靈顯應加山西孟縣晉卿趙武祠封號曰翊化○癸酉兩江總督馬新貽等奏長江水師續議事宜一江西議裁

之九江水師營擬改為九江城守營並專設大孤山湖口縣彭澤縣蕭家嶺各陸汛酌留守備一員把總三員外委額外各二員兵丁二百名議裁之鄱湖營擬改設康山瑞洪二陸汛酌留把總外委各一員兵丁四十名一湖南議裁之洞庭水師營擬改為龍陽城守營酌留守備外委各一員把總二員兵丁一百六十名議裁之岳州水師營仍酌留水師兵丁七十八名歸陸路城守營轄一湖北議裁之漢陽營水師千總應請無庸裁撤惟將新隄把總移紮黃陵磯酌留兵丁十名議裁之荊州水師營酌留守備一員兵丁九十二名下部議從之○甲戌 上詣 大高殿祈雨○諭內閣前據李鴻章奏遵查湖南布政使李榕參款大概情形當降旨將李榕暫行革職諭令李鴻章劉峴逐款確查茲據該督等查明具奏此案李榕被參各款或查無確據或事出有因惟任用優伶

東華續錄 同治七十八 六

琴喜致年始終受其蒙蔽經劉峴面諭驅逐始令出署又將業經禁革之件任意批准並於屬員妄定陋規罰錢不報等案漫無覺察其辦理米捐雖無偏斃人命情事而濫委官紳租捐畸重以致不協輿情均屬咎有應得李榕著即革職以示懲儆劉峴既查明李榕任用優人即應據實參奏乃僅令驅逐亦有不合劉峴著交部議處至米捐一項借資民力自應加意體恤該督等已將各屬省委各紳概行撤回暨捐有成數之各州縣委員飭令銷差俾免煩擾其尚未辦竣各屬仍當體察情形飭令妥為經理不許苛累閩閩○允李鴻章奏採買洋銅以資鼓鑄○以王文韶為湖南布政使張建基為湖北按察使由刑宜 施道遷○丙子諭軍機大臣等穆圖善奏陝回分股竄甘請仍飭金順回駐花定並回匪偏近中衛董志原踞逆紛擾情形暨請將擅殺之總兵暫行革職各摺片據稱

花馬池地方突有大股馬步賊匪爬城經富勒琿等擊退董志原逆匪復竄至中衛縣屬之甯安堡上橋卡將殷家寨等處及河南馬灘攻破並分股渡河逼近城垣其平番縣屬之牛站連城一帶又有西甯撤回圍攻堡城省城附近亦有賊蹤請飭金順迅回花定保護甯靈等語陝回分竄甘境穆圖善所部各軍分布西南於北路勢難兼顧自係實情蘭州為根本重地關繫尤重仍著該署督就見有兵勇妥籌防守定邊花馬池為甘省要害之區固不可無得力兵勇扼賊匪紛竄之路第磴口界接晉疆金順前奏親統各營由達拉節勒而西以期先復磴口此時自未便撤回即著該副都統懷遵疊次諭旨斟酌辦理張曜統師西進為金順後路接應宋慶進紮古城榆林防守無人左宗棠等或即於劉松山郭寶昌各軍中抽撥一軍填紮榆林以資鎮撫董志原逆股前據左宗棠等奏稱竄回金積堡茲覽穆圖善所陳是該逆分三路奔竄條東俟西迄無定所著左宗棠嚴飭各路將弁確探賊蹤迅圖剿辦不得以回氛距陝較遠置之不顧並著將賊情隨時知照穆圖善該大臣久無奏報刻下陝境有無賊匪該大臣駐紮何處陝甘北路如何嚴密布置及回逆由董志原分竄後應由何路撥兵跟蹤截剿均著隨時奏聞其甯靈已撫回眾仍著穆圖善飭令胡昌會率同馬朝清妥為鈐束毋令滋生事端連城圍既解西路撤回即著嚴飭張萬美就近兼顧並飭黃金山將涼州南山游匪搜捕即由涼州繞赴中衛堵擊北路竄匪以杜紛擾記名總兵陳懷仁臨陣規避並有剋扣勇餉等情本屬罪所難宥黃金山於查明後即將該員正法尚無錯誤惟未稟請穆圖善批示亦有不合黃金山著暫行革職畱任以示薄懲該總兵平日打仗尚稱得力見當

東華續錄

同治七十八

九

東華續錄 同治七八

軍營用人之際如果續有戰績仍可仰邀恩施將此由六百里各諭令知之○子甘肅傷亡副將曾天寶祭葬世職○庚辰諭軍機大臣等劉岷奏援軍克復施秉蕩平各寨進規黃平新州遇伏失利見在固守鎮施兩城再籌進取一摺楚軍既克施秉復乘勝掃蕩白洗各苗寨乃因黃飄險要黃潤昌等分隊進攻逆首包大肚糾集悍黨數萬先伏山谷待我軍入險突起阻截以致黃潤昌等血戰捐軀喪我良將披覽劉岷所奏各情曷勝悼惜見在席寶田等固守鎮施兩城雖大局尚無妨礙而逆賊猖獗至此敵愾同仇諒各營倍深忠憤即著劉岷飭令席寶田激勵諸將力振軍威斷不可因一挫之後稍形頹喪必當設法規取將包大肚首夥各匪悉數掃蕩以快人心其各營更換病卒及陣亡缺額各勇並著劉岷飭令迅速募足以資進剿將此由六百里諭令知之○予貴州東華續錄

東華續錄

同治七十八

十

陣亡按察使黃潤昌祭葬世職如巡撫例諡忠壯道員鄧子垣祭葬世職如布政使例諡壯毅提督劉長槐祭葬世職加等諡果壯均於死事地方暨原籍建祠知府羅萱等十九員祭葬世職加等○辛巳諭內閣見在部庫款項支絀除應放正項並緊要工程照常支放外其餘各項工程及一切雜款均暫緩發給○以庫款支絀停止各省籌銅解錢○壬午諭軍機大臣等岑毓英奏賊匪襲踞澂江府城一摺澂江回匪上年業經投誠乃復勾結嵩尋逆匪由楊林繞越山路襲踞府城見在附省賊壘既未攻拔尋甸之賊又分竄長坡小偏橋等處館驛瘦弓竹園各回寨復與澂江相聯勢必勾合上竄省城愈形喫重岑毓英雖已令馬忠等扼守歸化等處但恐兵力單弱難資捍禦著該撫迅即督飭將士先將小偏橋等處股匪剋期掃蕩再行酌量情形分兵援剿尋甸踞匪既經

一五五

頃巢窺出曲靖防務較鬆著劉嶽昭移緩就急卽行帶兵進紫宜
 良遙爲省城聲援俾糧道不至梗阻毋得株守一隅遷延不進致
 誤大局唐友耕所部川軍已抵大關著劉嶽昭岑毓英催令星速
 適行由東川一帶相機援剿毋稍延緩將此由六百里各諭令知
 之 以回逆陷澂江府城岑毓英下部議處予陣亡遊擊崔萬象
 等祭葬世職○甲申諭軍機大臣等定安等奏官兵截剿河西股
 匪大獲勝仗並防該匪東竄各摺片回匪竄踞磴口分作兩股一
 乘船東下見泊纏金河口一竄近阿拉善旗烏蘭木頭另股於四
 月初間竄入杭錦旗屬經定安等派兵會同蒙兵截剿該逆拌命
 抵敵官兵從後鈔襲賊勢不支一齊敗退追殺五六十里擒斬甚
 多著定安等仍咨會杜嘎爾分飭達爾濟扎那格爾第等督率所
 部隨時防剿務將蕭海兩逆設法兜擒杭錦敗匪殄除淨盡其經

東華續錄 同治七十八

王

金河口水路回匪與竄近烏蘭木頭陸路回匪勢甚猖獗並著定
 安等迅飭成山烏爾圖那遜分途進剿以防東竄磴口路通晉疆
 若該匪自纏金東下黃河兩岸綿長數百里防不勝防前諭金順
 由達拉節勒而西張曜爲金順後路接應著該署將軍卽率同張
 曜趕緊拔隊由西山背進兵沿河截剿一面迅將磴口攻復毋任
 該匪東擾張曜帶勇前進古城一帶空虛著金順仍遵前旨知照
 宋慶迅赴古城並相度情形與張曜暨達爾濟扎那格爾第各營
 聯絡聲勢以壯軍威金順行抵何處見在剿辦情形若何前奏渡
 河徑赴達拉進剿達拉是否卽達拉或旗該處距纏金磴口遠近
 如何一面迅速具奏鄭敦謹亦當飛飭防河員弁嚴密戒備杜賊
 伺隙竄擾左宗棠何以日久未有奏報該逆歸併金積堡後分踞
 磴口應如何撥兵截剿免賊東竄又金順張曜宋慶陸續前進花

靖一帶是否有兵扼紫榆林劉厚基兵勇是否足敷分布何以均
 未籌及著該大臣等統籌全局嚴飭各路將弁迅圖剿辦並確探
 賊情隨時馳奏將此由六百里各諭令知之○乙酉貴州巡撫曾
 璧光奏提督張文德進規八寨獲勝得旨著曾璧光咨商張文德
 統帶所部聯絡川楚各軍節節掃蕩迅將八寨攻克毋稍延緩○
 丙戌 上詣 大高殿祈雨○諭內閣蘇鳳文奏遵查藩司未能
 勝任據實覆奏等語藩司事務繁多責任綦重茲既據該撫奏稱
 江忠潛人尙明白惟才具未優精神亦難周到不能措置裕如廣
 西布政使江忠潛著開缺來京另候簡用○廣西巡撫蘇鳳文奏
 軍務未竣請緩陛見得旨著俟太平稍鬆卽行來見惟該撫前既
 奉有來京陛見之旨見雖軍務喫緊亦應請旨遵行乃擅自奏緩
 殊屬非是著傳旨申飭○丁亥以康國器爲廣西布政使潘爵爲

東華續錄 同治七十八

王

福建按察使 由山東鹽運使遷 ○己丑諭軍機大臣等景廉奏密陳關外
 軍務情形一摺所稱回酋索煥漳遣人乞撫多不可恃各情朝廷
 早已籌及業經諭知文麟等妥慎辦理仍著文麟景廉懍遵前旨
 會同成祿悉心籌辦萬不可將就目前墮其奸計關外情形孔棘
 文麟景廉所部止數千人成祿見究行抵何處著卽剋期出關與
 文麟等聯絡聲勢相機剿辦如再藉詞遷延是該提督自干罪戾
 景廉亦當迅赴哈密會商防務不得任意逗留至所稱肅州見已
 收復能否將甘涼肅三屬應解肅軍之糧移作出關兵食或提用
 正糧或設法捐辦多派車駝運送並於西安玉門兩城內酌設糧
 臺派員轉運各節著左宗棠穆圖善彼此熟商應如何源源接濟
 俾關外諸軍弗形困乏之處卽行妥籌具奏前有旨令左宗棠前
 赴涇州接受督篆久未接該大臣奏報諒已部署起程刻下陝省

軍務已鬆即著遵奉前諭率旅西行將甘事妥籌辦理以靖邊陲將此由六百里各諭令知之○辛卯諭軍機大臣等有人奏四川總督吳棠荒謬貪污物議沸騰等語據稱吳棠眷屬抵川時需用夫轎甚多到任後收受屬員規禮不下十餘萬金其餘賣缺賣差甚至索及夷人並因需索不遂將提督胡中和駐防一軍解散而以所帶副將張祖雲另募之勇為邊防名為節省實則過之用以調劑私人又數月以來雲南巡撫岑毓英差官入川計七八次每次必有餽遺為數甚鉅貪謬情形不一而足案關大員婪贓並邊防要務亟應徹底根究著李鴻章馳驛前往川省按照原參各款秉公確查據實具奏該督與吳棠雖係同鄉不准稍有徇隱原片著摘鈔閱看將此由四百里密諭知之○諭定安等奏截剿竄匪獲勝並布置張曜等軍各摺片回逆由石背子地方分股竄擾一

東華續錄

同治七十八

三

由陸路攻撲烏蘭木頭經參領德昌等擊敗竄向西南烏爾圖那遜跟蹤追剿斃賊多名餘匪由上中灘渡河竄入杭錦旗仍由石背子竄回邊內其水路賊匪擾至纏金河口亦經參領成山等擊沈賊船多隻匪眾捨舟登岸竄入鄂爾多斯旗境烏爾圖那遜所部已紮烏蘭木頭地方後套纏金一帶見無賊蹤仍著定安等飭令達爾濟等探蹤進剿務絕根株毋令再行紛竄磴口地方緊要即著定安等會商金順派員駐紮以資鎮撫該處醜類多係董志原散匪左宗棠劉典亦當撥隊搜剿不得以驅逐出境為了事也至靈州一帶均有大股回匪盤踞左宗棠自應督兵節節進剿尤當防其鉅走方可聚而殲旃定安等已調宋慶後隊移紮皇甫川截賊東竄而令張曜酌帶數營前往纏金磴口其餘隊伍仍駐古城等處杜賊北竄之路布置尚為周妥儻有賊股竄近即著分投

東華續錄 同治七八

堵剿力遏狂氛仍隨時飭令該員等和衷共濟以期聲勢聯絡陝甘邊境多與晉疆毗連鄭敦謹當會同定安隨時防範毋令匪蹤闖入將此由六百里各諭令知之○諭劉嶽昭奏進攻尋甸賊巢並分兵宜夏援救普安各情形一摺前據岑毓英奏尋甸踞匪傾巢竄出澂江復被賊踞省城情形喫重當經諭令劉嶽昭進紮宜夏遙為省城聲援茲據奏稱該督所部各軍進規尋甸勢難撤回已派柳明德一軍拔赴宜夏並調全祖凱帶兵繼進著劉嶽昭岑毓英飭令該員等實力堵擊毋任澂江之賊再行東竄以保省城糧路尋甸踞匪大股既經出竄該處見在究竟有無賊匪劉嶽昭所派各軍分紮馬龍王家莊等處何以尚未進兵攻拔該督所部各軍一隅株守日久無功實屬不知振作著即督飭各營奮勉進剿迅掃逆氛並著催令川軍剋期前進援應省垣小偏橋等處賊

東華續錄

同治七十八

四

巢著岑毓英懷遵前旨迅速進攻力圖掃蕩該督撫等均受朝廷厚恩總當以國事為重和衷商榷共濟時艱不得各懷成見致誤大局新城大股賊匪圍逼普安廳城劉嶽昭已派劉官禮等帶兵馳援著會壁光迅即派兵前往與滇軍會合夾擊迅解城圍劉嶽昭見在暫駐曲靖著即酌度情形何路喫緊即行親往何路督剿不可坐失事機將此由六百里各諭令知之○諭見在雲南軍務緊要省城圍尚未解劉嶽昭一軍亟須由尋甸等處進文以資援救惟該督所部楚軍向由川省接濟餉需若不敷支應難保無停兵待餉之虞著吳棠將劉嶽昭所部楚軍及果後軍月餉竭力籌措源源報解其從前所欠餉銀著一併按月搭解協濟滇省即以保衛蜀境毋得稍有遲誤將此由五百里諭令知之○諭岑毓英自簡任雲南巡撫後觀其疊次奏報似於滇省軍務尚知認真辦

理惟省城圍尚未解激江近又失守睽懷南服焦念實深茲聞上
次楊林被陷百姓死者數千練頭李廷標何秀林敗回省城該撫
不責其罪反各賞以四百金以致人心不服士卒離畔此次激江
之變亦因邵天貴帶練騷擾回民銜恨句通逆酋馬周襲踞郡城
至省城賊礮該撫督隊攻擊則兵刃齊奮易以他將則槍礮皆空
且有練頭通賊毀礮分賞隨毀隨起情事又聞該撫勒派民捐至
再至三紳士從中漁利任意把持上下交征百姓怨雲南兵連
禍結歷有年所練勇剿賊原以輔兵力之不足惟必須嚴明賞罰
方能令出惟行不得任用桀驁之徒貽誤大局至滇餉孔亟疊經
諭令協餉各省趕緊如數籌解岑毓英惟當樽節動用不得苛斂
民間致失人心而騰謗讒經此次訓飭後該撫務當力圖振作有
則改之無則加勉以期滇事日有轉機不負委任如辦理一無成
東華續錄 同治七十八 丑

效惟事粉飾彌縫則朝廷賞功罰罪自有權衡毋謂萬里外不能
洞曉也懷之慎之將此由五百里諭令知之○以雲南鶴麗鎮總
兵官馬如龍為雲南提督○移江西上饒縣縣丞於銅塘山廣豐
縣縣丞於大東阮改為分防縣丞○甲午諭軍機大臣等吳坤修
奏皖省霍邱縣境向稱匪藪該處與河南固始接壤近有積匪在
交界處所潛藏時出滋事亟須掩捕等語匪徒嘯聚滋擾地方必
當早絕根株免畱後患吳坤修見已派令張得勝相機按捕惟皖
豫兩省邊界毗連難免此孽彼竄巡查奸宄本係地方官專責著
李鶴年英翰嚴飭所屬會同協緝務將該匪窩巢黨與嚴密按拏
盡數殲除毋令一名漏網英翰未到任以前吳坤修仍應隨時認
眞整頓不得稍涉疏懈將此諭知李鶴年英翰並傳諭吳坤修知
之○乙未直隸總督曾國藩奏籌議練軍事宜請參用練勇之法

一文法宜簡一事權宜專一情意宜洽每哨仍以十人為隊並另
立馬隊營不令雜於步隊之內仍由部添撥月餉二萬兩下部議
從之○丙申左宗棠奏董志原回巢場平殺德宜君叛軍同時殺
定後陝西北路降人董幅祥李雙良張萬會扈良儒梁植劉文誌
劉永春等股眾經署綏德州知州陳瑞芝會同劉松山委員提督
黃萬友等安插於瓦窯堡老君殿周家嶺等處耕墾荒地均就安
帖惟綏德延安交界各縣時有游匪潰卒土匪暗相勾結假息山
谷開肆行劫掠其近延長延川宜川者記名提督安徽壽春鎮總
兵郭寶昌記名提督劉聲集疊次派隊擒斬各數百名其近洛川
者副將劉竹田時出隊截捕多所斬賊其叛軍畏誅漏逸及變易
姓名潛迹營中者又經劉松山記名提督周紹濂先後接緝正法
於是北山地北縱橫數百里間漸有甯宇而鄜州甘泉西北一帶
東華續錄 同治七十八 丑

游匪數十數百飄忽出沒動輒數百里莫測其栖泊之所臣於
董志原回巢場平後檄陝道員魏光燾提督劉端冕兩軍由黑
水寨王家角進太白鎮合水縣一帶以漸向慶陽正通糧待發聞
忽捕獲著髮悍賊張有幅等五名訊供為首老賊即上年盤踞雲
巖鎮巨逆袁大魁自上年六月雲巖老巢經官軍攻破後袁大魁
乘兩夜竄逸隨身死黨數十人七月內竄至宜川縣燕曲堡招集
敗黨及甘肅飢民潰卒約共數百人復經官軍擊敗袁大魁仍偕
其死黨竄出冬閒逃至保安縣屬之老巖寨其地絕險有居民百
餘戶憑險結寨自保回土各匪頻年攻之未破袁大魁偽為官軍
羅糧者給寨民遂入據之糾集游匪潰卒約數百備齊鄰寨土民
千餘皆蓄髮從賊分為五隊每隊一偽將軍一指揮統之賊官軍
進止為趨避倏忽狎至官軍不能得其蹤迹也魏光燾既訊畢斬

張有幅而釋其餘黨令爲前導一面會商提督劉端冕副將張星元刑部主事周瑞松各派所部助剿期速賊事庶移營前進可免後顧之憂四月初五日潛師夜起黎明抵老巖寨前面三十里馬蹶溝守卡賊驚起抗拒副將王正和蕭玉元遊擊李奪魁參將魏紀登奮威衝殺立斬執旗賊目數名奪隘而入適總兵于奇泮副將石茂林總兵周振南參將譚吉士左右截出將馬蹶溝之賊登時槍斃殆盡其踞頭道川之賊聞風驚卻官軍合勢蹙之窮追二十里斃賊約共四百餘名奪騾馬百餘頭生擒偽將軍徐榮韓清榮偽指揮張洪太余天貴等訊畢斬之時已薄暮大雨如注始令收隊初六日黎明劉端冕所部提督甘大有副將喻經魁率師抵陳家紙坊遇賊百餘殲之進逼鴿子川守卡賊分布拒守槍子如雨參將章和榮顏禧承等斬關而入賊大譁潰官軍分投截擊生擒偽指揮張復盛何文彪等逆訊明斬於陣前士氣倍奮當將鴿子川之賊數百一併槍斃初七日駐守延安之副將賀卓吾幫統之副將張星元又率所部馳來魏光燾會集諸營分路直逼老巖寨方擬兵力厚集乘勝而前縱賊巢天險亦無難一攻卽下也派州判方大有督前後營及前營馬隊攻老巖寨之前自率中營奇營及中營馬隊繞出老巖寨之後各營築壘環攻竟日將士屢前屢卻苦於無力可施收隊後審視賊巢見老巖壁立千仞下臨洛水窰孤懸巖中左右立木爲柵兩旁皆深塹小橋橫架僅通人行爲賊出入之路賊早將巨樞曳橋令起路已斷矣窰前石磴螺旋近洛處水樓兀立賊踞其上層開槍眼是爲窰之外郭議先將水樓攻毀以漸近窰外初九日令賀卓吾張星元率所部攻水樓之賊而白平各營從窰外兩旁夾擊力攻竟日外窰雖破斃賊不過

數十名而壯士之傷亡者已十餘名參將袁海壽手受槍子傷窰內礮石紛下帶傷者益眾俯視水樓已經著火旋被賊撲熄收隊而回諸軍均擬速平賊巢以便及時前進舉辦屯壘諸務見賊踞巖穴極險無路可攻欲罷不能欲速不可慚憤交進連日會商巖旁巖下均無可著手非從巖頂鑿石立柱潛縋壯士引繩而下無由得抵洞門也魏光燾急雇石工而挑勇丁之習此藝者助之一面會各營逐日更番撲卡多積蒿草枯柴偽爲火攻之狀疑之十五日巖上石路成穴石多安橫柱下令軍中能從巖縋下撲洞門者受上賞自十五日起派隊輪攻槍礮晝夜不絕時放噴筒火箭令賊防範不得休息五鼓撤隊十七日方鳴金收隊味爽壯士十餘由巖巔抱皮繩縋至柵外賊猶酣臥少頃垂下者益多拔柵闖入連拋火彈袁大魁急喉悍黨迎拒窰內人聲沸起官軍短兵撞

東華續錄 同治七十八

天

東華續錄 同治七十八

天

刺賊屍枕藉袁大魁經官軍又傷倒地賊弟袁二亦刃傷未殊時都司涂國榮守備楊振家陳如美千總范潮海董大榮蔣得勝戴鵬程外委張經明徐有禮軍功李鴻泰周元吉劉開年陳萬得一齊殺人割取袁大魁袁二首級大呼以徇各軍競奮立將上下卡水樓一併攻拔老巖十五窰之賊除斬賊外紛紛墜巖墮水以死無一脫者官軍將洞窰一律剷除免爲山寇竊踞乃次第拔營前進函袁大魁首級馳送大營驗明備傳被害各地方示眾而郵延巨患以平周瑞松既會克老巖窰賊巢收隊回延安詢知府城南三十里野豬窪等處時有游勇出沒商旅苦之而未悉其巢穴所在正擬派隊搜捕聞二十四日捕獲游勇朱俊林訊知匪目杜占元自上年獵月旬結土匪連被英溝龍耳溝魯家灣等寨卽踞魯宗屯收雷游勇哥老會匪分布韓家原紙坊村孫家溝不時遠出

數十里百餘里外肆行劫殺所得贓物輒以少許分給近寨民人故伏匿雖久迄無舉發者二十六日黎明周瑞松率所部抵魯家屯察看寨踞山嶺小徑已經掘斷兵不能入乃令副將賀卓吾帶同武舉彭春亭及親兵二名持諭叩寨託言買糧杜占元不疑放板橋納之賀卓吾過橋以親兵守護橋頭急放號礮周瑞松麾軍奪隘而入武舉彭春亭手縛杜占元霎時隊伍齊至按殺游匪殆盡墜巖死者二十餘人同時副將張維美參將彭芝蘭亦將紙坊村盤龍寨韓家原各處游匪一律搜捕並獲土匪劉大福斬之周瑞松將所獲牲畜資糧散給貧民親訊匪目杜占元張光如李鳳先張兆霖吳東元張世顯楊林元朱洪勝等均積年哥老會匪一併斬決而郭寶昌前次勦散狗頭山賊後賊目張大仁即張三胖子復勾結游勇土匪於延長縣東南八十餘里界連宜川之小海

東華續錄

同治七十八

无

村南莊羊肚原等處時出剽掠四月十四日擾及城東七十里之白家河知縣孫永成偵悉賊蹤商請郭寶昌所部記名提督宋朝如副將李長勝分路前往圍捕甫抵王家河遇掠食之賊二百餘名官軍奮擊斃賊多名生擒李根兒等十餘名白家河之賊即解圍潛遁宋朝如收隊後賊仍折回攻撲白河十七夜宋朝如孫永成復督兵圍擊之斃賊百餘名賊敗歸巢十八夜官軍襲破馮家嶺南莊羊肚原諸巢陣斬匪目呂邦科斃賊數百名生擒王守正李金賢等四十餘名分別斬釋惟張大仁由深淵遁去二十八日竄至鄜州東北牛武鎮僅殘匪百餘名駐鄜官軍急起遮截擒斬二十餘名餘皆散逸無蹤計榆林綏德延安鄜州各府州所屬游匪潰卒土匪巢穴剗削一空數郡殘黎得安耕作軍得以一意西征免虞牽掣以局勢言之雖較之前此度隴諸軍獲效稍遲

將來賊事或速未可知也延綏之間安撫漸有成局北路劉松山一軍由西北進指定邊花馬池一帶以截甯靈之賊令不得東中路魏光燾劉端冕周紹濂諸軍西出合水正甯甯州以向環慶雷正綰黃鼎諸軍由董志原涇州趨鎮原固原崇信華亭以蔽汧隴而規平涼南路李耀南吳士邁諸軍由隴州寶雞趨秦州臣率親兵及正營良營由永壽邠州長武以赴涇州飭馬德順簡敬臨馬步各軍暫駐上良百里鎮以策應南北兩路且耕且戰安民以除土匪整軍以戢潰卒撫良回以勦逆回不敢以小謀近功誤國家安邊至計也 上諭內閣陝西官軍自靖平董志原回巢後各路匪徒仍復暗相勾結肆行劫掠經提督郭寶昌劉松山等派兵接捕斬獲甚多雲巖鎮巨逆袁大魁竄至保安縣屬之老巖寨險結寨經道員魏光燾提督劉端冕等率兵攻勦賊斃逆首袁大魁

東華續錄

同治七十八

辛

及賊目多名餘匪悉數掃除各處匪類亦經官兵搜捕淨盡榆綏延鄜各屬一律肅清勦辦尚為得手惟陝西頻年疊遭兵燹此時逆匪雖經勦淨而游勇土匪仍恐易滋嘯聚且各屬地方賑撫窮黎安插人眾在在均關緊要左宗棠見在振旅西征所有陝省善後各事宜劉典責無旁貸即著悉心籌畫妥為經理以期無負委任○左宗棠奏甘肅慶陽涇州一帶地當秦隴之衝頻年回逆竄擾人民流亡殆盡野城荒廢千里蕭條董志原回巢蕩平後敗殘之賊北竄官軍躡追經過慶陽及所屬之安化合水甯州以及涇屬崇信鎮原六城惟崇信尚有居民餘皆空城人煙斷絕比即分撥官軍漸次移營進駐一面遴訪甘肅人員署理府縣各蒙招輯流亡計口散糧以延喘息並給籽種農器督勸丁壯及時耕種以規久遠擇險隘為兵屯統領營官主之就堡寨為民屯府州縣主

之均因其地之所宜按節候播種粟藁麥諸種督課軍民日事
鋤墾耕牛不能多得則以古昔區田代田之法示之冀獲有秋重
謀生聚難民來歸者漸多則賑糧亦漸增墾地漸廣則籽種亦漸
費凡所規畫俱是草創止能隨宜部署不能豫立規模豫計經費
各守令以熟悉風土稍知稼穡艱難能恤民隱能共作苦者爲上
選幹吏尙非所急也慶陽府一缺轄境寬闊董志原迤東一路皆
其屬地查有前甘肅環縣知縣藍翎運同銜升用直隸州知州翁
健康慈篤實久著循聲堪以委署慶陽府篆城內衙署倉庫廬舍
蕩然無存先於正甯甯州合水附近郡城處所駐紮巡行一俟難
民漸歸故土乃能入城治事安化縣一缺查有運同銜甘肅卽補
知縣丁珮璐人尙耐苦堪以委署甯州一缺查有同知銜分省補
用知縣黨鎮實心愛民堪以委署鎮原縣一缺查有候選知縣廖
東華續錄 同治七十八 三

務未能措置裕如著卽隨時撤參毋稍遷就○左宗棠奏 臣因餉
事短絀屢次具摺馳陳前蒙 天恩諭各省除每年原協 軍餉
銀三百三十萬兩署督 臣 穆圖善軍餉銀一百二十萬兩署撫 臣
劉典軍餉銀六十萬兩又添撥釐金三百萬兩總計八百一十萬
兩欽仰我 皇上軫念西陲民隱兵艱悉履 聖慮各省如果遵
旨分起撥解則截長補短挹彼注茲 臣自可一意馳驅勉圖報稱
更何敢再三曉瀆自取咎尤乃緘牘頻催並經辦理西征糧臺翰
林學士袁保恆再三商懇自同治八年正月截至四月底止計
各省協餉共應解銀二百三十萬兩除穆圖善委員提解不計外
其解到西征糧臺及起解在途者各省就近對撥者止七十餘萬
兩是各省撥解之數不及奉旨協撥三分之一而舊欠協餉洋稅
尤勿論也 臣與劉典楚軍積欠已多無計彌補所藉以支持至今
東華續錄 同治七十八 三

溥明樸實明幹堪以委署崇信縣篆查有雷陝候補知縣李世瑛
勤樸耐勞尙無習氣堪以委署諸城皆收自灰燼之餘從新締造
與草昧經營無異若循例檄司遴委誠恐不盡得人且荒苦之區
雖委署有人而捧檄經年不能赴任者比比而是親民之官豈宜
久曠勢不能不破除文法就近遴委且薄給盤費薪水以資辦公
免其枵腹從事庶可冀其安心求治宣布朝廷德意拯此殘黎區
區之愚並懇飭下吏部陝甘兩省委署府廳州縣各缺暫准督撫
臣 遴才委用勿拘以例法庶於時局不無小補 上諭甘肅慶陽
一帶地方甫經收復辦理賑墾撫輯事宜均關緊要該督遴才委
任自係爲地擇人所有慶陽府知府各缺著准其以升用直隸州
知州翁健等署理嗣後陝甘兩省委署各缺著該督撫等斟酌情
形變通辦理總期有益地方毋得濫行委用儻該員等於地方事

口至疾病之藥餌傷亡之郵養與夫統領營哨官弁之薪水辦公
銀兩槩停不發以故將領雖極窘乏士卒尙免飢疲自董志原蕩
平後官軍以次移營前進就近墾荒布種日事田疇招輯流亡計
口放賑製備農器分購籽種及時誕降以業遺黎移粟移民以實
曠土所需經費無款可指不得不於正餉內通融挹注將士知軍
民均以謀食爲急怨讟不生五月節前各軍雖僅求一月足餉迄
不可得歎息而返而 臣前擬遣赴秦州一路官軍則因急籌一月
足餉裹帶啟行以便隨地購糧尙未能湊發足數其他可知此餉
事艱難兵事因而遲鈍之明驗蓋秦隴用兵籌糧艱於籌餉籌轉
運又艱於籌糧古今不易之局而採糧轉運兩者尤非實餉到手

無從籌辦雖有良將不能點鐵而成金雖有神兵不能煮砂以當粥迨軍士因飢致潰伍籍空存括括民糧以為食而民亡雖募游手以充兵而兵廢卒至戰不能戰守不能守楊岳斌之急赴隴西趣戰而潰穆圖善之急保蘭垣竭蹶而危足為前鑒事後思之勞師數載為時不為不久每年費過百萬所耗不為不多其於秦隴大局非惟無益也臣奉命出師豈敢逗留不進然不豫將後路稍為布置餉道槩予疏通而貿然前行再蹈覆轍其必貽朝廷異日之憂也決矣臣自量才智技能與閱事之久無以加於楊岳斌穆圖善且楊岳斌穆圖善專顧隴疆臣則司分解而統收事勢固有不同也甘肅欠餉之勇以百數十營計穆圖善既知其不足用矣不即裁併復奏調馬隊二千奏請募勇三千實則數已盈萬餉不能增營不能減復又增營以耗餉臣到涇接受督篆兵餉兼籌

東華續錄

同治七十八

書

豈能置之不理如以空言塞責違旨之罪將無所逃欲得實餉支銷又將安出各省協餉自本年正月至四月已欠解一百四十餘萬兩此後師行愈遠得餉愈艱索餉者又將紛至沓來憑何答付各省見撥餉之數疑朝廷之厚於陝甘甘肅見撥餉之數疑朝廷之偏厚於陝而孰將實解協款暗增出款一為檢校乎伏懇 天恩飭下各督撫臣各就所轄地方廣為設措於遵旨協撥西征陝甘各款儘釐稅一項實力湊解如釐項無餘即暫移他款補足先其所急務期按月如數解到西征糧臺不得再有短缺俾得豫為布置速赴戎機大局幸甚又奏陝甘餉事窘迫萬狀勢難支持各督撫臣奉諭協撥豈有坐視西事艱危不急思援手之理而所以頻催罔應者亦有由焉一日既協濟陝甘兵勇可不協濟陝甘餉跟也以薄餉給勇丁令赴他省之援其於本地可省安集之勞其

於他省可居撥期之名朝廷視之無珍域之見也將領德之無廢棄之嫌也一舉數善何樂不為上年安徽增軍赴河南河南撫臣非之曾以語臣並舉以入告矣見在張曜宋慶所部則又河南撫臣代募西征之軍人數多而餉不足又資山西協之以餉山西既允協張宋之餉不能復餉陝甘也是陝甘未得豫軍之助先失河南山西之協餉也安徽之援秦者初僅郭寶昌之軍馬步三千人耳去冬復加募四千人交郭寶昌帶來則七千人矣人數多而餉不足臣不得不分陝甘之餉代為買糧辦轉運是陝甘不能得安徽之餉且須分餉協安徽之軍也山東藩司潘鼎新奉旨赴陝甘所部人數卻已減至四千月餉尚需二萬數千兩潘鼎新乞假三月一面求山東兩江之餉而此四千人者則已每月虛糜二萬數千兩山東兩江如允餉潘鼎新之軍則必減應協陝甘之餉也見

東華續錄

同治七十八

書

復奉旨令陳湜帶所部西來立功贖罪陳湜所部合九千餘人此項月餉亦在六萬兩內外若取之陝甘陝甘何從覓此鉅款若取之山西山西既須籌陳湜之餉轉瞬冬防又須另籌防河之軍防河之籌恐亦力所未逮陝甘懇催該各省各省得以有詞該各省名為協撥陝甘陝甘並無實濟此陝甘餉事之窮也臣愚竊謂用東南之財賦贖西北之甲兵本古今不易之局若責西北以兵事而復責之籌餉責東南以餉事而復責之籌兵則兩勞而兩失之即以時局言之陝西兵力先期捻後討回先祖秦後度隴雖拮据不遑實未嘗多藉客軍之助臣亦未敢藉口兵力單薄求助各省陝甘所急者餉為陝謀者宜先集餉不在增兵各省之兵增則陝甘之餉細益各省既以兵助陝甘必不肯再以餉資陝甘也竊謂各省之軍已來陝者如張曜宋慶郭寶昌三大支本是勁旅然

約略計之每月已需餉十萬兩上下如令河南仍照舊供宋張兩軍之餉另加以購糧轉運之費飭宋張於見存馬步營數內挑汰歸併或萬人或七八千人則餉愈足而軍愈精可收飽騰實效張曜宋慶必能放膽前進所向有功河南雖不再協陝甘陝甘亦受其實惠而山西又可騰出月餉張宋之二萬兩以協陝甘不致再有拖欠亦兩得之道也安徽照舊供郭寶昌之軍令郭寶昌撤減營數共留馬步四五千人仍留七千人月餉為該軍購糧轉運之費郭寶昌必能放膽前進所向有功不必兼顧其採糧轉運之需併可得安徽月餉二萬兩實濟而安徽仍無所損其尚未到陝之潘鼎新一軍陳湜一軍每月亦需餉八萬餘兩如停撤潘鼎新之軍而令山東兩江以應給潘鼎新之每月二萬數千兩加協陝甘則陝甘可增山東兩江月餉二萬數千兩實餉而山東兩江仍無

東華續錄 同治七十八 五

所損如停止陳湜一軍雷防山西應撤遣者仍令撤遣則山西河防仍資熟手無須另籌防河之軍防河之餉並可得裁兵就餉之益而陝甘餉事亦無所損儻亦計之最便者歟一日各省協餉厚於淮軍薄於楚軍也曾國藩率鄉人討賊名其軍曰湘軍自咸豐十年由湖南奉詔襄辦曾國藩軍務所部將士多沅湘澧資之產名其軍曰楚軍李鴻章自皖赴上海權蘇撫篆名其軍曰淮軍三軍營制大略相同而餉事則豐吝頓異蓋所處之朕將固不同也上年期捻事畢楚軍西行所指為餉軍之資者洋稅淮軍東下所指為撤軍之資者釐金然楚軍所得不及淮軍三之一也曾國藩奏借浙江釐金十萬兩為撤軍之資而浙江於一月內已解三十萬兩其應解陝甘及軍之餉月共七萬兩嗣奉旨加協又五萬兩浙江乃先將舊協軍之二萬兩一項停止不解查浙江此

東華續錄 同治七八

項協餉即前由浙赴閩粵奏協軍之每月十四萬兩一款由粵東凱旋時奏請一併停解而每月以五萬兩協陝甘嗣由閩浙調督陝甘復奏提浙江應餉馬德順餉一萬輪船經費一萬共二萬兩合成七萬兩較原提每月十四萬兩之數僅及其半見在浙江即遵旨於應解七萬兩外加協五萬兩亦祇每月十二萬兩尚非浙江所難浙江一省經入經出各款均從前於全省肅清時所定規模大致猶能記憶較之江南雖不足較之江西福建則有餘撫臣如肯實心籌解一如劉坤一英桂之無分畛域則除已裁釐金外協撥並非無款陝甘不止受其口惠也江南除照舊應解劉松山六萬兩外僅協二萬兩劉典一萬兩穆圖善一萬兩共止十萬兩而其協淮軍則每月二十萬兩多寡懸殊以餉事言之楚軍籌措之難甚於淮軍楚軍需用之繁且急甚於淮軍矣

東華續錄 同治七十八 五

望於浙江江南亦大違朝廷以兵事責西北以餉事責東南之旨矣李鴻章上年陛見時與臣晤語亟以陝西餉事為憂而自任代為籌措深感之此時陝甘餉事迫矣若李鴻章肯以緩急多寡之說告浙江江南請其以大局為念無分楚軍淮軍哀多益寡移緩就急則江浙不徒託空言陝甘可速叨其實濟固所深願亦未嘗非李鴻章之初心也凡此皆應協陝甘之各省有款未解者部臣恐尚未深探其底蘊可否仰懇天恩飭下部臣詳加察閱分別催提以拯危疆之處出自聖裁至西北餉源素絀本無可開之源然古今才臣籌餉贍軍每多取資鹽務就陝甘而論陝食河東之鹽甘食花馬池鹽池之鹽各有引地頻年回捻土匪肆擾陝甘徧遭蹂躪花馬池鹽池之鹽因路梗不能暢行每鹽一斤須

價百數十文甘之殘黎時苦淡食臣擬俟北路之兵進至花定即當妥為辦理其河東之鹽雖煩暢銷鹽價仍昂貴西安市價每鹽一斤須錢七十餘文乾州市價更貴軍民苦之而河東場產不旺細掣時形短絀臣聞河東一道除每年正雜各款開銷浮費竟至一百餘萬兩之多而應解甘餉五十二萬兩則積欠甚鉅一任號呼救從無一次大批旺解者查河東鹽務本係先課後引庫款見存五十餘萬兩縱不能全局通籌隨時接濟亦豈可坐視飢軍待潰不展一籌乃該道則必俟乙年而始開解甲綱之銀逐年積壓儼成定例殊不可解前任道員楊寶臣廉倨有聲不曉事理見任道員李慶翱鄙詐成性惟解鑽營宜乎山西之饑務不能振興甘肅之餉源日形涸絕也臣前在閩浙因鹽務敗壞至極奏調道員吳大廷署福建鹽道變法疏銷積引力除中飽通計一年徵東華續錄 同治七十八 天

獲銀六十餘萬兩而商民稱便臣去閩後照章收課閩每年仍可四十餘萬兩足徵理財在於用人然後有治法古語匪虛河東饑道一缺若得廉能勤慎如吳大廷者委任而責其成功則浮費必裁正課必裕效可逆觀而甘餉亦期其得濟矣臣餉事奇絀焦灼萬分偶有思慮所及不得不瀝陳於君父之前不自知其有當與否 上諭軍機大臣等左宗棠奏陝境肅清馳赴涇州及甘省窘迫情形並遵旨覆陳各摺片陝西土回各匪疊經官軍剿辦全境肅清本日已明降諭旨宣示其老巖窩出力員弁人等著准其擇尤彙案請獎董幅祥等倡亂多年見以窮蹙投誠難保不心懷叵測左宗棠赴甘在即應如何妥為安插無滋事端之處仍著悉心籌畫交劉典妥為辦理所陳劉松山等軍分路前進馬德順等馬步各軍暫駐靈臺以策應南北兩路均合機宜即著督

飭諸軍整旅進征迅圖掃蕩該大臣抵涇州後即祇受督篆任事以一事權陝西征兵盡出金順見赴烏喇磴口等處該大臣勢難兼顧北路著即會同定安金順規度情形飭令宋慶張曜兩軍合力堵剿郭寶昌一軍向與劉松山合力剿賊均稱得力見在應否會合劉松山軍截剿南靈之賊著左宗棠酌覈辦理該大臣奏稱宋慶張曜郭寶昌三軍各減營數則餉足而軍愈精所籌不為無見其應否裁減之處即著定安金順會商宋慶張曜妥籌辦法其郭寶昌營勇著左宗棠飭知該提督精為遴選以收飽騰實效所有該三營餉需已諭知李鶴年英翰吳坤修照舊按月批解甘餉見值奇絀未便多容容軍所奏亦係實情潘鼎新陳湜兩軍已分飭李鴻章等分別遣撤並令該員等於撤勇後各赴該大臣軍營聽候差遣至遊擊周欽輝等被殺一案仍著會同劉典確切查明東華續錄 同治七十八 天

按律懲辦該大臣入甘後務將軍事吏治悉心整頓以維大局邊外情形何似定安等務當慎遵前旨督飭德昌等分投追擊以靖邊氛將此由六百里各諭令知之○諭山東布政使潘鼎新前經諭令帶勇赴陝隨同剿匪茲據左宗棠奏稱陝甘餉事窘迫各路兵勇過多勢難支持請將各軍分別裁撤等語潘鼎新所部勇丁即著李鴻章丁寶楨英翰吳坤修傳知該藩司妥為遣散並著潘鼎新於兵勇遣散後仍前赴左宗棠軍營聽候差遣該藩司所撤之勇籍隸安徽者多遣撤後並著英翰吳坤修飭屬妥為安插毋任滋生事端將此由五百里諭知李鴻章丁寶楨英翰並傳諭吳坤修知之○張岳齡以病免以崇福為甘肅按察使由學素○予陝西傷亡總兵官喻先恕甘肅殉難知縣楊炳華祭葬世職○丁酉兩 上詣 大高殿報謝○諭軍機大臣等定安等奏剿賊續

勝磴口見無賊匪金順奏近日花定防期情形由榆林進規烏磴各一摺回匪自竄入鄂爾多斯旗境後復在上永和姜寨內盤踞經烏爾圖那遜督率吉林黑龍江馬隊官兵力攻南門賊匪抵死守禦成山等由西北角攻入寨內賊由南面奔逃追至磴口地方沿途擒斬甚多其乘隙藏匿者均投殺淨盡並將河內渡船燒毀見在磴口踞匪回竄邊內包鎮地西至磴口黃河北岸已無賊蹤勦辦尚為得手此次出力官兵著定安等擇尤彙奏奏保刻下賊匪雖遠遁邊內大股尚踞靈州一帶誠恐被期情急仍復挺走草地昨據左宗棠奏督師入甘派劉松山一軍由西北進指定邊花馬池截賊東趨之路已令其會商定安金順妥籌兼顧並令酌度情形飭郭寶昌與劉松山合軍截勦甯靈之賊該將軍等即可咨商辦理烏爾圖那遜見撤隊於烏蘭木頭是否足資控禦仍著定

東華續錄

同治七十八

堯

安桂成責令該副都統擇要嚴防不可稍涉大意並一面飭令會合達爾濟等確探賊蹤乘勝進剿西路賊匪蓄意竄擾花定經富勒琿常福連番追擊賊向西遁常福帶隊回榆惟花定距靈州賊巢不遠難保該逆不糾眾回犯磴口見已無賊劉松山業向花定前進該署將軍應在何路扼剿著即酌量辦理前據定安等奏稱宋慶後隊調禁皇甫川張曜酌帶數營前往纏金磴口其餘隊伍仍駐古城等處此時磴口纏金無賊該兩軍應於何處扼紮聯絡金順馬步各隊以資堵剿並遙為包圍屏蔽之處著定安等彼此妥商嚴密布置毋誤事機將此由六百里各諭令知之○諭劉典奏見擬回省督同司道整理地方等語陝省自董志原克復後回逆西竄境內漸就肅清劉典自應回省經理地方各事務見在左宗棠統師入隴陝省應辦各事該署撫責無旁貸所有安撫難民

東華續錄 同治七八

開種荒田一切善後事宜均著劉典盡心籌畫毋得稍有粉飾延安一帶土匪如董福祥等雖已投誠是否尚聽約束老巖寨雖已克復此外零星股匪一時恐難淨盡務當隨時勦辦毋任日久變生復為民害劉厚基等駐紮北山所部勇丁必當嚴禁滋擾該處地瘠民貧久經兵燹必須廉謹之吏實心任事方能撫綏安集著劉典督同藩司慎選良吏以安地方回逆雖竄甘省設左宗棠到甘後奮力攻勦難保不回竄陝疆磴口等處踞匪經定安等派兵進剿據報竄入邊內難免不乘虛東竄該署撫俱當綢繆未雨免致臨時周章左宗棠派劉松山魏光燾黃鼎等軍分路西征其餘勇隊畱存陝境者想尚不少與甘毗連處所何地可以扼要是否均有得力兵將駐紮均當早為籌及並將如何嚴密布置之處詳細奏聞以慰屢繫該署撫既回省中仍應檄飭駐守三原文武員

東華續錄

同治七十八

早

弁嚴束營勇以壯軍威嗣後務當實事求是虛衷集益竭力整頓地方毋負委任將此由四百里諭令知之○于陝西陣亡參將德貴等祭葬世職○戊戌諭軍機大臣等有人奏穆圖善扭於議撫實誤聽首府舒之翰遊擊蕭兆元之言去秋藩司林之望等探知賊目不和齊向該署督懇請率眾進攻而舒之翰百計阻撓或言兵勇未齊或言軍餉不足並暗中恣恣署督面斥林之望為生事激斥總兵胡昌會副將范銘為擅殺以致眾軍憤恨云蕭兆元係回匪頭目暗中為賊耳目舒之翰得受回匪重賂故凡事為賊道地不知是何肺腑在首府任內大開壽筵廣受祝禮各州縣紛紛餽送多則千金少亦數百有不送者伊則贊惑督臣立即撤參請將舒之翰蕭兆元嚴行審辦等語穆圖善辦理甘肅軍務雖因餉拙兵單不得已而權宜議撫而舒之翰等阻撓戰事以致軍心

一六五

解體如果所參屬實亟應嚴行懲辦以儆官邪著左宗棠按照原
參舒之翰蕭兆元各情嚴密訪查據實參奏毋稍輕縱將此由四
百里諭令知之○已亥諭內閣禮部奏遵議左宗棠等奏請補行
陝甘鄉試一摺陝甘鄉試前因軍務久未舉行見在陝西全境肅
清甘肅之涇慶各屬亦已安謐著准其於本年特開一科補行壬
戌恩科及甲子正科鄉試陝甘中額向係合併取中甘省軍務未
竣各屬士子未能一律赴試自應酌留中額以昭平允著照左宗
棠等所議辦理其恩詔廣額亦著照禮部所議以昭平允著照左宗
為山西巡撫梅啟照為江南布政使由廣東督○庚子馬新貽奏
擊散海阜匪船諭撤軍山 以捕

東華續錄

同治七十八

辛

東華續錄

同治七十九

臣王先謙敬編

臣張式恭恭校

六月辛丑朔諭軍機大臣等恩麟奏密陳抵藏查明大概情形等
語據稱諾們罕年近七旬不甚講求公事著恩麟隨時留心察看
據實具奏前歲廓爾喀貢使回藏頗露不遜情狀該夷恭順已久
恩麟務當妥為駕馭毋使別生枝節尤宜不動聲色嚴密防閑披
楞廓爾喀等國毗連藏地往來貿易日久相安何以該夷等與唐
古特不甚相洽時存挾制之心儻任其積不相能致開邊釁於大
局亦有關係著恩麟體察情形隨時於交涉事件妥為區畫以期
消息未萌毋稍大意該大臣整頓藏務如番官中有不妥協者即
與該諾們罕商量更換儻另有別情著即密為奏聞毋稍徇隱將
此諭令知之○壬寅諭內閣前因山東布政使潘鼎新請假回籍
省親當經降旨給假三箇月茲據李鴻章奏該員之母年屆七旬
病勢益增懇請續假並先行開缺等語潘鼎新著准其開缺再行
賞假兩箇月俟假滿後即赴左宗棠軍營以資差遣○諭軍機大
臣等移圖善奏通籌全局請飭催馬隊助剿並請飭鮑超酌帶舊
部來甘專顧南路各摺片前調吉林黑龍江馬隊據富明阿德英
等先後陳奏因存營兵數無多各挑派五百名業已起程赴甘穆
圖善於此項馬隊到後即可斟酌軍情派往助剿以壯聲威左宗
棠見已派兵分道入隴並帶親軍馳赴涇州即著迅速前進恪遵
歷次諭旨接受督篆籌辦一切該大臣抵涇接篆後距蘭州尚遠
省城防務事宜應如何嚴密布置之處計早統籌全局著即迅速
奏聞礙口見無賊蹤前諭金順會合張曜宋慶兩軍扼要堵截劉

松山一軍見向花定進發著卽飭令迎頭截擊毋令竄出邊外甯夏回眾久經安撫此次官兵追截竄匪偏近甯靈恐致懷疑驚懼左宗棠務當派員剴切曉諭彈壓撫綏以免別生枝節董志原踞匪竄併金積堡後賊勢若何著卽隨時具奏南路河狄回匪負隅已久穆圖善以秦州喫緊暫時撤軍回顧左宗棠接篆後著卽酌量情形權衡緩急次第勦辦穆圖善所請調鮑超帶兵赴甘專顧南路之處著毋庸議甘省回匪四處紛擾兼以餉需缺乏穆圖善尙能支持危局力任其難左宗棠與該將軍同辦一事務當和衷共濟隨時商辦以副委任將此由六百里各諭令知之○以孫觀爲廣東按察使由鹽運使遷○癸卯諭軍機大臣等豐紳等奏陝匪竄入甯夏境內城防喫緊回匪撲犯定遠營各摺片董志原回匪由磴口竄擾靈州中衛自河南甯安等堡至甯夏南鄉及甯州同心東華續錄 同治七十九 二

堡預旺城等處數百里內徧地皆賊甯夏滿漢城防極形喫重劉松山一軍見向花定進發卽著左宗棠檄飭劉松山迅速前進馳赴甯郡以資救援如劉松山軍尙嫌單薄著仍遵前旨酌派郭寶昌帶隊合軍齊進以資厚集前諭金順會合張曜宋慶兩軍扼要堵剿見在能否統率所部馳援甯夏卽著該署將軍酌量辦理甯夏回眾久經安撫見竄匪滋擾難保不又被煽惑別滋事端著左宗棠懷遵昨日諭旨酌度機宜悉心籌辦豐紳謙禧惟當就見有兵力嚴密守禦不可稍有疏虞昨據穆圖善奏中衛戒嚴已派黃金山帶勇二千馳往防守能否再爲添撥數營協同援剿著該署督妥爲布置回匪分竄蒙旗撲犯定遠營城池應如何抽撥勁旅星馳援應之處著豐紳謙禧咨商左宗棠等相機調度將此由六百里諭知左宗棠穆圖善金順豐紳並傳諭謙禧知之○以文彬

爲山東布政使調李元華爲山東按察使以應寶時爲江蘇按察使由蘇松太道遷○甲辰諭軍機大臣等劉嶽昭奏官軍進剿尋匪大獲勝仗攻克要隘並回目投誠各摺片雲南尋甸賊匪踞險爲巢經總兵全祖凱等督率將弁分路進攻大獲勝仗已將七星橋文筆山章格各隘全行攻克著劉嶽昭乘此得手之際仍嚴飭各該文武激勵將士迅拔州城毋再遲延其尋甸西南塘子集賢村等處二十餘寨均係爲賊所脅塘子回目馬廣具呈投誠該匪旋撫旋變是其慣技此次自拔來歸意圖立功贖罪如果奮勉殺賊自可寬其既往予以自新至尋甸逆目馬添順嵩明逆目李芳沅等畏懼求撫是否出於至誠著該督察看情形相機辦理毋墮奸計致貽後患尋甸見尙得手岑毓英務將省防嚴密布置並將各路進剿事宜與劉嶽昭會商迅殄賊氛唐友耕所部川軍計早由東川東華續錄 同治七十九 三

一帶南下著該督撫等催令星速前進與滇軍聯絡聲勢將省城東路賊匪節節掃蕩毋任蔓延尋甸接仗出力各員弁著暫行存記俟克復城池再行請獎其傷亡弁勇一併彙案請卹將此由六百里各諭令知之○允吏部議軍務肅清省分丁憂人員俱令補行守制佐雜所得功牌概行繳銷○乙巳諭內閣前因吏治亟須講求令各直省督撫擇循聲素著者臚列政績送部引見雖量才拔擢恐賢能之員尙未盡登薦剡仍著各直省督撫隨時察看據實具奏司道中有體用兼備者一併保奏用備任使儻衰庸不職隨時參劾該督撫等務當秉公不得徇一己之愛憎致舉錯未得其平以副朝廷整飭吏治至意○諭岑毓英奏提督督戰受傷等語雲南提督馬如龍前在小偏橋打仗受傷尙未痊愈復出城攻克羊神廟賊壘乘勝進攻江右館身中礮傷甚重實屬異常奮勇

善由內府發去如意拔毒散四料交岑毓英轉給該提督祇領以資調理○諭軍機大臣等岑毓英奏官軍肅清省東賊壘攻克楊林團山等處各摺片滇省東路賊匪盤踞於十里舖等處經岑毓英派令李維述等分路進攻先將蕭家山賊棚焚燒賊向省北馬村一帶狂奔自十里舖小偏橋至長坡六十餘里賊壘一律掃蕩其楊林團山等處踞匪復經岑毓英等乘勝勦擊斬賊甚多楊林富民全境肅清見已分兵進取並規復澂江即著岑毓英激勵在事將士奮力前進將各路賊匪痛加勦洗以靖賊氛並著會同馬如龍將南門外餘匪迅圖殲滅用固省垣馬侍德一股該撫務飭楊國發等相機堵剿毋任上竄致滋延蔓據稱署提督馬如龍中礮子傷甚重覽奏深為廬繫該提督平時打仗既能身先士卒其籌畫省防事宜亦極周密前已加恩將其補授雲南提督本日並

東華續錄

同治七十九

四

由內府發去如意拔毒散四料以示體恤岑毓英於接奉此旨後即將藥料齎交該提督祇領仍屬令安心調理俾得早日就痊省城防守緊要馬如龍見已受傷岑毓英一人力難措拄昨據劉嶽昭奏進剿尋甸賊匪攻克要隘並回日均畏懼求撫是尋甸一路即可蒞事該督當審度情形飭令全祖凱等帶兵攻剿一面馳回省城與岑毓英和衷商辦以重根本毋得藉詞遷延是為至要將此由六百里各諭令知之○已酉諭軍機大臣等前因福濟等奏土爾扈特汗布彥鄂勒哲依圖因遊牧被擾懇請暫赴京城當差當經諭令理藩院議奏茲據該衙門奏稱該汗如暫行來京當差不日新疆平定由京回牧往返辛勞似不足以示體恤請飭福濟等暫為安插等語布彥鄂勒哲依圖因回遊擾害不能回住遊牧固係實情惟左宗棠見已督兵入隴以次蕩平甘匪進定新疆各

蒙古人等自可回牧有期該汗若復來京當差日後由京回牧長途跋涉往返徒勞轉非朝廷撫綏藩服之意即著福濟榮全錦不勒多爾濟錫綸傳知該汗此時毋庸來京並於烏里雅蘇臺所屬附近地方擇一妥善之區將該汗並隨帶官兵三十七員名暫行安插一俟新疆底定即令該汗就近回牧較為省便所有該汗應領俸銀仍著由京城支領將此由四百里各諭令知之○諭劉嶽昭等整飭雲南吏治○辛亥諭軍機大臣等崇實吳棠奏川軍援滇會克尋甸州城一摺前據劉嶽昭奏官軍疊克要隘尋甸逆匪畏懼求撫惟回逆變詐多端遽許就撫恐墮詭計仍飭在事員弁併力攻剿等語此次崇實等所奏會克州城情形係由回匪開門納款是否畏懼軍威真心悔罪抑係暫圖免死飢附飽颺劉嶽昭務當督飭各營嚴密防範不可稍涉大意一切撫綏事宜著飭道

東華續錄

同治七十九

五

員彭瑞毓等妥為籌辦以期永久尋甸得手則嵩明自當迎刃而解省城亦可解圍著岑毓英激勵將士乘屢勝之威與劉嶽昭暨川省援滇各軍聯絡聲勢迅掃逆氛以靖邊徼崇實吳棠另片奏鮑超病已就痊惟精力尙未復元願懇稍假休息等語鮑超病體痊愈可為國家宣力深慰廕念伊見由省城回籍休息諒一兩月後必可調理復元著崇實吳棠傳知該提督即行來京陛見將此由五百里各諭令知之○諭蘇鳳文馮子材奏進兵越南勦賊疊勝一摺逆匪吳亞終由越南回竄粵西邊境經官軍擊退遁歸巢穴蘇鳳文馮子材分飭各師由太平歸順取道進剿疊挫兇鋒連破那排枯株凌淦大嶺等匪巢收復村寨數十處正當乘此聲勢迅殄逆氛著蘇鳳文等飭令謝繼貴等乘勝進兵迅將通橋木馬等處賊寨一律蕩平盡殲醜類並隨時知照夷兵一體堵擊免致

該逆竄逃蘇鳳文另摺奏進剿黔省苗匪老巢等語貴州荔波九
阡里苗匪時出侵擾粵邊大為地方之患見在孔憲隆等軍所向
克捷已攻破該匪卡寨多處直逼九阡老巢辦向為得手仍著
蘇鳳文檄飭該員等迅拔九阡苗寨埽穴擒渠以靖邊圉並偵探
沅江苗逆嚴加防範毋令彼此勾結是為至要將此由五百里各
諭令知之○追予三世殉難江西九江鎮總兵官馬濟美祖千總
立成父雲騎尉文雄戰功事蹟附入國史館馬濟美列傳並予建
祠○飭山西撥銀十萬兩解陝西充餉○壬子派總理各國事務
衙門大臣兵部尚書董恂三口通商大臣兵部左侍郎崇厚辦理
奧斯馬加國換約事宜○癸丑子雲南陣亡副將沈可堂江蘇陣
亡訓導張璵等祭葬世職○甲寅永定河溢○予故河南歸德鎮
總兵官朱南桂建祠○乙卯諭軍機大臣等棍噶扎勒參奏籌辦
東華續錄 同治七十九 六

應彰等股難民經劉典派員經理散賑墾荒均臻安靜其董福祥
等股人數更多亦皆志切營生不至復聚為匪即著該署撫督飭
委員實力奉行不得始勤終怠至渭北招墾事宜漸有規模惟涇
陽三原高陵地高土燥非興修水利不足以資灌溉劉典擬將龍
洞渠籌款開濬務當妥為經畫俾竟厥功北山一帶地瘠民貧見
雖匪黨殄除亟須豈弟宜人之吏安輯撫綏劉典所請因地擇人
暫弗拘以成例之處著准其權宜辦理陝省西北與甘境毗連業
經左宗棠分派各軍扼要布置甘省回匪自不至有回竄之虞該
署撫尤當督飭陝軍聯絡聲勢隨時嚴密堵剿以重邊防將此由
四百里諭令知之○諭劉崑奏截擊苗匪獲勝力保鎮遠施秉兩
城一摺湖南援黔官兵自黃飄失利後苗匪張臭迷等膽敢率黨
四出擾及巴冶冰溪巫包平下一帶牽掣兵力疊經官軍擊敗猶
東華續錄 同治七十九 七

人員較多著各室官認真考察如材難造就不得一概奏留至京察之期尤宜分別優劣不得有舉無劾俸滿截取之員當察其才具分別繁簡保送並於候補人員隨時稽察使有所勸懲咸知講求公事○辛酉諭內閣醇親王等奏武英殿不戒於火查明大概情形各一摺本月二十日夜間西華門內武英殿不戒於火延燒至三十餘間雖經該管各員會同步軍統領督率兵役趕緊撲滅將西配殿及附近各處設法保護究屬疏於覺察所有管理武英殿事務學郡王惠郡王奕詳明善均著交該衙門嚴加議處該處司員著先行交部嚴加議處仍聽候傳質其是日值班之披甲人等於禁城近地並不小看守即著交慎刑司嚴行審訊至該處素日看守官役人等有無別項情弊並著慎刑司一併審明究辦尋吏部等衙門議上得旨學郡王奕詳明善均著降二級留任准東華續錄 同治七十九 八

其抵銷員外郎延齡副內管領景秀郎中恩林松琰均著降二級調用再罰俸一年不准抵銷○調董恂為戶部尚書鄭敦謹為兵部尚書以毛昶熙為工部尚書沈桂芬為左都御史轉胡肇智為吏部左侍郎調龐鍾璐為吏部右侍郎轉潘祖蔭為戶部左侍郎以李鴻藻為戶部右侍郎候補○壬戌以武英殿救火出力王大臣等得旨嘉獎予軍機章京增壽等九百二十四員加級並賞兵丁銀○予湖北陣亡知縣姚國振原籍建祠○癸亥諭內閣倭仁徐桐翁同龢疏請勤修 聖德以弭災變一摺方今陝甘雲貴軍務未平各省民氣未復餉需支絀物力艱難朝廷宵旰焦勞惟恐政事或有闕失茲者武英殿災 上天示警儆惕倍深所有宮廷一切工程應用物件除必不可緩及例應備辦外一概停止政事或有未當著在廷臣直言無隱○諭軍機大臣等穆圖善奏甘

省北路賊情並收撫高臺等處潰勇各等語據稱自中衛至靈州一帶賊勢蔓延甘省南路各軍未能兼顧請飭左宗棠金順派兵夾擊所奏自係為力顧東北起見前據左宗棠奏檄飭劉松山軍向花定前進截剿南靈之賊當諭該大臣酌派郭寶昌合軍齊進此時甘省北路賊蹤分竄自應乘其喘息未定之際痛加剿洗著左宗棠飛飭劉松山等迅速進兵毋稍延緩金順見在行抵何處並著仍遵前旨酌量情形統率所部聯絡張曜宋慶兩軍扼要防剿使匪蹤不得東竄藉為包圍屏蔽左宗棠計已行抵涇州該處距蘭州尚遠見在北路賊勢固屬喫緊而南路河狄之賊密邇省城亦須兼顧刻下陝省邊境既經防軍分布當無後顧之虞左宗棠接篆後自宜移軍前進或赴秦州一帶擇要駐紮以便居中調度該大臣鄭重進兵固是老成之見惟省垣重地關繫甘省全局東華續錄 同治七十九 九

左宗棠身任封圻責無旁貸總當力籌保衛儻或稍存大意致有疏虞必惟左宗棠是問穆圖善交卸督篆後即著暫駐蘭州聽候諭旨其省城防守及河狄一帶防剿事宜仍當竭力籌辦不得以接統有人稍涉諉卸肅州鎮總兵黃金山傷疾舉發著賞假三箇月回籍調理並免其開缺一俟病痊仍令迅速赴營以資得力高臺山丹潰勇穆圖善已派王仁和招集統帶著左宗棠穆圖善飭令認真訓練以資攻剿儻再不遵鈐束即行從嚴懲辦所需糧餉並著隨時接濟穆圖善原片著鈔給左宗棠閱看其范銘所部勇丁因餉缺搶掠並著責令該員嚴行查辦妥為緝輯左宗棠既經入甘於甘省各軍應如何分撥糧餉及酌量調派之處著悉心籌畫奏明辦理務使各軍協力同心不至各存意見方能所向有功穆圖善另片奏接准兵部咨文據實覆陳等語放天印一員著仍

遵前旨俟軍務稍鬆解赴河南訊辦富勒渾已簡放歸化城副都
統見在如可離營著金順知照該副都統即赴新任暫緩來京陛
見其所部兵丁著金順會同定安另行派員統帶將此由六百里
各諭令知之○甲子署陝甘總督穆圖善奏秦州峽門等處有賊
奔竄見飛飭提督梅開泰等相機夾擊得旨省南多完善之區著
嚴飭該提督等分路夾擊務淨賊蹤毋徒以驅逐爲能任其紛擾
○乙丑諭內閣吳坤修奏請賞假回籍補行育孝等語吳坤修前
在軍營兩次丁憂均未能在籍終制自應俯如所請吳坤修著俟
英翰到任後賞假百日回籍穿孝假滿後即行來京陛見○諭軍
機大臣等鄭敦謹奏遣撤楚勇籌辦河防暨張曜在蒙地擊賊獲
勝文麟奏請飭催山西欠餉各摺片晉省沿河要隘近接陝甘甘
回見尚未平河防仍須籌辦鄭敦謹所陳河保等處責成總兵馬
東華續錄 同治七十九 十
陞督防興臨以下責成總兵王巨孝督防甯鄉石樓以下永濟以
上責成署臬司李慶翔督防即著該署撫於李宗義抵任日彼此
籌商務臻嚴密陳提所部楚勇除酌留礮船水勇外其餘勇丁仍
著飭令該革員迅帶起程毋任在晉逗留滋事該省河防地段綿
長見在楚勇既撤兵力尙單自應添募可靠勇丁分段填紮李宗
義抵晉後著即督同李慶翔妥籌辦理總期兵歸實用餉不虛糜
該撫身荷厚恩於該省吏治民生及籌防籌餉各事宜務當斟酌
盡善以副委任山西協濟哈密餉銀欠解甚多文麟見抵哈城支
發勇糧各件需用浩繁著鄭敦謹李宗義即飭該藩司迅將前項
欠解哈密餉銀無論何款先行籌撥銀六萬兩交文麟前派迎餉
委員吉恆趙德鈺等承領管解赴哈毋得藉詞延誤致誤急需金
順奏請將典押部照之委員懲辦並請飭山西巡撫檄屬查鈔等

語候選州同劉樞經金順派赴山西催餉將帶往之部領空白劄
支等項執照率行典押實屬膽大妄爲已將該員先行革職交金
順嚴加審辦矣該員係前任山西長子縣劉世安之子見寓居潞
安府地方難保無奇頓隱匿情事著鄭敦謹李宗義迅飭該地方
官密將劉世安寓所財物先行查封備抵以重款項將此由五百
里各諭令知之○諭金順奏見籌督兵渡河西進一摺陝回大股
屬集甯屬黃河兩岸西岸自石嘴山至中衛賊氛尤熾該署將軍
以所帶十數營合張曜所帶六營兵力尙單未能徑由烏喇磴口
直取石嘴山壓剿而南著即與定安安商體察情形酌撥隊伍西
進該署將軍趕緊籌備行糧即行督兵進發毋稍延緩富勒渾昨
已簡放歸化城副都統著金順仍遵前旨如見在可以離營即知
照前赴新任暫緩來京陛見所部兵丁由金順會同定安遴員統
東華續錄 同治七十九 十一
帶另片奏請將勸捐延不回營之州同劉樞懲辦等語劉樞著即
革職交金順嚴行審訊按律定擬具奏將此由六百里各諭令知
之○諭文麟奏接到回目投遞回文及委員烏仁泰等稟函見在
籌辦情形並據軍機大臣等將回目妥得璘原文呈覽詳加披閱
其情詞桀驁尙非真心歸順該回目探知大兵陸續出關恐被剿
窮蹙先以官吏激變爲詞冀爲他日卸罪地步文麟既見及此給
與諭紙令其調集各城回目赴烏城曉諭以安其心所辦尙屬妥
協但此中操縱機宜必當細心斟酌文麟所給妥得璘稟即著
鈔錄呈覽成祿計已出關著即與文麟具廉往返籌商不可稍涉
歧異致啟猜疑該回目所請調赴烏城之甯夏等處各回目其意
不過欲探知口內虛實轉恐互相勾結甚非所宜著文麟等諭以
屢奉明旨但分良莠不分漢回良善者撫之叛逆者剿之別無投

誠章程口內各回目亦不能令其出關並著左宗棠穆圖善曉諭
口內受撫各回目革面洗心共安生業毋得心存觀望並著密飭
各屬妥為防範毋使與口外各回目勾結致期辦更形棘手至委
員烏仁泰等被該回目調赴烏城已否送回其情形若何素煥漳
本有投誠之語見在有無動靜著文麟等隨時密探奏聞總之官
吏激變將來固當查明嚴辦而各回目踞城變亂亦豈能置之不
問儻能於大兵未到之先豫先反正尚可網開一面以遂其效順
之心想該大臣等俱能深知此意也將此由六百里各諭令知之
○丙寅諭內閣農桑為衣食之原小民耕種勤惰不齊著各督撫
責成地方官認真考課並訓迪士林勸置義塾以資觀感○諭軍
機大臣等榮全奏會立牌博奎昌奏建立牌博情形各一摺榮全
奎昌見與俄官分界遵照紅綫條約於博果蘇克壩塔斯啟勒山

東華續錄 同治七十九 三

分建界牌鄂博兩處辦理尚為妥協其由珠魯淖爾至沙賓達巴
哈分界處所原圖所載險阻難行俄官欲由珠魯淖爾迤北數十
里唐努山之察布齊壩上建立鄂博由此直向西北至沙賓達
巴哈按其地址已將唐努烏梁海游牧包去大半榮全惟當按照
條約辯論妥為籌辦以副委任奎昌見與俄官往立西邊牌博亦
著詳細履勘照約辦理將此由六百里各諭令知之○諭張廷岳
等奏圖謝圖汗等部落因哲布尊丹巴呼圖克圖圓寂援案赴藏
熬茶請將銀兩解交戶部俟達喇嘛到藏後由駐藏大臣庫內發
給等語所有此項銀五萬兩著張廷岳阿爾塔什達即行派員解
交戶部兌收此時西藏庫款未必有餘著崇實吳棠於川省應解
京餉內提銀五萬兩迅即派員解交恩麟收存俟該達喇嘛羅布
桑伊什等到藏時即由恩麟如數給發應用將此由四百里各諭

令知之○戊辰于江南陣亡從九品汪雲上等祭葬世職○己巳
諭軍機大臣等錫綸奏招撫變民未成見在相機改辦一摺布倫
托海變民經錫綸派民人侯裕喜等前往招撫攜帶變民一名行
至烏隴古河邊被哈薩克將其衣物搶劫其隨後遺棄之賊目錫
吉爾渾又為哈薩克所許由呼圖克圖暫行鎖禁是該變民與哈
薩克彼此摠奪尚無轉機張愚等怙惡未悛此次所遞呈詞又無
悔罪輸誠之意錫綸見擬相機辦理並與棍噶扎勒參聯絡聲勢
以杜叢端自係正辦著即會同福濟悉心籌商相機而行不必豫
存成見文碩不久抵任亦當與福濟錫綸和衷商榷毋誤事機前
據棍噶扎勒參奏請帶兵前往額爾奇斯河開導叛匪當諭福濟
等知照該呼圖克圖聽候辦理此事是否妥協仍著該將軍等統
籌全局熟商具奏萬不可遷就目前致貽後患將此由五百里各
諭令知之○諭恩麟奏籌辦三巖野番並廓夷情形一摺三巖野

東華續錄 同治七十九 三

番屢次出巢搶劫大道幾致不通景紋僅以紙上空言搪塞屬吏
其不達事理甚可痛憾恩麟既知景紋之謬派員勦捕即著實力
籌辦以期綏靖邊疆廓爾喀與唐古特既有猜嫌又因未遂其入
貢之計與唐古特書信語多挾制亟應設法解釋毋任別啟叢端
恩麟已派員前往撫諭並擬俟德泰到後借巡閱後藏之便前赴
廓番交界親自禁約所辦甚是但該大臣務當不露聲色於開誠
布公之中仍不失統馭外夷之意方為得體並著於巡閱後將詳
細情形確探具奏以慰廩繫將此由五百里諭令知之○庚午以
孟秋時享 太廟 上前期親詣行禮○諭軍機大臣等理藩院
奏據阿拉善扎薩克親王貢桑珠爾默特呈稱逆回擾害旗境請
發兵救援等語陝西董志原回匪竄至中衛分股三路直撲阿拉

善旗境之定遠營貢桑珠爾默特派兵迎敵傷亡兵丁百餘名長
史疊立各爾大賴等陣亡該逆率黨七八千圍困定遠營城並將
城外寺院房屋焚燒搶掠街市貢桑珠爾默特祖塋及西園府第
亦被焚毀西路臺站不通逆回尙盤踞該旗南界阿拉善旗蒙兵
無多不敷防守待援甚迫亟須撥兵前往迅殄逆氛左宗棠已派
各軍分道入甘穆圖善見在蘭垣金順由烏喇西進靈甯一帶匪
眾狡猖蒙古被其蹂躪應如何籌撥勁旅迅速救援著該大臣等
妥籌兼顧杜嘎爾熟悉甯夏回情該副都統等是否尙在托城如
可移兵西向即著統帶所部馳赴阿拉善一帶協剿或就近另撥
得力隊伍前往救應均著定安金順斟酌情形妥爲籌辦至貢桑
珠爾默特守城擊賊甚爲出力乃祖塋府第均毀於賊旗屬大遭
擾害朝廷實深厯念著理藩院傳知該親王將該旗被擾地方加
東華續錄 同治七十九 五
意撫恤不日大兵厚集即可痛加勦洗掃蕩妖氛該旗歷次籌墊
臺費銀五萬餘兩即著戶部由附近省分迅速指款撥還原摺均
著鈔給閱看將此由六百里諭知左宗棠穆圖善定安金順並傳
諭理藩院知之○是月緩徵山西臨汾等五縣被擾歉收倉穀
秋七月辛未朔日食○諭軍機大臣等總理各國事務衙門奏洋
人在臺灣違禁滋事見籌辦情形一摺洋人美利士等在臺灣
大南澳地方伐木墾荒私販軍火交通生番實屬違禁妄爲業經
該衙門照會英荷兩國使臣由中國自行拏辦並知照該督撫酌
覈辦理此事英國使臣已據照覆飭將英人名康撤回而布國使
臣則請將美利士暫行停辦此時該洋人等曾否撤回抑仍在該
處招募工作如果不遵條約任性妄爲自應由該督撫查拏懲辦
惟事關中外交涉必須有明幹大員隨時斟酌辦理方臻妥協

灣道一缺關繫緊要未便久懸著英桂卞寶第迅速揀員奏補或
先擇人署理責成將洋人交涉事件察看情形妥慎籌辦總期不
激不隨毋稍偏倚原摺著鈔給閱看將此由四百里各諭令知之
○諭棍噶扎勒參奏叛民中變勢難開導一摺據稱叛民近踞哈
薩克遊牧與俄羅斯守卡之兵接仗傷有一二十人並與布倫托
海大臣偽篆印文一件不知內係何詞等語該叛民兇心未改復
與俄夷生事傷其守卡兵丁福濟文碩錫綸惟當懷遵前旨相機
妥籌辦法毋稍大意棍噶扎勒參以該叛民言詞狂妄不能開導
見在紫營克林河分其再竄之勢未敢擅行進剿著福濟等體察
情形知照該呼圖克圖遵辦其偽篆印文是否即係前此所遞呈
詞並著文碩錫綸查明具奏棍噶扎勒參另片奏叛民與俄兵接
仗各情據逃出民人阿勒太聲稱在內目觀此事既屬確實福濟
等不得遷就因循致生枝節原摺片均著鈔給閱看將此由五百
里各諭令知之○癸酉諭軍機大臣等定安桂成奏回股復犯草
地官軍截剿獲勝並請撥兵駐紮甯夏平羅一帶各摺片阿拉善
旗之定遠營被回逆圍困甚急張曜會同烏爾圖那遜帶兵往援
由蘭扇至察漢淖爾地方遇賊接仗擊斃悍賊甚多紅柳樹一帶
伏賊亦經官軍擊敗其塔爾貝都貢地方回股復爲烏爾圖那遜
所部衝散該逆等仍由舊路連夜西遁此次逆回糾合東竄屢經
官軍擊敗剿辦尙爲得手即著該將軍等迅飭張曜各軍乘此聲
威覘賊所向會合剿除以期痛殲醜類所有在事出力將弁兵勇
著准其擇尤彙案請獎見在蒙漢各民避居北山該處南達包薩
難保該逆不因邊內乏糧復行窺伺金順一軍前擬由烏喇西進
該軍見已渡黃暫紮什巴爾台著仍遵疊次諭旨酌度情形與張

羅等聯絡聲勢分投堵剿定安等以左宗棠大軍進剿靈州賊匪若徒走草地張曜等追剿較遠請飭金順駐軍於甯夏平羅一帶或由左宗棠另撥一軍聯絡扼紮遏賊東竄北竄之路所籌不為無見金順追賊正緊所部亦不甚厚應否駐軍甯夏平羅著會同定安等悉心商榷以免顧此失彼如金順實難兼顧即著左宗棠另撥一軍往彼駐紮肅清餘匪即可專意西征該大臣不得以無軍可撥致賊遂其乘虛之計牽掣我師刻下陝甘各回未必不齊圖句結穆圖善務當督飭將士將河狄各匪痛加勦洗以斷賊援並隨時與左宗棠金順等彼此熟商俾諸軍聲息相通迅殄羣醜杜嘎爾富勒琿等見抵何處仍著定安等隨時知照該副都統等會合追剿用壯聲威將此由六百里各諭令知之○諭各直省籌補常平倉穀○命吳坤修親赴沿江各屬撫恤被水災民○甲戌東華續錄 同治七十九 六

諭軍機大臣等劉嶽昭奏分兵赴省會剿並援救普安廳城岑毓英奏收復嵩明州城及各路軍務等手情形暨軍功李鳳祥等勦賊出力各摺片滇省賊匪急則求撫緩則恃叛已成橫枝岑毓英於此次收復嵩明州城後將詐降逆首李芳園即行殲除並將匪黨晏洪等悉予誅戮辦理尚合機宜此時祿豐羅次之軍次第得手白鹽井又經攻克聲威已壯即著岑毓英督飭各軍乘勝進剿迅速攻取祿豐安甯易門昆陽等處以期速解省圍所有收復嵩明州城及攻克白鹽井等處出力員弁著准其俟省圍解後彙案奏請獎勵軍功李鳳祥劉光瑛李珍國等於迤西各城全失之際乃能固守巖阿見又攻克龍陵應屬深明大義著岑毓英查明奏請優獎劉嶽昭見派總兵李家福等各率所部由曲靖赴省即著飭令趕緊前進知照省垣各軍兩面夾擊迅奏肅清至貴州普

安城近接滇疆見在苗匪巖大五一股圍撲應城該督派兵援救並飭知州文鴻盛嚴扼滇防杜其竄越東路自可無虞著於布置稍定即赴省城與岑毓英和衷共濟會籌全局早靖巖疆將此由六百里各諭令知之○子雲南陣亡遊擊馬祥麟等祭葬世職○丙子申諭福濟等安插厄魯特人眾○丁丑子貴州殉難知縣湯澤長等祭葬世職○戊寅左宗棠奏竊維甘肅之患為回匪為土匪而皆由陝回之構焉起查回民入居中國由來已久其人雜處諸夏舊本齊民其經典則專習天方別為氣類雖新教老教有自相殘殺之時東彌西彌有互相猜忌之隙然至與漢民爭鬪則攘臂紛起彼此聯絡一氣視若公仇其消息潛通迅如郵傳即如陝回肇畔之初雲南回族即豫逆謀有稱普洱阿洪者尚在賊中見為戎首各省遇有調撥本地回民必先通消息俾陝回豫為之東華續錄 同治七十九 七

備至甘肅回民久相勾結即業經就撫之靈州金積堡回馬朝清即馬化澗清水縣張家川回李德或以馬械糧食顯與市易喉其擾陝或以官軍聲勢浩大勸其暫就安撫相時而動皆以同教一家隱相親附外雖貌為恭順無異王民內則暗肆狡狴仍滋他族至於西甯之馬朶三藉稱就撫挾持官吏而西甯漢回兵民各務陰歸其掌握名為官撫回實則回制官與滇回之包藏禍心如出一轍尤勿論也回之黨堅交固如此陰謀詭計如此若概加勦辦不特誅不勝誅亦慮未變種人反側不安致妨大局若廣示包荒隨宜招納則賊心未死轉瞬兵撤匪起實在意中甘肅所辦撫局即前車之鑒也陝回敗竄甘肅之後散布黑城子豫望同心各回堡地與金積堡相近有遞呈求撫者有投附河州回巢者有由中衛渡河東竄旋即敗回者互相猜疑不復如前此之固結甘回恐

官軍進剿勢將波及有豫先自陳實爲夏回者有因陝回侵掠閉
拒不納者馬化澂亦上稟代陝回求撫臣仍以前年分別勦撫之
諭示之生死禍福聽其自擇蓋欲申明神武不殺之德與怙惡
必誅之威以期久遠也劉松山一軍由清湖以指定邊花馬池臣
飭其先辦三月軍糧節節遞運然後前進到花馬池後小作停頓
察看馬化澂撫局及陝回離合蹤迹再定進止其金順張曜之軍
則已向磴口進發矣道員魏光燾進屯安化縣板橋及慶陽府城
提督劉端冕分屯合水縣總兵張福齊進屯甯州以西提督丁賢
發進屯正甯周蘭亭駐蕭金鎮互相聯絡就近屯壘以利秦隴關
鍵撫災黎而裕軍食臣駐軍涇州瓦雲驛地居慶陽汧隴之中足
資控制策應檄雷正綰黃鼎兩軍漸進平涼固原以勦北路散踞
逆回與南路之師遙相映帶時餉糧勤屯壘禁擾累戒妄殺仍懷
東華續錄 同治七十九 大

太多不擇將而廣募勇將領又勢力相傾各不相下任意進止無
所稟承其勇數有一營僅止二三百名仍領五百名之糧每營每
日派糧八百斤而以一半折取糧價兵勇數日食且猶不足將領
之辦公薪水則惟務取贏故勇額日有逃亡而將領則鮮有乞退
者亦有名雖一營而數多至一倍兩倍者如范銘所帶之勇十二
營而人數實多至一萬數千則一人充勇一家隨之坐食與各軍
之虛額相反而虛糜則同也故不能戰而亦不能守臣與穆圖善
未嘗謀面而以所聞所見言之似愛克厥威在所不免諸將非惟
不知感激方且狎之穆圖善非惟不加裁抑方且柔之隴事所以
難於整理也臣雖渥叨恩命謬領戎行而未接督篆以前事權不
一臣於諸將苟令有不行即於穆圖善愛莫能助在乾州時曾恭
錄諭旨咨會穆圖善行抵涇州接受督篆尙未接准穆圖善咨覆
東華續錄 同治七十九 九

所有兵事餉事一切自未便輕率置議又奏竊甘肅全境回土各
匪蠶屯蟻聚撮其大要北則甯夏靈州南則河州狄道西則西甯
而固原平涼介居東路之中爲進兵衝要以機宜論固宜注意中
權而以時勢言之必先疏通南路蓋用兵以固餉源爲先布陣以
防後路爲急理固不易也甘肅餉源見恃秦州一綫轉輸而此次
河州逆回專以斷官軍餉道爲主秦州西通河狄東連鳳寶北倚
平涇南枕階文爲度隴間道如不早圖則蘭州既成孤注難以圖
存而河狄之回與陝西句結爲奸兇燄又將復熾此穆圖善所以
請增調南路之軍而臣所以檄諸軍先指秦州也五月十四日
漢中鎮總兵記名提督李輝武時駐寶雞訶河州逆賊馬步六七
千人自成縣竄陷兩當立飭所部分駐鳳縣方石鋪營官王名滔
王照南率兩營迎勦自率大隊繼之旋以另股由隴州火燒寨竄

齊家莊恐其窺伺汧寶遂派營官胡國珍楊恩澤馳赴兩當會同王名滔王照南進剿而自率四營留寶雞以待王名滔等倍道赴搜約鳳縣知縣郭建本帶團丁堵馬嶺關以防分竄十六日王名滔等抵楊家店適該逆五六百騎擁突至王名滔王照南嚴陣卻之胡國珍楊恩澤兩營馳至遂會商共擣賊壘胡國珍由左楊恩澤由右王名滔王照南由中三路並進賊悉眾抗拒相持者久之王照南躍馬陷陣連斃數賊賊勢稍卻忽一賊目執黃旗嗾悍黨數百斜出力堵諸賊仍回旗衝撲胡國珍急率所部從賊後殺入矛傷黃旗賊目墜馬斬其首以徇自己至西慶戰數時賊屍枕藉餘黨潰圍向徽縣竄走官軍追殺二十餘里至韓家灣是夜駐兩當縣城次日偵賊遠遁乃收隊回防是日約殺賊近千名救出難民三百餘名訊據生擒回逆供稱此股回逆約三千有奇由河

東華續錄

同治七十九

三

州竄徽城轉竄兩當賊目是偽元帥馬阿渾馬海臣兩人陣斬黃旗賊目即馬海臣也訊畢斬之方賊偪兩當時慮李輝武兵力尙單檄雷陝補用道李耀南候選道湯聘珍員外郎銜中書吳士邁由汧隴分出清水寶雞向秦州助剿未到之前另股回逆又由馬龍陂竄至清水縣之唐藏張家莊等處李輝武飭王名滔留四成隊守營以六成隊裹糧馳勦前駐鳳縣各營截其南竄二十一日王名滔等抵唐藏訶賊踞張家莊距唐藏十五里楊恩澤率所部趨山右拊其背王照南率所部從山左上攻王名滔胡國珍各率所部伏於山坳王照南先與賊遇引軍佯退賊欺其怯傾巢擁出王照南且戰且走退至山坳伏軍突起夾擊賊覺中計惶懼潰退官軍三面蹙之自相踏藉死者纍纍官軍躡蹤追剿越唐藏四十餘里之餘步關沿途賊屍遍野餘賊向吳家河一帶竄去官

軍收隊翌日仍還原營是設計斃賊六七百名救出難民百餘名生擒回逆訊供此股係藍陳兩偽帥所帶陳逆名民市已中洋槍斃矣李輝武一軍先後剿兩當縣回匪收復縣城勦唐藏回匪獲勝及陣斬賊目之實在情形也二十六日華亭縣回逆零股周永龍率千餘人竄向秦州屬之隴城駛至百花川一帶肆行焚掠時李耀南湯聘珍方自寶雞指秦州該逆聞官軍將至折而北竄渡渭授及赤沙香泉等處李輝武旋飭所部出車轍鎮以達香泉自率隊繞趨赤沙該逆又聞風竄隴州南路石莊子去矣隴州防軍陝西候補知府喻步蓮聞賊至石莊子立派所部總兵蕭羣魁參將龔曉亭率隊出大栗樹剿之副將喻光彪率隊出咸宜關以截撤家店去路均冒雨前進詎該匪已由石莊竄過撤家店比六月初一日蕭羣魁龔曉亭至石莊則賊已狂奔而過比喻光彪由撤

東華續錄

同治七十九

三

家店橫出截之僅斬尾賊二十餘名救出難民五十餘名而已五月二十六日員外郎銜中書吳士邁率所部六營由隴州故關行抵清水擬徑赴秦州中途接士民呈訴秦安所轄隴城鎮有回逆大股竄踞馬步紛沓四出剽掠焚毀甚慘吳士邁立飭各營次日馳勦清水距隴州八十里二十八日辰刻始至沿途紳民訴河州逆回偽元帥周瑞即周七上年帶賊千餘人來隴城擄糧攻破康平堡即踞爲巢穴所擄財物悉運河州而就撫回目李德昌夥黨所稱南八營者陽投誠而陰助逆請速進剿以拯殘黎吳士邁詢悉康坪堡距隴城向七十里險據山腰東有馬家寨西有龍山寨南有馬家河皆南八營回民所居之堡當催鄉導親率兩營由高山進派四營及馬隊由平川進直擣康坪堡該逆憑險設卡四用劈山礮仰攻弗克又無別徑可繞百長羅如松游石懷憤甚率

敢死士肉薄而上悉被叉子槍擊退再前再卻壯士死者十二人
羅如松等益憤仍裹創猛撲前者甫顛後者繼進破卡而入刺死
悍賊多名賊始卻退官軍方整隊深入忽續到黃巾賊目執黃旗
揮馬步大股衝來勢甚兇猛官軍列方陣待之賊四次衝突官軍
屹如山立不動少頃吳士邁見賊氣漸衰急揮各營如牆而進槍
礮止刀矛接斃賊約數百名而執旗賊目仍死拒不退壯士胡高
紳等乘閒擊綫槍測準轟之墜馬餘賊大潰望康平堡而奔吳士
邁急揮兩營踰山脊截之賊狂奔不止墜崖受創死者什九堡內
賊約數百見馬賊大敗亦遂齊出將棄堡而逃官軍截令入堡以
開花礮轟之復派馬隊飛追逃賊逾十里又斃賊五百餘名而堡
內賊被創已甚夜分突逸官軍急起截之賊分竄龍山寨馬家寨
負隅不出生擒十三名奪獲戰馬五十五匹紅黃旗二十九面日

東華續錄

同治七十九

三

暮收隊訊據生賊供河州回民三十六村偽總帥穆阿渾派周瑞
即周七十爲元帥帶千餘人踞康坪堡方擬收割二麥聞秦軍將
到又加派馬步賊前來陣前轟斃執黃旗之賊即偽帥周瑞也當
將十三賊正法毀平康坪堡並出示陽撫陰叛之龍山馬家山兩
寨諭知回目李德昌破其暗相勾結之奸臣前因李德昌於董志
原回巢蕩平遞稟自陳哀祈免剿因摘該回目上年通陝回書中
密語示之諭以禍福至是勒其締獻河州逆回以定其志此喻步
違追殺華亭零股與吳士邁痛剿秦安康坪堡逆回克獲全勝掃
蕩巢穴之實在情形也臣維甘肅逆回頻年擾攘千里蕭條不獨
漢民被其傷夷即良回亦遭其荼毒甘之南路惟秦州一帶被禍
略輕陝之西路惟鳳寶兩縣較爲完善河州回匪之垂涎於此者
一則肆其剽掠一則繞出甘肅各軍之前截其餉道俾不戰自潰

東華續錄 同治七十九

也有此數捷庶可破驕賊之膽而樹度隴先聲吳士邁李耀南湯
聘珍等見均馳抵秦州臣復調提督馬德順馬步全軍駐隴州李
輝武仍駐寶鳳節節蒐蕪旨商防期漸清隴境以通餉源庶於
大局有濟 上諭軍機大臣等河州逆回自成縣竄陷兩當經李
輝武等進剿收復縣城並將清水縣唐藏回匪擊敗吳士邁一軍
復將秦安康坪堡回巢攻破勦辦尙屬得手所有此次尤爲出力
員弁勇丁著准其擇尤彙案保奏陝回散布黑城子預望同心各
堡互相猜疑甘回亦畏懼求撫惟同情狡詐反覆無常左宗棠務
當酌度情形分別勦撫以期一勞永逸劉松山一軍到花馬池後
即飭相機前進毋稍延緩郭寶昌軍見茶何處應否與劉松山合
隊西行以資厚集著該大臣酌量調遣毋置諸無用之地董志原
竄回紛擾邊外及阿拉善旗境著遵奉疊次諭旨派兵兜剿並飭

東華續錄

同治七十九

三

雷正鎰黃鼎兩軍迅由平涼固原合剿北路逆回兼爲南路聲援
左宗棠見已行抵涇州著穆圖善即遵前旨將關防派員送交左
宗棠接收前經諭令左宗棠接篆後或前赴秦州一帶擇要駐紮
本日左宗棠亦奏稱甘肅餉源恃秦州一綫轉輸河州逆回專以
斷官軍餉道爲主是秦州關繫尤爲緊要該大臣駐軍涇州恐尙
不足以資控制著仍遵前旨酌量移軍總期力保完善兼衛省垣
不得顧此失彼甘省餉絀營多左宗棠接篆後即當妥爲籌畫竭
力整頓務使兵歸實用餉不虛糜以維大局將此由六百里各諭
令知之○辛巳諭軍機大臣等穆圖善奏甘省地方情形及回逆
竄擾阿拉善旗地請撥兵援剿定安奏回逆圍攻定遠營派兵進
援各摺片甘省逆回北路則由甯靈竄出邊外冀得掠食南路則
肆擾秦州固經官軍進剿之路其計甚爲兇狡惟劉松山向花馬

一七七

池進發截勦甯靈竄匪而秦州為轉輸要道關繫非輕著左宗棠仍遵疊次諭旨移軍進駐秦州接受督篆以期力扼要區兼衛蘭州省垣不得以屯田為詞株守一隅穆圖善即遵前旨派員將總督關防送交左宗棠接受以專責成左宗棠身為統帥兼任封圻接篆以後軍務及地方各事宜俱屬責無旁貸著即悉心經理妥為布置如有疏虞惟該大臣是問穆圖善交卸督篆著仍以將軍督率在省兵勇力圖保衛其河州股匪仍當隨時撥兵堵剿該將軍所部兵勇若干糧餉應用若干即咨明左宗棠應如何部署裁併之處即由該大臣妥籌辦理左宗棠穆圖善同辦一事務當和衷商酌以顧大局不得各存意見逆回竄擾阿拉善旗地方該親王祖瑩府第均被焚毀前據理藩院奏聞諭令定安等撥兵籌勦見在定遠營尚未解圍定安飭令楊春祥帶隊進剿兵力尙單金

東華續錄 同治七十九 五

順行抵達拉特旗什巴爾台地方酌量情形仍遵前旨或撥兵協助或直抵平羅即與定安商酌勦辦張曜見在進駐纏金沙金托海其後隊到齊後仍著定安催令前進立解重圍本日據李鶴年奏宋慶患病請給假兩月調理該軍事務委提督蔣東才劉廷照料已批令在營調理蔣東才等能否得力並著定安隨時察看妥為兼顧定安所錄回匪王登明供詞察其情形與左宗棠等歷次所奏回逆求撫各情相符著鈔給該大臣閱看斟酌辦理將此由六百里各諭令知之○甲申諭軍機大臣等蘇鳳文馮子材奏官軍克復越南九葑等屯埽平賊壘見督軍進剿一摺逆匪吳亞終率黨竄入越南蔓延通攜文淵洛陽等處經該撫等飭令總兵謝繼貴統帶所部會合副將劉玉成等分投進剿賊甚多並將賊壘燒毀二十餘座克復通攜謝繼貴遂取道高村等處進規木馬

副將吳天興一軍由板錫乘勝前進攻克板在村其文淵匪眾又經都司陳朝綱擄平賊黨由驅贏來援者官軍約同降勇夷兵渡河夾攻賊勢披靡餘匪奪路而逸該逆復下竄龍州馮子材令劉玉成等軍取道彬橋疊奪賊壘由那錦橫坡等處分路圍攻將九葑洛陽各屯次第克復該匪退守木馬蘇鳳文等見以賊勢漸蹙督軍進攻並札諒平各路夷官堵截潰匪著即督飭劉玉成等馳往木馬等處迅速分攻毋任該逆得以喘息吳亞終於窮敗之餘竄走越南邊地何難一鼓蕩平乃臨以全省兵力經年累月尙未歲功實屬不成事體見進剿各軍該撫等責成何人辦理其得力員弁係屬何人難免無關葺畏蒞之人濫廁行列均著逐一查明據實具奏蘇鳳文等務當振刷精神力除積習迅將此股賊匪盡數殲滅緞靖藩封毋得觀望遷延致干咎戾道員李均前有人奏

東華續錄 同治七十九 五

參把持軍需侵蝕公項各款當交蘇鳳文按照所參確查覆奏茲據該撫奏稱李均在途患病委員接護越南陪臣回越等語該道員被參各節仍著該撫遵奉前旨徹底查辦不准稍涉含糊並著催令該員趕緊回粵毋許託病逗雷將此由五百里各諭令知之○予廣西陣亡參將鄭魚祭葬世職○乙酉諭軍機大臣等錫綸奏擬買糧賑恤厄魯特人眾並擊敗變民各摺片厄魯特人眾散處阿勒台烏梁海土爾扈特扎哈沁等部落者已數千人其流寓科城附近地方亦百餘家近因迫於飢寒肆行劫盜與各部落已有仇隙錫綸擬在科城採買糧石散放賑濟自係權宜之計即著照所請將部撥餉銀提用三千兩就近在科城採買口糧數百石以資賑濟該人眾流離失業情亦可憫文碩錫綸務須妥為撫恤儻餉銀有不足之處仍准其隨時請撥福濟所辦喀爾喀分安各

事宜已有成效文碩錫綸即按照該將軍等所擬分安人數按名散放口糧一面收集一面即分撥各該地方安插以期早弭弊端此時庫倫東兩盟分領人數文冊已否咨到著福濟榮全錦不勒多爾濟文碩錫綸迅速咨商辦理毋稍延緩棍噶扎勒參帶兵赴霍博克賽里地方適變民張懇率眾西擾經該呼圖克圖會合該處蒙兵攻擊斬獲甚多張懇中傷逃遁著福濟等仍遵前旨相機籌畫傳知該呼圖克圖遵照辦理將此由五百里諭令知之○丙戌諭軍機大臣等禮部奏接到朝鮮國王咨文以鴨江之北鳳城之外游民蓋屋墾田請嚴行禁止據情轉奏一摺奉天邊外游民私墾聚眾日繁前經延煦等前往查勘酌擬章程呈覽內有推展邊界及嚴定邊禁各節疊經諭令都興阿等悉心籌畫酌覈辦理此事關係中外邊疆若不及早經理漫無限制恐該游民等任意東華續錄 同治七十九 美

侵越漸及朝鮮柵路致該國居民不無疑慮殊非朝廷綏輯藩封之意著都興阿額勒和布恩錫懷遵前旨迅速籌辦並將如何辦理情形據實具奏毋得畏難苟安稍存膜視並著禮部查照向章行知朝鮮國王慎守邊境如有游民私越滋擾情事即行照例懲辦禮部原摺並朝鮮國王咨文著鈔給都興阿等閱看將此諭知禮部並諭令都興阿額勒和布恩錫知之○裁外城練勇分屬五城○丁亥允崇實奏於四川重慶設立演餉總局○予貴州傷亡總兵官鄧鴻超祭葬世職建祠○戊子定五城練勇緝捕章程○辛卯諭軍機大臣等張廷岳等奏東兩盟願領厄魯特人眾一摺厄魯特人眾分起安插業經福濟等將西兩盟分領情形具奏見在圖謝圖汗車臣汗東兩盟亦願呈領厄魯特所贖一半人數分布安輯辦理甚屬妥協即著張廷岳阿爾塔什達傳知各該王公

等於該人眾到旗後妥為撫綏約束務令日久相安並著福濟錦丕勒多爾濟文碩錫綸等將此項人眾按照該兩盟佐領多寡均攤勻散造具名冊一俟庫倫咨到即交該管官帶領陸續起程俾臻妥速將此由五百里各諭令知之○壬辰諭軍機大臣等定安桂成奏賊匪竄擾河西各軍分投進剿並請飭撥火藥等項各摺片甘陝回匪經張曜等軍截擊後未敢北犯意圖乘隙東趨見在鄂爾多斯等旗境內均有賊蹤其竄擾哈拉寨等處之賊雖經宋慶所部擊敗仍退向鹽海子一帶盤踞杜嘎爾刻由托克托城渡黃馳赴河西正可杜該逆東擾之路即著定安等迅咨該副都統督飭達爾濟等各率所部馬隊探明賊蹤相機進紮仍一面會合宋慶等軍步隊節節追剿以殄逆氛惟河西與歸綏僅隔一河防守甚關緊要且該處南路直達榆林東北即趨包薩該逆詭譎異常難保不避兵而行乘虛分擾榆林為逆匪往來熟徑劉典務當偵探賊蹤豫籌防範毋稍疏虞其歸綏沿河一帶地方仍著定安桂成李宗羲分飭在事將士加意嚴防左宗棠督軍西進設陝境復有蠢動後路仍費周章應如何先事圖維撥軍嚴扼之處著該大臣察度情形商同劉典妥為辦理金順見由烏喇一帶進剿著即會同張曜等軍分投截擊以壯聲援定安等所請火藥等項本日已諭知工部照數迅撥矣其山西應解火藥鉛丸等件李宗羲即按照該將軍等所咨隨時撥解以濟要需將此由六百里各諭令知之○諭何瑄奏西路軍務情形請飭催成祿出關一摺據稱烏魯木齊各城久為賊踞實因大兵阻於關內以致塞外逆氛猖獗近日該總兵派軍功鄧生玉等赴奇古濟木薩一帶扼紮於穆壘河地方將賊擊退又在奇壘擊賊獲勝惟成祿出關尚無

信息請飭尅期西進等語成祿克復肅州後一切部署自已妥協
 何得任意遷延至今無出關消息著成祿懷遵前旨乘此塞外兇
 鋒已挫迅統所部出關會同何瑄相度機宜分別勦撫安速辦理
 若再株守不進玩誤軍務自問當得何罪並著左宗棠穆圖善嚴
 催該提督迅速起程不得任令延宕何瑄於成祿未到之先仍宜
 督飭將弁認真防剿將此由五百里諭知左宗棠穆圖善成祿並
 傳諭何瑄知之○諭馬新貽等籌款興造京口駐防官署○癸巳
 廣四川劍州學額二名○甲午諭軍機大臣等棍噶扎勒參奏進
 剿叛民獲勝派員開導請飭撥弓箭各摺片叛民竄擾土爾扈特
 遊牧地方經棍噶扎勒參會同蒙兵於六月十五日進剿殺賊七
 十餘名與錫綸前奏大略相同該匪見在敗退回巢棍噶扎勒參
 以兵力尙單未能進取見擬添調厄魯特官兵二百名一面派員
 東華續錄 同治七十九 天
 前往開導著福濟文碩錫綸傳知該呼圖克圖先行扼要堵守一
 遇該匪出巢即著迎頭截擊毋任紛竄俟厄魯特官兵調到仍當
 相機進剿迅速逆氛該呼圖克圖需用弓箭前據錫綸奏稱已先
 後撥給弓二百張箭五千枝如再有需用之處著福濟錦丕勒多
 爾濟文碩錫綸酌量撥給綏遠城前次截雷火箭三百枝據棍噶
 扎勒參奏稱已接該將軍咨文業經起運久未解到著定安飭令
 委員迅速解往毋稍遲延棍噶扎勒參另摺奏土爾扈特郡王巴
 圖捐助馬匹隨同剿賊出力已諭令理藩院議給獎敘又奏索倫
 等營官兵出力所有管吐瓦強阿等業照所請給獎其在塔城剿
 賊出力官兵俟軍務告蒞即由福濟等酌保著該將軍等一併傳
 知該呼圖克圖將此由五百里各諭令知之○諭各直省督撫裁
 減錢糧浮費○定直隸山西河南會哨章程○乙未以奉天大凌

河開墾地畝有妨牧政仍諭封禁○丙申諭軍機大臣等李宗義
 奏籌商河防並添募晉勇情形一摺前因回匪竄擾河西諭令李
 宗義分飭在事將士加意嚴防茲據該撫奏稱陳湜所部均已遣
 撤業經鄭敦謹抽派南鎮官兵並留精銳等營及水師十一營分
 路駐紮所有河防分爲下段中段上段令李慶翔等商酌辦理其
 上年所築沿河石壘並飭地方文武一律修補所奏各情尙屬周
 妥惟陝省北境與晉省處處相通防守自難鬆勁中段與臨等處
 河面較寬而南路吉州之龍王辿河津之禹門渡每冬冰橋早結
 堵禦尤難即著該撫飭令李慶翔嚴檄閻文忠等趕募晉勇四千
 名於八月內成軍並調河東練勇二百名統交該臬司在吉鄉河
 津之間分段扼紮以固南路見在賊竄鄂爾多斯旗境距陝之府
 谷神木等邑不遠晉省北路如河曲河陽渡等處尤應嚴防如需
 東華續錄 同治七十九 天
 添調兵勇亦必豫爲籌及毋致臨時周章晉省人多怯懦所募勇
 丁四千是否得力營兵於額餉外日加銀二分以示體恤原無不
 可惟須汰弱留強一兵得一兵之用斯爲餉不虛糜該撫其督飭
 李慶翔實力奉行毋負委任歸綏一帶仍當與定安等隨時籌防
 並知照張曜宋慶各軍與該處防剿等營互相聯絡俾壯聲援再
 兵之強弱轉移在將該省見在有無得力將弁亦當隨時留意察
 看用資調遣將此由五百里諭令知之○山西巡撫李宗義奏回
 匪侵入蒙境官軍截擊獲勝得旨著即知照宋慶督飭蔣東才等
 實力進剿毋任逆賊東趨○丁酉諭軍機大臣等都興阿等奏奉
 天擊獲賊匪請仍照軍務省分按照成案辦理一摺據稱奉天地
 方股匪橫行雖經官軍節次剿除而賊匪尙未淨絕所有該省擊
 獲馬賊及土匪擾害鄉里勒索財降勇聚眾滋事者於訊明後

請照軍務省分援照成案就地正法並請飭吉林黑龍江將軍一體遵辦等語匪徒擾害閭閻最堪痛憾奉天根本重地尤應除莠以安善良嗣後奉天拏獲賊匪即著照都興阿等所請從嚴懲辦如遇有臨時拒捕者即行格殺勿論惟該匪此拏彼竄是其慣技吉林黑龍江地方豈容此等匪徒肆行擾害著富明阿德英按照奉天所辦章程一律辦理如日後該三省盜風稍息再由該將軍等隨時奏明以復舊章將此各諭令知之○己亥諭軍機大臣等定安柱成奏豫軍截剿竄匪獲勝詳細情形一摺回匪竄擾鹽海子一帶經提督蔣東才等追剿斃賊甚多據獲賊供稱賊首穆壽馬老均已陣斃惟李五舉及餘匪均向西南逃竄見在復有回匪竄至烏紳旗境打虎旗一帶蔣東才已帶所部探剿宋慶又派三營前往會剿著即飭令迅速前進務將竄擾該處之賊痛加剿洗

東華續錄

同治七十九

辛

被早上忙錢糧

東華續錄

同治八十

臣王先謙敬編

臣張式恭恭校

八月庚子朔德英等奏黑龍江內地各處向無外國通商處所茲俄人輪船由松花江上駛抵呼蘭河口停泊要求通商等派員往阻俄官囑爾幅以批捷生科發給執照前來不能將商船喚回並請給文保護商人見已由呼蘭河口開船東下請飭總理各國事務衙門照覆該國駐京公使嚴禁俄國官商濫行越境奏入命總理各國事務衙門知照該國駐京公使按約辦理○辛丑廣四川大邑縣學額一名○調志和為禮部右侍郎瑞聯為盛京刑部侍郎綿宜為盛京兵部侍郎由禮部右侍郎○壬寅諭軍機大臣等穆圖善奏甘涼肅三屬軍糧不能移作出關兵食並請飭袁保恆撥解西

東華續錄

同治八十

征半餉各摺片前因飭催成祿出關諭令左宗棠穆圖善將接濟軍食安設糧臺各節妥籌辦理茲據穆圖善奏稱肅州初復彈壓撫綏各營勢難遽撤需用芻糧向均就地籌辦連年輪助民力實已難支至甘涼二府民間勉力輸將供西路見駐之軍已不敷用若欲移作出關兵食不過徒託空言無裨實用惟關外安西敦煌玉門三州縣向係產糧之區文麟等軍口糧可由該三屬供辦等語尚屬實在情形即著左宗棠穆圖善飭令安西等州縣設法妥辦陸續運解不敷之項仍著該督等隨時接濟不得稍涉推諉至糧臺應設何處省城相隔二千餘里勢難臆斷文麟景廉成祿同辦關外之事即可會商辦擇地設臺派員經理庶免貽誤成祿見在行抵何處著即刻期出關毋稍延緩左宗棠所部十二營亦抵秦州兵數日增需糧更鉅非籌撥鉅款多方採買不足分贍諸

軍機圖善見派知府鐵珊經理其事著袁保恆遵照部議迅將各省應協甘肅半餉源源分撥以濟要需不准稍有遲誤穆圖善另片奏請飭調溫德勒克西常星阿來甘帶隊等語已諭令德英傳知該副都統傷病一痊即行前赴甘省常星阿見已來京所請調赴軍營之處著毋庸議黑龍江馬隊遠道出征必應妥籌接濟著俟行抵陝省即由西征糧臺籌發餉銀二萬兩嗣後仍由該糧臺按月籌解以利師行將此由六百里諭知左宗棠穆圖善文麟景廉成祿並傳諭袁保恆知之○諭定安桂成奏官軍進援定遠營解圍請飭山西撥解協餉及皮衣銀兩各摺片回匪圍困阿拉善旗定遠營經張曜派令楊春祥等與世祿坤庫善馬步各隊援勦立解重圍迨至廣宗寺斃匪甚多勦辦甚為奮勉所有在事出力員弁兵勇著准其彙案請獎張曜分兵赴援調度有方著定安等

東華續錄 同治八十

傳旨嘉獎見在賀蘭山一帶無餘匪伏匿仍著飭令各營實力按捕毋留餘孽甯靈東北一帶無另股竄匪金順行抵何處日來未見奏報著即懷遵前旨會同張曜等軍確探賊蹤分投截勦並將近日戰事賊情隨時據實具奏其打虎旗一帶賊匪前經宋慶派令蔣東才等前往探剿著定安等仍飭迅速進剿毋任乘間東竄宋慶張曜兩軍正當勦匪喫緊之際自可毋庸議撤其餉項雖由河南撥解山西亦有應協月餉該兩軍在邊外防勦正以保衛晉疆李宗義當按月源源解解毋令缺乏其需用皮衣銀二萬一千兩著照定安等所請先由殺虎口稅項內借款提用即著李宗義飭司趕緊如數籌撥解交該關監督查收歸款將此由五百里各諭令知之○癸卯諭軍機大臣等都興阿等奏覆勦邊地酌擬試辦並覆陳鳳城邊外情形各摺片據稱自鳳凰門地南至旺

濟門北查得已墾熟地九萬六千餘畝男婦十萬餘人見擬由邊陽地南至鳳凰門外一帶地方先行試辦惟蒙江西岸一帶南北四百餘里與朝鮮僅一江之隔該處地狹人稠別無安插之地擬照延煦等前與朝鮮委員所議於沿江附近地方酌留三五十里劃清界限儻實格於形勢不能多留餘地惟有嚴禁准墾民人不准過江一步如有越界滋事者即由朝鮮查拏解交邊門懲辦見已咨商朝鮮辦理等語游民私自開墾積重難返自應變通辦理以期綏輯地方該將軍等所奏係為因時制宜起見著禮部行知朝鮮國王將商議各節迅速咨覆以憑覈辦都興阿等俟朝鮮覆文到日即照所擬妥慎籌辦毋稍苟且惟勦辦展邊總應以距江稍遠為界如有游民於近江地方墾種即當令其移進邊內居住不得稍涉遷就以致漫無限制至驗版旺清二門外有應進貢物

東華續錄 同治八十

地方即照所議仍著都興阿等詳細查明次第妥辦將此諭知禮部並諭令都興阿額勒和布恩錫知之○諭丁寶楨奏太監在外招搖煽惑一摺據德州知州趙新稟稱七月間有安姓太監乘坐太平船二隻聲勢炫赫自稱奉旨差遣織辦龍衣船上有日形三足鳥旗一面船旁有龍鳳旗幟帶有男女多人並有女樂品竹調絲兩岸觀者如堵又稱本月二十一日係該太監生辰中設龍衣男女羅拜該州正在訪擊問船已揚帆南下該撫已飭東昌濟甯各府州飭屬跟蹤追捕等語覽奏深堪詫異該太監擅自遠出並有種種不法情事若不從嚴懲辦何以肅官禁而儆效尤著馬新貽張之誥丁日昌丁寶楨迅速派委幹員於所屬地方將六品藍翎安姓太監嚴密查拏令隨從人等指證確實毋庸審訊即行就地正法不准任其狡飾如該太監聞風折回直境即著會同藩飭

屬一體嚴擊正法儻有疏縱惟該督撫等是問其隨從人等有迹近匪類者並著嚴擊分別懲辦毋庸再行請旨將此由六百里各密諭知之○諭曾璧光奏官軍攻克九阡等處生擒首逆都勻失守分軍進剿各一摺逆匪占踞荔波縣屬之九阡等處經粵軍孔憲隆等進攻以兵力單薄曾璧光復添派盧振剛等會剿將九阡等處逆巢攻克逆首吳邦吉潘新簡均經擒獲勦辦尙爲得手該撫卽督飭將弁認真掃蕩並著蘇鳳文檄飭派出各軍協同攻勦務當乘此聲威將餘匪搜捕淨盡以絕根株張文德因餉項奇絀移兵就糧以致都勻復陷各城將領損折良多朝廷實深慮繫此次軍退城陷實因飢乏所致張文德著免其置議卽著曾璧光督令激勵官軍迅圖規取爲克復都勻之計一面飭令何雄輝等由貴定等處分路防勦毋令匪蹤蔓延將此由六百里各諭令知之

東華續錄

同治八十

四

補償究從何處籌給仍著該大臣於酌定後詳細奏明索倫人眾見已移入境內自應妥爲拊循著文碩錫綸迅卽籌款量加接濟俾免流離失所如該處存項不敷卽著文碩等咨明福濟等於烏里雅蘇台庫存銀兩內酌量撥給以資應用至此分界設立牌博後該城大臣等務當派委妥員隨時嚴查○丙午諭軍機大臣等蘇鳳文馮子材奏官軍克復高平夷省並勦辦黔苗獲勝各摺片越南木馬地方爲高平夷省要鎮該處土匪勾引逆首吳亞終分踞木馬高平意欲併力死守經馮子材派令總兵謝繼貴等督帶兵勇分路進攻四月二十三日以後官軍節節追勦先後將馬腹隘等處賊壘平毀殺斃賊匪多名克復高平夷省照錄該國王咨文及太原宣光輿圖呈覽並懇賞還夷地所有高平地方自應仍歸越南管理著蘇鳳文等知照該國王卽行撥兵防守並派員辦理善後事宜蘇鳳文等當督飭各軍滾營前進務將逆首吳亞終擒獲掃蕩餘黨以絕根株至各軍深入糧運維艱著卽派員設法採辦源源接濟一面仍嚴飭將弁約束兵勇不准絲毫擾累夷疆是爲至要至清江苗匪先後竄擾懷遠永從等邑古州苗匪亦時出肆掠李七一一股出沒於獨山交界之區與九阡逸匪勾結雖經官軍擊退而搜捕不可稍鬆蘇鳳文已飭潘其泰孔憲隆等督兵分路防勦並令何元鳳帶勇馳赴羅城截擊以固柳郡門戶卽著督令該副將等認真勦辦毋使蔓延將此由五百里各諭令知之○丁未諭內閣穆圖善奏辦理安插南八營回眾著有成效一摺前因穆圖善奏甘肅靜甯州回目李得倉率眾投誠當經諭令妥爲安插茲據奏稱派令道員張瑞珍等前往查辦李得倉造冊呈報南八營大小男婦五萬餘人除被脅漢民分別遣散外

東華續錄

同治八十

五

其回眾三萬餘人均安插於張家川等處年餘以來安分務農極為馴順去冬陝回竄擾南路該回眾等並能聯絡漢民協同守禦實能改過自新深明大義殊屬可嘉署鞏秦階道張瑞珍辦理此事始終妥協著交軍機處存記候旨錄用並賞加布政使銜回李得倉約束部眾真心歸正著賞戴四品花翎以昭激勸至該回眾等既經反正即與良民無異著左宗棠穆圖善飭令該地方官妥為撫綏盡心化導俾得力田敦睦勉為善良並仍責令李得倉隨時鈐束各安生業毋任稍滋事端此外甘省回眾果有悔罪輸誠真心向化者朝廷即當貸其前罪予以自新儻或辦理不善敷衍目前致日後仍煩兵力亦惟該督等是問此旨著左宗棠穆圖善刊刻謄黃徧行曉諭用示朝廷覆幬無私咸與維新至意○諭軍機大臣等劉嶽昭奏滇省尚未解圍擬俟昭通等處漢回搆擊

東華續錄 同治八

六

辦有端倪即行赴省會勦等語雲南省城圍尚未解雖經劉嶽昭飭令總兵李家福等率兵赴省與岑毓英等會籌攻勦而附城賊壘負固如常官軍見紮南門之大梵宮等處擬將該逆糧路截斷以期會攻江右館一帶巨巢即著岑毓英會商馬如龍督飭各軍迅圖掃蕩惟賊壘尙眾兵力甚單劉嶽昭若俟昭通等處布置就緒方行進援未免緩不濟事著一面飭令唐友耕等將漢回各事妥為籌辦一面即帶張松林劉奇義等營馳援省城會合夾攻盡殲醜類不得稍涉遲回致誤大局派出之提督胡志祺等四營並著催令迅速前進毋稍玩誤將此由六百里各諭令知之○諭戶部奏遵催西征協餉一摺江浙等省協濟左宗棠等餉項總計八百十餘萬兩前經戶部奏催僅據湖北續解銀八萬兩浙江續解銀二十萬兩江西續解銀六萬兩江蘇續解銀四萬兩廣東續解

銀十二萬兩安徽續解銀二萬兩山西續解銀二萬兩雲山東續解銀二萬四千兩粵海關續解銀二萬兩賑之各該省應解數目大相懸殊此外各該省關並未據報續解陝甘需餉孔亟豈容如此玩延著李鴻章文煜馬新貽英桂瑞麟李瀚章劉坤一丁日昌卞寶第李福泰郭柏蔭英翰劉峴李宗義丁寶楨李鶴年崇禮按照該部此次單開數目趕緊籌解毋得藉詞推諉以濟要需如有仍前玩誤及欠解最多者並著左宗棠查明將該省之藩司等指名嚴參見在東南收靖江南浙江湖北山東等省所留勇丁尙屬不少應如何酌量裁減將節省餉需協濟西征之處著李鴻章馬新貽丁日昌郭柏蔭李瀚章英翰丁寶楨實心籌畫俾裕餉源其山西河南安徽山東江南等省原協張曜宋慶郭寶昌潘鼎新等餉項軍火無論各該營有無裁汰均著各該省隨時報解毋稍短欠另片奏遵議穆圖善軍需數目等語各省協撥之款每年專解甘省及秦州銀一百二十萬兩著照部議仍由穆圖善收支隨時派員迎提其各省協撥西征之餉仍著左宗棠遵照前旨統收分撥以免紛更穆圖善所請添撥釐金劃半歸甘之處著毋庸議至四川山西協甘米價該將軍務飭司道等詳查已收未收各若干覈實報部所有甘營馬步兵勇細數及受協各款仍著該將軍詳晰開報並慎遵前旨將布置裁併之處查明左宗棠辦理原單均著鈔給閱看將此由五百里諭知左宗棠李鴻章文煜穆圖善馬新貽英桂瑞麟李瀚章劉坤一丁日昌卞寶第李福泰郭柏蔭英翰劉峴李宗義丁寶楨李鶴年並傳諭崇禮知之○己酉飭河南撥銀一萬四千餘兩充吉林冬圍經費○庚戌諭內閣本月初三日丁寶楨奏據德州知州趙新稟稱有安姓太監乘坐大船捏稱

東華續錄 同治八

七

銀十二萬兩安徽續解銀二萬兩山西續解銀二萬兩雲山東續解銀二萬四千兩粵海關續解銀二萬兩賑之各該省應解數目大相懸殊此外各該省關並未據報續解陝甘需餉孔亟豈容如此玩延著李鴻章文煜馬新貽英桂瑞麟李瀚章劉坤一丁日昌卞寶第李福泰郭柏蔭英翰劉峴李宗義丁寶楨李鶴年崇禮按照該部此次單開數目趕緊籌解毋得藉詞推諉以濟要需如有仍前玩誤及欠解最多者並著左宗棠查明將該省之藩司等指名嚴參見在東南收靖江南浙江湖北山東等省所留勇丁尙屬不少應如何酌量裁減將節省餉需協濟西征之處著李鴻章馬新貽丁日昌郭柏蔭李瀚章英翰丁寶楨實心籌畫俾裕餉源其山西河南安徽山東江南等省原協張曜宋慶郭寶昌潘鼎新等餉項軍火無論各該營有無裁汰均著各該省隨時報解毋稍短欠另片奏遵議穆圖善軍需數目等語各省協撥之款每年專解甘省及秦州銀一百二十萬兩著照部議仍由穆圖善收支隨時派員迎提其各省協撥西征之餉仍著左宗棠遵照前旨統收分撥以免紛更穆圖善所請添撥釐金劃半歸甘之處著毋庸議至四川山西協甘米價該將軍務飭司道等詳查已收未收各若干覈實報部所有甘營馬步兵勇細數及受協各款仍著該將軍詳晰開報並慎遵前旨將布置裁併之處查明左宗棠辦理原單均著鈔給閱看將此由五百里諭知左宗棠李鴻章文煜穆圖善馬新貽英桂瑞麟李瀚章劉坤一丁日昌卞寶第李福泰郭柏蔭英翰劉峴李宗義丁寶楨李鶴年並傳諭崇禮知之○己酉飭河南撥銀一萬四千餘兩充吉林冬圍經費○庚戌諭內閣本月初三日丁寶楨奏據德州知州趙新稟稱有安姓太監乘坐大船捏稱

欽差織辦龍衣船旁插有龍鳳旗幟攜帶男女多人沿途招搖煽惑居民驚駭等情當經諭令直隸山東江蘇各督撫派員查拏即行正法茲據丁寶楨奏已於泰安縣地方將該犯安得海拏獲遵旨正法其隨從人等本日已諭令丁寶楨分別嚴行懲辦我朝家法相承整飭官寺有犯必懲綱紀至嚴每遇有在外招搖生事者無不立治其罪乃該太監安得海竟敢如此膽大妄為種種不法實屬罪有應得經此次嚴懲後各太監自當益知儆懼仍著總管內務府大臣嚴飭總管太監等嗣後務將所管太監嚴加約束俾各勤慎當差如有不安本分出外滋事者除將本犯照例治罪外定將該管太監一併懲辦並通諭直省各督撫嚴飭所屬遇有太監冒稱奉差等事無論已未犯法立即鎖拏奏明懲治毋稍寬縱○諭軍機大臣等丁寶楨奏拏獲招搖煽惑之太監遵旨正法並分別查辦隨從人等一摺已明降諭旨宣示矣安得海既經正法其隨從之陳玉祥李平安二名亦係太監均著即行絞決此外尙有太監幾人著丁寶楨於訊明後一併絞決以儆效尤其餘隨從人等迹近匪類者即懷遵前旨分別懲辦至黃石魁一名係何人役摺內所稱前站官究係何官抑係冒充並著訊明辦理安得海衣物等項毋庸存儲藩庫即由該撫派員解交內務府查收將此由六百里諭令知之○壬子諭軍機大臣等定安桂成奏馬隊官兵剿除河西股匪淨盡一摺回匪馬輪由邊內竄擾杭錦旗屬沙拉召地方經達爾濟等督飭所部左右鈔擊賊匪敗逃官軍直前追殺斃匪甚多投河淹斃者無數據獲賊供馬輪已於軍前殲斃竄撲中灘河干之馬步回匪亦經察哈爾馬隊連番追剿斬除淨盡所有達爾濟等所部出力官兵著准其擇尤彙案奏保惟沿

東華續錄 同治八年

東華續錄 同治八〇

邊一帶時屆秋成河西鄂爾多斯七旗地面又極遼闊該逆等盤踞甯靈難保不分股出邊復圖擄掠仍著該將軍等咨會杜嘎爾嚴飭達爾濟等聯絡張曜宋慶各軍確探賊蹤節節追剿一面分飭沿河各隊加意嚴防毋稍疏懈金順何以久無奏報見在行抵何處曾否遇賊接仗著即懷遵疊次諭旨會同張曜等軍相機兜剿迅掃逆氛並將賊勢軍情隨時據實具奏將此由五百里各諭令知之○浙江杭嘉湖各屬水災諭李瀚章加意撫恤○癸丑諭軍機大臣等豐紳謙禧奏陝匪近城滋擾請飭金順赴甯會剿一摺據稱陝匪自中衛平羅等處竄至甯夏滿漢兩城外屯紮六月初一日馬賊在府城西門外搶擄副將方大順追至蘇家燒房地方將賊擊敗忽有馬賊從平羅大路前來該副將衝入賊隊中槍陣亡見在賊勢嗚張請飭金順迅速來甯等語前因陝匪竄入甯境諭令金順會合張曜等帶隊馳援刻下定遠營業已解圍張曜督軍追剿距甯夏僅八十里豐紳等所奏賊情係在張曜獲勝以前所有該處近日情形已否鬆緩著該將軍等查明馳奏並著定安催令張曜統率所部乘勝跟追毋任該逆得以喘息金順如何兼顧即著懷遵疊次諭旨會合張曜各軍相機夾擊以靖甯境豐紳等於諸軍未到之時如賊勢仍前肆擾著即督率官兵營勇將兩城防守事宜妥為布置加意嚴防不可稍涉大意將此由五百里各諭令知之○予甘肅陣亡副將方大順等祭葬世職○甲寅諭軍機大臣等岑毓英奏官軍疊破附省賊壘並各路剿匪獲勝情形一摺省外李家地老鴉營等處賊壘疊經岑毓英督軍攻克劉嶽昭所派李家福等亦已進攻大梵宮等處賊巢見在兵力較厚著岑毓英迅督各軍將江右館一帶踞賊力圖掃蕩南路得手

東華續錄 同治八年

一八五

則西北兩面自可迎刃而解其祿豐安南易門昆陽等處賊匪亦
 經各軍分投攻擊斬頗多勦辦甚為得手附省之賊糧斷援絕
 勢已窮蹙該督撫等務當乘此聲威激勵將士奮勉圖功毋稍鬆
 勁並著劉嶽昭仍遵前旨即帶張松林等軍馳赴省城會同岑毓
 英妥籌布置併力攻剿以期迅速逆氛將此由五百里各諭令知
 之○雲南巡撫岑毓英奏密陳滇省軍務並請俟省圍解後陛見
 得旨該撫惟當以大局為重開誠布公和衷共濟會同督臣提臣
 將近城各賊壘以次掃蕩迅奏膚功毋得各存意見所請俟省圍
 解後來京陛見之處著毋庸議○乙卯諭軍機大臣等李宗義奏
 官軍追剿回逆獲勝一摺回逆於本月初二日竄擾郡王旗之那
 把害廟地方經提督蔣東才等督軍迎擊該逆聞風西竄我軍追
 殺百餘里復出小隊誘賊前後夾擊斃賊不少該逆悉向西北敗
 東華續錄 同治八十
 竄訊據賊供逆首白禿子見已陣斃初六日蔣東才移紮哈拉寨
 探得準噶爾旗境內亦有賊蹤著定安桂成飭令宋慶迅催蔣東
 才等乘勝越剿務將準噶爾旗境內賊匪悉數殲除毋留餘孽至
 清托河保等處與該旗境僅隔一河並著定安桂成李宗義督飭
 在防官兵嚴密防範不可稍有疏虞將此由四百里各諭令知之
 ○調志和為刑部左侍郎桂清為禮部右侍郎以廣壽為理藩院
 右侍郎由內閣○丁巳諭軍機大臣等總理各國事務衙門奏民
 教仇殺案件請旨飭催早結一摺西陽州團民殺斃教民教民殺
 斃團民一案疊經該衙門咨催崇實等秉公訊結惟據法國使臣
 羅淑亞等文稱所殺教民數內有教士李國一名係屬該國之人
 崇實等前文咨送冊內首開李國安姓名是否即教士李國及李
 國安是否洋人之處均未聲敘明晰而該使臣等屢以教士被殺

並不緝兇究辦等語向該衙門爭論案關殺斃多命按之中國律
 例亦應查覈人數及早訊辦何得將此案任意拖延李鴻章計已
 抵川著即會同崇實吳棠嚴飭該地方官將殺死李教士一案查
 擊真正兇手按律審辦毋得漏網並著將民教互殺人數秉公查
 訊及早擬結李國安是否即係李國亦當確查聲覆不可稍涉含
 胡其軍教士率匪殺斃平民多命之案李鴻章等亦即悉心籌辦
 務期毋枉毋縱以弭爭端將此由五百里各諭令知之○戊午左
 宗棠奏竊兵事有一定之規模有自然之次第其先後緩急之節
 則必審賊勢軍情應之臣自進駐涇州以來熟察甘肅全局北自
 花馬池而南少西為靈州池南少東為環縣又東南為慶陽為甯
 州正甯折而西南為涇州為靈臺池而西包陝西汧陽隴州北境
 鞏山而西為清水又西為秦州清水之南為兩當與徽縣成縣東
 東華續錄 同治八十
 連陝境南界蜀境而甘肅東路自北而南之路始盡以地理家飛
 鳥之數計之不過一千三百餘里以人行之數計之則幾二千餘
 里此甘肅自北而南之地勢也由花馬池而西少北為甯夏又北
 為平羅由甯夏而西南為中衛又西為古浪古浪西北為涼州涼
 州北為鎮番西北為永昌山丹又西北為甘肅高臺肅州池西而
 南則嘉峪關矣此為甘肅之北路由慶陽而西為鎮原為固原州
 由涇州而西為崇信西北為平涼府又西為隆德為靜寧州又西
 為會甯為安定又西北達蘭州蘭州之西北為碾伯縣為西甯府
 此為甘肅之中路由秦州而西為伏羌甯遠西北為鞏昌府又西
 北為渭源又西北為狄道州二百三十里達蘭州秦州南為徽成
 東為清水東南為兩當西南為西和禮縣又南為階州鞏昌之西
 南為岷州洮州及各土司地此為甘肅之南路以見在賊勢言之

陝甘逆回萃於甯夏所屬平羅靈州中衛一帶其東竄纏金之賊經張曜擊之沙金托海磴口速解阿拉善定遠重圍窮追至廣宗寺復進賀蘭山距甯夏不遠宋慶又擊退鄂爾多斯及五勝札薩等旗之賊據張曜報金順等馬步各營又已行近磴口似邊外漸可肅清劉松山全軍七月十二日已由清澗馳抵鎮靖堡將糧運後路節節布置攜十二日之糧向花馬池前進計此時已抵花馬池進剿甯靈之賊北路兵力已厚似邊外亦可肅清南路秦州一帶河州竄回自李輝武吳士邁兩軍擊敗後六月十九日又經甘軍記名提督梅開泰擊之伏羌縣北六十里馬家峴捻斬頗多餘賊全遁歸蘭州運道漸已疏通穆圖善前此停運之餉均已悉數提去昨接藩司崇保來函每月官商搭幫往來馱騾或五六百或七八百甚有轉機河州踞逆近無大股出竄穆圖善所派記名東華續錄 同治八十 三

提督涼州鎮總兵傅先宗總統喻正祥敖天印彭忠國之二十四營臣飭其分駐徽縣榆樹壩高橋李子園娘娘壩皂角鋪以護完善之區通餉運之道俾吳士邁李耀南湯聘珍得隨時往來雕勦以速戎機似南路亦漸有肅清之望其中路平涼府屬固原以北陝回之崎零小戶多有赴營求撫者臣飭各地方官指荒絕地畝隨時安插馬朝清續稟陝回有急於就撫者有頑梗如故者臣仍以分別勦撫之意示之一面調道員魏光燾進駐慶陽提督劉端冕進合水以防環縣竄出之賊總兵張福齊進駐董志原之蕭金鎮分駐屯子鎮西峯鎮提督丁賢發由鎮甯進駐鎮原之驛馬關以遏甯靈橫溢之賊一面調陝西提督雷正綰由平涼進駐固原之古城川提督周蘭亭由蕭金鎮進駐瓦亭以扼南北之衝惟中路平涼一府古稱雄鎮自回逆肇衅以來府城三次失陷官軍頻

東華續錄 同治八〇

年未遑辦守令多寄居村堡力不能制土匪甚且藉土匪自固假以義旅之名任其蠶食村堡茹柔吐剛不辨良匪有鹽茶廳民張貴即剛八者因忿其兄剛五枉殺之事糾聚黨夥迫脅良民竊踞靜甯州莊浪縣丞轄境威戎鎮水洛城等堡攻破靜莊兩屬民堡五十餘處其黨侯得應攻破會甯通渭縣黃家窯各堡十七處又攻破會甯縣東北鄉民堡四處秦安縣民堡被破者未知其數聚眾至二十八營仿官軍營制旗幟器械居然齊整與鎮原匪首孫百萬遙相勾結拷掠之慘甚於逆回為平涼秦州一大患臣前以驛馬關有賊騎突至檄黃鼎派隊勦之路過鎮原縣時出不意孫百萬解營代理鎮原知縣廖溥明亦獲其弟孫百智解審臣親提孫百萬孫百智訊明攻破寨堡百餘殺人不計數當即斬決傳首犯事地方示眾以伸國法而快人心張貴聞知與其黨謀變益急臣前次欽奉寄諭都察院奏工部員外郎王夢熊遣抱以賊圍緊急等詞赴該衙門呈訴左宗棠度師入隴著即查明該處如有賊匪竄擾即行派兵勦洗以靖地方原呈著鈔給閱看欽此臣欽奉之下詳察張貴罪狀尙有王夢熊所未及者此賊不除各屬殘黎難堪毒害且所擾之靜莊會甯各境本蘭州中大道秦安又蘭州南北孔道均未容稍有梗阻其地居甘甯南北之中甯靈之回與河狄之回往來句結不由靜莊即出秦安將欲南北分馳掃除餘孽而土匪從中作梗餉道堪虞若待駐軍防勦徒分兵力臣先調黃鼎率所部入成隊伍由崆峒化平川徑擣莊浪所轄威戎鎮賊巢調總兵簡敬臨由靈臺出崇信經馬頰口以擣水洛城賊巢調駐秦州之員外郎銜中書吳士邁道員李耀南湯聘珍等撥所部進秦安清水會剿防賊南竄並搜勦踞秦安神峪河另股

一八七

回逆如能迅速蒞事則蘭州東西一律肅清省垣僅防河州之賊無須重兵其黃鼎仍回軍平涼進固原會同雷正綰進剿甯靈一帶回逆秦州之軍進剿河狄逆回而甘肅大局可期復振此微臣度隴規畫調度由東而西之大略也穆圖善前催臣進涇州接篆奉有諭旨昨復欽奉諭旨飭臣進紮秦州接篆比准穆圖善緘咨又已具摺請旨竊維臣由關度隴必由中路本一定之局以形勢言之北可聯絡甯靈慶固南可聯絡鞏秦東可屏蔽秦川西可直達皋蘭也以兵事言之北路劉松山定邊花馬池之軍距涇州雖僅數百里然兵燹之後郵傳不通文報往來必須從延安繞遞已非兼旬不能達臣接劉松山緘牘又須酌量調度行知北路中路諸軍展轉迂回已虞貽誤若再移駐秦州則山谷間隔往返更多千有餘里尤覺聲息難通况當勦撫兼施之際隨宜因應事變未可豫知臣駐軍適中之地尙可就近酌量相機應之若移駐秦州偏於南路不但北路阻隔即中路亦運掉不靈似於大局所關非小且隴中頻年軍事之誤由於置平慶涇一道不顧專就秦安一綫餉道爲苟安之計致匪回縱橫生民荼毒如此夫豈不日餉絀時艱宜緩匪而急回也又豈不日宜先固根本通運道暫支危局也而其效已可觀臣若舍涇州而進秦州局勢何以異此人之議臣者必且謂知有穆圖善而不知有國事知有蘭州而不知有陝甘臣雖百喙何能辭咎此臣所爲反復籌維罔知攸措者也且以地里遠近言之由涇州至蘭州一千零二十里由涇州繞秦州至蘭州一千一百六十里本無庸舍近而道遠而以賊勢言之秦州無賊靜甯莊浪有賊臣未可避勞而就逸如果北路事機順利臣當由涇州大道進平涼以赴蘭州縱或蘭州有急臣檄南路秦州

各營爲迎剿之師檄中路平涼各營爲橫擊之師似亦易有把握是否如斯之處伏候訓示至督篆交卸遲速之宜一聽穆圖善酌量陳奏要之甘肅兵事臣斷不敢居功如有疏失亦斷不以未接督篆諉過穆圖善 上諭軍機大臣等甘省北路兵力已厚漸可肅清南路河州踞逆近無大股出竄蘭州運道漸已疏通惟土匪張貴盤踞靜甯州屬威戎鎮等處聚眾甚多分擾靜莊會甯各境此賊不除爲平涼秦州一大患左宗棠見調黃鼎簡敬臨等分擄威戎鎮水洛城賊巢著即飭令迅速攻剿務將此股剋期殲滅毋稍遷延其秦安神峪河另股回逆並著嚴飭吳士邁等實力搜剿俾中路早日廓清庶兵力不至爲其牽掣陝甘逆回萃於平羅靈州中衛一帶劉松山已抵花馬池著左宗棠飭令該提督剋日進兵並遵前旨檄飭郭寶昌軍合力進剿節節掃蕩毋任日久蔓延東華續錄 同治八十 志

邊外之賊雖經張曜等疊次擊敗而此時大兵進逼甯靈恐該逆以邊外爲遁逃藪據該督奏稱金順等馬步各營已行近磴口著金順聯絡張曜等軍勤加偵探遇有賊蹤務須實力堵剿杜其向東北奔竄之路並著該副都統將北路賊勢軍情隨時據實具奏甯夏防兵甚單如遇有警並著金順相機援應前因穆圖善奏稱南路軍情緊要諭令左宗棠酌量移紮秦州茲據左宗棠奏稱涇州爲適中之地可以兼顧南北即著暫時駐紮該處妥籌調度穆圖善即將總督關防迅速派員齎交左宗棠接受毋庸再行請旨該大臣接篆後蘭州省垣防務應交何人接辦或左宗棠即赴省城駐紮以便居中調度之處即著酌度辦理儘有疏虞仍惟該大臣是問將此由六百里各諭令知之○諭錫綸奏厄魯特人眾不能順聽分安設法辦理情形布倫托海賊首自投各一摺厄魯特

人眾附近科城者僉欲赴杜爾伯特安插不願赴喀爾喀並有喇嘛奈愷等七人聚集五百餘眾搶掠扎哈沁烏梁海等部落經錫綸招致奈愷等派為頭目收集流亡見在已得一千餘名分赴杜爾伯特安插其散往各處之人分安喀爾喀眾情既有不願而杜爾伯特一處又不能安置五千餘人之多應如何設法安插消患未萌之處著福濟文碩錫綸統籌全局妥為辦理棍噶扎勒參勒辦變民獲勝賊首張敖親投到營張懇亦為眾所縛獻一併解送至科經錫綸訊明正法其餘脅從人眾雖經收撫仍著福濟文碩錫綸會同棍噶扎勒參妥籌安置毋令該人眾失所致滋事端將此由六百里各諭令知之○己未諭軍機大臣等定安桂成奏官軍截剿竄匪連獲大勝一摺據稱提督蔣東才剿賊情形與李宗義前奏大略相同見在達爾濟一軍勦辦達拉特旗竄匪在佈魯東華續錄 同治八十 六

鳳界龍王廟地方滋擾並將岫巖廳通判截留廟上實屬藐法已極奉天地方近年盜風稍息乃此股賊匪膽敢聚眾滋擾截留廳官若不亟予勦除何以安善良而戢奸宄都興阿等見已派毓昌等督兵會勦著即嚴催各該員確探賊蹤迅速撲滅將匪首悉數擒拏不准稍涉稽遲致滋延蔓並一面札飭叢登甲馳赴孤山嚴為防範該處山路紛歧見當木簞偷運之時尤恐有奸匪從中煽惑該將軍等務令色楞額詳察情形妥為布置以便合力勦捕綏靖地方將此由四百里各諭令知之○湖南安鄉等縣水災諭劉峴撫恤○辛酉諭軍機大臣等金順奏馳抵纏金剋日西進及河東協餉請免勻扣並飭速撥欠餉各摺片近日邊外竄匪屢經張曜等截剿已無賊蹤前圍定遠營股匪亦經提督楊春祥等擊退至由石嘴子山迤南至甯夏中衛境內大股陝回屯踞猖獗異常東華續錄 同治八十 七

首張老熊等糾集各股苗匪窺撲牛場襲安經唐炯檄飭副將向長曙等軍分路進剿將該匪金幹幹等擊敗陣斬逆酋多民張老熊仍率黨由翁巴而來官軍突起即將該逆槍斃餘賊由羅切五里橋等處回巢復為伏兵要殺其出撲重安之賊見已退至河外擦耳崖王家牌等處苗匪亦經官軍先後擊退此次川軍進剿黔苗屢獲賊首實足以壯聲援惟黔境下游處處皆賊非各路官軍合力剿辦不能痛掃逆氛崇實等仍當飭令唐炯穩固後路一面檄催總兵李有恆迅率所部前往會擊劉峴亦當分飭席寶田等軍探蹤前進與川黔各軍聯絡聲勢乘勝規取並著曾璧光統籌全局調撥黔中將士分投兜剿不得專藉客援坐失機會崇實等另片奏昭通文武稟雷提督唐友耕等語昭通為地東門戶關繫緊要前諭劉嶽昭飭令唐友耕將漢回各事妥辦即帶張文林等

東華續錄

同治八十

九

馳援省城茲據稱該處回匪招聚抗拒官軍各情是唐友耕一軍勢難剋期前進惟滇省城圍未解岑毓英等待援甚切若將該軍專守昭通則於省事無濟此時或留唐友耕勦辦昭通回匪或分軍往解省圍之處均著劉嶽昭熟審情形從長辦理岑毓英於諸軍未到之前仍著懷遵前旨會同馬如龍督軍防勦毋稍疏虞將此由六百里各諭令知之○諭伊勒屯奏偵探西路賊情見籌防範一摺據稱烏垣踞逆自上年擊退後本年五月間吐魯番踞逆約有數千竄紮穆壘河該逆復潛出駐紮奇台所屬馬廠窩子地方經軍功鄧生玉帶領民勇力擊獲勝等語烏城等處逆匪時思竄擾巴城防務極關緊要著伊勒屯何瑄督飭官兵民勇嚴密防堵毋得稍有疏虞至所稱文麟派員協同肅州委員赴烏招撫並著速行知照文麟等嚴飭各該委員斟酌情形妥為辦理毋為該

逆所給將此由五百里諭知伊勒屯並傳諭何瑄知之○諭棍噶扎勒參奏招撫難民會商安置及克復布倫托海報解首犯請將出力弁兵酌保並土爾扈特親王等出力捐輸分別請獎各摺片布倫托海變民經該呼圖克圖帶兵收復尙屬出力其隨征弁兵著錫綸會同查覈酌請獎敘以示鼓勵該處賊首張敖張興業經錫綸訊明正法其脅從人眾並被難各民應如何籌給口食妥為收撫之處見在棍噶扎勒參前赴烏科即著福濟錦丕勒多爾濟奎昌明瑤文碩錫綸會同籌商毋令稍有失所致生事端土爾扈特親王等於棍噶扎勒參帶兵進剿時捐輸馬匹羊隻以濟要需並各帶隊隨同進剿洵屬好義急公自應酌給獎勵惟該呼圖克圖所請獎敘未免過優著福濟文碩錫綸再行查明奏獎以昭覈實棍噶扎勒參另片奏科布多主事阿柯敦布講求時務深有遠見熟諳情形通曉蒙語可否飭令幫同錫綸辦理一切等語布倫托海地方甫經安定辦事需人如果阿柯敦布才具可用即著文碩錫綸就近訪查酌量差遣不得稍存遷就之見致有貽誤將此由六百里各諭令知之○癸亥諭內閣李宗義奏遵查藩司未能勝任一摺山西布政使胡大任飲酒自娛遇事健忘廢弛因循實不勝藩司之任胡大任著即休致○諭軍機大臣等文麟奏西路賊情並遵鈔前給烏城逆首諭帖呈覽一摺該大臣所給逆首安得璘諭帖措詞尚為妥協惟迄今兩月有餘該逆首曾否與各回自會商定局未見回信亦未見委員烏仁泰等稟覆是否安得璘從中挾制使逆回不敢投誠殊為可疑近日該逆又有與鄧生玉等尋釁之說該大臣以回逆詭譎異常已調前雷敦煌防軍來哈協防一面密為偵探一面嚴加防範此中操縱機宜在該大臣

東華續錄

同治八十

九

協防一面密為偵探一面嚴加防範此中操縱機宜在該大臣

隨時妥籌不可稍涉大意景廉既據安敦王等處紳民稟請著准其暫緩赴任將安西等處力籌保衛並將哈密後路妥為料理即行西進昨據伊勒屯奏烏垣等處踞逆不時騷擾成祿疊經諭令出關見右行抵何處查無奏報直將歷降諭旨視若弁髦豈以派一委員赴烏招撫遂可了事耶著該提督迅速出關相機勦辦一面以起程日期具奏如再遷延自問當得何罪將此由六百里各諭令知之○石贊清以病免以閻敬銘為工部右侍郎前山東巡撫○調何璟為山西布政使以張建基為湖北布政使由按察使遷○乙丑諭軍機大臣等前據御史徐景軾奏請飭挑濟運河並籌辦河運各情當經降旨交該部議奏茲據戶部奏酌擬三條請飭覈議詳加披覽如導河南行應如何將蘭儀以東故道設法疏濬汶河之分水口移於南旺之北泗水口開於南旺之南築戴村壩以遏汶

東華續錄

同治八十

三

水復於臨清以南引衛入運是否可行著馬新貽張之萬蘇廷魁李鶴年丁寶楨派員相度會議具奏至江浙軍船久已無存即豫東軍船亦多殘缺應如何借用民船抑或酌量分造著各該督撫等一併籌議其河運經費亦當豫為籌計不得另動正款並著馬新貽丁日昌李瀚章李鶴年妥為籌議具奏戶部摺均著鈔給閱看將此各諭令知之○諭都興阿奏獲著名要犯請將出力之蒙古官兵獎勵並勦捕鳳屬賊匪獲勝額勒和布等奏賊匪滋擾見已聞拏逃逸各一摺逆犯程廣學前因官兵捕拏就勢遠颺茲經台吉諾林不勒追至康家屯村西將該犯拏獲並其妻屬子女及窩主高姓等解送到案當於訊明後正法餘均經該將軍分別辦理所有出力之蒙古官兵著准其擇尤奏保在逃之宋英一犯仍著都興阿札飭各該地方官嚴拏究辦毋任漏網鳳屬龍王廟

東華續錄 同治八〇

賊匪在北井子一帶滋擾並刀傷通判英斌復由西山頭大路直撲官軍經防禦懷謙等帶兵迎剿生擒張才等多名該匪向西南分竄其由邊外大東溝竄來賊匪見復進邊窺伺奉天鳳屬地方向多伏莽此次官兵會剿雖將龍王廟匪股擊散而匪首叢俊茂趙日先等尙未就擒難保不糾合餘黨乘機肆擾都興阿等務當慎遵前旨嚴飭毓昌等督兵合擊並會同額勒和布恩錫分飭附近一帶地方官派兵堵截將各股匪犯殲除淨盡以靖地方將此由四百里各諭令知之○諭劉峴奏彙報楚軍援黔勦辦情形一摺貴州台拱之賊出竄黎平經提督龔繼昌攻破冰廖二洞賊寨道員李光燦等又將分擾寨蒿等處賊匪擊退至鎮遠施秉各城新復劉峴責成提督彭芝亮道員鄧善燮等駐守附近施城之黑石蚊子坡等處各寨之賊均經彭芝亮等截剿大獲勝仗六七兩

東華續錄

同治八十

三

月以來楚軍聲威頗振劉峴見籌轉運接濟兵糧已足際此秋深瘴退正可乘勝進兵著劉峴飭席寶田於假滿後趕緊赴營督勦毋誤戎機苗徑叢雜楚軍深入後路必有嚴防湖南兵力尙單著崇實吳棠迅催駐紮重安江清平牛場等處各軍星速進剿會璧光務當竭力策應川黔兩省軍自上游搜剿而下楚師由下游轉賊而上庶可削平逆寨盡掃苗氛將此由五百里各諭令知之○以劉策先為湖北按察使記名按察使○丙寅諭軍機大臣等穆圖善奏官軍追剿鹽關等處賊匪並伏羌剿匪獲勝各一摺甘肅南路回匪竄擾西和禮縣鹽關一帶經提督喻正祥等督率兵勇連日追剿斬賊甚多將鹽關禮縣等處賊匪次第殲除城堡均獲保全其竄擾伏羌之匪亦經梅開泰擊勦獲勝辦理尙為妥速著左宗棠穆圖善飭令喻正祥等軍乘勝追剿將南路零星股匪迅速

婦除母雷餘孽前據左宗棠奏該大臣駐紮涇州可以兼顧南北
即著穆圖善懷遵前旨將總督關防派員齎交左宗棠接受該大
臣於接篆後務將甘肅全省情形妥為籌畫省垣防守尤關緊要
該大臣未到之先應責成何人經理亦著先事豫籌是為至要將
此由五百里各諭令知之○予貴州陣亡副將楊文行祭葬世職
加等○予甘肅陣亡提督饒得勝等祭葬世職○是月後徵山東
臨邑等十縣被旱被雹新舊額賦暨雜課有差

九月己巳朔諭軍機大臣等景廉奏馳援安玉賊匪東竄入關並
由安起程赴任一摺肅州收復後零匪時出竄擾安西州屬黑山
橋村外堡突被越進雖經趙壽汝等擊退而布隆吉爾等處時有
賊匪搶掠西甯河州回匪又在赤金堡滋擾由天津衛分股前竄
景廉恐後路有失督隊馳抵安西該匪已東竄入關見在玉門所

東華續錄 同治八十

五

屬地方亦無賊蹤該大臣以哈密防務喫緊將靖邊各營交總兵
張玉春駐守安西即日啟程赴任惟肅回一日不清則安敦玉三
屬亦一日不靖見雖有各軍防守而無地方官約束難免不四出
滋擾即著左宗棠穆圖善分飭該處鎮道及文武各官加意防範
毋任時竄出關以維大局其籌辦口糧修理堡寨等事已經景廉
札飭張厚慶及各紳董趕辦該督等如可兼顧並著隨時督催俾
免疏失景廉刻已抵任所有哈密防務事宜著即會同文麟妥籌
布置其各路投誠回日見在情形若何亦著懷遵疊次諭旨彼此
商辦不可掉以輕心成祿疊經諭令出關乃日久遷延不進不知
是何肺肝此時景廉已赴哈垣該提督若再帶兵前往自可倍壯
聲威即著整隊出關會合勦辦並將起程日期迅速具奏如仍異
意不前國法具在豈能為該提督稍寬耶將此由六百里各諭令

知之○庚午諭軍機大臣等成祿奏部署出關饒陳管見八條請
飭催各路協餉並飭穆圖善籌糧暨派員赴川陝募勇請調甘省
人員差委及籌辦哈密密勘撫情形各摺片成祿部署出關餉項支
細自係實在情形所請於各省有著可指之款先籌撥銀二三十
萬兩俾利師行並請於上海九江及江浙鹽務釐稅項下按月議
撥數萬金解交山西藩庫彙解其餘再由四川山西並河東監務
協濟之處著戶部速議具奏至四川山西陝西湖北河南等省應
解成祿月餉並著該部查明迅速咨催以濟要需西路用兵籌糧
急於籌餉成祿請將涼州以東之糧仍歸省城提用永昌山丹甘
州以西之糧歸西路大兵提用著左宗棠穆圖善通盤籌畫如事
屬可行即飭該地方官遵照辦理俾兵食不至缺乏成祿營內並
無甘省候補大員委辦糧臺呼應難期順手所陳亦係實情著左

東華續錄 同治八十

五

宗棠穆圖善酌度機宜於道府大員中揀派一人前往承辦不必
拘執前議致有貽誤親王督師出自特簡豈臣下所得妄擬成祿
冒昧陳請殊屬荒謬著毋庸議甘省兵多餉絀譁潰時聞成祿惟
當將見存兵勇裁汰冗弱簡練精實豈可續行調募徒糜餉糈所
請調別省勁旅並在川陝等處募勇赴營之處著不准行並將裁
定兵數迅速具奏聽候諭旨至請調副都統常順前署副都統三
壽道員陶斯詠同知陳景誠直隸州知州鐵珊知州李光興知縣
張秉恬縣丞汪圻赴營差委能否派往著左宗棠等酌量辦理高
臺勇潰成祿統率無方著交部議處至營官石成器所部之勇前
據穆圖善奏業派王仁和招集統帶當經諭令妥為鈐束此次成
祿請將營官張賢石成器馬永祿隨地擊獲即行正法等語著左
宗棠穆圖善酌度妥辦將此由六百里各諭令知之○壬申允湖

北撥京餉等銀三十萬兩濟武漢等屬工賑要需○癸酉諭軍機大臣等總理各國事務衙門奏遵義教士被傷殞命請飭查明妥辦一摺貴州遵義縣教士與平民相爭據法國公使則稱遵義縣民打毀經堂學堂醫館搶擄什物其起釁由於勒令跨越十字架跪寫出教甘結以致教士三人收入縣署趙教士被傷殞命梅教士恐亦被殺死而曾壁光函致該衙門則稱教民楊希伯挾嫌起釁眾懷不平將經堂醫館打毀其教士不肯回省遵義縣收入署中其情形與該公使所稱大相徑庭該公使在京曉曉饒舌情甚激切且打毀經堂醫館已授該教士以口實若有勒令跨越十字架等情則是顯背條約更使有所藉口事關中外交涉要件必應持平辦理方能維持大局李鴻章於此中機宜素能洞悉著即派委通曉時務之員馳赴貴州會同曾壁光迅速查明秉公辦理據

東華續錄

同治八十

五

寶具奏不得稍有遷延袒護以致別生事端其遵義見在情形並著曾壁光先行查明奏聞以憑辦理原摺均著鈔給閱看將此由六百里各諭令知之○蘇廷魁奏請開墾乾河灘地諭李鶴年丁寶楨會籌以聞○甲戌諭軍機大臣等富明阿奏率獲逃匪請旨辦理一摺前因奉省逃犯宋英即宋四閻王久未弋獲當經諭令都興阿等嚴密搜捕茲據富明阿等奏拉林協領德平等在楊家窩棚屯擊獲宋塗即宋英綽號宋四閻王解省審訊該犯所供起釁情由係屬一面之詞均難憑信若再解赴奉省實訊程途遼遠轉恐疏虞著富明阿等即將該犯就地正法至奉天鳳凰地方竄匪著都興阿慎遵前旨嚴飭派出官兵迅速搜捕毋令滋蔓將此各諭令知之○諭定安等奏降回變亂靈州失守見籌布置並殺軍截剿河西竄匪獲勝各一摺甯靈回眾視馬化澂為去就今

東華續錄 同治八〇

馬化澂降而復叛靈州又被襲陷則甯郡勢成孤立岌岌可危亟宜力圖保衛著金順督率官兵星速馳赴甯夏會同該處文武員弁妥籌防剿並著左宗棠酌撥勁旅迅赴甯靈一帶合兵勦洗毋肆蔓延本日據神機營王大臣奏接據定安函稱探聞劉松山一軍行抵靈州城北駐紮不分良莠肆行殺戮以致降回疑懼陷城搶糧其竄踞上八堡一帶陝回仍舊往來騷擾昌貴等堡回民亦均變叛有欲先占郡城之謀平羅十八堡回眾亦至昌貴等處駐紮等語劉松山所部兵勇前在綏德曾有譁潰之事此次輕進激左宗棠速籌餉精源源撥解以安軍心並著將起釁情形查明具奏不得稍涉回護至陝甘回逆既已合成一氣將來金順等軍深入勦擊尤恐其避實搗虛鉅險北犯沿途隘口自應擇要嚴防定

東華續錄

同治八十

五

安等擬令烏爾圖那遜馬隊與張曜各營聯絡聲勢合力截剿宋慶一軍仍紮神木等處神機營等項官兵仍沿黃駐紮嚴密防範並調杜嘎爾扎那格爾第馬隊作為遊擊之師策應各路所籌均尚周密即著督令各軍認真勦辦迅殄賊氛至郭寶昌所部一軍屢諭左宗棠酌度情形派往花定一帶與劉松山合軍前進該大臣終未覆奏殊不可解見在靈州失陷花定等處緊繫劉松山一軍恐亦未能深恃著左宗棠迅飭郭寶昌軍移紮榆林池西以厚北路兵力馬化澂陽為歸順陰縱黨與滋擾居心叵測此次變亂情形究因如何起釁即著穆圖善查明據實具奏將此由六百里諭令知之○諭崇實吳棠奏果後後軍勇丁潰散見籌遣散等語劉嶽曙所部勇丁因派赴雲南省垣會勦輒藉欠項為名逃走八百餘人見已行抵威甯州城外駐紮此次勇丁潰散該營官等有

一九三

無激變情事著崇實吳棠嚴查懲辦勇丁不服調度竟敢相率潰逃此風斷不可長著即飭令劉嶽曙查拏起意首犯從嚴懲治其餘勇丁即行設法遣散毋任別滋事端該將軍等以此軍人數漸單難以獨當一面仍留滇境徒糜餉項見已酌撥銀兩一律資遣回籍著即妥為辦理道員劉嶽曙於所部勇丁不能約束咎無可辭著先行摘去頂帶以示薄懲仍責成妥為遣散儻任該勇丁滋事擾害及查有激變情事即著從嚴參辦前因曾璧光奏興義等處需軍餉辦諭令劉嶽曙將劉嶽曙一軍酌調回黔見在此軍既經遣撤著曾璧光另行籌派兵勇前往勦辦昭通回匪聚眾抗拒唐友耕一軍近日勦辦情形若何著劉嶽曙迅速籌辦省圍日久未解亦當迅籌援應毋為一隅牽掣願此失彼也將此由五百里各諭令知之○乙亥諭內閣前據丁寶楨奏太監安得海私自出

東華續錄

同治八十

壬

京沿途招搖當諭令該撫嚴密查拏即將安得海就地正法嗣據丁寶楨奏遵旨將安得海拏獲正法復諭令該撫此外尙有大監幾人於訊明後一併絞決隨從人等分別辦理茲據丁寶楨查明覆奏陳玉祥李平安李得喜郝長瑞李順計得壽六犯均係大監跟隨私逃業經遵旨絞決外其假充前站官之黃石魁田兒及標丁韓寶清戴登雲何林芝高振邦劉鳳喜等幫同招搖恐嚇居民罪惡昭著以上七犯業經丁寶楨於審明後一併正法至金安言劉文瑞劉凱黃廣善雖訊無隨從撞騙情事惟均係蘇拉張瑞係跟蘇拉服役之人俱應守法乃聽從安得海私自出外實屬不安本分僧人演文跟隨安得海不守清規安得海家屬安邦太安馬氏二犯隨同外出俱屬罪有應得以上八犯均著發往黑龍江給披甲人為奴餘著照所議辦理此旨同八月十一日諭旨著一併

載入宮中見行則例○諭太監王添幅為安得海經營家務種種不法見在跟隨安得海出外滋事之太監陳玉祥等業經丁寶楨遵旨將該犯等絞決王添幅情罪相同著慎刑司將該犯解交刑部即行處絞○諭左宗棠奏請將黨匪殃民之道員革職等語甘肅補用道前署平涼府知府李超羣恃匪首張貴自衛令其子李毓英與張貴交結並委其賊陳九如代理靜甯州知州為張貴接括民財似此黨匪殃民實為地方之害李超羣著即革職等問州吏目陳九如縣丞李毓英著一併革職等語○左宗棠奏八月十三日據陝安道黃鼎馳稟初八日詎匪首張貴即剛八已調水洛城威戎鎮豫料堡各匪踞底店鎮門扇岔曹務川各隘築壘十餘以抗官軍黃鼎及總兵簡敬臨提督周蘭亭商議分路前進適黃鼎所部總兵徐占彪先日率馬步五營已連夜急

東華續錄

同治八十

壬

馳踰山壓底店賊壘而陣賊欺其單嗾其黨眾三面環攻氣殊驕甚徐占彪等嚴陣以待一面遣卒馳報黃鼎黃鼎即率所部急進甫上崆峒山嶺見徐占彪在山下底店與賊接戰正酣忽另股從門扇岔遙擁而至將出徐占彪之後黃鼎飭總兵章占雄黃有志副將趙興隆胡應芳馬步各營先擊門扇岔之賊自督親兵及參將林定遠朱蘭亭及親兵礮隊副將黃寶林等馳擊底店之賊徐占彪等見後路官軍大至立督馬步各營分隊衝殺陣斬匪目高鳳翥余天喜及悍賊百餘名生擒一百二十二名匪眾敗入底店第二壘黃鼎飭黃寶林率礮隊急攻之礮子從空墜入壘中轟斃數賊賊大驚潰棄壘狂奔各營整隊截殺猛追二十里至岳家堡賊甫入堡適胡應芳章占雄等馬步各營擊敗門扇岔之賊殺賊數百立將門扇岔三壘曹務川三壘一律攻破掃蕩而來岳家

堡之賊益惶懼不知所措復棄壘狂竄各營會隊窮追沿途賊屍遍野適大雨傾注是夜即收隊岳家堡底店堡一帶駐紮初九日黃鼎冒雨追賊赴莊浪城調賊敗遁威戎堡裏脅之眾逃散大半初十日進至威戎堡賊已遁新集子壩當將威戎堡平毀跟追至張家小河十一夜追近新集子壩地方兩日沿途見賊遺棄帳棚軍械輜重無數牛羊騾驢徧滿山谷被脅難民或棄械求撫或伏地哭訴均分別遣釋其持械竄匿者搜獲斬之訊據匪黨供稱張貴侯得應連日狂奔黨夥盡散見隨竄新集子壩馬建堡者人馬不過數百而已十二日丑刻黃鼎出隊圍新集子壩堡破之斃匪二百餘名徐占彪分擣馬建堡匪巢斬匪目石進學劉海漁及餘黨二百餘名其簡敬臨一軍抵水洛城匪目楊文運敗遁增生史漢以被脅之兩營就撫撫定後即率所部進威戎堡至是會隊追東華續錄 同治八十 天

賊而匪首張貴侯得應已於官軍逼近時偕百數十騎先遁矣十三日黃鼎簡敬臨率所部回駐威戎以匪黨散竄首惡在逃匪目尚多漏網遂分途接捕自十四日起至二十一日止約共獲斬逸匪二百餘名而張貴侯得應等迄未就縛訊據降眾供稱張貴侯得應有仍投蘭州之意又該匪等曾接范銘信屬以事不順手即往投該軍黃鼎又接會甯縣士民稟稟張貴侯得應見在會甯收集潰匪及舊脅匪黨意俟官軍撤後仍圖起事已於二十二日率隊往剿尚未接其續報 臣亦飛咨署督 臣穆圖善如該匪等仍赴蘭州就撫即擒斬之或潛投岷州范銘軍營亦即勒令繳出以除禍本其吳士邁李耀南湯聘珍等營已抵通渭穆圖善所遣傅先宗一軍帶所部各營亦稟報前往會剿是兵力已厚積年匪巢已空首逆必難漏網 臣因劉松山已乘勝近逼吳忠堡陝甘逆回潛

相旬結希圖抗拒中路官軍急宜節節披蕩而北以分賊勢而速戎機見飭簡敬臨移駐靜甯飛調黃鼎全軍由五亭平涼會師北向 臣察看機局如北路無橫溢四竄之虞 臣當率親兵移駐平涼以期兼顧又奏接劉松山七月二十四日定邊所發緘牘知擬於二十六日進花馬池探報前竄後套之賊因官軍西進折回一股仍從花馬池池北向西南竄去又據靈州難民稱甯夏竄回已過東岸見踞金積堡附近一帶該提督二十八日整隊西行八月二十四日接劉松山初八日靈州下橋營次馳報二十八日自花馬池西行四十餘里詞回騎有從邊牆外南竄者劉松山飭蘇松鎮總兵章合才道員劉錦棠率馬步各營南出擊之自率隊西行駐安定堡以待章合才劉錦棠等南行十餘里即與賊遇官軍三路奮擊立斃馬賊十餘名賊駭而奔官軍跟蹤猛追二十里至天池東華續錄 同治八十 元

子斃賊約二百餘名生擒二十一名並奪獲逆回所擄邊外牛羊驢四百餘頭訊據生擒僉供此股係甘回蘇光棍夥黨訊畢斬之二十九日進興武營八月初一日抵磁窯訶知陝回踞靈州附近一帶與甘回雜處初二日行三十里探騎飛報甜水河見賊數騎劉松山以地勢甚狹飭中軍各營護輜重緩行自率前左右三軍馬隊五營前進甫至甜水河賊騎千餘忽從兩旁山塢衝出意似繞截官軍提督易德麟李就山知州李樹棠率所部迎頭截擊劉松山飭章合才提督李占椿喻執益率部隊擊其左提督余虎恩陳宗藩率馬隊繼之提督蕭章開曾德喜李雲貴率步隊擊其右提督潘運璋彭緒焯譚上連率馬隊繼之逆回見官軍大至駭而奔官軍分路縱擊斃賊約二百名生擒十九名奪賊馬七十餘騎追近靈州城北二里許城南一帶陝回悉向南路狂奔惟靈州本

地回民未動劉松山令於城西築壘是夜靈州已撫回目周斌誼營面稟陝回敗遁靈境後分踞甘回各莊甘回畏其悍不敢與校劉松山比即飛札金積堡馬朝清令其傳知各寨堡官軍祇勦陝回已撫之甘回安居無恐並令周斌選派十餘人隨隊行走傳示所過各回堡俾咸知官軍此來無他也行二十餘里所歷各回堡均安堵如故適探騎追獲一陝回供稱逆眾昨經官軍擊敗悉歸郭家橋老巢頭目係余彥祿馬正剛馬長順等距此約六七里訊畢整隊齊進逆回見大軍逼近郭家橋各莊賊眾紛紛吹角出集馬步橫排數十圍人馬約計七八千勢甚囂悍劉松山立飭易德麟率李就山李樹棠劉錦棠率提督陶定昇易致中及五品軍功董福祥分兩支進中路章合才率李占椿喻執益進左路蕭章開率提督曾德喜李雲貴進右路自率提督何作霖譚拔萃周國勝東華續錄 同治八年 三

及馬隊五營由中路繼進正列隊間騎賊分兩面猛衝而來步賊數路繼進兇悍異常劉松山飭余虎恩陳宗蕃彭緒炳率左隊從左路之左進何作霖率步隊繼之潘運璋譚上連率馬隊從右路之右進周國勝繼之各營槍礮連環開放間以炸彈聲震山谷賊中人馬紛紛倒斃悍賊猶挺矛死撲數卻數前鏖戰逾時劉松山見馬賊甚厚飛令何作霖周國勝督步隊附馬隊加勁猛撲自督譚拔萃及步隊各路奮衝殺賊始大亂各營乘勢追殺敗回不敢歸巢立將郭家橋賊巢二十餘處一律平毀巢內外賊屍枕藉軍械拋棄滿地敗賊悉數南趨官軍齊隊追至下橋下橋架秦渠之上水深橋小敗賊不能遽過仍返旆回拒劉松山督馬步各營薄之立將賊眾衝為十餘起人馬溺斃無數渠西溝港環繞賊賊更難速遁官軍又追殺數里近吳忠堡始行收隊回駐下橋一帶

村莊計是役共斃賊千數百名生擒一百十三名奪獲戰馬騾驢千餘匹槍械數千件餘逆向金積堡一帶逃去官軍員弁勇丁陣亡者十五名記名提督蘇松鎮總兵章合才右肩肋中礮子傷骨斷提督李占椿左腿受礮子傷穿透其餘員弁勇丁受傷者五十二名此八月初三日攻破靈州南郭家橋一帶回巢大獲勝仗之實情形也方官軍進郭家橋沿途各寨堡開放槍礮且旁堡列隊呼殺官兵劉松山飭各營祇追陝回暫置不理是夜接馬朝清來稟陝回撫有端倪已稟知陝甘總督署總督飭辦劉松山飭將乞撫情形據實稟知初四日附近各回寨紛紛出隊向官軍索戰劉松山恐馬朝清尚未傳徧又恐甘回驚疑致然仍按兵不動並出示曉諭免期初五日甘回各寨復列隊近營施放槍礮比官軍出隊仍即卻退初六日復列隊近營圍撲官軍營壘人數更多劉東華續錄 同治八年 三

松山始令各營出隊擊之斃賊多名賊仍敗退馬朝清迄未將乞撫情形稟復並噉金積堡各處精壯回民及擊敗之陝回踞吳忠堡一帶噉靈州附近各寨堡回民踞官軍之後又噉踞甯安堡四百戶一帶之陝回馬正和崔三等前來助逆復決秦渠之水以自固而困官軍用意險毒如此 臣於八月十三日接馬朝清第三次稟仍代陝回求撫並據陝回各目遞具乞撫稟結前來察其稟詞頗有惶懼之意卻於劉松山兵至何處一字不提惟言穆署制憲已委署河州鎮胡昌會由省來靈飭職員察看陝回如果窮蹙善為開導諭令投誠意若惟恐不允其請竊以時日計之劉松山必已進兵馬朝清及各陝回或因畏勦而為緩兵之計惟未接到劉松山賊牘究難臆度因批示漢回同是朝廷赤子本無異視如果誠心悔罪求為良民自當仰體 皇恩奏請寬其既往惟前據第

二次稟稱陝回言行相背反覆無常其求撫者引領而待命其兇狡者猶涉險而跳梁近在甯靈地面及中衛甯安恩和石空寺等堡肆擾漢回均受其害是陝回多有不求撫者回不求撫官軍自不得不剿茲復據陝回一律求撫其前此竄至後套沙金托海磴口圖阿拉善定遠城犯鄂爾多斯五勝札薩等旗之回是否一併在內其中衛甯安恩和石空寺等堡是否仍前肆擾未據聲敘此次遞具稟結求撫各回日情詞雖極懇切然從前屢次求撫迄無成說見據轉稟決無反覆何能深信所有該回等求撫各情北路應由廣東陸路提督劉松山南路應由陝西提督雷正綰就近察看誠偽以憑覈明會奏請旨其咨劉松山公牘即交馬朝清轉遞令其不疑批發後並飛咨穆圖善查照蓋不欲遽許其降掣劉松山之肘又不欲峻拒其降絕良回之望也茲據劉松山報初八日以前戰狀則馬化澂初四日遞稟代陝回求撫正在初三日官軍郭家橋大捷之後其畏剿緩兵已無可疑劉松山所駐下橋地方在金積堡之前吳忠堡之後來贖原擬先剿後路據雷正綰緘報固原回民喧傳吳忠堡已被官軍擊破馬化澂急調豫望同心黑城子各堡回民助逆雖尚未據劉松山續報而以時勢揣之似吳忠堡之克亦在意中日內固原回民紛紛挈眷北徙游騎時越固原而南似逆回意欲阻截官軍北行而以全力拒劉松山也臣又催黃鼎簡敬臨馬德順各率所部隊伍由固原前進且撫且剿冀分賊勢而收夾擊之效惟劉松山軍食全賴後路轉輸自該軍由花馬池南下後後套敗回之賊陸續由草地入邊掠食頃據署延榆綏道成定康盛報鎮靖堡定遠一帶逆回零騎劫奪官糧運道中梗而郭寶昌前因傷疾舉發咯血增劇請假兩月調治未痊

臣前催金運昌撥卓勝軍馬隊由綏德鎮靖堡定遠前進並催副都統全福飭所部馬隊迅由綏德拔行技勦兼護糧運然餉道遠至千數百里未卜能否疏通據劉松山緘稱甯夏收成豐稔已委員採辦臣慮甯夏至靈州一帶運道難免逆回擾截應請飭下署將軍金順廣為採購派隊護運劉松山軍前俾免缺乏庶飽騰可期局勢始臻穩固其糧價運腳臣當指撥山西米捐的款解還伏懇 聖恩酌度施行 上諭軍機大臣等左宗棠奏劉松山一軍由花馬池進抵靈州於八月初三日將郭家橋一帶回巢攻破初四至初六日附近各回寨紛紛出隊圍撲官軍營盤金積堡吳忠堡等處回匪同時糾眾抗拒是陝甘各回已聯成一氣勢頗鴟張惟昨據定安奏稱疊接豐紳張曜文札靈州城於八月初五日夜為回匪襲踞而此次左宗棠所奏接到初八日到松山函報並未東華續錄 同治八十 臣提及靈州失陷之事實見在靈州情形若何著左宗棠詳查具奏劉松山各營見紮下橋進剿吳忠堡踞匪曾否攻克見在北路回匪屬集務當飭令該提督步步為營慎顧後路毋為該逆所乘並著速飭黃鼎簡敬臨馬德順等軍由固原前進與北路官軍聯絡夾擊毋稍延緩鎮靖堡定遠一帶時有逆匪劫奪官糧劉松山軍後路運道深慮梗阻著即飭令金運昌全福等督兵技勦疏通糧路金順見已行抵何處著慎遵昨日諭旨速赴甯夏妥籌防剿甯夏本年收成豐稔並著該署將軍廣購糧石派隊護運劉松山軍中俾免缺乏應需糧價即由左宗棠解還歸款甯靈甘回投誠已久此時因大兵進剿陝回致生疑懼良回因之煽惑左宗棠仍當飭令劉松山等分別良莠妥為辦理中路土匪業經肅清惟匪首張貴侯得應逃逸未獲該犯等有投往蘭州之說著穆圖善即

行查拏正法母任漏網將此由六百里各諭令知之○丙子九李宗義奏添募防河勇丁暫歸宋慶節制○丁丑諭軍機大臣等前因直隸臬司史念祖年歲甚輕恐未能勝方面之任諭令曾國藩留心察看嗣經該督奏稱飭令該臬司綜理發審局藉資講求刑律見在已閱數月史念祖能否通曉刑名足以表率寅僚諒該督知之必真著即據實具奏臬司為刑名總匯關係至重朝廷用人初無成見史念祖如不勝任該督不必稍存遷就也將此諭令知之○戊寅諭軍機大臣等岑毓英奏官軍攻克易門縣城及黑琅等處鹽井賊巢一摺雲南附省賊匪屢恃後路聲援未斷並有鹽井以資其用築壘抗拒官兵見經岑毓英派令李維述等節節進剿次第將易門縣城及黑琅等處鹽井收復並攻破海口八街等處賊巢剿辦尚屬得手即著岑毓英飭令田仲興各軍會合岑毓英等乘勝進攻迅將安甯州城克復次第規取昆陽新興該撫務當親督各軍將附省賊壘悉數掃除毋畱餘孽並著劉嶽昭懷遵疊次諭旨將省城剿匪事宜與岑毓英會商辦理唐友耕一軍近日剿賊情形若何並著查明具奏將此由六百里各諭令知之○庚辰諭內閣軍營遣散勇丁例應將軍械呈繳嗣後有未繳軍械者治以私藏軍械之罪劫奪殺傷人者以軍法從事著各路統兵大員嚴切曉諭務期有犯必懲以戢凶暴○諭軍機大臣等蘇鳳文奏遵查派赴越南剿賊員弁尚無畏葸並馮子材出境督辦一摺廣西官軍派赴越南剿賊既據該撫奏稱帶兵之總兵謝繼貴等俱屬勇往得力尚無畏葸情事該提督自得高平捷報已由龍州親赴夷地諒山一帶居中調度各該將弁可資統率惟逆首吳亞終雖經擊敗仍未就擒且句結太原土匪分踞周市買市等處

設意乘隙奔竄到處滋擾勦辦何時蒞事著蘇鳳文馮子材振刷精神會商進剿見屆秋深瘴退正可將各軍力加整頓飭令前進務將首逆擒獲全股殄除毋得觀望遷延並嚴飭謝繼貴等約束兵勇不得沿途騷擾用示朝廷綏靖藩封至意將此由五百里各諭令知之○孚郡王等奏遵刻 聖諭十六條及附律易解書成恭進呈覽得旨書畱中並著頒發各直省督撫府尹學政暨盛京吉林黑龍江將軍一體祇領○修安徽無為州隄工○壬午諭軍機大臣等前因文煜奏暹羅國進貢請由天津進京據情代奏當交禮部議奏茲據奏稱見在中原底定由粵赴京驛路並無梗阻即有應行繞道之處亦可知照經過地方官妥為接護若由海道至天津經涉重洋恐有風濤之險地方官無從防護應毋庸更變舊章等語即著照所議暹羅國進貢照舊航海至廣東虎門起早東華續錄 同治八十 三

後馳驛赴京毋庸改由天津至該國自咸豐二年以後屢次失貢係道途阻滯事出有因著加恩免其補進貢物文煜英桂卞寶第即知照該國王欽遵辦理至該國進貢之期行抵虎門並著瑞麟李福泰遴派委員沿途護送並知照經過各省督撫派員接護用副朝廷懷柔遠人至意將此各諭令知之○前任工部右侍郎石贊清卒于祭葬○甲申肅親王華豐以病免仍予食全俸○乙酉諭軍機大臣等金順奏官軍直抵甯郡城防解嚴並請飭富勒琿毋庸截畱隊伍各摺片陝匪竄入甯境甯屬降回復萌叛志金順派副都統常福先赴郡城協守親率步隊於上月二十九日抵甯業將距城八里之賊壘三處立時攻破殺賊多名城防解嚴該署將軍見令衛隊營填紮二道墩以扼南路張曜前隊亦已到甯著定安金順督飭各軍乘此聲威會合進剿迅殄逆氛前據神機營

東華續錄 同治八十 三

王大臣奏接據定安函稱劉松山一軍有輕進激變等情此次全順摺內並未敘及甯屬降回究竟因何起釁金積堡回目馬化澹見在情形若何靈州是否爲其襲陷均著該署將軍詳細奏聞劉松山見駐靈州並著該署將軍聯絡聲威共籌保衛富勒琿遵赴歸化城副都統之任甯屬攻勦正當喫緊其所部洋槍隊已由全順咨會該副都統飭令營官楊裕德統帶來甯助勦並將軍裝交該營官一併護辦赴營著定安金順傳諭該副都統不得任意截留致誤西路勦務將此由六百里各諭令知之○諭劉嶽昭奏辦理昭魯回務情形起程進省並營勇索餉請飭川省酌辦岑毓英奏城圍已解攻克大姚等縣城池及圍攻安甯州城約束降人各摺片唐友耕一軍前據崇實等奏稱該處文武稟留當經諭令劉嶽昭從長辦理茲據該督奏稱唐友耕籍隸昭通所部實俱滇練東華續錄 同治八十

各屬馬如龍帶創督隊並親赴賊營勒令賊目白相斬獻實屬奮勇可嘉岑毓英於各路援軍未到之時竟能激勵將士力解省圍洵爲不負委任其縛獻安汶義之降人蔡廷棟即著交馬如龍時加約束以收後效安甯逃賊業經何秀林截殺殆盡州城內外亦已一律肅清惟逆目劉城米映山見未擒獲餘匪尙踞土堆仍著岑毓英會同馬如龍督隊圍攻盡殲醜類劉嶽昭計可抵省滇南糜爛已極該督務將一切防勦事宜與岑毓英和衷商榷不可各存意見並著該督等趁此官軍得手之時將各處失陷城邑次第收復進除巨愆用靖邊陲將此由六百里各諭令知之○丙戌諭軍機大臣等穆圖善奏籌辦防勦請飭左宗棠迅撥餉銀鎮番解圍各摺片前因左宗棠奏涇州爲適中之地可兼顧南北當經諭令暫時駐紮並令穆圖善即將總督關防派員送交茲據該將軍奏擬俟左宗棠到秦送交關防自係尙未接奉前旨著穆圖善仍遵前旨將關防迅速派員送交毋稍延緩惟甘軍需餉甚爲急迫左宗棠既經抵甘接印自應將在甘各營通盤籌畫酌量裁併勻撥餉需豈可稍存膜視見據穆圖善奏稱鄂臺轉運之餉已經袁保恆悉數提歸陝西甘軍毫無指望譁潰堪虞自係實在情形著左宗棠指明專款飭令袁保恆迅速撥解源源接濟以固軍心鎮番縣城突有賊匪圍撲經王仁和帶兵救援立解城圍並將涼州西南炭山堡一帶賊匪擊退尙爲出力著左宗棠穆圖善仍飭王仁和將永昌竄匪迅速追勦毋留餘孽陝回逃入甘境蔓延甚廣靖遠碾伯等縣亦有賊蹤左宗棠務當分派各軍力圖掃蕩毋任四出滋擾劉松山等軍由靈州進勦近日情形若何著隨時具奏以慰廑繫省垣關繫緊要應如何布置及南路防勦各事宜均應

安籌辦理毋得顧此失彼將此由六百里各諭令知之○丁亥諭軍機大臣等文麟等奏回匪竄撲哈密官軍截剿獲勝伊勒屯奏派兵赴哈應援各一摺西路烏魯木齊等處回逆竄至五堡欲撲哈密經文麟等派兵擊退該逆見率大股復來滋擾伊勒屯已派協領富琳布等帶兵赴哈援應即著文麟景廉飭令孔才等督率哈密各軍會合巴里坤派來之兵迅速兜剿毋令蔓延巴里坤西路橙槽溝一帶防務並著伊勒屯何瑄飭令協領慶壽等嚴密防守不得稍有疏虞逆回引哈城回眾內應經已故回王伯錫爾之福晉邁哩巴鈕妥為防範並諭本城纏頭不准出城實屬深明大義著文麟等傳旨加獎並令遴派得力回兵隨同官兵協剿西路兵單餉絀微調維艱如見在情形緊急著左宗棠穆圖善酌撥勁旅援剿其餉項一切並著左宗棠隨時兼顧將此由六百里諭

東華續錄

同治八十

无

知左宗棠穆圖善文麟景廉伊勒屯並傳諭何瑄知之○戊子諭軍機大臣等金順奏官軍進剿蘇家燒房攻拔賊壘並請飭撥軍士寒衣銀兩各摺片回逆在蘇家燒房築壘抗拒經金順督兵會同張曜所部連獲大勝攻拔逆壘回日陣斬幾盡洵足以寒賊膽惟納萬元一名未據該署將軍聲明是否被斬於陣抑或逃竄仍著金順查明妥速辦理毋任漏網金順見擬會商張曜撥隊進紮南路王渠橋一帶以圖肅清西岸即著會商節節進剿掃蕩而前以靖邊圉其後路石嘴山磴口要隘雖經張曜留兵防守第恐師行愈遠該逆乘虛繞竄並著定安妥為兼顧甯屬降回究竟因何起釁馬化澂是否襲踞靈州近來情形若何金順見抵甯郡即著訪查明確詳細奏聞劉松山所部見在行抵何處何以並不聯絡同進均著一併據實具奏邊外天氣寒苦副都統托克屯籌辦皮

衣無款支給深可憫念著李宗義於應解京餉內劃撥銀二萬兩即日解交歸綏道由金順派員領解見在金順督兵進剿正直喫緊之際若令餉項缺乏必致停兵以待著李宗義懍遵前旨將河東道欠解丁卯戊辰兩綱銀九萬二千兩並已已綱應解十八萬兩嚴飭該道分批起解毋許稍有遲誤將此由六百里各諭令知之○移福建鳳山縣興隆里巡檢於枋寮撥臺灣道標千總一員兵一百名同往駐紮○加賞普濟堂功德林賑米八百石○子甘肅陣亡遊擊舒興勝祭葬世職○庚寅諭軍機大臣等何瑄奏官兵擊退竄匪一摺烏魯木齊等處賊匪竄擾哈密並分股窺伺巴城經何瑄帶領官兵馳抵草打坂將山南沙棗泉一帶之賊擊退該逆復因哈密兵到悉向吐魯番逃遁著伊勒屯何瑄迅飭派出各軍探明賊蹤乘勝追剿並著文麟景廉飭令副將趙萬海督率

東華續錄

同治八十

无

馬步各隊會合追擊毋留餘孽將此由六百里諭知文麟景廉伊勒屯並傳諭何瑄知之○壬辰諭軍機大臣等定安等奏嵩武軍馳抵甯夏請飭察哈爾迅撥駝隻暨擬保打仗防河各官兵並宋慶病痊銷假各摺片張曜一軍前駐沙金托海池西一間靈州警信馳抵甯夏與金順各軍共解城圍該提督遠道赴援疊獲勝仗實屬忠勇可嘉該軍軍火糧儲必須隨時籌解方可無誤師行除礮位各件已由定安等運解外所需駝隻雖由歸綏趕緊購買而接替護送請慮不敷著文盛即在商都駝羣內揀選臚壯大駝三百隻迅派委員解往以備各隊轉運之需毋稍延緩河西一帶即著該將軍等嚴飭所撥之軍實力扼紮以資策應靈州情形究竟如何並著傳知張曜會同金順等相機進剿用珍逆氛歸綏疊次打仗及防河各官兵自上年到防以來尙屬出力著准其擇尤奏

保母許門濫提督宋慶前因患病給假駐軍神木並分軍西紮所至與民相安所部將領復能勦匪屢勝該提督勇於任事約束嚴明洵為不負委任見在病痊銷假著定安等仍遵前旨飭令在事員弁與該提督所部聯絡聲勢遏賊東趨不可稍涉大意將此由五百里各諭令知之○允曾國藩撥款疏濬永定河並加撥長蘆運庫銀二萬餘兩備修防○癸巳諭軍機大臣等理藩院奏阿拉善親王貢桑珠爾默特呈報回匪竄擾情形請撥兵救援一摺所稱陝省董志原逆回竄入甯郡句通甯夏回匪攻撲定遠營城及竄至福因寺等處提督張曜所部獲勝各情均係在金順未到甯夏以前惟見在陝甘各回分股騷擾該親王亦風聞靈州失守甯夏之圍雖解而賊勢尚屬猖獗阿拉善所屬之定遠營東通包鎮綏遠等處南連中衛均無險阻可守轉瞬黃河冰凍尤虞該逆東

東華續錄

同治八十

罕

趨金順勦賊見正得手著即懷逆疊次諭旨會同張曜等軍乘機兜擊毋任該逆盤踞城寨勢成負隅靈州情形何似著左宗棠確查具奏一面調派勁旅馳赴甯靈一帶與金順等迅圖勦洗不得以無兵可撥致逆蹤擾害蒙地復肆蔓延將此由五百里各諭令知之○甲午諭軍機大臣等富明阿奏查城途次擊獲馬賊正法一摺吉林五常堡新開荒地一帶時有盜賊滋擾本月初九日富明阿因巡閱各城行抵東孤家子地方探聞該逆在桃山屯盤踞當即派員將匪首王淮及夥匪等先後擊獲十四名訊明正法辦理尚為妥速著富明阿仍飭各該營官弁迅將逃逸各犯悉數擊獲以靖地方此次尤為出力之官弁兵丁等准其覓於節次緝賊出力官兵案內擇尤保獎母許冒濫至五常堡添設官兵前據該將軍奏請將奉天來堡依親之旗丁充補業經該將軍咨送旗籍

東華續錄 同治八〇

到部何以兩年之久富明阿尚未接到部覆著該部迅速查明辦理將此諭令知之○乙未諭軍機大臣等沈葆楨奏新造輪船赴津請派大員勘驗一摺福建新造第一號輪船沈葆楨見在派道員吳大廷監駛赴津著派崇厚前往驗收所有船身機器漁鱸一切是否悉臻完善並著詳細勘明據實覆奏至此號輪船即著照沈葆楨前擬名為萬年清沈葆楨所繪輪船總圖業由軍機處呈進畱中備覽沈葆楨原摺鈔給崇厚閱看尋崇厚奏遵驗新造輪船實係工料堅固輪機靈捷教習駕駛亦頗嫻熟報聞○丙申賞五城貧民棉衣銀○戊戌以孟冬時享 太廟 上前期親詣行禮○諭軍機大臣等福濟榮全奏會商善後防邊事宜福濟文碩奏遵籌安插厄魯特章程酌擬變通辦理並密陳棍噶扎勒參固執情形文碩奏因病請假並請暫駐烏城各摺片此次立界事宜

東華續錄

同治八十

罕

業經榮全辦竣惟自博果蘇克壩起至沙賓達巴哈止新立牌博八處雖與俄使議定會查章程尤須派員隨時周歷方足以固中外之防著福濟榮全飭令唐努烏梁海總管分派委員不時赴新立牌博處所嚴密巡邏具結彙報該將軍等仍當隨時畱心察訪儻該蒙官虛應故事不能認真稽覈立即分別懲辦以期疆界又安永消隱患厄魯特不願東徙自應暫令各安舊居福濟文碩請將僧眾仍賜棍噶扎勒參為徒居於阿爾泰山南俗眾居於青格里河交總管巴彥特古斯安籌安插均著照所擬辦理至遊牧領隊大臣亦著照所請令巴彥特古斯暫行署理以資鈐束福濟等密奏棍噶扎勒參請餉西征各節勢難遽行著俟錫綸會銜摺奏到日再降諭旨原片畱中文碩行抵烏里雅蘇台舊疾復發著賞假一箇月暫駐烏城調理至布倫托海應否裁撤仍隸科城文碩

二〇一

錫綸將來應駐何處著福濟詳酌情形妥議具奏將此由四百里各諭令知之○予浙江殉難從九品陸同祖等建祠

東華續錄

同治八十

聖

東華續錄

同治八十一

臣王先謙敬編

臣張式恭恭校

冬十月己亥朔予甘肅陣亡提督鍾建高祭葬世職並殉難教諭王汝揆建祠○庚子左宗棠奏竊臣於八月二十九日馳報北路官軍於花馬池進剿連獲大勝時據劉松山八月初八日一稟聲敘厥後雖疊據固原鎮原各屬降回及劉松山留駐花馬池之提督黃萬友等探報劉松山疊獲奇捷陝甘逆回震懼情形然未據劉松山續報未敢入告也頃劉松山續報八月初六夜下橋營次訥靈州城甘回頭目王洪馬愛被馬化澀喊令襲踞郭家橋陝回遺巢妄冀斷我後路劉松山令諸軍派隊潛起擊之賊見官軍至伏巢開槍劉松山知其怯也飭步軍蛇行從礮子密處猛攻馬軍整隊伺巢破衝殺比官軍近薄賊巢巢中賊譁噪益甚官軍一鼓齊登賊巢火起馬隊兩旁鈔出立將竄出各匪圍殺斃賊四百有奇生擒五十二名其焚斃巢內者約二三百名正跟追閒忽下橋老營飛報吳忠堡角聲齊作賊將出隊劉松山令馬隊掣轉自率步隊繼之甫抵下橋見營前二里許步賊如林馬賊排列兩頭氣殊驕甚劉松山令各營小憩傳餐午刻中軍鼓聲起道員劉錦棠偕提督尹興茂張拔萃喻執益等各率所部由左路進提督蕭章開偕曾德喜李雲貴等由右路進劉松山率提督陶定昇易致中易德麟李就山李樹棠由中路進留提督何作霖譚拔萃周國勝軍功董福祥各率所部居後以備策應馬隊營提督余虎恩潘運璋陳宗蕃列左路之左提督彭緒斡譚上連列左路之右均如牆而進賊亦分數路迎戰而騎賊猛從兩旁衝出勢如潮湧劉松山

令董福祥率兩營附左路馬隊衝殺周國勝率一旗附右路馬隊衝殺正酣戰間步賊之悍者冒死衝突騎賊半下馬挺矛對刺官軍愈戰愈奮賊不能支左路賊勢先卻劉松山飭何作霖率所部陷陣各路號鼓齊催賊遂大潰追殺四里許忽吳忠堡北有賊馬千餘突出似圖截官軍之後劉松山令譚拔萃周國勝橫截而出擊之斃賊多名賊仍從吳忠堡北敗去譚拔萃等躡追至吳忠堡西二里許與正路各營復合隊追剿賊悉向金積堡遁去計是日兩戰共斃悍賊數百名生擒四十三名奪獲戰馬百數十匹旗幟槍械以千計官軍弁丁陣亡者十五名受傷者七十三名管帶馬隊營官提督余虎恩左膀賊矛戳透猶力戰如故訊據生擒逆回供稱是役各寨堡精壯之賊及陝西余彥龍等均來接仗仍爲官軍擊敗此八月初七日兩戰獲勝之情形也初八日賊瞰官軍東華續錄 同治八十一

名受傷哨長七員弁丁九十八名蓋亦血戰矣十一日官軍壓吳忠堡而陳賊不復出馬隊檢生賊訊之據稱昨日之戰賊中因帶傷陣亡者甚多怨陝回不力不肯發糧陝回見於金積堡街市掠食堡中亦不能禁也十二日吳忠各堡賊出隊依堡而陳金積堡賊亦絡繹出隊列吳忠堡以南劉松山見步賊多而騎賊少心異之登高瞭望乃知騎賊已盡由吳忠堡北繞至下橋西三里許隱藏樹林及破堡中似圖於官軍出隊後襲取營壘者劉松山飭各營分兩路專擊吳忠堡南之步賊自率五旗步隊四營馬隊分擊樹林破堡中之馬賊飭董福祥兩營列隊爲策應之兵鼓聲起各路奮衝殺步賊先奔依吳忠堡者收入堡內由金積堡來者向金積堡去劉松山指攻之騎賊旋亦潰退惟左路騎賊數團立馬未動各營縱馬挺矛衝入賊中步隊繼之縱橫盪決斃賊甚多大東華續錄 同治八十一

向吳忠堡各寨以南易德麟等緊躡之追至各寨牆邊步賊赴濠
 遁避馬賊擁擠不前維時甘回各堡均吹角出寨圍擊官軍之勢
 劉松山令譚拔萃周國勝陶定昇易致中何作霖橫出擊之賊勢
 不支仍敗回各堡官軍乘勝縱擊擒斬不少天明仍收隊回營是
 戰斃賊約四五百名生擒一百二十四名奪戰馬二百數十匹槍
 械千餘件官軍陣亡者五名受傷者二十一名十六十七兩日賊
 不復出官軍仍加修堡寨十七夜擒獲賊探訊稱陝回馬生彥白
 彥虎郭阿洪等又各率所部由黑城子半箇城到金積堡劉松山
 登高望之見西南吳忠堡至金積堡一帶火光騰灼數十里知陝
 回大至賊探所供不妄料賊陣必寬即定計分布擊之黎明營之
 西南正西賊騎林立吳忠各堡亦皆出隊辰刻賊分由吳忠堡南
 北兩路撲近營壘結隊六七重橫列十餘里已正騎賊直偏營前
 東華續錄 同治八十一 四

劉松山督陶定昇易致中何作霖出左路飭易德麟李就山李樹
 棠山右路譚拔萃為策應之兵擊南面之賊飭劉錦棠同尹興茂
 張拔萃喻執益出左路蕭章開曾德喜王秀棣李雲貴出右路董
 福祥為策應之兵擊北面之賊飭余虎恩陳宗蕃等率所部馬隊
 擊南面騎賊以周國勝步隊附之潘運璋彭緒斫等率所部馬隊
 擊北面騎賊以董福祥中營步隊附之賊見官軍大隊成列而出
 騎賊即退居步賊兩旁相依而陳比官軍進至里許賊騎仍從兩
 面鈔來步賊向前突陣勢頗凶悍劉松山先擊南面之賊槍礮止
 刀矛接鑿戰時許賊漸不支易德麟乘勢大呼陷陣各營齊進銳
 不可當南面賊先潰北面之賊經蕭章開劉錦棠各督隊悉銳衝
 殺亦即潰奔馬賊見步賊已散無心戀戰官軍乘勝追殺直至吳
 忠堡西兩面敗賊併聚一路地狹人多敗走難速官軍合隊薄之

賊中器械馬匹拋棄無算計是戰斃賊近千名生擒一百三十二
 名奪獲戰馬三百餘匹營官提督陶定昇右膀中槍子傷王秀棣
 右乳中槍子傷子均未出其餘弁丁受傷者六十八名陣亡者十
 七名十九日金積堡賊競出刈稻約數千人劉松山按隊不動意
 俟其放膽來多則擊之是夜五鼓令馬步各營分伏南北路樹林
 中伺之天明賊果於吳忠堡北至余家湖一帶排列騎先步後連
 亘十餘里老者弱者牽馬騾絡繹下田割稻迨微見官軍隊伍步
 賊即止不前騎賊仍分數路前來劉松山飛飭伏軍緩動待東北
 各營將賊擊動伏軍乃分路截之分布甫定賊已深入伏中官軍
 號鼓齊發騎賊驚惶勒馬不前各營乘勢縱擊賊大潰易德麟劉
 錦棠見東北賊陣稍卻急起截之殿後馬賊飛駛而遁步賊約五
 六百擠入稻水田中官軍圍殺殆盡大隊壓追五里許沿途斃賊
 東華續錄 同治八十一 五

八九百名擒獲割稻老弱三百餘名縱之令歸是役馬隊營官提
 督余虎恩左肩復受槍子傷甚重弁丁陣亡者六名受傷者二十
 七名二十一日擒獲金積堡小回目馮沅發據供馬化澄因調崔
 三未到又調靈州王洪周斌兩股由黃河邊來嗾河東西各寨
 精壯回民多帶擡槍小槍集金積堡並嗾陝回馬正和將甯安四
 百戶一帶護守家眷各壯丁悉來決戰二十五日天明逆回自金
 積堡數路齊出步賊排列吳忠堡左右各村壕外騎賊附其兩旁
 吳忠堡各賊亦列隊壕外內以待劉松山按隊勿動至已初飭易
 德麟李如山李樹棠尹興茂張拔萃分兩路由吳忠堡左進劉松
 山率席大成易致中何作霖蕭章開曾德喜分兩路由吳忠堡右
 進譚拔萃周國勝及董福祥中左兩營以備策應飭馬隊營官
 潘運璋等為左翼喻執益率所部步隊附之陳宗蕃彭緒斫等為

右翼李雲貴率所部步隊附之分布甫定騎賊漸次向前衝突各路官軍號鼓並發火器齊施騎賊不支仍敗退步賊之旁官軍奮威衝殺槍礮止刀矛接酣戰兩時斃賊無算中有紅衣青馬逆首中礮落馬賊槍負而逃餘賊大亂官軍乘勢蹙之賊中人馬擁擠紛紛墮入壕坎官軍四面圍逼見賊即砍復猛追八里許沿途屍骸枕藉吳忠堡之賊縮退堡中漏逸之賊均向金積堡逃竄計共斃馬步悍賊千數百名生擒百五十餘名奪獲戰馬四百餘匹槍械九百餘件據生賊供稱逆首馬正和右乳帶礮子傷墜馬餘賊槍護而逃面色已變即所見紅衣騎青馬者也馬正和在陝回頭目中凶悍最著此賊伏誅陝甘各回自更喪膽是役提督曾德喜左腿被擡槍子洞穿易執中左乳旁受矛傷甚重哨官受傷者十三員弁丁受刀矛礮子傷者七十一名受磚石傷者一百零四名

東華續錄 同治八十一 六

陣亡者二十七名二十六日金積堡回又出割稻劉松山見其人數不多未出隊二十七日馬隊擒獲賊探訊知陝回崔三李經舉等股悉到金積堡二十八日黎明西面一帶塵氛大起吳忠各堡亦出隊南至水邊北至余家湖排列十餘里遙見羣賊多帶鋤鏟並用矛量地劉松山揣賊屢經痛勦或圖決濠以阻官軍親往覘之令各營準備出隊比回營即飭易德麟督李就山李樹棠等進左路蕭章開督前旗左旗及李雲貴等進右路自率席大成何作霖譚拔萃周國勝進中路飭劉錦棠居後策應三路而以馬隊列步隊兩旁別以步隊附馬隊之後比進至三里許騎賊已從左右飛奔而來步賊亦冒死來撲官軍馬步整隊禦之刀矛槍礮並進賊屢前屢卻轟斃殺斃無算步賊甫頓而騎賊仍與我馬隊拚死相持劉錦棠催譚拔萃飛赴左路喻執益飛赴右路助戰騎賊始

敗各路乘勢猛撲緊壓緊追賊紛向吳忠堡左右兩路敗走追過吳忠堡西賊復回拒又經官軍擊敗並向金積堡竄逸追殺五里許至板橋敗賊人馬擁擠墜落溝塹者不計其數官軍收隊少頃金積堡復出賊一二千似圖接應敗賊者劉松山飭兩路均連環收隊追賊撲近始猛衝之收隊至吳忠堡東半里許敗賊麕聚愈來愈多中營鼓聲起各路返旆猛撲賊復大潰仍追至板橋而還共斃悍賊一千六七百名生擒一百八十餘名賊中受傷者約倍於斬賊之數奪獲戰馬五百餘匹槍械則拾不勝拾矣是役提督易德麟左乳受擡槍子重傷軍功董福祥頭顱及左肩均受礮石傷軍功張俊右肱肱受槍子傷馬隊營官陳宗蕃右腿受矛傷哨官受傷者十八員其餘弁丁受刀矛槍礮者九十二名受磚石傷者一百三十七名陣亡員弁勇丁三十五名而殺賊多於諸戰此

東華續錄 同治八十一 七

劉松山一軍八月十六日起二十八日止疊次獲勝之情形也臣維馬化澂所恃以抗官軍者有二金積堡地勢居秦漢二渠之間黃流分醜舊稱沃壤足以阻水自固而困官軍一也回教有新老之分馬化澂本新教回民與陝回老教回民宗旨不同互相水火及與漢民尋仇生衅則彼此通同一氣無復新老之分而甘回究不如陝回之強馬化澂尤思藉以自衛始因陝回竄附代為乞撫市德於陝回繼因陝回反覆無常又思豫為別白以免官軍之勦其詭謀蓋謂陝回勝固可藉以為重陝回敗亦有詞以自解究之陽順陰逆其用心則路人所共知二也劉松山自花馬池進靈州於甘回之已撫者本已豫示區別馬化澂喉甘回陝回抗拒時初不料官軍之鋒不可妄犯思一逞以自雄迨八月初三日郭家橋大敗後初四日又遞稟代陝回求撫為緩兵之謀而於劉松山兵

至下橋距金積堡三十里地方卻一字不露蓋欲擊與穆圖善
 准撫之批以挾制劉松山耳臣於馬化澂前稟批示期撫機宜北
 路應由劉松山劉錦棠察看南路應由雷正綰黃鼎察看者以此
 幸劉松山燭其奸謀一意進剿未及一月疊將甘回陝回痛加懲
 創實殺賊一萬數千之多臣飭雷正綰黃鼎周蘭亭簡敬臨馬德
 順馬步各軍亦於陝回犯及固原時迅與埽蕩連獲大捷奸謀更
 阻馬化澂旋又於九月初三日具稟求撫矣臣閱其九月初三日
 一稟情詞尚為哀切而緘中又附八月初六日一稟則頗以劉松
 山濫殺激變為言猶思藉詞聳聽情形殊為可惡臣又批飭之仍
 擬察其誠偽以定勦撫貳則討之服則舍之務在攻心以規久遠
 所有馬化澂四次原稟及臣批詞均鈔送軍機處以備考覈至金
 積堡地勢之險要陝甘官民均能言之劉松山所藉以得手者在
 東華續錄同治八十一

於靈州速進先據下橋後五里之永甯洞得以宣洩河渠之水故
 能制賊而不為賊所困觀馬化澂見稟求劉松山退駐靈州及請
臣委員赴靈州受撫其情可見至固原北路各軍捷狀及甘回求
 撫陝回南竄甯夏已無回蹤一切情形容即據實續報此次陝甘
 回逆同時抗拒官軍賴劉松山速赴戎機分別辦理得以潛消積
 年隱患於大局實有關係該提督忠勇實一時諸將之冠前因失
 察游匪一案蒙恩革職畱任可否請旨開復處分之處出自天
 恩其前案內失察之分統營哨各官此次均奮不顧身亡傷頗眾
 可否一並免其查參其案外各員實為出力可否由臣保獎出自
 聖裁至疊次陣亡之記名提督鍾建高提督銜記名總兵胡玉
 元記名總兵牛得超推補副將陳士標鍾宣晉龍錫玲楊朝有副
 將銜補用參將萬名高易本集補用參將張澤友易光前參將銜

補用遊擊李名成楊篤才補用遊擊劉疏元黃德祥寶義和補用
 都司徐育南章如山金崇德鍾貴德拔補守備趙祥友王玉順常
 中華陳國恆涂碧勝守備銜千總吳名填蕭其中拔補千總劉桂
 堂拔補把總單洪桂熊玉貴滕加全鄧代全楊芝蓮等實係血戰
 捐軀應均請旨飭部各照官階從優議給卹典以慰忠魂而昭激
 勸穆圖善奏前因董志原大股陝回竄入甯靈地方奴才所部兵
 力驟難抽分權派署河州鎮總兵胡昌會前往督同靈州金積堡
 回紳馬朝清彈壓開導及據胡昌會稟報駐紮甯安堡貴字三營
 被圍多日奴才飛飭該統領夏允升相機移營駐紮中衛為保守
 縣城之計各情業經先後奏明在案嗣據胡昌會連次稟呈由中
 衛啟程前赴靈州金積堡途次甯安堡適陝西回目楊文治崔魏
 馬鎮和等派隊迎接面懇代稟投誠內有河州回目馬占魁對眾
 東華續錄同治八十一

喧嚷云穆將軍收撫是假往往先撫後剿未可深信竟當糾約陝
 眾赴河州會合大舉入寇胡昌會當與面爭陳以成敗利害多方
 曉諭更幸陝目楊文治亦為幫同開導馬占魁始云既係如此俟
 果將陝眾收撫安插妥當彼時伊等誓願歸誠等語胡昌會隨即
 馳赴金積堡查得本地回民安靜如常當與馬朝清飛調陝西各
 回目馬鎮和崔魏陳林馬壽清閻明泰藍泰治士俊李經舉馬長
 順禹得彥于恆廉沙學德馬必政白彥虎楊文治馬生彥等先後
 到齊該頭目均願投誠求為轉懇收撫該署鎮因無地安插暫令
 各在見住地方靜候請示再行遷移不准在外滋擾自外生成該
 署鎮即於七月二十五日由金積堡啟程馳赴甯安堡時我軍貴
 字三營被困日久糧水兩缺胡昌會即諭令馬鎮和等遣散其黨
 幫辦車輛船隻將三營弁勇渡河於八月初三四五等日一併移

紫中衛防守該縣城池忽接馬朝清函開劉提督松山帶領大兵突抵吳忠堡率行搶殺馬朝清差人投稟劉提督語言矜躁有不分良莠之意難免已降回民猜疑聚眾滋事邀請胡昌會仍回金積堡商辦等語胡昌會正擬前往又聞陝甘回眾屬集金積堡有與大兵接仗之事向不知大局如何等情呈請覈辦前來奴才查左宗棠派劉松山一軍由北進逼原係迎擊董志原竄賊免致句結甘回蔓延為害該署鎮胡昌會所稱各該頭目俱願投誠固難保非勢窮乞降藉緩我師而謂陝甘回眾屬聚金積堡與官兵接仗亦係該署鎮得諸傳聞虛實均未可遽信但查吳忠堡距金積堡止三十里距靈州亦三十里若如馬朝清所致胡昌會信函兵抵吳忠堡率行搶殺實恐激成事端又成不可收拾之勢伏查靈州回紳馬朝清即馬化澂本係營弁自甯夏郡城失陷被逆回馬

東華續錄

同治八十一

十

兆沅偪脅靈州變亂其時該紳向知約束金積堡回民不許出外滋事先向雷正綰曹克忠兩營求撫交銀交糧後曹克忠帶兵進紫滾泉該紳恐回眾疑懼上稟諫阻未蒙批准曹克忠等旋又進紫滾家沙窩致陝回拚死抗拒大挫兵威而馬朝清仍勸諭本堡回民安靜待撫並設計將馬兆沅殺斃迨奴才奉旨督辦軍務該紳復具稟輸誠初次捐修渠工銀八千兩米一十五萬斤並呈繳器械馬匹多件曾經奴才於同治五年三月具奏並鈔錄該紳原稟恭呈 御覽欽奉寄諭奴才善奏復陳馬化澂投誠各摺著准其投誠責令前赴各路開導回民立功自贖等因即經奴才宣傳聖諭先令該紳隨同代理靈州知州尹泗將該州善後一切事宜妥速籌辦並查點營庫存儲各項軍械數目亦於是年四月間復奏嗣該紳安輯地方保衛漢民勸導回眾投誠擒斬叛亂陝匪

並親往李盱海城等堡收撫鹽固一帶降回出力奴才於是年九月初八日保奏奉旨馬朝清著賞加副將銜仍責令該弁保衛漢民勸導回眾不准始勤終怠欽此等因迨奴才親赴靈州該紳馬朝清所部回眾俯伏道左感頌 皇仁馬朝清並倡率報捐頂職銜約二萬兩復自願捐助糧米豫備駝隻陸續轉運大營奴才查看漢回安堵商販通行流亡復業地方一律底定情形又於是年九月二十八日詳細陳明繼奉同治七年正月初七日 上諭玉通奏西甯府屬漢回互鬪北川失陷一摺其新降回目馬朝清並著穆圖善催令前往毋稍遲緩等因奴才因甯靈一帶安插就撫之回悉資彈壓其責甚重難以分身已將未能赴湟緣由覆陳各在案至同治七年閏四月該紳會同靈州兵役將著名刁匪白哇馬晶中馬舉擒獲解送甯夏郡城分別斬首梟示曾蒙恩賞加

東華續錄

同治八十一

十一

提督銜其同時獲犯出力之馬耀邦馬萬選赫壯圖馬明起赫忠義均蒙分別賞給官階虛銜是年六月該紳馬朝清派令穆生花馬振海馬忠海又將暗中結盟謀為不軌之楊生魁馮學禮白天鳳等一百餘人殲斃解散餘黨救出被脅良民奴才於上年八月據實奏明亦在案且連年捐糧運送每歲不下七千石積成巨款接濟飢軍是馬朝清之深明大義矢志靡他證之前事已班班可考今官兵行抵吳忠堡如果率行搶殺則金積堡與靈州均唇亡齒寒自不免羣生惶惑夫螻蟻尚知貪生人豈不知惜命當危急之時鋌而走險勢所必致奴才不敢謂甯靈已降之回皆良民也但無事之日善者相安惡者自隱受其制即向有匪徒竊發善者不難羣起攻之如馬白哇楊天魁等股卒為馬朝清穆生花等殲除是也若兵自外來事起倉卒居民不知其意之所在善者

固不免驚疑惡者亦必圖一逞以自快且恐不法之徒妄造謠言謂官兵此來洗某莊某堡是善者為惡者煽惑亦將偏而為抗拒官兵之舉彼時各頭目如馬朝清等雖可信其立志堅定而教下多人情急變生必致理喻勢禁兩為束手我軍能以大獲全勝一股殲除幸也而已上干天地之和若官軍稍有不利從此回氛四起東路未定之鹽固西路已撫之肅州皆成變局而河狄西甯各路匪徒更將乘機蠢動烽煙滿地我軍應接不暇究從何處下手此實萬不可不審慎於先機者也伏讀屢次 上諭祇分良莠不分漢回甘省漢民受回匪之害最深固無不思拔盡根株方足以消積忿即 奴才亦豈不願將此股全數殄滅弭隱患於將來但從古用兵無非勦撫兼施未聞不置遺種即近時髮捻各逆一經痛勦之後其畏罪歸誠者無不仰邀 聖澤化盜為民良以殲厥渠

東華續錄 同治八十一 三

魁脅從罔治且萬無誅鋤淨盡之理竊思 奴才從前帶兵入甘親見甯靈百姓流離失所無業可歸竟致人食人肉而官軍又嗷嗷待哺郡城久攻不下若不將計收復既虞士卒因飢譁潰更恐熾回匪之凶饑漢民益靡有孑遺是以當該處回族震懾兵威俯首聽命之時即為因勢利導分別勸懲勒令縛獻首惡呈繳器械馬匹准予自新在受害之漢民固不免疑 奴才偏於主撫而不知寬降同一綫之路正為全漢民數百萬之生迨後五年三月蘭州省城兵變河狄陝西回匪乘間環逼於外其時省城糧價每斗值銀三十餘兩餓殍盈途根本之危懸於一綫而甯靈降回各安生業並無一人前往蘭州助逆於是漢民相信日深陸續歸籍者難以數計今已數年漢回交相貿易和好如初若降回稍有反側之心漢民即先有恐惶之象豈能毫無猜嫌至於今日伏思 奴才滿洲

世僕何德於回何仇於漢況所部兵勇及辦事之人均屬漢民有何區別實因大局攸關天良難昧故有真心向化之回必仰體朝廷一視同仁之意代為乞恩即明知其投誠不足恃而亦權准收撫者亦無非痛漢民火熱水深因兵難徧及不得不暫示羈縻以救殘黎性命此等情形俱已早蒙 聖明諒鑒如今日之甯靈若不分別良莠恩威並用實恐甘省兵連禍結迄無已時即將來左宗棠勦而後撫亦未必能堅回民之信 奴才雖將交卸不敢知而不言亦未敢聞而不願除飛飭胡昌會督同馬朝清仍行妥為開導彈壓本地回眾毋得妄起猜疑並確探北路進兵實在情形另行奏報 上諭軍機大臣等前因定安奏劉松山肆行殺戮致回民復叛襲踞靈城各情疊諭該大臣查明具奏見在靈州情形究竟何似劉松山有無濫殺激變情事仍著懷遵前旨迅速奏聞馬

東華續錄 同治八十一 三

化澆求撫各節原未可盡信為真若此時靈州已失該回自有公然復叛之心該大臣自應督軍進剿破其奸謀若已震懾兵威真心求撫前此亦無襲踞靈州之事即著斟酌情形妥為辦理毋令日起猜疑至甘回窮困情狀尚與陝回不同該大臣亦當悉心體察以戢兵端雖不可一意言撫而臨事決機亦不可涉以成見所請開復劉松山革職畱任處分及營哨各官免其查參出力員弁請獎之處均著俟查明靈州情形覆奏後再降諭旨其固原北路各軍戰狀及甘回求撫陝回南竄情形著即詳晰查奏以紓厯繫本日據穆圖善奏范銘石成器兩軍索餉甚急請飭催撥餉接濟等語著該大臣迅飭袁保恆於西征半餉內趕緊勻撥源源解赴甘營不可稍有膜視穆圖善又奏稱甯靈回眾仍宜籌撫及飭胡昌會督同馬朝清開導回民各節與見在辦法有無窒礙亦著該

大臣隨時籌辦用靖邊陲原片著鈔給閱看將此由六百里諭令知之○諭穆圖善奏肅州善後事宜請仍歸楊占鼇經理一摺據稱提督成祿前經奏請令署甘肅提督楊占鼇赴陝西等處募勇西上助剿見在關外軍情該署督勢難兼顧楊占鼇有布置肅州善後之責未便遽離甘省等語成祿所奏在川陝等處募勇前經降旨已不准行著照穆圖善所請仍令楊占鼇署理甘肅提督責成該員將肅州善後事宜妥為經理毋任回民復生事端前諭成祿將見有兵勇汰弱留強覈定實數奏聞聽候諭旨該提督自當慎遵辦理其高臺以東糧石穆圖善奏稱難以分撥成祿軍營仍將安西等三州縣徵糧專撥之處並著穆圖善隨時斟酌情形辦理將此由五百里諭令知之○諭錫綸等奏統籌機宜敬陳管見一摺據稱厄魯特人眾前籌分安杜爾伯特及喀爾喀四盟惟變東華續錄 同治八十一 十四

順卽同張曜督率各軍相機進剿該逆各巢一律攻破毋任負隅定安務當多撥勁旅為張曜後路接應以厚兵力昨據左宗棠奏劉松山一軍在吳忠堡等處獲勝見有提督黃萬友赴該營隨剿著金順飭令迅速進兵彼此聯絡聲勢以便節節兜剿迅掃逆氛將此由五百里各諭令知之○壬寅諭軍機大臣等前因花定等處喫緊諭令左宗棠迅飭郭寶昌一軍移紮榆林池西以厚兵力旋據左宗棠奏郭寶昌患病未痊已催金運昌撥卓勝軍馬隊由綏德鎮靖堡定邊前進見在甘肅一路回匪雖經劉松山等進剿獲勝難保該逆不乘閒東竄轉瞬河冰凍結晉省防務極關緊要郭寶昌向來帶兵甚為奮勇此時病體當已就痊著左宗棠卽飭該提督酌帶親兵前赴山西聽候李宗義調遣並著李宗義督飭該提督會同李慶輝將河防事宜嚴密布置以資得力其餘各東華續錄 同治八十一 十五

盡擁而至氣殊驕甚官軍嚴陣卻之槍礮對施斃悍賊數十名慶
 戰逾時雷正縮隊伍由黃毛嶺壓下簡敬臨周蘭亭黃鼎麾軍猛
 進奮威衝殺賊不能支各營馬步乘勢壓擊斃賊二三百名城中
 賊復護老弱衝出官軍分途橫截將賊衝為數段各城及固原敗
 賊均向黑城子敗遁各軍躡蹤緊追至固原北三十里頭營地方
 沿途斬殺無算計共斃賊一千有奇生擒千餘名分別斬釋奪獲
 騾馬千餘匹刀矛槍礮數百件此二十八日官軍會剿逆回獲勝
 肅清固原之情形也訊據賊供劉松山自八月初三日郭家橋大
 捷後旬日內又疊獲大捷馬化澂喉甯安四百戶同心豫望各堡
 回眾再與劉松山決戰因恐固原各軍並進遣馬萬春等噉陝甘
 回眾力抗南路之師臣當飛催固原各軍乘勝速進期與劉松山
 收夾擊之效雷正縮簡敬臨周蘭亭等訶黑城子踞逆因官軍進
 東華續錄 同治八十一 六
 固原白彥虎李正榮敗後一日數驚各回眾紛紛北徙九月初三
 日四鼓各軍秣馬蓐食整隊前進行距黑城子四里許瞭見賊眾
 蟻聚平川騎賊布滿東西兩岸官軍步隊從中路排進馬隊張左
 右兩翼徐行賊見官軍至正分股上川抵禦馬隊疾馳繞出黑城
 子之後賊眾大亂步隊乘勢薄之賊不及歸巢冒死北竄步軍立
 破黑城子回堡擒斬多名馬隊躡至界牌沿途殺斃數百名奪獲
 騾馬百餘匹仍收隊回固原適三百戶地方良回穆進善報稱白
 彥虎等被創後糾合禹得彥楊文 由黑城子旁出胡家廖坡大
 股屯踞距固原六十里之三營地 雷正縮簡敬臨周蘭亭約黃
 鼎出隊自率所部於初八日進剿 賊已到頭營地方伏各破堡
 中步隊遂密結方陣整隊徐行騎 張兩翼前進遇賊即擊均有
 擒斬連日賊且堵且退似引官軍 入者初十日黎明周蘭亭簡

敬臨雷兩成隊護輜重於楊老莊各率八成隊進期行未數里該
 逆大股風馳雨驟而來簡敬臨飭總兵姚連陞譚正明彭壽山率
 隊進左路周蘭亭飭總兵趙玉亭劉明泰知州黃立鼐率隊進右
 路親率所部及廣東高州鎮總兵徐文秀縣丞吳恩榮居中參將
 桂錫楨領馬隊出左路之左參將李廣珠領馬隊出右路之右分
 布甫定該逆以大股猛撲中路另股從左右兩路鈔來兇悍異常
 各營屹立不動俟其漸偏漸進乃以綾槍洋槍連環轟擊夾以劈
 山礮賊中人馬應聲而倒勢漸不支周蘭亭簡敬臨麾左右兩路
 馬隊飛馳陷陣步隊繼之賊眾潰走官軍躡至三營地方敗寇入
 堡死拒左右破堡內伏賊齊起周蘭亭簡敬臨飭姚連陞趙玉亭
 等兩路出隊擊之馬隊斜鈔賊前各營愈戰愈奮銳不可當該逆
 越堡而遁堡外之賊亦奪路狂奔是處坂峻溝深賊中人馬自相
 東華續錄 同治八十一 七
 蹂躪墜斃無數官軍分投扼截斃賊八百有奇生擒百餘名奪獲
 戰馬百餘匹敗賊向洪溝逸去當據賊供甘回馬萬春噉白彥虎
 禹得彥楊文治圖與官軍力戰今日擊敗之賊即馬萬春所統也
 訊畢斬之令彭壽山黃立鼐率所部憑堡扼駐以防黑城子何家
 溝鈔襲之賊周蘭亭簡敬臨仍率各營前進甫行數里後路探騎
 飛報何家溝突出一支騎賊圍撲彭壽山等營周蘭亭簡敬臨亟
 麾軍回援時該逆正與彭壽山等相持適雷正縮亦率所部各營
 馳至賊駭而奔各軍仍會合追剿將抵黑城子瞥見紅衣賊首率
 騎賊飛奔前來勒敗賊力圍官軍整隊迎之馬隊亦下馬挺矛接
 戰立斃悍賊數十名賊勢稍卻忽紅衣賊首領數百騎飛馬突陣
 勢甚兇悍官軍分隊截之立將賊首斃傷墜馬餘賊亡命搶護復
 經官軍殺斃多名賊仍敗退訊據賊首乃陝回偽元帥楊文治狡

悍異常屢以撫誤官軍者也立斬其首以徇又追數里始收隊回營計是役共斃悍賊千餘名奪獲騎馬近千生擒百數十名此初十日各軍獲勝擒斬逆首情形也逆首楊文治首級解營臣令傳示受害各地方以昭天討而快人心驗視楊文治所用鐵矛重十七斤其悍可想十一日雷正縮馬德順周蘭亭簡敬臨黃鼎各留一營駐黑城子防海城鹽茶應豫望城來犯之賊率所部馬步各隊進攻李旺堡十二日五鼓各軍齊由八營地方進發行近李旺堡調賊正擊脊而逃馬步各賊列堡外思抗官軍雷正縮等商令分兵三路齊進馬先步後賊望風而潰陣斬數十名乘勢衝殺立將李旺堡賊巢攻毀賊向半箇城竄走官軍馬隊猛躡之步隊兩路夾擊賊遇溝坎頓旗死抗官軍追之急逆騎輒擁擠不前自相蹂躪死者無數猛追三十餘里至永家莊沿途斃賊近千名得

東華續錄

同治八十一

九

得彥白彥虎李經舉等之在豫望城者潛率各部眾由鹽茶廳西竄約踞甯安四百戶之崔三馬生彥及馬鎮和部眾金積堡所畱之陝回陳林等悉數西趨圖由長流水打拉城出會甯安定一帶南合河州之回暫延喘息黃鼎得各土回密報即商馬德順收隊黑城子會師追之十四日兩軍由黑城子冒雪進行六十里抵黃楊坪詢之土回知馬得彥等三日前盤踞鹽茶廳一帶迫官軍攻克李旺堡始移家小輜重於西安堡李經舉白彥虎仍在黃家園黃鼎馬德順會商十六日馬隊先行步隊繼之為犁巢埽穴之舉追六十里至鹽茶廳見炊煙尚然知賊去未遠馬德順督馬隊又猛追四十里至西安堡一望平川延袤三數十里四面賊帳滿布見官軍馬隊馳至老弱婦女號哭紛竄悍賊數千吹角齊出力拒官軍馬德順令馬軍分半下馬挺矛衝殺一半縱馬開槍縱橫盡

東華續錄

同治八十一

九

率步隊馳至督隊勒馬回擊飛催步隊分路向前衝殺始將逆賊擊退因路狹不能施展收隊還駐黃家園是夜黃鼎與張會元等面商飭黃旗小隊及副白旗護送馬德順張顯揚忠骸回固原州而仍率所部馬步各營會同張會元所部副回旗馬隊崇志所部吉林馬隊於十七日由西安堡出乾鹽池向打拉城前進六十里至乾鹽池探報打拉城見有大股逆回盤踞炊煙絲亘數十里黃鼎詢之降回知是甯安四百戶等處陝西回逆由長流水西竄者是夜四鼓馬步各軍急起躡之行近打拉城二十里即見東北山梁一帶煙塵滾滾西去知逆賊已由打拉城竄動黃鼎飭左營押護輜重緩行飭參將林定遠總兵黃有忠參將朱蘭亭率所部步隊副將胡應芳率左營馬隊循右路山梁進張會元崇志所部馬隊循左路平川斜襲打拉城之後副將黃虎臣率所部馬隊循東華續錄 同治八十一 三

中路徑擣打拉城黃鼎自率副將李玉春副將何玉超等步隊繼之比抵打拉城見兩山開豁地勢寬平當飭馬步聯絡徐行賊見官軍馬步各隊誤為鹽茶廳西安堡前來會合之賊適然不驚官軍亦不動聲色迨逼近賊前號鼓齊鳴聲震山谷賊出不意狂號亂竄黃鼎揮軍橫衝直突立將賊眾截為三段一奔向打拉城一奔向東北山一向北面亂山狂竄李玉春何玉超各率親兵及洋槍隊分路截殺斃賊數百名墜崖跌斃者不可勝計於時呼敦右營馬隊逼近打拉城逆眾憑街口抗拒弁丁下馬開槍轟擊刀矛手猱騰而上立將堡城攻破逆眷騾駝糧料輜重塞滿街衢黃虎臣帶隊從人畜堆中衝出街口逆回馬步數千拚命返鬪黃虎臣督勇下馬步戰李玉春何玉超等所部步隊適至結成方營橫貫賊隊張會元崇志所部馬隊適從左路平川鈔出賊後前後夾攻

斃賊無算騎賊先奔步賊則圍殺殆盡矣馬隊各營仍向西追殺其右路馬步各營進攻東北山梁之賊甫上第一重山梁賊之馬步已嘯聚一處由上壓下力扼官軍胡應芳督馬隊繞上山梁之左林定遠督步隊繞上山梁之右後兩營步隊又從中路整隊齊進立斃悍賊數十名賊眾紛潰各營三面併進槍上山梁齊壓而下追殺十餘里斃賊約四五百名收隊回打拉城行十餘里忽山口突有紅旗馬賊數百飛駛而來林定遠黃有忠朱蘭亭督隊截殺花翎守備賈洪順衝入賊中礮子穿胸陣亡胡應芳怒馬陷陣步隊繼之立斃悍賊百數十名奪獲戰馬百數十匹賊飛奔上山而逸比各營收隊回打拉城則夜半矣是役計斃賊二千七百餘人墜崖死者不計獲駱駝一千二百餘頭騾馬牛驢共二千餘頭獲賊糧器械無數生擒二百餘名擇其兇悍者百餘名軍前正法東華續錄 同治八十一 三

餘仍釋之此九月十六十八兩日黃鼎馬德順馬步各營獲勝情形也 臣維馬德順黃鼎馬步兩軍十六日擊敗之賊是由豫望等堡竄出之陝回白彥虎禹得彥李經舉等股十八日所擊之賊是由甯安堡四百戶等處竄出之馬生彥陳林顏河洪擺萬海治阿洪及馬正和餘黨是陝回悉數西竄甯夏靈州已無陝回蹤迹矣賊之西竄意在會合河州逆回此次雷正綰周蘭亭簡敬臨黃鼎諸軍擊之固原黑城子李旺堡連獲大捷甘回不敢容留陝回以千勦辦豫望城半箇城韋州堡各甘回均已款營求撫 臣已飭總理營務道員曾傳理察其誠偽分別辦理其陝回之竄至西安堡打拉城者又經馬德順一擊之西安堡以西黃鼎擊之打拉池以北計共殺悍賊數千賊之糧食輜重軍械牲畜實已拋棄過半似甘肅北路肅清可期 臣見檄雷正綰由半箇城進長流水新堡子

周蘭亭簡敬臨繼之期與黃鼎馬步諸軍收夾擊之效其先竄一
股黃鼎所部陞用提督徐占彪步隊三營已於十七日由靜甯州
赴會甯截剿臣所謂提督楊世俊正四旗馬隊亦於二十二日馳
抵靜甯二十三日馳往會甯合隊賊如由會甯出安定黃鼎一軍
及張會元崇志馬隊當先顧蘭州省會然後追剿向河州之賊諸
軍西趨其固原黑城子李旺堡一帶新復之區不可無軍填紮見
檄總兵張福齊率所部五營分駐黑城子李旺堡提督周紹濂率
所部四營分駐瓦亭固原州以重北路之防而通諸軍之氣臣拜
摺後料理後路糧運事宜即進軍平涼布置一切將來或由中路
或由南路前進或緩或急惟當審度機宜慎以圖之 上諭軍機
大臣等此次陝回糾眾紛擾意圖阻截官軍白彥虎等雖負創西
竄難保不向炳河州各回復行東犯左宗棠見檄雷正綰等軍分
東華續錄 同治八十一 三
投防勦並擬進軍平涼著即嚴飭雷正綰等各率所部相機夾擊
將未獲之各回日檢斬淨盡以靖陝氛並著將後路糧運事宜趕
緊布置於抵平涼後斟酌緩急整軍前進一面將蘭州省垣及河
州狄道防剿各務悉心籌畫並飭張會元崇志等力顧蘭州不可
稍涉疏虞馬化澂是否顯露叛逆抑係求撫緩師靈州一城如果
失陷究爲何股所襲均著該大臣遵奉前旨將該城有無被陷及
劉松山亂殺激變各情迅速查明具奏其豫望城半箇城各處甘
回既經款營求撫即著飭令曾傳理安速辦理但不可爲其所給
致貽後患將此由六百里諭令知之○以甘肅北路會剿回匪獲
勝賞提督雷正綰道員黃鼎珍物總兵官劉明泰三代正一品封
典提督周蘭亭總兵官趙玉亭副將崇志巴圖魯名號總兵官簡
敬臨等加銜升敘有差○予甘肅陣亡總兵官馬德順祭葬世職

建祠副將張顯揚等祭葬世職附祀○丁未諭內閣工部尚書毛
昶熙都察院左都御史沈桂芬均著在總理各國事務衙門行走
光祿寺卿總理各國事務衙門章京成林並著在該衙門大臣上
行走○戊申諭軍機大臣等金順奏會師南進大獲勝仗並請飭
郭寶昌黃鼎等軍前進各摺片逆匪納萬沅等糾合陝回各股在
漢渠官橋迤南一帶迎拒官軍經金順張曜會派楊春祥等從東
繞擊並督同各軍分路鈔襲賊眾大潰悉向納家廂等處敗逃我
軍追過龍王廟南並將東西各壘攻破據賊供賊首馬添濬納保
均已被斬其來援新賊亦經常福等擊敗金順張曜遂於漢渠東
西分紮復破賊寨兩處官軍追近納家廂寨門楊春祥等又拔其
南面兩壘殺賊殆盡此次金順等會師南進連獲勝仗偏紮老巢
洵足以寒賊膽仍著該署將軍等乘此聲威督飭各軍將近橋納
東華續錄 同治八十一 三
洪賊寨攻拔痛掃逆氛其渠泮礮臺亦著趕緊築齊以資進取前
有旨令郭寶昌前赴山西歸李宗義調遣左宗棠諒已遵旨辦理
黃鼎與雷正綰等在打拉池一帶剿賊見在得手能否抽赴北路
著左宗棠斟酌調撥至金運昌一軍打仗尙屬得力該大臣即令
該提督率隊前進會同劉松山一軍與金順張曜派出各軍相機
夾擊以壯聲援疊據左宗棠奏稱甯靈一帶已無陝回蹤迹茲覽
金順所陳大股陝回屬集甯靈東西兩岸唐漢兩渠並被空斷各
情與左宗棠奏報不符此時甯靈界內究竟有無陝回抑係甘回
滋擾均著該大臣詳細查明據實具奏金順另片奏請飭通商衙
門將僧格林沁所造開花礮兩尊配齊子藥派員解往等語京師
向無通商衙門名目本日已諭知神機營查明撥給矣將此由六
百里各諭令知之○辛亥諭軍機大臣等定安奏察哈爾官兵勒

捕土回各匪獲勝並請暫留桂成辦防請將洋槍隊留於歸綏及
杜嘎爾因病請假各摺片土回各匪竄擾阿薩爾西里地方經杜
嘎爾飭令達爾濟督兵往剿遇賊於罕泰河池北官軍奮勇截剿
賊匪敗退追殺四十餘里斃賊三百餘名餘賊向西逃逸宋慶派
兵馳赴鹽海子一帶剿辦北路匪徒亦獲勝仗著定安咨會宋慶
杜嘎爾等各督所部迅將鄂爾多斯七旗境內敗竄餘匪除淨
盡庶可專意河防桂成久任歸綏沿河情形尙爲熟悉著准其暫
留該處辦理冬防事宜俟明年春融冰泮再行來京赴任富勒琿
所帶洋槍隊一百五十四名著照所請留於歸綏交富勒琿統帶
卽由定安知照金順並設法接濟糧餉毋令缺乏杜嘎爾督隊勇
往疊著戰功此次因病請假著賞假一箇月准其暫赴托克托城
就醫一俟稍痊卽著仍赴軍營以資得力其所統各項馬隊著飭
東華續錄 同治八十一

令烏爾圖那遜達爾濟分領防剿不得稍有鬆懈將此由五百里
各諭令知之○壬子命吳棠查勘雲南水災籌款撫恤○癸丑諭
軍機大臣等總理各國事務衙門奏布倫托海分界事宜請簡員
會同俄國勘辦一摺布倫托海所屬地方皆係塔爾巴哈台管轄
之地前據明瑞奏稱塔城未經克復道途梗塞無地可分茲據該
衙門奏稱俄國使臣擬於塔城安靜地方從北起首先建鄂博並
稱無中國大臣會辦亦可自行建立是該處分界事宜亟應迅速
辦理文碩係布倫托海辦事大臣實無旁貸著於明歲春融時馳
赴該處約齊俄國使臣將瑪呢圖嘎圖勒汗至哈巴爾蘇一帶逐
一查勘會立牌博毋得草率了事布倫托海地方情形福濟知之
最悉此次文碩前往應如何揀派嚮導及指授機宜之處著該將
軍悉心籌度並著商同文碩錫綸卽日行文俄國分界官約期辦

理原摺單均著鈔給閱看將此由六百里各諭令知之○派總理
各國事務衙門大臣戶部尙書董恂辦理美利堅國換約事宜○
甲寅諭內閣前因劉嶽昭奏參四川總督吳棠荒謬貪污物議沸
騰各款當經諭令李鴻章馳往四川確查具奏茲據李鴻章查明
覆奏吳棠家眷抵川親丁僕從僅五十餘人並無用夫二千餘名
四轎一百餘頂及需索門包之事該督到任時司道及各屬員等
均未致送規禮亦無飭造木桶裝銀情事補署各缺均按班次由
兩司會詳毫無情弊其裁減胡中和湘勇令張祖雲另募川勇係
爲節省餉需起見川省應解劉嶽昭劉嶽曙餉銀陸續籌撥並未
停解至另解岑毓英餉銀本係應協滇餉並非移此就彼岑毓英
亦無差官餽遺之事並訪聞川省官場習氣頗尙鑽營吳棠履任
後遇事整頓以致貪官猾吏造言騰謗等語吳棠被參各款既據
東華續錄 同治八十一

李鴻章查明均無其事卽著毋庸置議川省吏治防務均關緊要
吳棠務當振刷精神力籌整頓毋稍瞻顧貽誤劉嶽昭於所參吳
棠各節並未詳查虛實輒以傳聞無據之詞率行入奏實屬不合
著傳旨嚴行申飭該督見已馳抵雲南省城著將應辦各事與岑
毓英和衷商榷不得稍涉偏私致干咎戾○諭前因御史張沅奏
四川道員鍾峻彭汝琮貪詐鑽營又據御史龔承鈞奏彭汝琮任
意招搖各節先後諭令李鴻章查明參辦茲據奏稱鍾峻被參各
款查無行賄實據惟該員安改場規包攬釐局已有明徵彭汝琮
貪利各情雖不承招而鑽營實有其事且丁憂後奉旨飭令回籍
仍敢逗留營求爲崇實吳棠公請幕友請分別參辦等語四川成
綿龍茂道鍾峻著卽勒令休致永不敘用鹽運使銜四川候補道
彭汝琮著卽行革職勒令回籍不准投效各路軍營再圖開復崇

實吳棠於奉旨飭令回籍之員仍復畱充幕友均有不合著交部照例分別議處尋吏部議崇實吳棠均照上司濫邀屬員充當幕友進署辦事革職私罪例議以革職得旨均著加恩改爲革職畱任○諭軍機大臣等劉嶽昭岑毓英奏官軍攻克楚雄等城劉嶽昭奏移師進省會籌全局各一摺滇軍連克楚雄南安定遠三城已有破竹之勢惟土堆祿豐之賊負隅未下該二處賊黨無多著劉嶽昭岑毓英督飭各軍乘此聲威迅圖攻拔其省南之昆陽新興館驛雙兮及東南之激江竹園等處賊匪並著分飭官軍力圖進取次第廓清以便騰出兵力直搗迤西老巢綏靖邊圍劉嶽昭見在既抵省城即著與岑毓英會籌調度該督撫均膺重寄務當和衷商榷共維大局不得稍存私見致負委任昭魯一帶漢回構釁見在會否解釋並著妥爲籌辦毋致滋生事端將此由五百里東華續錄 同治八十一 美

各諭令知之○追子湖北殉難知縣王恩綬於江夏建祠○乙卯諭軍機大臣等富明阿奏派兵堵剿竄匪一摺據稱吉林甯古塔屬薩奇庫卡倫額穆赫索羅通溝及省西北下二台等處有賊匪竄擾業經分派官兵捕剿並於各要隘一體堵擊即著富明阿毓福嚴飭派出將弁督率官兵認真搜捕務將額穆赫索羅通溝等處賊匪悉數殲除不准一名漏網將此各諭令知之○賞通州王恕圍賑米六百石○丁巳諭內閣軍機大臣吏部尚書文祥病逾月月尙未就痊寶深履繫著派御醫王繼武前往診視並賞給人參八兩以資調理○諭軍機大臣等金順奏官軍會剿疊勝踴毀賊壘一摺納家牯踞逆見渠湃上修築礮臺糾眾直撲工所王家疇莊亦出賊來襲經金順等會派楊春祥各軍擊敗追至納家牯濠邊王遠三常福等亦將王家疇莊之賊擊退逆首納萬沅王三

春句合陝回於楊和堡修築壘卡楊春祥等分投壓剿斃賊甚多該處新築四壘均經官軍踴毀其分擾渠西及衛隊營池東各賊復經何維愷等追殺直抵納家牯東門見賊眾均集於納王兩莊金順等擬進紮楊和堡一帶以圖進取著即會同張曜督飭各隊將渠湃礮臺趕緊築成一而抽撥東面各營乘勝合圍以收聚殲之效毋任該逆負隅拒守阻截官軍前據左宗棠奏甯靈已無陝回蹤迹茲金順奏西岸南路陝匪屬集納王兩莊甯夏一帶陝回情形究竟若何劉松山軍見抵何處相距計不甚遠何以未見會合靈州是否失守著金順查明詳細奏聞並將甯靈等處甘回向背情形據實具奏將此由六百里諭令知之○予甘肅陣亡參將何維愷祭葬世職○戊午諭軍機大臣等定安奏接剿蒙境竄匪殆盡擬請添調隊伍並調總兵張得祿統帶各摺片宋慶一軍進剿鹽海子等處回匪疊獲勝仗檢斬殆盡勦辦尙屬得手所有在事出力員弁著由定安擇尤彙案保奏候旨施恩仍著該將軍督飭宋慶等各帶所部認真探剿並令沿河各軍嚴加防範毋稍疏虞見在張曜等進軍甯夏其邊外後路雖已布置嚴密而河西一帶尙屬空虛定安請調勁旅以厚兵力自應俯如所請著神機營王大臣派撥兩翼前鋒八旗護軍營頭二起馬隊一千名並派得力大員統帶前赴綏城其劉景芳舊部馬勇五百名即著崇厚檄令該提督統帶赴綏以資熟手一俟到防統由定安酌量分撥以爲張曜後路接應至此項兵勇應需餉乾卽著神機營崇厚按月籌款給發毋令缺乏其前經到防之天津洋槍礮隊餉需仍著崇厚照舊發給定安奏前後調到之吉林黑龍江馬隊餉乾請將機營一併統籌接濟之處著該王大臣詳

給閱看張得祿遠在奉天飭調需時應派劉景芳管帶馬勇以免周折將此諭知神機營並由五百里諭知定安崇厚知之○己未飭浙江等省歲撥清淮協餉銀各二萬兩修堰圩隄工○庚申諭軍機大臣等福濟等奏密陳管見暨請飭錫綸催令圖瓦強阿趕回署篆並請區別巴哈等城餉銀各摺片布倫托海遊民業經反正若不妥爲安插必致日久流離福濟等以哈密勇目孔才與降眾多有親故已函商文麟等轉爲勸諭即著文麟景廉諭知孔才迅派妥人招集將該降眾帶赴哈密軍營既可遂其報效之忱又得親朋完聚藉息爭端該大臣等務當善言開導毋令失所錫綸因游氏新撫欲令圖瓦強阿帶兵鎮守此等降眾毋庸築隊防閑致滋疑慮況索倫一營甫回本境管帶乏人著錫綸仍照該將軍等前議催令圖瓦強阿統帶原來官兵趕回署篆以重邊防不准

東華續錄

同治八十一

夫

藉詞延緩科布多布倫托海兩城本有定餉見在哈密巴里坤軍務未平餉需何可缺乏嗣後各路餉項到烏城時福濟等自應先顧巴哈以資防勦其科海兩城不得藉口借撥著該將軍等即行分咨各該城大臣遵照辦理福濟文碩原摺一件著留覽將此由五百里各諭令知之○盛京將軍都興阿奏游匪竄擾孤山見經撲滅得旨著仍嚴飭搜拏逸犯毋任逃脫肅清邊界○壬戌諭軍機大臣等前因劉嶽昭奏唐友耕所部演練與昭魯回民尋仇生釁當諭崇實等飭令該提督趕緊前進不准逗畱茲據崇實吳棠奏魯甸回匪李本忠糾黨數千燒殺村寨抗拒官軍叛迹昭著旋經唐友耕會同該處文武勦撫兼施解餉後路見已肅清威甯等處回寨均各求撫唐友耕一軍應否畱演請飭劉嶽昭等商辦等語李本忠原係杜汶秀黨與此次糾眾復叛自難姑容見經官軍

殲斃賊黨千餘名逆膽已寒即當乘此聲威速籌戡定劉嶽昭所派孔昭鈞等曾否行抵昭通辦理情形若何刻下雲南省圍已解唐友耕一軍應否暫畱昭通會同辦理或仍令赴省著劉嶽昭岑毓英妥商調度如滇省兵力已敷即著咨商崇實等將該軍遣撤回川扼守邊境崇實等原摺著鈔給劉嶽昭岑毓英閱看將此由五百里各諭令知之○諭錫綸棍噶扎勒參奏遵保出力弁兵開單請獎請賞喇嘛銀兩並籌給新撫民人口食整頓臺站及索倫官兵請賞銀兩縷陳土爾扈特流徙情形暨勸修千佛廟宇請賜廟名扁額棍噶扎勒參奏因病請假各摺片棍噶扎勒參隨征弁兵在事出力自應量予獎勵惟此次單內開列各員有無冒濫著福濟錫綸會同詳細查覆奏明候旨其隨同錫綸辦事弁兵亦著歸入此案酌保數員毋許浮冒至所請賞銀一千兩分給喇嘛愛

東華續錄

同治八十一

夫

拜等一節並著該將軍等查覈具奏原摺片單三件即發交福濟查明辦理變民初經撫定錫綸等見已籌買糧石等項陸續解往藉資口食而臺站廢弛轉運維難亟宜設法整頓著奎昌明瑞於所屬各臺站或廣籌錢糧或添設駝馬務令一律整飭不得仍前疲弛致誤大局至該民人等安插事宜仍著文碩錫綸等妥議章程奏明辦理見屆冬令塞外風雪嚴寒所有在防之索倫官兵及綠營兵丁著照所請每人賞銀十兩以示矜恤棍噶扎勒參歷年帶兵勦賊著有勞績此次因病請假自應俯如所請著賞假一箇月調理假滿後即赴阿爾泰山收集徒眾妥辦安插各事以遂其皈依懺悔之忱其勸修千佛廟宇著俟工竣由福濟文碩錫綸等陳奏再行賜名並頒發扁額至所請千佛請用軍臺駝載之處殊於定制不合著不准行土爾扈特人眾北徙屯駐布倫托海地方

業由錫綸等暫給口食以濟目前著福濟等相機妥辦遣回本牧該蒙古向來崇信佛法並傳知棍噶扎勒參協同勸阻毋失機宜將此由六百里各諭令知之○癸亥諭軍機大臣等豐紳謙禧奏甯夏籌防情形靈州失守各摺片甯夏府城解嚴業經金順馳奏見在賊匪聚於納王兩莊著金順懷遵前旨會同張曜迅籌圍剿毋任久踞甯夏城防豐紳謙禧仍當備豫不虞毋稍疏懈靈州失守總未據左宗棠奏報茲豐紳等奏接劉松山咨稱副將謝明華等在靈州經理糧臺該處回民間各寨堡與官兵接仗遂將城門關閉殺戮漢民謝明華等不知下落等語是靈州回民叛亂已無疑義惟劉松山軍糧臺安設靈州城內有無激變該回民有無搶劫糧臺情事並以後情形若何仍著金順詳細查明據實奏聞將此由四百里諭知金順豐紳並傳諭謙禧知之○予甘肅陣亡副將李洪吉等祭葬世職○甲子諭內閣都與阿等奏擊獲聚眾滋擾賊匪正法請將帶兵各員分別勸懲一摺盛京鳳凰城屬北井子地方突有賊匪聚集多人謊詐鋪戶並將岫巖廳通判截留意圖占踞孤山糾眾擾害經統領叢登甲等帶兵往捕將賊犯王慶等二十四名擊獲正法至起釁要犯叢均茂叢漳等見尙在逃著都與阿等嚴飭帶兵各員務將該犯等設法訪拏嚴行懲辦此次在事出力員弁兵役准由該將軍等擇尤酌保毋許冒濫防禦倭什楞額驍騎校文保經鳳凰城守尉奕艾派往勦賊竟敢託故遲延實屬疲玩倭什楞額文保均著革職交該城守尉差遣以觀後效奕艾於所派兵丁參差不齊亦難辭咎著交部察議○諭軍機大臣等前因都與阿等奏勦辦展邊事宜當經諭令該部查照向章行知朝鮮國王慎守邊境如有遊民私越滋擾情事卽行照例

懲辦茲據禮部奏據該國王咨稱以近來遊民恣意蔓延罔有顧忌非伊國力能擒捕因畏道路梗塞請使江外之地柵路去處嚴奉諭旨無敢再肆違越等語奉天毅江西岸與朝鮮僅一江之隔該處地狹人稠既嚴禁准墾民人不准過江一步如有越界滋事者准由該國查拏解交附近邊門懲辦該遊民等自必知所敬畏不敢肆越滋擾惟內地奸民愈聚愈眾難保不於江外之地仍行偷越該國王慮及道梗欲於柵路去處遵奉嚴禁自係實情著都與阿等懷遵前旨於沿江一帶嚴飭各該地方員弁實力稽查備有中國人私行開墾或於沿邊肆擾不法者卽行嚴拏懲辦不得任其屯聚以重邊防將此由五百里各諭令知之○左宗棠奏欽奉諭旨定安等奏降回變亂靈州失守等語著將起衅情形查明具奏等因欽此臣維劉松山一軍於八月初二日進抵靈州是夜據靈州知州及該州已撫回目周斌詣營面稟陝回自敗竄靈境後占踞甘回莊宅甘回畏其悍不敢較劉松山以甘回既久經受撫自宜示以區別當面諭周斌密傳甘回安分自保並令自左肩至右脇斜繫草繩傳諭各營毋得濫殺飛札馬化澁傳知各寨堡毋稍驚疑一面出示曉諭並飭周斌選派甘回十餘人陣前傳示所過各回堡俾咸知官軍止勦陝回已撫之甘回安居無恐初三日劉松山田靈州進兵郭家橋沿途各撫回堡寨竟敢施放槍礮傍堡列隊大呼喊殺官軍勇丁受傷者六十餘名劉松山猶恐愚民無知置之不理初四日各寨堡紛紛出隊挑戰劉松山猶恐馬化澁尙未傳到或係甘回驚疑仍按兵不動又出示曉諭免勦初五日甘回各堡寨復列隊近營施放槍礮比官軍出隊仍歸寨內初六日列隊撲犯官軍營壘劉松山始出隊擊之一切情形曾

於摺內詳敘九月二十日接到劉松山報八月初七至十二日五獲大勝公牘內敘及十二日據靈州逃出勇丁洪得勝稟稱靈州城內甘回將城門關閉亂殺漢民前派去護餉之副將謝榮華陳承錫及續派去靈州買糧之提督曹加正副將陳明遂張福星彭友亮張細祿王榮華及勇丁七名均不知下落臣詳閱來牘於州城文武曾否遇害未據敘及即護餉買糧各員弁勇丁亦無確實下落未便據以入告且據劉松山緘稱馬化澂以官軍迅進下橋據永甯洞要害之地故喊靈州甘回劫我餉銀截我後路意圖掣官軍回援可乘勢奪踞下橋要津而專兩渠之險暫宜置之不理臣比令將靈州曾否失陷文武員弁如何下落知州鍾牧是何名詳細開報以憑入奏尙未接其覆牘頃又據道員曾傳理緘告得劉松山十月初六日信九月二十三日攻克劉家寨西北七寨二東華續錄 同治八十一 三

十九日克復靈州城池並破城外四寨一壘十月初二日攻克營東十餘里里仁渠一帶大小九寨其公牘由環縣一帶繞遞均尙未到蓋環慶山谷巒互殘破以來千里白骨黃沙人煙闕寂文報難通也此後各軍齊近聲息相接或可附便馳遞臣維馬化澂陰賊險恨天下共知自就撫後築寨修堡購馬造械仍與陝回互相首尾陝回敗則資以馬械陝回窮則助以軍糧從前屢見章奏自甯靈西達西甯南通河狄各回民無不仰其鼻息穆圖善曾令招撫西甯河州諸回迄不之應且常嗾所部掠蒙古藩部定安所訊據活賊白天才之供劉松山自花馬池南下時曾擊敗飽掠回巢韋州蘇光棍之黨事皆在八月以前是時官軍未抵下橋也其變果誰激之言者所稱濫殺激變自是指八月初三日郭家橋初次大捷而言馬化澂八月初四日所上臣稟於劉松山軍抵何處且

三字不題豈果有濫殺激變之事而反爲諱之乎白彥虎禹得彥楊文治諸逆首之突犯固原州實馬化澂嗾其黨馬萬春率之以來豈亦由固原各軍激之而然乎甘肅之民漢回雜處昔本漢多於回近則回多於漢若甯靈一帶周數百里則漢民幾無遺類固原州一城回民北徙後漢民存者不過十數靈州一城漢民存者不過數家其產業婦女均歸金積堡老弱死亡壯丁爲其傭工佃雇漢民之痛心疾首抑又何怪其然臣接靈州紳民之稟聳惕不安頗慮失茲不圖張駿元昊之患必見諸異日臣此時扶同徇飾欺已以負 皇上異日蒙旨詰責死有餘辜至劉松山爲人忠勇而明方略當時諸將實罕其比即如此次諸大捷正奇迭用他人得其一已爲奇功而所陳戰狀語語切實絕少矜張亦可概見臣與曾國藩議論時有不合至於識拔劉松山於凡眾中信任最專東華續錄 同治八十一 三

其謀國之忠非臣所及 於劉松山雖有心愛護思爲國家保此將才然事關大局如劉松山實有濫殺激變之事咎有攸歸臣再代爲庇護自蹈欺罔之咎臣雖至愚極陋不敢出此此區區微忱所求諒於 君父而不敢必者也自來辦賊之法勦撫兼施然回性犬羊知畏威而不知懷德辦理次第與他賊正有不同辦他賊先勦後撫辦回則必以撫爲先蓋回之所藉爲亂端者漢與回有異視也非宣布朝廷德意分良匪不分漢回則賊有詞以脅其黨眾將勦不勝勦然若壹於主撫賊必以撫愚我陰集其黨眾蠶食漢民又將撫不可撫竊恐漸漬既久勢不至如雲南撫回爲回所制不止臣前疏所言攻心爲上者竊以爲大局雖終歸於撫然非俟其畏勦之極誠心乞撫則固未可漫然允之見仍飭各軍前進一切勦撫機宜必俟劉松山察酌實局而後會同穆圖善覈奏斷

不敢草率從事致貽陝甘異日之憂亦不敢函莽相將致傷 皇
 上如天之德又奏劉松山一軍八月初七日起二十八日止節次
 大捷情形 臣已馳報茲據劉松山報八月二十八日夜擒獲賊探
 訊據供稱吳忠堡北二里許顧家寨馬家寨踞賊本陝回白彥虎
 黨夥因屢敗膽寒約今夜四鼓移向寨後而以陝回崔三所部賊
 黨填踞顧馬兩寨劉松山遣人往探一面傳令步軍整隊以待四
 鼓前探飛報寨內火光漸出寨外火光亦漸近劉松山以兩寨相
 距不過數十丈飭各營分兩路向兩寨左右進一向兩寨之中進
 自率各營旗相機策應並分布左右兩支稍取遠勢以拒各堡援
 賊兩堡逸賊戒諸軍非近賊不開槍呼殺比抵兩寨前見賊方出
 入互雜向不知官軍已到也官軍搥鼓發號提督何作霖朱德開
 從中路衝入各路槍礮齊施寨內外之賊均震懼失措人號馬嘶
 東華續錄 同治八十一 西
 自相蹂藉道員劉錦棠提督蕭章開乘寨門未閉揮軍直入顧家
 寨馬家寨內外各賊殲斃殆盡其顧家寨南小顧家寨內賊亦忙
 亂五品軍功董福祥馳報劉松山立督各營分兩路鈔給提督易
 致中乘勢破其外卡堆薪焚寨門提督譚拔萃軍功董福祥越壕
 而入堡上磚石雨下壯士肉薄而登適寨門焚穿各軍齊入寨內
 賊約四五百名無得城者天明收隊畱同知李樹棠一營分駐兩
 寨其小顧家寨則舉火焚之計是戰破回寨三座斃賊一千二百
 餘名生擒百四十餘名官軍員弁勇丁陣亡者二十六名哨官受
 傷者六員弁丁受刀矛礮子傷者五十一名受礮石傷者七十二
 名此八月二十九日大獲勝仗情形也是日酉刻馬化澂遣人款
 營齋 臣所批就近稟商劉松山公文一件馬化澂並稟劉松山停
 兵待其勸導陝回聽候駁辦劉松山許之令其呈繳戰馬軍械九

東華續錄 同治八一

月初三日馬化澂稟已諭令各陝回確具冊結懇定呈繳馬械章
 程力請移軍吳忠堡界外劉松山飭將馬械悉數呈繳再議初五
 日馬化澂呈遞陝回陳林禹得彥馬正和崔巍等稟結懇轉稟 臣
 暫緩進剿劉松山仍令將馬械悉數呈繳再議初七日馬化澂稟
 繳擡槍十桿小槍十五桿瘦馬二十四匹並解米糧一萬七千石稟
 中於甘回就撫與否一語不及劉松山知其詐嚴批申飭勒限兩
 日悉繳馬械初九日有遊擊胡如東巡檢李廷光來營同稱陝回
 又繳擡槍五十桿馬五十四匹存馬化澂處即解送大營其餘馬械
 必俟官軍退紮橫城方可呈繳劉松山不准飭胡如東李廷光歸
 語馬化澂仍刻日呈繳初十一兩日馬化澂並不稟覆而賊馬
 四竄似規官軍動靜者兩夜賊中修寨掘壕如恐不及十二日胡
 如東李廷光復來營申前請劉松山不應詢胡如東則穆圖善所
 東華續錄 同治八十一 西
 委催糧者李廷光則曾被馬正和所脅者劉松山知為馬化澂央
 託而來飭仍語馬化澂將求撫真偽情形據實稟覆然固知求撫
 之非誠也十三日劉松山親帶馬步隊伍赴余家湖察看賊壕縱
 營夫四出割草試賊動靜午後金積堡馬賊蠶擁而來吳忠堡亦
 相繼出隊似誤以營夫為官軍意圖鈔截劉松山飭營夫回營官
 軍列隊急調老營出隊策應騎賊欺官軍隊伍頗單結隊數十團
 冒死衝突步賊傍敬家莊兩堡排列劉松山令各隊猛撲之斃賊
 多名賊退兩堡旁開槍死拒正慶戰間適老營隊伍馳至劉松山
 立飭蕭章開湯彥和李雲貴劉錦棠尹興茂譚拔萃喻執益等率
 所部從堡右鈔出並防西南來援之賊飭朱德開李就山李樹棠
 等向堡北進飭董福祥兩營分附左右馬隊之後繼進賊見大隊
 齊至立即驚潰蕭章開劉錦棠畱營分兩路防援賊各率所部奮

二一九

威衝殺斃賊甚多有步賊二三百敗由原路回堡劉松山麾軍截擊盡殲之乘勢縱火焚燒堡門各營將士紛由堡之四面蹂躪而上連克兩堡堡中之賊無一漏網計是戰共斃陝甘各回八九百名生擒一百三十八名內有賊目馬阿忻馬光發一併正法官軍陣亡員弁勇丁十九名受傷九十七名此九月十三日大獲勝仗情形也賊之連夜築寨掘壕也意圖引秦渠之水灌官軍營壘兼爲守堡計十四日五鼓賊於吳忠堡南決開秦渠偏水東流辰初吳忠堡東南一帶平陸成川賊仍併力加以修壩劉松山飭何作霖譚拔萃周國勝由左路直攻壩西賊壩崩大成易致中相機策應飭蕭章開湯彥和李雲貴劉錦棠尹興茂譚汝萃喻執益董福祥張俊由右路分兩支進飭朱德開李就山李樹棠相機策應飭潘運璋陳宗藩彭緒炳譚上連率馬隊四營由右路之右進防

東華續錄

同治八十一

美

吳忠堡以北援賊並飭各營如賊不過水漫溝則勿深進也迨各營進偏賊壘半里逆賊竟憑壘抗拒官軍奮力進攻忽西北騎賊約一二千飛奔來援衝過水漫溝蕭章開劉錦棠若無所見仍攻壘如故火器環施雷轟電掣賊不能支棄壘鼠竄官軍乘勢將水漫溝壩頭決開大浦西趨蕭章開劉錦棠急督馬步各營擊之賊向溝西潰走被水衝斷殿後騎賊二三百名折而北趨又爲馬隊截阻悉偏溺急溜中無得免者蕭章開劉錦棠見溝東一寨水淹堡腳汲溜甚急乘勢撲之寨中之賊恟懼無措遂揮所部掘壘踰劈寨門立將溝東賊寨攻破是戰破壘決壩共殺賊六百有奇生擒七十四名並予斬決官軍陣亡員弁勇丁十一名受傷者五十六名此九月十四日大獲勝仗情形也十六日午後水勢漸消各堡之賊仍加掘長壕是夜劉松山傳令各營攜鋤鍤草束三鼓

出隊向水漫溝取齊馬步五路後仍布壘陣銜枚而進距溝半里賊始驚覺憑壕開槍絡繹奔赴是時月明如晝官軍五路齊撲賊不能支一面擲草掀土平壕疊進賊向西路劉家寨王家寨陳家寨縮退劉松山令馬軍列隊勿前飭步軍踰溝猛躡之賊因官軍迫急未及入寨紛紛撲壕官軍乘勢掩殺斃溺斃者頃刻屍積壕壘將士卽藉賊屍躍過其蕭章開劉錦棠所部兩支已鈔過賊後賊無路可逃有退入堡中者有縋牆而上者官軍迅卽奪門而入同時將三寨攻破寨內外賊斬殺淨盡劉松山隨飭董福祥張俊留所部分守之急督所部進攻王家莊梁家莊兩堡又克之天明收隊計是役連破堅寨五座斃賊實一千五百餘名除陳家寨回目陳添玉王家寨回目馬合義於兵到時逸出其餘三寨頭目馬大舉馬奮剛哈得招均經陣斬生擒逆回一百一十餘名陣前

東華續錄

同治八十一

毛

正法各營員弁勇丁陣亡二十二名受傷者一百四十三名此九月十六夜蕩平賊壕賊寨大勝情形也劉松山軍糧均自河西採購由葉昇堡轉般至營自賊決秦渠河水倒漾余家湖運道須繞由西北行走而王家高樓張家灘各回灘適當其衝十八夜劉松山飭各營裹糧聽令並多攜鋤鍤四鼓出隊向王家高樓比相距半里許賊已驚覺宵柝乍停礮聲頓起各營齊隊撲之堡中礮石如雨而人聲喧雜異常劉錦棠乘勢猛攻一面填壕蹂躪而上賊開北門逃竄馬步各營分投掩殺逸出者無幾劉松山卽令李就山帶所部前旗入據該寨仍親督馬步各營向張家灘北進行八里天色已明見張家灘兩寨並峙寨西三里許爲朱家寨遂令分支進攻察看寨東寨西野潦縱橫不便布陣乃飭各營以次魚貫而行比近堡前礮石飛注如雨壯士躍壕以火器仰攻或積薪焚

門或揮鋤掘堡前者帶傷後者繼進賊漸不支是時朱家寨回堡見劉錦棠蕭章開大隊猛進即啟西門向余家寨而遁劉錦棠蕭章開乘勢掩殺徑抵于家寨寨中踞賊亦相率西竄劉錦棠蕭章開急揮馬隊左右鈔截步隊從中路緊追賊無可逃盡由湖水溝見水而過水深湍急三寨之賊得登彼岸者不過百數十人而已惟張家灘兩寨賊眾因官軍圍攻甚緊無路可逃拚死堅守至已初乃破堡而入堡內之賊無一漏網劉松山以此五寨為北路糧運所必經飭馬隊分守俟所調安定後路四營至再以步隊更替填紮步隊收回老營計是戰破六寨一壘殺斃淹斃回逆計一千七百餘名生擒二百一十三名其張家寨回目馬得貴則於堡破時訊明生擒斬決餘賊一併正法官軍陣亡員弁勇丁十六名受傷者八十六名此九月十九日攻破寨壘大勝情形也十七日有

東華續錄

同治八十一

完

久陷金積堡之山西湖北各省漢民來營具保馬化澂永無反覆劉松山閱其稟詞於甘回呈繳馬械及陝回投誠事並無一語敘及引詰其故據稱伊等從前在金積堡貿易被陷茲馬化澂扣其眷屬偏令來營具保委非所願詢以馬化澂是否甘心投誠甘回是否俯首帖服則僉云不能知也劉松山嚴飭之十九日復破王家高樓張家灘一帶六寨一壘老賊膽寒益可想見以理勢論之陝回既去金積堡賊勢已孤又經官軍連次痛剿其迫而求撫固在意中惟馬化澂狃於從前未受懲創仍肆狡謀其求撫也僅以陝回為詞自居勸導之名一若未嘗同預逆謀者所呈繳之馬械又係派各甘回擇其疲朽不堪者呈繳希圖狡賴如果代陝回求撫豈有代匿馬械陰縱其逃之理如果甘心悔罪豈有陰藏馬械齒為後圖之理姑勿論指噉陝甘各回力抗官軍罪狀昭著也見

在賊勢衰微而官軍四集劉松山已調花馬池定邊留駐之四營前往合隊其金運昌所統卓勝軍馬步均已行抵花馬池是甘肅北路局勢穩固堪慰 聖懷又奏陝回西竄疊經官軍截剿九月十八日以前戰狀業經馳報陝安道黃鼎於打拉城克獲大捷詢知向西南敗竄之賊所贖不過二千餘人馬械糧食拋棄大半不復成隊由百草園郭城驛一帶竄走圖與前竄之禹得彥等合股黃鼎本擬派隊窮追旋探剿敗之賊馬正和陳林等股尚在新堡子收集散賊仍擬乘勝剿之二十一日五鼓督隊東出天明抵王家井溝見騎賊數百往來馳騁似窺探追軍者見官軍旗幟微露擊隊狂奔黃鼎令步隊居中馬隊張左右翼前進賊伏南北兩山中見官軍整隊猛進自量不支向東敗走各營躡至新堡子山徑開豁地平如掌馬正和陳林等列隊抗拒官軍奮衝殺立斃悍賊數十名賊即奔潰追殺十餘里斃賊百餘名步隊接斬兩山及新堡子街內外之賊約數百名拔出被裹漢回千餘名訊據難民供稱十八日之敗顏阿洪九社營老野阿洪擺萬馬生彥馬正和各股死傷大半惟陳林馬長順在後縮退俾免打拉城之敗藍九阿洪亦經官軍陣斬陳林馬正和等敗蹙之餘仍圖折回金積堡是時陝西提督雷正綰聞信率所部由半箇城向長流水地方截之二十三日行至何家口遇騎賊數百擊敗之遙見長流水一帶炊煙大起知賊屯踞此間二十四日整隊前進適賊正挈眷紛逃雷正綰率隊衝殺斃悍賊二三百名賊向四百戶地方竄去二十五日提督周蘭亭率所部馳至會隊追剿沿途接斬甚眾追至黃河邊上橋地方探報甘回李應春率賊千餘自西路橫截而東勢出官軍之後雷正綰周蘭亭即擊隊分途截剿行過北口與賊遇

東華續錄

同治八十一

完

兩軍夾擊斃賊約數百名又追至石家溝斬賊百餘二十六日仍
 整隊追期行五十里抵馬家河陳林馬正和等知追軍將至先將
 輜重眷屬送往金積堡自率悍賊二三千殿後雷正綰周蘭亭結
 方陣擊之賊紛紛潰走官軍馬步緊追二十餘里瞭見賊之輜重
 家小在前逆賊復回戈返鬪官軍奮威衝殺斃賊數百名薄暮收
 隊馬家河灣自半箇城迤北一片沙漠水草均乏官軍糧盡引還
 西窠崔禹等逆^臣原調提督徐占彪步隊三營提督楊世俊馬隊
 四營由靜甯州出會甯安定之間相機截剿九月十七日徐占彪
 接會甯縣官紳稟報前次剿敗土匪張貴侯得應等逃至會甯又
 囑聚匪黨攻掠會甯北川攻破岳家等堡寨六處請兵速剿十九
 日徐占彪馳抵會甯二十日黎明出賊不意兩路擊之斃匪百餘
 名張貴率匪黨伏地乞撫徐占彪押令回靜甯點驗分別遣散二
 東華續錄 同治八十一 聖

十三日楊世俊馳抵會甯詢知陝回經官軍擊敗後由會甯之城
 郭驛紅堡子等處紛紛西竄楊世俊於二十四日五鼓由乾溝驛
 繞出牛馬墩遇賊騎千餘護眷竄走楊世俊督馬隊兩旗掩擊追
 至馬家堡斬賊甚眾二十六日躡追至嶠口斬殿後悍賊八十餘
 名生擒九名賊之老幼婦女墮崖死者無數急催徐占彪步隊赴
 嶠口會合以便縱擊二十九日楊世俊率馬隊抵車道嶺探知賊
 將眷屬輜重移紮漫窪站灘一帶而悍賊則紮甘草店大營川以
 拒追軍初一日徐占彪率所部步隊至嶠口即於是夜五鼓合隊
 齊由車道嶺出甘草店賊列隊死拒官軍官軍整隊衝殺賊仍敗
 走追至大營川收隊初三日黎明楊世俊徐占彪率馬步仍分三
 路追至高崖先後逃竄之賊均已麤聚於此徐占彪飭步軍結成
 方陣楊世俊飭馬隊張左右翼擊之斃悍賊百餘步軍滾隊緊逼

馬隊左右斜鈔賊勢不支紛由水家坡新營兩路敗走漫窪官軍
 蹙之陣斬三百餘名及抵站灘地勢狹隘羣賊擁擠不前憑卡死
 關楊世俊令所部下馬開槍刀矛手從卡旁搶上徐占彪由兩山
 覓徑鈔出立斃悍賊五六百名壓追至距狄道州四十餘里之漫
 窪十八盤始收隊而回計連日截剿殺斃悍回千餘拔出漢回難
 民數百名初四日黃鼎率所部各營馳至則賊已由狄道向河州
 竄去黃鼎以^臣前檄先顧蘭州再進剿河州之賊見在中路南
 赴省驛道疏通蘭垣局勢自固稟以楊世俊馬隊四營紮安定以
 兩營紮紅土窠徐占彪步隊兩營輔之以通蘭垣之氣擬以步隊
 七營紮會甯張會元崇志馬隊紮靜甯西數十里地方就水草黃
 鼎暫赴靜甯點驗張貴降眾分別辦理事定聽調^臣擬令其事定
 後先赴蘭垣附近擇要安營俟北路局勢略定再相機調遣規復
 東華續錄 同治八十一 聖

河州以見在局勢論之陝回被剿悉數西趨惟九月十八日打拉
 城大捷後陳林馬正和等敗殘餘逆復折而東竄又經黃鼎躡追
 雷正綰迎剿所贖能戰之賊不過二千餘老幼婦女則漫山遍野
 不知其數十月初四日遞稟赴道員曾傳理處據稱已由馬化澂
 轉稟劉松山先繳馬械一半乞降詞甚哀切^臣接馬化澂初六日
 稟亦同惟詭稱不知是否誠實^臣察其情形則窮蹙乞撫本無可
 疑馬化澂故意顛倒以飾其前此之詐耳曾傳理當飭聽劉松山
 批示而雷正綰周蘭亭兩軍已於初六日由四百戶進擬駐黃渠
 橋邊偪之簡敬臨張福齊亦於初六日進駐韋州堡與劉松山會
 商辦理其甘回頭目馬化澂之黨馬萬春馬中海李應春等均紛
 赴曾傳理處求撫良回李百寬丁化鵬穆進善等則為官軍代購
 糧料遞送文書惟恐弗及^臣飭曾傳理一律安撫以昭分別至陝

回自鹽茶廳逃竄經官軍衝散後老弱婦女號啼四散凍餒難堪見經曾傳理飭各員回認保收養已不下萬數千口俟事定乃能分地安插 上諭陝回經官軍擊敗後竄踞顧家寨等處劉松山督軍進剿馬化澂屢以求撫為辭而賊中修寨掘壕並未少息該軍自八月二十九日至九月十九日疊破顧家寨馬家寨各處賊壘並斬賊目毛遂牛等多名見在陝回已去金積堡賊勢甚孤惟馬化澂陰蓄詭謀每以乞撫為緩師之計若不痛加勦擊為患更深劉松山所調花定後路四營計已早到著即飭令該提督乘此聲威合隊追剿毋任該逆從中勾結日肆蔓延如有真心悔罪赴營求撫者亦著該提督相機辦理黃鼎雷正綰等軍在新堡子等處各獲勝仗殺賊甚多賊由狄道向河州竄去見在赴省驛道已通著該大臣即飭黃鼎雷等分投扼紮遏賊回竄之路其蘭垣防剿事宜並著妥籌兼顧同人李百寬等該大臣仍當檄令曾傳理分別妥為安撫靈州降回變亂見在收復查非劉松山濫殺所致著毋庸議副將謝榮華等下落並著查明辦理刻下黃河冰結山西河防更為緊要該大臣既以李慶朝為不足恃則郭寶昌赴晉之行尤不可緩著即檄飭該提督酌帶親兵迅赴山西金運昌已督軍抵甯條梁並著飭令迅速前進與劉松山軍會埽賊氛毋稍濡滯將此由六百里諭令知之○乙丑諭軍機大臣等金順奏官軍進攻賊巢見已合圍一摺甯夏解嚴後逆匪踞納王兩莊伏匿不出惟於寨外添築卡壘負隅抗拒經金順會同張曜督兵進攻獲勝毀平賊卡三座分隊追趕直抵寨門該逆猶敢憑牆死守並出馬隊鈔襲我軍復經該署將軍等痛加勦擊會兵合圍勦辦尙屬得手著該署將軍會同張曜激勵各軍乘此聲威務將賊剋期攻

東華續錄

同治八十一

聖

拔毋稍遲延其杜家寨等處屯聚陝土各匪甚眾亟應期除以孤賊勢並著督飭將弁分路進剿毋任勾結為患將此由五百里諭令知之○諭劉峴奏援黔官軍擊苗疊勝克復勝秉城池一摺貴州苗逆九大白等在勝秉城屯聚提督龔繼昌督隊進攻賊復死拒總兵蘇元春分路鈔擊燒毀城外之巫信貴籠涼風均各逆地當將勝秉城池收復龔繼昌又擊敗施洞口等處來援之賊其平苗三寨經蘇元章踞平包大肚等合股來追官軍將其擊退清水河邊山上賊地亦經龔繼昌攻破焚燒賊穀甚多彭芝亮等復將潛襲施秉縣城及分伏木弄等處各逆先後截殺各路賊卡均已次第掃除勦辦尙屬得手惟施黃境內苗巢猶多必先平施黃逆巢肅清江內方可分路攻取制賊紛竄見在席寶田已抵長沙即著劉峴飭令該臬司趕緊部署督軍前行以期迅抵黔疆與川軍會合痛掃逆氛其清江寨頭鎮施各路應行增兵填紮之處亦著該臬司妥籌布置毋稍疏漏另片奏請調總兵赴黔差遣等語總兵蕭榮芳既據該撫奏稱打仗尙能得力即著飭令募勇二千名前赴貴州攻勦歸席寶田調遣以資厚集將此由五百里諭令知之○署甯夏將軍金順奏九月二十九日提督劉松山督軍克復靈州城池報聞○閻敬銘乞休以童華為工部右侍郎彭九餘為左副都御史由大理寺卿遷○以湖南官軍克復貴州勝秉城予提督龔繼昌等優敘復總兵官唐本朋蘇元春職並賞還勇號花翎○予甘肅陣亡副都統貴陞祭葬世職建祠入祀昭忠祠並副將范珍等祭葬世職○丙寅命曾國藩查直隸被旱災區分別賑濟○丁卯諭軍機大臣等穆圖善奏官軍擊勦竄匪獲勝並雷總兵接辦軍務請飭糧臺撥餉接濟各摺片甘肅禮縣所屬地方於本年八

東華續錄

同治八十一

聖

月開被回匪滋擾經提督喻元祥親督兵勇節節進剿殺賊多名該匪潰敗狂奔見在崖城等處已無賊蹤即著左宗棠穆圖善飭令各軍仍行加意防範遇賊即擊毋稍鬆懈其駐紮中衛之貴字三營著照該將軍所請飭令總兵黃金山接統將前募防城之勇補足三營額數並另集圍隊二百名悉聽金順節制即著該署將軍妥為調遣會同張曜聯絡劉松山暨金運昌各軍將北路回逆悉數掃蕩貴字營等餉需無慮支領著左宗棠飭令西征糧臺將黃金山所統三營並圍隊二百名需用餉銀按月撥濟穆圖善著慎遵前旨將總督關防迅速派員齎交左宗棠接受以專責成將此由四百里各諭令知之○予甘肅陣亡副將蔣光晉知縣程步霄等祭葬世職

東華續錄

同治八十一

一

東華續錄

同治八十二

臣王先謙敬編

臣張式恭恭校

十一月戊辰朔予湖北陣亡道員徐豐王建祠○已已諭軍機大臣等穆圖善奏遵旨派員齎送總督關防並克復狄道等處出力員弁請仍擇尤保獎各摺片穆圖善已於十月初六日將陝甘總督關防派員齎送涇州交左宗棠接受惟該將軍甫經卸篆應辦之事尚多著准其刊刻甯夏將軍木質關防以昭信守除地方尋常公事即由藩司包封遞左宗棠行營辦理外如遇緊要軍務著該將軍慎遵前旨率同在城文武力籌保衛毋稍疏虞並著督率所部兵勇隨時勦辦不得稍涉諉卸穆圖善俟左宗棠到省或由左宗棠派員抵蘭接辦防務有人再行聽候諭旨上年各軍克復東華續錄 同治八十二 一 狄道州並河州秦子寺汛在事各員弁尚屬著有微勞著准由該將軍擇尤保奏毋許冒濫將此由五百里諭令知之○諭前據左宗棠奏稱黃鼎等軍獲勝甘省驛道疏通以楊世俊等營分路進紮並令黃鼎先赴蘭垣附近擇要安營此時北路情形計可殲定該大臣得以進規河州矣本日據穆圖善奏派員齎送總督關防前赴涇州軍營該大臣諒已在途祇受惟念蘭州為根本重地該大臣接篆後於省城防勦一切事宜自係責無旁貸見在河州等處賊巢林立近偏省垣即使黃鼎各軍皆能繼進亦不可無人指授機宜穆圖善既卸督篆凡西路軍情及地方應辦事件均覺呼應不靈該大臣能否即由平涼親赴蘭州居中調度抑一時不克前進先行派人前往接辦或以接辦乏人仍畱穆圖善暫駐省垣照料軍務俟到後再行交替該大臣酌度情形著於接奉此旨後

迅速詳細奏聞以慰慮近且各路軍情若何黃鼎等軍何時馳抵蘭州劉松山軍在北路辦理勦撫事宜能否漸次肅清仍著該大臣督飭在事將士相機掃蕩迅奏膚功將此由六百里諭令知之○諭河南嚴禁蘆鹽越境侵銷○修山西崞縣城○辛未諭軍機大臣等曾璧光奏普安餘匪闖入安南旋經官軍收復上游苗匪投誠歷久相安各一摺嚴大五旬結回苗各匪復行闖入安南縣城該文武等力戰數月當將縣城克復在事出力員弁准由曾璧光歸入春間收復普安安南兩城案內彙保該撫仍檄令官軍搜捕餘匪務絕根株並督飭地方官將善後事宜妥籌辦理黃荆蔭繳械投誠經署水城通判袁開第督同文武官紳妥為布置歷久相安尙屬著有微勞准其擇尤保奏仍著曾璧光飭令各該員隨時約束毋任再滋事端將此由六百里諭令知之○諭前因貴東華續錄 同治八十二 二

州遵義教士因傷殞命疊經諭令曾璧光妥速籌辦並令李鴻章會同辦結李鴻章前派道員余思樞馳往查訪計早抵黔曾璧光諒已派員會辦此案總以教士因何身死為最要關鍵必須質證明確斷不可稍涉含糊見在法國使臣羅淑亞業已出京赴滬聲言欲帶兵船赴川實因川黔教案未結著曾璧光懍遵疊次諭旨嚴飭委員會同余思樞速將此案了結不得稍有延宕將此由六百里諭令知之○壬申諭內閣前因左宗棠奏提督劉松山勦辦靈州回匪連獲大捷請將該提督前次失察游匪一案革職畱任處分懇恩開復等情當經諭知該大臣俟查明靈州失守情形後再行降旨茲據金順奏稱劉松山到靈州後勦撫兼施見已將州城克復勦辦甚為得手等語與左宗棠所奏大略相同劉松山向來打仗甚稱得力此次勦辦靈州回匪尤能迅赴戎機謀勇兼備

劉松山著准其開復革職畱任處分其前案內失察之分統營哨各官均皆隨同打仗著有微勞著一併免其查參此外出力各員著准由左宗棠擇尤保獎毋許冒濫○諭軍機大臣等前因都興阿等奏覆勘展邊事宜當經諭令該將軍等俟朝鮮覆文日妥慎籌辦並因禮部奏據朝鮮國王咨請於沿江之地嚴禁偷越亦經諭令該將軍等飭屬認真辦理茲據禮部奏據朝鮮國王咨覆奉准江岸一帶酌畱三五十里劃清界限之議請於原野平闊之處劃界稍遠等語著都興阿額勒和布恩錫查照該國王所請在江岸寬平處所酌量籌辦並於展邊之時將界限劃清仍遵前旨督飭各該地方官遇有游民私墾及滋擾等弊立即密拏懲辦毋稍疏忽以申邊禁而靖地方朝鮮國王咨文均著鈔給閱看將此各諭令知之○諭前因總理各國事務衙門議覆富明阿等奏朝鮮東華續錄 同治八十二 三

國人往俄界墾地應由朝鮮早申禁令當諭禮部行文該國王妥為辦理茲據禮部奏稱准富明阿轉據甯古塔副都統咨報琿春協領訥木津奉飭前往摩闊歲會晤俄官面議兩國交涉事件於中途遇朝鮮國男婦四五十人陸續越界均由珠倫河前往海沿問其來歷言語不通因係俄界未便攔阻旋密查海沿嚴杵河棘心河等處已聚集千餘人續投者尙紛紛不止請由該部行文該國王飭令邊界官悉數領回等語朝鮮國民人潛投俄界男婦成羣竟至千餘名口之多難保不愈聚愈眾該國王自應及早禁止庶不至別滋釁端著禮部迅即行文該國王將逃赴俄界民人飭令該國邊界官悉數領回並由該國王申明禁令嚴飭該國沿邊官弁約束民人毋許再有逃越以重邊防並著富明阿飭令訥木津會商俄國廓米薩爾務將朝鮮越界民人悉行逐回不得久畱

俄界以致別生枝節原摺著鈔給富明阿閱看將此諭知禮部總理各國事務衙門並由五百里諭令富明阿知之○左宗棠奏劉松山一軍九月二十三日克復靈州城並破四寨一壘十月初二日攻克里仁渠一帶九寨前於摺內約略敘及然未接劉松山公牘故戰狀不能詳茲據牘稱九月二十二日馬化澂復遣漢民解米糧十萬斤來營具保馬化澂永無反覆狀仍不言呈繳馬械劉松山以撫局關鍵首在呈繳馬械今馬化澂仍襲從前故智冀以甘言微利了事非誠心求撫可知察看金積堡東北馬家兩寨楊家寨金何李丁四寨雄峙參錯深壕環繞渠流滿注其中距提督蕭章開劉家營壘五里是夜劉松山傳令各營攜鋤鍤草束四鼓出隊向劉家寨取齊馬步分五路布疊陣銜枚夜行一向馬家寨進一向楊家寨進各支列陣於後以拒各堡援賊比抵寨前賊始

東華續錄

同治八十二

四

驚覺官軍號鼓齊鳴立將各寨合圍寨上礮石雨下各營擲草平壕揮鋤掘堡併力攻之火器環施飛光電轉天明楊家寨積薪著火煙燄蔽天寨中呼號喧噪壯士乘機猛進一鼓克之馬家兩寨見楊家寨已破恟懼益甚各營乘勝薄之兩寨亦相繼而下劉松山比傳令各營進攻李丁金何四寨察看李丁兩寨地勢低窪溝渠交錯飭各營運蘆葦築壩蓄水灌之未幾金積堡馬步援賊繼至劉松山自督各營穩築壩隄派道員劉錦棠提督蕭章開軍功董福祥分中左右三路擊之提督李占椿李雲貴為接應提督潘運璋陳宗蕃進左路之左提督彭緒忻譚上達進右路之右各營奮威衝殺賊勢不支折而西奔官軍馬步急追至秦渠邊賊中人馬擁擠橋梁忽斷殿後之賊見水而過戰斃溺斃無算餘賊向金積堡遁去各營返旗攻李丁兩寨渠水已淹偃寨脚矣寨賊勢蹙

開西門出奔金何兩寨賊眾亦倉皇棄巢鼠竄官軍分支鈔殺斃賊又多餘賊敗歸金積堡劉松山即令官軍分營填上所破五寨收隊而旋是役計殺斃焚斃回逆約一千五百餘名回目馬三喜已於堡破時格殺生擒百餘名內有回目馬得三當即訊明正法官軍陣亡員弁勇丁二十七名受傷一百七十一名此九月二十三日攻克劉家寨西北寨壘七座大獲勝仗情形也是日吉林馬隊及雷駐花馬池定邊四營來下橋會師詢悉提督黃萬友副都統雙壽於十六日道出橫城時適探南路有騎賊駛到意似迎抗官軍黃萬友督飭步隊雙壽督馬隊張左右翼迎擊馬賊結數十團猛撲而來氣殊驕甚官軍併力壓擊槍斃刀矛齊進賊敗退追逐十五里始行收隊計斃賊二百餘名官軍陣亡勇丁十名受傷十二名劉松山以該逆於竊踞靈州後因官軍未加懲創自謂得

東華續錄

同治八十二

五

計此次仍敢截阻後路之師應予痛剿二十四日先諭馬化澂令靈州踞城叛回速出就撫免其剿辦二十七日馬化澂始具稟來營仍請寬限劉松山知其詐嚴飭之詞靈城賊匪精壯守城並引陝回入城助守其眷屬輜重則已於先日潛移金積堡矣二十九日五鼓劉松山傳令各營裹糧夜起仍分五路布疊陣整隊向靈州進架橋過清水溝行數里時已午刻瞭見城南卡壘甚堅賊旗林立左右野潦縱橫淺者猶及馬腹劉錦棠蕭章開分左右路梟水而進劉松山督各路直擣中堅抵城南五里團圓寺卡各營槍礮仰轟拔去蒺藜架木為橋踰壕而上克其外卡餘賊向南門外里許之石壘竄遁官軍緊躡之忽城東塵氛大起突出馬賊千餘向西南馳突意圖鈔截劉松山飭提督余虎恩馬隊擊其左雙壽馬隊擊其右董福祥步隊副之騎賊撲近陣前官軍馬步相依縱

橫盪決斃悍賊數十名敗賊折向東南飛奔各營追殺十五里維時劉錦棠蕭章開已鈔近附城之卡壘旁矣城賊開南門出卡拚死拒敵劉松山飭黃萬友周國勝朱德開李就山知州李樹棠奮力圍攻城南石壘自督陶寶昇易致中何作霖譚拔萃從中路猛進槍礮環攻雷轟電掣賊勢不支爭入卡門拋棄器械自相蹂踐劉錦棠蕭章開乘勢奪卡而入敗賊縮退城中各營躡蹤搶入見賊即砍城賊開東北兩門狂竄官軍分道躡之追殺五里天色已向晚矣收隊回城其南門外石壘踞賊二百餘名經黃萬友攻破擒斬無遺是役實斃賊一千四百五十五名生擒二百七十三名訊明賊目馬元生馬致和郭有利正法軍前拔出漢民男婦七百餘人官軍陣亡員弁三十一名受傷一百八十一名此二十九日克復靈城大獲勝仗實在情形也是夜調靈城敗賊踞城東迤南十里東華續錄 同治八十二 六

之海子墩買家莊十二里之馬清兒羅家橋四寨劉松山雷營駐防親督各營四鼓出隊派劉錦棠蕭章開向海子墩進自督各軍向買家莊進飭馬隊伏左右兩路並戒步隊如未破寨則列隊勿動也部署既定軍士銜枚疾行直薄寨下賊始驚覺中軍搗鼓發號火器仰攻寨上亦礮石雨注軍士擲草掀土填壕而過焚寨門掘堡腳四面擁登立將海子墩買家莊攻克該兩寨回逆四五百名悉數殲之其馬清兒羅家橋兩寨踞賊見火光如晝喊聲震地礮轟如雷知官軍已奪海子墩買家莊矣遂開堡門從東南狂竄余虎恩雙壽馬隊左右鈔殺之壓追十八里收隊而還是役斃賊六百餘名生擒四十二名訊畢於軍前正法拔出漢民男婦二百餘名官軍陣亡員弁十四名受傷五十八名此三十日攻破靈州城外四寨獲勝情形也劉松山進城後察看城內倉廩廟宇官廨

民廬半成灰燼瓦礫塞道飭黃萬友李樹棠移兩營駐之將節次拔出漢民安插州城設法撫輯一面招徠漢民認產復業初一日自率馬步各軍收回下橋老營營東十里爲里仁渠大小兩寨迤西兩莊池北里許爲趙家寨池東二里爲楊家三寨楊家寨池北三里許爲馬家兩寨賊踞其中劉松山是夜傳令各營四鼓出隊分枝向里仁寨趙家寨進自督中軍相機而動令馬隊伏東南二里防西南援賊劉錦棠蕭章開抵里仁寨半里守賊見官軍至大寨礮聲起小寨之賊倉皇出巢蟻附大寨各營乘勢跟蹤奪門而入賊眾死鬪槍礮對轟壯士從寨後肉薄而登寨內之賊狂號出奔官軍一鼓擁入寨門敗賊無路可逃有墮牆而殞者有投井而斃者守賊約四五百名蒐薙淨盡劉松山乘勝督各營進楊家三寨令朱德開李就山董福祥圍趙家寨拔之守寨之賊約三四百名僅逸出馬賊數十騎餘悉殲旃楊家三寨之賊見各寨火起開門向正東狂竄陶之昇易致中何作霖周國勝兩路鈔殺之偪入山水溝淹斃斃無算餘逆折向東南敗走天色已明忽西南塵氛蔽空突有騎賊二千餘來勢兇猛劉松山派劉錦棠蕭章開督隊進正東攻馬家兩寨自督步隊攔頭迎擊飭馬隊左右鈔之悍賊死拒不退適馬家寨之賊經官軍攻破紛紛出寨亂竄賊眾返顧忙亂亦向西南潰走各軍四路掩殺陣斬步賊三百餘名收隊而還是役共計實斃賊一千數百名生擒一百一十一名內有賊目趙萬辣馬幅意訊畢斬之官軍陣亡員弁丁十八名受傷九十四名此十月初二日攻克里仁渠大小八寨兩莊之實在情形也方劉松山之入靈州也馬化澂來稟靈回正在出城忽有南來陝回乘間進城焚掠請示遵辦並央派辦撫局之總兵胡昌會

請於甯郡五屬擇地安插意在飾其句結之謀不意劉松山九月二十三日破馬家寨時已接出馬化澁九月十三日給偽參領馬三重吳天德楊長春糾黨抗拒偽札一封偽銜刻統理甯郡兩河等處地方軍機事務大總戎馬鈴以偽印其狂悖之狀陰狡之謀已經敗露也陝回陳林馬正和等股及從前雜匪金積堡之鄒保和沙學德等據雷正綰等馳報初七日又經劉松山痛勦勒令悉數呈繳戰馬軍械尙未接據劉松山馳報其雷正綰周蘭亭初八日由四百戶馳抵鳴沙洲訶張恩堡東西四堡爲馬化澁先鋒袁希孟所踞初九日兩軍整隊齊進先攻東西依崖兩堡破之斃賊二三百名釋其老幼婦女獲戰馬六十餘匹袁希孟即率西面三堡回眾伏地泣懇收撫願將馬械悉數呈繳雷正綰等受之正點驗問忽見賊騎數百急馳而西雷正綰等列隊堵截賊不意大軍東華續錄 同治八十二 九

倏至駭懼失措官軍馬步急擊之斃賊約二百名訊擒賊供始知此股即馬正和馬長順之黨初七日經劉松山擊敗者也初十日雷正綰由張恩堡進滾泉進疊水適簡敬臨張福齊兩軍東自章州前來合隊十二日行至強家沙窩擇要分駐秦渠內外距金積堡皆不過十餘里 臣以勦撫機宜未可遙制必事權歸一乃策全功檄雷正綰周蘭亭簡敬臨張福齊所部各營進止緩急次第均候劉松山商酌定奪冀免歧誤又奏前檄補用道李耀南湯聘珍等各率所部分布秦州秦安通渭一帶穆圖善飭記名提督涼州鎮總兵傅先宗總統敖天印喻正祥彭忠國等馬步各營扼勦河狄竄賊力顧蘭垣餉道嗣據記名提督梅開泰稟請裁兵節餉 臣宗棠當飭精爲挑選併成五營歸湯聘珍節制隨同防勦維時狄河逆賊時以零騎游掠通渭伏羌西和禮縣等境然皆非大股也

九月二十二日湯聘珍訶河回闌入禮境窺伺徽成人數頗多督同梅開泰約虎威營出隊馳勦二十五日行至西禮交界之長道鎮偵賊大隊盤踞西和縣城北三十里之石堡城下寨地方當就地築壘一面令梅開泰率馬隊且探且進步隊繼之抵鄭家堡出山峽賊馬步盡擁而來梅開泰分營一由右扼山麓一由左扼山腰自率馬步直擣中路槍礮環施斃賊數十名正酣戰間湯聘珍及副將田連考各率所部馳至奮威衝殺騎賊擁奔步賊大潰各軍緊躡之由鶴子坪追殺至王家窯日暮收隊計斃賊三百餘名生擒二十餘名二十六日黎明賊騎數百仍排列峽口似誘官軍深入者適謀報二十五夜游匪嘯聚一二十人來禮縣與西河敗賊合結寨石城堡迤南馬跑泉圖阻官軍進勦之路湯聘珍遂督隊分兩枝緣鄭家堡楊家菁頭堡擊之登高瞭見步賊數十圍伏東華續錄 同治八十二 九

峽中飭各營嚴陣以待賊旋引去二十七晚選壯士百餘乘黑夜襲賊營火箭火彈拋入焚其柵卡賊眾慌亂棄寨狂奔二十八日梅開泰率馬隊追過西和縣城二十九日收隊回營方賊之竄入西和也湯聘珍函約傅先宗督同各營會勦初一日傅先宗抵西和城下遙見馮家莊一帶煙燄彌空策馬飛進賊正圍攻姜席家川堡官軍馬隊循南北山峽鈔擊賊駭而奔堡圍立解是夜訶賊踞江口刺壩兩處湯聘珍督同梅開泰倍道出禮縣截其北竄之路詰朝傅先宗馬步向刺壩追賊至碧玉河突有另股伏賊橫出山谷之旁傅先宗即飭喻正祥督隊分途猛擊賊遂披靡喻正祥追殺二十里至立隄壩傅先宗自督馬步追殺三十餘里至廟兒埡敗賊向岷屬炭廠遁入狄河各軍收隊而還計初一初二兩日斃賊約近千名生擒六十餘名據擒賊供此股賊目劉四花鄉約

馬元和世輔張老五皆西禮叛回糾眾三千餘人流入狄河河州賊目馬尅大助以馬步千餘沿途夥結游勇千餘眾意圖襲踞禮縣二十五日之戰馬元已被槍傷訊畢斬之其時道員李耀南一軍已抵通渭馬營監十月初一日訶通渭屬李家灣一帶河州回逆磨集攻堡掠糧賊目爲甯阿洪馬洪幅糾合北路敗回由狄道隴西漳縣榜羅鎮竄來約三四千眾初二日黎明李耀南派總兵殷華廷率馬隊前驅自率馬步各營繼進行二十里抵牛山遇賊前隊殷華廷擊敗之官軍追近李家灣賊回旗抗拒分股從李家灣南北兩溝鈔出李耀南率所部緊結方陣分中左右三路應之殺賊二百餘乘勢壓擊追至通安驛敗賊向內官營遁去另股騎賊自北路來援復經督隊擊敗臣維狄河回逆負嶠恃險廣行句結此次糾約出巢自係迎護陝回崔三禹得彥敗殘餘黨經官軍擊敗遁歸巢穴臣穆圖善前調傳先宗進規河狄臣宗棠已催令遵檄前進恪遵調遣並嚴飭南路在防諸軍相機堵剿力顧後路又奏據劉松山牘稱克復靈州後詢知該州甘回素聽馬化澂之命地方公事及征收錢糧向皆馬化澂主政在城文武各官薪糧皆由馬化澂發給回眾藐視官長而不受約束官長坐視回眾而莫可如何以致倉卒變生莫能救護前代理靈州知州尹泗其弟藍翎卽選從九品尹溱並眷屬家丁十餘口及見署靈州知州甘肅候補同知鍾蘭其子鍾爾規同時服毒自盡前派去護餉之總兵曹加正副將陳明遂辦糧委員副將陳永錫謝明華張福星彭友亮參將張細祿副將王榮華隨去勇丁七名均被戕害當州城未陷之前署靈州營參將馬福守備李繡春州吏目黃廷輝等察知回眾叛形已露約同出城赴營送信求援該參將等復於途

中遇賊守備李繡春不知下落此次克復州城卽派馬福黃廷輝作爲前導臣維靈州甘回本馬化澂黨夥馬化澂從前名雖就撫實仍以其新教部勒甘回自成一類久之老教亦被其脅服陝甘回民尊之爲主自稱爲吾喃目蓋回語奴才也其私授僞官有參領協領等名其自稱爲大總戎稱官軍爲敵人狂悖如此見因攻破甘回寨壘按獲賊中僞文始知其詳劉松山前抵靈州恩恩南下未據該文武稟知逆情將軍餉寄頓城中僅派弁勇十餘名守護以致同遭其難見經官軍攻克州城逆賊殲滅殆盡死事諸文武應懇 天恩均照陣亡例議卹馬福黃廷輝聞變出城求援嗣導官軍克復城池可否免其置議出自 天恩又奏頃接劉松山緘稱因陝回呈繳馬械遲延仍懷叵測初七日進剿連破秦渠南板橋馬家兩莊納家三寨丁家兩寨劉家灣子三莊馬家灣子四莊何家兩莊西至蔡家四寨金家兩莊一帶陝回所踞村莊斃賊二千餘名生擒近三百名獲賊眷六百餘口官軍亦有傷亡馬化澂見失署河州鎮總兵胡昌會保其永不反覆並力保陝回悉數呈繳馬械其詳細情形容俟續報到日再行馳奏臣拜摺後卽進駐平涼又奏甘肅秦州毘連川陝僻在一隅稍稱完善近年以來協餉之來專取道於此重兵亦翕聚其間其始藉兵力以護餉藉民力以養兵其繼兵增而餉愈艱民窮而寇愈熾臣自率師規隴卽派中書吳士邁道員湯聘珍李耀南由汧隴趨秦州會同甘軍隨時堵剿一面諭知甘軍各將領裁併成營以期實濟提督梅開泰首先遵辦裁十營併成五營總兵敖天印繼之察看情形事體尙無滯礙如果辦理得宜未嘗不可收餉節兵精實效特一時乏此鉅款既虞遣撤爲難而主持苟非其人轉恐激成別故斯夕焦

思苦無全策適船政提調前護福建巡撫道員周開錫帶解餉銀馳赴營維甘肅北路中路均有制賊之軍南路雖有穆圖善與臣撥派之軍而彼此勢分等夷各不相下非得治軍之才假以事權難期指臂相聯共襄捷伐見已檄令周開錫馳赴秦州總統諸軍將南路兵事餉事認真整頓上諭甘肅狄河回匪糾合陝回崔三等餘黨出巢肆擾經穆圖善派傅先宗進剿獲勝左宗棠又檄李耀南等軍敗賊於李家灣一帶斬獲甚多其甯夏南路回匪楊士恭等句結陝回援應納王各寨又經金順張曜督軍迎剿邊獲勝仗剿辦均屬奮勉見在陝境肅清各匪已無立足之處勢必要挾甘回苟延殘喘如能將河狄各賊巢逐一攻破斷其黨援則剿撫皆易得手著左宗棠仍飭李耀南等及前派出之黃鼎各軍乘機進剿毋稍鬆勁一面嚴檄南路在防將士實力嚴防以免東華續錄 同治八十二

願此失彼穆圖善亦當札飭傅先宗等與陝軍聯絡聲勢迅掃逆氛納王各寨為回逆負固之區仍著金順會同張曜迅圖攻拔毋任憑險死守阻截官軍左宗棠查明靈州失陷文武下落情形請將各員免議等語署靈州參將馬福吏目黃廷輝既據奏稱聞變求援並導官軍克復城池情尚原馬福黃廷輝均著免其置議其劉松山收復靈州情形與本日金順所奏大略相同該大臣見擬進駐平涼著即懷遵前旨將能否馳赴蘭垣情形迅速具奏回日馬化澂既給馬三重等偽札是其狂悖之情業已敗露而又求總兵胡昌會保其永不反覆並力保陝回呈繳馬械前後兩歧殊難憑信即著該大臣嚴飭劉松山等乘此軍威迅圖掃蕩該逆如實係真心乞撫仍著左宗棠責成劉松山相機妥辦萬不可為甘言所誘輕率收撫轉遂奸謀周開錫馳赴秦州派令總統諸

軍即檄飭該道員將南路兵事餉事認真整頓以資贊助北路剿撫事宜著即檄知雷正紹等與劉松山商推以免紛歧將此由六百里各諭令知之○飭山西添撥月餉一萬兩濟金順軍○予甘肅傷亡提督易德麟祭葬世職建祠陣亡總兵官楊玉賢副將李肅等祭葬世職○甲戌飭河南添撥河工銀三十八萬兩○丙子山東在平縣教匪孫上汶等謀逆捕獲伏誅○丁丑諭內閣福濟奏遵議布倫托海辦事大臣請即裁撤仍歸科布多管轄一摺新設布倫托海辦事大臣既經該將軍與奎昌錫綸等相商均以裁撤為宜自係實在情形著即照所議裁撤所有該城官兵即行撤回其新頒印信即著撤銷索倫厄魯特等處領隊大臣及棍噶扎勒參應辦事宜並奏咨各件著統歸科布多參贊大臣經理以符舊制而一事權喇嘛歲支茶布銀兩及棍噶扎勒參於一二年東華續錄 同治八十二

後應否與各處呼圖克圖一體輪流年班進京之處著理藩院妥議具奏此次裁撤布倫托海係屬改歸舊制著福濟等妥為曉諭俾各守分安居朝廷初無歧視毋得互相議論致兵民人等復生疑慮也○諭軍機大臣等福濟奏遵議裁撤布倫托海請仍隸科城一摺所議甚是布倫托海本係科城境阿爾泰山一隅之地該處設城後辦理諸多窒礙即著照所請裁撤將新設布倫托海辦事大臣印信繳銷所有索倫厄魯特各領隊大臣及棍噶扎勒參應辦事宜統歸科布多大臣辦理以符舊制海城官兵裁撤後所餘官弁除經手糧餉之員暫留科城辦理覈銷外其餘旗營官兵仍著照前次奏定章程分駐熱河等處緣營官兵情願入伍者亦即照福濟所議呈明口內各營汛以原銜當差隨時酌補不願者亦聽其便但不可逗畱科城致生事端奎昌等務當隨時留意妥為

經理福濟亦當與奎昌等和衷商酌不可稍存膜視將此由五百里各諭令知之○戊寅諭軍機大臣等曾璧光奏覆陳教務情形一摺據稱遵義府城民教爭鬪業委道員陳昌運馳往查辦先將藉事搶擄之民人傳有沅訊明正法民教悉已解散並將教士三人於六月十三日護送到省七月初七日據代辦主教任司鐸照會趙教士到省後於初六日因傷身死該撫委員往驗而任主教復以業經殯厝未便開棺相驗攔阻至梅教士在仁懷被殺一語有無其事已派員往查等語此案既據曾璧光查明趙教士並非因傷身死該主教又有攔驗情事即可從此設法了結折服其心梅教士是否被殺亦應確切查明見在李鴻章所派之道員余思樞計早抵黔即著李鴻章會璧光飭令余思樞並該省委員等迅速持平辦理及早結案免致羅淑亞到後另生枝節將此由六百

東華續錄

同治八十二

四

里各諭令知之○綏遠城將軍定安奏嵩武軍會剿南路踞逆攻拔王洪堡等處賊巢得旨著即知照張曜會同金順將納王等寨迅速攻拔以靖逆氛○己卯諭軍機大臣等恩麟奏巡閱後藏起程日期並親歷邊隘妥籌安撫一摺前因廓爾喀與唐古特頗有猜嫌諭令恩麟前往邊界妥為籌辦恩麟見已定期起程巡閱後藏即赴廓番交界親自禁約該大臣務當懷遠前旨不動聲色於開誠布公之中仍不失長駕遠馭之意以期潛消釁隙邊境又安恩麟啟行後藏中一切事宜即著德泰妥慎辦理毋稍疏虞將此由五百里各諭令知之○飭直隸等省撥解東三省官兵俸餉銀○廣湖南寶慶府學額三名道州一名江西永新縣一名山東清平七名章邱五名○庚辰以江甯被水允馬新貽奏雷抵徵錢文為採買倉穀及撫恤修圩之費○壬午諭軍機大臣等穆圖善奏

東華續錄

同治八二

查明靈州降回變亂大概情形並暫委寶型護理安肅道篆各摺片前據左宗棠金順奏劉松山收復靈州情形已降旨將署靈州知州鍾蘭及代理知州尹泗等交部照例議卹並因馬化澂有給馬三重等偽札情事又代陝回甘言求撫前後兩歧殊難憑信諭令左宗棠嚴飭劉松山等乘勝進兵相機妥辦該大臣務當懷遠前旨督率劉松山等軍分別良莠勦撫兼施不得輕率收降致墮詭計左宗棠計已進駐平涼能否馳赴蘭垣居中調度仍著迅速具奏穆圖善莅甘數載熟悉情形見在甯夏防守緊要該將軍既已交卸督篆著將省城防剿事宜布置妥協俟左宗棠到省或左宗棠派員接辦有人即行前赴甯夏將軍本任以重職守所請來京陛見之處應無庸議所有穆圖善原部各軍均著歸左宗棠調遣甘軍餉項並著該大臣均勻分撥以利師行毋得稍分畛域安

東華續錄

同治八十二

五

肅道員一缺穆圖善見據肅州鎮總兵陶生林稟請暫委四品頂帶寶型護理該員係已革知縣資望太輕恐不足以勝任著左宗棠隨時察看如果不能稱職即行另派委員前往接署將此由五百里各諭令知之○諭金順奏官軍攻拔賊壘見在進剿情形一摺南路各堡寨攻克後經金順會同張曜督軍進剿將王家燒房油坊寨先後攻拔逆首馬鳴漳擒獲正法惟納王兩寨尙為賊踞亟應乘勝進攻著金順會商張曜嚴飭派出官軍轉戰而前將該二寨迅圖規復以期次第廓清納家匪勢窮蹙回日納玉貴等赴營乞降如果能呈繳軍械馬匹捆獻賊黨並與王家瞳莊斷絕往來自當分別辦理惟該逆反覆無常金順不可稍涉大意致墮詭謀將此由六百里諭令知之○諭總理各國事務衙門奏請添派立界大員一摺前因布倫托海所屬地方皆係塔爾巴哈台管

一一三

轄之地所有分界事宜業經諭令文碩約期馳往辦理惟見在布倫托海大臣既經裁撤該處立界事宜即應統歸科布多大臣經理奎昌前與俄國使臣勘辦科布多邊界甚屬妥協情形較為熟悉著即改派奎昌於明歲春融時馳往該處與俄國使臣將瑪呢圖嘎圖勒汗至哈巴爾蘇一帶逐一查勘會立牌博文碩即毋庸前往其應如何揀派嚮導及指授機宜之處仍著福濟遵照前旨悉心籌辦文碩既補授科布多幫辦大臣此次分界事宜亦當會同商議妥為辦理原摺均著鈔給閱看將此由六百里各諭令知之○諭前因榮全奏賠償俄國諾海牲畜銀兩請於津海關或北洋三口俄國應納稅餉內照數扣收當交該衙門議奏茲據總理各國事務衙門戶部奏稱此項賠款既經榮全議定俄錢二十四萬約中國銀十一萬數千餘兩除委員薩碧屯已還過銀九千八百二十兩外其餘銀十萬數千兩有零按照原議三年補償每年需銀三萬四千兩自應籌款分年補償惟北洋三口山海東海兩關並無俄國交納貨稅即天津一關俄商陸運稅銀每年亦止一千餘兩不敷抵扣請於山西應解京餉內分年籌撥等語著李宗羲飭令藩司於山西應解京餉內自明年為始分作三年每年撥銀三萬四千兩交歸綏道轉解務須提前於每年三月起解四月解到烏里雅蘇台交榮全收納覈計三年共應解銀十萬二千兩於應賠俄國款項有無盈絀著福濟榮全查明辦理原摺均著鈔給閱看將此由六百里各諭令知之○予甘肅被戕縣丞陳聯樹祭葬世職○癸未免科布多所屬本年例貢貂皮○甲申諭軍機大臣等劉嶽昭岑毓英奏官軍收復昆陽州城並見在分勦各路賊匪情形一摺昆陽踞逆楊振鵬因城外賊壘蕩平率黨抗拒提

督馬如龍親往督辦楊振鵬意圖脫逃經張保和等設伏圍擊與馬聯魁等一併正法逃竄各匪截殺殆盡其往來迤西通賊之馬生龍等亦經弋獲見在該處漢民均已歸業州境一律肅清著即飭令該署州張啟辰等將善後事宜悉心經理其解往新興呈貢各屬之投誠回人亦著飭屬妥為安置毋令日久滋事新興軍務雖將逆首劉綱等正法而州城見尚未下仍著劉嶽昭等督飭馬青雲各軍實力環攻迅圖克復省西土堆餘匪並著親督在事將弁晝夜攻取毋任苟延殘喘祿豐激江竹園等處餘逆未平該督等務當嚴飭何秀林等各率所部馳往祿豐會合勦洗一而飭令張保和迅移得勝之師由昆陽前赴竹園相機勦擊迅殄寇氛其昆陽出力文武各員著劉嶽昭等查明彙案奏保昭通一路孔昭鈞等辦理若何唐友耕已由昭通前赴省垣該督等當體遵前旨妥商調度並將昭通一切事宜及早籌辦用靖邊陲將此由六百里各諭令知之○丙戌諭內閣醇郡王奏請整肅功令以杜專擅一摺據稱領侍衛內大臣向無歸宗人府管轄之例自醇親王補授宗令臚列直班新章多條奏准通行且將領侍衛內大臣直班推班亦令一律呈報藉整頓之名啟攬權之漸且查操應否推班及領米日限自應推班亦未載入章程殊屬遺漏請將新定直班章程特派王大臣重加刪定等語醇親王向來辦事間有意氣用事不能詳慎之處若如醇郡王所稱藉整頓公事為名施竊弄威柄之術諒醇親王亦斷不敢出此醇郡王措詞過當殊屬非是著傳旨申飭醇親王醇郡王同為國家懿親情聯手足總當以敦睦為懷不得各存意見至王公直班本有舊制可循所請特派王大臣重定章程一節不特摺內所稱看操領米各事挂一漏萬且

東華續錄

同治八十二

七

東華續錄

同治八十二

七

亦徒事紛更著毋庸議宗人府前定直班章程日久不無窒礙亦著毋庸置議嗣後應在內直班之王大臣等遇進班之期如有藉詞推諉曠誤不到者一經發覺定當遵照嘉慶道光年間歷次所奉諭旨嚴行懲辦決不寬貸○官軍復甘肅靖遠縣城○予陝西向維知縣賈敬修祭葬世職○予甘肅傷兵副將穆隆阿祭葬世職○已丑諭內閣前因丁日昌奏訪查營弁人等滋事釀命當經降旨將遊擊薛蔭樛都司丁炳先行革職交馬新貽親提研審按律懲辦並將丁日昌交部議處茲據該撫奏稱續查案內有伊姪監生丁繼祖同往聞開先回並風聞伊子分發知府丁惠衡一併在內經署臬司杜文瀾督審稱伊子並未在場請將丁惠衡丁繼祖分別斥革徹底根究並自請革職治罪各等語此案營弁人等滋事釀命丁日昌之姪監生丁繼祖既經同往著即斥革交馬新貽歸案審訊伊子丁惠衡是否同往著於到案時一併交馬新貽審明虛實分別辦理丁日昌咎止失察前已交部議處所有自請治罪之處著毋庸議○庚寅諭內閣曾國藩奏堵築漫口合龍暨疏濬中洪下口均屬穩固深通一摺直隸永定河本年北四下汎漫口經曾國藩飭令道廳各員設法堵築見已合龍並據該督勘驗北四下汎暨南七兩處壩工均各穩固張家墳一帶所挑中洪南七以下所挖引河並能暢流無滯在事出力各員著准曾國藩擇尤保獎毋許冒濫嗣後仍當督飭該道廳等認真挑挖並隨時修治隄埝俾保無虞○諭前諭曾國藩察看臬司史念祖能否通曉刑名足資表率據實具奏茲據奏稱史念祖心地明白器局開展論事亦尚有識惟直隸刑名較繁該臬司資望尚淺著調刑名稍簡之省磨厲數年當可酌成令器等語臬司為刑名總匯之

區無論何省均關緊要史念祖心地既尚明白若隨同曾國藩遇事講求又加歷練於公事較有裨益著曾國藩飭令張樹聲將直隸積案辦竣即行前赴山西臬司本任史念祖俟接印任事後仍著曾國藩隨時察看如不能稱職即著據實具奏○壬辰子浙江殉難翰林院編修張洵建祠○癸巳 上詣 大高殿祈雪○甲午諭內閣侍讀學士鍾佩賢奏臬司責任綦重未宜輕授一摺前因曾國藩覆奏直隸臬司史念祖人尚明白可望陶成令器當諭令曾國藩俟該臬司到任後隨時察看於造就人才之中實寓慎重刑名之意茲據鍾佩賢奏稱與其察看於後貽誤已多曷若審擇於前所全不少等語所奏亦不為無見史念祖著即開缺以原官留於直隸交曾國藩差委俾資學習如能諳練公務即由該督隨時奏聞至所請軍營保至藩臬人員查非科目出身及曾任實缺道府者仍令先補道府察看稱職由該督撫奏明後列單請簡之處著吏部妥議章程具奏○乙未諭軍機大臣等福濟文碩奏俄國請分地界查有窒礙情形一摺塔城分界事宜前因布倫托海大臣裁撤改派奎昌於明歲春融時馳往該處會同俄使查勘立界茲覽福濟等摺內所陳窒礙情形不為無見即著文碩酌帶圖冊卷宗迅即起程趕於明年正月內到京與總理各國事務衙門王大臣詳細面述妥籌辦理文碩起身後該處應行豫辦事宜仍著奎昌恪遵前旨與福濟隨時會商籌辦將此由五百里各諭令知之○九戶部奏飭各省豫撥來年京餉銀七百萬兩內務府經費銀六十萬兩○以錢鼎銘為直隸按察使由大順○丁酉諭內閣慶春奏查明熱河開荒漸侵正園酌擬章程請將查辦遲延之總管等交部議處一摺前因熱河圍場地多開曠經前任都統

瑞麟慶先後分別科則招佃展墾乃日久展放漫無限制以致
 侵占正園自應查明禁止所有鑲白旗伊遜川開墾荒地即著照
 舊有大卡倫為界其東河西佃墾私墾地畝均著飭令一律封禁
 並著嚴檄該總管等督修卡倫建立紅椿母令任意展墾慶春擬
 於明歲春融後派原勘各員前往查勘界址按照科則酌予年限
 以次裁撤並將私墾各戶一律驅逐旗民佃戶領地後陸續侵入
 山坡溝岔以及領地以多報少各弊出示禁止定以懲罰章程著
 庫克吉泰到任後詳細參酌妥為辦理委員啟章王清經慶春
 派令前赴圍場會同總管壽長督催修卡建椿乃任意遲延迄未
 修整實屬咎無可辭圍場總管壽長候補知州員啟章准補喀拉
 河屯巡檢王清均著交部議處以示薄懲○諭軍機大臣等穆圖
 善奏馬步官軍剿賊獲勝暨請將同知雷營差遣各摺片善山保
 東華續錄 同治八十二 三
 一軍在黑茨溝剿賊殲斃甚多追至清水驛附近地方兩路伏賊
 突起後山保復督隊兜剿該匪敗竄其平番縣屬馬家溝馬賊亦
 經營總常明等在三分溝迎戰分路夾擊賊勢不支紛紛敗退仍
 著左宗棠穆圖善檄飭善山保等偵探賊蹤分路追擊毋任該逆
 乘隙滋擾牽掣官軍左宗棠擬進駐平涼到省尚需時日即著飭
 令派出之黃鼎等軍迅速前進以期節節掃蕩痛殄寇氛已革廣
 東候補知縣續保同知湯柄璣據穆圖善奏稱甘軍進攻河州需
 員差遣請予雷營等語湯柄璣是否諳練軍事堪以雷營差遣之
 處著左宗棠即行查明具奏毋稍遷就將此由五百里各諭令知
 之○諭金順奏官軍連日進剿情形一摺逆回堅踞王家疇巢穴
 經金順會同提督張曜督軍進攻破斃賊匪甚多賊圖搶踞長濠
 又經官軍擊退遂將新築賊壘一律踴平總兵王連三等復兜剿

獲勝賊勢諒已窮蹙惟我軍傷亡亦復不少開挖地道向未竣工
 該逆憑牆濠卡壘甚多亟應設法攻取著該署將軍會同張曜
 督飭將弁加意籌攻務將該逆寨速拔以期掃蕩妖氛將此由六
 百里諭令知之○予甘肅陣亡副將李宏林祭葬世職○是月豁
 免直隸東明縣被淹被擾積欠額賦減免兩浙袁浦等三場拋荒
 田畝上年竈課蠲免安徽無為等十七州縣暨屯坐各衛被水節
 年額賦租課蠲緩直隸開州等五十八州縣被水新舊額賦租課
 倉穀山東濮州等六十七州縣德州等四衛東平所屯莊永阜等
 二場歉收新舊額賦租課蠲緩兩淮富平等十四場被水竈地新舊錢
 糧安徽亳州等三十七州縣暨屯坐各衛被水被旱被風被蟲新
 舊額賦租課
 東華續錄 同治八十二 三
 十二月庚子諭軍機大臣等崇實吳棠奏援滇川軍克復魯甸廳
 城攻破巖崗老巢生擒首逆並檄調唐友耕分兵扼守敘南各摺
 片滇匪李本忠經川軍擊敗後由板板房桃源一帶分撲良回村
 寨唐友耕督兵截擊踏毀賊營該逆退守魯甸城內又經官兵擊
 走收復廳城李本忠逃入巖崗老巢參將尹士超等分路進攻疊
 破四面礮樓生擒李本忠及賊黨徐添驥等正法掃蕩巖崗賊巢
 昭魯漸次肅清此次援滇川軍疊克匪巢生擒要逆勦辦尚屬奮
 勉在事尤為出力員弁著崇實等覈實奏保毋許冒濫見在黑石
 坊回匪勢尚猖獗唐友耕一軍自當乘勝進剿惟總兵全祖訓圍
 攻之兵未能得手委員孔昭鈞等亦無抵昭確期即著劉嶽昭岑
 毓英迅飭全祖訓激勵兵勇會同唐友耕相機剿洗一面催令孔
 昭鈞等馳抵該處將一切勦撫事宜妥為籌辦俾東路及早掃蕩

母稍遲延湘果各營散勇見既不遵資遣敎南邊界自應派兵設防以資彈壓著崇實等檄飭唐友耕酌撥得勝之師前赴鎮雄以顧筠連高珙入川門戶如有潰勇滋事即會同胡中和籌辦至攻克黑石坳後仍留李家福在滇援剿其唐友耕應否撤回川省之處著崇實等會商劉嶽昭岑毓英斟酌辦理將此由五百里各諭令知之○廣陝西鄉試中額一名○辛丑 上詣 大高殿祈雪○壬寅諭內閣吏部尚書文祥之母秉性淑慎克享遐齡教子有方俾成良弼今以疾終深堪軫惻朝廷優禮大臣推恩賢母著賜祭一壇賞銀二千兩經理喪事由廣儲司給發靈柩回旗時沿途地方官妥為照料以示優眷○兵部右侍郎伊精阿卒予祭葬賞銀三百兩治喪○以寶珣為兵部右侍郎由內閣學士遷○劉典回籍養親以蔣志章為陝西巡撫由四川布政使遷○癸卯諭軍機大臣等蘇鳳文馮子材奏疊克越南夷境賊巢見在併力圍剿蘇鳳文奏接准越南國王咨文籌辦中外邊界事宜各一摺吳亞終股匪竄入越南疊經官軍跟蹤追剿攻破大慈買市等處賊巢該匪退踞左洲勢已窮蹙即著馮子材督飭各軍四路圍攻悉數殲滅總期迅速肅功毋稍延緩此次收降人眾馮子材擬旋師之日儘數帶回內地辦理尚屬得宜惟人數既多則編插非易著該提督隨時給票分起遣送回籍蘇鳳文即飭各該州縣妥為安插嚴加約束毋令滋生事端至內地民人私出邊境例禁禁嚴地方官失察處分亦重蘇鳳文見擬申明定例檄飭太鎮兩府督屬嚴防並咨越南國王一體稽查即著照所請認真辦理以期日久相安毋得有各無實將此由五百里各諭令知之○以王德固為四川布政使由陝西按察使遷○甲辰諭軍機大臣等貴州軍務日久未行起色川楚援黔

各軍頻年剿辦敎匪尚能克復城邑迨進剿苗巢楚軍敗於黃鵠黔軍潰於羊安從此一蹶不復再振皆由各軍無人統攝互相觀望以致坐糜鉅餉師老無功李鴻章威望素著見在重慶暫駐著即飭赴貴州所有川楚貴州各軍均歸節制該督即逐加揀選申明賞罰嚴檄各將領分投進剿互為援應庶得同心協力迅奏膚功儻川楚各軍不能得力即行裁撤咨明崇實吳棠劉峴將此項兵精仍解赴李鴻章軍營充餉該督上年凱撤之師其中不乏驍勇著即酌量奏調赴黔以備調遣廣西防邊之兵如須調赴黔省會剿並著李鴻章酌度辦理至李鴻章進兵克復地方後修治城池招集流散聯保甲給籽種仍著曾璧光隨時商同李鴻章妥為經理不得以派有督兵大臣即思諉卸貴州軍餉奇絀吳棠劉峴務當隨時籌解以資飽騰本日已有旨令李瀚章署理湖廣總督

東華續錄 同治八十二 三

並令楊昌濬署理浙江巡撫李瀚章著即馳赴湖北將應解餉需源源轉運毋令缺乏此外協黔各省並著李鴻章曾璧光隨時咨催俾資接濟楊昌濬於接印後揀擇賢員署理藩司篆務不許存五日京兆之見稍有廢弛遵義民教各案前據李鴻章奏派道員余思樞赴黔會辦至今尚未具奏李鴻章見赴貴州即著就近會同曾璧光迅速持平審結以弭釁端四川酉陽教案何以尚未復奏亦著一併迅結毋得稍涉遷延將此由五百里諭知李鴻章崇實吳棠李瀚章劉峴曾璧光並諭楊昌濬知之○命協辦大學士湖廣總督李鴻章馳赴貴州督辦軍務○以李瀚章署湖廣總督楊昌濬署浙江巡撫由布政使署○以俊達為江西按察使由奉天奉天奉天○子安徽殉難知縣何薇照布政司理問衙方茂順等建祠○乙巳諭軍機大臣等都興阿等奏籌展邊荒請緩至明春再行勘

辦一摺展邊事宜關涉中外界限非相度地勢逐處履勘適中定界將來不免膠轕見屆隆冬堅冰積雪一望瀰漫勢難勘丈自係實在情形著照所請緩至來歲春融再行派委委員前往江岸審度該處情形相機試辦儻有窒礙難行之處即由該將軍等隨時酌覈奏明辦理務期中外相安永免後患不得稍涉推諉將此各諭令知之○左宗棠奏欽奉諭旨該大臣見擬進駐平涼著將能否馳赴蘭垣情形迅速具奏等因欽此臣准前署督臣穆圖善咨稱蘭州省垣及西路甘涼肅三郡距涇較遠見雖交卸督篆如關緊要軍務擬隨時權宜辦理另刊甯夏將軍木質關防鈐用具奏等語比因北路軍情正在勦撫未定之際臣接篆後由涇州前進止可暫駐平涼布置中路聯絡南路策應北路仍可控制西路若徑駐蘭州設北路逆回被勦橫溢東路不惟劉松山雷正綰周蘭東華續錄同治八十二 五

亭張福齊徐文秀各軍無所稟承即涇平赴蘭州驛道必致阻梗於秦隴大局均有防礙查會垣城關內外及金縣防兵不下三十餘營近又環掘長壕進攻雖或不足自守似尚有餘臣比咨請穆圖善督同在省司道就見有兵力保衛省垣又撥過餉銀十七萬兩准穆圖善緘稱軍心大定其地方日行公事責成藩司崇保代折代行遇有緊要之件隨時包封遞送臣營覈辦見在黃鼎張會元楊世俊崇志馬步各軍分布隆德靜甯會甯安定一帶蘭垣聲息已通其西遁陝回由狄道折竄清水驛大營川甘草店者均經各軍擊敗歸巢省城根本之地自期穩固接穆圖善來函從前懸疑盡釋似與臣尚無芥蒂臣入平涼以來籌軍食賑災黎撫良回辦游匪力願後路轉輸以重中路樞紐見飭即補道蕭守幹總兵黃武賢由蘭州赴秦望川涼州一帶會同總兵王仁和總理屯政

安插石成器一股一俟北路局勢粗定南路裁併各營均有頭緒臣即當督率親軍鼓行而西為進擄河州之計俟屆時察看情形權衡緩急再將進止機宜詳細奏聞是否如斯伏候訓示又奏竊陝回西竄經官軍進勦獲勝情形臣已馳報其時提督楊世俊徐占彪馬步各營分防安定紅土窯地方訶陝回自十月初三日敗遁狄道逆目崔三竄過洮河踞狄西三十里之雅哈川糾河州逆目馬尕大馬占魁馬石等北竄揚言救援金積堡分股結寨隴西屬之固城十家莊蔣家坪乘虛掠食覬覦南路十月十九日二鼓各營尋食急進徐占彪步隊循馬家河出固城之西楊世俊馬隊由麻子川出固城之南五鼓齊抵賊巢馬隊張左右翼拒卜家莊蔣家坪援賊步隊直薄堡下賊驚覺憑堡抗敵槍礮對轟楊世俊察看堡牆高聳外環深壕欲圖進攻騎不如步遂令軍士下馬合力攻其西面賊見官軍勢盛悉眾禦之壯士踰壕拊其背猱升而上立拔堡城守賊二百餘名無脫免者天明卜家莊蔣家坪援賊盡至不虞官軍已入固城比其漸來漸近官軍從堡中躍馬揮戈而出乘勝猛擊之賊駭而奔各營馬步縱追十八里至春家掌餘逆向西南逸去後收隊回固城休息漏已三下矣是役斃賊八九百名生擒十九名訊出賊目馬文一名斬之官軍傷勇丁四名二十日各營自固城回防謀報崔三李經舉禹得彥大股八九千眾由狄道竄踞清水驛甘草店大營川蔓延金家崖楊世俊調集所部馬隊並約徐占彪出紅土窯道員李耀南出馬營監率師合勦二十一日午刻楊世俊徐占彪馬步齊至巉口令各營薄暮傳餐潛師夜起分道襲賊營以火箭為號行抵車道嶺步隊由中路出甘草店馬隊循車道嶺山脊出清水驛四鼓馬步各路齊抵賊

巢號鼓齊鳴甘草店之賊始自夢中驚起叫號亂竄官軍已於月色微茫中槍礮連環轟擊夾以刀矛遇賊即砍天明追賊入大營川悍賊列隊居前翼蔽羸弱冒死拌拒楊世俊率精騎斜鈔賊後邀其歸路賊返顧慌亂各營馬步乘之踏毀賊巢數十處賊棄輜重器械折由站灘黃石坪遁狄道馬隊跟追五十餘里玉新營水家坡沿途賊屍枕藉日暮乃收隊回大營川就地爲壘戌刻偵東路逆騎數百竄近巉口楊世俊徐占彪於二十三日五鼓整隊東向天明抵巉口賊之步騎已於先夜偷過向狄道西奔矣時李耀南所部亦至各軍分道窮追馬隊沿秤鈎驛疾馳好麥川緊躡賊蹤步隊繼之四路鈔擊竄賊數百一律聚殲得逸出者僅十餘騎而已訊據擒賊何畢梁禹三兒楊文德張九兒供稱此股乃馬生彥之弟馬生定及白彥虎之黨葉曾正護賊眷西竄緣九月十九日打拉城大敗後避匿荒谷晝伏夜動循郭城驛野蜜川魯家溝繞巉口西原而過不料官軍候至也馬生定葉曾正已均經官軍陣斬訊畢正法軍前計是役斃賊一千六七百名陝回由狄道而竄圖入河州合夥而河州逆回畏官軍進剿被其連累固拒不納陝回向河回買糧河回故高其價每斗四十斤索價銀四五兩陝回乏食分黨肆掠紅土窯池西三十里之石家岔王家堡侵及麻子川等處楊世俊派馬隊自紅土窯馳擊李耀南自馬營監派步隊輔之二十九日四鼓各營馬步齊集紅土窯鼓行而西黎明遇賊騎千餘於王家堡副將盛照魁步隊循南原乘高壓下總兵蕭賞謙步隊循西川兜剿而前提督張仲春參將楊德俊馬隊分枝斜鈔賊之左右陣斬悍賊二三百名該逆向西北越溝鼠竄各營追殺六十餘里收隊而還十一月初一日午刻楊世俊詞賊騎千

東華續錄

同治八十二

美

東華續錄

毛

餘圍攻安定縣西五十里細水岔田家窪民堡約徐占彪乘夜襲之派馬隊豫伏內官營截賊歸路初五日四鼓各營齊抵細水岔乘賊不備掩之分枝圍田家窪賊巢堡牆時該逆列陣死拒槍礮對轟總兵陳春萬立馬當先面中又子槍傷勇丁楊化熊揮旗猛進中礮而殞天明適徐占彪楊世俊歸蕩細水岔賊巢而來飭馬隊下馬環攻洋槍洋礮測準轟擊賊勢恟懼壯士一鼓齊登立毀其巢餘眾奪門向西南狂竄瞥見內官營塵起知張仲春楊德俊馬隊亦到各營乘機夾擊截殺數百名追至站灘收隊而還兩戰共斃賊千餘名生擒七八十名官軍弁勇傷亡四名王家堡之戰生擒賊目馬環訊供陝西大荔縣回民黨眾皆東彌悍賊田家窪之戰據擒賊供稱是陝回零股糾合狄道逆回由渭源竄來圖犯東路牽綴官軍者逆目馬油布當經陣斬矣初九日詞賊馬步千餘由大寨子趨通安驛並踞楊坡店石家岔一帶踞通渭屬紅土窯三十里楊世俊飭張仲春楊德俊即夜出隊會李耀南剿之四鼓馳抵楊坡店石家岔李耀南督所部輔營及平江三營同至彼此分途掩擊共斃賊三百餘名臣維南竄陝回除崔三禹得彥兩股外尚有白彥虎馬生彥等黨眾人數雖多能戰之賊不過數千惟河狄逆回及南路各逆回屢雜其間人數多少尙難懸擬然北不能遙通金積堡之援西不能速合河州之勢窮蹙可知正宜斷其紛竄大舉圍之見飭周開錫將南路諸軍覈實歸併分布鞏秦一帶儲軍食作士氣遏其東趨飭黃鼎楊世俊等馬步各軍一面採運糧料一面雕剿回土零匪以免牽綴一俟北路局勢粗定即從中路壓剿而前期收節肅清實效上諭見在各逆窮蹙北不能通金積堡之援西不能與河州遠合左宗棠等已令周開

錫將南路諸軍覈實歸併分布鞏秦一帶並令黃鼎等軍雕剿回
土零匪即著檄飭各該將領偵探賊蹤痛加剿洗一俟北路擒定
即由中路掃蕩而前毋稍鬆勁此次在事出力員弁勇丁准其彙
案請保左宗棠見在駐軍平涼策應各路並派黃鼎等分布隆德
靜甯會甯安定一帶雖與蘭州聲息相通而會垣防守事宜亦不
可稍形疏懈穆圖善著懷遵前旨暫駐省城就見有兵力督同司
道各官妥籌保衛左宗棠仍當隨時兼顧其石成器一股即著飭
令蕭宗幹等會同王仁和妥為安插並將秦望川等處屯政趕緊
料理北路之劉松山等軍並著催令前進以期節節疏通河州為
甘回負固之區必須破此巨巢方可迎刃而解著左宗棠察看情
形如兵力足敷即行督軍前進以竟全功將此由六百里各
諭令知之○左宗棠奏劉松山一軍十月初七日剿賊獲勝大槪

東華續錄

同治八十二

无

情形已附片陳明續接到松山牘稱九月二十九日克復靈州
城池及十月初二日連破里仁渠各寨賊益震懾馬化澂央總兵
胡昌會保其永不反覆並力保陝回誠心就撫劉松山屬胡昌會
飭馬化澂勒令陝回將馬械悉數呈繳去後詞秦渠南板橋馬家
兩莊納家三寨丁家兩寨劉家灣子三莊馬家灣子四莊何家兩
莊迤西蔡家橋莊蔡家四寨余家兩莊西南達金積堡村莊麟次
陝回騰聚其中人眾心雜投誠之議連日不決催繳馬械一味枝
梧劉松山以該回兇狡成性仍宜乘間痛剿懾服其心初六日四
鼓傳令各營分三路布壘陣一由左進板橋一由右進蔡家橋自
督中軍出板橋蔡家橋之間馬隊張兩翼伏左右兩路之旁穩駐
勿動俟步兵破賊則飛馬分道鈔之部署既定各軍進抵渠南半
里許賊巢角聲四起紛紛憑渠開放槍礮提督何作霖軍功董福

祥各營撲近渠邊槍礮對轟賊仍死拒不退劉松山察看水淺者
及膝深者沒腰飛令道員劉錦棠提督蕭章開督軍槍過橋卡分
支由左右路梟水鈔擊中軍步隊亦越渠撲之賊潰向東西兩路
狂奔提督余虎恩副都統雙壽馬隊截其歸路逆眾未及歸巢守
巢之賊見官軍四集棄巢鼠竄爭出寨門西遁官軍乘勢奪門而
入將大小莊寨三十餘處一律蕩平巢賊有冒死逸出者有圍殺
殆盡者餘黨經各路馬步四面兜剿合併西趨波浪渠一水前橫
逆眾擁擠不前官軍火器環轟賊中人馬應聲而倒填積渠中渠
水盡赤官軍緊躡至金積堡外馬隊追過堡西敗賊西奔折而南
向強家沙窩遁竄各軍即分營填紮金積堡東北四里何家莊板
橋一帶劉松山即移紮距金積堡十四里之劉家寨是役殺斃淹
斃之賊約二千有奇生擒二百八十四名內有賊目馬福李逢春

東華續錄

同治八十二

无

馬濼訊畢斬之獲陝回老弱眷口六百餘名拔出漢民數百名均
派送靈州城交提督黃萬友妥為安插官軍陣亡員弁並勇丁十
六名此十月初七日官軍大勝實在情形也是夜馬化澂復央胡
昌會來營乞撫復代陝回繳馬七十七匹大小洋槍十七枝長矛
一百三十二桿其餘馬械隨後呈繳劉松山勒限三日待之自後
屢次催繳僅據馬化澂代繳破壞軍械數百件疲瘦馬騾數百頭
詞愈卑而計愈狡陝回頭目馬正和余彥祿方懇收撫而陳林馬
長順則不願繳馬械如故維時雷正綰周蘭亭簡敬臨張福齊各
帶所部於十二日馳至偏渠築壘距金積堡遠者十餘里近者七
八里胡昌會馬化澂力保陝回就撫藉稱該頭目及黨眾實因官
軍勦敗衝散一時難於清繳馬械乞寬限時日悉數呈繳嗣陸續
繳馬三百四十七匹槍械八百十九件二十七八等日續繳馬四

百三十五匹器械二百五十一件劉松山以該逆人眾心雜若必全眾收撫恐展轉需時又生別故因吳忠堡一帶甘回均已避匿金積堡所遺各堡已空令願就撫者呈造冊籍移居吳忠各堡悉撤馬械以便安插馬正和於十月初一二日先移男婦二百餘名入吳忠堡其餘正待遷移而陳林之黨東彌回眾從中截阻馬正和黨夥之嗜亂成性及眷口已被官軍衝散者無所顧戀亦復頓翻前議互相阻撓各逆首不能禁也劉松山以輕率收撫必貽後患初三日飛緘雷正綰周蘭亭張福齊簡敬臨等各整隊會剿適金運昌所部已先數日由花馬池靈州馳至是日午刻約齊出隊行抵板橋各逆知官軍進剿金積堡旁各堡寨吹角列隊紛紛抗拒劉松山屬金運昌率所部向金積堡西門進自分所部為三支提督蕭章開王秀棟李雲貴楊清源朱德開由右道向金積堡之東華續錄 同治八十二 三

北道員劉錦棠提督尹興茂李占椿喻執益曹義勝軍功董福祥張俊李雙良由左路向金積堡之東提督陶定昇易致中何作霖出中路劉松山自率提督譚拔萃周國勝李就山為壘陣相機策應馬隊張左右翼斜出三路之旁逆回見官軍布陣更竟騎賊雖飛奔向前步賊仍胸縮不進官軍馬步奮衝擊槍斃甫止刀矛隊如牆繼進立斃悍賊數百賊大潰不止官軍縱橫盪決將金積堡正北東北西北賊踞村寨二十餘處一律蕩平日暮收隊即於金積堡北四里一帶安紮營壘計是役共斃賊約一千二百名生擒一百三十餘名訊出逆目馬受元馬中吉正法此十一月初三日劉松山會合金運昌勦回獲勝情形也自是日以後雷正綰周蘭亭張福齊簡敬臨各軍皆如約會勦惟中隔金積堡陝甘各逆回又踞金積堡旁各堡寨湖渠環繞占地周數十里各軍聲息

難以徑達故彼此戰事未能盡歸一致所有雷正綰等各軍戰狀另摺詳陳以清眉目是夜有漢民自賊中逃出者稱各頭目議將眷口輜重併歸金積堡東西各寨明日決一死戰劉松山與金運昌商賊既肯來索戰當俟賊隊齊出再相勢分布應之初四日已刻金積堡東西各堡寨馬步賊傾巢而出步賊甫出半里即止不前騎賊東西馳騁勢仍驕甚劉松山飭馬隊四營當之遇賊撲近且戰且收俟步賊漸前則各路奮起猛擊比各軍馬步五路分布已定馬隊亦誘賊近前然後中軍吹號擂鼓各軍奮威齊進賊勢不支紛紛敗潰五路馬步官軍乘勢衝殺斃賊無算敗賊回竄各巢憑寨死拒其殿後者經各營掩殺濠內外死屍駢列日暮始收隊而還是役東西兩路共斃賊八九百名劉松山所部生擒八十二名員弁勇丁陣亡二十一名提督李雲貴左臂受槍子傷譚上東華續錄 同治八十二 三

達右胯受槍子傷弁丁受傷者一百一十三名此十一月初四日劉松山金運昌各軍獲勝情形也是夜訊生擒逆回逆知余彥祿左臂已帶子傷悍賊傷亡不少擬即乘勝會勦迅期蕩事而連日朔風甚勁沙塵大起咫尺不辨不能出隊初七日風稍定劉松山會商金運昌出隊斃賊約四五百名生擒六十餘名弁丁陣亡十一名受傷六十五名劉松山以賊圖死守擬再移營偪之初八日一面出隊一面築壘賊拌死來爭官軍護修新壘分隊轟擊斃賊三四百名生擒數十名弁丁陣亡七名受傷者四十六名是夜賊徒巢金積堡東西各堡以避官軍東路賊勢加增復就波浪渠堰修築長牆一道橫寬約三里劉松山既約南路西路諸軍初九日會勦黎明會商金運昌出隊賊憑牆排列意圖死拒劉松山商令金運昌率所部卓勝軍西進飭蕭章開等率所部出卓勝軍之左劉

錦棠等各率所部由左路進朱德開等各率所部由右路進劉松山率陶定昇易致中何作霖周國勝由中路均向波浪渠長牆進飭譚拔萃等率所部頓於陣後相機策應飭余虎恩等率馬隊五營斜出劉錦棠之左雙壽花良阿等率吉林馬隊斜出朱德開之右賊見官軍數路整隊向長牆齊進騎賊皆下馬與步賊憑牆列隊官軍奮攻半時賊死拒不退劉松山飛飭董福祥余虎恩等馬步各營繞東而西突出卡後賊勢始亂各路馬步乘勢齊撲立將長牆一律踏平賊敗竄金積堡旁禮拜寺官軍躡蹤緊追忽大風捲地塵沙驟起賊復傍寺列隊回拒而金積堡北又出賊一股約七八百循牆而來似圖截官軍之後劉松山令朱德開李就山馳擊敗之賊仍向正路敗走官軍各路愈戰愈奮賊旋卻旋前者七八次均爲官軍所敗始棄巢而奔遂將禮拜寺攻破賊敗入寨

東華續錄

同治八十二

三

時交申刻風勢更緊乃收隊而還計是役攻破長牆回寺陣斬悍賊七八百名轟斃傷者一千數百名生擒百餘名訊出賊目馬九林陳萬得兩名正法員弁勇丁陣亡二十七名提督易致中左眼角受槍子傷從口內出軍功董福祥右肱肘被槍子洞穿弁丁受傷者一百八十二名是日雷正綰周蘭亭張福齊簡敬臨均力戰獲勝簡敬臨銳欲與劉松山合隊率所部隊伍繞波浪湖旁金積堡及各寨穿過致敗劉松山已收隊回營不及知也初十日辰刻劉松山令陳宗蕃由南路赴西路各軍計事晤幫辦簡敬臨營務廣東高州鎮總兵徐文秀知之回馬飛報劉松山駭悼不已立即撥三營移駐金積堡東北波浪湖尾一面緘商雷正綰周蘭亭張福齊出隊會期十一日劉松山與金運昌仍分兩面出隊劉松山親率五營馬隊馳赴金積堡東南簡敬臨營盤所駐漢伯堡適

雷正綰亦到晤商一切詎賊偵知劉松山赴漢伯堡突出騎賊千數百遮截歸路劉松山當即督隊馳回騎賊數十團撲近前勢甚兇悍劉松山指揮迎擊正鏖戰時劉錦棠蕭章開瞭見督馬步各隊由南路橫截而出賊即潰走劉松山追至各寨邊擒斬悍賊百餘名奪獲戰馬七十餘匹收隊回營十二日賊伏巢不出是夜西南兩面悍賊腐聚東面取磚石修砌長橋自金積堡外壕池而東約長三里又池而南至波浪湖汊里許以拒官軍十三日劉松山飭各營出隊擊之賊憑壕穩抗槍石紛如雨下官軍馬步五路齊進劈山洋槍噴筒火箭次第齊施賊中死傷已多猶隔牆挺矛對刺官軍見其槍子磚石漸稀即鼓勇齊登或聳身躍入或掘毀牆身從缺口搶入賊勢不支紛向各寨敗遁官軍壓追至寨旁寨門未啟賊皆依寨拚死回拒寨上開槍擲石助之官軍奮威衝殺

東華續錄

同治八十二

三

前者帶傷後者繼進鏖戰兩時久斃悍賊無算賊紛向金積堡南敗走一枝敗向堡東壕內官軍跟蹤掩殺壕內外賊屍枕藉日暮收隊是役共斃賊一千六七百名轟傷刺傷之賊約二千數百名生擒一百五十四名內有逆目馬辛馮標郭阿忻等數名訊知僞元帥沙學德已於牆破時轟斃矣記名提督李就山帶隊衝入賊中胸膛受礮子傷立殞於陣提督朱德開右膀受槍子傷軍功張萬會右肩受擡槍子傷弁丁受傷者二百四十六名陣亡者二十八名此十一月十三日以前官軍疊獲勝仗實在情形也臣維陝回陳林馬正和余彥祿等自打拉池擊敗折回金積堡時悍賊不過數千老弱婦女不計其數馬化澂代爲求撫而不悉繳馬械其包藏禍心可知經劉松山雷正綰及各軍疊次猛剿斃賊多矣而賊數不減反增於前金積吳忠爲靈州西南著名兩大堡吳忠堡

雖早發而環吳忠二三十里堡寨土人皆呼爲吳忠堡金積堡亦
然環金積各堡寨亦呼爲金積堡劉松山疊將吳忠各堡寨攻取
略盡即金積堡北面一帶各堡寨亦已掃蕩一空見存者惟東西
十數堡而已陝回敗蹙併入金積東西各堡與甘回雜居其預望
韋州各堡甘回曾經官軍擊敗者從而附之馬化澂又時噉堡中
回逆於夜間潛入東西各堡助逆賊數之所以已耗而旋增者以
此陝回於屢敗之後意本求撫其喪失眷口之賊無所繫戀仍思
乘冰橋北竄效逆故智因阻馬械不繳賊中所呼乾馬隊者也
馬化澂資以糧糗槍礮噉其死抗官軍又一面稟知官軍陝回不
悉繳馬械請急擊之賊勢之所以已窮而仍悍者以此見在冰凍
早合北竄一著本屬可虞諸軍正悉力北面並咨商金順張曜嚴
密巡防矣而近察賊情亦有難於北竄者有眷屬之回不肯他竄
東華續錄 同治八十二 五

陷陣血戰捐軀應懇 天恩飭部各照所保官階議給卹典以慰
忠魂又奏陝西提督雷正綰提督周蘭亭前衢州鎮總兵簡敬臨
總兵張福齊各軍於十月十二日進駐金積堡西南秦渠一帶臣
飭勦撫機宜均候劉松山商定酌度以一事權疊據雷正綰等牘
呈十一月初二日劉松山緘約次日會勦雷正綰周蘭亭張福齊
初三日午刻三路齊進所過回堡次第接捕隨結方陣進至平川
賊萬餘憑金積堡壕邊穩抗簡敬臨率所部六成隊徑抵金積堡
東南里許賊正與湘軍接仗不虞簡敬臨自後突至噉賊分拒簡
敬臨從賊巢竄入立將賊巢踏毀斃賊數百生擒十餘名正擬收
隊適劉松山已將北路賊寨蕩平移營偪紫敗賊由東路向南猛
撲簡敬臨且戰且收以槍礮列後轟擊斃騎賊數十而還初四日
辰刻各軍整隊以待已刻接劉松山緘約進勦雷正綰周蘭亭張
東華續錄 同治八十二 五

者多無眷屬之回以疊負重傷不能他竄者亦多也金積堡糧料
雖多而秣馬之草無從採取近據賊中逃出漢民均稱賊之騾
馬匹餓斃者已三分之二羣相怨懟無可如何其勢實亦衰蹙特
困獸猶鬪攻堅費人不敢不慎以圖之劉松山一軍各戰陣亡之
頭品頂戴記名提督法福凌阿巴圖魯李就山從征十載戰必身
先由東南而西北勦平髮逆擒逆卓著戰功此次因礮子穿胸立
殞陣前實堪悼惜之至應懇 天恩飭部照提督陣亡例議給卹
典並請予諡以彰忠烈提督銜記名總兵周本立記名總兵易作
義儘先副將溫其林補用參將李必貴補用遊擊王順明盛德林
張勝魁廖得英楊寶玉陳芝蘭補用都司萬友山葉宜恭楊俊發
都司銜守備謝春和拔補守備朱鳳翔拔補千總譚連城王義勝
李金山拔補把總劉萬勝劉得照軍功擬保把總楊復盛均衝鋒

福齊三路齊進派隊畱守長壕賊分途抗拒官軍三路衝殺斃悍
賊百餘名賊不能支追至三道壕邊敗賊合守賊萬餘憑壕死拒
官軍調礮山礮洋槍各隊指定轟擊壕內外之賊應聲而倒紛向
西門敗竄各軍躡蹤緊追斃賊無數立將村外帳棚一概焚毀追
至金積堡城西北賊仍回頭抗拒另股騎賊復自北門繞出西路
冀鈔官軍之後各軍復排槍礮連環轟擊其畱守長壕各營亦派
隊截擊賊仍敗退壕內共計斃賊約數百名受傷者千餘官軍受
傷者數十名陣亡者數名簡敬臨是日聞北路礮聲甚緊即令各
營堅守長壕親率各營六成隊出擊比抵金積堡邊騎賊從兩旁
鈔出步賊拚死猛撲簡敬臨各營密結方陣俟賊撲近始層開
槍礮轟之賊撲愈近鏖戰兩時聞北路礮聲已歇正擬連環收隊
忽各堡出騎賊千餘步賊三四千四面擁至簡敬臨與營哨各官

均下馬親率刀矛隊從槍礮隊中衝殺而出當者碎易總兵蕭寶林左膀受矛傷穿透提督姚連陞左肩受矛傷裂力戰刀矛隊愈戰愈奮立斃當先悍賊數十名乘勢掩殺陣斬賊百餘名生擒十餘名賊始敗潰日暮收隊而還計共斃賊數百名傷賊不計其數而勇丁之陣亡者二十一名受傷者八十七名營官受傷者二員哨官受傷者五員蓋血戰也初九日卯刻接劉松山信約會出隊辰刻東北礮聲大震雷正縮周蘭亭張福齊各率所部齊抵渠邊遙見賊勢趨重西路各軍整隊迎擊均結方陣槍礮刀矛勻布四面進至二道渠賊憑渠抗拒官軍奮威衝殺賊紛紛敗退追至三道渠甫令收隊忽另股騎步各賊狂奔而來又一股從東北馳至雷正縮周蘭亭張福齊復回旗堵之總兵趙玉亭周玉堂徐萬福副將楊美勝率礮隊自南路側出截擊賊仍敗退官軍復追至東華續錄 同治八十二 美

數千遂乘虛突入中營將弁傷亡甚眾左營營官姚連陞右營營官譚正明見中營有失急策馬率隊馳援皆為堡中礮子中傷步賊復叢矛攢刺譚正明陣亡姚連陞用矛連斃騎賊數人相繼殞命幫辦營務廣東高州鎮總兵徐文秀督中後兩營併力衝殺斃賊多名突圍而出連環收隊回營急令分守各堡一面飛報西路各軍派隊速援比賊眾麇至則壘中守具亦略有布置矣賊毀長牆拔花籬地刺而入去壘邊十數丈壘中槍礮頻施賊旋卻退悉踞壘前廢堡中徐文秀頻用開花礮向廢堡中一面轟擊但聞人馬沸騰聲計斃賊亦不少矣二鼓張福齊派總兵徐萬福周蘭亭派總兵趙玉亭各率所部由油麻湖踏冰而過號聲不絕四鼓到營賊已遁去初十日黎明雷正縮張福齊率各營至會商出隊進至金積堡東門渠邊賊眾擁擁而來雷正縮戰馬受傷韜亦擊斷東華續錄 同治八十二 美

刻聞北路礮聲甚緊即率各營出隊馳抵金積堡東面遙見回逆正與劉松山接仗催軍急進金積堡東門渠邊五營緊結方陣步步進逼賊見官軍逼近騎賊從兩旁鈔出步賊拚死迎敵簡敬臨令各營整隊齊進槍礮層轟刀矛並舉斃賊不計其數是時北路賊眾已經劉松山各軍擊敗紛紛南竄簡敬臨銳圖衝過回巢與劉松山合隊越過數堡將堡外賊棚一律焚毀維時南風大作塵沙蔽天咫尺莫辨各廢堡礮子雨下簡敬臨指揮各營仍結陣而前左臂已被礮子洞穿裹創復進營官譚正明力請收隊簡敬臨以賊雖敗竄仍踞各廢堡如遂收隊回營若廢堡中各賊儘力跟追翻難堵截仍令各營併力向前衝殺正分布間忽飛礮中簡敬臨頭顱殞於馬下各將弁見主將墜馬紛馳援救陣腳稍亂騎賊

乃下馬揮刀督陣槍礮環施賊冒死衝撲數次均經擊退騎賊數千復由左右鈔出陣後張福齊令各營排劈山礮飽以羣子俟賊近轟之每礮必傷數賊數馬賊始敗竄官軍結隊緊追直抵金積堡日暮收隊而還十一日雷正縮等與劉松山約出隊會剿辰刻出隊東門渠邊遙見劉松山所部已與賊接仗張福齊揮軍前進雷正縮整隊繼之將近賊巢賊分投死拒槍子如雨官軍間有傷匪雷正縮張福齊督令前進劉松山馬步各營亦由東路猛撲而來賊始敗退十二日雷正縮等與劉松山會商布置後收隊回防仍與張福齊周蘭亭各雷隊伍駐中營助守是日劉松山歸途遇賊接仗獲勝十三日劉松山各軍大獲勝仗已於另摺陳明雷正縮周蘭亭亦於是日會剿獲勝尙未接其文報十三夜黃河水長渠流漲滿官軍與賊隔絕不能出隊數日內尙無戰事當俟水漸

涸退乃議會勦臣聞簡敬臨初九日之失飛致劉松山派馬步數營填紫原壘緣簡敬臨駐營之處近漢伯堡地在金積堡東南距劉松山北路各營雖止十五六里中隔波浪湖難於聯絡又彼此出隊必由各回堡寨穿過地偏寨多防不勝防見在催辦糧運節節轉輸一俟軍糧稍裕再派數營前往以資厚集簡敬臨自咸豐十年隨臣征勦江西安徽浙江福建廣東積功洵提督銜總兵計已受重傷十餘次前蒙恩補授浙江衢州鎮總兵因傷殘已甚請代陳乞恩開缺嗣以臣西征甚急復募勇丁前來轉戰而前壯懷彌厲李旺堡穆家潭之戰擒斬逆首楊文治蒙賞加頭品頂戴感激思奮遂以身殉合無仰懇 天恩飭將頭品頂戴提督銜前衢州鎮總兵鏗信額巴圖魯簡敬臨照提督陣亡例議給卹典並懇予諡以存其人升用提督果勇巴圖魯姚連陞由勇丁隨征

東華續錄 同治八十二 天

積功洵擢今職驍勇超羣秉性忠諒初四日之戰受傷時親兵負之以趨因見簡敬臨陣亡誼不獨生遂叱親兵速去跌坐以死其志節凜然有如此者應懇 天恩予諡並飭部照提督陣亡例議給卹典提督銜記名總兵譚正明補用總兵鄧雲高副將秦龍瑞羅榮貴參將宋維明晏發貴徐有錫王致清彭鼎升暨遊擊熊在新陳有忠顏有源李忠信侯澤順皮二喜周海庭都司劉固明丁雲祥胡玉發王喜章守備陳祖耀均縱橫血戰力竭捐軀應懇 天恩飭部均照所保官階議給卹典以慰忠魂得旨官軍擊賊迭獲勝仗仍著左宗棠激勵將士厚集勁軍將金積堡等處逆匪妥速殲除毋爾餘孽○賞八旗暨步軍綠營兵丁半月錢糧○予陝西陣亡提督銜總兵官簡敬臨提督李就山姚連陞祭葬世職並加恩予諡總兵官周本立等祭葬世職○丁未諭戶部月撥銀三

十萬兩濟巴里坤哈密兩城餉需○戊申諭軍機大臣等劉嶽昭等奏請將唐友耕一軍於昭通回務完竣遣撤回川並勦辦附省賊匪情形各摺片唐友耕一軍經崇實吳棠派令赴滇援勦該提督駐紮昭通疊次圍攻賊壘回眾窮蹙獻首乞降勦辦尙屬得手惟昭替一帶回民剽掠究因該軍肆口復仇以致該回眾懷疑生變見既辦有頭緒自應責令該提督將此事一手經理著崇實吳棠傳諭該提督趕緊將昭通回務辦竣即率所部撤回川省其昭屬未盡事宜仍由劉嶽昭岑毓英督飭各該文武隨時相機辦理以臻周密至附省土堆悍匪築壘空濠負隅抗拒經該督等督兵進勦已將紅廟賊壘及土堆村外賊壘全行攻克著即乘此聲威將殘燬餘匪悉數殲除毋爾遺孽將此由六百里各諭令知之○以胡瑞瀾為左副都御史由宗人府承選 ○己酉 上詣 大高殿祈

東華續錄 同治八十二 天

雪○乙卯諭內閣今歲雪澤愆期月蝕再見直隸山東等省歉收沴祲之興上蒼示儆允宜倍加修省內外大小臣工亦當恪盡厥職其有言責諸臣尤宜遇事直陳毋泛母隱○諭軍機大臣等恩麟奏披楞侵占哲孟雄等處地方廓爾喀與唐古特構釁情形各等語披楞占去哲孟雄部落之獨結嶺及甲昔地方難保不復來侵占即著照恩麟所擬飭令該文武員弁前赴哲番住牧於險要隘口嚴密防維以期有備無患布魯克巴屢拒披楞歷年攻戰因眾寡不敵亦被占踞地面去歲布番來藏唐古特不加撫恤遂致布番解體該番見在互相攻擊且有陸續投赴披楞納款之說亟應加意拊循以弭邊患恩麟務當督飭該委員將布番內難先行解釋一面設法撫綏仍令不動聲色自固疆圉廓爾喀以唐古特上年借過礙位尙未還清負約欺陵調兵報仇若不豫為排解勢

將兵連禍結著恩麟派幹員妥為開導一面將後藏漢番營伍操練整齊即親赴定日邊隘剴切曉諭以申舊約而息爭端德泰務將藏中一切事宜認真籌辦不可稍有疏虞將此各諭令知之

○丙辰 上詣 大高殿祈雪○諭軍機大臣等李鴻章崇實吳棠奏議結酉陽教案李鴻章奏遵義教案派員會辦暨起程回鄂各摺片酉陽州民教仇殺一案疊經諭令李鴻章等持平審辦茲據奏稱此案焚毀教堂係首犯何彩起意楊植庭乘亂入城殺斃司鐸李國均非張佩超主謀見在楊植庭業經病故何彩一犯已於訊明後正法所燒教堂並經給與梅西滿銀兩餘犯劉幅等均分別按律懲辦著即照該督等所議辦理以示平允酉陽重慶等處民教仇隙已深今雖將此案辦結而日後民教雜處崇實吳棠等必須設法防維吳棠身任地方更屬責無旁貸所有各該處牧

東華續錄

同治八十二

早

令等官著隨時認真遴選務令妥為整頓不可稍存偏袒致滋事端未獲之教民王學鼎等六犯即著飭令川東道督屬嚴拏務獲究辦遵義一案前經李鴻章派令道員余思樞馳往查辦茲據奏稱四川候補道蹇閻籍隸遵義鄉望所歸遵民於打毀教堂亦知悔懼請飭留璧光責成遵義府縣會同籌辦等語著留璧光即將遵義團練事宜委令蹇閻悉心經理以便會同余思樞及該處府縣各官將教案趕緊籌辦毋稍牽掣其梅教士有無被殺情事並著飭令該員等澈底查明毋稍含混嗣後該省遇有教民涉訟務須責令各地方官查照約章持平覈辦並將教士干預把持及書差搯索拖累等弊嚴為禁止以消後患前因留璧光奏稱黔省軍情緊急請派大員籌辦當經諭令李鴻章馳赴貴州督辦軍務原以四川湖南貴州各軍無知兵人員節制必致觀望不前李鴻章

見以酉陽教案已結天門教案初起即由川省起程東下自係未奉到本月初七日諭旨天門一案前經郭柏蔭查明奏結黔中地方糜爛非得該督前往督辦斷難淨掃寇氛著即懷遵前旨趕緊折回應由何路入黔督軍進剿之處均著該督斟酌情形妥為籌辦並著於接奉此旨後將應辦事宜先行馳奏以慰廑盼將此由六百里各諭令知之○丁巳諭軍機大臣等崇實吳棠奏援黔官軍勒苗獲勝請飭楚黔振旅會剿劉峴奏湖南援黔官軍疊次攻勒苗巢獲勝蘇鳳文奏苗匪竄入粵境防軍擊退各摺片四川援黔之軍經道員唐炯提督劉鶴齡等攻克鐵廠坡木城石壘復經提督陳希祥等疊斬苗逆軍聲頗振道員唐炯擬專力進剿銳意滅賊已經崇實吳棠籌給買米銀十萬兩並改撥月餉以資接濟湖南官軍自十月以後於鎮遠思州台拱等處截剿苗匪削平堅

東華續錄

同治八十二

早

寨苗地日蹙糧食缺乏席寶田業經抵營蕭榮芳新募之勇亦已起程正當乘此機會合力夾擊使川楚兩軍聲勢聯絡則苗逆不敢狡逞剿辦易於得手但恐川楚兩軍各分畛域以致復蹈前轍功敗垂成著李鴻章懷遵前旨迅赴黔省體察情形妥為調度以期川楚各軍踴躍用命肅清黔境該省夏秋之交瘴癘盛行冬後雪嶺凌崖一望無際尤當及時大舉不可稍涉遷延會留璧光職任封圻責無旁貸當隨時會同李鴻章悉心經理不得因有督兵大員稍存推諉崇實吳棠劉峴於派出各軍應給餉糈務宜源源撥解不得稍有缺乏以致停兵待餉貽誤戎機廣西懷遠融縣境內均被苗匪闖入經在防各軍擊退並勒平高陽寨匪但恐該匪乘間復來仍應嚴密防範著蘇鳳文飭令各軍加意防剿毋任分竄儻遠防不如近剿即著李鴻章酌量調遣所有廣西此次出力員

弁准由蘇鳳文擇尤彙案請獎母許冒濫將此由六百里各諭令知之○諭蘇鳳文馮子材奏蕩平吳逆全股越南各省肅清一摺逆匪吳亞終因大慈等巢攻克後逃併左洲官軍又將左洲收復追至岢數左良等處連獲勝仗逆匪遁往古覽地方負隅自固同知王思浩暨各將弁斬關擁入生擒吳逆眷屬及逆目謝入等多名並起獲吳亞終屍首同各逆一併梟示其越南永祥等處土匪亦經副將吳天興等攻破賊巢餘匪竄匿山西一帶搜捕無遺勦辦尙屬奮勉所有高平諒山等處仍著蘇鳳文商同馮子材督飭將弁實力按捕以期各境土匪盡數鏟除毋致異日重煩兵力至粵西與越南交界地方尤易藏奸並著該撫檄飭該管文武員弁嚴申邊禁毋任奸民竄越致生事端內地各府善後事宜並著馮子材妥爲籌辦廣東應解月餉卽著蘇鳳文隨時咨催以資應用

東華續錄 同治八十二 聖

將此由五百里各諭令知之○以文奎爲內閣學士由詹事遷○予貴州陣亡副將李其貴等祭葬世職○戊午諭軍機大臣等金順奏官軍擊勦援逆屢勝力拔王家疔附寨壘卡並請飭定安採辦糧石徑運甯夏各摺片南路回匪因王家疔被圍窮蹙屢次糾黨來援經金順會同張曜督飭馬步各軍分投迎勦屢獲勝仗援賊遠遁金順與張曜復會督官軍於十一月二十三日將王家疔附寨逆壘攻拔從此愈信愈緊自可迅克堅巢卽著金順會同張曜挑派得力隊伍偪紫賊濠晝夜環攻迅圖蕩事見在河冰凝結路路可通既據擊獲奸細供稱陝回馬正和等糾集大股有訂期十二月初間來援之說阿拉善旗見復竄有馬隊洪廣一帶並有賊騎數十人滋擾後路亟應嚴密籌防金順見已檄飭後套各營豫爲戒備並咨會貢桑珠爾默特督率蒙兵會同雷防各營加意防

守所籌甚是卽著隨時力顧後路一面督飭前敵各軍相機攻勦毋爲賊匪所乘歸綏一帶防務定安務當實力籌辦毋稍疏虞至晉省河防當此嚴寒凍結之時關繫尤屬緊要李宗義當督率防河各營認真堵禦不得稍涉鬆懈甯夏湘軍需糧孔急著定安卽將左宗棠前次賑恤餘銀二萬兩在歸化包頭等處採辦糧石運解甯夏湘軍糧臺俾資軍食並著理藩院轉飭阿拉善親王貢桑珠爾默特籌辦駱駝二千隻配帶鞍繩送交甯夏以資轉運前因戶部籌撥巴哈兩城餉銀三十萬兩諭令定安俟此項餉銀解到緩城卽派員解赴烏里雅蘇台交福濟等收納分撥巴哈兩城應用見在該城待餉甚殷刻不可緩前項餉銀一到定安務當迅速派員妥解毋稍遲延將此由六百里各諭令知之○諭曾璧光奏官軍殲除襲城賊匪並請添撥餉銀一摺貴州貴定縣城自上年東華續錄 同治八十二 聖

收復後城垣殘缺無力興修本年十一月間復被賊匪襲入當經該處文武等官會同派援各軍立將賊匪殲除殆盡功罪尙足相抵所有該文武等應得疏防處分著免其置議並著曾璧光飭令總兵吳占勝等迅將餘匪悉數殄滅毋留餘孽貴州賊匪蔓延兵丁餉缺情形苦累亟應寬爲籌撥方免匱乏之虞山東軍務肅清餉力尙可周轉著丁寶楨卽照會璧光所請按月籌撥餉銀二萬兩滙解赴黔交曾璧光收納以濟要需將此由六百里各諭令知之○予甘肅陣亡副將徐效孟等祭葬世職○己未諭軍機大臣等近聞陝西北山一帶居民流離失所迄未復業情形甚爲困苦而土匪游勇嘯聚成羣隨在皆是扈彰等所部投誠人眾尙有數萬仰食於官日久既難爲繼若置之不顧又易因飢生變致滋事端延榆綏地本瘠苦近來受害尤深榆林又密邇回氛且毗連草

地目前難民土匪游勇降眾腐集其間非慎選牧令妥為安插必致釀成巨患不特陝省受其荼毒即晉省西北兩路亦均可虞朝廷實深厯繫著劉典即將該處確切情形據實具奏不得因從前已報肅清稍涉回護見在北山一帶防兵共有若干分駐何處統帶何員一併查明具奏仍一面督飭文武各員設法彈壓撫綏消弭隱患不准存五日京兆之見蔣志章到任時劉典務將該處應辦事宜及如何布置之處詳細告知俾措置悉臻妥善毋稍膜視將此由五百里諭令知之○庚申肅親王華豐卒賞銀一千兩治喪賜祭葬諡曰恪○撥吉林防禦五員移紮琿春增設佐領三員防禦委佐領二員驍騎校五員領催十三名披甲一百五十七名分為八旗管理裁原設副甲二百名○辛酉諭軍機大臣等昨因陝西北門一帶流民失所土匪游勇降眾隨在屬集特諭劉典將東華續錄 同治八十二 署

該處確切情形據實具奏茲復據該署撫奏稱距延水關七十里地方有匪搶奪民糧並圍攻小場寨等事業經署知府喻步蓮等帶勇馳剿斬馘多名見擬將收撫甘省難民數千人安插涇陽咸陽境內開墾荒地派主事周瑞松擇其精壯者編成數營按日操練等語可見該省土匪游勇嘯聚滋擾在在堪虞亟宜設法彈壓撫綏消弭隱患北山一帶地方遼闊處處接連甘境該匪竄踞無定防不勝防尤慮吳忠金積等堡回逆被剿窮蹙突犯陝疆董扈降眾人數甚多更虞日久生變前宜川騎賊雖經都司劉厚填追斬數名難保不乘虛再竄劉典毋得存五日京兆之見仍著飭令喻步蓮劉厚填等上緊按捕嚴密梭巡至難民編立成營固屬一舉兩得惟當責成周瑞松實力辦理認真操練不得敷衍了事所有辦理一切情形仍著隨時據實具奏將此由五百里諭令知

之○撥部庫銀十萬兩濟新疆餉需○壬戌諭內閣前因內閣侍讀學士鍾佩賢奏軍營保至藩臬人員查非科目出身及曾任實缺道府者仍令先補道府當交吏部妥議章程具奏茲據奏稱勞績保案仍應按照章程不准保記名請簡及指項題奏等名目各等語即著照該部所擬嗣後各省督撫暨統兵大臣遇有勞績保案仍照舊章不准保至藩臬兩司其道府等官仍不得保至記名簡放及指項題奏等名目其從前已保藩臬記名題奏者如非曾任實缺道府無論是否科目出身及曾任丞倅州縣等官均准其戴用原銜一律先補道員俟得缺到任後由各該督撫察看如果實能稱職准該督撫出具考語可否升用之處奏明請旨如不能稱職亦隨時奏參毋得遷就其鹽運使一項從前如有保奏記名者亦照此辦理至賢能素著之員仍著各省督撫懷遵本年六東華續錄 同治八十二 署

月初五日諭旨留心察訪隨時保奏另片奏軍營保舉道府州縣等官試用一年期滿請嚴行甄別等語即著照該部所議章程辦理○癸亥命曾國藩賑恤畿南災黎○設巴彥蘇營撥壘爾根索倫佐領驍騎校各一員防禦四員○甲子以貽祭 太廟 上前期親詣行禮○乙丑諭軍機大臣等穆圖善奏賊匪阻擾運道疊經官軍擊剿袁保恆奏歸併協餉請旨飭遵各摺片甘省西路回匪在李家窰地方搶劫糧運又於三子溝一帶攻掠民堡經提督劉定邦督隊疾追斃賊多名其竄擾石門溝青沙嶺小川賊匪亦經分防各營擊退古浪運省牲畜突被馬賊搶去統領張萬美等在黑松驛等處將賊擊敗入山穆圖善見擬將糧路改由大靖土門一帶行走並分軍擇要駐守著即檄飭張萬美等實力堵禦以利轉輸一面飭令薩英阿嚴扼金縣杜賊東竄之路西路平番

古浪一帶爲甘垣運道所關此時各匪乏食希圖搶掠軍糧疲我
兵力非得大軍進剿省防仍屬可虞左宗棠前派之黃鼎等軍見
已行抵何處該大臣駐軍平涼於省城聲息亦可相通即著嚴飭
黃鼎等各率所部確探賊蹤會合追剿不可稍涉遷延穆圖善奏
傷病並發懇請給假等語著賞假一箇月以資調理見在西路防
剿緊急該將軍仍當督同在省司道各官妥爲籌布左宗棠亦當
慎遵疊次諭旨迅籌兼顧如不能剋期前進即行酌派委員馳往
接替穆圖善所部各營協餉袁保恆擬請自同治九年正月爲始
歸併西征糧臺支發著即照所請辦理其同治八年十二月以前
各省所欠穆圖善協餉與甘軍積年舊欠仍著袁保恆隨時咨催
按數補發不得意存畛域將此由五百里諭知左宗棠穆圖善並
傳諭袁保恆知之○予甘肅陣亡參將樊友才等祭葬世職○是
東華續錄 同治八十二 哭

東華續錄 同治八十三
王先謙敬編
張式恭恭校
同治九年庚午春正月丁卯朔元旦節停止筵宴○庚午論軍機
大臣等李宗義奏疊次擊退撲河游匪一摺陝省延長宜川一帶
土匪游勇嘯聚成羣因該處彫敝無可掠食遂思偷渡冰橋窺伺
晉境上年十一月間匪蹤竄撲石皮渡十二月間又先後竄撲小
灘及小梯巖雖經晉省防軍擊退難保不去而復來仍著李宗義
檄飭李慶翔郭寶昌等督同在防各營嚴密堵扼毋稍疏虞賊股
三次撲河晉兵或過河迎剿或隔岸堵禦而河西一帶何以未見
陝兵會同夾擊著劉典嚴飭各營隨時跟蹤搜捕毋任匪徒游駛
陝北地多山谷最易藏奸若不及早設法搜捕殲除一
東華續錄 同治八十三
日不盡晉防終難解嚴糜餉老師將成不了之局左宗棠劉典務
當悉心商酌妥籌辦法迅將各股游匪盡數掃除毋得日久因循
致釀後患將此由五百里各諭令知之○廣湖北安陸縣學額三
名利川二名○癸酉諭軍機大臣等劉嶽昭岑毓英奏官軍肅清
附省土堆餘匪並攻克祿豐縣城一摺土堆逆匪知官軍四面合
圍聚黨抗拒經劉嶽昭等會同馬如龍督飭各軍攻破前層賊柵
生擒逆首馬得良等多名餘匪死踞各村屋內官軍用火圍燒乘
勢殺賊殆盡當將土堆村堡全行克復附省地面一律肅清其祿
豐縣城踞匪亦經練目丁同義約會何秀林等軍內外夾擊紛紛
乞降逆首劉和等被獲正法該縣城池亦即收復剿辦均屬奮勉
逆首劉城米映山日久稽誅此次已否殲斃仍著該督等嚴飭各
路文武確查實在下落毋任倖逃法網見在滇垣附近一帶已無

賊蹤即著劉嶽昭岑毓英分督馬忠等軍規復激江新興及東南竹園館驛等處一面檄飭楊玉科等各率所部將姚州楚雄等府州縣城次第攻取用竟全功將此由五百里各諭令知之○甲戌諭軍機大臣等金順奏剿辦賊獲勝攻克賊寨情形一摺王家噶踞匪壘經官軍圍剿上年十二月間陝回趙五阿渾等糾集大股援應經金順會同張曜督軍迎剿奮勇擊敗殲斃賊匪數千人逆酋趙五阿渾等亦經擒斬並將馬汰納洪兩寨攻破斃賊甚多金順勇往督戰致手受刀傷見在曾否平復實深廩著發去內府如意拔毒散二料以資調理北路平羅縣屬黃渠橋等處見有賊騎紛擾意圖鈔截糧運且該處距磴口一帶不遠尤應嚴密防範著金順會同張曜飭令常福等實力搜剿以清後路王家噶匪困守已久見在外援既斷即當相機圍剿力籌攻拔陝回雖經東華續錄 同治八十三 二

南遁難保不復思北竄冀圖援應劉松山近日攻剿金積堡情形若何該提督駐軍處所踞甯夏不遠金運昌一軍亦早與劉松山合隊著左宗棠飭令彼此聯絡如甯郡賊勢較重即當分兵前往會合金順張曜等剿辦以資得力並著左宗棠嚴飭北路各軍探蹤截剿毋任陝回紛紛北竄致多牽掣將此由六百里各諭令知之○子甘肅陣亡遊擊丁得勝祭葬世職○乙亥以孟春時享太廟 上前期親詣行禮○丁丑諭軍機大臣等左宗棠穆圖善奏遵旨裁併營勇分段布置並穆圖善奏擬將常順等馬隊帶赴甯夏各摺片甘肅秦鞏一帶分駐各營經左宗棠飭令歸併其省城附近營勇由穆圖善分別裁併再由左宗棠派員點驗酌量遣留著左宗棠等認真簡閱應裁撤者即行裁撤其挑選各營責令分段防守務使兵歸實用餉不虛糜裁汰各營勇丁即著左宗棠

妥籌資遣回籍毋任滋事王仁和所統懷義各營並著左宗棠另籌安插俾免失所江蘇等省部撥穆圖善軍餉銀兩已有旨自本年正月為始改解西征糧臺支發所有副都統雙福等新調馬隊月餉著左宗棠即飭袁保恆按月接濟其江甯月協甯夏餉銀一萬兩仍歸穆圖善收發為甯夏各軍之用將來即由該將軍覈實造報以免轉轄副都統常順等所統吉林黑龍江各起馬隊並該將軍原立圍隊一營均准穆圖善於出省時帶赴甯夏以資得力其餘各營步隊如須挑選帶往由該將軍酌度辦理左宗棠仍遵屢次諭旨剋期前進抑或酌派委員馳往接替毋稍延緩至北路甯靈南路鞏秦軍務如何月餘未據該大臣奏報戰事著嚴密布置妥慎進取著隨時具奏以慰廩繫將此由五百里各諭令知之○戊寅諭軍機大臣等文麟景廉奏甯州已撫回匪仍行出關擾害並敦煌玉門稟報回逆滋擾情形各摺片據稱甯州回匪經成祿收撫後仍不時糾眾出關搶殺行旅擾害地方各路防兵因該回持有甯州鎮道傳牌印文不敢盤詰以致該回肆行無忌上年九十月間疊在紅柳園大泉等處搶劫軍糧殺害押運官弁又攻破躡實堡城橋灣等處任意焚掠其成祿派出之回員李進三等復在敦煌玉門境內搜索糧石搶殺橫行關外民不聊生大局岌岌可慮等語回匪狼子野心非約束嚴明斷難日久安帖本日已諭令成祿將回員李進三迅即撤回惟甯州已撫之回不能設法彈壓則回民積仇愈深勢將變生不測關外大局不堪設想著左宗棠迅派委員馳往甯州查明實在情節嚴飭該鎮道派兵彈壓力圖補救並約束回眾毋再給文出關前諭成祿將所部勇丁嚴加裁汰奏聞聽候諭旨迄今未據覆奏何以此時忽派員在各屬

素糧滋事著該大臣確查成祿近日情形如帶兵不能得力徒事騷擾地方即行據實奏參楊占鼇帶兵如何亦著一併查明具奏毋稍徇隱至關外久遭回逆蹂躪幾至不可收拾烏魯木齊等處一片賊氛巴里坤哈密二城僅存時有防不勝防之勢儻日久大兵不能出關巴哈二城力難措拄其患不可勝言成祿帶兵如果不能得力關外應如何布置有無兵勇可以抽撥揀派得力大員先行統帶出關駐紮巴哈二城扼要之處藉壯聲威使回逆不敢肆行窺伺著左宗棠統籌全局隨時具奏以慰廑繫寶型一員前據穆圖善奏據總兵陶生林稟請暫護安肅道篆當因該員資望太輕恐難勝任諭令左宗棠隨時察看並著恪遵前旨迅派委員前往接署毋稍遷就文麟等原摺片二件均著鈔給閱看將此由六百里諭令知之○諭文麟景廉奏覆陳擊退竄匪情形酌留防

東華續錄

同治八十三

四

代請哈密糧廠四十桿尚未據何瑄解到見在哈密需用甚急准文麟等於防哈漢營官兵軍火內截留糧廠四十桿抵撥前數以資應用即著何瑄飭令趙萬海就近照數分撥肅州就撫回匪不時出關擾害各路防兵因該回持有鎮道印文不敢盤詰以致該匪肆行無忌屢次搶劫軍糧殺害官弁本日已諭左宗棠派員往查嚴飭該鎮道督兵彈壓著文麟等曉諭各該處戶民如有回眾滋事無論有無印文是否貿易即行格殺勿論以杜紛擾成祿派出之回員李進三等見在敦煌等處亦有滋擾情事著迅速撤回毋令貽害地方前諭成祿將見有兵勇汰弱留強覈定數目迅速奏聞聽候諭旨迄今數月之久未據該提督奏報著即詳細據實具奏不得任意遲延將此由六百里諭令文麟景廉成祿伊勒屯並傳諭何瑄知之○予甘肅被戕知縣彭煦祭葬世職○己卯諭

東華續錄

同治八十三

五

松山等軍攻期正當喫緊若因該縣失守運道梗阻必致掣動全局且榆林以西並無重兵屯紮尤易滋擾宋慶一軍尚在神木一帶著李宗羲就近檄令該提督分派兵勇趕往堵剿並著左宗棠迅撥勁旅立圖攻克劉典仍當籌調兵勇會同夾擊以遏狂氛此股賊匪恐竄邊外草地肆行奔突著定安先事防維嚴密布置定邊一帶本有金運昌雷防四營何時調赴前敵何以劉典並未知悉著左宗棠查明具奏榆林等處防守緊要即著劉典督飭成定康等實力防剿毋稍大意將此由六百里各諭令知之○諭福濟榮全奏布倫托海裁隸科城請派大員會辦榮全奏懇繳伊犁將軍印信文碩奏起程赴京各一摺前因定界事宜改派奎昌科城料理需人諭令文碩毋庸來京見當海城新撤一切分遣安插事宜亟應次第舉辦奎昌一人勢恐應接不暇且節屆春融即須前

東華續錄 同治八十三 六

往分界更難兼顧文碩著懷遵前旨毋庸來京無論行抵何處仍即折回科城會同奎昌將該城應辦事件認真經理福濟等所請簡派大員赴科會辦之處著毋庸議榮全辦理俄國交界收集索倫等事雖已就緒恐尚有未盡事宜隨時酌辦之處所有伊犁將軍印信仍著榮全署理毋庸呈繳將此由六百里各諭令知之○庚辰子安徽陣亡知縣劉景華祭葬世職○壬午左宗棠奏陝回敗遁狄道後屢次出巢掠食均經官軍擊敗嗣據獲賊供稱陝回馬正和等逆被剿窮蹙糧草缺乏潛遣人由金積堡至狄道嗾逆目崔三禹得彥馬生彥白彥虎等股眾潛襲半箇城官軍營壘掠取軍糧乘勢東犯以攻雷正綰等軍之背而解金積堡之圍十一月二十九日申刻提督徐占彪調逆回馬步數千由狄道向安定西北好麥川峴口秤鉤驛等處絡繹奔馳即帶所部步隊三營會

商總兵裴忠朝率所部馬隊星夜馳奔峴口擊之一面布置安定城守楊世俊即由紅土寨率所部馬隊各營馳赴峴口會剿是夜四鼓各營馬步抵峴口瞭見好麥川秤鉤驛及峴口池東之張家莊等處火光徧野逆眾蟄集徐占彪率馬步分中左右三路猛攻峴口飭副將黃志元步隊橫出秤鉤驛以馬隊輔之楊世俊率張仲春楊德俊馬隊循山脊繞出秤鉤驛之前截賊歸路峴口之賊即向北路魯家溝狂奔徐占彪躡殺四十餘里追至石峽灣收回峴口其秤鉤驛之賊分由好麥川會合內關營賊向西南折竄官軍疑其遁回狄道也遂收隊回安定是役共斃賊二百餘名生擒三十七名訊據擒賊供稱峴口竄出之賊為崔三好麥川內關營竄出之賊為禹得彥馬生彥白彥虎各股即飛報陝安道黃鼎自靜甯出會甯截之十二月初一日黃鼎各營抵會甯迤北之郭城

東華續錄 同治八十三 七

驛逆回已由紅堡子向打拉城長流水一帶疾馳而東矣初三日五鼓提督周紹濂調賊近半角城率隊迎擊賊已撲入半角城回堡周紹濂揮隊沿河截剿斃賊百餘名生擒二名官軍傷亡二十餘名半角城回堡西南二十里瀾泥溝段家溝為陝回逆眷寄頓之所官軍前破李旺堡穆家潭回寨及打拉城大捷時陝回眷屬多已衝散逆首馬生彥之黨馬金倉收集就撫官軍以其中多老弱婦女釋之暫安插於西山瀾泥溝段家溝甘回莊寨兩月以來尙稱安謐至是突起應之周紹濂中營及所部右後兩營皆附半角城回堡北結營其右後兩營適因金積堡賊出竄北路馬家河灣一帶截阻官軍運道正派令會同副將桂錫楨馬隊分途投剿尙未收回老營賊至以中營及右後兩營所甯三成隊伍鏖戰賊賊然兵力過單賊陷半角城回堡不能遏也是日右後兩營聞

賊撲半角城恐老營有失急拔營馳回策應右營營官副將劉甫田率步隊親兵二十餘名薄暮趨程疾進行數里陷澗中適兩旁騎賊蓬至劉甫田挺矛躍馬左右衝突刺斃悍賊多名卒以眾寡不敵立殞陣前比副將陳高華率右營隊伍至賊已遁矣乃整隊回營是夜後營營官參將毛正明率隊南進李廣園行三十里至王家團莊天色正明詢距莊五里之高崖子有騎賊數百正圍攻民堡而東路糧車假道而北者絡繹於道當會同總兵王銘忠各督馬步馳赴高崖子擊賊賊駭而奔毛正明當分兵交王銘忠助守軍糧自率隊伍躡賊至半角城漏已四下矣初四日黎明周紹濂派毛正明陳高華督隊分中左右三路進攻半角城回堡一鼓克之斃賊二百餘名敗寇竄過河西段家溝等處薄暮官軍收隊回營臣前因半角城以北游騎剽掠糧運中梗檄提督丁賢發由東華續錄 同治八十三 八

固原前進接期正啟行開半角城警報適至又加派道員魏光燾步隊副將銜儘先參將劉錦臣馬隊繼進飭提督左日升參將馮南斌所部防固原提督陳廣發所部防瓦亭節節護運前進續據北路謀報馬正和嗾其黨安燕千餘眾出掠康馬頭一帶而段家溝踞賊初四五日以後人馬又忽增至數倍賊勢更張初六日魏光燾丁賢發馬步由固原鼓行而北初八日進李家瓜園是夜周紹濂所部分防黑城子李旺堡之前左兩營步隊護糧過王家團莊迤北十餘里之墩子溝園王銘忠調良回馬柏森馬隊爲前導遇劫糧賊騎狂奔而來異常悍驚馬柏森眾寡不敵馬隊被賊衝散陣亡回勇六名前營營官總兵李良穆左營幫辦副將周玉林各以所部步隊結圓陣禦之輜糧居中外環刀矛槍礮騎賊六七百縱橫衝突十數次官軍屹立不動遇賊近則槍礮輪轟之賊中

人馬應聲而倒逆騎不得逞復嗾步賊千餘猛撲陣前軍士皆死死戰無不一以當十戈矛截刺終夜有聲步賊不敢近退入破堡以叉子槍穴牆對擊騎賊則分起環繞更番不休李良穆左肩被賊槍子洞穿復裹創血戰軍士屹立一夜一晝勺水不入口相持至初九日酉刻魏光燾丁賢發各帶所部馳至賊死傷已多復見官軍大至狂遁而西官軍壓追十餘里齊抵半角城魏光燾丁賢發直搗段家溝賊巢由川東進周紹濂由川西進賊悉眾越西山遁走官軍乘勢將澗泥溝段家溝等處賊巢一律蕩平躡賊二十餘里至峽口該逆由長流水西竄鹽茶各振旅而還計初八夜至初十日各戰斃賊七八百名生擒八十餘名訊畢斬之拔出男婦老弱百餘口兵勇傷亡五十餘名賊敗竄至鹽茶廳仍四出掠食蔓延西南莎蘿堡鴉兒灣水淡溝一帶初十日黃鼎自會甯馳回東華續錄 同治八十三 九

靜甯由硝河城黑城橫截而出十二日馳抵莎蘿堡東十餘里偵騎賊二三百正在圍攻甘回堡寨黃鼎揮馬隊掩擊之斃悍賊四五十名餘逆遁歸鹽茶黃鼎副將林定遠護輜重駐莎蘿堡自督馬隊趨行薄暮抵鴉兒灣十餘里距鹽茶五十餘里適騎賊數百正由鴉兒灣南竄飭副將黃虎臣縱馬隊橫截其腰斃賊二十餘名餘逆向鴉兒灣敗竄副將胡應芳怒馬直前躡近鴉兒灣四五里從間道馳出忽悍騎數百圍逼而來胡應芳督隊迎敵正搏戰閒黃虎臣馬隊總兵韋占雄李玉春步隊從後蹙至立斃悍賊數十騎敗賊入鴉兒灣憑牆抗拒黃鼎乘月色微茫密派李玉春韋占雄挑壯士數十人倍道繞出鴉兒灣左右沿山縱火爲疑兵親督馬步直搗中路賊眾慌亂登時向西北潰走官軍三面鈔殺陣斬賊中悍目偽領員楊黑牛藍遇春等三十餘名二鼓就鴉兒

休息據擒賊供稱崔三已越鴉兒灣西南三十里趨老虎溝其由鴉兒灣西北敗遁者禹得彥各股也黃鼎當飛飭林定遠帶隊由莎蘿堡橫出老虎溝兜剿而前赴鴉兒灣合隊四鼓馬探報禹得彥去而復來黃鼎警巡邏嚴守備以待忽西北角喊聲突起有悍賊數十人撲近營壘黃鼎令軍士移燈滅火鎮靜以待潛遣都司李洪超率銳卒數十人悄入賊中刀矛亂刺賊眾驚潰斬賊數十名生擒三名據供禹得彥度官軍遠戰疲乏喉悍賊數百前來劫營不料爲官軍所敗林定遠所部行近老虎溝已五鼓矣詎逆回蟻聚各回莊催隊疾進掩其不備斃賊數十名餘逆向西南狂遁天明收隊抵鴉兒灣黃鼎分兵扼鴉兒灣自督馬步進水淡溝西安堡劉家井連日搜剿而西該逆百十成羣彌漫山谷見官兵卽遁疲驟病馬拋棄滿途據賊中逃出難民供稱禹得彥十三日東華續錄 同治八十三 十

四鼓轉鴉兒灣之後連夜向紅堡子遁郭城驛分股由中灘出打拉城竄靖遠而西賊糧缺乏大半煮牛皮茹草子爲食黃鼎正擬分路窮追詎崔三一股復由大宏溝新營川竄右武營可南走確河城以達靜甯當收隊回防道出李家堡清查南八營就撫甘回馬繼祖馬其邦李子昌馬海奇等五百餘家勒繳馬械誅從賊之馬宗德等三名總計鹽茶之役共斃賊三百餘名擒獲數十名十五日楊世俊徐占彪瞭見郭城驛一帶炊煙四起料東竄之賊必經官軍截剿而西圖竄峴口歸狄道當分馬步數路伏張家莊左右破堡約以火箭爲號四鼓賊眾彙集各路官軍馬步突起號鼓齊鳴該逆倉皇鋌走張仲春楊德俊總兵殷華廷馬隊亦自紅土黨率隊出張家莊助剿分途西追三十里至馬家堡沿途斃賊數百名生擒八十餘名十六日收隊回張家莊據生擒賊供此股卽

馬生彥禹得彥崔三馬金倉股眾連日經官軍追剿分三路西趨崔禹兩逆之黨悍目偽領員楊士明馬祿已斃於陣訊畢斬之同時河州回目馬占鼇等亦喊逆黨由大營川好麥川兩路東出峴口車道嶺迎護陝回賊眷楊世俊徐占彪會商官軍馬隊出大營川步隊出好麥川乘該逆喘息未定擊之是夜月明如晝楊世俊督馬隊由張家莊北原安家墩出車道嶺瞭見西竄賊漫山徧野楊世俊縱隊擊之躡至甘草店擒斬極多餘眾向狄道遁逸十七日黎明大營川忽橫出悍騎數百楊世俊知爲狄河援賊也飭馬隊分中左右三路迎敵該逆下馬挺矛死鬪官軍亦分枝改騎爲步仍以馬隊鈔大營川之後楊世俊督殷華廷率隊衝其前斬悍賊數十名逆勢披靡紛紛潰散官軍乘勢追至高崖斃賊百餘名該逆狂奔而西未刻收隊紮車道嶺其好麥川一路徐占彪於東華續錄 同治八十三 十

十六日二鼓率步隊前行抵杜家岔溝該逆卒不及防徐占彪隊撲上斃賊三百餘名追至漫窪正收隊東向山左右突出馬步賊四面包來副將何玉超攻其左黃志元攻其右徐占彪督隊居中槍礮環轟賊不少卻徐占彪揮戈突陣手帶矛傷勇士如牆而進併力壓之斃賊多名賊眾大敗官軍縱追十餘里該逆擁擠不前墜崖落壑者不計其數薄暮收隊距峴口迤西六十里之蒲家堡駐紮二鼓該逆馬步復折而東連夜撲犯官軍營壘數次均經徐占彪督隊擊敗十八日黎明會合楊世俊徧搜山谷斬獲殘匪多名日暮收回峴口道員李耀南先於十六日辰刻由紅土黨整隊西行十七日五鼓抵峴口偵禹馬等逆已經徐占彪楊世俊擊敗而西崔三後股又將偷越峴口李耀南率同總兵周顯明蕭賞謙副將盛照魁等步隊銜枚疾進截擊於峴口二十里之鹽溝地

勢險隘不容方駕逆眾憑卡死拒官軍火器環施刀矛繼進賊勢不支紛紛敗北轟斃刺斃跌斃者不少餘逆越魯家溝北奔已刻官軍收隊回峴口休息十八日窮搜而北崔逆已向郭城驛南趨各軍十九日均回防所謀報崔逆十八日竄踞會甯迤南二十里之康家堡黃鼎畱防會甯之總兵趙興隆帶所部七成隊潛師夜起襲之斃賊約三百名擒斬十餘名餘逆循豹子川南竄紅土窯李耀南隨楊世俊率隊出安定會剿十九日酉刻先後抵紅土窯設伏以待二十日三鼓賊騎逾紅土窯北原俯欄官軍官軍伴爲不知四鼓崔逆率千餘騎從花尖堡越李家河楊世俊李耀南馬步分道鈔擊該逆四面被創截成數起尾賊百餘騎折而北遁盛照魁楊德俊裴思朝馬步邀截之一股數十騎由花尖堡遁麻子川周炳榮馬隊聚殲之一股百餘騎由李家河奔李家灣總兵黃

東華續錄

同治八十三

七

備寶追剿於後總兵殷華廷等攔截於前無一脫者崔三率七百騎死黨越李家河趨王家岔楊世俊李耀南督馬步跟蹤壓追張仲春馬隊復來麻子川東西兩原飛駛通安驛邀其去路該逆拚死抵禦經官軍槍轟矛刺而殞者不下二三百名崔三率數十騎狂遁而西殿後數百騎經各路馬步合勢圍剿陣斬偽副元帥馬得海擒崔三之叔崔官騎賊悉就誅戮得逸出者不過二十騎耳步隊追至馬家河馬隊躡至皋陶河楊世俊復挑數十騎窮追崔逆弗及戍刻回安定防所訊據賊供崔三不料官軍回防如是之速圖由紅土窯偷竄不料正遇官軍遂至大敗計十二月十六日十七十八二十日之戰斃賊實二千數百名生擒三百數十名其逆眷之填溝壑者無算惟金積堡陝回被剿窮蹙其句引南竄狄道諸逆劫糧阻運事在意中此次崔禹馬等逆悉銳北竄勢頗

狡狴一挫於周紹濂半角黑城諸戰再挫於黃鼎鴉兒灣老虎溝諸戰其敗歸也復爲楊世俊徐占彪等所截統計前後擒斬之數實逾三千而墜崖落澗餓斃自盡不與焉諸軍於歲暮嚴寒之時馳驅於水枯草絕之地卒能踴躍用命痛挫兇鋒在事出力員弁勇丁可否擇尤酌保以示鼓勵之處出自逾格 鴻施又奏甘南鞏秦所屬地方當河狄逆回出竄衝要上年九月二十五至十月初二等日經補用道湯聘珍涼州鎮總兵傅先宗各軍扼剿竄回於西和禮縣一帶折遁狄河兇鋒稍斂然旬結陝回崔三禹得彥各股敗寇仍不時覬覦南路牽綴官軍嗣 臣宗棠奏派周開錫令湯聘珍督同提督梅開泰所部扼漳縣而營傅先宗駐軍甯遠分枝由徽城出西和禮縣節節接剿作爲游剿之師十一月二十二日賊眾擾及西和縣附近地方攻撲民堡伺提督丁桂智馬隊將

東華續錄

同治八十三

七

至聞風宵遁十二月初一日丁桂智追賊至禮縣屬之巖城訶賊結寨於石東溝距巖城三十里初二日黎明丁桂智分馬隊繞出賊前派副將田大伏兵於石東溝西南要隘親督知府程光第直搗中堅賊方排谷口而陣官軍併力壓下賊勢不支踰溝越嶺而遁適官軍馬隊迎擊其前田大所部橫擊其中丁桂智程光第率隊張左右翼從後蹙之賊眾大敗悉銳直前鈔殺躡二十餘里斃賊三百餘名生擒三十八名薄暮收隊就地安營調零股賊眾數百嘯聚敗寇回踞石東溝十餘里蔡家山陶坪莊意圖抗拒詰朝丁桂智戒各營秣馬募食整隊齊進察看蔡家山懸崖峻坂鳥道螺旋賊踞其中分悍黨百餘懸隘口以拒官軍丁桂智察其未可

慌亂號叫狂奔墜崖殞者三四百人馬隊分途截殺二百餘名生擒六十名巢賊數百無脫免者同時甯遠西南包家莊雙祿柱亦有賊蹤竄擾十二月初一日傅先宗派提督高月桂總兵蘇家良馬步馳剿初二日抵包家莊賊聚南山蟠結未動初三日黎明官軍步隊伏山左右馬隊分支鈔賊歸路以一枝挑戰該逆從山峽中衝出異常獷悍官軍馬隊且戰且走誘其離巢漸遠步隊從左右攢矛競進槍礮環施馬隊從後夾擊之斃賊四百餘名餘逆六七十名敗向雙祿柱合股官軍乘勝齊集一鼓而克斃賊三四百名生擒十四名初八日湯聘珍調漳縣三岔以西逆眾千餘騎麇集比令提督梅開泰挑銳卒五六百派副將楊永成常遠藻領之乘黑夜砍賊營漏三下官軍潛入賊巢揮刀亂砍夾以火器該逆自夢中驚起駭怖失措官軍乘機掩殺斃賊六七十名敗賊

東華續錄

同治八十三

五

逸汪家衙初九日黎明梅開泰督馬隊躡至王家河出石灰溝口沿途斬賊極多賊屍盈野餘逆遁入狄道臣維甘南諸軍裁併之後壁壘新立士氣奮興自十二月初一至初九日擒斬賊數不下二千餘名實足壯軍威而寒賊膽又奏再臣於陝境肅清後率師規隴所部各軍北路直逼金積堡中路直達皋蘭南路直臨狄道諸軍西進陝省毗連之地自延榆綏地東出鄜洛邠長越汧隴而南綿亘千數百里均與甘省唇齒相依尤關後路運道見在金積堡陝回被勒窮蹙糧草缺乏游騎伺虛掠食覲覲東路兵至則去兵去則來飄忽靡定陝西各營或偏賊巢或護運道或投勒游匪本省兵力單不敷調撥查甘肅甘州提督馬德昭所統豫軍駐紮潼關晉溝素稱得力目下豫省防務已鬆臣擬調赴陝西或以全軍移駐或酌帶八成隊伍前來扼紮三原地方居中策應鎮壓

東華續錄

同治八十三

五

陝西仍可為豫省屏蔽該軍月餉向由河南支發今既由豫入關嗣後月餉仍應由河南籌解劃抵河南欠解甘肅協餉於事體亦為允當於時局大有裨益除咨馬德昭並河南撫臣外謹附片具陳又奏正拜摺聞忽接據署延榆綏道成定康馳報八年十二月二十日夜回逆襲陷定邊縣城前壽春鎮總兵蘇如松豫望城夏回馬柏森稟報相同查陝西自甯條梁以西安邊定邊花馬池一帶為劉松山全軍後路餉道攸關劉松山進剿靈州臣因餉道堪虞飭金運昌於進兵時留營防護嗣金運昌因前敵兵力向軍將甯條梁安邊定邊各營調赴金積堡蓋冀郭寶昌馬步三營可以續進填紮不知郭寶昌時已遵旨赴晉也自此定邊空虛劉松山乘虛襲陷縣城劉松山金運昌自必派隊馳援然由金積堡靈州至定邊傍河岸地北而東踰花馬池計程三百數十里往返奔馳兵力過勞而前敵之兵見少見屈春令解凍伊邇山西冬防已將解嚴可否請旨飭山西撫臣令郭寶昌於冰橋銷化後迅率所部馬步三營由綏德馳赴定邊花馬池一帶肅清劉松山金運昌兩軍餉道俾免後顧之虞上諭軍機大臣等河狄逆回句結陝回崔三禹得彥等股竄擾禮縣甯遠一帶經傅先宗等疊次截擊擒斬賊匪不下二千餘名餘賊遁回狄道勒辦尙為得手所有在事出力員弁勇丁著准其擇尤保奏金積堡陝回被勒窮蹙復句引崔禹等逆悉銳北趨勢頗猖獗周紹濂黃鼎等於半角城黑城鴉兒灣老虎溝等處前後截勒斃賊三千餘名在事員弁勇丁尙屬出力並准左宗棠擇尤保奏陝回馬鎮和等堅守金積堡巢穴屢攻未下該逆被困日久時思句引各股逆匪劫糧阻運牽掣官軍

冀圖一逞見在敗匪雖已遠遁仍恐乘間分竄著左宗棠等督飭南路中路各軍確探賊蹤聯絡截擊使金積堡之賊勢孤援絕方可力圖攻拔陝西自甯條梁至花馬池一帶為劉松山全軍後路糧運所經何以金運昌遠將防各營調赴前敵詎不料及逆回詭計多端一經繞截後路全局即虞掣動見在定邊既被襲陷運道設有梗阻關繫非輕郭寶昌此時協防晉省河岸正當喫緊且所帶親軍人數無多不必令其馳赴定邊著左宗棠派隊馳援並責成劉松山金運昌迅圖克攻肅清後路一面飛咨陝省防軍合力夾擊以杜賊蹤竄擾其前敵各軍仍當飭令穩慎進攻毋稍鬆勁另片奏請調馬德昭帶兵赴陝防期已論李鶴年酌量調撥矣將此由六百里各諭令知之○左宗棠奏據黃鼎稟稱張貴所部降眾大都籍隸平涼鹽固隆靜會甯各屬逐日點驗查詢籍隸靜東華續錄 同治八十三 六

安王魁楊兆魁等張貴就撫之後諸兇仍散匿各處疊經各營及地方官設法搜拏始將元惡侯得應王璧及各犯一律獲到先後押解臣營逐一提犯嚴訊該犯等罪狀實浮於張貴質之本地士民無不異口同聲其王璧一犯曾署隆德營外委而破隆德縣城戕害守備王萬順一家四口者即該犯也訊畢將侯得應王璧凌遲處死以申國法而洩民憤其柳林等概予斬梟惟張貴一犯暫尙留黃州營勒捕餘匪且聽其獲犯自贖報聞○子甘肅陣亡副將劉甫田遊擊杜敬仲等祭葬世職○癸未神武門內敬事房木庫火詔修省停止是日廷臣筵宴○調英元為倉場侍郎以達慶為刑部右侍郎由左副都御史遷○甲申諭軍機大臣等前因撥償俄國諾海牲畜銀兩令福濟榮全查明辦理茲據總理各國事務衙門奏稱該將軍等咨明前撥之款計不敷銀四千六百兩並請將東華續錄 同治八十三 七

早靖西南邊患所有酌調舊部籌運糧餉各事宜均著該督相度機宜悉心籌布朝廷不為遙制也黔餉勢須藉資於川省營勇過多積欠又鉅見在唐友耕所部六千餘名已由滇省撤回周達武所部八千餘名又經抽調腹地著崇實吳棠迅將前項不出剿之軍並其餘不能得力零星各營籌款酌補欠餉逐漸裁汰騰出餉項以贍征軍並將裁贖餉需儘力分濟援黔各營及酌撥滇黔協餉不准稍存膜視仍隨時知照李鴻章酌度辦理至李鴻章督辦黔事必得大宗的餉方足以資飽騰著馬新貽丁日昌於江海關應解准軍額餉二萬兩外按月扣撥該關四成洋稅二萬兩六成洋稅一萬兩李瀚章郭柏蔭於江漢關按月撥解四成洋稅二萬兩六成洋稅三萬兩丁寶楨按月協撥銀二萬兩均自本年二月分起如數籌撥按月委解金陵軍需局轉解李鴻章後路糧臺該

東華續錄 同治八十三 九

督撫等均能顧全大局諒不至稍有遲誤將此由六百里各諭令知之○己丑諭內閣朕奉 慈安皇太后 慈禧皇太后懿旨三載考績為國家激揚大典中外滿漢諸臣有能盡心職守懋著勤勞者允宜特加甄敘以示優眷茲當京察屆期吏部開單題請詳加披閱恭親王首贊樞廷於今九年夙夜靖共於一切行政用人虛心匡弼鉅細靡遺深資夾輔著交宗人府從優議敘吏部尚書文祥戶部尚書寶鑒都察院左都御史沈桂芬戶部右侍郎李鴻藻同心竭贊克慎克勤均著交部議敘大學士官文歷任封圻勤勞夙著大學士直隸總督曾國藩老成宿望表率羣僚調任畿疆盡心民事協辦大學士湖廣總督李鴻章韜略優長懋昭勳績陝甘總督左宗棠宣力巖疆不辭勞瘁均著交部從優議敘餘著照舊供職○庚寅諭軍機大臣等劉典奏回逆分竄陝境情形暨擊

退竄涇賊股收復定邊各摺片回匪竄擾陝境攻陷定邊龍陷定安賊蹤飄忽肆行奔突左宗棠回援之軍總落賊後該督撫等同辦一事何以彼此不相聯絡致誤事機見在瓦窯鋪踞匪勢甚兇悍慶陽之賊又復竄至三水繞竄永樂店窺伺省城且尚有陳賸子一股亦思竄陝定邊之賊攻撲甯條梁鎮靖堡等處並有另股賊匪滋擾希圖下竄賊蹤紛至沓來幾至不可收拾安定定邊雖據奏稱收復殊不足恃著即將實在情形查明具奏左宗棠入甘後自應酌留重兵力顧後路劉松山金運昌所部本係分紮花定何以不遵札飭竟行相繼前進雷正綰周蘭亭張福齊簡敬臨等四軍左宗棠止令其剿辦半角城等處踞逆何以道員曾傳理竟令各軍進發以致回逆乘虛竄入各軍進止自由無所約束該大臣當嚴申號令立將貽誤各員查明參奏以示懲儆馬德昭一軍

東華續錄 同治八十三 九

前據左宗棠奏調已諭李鶴年飭令該提督帶所部扼紮三原該軍抵陝後著劉典會商左宗棠妥籌調度陝省防兵過單左宗棠務當抽撥勁旅回顧陝疆迅將分竄各匪盡數殲除毋稍鬆勁劉典仍當嚴飭陳照臺成光裕等分投堵剿以遏狂氛不得徒事張皇毫無展布陝事一日不靖即蔣志章抵任劉典亦不得置身事外著即振刷精神亟圖補救毋得因循諉卸自干咎戾安定瓦窯鋪一帶距晉非遙見在河冰未泮李宗義當督飭李慶勳等嚴密防堵毋稍疏忽豫師前已賞給副都統銜簡放西甯辦事大臣著左宗棠知照豫師迅赴新任並將應辦事宜妥為經理以副委任將此由六百里諭令知之○予雲南陣亡遊擊熊財興祭葬世職

○辛卯諭軍機大臣等總理各國事務衙門奏俄國自立牌博請飭查辦一摺瑪呢圖嘎圖勒漢至哈巴爾阿蘇一帶俄國分界事

宜前因布倫托海裁撤統歸科布多大臣辦理當經改派奎昌前往會辦茲據該衙門奏稱見在接俄使照會哈爾阿蘇一帶該國已自行分界其所立牌博是否均在同治三年所立紅綫界外請飭查辦等語著奎昌迅即按照圖冊查勘明確繪圖貼說詳細奏聞妥慎辦理以副委任昨因文碩到科需時諭令榮全前往代辦即著榮全懍遵前旨迅速前往俟文碩到後再回烏城仍著福濟會同妥籌以重邊防原摺一件及照會二件均著鈔給閱看將此由六百里各諭令知之○壬辰諭軍機大臣等定安奏嵩武軍會拔賊壘暨剿辦北路竄匪烏爾圖那遜所部剿賊獲勝並豫籌南北兩路防剿情形各摺片王家瞳莊回逆因官軍攻克馬汰納洪兩寨後負隅死守經金順張曜會督各軍分路進剿先將南面東面各壘攻克該逆復向南直撲楊春祥追賊陣亡孫金彪等帶東華續錄 同治八十三 三

加偵探妥籌防守其沿河包薩托清等處並著嚴飭馬陸會同京津隊伍加意巡防毋涉疏懈將此由五百里諭令知之○甲午諭軍機大臣等李鶴年奏潼關防務緊要馬德昭一軍未能西進李宗義奏陝回肆擾逼近蒲州布置河防各等語回逆竄擾陝西長武縣境旋竄渭南縣之倉頭孝義鎮等處已在渭河北岸安設帳房咸陽涇陽三原高陵蒲城均有賊蹤大荔縣所屬之羌白潘驛亦有邊馬是竄陝回匪由西而東幾於徧地賊氛劉典前奏慶陽之賊竄至三水繞竄永樂店窺伺省城何以不即派兵截剿致令賊勢如此蔓延著劉典迅撥勁旅探蹤攔擊務將此股匪眾就地殲除毋令紛竄左宗棠迅即抽撥兵勇回顧陝疆不得置之不問並著懍遵前旨查明後路防軍何以悉赴前敵致賊匪乘虛擾陝擊動全局之處據實參奏至此股賊首是否即係馬正剛劉典前奏另有陳瞎子一股續圖竄陝曾否與此股合併著左宗棠劉典確查兼將北路瓦窰鋪之賊趕籌撲滅倉頭等處距潼關僅百餘里馬德昭一軍若移紮三原轉出賊之西面關門左近撤去藩籬於晉豫大局均有關繫著即照李鶴年所議馬德昭暫緩西進責令將潼關防務妥籌兼顧一面抽調精壯馳赴渭河相機援剿至添募新軍即著李鶴年趕緊募練以期有備無患渭南大荔距蒲州所屬甚近李宗義已飭李慶翱先撥礮船兩營馳赴下游擇要嚴防並調上游一營趕赴蒲州堵禦復將各渡口船隻盡數提至東岸所籌均尚嚴密即著督飭在事員弁實力巡防毋稍鬆勁安定瓦窰鋪賊匪尚未掃除鄉吉以上河防亦不可稍涉大意毋得顧此失彼將此由六百里各諭令知之○乙未飭各省迅解成祿軍餉○丙申左宗棠奏竊陝回逆目陳林馬正和余彥祿等折竄

金積堡自上年十一月十三日起疊經官軍痛創併入金積東西各堡與甘回雜居勢甚衰蹙續准劉松山牘稱該逆於十一月十四日夜仍就波浪渠堰修築長牆一道較前更堅十五夜二鼓訶賊出金積堡西北馬家灘回寨運取馬草劉松山乘月掩襲分支循東北進波浪渠長牆直擣賊巢自督馬步疾馳提督金運昌營前合隊四鼓逆眾甫護牲畜出西北劉松山金運昌會商以步軍列隊居後伺巢賊出相機應之馬隊張左右翼一趨西路一趨北路賊見官軍大至駭而奔馬隊馳出賊後邀其歸路忽金積堡東西兩面角聲四起援賊盡擁而至金運昌步隊迤西斜出劉松山步隊分三路排列正西一面嚴陣以待步賊且前且卻正相持開官軍馬隊已敗賊於秦壩關從步軍陣後鈔出賊之左右劉松山搥鼓急進各營猛力薄之槍礮雷轟刀矛如牆而進斃馬步悍賊

東華續錄

同治八十三

五

甚夥賊勢披靡向金積堡以西各寨狂遁官軍馬步緊追至寨根敗賊有奔入寨內者有進寨不及越金積堡壕內逸出者其東北一路又經提督蕭章開道員劉錦棠督隊環攻賊向憑長牆拚拒劉松山金運昌分馬隊繞出卡後該逆返顧慌亂蕭章開劉錦棠催隊將長牆一鼓蕩平乘勝逐北追近金積堡東西各寨收隊是役東西兩路共斃賊千餘名劉松山所部生擒一百八十餘名訊出賊目馬芝堂馬三揚李朝三名一併正法弁勇受傷九十五名內記名提督楊清源胸膈受撞槍子傷甚重陣亡弁勇十七名十七日金運昌移營歷金積堡西北而壘斷該逆往來馬家灘之路馬家灘一帶向有本地回寨自官軍由固原掃蕩而北豫望城李旺堡一帶被創甘回多竄匿其中皆馬化澂新教死黨也二十七日黎明劉松山會師進剿金運昌列隊於南劉松山列隊於西分

支迤西而東南金積堡東南步賊循牆出西北二三里各村莊憑礮臺抗拒馬賊則由正西馳突而來提督余虎恩潘運璋周雲祥彭緒忻朱德開都司陳宗蕃副都統雙壽馬步猛擊之馬賊即敗退步賊之後蕭章開劉錦棠從左右路猛進劉松山督中軍繼之乘勢壓下立將各莊礮臺一律踏平右路敗賊跳匿莊內近二百名經蕭章開圍殺無遺餘賊敗至波浪渠南西風起塵沙眯目乃收隊是役總計斃賊七八百名劉松山一軍生擒八十八名內賊目金虎馬沅哈桂清訊明均經正法官軍弁勇陣亡十八名受傷一百零四名二十九日黎明劉松山押牲畜赴河西運薪芻自督馬步督築新壘金積堡東逆眾傾巢突出劉松山金運昌擊敗之斃賊三四百名三十日夜逆賊又傍金積堡西北里許加修土壘兩座附築礮牆密開礮眼意似屏蔽賊巢十二月初一日黎明金

東華續錄

同治八十三

五

運昌馬步向西南進劉松山馬步向東南進金積堡步賊出西北一二里憑依礮牆抗拒馬賊向正西衝突劉松山步隊分三大支迎敵馬軍直趨正西提督曾松明軍功李雙良飛馬突陣壯士繼之悍賊紛紛墜馬向正南敗走步軍迤東而北直逼礮牆賊憑牆穩抗官軍噴筒火箭環施夾劈山礮洋槍測準轟擊賊中損折極多兇敵大挫各營乘機撲之登時將礮牆踏毀賊敗向西北傍壘回拒瞥見官軍馬隊環繞兩旁恐斷歸路狂奔金積堡西面各寨壘賊見陣賊鼠竄回巢亦棄壘飛遁兩壘一鼓下之各軍分道追至金積堡外壕而旋是役共計斃悍賊六七百有奇劉松山所部生擒一百一十餘名訊畢斬於軍前弁勇受傷一百三十二名陣亡二十五名初六夜陝回馬步千餘出金積堡東南排列提督李雲貴營前一里許意圖出巢掠食經李雲貴董福祥各營擊敗南

遁初七日午刻劉松山擒獲賊探供稱該逆越羊馬湖迤西而東出湖家堡向甘回王洪楊明兩寨索糧步賊尙屯胡家堡東南各村莊馬賊踞正東二三里距金積堡約四十餘里劉松山約金運昌整隊進擊初八日五鼓行抵胡家堡里許金運昌進右路劉松山進左路北近賊巢步賊登時驚潰官軍分途掩殺斬賊無數馬賊聞號聲由東面折遁西北沿黃河向馬家灘逸去初六夜及初八日之戰共斃賊六七百名斬逆目馬連一名陝回與甘回向以同類不相殘害自陝回索糧於胡家堡未得又怨其引官軍剿之也於是陝回陳林等復嗾李旺堡馬家灘早元堡等處甘回於十一夜傍黃河出西北竊集胡家堡以南向甘回馬宏芝馬雄等偪勒糧食佔踞四五寨劉松山偵知約金運昌合擊之十二日夜潛師疾起天明抵胡家堡各寨踞逆馬步三千餘眾擁而出金東華續錄 同治八十三 五

運昌擊其右劉錦棠攻其左劉松山督中軍相機策應併力壓下賊敗歸巢各路馬步乘勝猛撲跟蹤衝入馬家寨賊三百餘名盡殲無一脫者是役各路斃賊七百有奇劉松山一軍生擒六十餘名勇丁陣亡十六名受傷八十四名陝回屢敗之餘不能分踞各寨盡附金積堡壕內外支帳列居逆眷屢錯其間外砌長牆以資屏蔽其原踞各寨馬化澗喉金積堡附近甘回踞之十九日夜三鼓金運昌率隊向金積堡西門進劉錦棠率隊向金積堡東門進劉松山出中路策應兩軍比近賊巢賊驚覺依牆列隊各營槍礮雷轟噴筒火箭齊發延燒賊帳壯士踰牆而上見賊即砍賊敗遁壕內官軍正分途掩殺開各寨甘回突出救援圖鈔官軍之後陶定昇易致中何作霖分兩路橫擊之援賊不支敗遁原巢官軍壓迫寨邊守寨之賊閉門拒之敗賊不得入循牆而遁壕內甘回恐

官軍乘勢擁入立將卡橋折斷陝回之墮陷壕中刺斃跌斃者無算是役斃悍賊共五六百名賊眷傷夷者無數可計劉松山所部生擒一百零七名分別斬釋弁勇陣亡七名受傷三十二名劉松山回營後令軍士備雲梯草束為進攻之具二十一日黎明督隊抵胡家堡地方各寨步賊憑牆堡列隊馬賊分兩路衝來易致中何作霖張左右翼迎敵立斃悍騎多名馬賊縮退步賊兩旁官軍三路乘之馬賊狂遁西南步賊敗歸原寨入寨不及之賊各營四面鈔殺無遺是役斃賊三四百名生擒四十三名訊明斬之官軍弁勇陣亡十一名受傷者六十四名薄暮收隊距胡家寨二三里安營其毗連胡家堡為趙馬兩寨賊刃林立二十二日四鼓劉松山夜襲之督隊分數路環攻正在擲草填壕揮鋤擁進南西各寨步賊忽從趙家寨之左鈔出劉松山督各營截擊援賊敗遁追逐東華續錄 同治八十三 五

里許適趙家寨中積薪為官軍火箭所著煙燄騰空寨賊驚怖弁勇猛升而上拔之寨內踞賊焚殺殆盡各營捲旗休息更漏將殘矣其馬家寨之賊見官軍已破趙家寨分兵合圍無路可遁亦無援可待堅壁拒守二十三日辰刻軍士更番輪攻逾時之久寨中子藥磚石已盡各營乘機猛撲相繼而下兩戰斃賊七百餘名陣斬逆目馬世傳於趙家寨生擒逆目何彪於馬家寨訊明正法弁勇陣亡二十六名受傷一百三十二名官軍收隊回金積堡調陝回頭目鄒保和夥甘回逆黨由韋州一帶擄糧而歸拒金積堡東南三十餘里二十五夜劉松山約總兵張福齊徐文秀諸軍併力攔截漏二下賊由漢伯湖踏水而過不虞官軍已分三路伏堡以待也劉松山搥鼓發號催隊迎頭擊之該逆拋棄輜糧頓躓冰中餘賊由張福齊徐文秀兩軍中空之地北竄經各營攔截而東五

鼓繞波浪湖出西北趨金積堡方近板橋劉松山派提督尹興茂
潘運璋截期而前敗賊鮮有漏網總計此股竄賊馬步六七百名
除官軍擒斬衝散之外歸巢者不過數十名牲畜糧食器械俱為
官軍所奪弁勇受傷八名其金運昌會期詳細情形及雷正綰周
蘭亭張福齊徐文秀各軍疊次戰狀另片詳陳以清眉目再自上
年十二月初旬以後西路援賊踵至平涼固原以北至甯靈一帶
運道中梗其間土回亦有撫而復叛者兵事繁雜各軍所報戰狀
緘牘又往往中途沈失須飭從新補齋始可據以入告而彼此補
齋或遲或速未能剋期並到故此大馳報捷狀致有稽遲又奏准
雷正綰等緘稱逆回勢窮圖竄十三四至十七八等日各軍連日
堵剿獲勝其文報中途遺失未據補齋續據續稱十二月初一日
辰刻劉松山約會出隊雷正綰馬步向金積堡西門進周蘭亭張

東華續錄

同治八十三

天

福齊繼之賊大股自西面分道迎敵騎賊列步隊兩旁分伏左
右廢堡中意圖鈔官軍之後時官軍已直抵二道渠賊紛紛越渠
索戰提督閻定邦總兵陳義趙玉亭前總兵徐萬福副將黃有本
楊美勝隊伍一鼓壓下跟追過渠賊伏起雷正綰周蘭亭張福齊
調劈山礮隊排轟之賊遁歸巢各營正連環收隊騎賊復糾悍黨
衝突而來總兵劉明泰周玉堂參將劉忠發知州黃立鼈回旗猛
撲偏賊入壕內乘勢將各堡伏賊殺而還是役共斃賊五六百
名生擒數十名分別斬釋初六日黎明各軍整隊分三路衝進二
道渠扼賊於西南各堡斬斃多名日暮收隊聞東南槍礮聲張福
齊周蘭亭料賊圖南竄亟挑銳卒乘黑夜踏冰越油蘇湖馳抵漢
伯堡竄賊正狂奔而南官軍截其後股掩殺二百餘名是夜二鼓
賊騎步數百人竄近高州鎮總兵徐文秀營前搶越長壕各營迎

頭堵截格殺十餘名該逆奪路而遁初七日賊乘冰橋偷越廣武
營雷正綰等派隊雕剿斃賊多名賊逸而西趨副將楊光龍率隊
由張恩堡截出行三十里至鐵桶堡斬斃後悍賊百數十名初八
九等日閻定邦周玉堂黃立鼈隊伍出廣武護糧沿途遇賊或數
十人一起或百餘人一起官軍均有擒斬十六夜二鼓逆眾由漢
伯堡轉糧金積堡總兵陳玉貴徐萬福黃有本潛師襲之前截後
追斃賊數十名獲其輜糧騾馬而歸十七夜漏初下周蘭亭張福
齊調賊騎千餘出金積堡履冰越油蘇湖圖分竄東南劫糧官軍
豫伏湖岸以待比賊近岸轟斃刺斃極多餘逆敗遁回巢生擒八
名周蘭亭張福齊料該逆連夜負創必以官軍巡防在外將乘虛
犯營壘十八夜軍中嚴守備各選壯士伏壕內俟賊至營前乃起
擊之二鼓該逆大股直撲張福齊營壘踰長壕拔花籬勢甚兇猛

東華續錄

同治八十三

毛

張福齊周蘭亭擂鼓發號督所部分左右路鈔出壕內伏兵齊起
應之該逆狂奔回巢是役殺斃賊數百名生擒十二名訊明斬之
十九夜三鼓張福齊調賊由楊家園莊踰漢伯堡入金積堡揮隊
掩之殲斃無數餘逆折回楊家園莊官軍四鼓收隊是夜二鼓該
逆數百騎過油蘇湖徐文秀派各營迎擊之斃賊二十餘名勇丁
受傷三名陣亡一名二十四夜三鼓賊仍向油蘇湖偷渡徐文秀
率隊截轉生擒七名二十五日逆眾由定邊擄糧池豫望韋州回
金積堡各路官軍得報同時準備三鼓賊越漢伯堡經劉松山督
隊擊敗越油蘇湖北遁徐文秀所部斃賊數十名該逆仍折而東
是役徐文秀所部斃賊數十名生擒九名奪其牲畜糧食據擒賊
供稱此股即陝回鄒保和所帶經官軍截擊落後茲圖歸巢訊畢
斬之徐文秀於二十六夜分布防兵於油蘇湖三鼓賊至官軍併

力攔截盡斃數十名生擒十七名餘逆仍向東竄其金積堡迎護之賊又經劉松山擊敗歸巢二十七日三鼓金積堡復出悍騎駛油蘇湖東奔徐文秀橫截之將逆眾截成兩斷此各營截剿竄回獲勝之情形也又奏記名提督金運昌所部馳抵金積堡與劉松山會師剿賊所有上年十一月節次獲勝情形已准劉松山來牘陳奏惟未據金運昌稟稱故戰狀不詳嗣據金運昌稟稱該軍將定邊花馬池運道部署節節分營駐守即自率馬步各營於十月二十四日馳抵靈州築壘於城西南十餘里比因回逆正向劉松山乞撫連日按兵未動十一月初三日辰刻劉松山以陝回人眾心雜撫議無成約齊隊痛剿當率所部成列以出與金運昌會師吳忠堡午刻齊抵板橋賊見賊中馬步出金積堡附近堡寨列隊抗拒劉松山分三大支攻其東北金運昌向金積堡之西擊

東華續錄 同治八十三 天

賊右路總兵銜副將王化成副將邵升堂步隊列右路之左提督方廷芝參將董布亮步隊列右路之右金運昌督提督銜總兵張懷玉參將邵維常居中策應提督王鳳鳴總兵李華文馬隊出步隊左右兩路之旁稍取遠勢以作包鈔賊見官軍新樹一幟隊伍不及劉松山之多悉銳以欺其單官軍以洋槍洋礮三路排轟刀矛手連環湧進斃悍賊數十名賊陣慌亂王鳳鳴李華文等縱馬鈔殺步兵繼之追近金積堡壕邊蕩平賊巢十餘處薄暮收隊即於金積堡正北地西四里與劉松山聯絡為營初四日已刻金積堡東西兩面塵氛大起偵賊傾巢而出欲與官軍決死戰也劉松山攻其左金運昌仍攻其右先以馬隊誘戰佯為不勝伺步賊離巢漸遠金運昌揮隊奮擊李華文王化成馬步從右路之左殺出王鳳鳴方廷芝馬步從右路之右殺出賊大潰遁入西南各巢落

東華續錄 同治八三

後之賊斬馘殆盡少得免者各收隊還兩日之戰金運昌一軍斃賊近千生擒百數十名弁勇受傷一百九十二名參將張兆孟左膀受矛傷陣亡四十四名連日大風揚沙賊伏未動初七日劉松山會商仍分兩路出隊金運昌一軍斃賊二百餘名生擒三十餘名勇丁陣亡九名受傷四十二名初八日黎明劉松山移軍金積堡正北里許築壘金運昌列隊助之賊出馬步來撲官軍嚴陣抵禦午後營壘成軍士分途壓剿斃賊約二百名生擒十餘名勇丁陣亡八名受傷三十名初九日劉松山會合金運昌隊伍進金積堡之西回逆亦分股索戰馬賊迤西而北圖繞官軍之後金運昌派王鳳鳴領馬軍禦之輔以步隊洋槍手自督大支馬步合劉松山右路之兵將東路悍賊奮力擊敗轉旆而西策應王鳳鳴一路其時西北馬賊猶將下馬步戰軍士以全勝之勢膽氣益雄超距

東華續錄 同治八十三 天

而前當者辟易搏擊逾時賊紛紛上馬飛騎狂遁官軍斬其殿後悍賊多名壓追金積堡西面寨外而還是役斃賊三四百名受槍斃傷者約六七百名生擒七十餘名勇丁陣亡三十二名受傷百四十名總兵郭占榮躍馬當先面被矛刺手中斃傷副將李占標驍勇突陣左肱受矛傷穿透左股中飛礮子是日以後至十六日金運昌一軍捷狀已於劉松山摺內兩次略陳大概其稟報尙未到營想係郵遞遺失已飭補齋前來再行詳報嗣金運昌以賊勢蹙而仍悍疊次交鋒騎賊慣用步戰與官軍短兵相接所部步隊五營扼駐正北而金積堡西門一路該逆尙能出入樵採因將甯條梁安邊定邊各營移赴前敵以厚兵力分屯金積堡西北而壘二十七日黎明金運昌馬步出正南與劉松山西路隊伍互為犄角王鳳鳴馬軍池南而東以分東路賊勢金運昌揮隊向南猛

二六一

進賊千餘悍黨迎敵張黨王王化成方廷芝三面鈔擊之該逆敗遁西路王鳳鳴隊伍自東緊躡其後劉松山隊伍自西攔截於前敗賊冒死趨波浪渠見官軍因風勢漸緊按隊未追復憑渠抗拒相持許久風漸定邵升堂挑壯士數十名挺長矛從左路越渠猛刺賊驚潰右路之賊亦經劉松山擊敗各路躡近賊巢始行收隊二十九日金運昌步隊列營壘左右挑戰賊堅壁未出已刻金運昌聞南路礮轟雷震知劉松山已出隊擊賊督馬勇疾馳東路夾道衝出賊駭而奔官軍分道追之斬賊甚夥初一日劉松山會金運昌仍分東西兩路擊賊金運昌見賊之精悍麤聚於西東面賊勢稍弱分小支隊伍牽綴之挑馬步大隊併力與劉松山全部排山而進將西面賊壘燬臺一律踏毀殺至金積堡外壕而還二十七二十九至初一日三次之戰金運昌一軍斃賊八九百名生擒

東華續錄

同治八十三

手

百餘名此金運昌會合劉松山連日勦回獲勝之情形也 上諭軍機大臣等左宗棠奏賊蹤紛竄見籌辦情形並自請嚴議暨請飭定安等撥濟劉松山等軍食各摺片所陳金積堡回逆經官軍痛剿後竄走黑城半角城等處提督丁賢發於石峽口敗之其由環慶竄出各股亦經副將蕭玉元等軍先後擊敗惟前據劉典馳奏逆回竄擾陝境及昨日李鶴年李宗義所報邊馬已至大荔先白潘驛等處各情是賊蹤之紛竄陝疆者股數不一且自西迄東到處蔓延左宗棠督師西向未能將後路嚴密布置致全陝肅清之地復遭蹂躪實屬咎無可辭左宗棠著交部嚴加議處劉典雖因雷防兵少堵禦不及而於所轄地方並不先事圖維致令賊蹤竄入亦著交部議處見在咸陽涇陽一帶徧地皆賊陝垣得以拒賊者僅恃一綫渭河兼之密邇晉豫防剿甚為緊急左宗棠所

派李輝武一軍兵力尙單著即添撥勁旅星馳入陝會同劉典所派各軍合力勦擊淨掃賊氛儻該大臣等觀望遷延任令賊匪縱橫掣動全局則該大臣等自取咎戾朝廷亦不能曲加寬貸也劉松山金運昌兩軍圍攻金積堡踞匪見正得手所有該兩軍軍食自應迅籌撥濟以資飽騰定安金順素願大局無論如何為難務須代辦糧米駝隻設法接濟俾免匱乏之虞是為至要將此由六百里各諭令知之○左宗棠奏金積堡逆回經諸軍疊次痛剿勢極衰蹙逆回計無所出惟恃句引援賊阻截官軍糧運冀解重圍以為救生之計上臘崔三禹得彥馬生彥白彥虎諸逆由狄道北援金積堡疊經官軍痛剿死傷極多狼狽歸巢馬化澹猶不知也怪崔逆等久不赴援又遣其同教靖遠馬龔子虎偏領子等央其妻弟臨洮大師謝四及崔山等急赴金積之援上臘二十八日西

東華續錄

同治八十三

手

山各良回報河州大股逆回步騎數千突至而安州一帶臣飛飭半角城黑城子李旺堡固原州瓦亭各營嚴防一面調陝安道黃鼎率所部馬步各營勦之正月初四日黃鼎率各營自瓦亭進駐固原州初八日賊騎竄由黑城半角城中閒山徑出大路撲犯提督丁賢發營壘丁賢發飛飭右營副將楊正華由高崖山邊截勦自率親兵從大路迎頭截擊賊欺官軍隊伍甚單三路擁出峽口悉力來撲丁賢發率親兵力戰穿入賊陣縱橫盪決賊不能支斂眾退入石峽口丁賢發令楊正華等從左右縱擊之賊陣遂亂一紅衣逆酋挺矛縱馬而來喊諸賊轉鬪丁賢發策馬馳及立將逆酋刺傷而奪其馬賊眾擁逆酋向石峽口而去石峽口山徑仄狹騎賊祇能魚貫不能雁行丁賢發飭排開槍礮轟之賊死傷相繼棄馬上山弁勇爭先奮擊鏖戰至酉刻始收隊而還是役以寡擊

眾以步敵騎斃賊數百名生擒悍賊四十餘名官軍陣亡者六十九名受傷者九十五名蓋亦血戰矣據生擒賊供該逆圖繞東山向豫望城韋州以竄金積堡北黃鼎護運各營趕到則賊已遠遁乃飛報金積堡各軍嚴密戒備以待其由金積堡竄出環慶一路擾截糧運者約有兩大支頭起為甘回馬升明陝回海萬新等二起為陝回藍明秦馬正剛等漢回雜湊計人馬約二千內外號稱四五千上臘十七日賊騎百餘攻環縣之大柴溝民堡副將蕭玉元救之十八日遇賊大柴溝南二十餘里蕭玉元揮隊迎擊追近大柴溝殺賊數十奪獲馬十餘匹生擒回逆劉有明馬明連訊供係上臘初五日由金積堡竄出之賊小頭目為陝回劉得元二十一日復探各股屬至環縣之二十里鋪是夜四鼓蕭玉元率親兵及前左兩哨列於河下知縣羅壽昌率右後兩哨由山上壓剿而

東華續錄

同治八十三

三

下蕭玉元望見山上之隊齊抵山揮隊急進殺賊十餘名賊即卻退羅壽昌率山上之隊馳擊而下彼此會合猛進斃賊五百餘名生擒三十五名訊據生擒賊供甘回頭目馬升明陝回頭目劉得元海萬新均經陣斬二十六日戌刻訶縣境馬房川又有賊蹤羅壽昌等馳至賊即上山逃遁躡蹤追殺二十餘名餘賊乞降羅壽昌驗其器械衣服或有或無挾之以歸訊知即前次擊敗餘賊也內有逆回二十一名斬之而馬升明海萬新等一支已紛紛散竄不復成股其餘黨之無歸者仍結夥分途四竄十二月二十九日署慶陽府知府謝大舒調郡北東川地方有賊竄至商之署慶陽營遊擊李奪魁挑選防勇丁及親兵團勇共一百三十名伏於賈家橋適報騎賊已抵旋馬灣相距僅十五里李奪魁急進掩之初一日辰刻馳抵月樂地方守備張金明參將宋南山千總程炳

順先以三騎誘賊賊千餘競起逐之忽李奪魁督隊齊至立刃十餘賊各窩洞賊黨擁而至李奪魁背山據險整隊奮擊賊多死傷一黃襖賊目中槍而斃賊勢大潰李奪魁追擊十餘里至澇池掌柔遠川賊遠遁黃頂山始收隊而還計斃賊百餘名是時合道川一帶警報頻傳初二日蕭玉元出隊本鉢城遇賊騎數百突至其地寬平如掌無險可扼乃結方陣禦之相持三時不決賊騎亦不敢近偏薄暮收隊而回是夜蕭玉元羅壽昌分三路設伏於張家灣合道城河及川西各處三更賊果大至五品軍功鄧紹禹於賊騎過半時橫截而出槍礮分別排擊昏黑之中賊不辨官軍多少後股騎賊向東北奔竄前股千餘為合道城河及川西伏兵截住各弁勇奮力衝殺將賊截為兩斷黎明賊分向合道城河下竄官軍奮威衝殺斃賊人馬二百有餘生擒三十八名敗賊向安家掌

東華續錄

同治八十三

三

一路飛遁初三日追剿上竄之賊至環縣探賊由肅遠溝竄去其下竄之賊亦由毛家溝竄去初五日李奪魁商同總兵戴佑勝等趨東川邀擊之行抵白家甸訶知賊竄過池東十里任窩洞十餘處初六日寅刻分三路進攻賊甫驚覺懼思遁官軍急擊之斬賊數十名其前數黨之賊百餘名策馬翻山而竄官軍躡蹤窮追二十里沿途均有擒斬計共斃賊百餘名生擒十三名署平慶涇道魏光燾所留鎮原校勦竄匪之總兵夏奉朝及提督甘大有連日於鎮原之張高鎮計家大岔鎮原固原交界之海巴子川一帶按剿竄逆計共斃賊約近百名生擒十四名初六日魏光燾馳回慶陽接據各路稟報合道川截斷一支北竄之賊又將下竄而白家甸擊敗之賊已由合水邠州交界之高水鋪竄向固城當即飛緘提督劉端冕所部前後兩營分途兜剿飭參將魏紀登率隊由

西華池南義井向甯州正甯一帶截之初九日卯刻夏奉朝赴慶陽一面派馬勇赴黑水河一帶偵探中途遇逆回十餘名當即追殺生擒五名訊知陝回馬正剛帶陳瞎子馬祥順沙學德等賊黨二千餘由金積堡竄至惠安堡掠取食鹽遺千餘賊裹送金積堡自帶千餘人由惠安堡韋州堡下馬關豫望城並三岔河而來騎賊因馬倒落後者多初八日三更由三岔河竄西峯鎮蕭金鎮幫帶馬隊參將譚吉士訊知前情未刻率隊追至蕭金鎮當即飛隊攻擊立斃悍賊十餘名賊四路衝至將馬隊圍住譚吉士督隊衝殺突圍而出仍回關十餘合賊始敗退計陣亡馬勇三名受傷八名初十日夏奉朝回營十一日率隊追至蕭金鎮賊已於是日竄甯州十二日拔隊甯州則賊已由正甯竄入陝境三水矣其竄陝以後情形已由署撫臣馳報竊維由金積堡竄陝之賊定邊甯條東華續錄 同治八十三 三

梁竄入者據各路馳報數約三千由環慶竄入者兩支約二千餘環縣慶陽各營初八日以前所剿敗者其前股也人飢馬乏遇官軍則敗見已掃滅殆盡陝回馬正剛一股稍悍前竄入陝境者實不滿千頃據魏光燾稟十一夜温橋夜襲賊館斃賊二十名生擒十二名無一脫者十七日太平鎮擊逆目監明泰一起斬殺四十餘名生擒四名餘賊向三岔河遁去當即馬正剛之黨未能合隊者臣聞馬正剛一股將關入陝境十四日即調漢中鎮總兵李輝武駐寶雞兩營赴乾州限於十九日到乾派總兵殷華廷率精騎百名輔之將以扼口子頭之要也嗣賊已由口子頭竄出復飭李輝武續調兩營繼進而飭周開錫以吳士邁宗岳兩營填紮其壘李輝武殷華廷馬步皆能戰檄歸署撫臣就近調遣自可得力惟延綏一帶兵力甚單前奏請飭山西撫臣於冰橋消化後催令郭

寶昌渡河而西肅清劉松山金運昌兩軍餉道如蒙俞允庶於大局有裨至臣統籌全局未能先事豫防致逆回得以乘隙入陝擾及完善咎無可辭應請旨將臣交部嚴加議處以明軍律 上諭左宗棠奏彙報北路官軍剿賊疊勝暨金運昌雷正綰等軍獲勝情形各摺片陝西逆目陳林等折竄金積堡負岫抗拒經劉松山會合金運昌等軍於上年十一月十二月間疊次獲勝攻破寨壘賊鋒大挫著左宗棠嚴飭劉松山會同各軍將該逆悉數殄除毋任漏網金運昌雷正綰等軍均係會攻金積堡之師見在逆回乘虛肆竄陝境著左宗棠嚴飭該員等將金積堡賊匪迅速掃除以便分兵追剿毋為該逆牽掣將此由六百里諭令知之○左宗棠奏平原之固原涇州之鎮原慶陽之環州壤地相連周千餘里其近固原東境者俗呼東山收復以後招輯災黎安撫良回散販墾荒粗有頭緒而地形遼遠山勢叢雜兵燹之後人物彫殘回土各匪乘閒出沒聚散靡常伺便劫殺自陝西提督雷正綰提督周蘭亭總兵張福濟徐文秀各軍前進金積堡西南秦渠一帶臣比飭提督周紹濂率所部五營分布固原以北之黑城子李旺堡半角城副將桂錫楨扼四百戶提督丁賢發自鎮原出固原道員魏光燾提督劉端冕由慶陽合水步步前進遙為犄角清後路游匪護中路轉輸為控制北路之計上年十月二十二日回民王萬益報賊騎擾及半角城三十里之西陶家維時桂錫楨在半角城聞信急督馬隊掩之斬殺六七十騎餘逆倉皇敗遁訊據賊供逆目明先行即明七十子噉逆回馬子英馬新明馬升老等千餘騎自固原東北之下馬關竄來圖截官軍糧道訊畢斬於軍前收隊回防詎該逆嘯聚殘黨折竄西陶家復圖抗拒周紹濂派總兵張大雄

自李旺堡擊其東桂錫槓馬隊自半角城擊其西二十三日四鼓各營乘月色微茫銜枚急進齊抵西陶家逆騎方排山口而陣營見官軍馬步兩路衝殺直前賊即越澗翻山紛紛鼠竄官軍乘勢鈔擊斃賊二千餘名帶刀矛槍斃傷者無算收隊回馬家壩子山谷中橫出悍賊百餘騎張大雄嚴陣猛撲斬馘十餘名該逆仍奪路東竄二十三日魏光燾率隊抵環縣二十四日黎明詢逆騎夜襲環縣地北六十里之紅德城比督隊馳救賊已向西川一路遁去魏光燾揮軍緊躡二十里及尾賊百餘正牽牛驢緣峻坂而上下臨環水提督左日升總兵夏奉朝率馬步隊斜出山右搶過賊前魏光燾督各營從後蹙之該逆自相蹂躪官軍乘而殲之其跳崖斃水得脫者十數賊而已收隊回紅德城休息以奪獲賊中糧畜散給堡民二十六日進紅德城六十里之山城地方沿途乏水

東華續錄

同治八十三

美

士卒負冰以行二十七日直抵葫城已去慶陽四百一十里去環縣二百餘里矣魏光燾正揮隊圍攻該寨指索擾害紅德城之賊回目羅復章馬柏森等出寨羅拜訴日前竄擾紅德城賊目係明七十子架名葫城實則葫城良回未豫逆謀且願備馬械聽候調遣維時豫望城已撫回目馬添發黑城子把總馬文昭亦來具保葫城良回永無反覆魏光燾察其情詞真切慰諭之率師由紅德城回慶陽忽接署鎮原縣知縣廖溥明報明七十子一股又竄至固原東北喉元城子三角城土回海生春馬正榮海滿相等出白家壩關堡臺攻掠鎮原縣東北姜家坳堡固原古城川鎮原南山洞土匪亦乘間竊發臣比飭參將劉錦臣參將馮南斌橫出鎮固之交節撥雜檄魏光燾自環縣而西丁賢發自固原而東兩路鈔截該逆伺官軍分道掩至循環固鎮交界之三岔地方宵遁元

城子盧家灣可北趨豫望韋州以達金積堡魏光燾先期約劉端冕分派隊伍合力擣巢十五日官軍先後出抵三岔道出三角城派候選州判朱寶常都司龔福祥彭桂馥千總李松泉誘擒土匪頭目吳成章斬之十七日行八十里止馬家河距賊巢六十里魏光燾傳令各營潛師夜起出其不意提督甘大有參將譚楚光由左路進攻盧家灣左日升步隊繼之魏光燾親率參將于維槐夏奉朝馬步由右路進攻元城子知縣范廷樑副之十八日五鼓抵白家灣近元城子土寨鱗次逆眾翕聚其間不虞官軍之驟至也比各營搥鼓發號齊進該逆倉皇出窰向元城子狂竄魏光燾催隊緊躡甫近元城子土城城上角螺齊鳴賊眾馬步千餘開城迎敵白家灣敗逆亦回顧吶喊而來魏光燾分支以應援賊自督步隊緊結方陣橫擣中堅馬隊張兩翼而進夏奉朝于維槐策馬衝

東華續錄

同治八十三

七

突立斬悍賊十餘名賊眾大敗有飛馬東奔者有折回土城者官軍躡蹤猛擊立將元城子及附近之博城子楊坳等堡掃蕩一空追至白家塬適甘大有譚楚光亦將盧家灣沈家莊各處賊巢掃蕩來會賊分道狂奔一西竄白家壩一北竄豫望城官軍仍收隊回元城子計是役共斃賊五百餘名生擒回目海生春之兄海生獻及餘黨六十餘名分別斬釋救出男婦老弱難民三百餘名官軍勇丁陣亡十餘名方魏光燾之會師擣巢也丁賢發已率所部出固原之古城川大石溝投勦土匪十九日越大石溝近關堡臺偵賊數百自白家壩竄來官軍豫伏山側伺賊近前揮隊奮擊陣斬十餘名墜崖落澗者二三十名餘逆越山狂遁不復成列生擒馬福有馬正海閔起費海恭起海金江收隊回關堡臺忽謀報明七十子敗黨復由豫望竄距元城子迤西五十里之道蓮寺馬得

中零騎逃逸望南界下河川距驛馬關不遠二十一日魏光燾挑壯士乘月夜襲道蓮之賊四鼓抵賊巢甘大有夏奉朝警見窻內火光閃爍知賊踞其中下馬挺矛首先殺入勇士繼之擒斬極多零星逸出者不過二十餘騎擒逆目苟幹臺供明先行帶千餘騎於二十日早過道蓮寺不知去向訊畢斬之二十三日魏光燾分營扼驛馬關會同雷防各營偵緝殘匪自率馬步進白家壩良回楊如雨迎候道側稱海生春數創之後備伏兵威見距此不遠求准其收撫貸其一死魏光燾即以楊如雨為嚮導派副將舒萬勝都司范潮海單騎前往提海生春及其眷屬到營訊係被明七十七子偏脅入夥實非甘心從逆魏光燾勒限悉繳馬械捆獻要犯贖罪隨據海生春率同馬得中刻文興海滿和海維海江等款營待罪呈繳戰馬八十四軍械六十件楊如雨亦具連坐甘結保其永不滋事魏光燾比將海生春等交楊如雨管押以其餘眾八百餘口安置白家壩附近地方請示前來 臣查固原東山土回種落繁衍門戶各別回眾中自相推擇有總事有頭目北五營總事即楊如雨丁有旺副之東四營總事海生春頭目則海滿和海起舞馬三科海義泗也南五營總事馬得中刻文興二人明先行即明七十子馬正榮馬興貴穆仲元皆頭目也楊如雨本屬良回海生春馬得中等向與穆仲元同居固原州城上年八月內被陝回襄魯出城逃竄元城子三角城一帶此次明先行劫眾跳梁海生春等尙知及早歸順情有可原當發去良民門牌交魏光燾轉給該降回子其自新以昭朝廷寬大之德同時固原州城守營千總陸希正緝獲逆目馬歲兒子海苟苟子各犯由丁賢發派游擊黃義勝押解 臣營訊係糾黨在平涼安國鎮劫殺者斬之在逃之著名首

惡明先行即明七十子刻仲祿海彥虎海興和海揚昌海上玉馬如意明集成馬占全馬正榮等仍勒限海生春捆獻丁賢發陣擒在押之馬福有等五犯已飭分別斬釋此官軍辦理固原東山土回剿撫兼施之大概也鎮固土匪自安家山寨惠常魁孫家窩孫百萬等伏誅之後續據代理鎮原知縣廖溥明鎮原千總劉定洲擊解鎮原匪目惠文魁固原匪目黃登舉到營訊係屢攻民堡要犯斬之嗣十一月十四日劉錦臣馮南斌道出鎮原向南山洞搜捕而進協同廖溥明劉定洲都司劉虎臣購綫擒何秀義何秀儒何世落到案代理平涼知縣雷陝府經歷縣丞王啟春亦先後弋獲扈尙勤蘇老五雷益發各犯皆籍隸固原其平涼之杜大福張文緒二犯亦經王啟春緝獲 臣按名提訊均積年劫眾攻堡肆行殺掠巨惡扈尙勤曾攻破華亭縣城杜大福張文緒入平涼城戕東華續錄 同治八十三 兇 善城守營外委孟姓邊姓擄佔其妻均經分別斬梟傳首犯事地方以伸國法而快人心報聞○予甘肅陣亡提督張四維等祭葬世職○是月蠲免兩浙仁和等六場荒蕪地錢糧蠲緩兩浙錢清等五場被災新舊竈課錢糧陝西華州等五十七州縣被擾舊欠額賦江西義甯等三十五廳縣暨九江府同知所屬被水被旱新舊額賦雜課緩徵山東濟甯等三十八州縣德州等四衛暨東平所承阜場被水被旱被風被雹被蟲本年上忙額賦雜課展緩直隸開州等五十八州縣被水被旱被雹被風新舊額賦租課

王先謙敬編

張式恭恭校

二月丁酉朔丁寶楨奏訓練營伍章程並酌加月餉允之○戊戌諭內閣卞寶第奏請開缺回籍終養一摺覽奏情詞懇摯本宜俯如所請惟念卞寶第自簡任福建巡撫以來辦理一切俱臻妥協未便遽易生手卞寶第著毋庸開缺賞假三箇月回籍迎接伊母赴署該撫於視事之餘晨昏侍奉既無負朝廷委任之意兼可慰該撫孝養之恩毋再固請卞寶第起程後福建巡撫著英桂兼署○庚子諭軍機大臣等蘇鳳文奏勦辦遷江游匪各情形等語廣西遷江縣所屬巴梧村地方為匪徒蘇大振等盤踞經知縣田斯杰等督率兵練馳往勦捕殲斃該匪首及夥黨多名忽有游匪由東華續錄

同治八十四

貴縣交界闖入崇山村旋經副將潘其泰等擊敗而貴縣復有土匪嘯聚宜化縣屬同古屯零等村與廣東靈山交界處所亦有匪徒勾結粵西伏莽未清亟宜隨時撲滅著蘇鳳文嚴飭各該地方文武督帶兵團認真接勦務期殄除淨盡毋留餘孽並著瑞麟李福泰一體飭屬不分畛域嚴密合勦毋任各匪句煽以遏亂萌將此由五百里各諭令知之○辛丑左宗棠奏正月二十五日接劉松山十四日來牘據稱初十夜四鼓吳忠各營飛報有馬步賊千數百名由東南胡家堡竄至秦渠南距石家莊一帶空堡及馬五馬八條馬七寨劉松山以石家莊距吳忠堡東南四五里該各寨扼秦渠之要與下橋永甯洞水口緊接地勢在所必爭立督步隊四營及親軍馬隊馳返吳忠堡天明抵石家莊見賊已於西南廢堡修成三壘劉松山飭提督譚拔萃周國勝李占椿易致中曾松

明朱德開副將趙彩照等三路齊進各指一壘奮力齊攻一鼓克之其東西兩壘賊逸出者投入馬五寨劉松山即令易致中朱德開李占椿分駐三新壘計斃陝回甘回一千數百名頭目馬幅喜亦經焚斃生擒七十二名正法軍前弁丁陣亡者三十七名受傷者一百零七名收隊後劉松山周覽正南馬五寨正東馬八條馬七兩寨牆厚壕深殊不易攻留之則終為後患遂令各營偏築築壘以便圍攻二十三日壘成十四日飭各營齊隊往攻未下午後忽有援賊馬步約二千餘自東南馳至排列營前二三里以時日考之當即臨洮謝四及靖遠馬龔子也劉松山慮其入寨助守以抗官軍適是夜金運昌已將馬殿魁各寨攻克斬甚多十五日商令金運昌先勦援賊黎明各路齊出步賊陣於各破莊之前騎賊左右排列布隊甚整劉松山令先勦騎賊李占椿趙彩照

同治八十四

分左右鈔擊火器迸發刀矛繼進騎賊先奔步賊仍屹立不動劉松山揮各軍奮衝殺賊殊死鬪屢卻屢前騎賊仍縱馬回撲官軍銳氣百倍縱橫盪決斃悍賊甚多賊始向東南胡家堡一帶竄遁沿途冰凌凝滑馳走不前官軍追殺五里乃收隊計共斃馬步悍賊近千名劉松山傳令乘勢攻馬五寨寨大而堅悍賊踞寨東一卡誓以死抗劉松山飭譚拔萃周國勝李占椿曾松朋攜攻具攻寨飭易致中朱德開趙彩照帶所部截馬七寨馬八條寨來援之賊商令金運昌率兩營列隊該寨東北防馬五寨逸出之賊布置已定譚拔萃等揮所部由寨邊繞出徑薄外卡一鼓齊登克之外卡悍賊百數十名無一脫者劉松山急督各弁丁舉薪焚寨門策馬由寨下督攻益急忽為寨中飛子洞中左乳墜馬弁丁負入破屋中譚拔萃等聞統領受傷齊來省視劉松山叱令速督所部

猛攻毋庸顧我亂行列譚拔萃周國勝曾松明李占椿見統領受
傷含淚而出手執火包四面梯登督各弁丁猱附繼上縱火延燒
見賊即砍寨賊焚死溺死墜牆墮井死者無數生擒賊目馬五收
隊繳令劉松山諭以受傷已重不得復活爾等殺賊報國我死不
恨言畢氣絕是時攻馬七寨馬八條寨之隊仍未撤也據劉錦棠
等會稟前來 臣接閱之餘悲悼不已竊維劉松山由湘鄉勇丁從
征積功洵推廣東陸路提督轉戰各省勦辦長髮捻回各巨寇無
役不從無戰不克自入靈州以來蕩平堡寨五十賊巢九十餘皆
策馬前行躬冒鋒鏑回逆之曾犯顏行者無不聞名膽落上年七
月初師由花馬池前進時馬化澂潛調西甯馬三三喉撒回助逆
馬三三以千五百騎應未及一月經劉松山勦敗喪其大半遁歸
自此西甯逆回不敢復至西甯鎮總兵黃武賢前來營時為 臣具

東華續錄

同治八十四

三

道其詳彼時劉松山不辨其為西甯回番與各堡甘回未形諸公
贖也河州逆回馬占鼉前在甯夏大言以股眾助陝回及劉松山
屢捷目覩軍威不敢復逞故此大馬化澂求援於臨洮謝四及靖
遠馬聾子而河回未與之俱其威震西陲如此 臣方冀靈州蕪役
奏請駐師甯夏以取猛虎在山之勢為西陲規久遠不料事未了
而忽有此變也其治軍嚴不尙苛察其臨財廉不肯苟取其布陣
方圓平銳屢用得古人靜如山動如水之義其居心仁厚而條理
秩如語及時局艱危輒義形於色不復知有身家性命從征伐者
十有八載僅因募勇歸籍一次家居十餘日耳年已三十有七聘
婦未娶者二十餘年 臣由直隸西旋時知其婦家送女至南陽已
兩年餘矣屬其行抵洛陽於募勇未到之暇剋期完婚適甘肅土
匪二十萬蔓及延榆綏一帶 臣飭其派隊由山西渡河入秦劉松

山奉檄即行屆婚期甫半月耳觀人於微雖古良將何以過之合
無仰懇 天恩飭部將劉松山照提督陣亡例從優議給卹典加
恩予諡飭祀京師昭忠祠並准陝甘各省建立專祠而以所部陣
亡各員弁附祀其劉松山各處戰績並乞宣付史館立傳表彰以
慰忠魂其遺櫬一俟道路疏通 臣當派員護送歸籍又奏劉松山
馬步全軍員弁勇丁均湖南人而籍隸湘鄉者尤多於此時而謀
接統之將非能調護諸將而才堪一面之奇者不可查有見在總
理該軍營務布政使銜即選道法福凌阿巴圖魯劉錦棠本劉松
山之姪隨同劉松山轉戰各省於用兵機宜夙有領會膽略甚優
在該軍總理營務已久軍情翕服堪以接充總統惟老湘一軍營
哨各官多已保至提鎮總統之員非位望稍崇不可劉錦棠自晉
入陝由陝赴甘戰功卓著本應保獎之員可否仰懇 天恩先賞

東華續錄

同治八十四

四

劉錦棠京銜以資鎮壓伏候 聖裁又記名提督頭品頂戴瑚松
額巴圖魯黃萬友與劉松山同為予諡壯武前布政使銜即選道
王鑫舊部見在該軍辦理營務穩練勇往素得軍心堪以派充幫
辦 臣謹檄飭遵照以定軍心又奏金積堡地勢平行賊所恃以穩
抗官軍者秦漢二渠耳兩渠導源大河皆由西而東匯而北仍入
大河渠尾之要在下橋永甯洞地屬靈州劉松山上年八月郭家
橋大捷後急爭此地故不為賊所困昨兩次援賊之來未入金積
而先向東南似其詭謀仍注意於此劉松山所以急起勦之也渠
首之要在龍王廟峽口地屬中衛峽口高於渠身距雷正綰駐營
之處四十里雷正綰未及豫防十三日忽有逆回突至修築三壘
比雷正綰周蘭亭督隊馳往應戰竟日而三壘未拔弁勇傷亡乃
至二百餘名之多 臣得報後急飭陝安道黃鼎率所部及提督周

紹濂兩營丁賢發兩營八成隊伍於護運軍糧之便星馳往剿查馬化澂所居之堡牆高且厚外環深濠兩道勢難力攻臣曾與劉松山商及非引渠灌堡不可引渠非俟春暖冰融不可如黃鼎此行能奪回峽口之要兼採中衛之糧則猶在驚蟄以前各軍不爲賊困且可制賊也惟劉松山所部糧食短絀雷正綰周蘭亭張福齊徐文秀各軍之糧均盼臣處轉輸已有朝不謀夕之勢金運昌一軍則更無可望此大局之最可憂者合無仰懇 天恩飭定安速籌速解金順將所部封存之糧暫爲借濟俾湘卓兩軍不致因飢潰散則事有可爲大局之幸至郭寶昌上年赴晉實帶所部步隊兩營馬隊一百同去據稟已呈請山西撫臣乞假養病而昨接金運昌來稟則有請飭郭寶昌勿藉口養病致誤大局等語查郭寶昌赴晉之前曾稟稱力顧金運昌運道而後此未聞解運一次

東華續錄

同治八十四

五

著照提督陣亡例從優議卹加恩予諡入祀京師昭忠祠並於陝甘等省立功地方建祠所部陣亡各員查明一併附祀該提督各省戰績並著宣付史館立傳其遺櫬回籍時著沿途地方官妥爲照料以示朝廷軫念忠勤至意尋予祭葬世職諡忠壯○諭左宗棠奏提督劉松山陣亡後該軍統率需員查有布政使銜候選道劉錦棠膽略尙優軍情翕服堪以接統請賞加京銜等語劉錦棠著賞加三品卿銜接統劉松山舊部用資鎮率○諭軍機大臣等左宗棠奏請飭定安等速解湘卓兩軍軍食等語劉松山金運昌兩軍軍食缺乏左宗棠因雷正綰等軍須爲接濟無暇兼顧著定安金順懷遵前旨代辦糧食駝隻迅籌接濟左宗棠所稱金順所部封存之糧約有若干如於此項糧石內撥解更爲迅捷見在該軍正在喫緊之際斷不可稍分畛域致有貽誤金順於撥解後即可咨商定安籌款購糧陸續運往以備存儲郭寶昌一軍見在晉省防河正當喫重未便前往其吳堡所存糧百數千萬斤著劉典查明派委委員分起解赴花馬池以資接濟毋許遲誤劉松山陣亡後該處軍情若何金積堡何日可以攻克劉錦棠已賞加三品卿銜接統其軍該大臣務當隨時激勵毋令勁旅頹廢提督黃萬友准其派爲幫辦以資得力回逆東竄邊馬已及大荔等處陝省雷營甚少左宗棠務當撥兵迅速援應不得置之不顧陝西日來情形若何能否攔截匪蹤毋使紛竄著劉典隨時據實奏聞並飭各營將弁加緊截剿力掃兇鋒晉省西南河防緊要並著李宗羲檄飭李慶翱勤加偵探毋稍疏虞沿河各邑人心是否枚定務當嚴密布置毋涉張皇將此由六百里諭令知之○諭英桂卞寶第奏查明臺灣洋案請將主謀構釁之蕭瑞芳等懲辦一摺據稱英

東華續錄

同治八十四

六

國領事吉必勳洋弁啞噹前在臺灣安平地方違約滋事各案經該署道黎兆棠查係廩生許建勳副將蕭瑞芳為之主謀以致洋人藉端生釁見在許建勳冒開洋行私販樟腦日引洋人深入內山蕭瑞芳私造戰船希圖出海請即拘案懲辦等語臺灣為商賈輻輳之地人情浮動今許建勳懷挾私嫌膽敢重賂洋人從中構煽蕭瑞芳身任武職大員竟至偷見啞噹煽其開礮占署釀成巨案實屬目無法紀若不從嚴懲辦何以禁遏內奸蕭瑞芳許建勳均著先行斥革英桂等即密飭黎兆棠迅將該二犯一併嚴拏正法以絕後患惟該犯等與洋人聲息相通而必麒麟因扣留樟腦一案屢唆駐京英使向總理各國事務衙門曉瀆此事辦理之後該洋人能否不至另生枝節滋擾地方該督等惟當責成黎兆棠妥為辦理將此由五百里各密諭知之○諭總理各國事務衙門

東華續錄 同治八十四 七

奏俄國擬差員商議邊界事務請飭妥辦一摺據稱該國東悉畢爾總督欲於本年春間差員前往齊齊哈爾吉林等處與該將軍面議邊界事宜請飭該將軍等相機妥辦等語吉林黑龍江等處本無議定通商口岸該國意圖貿易屢次堅求同治五年間已有輪船駛入松花江上游之事且有在黑龍江夾心灘種地刈草各情此次復欲派員往議邊界事務如其循理按約自不妨酌量允行若係違理背約之求定當力為維持嚴行禁阻著富明阿德英體察情形俟該國委員到時務須婉言開導不得稍有遷就至相待之禮不妨示以優容一切相機而行妥善辦理原摺均著鈔給閱看將此由五百里各諭令知之○以沈桂芬署吏部尚書

由左都御史察杭阿兼署工部左侍郎

股匪圖渡渭河經副將陳瑞齡等擊勦該逆折竄洛西蒲城地界又經總兵張佑庭夏奉朝等沿途追勦斬馘甚多悉向北山竄走其竄入甘泉之匪復由勞山東竄兼之回逆由甘肅靈環下竄者未必非圖擾陝境陝西延榆綏各屬土匪游勇日久蔓延屢經諭令劉典認真接勦見在回逆竄入更恐勾結為患著劉典嚴飭劉端冕劉聲集張佑庭等實力兜勦迅圖殄滅左宗棠亦當飭令夏奉朝等會合夾擊務將該匪就地殲除毋留餘孽儻令該匪再行肆竄即惟左宗棠劉典是問北山一帶見有匪蹤晉省河防更形喫重著李宗義懷遵屢次諭旨飭令李慶翱郭寶昌督飭在防各軍嚴密堵禦毋稍疏懈見在陝西腹地雖無賊蹤甘肅進攻金積堡各軍糧運梗塞著劉典迅速設法疏通以濟軍食將此由五百里各諭令知之○乙巳諭軍機大臣等劉典奏擊賊延榆綏屬境

東華續錄 同治八十四 八

慶親王寶昌督率在事將士實力嚴防毋稍疏虞馬正剛一股

走洛川復橫出鄜甘交界之道左鋪疊經官兵追擊斃賊甚多回
逆馬呼來等句結土匪游勇由宜洛交界之孟家背竄至邵陽又
經官兵擊敗分竄韓城澄城等處即著劉典迅飭傅開德等率隊
躡追一面飛咨馬德昭渡渭夾擊毋稍遷延其由清澗境內圍擾
腹地之馬正和一股並著催令李輝武等各率所部相機兜剿北
山一帶爲土匪游勇伏匿之所此時回匪縱橫難保不互相煽惑
肆行滋擾劉典務當振刷精神督飭在陝諸軍力圖撲滅不得藉
口兵單致滋延誤榆林靖邊各邑逼近邊牆竄突堪虞著定安檄
飭防軍於鄂爾多斯各旗境內嚴密堵剿毋任滋擾將此由六百
里各諭令知之○予陝西陣亡總兵官劉求益祭葬世職湖北殉
難道員王東槐建祠○丙午諭軍機大臣等定安奏回蹤分竄見
擬調派勁旅疏通糧道一摺昨據劉典奏榆林綏境內均有賊蹤當
東華續錄 同治八十四 九
經諭令劉典派兵攔擊並令迅催宋慶抽撥勁旅跟蹤會剿茲據
定安奏稱竄陝之賊分股肆擾花馬池至榆林池西迤南一帶湘
皖各軍糧道隔斷甯夏郡城以北及平羅縣等處回騎充斥石背
山邊外賊匪出沒靡常以致金順張曜兩營軍火糧餉皆形梗阻
見已飛咨宋慶選派得力將領簡率精銳四五營由總金後套沙
金托海一帶掃蕩而前疏通糧路等語所籌尙合機宜即著督飭
宋慶派出各軍迅速前進與邊內外馬步諸軍會合勦辦務將北
路竄匪悉數芟鋤庶糧運可通金順張曜二營不至掣動即湘皖
各軍亦有饋餉之路實於全局有益惟宋慶一軍駐紮神木籌辦
河防近又派隊馳赴榆林葭州等處截擊竄回此次分撥西援恐
該軍轉形單薄仍著定安斟酌緩急情形妥爲辦理毋令顧此失
彼宋慶一軍勢難分撥即著定安於防軍內酌派前往俾資得

力邊牆防守緊要定安務當凜遵昨日諭旨檄飭各軍於鄂爾多
斯旗境內嚴密堵剿毋任滋蔓將此由五百里諭令知之○戊申
諭軍機大臣等李宗義奏官軍防守河西剿賊獲勝並勦捕土匪
情形各摺片回逆竄擾陝西米脂葭州綏德等境意在阻截糧道
窺伺河干經提督蔣東才督兵馳赴米脂縣東馬家溝等處奮力
勦擊大獲勝仗餘匪竄往綏德一帶著李宗義知照宋慶仍飭蔣
東才等確探賊蹤相機進剿所有出力各員并准由李宗義擇尤
酌保河西土匪擾及呼家寨等處經郭寶昌派兵過河接剿斬獲
多名惟宜川所屬之交口等處尙有賊蹤我軍後路亟應防其包
鈔且交口等處均距晉境不遠該匪既思偷渡河防尤應嚴密著
李宗義檄飭在防將弁加意梭巡毋稍疏忽並飭郭寶昌督率將
士隨時確探認真防剿將此由五百里諭令知之○諭穆圖善奏
東華續錄 同治八十四 十
平番被匪闖入旋即克復派隊駐守及西固城等處被匪攻破後
收復撫恤情形並遵旨駐省籌防各等語平番縣被回逆環攻入
城經提督張萬美督兵進攻殺斃甚多該逆由北門逃竄其大股
賊匪尙踞河西亦經張萬美帶兵擊剿該逆向小沙溝狂竄張萬
美又追殺二十里洵屬奮勉可嘉莊浪營兵雖因缺額過多而被
賊衝下足見接戰不力且賊匪上城該文武臨時始行殲其平
日玩忽可知殊堪痛恨著穆圖善查明並陣亡殉難紳民兵勇及
杜家堡被陷情形咨明左宗棠嚴辦該將軍見飭營總正福所帶
馬隊駐紮平番會同張萬美妥爲防堵惟逆匪東西奔突官軍不
敷分派亦屬實情著左宗棠酌量分兵防剿以期周密至西固城
新城堡距省甚近見雖賊蹤遠遁而防範不可稍懈著穆圖善即
飭帶兵各員嚴密防堵並一面籌給牛力籽種以安民業穆圖善

駐守省垣兵勇尚多每月需銀十萬兩即著左宗棠轉咨袁保恆按月撥解的餉十萬兩交穆圖善支放毋稍短絀將此由五百里各諭令知之○諭恩麟德奏錄呈廓爾喀國王表文請議給總噶箕藏格巴都爾王銜一摺該總噶箕藏格巴都爾在廓爾喀國內辦理一切事務是否可靠朝廷未及周知如賞加王銜之後該處番民是否翕服日久與中國體制有無窒礙不至夜郎自大之處著恩麟德泰切實查明據實具奏不得敷衍目前致貽後患所有應給該總噶箕王銜及頒給敕書各件均俟該大臣等覆奏到日再降諭旨將此由五百里各密諭知之○諭恩麟德奏錄呈廓爾喀國王表文懇請飭議一摺本日已諭知恩麟等詳查具奏所有應給該總噶箕藏格巴都爾王銜著內閣理藩院先行擬定漢字譯出廓爾喀文字奏請欽定並將應行頒給敕書辦齊俟恩

東華續錄 同治八十四 十一

麟等覆奏到日再降諭旨廓爾喀國王表底及恩麟等給軍機處密咨一件著發給該衙門閱看將此各諭令知之○己酉回逆擾阿拉善旗飭金順嚴防○辛亥諭軍機大臣等定安奏殺軍截剿竄匪獲勝見籌分路防剿一摺回逆竄擾陝西米葭等處經提督蔣東才擊剿獲勝定安此次奏報與李宗義前奏情形大略相同即著定安咨會宋慶飭令蔣東才確探賊蹤乘勝追剿毋任紛竄宋慶見派提督劉廷率所部五營馳赴包頭剋日西進定安因河冰迫泮凌汛將來該軍西渡或尙需時先令劉景芳帶領馬勇馳赴纏金沙金托海一帶會合烏爾圖那遜探明賊蹤相機截剿並飭保英馳赴舍太一帶扼紮以爲後路援應兼杜西來竄匪著即督飭劉景芳等迅速前進先通糧路俟劉廷軍到纏金沙劉景芳即會合進剿痛掃賊氛俾運道暢行無阻榆林以西邊外草地間有

賊匪出沒並著飭令達爾濟成章聯絡聲勢合力擊剿其沿河薩托清一帶並飭馬陞等嚴密防範毋稍疏虞近日軍情著該將軍隨時奏報將此由五百里諭令知之○壬子諭內閣協辦大學士湖廣總督李鴻章著帶兵先赴陝西督辦陝省援剿事宜俟陝西肅清仍即馳赴貴州督辦軍務○諭軍機大臣等見因陝西回逆分竄關中留兵不敷分期已明降諭旨令李鴻章先赴陝西督兵剿辦矣西路回逆分竄秦境蔓延榆綏延各屬該處土匪潰勇本未芟除淨盡深恐句結爲患左宗棠西駐平涼離陝已遠而北攻金積堡南顧秦州兵力亦屬不敷況劉松山陣亡良將漸少邊外糧運之路又無兵可以保護是該大臣支絀情形深可垂念雖歷次降旨令左宗棠派兵赴陝諒亦因前敵喫緊無可抽調李鴻章本令督兵入黔其月餉早經籌定而郭松林等軍尙屬不少且

東華續錄 同治八十四 十二

援陝之師無須大支勁旅不必與諸將領面商再行定議即著就見有之兵先行統帶入陝剋日迅速前進將竄陝各回逆悉數掃除並著扼要駐紮與定安李宗義劉典所派各軍聯絡聲勢加意防範毋任逆蹤肆竄東竄其北山土匪潰勇並著派得力之師次第搜捕淨絕根株俾左宗棠得以專心辦理甘肅軍務不至有跋前疐後之虞所有甘肅回匪即責成左宗棠督勦務當廣籌方略將金積堡等處迅圖克復掃蕩而前以紓朝廷西顧之憂左宗棠定安李宗義劉典亦當隨時與李鴻章和衷商酌益臻周密金順勦辦王家疇莊近日能否得手務與張曜竭力進攻毋得遷延觀望甯靈距定邊不遠亦當與李鴻章隨時關會免致疏失李鴻章俟陝境肅清再行督兵赴黔以靖邊隅本日據袁保恆奏老湘卓勝兩軍飢疲之餘所存不過十之五六請飭歸併等語該兩軍既

多缺額他營亦所不免見在餉項短絀豈可任其冒濫著左宗棠統飭查明覈實歸併以節餉需將此由六百里各諭令知之○諭前因黔省苗逆未平命李鴻章督辦貴州軍務川黔楚各軍均歸節制見在甘肅逆回竄擾陝境左宗棠駐軍平涼勢難兼顧本日已明降諭旨令李鴻章先赴陝西督辦軍務俟陝西肅清再行赴黔督剿李鴻章未到貴州以前曾璧光責無旁貸著即督率地方文武認真防剿崇實等前奏川軍進剿功在垂成入春可圖大舉劉峴前奏席寶田亦已赴營著崇實吳棠劉峴嚴飭川楚各軍會合黔兵實力剿辦該將軍督撫等各宜振刷精神毋得專待李鴻章到黔致軍務稍涉鬆懈將此由六百里各諭令知之○以雪澤稀少詔緩徵直隸山東上忙錢糧○飭催各省迅解西征欠餉○甲寅諭軍機大臣等劉典奏回逆分途竄擾疊期獲勝並賊竄北東華續錄 同治八十四 三

東華續錄 同治八四

難保不去而復來著李宗羲檄飭防河將弁嚴密堵禦至韓邵澄各屬沿河地方漫灘處多尤應加意防維毋稍疏忽將此由五百里各諭令知之○以靈桂署兵部尚書由禮部尚書由禮部○以故喀爾喀扎薩克貝勒巴彥巴圖爾子堆固爾蘇隆襲爵○予陝西陣亡知縣李廷獻等祭葬世職建祠典史毛福昌祭葬世職附祀○予陝西被戕在籍知縣喻夢蘭祭葬世職○丙辰諭軍機大臣等前因奎昌奏瀝陳塔城分界實在窒礙情形當交總理各國事務衙門議奏茲據奏稱該大臣所陳六難兩弊雖非全屬虛詞而塔城所屬地方豈可任其淪陷請飭該大臣恪遵前旨先行派員前往查勘並著酌擬辦理等語前派奎昌將塔城分界事宜妥為會辦嗣因俄人在哈巴爾阿蘇私立鄂博復經諭令按照圖冊詳細查勘有無侵占若如該大臣此次所奏各情未免因難退縮其意何可勝言即著奎昌迅派明白曉事之員先行查明該國所立鄂博是否與同治三年明詔所定紅綫相符如其中有被侵占之處並著繪圖貼說迅速奏聞酌覈辦理不准再涉推延貽誤大局原摺著鈔給閱看將此由五百里諭令知之○諭總理各國事務衙門奏法國使臣藉兵要挾漸不可長請飭各省遇有外國案件持平速結並飭地方官於傳教事件先事防維列入考成及請飭江蘇福建迅辦英國未結各案各摺片上年法國使臣羅淑亞因四川等省教案未結自行出京攜帶兵船赴安徽江西等省不過數月各案俱結該使臣見在同京傳教各案牽涉民人即係地方官分內應辦之事乃積習相沿因循推諉日久不結致令該國使臣藉兵要挾此風何可漸長且恐奸民乘機煽弄更形掣肘而中國官吏辦事泄沓之風亦足貽誚外洋著各

二七三

該將軍督撫通商大臣等嚴飭所屬遇有中外交涉事件即認真查辦持平迅結毋得仍前延宕致外國人得以藉口況見在英國使臣威妥瑪鈔錄上海新聞紙以羅淑亞催辦各省積案有效為詞則該國未結各案豈可聽其遷延著文煜英桂卞寶第馬新貽丁日昌將臺灣販運樟腦等案剋日辦結毋貽該國使臣口實嗣後各該省遇有交涉案件並著各該將軍督撫飭屬勒限完結以弭後患至傳教一事流弊固多而地方有司如能先事圖維經權互用未嘗不可杜其干預著各該將軍督撫大臣等密飭地方官遵照前次總理衙門通行成案悉心體察豫為經理備能辦理妥協即准其與催科撫字一例考成以冀挽回積習用弭弊端原摺片單共四件均著鈔給閱看將此由五百里各諭令知之○飭馬新貽等籌撥黔餉○丁巳允文煜等奏免購運京倉米石釐稅○

東華續錄 同治八年十四

諭李宗義迅解烏科臺站經費銀兩○戊午諭軍機大臣等定安奏嵩武軍勦賊疊勝金順奏官軍攻拔王家疃附巢賊壘暨勦辦北路竄逆情形各一摺王家疃莊踞逆恃有外援屢於正月十一十七等日糾黨竄撲均經金順張曜督隊擊退其馬步援賊亦經官軍奮力截勦被創敗逃辦理甚為奮勉即著金順會同張曜督率各軍乘此聲威步步進逼攻拔堅巢至金順所奏上年十二月開攻克附巢四壘情形業據定安奏到大略相同官軍奮勇爭先深堪嘉尚第軍士陣亡至一百二十餘名受傷至六百餘名實深廛念金順等務當於勇往之中寓慎重之意庶精銳不至漸耗沙金托海以西賊蹤出沒無常各營軍火糧餉時形梗阻定安已飭保英馬隊馳赴舍太一帶駐紮並由宋慶派撥五營令劉廷督帶由哈拉寨啟隊即著定安飭令劉景芳一軍即日西進會同各軍

將北路竄匪悉數芟鋤疏通糧路並督飭馬陞等沿河各隊嚴加防範毋稍疏虞金順另片奏河南候補道汪景度歷著戰功請交部存記等語汪景度著交軍機處存記將此由五百里各諭令知之○子甘肅陞亡提督楊春祥祭葬世職建祠○已未諭丁寶楨撥解運河工需銀兩○庚申諭故廣東陸路提督劉松山於湖南本籍建祠○辛酉諭軍機大臣等金順奏回眾被喉變亂糾合陝回滋擾請飭豫軍來甯會勦並請飭山西籌撥餉銀軍火及擊期踞援各回獲勝河狄逆回北竄請飭撥黃金山所部糧餉各摺片甯郡昌貴各堡降回馬萬選等為馬化澂誘使復叛窺伺城防並圖擾絕糧路經金順督率常福等軍鈔擊該逆遁回新渠見在甯郡防兵無多陝甘各回屬集甯靈宋慶一軍素稱得力自應移緩救急以資應援著定安李宗義咨令該提督親率十數營兼程赴甯會勦其古城皇甫川一帶仍著留營駐守後套一路亦關緊要並著定安迅飭烏爾圖那遜督率馬隊會同嵩武軍防營於磴口至石背山一帶往來梭巡以杜逆蹤旁竄王疃回眾雖屢經金順張曜督軍擊退而黃河西岸各股賊匪均欲分路援救河狄賊目又率眾北來已距金積堡不遠米拉溝逆回亦至中衛之西蘆塘地方是甯靈各軍內外均受牽掣非將甘回截擊甯境不得肅清著左宗棠斟酌情形迅撥勁軍將河狄出竄之賊相機勦洗毋使挾眾北來致甯防益形棘手其平羅縣城即著金順檄令王玉山趕緊前赴實力防守王家疃莊見經官兵圍紮該署將軍當會同張曜穩慎進攻計取堅巢毋徒耗傷精銳甯軍糧餉兩缺定安即飭歸綏道無論何款先行籌糧六千石雇覓駝隻交宋慶護帶前往仍一面催令該提督整隊西行毋稍延緩金順所派副將鄧得

東華續錄 同治八年十四

將北路竄匪悉數芟鋤疏通糧路並督飭馬陞等沿河各隊嚴加防範毋稍疏虞金順另片奏河南候補道汪景度歷著戰功請交部存記等語汪景度著交軍機處存記將此由五百里各諭令知之○子甘肅陞亡提督楊春祥祭葬世職建祠○已未諭丁寶楨撥解運河工需銀兩○庚申諭故廣東陸路提督劉松山於湖南本籍建祠○辛酉諭軍機大臣等金順奏回眾被喉變亂糾合陝回滋擾請飭豫軍來甯會勦並請飭山西籌撥餉銀軍火及擊期踞援各回獲勝河狄逆回北竄請飭撥黃金山所部糧餉各摺片甯郡昌貴各堡降回馬萬選等為馬化澂誘使復叛窺伺城防並圖擾絕糧路經金順督率常福等軍鈔擊該逆遁回新渠見在甯郡防兵無多陝甘各回屬集甯靈宋慶一軍素稱得力自應移緩救急以資應援著定安李宗義咨令該提督親率十數營兼程赴甯會勦其古城皇甫川一帶仍著留營駐守後套一路亦關緊要並著定安迅飭烏爾圖那遜督率馬隊會同嵩武軍防營於磴口至石背山一帶往來梭巡以杜逆蹤旁竄王疃回眾雖屢經金順張曜督軍擊退而黃河西岸各股賊匪均欲分路援救河狄賊目又率眾北來已距金積堡不遠米拉溝逆回亦至中衛之西蘆塘地方是甯靈各軍內外均受牽掣非將甘回截擊甯境不得肅清著左宗棠斟酌情形迅撥勁軍將河狄出竄之賊相機勦洗毋使挾眾北來致甯防益形棘手其平羅縣城即著金順檄令王玉山趕緊前赴實力防守王家疃莊見經官兵圍紮該署將軍當會同張曜穩慎進攻計取堅巢毋徒耗傷精銳甯軍糧餉兩缺定安即飭歸綏道無論何款先行籌糧六千石雇覓駝隻交宋慶護帶前往仍一面催令該提督整隊西行毋稍延緩金順所派副將鄧得

勝等在晉催提糧餉即著李宗義迅籌銀十萬兩並火藥二萬斤及火繩鉛丸等件交該委員等星解回營以資應用黃金山所部見在留防中衛待餉甚殷著袁保恆查明該軍應領餉項趕緊如數撥交委員陳祥勝承領派員解甯轉給不可稍涉推延致有譁潰之患將此由六百里諭知左宗棠定安金順李宗義並傳諭袁保恆知之○予前浙江布政使沈兆澐重賞鹿鳴賞頭品頂帶○王戊諭軍機大臣等都興阿等奏游民滋擾朝鮮派員查探一摺朝鮮國碧潼城管小坡兒鎮地方突有游民前往搶劫燒毀民房六七十家聚集至七百餘人械鬪滋事該游民由渾江口過江何以該管員弁毫無覺察似此玩愒因循不但啟外邦輕視之心且恐匪徒紛紛出境肆擾致肇釁端尤屬不成事體奕艾見已就近帶員出邊著飭令嚴密偵探務將滋事根由詳細查明相機妥辦

東華續錄 同治八十四 七

不准敷衍了事協領毓昌既統馬隊赴孤山附近彈壓遇有前項游民竄遁立即查拏懲辦以安地方至古尼音布等本係辦理邊務之員此時邊外既有游民生事自應趕緊出邊及早經理著都興阿等迅即催調毋任遲延該將軍等仍當隨時認真查辦以肅邊防將此由五百里各諭令知之○癸亥諭軍機大臣等李宗義奏回逆竄陝晉省兵勇憑河堵擊一摺前因賊匪竄至延水關該處偏近河干並以韓邵澄各屬沿河地方漫灘處多諭令李宗義加意防維見在賊匪二三千人由韓城西鄉竄出山口分擾榆林茶峪等渡口因晉防嚴密旋由朝邑退竄同州之莊里村該處距河仍近著李宗義慎遵前旨檄飭防河將弁嚴密布置實力梭巡不可稍涉疏懈賊匪駸駸南向有擾及腹地之勢劉典務當督飭各軍規賊所向認真掃蕩迅殄逆氛北路延榆綏等處賊情奚若

東華續錄 同治八四

並著劉典嚴飭喻步蓮等軍迅速剿辦毋令該逆日肆蔓延將此由五百里各諭令知之○乙丑諭軍機大臣等劉典奏官軍截剿北山回逆疊勝並擊敗馬呼來回股暨遵旨疏通運道請飭蔣東才移紮甯條梁各摺片北山回逆經劉端冕各軍擊敗後奔竄大荔華州等境復經官軍擊退旋撲高陵繞由涇河上游西竄張佑庭等連戰皆捷該逆敗走武功李輝武又於乾州武功交界地方敗之逆眾亂竄見在劉端冕等分路追擊陳照臺由盤屋沿河扼剿即著劉典嚴檄諸軍乘勝前進與吳士邁所部分投兜擊以期悉數殲除北山為匪徒潛伏之區雖經喻步蓮等追擊獲勝而山路紛歧誠恐官軍遠去土匪游勇又復勾結滋擾該署撫仍當督飭喻步蓮等軍實力按捕毋令萌蘗潛滋馬呼來一股訶知馬長鳳等擾及韓邵回踞楊家店經黃超羣等夜擄賊巢敗向石底子

東華續錄 同治八十四 七

竄去復聚踞轉角地方陳鴻藻等率隊圍攻殺賊殆盡並追賊至甘肅正甯縣屬之山河鎮該逆竄向甯州剿辦尙屬得手其馬長鳳等股此時是否竄擾同境仍著劉典檄飭在事將士確探賊蹤合力剿洗以保腹地甯條梁為運道所關該署撫請將蔣東才五營移紮該處騰出成定康一軍進駐定邊自係為疏通糧路起見惟前據金順奏甯靈軍情緊急已令定安等咨令宋慶赴甯會剿並雷營駐守皇甫川等處以固晉防該軍營數無多勢難將進駐義合之蔣東才五營遠為移紮左宗棠見抽張福齊所部六營回陝防剿即著該督酌量情形再籌一軍會同張福齊及靖邊鄜州各營互相聯絡俾糧運得以暢行其石灣靖堡甯條梁等處存糧著劉典即飭成定康等運赴前敵以資接濟龍錫慶既令挑選降卒編立四營著飭令認真訓練毋得有名無實將此由六百里各

一一七五

諭令知之○諭前因肅州回匪不時出關擾害恐成祿帶兵不能得力諭令左宗棠派員往查並諭成祿將存營兵勇嚴加裁汰聽候諭旨茲據該提督奏稱存營兵勇裁汰後尙存三千一百名久經行陣可期得力若使長征實屬不敷候旨遵行等語關外地方遊關三千兵勇原屬不敷分布儘令成祿另行添募未必有裨實用而藉端索糧擾累地方恐先在所不免且所部兵勇及收撫回眾亦不能恪守軍律前據文麟景廉參奏已諭該大臣派員赴肅州查明即著迅速覆奏毋稍遲誤關外哈密巴里坤二城獨力難支能否派得力之軍先行出關與文麟等協力駐守仍著左宗棠恪遵前旨統籌全局隨時具奏成祿應否撤回或酌留該大臣軍營其所部勇丁三千餘名是否可以留用抑或遣撤之處均著左宗棠平心敷議據實奏聞將此由六百里諭令知之○諭奎昌奏

東華續錄

同治八十四

九

安插厄魯特人眾請仍照舊章辦理一摺前據錫綸奏厄魯特人眾不願東徙業經妥爲安插其後集人眾方議安插青格里河而該人眾值放賬之期不到者五百餘人查係自行東徙烏里雅蘇台所餘一千數百人亦漸次行動此項人眾既願東徙自不如因勢利導俾得相安無事著福濟榮全於該人眾到烏後仍照前奏五處分安章程迅籌安插分散約束毋使滋生事端以弭後患至此項人眾究由何處聚集科城何以錫綸前奏該人眾不願東徙今又紛紛徙去並著福濟等查明具奏其餘未徙人眾應如何安插之處即著奎昌文碩妥籌辦理將此由五百里各諭令知之○丙寅諭軍機大臣等左宗棠穆圖善奏中衛防兵擊賊獲勝見飭援朔北路一摺甘肅中衛縣境突有回匪五百餘人由沙坡衝出攻撲民堡經總兵黃金山派隊迎擊賊匪敗遁復於大板槽地方

擊敗竄賊防朔尙爲出力惟據擒賊供稱此次係米拉溝撤回率眾欲援金積堡並斷中衛糧運分股先來探信等語逆謀詭譎恐其大股續來乘虛竄突亟應嚴密堵截以遏狂氛黃金山所部見因雷正綰軍接仗失利已帶兩營前往援救自係先其所急著穆圖善飭令該總兵迅即督隊疏通北路將廣武峽口相機攻復毋令賊匪久踞中衛地關緊要所有留防各營尤宜加意防守以期周密至雷正綰接仗敗挫廣武峽口被賊盤踞未據左宗棠奏報見在該處軍情賊勢若何著該大臣詳細查明具奏雷正綰兵力較單該大臣仍當隨時策應毋稍膜視將此由五百里各諭令知之○是月展緩山西太原等三縣歉收帶徵錢糧暨民借倉穀三月丁卯朔實授英翰安徽巡撫○戊辰諭軍機大臣等定安奏殺軍截剿竄匪獲勝一摺回匪在準噶爾旗雪背溝地方攻撲炭窯經宋慶所部之總兵馬玉崑等各率馬步分路進剿斃賊甚多旋追至鎮羌以西山內官軍各處接捕敗匪潛竄無蹤據獲賊供西南草地尙有大股賊匪馬玉崑等已派弁偵探宋慶並擬率領麻地溝古城所駐各營前往督剿著定安仍懷遵疊次諭旨催令宋慶督率所部迅速赴甯會同金順各軍將甯靈等處竄匪力圖掃蕩並疏通北路運道如西南草地果有賊股分擾即飭令馬玉崑等相機兜擊其達爾濟等所帶馬隊並著定安迅飭該總管等馳往會剿以期遏賊東趨毋稍鬆勁將此由五百里諭令知之○己巳諭軍機大臣等都興阿等奏續查游民滋擾朝鮮啟釁原委並添派官兵拏辦一摺前因朝鮮國碧潼城管小坡兒鎮地方突被邊外游民前往搶劫燒毀民房各情當經諭令都興阿等將滋事根由查明妥辦茲據奏稱本年正月間有朝鮮人夫十三名用

牛爬犁十三張由渾江口過江割草被該處墾地游民拏獲匪徒
吳恩會等將其十三人斃命朝鮮復有人過江燒毀墾地窩棚該
匪等率領人眾攻破朝鮮小管平城焚燒民房二十餘處擄掠軍
器財物潛回前陽石柱子等處盤踞又將朝鮮過江人傷斃數名
見派員前往查辦等語渾江口一帶地方多與朝鮮接壤防範尤
應嚴密今該匪等膽敢過江焚掠傷斃多人若不及早拏辦何以
慎固邊防該將軍等自應遵奉前旨催令奕艾迅速馳往相機妥
辦並檄飭豐恩等酌帶馬隊官兵就近出險嚴邊門各處曉諭墾
地游民毋任匪徒勾結吳恩會各犯見在盤聚石柱子等處都與
阿等務飭豐恩等會同奕艾將各犯按名拏獲盡法懲治不准稍
涉遷延致該匪等聞風遠逸復釀釁端至嗣後如何嚴禁奸民過
江滋擾之處並著該將軍等酌度辦理都與阿等業經飭令奕艾
東華續錄 同治八十四 三

各境追剿疊勝該逆渡涇之後分路潛逃附入游勇亦已悉數衝
散其奔竄甘境者僅數百人劉典見飭在陝各營於陝甘毗連處
所嚴密設防馬正剛一股亦經劉端冕等追殺殆盡據逃出難民
供稱馬正剛已被槍斃各等語此次回匪紛竄陝疆圖絕甘軍糧
道劉典督飭諸軍追剿疊獲勝捷該省已無賊蹤辦尚屬得手
刻下全積堡賊巢甘軍圍攻正緊其折竄甘境各匪難保不旬煽
餘黨復謀東犯牽掣進剿諸軍左宗棠當督飭在甘將士將金積
堡相機攻取並檄飭派出援陝之軍將折回餘匪攔頭截擊務絕
根株近日甯靈一帶軍情若何著隨時據實具奏以慰廑繫劉典
亦當嚴飭各處駐營力加防範不准稍涉疏虞馬正剛是否槍斃
仍著確切查明此起零匪究係逃竄何處並著飭令在防將弁隨
時偵探以期搜捕無遺清澗等處匪既經總兵田玉廣等殲除
東華續錄 同治八十四 三

將派員往查並見在辦理情形知會朝鮮義州官吏即著禮部傳
知該國王申明邦禁約束近邊人民嗣後遇有過江滋擾互相仇
殺者亦須設法懲辦以期日久相安毋稍懈弛將此諭知禮部並
由五百里諭知都與阿清凱麟書恩錫知之○允曾璧光奏免黔
省運售鉛斤釐稅○展普濟堂功德林賁賑兩月○庚午展五城
賁賑兩月○以興恩為左副都御史由大理寺卿遷○壬申以喬松年為
倉場侍郎前任陝西巡撫○癸酉諭軍機大臣等劉典奏官兵追剿竄回
疊勝陝省見無回蹤並馬正剛一股殲除殆盡及勦擊北山回土
各匪獲勝各摺片回曾馬長瀛等股勾結游勇由北山竄入內地
官軍追剿情形業經劉典先後馳奏茲據奏稱劉端冕各軍在韓
城等處擊賊獲勝賊由臨渭一帶搶渡渭河均經水師擊敗高陵
之賊經魏紀堃等率隊敗之張佑庭李輝武諸軍又於醴泉武功

一二百名在蔣家寨一帶盤踞甯條梁附近之呂家寨亦有逃勇
一二百名是榆綏一帶防務尚未可鬆著劉典即飭成定康等加
意防維毋稍鬆勁惟陝省前次肅清之後凡地方騷擾半係土匪
游勇勾結回逆此次安邊等處逃勇究由何營散出其從前管帶
究係何人若任其紛紛肆擾後患何可勝言著左宗棠劉典分飭
各路帶兵官弁設法擒拏並查明該管營官從嚴參辦一面將各
處游勇妥籌安插分別遣散以靖地方將此由五百里各諭令知
之○諭李鴻章奏遵旨赴陝援剿酌籌派撥一摺據稱西北地形
平曠回騎忽非馬隊無以制勝已令郭松林派員趕募馬步隊
共十五營周盛傳趕募馬隊四營並由鄂入陝餉項軍火遣員沿
途察勘設局接運所籌均屬周妥著即趕緊辦理以資援剿本日

據劉典奏陝軍追剿內竄回匪及附入游勇捕斬殆盡餘匪折竄甘境各情已諭知左宗棠等分別籌辦矣惟陝西雷兵無多甘回股數甚眾雖據劉典奏稱該省見無賊蹤而竄回餘匪難保不復行句結東犯陝疆且據奏花馬池定邊甯條梁附近一帶尚有匪蹤亟應趕緊堵剿李鴻章著仍俟李瀚章抵鄂及郭松林等募練就緒時即行督軍入陝妥籌剿辦至摺內所稱西安軍需局探報陝匪有竄鄂之說湘營潰勇陸續東來該督已令譚仁芳撥出兩營往紮河南浙川之荆子關要隘以扼商南竄路並分撥聯紮河口樊城以固邊防即著檄飭該提督令在防將士實力嚴防毋令匪蹤闖入豫省距陝非遙尤須早為堵禦著李鶴年迅撥勁旅會同鄂省所派各軍聯絡聲勢以遏寇氛其潼關一路並著飭令馬德昭悉心防守毋涉疏虞將此由五百里各諭令知之○丁丑諭東華續錄 同治八十四 三

軍機大臣等福濟等奏赴烏厄魯特人眾俟查明辦理等語前據奎昌等奏此項人眾五百餘人自行東徙何以距二十餘日之久尚無到烏音耗究竟逗留何處其餘一千餘人是否亦向東徙著奎昌文碩確切查明該人眾下落咨會福濟等辦理其未徙人眾仍應妥籌安插並著福濟榮全於該人眾到烏時仍照前奏分安章程分散約束毋任流離失所致生事端將此由五百里各諭令知之○諭李宗義採辦米麥各二萬石備李鴻章軍食○子陝西陣亡副將吳賢華等祭葬世職○戊寅諭軍機大臣等定安奏毅軍暫緩西移暨截剿雪背溝餘匪獲勝李宗義奏毅軍暫緩北進金順奏王家疇回眾乞撫湘卓兩營軍糧難籌接濟各摺片前因甯夏軍情緊急諭令定安等飭令宋慶赴甯會剿原係移緩就急之計茲據定安李宗義所奏雪背溝等處時有賊股紛竄宋慶一

軍亟須分投堵剿甯郡道路較前疏通劉廷等軍可敷剿辦見在榆北喫緊毅軍勢難驟離等語所奏自係實在情形是宋慶一軍目下未便移動即著定安李宗義知會該提督仍在神木一帶督飭所部截擊竄匪以資得力定安金順即督令劉廷會合劉景芳烏爾圖那遜等軍沿邊進剿迅掃逆氛毋稍鬆勁王家疇賊匪見在畏剿乞撫金順復勒定期限令其清繳馬械糧石並將悍酋等縛獻始准就撫若能恪遵約束即著金順設法羈縻騰出馬力肅清北路惟仍須認真防範毋為該逆所給後路竄匪業經官軍屢次擊敗金順見檄常福帶隊前往磴口等處搜剿並令汪德才紮平羅曹正興等紮洪廣又商令張曜撥營扼紮黃渠橋等處布置尚為周妥仍著該副都統會同張曜隨時相機籌辦金順前曾撥借劉松山金運昌雷正綰等軍糧石尚能不分畛域此時甯郡既難採辦轉運又難暢行自願維艱實無餘力接濟湘卓兩營軍食據奏各情尚非推諉所有湘卓兩軍糧食著左宗棠趕緊設法另籌接濟毋令缺乏之雪背溝逃竄餘匪經毅軍截擊獲勝尚為出力其波羅等處股匪著定安仍飭蔣東才盡力探剿免致蔓延孤山鎮羌等處密邇河干李宗義當飭河防將弁認真堵剿毋任竄越進攻金積堡諸軍聞有退駐吳忠堡之說左宗棠月餘未有奏報殊深屢繫見在前敵軍情若何賊勢若何著該大臣據實詳細具奏將此由六百里各諭令知之○辛巳左宗棠奏據劉錦棠黃萬友稟馬化澂知劉松山陣亡喉金積堡逆眾圍犯官軍訊據賊謀供稱賊之詭謀在犯吳忠堡營壘搶承甯洞水口阻葉昇堡運道正月十七日五鼓劉錦棠派赴河西護糧隊伍遇伏賊於葉昇河邊斬悍騎數名劉錦棠黃萬友會商吳忠堡至下橋地勢遼闊春

融冰泮下橋永甯洞水口尤形勢所必爭應移兵屯紮以昭穩固
峽口既爲賊踞賊得分洩渠水以灌營壘戒備不可不嚴二十五
日平羅接糧隊伍回營二十六日黎明整隊出擊適賊三四千出
金積堡排列東南提督王承贊諭執益曹義勝進左路提督李雲
貴潘運璋副將趙彩照進右路提督陶定昇易致中何作霖進中
路軍功董福祥爲後路策應部署既定適西路礮聲大震劉錦棠
黃萬友料峽口之賊已與官軍接仗也催隊急進東南步賊憑廢
堡穩抗不動馬賊分鈔兩旁鏖戰兩時之久官軍先將馬賊擊敗
併力壓步賊之前賊勢不支向正南敗走官軍乘勝躡殺陣斬悍
賊數百名生擒三十餘名弁兵陣亡十七名受傷六十三名湘皖
兩軍軍糧自東道梗阻均就河西採運賊騎每乘間鈔掠是夜提
督金運昌會商劉錦棠黃萬友各分兵夾河築壘以資防護二十
東華續錄 同治八十四 五
七日黎明兩軍隊伍甫至河邊見游騎數十自正東瞭望返奔而
去少頃塵氛大起胡家堡甘回王洪等寨馬步三千餘眾擁擁而
至金運昌督所部攻其左劉錦棠督所部攻其右相持未久左路
馬賊先敗劉錦棠飭提督譚拔萃周國勝從右路鈔出步賊之後
步賊復潰官軍兩路追殺五六里日暮收隊劉錦棠仍派提督李
占椿率所部護築新壘二十八日壘成辰刻胡家堡之賊一千六
七百名距營五六里而陣李占椿守壘金運昌迎敵正酣戰間劉
錦棠率隊馳至併力壓擊追殺四五里而還兩戰共斃賊六百餘
名劉錦棠所部生擒二十餘名弁勇陣亡二名受傷二十七名二
月初二日黎明金積堡漢伯堡逆眾四五千迤南而東麴集板橋
圍撲董福祥營李雲貴率隊助董福祥憑壘禦賊提督蕭章開督
所部直貫賊陣銳不可當李雲貴董福祥自營內衝出夾擊賊駭

而奔官軍分途掩殺斃悍賊二百餘名生擒悍賊十餘名嗣是冰
凍漸解野潦縱橫劉錦棠黃萬友相度地勢或開溝疏濬或築隄
防堵金運昌駐軍金積西北界秦渠之東切近馬家灘早元堡賊
寨初六日黎明早元堡逆回數千憑秦渠築隄設卡金運昌會合
蕭章開何作霖易致中分三路剿之途時金積各堡角聲四起援
賊大至各營收過渠南嚴陣以待劉錦棠加派馬步助戰賊勢驕
甚金運昌由右路沿隄衝擊劉錦棠分從左路迎剿自督易致中
周國勝策應各路將士奮威衝殺賊敗過渠北蕭章開越渠擊之
金積各堡繼出悍賊來援劉錦棠督何作霖併力猛撲該逆紛向
老巢敗遁是役共計斃賊四五百名弁勇陣亡十七名受傷六十
二名初八日陝甘各回傾巢而出騎賊數千先近板橋步賊一路
出正北築壘決隄一路出正西撲金運昌營壘劉錦棠揮軍援剿
東華續錄 同治八十四 五
瞭見渠隄已被賊決水勢南趨渠北之賊甚厚金運昌迎剿之兵
已阻於水正西賊眾林立冒死撲營劉錦棠分中左右三路梟水
猛進軍士遇賊即砍金運昌馬步應之黃萬友率陶定昇易致中
周國勝越渠橫出賊前怒馬衝擊截賊爲數段正西馬步賊鼠竄
歸巢正北之賊猶拚拒壘口黃萬友調開花驛山礮輪轟之賊始
全數逸去各軍收隊漏已二下矣是役兩軍斃賊約千餘名弁丁
陣亡三十一名受傷一百四十八名是夜金運昌以正北蔡家橋
一壘距賊卡里許會商劉錦棠撥營聯絡以資控制初九日五鼓
劉錦棠派步隊十營出正北修壘料賊必悉眾來爭約金運昌各
伏兵渠南廢堡偃旗息鼓以黃萬友右路之兵列陣渠北劉錦棠
督中路修壘樁機應之天甫明金積各堡逆眾絡繹出巢擁至蔡
家橋齊隊劉錦棠按兵不動戒軍士趕緊築壘一面準備擊賊辰

已之交賊有沿隄放槍者有越渠撲壘者伏兵起賊駭而奔渠內悍賊二百餘無一脫者中右兩路乘勝壓期賊敗歸金積早元各堡而東南胡家堡王洪等賊復決開山水溝以淹吳忠堡赴河西運道劉錦棠令各營環壘修堰引注小渠合流入黃初十日午後各營正分段開決渠溝忽胡家堡及各寨步賊千餘騎賊一二百隔水搦戰官軍用開花礮測準擊之一轟而退二鼓渠溝通暢金積堡逆眾復搬磚石築卡於北環以長隄意在引馬連渠水困官軍十一日黎明劉錦棠金運昌令各營攜鋤鍤分道並進渠賊亦紛集隄邊抗拒官軍躍馬衝入賊陣當者辟易羣賊併向金積東門敗走官軍躡至堡外次第收隊平其卡而還連日之戰兩軍共斃賊七百數十名弁勇陣亡十一名受傷七十一名臣維劉松山陣亡後馬化澂竊幸官軍或難久與相持一面圖陷官軍一面上

東華續錄 同治八十四

稟乞撫據稱時屆春融未及耕墾請委員辦理撫局稟中微及陝回本意就撫因劉提督操之過急遂致中變見仍傾心求撫等情臣比批飭從來中國與外國爭戰原有燒荒及擾耕種之事若甯靈本是中國土地人民漢回均是朝廷赤子與用兵外國不同無禁其耕墾之理前劉提督辦理勦撫並無舛錯即再委員前來亦別無辦法察其情形亦似窘迫實甚陝回人馬餓斃已多羅買無出馬化澂存糧亦難久支柴草尤乏所恃以負固稽誅者惟秦漢兩渠之委在下橋永甯洞其導源則在峽口永甯洞已經官軍扼守司其宣洩賊雖決渠不足困我而峽口被賊占踞官軍不奪其所恃亦終無以制賊見擬由靖遠造船配礮乘河流盛漲駛攻峽口如果奪此要津庶足制其死命惟湘皖兩軍糧食告匱雖百計圖維終慮難於持久日夜焦思不遑寢饋又奏陝西提督雷正綰

提督周蘭亭正月十三日峽口之挫傷亡弁丁二百餘名經臣於二月二十七日附片陳明一面調道員黃鼎星速馳援務奪回峽口要地以重形勢旋據雷正綰報稱十五日至二十日賊勢日益猖獗連日守營出隊營哨各官多有傷亡而黃鼎赴援兼須護解大批糧運軍火二十三日始抵四百戶二十五日率親兵兩營隊伍剛抵甯安堡而所部三營尚隔一日之程比於甯安堡晤雷正綰前此派赴中衛護糧之營官提督閻定邦總兵陳義據稱賊勢圍逼甚急請速救援遲恐無及是日賊用大礮對雷正綰中營轟擊四哨哨官均被礮轟斃雷正綰堅守營壘督將士悉力抵禦待援黃鼎以事機緊逼不候續到三營取齊商請周蘭亭帶所部列隊峽口之後張福齋帶所部列隊牛頭山副將楊正華列隊牛頭山口自率兩營親兵步隊桂錫植副青旗馬隊及雷正綰所部馬

東華續錄 同治八十四

隊由牛頭山前進並飭閻定邦陳義襄糧隨後繼進以餉飢軍二十六日辰刻師進牛頭山見賊馬步數千正攻雷正綰營壘甚急黃鼎自牛頭山率隊壓下賊見官軍猛進即解圍迎戰黃鼎揮所部數百人左右盪決賊紛紛敗走正追殺間忽黃渠內馬步伏賊齊出峽口賊亦由後鈔截官軍歸路黃鼎率總兵章占雄參將朱蘭亭等皆下馬力戰短兵相接兩時之久斃悍賊甚多章占雄忽中礮陣亡金積堡逆賊是日經劉錦棠擊敗後亦議擁前來截阻牛頭山歸路黃鼎見賊勢頗重日影漸西乃與總兵劉治均游擊黃得勝等結隊徐退衝出山口副將吳啟雲楊正華各率所部擊退山上包鈔之賊雷正綰乘賊與黃鼎鏖戰率所部突圍出而峽口遂仍為賊踞矣臣維秦漢兩渠皆由大河分注由永甯洞會流入河是永甯洞者渠之尾也兩渠皆導源於峽口為渠之首金積

以自由不致爲賊所困而峽口一被賊踞無以制賊而連戎機正
月初三日劉松山商雷正縮周蘭亭張福齊徐文秀即以峽口
宜築壘扼住勿令賊占爲言雷正縮允其分營扼守遲至十二日
始築峽口之壘壘成不即派隊填紮致賊從河西履冰突至據所
築新壘成此厲階咎本難辭惟忍飢苦戰十二晝夜將士有死傷
而無逃散情事似有可原應請旨將陝西提督雷正縮革職留任
以觀後效周蘭亭張福齊兩軍於正月二十夜糧盡退回鳴沙州
比黃鼎二十三日護糧至四百戶事已無及該兩軍由金積堡退
軍時實因軍糧告罄領護軍糧後即同黃鼎進援峽口與尋常債
事者有間惟兩軍先退致雷正縮孤軍受敵退軍時又未告知雷
正縮究屬咎有應得應請旨將題奏提督博奇巴圖魯周蘭亭提
東華續錄 同治八十四 元

朝一帶圖由澄白鄜甘歸巢經劉端冕扼剿數次擒斬殆盡馬正
剛雖未就縛而所掠同朝騾馬衣物糧食則均奪回矣一乘河水
合凍出邊牆繞陷定邊安定紛竄延榆綏近乃由宜川竄韓邠頭
起爲逆目馬呼來劉端冕兩敗之擒斬約數百馬呼來敗竄楊家
店轉角子等處復爲知府陳鴻藻總兵殷華廷等所敗又爲魏光
燾及鎮原防軍總兵江得意楊大章所敗敗匪不過二百餘此股
歸巢無幾頃接劉端冕報陝回馬阿渾等一股約二千餘由金積
堡竄過靖邊安定延安一帶圖由韓邠竄鳳翔歸路宜洛一帶
游匪土匪及譁潰之皖軍附之勢眾且悍劉端冕兩敗之然賊勢
仍張署陝西撫臣劉典商調陝軍總兵張福齊率所部由四百戶
地方回陝助剿臣雖飛檄赴調誠慮緩不濟急適中書吳士邁奉
周開錫檄來平涼臣即飭其率隨行一營赴乾州立調所部駐隴
東華續錄 同治八十四 三

安定尙可無意外之慮至劉松山進兵時臣原飭每人持三月糧復於花定節節留營轉運以資接濟嗣金運昌由綏德續進臣飭其到花馬池後停軍勿前於花定一帶留營護運聽劉松山商調劉松山見皖軍銜接而來始調護運各營赴靈州吳忠堡各處以厚兵力其時吳忠堡金積堡連獲奇捷金運昌急於助勦而所部各營之散布定邊花馬池者又方以戰鬪為樂運糧為苦日求迅赴前敵金運昌亦以郭寶昌已於綏德買駱駝三百頭轉運吳忠堡存糧隨身尙有兩營步隊馬隊百騎堪資護運遂併定邊各營撤赴靈州由吳忠堡進紫金積堡郭寶昌帶所部赴晉並不知會金運昌撥隊回紮此定邊所以被賊襲陷也劉典於定邊之失專歸其咎於金運昌未為確論至雷正綰周蘭亭兩軍之急進金積堡原因固原黑城李旺各城堡克復後金積堡陝回畏勦悉數西趨東華續錄 同治八十四 三

維時臣有甯靈並無陝回之奏迨黃鼎由黑城子鹽茶廳橫出擊之大捷於打拉池城截賊為兩禹得彥崔三馬生彥白彥虎等遂由郭城驛峽口竄狄道河州馬正和陳林余彥祿等由長流水甯安堡一帶復回竄金積堡臣檄黃鼎一軍及提督張會元楊世俊帶所部馬隊由靖邊南下以勦禹崔各逆而檄雷正綰周蘭亭所部馬步全軍截勦馬陳回竄各逆其簡敬臨張福齊兩軍分駐半角城韋州堡以撫新降回眾護北路糧運而斷外賊援應之路詎料簡敬臨張福齊於未接臣檄之前已拔隊由豫望城韋州堡越石溝驛而偏金積堡臣接其啟行緘贖飛檄止之事已無及又念簡敬臨張福齊即遵檄返亦恐墮士氣而啟戎心不得已乃就見有兵力節節挪移向前以護運道鎮壓東西兩山新撫回民為救敗之著此韋州豫望一路空虛無以扼賊奔衝陝回所以得由

環慶竄陝也劉典此次所陳乘勝銳進後路空虛者臣固早已慮及且緘告之矣至魏光燾之軍由慶陽環縣追捕土匪明七十子等向鎮原固原交界白家壩一帶而來非因臣調其護運且賊未竄慶陽之先魏光燾已回慶陽截勦竄出頭起各賊其竄慶陽屬之賊馬正剛一股亦經魏光燾派魏紀整率所部前營隨同劉端冕勦之特未能遏其竄陝耳至四川道員曾傳理本殉節道員黃涓熙辦營務之員黃涓熙殉節後駱秉章派曾傳理統接其軍卒平蜀寇上年臣自直東勦捻西旋聞劉典札調曾傳理赴陝適臣營務之員商調隨營辦理營務迫諸軍前進時臣令其赴牛角城督催各處轉運安輯良回亦曾見諸奏贖方李旺堡打拉池大捷時賊勢實極衰蹙馬化澂方謀移巢西甯避官軍之銳諸統將急思乘時自奮慷慨赴功各有風利不泊之意曾傳理於諸將領有東華續錄 同治八十四 三

無商榷前進之語雖不可知至謂諸軍乘勝銳進由曾傳理督令所致則亦非確論臣自咸豐十年忝任軍寄軍中事無巨細均出親裁營務人員非別將一軍獨當一路遇有軍事皆須諮稟而行劉典相從最久知之已深臣豈獨於曾傳理任其顛恣且曾傳理入臣營未久諸將領亦未必降心相從由其指使頃張福齊自四百戶調歸西安臣面詰其因何輕進是否由曾傳理催促致然張福齊亦祇引為己咎無異詞臣不敢諉過曾傳理為分謗之計劉典與臣為布衣交軍中共患難者十年矣臣於同治五年九月請簡派劉典幫辦軍務摺內曾稱其為人剛明耐苦廉幹而有志節可保其斷不負國斷不厲民然性稍褊急有所見必達其是亦經據實陳明劉典自蒙恩簡署陝西巡撫以來其勤民憂國之忱人所共見減里差革陋規劾貪劣深洽輿情陝民間其將去呈請署

西安將軍陝甘學政顧請奏留署任其明徵也前以思親甚切引疾乞休拜摺後始有所聞欲貽書勸之而已無及嗣因陝回竄陝各路風謠四播羣言賊勢甚張倍深憂憤推求局勢之壞由於諸將輕進遂本所聞見上達 宸聰 前疏稱其有所見必直達其是者即此類也又奏陝甘各回屬聚金積堡近因乏食四出竄擾 前因固原鹽茶廳所屬東西兩山南界平涼北界靈州周數百里回民居其大半中間夏匪雜糅亟宜分別期撫以規久遠遂擬設旌善營令已革壽春鎮總兵蘇如松督之擇良回軍功馬柏森穆進善李百寬等為營官各帶土著馬勇分起駐紮給以薪糧馬乾隨官軍剿捕土匪客匪馬柏森本萌城回目上年官軍由平涼掃蕩而北固原州黑城子李旺堡豫望城等處回目經官軍剿敗各挈其黨遁歸金積堡蓋舊奉馬化澂為宗主者也豫望城地東華續錄 同治八十四 五

勢北接章州堡賊由金積南竄必經章州堡以達豫望一過豫望則道路紛歧防勦均費兵力馬柏森者本萌城之良回於時賊豫望回目馬萬春投入金積堡遂自萌城徙居之斬通逆小回目而輸誠於官軍截殺逆騎八十餘馬化澂穆生花恨其倍己又以豫望城為逆回南竄要路必欲陷之噉馬正和率陝回馬萬春楊達姓率甘回併圍豫望城二月十三日馬柏森飛稟告急提督周紹濂及蘇如松由半角城率馬步隊急起援之十五日抵李旺堡十六日黎明由李旺前進甫三十里至馱驢腰線地方遇賊三四百騎周紹濂即督隊分路猛撲斃賊五十餘名賊奪路狂奔蘇如松率馬隊先抵豫望城賊聞官軍大至翻山竄走十七日周紹濂抵豫望城則賊竄已遠忽回民走報是夜二鼓有賊千餘將阿布條回堡攻陷殺傷良回李萬梗等見猶踞堡搬運糧物周紹濂急率

所部擊之十八日馳抵楊家灣見賊踞對山齊放槍礮周紹濂督隊下山斃水而前飭副將周玉林由中路參將毛正明由左都司周曙良由右三路併進蘇如松率馬柏森及李百寬等旌善馬隊亦到分兩路鈔擊官軍衝上山梁賊亦由山梁下撲槍礮對轟官軍自下仰攻槍無虛發連斃執旗悍賊三名紅衣騎馬賊一名賊勢稍卻官軍一齊搶上山梁槍矛並進斃賊無數賊紛由山旁亂竄適旌善馬隊飛馳而至截斬悍賊數十奪獲賊馬十餘匹賊向阿布條狂奔官軍跟追及之堡中賊紛出迎拒官軍悉銳衝殺斃賊八九十名生擒二名賊棄堡下溝向老虎灣狂竄馬牛糧食拋棄滿地官軍進至老虎灣始收隊阿布條堡將所獲糧畜給還難民訊據生擒賊目馬生香馬柏壽等知馬正和等圖破豫望阿布條等處以擾李旺黑城子官軍運道因官軍速到豫望城適賊裹糧已盡遂先陷阿布條擬飽掠後仍回攻豫望也周紹濂令馬柏森馳回豫望城籌守禦與蘇如松各率所部追賊十九日由欠溝門一帶接勦而來沿途頗有擒斬賊由王家團莊過河南竄李旺堡是日黎明攻圍李旺堡官營副將李光賓飭存營隊伍扼立塚口靜以待之賊欺官軍單薄併力猛撲數次李光賓俟其逼近測準轟擊槍無虛發賊每猛撲一次必傷斃數人乃解圍潰竄李光賓開壁縱擊連斃悍賊二十餘名斃紅衣騎馬賊目二名訊生擒馬八兒馬元娃供稱賊目一白姓一帥姓皆馬正和所帶東弭悍黨也是夜三鼓賊分股竄至黑城子南三十里攻破何家溝良回何家位寨二十日黎明李良穆率所部馳擊甫近何家溝接總兵張大雄都司周曙良飛報賊之大股經李旺擊敗併竄黑城李良穆急率隊回勦行十餘里見賊已越黑城十餘里而來似圖與何

家溝賊合隊李良穆帶所部橫截而出奮威衝殺賊駭懼失措紛紛潰走官軍乘勢壓擊斃賊甚多其何家溝一股自後衝出敗賊復回旗抗拒李良穆率所部搶入土堡一紅衣賊衝近堡門揮刀斬之又有紅衣騎賊領悍賊繼至經排礮轟斃賊始大潰官軍乘勢掩殺收隊回黑城子一面飛馬遞總兵張大雄都司周曙良前來會勦是夜三更賊折回北竄一股仍竄回東山二十一日子刻張大雄周曙良自李旺堡馳至中途遇賊賊見官軍至紛紛潰竄擒斬數十名昏夜未便窮追天明李良穆帶隊繼至則賊蹤已遠搜獲落後賊李來娃子及趙三庚等僉供馬正和於二十日接仗時猝中礮子自鼻梁穿入腦後透出當經賊夥用綢旗裹擡逾時氣絕其弟偽元帥馬魁同時轟斃良回柯大有等所報亦同提督徐占彪在章州花子臺一帶截勦馬正和敗回一股生擒逆賊馬

東華續錄

同治八十四

五月

世英等均供馬正和頭受槍傷氣絕臣昨提訊李來娃子供詞尤為確鑿是逆首伏誅已無疑義當賊之圖豫望也臣檄黃鼎所部提督徐占彪步隊三營馬隊一營馳往援勦黃鼎更以步隊兩營益之二月十六日由固原拔行十九日抵豫望城是日午刻馬柏森報有賊目李花喜馬有全蘇文舉李德隆率賊千餘由金積堡竄出章州過下馬關盤踞距豫望城四十里之吳家腦徐占彪等即於是夜暮食潛師夜起黎明行近吳家腦見該處峯高路狹非用眾之地總兵陳玉春趙興隆參將林定遠等飭馬柏森前行引路由王家山黑溝繞道抵虎家山麻兒灣設伏以待徐占彪率兩營徑捕吳家腦賊甫驚覺徐占彪揮軍縱擊斃賊百餘名擒賊六十餘名賊紛向虎家山敗遁徐占彪率陳春萬猛躡之甫抵虎家山陳玉春自山後截出林定遠由左趙興隆由右兩面鈔來將全

股賊眾裹在中央各營縱橫盪決馬柏森亦下馬步賊立將賊目蘇文舉擊斃生擒賊目李花喜馬有全並擒賊目鎖保鳳蘇成功馬海望李保成馬有保李有俊蘇成明馬得印等及悍賊七十餘名轟斃餘賊二百餘名墜崖死者無數二十一日收隊還豫望訊據賊目李花喜馬有全等供奉馬化澂穆生花命率領五營於十六日由金積堡竄出走韋州下馬關至豫望圍攻堡寨並探路徑如無大兵阻截即率股分途赴陝擄糧見飭解營審訊此股賊目祇李德隆一犯漏網餘賊逸出者亦無幾矣二十二日馬柏森報稱馬正和一股經官軍痛勦敗歸金積堡已竄近下馬關二十三日徐占彪督步隊五營追之已刻抵下馬關見地勢平衍即結方陣前進行十餘里遇賊各營奮威衝殺賊不能當紛紛向章州敗遁追近章州六七里殺悍賊五十餘名是夜訶賊屬聚花子臺徐占

東華續錄

同治八十四

五月

彪以三營扼章州堡自率兩營及馬柏森旌善馬隊潛起襲之賊倉卒不知所為駭懼紛竄官軍乘勢掩殺斃賊無數生擒悍賊十二名其定邊環慶兩路竄擾陝西各股近由慶陽鎮原豫望一帶北竄歸巢均經各軍各營隨時隨地次第截勦斬獲頗多各俟確切察明再行馳報 上諭軍機大臣等金積堡踞逆經劉錦棠等軍擊敗後乘間鈔掠河西運道復經金運昌會同湘軍夾擊殺賊甚多二月初二日以後劉錦棠等在馬家灘板橋等處追勦馬步各賊屢獲勝仗該逆欲引馬連渠水以困官軍劉錦棠等分道並進賊向金積東門敗走各軍平卡而還見在劉錦棠等以吳忠堡至下橋一帶為形勢所必爭移兵屯紮以為扼要地步著左宗棠即飭劉錦棠等將金積外援力圖遏截以期拔取堅巢峽口地方緊要雷正縮築壘既遲又不派隊填紮以致為賊所踞實屬咎無

可辭雷正縮著革職留任周蘭亭張福齊率軍先退亦難辭咎均著撤銷勇號拔去花翎並革職暫留軍營差遣該處爲秦漢中崇上游必須趕緊奪回方能制賊雷正縮見紮何家堡周蘭亭見紮四百戶尙屬進兵要路左宗棠務飭該提督等整理營伍設法進攻毋任該逆久踞如該兩軍再有遷延貽誤並著嚴參懲辦至前次定邊安定爲賊襲踞既據查明金運昌暨簡敬臨張福齊等軍前進各節尙屬有因即著暫行毋庸置議儻再有貽誤重情即著從嚴參辦嗣後各軍進止務當嚴飭帶隊官恪遵將令毋得貪功銳進致誤事機曾傳理在營是否得力並著隨時查看毋稍遷就該大臣見擬由靖遠造船配礮乘河流盛漲駛攻峽口所籌甚是著即分檄各路將士次第規取制賊死命陝回毗連處所時有回蹤游勇亦復滋擾劉典仍當懷遠屢次諭旨嚴飭在防各營會同

東華續錄

同治八十四

三

萬英翰一體截留就地撤遣如已行至豫境即著李鶴年派員截止咨明該省督撫妥籌遣散左宗棠又稱袁保恆前奏一出設江皖督撫將應解甘軍之餉藉口遲延湘軍或因糧盡飢潰則大局可慮等語甘軍本有撥定之款江皖督撫斷不敢因袁保恆此奏藉口遷延即李鴻章赴陝等軍亦即以籌定入黔之餉利濟師行左宗棠正無庸總總慮也至金運昌雷正縮周蘭亭各軍既有缺額即著左宗棠認真查覈歸併以節餉需陝省應否添軍募勇之處著李鴻章到陝後酌量情形奏明辦理袁保恆不得再行輕率從事將此由六百里諭知左宗棠李鴻章張之萬英翰李鶴年並傳諭袁保恆知之○左宗棠奏甘肅兵事方殷各軍糧餉時虞缺乏亟宜就地籌畫挹注若全恃各省協餉斷難接濟本省制兵向支用本省丁糧銀兩承平日久兵制久荒變亂以來已失守地方存兵無幾未失守地方懸缺亦多而支放兵糧仍循舊額本縣額徵不敷必於鄰縣估撥以足其數有用之餉皆耗於制兵之虛糜臣擬仿照閩浙裁兵節餉章程汰弱留強擇荒絕之地撥爲兵屯慎選將領督令墾種即以所獲作爲名糧以其餘照時價估作餉項農隙仍操練技藝庶游手之兵皆可自食其力而甲冑即寓糧餉之中其各屬額徵丁糧銀兩擬提充客軍糧餉以歸實際而省採運經費甘省遭賊蹂躪各屬州縣未能一律開徵惟南路較爲完善鞏秦階所屬地丁每年應徵銀十二萬餘兩額糧共七萬餘石雖不能如額徵足若地方官認真整頓涓滴歸公當可日有起色臣見飭鞏秦階道先行查明豐歉議定章程通飭所屬各州縣地方官曉諭各鄉里甲額徵糧石一體全完本色不准折收銀兩額徵地丁隨收隨報由臣勻撥各營支領如有巧立名色從

東華續錄

同治八十四

三

中舞弊由臣分別參辦其餘各府州縣亦擬次第酌辦庶兵糧皆歸實用於地方軍務兩有裨益報聞○予甘肅陣亡提督周和美等祭葬世職○壬午諭吳棠迅解西藏欠餉○癸未諭軍機大臣等李宗義奏毅軍擊賊獲勝見飭追剿一摺雪背溝孟家灣等處敗匪竄至木河溝迤西經玉崑設法兜擊宋慶復親率隊伍馳抵哈拉寨該匪分由扎薩旗竄至新廟地方我軍躡及賊蹤奮勇剿擊斃賊甚多敗逆分向東北正北逃竄宋慶見飭馬玉崑蔣東才分路兜擊即著定安李宗義知會宋慶飭令馬玉崑等確探賊蹤乘勢追剿務將此股敗匪悉數殲除沿河托清河堡等處並著定安李宗義檄飭在防將弁嚴密堵禦陝北榆綏延所屬附近河干一帶無土匪潰勇聚擾情事李宗義務當勤加偵探毋稍大意將此由四百里各諭令知之○諭穆圖善奏布置省防請飭左宗

東華續錄

同治八十四

五月

東華續錄 同治八十四 五月 崇籌防東南疏通運道一摺回匪紛竄陝疆甘省北路官軍攻剿情形疊經左宗棠詳悉陳奏見在陝境之賊雖已敗竄回甘後路情形稍鬆而金積堡逆回勢仍猖獗零星股匪四出滋擾運道時虞梗阻甘軍糧餉軍火全賴西征糧臺源源接濟乃袁保恆報解正二兩月米折等銀月餘尙無抵甘信息似此轉輸遲滯誠恐兵食缺乏飢潰堪虞刻下甘省東南兩路有無阻隔左宗棠務當分撥各營妥籌布置以順餉道並飭令西征糧臺將甘軍餉需按月籌解毋稍遲誤蘭州附近之北山阿干鎮等處時有匪蹤竄擾著穆圖善飭令馬步各營分路雕剿嚴加防範金積堡逃匪句結河州等處回匪肆擾西甯碾伯等境穆圖善已令總兵王仁和酌撥三營馳赴碾伯著即飭令迅速前進相機堵剿左宗棠亦當妥籌兼顧毋任賊蹤紛竄益肆蔓延將此由五百里各諭令知之○甲

申諭軍機大臣等瑞麟李福泰奏派兵剿辦黎匪殲擒首要各犯一摺崖州黎匪劉振欣等因外委洪雲章派資修理土城膽敢糾集多人將洪雲章戕斃復突入內地焚劫村莊都司吳成龍等帶兵彈壓該匪並句結各路黎匪圍攻土城吳成龍黎桂香先後戰歿經瑞麟等檄飭署總兵劉成元督同地方文武前往剿辦劉振欣等在大田一帶踞險抗拒官兵進抵大田疊破賊柵生擒首匪多名劉振欣由嶺背竄逸副將王伯熊等追至五指山下河邊將首犯劉振欣擒獲見在東西兩路各村黎人俱已投誠劉振欣等均經訊明正法在事員弁兵勇尙屬奮勉出力著瑞麟等擇尤酌保毋許冒濫僭崖陵水各州縣所屬黎匪獷悍性成平日每易滋事此次劉振欣等糾眾戕官則由於營弁之科派啟釁實屬不成事體嗣後該府所屬文武瑞麟等務須隨時遴選循良安民戢暴

東華續錄

同治八十四

甲

遇有貪劣不職之員即行參劾並嚴飭該管道府力加整頓毋任文恬武嬉致滋隱患刻下投誠各路黎人仍著札飭地方官妥為撫綏俾安生業在逃餘匪並飭認真搜捕以絕根株所有各屬藉公科派等弊即著出示勒石永遠禁止用杜弊端將此各諭令知之○乙西諭軍機大臣等豫師奏西甯撫局難恃請酌募兵勇扼要駐防一摺據稱西甯回族名雖就撫而實則四出焚掠相率為常兼以狄河等處黨眾句結陝同時有圍攻碾伯縣城之事前任辦事大臣玉通困守西甯無餉無兵勢同拘偪若不酌帶兵勇前往鎮撫必致仍蹈覆轍等語自係實在情形著照豫師所請即就平番等處募勇五營先紮碾伯及威遠堡一帶整團修堡以禦外匪一面疏通道路前赴西甯至西甯城內撫事雖由豫師責成道員郭襄之照舊辦理然究係權宜之計豫師仍當酌度情形一俟

辦有端倪即赴新任以資鈐制平番等處同類甚多豫師新募勇
丁務當選擇精審毋令奸匪混迹其中致有疏失至應需月餉著
戶部於各省協甘餉內每月指撥銀二萬數千兩總歸西征糧臺
催提轉解仍在各省積欠項下劃扣即著袁保恆遵照辦理惟指
撥需時誠恐緩不濟急並著左宗棠先行借發銀三四萬兩俾得
趕緊招募成軍以保西路大局西甯回族與金積堡聲勢相連見
在金積堡既難剋期竣事左宗棠兵力勢恐不能兼顧蘭垣省城
防守事宜穆圖善當妥籌鎮撫以爲西甯聲援毋稍疏懈將此由
五百里諭知左宗棠穆圖善豫師並傳諭袁保恆知之○丁亥諭
軍機大臣等定安奏張曜宋慶兩軍剿賊情形李宗義奏殺軍剿
賊獲勝各摺片定安所奏嵩武軍擊賊於黃渠橋等處及蔣東才
在新廟地方擊退竄匪各情與金順李宗義前奏大略相同平羅

東華續錄

同治八十四

望

一帶竄匪屢經金順會同張曜擊退王家疇莊回匪畏勦乞撫見
在會否呈繳馬匹器械並將悍酋王得等縛獻該逆反覆無常往
往藉乞撫爲緩兵之計金順當慎遵前旨認真防範不可稍涉大
意其後路竄匪仍當會同張曜督飭派出各軍隨時截剿以杜句
結劉廷劉景芳所帶各隊已由纏金西進著定安飭令探明賊蹤
相機兜擊與甯夏一帶官軍聯絡聲勢肅清糧路宋慶一軍於擊
新廟竄匪後復在石板廟高莊等處屢次擊賊獲勝擒斬甚多餘
眾悉向西奔據獲賊供稱賊目石姓及胡得海兩股先後由金積
堡出竄眾各三千人後面仍有陸續竄出等語該逆因糧食缺乏
紛紛東竄雖經官軍屢次斬滅人數恐尙不少著定安李宗義知
會宋慶仍飭馬玉崑等乘勝追勦務將竄出之匪悉數掃蕩毋任
滋蔓劉厚基前經會合蔣東才擊賊於土孟三道河等處著劉典

東華續錄 同治八四

飭令該總兵隨時與宋慶一軍互相策應遇賊即擊毋任此類被
竄其麻地溝防軍並著李宗義飭令實力堵剿毋稍疏懈將此由
五百里各諭令知之○諭劉嶽昭岑毓英奏攻克麗江等城及馬
街等處賊巢會商激江新興軍情各摺片中路官軍克復彌渡賓
川及紅巖馬街各賊巢北路官軍攻克麗江劍川南路一軍並將
緬甯廳城收復此次各營將弁疊克城池勦辦極爲得手在事出
力文武員弁著劉嶽昭等查明彙案保奏新復之賓川彌渡偏近
大理尙有鎮南姚州雲南縣三城未下著該督撫激勵將弁乘勝
進攻迅圖克復惟官軍深入尤宜穩紮穩進不可稍涉疏虞其永
昌等處之賊並著督飭各軍分路進剿以期次第廓清劉嶽昭岑
毓英親赴中關察看地勢會籌進攻之策即著將激江府城迅速
攻克掃蕩逆氛劉嶽昭回省後所有省城布置機宜並著妥爲籌

東華續錄

同治八十四

望

辦另片奏請將湖南協餉二萬兩作爲馬如龍專餉等語已諭令
劉嶽昭辦仍著劉嶽昭等咨會馬如龍將勇營人數及每月收支
餉銀數目隨時咨明該督等查覆報部馬如龍既有專餉即著責
令該提督將新興等處軍務認真辦理迅拔堅城近日馬如龍打
仗情形並著該督撫詳細奏聞將此由六百里各諭令知之尋奏
馬如龍自辦軍務以來奮勇當先屢次與賊對壘從無避就報聞
○飭四川等省迅撥滇餉○予雲南陣亡副將黃文學遊擊牟永
昌祭葬世職並賞文學母從一品封典○辛卯諭軍機大臣等蔣
志章奏回匪分擾岐鳳見飭各軍合擊並另股復竄北山各摺片
回酋崔三等率黨由隴州分股竄入縣頭鎮偏近鳳翔擾及岐山
寶雞縣境經總兵李輝武副將邵永齡合力夾擊大挫兇鋒另股
由清水太陽寺竄至鳳縣之方石鋪賊蹤飄忽亟須就地殲除方

一一八七

免滋蔓該撫見飭張福齊督營前往岐鳳兼顧乾醴畱吳士邁所部由汧陽回顧鳳翔會同李輝武各營合力勦辦陳照臺由盤匡前進防賊搶渡渭河布置尚為周密著即分飭該員等認真防勦迅堵逆氛漢南一路仍著責成李輝武妥為兼顧北山伏莽甚多該處地廣兵單難資捍禦刻下定靖等處復有回蹤尤易延擾腹地即著嚴飭劉厚基等督率防軍力籌堵勦迅將前竄股匪盡數廓清毋任句結潛藏致貽後患陝省毗連甘境密邇寇氛必須先將本境竄匪掃除自固藩籬方能扼守門戶該撫務當就見有兵力相機籌辦以副委任將此由五百里諭令知之○諭前據李鴻章奏擬令郭松林周盛傳添募馬步各隊並籌議兵餉轉運事宜剋日起程赴陝此時籌辦一切諒已就緒本日據蔣志章奏回匪崔三等率黨數千人從隴州竄偏鳳翔岐山寶雞境內均有賊蹤

東華續錄 同治八十四 聖

另股回匪由清水擾及鳳縣境內北路回匪復竄至定靖交界安邊堡一帶是陝省情形甚為喫緊該省兵力本單蔣志章甫經抵任於軍務調度機宜未經閱歷必須李鴻章趕緊入陝方可籌商一切相機辦理該督務當剋日起程前往毋稍延緩見在回匪既竄近鳳翔屬邑轉瞬之間即恐蔓延北路定靖等處如無得力之軍扼勦賊蹤亦易擾及腹地儻李鴻章一時未能啟行或於郭松林等員內酌派勁旅一支先行馳赴陝省探明賊蹤會合秦軍迎頭截勦以期保衛陝疆該督仍迅速部署隨後繼進妥籌勦辦用紓朝廷西顧之憂將此由五百里諭令知之○癸巳諭軍機大臣等定安奏殺軍勦匪疊勝及賊近河干派隊分期並達爾濟擊賊獲勝各摺片所稱殺軍蔣東才馬玉崑在石板廟高莊擊賊獲勝情形與李宗義前奏大略相同仍著定安李宗義懷遵二十一日

諭旨知會宋慶即飭馬玉崑乘勝追勦將胡得海各股竄匪悉數殲除並飭蔣東才由神木探勦而前以遏後股東竄其分擾準噶爾等旗賊匪是否即蔣東才等擊敗之賊至達爾濟擊賊之占巨召地方距包頭僅八十餘里該處偏近河干設被逆蹤突竄勢將四處蔓延前據定安奏劉景芳一隊已由包頭起程即著飭令該總兵探蹤迎擊一面檄飭達爾濟等相機堵勦一面催令成章等隊迅赴河西以資援應李宗義亦當分飭各路防軍遇賊即擊毋任乘隙旁竄仍會同定安嚴檄馬陞國英等各飭所屬文武隨時偵探實力巡防不可稍涉大意其達爾濟接仗獲勝詳細情形著定安查明具奏並著咨令宋慶迅飭馬玉崑與達爾濟等會合兜擊力殄寇氛將此由五百里各諭令知之○予貴州被賊知縣吳汝謹祭葬世職○甲午諭軍機大臣等英桂下寶第奏擬派員募勇馳赴陝甘助勦一摺英桂等因聞甘省回匪分股擾竄陝境軍情喫緊擬派總兵劉明燈楊芳桂馳赴鄂省各募楚勇兩營前往陝西聽候左宗棠調遣以資攻勦所籌固為力顧大局起見惟疊據左宗棠奏稱西征軍餉頗形支絀若遽令劉明燈等募勇入陝恐有兵多餉缺之累劉明燈等向來帶兵既尚得力著英桂等即飭令馳赴甘肅軍營聽候左宗棠差遣其應否派令添募勇丁或酌撥隊伍令其統帶勦賊之處均著左宗棠酌度辦理將此由四百里各諭令知之○諭李鶴年奏宜陽刀匪聚眾拒捕見派派隊伍兜擊一摺本年二月間宜陽刀匪張野貓等在黑山頂等處聚眾搶掠並傷害弁兵亟須派隊嚴擊著李鶴年督飭總兵楊長春等分路兜擊務令悉數擒獲以絕根株該匪張野貓等於上年十月間藏匿宜陽境內經該撫飭令河陝汝道廣隆河南府知府陳

東華續錄 同治八十四 聖

情形與李宗義前奏大略相同仍著定安李宗義懷遵二十一日

肇鏞等會營訪拏乃當時未能弋獲此次又未能先事豫防實屬咎有應得廣隆陳肇鏞均著摘去頂帶宜陽縣知縣恆倫著革職暫行留任以觀後效如再不知愧奮即著從嚴參辦將此諭令知之○諭文麟等奏東山躔頭回子滋事見籌辦理等語東山躔頭回子上年聚眾滋事據該回子福晉聲稱實因暴素克一人起釁見經章京玉素普等將該匪擊斃其餘回眾懇請免究該回首犯既經擊斃餘眾自應設法撫馭著文麟景廉體察情形妥為安撫毋任別啟釁端如或再行滋事即當從嚴懲辦魏忠義所署塔爾納沁都司一缺見既改委徐天秩代理即著飭令魏忠義將應辦營務及屯田事宜認真辦理以專責成將此由四百里各諭令知之○乙未諭軍機大臣等左宗棠蔣志章奏疊勦竄陝回逆獲勝各營迎擊跟追一摺崔三等匪股竄鳳翔後圖踞陳村經李輝武東華續錄 同治八十四 聖

等軍疊次擊敗該逆分爲兩股其東竄一股由醴泉高陵竄至渭南河北各渡編紮木筏搶越渭南復經防軍擊退該逆雖屢受懲創而自西而東擾及腹地亟應速加懲辦著左宗棠蔣志章督飭派出各軍務將此股就地殲除毋令四出紛竄其西北敗逸一股見在竄往何處該督撫即嚴檄將弁覘賊所向躡蹤追剿迅掃逆氛渭北以下渡口甚多並著咨會李鶴年迅調馬德昭李承先統帶數營扼紮同州二華等處與劉端冕等軍聯絡聲勢相機進剿北路安邊堡一帶回匪近日勦辦如何著左宗棠等分投勦洗毋令聯成一氣益肆蔓延將此由五百里各諭令知之○諭總理各國事務衙門奏貴州遵義教案請飭迅結一摺黔省遵義教案前經李鴻章派令道員余思樞前往籌辦迄今尙無端倪該使臣羅淑亞以李鴻章改赴陝西恐貴州教案又復延閣屢次催請迅結

自應安速辦竣以弭釁端李鴻章係原派查辦大臣見雖未能入黔此案仍須該督一手經理著即飭令道員余思樞會同黔省派出各員迅將應行查辦事件認真查覈但能折服其心自不至仍前狡執該使臣羅淑亞亦有不令教士任意婪索之語並因新使臣蘭盟將到亟望此案速結一切籌辦機宜該督即可密飭余思樞妥爲辦理至此案雖由李鴻章派員往辦曾璧光係該省大吏豈得置身事外著即嚴督派出各員悉心會辦逐層確查覈實持平以自立於不敗之地原摺均著鈔給閱看將此由五百里各諭令知之○丙申以孟夏時享 太廟 上前期親詣行禮○廣江蘇鄉試文武中額各八名

東華續錄

同治八十五

臣王先謙敬編
臣張式恭恭校

夏四月戊戌命馬新貽撥銀十二萬兩備大婚織造工需○已亥諭軍機大臣等文盛奏軍臺被賊竄擾調兵防剿並擊獲被脅人犯供悉賊情各摺片察哈爾額固德巴雅爾暨庫克額爾濟地方均有馬賊數百竄入肆行焚掠旋即向北逃竄察哈爾係完善之區豈可任賊蹂躪文盛見已咨明定安調回蒙古馬隊五百名由達爾濟管帶赴軍臺大路擇要駐紮探蹤追剿即著定安迅飭該總管即統前項馬隊折回聽候文盛調遣文盛當先行督飭八旗及軍臺兵弁加意巡防毋令匪蹤再行突竄杜嘎爾前已有旨令回本任見在如已病痊即著帶兵前往將此股賊匪盡數剿滅

東華續錄

同治八十五

以靖地方定安接文盛來咨即能籌畫餉乾器械撥隊赴援尙屬不分畛域以後達爾濟所帶官兵需用餉項准文盛於軍需項下撥節動用察哈爾地方遼闊東與直隸張獨多三廳接壤張家口尤為緊要之區著曾國藩飭令地方文武認真巡緝毋稍大意山西之豐甯歸化三廳亦與察哈爾相接並著定安李宗羲一體防範賊匪既由北竄並有庫倫豐富可去搶奪之說張廷岳阿爾塔什達務當隨時偵探儻有賊蹤竄近即行就地撲滅毋留餘孽據擊獲被脅民人王六娃子所供是賊股係由甘肅甘州竄出沿邊北竄滋擾蒙古遊牧賊數雖不甚多而行蹤飄忽亟須及早殲除免致勾結滋蔓王六娃子既非甘心從逆即著文盛按站解回原籍管束又據福濟等奏扎薩克阿畢爾米特旗突有大股賊匪焚掠召廟等語該旗南接歸綏著定安飭屬嚴密堵扼毋任匪徒溷

東華續錄

同治八十五

入將此由五百里各諭令知之○諭福濟榮全奏蒙旗被賊滋擾見籌防守等語據稱扎薩克阿畢爾米特旗下突有大股賊匪焚掠召廟欲取葦生官廠圖擾各遊牧地方該處為新疆往來通衢臺站設有梗阻關繫非輕福濟等已由鄰境各旗調兵接應著即飭令迅速派撥蒙兵會合進剿務將此股及早撲滅以免蔓延並飭令該扎薩克聯絡各旗力籌戰守不可輕率遷移致賊匪益無顧忌本日復據文盛奏三月初間察哈爾軍臺庫克額爾濟地方突有馬賊數百人竄擾據擊獲被脅民人供稱此股係屬回民由甘州草地沿邊北竄欲往庫倫等語近來甘肅回匪因大兵進剿分黨由草地北竄股數不一阿畢爾米特旗之匪究由何處竄來是否亦係回民人數約有若干著福濟等查明具奏邊外地勢遼闊匪蹤往來無定福濟等務當飭屬勤加偵探妥籌防範毋稍大意

二

鼓勵昨據文盛奏察哈爾軍臺被賊竄擾已咨調達爾濟管帶馬隊五百名擇要駐紮探蹤進剿見在達爾濟受傷既不甚重即著定安一面飭令趕緊調治仍遵前旨迅飭該總管帶隊折回聽候文盛調遣賊氛既距包頭甚近該將軍當機飭在防文武嚴密堵禦達爾濟回察哈爾後應以何營填紮並著妥籌布置毋稍疏虞將此由五百里諭令知之○辛丑諭軍機大臣等張廷岳等奏請調官兵勦捕竄匪及籌畫餉需各摺片前據文盛奏軍臺被賊竄擾當經諭令張廷岳等隨時防剿茲據張廷岳等奏稱內地剿敗餘匪由扎薩克阿畢爾米特遊牧竄入圖謝圖汗部落到處滋擾復在賽因諾顏部落肆行焚搶蒙古人眾聞警逃散並探另有大股匪徒圖犯庫倫亟應迅速撲滅毋令蔓延張廷岳等已飭東兩部落盟長調兵攻剿並咨烏里雅蘇台將軍轉飭賽因諾顏部落東華續錄 同治八十五 三

兩盟設法籌畫先應急需該蒙古各旗情形困苦豈可以暫墊之款作為指輪致滋擾累著張廷岳等於領到部款後即行照數給還文盛於達爾濟到後即飭前往剿洗杜嘎爾帶兵素稱得力病體計已痊愈並傳知該副都統派派將弁迅往督剿肅清臺站前據福濟等奏扎薩克阿畢爾米特旗突有大股賊匪竄擾已派旗兵會擊見在剿辦已否得手是否即張廷岳等所奏圖犯庫倫股匪著福濟榮全查明具奏仍遵前旨妥籌防剿並著轉飭賽因諾顏部落迅派蒙兵將該旗界內竄匪會同東二盟派出官兵合力夾擊以絕根株將此由六百里各諭令知之○壬寅 上詣 大高殿祈雨○諭內閣都興阿等代奏丁憂尙書因病請假一摺文祥著賞假兩箇月並賞給人養五兩安心調理○癸卯諭軍機大臣等李鶴年奏辦理刀匪完竣並請將出力員弁獎勵各摺片宜東華續錄 同治八十五 四

賞給舉人俟服闋後准其一體會試其靈柩回籍時著沿途地方官妥爲照料用示篤念耆臣至意尋予祭葬諡端恪○調鄭敦謹爲刑部尚書以沈桂芬爲兵部尚書龐鍾璐爲左都御史彭久餘爲吏部右侍郎由副都御史遷○丙午諭軍機大臣等前因文盛奏軍臺被賊竄擾當以察哈爾東與直隸張獨多三廳接壤諭令曾國藩飭令地方文武認真巡緝嗣據張廷岳等奏稱內地剿餘匪由扎薩克阿畢爾米特遊牧竄入圖謝圖汗部落到處滋擾復在賽因諾顏部落肆行焚搶並探另有大股圖犯庫倫等語庫倫察哈爾一帶地勢平曠並無扼要處所可以守禦萬一匪蹤飄忽突向南竄恐直境人心未免震動亟應嚴爲戒備曾國藩當勤加偵探於沿邊一帶應如何不動聲色嚴密設防以備不虞之處卽著妥籌辦理前經劉盛藻派趙宗道管帶銘軍八營移紮保定該軍是東華續錄 同治八十五 五

否勤加訓練足備調遣嗣後有續調來直者否該督前奏酌議練軍事宜古北口又添千人卽由提督傅振邦統帶此軍是否足恃其餘譚勝達等所統正定等處練軍遇有緩急能否備調以資策應著曾國藩統籌全局豫爲布置將此諭令知之○諭李宗羲奏殺軍擊剿續來回匪獲勝一摺逆回竄擾草地被官軍擊敗後復有後股賊匪馬玉芝率眾來援經蔣東才帶隊追剿斬殺甚多並將馬玉芝擊斃見在榆境邊內外已無賊蹤著定安李宗羲咨會宋慶隨時偵探飭令在防各軍加意嚴防如有賊匪竄入卽行盡力兜剿悉數殲除毋稍鬆懈庫倫至察哈爾一帶賊匪竄擾著定安懷遠疊次諭旨迅撥兵勇會剿並查明匪自何來被擾處所距綏城道路若干迅速奏聞包鎮至石嘴磴口以迄甯夏一帶近日有無匪蹤竄及糧運是否疏通亦著隨時具奏將此由四百里各

諭令知之○諭總理各國事務衙門奏美國使臣蒲安臣病故見籌辦理情形鈔錄志剛等奏彙各摺片美國使臣蒲安臣前經派充出使各國大臣與志剛孫家毅前往有約各國辦理中外交涉事務該使臣周歷英法美暨瑞丹和布諸國遠涉重洋不辭勞瘁辦事諸臻妥協本年正月間行抵俄國病故殊堪憫惻該使臣身後事宜業由志剛等妥爲照料兼撥銀兩經理喪事著加恩賞給一品銜並賞銀一萬兩由出使經費項下撥給交該使臣家屬祇領以示優待之意蒲安臣業經身故出使事宜甚關緊要著該衙門飭令志剛等督同左協理柏卓安右協理德善悉心商酌妥爲辦理將此諭令知之○諭廣東督撫申禁械鬪盜葬積弊○廣東東靈山封川陽山高明四縣學額各二名○丁未諭軍機大臣等金順奏中衛防軍疊次剿賊獲勝一摺炭山等處竄匪經黃金山擊退後復有河州回逆竄至北沙窩一帶又經該總兵沿途追殺餘逆由沙坡根渡河逃竄卽著金順飭中衛地方文武實力防守不可再令匪蹤竄入並飭黃金山隨時偵探如有股匪滋擾卽行帶隊擊剿盡殲逆氛王家疇回匪乞撫後繳出馬匹器械甚少該匪心懷疑懼亟應加意防維並著金順與張曜隨時酌商相機辦理如該匪真心投誠不妨予以自新儻以官軍圍剿甚急故作緩兵之計卽當乘機進剿不可墮其奸謀甯夏至磴口石嘴一帶近日有無賊蹤竄及糧運是否疏通並著隨時具奏將此由五百里諭令知之○兩廣總督瑞麟等奏靈山等處匪徒滋事札飭知縣馮詢等帶兵會剿得旨著飭令馮詢等迅速進剿盡殲醜類並飭合浦欽州各文武一體嚴防合力勦辦以靖邊圉又奏西匪竄入西甯見經官紳擊退批蒼梧等處尙有賊匪屯聚難保不復竄東

境著即飭令西甯等州縣督率紳團認真防剿毋令賊蹤闖入並著瑞麟嚴飭梧州所屬文武實力勦辦務絕根株毋任滋蔓○壬子子江蘇殉難從九品吳治謨訓導王與沂建祠○癸丑左宗棠奏續據總統南路諸軍周開錫稟稱上臘二十八夜逆回自狄道渭源出漳縣三岔西十里許之野狐橋乘度歲之際圖伺官軍之懈道員湯聘珍得報令軍中戒讌飲准備擊賊初一日督同提督梅開泰所部整隊進剿賊聞風遁黃香溝距漳縣已七八十里初四日黎明偵騎賊數百襲踞晉家堡湯聘珍梅開泰各營急起掩之賊駭而奔躡殺尾賊十餘名初五日總兵周文翔隊伍追賊及石灰溝口梅開泰循漳縣山脊橫出王家河邀賊歸路前後鈔擊斬殺百餘名餘逆漫山鼠竄十一日復嘯聚殘黨數百由黃峴口繞出老幼店時總兵范銘一軍經周開錫裁併之後分駐秀石關東華續錄 同治八十五 七

酒店驛木寨嶺等處扼防岷州十二日黎明伺賊至整隊迎勦斃賊六十餘名生擒四名賊狂遁而西同日賊馬步千餘下渭源熟羊城俯賊鞏郡總兵王得勝隊伍出鞏郡之左提督彭忠國隊伍出鞏郡之右兩路馬步併力壓下敗之斬賊四五十人陣擒五名追至熟羊城而還二十五日賊復糾合馬步三千餘眾沿王家河出石灰溝口劫周文翔營壘勢眾且悍湯聘珍得報令總兵葉占魁照料漳縣營壘總兵王光富率馬步前驅自督所部行隊隨後策應行近石灰溝口瞭見馬賊結十數團往來衝突步賊旗幟如林周文翔正背壘而陣與賊相持王光富怒馬衝鋒催隊橫列周文翔營前直劈賊陣截馬賊為兩楮步賊衝出口救援馬賊湯聘珍揮軍搶上山腰鈔賊之後賊勢潰敗官軍躡至王家河其截斷之馬隊二百餘經周文翔分道鈔擊擒斬尤多據生賊供此股

逆目即劉四花鄉約馬元張一四皆西和禮縣回逆叛附狄河者也上年九十月之交闖越西禮經官軍勦敗花馬兩逆負槍傷而逃此次因狄河乏食陝回希圖東竄嗾由鞏昌漳縣岷州犯甘南腹地牽級官軍嗣二十五日湯聘珍督隊擊敗之後賊遂由王家河趨甯遠屬之攤歌禮縣屬之馬塢疾奔而南記名提督涼州鎮總兵傅先宗派提督丁桂智總兵王銘忠馬隊自甯遠馳出新寺鎮截賊賊之馬步已循馬塢越鹽關竄西和蔓及成徽兩當各縣而傅先宗之追兵已落賊後周開錫比飛檄王得勝督馬步自鞏昌伏羌迤鹽關繞成徽而東會同丁桂智王銘忠馬隊斜出賊前派提督高月桂李奉清陳天佑所部出秦州之娘娘壩高橋指徽兩擣賊中堅副將徐仕海之營守鹽關扼賊歸路賊伺官軍分道並進即由徽兩間道旁溢秦州屬之甘泉寺百花川覬覦州城官東華續錄 同治八十五 八

軍連日躡賊而賊蹤隱忽靡定不得一戰周開錫調賊所向派總兵田連考簡銳卒百二十人扼秦州東路朱家祠衝要撥追兵倍道躡其後二月二十五日騎賊數百奔朱家祠田連考揮壯士猛擊之而退是夜諸軍雲集劉家堡距朱家祠十餘里約詰朝會勦而賊未之知也二十六日黎明賊騎步二千餘眾犯田連考營壘軍士堅壁禦之相持兩時之久高月桂李奉清陳天佑副將謝復雲唐晉林賢俊自劉家堡掩至內外夾擊斃悍賊二百餘名賊勢不支向康家巖狂遁官軍躡三十餘里抵壩家川零股悍騎近千橫出西路適總兵蘇家良馬隊自秦州趨程駛至遇之奮威衝擊賊敗走康家巖合股回戈返闕各軍乘全勝之勢一鼓壓勦直前縱橫盪決又斃賊二百餘名生擒三十餘名賊逃東而南遁白蠟峽二十七日官軍追至白蠟峽賊已循禮縣之固城鎮四溝臺奔

永平鎮三月初三日丁桂智王銘忠馬隊追及之賊分兩股一下莫家山坡一出大峽溝口官軍馬隊亦張兩翼直前雕剿王銘忠擣莫家山之賊賊踞山口憑險以拒軍士下馬持矛超距而進刺斃悍賊五六十名敗賊冒死西奔其大峽口一股經丁桂智斷其出路賊即越嶺遁竹林坡官軍馬步分途鈔殺擒斬數十名跌斃崖壑者不計其數輜重拋棄山谷拔出被脅難民數百名餘賊越馬家河出甯禮交界之栗子坪奔狄河方南路各軍追賊徹兩之時次回崔三禹得彥李經舉邀河回米阿渾等悍黨同出狄道越安定西南七十里之馬家河二月二十一日黎明提督楊世俊自安定率兩旗馬隊截之斬馘多名正追殺間伏賊突起山溝四面包裹而至楊世俊改騎爲步揮刀督陣士卒以寡敵眾殊死戰不少卻搏戰四時之久楊世俊左脇中叉子槍傷士馬亦多損失楊東華續錄 同治八十五 九

世俊襲創嚴陣而退收入安定城是日賊零股千餘竄紅土窯東北二十里之謝家河總兵敖天印率兩營步隊會合楊世俊分防紅土窯之提督張仲春參將楊德俊馬隊遇賊於紅土窯十五里之剪子岔自午至申鏖戰三時賊敗退馬家河合大股東趨連日擾及通渭之榜羅鎮秦安之龍山鎮清水之張家川 臣宗棠因陝回馬阿渾一股已由陝境負創遁入甘境歸巢而甘南徽兩竄賊戰事方殷陝回河回又乘閒以踵其後必將句結爲患窺伺汧隴寶鳳以遂其鼠竄遁逸之謀比飭周開錫嚴督甘南各軍分路堵剿檄李輝武一軍由鳳翔西指會合甘軍先清徽兩之賊分兵妥籌隴防顧陝疆門戶檄吳士邁所部剋日由乾州赴汧隴而西力遏竄氛嗣周開錫因崔禹各逆趨重清水撲犯城垣飛檄湯聘珍自漳縣轉旆而東星馳援剿其時花馬等逆經官軍痛擊於秦州

朱家祠等處亟圖歸巢不能與崔禹各逆合股周開錫遂以王銘忠丁桂智馬隊躡其後抽出王得勝田連考各軍合擊清水之賊三月初三至初六日米阿渾等喉馬步賊更番圍攻清水縣城在城文武紳團固守待援勢殊岌岌初七日湯聘珍軍至城圍始解初八九等日王得勝由秦安進田連考由秦州進均先後抵清水迨各軍分途剿賊悉趨張家川脅屯畱張家川之陝回海成等逆挾之東行一由閻家店入陝西隴州馬鹿鎮度咸宜關入渡鎮趨汧陽縣頭鎮一由赤沙入隴邊香泉鎮出賈村原趨寶鳳分股由椒川漫坪擾鳳縣境提督李輝武調所部分駐隴州鳳縣各營截之雖少有擒斬而賊眾剽悍迅速未能遏其偷越初十日李輝武親督所部擊賊於縣頭鎮敗之十一日吳士邁由鳳翔拔隊赴汧陽汧陽賊於先日已合大股斜出寶雞賈村東趨鳳翔之陳村東華續錄 同治八十五 十

吳士邁乃回軍東向剿之十三日李輝武率所部出寶雞十四日以六營分三路從黃家巖擣陳村賊巢鏖戰三時適吳士邁自汧陽馳至掃蕩蔡家山吳西莊之賊風馳電掣而來合力擣陳村賊巢賊大驚潰兩軍乘勝鈔擊擒斬賊以千數百計敗賊向柳林鋪奔岐山十五日吳士邁李輝武躡賊岐山比經 臣宗棠添調之總兵殷華廷馬隊亦到十七日會師擣羅局鎮之賊李輝武殷華廷由蔡家坡進西路賊之大隊仍分數路鈔來李輝武殷華廷穿入賊陣軍士併力撲之西路之賊先潰吳士邁夾棗林鎮進東路直逼羅局先伏兩營於東路破堡截賊出路追各軍將巢賊擊動賊分途狂竄伏兵突起擊之截殺尤多是役官軍共斃賊千餘名生擒三十九名截賊爲兩一東竄扶風一西竄鳳翔官軍弁勇傷亡六十八名自此賊勢分而克銳頓滅東竄之回爲陝西逆首禹得

彥李經舉河州逆目米阿渾等敗殘之後人數不過三千有奇然馬多於步已革總兵張福齊一軍以撫臣檄又敗之扶風醴泉之間撫臣蔣志章復檄提督劉端冕之軍出鄜洛扼北山之防知府陳鴻藻總兵王萬年同知童兆蓉各營聯絡張福齊之軍分途追剿賊竄至渭南水師遏之遂竄蒲城以趨白水蓋欲入山覓路回竄甘肅也張福齊各軍自高陵東趨緊躡其後二十三日及賊於白水新窯鎮復敗之是戰註銷總兵徐萬福戰尤力身受八創斃賊尤多敗賊掠過宜君中部兩縣界劉端冕所部提督甘大有擊之魚鱗川斃賊亦多二十七日賊竄入甘肅甯州界所有陝境擊賊獲勝詳細情形已由撫臣會銜陳奏矣賊前隊竄至甯州署知州楊大年率城防勇丁截之小有斬獲二十八日竄至拜家河署平慶涇道魏光燾擊敗之二十九日竄至鎮原縣屬孟壩寺總兵東華續錄 同治八十五 十一

江得意截之西壕三汊河敗之四月初一日竄至固原州屬白家壩陝安道黃鼎自率馬步七營截之飭所部提督徐占彪分統四營截之洪溝炭山一帶大獲全勝斃賊千數百名陝回李經舉即李金菊河回米阿渾即閔阿渾及從金積堡竄出之土回單仲明等均經陣斬其餘小頭目等擒斬無數惟陝逆禹得彥四百餘騎仍由鹽茶廳一帶竄走其西竄之雀三一股賊數約尚有二千餘三月二十日由隴州竄張家川見復由秦安北竄至莊浪隆德之間臣已調徐文秀黃鼎剿之所有甘境獲勝詳細情形容即察實專摺馳陳又奏據劉錦棠黃萬友粟馬化澄被勒窮蹙惟圖決渠洩水以困官軍嗣官軍傍壘築長隄闊三丈高丈餘北抵黃渠南接金積里許復開濬深溝以資堵洩而秦渠馬連渠之水連日被該逆決放者均隨時引注永甯洞口合流入黃賊不得逞復憑東

南山水溝設卡築壩圖淹吳忠堡赴河西運道分股犯官軍河東營壘二月二十日黎明金積附近堡寨角聲四起陝甘各回馬步紛紛沿漢伯堡波浪渠隄出胡家堡而東其時黃萬友向督隊赴靈州設糧也提督潘運璋王秀棟等會合金運昌派駐之兵憑牆壘禦賊河岸轟斃多名追劉錦棠金運昌飛調前敵大隊馳擊賊已向胡家堡遁去是晚各軍行隊均宿吳忠老營適黃萬友所部亦至劉錦棠比商之金運昌傳令軍士準備剿賊二十一日五鼓整隊向胡家堡進天甫明瞭見山水溝賊修成三壘近壘之處野潦縱橫馬步賊萬餘隔水排列壘前劉錦棠金運昌揮隊覺水擊之金運昌進左路劉錦棠進右路黃萬友督提督周國勝王秀棟李雲貴何作霖王承贊尹興茂軍功李雙良分兩大支一鼓直前劉錦棠督中軍為策應各路馬步正逼近賊壘步賊分股入壘踞東華續錄 同治八十五 十二

守大股隨馬賊衝突而來勢甚兇悍各營槍礮環轟子如雨注馬賊稍卻軍士併力壓下馬賊敗退步賊之後步賊挺矛對刺冒死交鋒馬賊亦回頭分鈔左右鏖戰逾時官軍奮威衝殺當者辟易騎賊紛紛墜馬步賊傷亡亦眾相率潰散官軍乘勢躡至壘邊守壘之賊憑堞放槍敗賊亦倚牆抗拒壯士不避鋒鏑愈戰愈奮劉錦棠復飛令提督譚拔萃易致中羅照昇更番助戰壘外敗賊自量不敵狂遁胡家堡漢伯堡而西黃萬友從各壘中空之地追出見壘門未閉守賊仍植立不動即令何作霖督隊防敗賊回援調洋槍洋礮手分堵左右三壘出路劉錦棠金運昌督各營合圍之壘賊見官軍四面環攻銳不可當登時慌亂壯士有奪門而入者有保騰而上者立將三壘一鼓攻克悍賊一千二百餘名無一脫者各營平其壘而還兩日之戰除破壘擒斬之數陣斃逆眾尤多

陣亡弁勇二十一名受傷者四十九名二十二日黎明劉錦棠謂馬步賊二千餘赴山水溝廢壘收屍飛商金運昌出隊行四里許馬賊四五百名竟出山水溝挑戰劉錦棠以六營結方陣猛打猛進躡近溝邊騎賊返撲陣前步賊踰溝踵至零股步賊仍伏溝中相持至午刻各營已進距王秀棣營前金運昌亦率隊自北路鈔出劉錦棠飛令各營前後夾擊馬賊奪路遁去步賊落後兩軍縱橫盪決斃賊五六百名生擒七十四名餘賊向山水溝敗歸胡家堡其徘徊溝中逆黨亦望風先潰劉錦棠所部陣亡弁勇十一名受傷二十九名據擒逆目周斌之子長順供馬化澹因官軍緊逼金積堡附近之秦壩關早元堡板橋漢伯堡不能耕種堡中存糧無多有岌岌難支之勢故日嗾陝甘各回築壩洩水以圖退兵不料屢為官軍所敗二十一日山水溝修壘步賊係甘回馬九王洪

東華續錄

同治八十五

三

袁老九等馬賊係陝回臨洮謝四各股王洪之姪王天福已經官軍擊斃壘中矣訊畢正法軍前嗣是陝甘各回連日負創之後伏巢不出二十九日五鼓馬九王洪復嗾余禿子楊三辣西甯逆回張阿渾及陝回余彥祿黨眾出胡家堡之東廡聚靈州西南五里之王銀柵排立賊壘兩座分股入踞其中大隊蔓延各破堡蓋欺靈州兵單意在覬覦州城圖劫前敵各軍東路還道也是日午刻劉錦棠得報整隊即起出吳忠堡繞河岸而東二鼓潛入靈州城傳餐小憩三十日五鼓合分防靈城兩營成列以出行近賊巢守賊尚未覺黃萬友率李榮貴何作霖曾松明各營分左右路襲各破堡踞賊劉錦棠率提督譚拔萃周國勝易致中知州李樹棠各營直指王銀柵賊壘各路號鼓齊鳴火器並發各破堡之賊自夢中驚起不及齊隊爭向新堡狂奔壘賊吹角站牆開壁迎戰劉錦

棠黃萬友揮軍併力歷之三路猛撲壘前壘內外賊登時潰敗四路奔逃官軍乘勢鈔殺有逃走不速隱匿廢堡之賊接斬無遺兩壘一律平毀各振旅而還是役斃馬步賊一千數百名生擒八十餘名官軍勇丁陣亡二名受傷者三十一名數大捷之後士氣益壯賊膽益寒馬化澹計無所施又率其子馬耀邦具稟到劉錦棠軍前乞撫以春耕緊要為詞求大兵退吳忠堡劉錦棠許其耕墾不許退兵仍勒限悉繳馬械據擒賊供近來馬化澹已挨戶派糧三次矣春耕失時再困數月賊糧無出必致餓乏不堪臣見飭劉錦棠相機圖之又奏金積堡陝回自定邊環慶兩路竄陝各股仍循慶陽鎮原豫望一帶北遁逆目馬呼來一股經道員魏光燾總兵江得意等擊敗歸巢無幾臣已於三月初七日陳奏陝回馬阿渾等眾蔓及武功扶風一帶所有在陝各軍戰狀已由前署撫臣

東華續錄

同治八十五

四

劉典馳報二月二十二日賊敗由永壽竄入甘肅靈臺屬之邵寨崔木等鎮吳士邁所部追及之賊已分股狂遁二十三日折竄長武道員朱明亮督隊自涇州截出敗之是日賊越甯州焦村奔蕭金鎮零股繞出涇州荔家堡西趨魏光燾得報分兵守慶陽挑馬步兩營行隊數百人疾趨甯州檄分防驛馬關黑河各營會剿二十四日午刻魏光燾及賊於焦村十五里地方揮隊擊之截賊為兩樞一支折回焦村提督戴佑勝等扼剿於後一支趨蕭金鎮魏光燾督參將袁海壽譚吉士等壓剿而前賊欺追軍單薄悉銳以抗戴佑勝之兵魏光燾譚吉士應之賊勢稍卻而零股絡繹西奔者忽擁擁而至焦村包裹而前魏光燾返旗回撲步隊夾馬隊而陣外環刀矛閃以槍礮輪轟之鏖戰一晝夜軍士勺水不入口屹立如山勇氣百倍相持至二十五日黎明賊之精悍傷夷已多陣

勢漸亂壯士乘機衝突賊大潰向蕭金鎮鼠竄而去官軍蹙至三不通傳餐休息方魏光燾進兵焦村之時總兵熊道濱率隊出驛馬關副將蕭玉元率隊出黑河川兩路行抵西峯鎮賊之前股已由蕭金鎮沿打家河而上二十三日知縣羅壽昌偵賊來路督雷守黑河焦家河前左兩哨截賊於打家河賊以悍騎翼蔽在前賊羸弱者狂奔而西羅壽昌正揮戈督戰熊道濱蕭玉元追勦之兵亦至前後夾擊斃賊百餘名賊眾擁擠河岸自相蹈藉拋棄騾馬糧食向太平鎮逸去迨提督劉端冕派隊隨魏光燾由三不通踵至已追之不及矣是日鎮原防軍江得意經臣調赴西壕遇賊於棗林截之賊飛奔孟壩寺二十六日江得意率步隊會合副藍旗馬隊分兩路躡賊沿途擒斬頗多賊且戰且走向三汊河竄豫望一路薄暮魏光燾之兵先後齊集偵賊去已遠遂駐營張家城二東華續錄 同治八十五 五

十七日收隊回防其後股賊騎百餘由涇河川敗竄者劉端冕派提督甘大有尾追之二十六日過黑河川羅壽昌督隊迎頭攔截奪其戰馬賊黨全數擊散賊之北竄豫望也正提督徐占彪總兵蘇如松截勦馬正和敗殘陝回獲勝自韋州收隊回防之時二十九日未刻詞賊騎自豫望東南三十里毛渠井狂奔而西徐占彪蘇如松會商該逆奔馳疲乏應乘黑夜襲之戒軍士成列以出派士民爲嚮導一出毛家墩鈔賊之前一繞蔡廟斷賊之後一橫出馬家大山溝底擣賊中堅漏初下徐占彪舉礮爲號親率正營自馬家大山溝底穿山壯士大呼陷陣殺聲震谷左衝右突當者披靡賊正倉皇挺走蘇如松率精善營馬隊從後面兜勦而來該逆全數奔毛家墩總兵陳春萬伏兵突起攔頭截之各路馬步亦愈戰愈勇該逆敗遁下馬關一路三十日黎明官軍蹙至下馬關

祇見零星殘賊或三五人或六七八人踰溝越嶺而遁不復成股沿途斬殺數十名振旅而還訊據擒賊供馬阿渾即馬朝元自正月初一日糾陝回十三營股眾不下二千名由金積堡銀條梁竄入北山到甘泉與馬正剛合人數漸增東犯韓邨走高陵涇陽醜泉乾州扶風永壽一帶出靈臺崔木折竄董志原歸巢馬正剛之子則經官軍擊斃道左鋪矣臣維馬阿渾等眾經陝西各路官軍次第勦敗回竄甘境者賊騎不過千數百名魏光燾以數百人扼之焦村大挫兇鋒其敗歸也一創於打家河黑河棗林諸戰再創於徐占彪蘇如松毛渠井諸戰前後擒斬實數以六七百計所贖殘黨狼狽歸巢者糧畜器械均爲官軍所奪逆首雖未伏誅而賊膽已寒矣又奏固原鹽茶廳土回種落蕃衍良莠難雜上年官軍北進勦撫兼施均經臣隨時陳奏而東西兩山土著回匪仍假息山東華續錄 同治八十五 六

谷糾黨劫掠糧運多梗其金積藏匿各回因仇四出掠食並嘯聚土回分起滋擾臣比飭平涼固原慶陽諸軍嚴密接捕二月初西山李野賊李存昇李兒步讀馬百長楊茂林五六眾至馬驛掌楊家溝羅家腰嶮等處初七日提督周紹濂飭總兵張大雄副將周玉林自李旺堡進勦令回目馬益順爲嚮導黎明抵楊家溝賊見官軍即紛紛潰散乘勢攻馬驛掌及羅家腰嶮之賊張大雄周玉林令各哨夾滿家山疾走斃賊數十名初九日賊復聚楊家莊初十日四鼓張大雄督五成隊襲之賊越山狂遁同時匪目明先行即明七十子股眾盤踞劉家臺子距白家壩五十餘里道員黃鼎派提督徐占彪領馬步四營由固原拔進初九日襲賊於劉家臺斬悍賊百四五十名生擒二十餘名初十日徐占彪調移仲元明先行等逆距劉家臺東北狼兒溝元城子黃鼠鑽爲巢飭總兵

陳春萬趙興隆副將劉心灼分馬步三路搗之共殺百數十名
 餘匪散而復聚於教場川十二日官軍掩至賊已聞風宵遁僅斬
 落後尾賊數名其時李野賊之黨楊滿林馬宗祥股眾二百數十
 人乘間竊發於西山巖踞圪塔紅麻川夏回軍功王益萬自王
 家團莊飛報提督丁賢發比派副將吳啟雲守備張玉梁整隊馳
 剿二十八日辰刻王益萬引官軍圍圪塔山下賊館賊冒死衝
 突官軍陣斬二十餘名生擒楊滿志馬環環子李七餘子馬割膽
 子等十一名三月初一日天甫曙分駐固原楊家老莊之參將于
 維槐調步賊百餘圍攻鐵家溝民堡率隊救之適夏回穆進善率
 旌善營馬隊從碾子頭壓追而南于維槐復截其去路陣斬逆回
 四五十名生擒匪目馬宗祥訊供李野賊自豫望城喉之前來途
 遇陝回數十人夥出西山掠食經官軍擒斬殆盡矣是日東山匪

東華續錄

同治八十五

七

目刻仲祿復擾及固原三關口一帶申刻副將盛照魁率所部行
 隊自蒿店護糧過三關口遇賊步騎五六百名劫去糧馱哨弁楊
 雪亮躍馬砍陣力戰而亡盛照魁調知率隊進剿斃賊二十餘名
 奪回騾馬數十頭初四日提督陳廣發自瓦亭率長營八成隊護
 糧行抵海口子地方偵知明七十子之黨騎賊數十步賊二百餘
 絡繹出巢陳廣發伏山溝左右以待賊至伏發斃賊百二十餘人
 餘賊奔固原適黃鼎所部副將黃虎臣護糧適至揮馬隊迎頭截
 之斃賊三十餘名生擒四名初九日副將總兵趙興隆副將何玉
 超護餉至高崖子參將林定遠守備黃錦團並騎先驅偵探賊蹤
 遇賊零騎被害趙興隆何玉超等十三日由黑子山溝進剿斃賊
 十餘名賊目海滿寬仍據險抗拒擲石擊傷官軍官軍冒險急攻
 夏回楊如兩將逆目海滿寬縛獻軍前正法降其餘眾十四日抵

老陽莊賊目丁保中乞撫受之旋據探報賊目單貴馬生江等竄
 至李家店何玉超令楊如兩即夜掩擊斃賊七八十名窮追至虎
 狼口調餘賊已合明先行刻仲祿一股踞狼兒溝蒲家墩一帶十
 五夜趙興隆何玉超潛師襲之四鼓分路鈔截立將狼兒溝蒲家
 墩賊巢攻破斃賊三百餘名旋據楊如雨報逆首刻仲祿受傷藏
 匿狼窩溝為官軍亂刀砍斃獲其屍呈驗其明七十子單貴兩賊
 則隻身逃竄荒谷黃鼎已飭楊如雨捕之餘賊投誠免死安插其
 竄入環慶一路者賊目為李化魁蘇進萬李良友張義全均由金
 積堡竄出或百餘人為一起或數十人為一起意圖騷越陝境經
 魏光燾派隊截剿陣斬蘇進萬李良友張義全生擒多名餘賊得
 脫者實亦無幾臣維東西兩山廣袤數百里山谷盤亘漢民少而
 回民多其間良愿守分回民雖復不少而種族既繁氣類亦別良

東華續錄

同治八十五

六

回每為匪回所劫持難於自拔馬化澂故得以其新教煽惑而句
 結之自官軍分駐中路勦撫兼施又錄用諸良回為之嚮導誅其
 莠而宥其良腹地伏莽乃漸有肅清之望雖陝甘逆回或由金積
 堡南來或由陝境北竄而諸營聯絡布置地網四張夏回復為偵
 探導引每得掩其不備而殲之其各軍截剿陝回馬得彥河州回
 米阿渾等逆獲勝情形另疏據實馳陳 上諭軍機大臣等甘南
 徽兩等處竄回經湯聘珍各軍先後擊敗而賊之前隊竄至甯州
 又經魏光燾等追擊擒斬甚多陝回馬得彥仍由鹽茶廳一帶竄
 走其西竄之崔三一一股由隴州竄張家川後復由秦安北竄至莊
 浪隆德之閒左宗棠已調徐文秀等率隊追剿惟見在各路回股
 每於陝甘交界處所東奔西竄率擊官軍而甘之河狄尤為逆眾
 逋逃之藪左宗棠移圖善務當飭甘陝各軍分投剿洗迅將萬

得彥崔三各逆設法殲除以孤賊勢金積堡踞同疊經官軍痛剿
勢甚窮蹙二月二十日後劉錦棠等軍又將山水溝賊壘三座暨
王銀柵賊壘攻破馬化澂復詭詞乞撫該逆詭詞異常見當圍困
糧盡正可乘機計取著左宗棠檄飭劉錦棠等斟酌情形妥籌剿
辦毋為該逆所給馬阿渾等股因為陝軍剿敗回竄甘境魏光燾
於打家河毛渠井等處痛加剿擊所贖逆黨無多仍著左宗棠分
飭魏光燾等跟蹤追剿迅速殄除毋任該逆苟延殘喘因原鹽茶
及環慶各處客土回匪節經周紹濂等勦擊實足大挫兇鋒惟該
處山谷盤亘回民種類亦繁左宗棠務飭在事文武時加按緝勦
撫兼施毋任匪徒乘機煽惑以消隱患將此由六百里各諭令知
之○于甘肅陣亡參將陳思忠祭葬世職○甲寅諭軍機大臣等
左宗棠蔣志章奏勦賊匪陝回股腹地仍復安謐並榆林安邊等
東華續錄 同治八十五 九
處勦賊情形各摺片崔禹逆股竄擾陝境經各軍分投追剿連戰
皆捷見在崔逆西奔禹逆東竄敗殘之賊所餘無幾鳳西同乾鄜
境內已無賊蹤惟崔禹兩逆帶傷逸去並未就擒其夥黨各圖潰
散之說亦不足憑且劉典曾報陝境腹地肅清乃未幾而崔禹等
逆旋即竄入幾致蔓延所謂肅清者安在該督撫等務當嚴密布
置檄飭各將領認真防剿並將該逆首設法殄除毋任匪蹤再行
闖入此次該督等奏保出力各員朝廷姑如所請藉以鼓勵軍心
嗣後敘功獎勞務求允當毋得率行奏請以昭覈實安邊堡同股
已退回金積老巢仍著蔣志章飭令劉厚基等督率各營隨時防
範以期周密並著左宗棠妥籌兼顧將此由五百里各諭令知之
○于陝西陣亡參將黃萬陞祭葬世職○乙卯諭軍機大臣等都
與阿等奏飭拏過江餘匪辦理情形一摺邊外滋擾朝鮮匪犯見

經都與阿等續獲薛萬祿一名正法訪聞逸匪劉克功潛逃邊裏
據奕艾等查明從前擊斃夥匪內有著名匪首李成蹊等三名並
將土隄塔等處賊匪窩棚全行焚燒朝鮮國亦即將該處江岸游
民窩棚平毀該將軍等見仍派員按緝餘匪著都與阿清凱麟書
恩錫飭令訥欽等將劉克功躡擊務獲並令春鐸帶兵隨時按捕
餘匪務絕根株至善後一切事宜應如何與朝鮮國會辦以杜後
患之處並著都與阿等斟酌情形妥籌辦理小黃溝卡官錦州佐
領依克錦金州防禦富伸泰前於匪民在該管地方滋事毫無覺
察均著交部議處將此各諭令知之○丁巳諭內閣崇實吳棠奏
援滇川軍克復魯甸廳城生擒逆將出力員弁開單請獎一
摺雲南逆匪李本忠竄踞魯甸廳城提督唐友耕督率官軍分路
進攻疊破賊巢當將廳城克復生擒逆首李本忠及賊黨多名正
東華續錄 同治八十五 十
法昭魯漸次肅清在事出力各員洵屬著有微勞自應量予獎勵
唐友耕越境援剿疊著戰功此次迅克堅城生擒逆首實屬異常
出力唐友耕著賞黃馬褂以示優獎另片奏請將隨同克復城
池之知府英文等失守處分免其置議等語昭通府知府英文著
魯甸通判吳廣通帶練隨剿雖有微勞足錄惟未能先事豫防究
有應得之咎未便遽予免議英文吳廣通均著革職留任以觀後
效○諭軍機大臣等曾璧光奏黔省軍務緊迫糧餉兩空見在籌
辦情形一摺黔省苗教各匪雖經川楚黔各軍分路防剿而賊眾
兵單總未大張撻伐曾璧光見令總兵李榮春毛際惠等分由安
順水城募練前進剿洗土匪即赴興普合攻回巢其大定屬之積
匪濫練遵義屬之漏網餘匪即飭馬宗駁蹇閏等會同府縣各官
認真按剿並力保開修等縣以順餉道派兵駐紮定廣以遏賊氛

所籌均尚周密即著該撫督飭在事員弁實力防剿毋稍玩誤獨
 山荔波等州縣界連粵西自都勻失後定廣賊熾省軍鞭長莫及
 援助為難曾璧光請飭廣西各軍由獨荔一帶掃蕩而前亦是正
 辦惟馮子材督兵勦辦越南匪徒尚未蕪事能否分兵援黔之處
 著蘇鳳文馮子材酌度情形妥籌辦理遵義教案屢經寄諭曾璧
 光迅速辦結乃該撫並不妥為籌辦輒將李鴻章派出之道員余
 思樞派赴貴定辦理軍務殊屬延玩見在法國在京公使日以黔
 省教案未結向總理各國事務衙門催問著曾璧光迅飭余思樞
 剋日馳赴遵義會同黔省人員將教民一案辦結不得再涉遷延
 其貴定羊場等處即著責成提督劉士奇統籌防剿不准藉詞託
 病貽誤戎機崇實吳棠劉岷當督飭川楚各軍將黔省苗匪痛加
 勦辦毋稍懈弛貴州地瘠民貧用兵日久糧餉兩空困苦情形實
 東華續錄 同治八十五 主

深塵繫著崇實吳棠劉岷按照戶部奏定協黔餉數按月源源解
 濟以拯飢軍並著戶部查明應解黔餉省分飛速咨催一面另籌
 有著之款奏明動撥解赴黔省俾士馬飽騰早收廓清之效曾璧
 光請將黔省各局收捐正印五項指省分發展限著准其再展一
 年仍照部議編號彙咨以免混淆而昭慎重將此由六百里各諭
 令知之○已未諭內閣恩麟等代奏達賴喇嘛呈請前往布賚綳
 兩寺講經熬茶請旨一摺達賴喇嘛遵照向例前往舊建寺院布
 施熬茶並化導所屬具見誠悃朕心深為嘉悅達賴喇嘛本年選
 定吉期前赴布賚綳兩寺講經時著恩麟等隨時妥為照料○壬
 戌 上詣 大高殿祈雨○諭軍機大臣等定安奏派兵援剿竄
 匪並籌辦水陸轉運糧石請派署副都統各摺片軍臺竄匪滋擾
 見經定安派達爾濟帶兵助剿並調防河西纏金等處即著文盛

飭令達爾濟會同察哈爾官兵務將竄匪悉數殲除毋留餘孽並
 飭富勒琿貢果爾嚴防河西纏金一帶如遇河西有警即令劉景
 芳帶領馬隊渡河迎擊並飭沿河步隊會合協剿以壯聲威近日
 察哈爾軍臺是否枚靜匪蹤竄往何處著文盛隨時確探奏聞歸
 綏至甯夏一帶陸運維艱著照所請督率國英轉飭薩拉齊托克
 托城兩廳趕造船一百隻試行運解其各路駝隻解到並由陸路
 轉運以速補運毋得稍有延誤富勒琿見在帶兵出防所有歸化
 城副都統印務即著定安暫行兼署將此由四百里各諭令知之
 尋文盛奏見在賊向西竄軍臺境內並無匪蹤仍前報聞○
 癸亥雲貴總督劉嶽昭奏提督馬如龍進攻新興臨陣受傷得旨
 馬如龍督剿受傷實屬奮勇可嘉見在傷痕是否平復殊深塵繫
 ○予雲南陣亡總兵官田仲興祭葬世職○甲子諭軍機大臣等
 東華續錄 同治八十五 主

金順奏官軍剿回獲勝悍酋伏誅見在籌辦情形一摺本月初間
 王家墮回逆由牛頭山竄過河西滋擾渠工經金順等督兵在黃
 渠口截剿獲勝陣斬逆首梅照禧復將乘夜逃出之王得等逆擒
 獲正法即著金順會同張曜一面撥派重兵鎮攝一面疏通糧路
 護修渠工並將後套之糧設法運赴甯郡俾資屯積惟該處東北
 一帶回寨時圖出擾金順等務當分兵防剿庶糧運不至阻梗並
 飭令提督劉廷一軍暫紮石磴一帶籌辦兵食毋稍疏虞將此由
 五百里諭令知之○諭奎昌奏代呼圖克圖聲明繳還印信一摺
 喇嘛棍噶扎勒參前因塔城赴援賞給呼圖克圖名號旋給印信
 茲據奎昌奏該呼圖克圖呈稱印信內僅鐫名號並無帶兵字樣
 雖裁布倫托海而與印信無涉印信既繳是並名號亦裁且於未
 結事件勢難辦理請派員詳查經辦各務等語該呼圖克圖印信

是否與帶兵無涉應否繳還刻下有無經辦未結事件著福濟奎
昌會同確查彼此妥商奏明辦理原摺著鈔給福濟閱看將此由
五百里各諭令知之○調察哈爾馬五百匹解金順軍營○乙丑
諭軍機大臣等李鴻章奏酌派勁旅分道赴陝並即督隊前進一
摺據稱周盛傳等軍已由周口拔隊進赴潼關郭松林所部步隊
亦抵樊城該督擬帶親兵馬步先由南陽陝州大路入關駐候隊
伍到齊再行擇要進紮並派員扼守秦楚邊防兼護後路餉運各
情所籌均屬周妥見在陝回股雖經甘陝各軍剿敗而崔禹等
逆尚未殲除甘省金積堡圍攻正急河州狄道賊巢林立秦隴毗
連處所甚多防不勝防陝北延榆綏一帶土匪潰勇又復出沒靡
常李鴻章務當統帶援師星馳前往其郭松林一軍並著檄令趕
緊催齊剋期繼進毋稍遲延至入關後應如何擇要扼紮並將北
東華續錄 同治八十五年 五

岔進兵沿途雕剿平毀苗寨多處並攻克施洞口及九股河各壘
鎮遠逆苗亦經鄧善燮等督兵截擊大挫兇鋒兩路官兵見在共
規新城惟小江南岸苗寨林立必須先將北岸疏通方可併力南
向席寶田擬即合軍先拔新城再由新城迎剿而上所籌尚妥惟
川軍前因餉乏未能會剿東坡以致黃仁遺回軍鎮遠此時川軍
若進紮數十里由重安江壓擊而下掃蕩施黃之賊則川楚兩軍
聲勢可期聯絡著崇實吳棠迅速飭該省各營剋期前進相機剿
辦並著劉崐檄飭席寶田會同川軍協力進剿務將張旬等逆股
悉數殲除毋稍鬆勁至湖南湘鄉會匪竟敢聚眾謀逆經該處官
紳登時掩捕立將首夥各犯悉數擒斬全股撲滅辦理尚為迅速
嗣後務當檄飭地方文武嚴密稽查隨時搜捕毋令伏莽潛匿又
生事端劉崐見已飭屬一體舉行團練著即認真興辦不得有名
東華續錄 同治八十五年 五

陳紹祭葬世職建祠○庚午命崇實赴貴州會同曾璧光查辦教案○辛未 上詣 大高殿祈雨○壬申諭軍機大臣等蔣志章奏籌辦北山情形擬咨商李鴻章撥兵進紮豫邊回逆紛竄一摺陝省北山一帶地曠人稀潰勇土匪降眾流民雜處山內往往勾引外匪乘機竊發見在甘省鼠陝回股雖經各軍擊敗悉行竄出而秦隴接壤之區自榆綏以迄鳳漢毗連計二千餘里回匪之由慶甯等處窺伺陝境者又無定蹤其潰勇土匪每於宜川延長延川安定無兵之地盤踞肆掠內地各軍防守勢難徧給蔣志章所陳必期而後能防必賑而後能壘暨咨商李鴻章酌撥勁旅擇要進紮各情均能洞中窺要李鴻章計自襄陽起程由南陽陝州大路入陝著即催集各隊趕緊前進就近與蔣志章酌度情形檄飭各軍於秦隴交界如定邊甯州等處擇要扼紮一面酌派勁旅由東華續錄 同治八十五年 奏

韓城之靈官廟入由節節接捕使賊匪無可潛藏以清內患如有畏罪投誠者並著隨時籌辦蔣志章即將見在所辦情形與李鴻章反復商推以期緩急合宜至墾荒積穀誠為安插降眾飢民之善策然事實力舉行不可徒託空言除廣東粵海關欠解各餉本日已照請諭知瑞麟等迅即籌解外該撫當督飭藩司先行籌款派員乘大軍將集匪勇聚殲之時分赴北山各州縣會同地方官覈實辦理用救民生至延榆綏各屬應如何慎選牧令破格獎勵隨時創懲及通省吏治應如何整頓之處該撫務當督率司道等悉心酌覈用副厚望將此由五百里各諭令知之○諭總理各國事務衙門奏英國使臣威妥瑪請於沿海水底暗設通綫謹將辯論各節據實密陳一摺洋人以貿易為本時慮中國舟車遲滯欲以外國之銅綫諸法試行於中國上年議修英約時英國使臣

阿禮國即以此事屢次瀆請均經總理各國事務王大臣嚴詞峻拒見在該國使臣威妥瑪復請由廣州汕頭廈門福州甯波各海口水底暗設銅綫通至上海並稱前議通綫之法俱係陸路明設此次係在海底暗設其綫端一頭在船隻內安放即在灣船埠口海面停泊與從前所論迥殊似與中國毫無虧損等語該衙門見將沿海水底暗設數字揭清該使聲稱安綫之處如有民人損傷地方官無須追償修費已由該使轉飭局商邊辦著南北洋通商大臣暨沿海各督撫飭各關道地方官嚴密稽查遇有洋人安設銅綫之處止准在沿海洋面水底其綫端止准在船隻內安設即在沿海埠口向來停泊各洋船碼頭之外近海處所停泊僅有將綫端牽引上岸不遵定章辦理者即照會領事官立時查禁以杜流弊而絕效尤將此由六百里諭馬新貽瑞麟英桂丁日昌丁寶東華續錄 同治八十五年 奏

積卜寶第李福泰崇厚並傳諭楊昌濬知之○甲戌諭軍機大臣等崇實吳棠奏援黔官軍攻克苗寨見籌會擊一摺貴州黃飄白保等處苗寨經道員唐炯等督隊攻克軍聲大振提督陳希祥等復將筆架山六角基等寨踞平見擬進取螃蟹並約會楚軍合擊商同黔軍助剿即著崇實吳棠飭令唐炯等督率兵勇乘勝進取毋稍鬆勁並著劉崑飭令席寶田由新城會剿甕谷龍巖門司等處以收夾擊之效曾璧光亦當嚴檄本省官軍由貴定之羅坪穀洞進紮灰坡牽制都勻麻哈賊勢使川楚各軍得以深入迅殲醜類不可專恃援軍致失機宜將此由五百里各諭令知之○乙亥諭軍機大臣等張廷岳等奏督兵起程剿賊暨請調兵會剿各摺片張廷岳以賊股仍在賽因諾顏部落西界盤踞已統蒙兵起程咨明察哈爾綏遠城帶兵各員一併赴圖謝圖汗部落會商進剿

並分派官兵防堵惟聞賽因諾顏部落地西刻下已無賊匪庫倫附近亦無匪蹤此時正不宜紛紛徵調轉涉張皇所請飭綏遠城察哈爾派兵會剿之處著毋庸議張廷岳見擬前赴額爾德呢招等處閱看蒙兵即著認真整頓毋涉騷擾一俟查閱完竣即當折回庫倫該處地方緊要不得日久在外致有疏虞蒙古各游牧道路遼闊定安福濟榮全文盛張廷岳阿爾塔什達仍當隨時偵探如再有匪徒竄擾即行就近兜拏毋任紛竄察哈爾應撥庫倫餉銀五萬兩即由張廷岳等派員迎提摺節撥用將此由五百里各諭令知之○丙子諭軍機大臣等金順奏剿辦南路竄匪各匪疊勝一摺甯朔中衛交界木高山一帶陝土各回滋擾經金順商同張曜督隊進剿遇賊於廟山湖各軍合戰張曜復令總兵王連三等力扼西面該逆向南奔逃官軍斬獲甚多其由峽口覓渡各匪

東華續錄

同治八十五

三

亦經追殺淨盡馬家灘賊眾敢在分守嶺地方列隊抗拒金順等又令常福各軍分路衝擊賊敗入巢各軍乘勝追擊殲斃回匪二百餘名奪獲器械無數勦辦尙屬得手刻下南路計可稍安而北路渠口通昌通貴馬全各回堡緊濱河岸仍著金順會同張曜督率各軍痛加勦洗毋任陝回從中糾合復肆蔓延至庫倫並察哈爾軍臺等處前有賊匪滋擾見賊蹤雖已遠颺而邊外地方遼闊難保該逆不乘虛復來金順務須審度情形分投截勦以遏逆匪北竄之路不可稍涉大意將此由五百里諭令知之○戊寅諭內閣委散秩大臣公承志著更名承帶○左宗棠奏續據劉錦棠黃萬友稟十二日馬化漚復遞稟到營乞撫求大兵退吳忠堡劉錦棠仍飭之十四日三鼓訶金積附近各寨人聲沸騰陝甘逆黨數十成羣零星散布乘夜修壕自金積迤西而北繞東南達波浪

東華續錄 同治八五

湖分段清築意在引馬連渠之水入壕匯流於湖以阻官軍進攻西南之路劉錦棠等令各營伺賊蹤稍近用槍礮測準轟之十五日天甫曙賊悉遁歸巢連夜加濬如故十八日劉錦棠傳令各營挑壯士攜鋤鍤分道平賊壕然偏近賊寨槍礮對轟子如雨注軍士冒險平毀賊復伺閒加修二十一日黎明劉錦棠整隊擊賊金積各寨角聲四起賊傾巢出或排列壕邊或伏壕內提督蕭章開諭執益曹義勝爲前驅各路馬步繼之行未里許步賊憑壕拒敵馬賊分鈔東南副都統雙壽副都統銜協領花良阿提督余虎恩躍馬陷陣併力將馬賊擊敗蕭章開乘機越長壕缺口擊步賊軍士從之槍矛並舉悍賊紛紛倒地餘眾勢漸不支而西路之賊尙搶過濠外鈔蕭章開之後黃萬友率提督陶定昇周國勝橫截之提督何作霖王承贊李占椿揮隊齊進步賊大潰適雙壽余虎恩

東華續錄

同治八十五

三

等率驍騎自東南躡賊而來官軍馬步合力兜勦斬極多餘賊向金積東門逸去是夜四鼓賊復潛出掘壕劉錦棠調開花田雞礮輪轟之適炸彈中羣賊傷斃多名而退二十三日天明賊出金積堡東門各寨旗幟如林沿壕列隊翼蔽修壕之賊馬賊數千鈔過東面劉錦棠傳步隊各營分中左右三路迎勦令馬隊應馬賊部署既定陶定昇督周國勝軍功張俊猛撲中路步賊死拒馬賊一併回頭雙壽花良阿余虎恩馬隊一氣壓下劉錦棠飛催何作霖蕭章開左右兩路剴壕而進各路悉銳衝殺賊屍枕藉餘向各寨狂奔官軍躡追至寨根而還自十四夜至二十三日共斃陝回甘回一千四百五十五名生擒一百三十四名逆目馬二虎陳金子訊明一併正法弁勇陣亡四十二名受傷一百九十八名賊連日被創之後晝則踞伏不出夜仍潛起修壕分股沿秦壩關上下增築

三〇三

渠隄復圖洩水以困官軍劉錦棠黃萬友相度地勢令各營多掘溝道防之四月初一二等日秦渠馬連渠之水被賊決放勢如潮湧平地成川各營正併力疏濬忽西北風緊水漲數尺激湍衝齧蔡家橋一帶傍壘長隄洪流洶湧勢殊險惡駐蔡家橋之李占椿各營隨機搶堵或密排木椿或盛以布袋用茅苞實土其中悉力捍禦初三日風止溝道成引水下王家湖波浪湖注永甯洞合流入黃賊計仍不得逞馬化澂見官軍堵洩得宜水不能困復嗾零股馬步出金積堡西北馬家灘偷渡黃河西竄大壩分水嶺三關地方劫官軍廣武中衛山後糧運初八日黃萬友督隊由葉昇堡渡河分支赴三關投勦自率李占椿喻執益駐大壩初九日西行五里擒獲賊謀訊知有賊自山後劫牲畜回金積堡相距數里黃萬友設伏三路待之少頃賊馬步三百餘絡繹而至黃萬友揮隊東華續錄 同治八十五年 突擊賊狂號亂奔官軍分途躡殺十餘里殄滅淨盡生擒四十二名弁勇僅受傷七人而已十三日陶定昇張俊余虎恩隊伍由山後護糧東行近三關五六里偵馬步賊四五百名池南而北官軍伏大隊於後挑十數騎迎戰以示弱賊爭出搶糧與余虎恩相持陶定昇張俊等躍馬衝出砍斃二百餘名生擒二十一名餘逆四散官軍護糧而還據生擒賊供初九日大壩竄賊係馬正和餘黨十三日三關竄賊係陝回閻明一股逆目馬順之越山不及登時伏誅 維金積堡逆賊恃其巢堅糧足抗拒官軍近經疊次痛創知其巢堅不足恃雖積糧素多然以之供給陝回及河州臨洮西甯援賊耗去不少據各路探報陝回及臨洮西甯各回零星竄走馬化澂雖一面抗拒一面哀祈就撫而潛謀徙巢他遁苟延目前所苦駝畜餓斃已多不敷裝運欲引各路黨夥前來援救相距

遠者千餘里近者數百里就食既無以供裹糧又難為繼似其情勢難以久支見在中路南路官軍均獲勝仗制賊更有餘力 臣惟有堅持成算慎以圖之又奏金運昌前因東道阻梗復派提督王鳳鳴督帶馬步回顧花馬池定邊安邊往來梭巡以清後路運道三月初七夜回逆百餘竄至花馬池北二十里圍攻民寨王鳳鳴督守備何全忠馬步馳援分數路掩擊殲賊殆盡生擒三十餘名據供賊目馬三保零股百餘盤踞郝家溝王鳳鳴令為嚮導引官軍前往初九日行四十里抵郝家溝馬三保出掠未歸掩殺守巢之賊三十餘名兩戰共斃賊一百二十餘名初十日分駐定邊之總兵馮殿英調馬步賊數百攻東南民寨整隊疾起襲之斬賊六十七名十四日馮殿英何全忠襲賊於輒井鎮躡賊至蔡家高破其巢殺賊七八十名逆首馬繼元喉黨拚闖何全忠怒馬直前揮東華續錄 同治八十五年 刀斬之各隊繼進斬其餘眾七十餘名生擒二十餘名自是花定一帶游氛少斂二十二日王鳳鳴令遊擊馬心勝率隊赴安邊護糧隨身馬步不上百名遇回逆二百餘騎於輒井堡外王鳳鳴揮隊猛戰賊披靡莫當官軍躡十里至張家圈擒賊目張福保賊黨拚救何全忠奮威衝突殺入賊陣頭中木棍傷墜馬王鳳鳴向前策應連受矛傷裹創力戰軍士悉銳陷陣何全忠復躍馬助之斃賊百數十名餘逆狂奔四散據獲賊供馬化澂張福保帶馬步賊二百餘劫糧於東路者是日之戰已損折三分之一金運昌扼駐金積前敵營壘二十二日調賊踞下橋東南四五里許武化澂寨分立小壘一座正在興工比派總兵張懷玉副將王化成潛師夜起襲其不意伏副將高得勝遊擊侯得明之兵於賊壘附近道左防武化澂馬八條援賊是夜四鼓王化成張懷玉進攻賊壘正

得手開武化澧寨出百餘賊救護高得勝突擊之賊仍願縮入寨
官軍平其壘收隊回防馬八條寨出賊數百邀截歸路復為侯得
明隊伍所敗其竄近河岸零騎百餘提督宋朝如整隊衝擊擒斬
亦多是役共斃賊近二百名 上諭軍機大臣等金積堡匪經
劉錦棠督隊進攻該逆出巢抗拒我軍分路攻擊立將賊壕平毀
其西竄大壩分水嶺三關劫糧之賊又經我軍擊退即著左宗棠
飭令劉錦棠聯絡金順張曜派出各軍乘賊勢窮蹙之時分投截
剿毋令他竄花定等處賊匪經金運昌派提督王鳳鳴擊剿獲勝
復親督隊伍將金積堡附近賊壘攻破並著飭令金運昌乘此聲
威迅速進剿毋稍鬆勁金積一賊堡耳即云集堅糧足何以頓兵
如許之久屢攻未下本日據奏中路南路均獲勝仗未知賊勢若
何殊深塵繫李鴻章指日抵陝秦隴交界處所已諭扼要分紮該
東華續錄 同治八十五 三

北岸以次規取台拱毋稍鬆勁前據劉岷奏川軍須由重安江下
擊肅清施黃又據崇實等奏攻克黃飄白保已約楚軍會擊襄谷
龍巖門司等處見在新城既克川楚兩軍聲氣漸通正當乘此聲
威通力合作不得彼此觀望遷延致失機會曾壁光亦當就黔省
兵力會合川楚各軍迅速剿辦盡殄苗氛將此由五百里各諭令
知之○子貴州陣亡副將蔣子榮等祭葬世職○辛巳 上詣
大高殿祈雨○諭軍機大臣等李宗義奏毅軍在蒙境剿賊獲勝
一摺回目于得沅帶領賊眾由金積堡竄出在察漢淖爾盤踞提
督蔣東才督軍進剿行抵胡魯蘇廟生擒賊匪多名旋至高爾免
溝該逆列隊拒戰遊擊黃義之等首先衝擊賊馬四路圍裹蔣東
才將賊擊敗沿途擒斬甚多該逆復來襲營官軍乘勝掩殺山坳
伏賊與前股敗逆出拒經礮隊將其賊首轟斃賊眾潰逃又經各
東華續錄 同治八十五 三

桂奏擊獲句煽構釁之要犯遵旨正法一摺已革副將蕭瑞芳即蘇阿成先在廣東原籍煽惑洋人構禍繼在臺灣偷見洋弁釀成巨案實屬罪大惡極經黎兆棠將革員擊獲遵旨即行正法辦理深合機宜其未獲之許建勳仍著英桂密飭黎兆棠不動聲色務將該犯迅速擊獲立正典刑毋令潛逃出洋句煽滋事○丁亥命再展五城飯廠及普濟堂功德林賑限兩月並嚴禁胥吏侵漁○己丑諭軍機大臣等成祿奏東路勦辦得手回股西竄請飭左宗棠分兵夾擊並請轉飭甘涼各廳縣按月攤派軍糧及籌款採買糧石復自陳病情各摺片據稱甘涼一帶尚係完善之區爲省糧所自出見在東路大兵勦辦得手回股逐漸西趨若由南北兩路竄擾口外安敦玉防兵極單西路甚屬可慮請飭左宗棠先撥二十營派員統領西上將河西南北兩路要隘分布堵扼其撫彝東華續錄 同治八十五年 書

知之○庚寅諭軍機大臣等崇厚奏津郡民人與天主教起釁見在設法彈壓請派大員來津查辦一摺據稱天津地方有匪徒迷拐人口牽涉法國教堂情事經崇厚與法領事豐大業等約定於五月二十三日令天津道府縣帶同匪犯武蘭珍親往天主堂面見教士謝福音並帶該犯指勘所歷地方房屋與該犯原供不符亦即帶犯而回旋據教士謝福音至崇厚處商量以後查辦之法商妥去後是日未刻忽聞有教堂之人與觀看之人口角爭毆正在派武弁前往彈壓法領事豐大業忽來署中神氣兇悍帶有洋槍二桿後跟一外國人手執利刃出言不遜將洋槍向崇厚施放幸未被中該領事將桌上物件信手砍損咆哮不止崇厚以其時民情洶洶恐激成事變勸令該領事不可出去豐大業竟飛奔出署天津縣知縣在彼彈壓當面勸阻該領事即對其放槍將該縣東華續錄 同治八十五年 書

知縣家人打傷百姓激於眾忿將該領事羣毆致死並焚毀教堂等處房屋見在民情稍戢等語仍著崇厚督同地方文武將該民人等設法開導妥爲彈壓毋令聚眾再滋事端曾國藩病尚未痊本日已再行賞假一月惟此案關係緊要曾國藩精神如可支持著前赴天津與崇厚悉心會商妥籌辦理匪徒迷拐人口乞眼割心實屬罪無可追既據供稱牽連教堂之人如查有實據自應與洋人指證明確將匪犯按律懲辦以除地方之害至百姓聚眾將該領事毆死並焚毀教堂拆毀仁慈堂等處此風亦不可長著將爲首滋事之人查拿懲辦俾昭公允地方官如有辦理未協之處亦應一併查明毋稍回護曾國藩等務當體察情形迅速持平辦理以順輿情而維大局原摺鈔給曾國藩閱看將此由五百里密諭知之○諭左宗棠穆圖善奏各營勦賊獲勝情形一摺甘肅永

昌縣境突有竄匪肆擾經總兵王仁和派隊往剿賊始敗遁其竄擾中衛地方賊股亦經總兵黃金山疊次擊敗斬甚多副都統善山保等復在金縣平番境內剿賊獲勝此次附省各營遇賊即擊尚屬奮勇惟賊股未盡殄滅難保不去而復來仍著穆圖善分飭各營隨時加意偵探認真堵擊毋稍疏懈永昌中衛金縣平番等處既有匪徒四出滋擾省城根本重地尤須加意防維穆圖善當就現有兵力分投防剿毋任賊勢蔓延左宗棠雖尚駐平涼亦當妥籌兼顧不得稍存膜視本日據奏部撥西甯專款每月銀二萬數千兩請飭西征糧臺墊解足數等語豫師見在募勇五營需餉甚殷部撥各省月協西甯專款共銀二萬數千兩本歸西征糧臺轉解著左宗棠行知袁保恆按月照數轉解西甯如各省協款未能按期如數解到即著袁保恆先行設法籌解足數以應急需

東華續錄 同治八十五 美

毋許推諉將此由五百里各諭令知之○諭豫師奏籌募平番等處勇丁並接左宗棠咨招募巴扎等處團民酌辦情形各摺片西甯竄賊麀聚且有窺伺碾伯之意陝河各逆有圖攻威遠堡為馬化澁徙巢之計亟應迅籌援剿豫師見擬俟撥款到日即派遊擊張鴻發等前往平番一帶募練成軍著即飭令該員等認真選擇總須一兵得一兵之用不得濫行開募徒糜餉項碾伯等處團堡向向得力並著督飭該處文武竭力整頓藉資保衛左宗棠擬募巴扎等處團勇助剿豫師以該處竄匪充斥各圖正在堵禦礙難招募著即酌度情形咨商左宗棠妥籌辦理此時豫師所募新勇尚未成軍左宗棠又無可撥之兵著豫師飛飭穆圖善所撥唐有彥三營馳赴防所力籌保護仍一面趕募新軍協同堵剿毋稍疏虞西甯地方彫敝別無可籌之款所有指撥西甯月餉著戶部行

東華續錄 同治八五

知各該督撫務須照數源源籌解不得稍有延欠將此由五百里諭令知之○辛卯 上詣 大高殿祈雨○壬辰諭內閣崇厚奏津郡民教起釁爭毆自請治罪並將地方官分別嚴議革職一摺此案天津民人因迷拐幼孩匪徒有牽涉教堂情事懷疑起釁復因法國領事豐大業在崇厚署中施放洋槍並向天津縣知縣放槍忿激羣毆致將豐大業斃命並焚毀教堂崇厚辦理通商事務不能綏靖地方天津道周家勳有表率之責未能先事豫防天津府知府張光藻天津縣知縣劉傑辦理不善以致釀成巨案均屬咎無可辭崇厚周家勳劉傑張光藻著先行交部分別議處仍著曾國藩於抵津後確切查明嚴參具奏至迷拐人口匪徒及為首滋事人犯均應查拏懲辦並著曾國藩會同崇厚徹底根究秉公辦理毋稍徇徇○諭軍機大臣等昨因崇厚奏津郡民教構釁情形當諭曾國藩前赴天津與崇厚悉心妥籌持平辦理本日復據崇厚奏自請治罪並將天津道府縣各官請分別嚴議革職及查津郡見在情形各摺片已明降諭旨將崇厚等先行交部分別議處並令曾國藩於抵津後確查奏參矣匪徒迷拐人口本干例禁究眼剖心之事尤屬罪無可追人所共憤全賴地方官平日嚴密稽查隨時拏辦如任民閒擅自擊人實屬不成事體著曾國藩於抵天津後與崇厚體察情形妥為辦理嗣後遇有此等案件惟當責成地方官嚴密拏辦並飭該府縣剴切曉諭不准民閒擅自擊人徒滋紛擾至百姓毆死領事焚毀教堂各情尤宜迅速查明一面檄飭地方官嚴緝正兇彈壓滋事人眾毋任再起釁端以安中外人民之心原片著鈔給曾國藩閱看將此由五百里各諭令知之○癸巳雨○諭軍機大臣等文麟景廉奏逆遣賊赴肅沿途

東華續錄 同治八十五 美

三〇七

搶劫疊經弁勇民勇擊敗並鈔錄偽文呈覽一摺烏魯木齊逆首
 受得璘遣馬賊由南湖沿邊潛赴肅州沿途劫掠統領魏忠義率
 領弁勇由石槽折回小西梁追至大圪塔迤東奪回槍去商駝等
 物該逆復由北山竄至玉門縣之黃花營肆行搶掠亦經該處民
 勇戶民擊敗仍著文麟景廉督飭兵勇勤加訓練隨時嚴為防範
 一面激勵各處民勇協同守禦毋任該逆乘虛肆擾以靖地方安
 西玉門等處臺站時有搶奪公文案件亦屬不成事體並著該大
 臣等咨會安肅道飭屬隨時查究毋稍遺失至肅州甘州西甯薩
 拉固原河州花寺秦子寺岷伯米拉溝等處回眾紛繁安得璘索
 煥章時以偽札句令出關難保不乘機蠢動即著左宗棠穆圖善
 分飭各路帶兵將弁時加偵探如遇有匪蹤竄至即行勦捕淨盡
 以斷賊援開外地方遼闊回逆詭譎異常文麟等當懷遵邊次諭
 東華續錄 同治八十五 毛

旨力籌保衛不可稍涉大意肅州收復未久人情易滋浮惑成祿
 亦當檄飭該處防守文武加意巡防毋令安得璘等從中勾結別
 生事端蘇海麟等自求辦撫本不足恃見據偽文內有札付蘇海
 麟等語可見逆酋並無向順之心該提督仍當與文麟等妥籌防
 勦毋為該逆所給將此由五百里各諭令知之○甲午諭軍機大
 臣等金順奏甯夏回情並籌辦撫機宜繪圖呈覽一摺據稱回
 匪乞撫應予限呈繳馬械一律平毀寨壘仍以兵力鎮壓惟官軍
 缺糧須運道疏通再圖進勦等語見在軍務既不難於勦賊而難
 於籌糧即著金順會同張曜趁此石磴一帶並無賊蹤將軍食軍
 械源源運解毋令稍有缺乏一面聯絡河東各軍迅籌進勦之策
 將兇悍回匪悉數殲除仍當加意防範毋以該逆暫時乞撫為可
 恃稍涉疏懈致為所乘圖留覽將此由五百里諭令知之○以劉

有銘為左副都御史由大理寺卿遷○乙未諭內閣前因天津地方有匪
 徒迷拐幼孩牽涉教堂民閒懷疑起釁將法國領事官羣毆斃命
 焚毀教堂並毆斃多人兼誤殺俄國商民情形甚屬可憫業經降
 旨將崇厚及辦理不善之地方官先行交部議處仍令曾國藩確
 查具奏並將迷拐人口匪徒及為首滋事人犯嚴拏懲辦因思各
 國通商以來遇有交涉事件皆有條約可循中外商民相安已久
 朝廷一視同仁但分良莠不分民教各處匪徒如有影射教民作
 奸犯科者即應隨時訪拏詳細究明從嚴懲辦豈可任令民間傳
 播謠言妄行生事此次天津既有民教滋鬧之事恐各省地方亦
 不免因此懷疑起釁著各直省督撫嚴飭所屬地方官務須剴切
 曉諭妥為彈壓並將各處通商傳教地方隨時保護毋任愚民藉
 端滋事○諭軍機大臣等李鴻章奏行抵潼關派兵相機堵勦並
 東華續錄 同治八十五 秉

請調郭寶昌赴陝各摺片李鴻章見已督帶各營先後入關擬令
 周盛傳一軍進顧北山郭松林一軍專顧腹地布置甚妥即令分
 飭各營會同陝楚各軍隨時認真堵勦迅將本境匪類悉數殲除
 毋令外匪乘隙竄回再圖勾結滋擾以期綏靖地方陝省產糧較
 少轉運維艱該督已派道員郭道直前赴晉省沿河一帶提取各
 州縣辦存軍糧由宜川等屬近水處所分路轉運並因郭松林進
 紮西北為之謀及糧運辦理均合機宜即著該督悉心籌畫以裕
 軍食一面進駐西安隨時相度機宜會商蔣志章次第妥辦晉防
 已鬆郭寶昌在晉僅帶一營此時自不妨抽動李鴻章以該提督
 熟悉北山情形檄令來陝會同周盛傳等勦辦北山土匪潰勇著
 李宗義即飭郭寶昌迅帶該營西渡聽候李鴻章調遣郭寶昌原
 防地段著李宗義即於防河各營內酌量勻撥填紮免致貽誤將

此由五百里各諭令知之○命三口通商大臣兵部左侍郎崇厚
爲出使法國欽差大臣以大理寺卿成林署三口通商大臣○是
月豁免直隸安州等三州縣積澇地畝上年額賦並緩徵積年糧
租暨民借倉穀蠲緩福建雲霄等十一廳縣暨羅溪等縣丞所屬
被旱上年額賦緩徵山東德州等十六州縣暨濟甯等三衛被旱
本月上忙額賦雜課

東華續錄

同治八十五

完

東華續錄

同治八十六

臣王先謙敬編

臣張式恭恭校

六月丙申朔諭軍機大臣等曾國藩奏奉旨飭越天津恭摺覆陳
一摺所稱民教起釁一案總以武蘭珍是否果爲王三所使王三
是否果爲教堂所養空眼剖心之說是否確有證據爲案中非要
關鍵審虛則洋人理直審實則洋人理曲等語可謂切中事理要
言不煩卽著飭令派出之道員博多宏武等會同天津道府徹底
根究妥籌辦理昨已特命崇厚充出使法國大臣其三口通商大
臣派成林前往署理曾國藩眩暈之證見已十愈其八日內如可
支持卽著前赴天津會同崇厚悉心商辦至傳教習教之人傷斃
若干中國外國之人無故被害者若干皆須切實查明嚴拏兇手
東華續錄 同治八十六
以懲煽亂之徒彈壓士民以慰各國之意尤爲目前要務並著認
眞區畫安速籌辦原摺著鈔給閱看○改廣東新設陽江直隸州
爲直隸同知州判爲縣丞學正爲教諭吏目爲司獄○戊戌諭軍
機大臣等福濟奏厄魯特人眾情願仍回布倫托海一摺前因厄
魯特人眾流離困苦情形可憫特令福濟等妥爲安插乃該人眾
始則自願東徙旋復任意逗留且有沿途搶掠情事實屬冥頑不
靈見在該人眾既願仍回布倫托海業經福濟酌給牛羊銀兩等
項令其折回著卽派員照料護送起程責成該管官沿途約束毋
任滋生事端並著飭令巴彥特古斯等派員迎護催令迅速西行
毋稍逗留經過科布多地方時著奎昌文碩一體飭屬護送俟其
行抵布倫托海後卽飭該領隊妥爲收管俾安生業將此各諭令
知之○諭奎昌奏起程赴塔勘辦立界事宜一摺奎昌接准俄國

來咨定於五月二十九日會勘塔城牌博見已帶領司員弁兵等由科起程馳赴瑪呢圖噶圖勒汗地方按期與俄使會勘並先期派員查看俄國已立牌博有無侵占所籌尚是著即將塔城立界事宜按照圖約會同俄使詳細履勘毋任暗中侵占以重疆界所需經費事竣覈實報銷奎昌因起程赴塔已將參贊大臣印務移交文碩接管所有科布多應辦事件即著文碩妥為經理將此各諭令知之○諭禁河南州縣私抽河東鹽釐○命文盛等酌撥福濟軍餉○庚子廐山東臨邑縣學額四名東平州二名臨胸縣三名陝西雒南一名○壬寅諭軍機大臣等左宗棠穆圖善奏分防各營剿賊獲勝並調兵勦辦竄匪一摺陝西賊匪自金積堡擊敗後復句結河狄股匪分途竄擾經穆圖善飭令西路各軍迎頭截擊立將柳林湖等處竄匪擊敗其駐紮阿干鎮及安定各軍亦先

東華續錄 同治八十六 二

後剿賊獲勝惟碾伯縣及威遠營堡尚有陝回竄越並句結本地回匪肆行滋擾穆圖善見調懷義軍分隊援剿即著左宗棠穆圖善飭令王仁和等乘勝追剿迅將西路敗匪悉數殲除檄令周惟翔等嚴防阿干鎮及安定一帶並飭唐有彥迅帶馬步各隊馳赴碾伯先解威遠堡之圍務將碾伯等處竄匪殲除淨盡一面嚴防本地土回毋令再行句通外匪擾累地方將此由五百里各諭令知之○諭張廷岳奏撤兵回庫鄰盟尚有匪警暨嚴防賊匪竄擾各摺片前據福濟等奏股匪由原路竄回軍臺靜謐又據文盛奏賊匪向西回竄軍臺所屬境內見無賊蹤茲覽張廷岳所奏賽因諾顏部落官兵與賊接仗敗潰賊即折回額爾德呢班第達呼圖克圖廟內烏里雅蘇台差探亦在沙爾噶勒珠特台親見並據扎薩克圖汗部落呈報賊有於六月間竄擾額爾德呢班第達呼圖

克圖廟後園犯庫倫之語與福濟文盛等奏報不符著張廷岳阿爾塔什達再行確切偵探固不可掉以輕心亦不可聽傳聞無據之言轉致人心惶惑張廷岳見已帶兵回庫酌留圖謝圖汗部落官兵防守額爾德呢等處並籌辦清野之法布置尙妥即著會同阿爾塔什達認真防範總當持以鎮靜不得過事張皇至額爾德呢班第達呼圖克圖廟宇如何被陷應如何撥兵防剿之處著福濟榮全迅速查明妥為辦理文盛亦當派委委員隨時探明互相知照庶彼此聲息相通免致賊匪乘隙竄擾至賽因諾顏部落見在究竟有無賊蹤並著查明迅速具奏將此由五百里各諭令知之○癸卯雨 上詣 大高殿報謝○諭軍機大臣等曾國藩奏起程赴津籌辦情形一摺據稱教堂牽涉迷拐之案訊供稍有端倪尙未能確指證據等語此案起釁之由因迷拐幼孩而起總以有無確據為最要關鍵必須切實根究則曲直既明方可再籌辦法著曾國藩崇厚悉心會商體察事機妥籌辦理以期早日完案曾國藩擬將誤斃俄國人命及誤毀英美兩國講堂先行議結不與法國牽混所見甚是著即會同崇厚妥為商辦以免輕輟○丙午諭軍機大臣等蘇鳳文馮子材奏官軍攻剿叛匪疊破險隘見籌進逼一摺叛匪梁添錫遁入越南安邊地方句結河陽踞匪黃崇英負隅抗拒經馮子材飭令副將劉玉成等分路進攻將那達坳及中芒等處險隘攻破見擬進逼安邊河陽並飛咨雲南督撫撥兵扼守邊境即著蘇鳳文馮子材飭令前敵各軍迅速乘勝進攻務將梁添錫等悉數殲除肅清夷境毋得稍事遷延並嚴飭各將弁約束兵勇沿途毋許騷擾一面飛催雲南派防之兵將該省接壤地方嚴密堵截以杜敗匪竄越廣西邊境時有土匪滋擾亦

當嚴飭在防各軍加意扼守遇賊即擊毋稍鬆懈一面保護運道俾前敵各軍糧餉不至缺乏方為周妥將此由五百里各諭令知之○丁未諭軍機大臣等劉嶽昭岑毓英奏克復威遠廳城南路肅清一摺雲南普洱府屬之威遠廳久為逆首馬標竊踞屢攻未下經劉嶽昭岑毓英飭令迤南各軍會同土練分路進攻力戰年餘始將廳城克復其田四濫一股在四懸崖一帶恃險抗拒亦經官軍破其巢穴生擒逆首田四濫正法南路肅清惟馬標一犯在逃未獲仍著該督等嚴飭所屬密速查拏懲辦毋任漏網田四濫餘黨並著妥為解散安插免致滋生事端威遠為大理後路與迤西聲息相通該處賊股業已殲除地方安謐正可乘此聲勢分路進規迤西使杜逆腹背受敵攻剿更易得手即著該督等相機籌辦以期早日蕩平將此由五百里各諭令知之○移湖北武昌城東華續錄 同治八十六 四

迤西峰維時魏光燾所部中營馬步已由慶陽西華池經鐵練川橫截而出二十八日黎明偵賊踞西峰南村李家堡魏光燾督隊出賊不意襲之提督戴佑勝副將鄧連拔參將彭邦達千總范潮海等奪堡門而入賊驚覺喉悍黨死拒彭邦達范潮海奮勇直前身受矛傷遊擊黃有元都司劉乾福外委蔣宗福挺矛繼進刺傷悍賊數名賊陣始亂魏光燾督親兵從堡後蹂附而上堡內踞賊無得脫者隨擣踞高莊之賊勇丁張貴元礮斃悍賊墜馬而奪其旗餘眾不戰而走正追殺間賊後股數百騎自銷金鎮敗竄而來魏光燾回旗蹙之賊狂逸拜家河副將蕭玉元所部正擊敗西峰鎮前股竄賊於河岸賊瞥見官軍三面鈔擊梟水西奔人馬陷泥淖中多死者二十九日各營躡過達家河賊已奔鎮原屬孟壩寺矣是日黎明總兵江得意率隊截之西濠奪獲驃馬三百餘頭三東華續錄 同治八十六 五

路之賊三百餘名登時鈔殺盡淨前後賊騎一轉白家壩一西趨紅海黃鼎急令總兵黃有忠陳攀仙守備黃兆熊三營沿紅溝蹻賊親督總兵劉治均趙興隆副將黃虎臣遊擊李洪超馬步追過白家壩逼近懸巖賊擁擠不前軍士乘機衝殺斃賊二百餘名棄馬墜巖者約百餘名餘賊向炭山飛駛而去黃有忠等猛蹻之賊前股甫出韓家堡距黑城七八里適與徐占彪所部相值副將何玉超率壯士突起截擊立斃悍賊數十名徐占彪督各營馬步繼至縱橫盪決斃賊二三百名蹻近黑城子賊越城而西提督周紹濂派防黑城之總兵李良穆遊擊劉輔軍整隊疾起截之正在相持徐占彪之軍由東山鈔出賊腹背受敵轟斃刺斃又百數十名餘逆遁西山界牌初三日黃鼎分兵按山各營均有推斬徐占彪率隊追界牌之賊及賊於黃羊坪斬尾賊百餘遊擊朱蘭亭帶親東華續錄 同治八十六 六

兵數十併力窮追忽山谷中擁出悍賊百餘拚死格鬪朱蘭亭勢幾不支適徐占彪何玉超大隊倏至合圍該逆廢堡中悉數殲之訊之生賊始知此股悍賊即固原回目單仲明甫從金積堡竄至紅溝擬隨禹得彥西遁單仲明已斃堡中矣禹得彥賸股騎賊三百餘向藍茶廳鼠竄徐占彪復躡殺至鴉兒灣初四日收隊而還據良回楊如雨等報河回頭目丁阿渾本白家壩人同治二年叛附河州管河回五六百人此次隨米阿渾竄來經官軍擊斃於陣米阿渾之子米全喜亦斃於白家壩禹得彥教下頭目蔡福初三日斃於黃羊坪逆回馬六即馬正和之黨去秋官軍截斷陝回於打拉城馬六遁入河州此次齊竄黑城子礮斃陣中其西竄之崖三一股三月二十日由隴州竄張家川周開錫比派提督王得勝一軍出清水迎剿提督梅開泰所部繼之總兵田連考道員湯勝

珍出秦州秦安之交過賊南竄提督楊世俊總兵敖天印各軍出安定紅土窰而東聯絡堵截二十三日王得勝會提督丁桂智總兵王銘忠擊賊於清水正北之龔門鎮富家川地方賊正攻民堡急不虞官軍驟至也各營馬步從後蹻之斃賊四百餘名生擒四十二名蹻二十餘里轉富家川休息賊之大股仍踞張家川蔓及正東十里之王家堡攻掠二十四日五鼓王得勝督隊踰山脊向王家堡進分馬步循平川徑擣賊巢上山隊伍較單賊勢進注王家堡悉銳以拒官軍比馬步隊上山策應突遇伏賊首尾不能兼顧弁丁遇害者二百餘名王得勝斂兵保清水其時吳士邁之兵已蹻賊之後由隴州收回秦州楊世俊敖天印之兵先後抵通渭賊畏官軍分道並進於二十五日越秦安龍山鎮連日避兵而行竄蓮花城田家坪朱家店蔓及靜甯屬之水洛城王得勝引所部東華續錄 同治八十六 七

出西而北與田連考湯勝珍梅開泰之兵合初三日及賊於田家坪步賊分踞山腰馬賊馳騁平原王得勝湯勝珍等分左右路擊步賊陣斬數十名賊稍卻馬賊仍拌拒中路田連考謝復雲怒馬突陣手刃數賊餘眾大敗官軍三路蹻至石門截殿後悍賊百餘名斬之初四日各軍及賊水洛城賊正與堡民相持瞥見官軍即奪路狂竄提督高月桂李奉清緊蹻之斬尾賊六十餘名初六日賊趨莊浪隆德正南門扇岔 宗棠派徐文秀楊正茂馬步會同駐防隆德副都統全福馬隊截之賊遁靜甯四十里之威戎鎮初七日總兵蕭賞謙所部平江營截之賊即由靜甯通渭之閒西趨蓋覓馬營監紅土窰為歸路也楊世俊敖天印偵賊所向督隊疾出馬營李耀南亦派總兵周顯明自會甯率隊馳至嚴陣以待初八日賊大股竄近馬營正北二十里之傅家岔華家嶺十五里之

草芽溝雙墩堡地方初九日五鼓各軍分三路剿之楊世俊馬步抵傅家岔賊列隊抗拒官軍縱擊之斬賊數十名賊陣大亂敖天印正敗草芽溝雙墩堡之賊出傅家岔會隊兩面鈔擊賊之中槍墜馬者以數百計餘眾搶過華家嶺周顯明橫鈔之賊棄牲畜輜糧踰溝奔紅土窯參將楊德俊扼截於前各軍追逐於後悉數就殲殘騎數百遁馬家河以奔狄道正躡追開謀報通渭東北三十里渭陽堡續到海澄王占鼃等逆一股時周顯明收隊靜甯楊世俊敖天印回軍剿之初十日未刻抵通渭縣十一日偵賊由縣南四十里之李家店葉家岔東南四十里之温家峴馬家店分竄楊世俊進擊温家峴之賊步隊迎戰斃賊數名賊勢披靡左右驍騎縱擊之斬賊以數百計緊躡至馬家店孫家坪陣擒尤夥李家店葉家岔之賊經敖天印張仲春馬步合擊之沿途賊屍枕藉僅賸數十騎賊逸去臣維陝回首逆禹得彥崔三李經舉自打拉池半角城兩次大敗後兇骸已挫此次以金積陝回方竄擾陝西圖與合勢遂糾河州回目米阿渾及狄道零股竄陝人數近萬吳士邁李輝武截之寶雞陳村羅局兩獲大勝遂劃為兩段禹得彥由白水入山北竄疊經隴軍剿敗僅與其黨三百餘人竄出崔三由隴州回竄疊經隴軍擊敗其得歸巢者亦不過數百人計陝回及河狄之回漏逸者實不過十分一二耳崔三因勢更窮蹙上稟乞撫周開錫批飭不准見檄各軍乘勝進剿五月初二初六兩日傅先宗擊賊於鞏昌屬之丁家門新寺鎮等處兩獲大捷楊世俊及總兵田連考等初十五等日擊賊於甯遠屬之大名頭廖家莊馬塢李家溝門草塘河岷州屬狼渡灘等處十六十七等日副將管春林等擊禮縣鹽關隴西等處之賊均有擒斬伏羌甯遠禮縣一

帶均已肅清南路諸軍見正進剿渭源以規狄道所有一切情形咨候查明續報中路各營見飭陸續前進安設糧局次第北行以規峽口規狄道者復河州之漸規峽口者奪金積之勢也又奏陝回各逆兇狡著名者馬上和楊文治而外以陳林余彥祿兩逆為最金積堡乏食陝回老弱婦女餓斃者多陳林領三千餘眾出巢向花定一帶掠食四月初一日金運昌分駐定邊之都司牛允誠伺賊至督師敗之躡賊大矩灘斬殺八十名生擒十六名至初七日五鼓賊乘風雨交作襲攻花馬池城有賊十數已梯城而上提督隋君廷聞警率馬勇登城步戰城中文武紳士亦併力堵賊於巷口賊之已入城者登時殺盡天明隋君廷開城擊賊躡殺十餘名生擒四名賊負創而遁初十日賊竄安邊攻王家寨副將宋雲田督參將李占標遊擊邵維常隊伍分道赴援立解堡圍斃賊六十餘名追至橫流溝賊返鬪又經官軍奮擊而走十二日黎明賊議至定邊攻城牛允誠揮隊擊之殺賊三十餘名賊敗竄鞏井鎮守備王克功伏兵東關橫截而出斃賊四五十名生擒九名十三日賊西竄安邊境攻李家寨寨垂破矣宋雲田率隊掩至賊駭而奔官軍躡追五里至白家寨賊眾千餘合勢拚拒宋雲田躍馬突陣部眾繼之鏖戰逾時賊敗走擒斬百餘名併斬逆目楊葫蘆二十五日提督王鳳鳴護餉抵鞏井調賊踞瓦渣梁楊家寨督隊疾擊之斃賊三十餘名生擒五名二十七日牛允誠隊伍出定邊而東王鳳鳴隊伍出鞏井而西兩路鈔擊斃賊八九十名生擒十五名二十八日賊繞鞏井池東之魯家峁王鳳鳴截斬四十餘名二十九日五鼓乘賊熟睡襲破其巢斬悍賊百四五十名其敗逸定邊者又經王克功斬獲四十餘名生擒十四名據賊目余金兒供

餘不彥祿之弟馬化澗隨陳林東掠圖得花定安邊各城絕金
 和尙源截出賊首尾受敵踰溝狂奔各營乘之斃賊五百餘名生
 擒一百一十三名據獲賊洪起益等供陳林在甄井負創受傷極
 重隨帶死黨轉金積分馬步賊一千餘交逆目馬長元趨定邊甯
 條梁口竄山外掠食不料遇官軍擊敗訊畢斬其悍黨八十名釋
 散脅從三十一名連日劉端冕分派各營循將臺一路迤東而北
 四面搜山沿途遇賊或十餘一起或數十一起覓路歸巢官軍前
 截後追擒斬又不下百數十名其由府泉敗逸甘泉屬者經提督
 劉聲集所部截殺數十名餘賊向保安縣北遁計不過百數十騎
 而已其零股數百由廟村西奔合水縣屬之固城川提督甘大有
 截之斃賊百餘名生擒二十三名十八日魏光燾派總兵夏奉朝
 馬隊禦賊於襄樂小有挫失賊趨甯州東五十里之蘇家川甯甯
 州知州楊大年派副將銜參將譚新盛都司銜守備盧春林率甯
 州防勇於二十日三鼓襲之斃賊四十餘名生擒二名勇丁受傷
 三名餘逆趨正甯之平子鎮出邠長交界之白吉塬亭口竄靈臺
 邵寨魏光燾親督所部自慶陽追賊而東二十二日及賊邵寨頗
 有擒斬賊復西竄臣復飭副將彭清和都司熊祥麟率所部馬步
 截賊崇信斬騎賊數十訊據生擒賊供陳逆腰傷礮子未出不知
 死活黨眾殲戮殆盡余彥祿悍黨存亦無幾馬化澗及其子耀邦
 復哀詞乞撫並繳馬七百匹槍械五千餘件劉錦棠仍未准撫臣
 見檄雷正綰黃鼎率所部進規峽口並飭各營分道北進自當慎
 以圖之上諭軍機大臣等陝回甯得彥崔三等股疊經官軍擊
 敗漏逸無多傅先宗等復擊賊於鞏昌等屬伏羌甯遠禮縣一帶
 均已肅清丁宜乘此聲威節節掃蕩著左宗棠飭令南路各軍迅
 由渭原進剿以規河狄毋稍遷延峽口要隘為賊所踞尤當迅飭

東華續錄 同治八十六
 陣亡二名受傷八名二十六日提督李雲貴軍功李雙良行隊自
 殺德護餉過定邊遇賊會同署定邊協副將王雲孚防兵兩路迎
 擊斃賊百餘名并勇陣亡六名二十七日提督何作霖余虎恩馬
 步出花馬池接餉途遇數十賊騎斬數名據獲賊供陳林尙盤踞
 田家掌迨各營進剿賊已趨定邊甄井一路二十八九日金運昌
 之軍敗賊於甄井營家崩即係此股臣接據北路軍報得陳林東
 竄之信即檄提督劉端冕會合陝北各軍妥籌防剿道員魏光燾
 嚴扼環慶一路五月初十日三鼓劉端冕詞逆眾竄鄜州屬之油
 坊比派所部從巴掌窪和尙塬分左右路迎擊自率馬步出黑水
 十一日辰刻抵王家角驛遇賊騎劉端冕以馬隊夾步隊而陣槍
 礮環施賊猶死拒逆總兵陳光明副將黃承佐隊伍循巴掌窪山
 脊壓下併力撲之追賊至張家灣總兵文明章副將溫宗秀又自

雷正結等力圖攻拔以奪金積之勢其陳林一股竄擾花定一帶
經金運昌劉錦棠各軍擊敗陳逆受傷而遁見在陝回疊經受創
金積賊勢漸孤左宗棠務當飭令劉錦棠等穩慎進取力拔堅巢
該逆被圍緊急難保不遺黨四出圖擾後路並著嚴飭環慶等處
防軍會合陝北各軍嚴密布置遇賊即擊毋稍疏懈省城附近及
西路一帶時有匪蹤竄擾著穆圖善隨時酌量情形力籌防剿左
宗棠亦當妥籌兼顧將此由六百里各諭令知之○于甘肅陣亡
總兵官江登雲等祭葬世職○辛亥諭軍機大臣等匪徒逃拐幼
孩大千例禁著步軍統領衙門順天府五城一體嚴拏如有遺失
子女向各衙門呈報者立即派委員役認真緝拏止須人藥並獲
供證確鑿即著解交刑部按律懲辦毋任藉詞牽連致稽顯戮將
此各諭令知之○癸丑諭軍機大臣等據定安奏鄂托克烏紳兩
東華續錄 同治八十六 三
旗境內均有馬步回匪竄擾經烏紳旗管帶官赤樓多爾濟督隊
擊敗旋在白興埽斃賊甚多餘匪逃至托霍里木廟東來賊匪與
之合股盤踞赤樓多爾濟以力戰陣亡該逆遂分股向正北東南
竄擾復經官兵於托諾圖西里地方敗之追殺餘匪並奪獲什物
無算參領拉什札木蘇等亦即戰歿見在逆股四散擬令巴圖那
遜管帶各營以資追剿等語此次回蹤紛竄雖經蒙兵連番擊退
而餘匪逃逸尚多邊外地方遼闊亟應厚集兵力遏賊東趨即著
定安嚴飭巴圖那遜督率烏紳旗托霍尼圖官兵視賊所向相機
追擊並一面檄令巴達爾琿隨時偵探力籌防剿不可稍涉疏虞
將此由五百里諭令知之○甲寅諭軍機大臣等都興阿奏查勘
邊荒辦理情形一摺奉天駿陽門至鳳凰門一帶邊荒經都興阿
等派員分段查勘九十一處因大雨時行路多阻隔擬將未經查

勘地方俟秋後再行查勘雖係實在情形惟未查地畝尚多若不
趕緊辦理任聽該委員等藉詞宕延將來大雪封山更難剋期辦
竣著都興阿額勒和布恩錫嚴飭該委員等屆時迅速出邊將未
查地畝一律查勘完竣造冊報部覈辦不准再事遷延將此各諭
令知之○建奉天岫巖廳 文廟學宮設訓導一文學額四名武
學額二名○乙卯諭軍機大臣等福濟榮全奏竄匪復擾臺站籌
辦防剿事宜一摺據稱推河池西額爾德呢呼圖克圖招等處又
有竄匪五六百人持械搶掠哈爾尼敦防堵蒙兵潰散賊匪向西
竄回與張廷岳前奏大略相同沙爾胡魯蘇地方亦有賊股滋擾
並有仍入喀爾喀搶劫召廟商人撲犯烏城之說邊外道途寥闊
處處可通若不趕將竄匪剿除必致蔓延為患福濟等見已酌撥
兵勇赴臺防堵並咨綏遠城察哈爾撥隊會剿即著定安迅撥馬
東華續錄 同治八十六 三
隊五百名酌給軍裝口糧前赴哈爾尼敦一帶堵禦其由綏撤回
見紫賽爾烏蘇馬隊五百名著文盛派令馳赴哈爾尼敦一同防
剿福濟等所調滿綠營索倫官兵著即趕催到齊會同前項馬隊
併力兜剿務絕根株惟賊蹤飄忽難保不此剿彼竄軍臺一帶各
宜加意偵探認真防範著定安福濟榮全文盛張廷岳阿爾塔什
達探明確蹤隨時互相知照免致賊匪伺隙奔突福濟前請撥軍
需銀兩當令察哈爾撥銀二萬兩並令張廷岳等酌量庫倫情形
亦勻撥餉銀二萬兩此外尙有新疆協餉銀兩著戶部分別咨催
迅解烏里雅蘇台交福濟等應用以資接濟將此由五百里各諭
令知之○永定河溢○戊午諭軍機大臣等前據曾國藩奏本月
初六日起程赴津見抵該處已逾多日此案起釁根由想該督必
已詳細查明妥為籌辦矣迷拐一案究竟有無確據此係緊要關

鍵即著該督迅速具奏以慰屢繫並將見在籌辦之法及該處近日民情一併奏聞崇厚已派出使法國自應及早啟行著曾國藩體察情形如崇厚此時可以交卸即著該侍郎先行來京陛見以便即日起程其通商大臣事務著曾國藩暫時接辦成林見已病痊銷假不日亦可馳赴天津俟該京卿到時曾國藩即可將通商事務交卸將此由五百里各諭令知之○庚申諭內閣曾國藩崇厚奏查明天津滋事大概情形一摺據稱研訊教民迷拐人口一節王三雖經供認授藥與武蘭珍然尙時供時翻亦無教堂主使確據仁慈堂查出男女一百五十餘名口均稱其家送至堂中蒙養並無被拐情事至乞眼剖心一條經曾國藩於抵津時親加推問百姓無能指實詢之天津城內外亦無遺失幼孩控告之案此等情形如湖南江西揚州天門及直省之大名廣平皆有檄文揭東華續錄 同治八十六 七

帖紛傳不一厥後各處結案總未將檄文揭帖之虛實剖辨明白津民平日熟聞各處檄文揭帖之言已信爲實而又因外國堂門終年局閉教堂仁慈堂皆有地窖爲去潮溼置煤炭之用治病者被留不出並收膏無依人口及疾病將死之人等情蓄疑莫解本年四五月間適有拐匪用藥迷人之事牽涉教堂該民人見領事官豐大業對官放槍遂致萬口譁諫同時並舉其實乞眼剖心狀害生民之說多屬虛誣毫無實據等語此案屢諭曾國藩會同崇厚持平辦理見據該督等奏報此事均係謠傳津人致疑之由昭然共見外省地方遇有此等謠言羣疑亦可消釋至匪徒迷拐幼孩人口例禁本嚴惟恐日久玩法著刑部於此等兇犯到案時即議以加等治罪嗣後各省地方如拏有迷拐人口匪徒亦著照刑部所議從重處治以儆兇殘京師爲首善之區尤宜按查匪類

並著步軍統領衙門隨時緝訪遇有此等匪徒即行拏交刑部加等治罪○諭軍機大臣等曾國藩崇厚奏查明天津滋事大概情形一摺該督等見給該使照會於緝兇修堂等事均已力爲應允想該使自不至再生異詞日來辦理情形能否迅就了結並著隨時馳奏沿江沿海各督撫本日已有寄諭令其嚴行戒備陳國瑞當時是否到場到津後即可質明虛實已令神機營飭令該提督赴津聽候曾國藩查問矣○以直隸天津疏防民教啟釁革知府張光藻知縣劉傑職下部治罪○予湖北陣亡道員張汝瀛建祠○辛酉諭軍機大臣等左宗棠穆圖善奏官軍剿賊獲勝威遠堡解圍一摺回逆圍攻威遠堡經唐有彥帶隊在花園寺等處迎擊該逆潰遁立解堡圍鎮番縣屬沙窩地方復有賊匪圍攻民堡並有馬賊直抵鎮番城下窺伺亦經韓廷芝等擊退其古浪縣屬之王家莊等處賊匪屢經常明等擊剿連獲勝仗斃賊甚多勦辦尙屬奮勇惟威遠堡一股勾結陝回尙踞白馬寺一帶而鎮番及秦旺川各隘零星股匪仍恐出沒無常阻我糧運著左宗棠穆圖善督飭各軍將白馬寺等處踞逆相機痛剿並將零星各股就地掃蕩毋使糧路再有梗塞將此由五百里各諭令知之○諭劉峴奏官軍疊克苗寨收復巖門司城池北岸大致肅清一摺援黔各軍自踞平涼繳地賊巢及拔取新城後即約川軍會師巖門經席寶田督飭鄧真發等軍分路進攻將亮擺高山各寨焚毀官軍乘勝轉戰陣斬逆酋多名並將白洗等處援賊痛擊先後計毀平數十苗寨五月初十日席寶田飭唐本有等分攻巖門賊匪大敗立將巖門司城池克復適川軍亦克寶谷隴川楚兩軍勢已聯絡見自慮門以下白洗以上數百里間悍苗斬除淨盡大致肅清其高碑

花灘等處巖洞亦經席寶田飭軍進剿清平所屬之螃蟹數寨川軍亦可進取所有此次援黔出力人員著准其附於攻克施洞口案內彙請獎敘毋許冒濫刻下北岸各軍雖屬得手而南岸地勢袤廣苗寨尙多即使攻拔台拱其丹江入寨一帶賊巢林立且去貴陽省垣猶遠必須合軍進剿方無後竭之虞仍著劉岷檄飭席寶田將未克巖洞迅速攻拔一面督令唐本有等及果毅各營與川軍併力南圖毋稍鬆勁川軍既與楚軍會合著吳棠飭令唐炯迅率所部相機夾擊以期堵穴擒渠並著將各該軍餉項源源撥給毋令稍形困乏黔邊援軍四集曾璧光亦當振刷精神就該省見有兵力督飭在事將士分投勦擊共殄寇氛將此由五百里各諭令知之○諭劉嶽昭岑毓英奏官軍攻克姚州城池擒斬首逆餘賊殲除淨盡一摺姚州首逆馬金保藍平潰等皆與杜逆同時東華續錄 同治八十六 六

搆亂著名兇悍之賊此次官軍力拔堅城擒斬逆首從此杜逆黨與漸孤進剿當易得手著劉嶽昭岑毓英督飭李維述一軍迅拔鎮南州城卽與楊玉科等軍相機分路前進以期早日蕙功另片奏澂江竹園勦賊獲勝等語澂江賊匪經岑毓英督率各軍於龍潭校場蘿蔔村及西山村一帶攻破賊營賊礮數十座陣斬賊首多名其竹園賊匪亦經總兵張保和等督軍進攻連破營礮二百餘處殲賊二千餘名東西兩山夷寨望風歸順竹園下壩地方均已肅清仍著岑毓英嚴飭各軍乘勝攻剿迅克澂江郡城並將竹園上壩賊巢一律掃蕩以靖邊陲將此由六百里各諭令知之○廣江西新城縣學額一名雲南昆明三名江蘇宜興二名河南鄭州一名○于貴州陣亡參將黃守田等祭葬世職○壬戌諭內閣慈禧皇太后之母承恩端恪公夫人溢逝 慈衷哀慟悲不自

勝朕仰體 孝思中懷莫釋著由內賞銀三千兩交照祥等祇領經理喪事○癸亥諭軍機大臣等天津滋事一案前經派令曾國藩前往查辦本日據崇厚奏稱該督病證復發臥牀不起勢甚危篤事機十分棘手等語本日已派毛昶熙前往天津會同曾國藩辦理並令丁日昌由海道赴津幫同商辦惟該國既有兵船到津亟應豫籌備禦曾國藩病勢甚重一時實乏知兵大員可資戰守刻下陝省軍情稍鬆著李鴻章移緩就急酌帶郭松林等軍剋日起程馳赴近畿一帶駐紮屆時察看情形候旨調派見在事勢緊急該督務須迅速前進毋稍遲誤其陝省防勦事宜卽著知照左宗棠蔣志章妥籌辦理○命工部尙書毛昶熙馳赴天津會同直隸總督曾國藩查辦事件○甲子以孟秋時享 太廟 上前期親詣行禮○諭軍機大臣等曾國藩奏遵旨覆陳一摺洋人挖眼剖心之事據稱查無確據崇厚亦無消滅情節此事著毋庸議至滋事正兇兇已拏獲九人卽著曾國藩等督飭道府悉心研究起釁根由如尙有未獲黨與仍一面隨時緝拏嚴行懲辦崇厚與洋人交涉日久此時情形正緊著准其暫緩來京與曾國藩妥籌辦理天津府縣議抵一節斷難允准該督照覆羅淑亞之言亦頗詳晰該使當不至固執前意設詞要求已派毛昶熙赴津會辦該尙書於七月初二日起程抵津後一切應辦事宜著該督等與之斟酌緩急相機籌辦昨諭李鴻章酌帶所部剋日馳赴近畿一帶駐紮以爲津郡聲援曾國藩見又令張秋全隊拔赴滄州該督等務竭力籌維以期速了片內所稱善全和局以爲保民之道備豫不虞以爲立國之本甚屬曲中事理卽著該督堅持定見悉心經營用全大局○于湖北殉難知縣何開泰建祠

秋七月乙丑諭丁寶楨李鴻年整頓武備○予江蘇陣亡內閣中書鍾淮建祠○丙寅諭軍機大臣等豫師奏威遠堡解圍見籌募勇進剿並請飭催俸餉一摺據奏威遠堡解圍情形與左宗棠等奏大略相同豫師見派參將李春海等先赴平番募勇惟左宗棠借發餉銀尚未解到豫師擬俟軍裝配齊即行出省著左宗棠將先後借發西甯餉銀四萬兩迅速解交豫師應用並著豫師飭令李春海等趕將勇丁募齊選練成軍即日統率西上會同唐有彥等軍相機堵剿將白馬寺等處賊匪悉數殲除毋得遷延番兵剿賊得力豫師擬酌調蒙番各部助剿據稱該王公俸餉及番子酬賞經費久未發給山西奉撥該蒙古俸餉等銀亟應迅籌接濟著李宗義嚴飭藩司將該省奉撥蒙古王公俸餉並勦撫經費銀共十二萬五百兩迅速如數籌撥解交豫師以濟要需將此由五

東華續錄

同治八十六

六

百里各諭令知之○戊辰諭內閣富明阿等奏理春邊務事繁請將該處協領賞加副都統銜以資鎮攝等語理春協領訥穆錦著賞加副都統銜嗣後理春協領一缺即作為副都統銜協領承為定制○己巳飭催各省迅解京餉○庚午下寶第開缺養親以何璟為福建巡撫張樹聲為山西布政使范梁為山西按察使東山運使○辛未諭軍機大臣等崇實奏查辦遵義教案起程日期一摺貴州遵義教案日久未結自應迅速審辦崇實見於六月十六日自省起程先赴重慶駐紮將遵郡紳民開導再密與曾璧光相機妥籌雖係慎重辦法惟重慶與遵義界分兩省查辦大員未入黔境此案終難早結著崇實體察情形仍遵前次諭旨馳抵遵義督飭楊蔭棠余思樞等持平妥辦以期民教相安免生枝節將此由五百里諭令知之○壬申予浙江殉難知縣楊炳春祭葬世職

建祠○甲戌諭軍機大臣等毛昶熙奏抵津日期並會商大概情形一摺羅淑亞擬回京商辦諸事英國使臣威妥瑪亦勸其回京據毛昶熙奏稱此案全在地方官設法議辦就近與該公使商酌及早了結若任令回京轉恐往返函商致稽時日等語所籌甚是著會國藩毛昶熙崇厚悉心會商與羅淑亞就近在天津迅速議結毋令該公使回京致此案轉形稽滯至為首滋事之犯著仍遵前旨趕緊緝拏以為轉圜地步會國藩等務當妥速籌辦上維國體下順輿情以期力保大局將此由五百里各密諭知之○諭劉岷奏楚省援黔各軍擬暫緩南圖一摺據稱湖南自援黔以來歲需餉銀甚鉅積欠已多湘中近日情形尚須防維補救自固根本擬飭席寶田設防清江北岸清理善後事宜俟川黔兩軍得手再派兵南渡夾擊等語黔省清江北岸業已肅清正宜乘此聲威進

東華續錄

同治八十六

九

規台拱將南岸各苗寨次第掃除以期一勞永逸若半途鬆勁軍務安有了期劉岷慮竭湖南之力不能竟事先無以對湘民未免畏難自阻見當天氣盛暑援黔各軍著照該撫所請暫予休息即著檄令席寶田趁此頓兵未進之時迅將鎮思施黃各屬善後事宜依次興辦務臻妥實一面將積欠軍餉設法清釐轉瞬秋涼仍當迅速進兵蕩平南岸以竟全功毋得惑於人言轉致事機遲誤各營如何裁汰歸併亦著該撫酌量辦理以節餉需本省團防事宜甚關緊要該撫仍當督飭各屬實力整頓以備不虞川省援軍亦不得稍存觀望致失機宜著崇實吳棠飭令會合楚軍相機夾擊曾璧光身任黔撫責無旁貸務當嚴檄各營隨時策應川楚各軍認真剿辦早靖疆圉將此由五百里各諭令知之○諭戶部撥銀十萬兩備古北口蒙古官兵月餉○乙亥諭軍機大臣等李鴻

章奏酌帶各軍刻日起程並代奏袁保恆請赴直效力各摺片天津之事見經毛昶熙前往會同曾國藩辦理李鴻章見已飭令郭松林周盛傳等軍分起程並先帶親軍八營取道山西馳赴近畿實能忠勇任事深慰廬懷該督馳抵直境後應駐紮何處屆時再行請旨辦理袁保恆見辦西征糧臺情形較熟未便遽易生手所請赴直效力著毋庸議李鴻章另片奏請飭劉銘傳赴營前已諭知曾國藩飭令該提督赴直統帶銘軍本日復諭英翰催令迅速起程至所陳詢明羅使所聞張光藻等主使有何證據亦已諭令曾國藩等商辦矣將此由六百里諭令知之○諭傳諭直隸按察使錢鼎銘已革天津府知府張光藻已革天津縣知縣劉傑前經曾國藩奏明交部治罪惟該革員等應得之罪亦應在津取有親供質訊明確再行交部覈辦方昭平允著錢鼎銘即行派員將

東華續錄

同治八十六

二十

毋庸攜帶來京津門應辦事宜仍著曾國藩毛昶熙遵疊次諭旨妥速籌辦將此各諭令知之○已卯諭軍機大臣等曾璧光奏黔省教案全行議結開單呈覽暨咨會崇實會同覈辦各摺片貴州遵義等處教案共有九起見經曾璧光派委司道各員會同該教士逐案查明一律歸結擬即出示曉諭各屬以後遇有民教交涉事件均照條約辦理所籌甚為妥協著曾璧光即將各案如何議結詳細根由迅速咨明總理各國事務衙門以憑查覈黔省教案雖已全結而設堂行教等事尚須妥籌辦法該撫務當飭令余思樞蹇聞會同楊蔭棠等體察民情設法開導毋令再生枝節仍隨時咨商崇實酌覈辦理免致歧誤並檄飭地方官嗣後務當持平辦理毋任再滋事端前有旨令崇實馳赴遵義就近督辦此時遵義教案已結尚有設堂行教事務亦須督率委員逐一經理操

東華續錄

同治八十六

三十一

該革員等解往天津聽候質訊○丙子諭軍機大臣等曾國藩等奏法使仍執前議徑行回京商辦一摺羅淑亞所請府縣抵償一節萬無允准之理昨已傳諭錢鼎銘將張光藻等解赴天津並令曾國藩等取具該府縣親供照會該使以期迅速了結今羅淑亞既因不遂所欲悻悻回京此時中外一心非理之求總理各國事務王大臣自能堅持力拒曾國藩等仍當將緝兇等事趕緊辦理不得因該使業已來京稍涉鬆動另片奏請將福建船局購辦京米截留二萬石存儲津郡備李鴻章軍營及銘軍全隊之用係為豫籌兵食起見著照所請行將此由五百里各密諭知之○子貴州陣亡副將周發榮祭葬世職○丁丑諭軍機大臣等崇厚奏體察津郡見時情形擬即來京陛見一摺崇厚著即來京其三口通商大臣一缺著毛昶熙暫行署理崇厚即將關防交毛昶熙接收

體試思該革員等不呈遞親供辨別是非總理各國事務衙門王大臣等與洋人終日辯詰何能以空言相抵朝廷之令該革員等赴津者實曲示保全之意乃皆不能體會倘然置身事外若使洋人間之豈不益滋口實此事關係重大不可再涉遷延著錢鼎銘懷遵前旨星夜派員前往將該革員等迅解天津不准藉詞託病仍著將起解日期趕緊覆奏曾國藩於張光藻等革職後率行給假他出實屬不知緩急並著派員勒限催提俟解到日會同毛昶熙取具該革員等確切親供以憑覈辦若再託詞遠避國法具在豈能寬宥將此由五百里諭知曾國藩並傳諭錢鼎銘知之○諭李鴻章奏期辦北山土匪潰勇業經就緒並遵旨分兵馳赴近畿各摺片陝西北山土匪潰勇糾聚宜川洛川一帶股數眾多李鴻章派令周盛傳等督隊進攻在老湖鋪十梅溝等處疊獲勝仗擒斬逆首多名餘匪潰散復經各營分路鈔洗見在已無成股之賊地方漸就肅清辦尚為得手北山巨股賊匪見已殲除餘匪仍當按捕淨盡地方一切善後事宜尤須妥為經理李鴻章已帶同周盛傳所部馳赴近畿將志章身任陝撫責無旁貸即著酌派得力官兵三五營分紮北山各要隘以資彈壓並派廉幹地方官妥籌招徠賑墾等事宜以期日有起色前有旨令李鴻章行抵直境時將所帶各營分地扼紮該督已於本月十四日渡河見擬由晉省取道井陘入直並飭周盛傳一軍分起渡黃至平陽會合齊進郭松林一軍暫紮衛輝彰德與十八日諭旨適相照合即著飭令郭松林暫紮衛輝彰德一帶與劉銘傳所部遙為聲援並飭周盛傳即在平陽平定暨井陘獲鹿一帶分段扼紮總以防回匪竄擾為名不動聲色持以鎮靜並著李宗義李鶴年於各該軍到時妥

為照料不可稍涉張皇將此由五百里各諭令知之○丙戌諭軍機大臣等曾國藩奏遵旨函致彭玉麟等能否再出續行覆奏等語彭玉麟等受恩深重當此國家多事之秋自應力圖報效著曾國藩於接到彭玉麟楊岳斌覆信時即行具奏候旨簡用劉銘傳勇往過人治軍有律據曾國藩奏稱此次催令來直可否稍示優異著俟劉銘傳到直後再行聽候諭旨曾國藩所陳治海上水師與江上水師截然不同苟欲捍禦外侮徐圖自強非持以一二十年之久未易收效然因事端艱鉅畏縮不為俟諸後人則永無自強之日茲值閩滬兩廠船成即當於兩處選將操練各情所籌切中窾要近來內外臣工往往遇事機緊急徒事張皇迫禍患略平則又泄沓成風為目前苟安之計即使擗立戰守章程而在事諸臣奉行不力事事有名無實遂使朝廷深謀遠慮均屬具文似此東華續錄 同治八十六 主

因循成習何時可冀自強何時可平外患宵旰焦憂無時可釋見在閩滬兩廠輪船次第告成著馬新貽丁日昌英桂沈葆楨於兩處各擇統將出洋操練無論有警無警窮年累歲練習不懈方可備不虞而操勝算廣東亦應籌備輪船巡防海口著瑞麟李福泰一體認真辦理以上各輪船務須均用中國人駕駛以期緩急足恃至各省將備中如有材具出眾熟習風濤沙綫者著各該督撫隨時保奏以備擢用即山林草野之中有長於海戰者亦當隨處留心物色量材超擢庶材能以搜羅而出將士皆干城之選矣此外如另有備禦之策並著該督撫等全局統籌隨時具奏該督撫等均為國家重臣務當實心任事為嘗膽臥薪之計共挽時艱以副委任曾國藩原片均著摘鈔閱看將此由五百里各諭知之○李宗義丁憂調何璟為山西巡撫以王凱泰為福建巡撫

政使

○丁亥調鄧廷枏爲廣東布政使以潘蔚爲福建布政使調
葆亨爲福建按察使以林肇元爲貴州按察使由督糧○戊子飭

催兩淮長蘆山東商欠東河息銀○己丑諭軍機大臣等本日據

景豐奏派員會解革員起程赴津等語已革天津縣劉傑見經景

豐派委佐領恩福等協同委員王霖於本月二十二日押解起程

密雲距津甚近不日到張光藻亦已由錢鼎銘派員解送天津

卽著曾國藩毛昶熙取具該革員等確切親供迅速覆奏所最喫

緊者緝拏正兇如能將爲首滋事及下手之人嚴拏務獲訊取確

供按律議抵大局似可確定該督公忠體國朝廷素所倚賴慎毋

因循退蕙稍涉遲回毛昶熙會辦一事責無旁貸當無不迅籌商

辦也將此由五百里各密諭知之○諭左宗棠穆圖善奏附省東

西兩路官兵迎剿賊匪疊獲勝仗一摺陝甘回匪疊次乘虛竄擾

東華續錄 同治八十六 五

藉圖搶掠經協領薩英阿等先後在酸子溝平城堡楊家莊等處

截剿獲勝斃匪多名時秦州轉解甘軍餉銀尙未到省金積堡復

有竄來陝賊肆行殺掠經善山保等督隊迎擊殲除殆盡將餉銀

迎護到省並將沿途竄賊伏賊悉數斬擒辦尙爲得手惟此次

賊匪雖經各路官軍疊次殲除難保不再乘虛撲犯著左宗棠穆

圖善飭令各路統將加意嚴防毋稍疏懈將此由五百里各諭令

知之○庚寅諭內閣左宗棠奏收撫回眾見籌安插等語陝甘回

匪煽亂以來屢經官軍剿辦殲戮甚多朝廷軫念民生屢諭統兵

大臣但分良莠不分漢回原以回民同係食毛踐土之人豈無天

良其中被逼勉從不能自拔者自必不少大兵所至期於除暴安

良斷無概行誅戮之理據左宗棠奏稱該回眾等久處賊巢既苦

頭目之侵陵迫脅甫離巢穴又畏漢民之報復尋仇因之依違其

間以求苟免此等情形實所不免該督見擬劃出荒絕地畝稍成

片段者將收撫之陝回給以籽糧課其耕作辦理甚爲妥協著卽

督飭該地方官悉心經理彈壓撫綏俾得各安生業其甘回中如

有真心悔罪自拔來歸者亦卽妥籌安插並著剴切曉諭漢回居

民務各永泯猜嫌同登衽席用示朝廷覆幬無私至意○諭軍機

大臣等前據曾國藩奏王三屢經翻供見已釋還本日據給事中

胡毓筠奏請將武蘭珍王三解京會訊以釋羣疑等語前羅淑亞

來京告知總理各國事務衙門王三並無其人所獲之犯的係王

二並稱武蘭珍到案並未受刑其意疑係有串供誣扳等情嗣據

崇厚面奏所獲王三係王二與武蘭珍所指之人籍貫面貌亦不

相符該給事中所請解京會訊自無庸議惟王三卽係王二一層

該督並未具奏著曾國藩毛昶熙查明實在情形具奏至武蘭珍

東華續錄 同治八十六 五

爲此案罪魁該督等是否審訊明確將來如何定擬並著一併奏

聞至緝拏正兇一節著曾國藩等慎遵昨日諭旨嚴拏務獲迅速

籌辦原摺均著鈔給閱看○左宗棠奏靈州諸回巢穴以金積吳

忠兩堡爲最著實則自靈州城西數十里秦漢兩渠開堡寨共

四百有奇近吳忠者呼爲吳忠近金積者呼爲金積垣厚塹深樓

堞相望非止兩堡也除官軍前後攻破堡寨百數十所外逆回畏

勦紛竄有棄堡寨歸併各大堡者有棄堡寨歸併馬化澂所踞各

堡者所遺各廢堡官軍擇其地居衝要者據之不當衝要者毀之

統計金積吳忠各堡寨尙爲賊踞者不過三十餘所而已馬化澂

父子及首逆穆生花屢次乞撫不得遂嗾老弱回民赴劉錦棠金

運昌軍前乞就板橋琴橋吳忠一帶廢堡暫架棚廠居住以便耕

作計官軍憐而許之爲漸圖復踞張本劉錦棠黃萬友會商姑漫

應之五月十八日靈州中路首逆王洪又請修秦渠之隄放水蔭田劉錦棠知其意在奪下橋永甯洞十九日回民百餘試來修隄劉錦棠金運昌飭官軍勿動二十日五鼓率隊分三支一伏永甯洞一伏下橋一伏渠北伺之候至巳初王洪楊明王忠等果糾靈州四門三路及胡家堡大小回目帶壯丁數百名齊來修隄比抵永甯洞下橋中間伏兵突起生擒王洪及逆回二百餘名斬之餘悉殲除無一脫者訊據獲賊金海龍供稱犯本四川勇丁投入賊營多年王洪派充保全營百長此次王洪雷兄王鵬守寨所有大頭目楊明王忠偽參領楊添默白珠強馬學吉楊天龍楊洗友偽先鋒王芳馬英楊珠秀偽百長楊天海王十倫王序玉馬文英楊自喜馬仲楊友郭其海黃添順趙裕年金元馬佐朝等誤以官軍中計圖趁此奪回永甯洞下橋與板橋琴橋各廢堡及棗園堡聯

東華續錄 同治八十六 天

絡一氣便將官軍截為兩段不料翻中官軍計中訊畢斬之察看波浪湖水勢甚漲永甯洞既經官軍堵塞吳忠堡以南一片汪洋馬八條馬七兩堅寨牆根均被積水浸透劉錦棠金運昌會商乘漲攻之二十一夜三更劉錦棠率隊馳水攻馬八條寨金運昌率隊馳水攻馬七寨五鼓克之計共斃賊七百餘名生擒四十餘名據生擒賊供馬七馬八條均馬化澂之弟四月初旬已逃入金積此股係陝回馬生彥之夥黨上年馬生彥竄河州此股經官軍截斷折回金積堡向馬化澂乞糧馬化澂給糧每人日三合派守兩寨至是寨破悉被擒斬王洪楊明兩逆伏誅餘黨猶踞堡寨招陝回之乏食者助其拒守而中路胡家堡洋麻湖海子墩大沙井一帶所種之麥穗遍野計十日內外可以收割劉錦棠料賊不待麥熟即將搶收以圖少延喘息六月初七日約金運昌馬步各隊沿

秦渠向楊明各寨進發黎明行抵該處見各寨牲畜正出巢放草比飭記名提督余虎恩記名副都統雙壽副將郭宗儀率馬隊記名提督周雲祥譚上連率所部步隊橫出截之奪牲畜六七十頭立斃逆回數十名餘賊仍縮入堡內劉錦棠飭各營頓旗勿動縱勇丁長夫併力割麥午後收隊回營初八日五鼓各營仍出隊割中路之麥行抵王洪寨寨中步賊數百名騎賊百餘名倚寨排列以拒官軍回眾競出東門割麥官軍頓旗勿動俟其收割漸多仍令余虎恩雙壽率馬隊衝殺東門外之賊盡掠所獲捆載而返是夜劉錦棠與金運昌雙壽會商進攻靈州西十里海子墩杜家寨初九日黎明行抵該處賊已憑牆列隊矣劉錦棠飭提督羅照升譚拔萃曾松明李雲貴四路逼攻提督周國勝尹興茂王秀根等七營列隊左右雙壽馬隊張兩翼以待官軍填壕架梯肉薄齊登

東華續錄 同治八十六 毛

賊輒石紛下前者帶傷後者繼至力攻時許南面賊始稍卻官軍猱騰而上立將杜家寨攻拔斬逆目杜舉及逆回五百餘名毀其堡而還旋擊隊向中路行至王洪寨南縱勇丁割麥一面調靈州城內難民千餘隨同收割仍收隊回吳忠堡是役弁勇陣亡者八名受傷者六十七名初十日五鼓出隊收割胡家堡一帶之麥雙壽余虎恩領所部馬隊先沿秦渠而下天明見堡內各回已出卡門散市麥地馬隊縱橫衝殺斃賊二百餘名步軍踵至連破堡西南二卡斬逆目馬澂及逆眾二百餘名生擒七名舉火焚卡仍分隊收麥而還是役也弁勇陣亡者六名受傷者十九名十二日劉錦棠率所部與金運昌雙壽馬步隊攻王紅連寨察看寨外禮拜寺頂高與寨牆齊劉錦棠飭提督譚拔萃李雲貴軍功張俊於寺頂累土輒為牆調槍礮手開槍向寨內轟擊飭提督朱德開軍功

董福祥李雙良攻寨西北以分賊勢飭提督王承續尹興茂王秀
棟周雲祥余虎恩潘鳳翔譚上連郭宗儀等會同雙壽過中路賊
援布置已定中軍鼓聲起各營肉薄寨柵賊憑牆拒守槍礮如雨
官軍冒險拔寨填壕火器環施一面積薪焚燒寨門一面掘牆豎
梯寨上木石紛下雜以火彈踰時弁勇帶傷者已數十名梯仍未
豎劉錦棠飭寺頂各將士向寨內連環施放槍礮並親督將士用
長矛推倒牆上累砌礮堞寬約二丈許譚拔萃率壯士連豎三梯
猱騰而上牆上短刃相接帶傷墜而復上者六七次寨內賊倒傾
煮熟麥湯鍋盪齊下軍功張俊瞰由賊少處捲旗躍上各營將士
鼓勇齊登揮刀砍諸悍賊餘均拋械紛遁官軍奮威壓勦首逆王
紅連伏誅餘匪一千二百餘悉數殲旃遂踏平王紅連大寨是役
員弁勇丁陣亡三十七名受傷者一百七十四名蓋攻堅之難也

東華續錄

同治八十六

天

之郭家寨在吳忠堡正南金積堡東南近時金積逆回赴河西通
昌通貴兩堡取糧恆繞道於此十八日劉錦棠金運昌各率所部
馬步分三路攻郭家寨行抵寨前飭各營列隊猛攻寨外木柵已
拔盡矣賊猶憑牆穩抗逾時不下劉錦棠周覽地勢見寨北兩三
丈地有舊牆一堵劣堪藏身遂令搬運土輒接砌橫牆使軍士於
牆內向寨施放火器仍令各隊緊攻東西南三面以分賊勢劉錦
棠金運昌潛派隊伍乘閒下北面濠溝齊掘牆根夏久牆土坍塌
五丈許各營奮迅衝入遇賊即砍寨首郭慎之投井溺斃寨賊八
百餘悉數殲之官軍陣亡十餘名受傷者五十餘名十九日會攻
王洪寨賊固匿不出各軍施放開花礮子百餘顆人聲鼎沸而
守堞諸賊仍植立如故官軍以六成隊割刈青苗而還二十日仍
向中路出隊行近王洪寨忽見寨東人畜散漫為數頗多余虎恩
雙壽熊有常周雲祥譚上連郭宗儀等縱馬衝突賊悉竄匿廢堡
中凭牆拒劉錦棠知各堡本艾退棄故址房屋均毀牆垣亦多
坍塌賊不能踞也遂商金運昌揮隊圍之圍甫合賊併力齊衝各
軍縱橫盪決霎時屍橫遍野斃賊六百餘名生擒三十一名據生
賊供此起為陝回首逆余彥祿之黨回目的是楊幅因乏糧謀赴草
地掠食不意猝遇官軍截殺楊幅及此起回眾盡斃矣是役官軍
陣亡者四名受傷者二十五名二十一日劉錦棠金運昌會攻吳
忠堡北稍東八里大溝之馬宏寨破之斬寨首馬宏及餘賊三百
有奇毀其堡而還二十二日出隊胡家堡以四成隊攻堡六成隊
收割青苗開花礮子轟入寨中者數十賊雖驚亂困守如故二十
三日出隊大沙井一帶收割青苗傍晚收隊其由固原一路進攻
金積堡以馬家河灣為總要以韋州堡為閒道飭諸軍北進會

東華續錄

同治八十六

天

攻金積必先清馬家河灣以保運道必先扼鞏州堡以扼賊衝馬家河灣一帶回民管事頭目軍功監生馬忠海性本兇狡從前曾受馬化澁誠正王偽封自就撫以來陽順陰逆屢厥黨眾劫掠糧運軍裝餉銀嫁名陝回並藏匿河州逆回海澹李山珍等與馬化澁潛相勾結半角城防軍提督周紹濂謂其奸狀以告臣密飭周紹濂誘馬忠海赴平涼飛令參將馮桂增潛率所部馬步三營徑擄韓家水巢穴六月初五日臣提訊馬忠海窮詰奸謀狡不承認徐出該逆所擄鎮原民女王桂花兒等質之仍逞辯不已適馮桂增報稱六月初一日申刻馳抵韓家水布隊圍下中上東南西南五堡乘賊無備立將賊巢次第攻破生擒黨惡回目馬繼曾馬中虎金萬國金點爲馬勝長趙守法楊文光馬存先馬宗玉楊志元丁國英等十一名並河州逆回海澹一名五堡逆回二百餘名訊東華續錄同治八十六年三月

實概子斬決搜出疊次搶劫軍裝帳房數百件據錄送馬存先供詞馬忠海疊次劫掠戕害弁勇行人及與金積河州陝西各回逆交通情事一一確鑿並搜出逆信各件臣比嚴訊馬忠海無可狡賴當將該逆磔死傳首固原南北各處示眾續據馮桂增會同副將桂錫植攻破馬忠海所管三埠夙沙及長流水各賊巢擒斬數十名餘賊悉遁其鞏州堡管事回目蘇兆明本金積逆黨綽號小光棍曾受元帥偽職其姪蘇文榮亦號二元帥上年劉松山進兵時於近花馬池地方途遇鞏州行劫阿拉善旗歸巢逆回擒斬數百名訊生賊供知爲蘇兆明所賊旋因官軍進剿道出鞏州蘇兆明乞撫因釋未誅嗣察蘇兆明仍持兩端凡由金積堡出竄之陝甘各回往返皆由鞏州經過蘇兆明高雷屯紮供給資糧良回馬柏森以該逆蓄謀叵測爲言臣於中路進兵時先飭提督丁賢發

率所部三營由半角城進扼鞏州令就便掩捕適探金積賊騎三百匿於該處堡中丁賢發奉檄卽行六月二十三日師抵鞏州賊已聞風先遁丁賢發駐營堡外自帶親兵百人入駐堡中示賊不疑因密察逆黨蹤迹伴與約期議事七月初二日蘇兆明蘇文榮蘇聿阿渾海滿德偽百長蘇隆揚蘇漢馬正德金玉美何生雲王有泗蘇三甘昌畢集丁賢發數其受撫後交通馬化澁及陝回馬正和崔三甘回謝四之罪斬之一面出示安撫回民令各安堵無恐積年之患已除通計自靈州迤西抵金積所有堡寨四百數十餘所屢經攻破平毀外僅存十一堡其自金積迤西各堡寨則隨地異名不如金積吳忠之稠密應由中路攻剿於勢方順馬家河灣鞏州堡爲金積南路關鍵兩處既得中路諸軍更可一意進取臣已檄黃鼎會同雷正綰總統中路諸軍與劉錦棠金運昌約東華續錄同治八十六年三月

期攻剿大約中路先奪峽口要津則全局在握自當慎以圖之又奏據周開錫稟稱陝回及河狄各回殘黨自四月內負創歸巢比檄各軍乘勝進取該逆偵知復糾黨出渭源而南紛擾鞏秦各境蓋圖牽綴官軍也周開錫飭記名提督涼州鎮總兵傅先宗由鞏昌前進飭河州鎮總兵王得勝提督彭忠國梅開泰道員湯聘珍所部繼之飭湯聘珍各營畱守鞏昌後路比傅先宗進至丁家門等由秦州出伏羌防賊蹤繞出鞏昌後路比傅先宗進至丁家門賊眾已蔓及汪家衙王家河燒石灰溝矣五月初二日傅先宗令總兵蘇家良副將趙得禮率所部馬隊出王家溝口覘賊遇賊百餘敗之大股步賊忽趨擁而至勢殊驕甚傅先宗整隊迎敵王得勝彭忠國率所部沿丁家門溝內蛇行出賊後拊其背兩路鈔擊賊眾大潰刺斃轟斃墜斃者七八百名初四日賊越燒石灰溝趨

新寺鎮王得勝彭忠國移軍王家河斷賊歸路傅先宗直指新寺
 遇賊下川地方令四品銜守備何建威率所部精銳五營奮威衝
 殺自督所部步隊居後相機策應令馬隊斜出賊陣左右槍礮環
 轟提督丁桂智總兵王銘忠副將王應順躍馬貫陣賊敗退山腰
 復憑高反鬪傅先宗督總兵魏紹珍副將朱運廣參將李枝宏等
 一鼓衝上馬隊分由山徑併力鈔截賊四顧皆官兵奪路狂竄各
 營躡追二十餘里迫墜崖壑而斃者以數百計餘逆越嶺南遁兩
 戰計共斃賊一千八九百名生擒賊目麻耀庭等一百三十七名
 弁勇陣亡者八名受傷者三十七名提督楊世俊總兵田連考馬
 步由秦州出伏羌本為鞏昌策應之兵初七日賊踰甯遠界竄伏
 羌西南八十里之禮辛鎮初八日楊世俊率所部馳抵禮辛賊又
 已竄甯遠屬之樂善鎮柏家山大石頭廖家莊等處楊世俊分途
 東華續錄 同治八十六 五

關逆回馬元等六七千眾分爲大小四股本圖由鞏昌甯遠禮縣
 走徽成擾甘南腹地牽綴官軍崔三馬及大師等約隨後踵至不
 意連受痛創馬俊馬耀廷初四斃於甯遠下川馬元墜崖不知下
 落初十日馬一麻又斃於陣餘賊疊經官軍擊散冒死西遁不復
 成股自此伏羌甯遠隴西禮縣地方一律肅清傅先宗遂合王得
 勝彭忠國何建威馬步二十二營折轉鞏昌鼓行而西兵抵首陽
 城訓逆眾千餘踞渭源城陝回與狄河各回正因爭糧私鬪聞官
 軍至惶懼思竄十九日傅先宗等馬步收復渭源縣城乘勝奪一
 桿旗之險就地築壘一桿旗地方距渭源十五里距狄道百里形
 勢險要爲西南一大關鍵周開錫比令梅開泰分營扼之檄傅先
 宗率諸軍一意進攻自督楊世俊田連考之兵進鞏昌以備策應
 飭宗岳六營仍駐秦州六月初二日傅先宗等整齊隊伍趨慶平
 東華續錄 同治八十六 五

下固非始願所及也以局勢論之宜長驅並進規復河州惟自秦州迤西而鞏昌而狄道四百餘里中間渭源屬境二百餘里爾望蒿萊人煙斷絕大軍前進後路須節節設防以護運道防兵多則進剿之兵少察看河州賊勢未可虛弦下之非俟北路甯靈肅清由蘭州出兵難期得手論兵勢須防後路通饒運論賊情須斷旬結取遠勢未可重勦輕防致有疏失 上諭甘肅南路官軍克復渭源狄道城池並攻拔牟佛諦堅堡正可乘此聲勢進規河州左宗棠等以自秦州至狄道計程四百餘里中隔渭源等處一片荒蕪必須節節設防保護運道方能前進察看河州賊勢應俟甯靈肅清由蘭州出兵方能得手固係持重之見見在北路各軍已將靈州一帶賊寨攻破多處軍務自有起色則進剿河州之兵此時即當妥為部署著左宗棠穆圖善悉心商酌以期迅掃賊氛靈州

東華續錄 同治八十六 雲

迤西至金積堡僅存賊堡十一處王楊等逆伏誅賊眾無糧可據勢已窮蹙著左宗棠飭令劉錦棠等迅將胡家堡等處攻拔盡殲醜類中路官軍疊克馬家河灣鞏州堡等處金積堡南路關鍵已為我得左宗棠務當檄飭黃鼎會同雷正綰總統中路諸軍先將峽口要隘奪回次第勦平金積迤西各堡寨並與劉錦棠等約期會剿迅克金積等堅巢以振全局毋稍鬆懈前有旨令李鴻章督兵馳赴近畿據該督奏報起程並據奏稱北山土匪潰勇巨股已殲餘匪不至為患已咨商蔣志章酌派三五營分紮要隘等語北山事甫就緒李鴻章近已離陝左宗棠仍當妥籌兼顧毋令甘回折竄陝疆又致句結為患左宗棠另片奏請將敖天印暫准留營等語敖天印在南路帶兵既尙得力一時乏員接帶著准其暫行留營效力該大臣即咨行李鶴年查照可也將此由六百里各

諭令知之○左宗棠奏辦回之道與辦髮逆捻逆不同髮逆薙髮捻逆拋棄馬械即與平民無殊故戰勝受撫給以免死牌票資遣歸家如其措置得宜便可相安無事其無家可歸及悍驚不馴者或暫羈之營中鈐以軍令編管既密久亦相忘解散之策行則賊勢孤安插之地多則賊羣渙此辦髮逆捻逆必由之道也回則不然其與漢民積仇既深婚姻不同氣類各別彼此相見輒起殺機斷難孚洽又種族攸分狀貌亦異雜一回民於稠眾中令土人徧識必能認別百不一爽回民中豈絕無稍知順逆亟思自拔來歸者然久處賊巢既苦頭目之侵陵迫脅甫離巢穴又畏漢民之報復尋仇當死生莫卜之時靡不依違其間以求苟免此解散之難也以陝回人數計之從前無事時散處各州縣地方丁口奚啻數十萬見計除西安城中土著兩三萬外餘則盡族而行陝西別無花門遺種即合金積河狄西甯涼州等處見贖陝回計之丁口亦不過數萬其死於兵戈疾疫飢餓者蓋十之九實回族千數百年未有浩劫區區遺種既無歸陝之望就甘地安插而甘民痛定思痛又不免他族逼處之虞此安插之難也疊奉諭旨不論漢回祇論良莠仁育義正之懷昭然若揭回民亦具人心豈獨毫不知感無如仇蚌四結每苦無處求生莫知禍之所屆 臣維解散安撫實辦回不可少之著因於經理屯墾之餘劃出荒絕地畝稍成片段者以處求撫之陝回見在平涼大岔溝等處收撫陝回老弱婦女及務農丁壯約數千人均給以賑糧籽種課其耕種與賑撫各屬災黎招輯屯墾一律辦理以廣 皇仁又奏洮州岷州毗連河狄逼近賊巢均須重兵防剿周開錫原派扼防岷州之總兵范銘一軍本分駐秀石關酒店子木寨嶺等處五月初四日丁家門新寺

東華續錄 同治八十六 雲

鎮竄賊經傅先宗各軍擊敗之後零股由喇嘛口竄酒店子繞木寨嶺之後范銘誠信整隊迎擊分馬步從閒道包抄初六日鄧桂舟陸喜福所部遇賊於木寨嶺殺斃百餘名迫而淹諸洮河者數十名生擒十二名騎賊五六百奔業木城包舍口竄攢都溝初七日趙順陶達德隊伍攔截之鏖戰兩時陣斬八九十名生擒二名敗賊遁秀石關寬歸路范銘復揮徐成霖各營循三岔東山鐵鼓溝躡賊初八九日出大車廠梭斬而西連日斃賊二百數十名生擒河州賊目阿洪議布訥隨身搜獲洋槍四桿弁勇帶傷十六名餘賊受創歸巢復嗾悍黨犯洮州嘯聚彖麻時周開錫正派副將張廷秀洮州土司楊元設卡於大草灘遏賊南竄十九日偵賊至比即知會署洮州同知張家相護理洮岷協副將遊擊丁永安加派守備楊宗秀把總高世佐經制許發得等率領番漢兵團密東華續錄 同治八十六 美

布要隘賊至伏發殺斃百餘名追至綫家灘敗賊西竄兵團陣亡八名受傷八名報聞○予甘肅陣亡副將汪有餘祭葬世職並道員恆齡建祠○壬辰諭吳棠撫恤川東被水災民○癸巳諭軍機大臣等前據蘇鳳文等奏叛匪梁添錫遁入越南安邊地方當經諭令蘇鳳文馮子材飭令前敵各軍迅速進攻肅清邊境迄今已逾多日尚未據蘇鳳文等續有奏報不知見在勦辦情形究竟如何總當督飭各軍乘勝進剿迅殲醜類以靖邊陲安南國沿邊膏腴如胥江等處在安南為三省地方其廣不過中國一郡該國謂之東京近年間為法國所占踞有駐紮重兵並設提督等官情事安南陸路接壤廣西由廣西邊界至胥江道里若干有無山川阻隔著蘇鳳文密派幹練有識之員前往該處確訪一切情形繪圖貼說並將近日安南與法國情意是否融洽之處據實奏聞想該

撫必能仰體此意慎密籌辦也○甲午諭何璟籌解西征軍餉○是月諭免山東東平州道光年間民欠攤徵隄工銀湖南晃州廳被擄上年額賦蠲緩兩浙浦東等四場歉收上年竄課

八月丙申諭軍機大臣等昨據曾國藩等奏提解已革天津府縣到津一摺本日據總理各國事務衙門奏近日辯論情形並鈔錄照會呈覽一摺張光藻劉傑以奉旨治罪人員理應在津聽候查辦乃一往順德就醫一往密雲安置眷累遷延多日屢經嚴旨催促始赴天津以致洋人枝節叢生任已私而貽誤國事賢能之吏豈應如此見在羅淑亞所遞洋文業由該衙門譯出即著曾國藩等按照所指各節逐一詳訊取據切實親供其事所必無者固應明白剖晰其情所或有者亦不可諱飾避就庶有以折服洋人之心不至再滋口實至緝獲正兇實為此案最要關鍵曾國藩等務

東華續錄 同治八十六 毛

當督飭地方文武員弁認真購緝將在逃首要各犯儘數弋獲訊明懲辦其見獲各犯亦著詳細研究務得實供毋任狡展成林到津後毛昶熙計已交卸仍著暫留天津會同曾國藩籌辦一切丁日昌於洋務情形素稱熟悉此次兼程到津籌畫各事均極認真即著幫同曾國藩等悉心妥辦務協機宜以副委任洋文內有牽涉陳國瑞之語並著曾國藩等詳查確訪據實奏聞總理各國事務衙門摺並羅淑亞照會二件及照覆一件譯出洋文一件均著鈔給閱看將此由五百里各密諭知之○丁酉諭內閣魁玉奏總督猝被行刺因傷出缺一摺據稱兩江總督馬新貽於七月二十六日赴署右箭道校閱事竣回署突遇兇犯刺傷脅肋當經隨從武弁等將該犯即時拏獲嚴訊僅據供稱係河南人名張汶詳而行刺緣由供詞閃爍該督受傷甚重延至次日身故等語覽奏不

勝駭異總督衙署重地竟有兇犯膽敢持刀行刺實屬情同叛逆
亟須嚴行訊究即著魁玉督同司道各官趕緊嚴訊務得確情盡
法懲辦馬新貽持躬清慎辦事公勤由進士即用知縣歷任繁劇
咸豐年間隨營剿賊疊克堅城自簡任兩江總督於地方一切事
宜辦理均臻妥協方冀長承恩眷倚畀優隆茲因被刺遇害披覽
遺章實深悼惜馬新貽著賞加太子太保銜照總督例賜卹並入
祀賢良祠任內一切處分悉予開復伊子馬毓植著加恩賞給主
事分部行走該督靈柩回籍時著沿途地方官妥為照料應得卹
典該衙門察例具奏用示憫念疆臣至意尋予祭葬諡端敏○諭
軍機大臣等本日魁玉馳奏督臣被刺因傷出缺一摺兇犯張汝
詳膽敢伺隙行刺殺總督重臣實屬罪大惡極必應研訊確情
從嚴懲辦以申國法著魁玉督飭司道各官設法熬審將因何行

東華續錄

同治八十六

美

刺錄由及有無主使情事一一審出據實奏聞見在長江防範事
宜最關緊要本日據英翰奏江面扼要以靖江江陰之閒為第一
門戶其次則焦山兩岸亦為險要馬新貽已選黃翼升東下面商
機宜並因下游兵船不敷分布須合上游數省全力方可備豫萬
全等語與昨日寄馬新貽諭旨適相照合魁玉見署督篆責無旁
貸即著隨時咨商李瀚章英翰劉坤一郭柏蔭同心協力迅速妥
籌湖北江西兩省何處可以助兵何處可以助餉想李瀚章郭柏
蔭劉坤一素顧大局必能不分畛域悉心區畫也黃翼升見在行
抵何處所有整頓水師籌辦江防之處著與各該督撫等嚴密圖
維以資備禦將此由五百里各密諭知之○諭英翰奏報提督自
皖起程日期一摺提督劉銘傳久經戰陣忠勇過人茲經英翰遵
諭令其北來該提督即於上月二十九日由六安起程循淮下駛

取道山東赴直是其報國之忱久蘊於中間召即行尤非諸將所
及覽奏之下嘉慰實深前據曾國藩奏銘軍係百戰之兵但駐防
過久恐於戰事稍疏若令劉銘傳親出統馭不難頓復舊觀等語
該軍見紮滄州靜海一帶即著曾國藩傳知該提督馳赴該營督
飭所部將士勤加訓練俾此軍悉成勁旅以備折衝朝廷必假該
提督以事權用展其才如無須用武屆時當令李鴻章傳諭該提
督來京陛見本日發去白玉搬指一箇白玉翎管一支火鏢一把
大荷包一對小荷包兩箇著曾國藩交劉銘傳祇領以示褒獎正
在寄諭聞據魁玉奏稱兩江總督馬新貽猝被行刺因傷出缺已
將曾國藩調任兩江總督直隸總督著李鴻章補授矣兩江職任
綦重曾國藩前在江南多年情形既多熟悉布置尤為得宜刻下
交卸在即務當遵奉昨日諭旨嚴飭地方文武員弁將在逃首要

東華續錄

同治八十六

美

各犯儘數購獲並會同毛昶熙丁日昌成林將見獲各犯詳細研
究務得實供其羅淑亞照會內所指各節該督等亦當逐一詳訊
取具張光藻劉傑切實親供以期及早結案李鴻章見在行抵何
處著即馳赴天津接篆所部各軍仍著分飭郭松林等於直隸邊
境獲鹿一帶河北彰德山西平定等地方分紮正定一帶近聞有
游勇滋鬧洋人教堂情事著曾國藩李鴻章檄飭各營將領就近
彈壓兵民毋得從中構釁倘有假冒該營勇丁及別處游勇藉端
生事者並著隨時訪拏懲辦綏靖疆將此由五百里諭令知之
○以湖北荊州各府屬被水諭李瀚章等妥籌賑撫○調曾國藩
為兩江總督未到任前以江甯將軍魁玉兼署調李鴻章為直隸
總督以李瀚章為湖廣總督楊昌濬為浙江巡撫由布政使遷○戊戌
諭軍機大臣等張廷岳等奏確探賊蹤見籌辦理情形一摺本年

夏開賊匪先後焚掠額爾德呢班第達呼圖克圖遊牧暨沙拉噶勒卓持台各該處被擾情形業經張廷岳等派員前往查明即當設法分別撫恤俾該蒙民喇嘛等復安生業毋令失所張廷岳等以賊有九十月間復來竄擾之說庫倫地廣人稀無險可扼必須斷其來路方免伺隙奔突請飭甯夏綏遠盤查奸宄所籌亦是著定安金順豐紳謙禧在於毗連口外關津要隘設兵盤詰遇有詐稱商民結隊馱載並無部票形迹可疑者立即認真搜查免致賊匪潛蹤出口滋生事端惟須將派出兵弁嚴加約束不得藉端騷擾累及商民張廷岳請令綏遠派兵出口於賽因諾顏扎薩克圖汗兩部落西南一帶搜剿賊巢見在該處有無賊蹤是否須用兵力接捕著福濟酌度情形會商定安辦理張廷岳等另片奏春開西愛曼有警俄國領事即調到該國馬隊百名在庫倫晨夕操演

東華續錄 同治八十六 罕

等語此項馬隊雖不滋事而亦不可不防著張廷岳等留心查察毋稍大意將此由五百里諭知定安金順福濟豐紳張廷岳阿爾塔什達並傳諭謙禧知之○諭崇實吳棠奏裁汰援黔兵丁並通籌全局辦理一摺據稱川軍自援黔以來閱時三載增兵增餉民力難支見在貴州驛路已通荒土重開釐金自有起色而川東之重慶夔州等屬均被水災餉事實難支持已飭唐炯先將贏卒疲兵大加裁汰並籌全局從長辦理等語黔省軍務自川楚各軍協期後清江北岸業已肅清正宜乘勝進攻台拱將南岸各苗寨次第蕩平若遠行鬆勁必致賊勢復張全功盡棄崇實等以天氣暑熱士卒多病不能不暫為休息見交秋令正可及時進剿著崇實吳棠飭令唐炯酌情形裁汰疲弱督率精銳迅速會合席寶田等軍合力進剿一面咨會曾璧光派撥黔省兵勇協同防剿不可

久事遷延將此由五百里各諭令知之○允定安奏添設黃河水師○予貴州陣亡總兵官姚華萃祭葬世職建祠○飭山西撥銀四萬兩解綏遠城備軍餉○調盧定勳為浙江布政使以錢鼎銘為直隸布政使調范梁為直隸按察使以李慶翱為山西按察使由河東○已亥諭各直省嚴拏滋事勇丁○諭英桂等布置海防○予浙江陣亡遊擊江九華祭葬世職附祀陳紹祠○庚子諭軍機大臣等蔣志章奏北山各軍剿賊疊勝並龍錫慶一軍剿平匪壘暨調張福齊馳紮郟宜各一摺韓城火燒溝等處匪勇滋擾經總兵張佑庭督軍前進並提督李光前派李家安等會剿獲勝宜川延川延長一帶匪勇又經喻步蓮等率軍擊敗龍錫慶一軍於涼水灣得勝後即飭劉春藻帶隊由瓦窰堡逼攻老巢疊斬賊目多名平其堅壘劉春藻復統軍進擣逆匪李凡覺勢窮乞撫龍錫慶

東華續錄 同治八十六 罕

慶因該逆狡悍異常當於軍前正法全股見已蕩平所有龍錫慶李光前等軍剿賊尚屬奮勉著准其擇尤酌保毋許冒濫北山徑隘叢雜匪勇踰伏甚多亟應乘勝搜捕蔣志章以周盛傳拔隊渡黃調張福齊六營由白水開駐郟州以三營填紮張村黑水一帶以三營會同喻步蓮等於延宜一帶勤加搜捕並派胡得成馳赴韓城郟陽等處擇要扼紮即著嚴飭該總兵等認真堵禦與在防各軍聯絡聲援遇賊即擊不准稍有疏虞據該撫奏左宗棠函稱黃鼎等軍已攻破張恩堡見督軍進規峽口著該大臣即飭該道員激勵諸軍奪取該處要隘以期次第進攻掃除羣醜至陝省籌辦撫綏招徠賑墾各事宜並著左宗棠蔣志章督同司道遴選廉能收令實力奉行毋得有名無實將此由四百里各諭令知之○予陝西陣亡遊擊喻緒良祭葬世職○辛丑諭軍機大臣等李鴻

章奏行抵直境派兵分紮晉豫邊界一摺據稱郭松林全軍暫紮彰德衛輝等處周盛傳馬步各隊見在平陽洪洞等處休養操練該督自率親軍入營行抵井陘擬即赴獲鹿暫紮籌辦糧運惟各軍遠紮晉豫邊界所慮一旦有警呼應不及等語所籌均合機宜前已有旨將李鴻章調補直隸總督諭令赴津接篆該督見已行抵直境即著懷遵前旨迅速前往天津接受督篆妥籌一切以副委任近日洋人情形尚不至遽行決裂所有郭松林周盛傳等軍即著照該督分派地方暫行駐紮以休兵力仍當嚴飭該統領等隨時操演嚴加約束毋令滋生事端將此由四百里諭令知之○諭庫克吉等撫恤熱河被水災民○壬寅諭軍機大臣等魁玉奏近日省城情形並續獲應訊各犯一摺馬新貽出缺後前已有旨令該將軍將見獲之兇犯張汶詳嚴訊確情茲據奏稱該犯供詞

東華續錄

同治八十六

望

尙屬支離並拏容雷張汶詳之朱定齋周廣彩及同時在道旁之王咸鎮等隔別審訊等語此案馬新貽以兼圻重臣猝被兇犯行刺情節重大亟應嚴加根究仍著魁玉督飭承審各員將兇犯張汶詳及朱定齋等分別熬審務將行刺緣由究出不得含混奏結此外標弁家丁亦應隔別詳訊如有供出兇黨一併嚴拏究辦以儆兇頑該省近日情形據稱見屆鄉試稽察尙嚴惟省城士子雲集華洋並處最易滋生事端並著該將軍嚴飭地方文武認真稽察隨時彈壓毋得稍涉疏虞將此諭令知之○癸卯諭軍機大臣等李鴻章奏郭松林等軍分別駐紮並擬率親軍先至保定再行赴津等語該督於抵保定後趕緊料理一切即行前赴天津妥籌辦理正定靜謐如常雖據該督查明兵民與教堂毫無干涉仍著李鴻章督飭各將領隨時彈壓毋令滋生事端至各處游勇如有

捏造謠言從中搆毀情事並著該督嚴拏懲辦以靖地方郭松林一軍暫紮彰德既恐軍食難繼應否就運河附近屯駐著李鴻章酌奪辦理本日據文盛等奏勸捐駝隻足數二千之數見准李鴻章函令徑解直隸行營請旨遵行等語此項駝隻應否全數解赴直隸抑或分撥陝西以資轉運之處著李鴻章酌量情形咨照文盛妥為撥解○諭楊昌濬與修湖州府屬水利○廣安徽壽州學額六名亳州二名○飭山東河南撥銀十五萬兩備吉林軍需○甲辰諭內閣曾國藩奏瀝陳病目情形懇請另簡賢能畀以兩江重任俟津事奏結再請開大學士缺專心調理一摺兩江事務殷繁職任綦重曾國藩老成宿望前在江南多年情形熟悉措置咸宜見因目疾未痊但得該督坐鎮其閒諸事自可就理該督所請另簡賢能之處著毋庸議仍著俟津事奏結後即行前赴兩江總

東華續錄

同治八十六

望

督之任毋再固辭○諭軍機大臣等左宗棠穆圖善奏各軍勦賊獲勝情形一摺甘省駐紮鎮番金縣北山河干鎮等處官軍分投雕剿賊股均獲勝仗尙屬得手惟回逆醜類繁多肆行竄擾必須各路一體探蹤截擊方不至伺隙奔突勢成蔓延著左宗棠穆圖善督飭各營統領勤加偵探遇賊即擊隨時認真防範以遏賊氛河州尙有回眾十萬餘人並駐紮陝回二萬餘回日馬占龍有八九月間欲與官兵打仗之說亟應先事豫防左宗棠等務當悉心布置毋為該逆所乘其附省各營即著穆圖善妥為調度以備不虞本日據穆圖善奏省垣各軍索餉滋事已分別嚴行懲辦因思甘軍協餉均歸西征糧臺轉發左宗棠自當統籌全局均勻撥放方足以服眾心此次因撥餉改充糧價以致省垣各軍藉口滋事嗣後該大臣當不分畛域體恤兵艱將甘省各營餉糈軍火源源

按濟母令缺乏甘軍楚軍不可微分厚薄免致各營援爲口實並
著與穆圖善彼此和衷商辦毋稍膜視將此由五百里各諭令知
之○命張之萬赴江南會訊張汶詳獄○予故兩江總督馬新貽
安徽建祠○乙巳諭軍機大臣等奎昌奏查勘俄國已立界牌鄂
博一摺奎昌見已與俄國立界官穆魯木策博公同履勘由塔城
所屬之瑪呢圖噶圖勒幹卡倫起至賽哩鄂拉止查明俄國已立
牌博四處均在原議分界處所建立尙無侵占已飭令弁兵等在
俄國所立牌博內建立界牌鄂博四處辦理尙安惟塔爾巴哈台
山嶺等處尙有俄國已立牌博未經勘定該大臣見行抵霍野爾
莫多地方與俄國立界官會商往查仍著按照圖約循依綫道詳
細確切勘明毋任暗中侵越以重邊防此次隨同立界委員明魁
等均著照所請先行賞戴翎頂如能始終奮勉事竣後准與出力
東華續錄 同治八十六 署

認時刻及早擬結至天津府縣所具親供內有應行覆訊及與六
月二十五日曾國藩奏到查明滋事大概情形摺內情節不符之
處仍著曾國藩等迅速覆訊明確一面將該革員等解交刑部聽
候覈辦一面將覆訊供詞據實具奏另片奏請飭成林接統津郡
防軍等語天津海防關緊要所有崇厚任內練習洋槍各隊即
著成林接統督同天津通永鎮總兵大沽協副將認真訓練不得
稍有懈弛其各營軍餉及需用軍火器械等項均著悉照舊章覈
實辦理○癸丑諭軍機大臣等總理各國事務衙門奏請仍遵前
旨飭令提督陳國瑞赴津查訊等語已諭令神機營王大臣派員
伴送該提督赴津並飭將要犯周起濂交出由曾國藩等訊辦矣
陳國瑞抵津後應即取具切實親供以憑覈辦著曾國藩等督飭
承審各員將應行查訊各節向該提督查訊明確令其切實登覆
東華續錄 同治八十六 署

百里各密諭知之○諭蘇鳳文等奏官軍攻剿叛匪全○湯平暨派防鎮安邊境及籌辦苗土等匪情形各摺片安邊河陽等處賊匪全數殲除辦尚為得手惟首逆梁添錫一犯僅據賊供中礮落水賊屍猶未撈獲其黃崇英一犯逃匿不知去向亟應確實查明該逆等實在下落迅速殄滅毋任漏網馮子材見駐河陽即著趕緊按捕餘匪督率入關毋得久留夷境致滋擾累另股土匪屯踞保樂夷境距鎮安不遠蘇鳳文當嚴飭謝繼貴等實力堵剿並著馮子材派撥勁旅會合夾擊毋令逸匪潛入至柳慶邊境時有苗匪滋擾南太泗鎮思恩等府土匪尚多著蘇鳳文飭令各該地方官會同防剿各軍認真堵擊不得有名無實馮子材凱還時於各屬應應防處所務當分兵布置妥籌辦理以靖地方將此由五百里各諭令知之○諭蘇鳳文奏越南國王呈請遣使進貢一

東華續錄 同治八十六 吳

摺越南國王恪守藩封素稱恭順此次因該國被匪竄擾經大兵越境剿辦次第蕩平懇請遣使呈進方物及馴象二隻情詞肫懇忱悃可嘉自應准其呈進俾遂愛戴之忱著蘇鳳文查照歷屆例貢進關之時酌定日期一函具奏一函行令該國王遵照辦理至該國上次補進丁巳辛酉乙丑等年貢物前已命抵下三屆癸酉丁丑辛巳等年正貢茲據該國王懇請賞收具見至誠惟朝廷厚往薄來優待外藩向遇補進方物均有留抵之旨著蘇鳳文傳知該國王仍遵前旨留抵下三屆正貢以示體恤將此諭令知之○以廣西官軍剿辦越南安邊等處賊匪蕩平賞副將劉玉成父母二品封典遊擊黃興仁巴圖魯名號餘加銜升敘開復有差○己未諭軍機大臣等曾國藩等奏審明天津案內各犯分別定擬開單呈覽並天津府縣未能剋日解京各摺片天津滋事一案為時

已久必應趕緊辦結曾國藩等以此案棘手甚多礙難拘守常例不得不變通辦理見據訊明各犯擬辦法者十五人擬辦軍徒者二十一人既屬供證確實情罪皆即著照所擬辦理其情節較重訊有端倪供證尚未確實之犯仍著認真研鞫迅速定擬具奏未獲各犯並著上緊飭緝歸案訊辦至所稱將來第二批奏結或再辦首從犯各數名或與洋人訂定抵償實數由總理衙門覈定行知等語所奏殊屬拘泥此次津民逞忿滋事幾致釀變案情重大自不得不嚴行懲辦但衡情定罪惟當以供證為憑期無枉縱豈能豫為懸擬強人就案著曾國藩等審訊明確持平定擬不必拘定成見至應行正法各犯著俟刑部議奏已革天津府張光藻等罪名時再降諭旨前諭該督於本月二十五日將革員等解交到部何以遲遲未經起解著曾國藩等仍遵前旨迅將該革員

東華續錄 同治八十六 吳

等解交刑部聽候覈辦毋庸俟陳國瑞到津質訊以期迅速曾國藩另片奏請令丁日昌著俟李鴻章到津後即行回任等語丁日昌著俟李鴻章抵津商辦一切後再行請旨曾國藩因此事辦理遲延自請交部嚴議著加恩寬免○諭沈葆楨奏請簡派輪船統領一摺據奏新設輪船約束操演以及稽查聯絡其難較戰船數倍亟需知兵大員統率藉資訓練福建水師提督李成謀前隸楊岳斌外江水師疊著戰功著作為輪船統領英桂沈葆楨即傳諭該提督務當申明紀律嚴加約束以肅營規兵船特槍礮為聲威若技藝生疏非特不能制勝且臨敵蒼黃將有自焚之患近日輪船所用槍礮多於後膛安放子藥英桂等即責成李成謀隨時駕駛出洋周歷海島勤加操演俾該員弁等熟習風濤悉成勁旅不得性耽安逸致令訓練皆屬具文有名無實輪船號數漸多不能

不分布各口若彼此各不相習勢必心志不齊難期用命李成謀身爲統領尤當將各船聯絡一氣以壯聲援將此各諭令知之○辛酉諭軍機大臣等李瀚章奏會匪聚眾滋事立時撲滅一摺本年七月間哥弟會匪首楊竹客即楊玉春在湖北宣恩縣境糾黨起事圖撲縣城經該縣知縣向光謙督同紳團兜捕當將匪首楊竹客等擒獲正法餘黨解散辦理尙爲迅速所有在事尤爲出力官紳著准其酌保數員以示鼓勵近來此等匪徒到處結會隨地糾人實爲東南數省隱患前據劉峴奏報內湖南湘鄉瀏陽均有會匪滋事之案見宣恩地方復有此事該處界連川楚匪首楊竹客又係四川彭水縣人雖已殲擒恐尙有伏莽潛藏乘間竊發著李瀚章吳棠郭柏蔭劉峴各飭所屬一體趕緊查拏隨時互相知照毋任此拏彼竄並力行保甲整頓團練以期消患未萌該督撫

東華續錄

同治八十六

吳

逆渡河而逸立將高寨全溝克復白馬寺一帶業已肅清惟大股回匪尙踞河南老巢亟應迅圖剿滅著豫師飭令李春海等協同該處團丁乘勝進攻直搗逆巢務當掃穴擒渠毋畱餘孽西碾紳民捐貲殺賊尙屬著有微勞著准其擇尤酌保以示鼓勵豫師出省後擬暫駐平番著將後路事宜趕緊籌辦俟部署稍定即親率勇隊馳赴前敵相機進剿迅殄逆氛將此諭令知之○是月緩徵直隸定州等十州縣被旱新舊額賦暨山東濮州被旱本上年上忙錢糧

東華續錄

同治八十六

吳

東華續錄

同治八十七

臣王先謙敬編

臣張式恭恭校

九月乙丑左宗棠奏據劉錦棠黃萬友稟金積正北蔡家橋在秦渠之東春間賊設卡於橋西半里許迤西而北逾東南為長隄隄外引秦渠馬連渠之水為壕環之官軍非奪蔡橋水口不能徑薄金積也六月二十八日會同金運昌馬步越秦渠列陣分兵扼蔡橋水口立營正部署開金積秦壩園各寨賊傾巢而出官軍前隊屹立待戰後隊趕緊修壘午後賊爭水口益力劉錦棠令何作霖蕭章開譚拔萃等步隊悉銳向賊寨猛進提督余虎恩熊有常周雲祥譚上連副將郭宗儀等馬隊橫截而出賊胸膈入寨官軍壓追至金積西北寨根而還日晡壘成分營駐之蔡橋水口既得可以扼秦渠之要而沿壕賊卡尚多七月初四日三鼓劉錦棠潛師夜起令軍士攜草束衝過賊卡越壕而壘行抵賊壕卡賊驚覺拚死拒敵官軍擲草填壕而過就地築壘分馬步兩支左右鈔出護砌礮臺適金積東南各堡角聲四起賊黨分布寨邊搦戰迫漸集漸眾官軍始分數路突起衝殺賊向金積東關竄遁其敗走不速及誤入官軍陣中者悉就戮焉初五日黎明賊仍嚮出瞥見金運昌所部出隊恐截其後乃縮入寨中官軍會合踏毀長壕數十丈分營駐壕內而還兩戰劉錦棠一軍斃賊約六七百名弁勇陣亡七名受傷三十六名劉錦棠察看形勢毗連蔡橋之秦園堡西有小何家寨東為蔡家寨皆濱大河可急攻而下初七日約金運昌馬步各攜攻具前往甫抵秦渠之北秦園金積援賊屬至劉錦棠令馬隊鈔過何家寨北拊賊之背軍功董福祥張俊李雙

良等當左路何作霖蕭章開陶定昇王承贊等當右路自率提督易致中譚拔萃周國勝喻執益步軍直薄寨下合馬隊併力夾攻適余虎恩等已挑驍卒先登步軍繼之冒輒石揮鋤掘堡腳一鼓拔之察家寨賊見鄰寨已破慌向大何家寨遁走劉錦棠縱馬鈔敵一面督步軍乘機奪寨門而入斬逆目何登榜及賊眾五百餘名秦園金積援賊見兩寨齊破鼠竄而遁劉錦棠一軍陣亡十一名受傷五十三名逆首馬化澹以蔡橋既失小何家寨蔡家寨又經攻克畏官軍偪攻愈緊復於卡西築隄澗水旁溢以阻官軍劉錦棠約金運昌急期之初八日黎明官軍馬步向蔡橋進發金積秦壩園各堡之賊排列堡前及秦渠迤北金運昌率隊循渠堰而進劉錦棠率隊一列渠南一列渠北騎賊已鈔過北面之右步賊繼至副都統雙壽余虎恩等躍馬砍陣立斬騎賊多名各路馬步一齊猛撲賊且卻且前鏖戰兩時官軍銳氣百倍馬步賊大敗狂奔而西官軍從各寨礮石中躡蹤猛追刺斃轟斃之賊無數初十日會割秦園堡北之麥襲攻周家寨寨垂破矣忽金積秦壩大股悍賊來援劉錦棠金運昌揮軍擊之擒斬三百餘名收隊而還十二日五鼓踰永甯洞沿秦渠而下攻王洪寨金運昌列隊寨西劉錦棠列隊寨南雙壽馬隊伏寨東廢堡官軍施放開花礮子連落寨內馬步賊千數百齊出東門與雙壽相持分股繞寨北而西抗拒金運昌軍金運昌令軍士向西南佯敗誘賊一面約劉錦棠派隊鈔擊之賊果出隊遠追距寨約四里許劉錦棠分遣馬步橫出截賊為兩金運昌轉旗突擊賊之尾股沿寨腳遁入北門前股三百餘名無一脫者維時雙壽正牽制東面之賊劉錦棠益以陶定昇等步隊斃賊甚夥總計初八初十十一等日共斃賊一千三

百餘名生擒三十七名十二日之戰據賊供王洪寨首逆王鵬已
經官軍矛刺墜斃伏誅矣各戰劉錦棠一軍弁勇陣亡二十七名
受傷一百六十名自賊復築隄於蔡橋卡西官軍隨時疏濬而積
潦縱橫仍礙馳驟十三日辰後劉錦棠金運昌會商各營既搶過
賊壕應扼紮賊隄偏水反灌遂傳令步軍由東南冕水進隊立營
金運昌率所部進左劉錦棠進右布置甫定賊沿途開槍抗拒劉
錦棠令各路隊伍奮衝殺賊眾望風先潰官軍上隄即砌礮壘
一面分隊嚴陣以待金積秦壩各賊果傾巢而出金運昌率所部
當左路劉錦棠率所部當中右兩路待賊撲近以槍礮測準輪轟
回眾敗而復前者十數次悍黨中槍斃者已不可勝數矣尙排隊
遙相牽綴劉錦棠金運昌僅三成隊併力修壘餘仍列隊如故薄
暮賊復糾大股悍黨偪何作霖蕭章開陣前索戰各營奮威壓勦

東華續錄

同治八十七

三

直薄金積卡前敗賊拋械滿地奪路鼠竄是役斃賊以千數百計
據擒賊供是日馬化澂喉陝回余彥祿陳林馬老五馬長順馬必
政沙學賢馬政國各選悍賊與官軍決死戰圖奪回長隄不料連
戰連敗也訊畢斬之四日壘成就隄決水反灌金積西北該回復
築隄禦之十六十七兩日劉錦棠合雙壽隊伍割棗園地西麥苗
零股賊黨護救官軍均有擒斬連日之戰劉錦棠一軍弁勇陣亡
三十九名受傷一百零九名金積東南爲馬連渠從前誤呼爲波
浪渠渠上新築三壘馬化澂派偽參領金嶺踞其中與官軍板橋
營壘相抗二十二日五鼓劉錦棠率步隊六營徑擣其中一壘豫
令陶定昇易致中伏壯士於壘前高粱叢中黎明賊開壁飲牲畜
伏起壯士奪門殺入劉錦棠揮大隊隨後擁進擊賊驚起持械死
鬪軍士短兵相接斃賊數名餘黨紛紛墮牆而下經副將趙彩照

邀截狂奔左壘其越牆不及之賊二百餘名聚而殲之賊壘中接
出七月七日馬化澂偽檄喉偽協領何生州偽參領馬兆圖金嶺
等助逆目王鵬力抗官軍者也據生擒賊供金嶺喉黨抗拒官軍
已中槍死馬兆圖即馬八條之子並陝回頭目馬長春初八日蔡
橋之戰均斃於陣矣劉錦棠以中壘既克乘勝攻左右兩壘而金
積各堡援賊大至遂約金運昌合隊攻壘加調馬步隊伍擊援賊
追騎賊從東面鈔來官軍正持滿而發銳不可當騎賊敗退步賊
復衝近左壘合勢穩抗維時金運昌之兵適破右壘士氣益盛劉
錦棠令各路乘機撲左壘而馬步援賊復傍壘死抗雙壽余虎恩
等縱馬衝突步軍繼之當者辟易援賊雖敗壘賊猶穩拒不動官
軍截其去路一面整隊小憩調開花礮環攻炸彈轟入壘中壘賊
始亂各營併力撲上克之乘勝進馬連渠之李花橋距金積東南

東華續錄

同治八十七

四

正南一二里將大小賊卡十一所概行踏毀餘賊有奔向西南中
鴛堡者有奔向正東漢伯堡者日晡收隊即紮賊壘自是金積與
中路王洪胡家各堡聲息不通河西通昌通貴賊糧亦斷矣二十
四日劉錦棠增立營壘於金積堡正東里許分馬步數路準備剿
賊賊眾擁出堡外見官軍按隊勿動馬步賊漸前放槍吶喊中軍
鼓聲起各路官軍衝入賊陣賊即潰敗復併聚東門外卡開礮抵
拒相持至初更新壘已成賊亦縮退連日之戰斃陝甘逆回約千
四五百名訊之生賊知逆目何標馬允吉均於十二日破壘時伏
誅矣各戰劉錦棠一軍弁丁陣亡二十七名受傷一百二十一名
二十五日已刻金積東南賊眾忽向西趨劉錦棠擒生賊訊知中
路雷正緒黃鼎徐文秀諸軍已奪峽口之險馬化澂方喉賊眾往
援劉錦棠令步軍列金積堡東分支沿馬連渠攻李花橋迤西賊

寨馬隊越馬連渠向中驚堡鈔擊金積堡出步賊七八百槍入李花橋前寨助守礮石雨注申初西面塵氛大起劉錦棠料賊眾自西敗歸撤攻堡隊伍截之殺傷甚夥二十六日劉錦棠督隊收中驚堡一帶禾稼午後回營該堡回黨數百跟隊放槍雙壽余虎恩等返旗掩殺小有擒斬二十七八日出隊割漢伯堡之麥二十九日出棗園堡迤西何家坪割麥申初金積馬賊出巢救護劉錦棠揮軍擊之斃賊數十名而奪其馬自二十五至二十九日各戰轟斃殺斃之賊六七百名生擒十五名劉錦棠一軍弁勇陣亡八名受傷九十三名又奏臣前檄中路諸軍交黃鼎會同雷正綰總統於四百戶取齊出何家堡合規峽口七月初四日雷正綰黃鼎訥馬化澹偽領員袁希義綽號皮英者率悍賊先入張恩堡扼險以抗官軍是夜各派馬步潛起襲之仍畱兵守何家堡防滾泉旁溢

東華續錄

同治八十七

五

之賊初五日黎明官軍抵張恩堡賊驚覺憑壘拒敵提督徐占彪聞定邦等揮隊猛攻拔花籬越重塹搶入外堡斃賊數十餘名賊爭入堡中並焚積薪於堡門誓以死守礮石如雨官軍環攻半日未下申刻金積援賊盡至雷正綰黃鼎分兵截擊於牛頭山合力攻堡植木為梯冒礮石滾升而上守賊憑塚砍刺壯士登而復墜者再比令各營環濠築壘選健卒於寨旁掘地道攻之初六日五鼓地道將成悍賊二百餘開壁突圍出官軍遮其出路槍轟矛刺賊屍遍地生擒四十餘名立斬於陣乘勢搶入堡內搜斬堡賊淨盡當賊眾突圍時賊目袁希義率悍騎數名奪路狂奔提督徐占彪急督千總張永興張占彪躡里許生擒之據供張恩堡本馬化澹先鋒袁希孟所踞袁希孟調歸金積馬化澹聞中路進兵急曠袁希義領死黨據守以固金積峽口藩籬不料官軍大至晝夜環

攻不息堡陷就擒也臣維去冬雷正綰等進兵張恩堡先克東面依崖兩堡袁希孟怖駭比率西面堡眾繳械乞降雷正綰受之本年袁希孟復助馬化澹為逆河南北遭其蹂躪此次袁希義授首居民聚觀如堵同聲稱快是役官軍弁勇微有傷亡張恩堡既克可圖峽口臣前令提督陳廣發參將馮南斌由四百戶渡河而西扼峽口北岸以收夾擊之效初十日陳廣發等詞回騎越河西劫糧整隊出廣武截賊入塔廟渡口殺斃淹斃數十名獲其輜糧餘賊有奪船搶渡者有越山狂奔者官軍僅受傷六名而已嗣是兵扼河西而峽口之賊從龍王廟渡入塔往來納家闡王家疇各回堡之路以斷雷正綰等布置後路防務揮隊進牛頭山偏峽口而壘徐文秀各營亦先後踵至會師牛頭山賊見官軍雲集連日堅壁不出意在恃險死守二十二日黃鼎約陳廣發馮南斌兵進唐

東華續錄

同治八十七

六

渠口令各軍從牛頭山進是日馮南斌等偵零股逆賊劫糧廣武歸將乘夜出入塔偷渡峽口即伏兵八塔山溝以待二鼓逆眾絡繹而至伏起盡殲之擒生賊周閻兒楊長林據供隨同頭目馬四子自哈喇湖攜糧歸至此不料忽遇官軍馬四子已中礮落河而斃二十四日辰刻雷正綰黃鼎會攻峽口徐占彪隊伍甫近賊壘賊開壁迎敵徐占彪率總兵陳春萬參將朱蘭亭各營鏖戰正酣金積迤西各堡之賊絡繹來援黃鼎率提督黃有忠總兵何玉超黃虎臣陳攀仙趙興隆遊擊李洪超李登高等扼牛頭山右截之雷正綰徐文秀各軍為策應併力將援賊擊敗轉旆期峽口之賊賊敗退河岸陳廣發馮南斌列陣對河槍礮排轟賊兩面受敵遁伏壘中徐占彪之兵躡殺入壘徐文秀率總兵蕭寶林遊擊陳締高繼之連破賊壘二座餘三壘為雷正綰閻定邦各營所克殘賊

東逸黃鼎派隊截之無一漏網五壘悍賊千數百名轟斃刺斃淹斃淨盡生擒賊供逆目王大閑丁逢翔馬紀成均斃壘中矣是晚復有河西接濟賊糧逆回來入塔口呼渡尚不知峽口已爲官軍所奪也陳廣發馮南斌潛起掩之盡獲其輜重二十五六七日金積各堡馬步賊數千復爭水口均經各軍擊敗擒斬千計自七月初十至二十七日斃悍賊二千餘名官軍弁勇傷亡百餘名峽口既得秦漢馬連三渠之首皆爲官軍所據二十八九日金積馬步賊萬餘憑漢渠列隊古靈州城護常家灘丁家堡回眾於漢渠達秦渠之處築卡濬濠以抗雷正縮黃鼎會商必先奪古靈州城破賊寨卡而後可長驅偪金積西門三十日徐文秀徐占彪越漢渠立營賊潛伏不出憑卡放槍申刻壘成徐占彪帶勇士攜火器星夜襲賊卡破之乘勝搶入古靈州城賊狂號亂竄棄壘而奔八月東華續錄 同治八十七 七

初一日黎明馬賊沿山包裹而來步賊分股伏漢渠隄下大股排列渠岸雷正縮飛隊擊馬賊緣山右進徐文秀各營進中路擊步賊黃鼎率大支人馬橫列步賊之左分兵傍渠布陣防伏賊部署既定副將李廣珠遊擊陳天壽都司熊祥麟躍馬突陣與馬賊相持總兵劉治均外委吳元璋張兩翼猛鈔之賊敗而復前雷正縮正揮刀督戰徐文秀隊伍一齊撲上馬賊不支沿途步賊繼起挺矛直前黃鼎督徐占彪馮南斌等橫貫賊陣縱橫盪決賊大敗歸巢屍骸枕藉各軍薄暮收隊初二日官軍步隊伏古靈州乾渠一帶馬隊向賊壕外卡挑戰適騎賊百餘出巢掠陣雷正縮整隊壓勦而前忽遇大股悍賊從廢堡中衝出勢幾不支黃鼎徐文秀立督各營將賊擊退徐占彪復率隊從乾渠內繞賊之後兩面夾攻賊大潰初三日五鼓黃鼎令徐占彪選壯士直撲賊卡賊自夢中

驚起倉皇狂遁官軍遂搶過賊濠守濠之賊不敢抵拒爭入丁家堡官軍躡賊堡根卡內礮石雨注未能驟克徐占彪即扼賊卡而營雷正縮列隊濠外用槍礮更番仰轟徐文秀督遊擊鄧增外委楊得高李勝忠施放後腔開花大礮炸彈飛落卡中當者立碎各營勢一躍而入盡殲卡中賊無一脫者堡賊猶憑牆排立以拒官軍黃鼎遣各營繞漢渠出秦渠中空之地築壘斷金積援徐文秀仍連開後腔大礮子穿牆而過堡中賊眾慌亂遂突圍而出將併趨金積堡雷正縮徐文秀催隊從堡牆缺口躍入遇賊即砍殺無遺其先逸出之賊黃鼎豫派徐占彪黃有忠朱蘭亭胡起雲等挺矛以待得脫免者十餘騎而已擒生賊常愷供本係靈州廩生同治二年陷入金積者馬化澹以丁家堡地形扼要喉逆子馬耀邦馬健邦等領悍賊駐守初二等日兩戰悍目楊自得即楊大娃子及關成丁永等均經官軍陣斬逆子馬耀邦等敗走洪樂堡初三日丁家堡破逆目丁一剛伏誅堡內開壁遁者逆孫馬進孝也初四日官軍乘全勝之勢分途攻勦連克金積西路漢渠內外五六里小堡二十餘座羣賊望風披靡官軍徑偪洪樂堡未下徐文秀徐占彪所部作長圍困之黃鼎率馬步攻洪樂堡金積仍出悍賊應援官軍奮威衝殺斃賊極多日暮收隊連日各戰斃賊三千有奇生擒五十餘名各軍傷亡弁勇二百餘名初八日洪樂堡之戰黃鼎所部營官何玉超李洪超幫辦李全貴皆帶槍傷益血戰矣臣維中路此次進兵未及一月連破堡寨數十座直抵金積老巢其得勢猶在峽口數戰此關一開賊在掌握非黃鼎堅持成算布置之詳赴機之速諸將士進攻之猛未易臻此見計金積西門外僅存者洪樂四堡馬家三堡丁家三堡臣見飭雷正縮黃

鼎會同劉錦棠金運昌相機圖之 上諭軍機大臣等北路劉錦棠等各軍進偏金積老巢疊次大獲勝仗奪取蔡橋水口越過賊濠立營乘勝攻克小何家寨蔡家寨等處賊巢大股援賊屢經擊敗踴毀金積附近賊卡十餘處官軍偏賊而營金積與王洪胡家各堡聲息不通河西通昌通貴賊糧亦斷正可乘此破竹之勢迅拔堅巢將馬化澂及著名各逆目悉數擒斬以竟全功中路雷正縮等各軍又將張恩堡峽口奪回連克金積西路各卡壘險要既得賊勢更蹙金積西門外僅存洪樂等數堡左宗棠已飭雷正縮黃鼎會同劉錦棠金運昌相機進剿自不難一律廓清見在中北兩路官軍業已聲勢聯絡合力大舉事機極為順利金積已成孤立斷難久支賊眾糧斷釜魚諒不能再施詭計是在該大臣妥為調度迅奏膚功以慰屢繫將此由六百里諭令知之○子甘肅陣

東華續錄

同治八十七

九

亡副將趙彩照祭葬世職○丁卯以江北漕船阻滯諭丁寶楨速籌轉運○諭左宗棠籌濟成祿軍餉○戊辰諭軍機大臣等劉嶽昭岑毓英奏收復新興州城見籌辦情形暨提督馬如龍疊著勤勞墊發餉銀各摺片雲南新興州城久被逆回占踞經提督馬如龍督兵進剿斷其糧路連破玉枕山灰窯及附城逆壘多處四面偏攻殲斃逆眾無數當將州城克復逆首田慶餘等均已擒獲正法剿辦尚為得手惟就撫降眾多係建水河西所屬之館驛東溝難民該二處尚未肅清難以分遣回籍馬如龍見已派員清查戶口令該難民等暫居州城並於城內及後裕鄉等處派兵駐紮即著該督等飭令在事員弁隨時認真彈壓妥籌善後事宜以期漢回相安免致另生枝節興化既克自應進剿東溝館驛等處迅掃逆氛馬如龍因傷發回省調治先派都司王正坤等規取東溝

館驛該提督當趕緊調理痊愈即時前往督剿以資得力收復新興出力人員俟東溝館驛肅清彙案請獎至馬如龍連年勦匪均能身臨戰陣奮勇圖功深堪嘉尚此次進剿新興於湖南撥餉未到時復籌墊餉銀三萬兩洵屬顧全大局敵愾同仇著發去白玉翎管一支白玉搬指一箇火鏢一把大荷包一對小荷包兩箇交提督祇領以示優異將此由五百里各諭令知之○子雲南陣亡遊擊馮勝標祭葬世職○己巳諭軍機大臣等前據曾國藩奏已革天津府縣已於八月二十八日押解起程至今尚未到部聞該革員等見抵通州張光藻因病未能前進著萬青黎王榕吉即行派員前赴通州將張光藻劉傑刻即解送刑部不准藉病遷延將此各諭令知之○諭曾璧光奏川軍退紮牛場黔省軍務緊迫請飭川楚兩省仍前進取各摺片川楚援黔歷有年所今夏兩軍勦

東華續錄

同治八十七

十

匪得手營壘相望聲息漸通曾經諭令乘勝進取以竟全功何以唐炯當聲威正盛之時不候咨會不俟接防遽將全軍撤退致苗匪勢復猖獗提督陳希祥以孤軍無援退紮貴定等處實屬貽誤事機著崇實吳棠查明該道擅退情形據實參奏曾璧光摺內稱唐炯本擬移師楊老以圖下司分規都勻凱里續聞川督有裁撤安定果毅兩營之議已具稟聽候遣撤遂移紮平獲就糧以待批示等語是崇實吳棠於疊次諄諄諭旨並未實力奉行惟以節省餉需為事殊屬不知緩急近防不如遠剿援黔即以保川豈可畛域攸分不顧大局仍著崇實吳棠嚴飭唐炯迅速進兵與楚黔各軍聯絡聲援以收夾擊之效不得再涉遷延致干重咎見在秋氣已深劉峴當懷遵前旨督飭席寶田等軍仍前進取期與川兵勢成犄角迅奏廓清毋稍觀望曾璧光身任黔撫責無旁貸務當

督飭各營分期上下兩游以與援軍會合綏靖嚴疆將此由六百里各諭令知之○庚午諭軍機大臣等文碩奏遵送厄魯特人眾並密陳巴彥特古斯觀望情形各摺片前因厄魯特人眾欲回布倫托海經福濟酌給牛羊銀兩令其折回諭令福濟迅飭巴彥特古斯等派員迎護並令奎昌等一體飭屬護送茲據文碩奏厄魯特人眾兩月之久始至青格里河一帶意欲盤踞度冬見接巴彥特古斯來文以布城難以安插請示遵行意存觀望等語該人眾沿途逗留依然搶掠亟應妥為控馭著奎昌文碩迅速將青格里河一帶認真保護並設法將該人眾等暫示羈縻毋令擾害地方文碩自請議處之處著加恩寬免該厄魯特人眾應如何妥為駕馭俾就範圍之處著福濟斟酌情形會商奎昌文碩妥籌辦理以靖邊陲著領隊大臣巴彥特古斯何以不派員迎設是否意存觀望著福濟確查具奏一面嚴飭該領隊遵奉前旨派委委員迎護收管俾得各安生業將此由六百里各諭令知之○諭崇實奏遵義教案辦理就緒請將出力官紳酌保總理各國事務衙門奏貴州教案未結請飭崇實仍赴遵義籌辦各摺片前據曾璧光奏黔省教案九起全行議結並未將如何議結之處詳細聲敘此次崇實摺內所稱設堂行教一事業經開導就緒而教士遲久並無出省日期是民教兩面尚未切實議結不得遽謂完案據法國使臣羅淑亞照會內開轉據任教士函稱貴州各案入奏之後並無會同甘結且臚列遵義等處教案亦未設法辦理等語可見該教士並未帖服是否各案本未議妥含糊了結抑係該教士之言不實不盡若不趕緊辦妥仍為不了之局崇實見已起程回省著即迅速折回馳赴遵義會同曾璧光督飭余思樞等妥速籌辦總須

東華續錄 同治八十七 十一

民教兩面各無異詞實有完案確據方不至再滋口實所有此案辦理出力官紳著俟全案完結後准由崇實會同曾璧光擇尤酌保總理各國事務衙門摺著鈔給閱看將此由六百里各諭令知之○壬申諭軍機大臣等金順奏官軍截剿沿山竄賊獲勝一摺回逆馬化澹因河東官軍進攻寨堡喉令河西回酋馬沅糾合馬賊數百由西山竄入潮湖一帶沿山肆擾以圖阻截軍糧經金順會同張曜督飭副都統托雲佈等軍截剿獲勝槍斃逆酋馬沅其阿拉善旗沙拉布爾都地方馬賊亦經副將郝永剛等馳往迎剿該匪向西竄逸據獲賊供稱西甯回匪有欲由草地東竄之說見在劉錦棠黃鼎各軍於中北各路連克寨壘金積堡勢已大蹙該逆四出紛擾自在意中而西路賊眾又圖東竄防範豈可稍疏即著金順會同張曜選派得力馬步各隊分路巡防毋令河西逆匪再圖窺突以顧湘卓兩軍糧道並飭各軍嚴防東竄之匪遇賊即擊不得稍有鬆勁將此由六百里諭令知之○諭劉峴奏援黔各軍蕩平苗寨暨川軍撤退仍請飭令進兵各摺片湖南援黔各軍自攻克亮擺巖門司等城寨後提督唐本有等復督隊攻毀花灘各巖洞及四星各寨又將朗洞城池攻克附近數十里賊寨一律蕩平入寨諸苗已有畏威乞撫者楚軍擬乘勝進規台拱若川軍通力合作進剿凱里諸寨不難將逆苗醜類次第掃除乃崇實吳棠不知顧持大局輒因省餉撤兵唐炯一軍遂回牛場安候撤以致資谷隴已有賊蹤重安黃平復為賊踞實屬貽誤事機前據該將軍等奏請截汰援黔兵丁即諭令汰弱留強仍飭唐炯會合席寶田等軍合力進攻不可遽行鬆勁何以不候諭旨竟撤援軍棄已成之功貽將來之患不知緩急一至於此曾璧光前次奏到

東華續錄 同治八十七 十二

已嚴諭崇實等迅飭唐炯進兵不得遷延干咎著即懷遵前旨檄令唐炯剋期拔隊迅赴戎機時已秋涼劉峴即當催令席寶田督兵迅平台拱毋任賊勢復張唐炯此時應否進紮黃平抑或即會楚軍兜剿清江南岸著斟酌情形辦理台拱若平苗疆善後及進取事宜尚須悉心經理席寶田未可遽行離營屆時仍著劉峴酌度奏聞劉峴所奏唐炯致席寶田函內有川省函商黔中全撤川師月協餉五萬歸黔自辦聞黔中意甚欣然等語黔省兵力豈能不須協助即敷勦辦理曾璧光果允其議何以前奏又請飭催川軍唐炯所言恐非確實著曾璧光詳細具奏戈鑑一軍出力員弁准劉峴先行酌保其餘各營出力人員著暫行存記俟攻克台拱併案請獎將此由六百里各諭令知之○予貴州陣亡副將朱長林等祭葬世職○癸酉諭軍機大臣等魁玉奏覆陳審訊兇犯大東華續錄 同治八十七 三

概情形一摺張汶詳以漏網髮逆膽敢直入督署戕害重臣實屬罪大惡極該犯自知必遭極刑所供各情一味支離見難將該犯家屬牽獲到案而何人主使尙未究出終不足以成信讞張之萬計已馳抵江甯即會同魁玉懷遵疊次諭旨督飭司道各員設法根究務將因何起意行兇及受人指使各情一一究出盡法懲辦以申國憲至督署重地竟容閒人出入毫無覺察是日守門官役魁玉是否提問何以未據奏及時金彪一名已否由山西解到新市鎮軍犯既與張汶詳平日來往亦當密拏到案從旁引證或可究出真情並著魁玉張之萬多方研訊務得確實情形毋稍含混將此由五百里各諭令知之○諭左宗棠穆圖善奏西路馬隊官兵剿賊續勝一摺甘省西路逆匪在松山等處及平番古浪各縣屬四出搶掠經委營總額爾慶額及代理統領常明等帶隊分路

截擊殲斃多名勦辦尙屬奮勇惟省西一帶零星匪股出沒靡常若不痛加剋洗誠恐伺隙紛擾大為糧路之患著左宗棠穆圖善督飭各軍於平番等縣屬將各股匪眾實力痛勦務期淨絕根株以清糧路將此由五百里各諭令知之○甲戌諭內閣前因天津府知府張光藻天津縣知縣劉傑於民教起釁一案事前疏於防範事後又不能迅速獲犯當經降旨革職交刑部治罪嗣經曾國藩等取具親供並將革員等押解到部茲據刑部奏請按照刁民滋事地方文職不能彈壓撫恤革職例上從重擬以發往軍臺效力並以案情重大應如何從重改發之處請旨等語該府縣責任地方乃於津民聚眾滋事不能設法防範致匪徒乘機焚殺戕害多命又未將兇犯趕緊拏獲情節較重且該革員等於奉旨交刑部治罪後張光藻竟敢私往順德劉傑亦私往密雲任意逗留尤屬藐玩張光藻劉傑均著從重改發黑龍江效力贖罪以示懲儆至津民因懷疑激忿不遵地方官彈壓輒敢逞兇殺害至二十餘命之多且將其仁慈堂內真女慘殺尤為兇殘見經曾國藩等拏獲滋事人犯審明分別情節輕重將馮癩子等十五犯擬以正法小錐王五等二十一犯擬以軍徒既屬情真罪當即照所擬將馮癩子等即行處決小錐王五等分別發配安置經此次嚴辦之後各直省地方官務當曉諭居民安分守法毋任再滋事端遇有中外交涉事件並須按照條約持平妥辦總期中外商民彼此相安以靖地方○諭軍機大臣等前據曾國藩等奏天津案內應行正法各犯當諭令俟刑部議奏張光藻等罪名時再降諭旨本日刑部奏遵議張光藻等罪名一摺已明降諭旨將該革員等從重改發黑龍江其應行正法之犯照曾國藩所擬即行正法軍流各犯

並照所擬辦理此案大致見已就緒所有應訊人犯著曾國藩等迅速訊明持平辦理妥爲了結一面遴派幹員於天津地方彈壓附循毋令莠民乘機煽惑聚眾滋事別釀釁端○大學士兩江總督曾國藩六十生辰賜 御書扁額曰勳高柱石並賞 御書福壽字暨珍玩文綺○乙亥諭軍機大臣等福濟等奏遵籌防期情形一摺據稱額爾德呢招竄匪仍由原路退去見在賊在額哲呢河盤踞阿畢爾米特旗下金山卡倫有賊阻滯該匪仍多伏莽非厚集兵力後患終不能除請飭庫倫辦事大臣張廷岳帶領該處蒙兵其綏遠城張家口馬隊統歸調遣迎頭堵擊等語賊蹤飄忽靡常原應防其竄擾惟張廷岳究應駐兵何處方足聯絡聲勢所帶各隊應由何路進剿蒙兵是否得力應調若干並未據福濟等籌及又前調馬隊業據福濟等奏稱咨照綏遠城張家口暫行停止見在應否調撥著福濟等與張廷岳酌量緩急情形迅速詳細具奏福濟等奏賊屯處所距竄台之路較近難保其不隨時竄突福濟張廷岳等仍當妥籌防剿不得坐誤機宜該匪到處奔竄必須就各該地面隨時堵截著成祿在肅州一帶嚴密搜捕斷賊來路並著文麟景廉伊勒屯何瑄於哈密巴里坤等處勤加偵探遇賊即擊扼其去路以遏逆氛將此由五百里諭知福濟榮全錦不勒多爾濟文麟景廉張廷岳伊勒屯成祿並傳諭何瑄知之○戊寅諭軍機大臣等曾國藩等奏續訊天津案內第二批人犯分別定擬一摺此次續拏各犯既據曾國藩等單開訊明情節輕重著照該督等所擬將劉二等五犯即行正法鄧老等四犯分別發配安置曾國藩等接奉此旨後所有先後定擬正法之犯二十人軍徒各犯二十五人即行分別辦理庶可迅速完案羅淑亞派緝譯

東華續錄

同治八十七

五

官德微理亞前赴天津修具切結並確查燒燬房屋被搶物件以便議償曾國藩等本係特簡查辦津案之員此時該緝譯業已抵津修堂撫恤諸事在津易於定議即著該督等晤商德微理亞妥籌辦理迅速具奏將此由六百里各密諭知之○諭崇實吳棠奏請將統兵道員摘頂並通籌川黔大局一摺黔省軍務自清水江北岸肅清事機順利正宜乘此聲威合力進剿以竟全功乃唐炯因川楚兩省有減兵節餉之議並不妥議稟覆聽候批示輒將所部川軍擅自撤回平糶實屬貽誤事機姑念前次克復地方著有微勞著先行摘去頂帶以示薄懲前據曾璧光劉崐先後奏到川軍撤退情形疊經諭令崇實吳棠嚴飭唐炯迅速進兵與楚黔各軍聯絡夾擊劉崐前奏並有楚師進規台拱川軍進剿凱里諸寨之議著崇實等體察情形悉心籌畫應否改由都勻入寨進規凱里或仍由重安江派兵南渡飭令唐炯剋期拔隊前進實力剿辦以贖前愆並著劉崐檄催席寶田迅督所部會合進攻以收夾擊之效至疲弱兵勇本不應濫竽充數豈待餉需支絀始議裁汰又豈可因裁汰疲弱停兵不進坐失機宜崇實吳棠劉崐務當懍遵疊次諭旨安速籌辦以維全局總須飭令各軍彼此聯絡策應立於不敗之地斷不可意存畛域各懷觀望致誤戎機儻不以大局爲重進止不齊以致日久糜餉老師辦無成效定將統兵各員從嚴懲治即該督撫等亦不能辭咎也曾璧光身任黔撫貴州教案未亦當督飭黔軍力圖進剿不得專恃援軍自甘頹靡貴州教案未結崇實著仍遵九月初七日諭旨前赴遵義會辦趕緊結案將此由六百里各諭令知之○允崇實奏留丁憂提督陳希祥幫辦軍務○撥直隸河南山東旗租地丁銀各三萬兩備永定河工需○

東華續錄

同治八十七

六

辛巳諭軍機大臣等曾國藩奏遵旨赴任兩江懇請陛見並請將主事陳蘭彬帶至江南暨續獲正犯范泳擬即換釋穆巴各摺片穆巴一犯證佐既未的確何以前奏遽擬死罪著即日釋放以重人命其續獲之范泳既屬供證確鑿為放火燒房正兇著照該督等所請歸案正法曾國藩接奉此旨即著將應辦各事懷遵九月十五日諭旨迅速辦理毋再稽延曾國藩即著來京陛見該督起身後李鴻章著仍駐天津勿遽回省務將彈壓撫綏各事宜妥為籌辦俟津郡中外諸事大定再行請旨主事陳蘭彬著准由曾國藩帶往江南差遣委用將此由六百里各諭令知之○壬午諭軍機大臣等金順奏回匪竄擾西山歸德溝等處分隊剿辦獲勝一摺陝回賊首張志沅糾眾竄至西山邊之歸德溝一帶南北回堡潛出賊騎附合意圖阻劫糧道經托雲佈等督軍進剿賊遂大潰

東華續錄

同治八十七

七

該匪情急反噬再戰於空湖拉地方復經我軍殺斃百餘名敗匪越嶺而遁著金順會商張曜督飭派出各軍將逃匪餘匪搜捕淨盡務絕根株蘇逆受傷衝散是否殲斃著查明實在下落毋任漏網南北兩路回堡見大礙陸續到營益懷疑懼糾黨拌死竄突自在意中金順務當與張曜悉心籌畫嚴密布置一俟礮位運齊即著實力進攻迅殲醜類王家瞳莊賊匪前曾乞撫恐不可恃見在籌辦情形並著隨時奏聞將此由六百里諭令知之○諭劉嶽昭岑毓英奏官軍攻克激江城外賊巢一摺激江府城踞逆於城外分築土城石礮負嶠抗拒經岑毓英親督各軍進剿疊將西山村西街子及上下左所等處賊巢攻破附城四面賊營一律毀平剿辦甚為得手見在僅餘孤城外援已絕釜底游魂諒難久延殘喘岑毓英見已回省辦理閩務激江既經合圍斷不可稍涉鬆勁著

劉嶽昭岑毓英飭令岑毓英等合力圍攻迅圖克復將此由五百里各諭令知之○甲申諭軍機大臣等富明阿等奏查出軍營無著官兵各缺請由原旗揀放一摺各省節年徵調吉林官兵傷亡病故各遺缺見經富明阿等查明各路軍營實有吉林官兵二千六百十二員名數與通省見在軍營實數計無著防禦二員雲騎尉一員兵缺六百六十三分此項空缺既係軍營存營兩無著落額缺豈可久懸即著照該將軍等所擬准其由吉林原旗按缺揀補以昭覈實而免懸曠○諭陝甘回匪滋事以來朝廷軫念西陲大申撻伐特令左宗棠為欽差大臣督兵剿賊厚集兵力寬予限期計每歲撥用餉銀不下八百餘萬兩該大臣於行軍籌餉事宜有所陳奏無不立見施行倚畀不為不重乃自抵甘以來雖據疊報勝仗總未能痛掃賊氛致金積堡一隅之地至今日久未下逆

東華續錄

同治八十七

六

首稽誅軍務安有了期竭東南數省脂膏以供西征軍實似此年復一年費此鉅帑豈能日久支持該大臣捫心自問其何以對朝廷即著左宗棠振刷精神嚴檄各軍實力勦辦該大臣前奏金積堡賊勢已蹙似不日即可攻克北路肅清後河狄一帶賊蹤亦宜以次殲除務當剋期蒞事毋得再事遷延致干咎戾將此由六百里諭令知之○以錢寶廉為內閣學士由少詹事遷○乙酉諭內閣文祥奏病體未痊力難兼顧懇請開除緊要差使一摺文祥管理事務較多見在病體未痊兼顧為難自應量予體恤著毋庸管理理藩院國子監及嚮導處事務並開去對引大臣閱兵大臣各差使以節勞動○諭富明阿奏舊病增劇懇准開缺回旗一摺吉林將軍富明阿自道光年間由馬甲從征喀什噶爾隨後轉戰江南河南等處戰功卓著歷任甯古塔副都統江甯將軍皆資得力因期

賊受傷兩次奏請開缺均經恩准並賞食全俸俾資調理旋於同治五年間命補授吉林將軍督勦馬賊自抵任以來於整頓地方搜捕賊匪各事宜辦理悉臻妥協茲因傷病復發懇請開缺回旗覽奏情詞懇切出於至誠自當俯如所請富明阿著准其開缺回旗調理仍准在旗支食將軍全俸所在任內革職留任處分均著加恩寬免應扣未繳俸銀一併免其扣交以示體恤○諭軍機大臣等前據伯彥納謨祐奏請調馬隊以備不虞當諭理藩院傳知東三盟各調馬隊一千名並調吉林黑龍江馬隊均赴古北口一帶駐紮茲據李鴻章奏稱酌度時勢古北口一帶不必駐紮重兵擬請撤回以節餉需等語此項馬隊全數到口籌撥餉項甚鉅既酌度情形無需兵力即著照李鴻章所請所有前調東三盟馬隊著全數撤回並著理藩院傳知該盟蒙古王公迅將各隊撤回

東華續錄 同治八十七 九

遊牧仍隨時操練以備征調其吉林黑龍江馬隊共三千名據富明阿毓福德英先後奏報起程因思神機營每年本有調撥該處官兵更換操防之事此項官兵是否就近調換著神機營王大臣酌議具奏該官兵已否全抵古北口著李鴻章庫克吉泰飭令暫行駐紮聽候諭旨應需餉項仍著庫克吉泰覈實支放將此諭知神機營管理藩院伯彥納謨祐並由五百里諭令李鴻章富明阿德英庫克吉泰毓福知之○丙戌諭軍機大臣等左宗棠穆圖善奏西路官軍勦匪獲勝一摺甘肅西路回匪分竄鎮番武威各屬經韓廷芝王仁和等帶兵截勦將紅柳橋紅牆兒等處賊匪擊敗柳林湖雙城堡等處之賊聞風逃竄其阿干鎮附近亦有回匪圍攻民堡復經周惟翔帶隊擊退見在大兵由南路進剿河州逆匪乘西路空虛伺隙竄肆行搶掠意圖牽我兵力左宗棠穆圖

善仍當飭令該處防軍隨時探蹤截勦毋任竄突穆圖善另摺奏請帶馬隊馳赴近畿等語見在天津之事業經辦結畿輔兵力足資拱衛該將軍駐紮蘭州籌辦防勦亦關緊要務當與左宗棠隨時會商共維大局所請帶兵來京之處著毋庸議前疊諭左宗棠將成祿一軍應否撤回酌覈奏聞該大臣何以久不覆奏殊不可解本日據成祿奏見擬拔營西進並請募勇撥糧捐辦駝隻籌辦屯田隨帶寶型出關各摺片該提督頓兵日久忽為此鋪張揚厲之舉事之可行與否恐未必能通盤籌畫著左宗棠懷遵屢次諭旨將成祿一軍應否撤回並該提督此次所陳各情一併酌覈迅速覆奏不得再有遲延成祿摺一件片五件均著鈔給左宗棠閱看將此由六百里各諭令知之○諭成祿奏拔營西進並籌辦屯田調募勇隊請飭蒙古捐辦駝隻關外州縣運解倉糧隨帶寶型出關及請頒發關防各摺片前因成祿奏該營餉需缺乏當經諭令暫緩前進聽候諭旨見在該提督已於八月二十日起程惟該提督一經出關道路愈遠籌餉愈難著成祿仍遵前諭無論行抵何處即於關內地方擇要暫行駐紮候旨遵行肅州一帶伏莽尚多關內地方尤關緊要著成祿統率所部將來往匪徒實力搜捕務絕根株該提督所用木質關防見已模糊即著另行刊刻木質關防以昭信守將此由六百里諭令知之○丁亥諭軍機大臣等奎昌奏查勘塔城界址牌博完竣並見籌辦情形各摺片俄國與塔城分界處所建立牌博見經奎昌會同俄官續行查明自察漢鄂博起至哈巴爾阿蘇山嶺止共立牌博六處連前所立四處均與同治三年原定條約相符業已繪圖換約辦理尙爲安速惟見在塔城未復附近地方別無臺卡此次立界之後俄人能否常

東華續錄 同治八十七 十

守條約不復侵占內地仍當隨時偵察以保無虞即著福濟等按照奎昌所擬咨會霍博克賽里之土爾扈特親王車林拉布坦扎薩克拉克特那巴扎爾圖布欣克什克三旗轉飭各該旗官弁隨時留心稽查如俄人因歷時已久復有侵占情事即行知會福濟等隨時與之理論竭力攔阻不得因循廢弛俟塔城克復仍照舊章兩國派員會查以符定制將此由六百里各諭令知之○戊子賞普濟堂功德林賑米八百石○己丑予甘肅陣亡總兵官許吉祥祭葬世職○辛卯諭軍機大臣等前因天津民教啟釁疊諭沿江沿海各省督撫嚴密設防見在天津一案業已辦理就緒不可因此案完竣即置防務於不問近來內外臣工往往遇事機危急非不盡心竭力以期共挽時艱而泄沓成風未事之先於一切戰守章程類皆紙上空談以致遇有緩急毫不足恃迨事過之後則又

東華續錄 同治八十七

主

因禍患已平苟且因循為目前偷安之計事事有名無實何時可冀自強耶朝廷宵旰焦勞隱憂彌切著沿江沿海各省將軍督撫大臣振刷精神將戰守機宜認真講求以備不虞至各省武備廢弛已極綠營習氣尤深並著各將軍督撫大臣破除情面認真整頓以期一兵得一兵之用經此次訓諭後務當實事求是嚴密設防毋再視為具文至各省民教交涉事件亦應處處持平不可專顧一面若地方官操縱合宜剛柔互濟自可消患未形若各直省將軍督撫府尹於所屬州縣地方官務須選擇有風骨而又通曉時務之員遇教士非分之求不得曲為遷就遇條約應辦之事亦當妥為撫綏庶中外相信不至再滋事端將此各諭令知之○左宗棠奏劉錦棠軍進駐金積東南李花橋金運昌軍進駐正北蔡橋七月初十日三鼓金運昌派隊襲秦渠池北賊卡提督方庭芝

所部直薄卡前參將董布亮王廣越遊擊何文繼豎梯先登士卒繼之守賊驚覺憑牆死拒守備龔心明鈔過卡西築包擲落卡內火起數丈燒斃卡賊多名各營從卡北乘機撲入克之西南秦壩關丁韓各寨賊出援經金運昌督總兵張懷玉副將王化成高得勝等分路截擊均敗遁回巢初一日黎明金運昌之軍攻正西韓寨破毗連韓寨二小壘賊登時驚潰提督王鳳鳴馬隊掩之河干撿斬過半乘勝越秦渠衝入西南各賊卡弁勇奮厲無前遇賊即砍守賊紛紛鼠竄是時劉錦棠合雙壽隊伍擊賊李花橋西將散布各莊內外賊眾一律殲除正會同金運昌馬步併力躡蹤追剿見金積堡突出悍賊應援官軍頓旗待之援賊賊敗賊合勢回撲劉錦棠當左路金運昌當右路揮隊奮擊賊大潰劉錦棠縱馬步躡過馬連渠金運昌之兵躡近金積西北寨根克秦渠水口兩賊

東華續錄 同治八十七

主

卡而還是役共斃賊千三百餘名生擒賊九十餘名奪槍械三四十餘件弁勇陣亡二十名受傷至一百九十九名初二日劉錦棠金運昌會商綠蔡橋秦渠而西賊壘餘次非合力攻拔不能徑薄秦壩關也比令馬步進隊賊見官軍雲集棄壘狂遁雙壽余虎恩等縱馬躡殺秦壩關之西突出騎賊數百劉錦棠整隊截之訊所擒生賊知即中路黃鼎諸軍自古靈州剿敗東奔者嗣是各軍日割刈秦壩關一帶秋稼賊踪伏不出初四夜金運昌率提督朱朝如張懷玉選壯士攜鋤鋪襲秦壩關西之大河家寨環攻至初五日黎明金運昌按隊稍憩力扼東南堡門賊從堡內鑿小竇遁出西北官軍佯為不知俟賊出漸多縱馬步猛鈔之得脫免者無幾軍士乘勢劈寨門而入見守賊之經槍斃者屍骸枕藉據生賊供逆目何一會已伏誅堡內矣同時劉錦棠雙壽出隊越山

水溝搶割胡家堡之麥王洪等寨出悍賊救護官軍亦有斬馘劉
錦棠回營得中路各軍徑偏洪樂堡之信即繞赴雷正緒黃鼎營
中會商不先奪秦壩關無以聯絡西北官軍營壘而斷馬家灘接
濟金積賊糧之路十二日劉錦棠金運昌雙壽所部直指秦壩關
金積賊眾悉銳抗拒官軍分中左右三路緣秦渠直上奮威衝擊
槍礮矛刺賊勢披靡官軍馬步緊躡至秦壩關西南近石屹塔黃
鼎雷正緒徐文秀整隊接應賊狂奔四散劉錦棠連環收隊賊復
糾馬步回撲二里許提督陶定昇譚拔萃易致中喻執益周國勝
等合雙壽馬隊賈勇殿後賊不敢近復撲金運昌隊伍金運昌沿
波浪渠返旆而西與劉錦棠所部夾擊之賊奔回金積而秦壩關
仍未能下計各戰轟斃刺斃之賊七百有奇據生賊供陝回余彥
祿之弟偽副帥余彥喜十二日與官軍戰敗而復前中礮落馬斃
東華續錄 同治八十七 三

劈山礮竟日環轟而退十七日劉錦棠赴黃鼎徐文秀營中計事
見金積堡賊出排列西北三里許比飛調步隊分兩路進剿雙壽
率營總吳俊花良阿合余虎恩等馬隊為左右翼鏖戰正酣金運
昌聞礮聲大震率隊踵至併力壓剿賊大敗歸巢各戰斃賊七百
數十名生擒三十餘名官軍弁勇陣亡三十六名受傷一百四十
六名金積堡東門池北統呼為東關列廬鱗次去歲官軍大捷吳
忠堡時陝回眷屬盡徙居關內關外築堅寨斜築甬道護之自十
三日劉錦棠所部連破賊壘進駐之後距東關賊寨僅百步十七
夜劉錦棠令軍士銜枚襲之寨賊驚覺鳴角放槍金積悍賊盡起
抗敵劉錦棠伏兵寨西南護築礮壘以大枝隊伍擊援賊火器併
發夜明如晝相持至五鼓援賊悉數敗遁而礮壘亦成劉錦棠選
銳卒攻寨間以開花礮測準轟之十八日天明金運昌隊伍齊至
東華續錄 同治八十七 四

於陣連日官軍弁勇陣亡六名受傷九十餘名劉錦棠七月二十
七日築壘金積堡東逆首馬化澂畏官軍之逼復於堡東添築卡
壘礮黨死拒十三日黎明徐文秀派遊擊鄧增等帶後膛開花大
礮螺絲礮合劉錦棠雙壽馬步進攻甫抵賊壘金積援賊傾巢而
出劉錦棠分兵列陣堵之專用大礮攻壘壘牆洞穿賊眾稍亂軍
士直薄壘前擲草填濠而上守賊木石齊下援賊亦合勢撲來提
督蕭章開何作霖等督隊擊援賊敗之雙壽余虎恩軍功董福祥
馬步旋踏平壘北賊卡提督李占椿李雲貴陶定昇易致中乘勝
率弁勇緣壘牆礮礮狻附而登守賊拚拒格鬪逾時乃悉就戮據
生賊供官軍大礮子落壘中斃傷賊數十名眾懼思遁馬化澂三
次傳偽令堅守逆目楊洪杰梁惠一亦死拒不退壘破始伏誅訊
畢斬之立派隊駐其壘十四日金積賊巢悉眾撲犯經官軍田維

聲勢益壯午初寨牆經大礮轟裂守賊慌亂軍士乘機猛進克其
外卡遂從寨牆缺口躍入拔之寨中包裹無數小寨守賊自量不
支或墜牆而下或開壁狂奔雙壽余虎恩何作霖等正攔途遮截
金積各寨之賊復冒死來援金運昌令提督尹興茂等力扼之援
賊縮退劉錦棠催隊躡各小寨賊跟蹤搶入東關關內賊眾憑
街口死鬪軍士短兵巷戰馬隊鈔過東關之北賊眾失措乃護眷
循金積寨東狂遁而南輜重拋棄滿道官軍立將關外寨卡二十
三座次第踏毀焚關內鋪屋三四千所十九日調陝回護逆眷敗
踞金積南門牆根與正南李花橋迤西賊寨為犄角二十日黎明
劉錦棠金運昌雙壽會師進剿行過李花橋陝甘逆眾屬集各莊
寨排列官軍步隊分數路布壘陣如牆而進馬隊稍取遠勢鈔之
衝般里許步賊仍返旆死拒騎賊亦下馬回撲益陝回方護眷徙

西門故嗾悍黨斷後也何作霖方庭芝花夏阿等揮刀砍陣斃悍賊多名賊始敗潰軍士乘勢攻拔各寨卡自是金積東南北三面蟻穴埽平劉錦棠壓東關而壘俯瞰金積老巢各戰共斃陝甘回逆四千有奇生擒三百九十餘名陣斬逆目馬萬成馬雲程馬占德馬玉堃余老二陳喜等連日各軍共陣亡二百名受傷至六百九十七名之多攻堅血戰之苦如此中路雷正綰黃鼎徐文秀諸軍自八月初四日連克金積西路漢渠內外賊寨徑逼洪樂堡賊黨連日增築卡壘於田家橋石屹塔與老馬家丁家各堡聯成一片為堅護洪樂死抗官軍之計洪樂堡者逆首馬化澹祖墳所在俗傳風水有異者也雷正綰黃鼎會商必先破老馬家各堡而後可專攻洪樂初八日徐文秀合提督徐占彪總兵陳春萬蕭寶林參將朱蘭亭所部合圍老馬家堡攻一晝一夜連放後膛開花大礮堡牆轟裂丈餘軍士乘機猛撲平其外壕守賊憑堡放槍力扼堡牆缺口相持至初九日洪樂各堡賊眾擁起赴援黃鼎督總兵何玉超黃虎臣遊擊李登高等從米姑寺一帶徑襲洪樂之虛雷正綰督總兵劉治均副將李廣珠遊擊陳天壽外委吳元璋馬步隨後策應洪樂援賊見官軍直搗其巢悉入堡內拒守總兵陳攀仙趙興隆隊伍跟蹤躡殺何玉超等繼之瞭見金積塵氛大起援賊兩路鈔來洪樂堡敗賊亦回頭死鬪槍礮三面對轟各營勢幾不支黃鼎急令黃虎臣率隊橫貫賊陣接應趙興隆遊擊楊奠山之兵雷正綰令馬隊下馬持矛合步軍併力衝殺徐文秀亦派遊擊陳締高部眾從老馬家之旁截援賊右路各軍士奮威壓勦賊眾大潰鼠竄歸巢老馬家堡之賊見外援已絕堡寨垂危勢甚慌亂徐文秀蕭寶林執旗先登徐占彪等一齊躍上拔之盡殲堡賊

無一脫者初十日天明各軍進石屹塔平賊壘三座就地割刈秋稼殆盡徐文秀率隊駐之自是傍秦渠沿黃流池北達金運昌營壘聲息以通十二日金積秦壩各堡賊眾紛紛東竄雷正綰黃鼎徐文秀方督所部分道攔截石屹塔一帶適劉錦棠金運昌大隊自東壓勦而西兩面鈔擊斬敵極多十三日黃鼎派提督黃有忠信田家橋賊壘而營十六日各軍併力攻之黃鼎徐文秀列隊防禦賊雷正綰一軍為前驅黃有忠護大礮對賊壘緊轟裂其牆垣有墮牆遁者官軍正內外鈔殺金積洪樂各堡大股援賊屬至矣黃鼎督徐占彪等擊洪樂之賊徐文秀督副將彭清和等擊金積之賊塵戰逾時蕭寶林躍馬砍陣軍士競奮短兵相接銳不可當兩路援賊大潰黃鼎揮軍士撲田家橋毗連各賊壘陳春萬黃有忠黃志元帶隊平壕冒險力攻克之十七日黃鼎進軍田家橋馬化澹復遣其弟馬玉澹陝回西彌頭目普洱馬阿洪仍赴黃鼎軍前哀詞乞撫黃鼎諭令先繳馬械毀平堡寨馬化澹求官軍暫退峽口黃鼎不許連日金積堡外賊眾悉趨西門其向滾泉羅山竄遁者黃鼎令駐韋州滾泉馬家河灣各軍截之疊有擒斬二十三日派徐占彪潛師夜起搗洪樂堡前兩小堡拔之斃悍賊二百餘名通計八月初八至二十三日各戰擒斬賊數近三千名破老馬家堡時斬逆目馬伏澹克田家橋賊壘時逆目馬洪智伏誅官軍共傷亡二百數十名見接各營探稟九月初二日洪樂堡已經中路官軍克復賊悉敗遁金積堡容俟續報 復調記名提督王衍慶帶 親兵解運大礮前往助勦冀可迅速蕪事又奏幫辦湘軍軍務頭品頂戴記名提督瑚松額巴圖魯黃萬友由湖南湘鄉勇

丁從征轉戰各省蕩平髮捻各逆積功保今職上年秋間劉松
山率師度隴派黃萬友率步隊五營分駐甯條梁安邊定邊花馬
池一帶轉運糧餉軍火時同逆被勦分竄擾劫運道該提督不辭
勞瘁設法飛輓卒保無虞九月間劉松山因前敵攻勦喫緊檄率
所部助戰隨同克復靈州連破大小賊堡數十處迨劉松山由吳
忠進規金積黃萬友駐軍靈州設賑濟輯流亡災民賴以全活本
年正月劉松山陣亡劉錦棠奉旨總統全軍黃萬友幫辦軍務該
提督悉心籌畫戰必身先疊著奇捷均經臣隨時陳奏不料操勞
過度傷疾並發延於八月初七日在營次身故臣維黃萬友沈毅
樸厚深得軍心茲值戎機順利而該提督一病不起實堪悼惜克
復靈州案內臣擬為黃萬友奏請賞給正一品封典合無仰懇

天恩賞給正一品封典照提督在軍營立功後病故例從優議卹
東華續錄 同治八十七 天

加恩予諡並准附祀劉松山原籍及死事地方專祠以慰忠魂
上諭金積堡踞匪於本年七月以來經左宗棠飭令劉錦棠等分
路進攻次第克復西南西北東西賊寨並將金積堡東關攻破中
路雷正縮等軍進剿西路賊匪立將洪樂堡攻克該逆悉敗退金
積堡著左宗棠飭令提督王衍慶會同劉錦棠黃鼎各軍乘勝進
攻迅速收復金積堡務將竄踞賊匪悉數殲除不得久稽時日另
片奏石成器裹眾潛逃畏罪自斃實足以昭顯戮在逃之翟占沅
等係首先倡亂之犯該大臣務當飭令西路各軍及地方州縣嚴
行緝拏務獲懲辦毋任漏網其管帶各員是否防範不力並著查
明分別辦理唐有彥所部潰卒務飭黃武賢妥為安撫涼州永昌
未潰之勇左宗棠已令蕭宗幹等裁併實數統歸王仁和鈐制即
著擇要分紮毋令滋生事端將此由六百里諭令知之○予甘肅

軍營病故提督黃萬友祭葬世職並予諡陣亡總兵官趙昌元祭
葬世職○壬辰以孟冬時享 太廟 上前期親詣行禮○諭軍
機大臣等前任直隸提督劉銘傳治軍有律屢著戰功此次一聞
宣召即兼程北來其忠勇報國之忱尤堪嘉尚見在津案已結無
須用武該提督年力正強豈可令其投閒置散因思李鴻章赴直
時已率郭松林周盛傳所部全軍東來僅留譚仁芳五營駐紮西
安此時甘軍勦匪正當喫緊陝省兵力空虛深虞該匪竄突若令
劉銘傳督辦陝西軍務振旅西征不特陝境可得安全即甘軍亦
可免後顧之慮似於大局較有裨益至楚軍與淮軍雖不相習而
陝事甘事各有責成料不敢各存意見也著李鴻章斟酌機宜據
實覆奏如劉銘傳於西事不甚相宜或於他省軍務可期辦理有
效之處亦著妥籌具奏該提督已於昨日召見俟李鴻章覆奏到

東華續錄 同治八十七 天

日即可明降諭旨其駐紮滄州及丁壽昌所帶銘軍已有一萬餘
人加以駐紮直隸邊境之周盛傳郭松林等軍亦有一萬數千人
兵數實不為少以有用之兵置之無事之地徒耗餉需若以百戰
勁卒遽予裁撤亦屬可惜著李鴻章通籌全局或酌留直隸若干
以資拱衛或撥給劉銘傳若干以資勦賊其餘各營應如何分地
布置之處並著悉心籌畫迅速具奏將此諭令知之○論據禮部
奏接准盛京禮部送到朝鮮國王咨文內稱該國慶源府農圃社
居民李東吉逃往琿春地方蓋屋墾田嘯聚無賴該國民口時有
犯越皆李東吉招誘所致琿春人與之慣熟不肯舉發願懇查拏
等語該朝鮮匪徒潛入關隘沿邊官吏即應如數查拏今李東吉
潛住琿春招引該國民人逃越內地豈可任其漏迹毫無見聞著
毓福密飭琿春協領等確查該國匪犯如在所屬境內潛匿即行

購獲匪緝務將朝鮮匪犯李東吉等盡數拏獲解交該國懲治奕格抵署任後並著會同毓福飭屬隨時稽查毋任匪徒再行逃匿以肅邊防此次朝鮮逃越人犯已諭令吉林將軍等嚴拏解交著禮部行知該國王遵照辦理將此諭知禮部並諭令奕裕毓福知之○是月緩徵直隸安州等十州縣被水被旱新舊額賦並減差徭

冬十月癸巳朔諭軍機大臣等總理各國事務衙門奏朝鮮民人潛逃俄界請飭該國自行辦理一摺前有旨諭令禮部行知朝鮮國王將逃赴俄界民人悉數領回約束毋許再有逃越並由總理各國事務衙門咨行禮部轉咨該國著該部按照前咨迅即行令朝鮮自行設法招徠使已逃者復歸嗣後尤當嚴申禁令不可復蹈前轍並著該部行知該國王遵照辦理至邊防必應嚴

東華續錄

同治八十七

元

密著奕裕毓福嚴飭邊界各員弁隨時認真稽查如有朝鮮民人由中國地界逃至俄國者即行查禁毋任乘間偷越將此諭知禮部並諭令奕裕毓福知之○乙未諭軍機大臣等前因陝省兵力空虛深虞該匪竄突諭令李鴻章將劉銘傳督辦陝西軍務是否相宜斟酌覆奏茲據毛昶熙奏通籌西陲全局請飭劉銘傳督辦陝西軍務郭松林等營均歸節制其所部銘軍雷鎮畿輔請飭李鴻章酌撥數營為該提督親軍等語與前降諭旨大致相同惟銘軍係該提督所部恩信素孚故能得力劉銘傳振旅西征能否雷紫直隸及郭松林周盛傳兩軍能否歸該提督節制均著李鴻章體察情形妥籌具奏至該提督入關後應如何隨時策應甘軍後路以杜該匪回竄之處並著統籌全局一併奏聞原摺著鈔給閱看將此諭令知之○諭文煜等奏船政大臣見丁父憂請飭守制

百日後仍出任事一摺前江西巡撫沈葆楨自同治六年接辦船政以來不辭勞瘁綱舉目張辦理已著成效該前撫見在丁憂懇請簡員接辦本應俯如所請以慰孝思惟船政緊要未便遽易生手且非有地方之責沈葆楨守制在籍亦非出官外省可比即著文煜英桂傳知沈葆楨於守制百日後仍將船政事務照常經理毋得因辭該前撫平日辦事實力想能仰體朝廷倚畀之重移孝作忠也沈葆楨守制百日內應行奏咨事件並著文煜英桂飭令夏獻綸等隨時稟知該將軍督撫等代為咨奏以符體制沈葆楨百日後遇有應奏事件仍著照常奏事將此各諭令知之○飭四川山西協撥陝西賑銀二十萬兩○子甘肅陣亡縣丞凌鑽高祭葬世職○丙申諭軍機大臣等李鴻章奏遵旨通籌全局據實覆陳一摺據稱甘軍稍振陝事亦鬆似無須別置一軍致左宗棠

東華續錄

同治八十七

辛

或生疑忌若以陝事責成劉銘傳懇請破除常格兼任地方以免牽掣等語所奏不為無見惟陝事甘事各有責成准楚兩軍彼此分辦何至積不相能且甘省前敵各軍剿辦得手尤恐賊匪乘隙竄陝該省兵力尙單必得知兵大員督兵防勦方臻周密北山一帶居民漸次復業而伏莽猶多亦宜及時彈壓芟除劉銘傳聲威卓著思勇性成又能馭將愛民決機應變本日已明降諭旨令該提督督辦陝西軍務矣劉銘傳抵陝後將陝甘毗連處所嚴密布置以固隴軍後路一面將北山等處土匪叛勇掃除淨盡所有善後事宜隨時會同蔣志章和衷商辦毋執己見藉可慰練地方公事勉成令器事權不為不專期望不為不厚該提督當能仰體朝廷至意也該提督赴陝自應統帶所部銘軍方資得力昨據毛昶熙陳奏已諭令李鴻章妥籌辦理本日復命軍機大臣傳知該提

督即口請訓以便迅赴天津與該督籌商一切該督接晤後尤當盡言規勸俾磨鍊益深庶備國家異日干城之選至郭松林周盛傳等軍如何分地布置或撥給若干以資助剿之處均著李鴻章會商曾國藩劉銘傳後再行具奏將此諭令知之○諭吳棠嚴禁四川州縣苛派○命劉銘傳督辦陝西軍務○子陝西病故提督程廣和建祠○戊戌允李鴻章撥款修造天津漕運制船○子貴州陣亡知府黃德裕建祠總兵官王松林等附祀○己亥諭軍機大臣等崇實吳棠奏改撥協黔的餉請飭提督赴任接辦軍務一摺貴州提督周達武在川帶兵見在川省援黔一軍久未得手崇實等請飭該提督馳赴本任接辦軍務以一事權所籌尙安即著崇實吳棠傳知周達武即赴貴州提督本任接辦軍務遇有軍營緊要機宜准該提督就近會同曾璧光列銜具奏唐炯各營即著東華續錄 同治八十七 至

分別裁撤妥爲安置周達武所需餉銀五萬八千兩著照崇實等所擬由川按月籌撥解赴貴州省城專供周達武馬步全軍之用不得短少崇實吳棠傳知該提督赴黔後迅率所部剋期進兵與楚黔各軍聯絡夾擊周達武本係貴州提督著曾璧光飭令黔省帶兵各員遇有應剿應防事宜聽周達武調遣席寶田一軍並著劉峴撤令該員迅督所部會同周達武等合力進攻此次貴州壁壘一新該將軍督撫等務當懍遵勅諭嚴飭帶兵各員迅圖會剿毋再推諉遷延周達武原部達字新字各營崇實等已令回川填紮即著飭令提督陳希祥等妥爲布置以固邊防將此由五百里各諭令知之○庚子諭軍機大臣等成祿奏漢回捕隙設害職官請飭查辦並請將各省運到軍火改由草地轉解巴城暨懇令常順帶隊西來各摺片肅州收復未久必須漢回相安方免另

生技節乃金塔所屬河西西紅二處漢民以署金塔協標都司馬萬福有通賊情事輒聚眾圍署將該都司槍斃並將其妻子殺傷擄劫衣服財物馬萬福前雖充當肅回頭目業已投誠免死並係職官即使通賊果實亦非百姓所可擅殺若不認真查辦無以服眾回之心見在已有陝回數百由南山竄至肅城儻因漢民仇殺之故潛行唆惑恐滋事端著左宗棠迅派委員前赴肅州將馬萬福被殺一案秉公查辦以息爭端應否帶隊之處著該大臣酌度辦理署肅州鎮總兵陶生林赴省未回員缺豈可虛懸著左宗棠即飭該總兵回任或另派明幹之員迅往接署藉資彈壓前已有旨令成祿暫緩拔營前進聽候諭旨該提督既未西行高撫金肅一帶當就近妥爲鎮撫以安反側各省運解成祿軍火著仍暫存歸綏道庫聽候撥解成祿前請調吉林黑龍江馬隊未經允准如東華續錄 同治八十七 至

果將來有兵調往再令常順統帶前進將此由五百里各諭令知之○寶投蘇廷魁河道總督○辛丑諭內閣前據詹事府詹事夏同善通政使司副使朱智鴻臚寺少卿許庚身呈進前任內閣中書張應昌所著春秋屬辭辨例編八十卷當交南書房翰林閱看據稱張應昌所著春秋屬辭辨例編原本宋儒兼及眾說開附按語亦頗詳審該員耆年好學甚屬可嘉所進之書即著留覽○以江北漕船阻淺允丁寶楨請由陸路轉運臨清○壬寅諭軍機大臣等劉峴奏湘潭會匪滋事勦辦情形一摺據稱湘潭縣南鄉朱亭有哥匪約眾起事經縣丞葛治平捕獲何騰雲等二名該匪膽敢聚眾至朱亭搶犯葛治平帶團迎擊受傷殞命朱亭被匪焚掠並擾及黃茅山門涿口等處大股竄踞鳳凰山蓮花寨爲巢穴分黨肆擾逼近湘鄉等語近年哥匪滋事之案層見疊出雖經隨時

撲滅而根株未絕實為地方之害此次湘潭匪徒戕官焚掠盤踞山寨形同叛逆必須乘其初起趕緊剿辦悉數殲除以絕後患著劉峴飭令道員李光燦等迅速進剿毋任他竄致滋蔓延儘兵力不敷即著會商曾國荃選擇得力將弁招募勁旅統帶前往協同會剿該前撫誼切桑梓該處地勢人情較為熟悉且曾統帶勇丁殺賊立功諒必能安速籌辦剋期蒞事也將此由五百里諭令知之○諭曾國藩等撥解湖南援黔軍餉○予湖南陣亡縣丞葛治平祭葬世職○甲辰諭軍機大臣等崇厚等奏天津機器局告成動用經費各款開單奏報一摺天津設立機器局經崇厚飭在事人員度地庀材隨時監視密安士等認真經理見已一律告成所用款項既據崇厚等聲稱事由勸舉難以例價相繩所有單開用過銀數即著准其開銷至密安士所稱再添研藥機器三分每年

東華續錄 同治八十七

重

所出火藥可增三倍而人工所加有限較之採買即可節省尙屬久遠之計崇厚見在出差應如何斟酌添製開拓之處著交李鴻章妥為籌畫奏明辦理該督於此事講求有素務當督飭津局委員事事悉心研究務將此中機巧竟委窮源庶可有裨實用不至徒託空言將此各諭令知之○諭金順奏剿賊獲勝移營進逼王瞳一摺陝回屢擾河西冀阻官軍糧道王瞳通昌等寨悍賊亦潛出沿山竄擾經金順會商張曜派隊前往平洪一帶探剿將東面沙梁及北沙高竄匪擊敗西山邊沿村劫糧之賊投殺淨盡逆酋亦被擒斬各起巡防兵勇復分路截擊零星回股糧道見在疏通勦辦尙為得手惟金積堡突出陝匪欲入王瞳各寨就食若不盡數截殺迅拔堅巢必致勾結拒守圖抗官軍金順見已會同張曜督隊進紮王瞳著即相度機宜滾營進逼擣穴擒渠盡殲醜類該

逆見在遺黨潛赴河東句引陝回均由馬家灘一帶偷渡並著知照河東各軍隨時認真巡防毋任賊蹤竄渡金積堡業已合圍恐尚有匪徒逸出並著該署將軍會同張曜嚴飭各軍偵探兜剿以杜紛竄將此由五百里諭令知之○乙巳賞五城貧民棉衣銀○丁未賞八旗步軍綠營兵丁一月錢糧○戊申諭軍機大臣等金順奏備剿王瞳回匪疊勝並攻克馬四賊寨一摺金順一軍自前月二十五日移營後會同張曜督軍進逼王瞳莊賊分三股出巢抗拒經各軍分中兩西三面迎擊金順由東北率眾截剿疊次獲勝敗匪奔入馬四寨復經截殺多名官軍乘勝將馬四寨攻克王瞳東南一帶之賊又斃多名回酋蘭州阿運已被轟斃此次金順等軍進攻王瞳回逆連日獲勝攻毀寨壘勦辦甚屬得手即著金順會商張曜督飭各軍乘勢圍逼務將王瞳攻拔殲厥渠魁其北

東華續錄 同治八十七

重

路各回寨與王瞳回逆同類難保不伺隙潛出圖擾糧運並著嚴飭後路各營實力防範毋任紛竄將此由六百里諭令知之○加賞通州王恕園等處賑米六百石○辛亥諭軍機大臣等劉坤一奏湖南湘潭等縣會匪滋事醴陵攸縣與江西之梓鄉等處壤地相接萬載縣亦相去不遠見已派兵堵剿等語該匪盤踞鳳凰山四出滋擾見經湖南官軍進剿難保不闖入江境即著劉坤一飭令朱雲章等督率兵勇嚴扼萍鄉等處隘口兼顧萬載縣蓮花廳地面並檄飭劉勝祥分撥兵勇前赴蓮花廳協同守禦毋令該匪乘間竄越劉勝祥駐紮吉安即飭令力固江西省門戶毋稍疏虞袁州城防緊要務當飭令知府駱敏修會同朱雲章妥為布置湖南如需江西防兵會剿即著劉峴知照劉坤一檄令周亮何明亮等迅速出境會合夾擊並飭李光燦等剋期進剿毋任該匪旁竄致

滋蔓延將此由五百里各諭令知之○兵部等部會議兩廣總督瑞麟等條奏新設赤溪協未盡事宜所陳改駐都司一員千總三員把總五員外委八員額外二員記委四員馬步守兵四百六十一名暨改赤溪營為水師隸陽江鎮管轄變通巡洋章程以陽江鎮總兵為上班統巡赤溪協副將為下班統巡並移新甯縣縣丞改駐廣海寨均應如所請辦理從之○免科布多本年例貢貂皮○壬子諭軍機大臣等總理各國事務衙門奏遵議毛昶熙請撤三口通商大臣條陳一摺洋務海防本直隸總督應辦之前因東豫各省匪蹤未靖總督遠駐保定兼顧為難特設三口通商大臣駐津籌辦係屬因時制宜而見在情形則天津洋務海防較之保定省防關繫尤重必須專歸總督一手經理以免推諉而專責成著照所議三口通商大臣一缺即行裁撤所有洋務海防各事東華續錄 同治八十七 差

宜著歸直隸總督經管照南洋通商大臣之例頒給欵差大臣關防以昭信守其山東登萊青道所管之東海關奉天奉錦道所管之牛莊關均歸該大臣統轄通商大臣業已裁撤總督自當長駐津郡就近彈壓呼應較靈並著照所議將通商大臣衙署改為直隸總督行館每年於海口春融開凍後移紮天津至冬令封河再回省城如天津遇有要件亦不必拘定封河回省之制李鴻章見任直隸總督當懷遵此次改定章程將洋務事宜悉心籌畫海防緊要尤須統籌全局選將練兵大加整頓銘軍酌留若干營曾否定議楊村河西務王慶坨等處應否修築礮臺撥營分駐均著該督酌度情形妥為籌辦畿輔水利本宜講求而畿東尤亟應如何設法宣洩以利農田而因封守著該督慎選賢能之吏次第興辦至天津新鈔兩關稅務應否添設海關道一員專司其事著鴻

東華續錄 同治八十七

章一併酌議具奏原摺著鈔給閱看將此諭令知之○癸丑諭軍機大臣等前據張廷岳等奏安籌防剿情形本日據福濟等奏見籌堵剿匪各一摺賊匪在額哲呢河盤踞距綏城西北烏城西南均不過二千餘里與庫倫則相距五千餘里烏綏兩城派兵會剿聲勢尚屬聯絡且此股賊匪見又竄入喀喇烏蘇等處分股搶掠必須及早剿除以靖臺站福濟等已咨張家口綏遠城將前次備調馬隊催赴哈爾尼敦一帶迎擊著定安文盛即將前項馬隊一千名分別檄飭達爾濟管帶前進與福濟等派出各隊會合確探賊蹤併力截剿金山卡倫之賊業經張廷岳派員前往偵探如探明匪蹤所在即著咨照福濟等派兵堵截張廷岳等仍當酌撥防兵迎頭堵禦庫倫地方緊要該辦事大臣等務當加意防範以備不虞臺站地面遼闊賊匪奔竄靡常並著福濟等會商定安文盛隨時派兵搜剿淨絕根株至張廷岳見在應否督隊進剿及在何處駐紮仍著福濟等與之悉心商推迅速奏聞將此各諭令知之○甲寅頒賞王大臣暨內廷翰林各省將軍都統督撫 文宗顯皇帝聖訓各一部○以水旱疊見下詔修省○丙辰諭軍機大臣等金順奏官軍連日攻剿竄匪各匪獲勝力籌進取一摺逆匪久踞王曠頂嶺抗拒經金順會同張曜連次進攻疊獲勝仗其郡城池東之紅花寺及北路虞翔營等處竄匪亦經各軍截剿斃賊甚多惟東北回寨糾集陝匪紛擾後路分我兵力尤須嚴為防範即著金順會同張曜督飭後路防營及提督劉廷等軍確探嚴防遇賊即擊力願運道一面嚴督各營實力進攻迅拔堅巢毋任陝匪乘間來援致剿辦更形棘手將此由六百里諭令知之○丁巳諭軍機大臣等張廷岳等奏竄匪復擾烏境請飭撥兵進剿一摺

三五

金山卡倫竄匪見經張廷岳等探明在額爾德呢班第達呼圖克圖地方肆行搶掠復分股向西北東北奔竄並據烏城咨稱賊擾巴彥察罕等處所向未定等語張廷岳等以倉呢達賴地方距額爾德呢招等三處尚屬相連因將阿哈爾山防兵移紮該處以資堵禦並令圖謝圖汗部落兵丁馳往會合駐守添派幹丹丹準車林先赴額爾德呢招等處會同那木濟勒端多布等相機防剿酌留車臣汗部落官兵一千名防守庫倫布置尚妥惟賊股奔突靡定著福濟張廷岳等嚴飭派出各隊確切偵探跟蹤兜剿務絕根株不得彼此推諉以致賊勢漫延不可收拾烏城屬境見有賊蹤福濟等尤當派隊認真兜捕毋任此輩被竄文盛定安等亦當確探嚴防毋任匪蹤擾及轄境察哈爾馬隊一千名前已准張廷岳等所奏諭令定交文盛等檄飭達爾濟管帶前進著福濟等迅即

東華續錄 同治八十七 三

迎提以厚兵力並著文盛等檄令此項馬隊剋期起程毋再延緩所請添派綏城官兵赴烏會剿之處是否可以調撥著定安酌度情形奏明辦理將此由五百里各諭令知之○戊午諭軍機大臣等李鴻章奏遵旨會商酌派官軍赴陝並分撥各軍布置情形一摺劉銘傳督軍赴陝此次李鴻章所奏派撥各情與劉銘傳前奏大略相同該提督見已由津起程即著李鴻章咨會劉銘傳入陝後即將所部銘軍及添撥之郭松林徐邦道等營於陝西應剿應防處所擇要扼紮該營所需餉項軍火及轉運採辦經費即由李鴻章所設湖北後路糧臺及揚州分局籌撥接濟西北糧運維艱並著咨會劉銘傳沿途體察情形派員設局節節轉輸毋誤軍食郭松林所部武毅馬步十營本日已諭令李瀚章俟此項官軍到後應如何分路設防之處即行妥籌調度周盛傳所部馬步二十

三營俟劉銘傳郭松林各營分起遠去即著飭令移師北渡擇要布紮以衛畿輔吳長慶所部步隊八營見分駐江南宿遷揚州蘇州等處並著咨會國藩就近調遣以資統攝將此由四百里諭令知之○諭穆圖善等奏陝回竄撲平番縣城剿辦情形一摺陝回回生彥崔三兩股由河州竄撲平番屬境經駐防該處之南字左右兩營迎剿於沙溝地方接戰失利統領張萬美等均歿於陣該逆直撲縣城豫師督兵守禦賊向東北山溝遁去穆圖善親率馬隊馳抵兔窩督剿將賊擊斃甚多此次賊匪乘虛出擾勢頗猖獗見在雖已遁回河州老巢惟賊蹤出沒無常必須隨時加意防範南字營見已併歸參將李正魯統帶而兵力尙單豫師駐紮平番務當督率在城文武妥籌防守該辦事大臣新立之營亦當認真操練以資得力穆圖善擬令署莊浪協副將鍾本起招募

東華續錄 同治八十七 三

五百名著即飭令訓練成軍將城守事宜嚴密布置其南大通沙溝口及北十里鋪等處並著分撥官兵扼守以杜紛竄穆圖善見已回省如西路有警仍當隨時調度力籌防剿左宗棠身任欽差大臣於甘肅全省軍務均應妥籌兼顧不得以遠在西隅置為後圖土門及武威縣屬王家臺等處有匪竄擾著左宗棠穆圖善迅飭王仁和等督軍截剿毋任滋蔓穆圖善另片奏疊次剿賊出力馬隊官兵可否酌保等語著准其擇尤保奏將此由五百里各諭令知之○湖南官軍敗會匪於鳳凰山諭李瀚章嚴防湖北毗連境地○予甘肅陣亡提督張萬美等祭葬世職○庚申諭內閣前據總理各國事務衙門奏遵議尙書毛昶熙請撤三口通商大臣條陳當諭令李鴻章妥籌應辦各事宜茲據該督酌議章程具奏天津地方緊要自宜因時變通三口通商大臣一缺著即行裁撤

所有應辦各事宜均著歸直隸總督飭該管道員經理即由禮部頒給欽差大臣關防用昭信守並著該督於每年海口春融開凍後移紮天津冬令封河再回省城備遇有緊要事件必須回省料理亦准其酌度情形暫行回省事竣仍赴津郡以資兼顧其山東登萊青道所管東海關奉天奉錦道所管牛莊關均歸該督統轄惟中外交涉事務較繁自應添設道員管理著照所請准另設津海關道一缺專管中外交涉各事件及新鈔兩關稅務並責成該道督飭府縣悉心妥辦仍隨時稟請該督酌覈辦理嗣後津海關道缺出著由直隸總督揀員請補其餘未盡事宜著李鴻章迅速妥議具奏○諭軍機大臣等李鴻章奏遵旨酌議應辦事宜一摺本日明降諭旨分別照准其津海關道一缺已令陳欽署理矣三口通商大臣既已裁撤所有天津洋務一切事宜該督責無旁貸

東華續錄

同治八十七

美

著隨時相度機宜悉心籌畫至選將練兵籌備海防尤為目今要務直隸練兵日久迄無成效李鴻章惟當嚴飭各將弁認真訓練隨事整飭變通以期兵歸實用大沽海口南北礮臺最為扼要楊村河西務王慶坨等處均屬要隘應否撥營分駐修築礮臺並著妥籌辦理周盛傳一軍即著暫駐景州滄州一帶以資拱衛畿東水利亦宜切實講求崇厚開墾渠田既無實效並著該督察看情形妥籌試辦另片奏請派道員總理機器局事務等語道員沈保靖即著總理天津機器局事務李鴻章仍當飭令該員督率中外員弁匠役悉心研究以期有神實用惟該局牽涉洋人殊多窒礙勢不能遽議更張總在經理之員督飭內地員匠銳意推求必須自能運用轉相傳習方為經久之道所有一切整頓開拓章程應否與密妥士等商並著酌度妥為籌辦將此諭令知之○左宗棠

奏八月二十一日劉錦棠金運昌會商金積東關既克當掘壕築牆鎖圍困之湘軍由東北起掘東南兩面金運昌軍由東北起掘正北面二十四日黎明金運昌率所部興工西北出回眾千餘擁來撲金運昌當派隊伍三成一面掘壕飭副將王化成邵升堂提督方庭芝參將董布亮各率所部隊伍七成從左右鈔入賊陣飭總兵張懷玉副將高得勝守備龔心明等奮勇直前斃悍賊七十餘名賊猶抗拒劉錦棠得信飛派隊伍徑由南門外出西門截之賊始潰退入堡午刻壕深數尺矣回眾復出大隊約二千餘攜帶鐵釘器具而前意圖拚死填壕分股掘戰金運昌乘其分布未完飭各營停工一齊猛進銳不可當斬首百餘斃賊一時之久賊乃大敗我軍追至西門收隊而還陣亡勇丁六名受傷二十餘名而已二十五日五鼓金運昌豫挑精銳伏壕牆內靜以待之飭勇

東華續錄

同治八十七

罕

夫揮鋤修掘該逆登牆瞭望謂我軍無備也馬步賊千數百名擁擁而來勇夫棄鋤佯遁誘近壕邊伏兵突起刀矛並舉槍礮排轟賊即敗退已革總兵胡國龍率所部衝出追之計轟斃斃斃之賊三百二三十名餘眾遁入堡內先是吳忠堡境內尚存永甯洞馬家雨寨一名馬家雙桅桿一名油坊寨春開馬化澗決斷秦渠淹灌官軍劉錦棠開溝導水波瀾洞下永甯洞該兩寨地勢較低周圍積水甚深賊得以小船渡洋麻湖與洋麻湖回逆潛通聲息官軍阻水不克往攻也七月間中路各軍奪回峽口堵過秦渠水源該兩寨積水日漸消涸二十七日劉錦棠傳令駐吳忠堡之軍功董福祥乘夜襲之是夜四更董福祥率軍功張俊李雙良出隊五成攜帶梯牌銜枚疾走直抵雙桅桿寨下回黨酣睡未覺董福祥等率死士悄登立斬坐更賊三名各勇蟻附而上火器齊發回逆

夢中驚起倉皇失措登時殺斃數十名餘賊約數十名及寨頭馬重生墮牆而下入油坊寨死守如故二十九日劉錦棠復派提督譚上連都司陳宗蕃等馬步往攻黎明馳抵寨下連發噴筒火箭轟之適寨內火藥被然震倒寨牆二三丈譚上連等乘勢衝入寨賊二百餘名投殺無遺搵回目馬重生馬金元併斬之計勇丁陣亡七名受傷四十七名是時兩軍所掘之壕已深至丈餘寬至二丈壕上之牆亦累高八尺餘矣劉錦棠金運昌乃各派所部憑壕牆分段以守九月初一日劉錦棠金運昌雙壽等商議陝回自東南北三面卡寨全破後支帳金積堡西門外以悍賊護之宜會隊進剿初二日五鼓潛師夜起劉錦棠率馬步各營會同雙壽統帶吉林馬隊銜枚疾馳沿馬連渠直上金積西南三里許即分飭提督何作霖王承贊知州李樹棠等率所部進左提督羅照陞朱德東華續錄 同治八十七 聖

開周國勝參將潘鳳祥率所部進右其餘各營潛伏渠旁雙壽率營總吳俊花良阿與提督余虎恩熊有常周雲祥譚上連都司陳宗蕃副將郭宗儀等各率馬隊進左路之左以備鈔殺金運昌親督張懷玉高得勝龔心明郭占元馬步於五更時出隊接應黎明何作霖等徑薄西門槍礮齊轟火彈噴筒一時迸發頃刻煙燄漫天火光紛起回眾驚呼倉皇四竄步軍衝入賊中刀砍矛刺馬隊兩旁鈔殺無一漏網計焚斃殺斃之賊不下千餘正在搜殺閒金積堡槍礮紛注如雨甘回絕牆下撲者紛紛勢甚兇猛各營且擊且收賊殊死鬪劉錦棠飛令潛伏渠旁之提督尹興茂李占椿喻執益陶定昇易致中譚拔萃各率所部分兩路衝出接應殺斃悍賊甚多賊稍卻退於時關外卡中各賊突出數百繞出湘軍之後金運昌督隊迎擊立斃悍賊三百餘名賊甫敗潰忽金運昌帶傷

墜馬賊復率黨回撲張懷玉高得勝率所部橫截而出將賊擊退忽洪樂堡池東又出騎賊一支鈔過馬連渠而南金積南門出步賊一大支直犯正南其勢甚銳雙壽余虎恩等見之飛馬迎擊馬連渠之賊軍功董福祥張俊李雙良提督蕭章開李雲貴等率所部徑趨正南接戰雷正綰黃鼎各軍急馳出洪樂堡前以掣賊勢賊見官軍勢盛仍即敗退是役各軍共斃賊一千數百名生擒賊百餘名董福祥頭受槍子傷從腦後穿出周國勝左腿骨為槍子擊斷湘軍弁丁陣亡至二十二名受傷至七十五名卓軍陣亡七名受傷至四十八名蓋血戰也初四日劉錦棠親至南路晤商黃鼎徐文秀定議合成鎖圍湘軍於金積正南右軍右旗之西再紮兩營扼金積西南雷正綰黃鼎徐文秀中路各軍由洪樂堡分營東向西修壘掘壕以期聯絡一氣初五日已刻雨後劉錦棠正傳東華續錄 同治八十七 聖

令出隊修壘忽右軍右旗李雲貴專馬飛報金積回逆悉數西趨徑撲中路各軍劉錦棠聞知一面帶隊馳往策應一面知會卓軍金運昌裹創上馬率所部由左路進飭王化成方庭芝等率所部排列陣後以截金積援賊時劉錦棠所部已由右營進馬連渠之南何作霖王承贊李樹棠各營已進渠之北余虎恩熊有常陳宗蕃馬隊已排列於王化成等之旁賊見前後皆官軍胸縮不前雷正綰黃鼎徐文秀率各營乘勢壓之湘卓兩軍馬步夾擊斃賊約二三百名餘眾遁入西關是日湘軍營官陳宗蕃左脇受槍子傷由後脇穿出弁勇陣亡三名受傷十七名卓軍勇丁受傷五名初六七八等日賊伏巢不出劉錦棠得以一意修壘中路各軍亦趕緊修掘壕塹漸可與湘卓兩軍聯接回眾見官軍日備惶懼益甚十二日黃鼎徐文秀等正督所部移營進紮逆回忽出大股來犯

劉錦棠金運昌率馬步各營馳往奮擊分統提督方庭芝槍子傷
腮營官李樹棠牙傷頰頰潘鳳翔肩甲受槍子擊穿劉錦棠金運
昌督隊鏖戰斃賊三百餘名賊又縮入堡內共計勇丁受傷者九
十餘名陣亡者二十四名訊據逃出難民供稱陝回急謀竄走劉
錦棠金運昌令各營以五成隊站守長壕每夜躬親查閱十二夜
四鼓回逆循金積堡南折趨東南撲近長壕各營發礮轟擊該逆
卻退旋聞西面槍礮更緊比派弁偵之報稱陝回二千餘人由西
面衝出時天色未明劉錦棠金運昌一面派騎馳追一面派隊先
攻余彥祿賊壘一鼓克之辰刻追騎回營據稱追行十餘里見人
馬蹤迹折轉正南沿山脚東竄獲落後回逆七名回營訊據供稱
陝回馬步約一千數百人歸余彥祿帶領擬赴王洪寨一帶索糧
仍回金積堡陳林因傷重未去訊畢斬之十五日黎明陝回果回
東華續錄 同治八十七 壘

劉錦棠督所部於長壕之外復掘重壕以禦外賊一面約黃鼎徐
文秀會攻漢伯堡十八日各軍猛攻數時因漢伯堡三面阻水賊
眾負牆列陣雖轟斃不少而兇燄未衰午後撤隊由東北攻聚園
堡三寨布陣丁家寨前開花大子轟塌數塚弁勇徑撲牆下寨中
男婦齊拋瓦石弁勇帶傷頭墮者多卒不得上仍收隊回營劉錦
棠念功在垂成棄之可惜仍以火器護梯四面環攻適有賊數十
縱牆而下官軍截擊無得脫者旋擲火包延燒前寨柴草寨賊始
亂其後寨之賊二百餘乘官軍圍攻前寨開壁潛出經官軍砍刺
殆盡其逃出寨外者又為金運昌伏兵所殺十九日天明前寨火
息入視殘骸狼藉復於廢壘中搜出二十餘賊據供賊目丁春已
赴火自焚矣是役燒斃殺斃之賊約六七百名官軍陣亡三十五
名受傷一百十九名隨擊隊攻馬家寨賊出柵抗拒官軍迎頭痛
東華續錄 同治八十七 壘

營野之甫循渠而南見賊騎二百餘正迎面而來劉錦棠伏數十騎於廢寨中以數十騎向前挑戰賊見官軍馬隊無多縱馬齊衝劉錦棠撥馬回拒伏兵突起斬騎賊三十餘而奪其馬追賊至漢伯堡賊為溝渠所阻急切不能踰溝復斃落後賊二十餘名回營後約雷正綰黃鼎徐文秀會剿初三初四兩日大風未果初五日風止劉錦棠雷正綰黃鼎徐文秀三路並進雙壽亦率馬隊前來劉錦棠飭提督蕭章開何作霖等於要隘分築左右兩壘併修二卡各軍列陣營前堡賊倚牆開放排槍拚死抗拒王洪堡賊騎二百餘飛馳來援余虎恩雙壽等率所部躍馬截擊陣斬騎賊七八十名餘賊敗遁午後壘卡成賊之倚牆列隊者益密官軍以開花大礮連番轟擊悍賊傷亡已多逆目金大川中礮立斃惟寨牆堅厚僅礮塙上截一段而堡外壕塹深闊未可飛越急令囊沙縛草東華續錄 同治八十七 壘

為填壕之備各營將士分伏壕外伺之二鼓堡賊穴後牆拚死出竄官軍齊起截擊槍轟矛刺塞滿重塹其得脫者馬隊復截之洋麻湖邊官軍入堡縱火未出之賊亦皆赴火自焚計轟斃斃斃焚斃溺斃之賊約共千數百名婦孺丁壯之乞命倖免者不過百餘而已總計各戰破堡寨十餘處斃賊近六千名官軍陣亡者一百五十餘名受傷者五百八十餘名中路各軍自八月二十三夜徐占彪攻拔洪樂堡前兩小寨移營填紮後二十五日復率所部後路各營移前築壘陝甘各逆回乘我築壘未成率眾來撲徐文秀俟其近前督總兵蕭寶林副將彭清和遊擊陳締高率槍礮隊連環轟擊斃悍賊二三百名賊眾敗卻徐占彪帶隊橫出截之復斃賊百餘名賊仍遁入金積馬化澁以劉錦棠不允其撫也二十四日復遣逆弟馬玉澁普洱阿渾詣黃鼎營前乞撫黃鼎諭陝回盡

緞馬械甘回先將馬家堡洪樂堡獻出再議該逆不報二十六夜黃鼎令徐占彪黃有忠總兵黃虎臣趙典隆等襲米姑寺賊堡二更後搶人賊卡殺賊數十堡賊驚覺槍礮齊施弁丁傷亡十餘名乃就卡築壘偏之二十八日徐文秀派副將鄭守南襲秦壩關附近小壘鄭守南礮傷右足弁丁傷亡三十餘名二十九日馬玉澁等復詣營稱請獻米姑寺兩堡及洪樂堡雷正綰黃鼎徐文秀會商洪樂堡偏近金積地勢散漫馬家丁家譚家十數堡環之官軍勢難分布該逆之不並獻馬家堡而專獻洪樂堡者意圖給官軍共聚洪樂使其鈔圍隔截俾長圍不能速合也姑漫應之即夜緘商劉錦棠金運昌出隊東南以綴陝回雷正綰黃鼎於九月初二日率徐文秀閻定邦蕭寶林移營前進適劉錦棠金運昌力攻陝回獲捷遂乘勢移據洪樂堡越日晤商劉錦棠定合圍之策初五日黃鼎派黃有忠陳攀仙兩營雷正綰派李廣珠一營移紮金積堡西南半里間令徐占彪朱蘭亭向前列隊護其築壘已刻陝甘各逆回馬步萬餘來撲徐占彪朱蘭亭督隊迎擊雷正綰黃鼎徐文秀飛飭所部分途策應斃悍賊二百餘名陣斬偽元帥鄒麻子賊為奪氣乘勝追至金積外壕壘上槍礮如雨官軍陣亡三十餘名帶傷者百餘名朱蘭亭右膀中槍子傷副將張友德參將王宗譜中槍殞命徐占彪傳令收隊該逆復乘勢出撲黃鼎夜調李吉安冷玉超率隊禦之雷正綰徐文秀調隊策應劉錦棠金運昌復從後鈔擊賊遂大敗各軍奮威衝殺斃賊五六百名追至金積外壕始行收隊雷正綰黃鼎急督各營掘壕修壘然丁家馬家譚家等十一堡未克不能與金運昌合西北之圍初七夜雷正綰飭提督閻定邦千總胡起雲潛師襲之兵分三支各攻一堡堡後各備

木梯約堡前槍礮聲緊堡後即豎梯齊上三鼓聞定邦等各督所部分赴堡前排開槍礮噴筒火箭齊施堡中各賊均向堡前抗拒不意官軍已由堡後拾入殺聲突起生擒甘回頭目丁玉貴丁玉洪斃賊四五百名丁家三堡平餘逆悉奔馬家堡其附近之廖家三堡亦棄壘而遁陣亡哨官一員傷亡弁丁十餘名初九日圍攻譚家堡未克傷亡幫辦哨官六員弁丁三百餘名雷正緒黃鼎徐文秀憤甚冒險督隊蹂躪而上短兵相接斃賊二百餘名餘賊猶奔聚一隅拚死抵格血戰一時始將堡賊五六百名殲除淨盡生擒甘回頭目嚴鼎君嚴洪發莊紅等三名斬之時已薄暮雷正緒黃鼎徐文秀令軍士傳餐少憩接攻馬家等堡各堡賊見官軍近偏知勢不敵棄堡而奔官軍追斬二百餘名惟馬家堡賊穩踞如故雷正緒黃鼎徐文秀督隊環攻是時大風捲地軍士順風施放火器堡內房屋柴草均被延燒人聲鼎沸官軍四面緣梯而上賊潰圍紛竄官軍內搜外剿斃賊約七八百名自是金積西南一帶大小堡寨百餘所乃一律剷除長圍可合矣十二日徐文秀徐占彪復移營進偏金積堡西門雷正緒黃鼎派隊護修營壘午刻金積堡賊傾巢出撲堡上老幼婦女無數齊聲助勢呼號震地徐文秀徐占彪等一面掘壕修壘一面派隊迎擊各軍互相策應斃賊數百賊敗歸巢十三日徐文秀復進前添築一營並擊退出撲之賊是夜四鼓後陝回數千徑撲新築營壘徐文秀率所部力戰卻之斃賊數百黃鼎派隊會追行抵米姑寺河邊該逆正在搶渡官軍從後掩殺計淹斃斃數百名接攻秦壩關堡及下關寨一鼓克之斃悍賊二百餘名另股逆回乘夜由後路後營蜀軍新左營中空壕壘未接之地衝出向漢伯堡遁走經劉錦棠疊次截剿斃

東華續錄

同治八十七

星

賊數百名據生擒賊供首逆余彥祿於竄出時受槍子傷自左腮下穿入右耳旁透出旋昇赴王洪堡氣絕黃鼎獲賊訊供亦稱余彥祿傷重而斃處所遣偵探回民郭黑狗兒則親見余彥祿受傷甚重所指受傷處所亦同似此賊實已伏誅矣回逆竄至漢伯堡敗後又分起竄逸一由水溝北竄河西一由漢伯南竄羅山豫望城一帶經駐牛角城記名提督周紹濂駐固原署平慶涇道魏光燾截剿復飭已革山西臬司陳湜出固原提督張世俊道員李耀南出岷口截其竄河州之路另片陳明以清眉目統計雷正緒黃鼎徐文秀各軍自八月二十五日起九月十八日止攻克堡寨關卡二十餘所擒斬悍目多名殺斃轟斃焚斃溺斃及生擒逆賊約三千餘名維金積堡城周九里有奇東自吳忠以至靈州堡寨共四百五十餘所見僅存王洪楊明兩堡西自洪樂老馬家堡以至峽口張恩堡堡寨關卡共一百二十餘所見僅存大河中州馬家灘四堡餘皆一律掃除劉錦棠一軍自金積東面紮至南面金運昌一軍紮北面距逆堡半里許或一里西北徐文秀正西黃鼎西南雷正緒延築營壘距賊堡一二里或三里北與金運昌接南與劉錦棠接掘壕兩道一禦金積堡內出竄之賊一備金積堡外來援之賊壕深不及一丈以其地濱河為自古積淤所成平地掘三尺則見水不能深也見於牆上累土為隄合高深計之共二丈餘壕闊三丈勻撥各營晝夜防守正隅各面一律分布鎖圍已成飛走絕迹賊中渠魁馬化澂已被重創穆生花已於七月二十七日晚時疫伏冥誅賊勢衰蹙可想惟金積堡高四丈堡身厚約三丈許堡中有堡為首逆老巢賊呼為王城其高厚亦如之中間牆壁縱橫仿大城包小城式為之渠水環複尺寸皆堅馬化澂

東華續錄

同治八十七

星

從前詐降後一意築掘廣儲槍礮增險負固蓄謀已久地勢之難
攻如此自乾隆四十九年馬明心蘇四十三以新教煽亂伏誅後
根株未淨萌孽全滋至馬化澂而復熾靈州士民且謂馬化澂即
蘇四十三之遺孽其詳固不得而知然其教輕生好勝兇狡忍驚
較回中老教為尤甚此次官軍逼近馬化澂尚有乞撫之說其黨
族則一心作賊並不求生堡寨將破時先刃其家屬或擲諸水火
乃解衣格鬪死而後已其堅悍如此城中子藥尚多每攻一堡將
目多有傷亡賊中乏糧者雖三分有一而馬化澂之族積年所儲
猶支數月攻堅歷無善策地道既以土薄水淺不能成功開花礮
彈即測準施放炸裂之後鐵片質輕又多為牆壁隔閉勢難透遠
臣所購西洋普魯社即布洛斯之義耳礮軍中所稱後膛開花螺
絲大礮者也其力大有準為中外所僅見近日攻克各堡多得其

東華續錄 同治八十七 完

力賊膽之寒亦在乎此然已用過七百餘子正飭匠作加工速製
計每月不過成三百餘顆不足以供急需且堡城係泥土所築非
甄石礮砌而成屋頂皆平而四角微低傳泥土極厚礮子落街上
穿牆則開花後多所轟斃若墜屋頂而已開花則鐵片直下無力
或隨勢溜落不能奏功以之橫攻堡牆則牆厚三丈礮子不能穿
透在土中開裂亦不能徹底掀翻故攻堅雖羣推此器而用之不
能曲盡其妙亦賊之堡屋有以限之此地道不能開炸礮不能破
之實在情形也 臣原擬攻克峽口即可放秦渠以渰金積放漢渠
以渰各堡乃峽口甫得而湘軍已破金積東關移營駐之若圖開
放渠水則令湘軍豫為遷避乃可無論兵事有進無退萬無令
其遷避之理設令其遷避引水苟遲久無成 臣將何詞以自解湘
軍既進偏東關則峽口兩渠且宜閉塞來源以期安心攻勦而致

堅必損壯士見在各堡寨雖已掃除殆盡而各軍將士傷亡實已
不少前奉諭旨仰窺 聖意以用餉多而成功緩無以上對朝廷
臣比宣示諸統將翼各發天良俾得迅速奏功稍寬咎責而察看
近時每戰必捷而傷亡更多 臣若再為峻督恐或冒昧圖功轉致
債事大局深為不便合無仰懇 皇上天恩稍寬時日冀可從容
就緒以慰慈廑又奏由平涼城迤北踰固原以抵中衛靈州地境
計程九百餘里為通甯夏孔道其間岩谷複沓澗壑幽險回民雜
居堡寨林立向為盜賊淵藪自中路官軍進剿金積堡陝甘逆回
時喉悍黨四出鈔掠妄圖牽綴官軍梗滯運道以解金積重圍自
平涼以達前敵軍營中閒延紮三十餘營沿途就屯營之所按程
分設轉運局軍裝軍火軍糧軍餉寒衣棚帳車駝駱駝相屬於道
三十餘營按日迎送護解勞費不可殫述而地遠路雜賊馬我步

東華續錄 同治八十七 辛

時有不及之虞屢據總兵鄧林楓參將馮桂增於滾泉刷陽山黃
柳防隆德溝長山頭等處護運殺賊周紹濂五營魏光燾五營及
各營於護運之便隨時投勒東西兩山外來及本地之賊 臣之親
兵營雕勒靜甯安定之賊各州縣防軍土勇雕勒本境鄰境之賊
每次擒斬或數十或百餘名未便逐一陳奏致瀆 宸聰近日各
軍圍攻金積陝回自付長圍將合必致坐困首逆余彥祥乃謀先
時潰圍而走九月十三夜劉錦棠徐文秀等戰狀已經正摺陳明
其餘黨從漢伯堡竄出馬步賊千餘逆眷約千餘於九月二十五
日竄及半角城李旺堡附近一帶 臣檄提督周紹濂所部馳往並
會同提督李振國總兵屈聖祥各營剿之二十九日賊竄踞半角
之倒洞子周紹濂迎擊之斃賊十餘名賊即翻山亂竄是夜詞賊
竄由倒洞過山溝兩重隨地露宿四更後周紹濂率總兵鄒正魁

張大雄副將周玉林遊擊周崑回目王鎰萬等潛往襲之鄒正魁帶隊先到見四山野火如螢賊尙酣臥即斬其巡更賊大呼官軍至矣周紹濂等帶隊繼至從火光騰灼處開槍指擊賊倉卒不知所爲有誤入官軍隊伍而死者有伏地亂叫而死者有墮落巖谷而死者天明視之屍骸縱橫填塞谷口其逃入馬家套者適屈聖祥由紫花一路率隊馳至前後夾擊漏逸無幾是役斃賊數百官軍傷亡二十餘名訊據生賊供稱此股係馬長順李映春丁三保丁普雲馬永等所帶人眾食乏擬劫糧裹帶以趨河州也初二日披山復斃賊百餘陣斬賊目丁三保餘賊敗匿李旺堡黑城子一帶山谷駐固原之署平慶涇道魏光燾料賊將四竄擬伺其出而殲之殊賊固匿不出初八日調賊繞道竄西山羅家峴魏光燾即夜急起追之五鼓齊抵羅家峴賊眾倉皇列隊抗拒官軍兩路奮

東華續錄

同治八十七

至

威衝殺斃賊甚多陣斬賊目馬永天明陳提督所部由閒道馳至併力壓剿斃賊無數步賊殲除殆盡惟騎賊已經竄過者向會甯靜甯一帶亂竄臣前飭提督楊世俊道員李耀南豫於安定截之諒難漏網也又奏周開錫稟報九月二十一日河州馬步賊二千餘由康家巖水淺處偷渡洮河循馬家河駭駭南犯周開錫飭提督楊世俊率馬步五營七成行隊於護餉過安定之便確探迎勦楊世俊比派參將周道欽率步隊三哨赴通安驛扼之親率馬步伏於距馬營監三十里之打澇池赤沙峴地方以待二十二日賊竄通安驛周道欽倚牆結方陣以拒自午迄申槍礮如雨斃賊頗多賊更番猛撲傷勇丁數十名卒不得過乃向赤沙峴狂奔楊世俊豫設伏兵於此賊至伏起斬賊數十賊敗向石川一路楊世俊復督所部即夜躡追馳五十里二十三日天明抵石川山梁偪仄

賊擁擠不前楊世俊督隊蹙之斃賊數十賊眾齊聲唳吶拚死抗拒官軍馬隊猛衝斃賊五六十名賊勢不支紛紛亂竄楊世俊督隊乘勝緊追沿途擒斬悍賊三百餘名餘賊零星四散悉向牛站以西循馬家河原路回巢二十四日復飭馬步徧山搜剿六十里俱無賊蹤次日乃收隊回防其計陣亡勇丁六十餘名受傷百二十餘名據生擒悍回馬成有等三十九名供稱此次河州東鄉會聚馬步賊約二千二三百人係馬阿渾劉阿渾馬二張狼菁馬三師務即朶大頭目所帶意在擾秦伏糧道至金積求援騎賊願往步隊畏怯不前其馬二張狼菁兩回目已經官軍陣斬 上諭此次北路馬步各軍經劉錦棠等督飭進剿奮勇爭先疊挫賊鋒連克堅堡殲除逆匪余彥壽等多名首逆馬化澂被創中路雷正綰黃鼎徐文秀等軍期敗陝甘回匪疊破堡寨殲斃逆目鄒麻子丁玉潰等首逆余彥祿亦因傷身斃勦辦甚屬出力

東華續錄

同治八十七

至

見在金積堡東面僅存王洪楊明兩堡西面僅存大河中洲馬家灘四堡餘皆一律掃除各路官軍復於四面紮營掘濠漸逼漸緊自當乘此機勢鼓舞勇進攻以收擄穴擒渠之效至左宗棠摺內所稱金積堡城高牆厚渠水回環攻堅既多有傷亡地道又未能開掘請寬以時日可冀奏功等語固屬實在情形惟當此賊氛大挫合圍已成總當於慎重之中寓奮迅之意不可稍涉畏難至形鬆勁河州回逆偷渡洮河循河南犯經楊世俊等迎勦獲勝仍著飭令在防各軍遇賊即擊毋稍疏懈漢伯堡竄出之賊疊經周紹濂等軍分路迎擊擒斬甚多其敗匿李旺堡等處者亦經魏光燾追勦陣斬賊目馬永步賊殲除殆盡惟騎賊已向會甯靜甯紛竄提督楊世俊等安定截剿之師能否盡殲醜類官運糧運最關緊要

仍當督飭各軍隨時確探雕剿以護運道毋稍疏虞將此由六百里諭令知之○諭金順奏回匪糾眾出撲官軍奮擊獲勝一摺王瞳回匪因官軍連日進逼率黨分路疊撲各軍營卡經金順會同張曜連日奮擊雖經先後獲勝惟該逆恃其巢堅黨眾河東陝回又因就食趨附後路糧道時虞梗阻若不迅速攻克則逆援日多初辦更形棘手著金順會同張曜督飭各軍實力進剿迅將王瞳攻拔並將該逆援路先行斷絕以孤賊黨毋任句結紛擾致稽時日將此由六百里諭令知之○予甘肅陣亡統兵官蕭榮發等祭葬世職○辛酉予甘肅陣亡參領明慶等祭葬世職○署甯夏將軍副都統金順奏攻毀王瞳附近堅壘得旨著該副都統會同張曜督飭各隊實力進攻王瞳並嚴防後路毋得敷衍陳奏徒事粉飾○壬戌諭軍機大臣等前經諭令蔣志章酌撥譚仁芳一軍扼駐定邊並令左宗棠派兵進紮平羅嗣據蔣志章覆奏譚仁芳一軍阻防腹地未能遠調已將撫標中右兩營派赴靖邊歸成定康調遣與定邊遙壯聲援茲據定安奏稱探得回逆二十餘騎竄至米脂磚井堆子梁等處並有續來馬步賊千餘已到花定一帶河東陝回復由通昌通貴河邊竄過馬步賊二三千人分擾平羅等處請仍飭左宗棠蔣志章撥軍分扼等語見在金積既經合圍王家瞳莊亦在攻剿喫緊之際逆黨窮極紛竄擾我後路冀以掣動前敵自在意中米脂等處既有賊蹤是以越定邊而東劉厚基成定康等軍駐紮沿邊何以並不迎頭截擊任其竄入刻下該匪擾及何處著蔣志章迅飭北路防軍探蹤截剿賊如竄至米脂等處距晉疆甚近冬令河水凝沍尤慮東擾並著知照何璟加意防堵毋稍疏虞前派撫標兩營曾否馳抵靖邊如果兵力不敷即著續

派數營前往定邊一帶合力防剿毋任賊蹤再行闖入並著定安知照宋慶等於沿邊一帶勤加偵探遇有東竄之賊即行派隊迎剿力掃狂氛劉銘傳業已由津起程著即趕緊前進到陝後迅派得力隊伍扼紮陝甘交界處所並將鄜延綏榆一帶土匪潰勇搜捕淨盡毋任句結外來匪徒滋擾陝境平羅一帶時有賊匪竄擾糧路設有梗阻關繫非輕金順張曜等軍進剿王瞳及分防甯郡石嘴磴口等處兵力不敷分布著左宗棠仍遵前旨迅派勁兵進紮平羅地方以清甯靈後路將此由六百里各諭令知之○是月減免貴州興義等十府平越等四十四州縣暨普安等兩同知清江等四通判冊亨州同羅斛州判錦屏鄉縣丞所屬並古州等九衛被授舊欠額賦蠲緩直隸霸州等四十州縣被水被旱被雹被蟲新舊額賦租課暨民借倉穀

東華續錄

同治八十七

善

臣王先謙敬編

臣張式恭恭校

閏十月丁卯諭軍機大臣等前據穆圖善等奏賊匪竄擾平番一帶當經諭令豫師督率該處文武妥籌布置茲據豫師奏稱整頓新軍籌備後路軍功何得彪督帶練勇在塘坊沙溝等處屢次擊賊獲勝即著飭令將此路賊匪實力剿洗毋令蔓延豫師見擬於大里壩等處分築堡寨與大寺連城等處聯絡聲勢即著督催各該地方官趕緊辦理招農開墾一面疏通運道以利軍行豫師見業平番著將該處防守事宜布置妥協即行相機前進馳赴本任毋稍稽延將此由五百里諭令知之○諭張廷岳等奏竄匪逼近烏城請撥官兵會剿一摺張廷岳等據東兩部落盟長轉報福濟札文內稱十月初六七等日賊匪萬餘復聚額爾德呢班第達呼圖克圖遊牧之博提哈拉烏蘇庫努克等處傷害多人肆行搶奪該匪尚有二股分擾烏里雅蘇台庫倫地方其推河烏勒幹庫努克盤踞之賊人數尤眾沙爾噶勒珠特台亦有匪踞道路梗塞等語福濟札文所稱情形尚未據該將軍奏報是否因臺站被阻未能迅速遞到著福濟榮全錦丕勒多爾濟將見在賊竄何處賊數若干及剿辦情形趕緊馳奏張廷岳等以蒙兵不能得力請飭綏遠城將軍察哈爾都統派撥馬步兵由賽爾烏蘇臺站前赴烏境會剿前據福濟等奏已咨張家口綏遠城將前次備調馬隊催赴哈爾爾足敦一帶當諭令定安文盛即將前項馬隊一千名分別檄飭達爾濟管帶前往嗣據張廷岳等請添派綏城官兵赴烏會剿又諭令定安將是否可以調撥酌度情形奏明辦理此時蒙兵

防勦甚不足恃亦係實在情形綏遠城察哈爾能否添撥官兵會剿之處著定安文盛權衡緩急酌量辦理一面星速奏聞賊股奔竄靡定著福濟榮全錦丕勒多爾濟張廷岳阿爾塔什達懷遵前旨督飭派出各隊確探賊蹤會同兜剿毋得彼此推諉任令賊勢蔓延並著福濟榮全錦丕勒多爾濟張廷岳阿爾塔什達等將賊匪見竄處所及臺站相距道里若干喀爾喀四部落各旗遊牧地方何處扼要何處應令設防各繪細圖貼說詳悉奏聞將此由六百里各諭令知之○已諭軍機大臣等張廷岳等奏烏城戒嚴情形緊急請飭撥兵來庫以資防守一摺據稱十月二十六日接准福濟遺員遞到夾板摺匣一件當即發交臺站馳遞一面傳訊該差梅倫博羅據稱烏城賊氛逼近臺站不通該差起身之日福濟與榮全會督蒙兵二百餘名在城防守錦丕勒多爾濟督帶索倫蒙漢各兵五百五十名駐紮頭臺豫備迎擊其時竄匪三千餘名已抵舒勒克二臺見在烏城情形不知若何等語前據張廷岳奏賊匪萬餘竄近烏境勢甚猖獗當經諭令定安文盛等酌量撥兵星速馳奏茲覽張廷岳等所奏各情是賊勢漸逼漸緊而烏城兵力單弱戰守均不足恃脫有不虞則科布多等處均形震動即庫倫亦恐孤立無援必須迅撥勁旅以捍疆圉著李鴻章調撥宣化鎮標槍火槍等項官兵一千名派委得力將弁管帶迅速出口由賽爾烏蘇直抵哲林臺站北接庫倫所屬額爾德呢招等四處協同拒堵力保庫倫西境其達爾濟所帶馬隊一千名即著定安文盛懷遵屢次諭旨催令迅速起程前赴烏城會剿毋稍遲緩並著於綏遠城察哈爾兩處各調得力官兵遴員管帶飭令趕緊赴烏為達爾濟接應不得以無兵可撥為詞一奏塞責福濟等於

援兵未到之時務當督率在防兵弁實力堵剿並將見在情形隨時馳奏張廷岳等亦當確探賊情妥籌防守不得稍涉大意此次匪眾突如其來究從何處竄近烏城著福濟張廷岳等確探具奏一面檄飭附近各蒙古部落官兵派隊截剿迅掃逆氛張廷岳前次奏撥餉銀五萬兩業經諭令何璟於京餉內劃撥著該撫迅速籌解毋再稽延張廷岳本日摺報係十月二十七日所發而二十六日轉遞福濟摺匣至今未到是否遺失即著張廷岳等行文沿途臺站查明具奏本日諭旨除分寄福濟外著軍機處另錄一分遞交張廷岳派員齎送烏城交福濟等祇遵以免遲誤張廷岳所需礮位已諭令火器營催解矣將此由六百里各諭令知之○撥部庫銀十萬兩充庫倫軍需○庚午諭軍機大臣等劉岷奏剿辦會匪已漸肅清並續起股匪登時撲滅見仍派兵搜捕伏莽一摺

東華續錄

同治八十八

三

湘潭等處會匪見經劉岷派兵圍剿將首要各逆擒獲正法其脅從人眾均已解散湘潭各境漸就肅清其湘鄉道州續起股匪亦經該地方官等督兵剿擊登時撲滅見仍搜捕餘匪即著李瀚章劉岷飭令李光燦會同衡永鎮道將逃匿餘匪悉數殲除務絕根株毋畱後患一面檄飭黃教鎔等會同地方官認真整頓鄉團清查戶口如有逆目遁回潛伏者立即擒拿嚴辦毋任漏網聞兩湖地方勇丁遣散者結會甚多該督撫務當督飭地方官嚴行查禁有犯必懲以期消患未萌將此由四百里各諭令知之○詔緩修熱河園庭○辛未諭軍機大臣等金順奏官軍圍攻賊寨疊獲勝仗並後路防兵截剿竄匪情形一摺王家疿賊匪疊據金順奏報官軍進逼濠寨賊勢窮蹙此次所報十月十四至十九等日剿賊情形不過敷衍勝仗意圖塞責且此次官兵受傷甚多該逆仍未

大受懲創賊巢何日克復即著金順振刷精神督率兵勇會同張曜各軍迅將王家疿賊巢攻拔並將該逆援賊實力堵剿毋令勾結致稽時日儘再事遷延日久無功恐該署將軍不能當此重咎也將此由五百里諭令知之○諭福濟等奏竄匪欲犯烏庫請飭撥兵援應定安奏歸綏官兵無可調撥各一摺福濟等所稱賊匪屯踞博克多山推河口額爾德呢招等處圍撲烏里雅蘇台庫倫十月初九日逆賊已抵第十一烏特臺驛卒逃避文報不通等語與張廷岳等前奏大略相同烏庫兩城關繫極為緊要錦不勒多爾濟見已親帶兵勇起程馳赴第三臺特默爾圖擇要防堵著福濟榮全與該參贊悉心會商先就現有兵力規賊所向相機進剿毋任匪勢蔓延棍噶扎勒參勒賊尙能出力見既願效馳驅即著令其揀選精壯千名星速赴烏協同防剿福濟等以賊眾兵單不

東華續錄

同治八十八

四

數分布檄催前調之察哈爾馬隊星速前進並擬添調綏遠城烏槍隊一千名東三省馬隊一千名哈密巴里坤滿綠營兵勇各一千名前往協剿昨據張廷岳等奏竄匪逼近烏城請撥兵會剿當將綏遠城察哈爾能否撥兵前往諭令定安文盛酌量辦理本日復據定安奏歸綏軍務緊要官兵無可分撥惟烏城竄匪滋擾勢甚披猖非厚集勁旅不足以資堵剿著定安先其所急酌量分撥槍隊暨東三省馬隊赴烏協助前調察哈爾馬隊一千名著文盛催令達爾濟管帶迅速啟行兼程前進並能否再行添撥速籌具奏哈密巴里坤兩處兵本不多著文麟景廉伊勒屯何瑄酌量調撥星馳策應以上各軍均歸福濟調遣即由推河敖羅蓋一帶前進迎頭截擊迅掃逆氛惟各軍雲集統帶需員即著榮全統率各軍扼要駐紮妥籌防剿並著福濟等一面飛催圖庫爾剋日到烏

協同勦辦福濟等請撥餉銀五十萬兩已諭令戶部速議具奏該部籌撥之款批解需時深恐緩不濟急張廷岳等前撥銀十萬兩著於解到時先行分撥烏城俾資接濟毋得稍分畛域該匪既有分撲庫倫之意張廷岳等務當加意偵探實力嚴防毋稍疏懈將此由六百里諭知定安福濟榮全錦丕勒多爾濟文盛張廷岳阿爾塔什達文麟景廉伊勒屯並傳諭何瑄知之○壬申予浙江殉難同知費保鏞縣丞沈福年等建祠○癸酉飭戶部籌撥銀五萬兩濟烏里雅蘇台軍餉○諭成祿督兵關外嚴防竄匪○予安徽殉難訓導潘俊祭葬世職○乙亥諭軍機大臣等劉嶽昭岑毓英奏官軍攻克永北等廳州城地方一律肅清見籌進剿一摺永北鶴慶鎮南三城見經克復大理賊勢已孤亟應乘勝進攻迅殲醜類即著劉嶽昭岑毓英飭令李維述等各率所部兵勇迅速前進

東華續錄

同治八十八

五

將大理府城及賊踞處所以次剋期攻拔毋稍遲緩已復各城務當慎選廉能之吏將善後事宜妥為經理一面斟酌情形派兵駐守以期保衛地方將此由六百里各諭令知之○諭錦丕勒多爾濟奏匪陷烏城並請飭撥餉銀文盛等奏催調馬隊赴烏會剿請飭直隸山西發給征兵餉乾各摺片賊匪四千餘人於十月十九日撲犯烏里雅蘇台官兵未能抵禦旋即失陷覽奏實深憤懣所有在城各員下落著錦丕勒多爾濟查明具奏逆匪見在盤踞附城遊牧地方亟應厚集兵力迅籌勦辦前調察哈爾馬隊一千名著文盛等飭令達爾濟剋日管帶啟行不准稍有遲誤其備調官兵五百名即著飭赴什巴爾泰博羅柴濟地方聽候調遣定安仍遵前旨於綏遠城槍隊暨東三省馬隊酌量分撥赴烏助勦本日諭劉銘傳趕赴陝將陝省北路邊內邊外各要隘派兵扼紮

以便該將軍騰出兵力續行撥兵赴烏援勦著定安斟酌辦理前令都與阿等將古北口撤回馬隊截留二千名取道張家口赴援烏城著即飭令迅速前進毋稍遷延惟所調各軍須有大員統率方能調度合宜杜嘎爾向來帶兵頗能得力著即統帶察哈爾馬隊先行前進其綏遠城及吉林黑龍江調到官兵均著歸該副都統統帶赴烏相機調遣前調宣化大同兩鎮官兵各一千名前赴庫倫防勦見在烏城既失庫倫情形亦屬喫重著李鴻章何璟迅即調派剋期前往該官兵經由軍臺行走應需餉乾等項並著寬為籌給令其自行備辦餼糧裹帶前進需用鍋帳等項一併備齊以免沿途缺乏直隸山西北境並著李鴻章何璟確切偵探先事豫籌毋稍大意巴里坤哈密兩處兵雖不多惟烏城若被久踞則關外各城愈形孤立著文麟景廉伊勒屯何瑄酌撥得力官兵星

東華續錄

同治八十八

六

馳赴烏以資策應錦丕勒多爾濟此次未能攔截賊匪姑念兵力較單免其置議該參贊見在退離數臺駐紮著即調集蒙古官兵奮力進剿迅圖克復以贖前愆此股賊匪究從何來見在賊勢若何並著迅速奏聞棍噶扎勒參既願帶兵勦賊並著催令前來協同夾勦以資得力錦丕勒多爾濟已咨庫倫先行協解餉銀五千元兩並請飭部再撥銀二萬兩著張廷岳於戶部前撥銀十萬兩內解到時撥給銀二萬五千兩應用如有不敷並著先其所急寬為接濟福濟前請撥銀五十萬兩已據戶部覆奏由部庫撥銀二十萬兩山東山西河南各撥銀十萬兩臺站如有阻隔前諭解至庫倫由張廷岳等派員協解此項銀兩如到庫倫即著趕緊解往並將解撥之銀扣還以清款項文盛等請將茶馬釐捐銀三萬餘兩歸入軍需項下支放兵餉著照所議辦理將此由六百里加緊諭

知都興阿德英定安李鴻章奕榕毓福文盛杜嘎爾何璟錦不勒
 多爾濟張廷岳阿爾塔什達文麟景廉伊勒屯並傳諭何瑄知之
 ○諭本日據錦不勒多爾濟奏烏里雅蘇台賊勢猖獗於十月十
 九日竄陷烏城該逆見踞臨城遊牧地方兵力甚單遠難攻克等
 語該城將軍福濟參贊大臣榮全向無下落情形極為危急亟須
 厚集官軍以資攻剿劉銘傳見在行抵何處著即統率所部兼程
 前進星速赴陝於該省北路邊內邊外各要隘分撥兵勇嚴密布
 置俾定安無後顧之虞庶該將軍或可騰出兵力派赴烏城迅籌
 援剿以殄寇氛將此由六百里諭令知之○詔各省書局刊明儒
 古坤寶政錄以資吏治○丙子諭曾國藩等籌議河運章程○永
 定河漫口合龍○予陝西陣亡提督劉松山於榆林建祠總兵官
 文星明等附祀○以張之萬為江蘇巡撫張兆棟為漕運總督恩
 奉華續錄 同治八十八 七
 奏為江蘇布政使由奉天府府尹遷○丁丑諭軍機大臣等張廷岳等奏
 烏城被陷庫倫防剿喫緊請飭催援兵一摺庫倫與烏城本有犄
 角之勢烏城既為賊陷則庫倫孤立無援必須厚集兵力以資防
 剿前調宣化大同兩鎮官兵各一千名前赴庫倫即著李鴻章何
 璟迅即調派並為寬籌餉乾催令剋期前進交張廷岳等調度毋
 稍稽遲並將該官兵起程日期奏聞前調達爾濟馬隊一千名並
 古北口撤回吉林黑龍江馬隊二千名及綏遠城槍隊東三省馬
 隊均交杜嘎爾統帶赴烏助剿見在庫倫需兵孔殷以上各軍馳
 抵邊外如賽爾烏蘇等處應否酌撥若干留庫助剿著張廷岳等
 與錦不勒多爾濟酌量軍情妥籌調遣此時察哈爾綏遠城所調
 各兵想定安文盛等於接奉前旨後必已迅速調派即著催齊各
 軍由杜嘎爾統帶星馳前進不得稍涉遷延錦不勒多爾濟退離

數臺駐紮日來蒙古官兵能否調集棍噶扎勒參已否帶兵前來
 見在賊勢若何並著隨時具奏文麟景廉伊勒屯何瑄仍著懷遠
 前旨酌撥得力官兵赴烏策應張廷岳等見擬設措銀兩解交錦
 不勒多爾濟以應要需尚屬力顧大局著照所請辦理俟山西餉
 銀解到再行如數歸還部撥烏庫餉銀已諭順天府迅即起解惟
 恐到尚需時文盛前請將茶馬釐捐銀三萬餘兩歸入軍需項下
 支放兵餉已允其請著即於此款內先撥一二萬解赴庫倫應用
 俟部餉到後即行劃抵科布多逼近賊氛據張廷岳等片稱巴爾
 魯克厄魯特已句結賊匪意圖分竄科城防務緊要奎昌文碩務
 當嚴密遏堵毋稍疏虞棍噶扎勒參見在何處並著奎昌等催令
 剋日赴烏助賊邊外賊勢猖獗臺站梗阻定安文盛等總當多發
 偵探務得賊情隨時具奏巴爾魯克厄魯特有通匪之說著張廷
 岳阿爾塔什達錦不勒多爾濟檄飭扎薩克圖汗撫諭各部落隨
 同官兵實力防剿以安反側庫倫情形喫緊著錦不勒多爾濟會
 同棍噶扎勒參將由烏竄庫倫並恰克圖兩道扼要堵禦毋任東
 竄張廷岳於各路官兵未到以前務就見有兵力嚴密布置並發
 連環偵探隨時奏聞將此由六百里諭知李鴻章定安文盛杜嘎
 爾何璟錦不勒多爾濟張廷岳阿爾塔什達奎昌文碩文麟景廉
 伊勒屯並傳諭何瑄知之○戊寅諭內閣蘇鳳文奏官軍由越南
 凱撤入關一摺廣西逆匪吳亞終等由太平竄擾越南經廣西提
 督馮子材親統大軍馳往剿辦當將首要各逆殲除淨盡並於河
 陽地方搜剔逸匪越南境內一律肅清該提督業已於本年七月
 間振旅入關其所帶勇丁亦經分別撤留妥為安置廣西提督馮
 子材督軍勒辦將此股賊匪悉數蕩平實屬調度有方深堪嘉尚

馮子材前已賞給騎都尉世職著加恩再賞一雲騎尉世職以示
優獎○諭軍機大臣等蘇鳳文奏官軍凱撤入關並酌擬善後章
程開單呈覽暨提督卻還越南犒師銀兩各摺片逆匪吳亞終等
竄擾越南經馮子材督軍越勦將首要各逆悉數殲除越南國王
餽送犒師銀兩該提督婉為辭卻實屬深明大體馮子材見已凱
撤入關所部勇丁分別撤留並挑撥各營分往各府辦理善後即
著蘇鳳文馮子材飭令各該地方官於此項勇丁到時妥為鈐束
如各府所屬尚有伏莽務當實力搜除毋留餘孽廣西邊境如有
應防處所並著斟酌辦理情形撥兵駐守保衛地方蘇鳳文所陳
善後十三條尚有可採該撫即率地方文武實力舉行不得徒託
空言有名無實蘇鳳文俟善後事宜辦有頭緒著即來京陛見將
此由五百里各諭令知之○己卯諭軍機大臣等金順奏官軍
東華續錄 同治八十八 九
匪獲勝情形一摺王家疇日久未下通昌等堡踞回及南路馬家
灘一帶竄匪時欲乘閒滋擾牽掣官軍見經金順會同張曜派撥
兵勇分路勦擊已將南北兩路賊巢攻毀擒斬甚多逆一股亦
被石紫防軍擊敗即著金順飭令劉廷等迅將敗竄各匪悉數殲
除毋令漏網一面會商張曜嚴檄前敵各營並黃金山一軍乘王
家疇踞匪勢孤之時迅速進勦趕將賊寨剋期攻拔毋得遷延觀
望日久無功該逆被勦窮蹙難保不伺隙竄出金順務當嚴密布
置將此股賊匪就地鎗除以杜紛竄將此由五百里諭令知之○
庚辰諭各省安插游勇整頓營制○癸未以烏城失陷命副都統
成明帶神機營官兵一千七百名赴察哈爾防守○甲申諭軍機
大臣等定安奏遵撥官兵赴烏會勦並陳歸綏軍務喫緊情形請
飭劉銘傳撥兵扼紮纏金暨參帶兵侍衛各摺片烏城失陷後北

路需兵孔亟定安見派參領貢果爾統帶所部察哈爾馬隊二百
五十名由達拉特旗星夜來綏馳赴哈爾尼敦推河一帶查探匪
蹤相機截勦以蒙兵赴援蒙境自可得力且係杜嘎爾舊部兵將
相習呼應較靈即著該將軍催令迅速前進沿途探詢與察哈爾
隊伍合兵一處歸杜嘎爾調遣以一事權至前調吉林黑龍江馬
隊向歸副都統富勒琿統帶駐紮後套纏金一帶定安奏稱纏金
為諸軍糧運總匯之區此時磴口石紫山一帶時有賊蹤陝回又
有欲竄後套之信若遽將此軍撤動設該逆乘虛北竄不獨糧運
梗阻即包薩一帶亦必震動等語自係實在情形前有旨令劉銘
傳撥兵扼紮北路要隘見在邊外望援甚亟不可不設法籌撥著
劉銘傳迅派大支勁旅由靖邊安邊一帶取道甯條梁馳赴纏金
扼要屯紮以保糧源定安俟劉銘傳派兵到後即飭富勒琿統帶
東華續錄 同治八十八 十
所部馬隊一千二百名取道烏喇特旗馳赴烏境助勦殺遠至烏
城道里若干有無臺站並繞道處所著定安迅即查明詳晰具奏
並繪圖呈覽錦丕勒多爾濟於援兵未到以前務當督率蒙兵妥
籌防勦仍將賊勢軍情隨時馳奏侍衛福全管帶神機營馬隊寬
嚴失當不洽眾情不得因向無劣蹟稍事姑容著撤去管帶官並
撤銷二品頂帶飭令回京當差以示懲儆將此由六百里各諭令
知之○諭曾璧光奏提督赴任分別籌辦軍務一摺提督周達武
接辦援黔軍務曾璧光擬俟該提督到黔接印後即令馳赴下游
與席寶田籌商機宜或進規凱里或由重安南渡以收夾擊之效
酌派提督林從太管帶兵練二千接防貴定總兵何雄輝帶領所
部由定番出期與劉士奇等軍分規都勻八寨所籌均尚妥協
即著崇實吳棠催令周達武刻期馳赴本任接辦下游軍務會同

楚首各營將梗化逆苗次第掃除以靖疆圉曾壁光此次所陳慮及下游各屬意見參差所見亦是著照所請周達武著幫同曾壁光辦理軍務該提督所帶原部兵勇及將來酌留唐炯等營文武各官即由周達武咨明崇實吳棠查覈奏報其林從太等防剿各營係屬黔省自募之軍其營制餉需即照曾壁光所議仍按該省舊章辦理該撫惟當力籌接濟毋令缺乏並檄令聯絡川楚援軍通力合作以壯聲勢經此次布置後崇實吳棠劉岷曾壁光務當分飭各營妥為防剿以竟全功毋再如前觀望致滋貽誤唐炯前致席寶田函內有川中月協黔餉五萬歸黔自辦聞黔中意甚欣然等語曾壁光謂當時並無此意唐炯之言因何而來必須各還根據著崇實吳棠飭令唐炯明白登復即行查覈具奏以懲虛誣嗣後該將軍督撫等總當力顧大局不得惑於浮言致軍務稍涉

東華續錄 同治八十八 十一

懇勁將此由五百里各諭令知之○諭文盛杜嘎爾奏遵飭察哈爾馬隊赴烏協勒杜嘎爾奏催齊各軍統帶前進張廷岳奏請飭催宣化大同官兵各一摺據文盛等奏稱察哈爾右翼馬隊五百名飭令達爾濟管帶先行起程左翼馬隊五百名接續進發並籌備駝隻等項俾利軍行所籌均尚周到著即飭達爾濟管帶該官兵剋日啟行相機進剿毋稍稽遲前疊諭都興阿等截留吉林黑龍江馬隊二千名歸杜嘎爾統帶何時可以到口著杜嘎爾迅催此項官兵到齊即行統帶前進刻下天氣嚴寒軍士遠道出征朝廷深為廬念該副都統務當妥為拊循勉以忠義沿途經過地方尤應認真約束毋任滋事庫倫需兵甚急前諭李鴻章飭王可陞管帶宣化練軍一千名前往庫倫協同防剿著該督飭令星速拔隊前行所調大同鎮兵一千名著何璟懷遵疊次諭旨迅即調撥

派委得力將弁管帶馳赴庫倫官兵早到一日人心早安一日不可稍涉延緩致誤戎機此項官兵到口時每起分撥二百名開日出口以期臺站應付一切較為便捷此次先後調撥官兵五千名需用駝隻甚多文盛等擬由商都等處調撥外由錫林郭勒十旗每旗借用駝三百隻著理藩院飛飭錫林郭勒盟長會同該都統等委員妥為辦理趕緊撥解以應要需馬隊臨敵衝鋒全賴得力馬匹著張廷岳阿爾塔什達轉飭喀爾喀等部落速撥騰壯馬三千匹先期解交庫倫妥為收放以便官兵到時應用藉資進剿惟喀爾喀等部所撥馬匹恐難如數著文盛於各馬羣內仍當寬為籌備以利進行近日烏城賊情若何張廷岳等隨時探明奏聞並著將籌辦情形知照錦丕勒多爾濟以壯聲援至大軍進剿兵食最關緊要口外均非產糧之區自應在察哈爾安設糧臺以資轉運惟該衙門差委之員著李鴻章即飭口北道酌派委員赴口設立糧臺所有征兵糧餉並採辦乾餒及需用軍火等項責成派出之員專司其應需銀兩並著李鴻章籌款撥給奏明辦理將此諭知理藩院並由六百里諭令李鴻章文盛杜嘎爾何璟張廷岳阿爾塔什達知之○撥部庫銀二十萬兩備察哈爾軍需○丁亥諭軍機大臣等蔣志章奏草地逆回竄入陝境兜剿獲勝見調官軍力顧河防劉銘傳奏迅速赴陝並渡黃情形各一摺懷遠逆回竄擾三道河等處經提督成鏡春等疊次擊敗其靖邊一股聞我軍獲勝即由貓兒灣陳里川逸去該逆復由懷遠後山竄至綏德之吳家山分擾清澗安定等處官軍截擊疊有斬擒著蔣志章督飭各軍實力搜捕將此股賊匪殲除淨盡務絕根株吳堡清澗延川延長宜川一帶濱近黃河見在冰橋凝沍處處可通亟應防賊偷

東華續錄 同治八十八 十二

渡而宜川之龍王迪尤關緊要蔣志章即檄飭王名滔等嚴密布
置防勒兼施以扼該逆竄晉之路何璟見已出省履勘河防著即
督飭在防各軍認真守禦毋令該匪闖入晉疆定安務於沿河一
帶勤加偵探遇有東竄之賊即派兵會合攔剿迅掃逆氛昨諭劉
銘傳迅派大支勁旅由靖邊安邊一帶取道甯條梁馳赴纏金扼
紫即著該提督兼程赴陝速行派隊扼守纏金以保糧源其餘邊
內邊外各要隘並著統籌全局擇要布置毋稍疏虞將此由五百
里各諭令知之○撥部庫銀六萬兩備神機營餉需○召李瀚章
入覲以郭柏蔭兼署湖廣總督由湖北巡撫著○已丑左宗棠奏十月初
五日官軍會破漢伯堡後是日金積堡逆回見西面各軍出隊以
爲營壘空虛午刻突出步賊千餘直撲長圍經提督閻定邦總兵
趙興隆督隊擊之斃賊數十名賊仍敗退我軍傷亡二十餘名雷
東華續錄 同治八十八 三

行慶運後膛洋礮及各開花礮列於東北劉錦棠督大隊護之既
成列各督丁揮鋤修壘堡賊依濠列隊見官軍勢盛未敢櫻鋒而
後膛礮數響之間即衝塌堞牆丈許賊眾驚懼縮入堡中時已薄
暮各軍令步兵稍休各派哨馬巡邏防賊夜遁十三日辰後王洪
堡賊以馬步千餘來援雷正縮黃鼎分兩路齊進槍礮連環刀矛
並舉殺賊二百餘名賊敗退追三里許而還王衍慶一面施放火
礮轟擊堡牆劉錦棠金運昌徐文秀各督隊放驟礮田雞礮震
時煙焰漫天衝塌附寨礮臺一座並寨牆五丈餘各軍奮撲壕邊
攀援直上堡賊輒石紛下壯士受傷登而復墜者數百名迄不得
上乃晝夜分伏壕中避之二更後堡賊放火焚巢突圍而出官軍
伏起斬賊目楊洪開楊十五於壕旁並殲悍賊約二三百其衝過
壕溝者各軍馬步隊四面遮截刀砍矛刺無一漏網堡中老弱婦
東華續錄 同治八十八 四

甄井堆子梁等處並有續來馬步賊千餘已到花定一帶河東陝
 回復由通昌通貴河邊竄過馬步賊二三千人分擾平羅等處既
 有賊蹤劉厚基成定康等軍何以不迎頭截擊平羅地方著左宗
 棠迅派勁兵進紮以清甯靈後路等因欽此仰見 聖慈垂念邊
 疆無微弗燭臣查九月間疊據延綏鎮總兵劉厚基呈稱據署波
 羅營參將張隆昇署懷遠縣知縣史柏會稟稱馬步匪數百由草
 地竄入懷遠附近村莊搶掠又據米懷接壤之馬胡峪麻地溝等
 處寨民稟稱有游氛時至滋擾劉厚基當即派總兵李作福向先
 甲帶隊馳往兜擊並檄總兵田玉廣率帶衛營移紮距米三十里
 鎮州堡就近接勦各有斬獲並據署延榆綏道成定康稟稱回逆
 百餘竄至入懷遠屬之油坊頭當派提督成鏡春副將張永貴等
 帶隊往勦斃回逆五六十名又有賊數百竄綏德之石灣當派提
 督彭緒所帶隊馳擊擒斬三十餘名據生擒賊供係於六七月內
 由金積各堡陸續竄出逃往草地東西奔走數月復竄內地覓食
 者又據報回逆二三百名竄至三道河李家灘等處又有五六百
 名竄至甄井堆子梁等處當派參將成必勝知縣馬謙臣等帶隊
 分起馳擊各有斬獲均經臣隨時批令確探嚴防相機追勦並檄
 知州龍錫慶率義勇副四營馳赴綏德一帶勦之旋據稟稱金積
 逆回被大軍痛勦勢極窮蹙時有零星小股由花定一帶下竄在
 瓦窯堡西北各州縣地方肆擾或二三百人一起或百數十人一
 起經該軍於綏德屬之宋家坪安定屬之新莊鎮等處疊獲小勝
 斬賊約二三百人亦經臣批令嚴加接勦務期淨絕根株九十兩
 月前後據署綏德州知州楊吉雲署靖邊縣知縣梁以恭署安定
 縣知縣江匯川等稟稱帶隊勦賊時有斬獲所報賊數統計縱多

不過數百名十月以後花馬池定邊等處未據報賊蹤東竄是陝
 西北山竄擾之賊實亦無多因其飄忽靡常故各處時有警報然
 合計各處官軍奚止數倍於賊臣已飭成定康嚴飭所部各營旗
 所轄各地方官飭限將餘氛兜勦掃除淨盡以靖邊圉大抵各州
 縣各軍營於賊來則以少報多賊去則以多報少錮習牢不可破
 至所稱探丁探役尤多捕風捉影之談不足為據即如春開陝回
 初次回竄陝西人馬實不過二三千而陝西各州縣所報竟多至
 數倍其明徵也仰蒙 聖慮周詳復派提督劉銘傳督辦陝西軍
 務劉銘傳本淮軍名將韜略夙優自當遵旨迅派得力隊伍扼紮
 陝甘交界處所足紓 聖主西顧之憂微臣與安定更可恃無
 恐矣至平羅地方距平涼千有餘里大河前橫聲息間隔河東陝
 回竄過之說臣至今未有所聞大約即九月十三夜竄出一股查
 東華續錄 同治八十八 六
 此股經劉錦棠等擊敗後逆首余彥祿受傷而斃其騎賊竄過河
 西聞已入河西王家驢賊巢即金順張曜所報禹彥祿馬長順一
 起禹彥祿當即余彥祿之訛然已伏誅矣其另一股由漢伯堡南
 竄經提督周紹濂署平慶涇道魏光燾疊次擊敗步賊實已無多
 逆首丁步月沙自元率騎賊數百與河州逆回及西山伏藏之靖
 遠會甯鹽茶廳各逆回會合南趨人馬約三四千之數將闌入張
 家川提督楊世俊等於隴城蓮花城大敗之此均金積未合鎖圍
 以前竄出者追金積鎖圍既合實無一賊竄出似陝回竄過平羅
 非指金積堡之陝回也惟臣前接署涼州鎮總兵王仁和呈錄賊
 供崔三禹得彥白彥虎等三逆由河州竄擾平番涼州後率其醜
 類直趨鎮番以地勢揣之可由草地犯平羅甯夏以圖解金積重
 圍而前敵各軍迄無報至或者賊之遲迴不前意在俟河水合凍

併力南趨臣已飛告金順張曜豫爲之備並函知金積諸軍又奏
臣疊奉寄諭垂詢烏魯木齊提督成祿近日所辦情形據實具奏
臣維成祿駐軍高臺與臣相距甚遠向例烏魯木齊提督雖歸總
督節制而成祿署銜欽差總統西路軍務事無鉅細均由其陳奏
請旨即應歸地方辦理事件亦不使督臣與聞外省奏事除密件
外拜發後即將摺彙咨行各處俾彼此共知成祿則必俟奉到批
回後始鈔彙咨送其拜發摺件每咨臣代發馳驛傳牌而所奏何
事臣不知也故疊奉諭旨查詢臣無憑陳覆成祿所部聞多四川
陝西勇丁秦俗強悍古已云然自逆回搆亂以來好勇尚氣之士
半就凋零兼之鴉片流毒漸染太深陝西與山西甘肅同一痼疾
此次軍興求驍桀於行列中百難得一更有何精壯勇丁堪以入
募西蜀當嘉慶年間名將輩出自頃啞嚙變成哥老會匪軍營傳
東華續錄 同治八十八 七

運省倉糧二千石以該軍勇數計之除營長礮夫外勇丁二千九
百餘名除軍糧外贏糧甚多堪以變充軍餉况張掖縣撫彝通判
高臺縣三處運省倉糧成祿均索取折價則又無須變價也成祿
於徵糧外復照糧攤捐致張掖撫彝高臺三廳縣民人聚眾滋事
幾釀異變經署甘州府知府祁之銓署撫彝廳通判王佳植彈壓
勸諭乃止而民間盼其出關冀可永不辦捐臣得甘州府稟報後
即飭藩司崇保臬司崇福委新授西甯府知府鄧承偉前往查辦
尚未接鄧承偉稟覆大抵成祿本無出關之志從前因詔旨嚴切
不敢有違又思藉出關爲名可奪取運省倉糧以充軍餉迫因派
捐苛急民情弗順勢難久駐高臺成祿亦不得不爲出關之行已
據高臺縣稟八月二十四二十六等日該軍前隊業已拔營
西上餘暫留高臺未知接奉暫緩前進諭旨後進止如何耳實則
東華續錄 同治八十八 十八

難期實效即如臣初入關時黃鼎以蜀人帶蜀勇正苦哥匪充斥
軍令難行具稟臣爲捕斬巨目數名乃始用命雷正綰此次復規
金積商請募蜀勇數營臣止勿募而以新募豫軍隸之可見蜀勇
亦非足恃也成祿堅求募川陝勇丁數千若不精選營哨之才恐
又蹈從前募川勇半途潰散故輒縱令安靜到營亦不能期其出
力可想而知成祿自稱該軍餉項積欠如許之多而復募川陝勇
丁十數營新餉又將安出石成器部勇索餉譁潰豈非前鑒此論
川陝勇之不可多募也就成祿一軍餉事言之所指各省協款向
歸該提督自行委員催取其多寡之數臣未與聞然未必有應手
巨款其所恃以爲糧者關外交敦玉三州縣京斗三萬石關內張
掖縣運省倉糧三千五百石撫彝通判運省倉糧二千石高臺縣

率二千餘兵勇出關不但旁觀者不以爲然即成祿亦固心知其
不可恃無如始迫於朝命不能不爲此請繼因復派捐糧幾至激
變又不能不爲此行以見在情形言之該軍前隊如已出關似可
併交景廉統領其留高臺餘隊或仍由成祿帶赴肅州一帶擇地
駐紮與署甘肅提督楊占鼐和衷共濟辦理屯田尙期穩妥楊占
鼐成祿雖彼此各有意見而其圖藉撫局敷衍目前則如出一轍
不敢齟齬也至金塔寺漢回構衅殺害署都司馬萬福一案據前
署肅州知州李元嘉稟馬萬福本投誠回弁自署都司以來貪恣
險戾無惡不作不但漢民恨之回亦恨之此次河西紅漢民聚眾
圍署將其槍斃良回亦爲稱快臣見飭西甯府知府鄧承偉於委
赴甘州之便就近前往察辦當易了結緣肅州一帶良回尙多易
於開導此時若遽派隊前往翻起回民猜疑或致滋生事端上

諭軍機大臣等甘省中北兩路官軍自攻克漢伯堡後雷正綰等
 接攻張家泉金家堡賊寨獲勝劉錦棠等復合力攻破楊明堡陣
 斬賊目楊洪開等多名正擬進攻王洪適涼州大股賊匪繞竄圖
 復金積恐馬家河灘各堡句引援賊遂先將該處各小堡及附近
 關莊一律掃除尚有兩大堡未下仍當趕緊攻拔俾援賊失所憑
 依期辦方易得手金積見已合圍各處匪股乘隙來援總當加意
 防範著左宗棠嚴飭前敵諸軍穩紮力攻以期掃穴擒渠毋稍鬆
 懈並分檄各路將士扼要堵擊毋任援賊竄近牽我兵力前竄米
 脂平羅股匪據左宗棠覆奏探報未確不足為據金積合圍實無
 一賊竄出十月以後花定等處未據報賊蹤東竄陝西北山竄賊
 竄亦無多等語近據蔣志章奏報草地逆回竄至綏德分擾清澗
 安定等處是竄陝之賊見尚陸續踵至著即飭令成定康等隨時
 東華續錄 同治八十八 九

兜勦力遏狂氛平羅地方見雖無兵可撥如遇有緊要軍情該大
 臣仍當妥籌兼顧竄入河西之禹彥祿等一起左宗棠奏禹彥祿
 即係余彥祿之訛前已傷斃何以金順前後奏報王瞳軍情尚有
 余彥祿在內著該大臣查明具奏左宗棠另片奏遵籌成祿出關
 事宜等語前因成祿已拔隊西行當諭該提督督軍駐紮關外不
 得輕率前進仍著成祿懷遵本月十一日諭旨擇要扼紮就近兼
 顧肅州該提督營餉積欠甚多且川陝各勇不能得力成祿著毋
 庸另募勇丁即就現有兵力力加整飭與提督楊占鰲和衷其濟
 遇賊即擊並辦理屯田事宜該軍口糧已准提用張掖等處運省
 倉糧成祿當體恤民艱不准再有勒索苛派等情致滋紛擾將此
 由六百里各諭令知之○諭金順奏北路防軍進剿踞匪暨陝回
 夜援王瞳另股乘夜南竄官軍先後截剿獲勝一摺余逆馬賊回

竄通昌一帶拏督劉廷等敗之於渠溝疇莊之賊復潛出糾合陝
 匪並馬家灘遁出匪眾內外合撲官軍卡壘各軍迎擊斃斬多名
 共竄踞王元橋迤東一股經托雲佈等擊散寨賊雖已勢蹙惟通
 昌一帶踞匪仍時出逆援牽掣官軍並據擒賊供稱有欲赴中衛
 阻擾河東各軍南路糧道等情亟應先行撲滅著金順會同張曜
 督飭各軍迅將此股逆援掃蕩並嚴堵該逆來路以免內外句結
 王瞳一寨日久盤踞金順雖屢報勝仗而該逆負隅如故援賊亦
 來往自如豈能即行得手金順務當會同張曜激勵將士迅拔堅
 巢毋再遷延貽誤至逆首禹彥祿本日據左宗棠奏報即係余彥
 祿前已傷斃是否即係一人著查明具奏將此由六百里諭令知
 之○左宗棠奏逆酋余彥祿餘黨從漢伯堡南竄一股馬步及逆
 眷共二千餘擾及半角城李旺堡一帶經周紹濂魏光燾陳湜疊
 東華續錄 同治八十八 十

戰獲勝步賊斬馘殆盡騎賊向會甯靜甯一帶亂竄臣前飭楊世
 俊李耀南豫於安定截之河州逆回馬阿渾等一股經楊世俊追
 剿獲勝已於十月二十日陳奏旋據各軍先後稟稱探得河州劉
 阿渾馬阿渾歸巢挑選悍黨併糾合前次石川山擊敗之賊馬步
 約二千餘由三家集渡洮出柳林溝一由大寨子渡渭而南一由
 站灘漫窪出好麥川而北十月十五日楊世俊等得報立率所部
 並督同安定防勇營官白高年帶隊出峽口截之黃昏馳抵該處
 賊正偷過我軍突出截賊兩段未過者向原路退敗已過者向嶺
 口北原而奔官軍分起追擊各五六十里擒斬百餘名五更收隊
 仍還峽口勇丁偵探該逆潛伏山巖數日莫知其蹤地僻人稀無
 從問訊楊世俊等遂返馬營監以待之二十日該逆偷竄靜甯西
 南九十里之蔡家堡地方與余彥祿敗黨逆目丁步月沙自元等

合股沿途旬結靖遠靜甯會甯等處零匪共三二千名駐靜甯州
 總兵譚賞謙聞警飛率所部馳往剿之慶戰兩日夜殺賊百餘名
 斃一紅衣賊目生擒十餘名卒以賊眾兵單致挫傷亡士卒二百
 餘名譚賞謙收隊還靜甯臣宗棠得報立飭總兵劉明燈殷華廷
 馬步兩營及臣宗棠親兵四哨由平原馳出靜甯並調陳湜駐固
 原之果勇三營七成隊及馬隊兩起繼進劉明燈等行抵靜甯該
 逆大股已望風而遁臣復飭陳湜所部暫駐靜甯飭劉明燈等率
 隊由靜甯前進二十六日賊竄通渭屬之蓮花城李耀南率所部
 會虎威左營馬隊宗岳軍信義兩營步隊并會靜甯防勇馳出擊
 之斬馘數百賊向秦安屬之蓮花城南趨楊世俊率所部馬步各
 營由通渭縣出任當川二十八日楊世俊李耀南等躡至蓮花城
 訶知賊眾腐集於邵家堡一帶距蓮花城僅二三十里二十九日
 東華續錄 同治八十八 三

五鼓出隊勦之該逆偵知官軍追至列隊抗拒另伏馬步賊數百
 於李家川常家岔冀圖鈔截楊世俊等登高瞥見揮馬隊從邵家
 堡張兩翼將伏賊先行擊潰率步軍直擣其中血戰十餘合賊猶
 死拒不退哨官副將蔣昌品中槍陣亡朱克仁魯開貴身受槍傷
 適馬隊從左右馳鈔出賊後合勢圍殺賊眾駭奔馬步各隊乘勝
 追之沿途斬賊七八百名屍骸枕藉川水為之不流賊之滾崖墜
 澗自相踐踏而死者復不下四五百人餘賊紛竄馬步官軍窮搜
 山谷斬馘又二百有奇是晚收隊隴城據生賊供此股由金積竄
 出疊經官軍擊敗餘黨與河州援賊合股商議同竄張家川頭目
 丁步月領員沙自元丁以全馮奇已於陣前伏誅馬阿渾劉阿渾
 及偽元帥伍老三沙成均已潛逃等語訊畢斬之閏十月初一日
 李耀南收隊回馬營監楊世俊等率隊出秦安追剿探得賊竄秦

東華續錄 同治八八

州屬西北六十里鹽河城初二日追及鹽河城賊已竄西和屬之
 崔家磨孫寺灘鐵鑪坡一帶楊世俊乘夜襲之二更後銜枚疾走
 直薄賊壘初三日黎明四路馬步齊集該逆尚酣眠未覺官軍驟
 至先將崔家磨之賊圍殺淨盡而孫寺灘鐵鑪坡一帶村莊之賊
 聞信率黨擁擁來援官軍隊伍如牆而進槍礮對轟斃悍賊數十
 哨官守備胡連陞中槍陣亡勇丁傷亡十餘名楊世俊督隊力戰
 賊勢仍卻官軍乘勝追之斃賊約四五百名餘賊向西和禮縣一
 帶四散狂奔復經漢中鎮總兵李輝武所部律勇前後兩營總兵
 邵永齡副將王光發迎勦於蔡家河地方斃賊數十餘賊數百名
 遁入南山一帶藏匿見飭各營搜勦得旨仍著左宗棠等飭令各
 軍實力搜勦務期淨絕根株○予甘肅陣亡副將蔣昌品祭葬世
 職○庚寅諭軍機大臣等御史李宏謨奏安徽廣德等州縣客民
 東華續錄 同治八十八 三

廣集劫奪頻聞強占田宅並造有會館私藏軍器動輒聚眾地方
 官並不嚴辦江浙與皖南毗連處所客民亦復不少恐彼此煽惑
 為患不可勝言請飭妥為籌辦等語東南各省兵燹之後地曠人
 稀各處遺散游勇所在盤踞欺壓良民乘機滋事若不豫為防範
 必致愈無忌憚著曾國藩張之萬英翰楊昌濬遴派明幹大員前
 往各該州縣認真體察情形分別良莠將安分守業之民量給荒
 田暫行耕種俾安生業其強橫不法之徒查明原籍遞回管束其
 實在無籍可歸者分別安置各州縣另編保甲收繳軍械責成該
 管道府隨時稽察儆敢滋生事端即行嚴拏懲辦以靖地方原片
 著摘鈔給閱看將此各諭令知之○辛卯命張兆棟等會勘張秋
 築隄事宜○是月錫綏直隸開州等八州縣被水新舊額賦雜課
 倉穀豐潤等七縣被水被旱新舊額賦倉穀晉州等四十三州縣

被擾節年額賦山東臨清等六十五州縣暨濟甯等四衛被水被旱被蟲新舊額賦雜課山西薩拉齊等五廳縣被水被旱被雹新舊額賦暨民借倉穀陝西吳堡縣被旱舊欠錢糧緩徵吉林甯古塔三姓琿春被旱新舊額賦安徽無為等十六州縣被水被旱被風被蟲新舊額賦賑直隸開州等四州縣被水災民

十一月壬辰朔諭奕榕等嚴緝吉林馬賊○癸巳命鄭敦謹赴江甯會鞠張汶詳獄尋定讞汶詳伏誅○丙申出使法國欽差大臣崇厚奏報馳抵廣東省城即於閏十月初十日放洋啟行報聞○丁酉諭軍機大臣等左宗棠穆圖善奏賊竄涼州鎮番派兵勦捕並續赴平番布置城防一摺甘肅古浪縣屬韓家莊堡有馬賊撲擾經副都統常明率隊擊退由裴家營東馬家磨溝竄出之賊復經都司尹天祥調營馳勦斃賊多名官兵撤出溝口被援賊圍裹

東華續錄 同治八十八 五

致副將謝元興等陣亡賊由土門擾及涼州圖攻郡城總兵王仁和督兵扼守賊向鎮番竄逸遊擊韓廷芝等各率兵勇迎擊斃賊甚夥餘賊奔往柳林湖一帶此股賊匪止有四五千名不難勦洗淨盡著左宗棠穆圖善嚴飭大靖土門各防軍會同涼州兵勇實力合勦務期一律芟除毋任延蔓至平番為蘭垣西路咽喉深慮柳林湖踞匪及西甯撤回河州踞逆分途旁犯穆圖善親赴平番督飭副將鍾本起等扼紮營壘分布守禦並著飭令在防各營嚴密堵遏力固省防毋稍疏懈將此由五百里各諭令知之○廣江西廣信府學額五名臨江四名南康一名龍南縣十名貴溪安義進賢各九名上猶八名峽江萬安各四名湖南耒陽二名四川成都一名○子甘肅陣亡副將謝元興祭葬世職○己亥詔各省嚴禁關卡吏役需索○申諭各省整頓捕務○庚子諭軍機大臣等

蘇鳳文奏越南夷匪滋事情形暨防堵柳慶邊境勦捕武緣等處伏莽各摺片越南賊匪襲踞滄台等處攻破木馬倉城及諒山夷省其貪班上巴通攜高平地方復有踞匪圖窺思陵等境匪勢如此狡獪自應派兵堵剿蘇鳳文見已派令知府姚茂田統帶選字四營馳出太平邊境協同徐延旭相機堵擊即著飭令該員等迅速嚴密扼剿毋令闖入內地以固疆圉廣東欽州轄境亦與該處毗連並著瑞麟李福泰一體嚴防免致匪徒侵軼吳亞終一股甫據蘇鳳文馮子材奏報全數蕩平越南地方安敷何以該處又有此巨股肆擾恐仍係吳亞終餘黨暗長潛滋該撫等因前報肅清此次遂託名於越南匪徒粉飾入告著蘇鳳文馮子材確切查明據實具奏不准稍涉回護一面檄飭徐延旭等會同夷兵合力兜擊務將此股賊匪悉數掃除馮子材本係辦理越南軍務尤不能

東華續錄 同治八十八 五

置身事外若以中國竄匪諉為該國本有之賊聽其蹂躪殊非矜恤小邦之意著蘇鳳文馮子材悉心商酌設法勦洗不得稍存諉卸黔省苗匪不時竄擾粵邊柳慶邊防甚形喫重見在苗匪又有蠢動之信該撫已添派林字兩營助防慶遠檄令黃才貴等移紮葛諒以固柳州一路著即嚴飭防軍及各該地方官認真防勦力行堅壁清野之法毋任該匪越境擄掠以遏賊氛武緣匪徒劉新城業已殲除積匪亦次第搜捕並將賓州廖八股匪巢穴攻毀惟南太泗鎮思恩等府距省較遠伏莽尤多仍著該撫飭屬分投勦洗庶免死灰復燃至桂林府所屬之永甯州三隍地方亦有積匪滋事雖已搵渠堵穴難保無零星逸匪四出逃匿並著蘇鳳文嚴飭該地方官實力搜捕毋任蔓延將此由五百里各諭令知之○召蘇鳳文入覲以李福泰署廣西巡撫瑞麟兼署廣東巡撫

督○辛丑諭軍機大臣等劉岷奏援黔湘軍疊破賊寨克復台拱廳城暨請飭川軍迅克清黃各摺片貴州苗匪屬集羊條各寨經提督龔繼昌率隊進剿疊克堅巢席寶田會督諸軍乘勝進拔三丙革夷等巢立將台拱廳城克復該城西南北三面賊壘以次鏖除期辦尚爲得手惟九股河深處數寨賊匪尙多高坡雞擺尾等處仍有賊寨數十梗於台拱清江古州之間見雖有番招登裸等寨來營乞降席寶田已派員分往撫定仍當將各處著名逆匪殲除淨盡方能剿撫兼施著劉岷檄飭席寶田迅將九股河之台生養開等寨次第削平即進軍將高坡等處苗寨分別剿辦以期清江台拱一律肅清所有先後克復各城必須將善後妥爲籌辦始能步步進剿劉岷仍當飭令各軍一面派隊將襄谷隴黃飄一帶迅圖剿洗周達武一軍計已入黔著崇實吳棠飭令該提督迅將東華續錄 同治八十八 五月

清黃剋期收復冀與楚軍聲勢聯絡麻哈都勻兩城爲逆苗仰食之地著曾璧光即派黔軍迅將該城收復扼要紮守遙爲楚軍聲援即以自固疆圍毋得專恃鄰兵意存諉卸將此由五百里各諭令知之○以湖南官軍克復貴州台拱廳城賞提督龔繼昌唐本有黃馬褂餘加銜升敘有差于陣亡參將宋兆雲等十三員祭葬世職加等○壬寅諭軍機大臣等張廷岳阿爾塔什達奏籌防事宜並繪圖呈覽賊蹤西竄請飭堵截喀爾喀駝隻驟難籌撥各摺片據奏接到錦丕勒多爾濟函稱探聞賊匪已於十月二十三日西竄仍回肅州並探聞該參贊大臣已回烏城等語此股賊匪撲陷烏城僅畱四日即行竄走口外地方遼闊難保不到處奔突見在賊蹤究往何處仍著張廷岳阿爾塔什達確探具奏宣化大同官兵已先後奏報起程張廷岳等置辦穹廬四百架所籌甚妥該

官兵到庫後仍應擇要分紮以固邊圍不得以匪蹤漸遠稍涉大意錦丕勒多爾濟自奏報烏城失守後迄今尙未續有奏報該參贊大臣既回烏城著即將該城將軍等下落及賊匪竄向何處詳細查明具奏並著將烏城所屬臺站趕緊整飭以通臺路其烏城所屬地勢並臺站道里仍著繪圖貼說詳悉奏聞見調赴烏城之兵有吉林黑龍江二千名察哈爾馬隊一千名又貢果爾帶察哈爾親軍馬隊二百五十名統歸杜嘎爾調遣到烏後著錦丕勒多爾濟會同杜嘎爾妥籌布置該參贊並應將所屬喀爾喀各盟蒙古官兵設法整頓隨時操練以固邊防賊匪雖有回竄肅州之信而沿邊各口皆可回竄著左宗棠穆圖善定安金順成祿於肅州甯夏及綏遠城一帶分投偵探遇有賊股陸續回竄即行派兵設法兜剿務須就地殄滅毋再任令竄出邊外致難辦轉形棘手烏東華續錄 同治八十八 五月

城之賊雖已退去或在附近地方暫時伏匿乘機仍肆竄擾亦未可定所有調赴烏庫之察哈爾吉林黑龍江馬隊及宣化大同官兵仍應迅速分別前往昨據李鴻章奏已派員籌設糧臺所有採辦糧食分給軍火及沿途轉運等事著李鴻章文盛杜嘎爾錦丕勒多爾濟張廷岳阿爾塔什達仍遵昨日諭旨分別妥籌具奏大同官兵所需糧餉軍火何璟亦當源源應付均毋任稍有缺乏定安前派參領貢果爾統帶察哈爾馬隊二百五十名赴哈爾尼敦推河一帶探蹤截剿刻下諒早起程此項馬隊本歸杜嘎爾調遣著即飭令與達爾濟所部合兵一處相機探剿毋稍遲延劉銘傳何日到陝著定安咨照該提督迅速撥兵前赴纏金屯紮其富勒理所部吉林黑龍江馬隊一千二百名暫緩起程仍紮原處會同防守聽候續有諭旨再行調往金順前請調撥喀爾喀駝隻據張

廷岳等奏見在籌辦征兵轉運駝隻已覺不敷實難再行籌撥等語金順需用駝隻前已由定安撥給二百五十隻見在喀爾喀既難籌解著金順咨商定安應如何通融應用之處妥籌辦理將此由六百里各諭令知之○乙巳諭軍機大臣等劉銘傳奏到陝日期暫難拔隊扼守纏金並請調李成先一軍仍歸北路各摺片前因烏城失陷當諭劉銘傳撥兵紮守纏金以便富勒琿統帶馬隊起程赴烏茲據奏稱纏金距陝較遠分兵不易轉運尤難請飭定安就近派隊扼守等語烏城窺匪據張廷岳等奏已於十月二十三日仍回肅州此時該提督兵勇既暫難撥赴纏金即著定安仍遵前旨令富勒琿照舊實力嚴防仍著劉銘傳俟後隊入關餉項軍火運到後派撥得力隊伍前往纏金節節進紮並將應防應剿處所與定安蔣志章隨時會商妥籌布置甯靈一帶賊匪見被官

東華續錄

同治八十八

五

軍圍剿勢已窮蹙難保不以蒙古為掠食之地劉銘傳請令駐紮潼關之李成先一軍調回北路所籌亦是即著李鶴年飭令李成先統率所部移赴北路照舊歸宋慶調遣以厚兵力劉銘傳於疏通北山後即駐兵定靖俟山西河防較鬆即咨商宋慶以包頭為老營會合定安馬隊為蒙古遊擊之師退賊東窺將此由五百里各諭令知之○丁未諭軍機大臣等兵部奏請飭各省督撫及各路統兵大臣依限咨報兵勇數目並請飭各省將兵丁數目按年題報各摺片同治元年十一月間曾經諭令各省督撫及各路統兵大臣將存營出師各兵數按限造報並將軍營徵調兵勇名數及隨時有無增減限三箇月咨報一次茲據兵部奏稱各省兵勇數目有始則按限咨報繼則並未依限造送或有咨報一二次後又不續報日有一次未報者其兵丁數目除湖北四川兩省依限

題報外其餘仍未按限題報屢經該部嚴催總未遵照辦理實屬任意玩延著各省督撫統兵大臣等奉到此旨後除以前未經造報兵勇各數無庸補報外即將見在所部兵勇數目仍按三箇月咨報一次以備稽覈備再視為具文即著兵部嚴參至已造報各處仍著依限報部毋得先後參差以昭覈實其各省兵丁數目並著該督撫按年造冊題報不得再有耽延至軍興以來舍兵用勇本係權宜之計而勇丁遣撤易滋事端流弊日甚若不將綠營及早整飭致國家費千百萬帑項養之於平日不能用之於臨時身任封疆者問心何安見在甘肅滇黔各省軍務未靖我君臣臥薪嘗膽正宜力圖自強以期有備無患著各省督撫將所管各營設法整頓限奉旨後六箇月將如何汰弱募強如何分日操練及各省可得有精銳士卒若干之處詳晰奏聞直隸天津江蘇上海

東華續錄

同治八十八

五

及劉銘傳軍營均練習槍隊隊步伐尚為整齊號令尚為嚴肅其教演之法著各該省自行咨取章程照辦總期實事求是變疲弱為精強不得空言粉飾以致有名無實年來各省督撫曾有裁兵增餉及酌調額兵訓練之奏然為政不在多言而在實力奉行若以一奏塞責日久又漸形廢弛甚非朝廷倚任疆臣之意也將此各諭令知之○諭張廷岳阿爾塔什達奏籌撥馬匹以備官兵騎乘並探聞賊匪情形各摺片據稱赴援烏城之兵若繞由庫倫蘇木壘站行走中途未免濡滯不如由賽爾烏蘇向西由推河直抵烏城較為便捷所籌尙合機宜張廷岳等見已札飭賽因諾顏部落盟長將推河以北至烏城十五臺趕緊設復著錦丕勒多爾濟一體札飭該盟長迅速辦理以通臺路賊匪尙在距烏城西南四五臺之雜普汗河地方盤踞此時援兵若能趕早前往正可出賊

不意擊其情歸達爾濟所帶察哈爾馬隊一千名計已起程著文盛杜嘎爾迅即飭令由賽爾烏蘇向西探蹤截剿毋稍遲延貢果爾所帶察哈爾馬隊二百五十名著定安飭令探明達爾濟行抵何處即行合隊進剿以資厚集張廷岳等所稱援兵出口若一路徑趨烏城轉向西南追剿一路由沙勒噶爾珠特推河向西北迎擊可期得手著杜嘎爾催齊吉林黑龍江馬隊統帶前進應如何與達爾濟分路進兵兩面夾擊之處妥商辦理張廷岳等咨調烏城所屬官廩馬匹三千著錦丕勒多爾濟飭令如數挑選解至推河一帶牧放以備官兵進剿之用庫倫所屬東兩部落籌備馬二千一百匹情殷報效著張廷岳等驗收後即行奏請獎敘以昭激勸宣化大同官兵行抵庫倫即著妥為布置以固邊防將此由六百里各諭令知之○戊申諭內閣福濟榮全奏回匪撲陷烏垣焚

東華續錄

同治八十八

元

掠遠颺自請治罪一摺據稱烏里雅蘇台於本年十月十九日突有賊匪千餘由東南西南山溝奔撲該城東西南三門經官軍擊退後賊仍抵死抗拒東溝復有續來賊隊數千蜂擁撲城四面放火蟻附而登城內城外官兵僅三百餘名力不能守賊匪遂肆焚掠於二十三日向西南竄出等語此次烏城被匪竄入福濟等既不能先事豫防臨時復不能力圖堵剿本當治以應得之罪姑念該城兵力甚單勢難堵禦向屬可原福濟榮全錦丕勒多爾濟均著革職留任以觀後效仍著督飭蒙古官兵及派往察哈爾吉林黑龍江等處馬隊迅將竄去賊匪悉數殲除毋畱餘孽○以兩江總督曾國藩充辦理通商事務大臣○庚戌左宗棠奏金積陝回餘黨會合河州援賊竄擾南路前經提督楊世俊等軍接仗大捷餘賊遁入南山邀習各處回眾人數漸增臣宗棠飭總兵劉明燈

蕭賞謙殷華廷等督隊冒雪披山周開錫復派虎威中右親左馬步等營會剿十月十旬賊竄徽兩一帶駐徽縣兩當之提督胡國珍總兵蕭德林奮擊斃賊數百敗賊擾及石家灘等處漢中鎮李輝武調知豫伏所部於陝甘交界之鐵鋸梁山待之十七日賊越嶺而東南至半山李輝武揮軍從溝旁突出將賊截為兩段賊棄驟馬翻山回竄李輝武縱兵追擊斬賊遂多生擒賊目趙福玉蘇咸喜官軍陣亡六名受傷三十名而已其後至之賊見前賊既敗遂改道北竄方賊之渡渭而東南也劉明燈與殷華廷蕭賞謙及虎威營親左營營官總兵田連考副將謝復雲參將胡達蕓等商議賊圖竄汧隴不必仍北趨清水縣之張家川以是處為撫回李得昌所居陝甘回民多倚寄其間足資容納也乃決計出清水趨長溝河度嶺而東先據隴境之若絲灣石莊子兩處扼險待之

東華續錄

同治八十八

三

比十八日馳抵若絲灣石莊子賊已竄至蘇家河矣距石莊僅三十里是夜三更劉明燈殷華廷蕭賞謙等由石莊子前進田連考謝復雲胡達蕓等及臣宗棠親兵四哨出隊由若絲灣前進十九日黎明會隊蘇家河賊方出谷南竄驟親軍威驚懼失措劉明燈等奮威衝殺斬賊三百餘名餘賊翻山越境而逃官軍連夜躡蹤追擊復殺賊百餘名二十日收隊回秦安餘賊東西紛竄見兵即逃復經總兵邵永齡副將王光發兩營由隴州西進截賊唐家河三角城等處斬賊二十餘名生擒六名陳湜所部三營及熊隆名馬隊由靜甯南進截賊喬家寨合水川等處斬賊五十餘名生擒四名總兵楊芳桂截賊安國鎮斬賊十餘名生擒二十六名其零星竄逸者臣等已嚴飭各營分途尋蹤掩捕并飭張家川已撫回民李得昌分別收輯矣又奏北路中路諸軍於金積堡鎖圍既合

之後各將領抽派隊伍會攻隔河中洲之馬家河灘各堡比將各堡寨圍莊一律攻拔惟餘一大堡一小堡逐日猛撲迄今月餘尙未攻克緣地居河洲堡牆數重均係沙土築成不似甄石堅土易於著手地雷炸礮已轟坍堡牆數處而賊處必死之地心力易齊隨坍隨補依然如故見據劉錦棠黃鼎等稟堡中悍賊死傷山積所餘悍賊不過數百名諸軍晝夜環攻計可迅圖蕪事而將領受傷者已數十員名壯士之肉薄仰攻者亡傷已千數百計矣所幸將士一心誓必滅此朝食而援賊迄無消息似未敢東嚮以抗顏行攻拔之期或當不遠至金積堡賊自鎖圍既合之後堡外能戰者不過千餘老幼婦女五六千皆飢餓垂斃臣遣撫定陝回劉秉信赴劉錦棠黃鼎營壕引之出圍拔出二百餘名嗣是投出者絡繹不絕其壯丁甚有涕泣號救不得引領以待就戮者十三營回

東華續錄 同治八十八

三

日馬壽清即普弭馬阿洪率其眷口投營臣已飭安插平涼矣前甯夏縣知縣彭慶章於同治四年陷入城中爲首逆馬化澂謀主見亦投入金運昌營臣飭提解平涼訊辦據生擒賊供堡內甘回守堡打仗者馬化澂每日每名給錢二千五百文僅能易麪一斤人多餓斃似賊中糧亦垂罄矣一俟馬家灘攻克諸軍當會攻王洪堡以圖金積 上諭軍機大臣等金積堡陝回餘黨會合河州援賊由三甲集渡洮河窺擾柳林溝等處經官軍分投進攻斬賊甚多其渡渭而南之賊復經官兵躡蹤截擊殲除殆盡期辦尙爲得手在事出力員弁准由左宗棠擇尤彙案保奏以示鼓勵其零星竄逸之匪著左宗棠督飭各營分途接捕毋令死灰復燃蔣志章亦當會同劉銘傳檄飭各軍嚴密堵禦毋任闖入陝疆左宗棠一面飭令張家川已撫回民李得昌分別收輯以孤賊勢金積堡

合圍後逆情日形窮蹙著左宗棠嚴飭劉錦棠黃鼎等迅將馬家灘剋期攻拔以便各軍節節掃蕩會攻王洪堡以圖金積老巢爲堵穴擒渠之計至投出回匪絡繹不絕回目馬壽清亦率眷投營左宗棠已飭安插平涼惟該回眾是否真心反正尙未可知左宗棠務當隨時察看加意防維毋爲回眾所紿前甯夏縣知縣彭慶章甘心從逆爲馬化澂謀主見仍投入金運昌營著左宗棠即飭將彭慶章解赴平涼嚴行訊辦毋稍寬縱將此由六百里各諭令知之○以甘肅總兵官周東興侵冒賑糧命於軍前正法○辛亥諭臣工力戒因循○甲寅督辦陝西軍務劉銘傳奏分撥隊伍扼要設防得旨著即督飭各隊認真防堵毋稍疏懈北山伏莽尙多並著派得力隊伍實力接勦纏金一帶仍遵前旨派勇前往扼紮以厚兵力○乙卯諭軍機大臣等都與阿等奏查勘邊地情形一

東華續錄 同治八十八

三

摺據稱鳳巖二門邊地經該將軍等於本年十月間委員前往查勘接連春季所丈地界向東北一帶查辦續查出坐落多處已墾熟地十四萬餘畝見值天寒雪凍難以查丈各委員暫行回省請俟來歲春融再行接辦等語鳳巖邊地亟應趕緊勘定豈可年復一年耽延時日著都興阿額勒和布德椿於明春雪消時飭催該委員等趕緊出邊迅將鳳巖二邊切實通查完竣並將春開查丈後被水衝淹地畝一併迅速查勘詳報不准稍事延宕將此各諭令知之○諭周達武奏籌議勘辦情形一摺前因唐炯一軍裁撤諭令貴州提督周達武迅速赴任接辦軍務見在該提督已抵貴州據稱所部兵勇僅五千九百人益以挑募唐炯舊部擬暫駐平壤然後整頓黔師次第肅清定廣等處會合楚師進擊等語即著曾璧光周達武飭令帶兵各員認真扼守烏江北岸毋使苗匪得

擾邊義府屬侵軼川邊以顧省北大道一面整頓黔師先清定廣
俟省門無警再由龍貴平糶兩路規取都勻以次由凱里八寨會
同楚師協力進剿至所請添募兵勇一節即著周達武與曾璧光
妥為籌畫該提督在川日久有無可調之兵諒所深悉或楚省勇
丁可以招募均著周達武分別咨商以助攻剿迅將黔省軍務認
真整頓力除積習該提督以川省月協餉銀五萬八千兩一經添
軍不敷支放懇請寬籌餉項著戶部將各省協餉需先行分催
撥解俟曾璧光等商定添兵若干再行寬為籌撥俾濟要需將此
由五百里諭知崇實吳棠劉岷曾璧光並傳諭周達武知之○丙
辰飭江浙兩省撥銀三十九萬餘兩織辦大婚綵絢○丁巳諭
軍機大臣等左宗棠穆圖善奏鎮番肅清附省兵團剿賊獲勝左
宗棠豫師派員統軍彈壓及籌布後路防剿事宜各一摺鎮番
東華續錄 同治八十八 三

以杜西甯回眾由米拉三溝竄出之路先派總兵黃武賢馳赴威
遠堡整頓各營西碾平番近既安靖豫師當懷遵前旨馳赴本任
會同黃武賢認真籌辦以重職守米拉溝窩藏陝回萬餘據豫師
奏已分股竄赴甘涼一路著左宗棠穆圖善檄令甘涼防兵探明
痛剿就地殲除毋留餘孽將此由五百里各諭令知之○戊午諭
軍機大臣等錦丕勒多爾濟奏擬帶蒙兵出境駐紮並請調員差
委簡員管理孳生廠臺站事務文盛杜嘎爾奏遵飭馬隊陸續起
程各摺片前因烏城被賊撲陷諭令錦丕勒多爾濟調集蒙兵力
圖進剿見在賊既退竄烏城商民漸集彈壓撫綏均關緊要錦丕
勒多爾濟自應在城會同福濟榮全籌辦一切以定人心著即折
回烏城毋庸出境駐紮據奏賊向西南退去已過扎薩克圖汗部
落刻下賊蹤究往何處仍著福濟等確切偵探具奏錦丕勒多爾
濟既回烏城所請調幫辦章京首得泰筆帖式成惠哈達哈三員
如有應行差委之處即著會商福濟等酌量調派其孳生廠及哈
爾哈臺站事務緊要著派多布欽扎木楚桑噶西哩一併幫同錦
丕勒多爾濟辦理此時內地援軍進發豫備駝馬整頓臺站均係
刻不可緩仍著責成錦丕勒多爾濟會同籌辦不得以幫辦有人
稍涉推諉文盛等見已飛咨達爾濟由賽爾烏蘇轉西前進察哈
爾後起馬隊及貢果爾所部馬隊亦已定期起程著即催令迅速
邁行黑龍江馬隊既經陸續抵宣即著趕給駝隻飭令先行進發
其宣大步隊即飭隨後啟行並著杜嘎爾催齊吉林馬隊剋期統
帶前往毋稍延緩推河迤北臺站著福濟等懷遵前旨趕緊設復
並寬備駝馬及蒙古包薪水等項以便沿途支應援兵不至稍有
阻滯福濟等俟援軍到後著即會商布置探明賊蹤相機防剿並

派熟悉道路之嚮導官兵一同前進以資得力將此由六百里各諭令知之○已未諭軍機大臣等崇實吳棠奏通籌黔省全局事宜一摺據稱黔省軍務宜懲前此之失先清上游股匪改從都勻進兵若遽令周達武馳赴下游必致孤立無援等語昨因周達武馳赴貴州籌辦進剿並請添募兵勇當經諭令該提督與曾璧光妥為籌畫貴州軍務日久未見起色曾璧光周達武亟應設法整頓和衷商辦期於實事求是豈可各存意見即著該撫等按照崇實等所奏及貴州見在情形悉心籌畫妥為布置以期迅掃賊氛早除民害儻因彼此意見兩歧致日久無功賊勢張益甚恐曾璧光周達武不能當此重咎也將此由五百里諭知崇實吳棠曾璧光並傳諭周達武知之○庚申諭軍機大臣等何瑄奏探悉南北兩路軍情一摺據稱接據防堵奇台龍口山勇目邵生玉稟報

東華續錄

同治八十八

五

南疆安集延率眾圍攻吐魯番屢將烏魯木齊赴援之賊擊敗並據烏魯木齊南山圍練勇目徐學功稟報聚集民勇千餘與賊接仗連勝擒斬逆首多名山後安集延酋長呼什伯克帶領所部回眾圍困番城聲稱投誠報效徐學功已帶勇丁赴番會勦稟請大軍西征擬調孔才一營前赴奇古俟成祿出關即當親自帶兵會同進剿收復各城等語回逆叛亂以來烏魯木齊各城久未收復若如何瑄所奏是該逆已疊受團勇懲創吐魯番又被安集延圍攻機會大有可乘惟此等軍情何以不與伊勒屯列銜具奏至安集延酋長投誠報效事難遽信恐係該回族等變觸相爭欲借大兵自圖報復即如妥得璘投誠之說至今未得確耗豈可輕率聽信致為所紿著文麟景廉伊勒屯確切查明如果各城賊勢窮蹙逆黨內訌自屬機有可乘即著確實偵探悉心酌度會商何瑄妥

為籌辦何瑄仍不准單銜具奏以符體制孔才一營能否調赴奇古駐紮著文麟景廉酌情形知照伊勒屯何瑄辦理將此由五百里諭知文麟景廉伊勒屯並傳諭何瑄知之○諭曾國藩等勸修蘇松水利○飭戶部籌撥科布多軍餉○是月調緩浙江海甯等六十二州縣暨岳州衛被水本年額賦緩徵兩淮富安等十四場被水錢糧

十二月癸亥予湖南陣亡知縣魏承祝等建祠○甲子諭東河總督嚴禁河工偷減侵蝕諸弊○丁卯諭軍機大臣等金順奏官軍攻勦情形一摺王家疃踞匪疊經官軍痛勦外援已絕復經金順會同張曜督飭各軍攻破外濠賊壘並先後開挖地道多處轟倒礮樓寨牆殲賊多名惟因寨牆之內復有寨牆阻隔賊得憑牆拒守我軍攻撲數次未能迅克著金順會商張曜督令各營奮力進攻迅將王家疃莊賊巢剋期攻破不得遷延粉飾日久無功當此長圍已合金順等尤當嚴密防範毋任賊眾乘間竄逸甯夏城防亦應相機布置沙金托海一帶為糧運要路著即咨照劉廷協力防護毋令匪蹤滋擾將此由五百里諭令知之○予甘肅陣亡副將丁德西等祭葬世職○已已諭軍機大臣等定安奏毅軍會擊回匪連獲勝仗一摺陝回余彥祿等眾踞匿通昌騎賊竄及保豐一帶經提督劉廷派隊馳擊擒斬多名該提督即會同金順所部各軍進剿通昌連獲勝仗見因各隊裹糧將完統軍暫回石觜此次余逆等眾雖經官軍擊敗仍未大受懲創通昌踞匪尚有二千餘人難保不乘虛竄擾石觜為各軍屯糧之所尤關緊要著定安飭令劉廷一面將石觜磴口平羅等處嚴密防守以通糧運一面

東華續錄

同治八十八

五

勤加偵探遇賊即擊務將此股賊匪悉數殲除毋留餘孽將此由五百里諭令知之○諭本年十月間突有賊匪四千餘名撲陷烏里雅蘇臺據張廷岳等探明係屬肅州回股該匪徒見已沿途飽掠仍回肅州若不將醜類悉數殲除大為沿邊之患臺站遼闊賊蹤來去自如本年春夏間時有零股竄擾察哈爾庫倫烏里雅蘇臺之事至冬間竟成大股竄陷烏城是肅回出邊滋事者實繁有徒肅州一帶賊巢正復不少成祿辦理肅州軍務未能一律肅清以致匪徒充斥蹂躪地方亟應趁此賊股回巢痛加剿洗及早鏟除儻任伏莽潛藏乘隙再逞必又掣動內地兵力成祿本令暫駐關外就近兼顧肅州著即振刷精神迅將該處賊巢掃除淨盡務絕根株左宗棠亦當統籌全局撥兵會剿不准稍存膜視再據張廷岳等奏探聞有賊千餘在烏喇特地方游弋圖擾甯夏糧道並

東華續錄

同治八十八

三

著左宗棠隨時知照定安金順勤加偵探妥為防範將此由五百里各諭令知之○允張廷岳等奏於察哈爾烏里雅蘇臺所屬設立轉運糧臺○庚午諭內閣浙江學政徐樹銘奏採訪儒修各摺片覽其所奏請將已革翰林院編修俞樾賞還原銜交翰林院帶領引見聽候錄用署秀水縣學教諭譚廷獻等飭部即選特予召試秀水縣舉人趙銘並江西拔貢生楊希閔等均比照博學宏詞及拔貢優貢朝考之例特予廷試各等語實堪詫異俞樾前於咸豐年間在河南學政任內因出題割裂荒謬已極奉旨革職之員何得擅請錄用至召試博學宏詞必須特旨舉行即拔貢優貢朝考之例亦係國家定制非平空所能比擬徐樹銘輒為俞樾乞恩意存嘗試並臚舉多人遽請特予廷試實屬私心自用謬妄糊塗所請均不准行徐樹銘著交部嚴加議處尋議降四級調用不

東華續錄 同治八八

准抵銷從之○辛未諭軍機大臣等劉嶽昭岑毓英奏攻克鄧川滇穹兩城並馬如龍傷痊進兵各摺片鄧川滇穹兩城久為賊踞經劉嶽昭等派令總兵楊玉科督兵進剿先將滇穹縣城攻克旋即分兵進攻鄧川立時克復並先後攻拔鳳羽白米莊長邑村鍊鐵橋後各賊巢擒斬甚多勦辦尚為得手楊玉科裹創力戰實屬奮勉可嘉見在大理北路業已肅清賊勢愈孤著劉嶽昭岑毓英飭令該總兵將收復地方分兵固守毋稍疏虞一面相度機宜穩慎進取並著飭令李維述等合力攻剿以期擣穴擒渠早除巨患馬如龍傷疾已痊見擬出省勦賊具見任事勇往著劉嶽昭等趕緊給餉項俾得剋日起程將東溝等處賊巢迅籌掃蕩前據劉嶽昭等奏滇江業已合圍近日攻剿情形若何即飭岑毓英等力圖攻克毋稍遲延將此由六百里各諭令知之○壬申諭軍機大

東華續錄

同治八十八

三

臣等成祿奏大隊暫駐高臺聽候諭旨暨甘涼賊股亟須勦辦山丹縣城被賊竄擾各摺片成祿所部頭起三營出關後始接據左宗棠來咨因將後隊暫停候旨刻下肅州一帶伏莽尚多必須悉數殲除免致延蔓成祿後隊既紮高臺正可督率各營就近搜捕著懍遵本月初八日諭旨將肅州賊巢痛加剿洗盡絕根株涼州所屬之鎮番及甘郡城下均有賊股屯聚山丹高臺兩縣復有匪蹤尤須懍以兵力成祿後隊著即駐紮高臺將關內附近地方隨時防剿以遏狂氛其頭起三營業已出關應否折回或在關外分紮著成祿妥為調度至張掖等處運省倉糧前已准成祿提用著左宗棠飭令該地方官源源運濟毋令缺乏甘涼兩郡賊股已不下二三萬若不及早掃除必致四出為患著左宗棠迅即撥兵前赴甘涼一帶探蹤追剿以期西路肅清成祿請調吉林黑龍江

三七九

馬隊交常順統帶赴營前已未允所請仍著毋庸置議山丹被賊
 闖入何以楊占鼇派防兵勇次日始入城堵剿署知縣張秉恬及
 署提督楊占鼇貽誤情形著左宗棠查明具奏署遊擊孫啟後拒
 賊身死並其餘各員下落著一併查奏原片著鈔給左宗棠閱看
 成祿另片奏請赴海疆效力此時津案業經辦結所請著毋庸議
 將此由五百里各諭令知之○予山東殉難州同周洛書等建祠
 ○癸酉命錦丕勒多爾濟整頓蒙古官兵赴烏城扼防○丙子諭
 軍機大臣等戶部總理各國事務衙門奏廣東徵收洋藥正稅請
 飭自行覈實辦理一摺據稱接據赫德申稱香澳併徵洋藥正稅
 粵省既不承辦該省洋藥稅走私甚多擬在附近香澳等處設立
 公所代關納稅已將巡查洋稅之輪船調赴廣東委副稅務司專
 司其事每月需經費銀一萬兩年終計可多徵洋藥稅銀四五十
 萬兩等語廣東洋藥稅偷漏甚多該省雖派有輪船查緝甚不足
 恃若謂徵稅不便於商情何以赫德獨能辦理使瑞麟等果能興
 利除弊則稅務自日有起色何至洋人越俎代謀據該稅務司所
 稱每年多徵之數可至四五十萬是已確有把握惟華商納稅係
 該省應辦事件地方官吏豈可置身事外著瑞麟崇禮按照赫德
 原申各節及戶部等衙門此次所奏即於收釐處所帶收正稅由
 該督等自行商辦總在巡緝認真嚴防偷漏毋得任令委員蒙混
 以除從前積弊月需經費銀兩准由該督等自行覈定正稅按三
 十兩之數徵收仍於年終將總數報部惟利源所在見如自行商
 辦必實無走私偷漏情弊方為覈實辦公不至為洋人竊笑該督
 等務即詳定章程斟酌妥辦不得稍事顛預亦不准稍涉推諉原
 摺著鈔給閱看將此由五百里諭知瑞麟並傳諭崇禮知之○諭

文盛杜嘎爾奏達爾濟一軍行抵賽爾烏蘇阻滯不能前進一摺
 據稱達爾濟一軍見已行抵賽爾烏蘇惟查推河等處臺站官兵
 寥寥無幾駝馬帳房等項數亦無多且管理五臺之台吉吹扎普
 等被警後迄未歸臺拜達拉克等十臺亦被賊擾又無駝房哈爾
 尼敦起至沙抄嘎勒卓特臺雖未被擾而積雪深厚生畜疲瘦大
 兵不能前進見飭該總管暫在賽爾烏蘇池西各臺分隊駐紮豫
 備進發等語推河以北潰散各臺疊經諭令福濟等趕緊設復以
 利師行乃為日已久而臺站仍未整頓實屬因循疲玩塞外風雪
 嚴寒糧食稀少儻分紮各軍因天寒餉缺或有譁潰之虞福濟等
 豈能當此重咎耶即著該將軍等迅將哈爾尼敦等二十臺站應
 備駝隻薪水蒙古包等項無分晝夜趕緊一律豫備妥協並將援
 兵乘騎派員解赴經過各臺俾大軍得以進行不至阻滯毋得再
 有遲延自干罪戾文盛杜嘎爾仍當督飭達爾濟約束拊循設法
 相機前進並催後起各隊接續進發毋稍觀望前竄烏城賊匪首
 逆係何名姓見在究竄何處並著福濟等查明據實具奏將此由
 六百里各諭令知之○丁丑申諭整頓京城捕務○浙江巡撫楊
 昌濬奏浙省來歲新漕酌擬海運章程十四條一委員分辦以專
 責成一新漕仍由上海受兌放洋白糧仍循案裝盛麻袋首先運
 滬一寬備海運商船並由蘇多撥沙船移浙濟用一經耗等米仍
 照數支給商耗飭帶本包並餘耗申糙等米搭運交倉一增給天
 津剝船耗米以彌虧欠一津通經費照案備帶暨羨等款仍按數
 抵解一商船准帶礮械並由商捐輪船護運仍責成沿海水師實
 力巡防一天津交米之後循舊責成經紀續到米船仍由天津道
 驗收一循案加增海運經費一米船到津應多添排數寬備剝船

東華續錄

同治八十八

五

東華續錄

同治八十八

四

一商船水脚等項照案覈給並二成免稅酌定賞罰一商船二成免稅之貨仍以米石計斤並船案跨帶竹木照案免稅一商船同空裝貨仍照向章免稅一米船抵津交卸嚴禁經紀斛斗刺船需索浮費下部知之○己卯左宗棠奏馬家河灘之賊經各軍更番痛剿劉錦棠等復增築礮臺偏之賊於堡內穴地而出夜襲礮臺又經提督蕭章開何作霖徐占彪等殲之臺下堡賊窘急乞降然令其繳械毀堡則仍疑懼不決閏十月二十二日據劉秉信引出之賊供稱陝回飢困日甚羣思冒險竄遁見官軍方聚攻馬家河灘金積東北壕牆之守必虛圖於夜間猛撲突圍而出劉錦棠黃鼎雷正縮金運昌徐文秀等會商初更抽隊潛伏牆內靜以待之夜半月上賊二三千由堡根潛趨東北直抵壕邊見牆上更鼓稀疏人語靜悄乃越壕攀堞而上官軍槍礮齊施開壁縱擊斃賊無數賊敗歸巢黃鼎雷正縮徐文秀等復截之半途計其斬賊近千名生擒二十餘名訊稱陝回馬大司已陣斃馬化澂之死黨譚生成受槍子傷甚重劉錦棠旋於金積東門外槍斃兩壘併築礮臺俯瞰賊巢黃鼎復擬抽隊偪紫西門賊益恟懼不知所為嗣是堡內堡外老弱婦女日詣劉秉信所駐壕外號呼救命慘不忍聞詢知賊中惟馬化澂親屬及其死黨尚有存糧陝回之能戰及堡賊之守堞者日給糧一斤近亦漸減此外皆以黍藎草根雜牛皮死屍爲食首逆陳林情急因劉秉信求降於官軍劉錦棠黃鼎雷正縮徐文秀姑漫應之十一月初十日陳林聞與春于兆林馬振江金明堂馬化澂黑清全等挈老弱婦女八千餘赴黃鼎雷正縮營外長壕跪求收撫自言易子析骸逃生無處之慘聲淚俱下且言官軍如准收撫餘眾該頭目等死亦甘心劉錦棠黃鼎雷正縮徐

東華續錄 同治八八

文秀等數其罪孽令悉數呈繳馬械聽候轉稟撥其男丁分起安置各營婦女則安置外壕之外給以賑糧聽候安插馬化澂見官軍已撫陳林等遂求陳林轉稟願撥馬家河灘糧三百石給壕外婦女求撤馬家河灘之圍劉錦棠等許之責令速繳馬械即日自平堡牆聽令比因收繳馬械入堡檢視見堡內之馬已悉數轟斃殘賊穴地而居以死馬雜衣被毡絮器物填塞轟坍各口遮抵槍礮堡賊四五千存者不過千餘精壯者不過數百然皆身無完膚也仍令暫居故處十五日馬化澂復求陳林轉稟請平王洪堡堡目王洪前已伏誅回民馬三仲王朋等自毀其堡以堡眾降劉錦棠收其馬械亦令仍居故處馬化澂料就撫之必可無他也十六日親身赴劉錦棠營壕外伏地叩頭令隨行一人踰橋遞呈具言罪民所犯情罪自知不赦叩懇施恩如蒙念族眾無辜者多轉稟東華續錄 同治八十八 聖

曲宥僅以罪民一人抵罪死無所憾劉錦棠令開壁納之一面馳告雷正縮黃鼎雷金運昌徐文秀王衍慶等會商所以處之者諸將士怒其久抗顏行羣思縛而磔之以報私仇而雪公憤雷正縮黃鼎雷諭再三定議飛稟請示劉錦棠即實馬化澂於幕旁派弁監護之一面飭馬化澂速繳槍礮畜械壯丁不許持寸鐵自平堡寨牆垣地上不許畱坯土開造戶口名冊候示遵辦二十一日臣接來牘再四籌維西陲之不靖於今九年關隴諸回率視金積爲嚮背其狡謀兇狡實異尋常馬化澂非窮蹙至極必不輕冒鋒鏑以求生今既隻身來投並非誘致則操縱在我因而誅之不可謂武且馬化澂乞撫之詞顯欲一身塞咎市德諸回爲要結人心之計因而誅之亦且墮其術中比即於來牘批示令馬化澂本堡馬械繳盡牆垣毀盡接辦河西王家疇通昌通貴各堡撫局再辦河州

三八一

西甯撫局如皆盡繳馬械盡平堡寨撫局有成再當具奏請旨陝
回陳林就撫後前竄河西余彥祿一股聞風而至盡繳馬械乞撫
劉錦棠等點驗人數約有千餘亦令造冊聽候安插余彥祿前此
帶傷未死驗視兩頰洞穿舌爛音澀亦垂斃矣統計陝回男婦大
小共一萬一千有奇老弱婦女九千名除馬長順一股數十名因
其眷口為宋軍俘獲見尚雷昌貴二堡尋覓眷口外餘均分三起
解赴平涼聽候安插自此甯靈一帶無陝回蹤迹矣臣前於平涼
縣大岔溝那家溝北原安插陝回戶口數千給以賑種其餘荒絕
地畝雖多然不成片段又平涼係入甘肅大道居關隴之中北達
甯夏南通秦鳳東連涇原邠甯西趨金城湟中形勢最要不宜多
居種人勘得平涼華亭交界之化平川寬六七里長三十餘里窯
洞三百餘兼有破屋土沃水甘人迹斷絕可安插萬餘丁口近挑

東華續錄

同治八十八

聖

已撫回民稍壯者百名裹糧前往稍加修葺俟各起回民解到即
量地居之給以賑糧種子牛驟農器督其耕墾所有建置經界規
制禁令容臣就近察辦隨時陳奏其金積堡繳到馬械尚未據劉
錦棠等冊報前來堡樓堞口均已平毀惟聞堡身堅厚異常兼值
冰凝土凍程功未能迅速其散遣安插遷徙善後各事宜雖皆豫
定規模而先後緩急之間審幾致決未可稍涉疏略臣軍總理營
務布政使銜已革山西按察使陳澍臆智夙優兼有閱歷一切機
要臣與密商均能體會臣已委其前赴金積堡會同劉錦棠黃鼎
等妥為籌畫以冀萬全又奏關隴安危機括在金積金積克全局
已在掌中兒在首逆就擒勒其繳械平堡而官軍鎖圍如故臣且
時時申儆嚴禁撥掠嚴防鬆懈者慮其因勝而驕功敗垂成也馬
化澂稔惡三世謀逆已久蓄機甚深縱有後效不蔽前辜暫若從

寬必滋後患臣早知為國家必討之賊而此時議暫緩其誅者王
家瞳堡牆高厚存糧極多非猛攻所可驟得金積既克其勢已孤
以馬化澂徇之宜可速下若先誅馬化澂回酋或懷疑懼必滯戎
機王家瞳一下通昌通貴自更無難料理至河州賊首馬占鼉早
有就撫之意西甯賊首馬尒三自援金積敗歸後已略識兵威無
能為患尚非所急耳大約金積堡城平毀後宜先圖王家瞳王家
瞳撫定後馬化澂及其父子兄弟親屬夥黨重者誅夷輕者遷徙
乃收全功至馬化澂所以公為戎首者以新教惑眾斂錢以貿易
經營致富又據金積堡膏腴之地侵占漢民產業富甲一方故蘊
利生孽也臣見飭諸統領俟平毀堡城後凡馬化澂父子兄弟親
屬財產均勒令悉數充公以之頒賞將士賑撫地方庶幾天理得
人心順而國法亦伸矣又聞該逆於北省各口開設店舖分布夥

東華續錄

同治八十八

聖

友領本營運藉以探聽衙門消息交結回民洋商尤為可駭臣自
燕齊返旆而西張曜自豫入晉各省回商皆馳報陝回金積堡此
其明徵臣擬俟諸務就緒後次第奏明辦理又奏總兵范銘所部
多係河州狄道士著民人回亂以來流徙洮岷一帶歸總兵范銘
統領甘肅所稱黑頭勇者也成軍之初既未釐定營制又未限以
額數不但老弱羸雜其間婦女親屬亦隨同聚處一人充當勇丁
一戶即藉以坐食始而派捐繼而按索民間不勝其擾而該軍勇
丁仍苦一飽無時臣入關之初聞其能戰而騷擾特甚竊計不過
與粵東惠潮勇丁習氣相同初不料其似此之甚也上年冬間范
銘赴臣營求餉臣面詢情形深用詫異夫餉以養兵賑以救荒兩
者本不相涉今藉餉以養災民並災民以充兵勇何以收餉節兵
精之效况甘餉艱絀已極兵勇宜減不宜增賑務不可為常百姓

宜歸隴畝無依傍營壘長爲乞丐之理當以此意諭知范銘令其速歸整頓挑選壯丁編成五百人一營約以數營爲度其餘則令安插墾荒由官給與賑糧籽種以規久遠時周開錫甫到臣營臣卽令向范銘詳爲開導酌給餉銀令其遵照辦理詎范銘爲所部蠱惑遲疑不決周開錫自抵甘南范銘迄不將該軍確數告知本年五月范銘所部守備何建威始於該軍內分出步隊五營馬隊一旗詣周開錫點驗周開錫立爲建字營隨同涼州鎮總兵傅先宗收復渭源狄道出力臣已隨摺請保何建威以遊擊補用以示優異冀范銘之有所觀感也旋據范銘稟知周開錫尙有正勇八營餘眾九營由岷州移紮南關坪每月按八營率取鹽菜按十七營支取口糧周開錫以狄道迤東一帶空虚令將餘眾分紮范銘迄不遵照分紮又因其浮冒口糧令造冊點驗亦迄不遵照造冊點驗周開錫乃歷數其延誤違抗諸事實之范銘始親赴鞏昌周開錫軍營謝罪並請以餘眾三營赴渭源聽點後又以各營官不願分營爲詞迄不遵照該軍營務處都司王勇甚不義范銘所爲獨率七百人至渭源受約束周開錫點驗後仍令其赴南關坪盡將該軍所有餘眾調赴鞏昌立臨洮軍平西五營並檄范銘專帶該軍正勇八營以分其勢王勇至南關坪范銘不欲其餘眾隸之喉正勇各營與之列械私鬪王勇率餘眾二千餘還渭源後范銘竟裹其正勇八營走官堡秀石關潰走岷州旋據署岷州知州呂恕稟范銘到岷州後不知潛匿何處而其弟范銘及匪黨尤芝政土匪案內漏網餘匪安桐貞常德龍王玉麟胡玉升等代領其眾復由岷州東出潰走焚掠村堡襄晉日眾周開錫令提督楊世俊張仲春率馬步各營討之十一月初五日楊世俊率隊由禮縣

東華續錄

同治八十八

吳

東華續錄 同治八十八

出石橋紅崖子遇潰卒於梁家寨奮威衝殺擒斬三四百名拔出被裹難民千餘追殺二十餘里奪回被陷民堡十餘所初六日乘勝躡追三十餘里沿途斬敵百餘名初八日楊世俊張仲春合隊追勦初九日及於白家關而周開錫續派親兵營亦至接仗獲勝擒斬二百餘名十一日追至岷屬苟家園潰卒一面乞撫一面列隊扼紮官軍因奔馳累日未與交鋒十二日黎明潰卒分兩支馬步約六七千人踰嶺而來勢甚囂雜楊世俊等嚴陣待之俟其氣稍衰馬步猛出奮擊酣戰兩時陣斬計七八百名潰卒大敗沿途追斬五六百名解散脅從數百名勇丁傷亡八十餘名據生擒潰卒供稱范銘避匿土司楊元地境叛弁安桐貞已於初五日之戰礮傷左膝矣訊畢斬之潰卒敗竄岷州楊世俊等由禮縣拔營追之因糧運不繼停待數日十九日抵岷州偏城而壘潰卒固匿不出二十一夜楊世俊張仲春等督隊攻城火器環施將士更番疊進前者顛墜而下後者猱升而上斃賊雖多而攻守勢殊卒未得手宗岳營官管春林陣亡幫辦哨弁勇丁亡傷者約三百餘名楊世俊肩臂均帶石傷幸不甚重天明仍收隊回營時前臺灣鎮總兵劉明燈率所部一營及臣親兵四哨奉臣檄馳往會勦甫抵禮縣周開錫聞楊世俊攻城未下傷亡頗多卽率駐鞏之安營宗岳仁營八成隊會傳先宗之馬隊由漳縣取道石關出梅川赴岷并檄劉明燈由禮縣會師前進其敖天印王得勝梅開泰等亦以從前太子寺之役范銘一軍首先潰退致擊大局此次該軍復敢違令潰走咸懷不平請先討之以靖內患周開錫以范銘所部如何建威王勇等十餘營自分撥成營後皆能殺賊立功是其軍將士未嘗不可用也范銘棄軍走匿其下潰變或非其意所及惟尤

東華續錄

同治八十八

吳

三八三

芝政安桐貞董挾制范銘迫脅勇丁情罪兇悖法在不赦應勘撫兼施迅圖蕪事見尙未接其續報臣維隴事之壞在於從前餉事艱細異常募勇徵兵日增一日不能立營制定餉章惟幸目前無事是非之不明威令之不行久矣故逆回而外土匪橫行潰軍疊起今欲轉弱爲強去冗雜而求精實開辦之始成效未著議論必多然臣不敢因此而有所撓惟當慎以圖之又奏記名提督丁賢發督帶宣威軍駐紮靈州屬之韋州堡紀律不嚴弁勇時多滋擾屢經臣嚴檄申飭並以危詞做之該提督所部多江淮降人勇於戰鬪而習氣已深丁賢發恃勇而輕不加鈐束九月初間丁賢發帶隨身小隊赴豫望城因催辦運糧馱騾與豫望城回目馬添發爭辯盛詞詬責正紛呶聞馬添發喉所管回眾與所部小隊搏鬪丁賢發拔刀而前砍傷數人觀者遽起立將丁賢發刺斃而隨行

東華續錄

同治八十八

聖

之副將楊正華守備周炳南黃占標等亦以趨救丁賢發均受重創畢命先是萌城回目馬柏森經臣委帶旌善營馬隊豫望城歸提督周紹濂統領當馬添發等與丁賢發鬪殺馬柏森倉卒馳往彈壓事已無及而所部馬勇楊進海白有義楊進科楊春壯關漢英丁明有等又均馬添發親友及其舊管回民馬柏森無如之何旋帶其親信馬勇數名逸出馬添發既害丁賢發等欲勾馬柏森同變並戕其幕友典史黃元芳附生馬獻瑞以脅之而東山一帶零回多聞風響應臣據馬柏森及統領楚軍中路提督周紹濂統領奇營副四旗馬隊提督張會元等稟報前來當經飭令周紹濂差弁赴豫望城相機察辦檄令張會元暫行接統宣威軍並派副將李瑞林前往清點歸併爲之管帶又諭令馬柏森迅速設法縛馬添發楊進海等以獻維時東山各回有圖偪馬柏森以助逆者

有假旌善營號衣以劫擾糧道者適陝回丁步月等由金積南竄亦思踞豫望爲巢穴馬柏森所部馬勇馬彥龍等亦多被勾煽馬柏森潛告周紹濂豫爲之備一面收集部眾計擒馬添發等解交周紹濂並斬羅山郭家窩匪黨數十名捕獲譚家堡逆目譚生邦及馬忠海死黨丁發圖馬三保等解周紹濂營及臣營訊實斬決將丁賢發等屍骸禮殮送至韋州而兩月以來固原以北運道仍臻安謐 上諭軍機大臣等昨據李鶴年等奏有馬化澂自縛投誠之說當諭左宗棠察度賊情不可爲該逆所給見在馬化澂遞呈乞撫懇求曲宥族眾僅以一人抵眾該大臣擬令馬化澂將本堡馬械呈繳牆垣平毀後接辦河西王家疇等堡撫局再辦河州西甯撫局軍情且夕變遷朝廷亦不爲遙制惟馬化澂兇狡異常萬一收撫後又生反側竄入西路歸併河州賊黨逆餒復張彼時

東華續錄

同治八十八

聖

墮其術中不但追悔無及且恐大局愈難收拾左宗棠務當通盤籌畫穩慎以圖不可稍涉疏虞貽後日無窮之患其收撫之陳林等並著妥爲安插毋令再滋事端所有在事出力之員弁兵勇著該大臣於事竣後奏請獎勵至陳湜一員到營未久此次金積堡將士尙未請獎若將陳湜先行開復殊不足以昭公允著俟續有勞績再行保奏總兵范銘違令潰走其弟范鎔及匪黨尤芝政等輒敢裹脅叛眾在岷州一帶焚掠雖經楊世俊等追斬多名而匪黨仍踞岷州著卽飭令周開錫等添派兵勇合力攻勦迅圖蕪事並著確查范銘避匿何處嚴拏懲辦其何建威等營仍當妥爲鈐束免滋他變提督丁賢發因催辦駝羸激變被戕罪犯馬添發等業經解營訊明正法駐紮預望城之馬柏森於丁賢發等之死雖救援不及惟罪犯均就殲滅功過尙足相抵著免其置議金積堡

馬械繳清堡寨平毀降眾如何安插該大臣應進禁何處次第撥
蕩均著妥籌具奏南路各軍該大臣倚周開錫調度一切務飭持
平妥辦毋任激生事端將此由六百里諭令知之○諭左宗棠密
陳馬化澂稔惡三世從寬必滋後患此時議暫緩其誅者以王家
瞳非猛攻所可驟得宜先圖王家瞳俟撫定後將馬化澂父子兄
弟親屬夥黨重者誅夷輕者遷徙等語所奏不為無見若不照該
大臣所請恐於該處軍勢賊情不甚相宜馬化澂著暫緩正法俟
王家瞳等處就緒即將該逆等分別重輕相機辦理屆時不得以
收復各處代為乞恩以申國法而快人心至所稱該逆在北省各
口開設店舖分布夥友探聽衙門消息足見黨與甚多應如何密
為防範用靖奸宄並不動聲色藉安反側之處著左宗棠妥籌具
奏交結洋商一節是否僅為購買外洋軍火等件抑另有句結重
東華續錄 同治八十八 完

正華祭葬世職○撥山東司庫銀六萬兩充運河工需○乙酉諭
軍機大臣等前據張廷岳等探奏撲陷烏里雅蘇台賊匪係屬肅
州回匪見已沿途飽掠仍回肅州當諭成祿趁賊回巢痛加剿洗
並諭左宗棠撥兵會剿茲復據福濟榮全奏稱此股匪徒內有偽
元帥王大漢及馬澂馬溶毛黃雷李四姓頭目裹脅甚夥實係甘
涼肅三處逆回自甘省額哲呢河土爾扈特貝勒旗竄入賽因諾
顏部落等處攻陷烏城向西南颺去明春仍圖竄烏城東撲庫倫
等語肅州賊股成祿未能及早鏟除甘涼僻在西隅兵力單薄左
宗棠穆圖善均卡煩及以致賊股充斥且有米拉薄逃賊萬餘
竄往該處甯靈一帶昨據左宗棠奏已無陝回蹤跡難保非西竄
甘涼句結滋事甘涼肅伏莽不除必致乘隙出邊擾亂臺站亟須
擊其情歸掃除巢穴著左宗棠穆圖善迅即派撥兵勇馳往兜擊
東華續錄 同治八十八 辛

情並著密訪奏聞○左宗棠奏前十月閒金積陝回餘黨會合河
州援賊竄擾甘南時周開錫由鞏郡東赴伏羌就近調度豫傳鞏
西各營嚴防河逆乘虛竄擾旋詢知河州逆回馬步二千餘果渡
洮東竄周開錫飭各營禦之十八日都司王勇徐承霖等率所
部平西各營遇賊六七百名於鞏西三河口地方接戰獲勝斬賊
二三百名訊之生賊知此股逆目為河州下十會之馬悟真是日
提督王銘忠總兵敖天印副將張廷秀李文彪等各率所部護運
大批糧料行抵狄東四十里鋪突遇騎賊百餘步賊千餘馳來王
銘忠等分起一面護糧一面迎擊塵戰一時斃賊數百賊竄狄城
北壕適河州鎮總兵王得勝提督張明富梅開泰等率隊由南馳
來傅先宗何建威率隊亦至各軍會合四面夾攻賊遂大敗何建
威手擒馬悟真斬之餘賊並無漏網報聞○予甘肅被賊副將楊

帶搶掠張中險等匪復在黑水轉山子等處勾結礦匪結會搶劫先後經官軍擒獲要犯多名正法其龐小禿之姪龐三拐子復招聚馬賊在混登營子地方滋事意圖報復亦經兵團勦捕將龐三拐子等匪擊獲餘匪敗竄即著庫克吉泰飭令帶兵各員會同地方文武趕緊將逃逸各匪悉數弋獲不准一名漏網此次勦匪出力員弁俟事竣後准其擇尤保奏毋許冒濫至設立練軍緝捕操防均屬分內之事不得遽行奏請獎勵以示限制將此諭令知之

○以楊重雅為甘肅按察使前四川按察使○戊子以裕祭 太廟 上前期親詣行禮○庚寅予福建殉難道員孔昭慈原籍建祠○是月豁免陝西綏德等十九州縣被雹被旱被擾舊欠錢糧並緩徵來年上下忙額賦豁除湖南敘浦縣被水衝沒民屯田地額賦蠲免兩浙仁和等六場坍塌廢地本年額徵賦課蠲緩湖北荆門等

東華續錄 同治八十八 至

三十州縣及武昌等二衛被水新舊額賦陝西乾州等三十五州縣被災被擾舊欠額賦緩徵安徽壽州等三十八州縣被水被旱被風被蟲新舊額賦河南鄭州等七十一州廳縣被水被旱新舊額賦展緩山西太原等二縣被水新舊額賦○是歲朝鮮入貢○會計天下民穀數除奉天江蘇安徽福建雲南廣西陝西甘肅未經冊報外吉林等省通其大小男婦二萬六千八百四萬二千三百名口存倉米穀二百六十二萬七千九百八十八石二斗四升三合三勺

東華續錄

同治八十九

臣王先謙敬編 臣張式恭恭校

同治十年辛未春正月辛卯朔元日節停止筵宴○壬辰諭軍機大臣等定安金順奏攻克王瞳賊巢殲除首逆一摺河西王瞳賊巢壘堅賊悍經金順會同張曜督飭將士奮勇進攻疊敗援賊茲復於上年十二月十三日攻克堅巢先後殲斃逆酋多名悍賊八九千名於天寒餉絀之時建此偉績甚屬可嘉王瞳已下其河西附近各堡自應乘勝進攻著金順會商張曜分軍扼紮要隘一面調治受傷士卒整理器械先行籌辦東北各堡節節掃蕩至通昌通貴各堡前據左宗棠奏馬化澂投降後籌辦撫局並著金順隨時咨商左宗棠如該堡回眾陽奉陰違仍著該署將軍督兵進剿毋稍遲回致墮奸計見在甯靈一帶已無陝回蹤迹所有招集流亡拊循瘡痍一切善後事宜必須實心任事之員認真經理甯夏道府州縣各官能否勝任著左宗棠隨時訪察並遴賢能守令將地方應辦事務悉心籌畫止分良莠不問漢回務令彼此相安毋任尋仇啟釁左宗棠前奏余彥祿一股已繳械投誠余彥祿亦受傷垂斃並著左宗棠飭令劉錦棠等妥籌安插毋令餘燼復燃余彥祿刻下究在何處著即查明具奏甘省北路軍務得手恐敗逃餘匪乘隙四竄或西竄甘涼或北出邊外著左宗棠穆圖善派兵分投截剿並著定安督飭纏金磴口各軍嚴密偵探遇賊即擊毋稍鬆勁將此由六百里各諭令知之○予陣亡總兵官賈蕙山等祭葬世職建祠○甲午廣浙江江山縣學額二名○乙未諭內閣曾璧光奏官軍勦平貴定等處賊巢攻克都勻府城一摺貴州苗

東華續錄

同治八十九

東華續錄 同治八十九 至

逆金幹幹等占踞都勻府城經署提督劉士奇等分軍三路節節進攻平毀賊巢多處斬擒悍賊多名遂於上年十一月初九日將府城克復勦辦尙爲得手前署貴州提督古州鎮總兵劉士奇督軍攻勦克拔堅城實屬奮勇可嘉著賞換額騰依巴圖魯名號仍交部從優議敘其在事尤爲出力之提督林從太著賞穿黃馬褂總兵何雄輝著以提督記名簡放並賞穿黃馬褂吳占勝賞加提督銜並賞給信勇巴圖魯名號○諭軍機大臣等曾璧光奏官軍勦平貴定等處賊巢攻克都勻府城丁日昌捐助軍火各摺片都勻府城爲省城至苗疆最要門戶前因羊安各營飢潰以致得而復失茲經劉士奇等督軍進攻疊破賊巢遂將該城克復勦辦尙爲得手逆首金幹幹見逃何處未經聲敘刻下軍勢既振自當乘勝進勦節節掃蕩雖都郡屢爲賊踞此次既經克復必須妥籌善後加意防守不可再有疏失前據曾璧光奏擬令周達武馳赴下游與席寶田籌商或進規凱里或由重安南渡與楚軍夾擊旋據周達武及崇實吳棠先後陳奏均擬先清上游股匪改從都勻進兵朝廷雖不爲遙制而彼此意見參差未歸一是必致貽誤事機曾璧光身任封圻應和衷商辦以策萬全見在都勻已復楚軍亦攻克台拱軍情旦夕變遷究應如何進兵之處著曾璧光悉心籌商奏明辦理嗣後遇有該省軍務仍著會銜具奏至黔省軍務辦理日久總未大加振作此時事機稍覺順手卽當力籌攻勦務將該省賊匪限於本年一律廓清不得稍涉延緩該省餉需未能充裕著該撫設法嚴催如各省遲延不解卽行參奏並著戶部將協黔各省餉項嚴催速解以裕兵食江蘇巡撫丁日昌捐助軍火力顧大局該撫見已丁憂開缺矣另片奏保勦賊出力之已革各員

東華續錄

同治八十九

二

內已革知府車尙賢聞其黃緣教士簸弄是非此等劣員豈得濫行保奏所請著不准行又另片奏密陳已革道員多文結案微勞等語多文係永不敘用之員且經教士胡縛理代請優獎其爲鑽營教士以圖進身顯而易見實屬卑鄙無恥著不准其保獎將此由六百里諭知曾璧光並傳諭周達武知之○予貴州陣亡副將張接喜等祭葬世職○丁酉子湖北陣亡署崇陽縣知縣鈕芳津等建祠○戊戌以孟春時享 太廟 上前期親詣行禮○諭軍機大臣等左宗棠穆圖善奏回匪竄擾肅甘郡縣左宗棠豫師奏賊犯碾伯擊退情形各一摺賊於十月初九日竄入山丹縣城旋即退竄大股直逼甘郡擾及高臺復有另股盤踞鎮番縣屬之柳林湖西甯地方又有陝回竄擾此時甘省北路軍務正在得手賊黨乘西路空虛紛紛肆擾雖經楊占鼐王仁和隨時防禦尙恐兵力不足著左宗棠穆圖善迅速會商派撥勁旅分紮扼要處所嚴密堵勦毋任賊蹤紛竄其柳林湖踞匪著穆圖善飭令常明率隊進勦悉數殲除河狄回匪出擾近省一帶經副將王得隆帶隊迎勦疊有斬擒仍著穆圖善妥爲布置認真防範署山丹縣知縣張東恬因公出城有無捏飾著左宗棠穆圖善查明具奏撲犯碾伯之賊經參將李春海等督率團勇擊退據獲賊供稱有由甘涼出口之語左宗棠穆圖善務當於沿邊一帶設法防守不得任令竄出邊外致滋蔓延並知照成祿趕緊派隊兜勦以期聚殲豫師卽督飭李春海等實力防勦一面相機前進馳赴本任會同黃武賢妥爲籌辦此次擊退撲犯碾伯賊匪在事出力各員准由左宗棠豫師擇尤保奏將此由六百里各諭令知之○諭劉岷奏援黔各軍攻克台水等寨見在勦辦情形一摺席寶田一軍攻克台水等

東華續錄

同治八十九

三

禁戈鑑一軍攻克九節等寨並追擊竄匪節獲勝勦辦尚為得手此次出力文武員弁著准其歸克復台拱案內彙請獎勵見在雞擺尾猶煩兵力凱里逆酋亦負隅抗拒席寶田已約戈鑑會攻雞擺尾擬俟該處克復後以次進取高坡凱里俾悍酋巢窟悉由楚軍一律鏟除洵屬勇於任事即著劉岷檄飭席寶田戈鑑等軍實力進攻由雞擺尾掃蕩而前迅殲醜類昨因曾璧光周達武先後陳奏進兵之路彼此意見參差深恐貽誤戎機諭令該撫等將如何進兵之處會商具奏刻下湘軍進勦苗疆事機順利黔省各軍亟應商定進兵之路分投勦辦庶可通力合作以期次第廓清其上斬下斬韶雞甲交被巫度交等寨及烏連九連康中烏亥斬衣大田角白韜斬岡董碗九寨先後詣營乞撫劉岷務當飭令席寶田戈鑑妥為安插毋令再生反側致滋事端將此由六百里諭東華續錄 同治八十九 四

知劉岷曾璧光並傳諭周達武知之○已亥諭軍機大臣等據錦不勒多爾濟奏上年回匪侵犯烏城福濟並不先事豫防及該城失陷眾皆被害惟福濟得以保全該將軍日夜與賊同居止願身命將倉庫存項酬謝賊匪所奏賊情語多含混又於厄魯特人眾搶擄驛站牲畜財物並不究辦張廷岳防勦喀爾喀竄匪時福濟將奏調綏遠城等處兵丁皆令停止見在被擾地方並不設法撫恤又給回兵常安子頂帶使之作為通事任其騷擾蒙古殺害蒙民工人皆置之不理等語前因烏里雅蘇台被賊竄陷該城兵力甚單勢難堵禦尚屬可原業經降旨將福濟等革職畱任以觀後效茲據錦不勒多爾濟所參福濟謬妄貽誤各節是否實有其事著奎昌馳赴烏城會同榮全逐款查明據實具奏將此由五百里各諭令知之○庚子諭軍機大臣等劉嶽昭岑毓英奏官軍攻克

竹園賊巢岑毓英奏圍攻激江情形及降人蔡廷棟攜眷私逃各摺片滇省彌勒縣屬竹園地方被賊久踞經總兵張保和等會師進勦連破上垣下垣逆巢多座擒斬館驛等處援賊甚多立拔竹園老巢勦辦甚為得手竹園地當衝要見雖克復而館驛等處賊匪尚未掃蕩該督等見檄張保和署理開化鎮篆著即飭令迅速赴任督率該處兵團乘此聲威將田心茂克江那里日者鄉各處賊匪相機分別勦撫早靖東南以便全軍西上合圍大理岑毓英已馳赴激江攻克附近賊營多座見擬開挖地道進攻著即督飭各營迅拔堅城毋稍鬆勁見在雲南軍務日有起色未經收復地方尚有若干各路帶兵將弁某員勦辦何處均著繪圖貼說詳細奏聞蔡廷棟攜眷私逃是否仍回大理馬如龍係派何員看管有無通同情弊著一併查明具奏將此由五百里各諭令知之○諭東華續錄 同治八十九 五

蘇鳳文馮子材奏遵查越南夷匪滋事情形蘇鳳文奏官軍勦匪獲勝各摺片此次越南匪徒蘇幗漢劉永福鄧志雄等尚在該國壘田授職俱非吳亞終之黨見因越南夷官辦理失宜致令羣起為難其匪首曾亞治原係越南積匪又與各匪勾結煽亂夷地白苗復伺隙擾害該國兵力單弱戡定為難必應派兵應援以示矜恤小邦之意况諒山木馬均距廣西邊境非遙尤應妥籌防勦以捍疆圉即著馮子材剋日馳赴太平統率派出各營相機進勦次第賊氛思陵土州等處賊匪見經署知府徐延旭派兵勦捕漸次清釐即飭團練往襲蘇幗漢坤光老巢疊挫賊鋒著蘇鳳文飭徐延旭會商夷兵乘勝夾擊以收事半功倍之效白苗巢穴距鎮安所屬邊境不遠仍著蘇鳳文馮子材飭令在防各軍實力堵扼毋稍鬆勁李福泰已由廣東啟程該撫接受署篆後所有一切軍情

均著與馮子材妥慎籌辦以副委任將此由五百里各諭令知之
○予雲南陣亡參將劉自馨等祭葬世職○壬寅諭內閣大學士
官文持躬端謹器量恢宏歷承先朝知遇由寺備游升將軍蒙
文宗顯皇帝優加擢用補授湖廣總督簡任綸扉特命爲欽差
大臣督辦軍務與原任湖北巡撫胡林翼協力同心和衷共濟肅
清全楚復籌辦東征軍務接濟餉需不分畛域厥功尤多金陵之
捷加恩賞給一等果威伯並將其本支撥入正白旗嗣令來京供
職總理部旗事務旋署直隸總督歷中外久著勤勞方冀克享
遐齡長資倚畀迺以偶染微疴遽爾溘逝遺章披覽軫惜殊深著
賞給陀羅經被派惠郡王奕詳帶領侍衛十員卽日前往奠醊加
恩晉贈太保照大學士例賜卹入祀賢良祠賞給廣儲司銀二千
五百兩治喪任內一切處分悉予開復應得卹典該衙門察例具
奏其一等伯爵著俟伊子榮綵百日孝滿後由該旗帶領引見承
襲毋庸俟年終辦理用示篤眷蓋臣至意尋予祭葬諡文恭○丙
午諭軍機大臣等文麟景廉奏科城咨請援兵暨關外東西各路
喫緊情形各摺片文麟等前據科布多咨文調軍赴援業已部署
一切由景廉督兵前進自因該處軍情緊急起見惟烏里雅蘇台
之賊早經退竄且已調派察哈爾等處馬隊前往防剿刻下烏科
一帶情形較鬆景廉卽著毋庸帶兵前往第安集延回眾攻破吐
魯番城另築新城二座並有往攻圍烏魯木齊之信該回眾恃強
攻擊並無歸順之意情殊叵測必須先事籌防著文麟景廉督飭
兵勇於西路各要隘嚴密扼守加意防範以杜窺伺肅州西甯河
州碾伯等處回匪紛竄出關玉門一帶漸有賊蹤若不設法截剿
必致絡繹西竄愈聚愈多成祿所派之李天和等三營見紫玉門

東華續錄

同治八十九

六

燉煌二縣著卽飭令認真巡防遇有口內竄出之賊隨時堵截其
肅州一帶竄匪成祿仍當實力勦捕毋得任令接踵西趨愈形滋
蔓甘肅甯靈一帶回匪既經分別勦撫辦有頭緒左宗棠務當統
籌全局派撥勁旅將西竄之賊分頭兜勦免致逋逃口外又成不
了之局並著文麟景廉嚴飭東路防兵勤加偵探遇賊卽擊毋稍
疏懈文麟等所奏委員許登科趙德鈺等採辦駝隻布匹等項均
在烏城被賊搶去是否實有其事著福濟等查明咨照文麟等辦
理將此由六百里各諭令知之○陝西巡撫蔣志章奏北山逐漸
肅清見仍加意防範得旨著檄各路防軍會同劉銘傳各隊認真
防堵毋稍大意一面仍披剿北山餘匪務絕根株並飭地方官將
應辦各事宜悉心經理以靖閭閻○丁未沈葆楨懇辭船政不許
○命張廷岳等撥兵赴科布多協防○己酉諭軍機大臣等曾國
藩奏河運艱難應設法豫籌一摺據稱江北冬漕見遵部議仍辦
河運惟運道艱難豫籌應辦事宜五條請飭令分投興辦等語漕
船經過山東境界計一千數百里中多阻滯以致挽運艱難亟應
先事圖維免蹈上年覆轍曾國藩所陳應辦事宜五端關繫河工
漕務實因時制宜之策丁寶楨勇於任事必能力任其難著卽按
照曾國藩所奏督率沿河各州縣實力修濬次第興工以期一勞
永逸至張兆棟管理漕務蘇廷魁總轄全河尤當悉心商酌通盤
籌畫將曾國藩所陳開挖河道及略改舊章渡黃改道各節迅速
會商丁寶楨實力興辦毋得稍存推諉原摺均著鈔給閱看將此
各諭令知之○庚戌廣山東武城縣學額五名○辛亥諭軍機大
臣等蘇鳳文奏會剿夷境賊匪俟越南咨覆再行酌辦及請給發
米價腳費各等語前因越南匪徒滋擾諒山等處當經諭令蘇鳳

東華續錄

同治八十九

七

文等派兵援勒見據該夷官來咨諒山匪徒就撫自可無煩兵力其木馬等處另股賊匪既據奏稱應如該夷官所請由該國王商定再辦即著蘇鳳文李福泰馮子材俟越南來咨再行辦理至越南應領米價脚費自應給發歸款雖據越南國王咨稱不敢具領然此係該國應領之款著蘇鳳文等飭令太平府知府知照該國將前寄北庫銀三萬八千餘兩仍截存夷庫以示體恤將此由四百里各諭令知之○諭劉嶽昭岑毓英奏川邊蠻匪竄擾滇境調兵剿辦一摺雲南昭通屬之永善縣緊連川界與雷屏山廳縣所屬各蠻僅隔金沙一江見因蠻地飢荒江水低落以致該匪偷渡過江襲踞防兵營碉數座並攻破求雨堡擾至黃果溪出水洞燕家寨一帶勢甚猖獗永善縣城戒嚴劉嶽昭等已調副將劉奇義抽帶勁勇三百名馳往該處聽候總兵李家福調遣以期迅殄賊

東華續錄

同治八十九

八

氛惟大關一帶為地東孔道且井渡釐金必由之路一綫餉源關係緊要著劉嶽昭岑毓英一面督飭李家福等剋日進剿一面酌量添撥勁旅以厚兵力庶可盡殲醜類毋致蔓延此次該匪傾巢出擾半多蟻聚川岸若川軍同時並舉則未渡各匪必當迅回老巢而入滇蠻眾不難撲滅著崇實吳棠飛飭雷波屏山附近兵練併力夾擊毋稍玩延將此由五百里各諭令知之○癸丑諭軍機大臣等崇實曾璧光奏黔省教案仍照原議歸結一摺黔省教案九起經在事各員與教士李萬美等商議妥協一律議結並由該教士出具甘結照會銷案是民教兩面各無異詞實有完案確據此後遇有中外交涉事件曾璧光務當督飭地方官秉公持平辦理以期永遠相安在事出力之道員余思樞著賞加布政使銜知府馬應鏜著賞加三品銜同知張鴻績著賞加鹽運使銜州同湯

中著俟補缺後以知州用章紹濱著不論雙單月選用副貢生華國輝著賞給五品銜前署遵義府知府汪炳璈前署遵義縣知縣劉肇祺前署遵義協副將梁正春於民教倉卒滋事未能即時解散實難辭咎均著交部議處外委范玉芳把總陳雲龍著一併斥革前署永甯州知州尹樹棠著摘去頂帶一年無過方准開復前署綏陽縣知縣楊嘉禾前署獨山州知州錢燠前署桐梓縣知縣耿光祺均著交部察議以示懲懲至賠款銀七萬兩已由黔省籌發三千兩其餘六萬七千兩崇實等分咨各省於協黔軍餉內劃撥固因黔省餉需支絀無可應付惟與其令該教士自行走領不如由川省先行籌款墊發一面咨催各省於協黔餉內照數提出解還四川較為直捷著崇實吳棠曾璧光斟酌情形設法籌辦將此由五百里各諭令知之○乙卯諭軍機大臣等左宗棠穆圖善

東華續錄

同治八十九

九

奏分剿竄回獲勝並西路不遑兼顧各摺片西路柳林湖等處賊匪經馬隊連日進剿獲勝東路傅家山等處復經馬步官兵疊次擊敗賊匪並護餉到省著左宗棠穆圖善即飭派出各軍分路堵殲毋任蔓延惟敗賊圖竄西甯米拉溝亟應妥籌防範並著檄令西路各軍嚴密布置遇賊即擊迅掃逆氛成祿一軍前據左宗棠奏毋庸出關即在肅州駐紮與提督楊占鼐會辦一切當諭令成祿就近兼顧肅州與楊占鼐會同擊賊惟沿邊各口賊匪處處可竄成祿等所部未足深恃仍著左宗棠穆圖善隨時酌度情形妥籌兼顧馬化澂投誠後本堡馬械是否呈繳牆垣是否平毀河西等堡及河州西甯等處賊匪見在如何籌辦王家疇莊已於上年十二月攻克馬化澂等黨眾仍應慎遵前旨辦理著該大臣迅速詳細具奏將此由五百里各諭令知之○以文煜兼署閩浙總督

○丁巳諭軍機大臣等福濟奏逆匪復圖回竄請飭催馬隊並擬調員辦理口外轉運各摺片回匪去來靡常既有正二月間復來搶掠官廠分撲庫倫之說並有平羅銅城堡逆匪句結陝回千餘攜帶半月口糧以圖北竄等語自應厚集兵力藉資防剿著文盛杜嘎爾督催吉林黑龍江馬隊接踵前進毋稍逗留杜嘎爾擬於二月初五日啟程著即將應辦各事宜趕緊料理早日成行不得再有濡滯至達爾濟馬隊據文盛奏見已行過賽爾烏蘇是該總管尚無退縮遷延情弊福濟等請將達爾濟先行交部議處之處著加恩寬免文盛等仍當飭令迅速西行探明賊蹤相機迎剿推河至烏臺站福濟等總當懷遵疊次諭旨豫備周妥俾利師行不得以援師毋庸赴烏為詞遂置臺站於不問錦丕勒多爾濟已回烏城尤當將蒙古各站極力整頓毋許推諉總之臺站不復惟福濟等是問援兵逗留惟帶兵各員及文盛等是問該將軍等當同心協力共靖邊陲毋自貽伊戚也匪徒既有正二月間撲庫倫之信文盛當迅催宣大官兵趕緊赴庫並知照張廷岳等派員迎提沿途照料福濟等擬令馬隊援兵均至哈爾尼敦額爾德呢招推河一帶會合探測於地勢軍情是否相宜著杜嘎爾行抵該處會商籌畫總期於近期轉運各事均無窒礙即行照議辦理朝廷亦不為遙制也福濟等片稱推河為往來衝道未便安設糧臺霍呢齊地尚適中擬添設轉運糧臺請飭口北道隨帶委員並張家口見存烏城餉項迅到霍呢齊辦理接運酌撥果爾馬隊護守糧臺等語著李鴻章即飭口北道前往辦理如該道未能分身即由李鴻章何璟各派得力道府迅即出口接辦以期無誤要需將此由六百里各諭令知之○戊午諭軍機大臣等奎昌等奏景廉

東華續錄

同治八十九

十

無須赴援布彥鄂勒哲依圖呈懇催兵一摺前據文麟等奏科布多咨調援軍已部署一切由景廉督兵前進當諭知該辦事大臣等烏科一帶情形較鬆景廉毋庸帶兵前往科城人情浮動亟須勁旅彈壓業諭張廷岳等於前調宣化大同兩鎮官兵二千名到庫後即各撥五百名赴科防守惟此項官兵到尙需時著奎昌文碩先就見有兵力嚴密布置不可稍有疏虞至布彥鄂勒哲依圖以安集延頭人帕夏率眾攻拔吐魯番見欲攻烏魯木齊心懷叵測恐遊牧復遭蹂躪懇請催兵救援見在大兵未到應如何先行設法羈縻妥為撫輯之處著福濟奎昌文碩悉心會商妥籌辦理將此由五百里各諭令知之○諭奎昌文碩奏撫馭災黎情形一摺綏來縣民人軍功趙興體等於該縣失守後率眾避居沙子山等處能於流離困苦之餘團練殺賊將呼圖壁城攻克實屬奮勇可嘉奎昌等既經發給牛具銀兩以示體恤仍著隨時派委委員前往曉諭俾該民人等知所感激藉資贊助軍功趙興體董率有方著賞給守備銜並賞戴花翎以示鼓勵其攻克呼圖壁城出力之人即著咨商文麟等會同查明保奏李昶亦著歸入前案出力人員內一併請獎新疆各城自被回匪攻陷以來朝廷因內地軍務未平遠難勤兵於遠每念該處民人慘遭荼毒實堪矜憫見在趙興體等民團既有千餘名河西又有鄉約劉姓民團四百餘人距烏魯木齊九十里之南山有徐學功民團五千餘名奇台古城兩處有鄧玉生民團七八百名是各處民情皆能忠勇奮發踴躍從公正可加之激勵俾遂報效之忱著左宗棠酌量情形或遴派賢能明幹之員輕騎出關或即飭口外鎮道各員將該處民人妥為安撫以期眾志成城漸奏廓清之效惟所派之員必擇實心任

東華續錄

同治八十九

十一

事為該民人所敬服者方有裨於大局該大臣諒已早見及此也原摺著鈔給左宗棠閱看將此由五百里各諭令知之○庚申張兆棟等以張秋築隄費鉅請就民圩分別堵築從之○是月蠲免直隸安州等五州縣被水額賦並緩徵新舊糧租暨民借倉穀蠲緩廣西新甯等三十州縣被擾額賦江西蓮花等二十七廳縣暨九江府同知所屬被水被旱新舊額賦緩徵直隸滄州等十八州縣被水被旱被雹被蟲本年上忙額賦山東臨清等四十一州縣德州等四衛被水被蟲本年上忙額賦並鹽蘆雜銀課浙江錢清等四場歉收新舊糧課錢糧展緩直隸通州等三十七州縣歉收節年糧租倉穀

二月壬戌左宗棠奏馬化澂就擒後委陳湜馳赴金積堡會商各軍統領慎密籌維期於周妥維時據劉錦棠稟稱堡牆冰凝如鐵東華續錄 同治八十九 三

該堡回民掘毀一面勒催逆弟馬九逆子馬耀邦及逆黨譚生成等按繳馬械旋據劉錦棠等續報馬化澂遣人招撫河西王家疰逆賊並招回前遣助逆之何生洲等三百四十餘人歸金積堡就撫馬耀邦等呈繳車輪大銅礮四尊九節礮四尊威遠礮二十八尊劈山礮二十尊鳥槍一千零三十桿擡槍二百九十三桿刀矛二千四百十八件洋槍一百八十桿火藥五隻鉛子七百斤硫磺二百九十斤臣宗棠知其隱藏尚多終為後患密飭各統領將堡回勒限遷徙以便清查堡逆分別首從辦理以紕後患劉錦棠等會商陳湜於陝回悉數起解後首令馬耀邦馬九等將堡眾挑選精壯者千名馬家灘挑選精壯者四百名王洪堡挑選精壯者百餘名及何生洲夥黨三百餘名名為義勇實之外壕空堡中分交官軍就近鈐制次清點堡中貿易偽寓及被擄被脅各甘回造

具戶口名冊聽候遣散遷移安插次按捕通匪文武員弁一面勒令馬化澂馬耀邦馬九盡繳槍械馬匹旋據繳到馬四十三匹據供近因官軍圍逼草料早乏牲畜餓斃淨盡除前繳馬五百匹續繳四十餘匹外實無存留洋槍軍火實無藏匿如經搜獲心甘坐罪並取具切結適助掘堡牆勇丁於堡根掘獲洋槍二百餘桿旋於堡內又掘出洋槍一千零數十桿陳湜劉錦棠黃鼎雷正綰徐文秀金運昌會議諸務均經料理就緒各堡回民漸釋驚疑乃遷王洪堡回眾於靈州城附近地方安插遷馬家河灘回眾於張家圈安插正月初七八等日乃遷馬化澂父子兄弟及各親屬眷口於壕外各匪堡中初十一等日提馬化澂馬耀邦馬九譚生成等分別熬訊有無藏匿軍械及北口開設舖店交通洋人情事馬化澂盡諉其子馬耀邦比晝夜熬訊馬耀邦復茹刑不吐惟詰以東華續錄 同治八十九 三

既具結軍械並無隱匿存留何以官軍復掘出洋槍洋礮至千二百餘桿之多無詞抵飾賊情之狡猾兇頑始終叵測如此十二日劉錦棠提馬化澂徐文秀提馬耀邦馬中邦馬參三犯黃鼎提馬成澂馬恆邦馬定邦馬建邦馬正邦飛飛子六犯雷正綰提譚生成父子三犯金運昌提馬九一犯同時凌遲處死其分置各廢堡之悍黨及逆黨何生洲部眾一千八百餘名內統領參領佐領先行等偽官王六馬喜等八十餘名概與駢誅無一漏網其貿易偽寓之客民及被擄被脅之甘回三千餘名口解赴平涼安插金積堡老弱婦女一萬二千餘名口解赴固原州附城數十里地方分撥荒地安插其賊巢保生堡偽號王城僭稱東府西府一切違制器具什物儀仗概予銷毀仍留房屋為將來建置文武衙署兵房及死事諸臣祠廟之用於是元惡悍賊殲滅無餘罪不至死者亦

無稍寬濫該逆陸續呈繳金銀銅錢三項共合銀十九萬兩有奇除分賞前敵馬步七十一營每營二千兩老湘一軍在事最久出力最多酌量加給外餘銀提爲遷居靈州張家園之王洪堡馬家河灘各回民購辦賑糧及水入堡修復渠工中衛採買麥種之用又奏陝回窘蹙就撫據劉錦棠雷正綰黃鼎等分起押解陳林一起男婦大小一千五百六十四名口馬振江一起男婦大小八百四十八名口赫青選一起三百八十三名口馬化瀛一起一千二百七十八名口余彥祿閻興春余兆臨拜萬江金明堂安傑等各起男婦大小五千五百五十餘名口內除挑出壯丁四百名交安傑藍明太帶隨官軍征剿外餘俱陸續解赴平涼其老幼婦女無親屬夫男者五百七十餘口病臥不能行走留養廣武營聽其痊愈擇配沿途除病斃外復收集從前散匪東西兩山餘眾五百餘名口比齊抵平涼臣兩次親臨點驗實共一萬有奇內除前安插平涼回民認領親眷五百餘名口外實發化平川安插者男女共九千四百餘名口察看丁壯不過二千餘皆老弱疲病而已化平川地在華亭縣西北一百七十餘里東南距平涼百里南連崆峒西北均阻高阜巖壑環峙雨水縈繞一爲化平川一爲聖女川合流入白面河入清水縣界中橫寬五六里長三十餘里似亦前代安置降人之地顧其詳不可得知臣前委記名道馮邦棟前往相度改聖女川爲聖諭川爲宣講之所白面河曰北面河示拱極之義飭千總牟春陽帶土勇二百四十名分紮關山三才鎮各口調記名總鎮喻勝榮帶所部平江營扼紮化平鎮以司稽查馮邦棟帶同委員於化平鎮點驗之後按口俵給賑糧丈量地畝按戶分撥房屋窯洞大致定妥購給附近該處土宜種子酌發耕牛騾驢

東華續錄 同治八九

督其開墾播種察看回眾情形於九死之中得此生路其不敢再萌異志固在意中惟回俗畏所管頭目較之漢民畏官尤甚而彼教誦經祈福之師名爲阿渾又時以異說惑愚蒙爲回俗所信奉以致一夫倡變亂者四起從前道光年間張格爾以回教阿渾和卓構亂者此也按阿渾回教名阿訇訇與洪音近漢民呼爲阿洪今之馬化瀛即新教總阿訇也和卓即回教所稱教師後裔貴種在阿渾中尤尊明史所稱火者即和卓之音訛馬化瀛署其父墓碑稱爲教父蓋竊和卓貴種之意耳欲變其舊俗同我華風亦非先王不易民而治之理惟於安插伊始於編審戶口中隱寓保甲之意十戶一長百戶一百家長令其鈐束散戶而設官董之凡一切戶婚詞訟均取決焉乃可散回目之勢而以其權歸之官庶幾政令行而統紀壹回民鮮讀孔孟之書故不明其理因而不知

東華續錄 同治八九 五

趙向今欲其誦讀服習一從儒教事有難行然臣前奉到 聖諭十六條附律易解一書義蘊精深詞旨易曉而大經大法畢具於此上年曾敬謹刊印頒發陝甘各州縣教官朔望宣講令漢回土民有所遵守今復發化平川回民俾知不易其教者朝廷惇大之施不鄙夷其民者 聖化覃敷之義長治久安或基於此如蒙俞允添設化平川廳通判化平川營都司則廳屬各員營屬各弁亦應添設容當續行陳明請旨又奏 臣前於馬化瀛隻身款營得報時即飭前敵諸軍暫緩其罪勒令先招撫河西王家曠及通昌通貴兩堡蓋以河西各賊巢惟王家曠堡堅黨悍非猛攻所能驟下也旋據劉錦棠稟稱已緘商金順張曜得其復函旋飭馬化瀛遣回目馬殿魁前詣河西官軍辦理並據馬化瀛稟王家曠內有何家坪悍黨何生洲一股三百數十人助逆請委員同馬殿魁前去

三九三

招回劉錦棠於十二月初一日遣都司李章貢湯廷幹同馬殿魁
 赴王家疇諭知各逆先繳馬械次毀寨牆聽候金將軍張軍門示
 遵李章貢湯廷幹於初六日同馬殿魁帶何生洲股眾三百餘人
 仍回金積繳馬十二匹擡槍十桿洋槍十七桿小槍九桿刀矛二
 百四十餘件其通昌通貴兩堡亦由馬化澂寄信告知金積撫局
 已成屬其就撫已有赴河西官軍營盤繳馬者臣於臘月十一日
 拜摺後七日接前敵各軍馳報王家疇外垣已於十二日經金張
 兩軍乘賊不備踏破磨戰一晝夜復將內牆攻破堡逆概行勦洗
 接閱之餘良深幸慰並服其赴機神速能相喻於不言之表也旋
 據陳湜稟十二月二十八日夜有通昌通貴陝回男女二百餘名
 赴黃鼎營就撫據回曰王姓稟稱通昌堡已平毀惟通貴堡尚未
 平盡劉錦棠已函詢金順張曜計此時早已釅事矣其陝回首逆

東華續錄 同治八十九 七

余彥祿兩腮傷痕潰爛日甚一日已於正月初十日斃於雷正館
 營旁空壘其陝回逆目馬正綱已於就撫後跌斃長壕中矣至陝
 回崔三禹得彥馬生彥等已由涼州西甯折回河州其夥黨治士
 俊已於余彥祿股眾就撫時一同就撫解至化平川安插據稱崔
 禹等逆股眾止四千餘其河州窮回隨同竄走者亦不過數百是
 西甯涼州所報賊數近萬者不足據見據撫回李德昌稟求赴河
 州諭撫回眾即指馬占鼇馬尕大崔禹等逆而言是該逆之急於
 就撫德昌受其央託已可知臣批准李德昌前往但聽其自投不
 許招致又奏固原北至金積路出東西兩山之中兩山綿亘數百
 里最為藏奸淵藪自進兵以後雖節節掃蕩步步立營然徑路紛
 歧山谷盤互零匪伏匿其中乘閒劫殺時所不免自應挑土著回
 民作為眼綫探知頭目蹤迹迅起掩之乃期得手曩據記名提督

周紹濂稟報所部左營管帶官總兵李良穆派弁李昭林及回目
 馬益順王益萬李存昇於上年十月二十九日在羅家要險地方
 追剿回逆獲勝生擒逆目王金玉管帶旌善頭營都司銜馬柏森
 在羅山坡一帶剿賊獲勝生擒西山要逆譚生邦丁萬圖馬三寶
 三犯臣查譚生邦即金積堡巨逆譚生成之弟王金玉丁萬圖即
 正法馬忠海之夥也批飭解營訊決東山賊目李映春即野賊明
 起成即明七十子兩犯係馬化澂死黨李映春為李旺堡逆目偽
 號元帥明起成偽號先行前於各疏中曾詳陳之該逆屢經官軍
 擊敗黨夥散盡而賊首不獲終虞死灰復燃適撫回陳聚安探報
 李映春明起成見匿張家川之瓦窯堡當飭陳聚安會同軍功李
 德昌密速掩捕明起成就獲而李映春先遁據李良穆報稱十二
 月十二日派弁同回目李存昇馬益順捕得李映春之黨楊大山

東華續錄 同治八十九 七

等數名訊知李映春竄至東山即令楊大山等引導前往掩捕十
 四日生擒李映春及其子李存英遂提明起成及該犯父子一併
 梟斬據魏光燾報良回蘇宗保捕獲南八坊逆目馬海奇馬俊並
 生擒逆回馬捨娃子三犯又署鹽茶廳照磨董麟會同管帶旌善
 二營良回科進善稟獲逆目馬俊綽號紅套褲一犯訊明斬梟又
 據周紹濂報稱十二月初十日李存昇擊解要逆楊大娃子查楊
 大娃子於同治二年穆生花襲陷固原州城時曾帶萬餘人偽號
 順天王上年隨同馬正和圍攻豫望堡馬正和為官軍擊斃該逆
 仍與明七十子合夥肆行劫掠當即斬決梟示據馬柏森報捕獲
 王花臺逆賊馬義等十九犯謝家段頭賊目偽元帥王添發及其
 黨王成幅王虎子台馬四等四要犯批令解營訊決據管帶西征
 馬隊參將楊正茂報十二月十三日由馬營監護送運省餉項軍

火十四日探得距麻子川十餘里景家口有賊揮隊奮擊斃步賊百餘名生擒十餘名逆目袁和合已斃於陣見查未獲逆目惟狗齒牙子靖遠驛子馬才棕馬母驢鬮希孟金添委等數犯業經分飭勒限嚴捕又奏已革前甯夏縣知縣署靈州知州彭慶章久陷賊中爲賊謀王陝甘諸回均稱爲彭阿渾昨經陳湜黃鼎委員押解來營臣親提研訊據供係江蘇松江府人寄籍陝西咸甯縣捐納未入流分發甘肅海州知縣加捐同知銜問其何時因何案革職據供同治二年前任甯夏將軍慶昫以革員有通回情事奏參有旨交多隆阿熙麟恩麟查辦多將軍時在陝西督辦軍務擬以革職發往黑龍江效力贖罪恩護督未及撤任行查嗣甯夏失守慶將軍復據平羅縣知縣長謙稟計革員勸其隨回教恩護督據以入奏奉旨查明如果屬實即行正法革員不敢回省四年冬穆

東華續錄 同治八十九 六

實已確鑿不圖蒙面喪心一至於此比卽盡法處死以昭炯戒上諭內閣左宗棠等奏平毀金積堡賊巢首要各逆伏誅甯靈肅清出力各員請獎一摺甘肅回逆馬化澂等於同治八年秋間擁眾復叛盤踞靈州所屬金積堡老巢旬結陝甘各回四出竄擾經左宗棠派軍分投截剿節節掃蕩並令道員劉錦棠等進擣逆巢疊將附近賊壘攻破四面鎖圍該逆勢窮乞撫勒令平毀堡寨呈繳軍械猶敢遷延觀望並於堡內埋藏洋槍洋礮一千餘件匿不繳出是其心懷叵測怙惡不悛實屬罪無可逭見經劉錦棠等將首逆馬化澂父子兄弟及逆黨譚生成等概行正法洵足申天討而快人心見在堡寨一律平毀餘眾分別安插其起獲銀十九萬兩零除分賞各軍外著左宗棠將所餘銀兩爲遷居靈州之回眾購辦賑糧俾安生業仍著督飭各軍將各股回匪次第進剿以期

東華續錄 同治八十九 五

東華續錄 同治八九

三九五

聖播種辦理均屬妥協著該督飭令總兵喻勝榮等妥為彈壓一
面儆飭該地方官加意撫綏毋使失所遇有詞訟案件止分曲直
不分漢回總以持平辦理毋任稍滋事端其所請添設化平川通
判化平營都司各缺著該部議奏尋議該督因撫馭回眾請添通
判都司各缺係為綏靖地方因時制宜起見應准如所請添設從
之○諭左宗棠等奏訊明已革知縣通賊確情盡法懲治等語甘
肅已革前甯夏縣知縣署靈州知州彭慶章數年以前已有通回
情事嗣復久留賊中為賊主謀經左宗棠親提研訊據供各情其
為通逆無疑喪心昧良罪無可逭彭慶章業經訊明正法實足以
昭炯戒至從逆武弁王錫爵鐵秉忠著左宗棠一併提訊從嚴懲
辦○諭軍機大臣等左宗棠奏平毀金積堡賊巢安插陝西撫回
李德昌前赴河州諭撫回眾東西兩山捕斬要逆各摺片金積堡
東華續錄 同治八十九 三
首要各逆馬化澂等均已伏誅甯靈肅清本日已明降諭旨將左
宗棠等及出力各員分別加恩獎勵其章合才等十二員統帶湘
軍異常出力此次所有勞績著左宗棠先行擬請獎敘仍著該大
臣存記俟甘肅全省廓清再行奏請恩施化平川安插陝回各事
宜左宗棠所籌均臻周妥惟回俗素畏頭目而誦經祈福之阿渾
尤易惑愚蒙著該大臣慎選地方官隨時化導加意拊循務令
各安生業以免再滋事端東西兩山及會甯安定等處最易藏奸
除已擒斬要逆多名外其未獲逆目狗齒牙子等該大臣即嚴飭
魏光燾等認真搜捕毋任一名漏網李德昌求赴河州諭撫馬占
鼐馬尙大及崔禹等逆左宗棠見令李德昌前往但聽其自投不
許招致該大臣總當察看該逆等虛實情形穩慎以圖如該逆仍
怙惡不悛務當嚴飭各將領乘此軍威進剿河狄西甯各逆巢以

次蕩平毋得一意主撫致為該逆所紿穆圖善亦當檄飭近省各
軍聯絡聲威俾得膚功早奏近聞周開錫在南路剿匪辦理一切
輿論未協且與甘省各勇營不相輯睦恐激事端左宗棠當隨時
查察不可信任過專致誤事機見在鞏秦各屬有無大股賊匪北
路既已肅清該大臣應進紮何處抑赴省垣居中調度如統帥前
進後路尤當妥為布置並著蔣志章會商劉銘傳將陝甘毗連各
要隘嚴密扼堵毋稍疏虞將此由六百里各諭令知之○予甘肅
陣亡提督周國勝等祭葬世職○前任雲貴總督吳振械卒予祭
葬○癸亥諭軍機大臣等金順奏進規通貴回堡並殲除通昌堡
首惡情形一摺河西通昌一堡著名首逆殲戮殆盡著金順會商
張曜督飭官軍認真搜捕餘匪務絕根株至回目金萬良來營乞
撫該署將軍仍當隨時察看不可墮其詭謀通貴堡回逆始則遣
東華續錄 同治八十九 三
黨乞撫及令其平牆繳械則又枝梧猶豫其非真心反正已可概
見見經金順會商張曜移營進逼該堡即著激勵將弁乘此聲威
迅速進攻掃除醜類不可一意主撫致將來又生反側該逆被剿
窮蹙難保不乘間竄出邊外以覓生路著金順與張曜督軍嚴密
防維務須就地殲除毋令遠遁他處又貽後患前據福濟等奏平
羅銅城堡逆匪句結陝回千餘欲圖裹糧北竄並著檄令提督劉
廷等扼要嚴防截其竄路以免蔓延昨據左宗棠等奏報金積堡
業已平毀馬化澂等均經伏誅當此軍威大振之時羣醜自必震
懾該署將軍當同心協力將此路殘匪剋日掃蕩以期次第廓清
將此由六百里諭令知之○乙丑諭軍機大臣等前因周開錫辦
理甘南軍務恐不得力諭令左宗棠隨時查察毋誤事機並令查
明鞏秦各屬有無大股賊匪當此北路肅清南路防剿事宜甚關

緊要朝廷實深屢繫近聞河州回匪三千有餘已於去臘潛越洮
河竄至岷州與官軍接仗復竄鞏昌阜陽川一路向東分股肆擾
距秦州數十里之平南川娘孀壩關李子園等處時有賊馬搶
劫殺傷百姓岷州叛勇仍與官軍相持抗未就撫似此情形軍務
尙無了日鞏秦爲甘省完善之區前此並未大遭蹂躪乃自周開
錫總統南路諸軍既不能禦外來之匪任其奔突又激變范銘之
勇致與官軍爲仇長賊勢倏若不及早廓清又成燎原之患著該
大臣乘此北路肅清迅將南路鞏秦一帶悉心布置盡殲醜類范
銘見在何處其所帶勇丁有不法者亟應嚴懲有可用者卽應留
以勦賊並非楚勇之外皆爲不可用之勇且楚勇中亦未必無他
省勇丁參雜其間所有范銘營勇應如何分別措置之處該大臣
當秉公辦理毋得誤聽一面之詞以致債事將此由五百里諭令
東華續錄 同治八十九 三

知之○諭劉銘傳奏經金道路隔絕賊勢見在趨重南路仍難分
兵請飭定安就近撥隊一摺據稱河州回匪竄至鞏昌阜陽川一
路長驅東下分股肆擾秦州境內時有賊馬游掠岷州叛勇雖經
議撫抗拒如故若該逆更向東竄唐定奎所部卽須移向汧隴以
固陝防此外仍無可撥之兵且經金距陝甚遠懸軍遠隔轉運艱
難見聞河冰已開北路兵力足資展布請飭定安由河防內撥軍
駐守經金或由定安指派段落交該提督撥兵替守以便定安騰
出隊伍撥軍赴烏等語南路回匪叛勇接踵紛乘陝防實關緊要
劉銘傳所籌各節於接替轉運尙屬相宜卽著定安斟酌情形會
商劉銘傳妥籌調派以便薩薩布統帶馬隊迅赴烏城其汧隴一
帶防務劉銘傳務當勤加偵探先事豫防毋稍疏忽將此由五百
里各諭令知之○丙寅諭內閣前據魁玉張之萬奏審明馬新貽

被刺一案將兇犯張汶詳比照大逆問擬案內人犯分別定擬罪
名並請將馬新貽照陣亡例議卹建祠當以案情重大該犯所供
各節恐尙有不實不盡特派鄭敦謹前往會同曾國藩再行研究
實在情形從嚴懲辦並據給事中劉秉厚等太常寺少卿王家璧
先後奏請嚴究主使情節復經諭令鄭敦謹曾國藩等悉心推鞠
務得確情以成信讞茲據鄭敦謹曾國藩奏覆審兇犯行刺緣由
並無另有主使之人請將該犯仍照原擬罪名比照謀反叛逆凌
遲處死並摘心致祭各等語此案兇犯張汶詳以漏網髮逆復押
浙江南田海盜因馬新貽在浙江巡撫任內戮伊夥黨甚多又因
伊妻羅氏爲吳炳燮誘逃呈控未准審理其在新市鎮私開小押
適當馬新貽出示禁止之時心懷忿恨竟敢乘間刺害總督大員
實屬罪大惡極既據鄭敦謹等審訊確實驗明兇器亦無藥毒並
東華續錄 同治八十九 三

無另有主使之人著卽將張汶詳凌遲處死並於馬新貽柩前摘
心致祭以彰國法而慰忠魂其子張長幅著照所擬按例懲辦該
故督公忠體國歷次勦辦海盜殲除積年匪首地方賴以安靖詎
以盜匪遺孽挾仇逞兇倉卒殞命實堪悼惜前已有旨將馬新貽
照總督例賜卹入祀賢良祠著再加恩照陣亡例賜卹並於江甯
省城建立專祠用示篤念盡臣有加無已至意記名總兵前署督
標中軍副將喻吉三武巡捕儘先遊擊葉化龍把總唐得金千總
費善樂馬兵冉雄彪等失於防護咎有應得喻吉三著革去提督
銜降二級調用葉化龍著降二級調用唐得金等均著斥革以示
懲儆○丁卯 上詔 大高殿祈雨○以庫倫援兵中途駝馬疲
乏諭福濟等速備臺站支應○庚午諭軍機大臣等本日據恩麟
等奏達賴喇嘛由布達拉山親至大招啤經並據聲稱每於藏地

清平按年於正月內循例下山攢招啤經等語前於同治七年正月間經景紋奏稱西藏僧俗人等因豐收安樂懇請達賴喇嘛下山誦經當經降旨賞給哈達等物此次達賴喇嘛啤經虔祝既據奏稱按年於正月內循例下山是否與前案事同一律抑或年例應有之事著恩麟德泰詳悉覆奏並著將從前循例啤經奏案及有無頒賞物件一併查明迅速奏聞將此各諭令知之○辛未諭軍機大臣等張廷岳等奏庫倫前調防兵難以分撥並探聞回匪意圖東犯杜嘎爾奏啟程出口各摺片據稱庫倫為賊匪所垂涎該處既無險可憑蒙古兵又不足深恃前調宣化大同官兵二千名俟到庫後設營分防尚恐不足勢難分撥請飭直隸山西各續撥官兵五百名徑赴科布多等語前據李鴻章奏宣化大同官兵兩處分撥統帶之員既難兼顧分運糧餉又多軫軫業經諭令張東華續錄 同治八十九 丑

廷岳等將宣化兵雷駐庫倫大同兵撥赴科城茲因庫城兵力不敷若由直晉兩省各行添撥仍恐事涉紛歧不如專由直隸添撥較為直捷著李鴻章再於直隸所屬各鎮酌調兵一千名派員管帶馳赴庫倫與前調宣化官兵一併聽候張廷岳等調遣其大同官兵一千仍全數調赴科城藉資防守賊匪既已竄至額哲呢河意圖東犯庫倫援軍必須星速前進杜嘎爾見已統帶馬隊啟程著即趨程前進馳赴哈爾尼敦推河一帶相機防剿所有烏屬臺站福濟等諒已遵奉疊次諭旨趕緊設復不至再有阻滯杜嘎爾既不曉漢文中途遇有緊要應奏事件著准其繕寫清文俟抵烏後一切防剿事宜即會同福濟等仍用漢字聯銜具奏並著福濟等將摺內陳奏之事用清語向該副都統詳悉告知以免歧異吉林黑龍江馬隊既經陸續出口所有宣化大同官兵著文盛迅速

催調剋期啟程早抵庫城不得稍有延緩將此由六百里各諭令知之○諭文麟景康奏停止赴烏援軍一摺前因烏科情形較鬆已諭令景廉毋庸帶兵前往至安集延回眾攻破吐魯番城後並未歸順心懷叵測亟應先事籌防著文麟景廉懷遵前旨督飭兵勇於西路各要隘嚴密防守毋稍疏虞東路西甯河州甯夏等處大股逆回接連肅州回匪陸續出關在赤金峽一帶盤踞意圖西竄著成祿迅飭官軍確探賊蹤防剿兼施力扼該逆西趨之路並飭派出之李天和等三營妥籌布置遇賊即擊迅殄逆氛文麟景廉務當飭令防兵相機堵剿毋令匪勢蔓延將此由五百里各諭令知之○癸酉諭軍機大臣等曾璧光奏籌辦黔省軍務調隊助剿請撥協餉一摺曾璧光周達武見在籌商上下游兩路同時進兵上游用兵以萬計下游用兵以二三萬計周達武隨帶原部楚勇五千九百名並忠字楚勇六百暨募定黔勇共一萬五千再將本省各軍選留八千擬調李輝武所部二千五百人赴黔令其再行添募併原部足一萬四千人兼辦上下兩游始敷分布所籌自係實在情形黔省軍務日久尚無起色總由本省兵力過單以致此期彼竄該撫等既擬兼辦兩游籌定進兵之路即當協力同心相機調度不可徒託空言李輝武前帶武字營勇三千援陝經蔣志章抽撥王名滔一營外尚有二千五百人分紮寶雞各路見在劉銘傳督辦陝西軍務所部不少黔省亟須添兵李輝武所部著准其調往以厚兵力陝西南路寶雞一帶與甘省秦州屬境毗連防務甚關緊要著蔣志章劉銘傳會商迅即撥隊前往填紮該提督本有移軍前赴汧隴之奏著即悉心布置毋稍疏虞李輝武所部俟劉銘傳派隊接防後再行啟程赴黔歸曾璧光節制調遣該

軍向食川餉著崇實吳棠於月協黔餉五萬八千兩外仍將該軍月餉照常籌解毋令缺乏曾璧光等此次籌添兵勇除川省月協的餉及李輝武所部由川給餉外按月尚需餉十四萬兩有餘部撥黔省軍餉每月約計銀十二萬餘兩數尚不敷著戶部酌度情形再於各省加派數萬合舊撥之餉每月湊成銀十四萬兩自本年為始作為協黔的餉催令各該省按月撥解赴黔以應急需添兵添餉均已照請辦理務當妥為部署督軍進剿戡定苗疆黔省見擬分軍兩路進規入寨凱里冀會楚師合剿下游著劉崐檄令席寶田迅督所部掃蕩而前聯絡聲勢不得稍存觀望將此由五百里諭知崇實吳棠蔣志章劉銘傳劉崐曾璧光並傳諭周達武知之○展普濟堂功德林賑賑兩月○乙亥諭軍機大臣等蘇鳳文奏據越南國王來咨都司馬雲標遞到馮子材照會內稱該都東華續錄 同治八十九 三

司前往河內購買肉桂等項銀兩被搶欲往清化追究札令派兵護送該都司又欲往河內海陽等省行徑甚為詭譎並接到廣東陽江鎮照會內敘派李德安等前往該國擊犯又古之人一名偽造札文捏稱前往清查軍情懇請究辦等語都司馬雲標與盜削桂皮之張祿交通欲往該國買桂又以銀兩被搶為詞意圖詐索情殊可惡馬雲標著即行革職擊問古之人實在係何姓名偽託清查軍情意欲何為有無夥黨亦應徹底根究馬雲標古之人均著交蘇鳳文李福泰嚴行審訊從重懲辦張祿亟應飭拿務獲與李四一併訊究馮子材曾否給予馬雲標照會著該提督嚴切根究以期水落石出毋稍含糊廣東陽江鎮照會擊犯一節著瑞麟飭屬嚴拿李德安王景詳到案與陳滄一併究出確情盡法懲治事關交涉外藩瑞麟蘇鳳文李福泰尤當認真查辦不可稍有不

實不盡啟外邦輕視之心至廣東廣西咨行越南文件向有定例著知照該國嗣後如有違越向章擅遞公文者即一面將遞送之人看押一面咨照該督撫等查辦以杜假冒此外有匪類在該國境內滋事者立將該犯拿交該督撫從嚴究辦毋稍姑容另片奏據該國咨稱蘇桐漢等在沿河擾掠等語該國既有匪蹤未可忽然膜視應否派兵會剿或派員會同該夷官著蘇鳳文李福泰馮子材會同該國妥為辦理至蘇桐漢等難保非吳亞終餘黨蘇鳳文等亦應確切查明不得稍涉回護將此由五百里各諭令知之○丁丑 上詣 大高殿祈雨○壬午諭軍機大臣等英翰奏擊獲逆首宋憬詩解省訊供一節宋憬詩在東省倡亂後反覆背叛久稽顯戮經英翰密派員弁在亳州之界溝集地方將該逆擊獲即著英翰將宋憬詩就近在皖正法並傳首犯事地方示眾以申國憲而快人心此外有無該逆黨與潛圖不軌該撫務當督飭屬員隨時密查以遏亂萌據該逆供稱伊子在西路營中等語宋逆之子如在軍營洩迹必係詭託姓名英翰如能訪明該逆之子蹤迹姓名一面咨照西路各軍營嚴密查拿一面迅速具奏將此由四百里諭令知之○諭豫師奏籌辦西甯軍情等語西甯回眾頻年詭託就撫句結外匪四處焚殺豫師以兵力不足驟難進攻暫擬鎮攝羈縻解散脅從以孤賊勢所籌尚為因時制宜之計見在金積堡賊首馬化澂等業已伏誅羣賊自必聞風喪膽左宗棠即應乘此聲威調派各軍規取河州等處兵貴拙速不貴巧遲諒該大臣全局在胸必已熟思審計迅速籌辦豫師業已函商左宗棠移軍狄河時豫為分兵西進以便抽軍進紮著左宗棠斟酌情形隨時與豫師妥籌辦理刻下西甯回情漸已斂迹高臧陝匪亦降

續西竄豫師仍當審度軍情拔隊前進相機剿撫不得徒託空言
久延時日本日據英翰奏擊獲逆首宋憬詩供稱伊子今年二十
歲聽說在西路營裏不知真假等語該逆之子如在軍營涵迹必
係詭託姓名著左宗棠飭令各營留心訪察一經查出即行奏聞
將此由五百里各諭令知之○癸未諭軍機大臣等金順奏進剿
通貴堡獲勝並攻破洪岡賊寨各摺片通貴回匪恃其堡大濠深
負隅抗拒經金順會同張曜督軍進剿大小十餘戰斃賊千餘名
並將附近之馬陽春寨攻破惟近日該堡人數較多各處洩匪屬
集其中賊勢頗為猖獗見在甯靈漸次肅清豈可因此一隅久煩
兵力著金順會商張曜一面挑築長圍一面督飭各軍奮力進攻
務將此股回匪就地殲除不得任令他竄又形滋蔓劉廷一軍攻
破洪岡情形與定安前奏大略相同清水渠口兩堡牆濠業經平

東華續錄

同治八十九

天

毀刻下平羅一帶無餘孽潛藏仍著金順檄令該提督認真搜
捕以期一律廓清昨據英翰奏擊獲逆首宋憬詩供稱伊子今年
二十歲聽說在西路營裏不知真假等語該逆之子如在軍營涵
迹必係詭託姓名著金順知會張曜於所部各營一體留心訪察
一經查出即行奏聞將此由五百里諭令知之○于烏里雅蘇台
陣亡防禦阿克棟阿等祭葬世職○乙酉諭軍機大臣等李福泰
馮子材奏籌辦越南踞匪分別剿撫各摺片越南匪徒蘇帽漢退
出諒山該撫已飭知府徐延旭前往交界處所會同夷官將此股
人眾分別去畱或就地安插或遣回本籍約束務當飭令徐延旭
妥為安置毋令再滋事端以安邊徼其占踞木馬高平匪股尚未
殲除馮子材見擬統帶防兵十六營馳赴龍州駐紮李福泰派令
道員華廷傑赴營幫同辦理勦撫事宜木馬高平接壤鎮安匪蹤

出沒靡常亟應悉數殲除免致侵軼為患著馮子材相度機宜督
同總兵劉玉成迅將木馬一帶股匪蕩平毋畱餘孽並隨時知照
該國派兵會剿其各要隘處所該撫已派兵嚴防杜其回竄旁逸
之路並於適中扼要地方紮營以防白苗窺伺稽查流民逸匪毋
令出關所籌尚為周密即著隨時認真防範毋任句結蔓延至宣
光等處既距邊界較遠暫緩進兵亦係實在情形著照該撫等所
議俟克復木馬高平後知照該國自行攻剿如該國兵力單弱仍
當相機協助以綏藩服不得稍存膜視將此由五百里各諭令知
之○諭禁杜爾伯特招墾蒙古旗丁荒地○丁亥諭軍機大臣等
李鴻章奏豫籌日本通商事宜請調熟悉洋務大員來津商辦一
摺日本通商議約伊始尤應慎之又慎免滋流弊該國使臣約於
本年三月間成行輪船迅利不日即可駛至自應豫行籌畫江蘇
東華續錄 同治八十九 天

東華續錄

同治八十九

天

按察使應寶時熟悉洋務著曾國藩張之萬飭令該臬司查探日
本使臣過滬即酌帶委員附搭輪船迅速兼程來津由李鴻章督
同該臬司妥籌辦理將此由四百里各諭令知之○戊子諭內閣
原任廣東陸路提督劉松山由湖南軍營帶兵轉戰十餘省屢著
戰功上年正月因督師進攻甘肅馬五寨回匪中礮陣亡業經降
旨優卹見在金積堡賊壘削平首逆就殲該提督靈柩尚未回籍
追溯前勦尤深矜惜劉松山著加恩賜祭一壇由左宗棠派員前
往致祭用慰忠魂○左宗棠奏范銘部眾挑選成營後餘眾潰變
及辦理情形 已據實詳陳續據提督楊世俊張仲春等報稱該
逆自十一月二十二日與官軍接仗後連次衝突均經擊敗擒斬
頗多十二月初一初六等日周開錫調赴岷州會剿之涼州鎮總
兵傅先宗前臺灣鎮總兵劉明燈等各率所部及 臣親軍四哨並

安前宗岳各營先後到岷以岷城東南四五里之教場堡香芳崖地勢高峻俯瞰城中爲賊所必爭非築壘備之不足以制其死命初八日各軍前往修壘楊世俊等料賊必出隊牽掣官軍與張仲春各率馬步列隊護之日午賊果以大股七八千人轟擁出城分而爲兩一支遮截楊世俊張仲春列隊之兵一支直撲劉明燈傅先宗築壘之所各軍屹立靜以待之賊中槍斃雨注呼噪甚急楊世俊劉明燈傅先宗俟其逼近揚旗伐鼓各軍如牆而進槍轟矛刺槍斬二三百名賊勢披靡官軍縱馬蹙踏步隊繼至銳氣百倍圍賊東南川中刀砍矛刺槍斬三四百名傷者無數敗賊負創狂奔入城日暮收隊官軍亦略有傷亡自是賊勢愈衰央人乞撫日三數輩然首逆畏誅並無一自縛來投者官軍更番攻擊炸彈所及樓堞多圯城中糧食且盡殺馬充飢每夜出攻堡覓食官軍東華續錄 同治八十九 年

屢邀擊之無所掠正月初八日大股賊自西門突出掠糧官軍伏於後根堡要其歸路賊至伏起陣斬悍目師仲筵潘榮華等城中復出援賊三千餘迎戰傅先宗與提督殷華廷馬步各營馳截之斬賊千餘擒其悍目楊朵會尤得祥接賊大潰劫糧之賊亦大潰斬賊無算餘賊駭走劉明燈察知賊勢困蹙已極必尋隙突竄乃撥馬步四面加緊圍逼適湯聘珍奉周開錫檄帶前由范營分出之平西營營官鄭福及差弁韋廷苞於十一日到岷鄭福韋廷苞均狄河人也令其入城諭潰卒毋相隨受戮諸潰卒涕泣聽命十二日二鼓潰卒頭目胡海包天成等隻身詣營乞撫並請先質妻子十四日潰眾齊出乞撫傅先宗楊世俊劉明燈張仲春殷華廷慰諭之令胡海包天成等呼首逆尤芝政安桐貞速出尤芝政安桐貞見撫局已定十五日乃挺身詣營謝罪傅先宗等傳集各降

目數尤芝政安桐貞倡亂抗拒之罪斬之以徇餘眾震懾帖服乃散粟賑飢軍挑其壯健者分置各軍周開錫檄劉明燈編立副中一營 臣親軍四哨編增四營外尙有三千餘人歸傅先宗殷華廷編營安插並填補缺額其老弱婦女萬餘則安置岷州檄張仲春帶宗岳三營副白旗馬隊營鎮撫之檄署知州呂恕編審安插給以賑糧種子督其耕作而黑頭勇大股多寡強弱始有確數可稽卽范銘前此所收之蘭州叛兵各處潰勇土匪及尤芝政等此次裹脅之難民附和之游勇亦水落石出可以逐一清釐矣岷州紳民張旋乾邱映斗王映奎白生彩等數十名老民數百名訴稱自前任徐楊知州招收黑頭勇日久嘯聚愈眾始而攔路劫搶繼而攻堡殺人比賊尤甚近破后所小山香房崖卧竜哈樹板達口麗家山北小路甘寨野倉糸兒壩等寨請乘此兵威一鼓殲除周開錫諭以首惡既誅悍黨多就駢戮餘當曲貸以廣 皇仁仍慮土客仇衅既深勢難並處分檄劉明燈傅先宗殷華廷等各帶所編各營新收叛卒赴隴西伏羌秦安駐紮慎選營官哨官訓練鈐束以期得力 臣飭其清查各案叛弁匪目及各省游勇漸次分別辦理冀可銷異患以固民心又奏本月十二日欽奉同治十年二月初五日寄諭前因周開錫辦理甘南軍務恐不得力諭令左宗棠隨時查察毋誤事機等因欽此跪讀之下曷勝惶悚 臣任大責重不能早紓西顧之憂並以引用非才致煩 聖慮愧歎何言惟事關大局知而不言既乖人臣無隱之誼而言之過盡又適開議論之端晝夜思維罔知所措謹就所見所聞事堪覆按者爲我 皇上陳之諭旨河州回逆三千有餘於去臘潛越洮河竄至岷州與官軍接仗復竄鞏昌阜陽川一路向東分股肆擾平南川一節 臣

徧聞秦各府州縣去臘稟報實無河州回眾三千餘潛越洮河
 闌入鞏秦與官軍接仗之事惟狄道曾有河回出擾經河州鎮總
 兵王得勝兩次出隊旋即卻走略有擒斬臣以無關輕重未及敘
 奏言者所稱與官軍接仗或即指此然不獨未竄至岷州亦未竄
 至鞏昌也至阜陽川平南川娘娘壩鹽關李子園等處地當鞏秦
 之交去洮益遠從前狄道未復以前時有河回竄擾蓋洮東無軍
 駐守賊無所忌耳迨狄道既復屏蔽稍寬鞏郡迤南防軍林立洮
 河之可偷渡者惟康家巖一處故安定會甯時有零騎竄越滋擾
臣曾參革帶勇道員李耀南而不劾鞏秦諸將者以此言者誤信
 一時謠傳遽以無據之詞入告此臣所不及料也范銘皋蘭人所
 部黑頭勇多河州狄道人甘肅官紳以其與河回仇怨素深冀其
 能出死力與河回抗而黑頭勇在甘軍中猶為出色前藩司林之
 東華續錄 同治八十九 三
 望力庇之任其展轉招致不加譏察卒之冗雜日甚賈楷雜糅愈
 不能戰而餉既乏絕派捐民糧又以時被河回驚擾人民死喪流
 亡地畝荒蕪無以供億遂棄所駐之地就食岷州穆圖善規復河
 州徵南路諸軍由狄道進剿初猶屢獲小捷繼藉口糧盡退走鞏
 秦敗不可止據梅開泰王得勝等稱當時實因黑頭勇先潰牽動
 各軍其詳固無從稽考然范銘全軍潰退則固無可辨也臣度隴
 之初見隴事敗壞至極無從措手心竊憂之然兵事有緩急賊勢
 有重輕自應悉心斟酌遂決意取遠勢進兵北路就近援南路而
 自率親兵駐中路以策應南北兩路惟南路諸軍本不足恃又挫
 退之後銳氣銷亡欲從新布署既苦欠餉過久撤遣無資且甘軍
 土客混雜其土著固有室家之戀其客兵亦皆娶婦生兒軍營惡
 習無所不有縱籌撤遣之資必將到手花銷仍羈異鄉流為游手

貽地方異日之患適周開錫由閩解餉來營見臣當食而歎遂自
 請赴南路一行臣乃令其統所撥宗岳全軍平江兩營點驗甘南
 各軍截汰虛額成營併歸總統兼理地方釐稅錢糧諸務剔除中
 飽以蘇民困而濬餉源其間驕軍悍卒之鬱陵同事之牽掣皆所
 不免而周開錫守意自如中無所懾乃復渭源狄道開屯田勸耕
 墾滅陋規定津貼鞏秦之閒民用大和臣近接秦州士民畱見署
 鞏昌知府之稟雖無歌誦周開錫之詞而所稱德政則皆周開錫
 所稟呈施措者民情亦大可見矣言者謂鞏秦為完善之區前此
 並未遭蹂躪自周開錫總統南路諸軍以來既不能禦外來之匪
 又激變范銘之勇致與官軍為仇長賊勢臣未見原奏不敢多
 辨然南路軍務地方已有起色臣疊次所奏甚詳范銘之變非由
 周開錫激成難逃 聖明洞鑒是非仍可覆按也軍中謠言最多
 東華續錄 同治八十九 三
 鞏秦文武畏黑頭勇尤甚潰卒東竄之時號稱十數萬風謠四起
 比楊世俊追剿疊勝人心稍定而追過禮縣時署知縣蕭肇基運
 糧不及捏報楊世俊被賊截圍數段臣知其誣撤委迨楊世俊躡
 追至岷以銳進猛攻為賊所乘致挫羣謠復作周開錫堅持不動
 比楊世俊傳先宗劉明燈報臘八之捷微及撫局臣批示剿到極
 處乃可言撫自首惡伏誅叛卒分起安插而羣詠亦漸息見在范
 銘眷屬猶在蘭州應領糧食仍照常給領臣前奏范銘棄軍走隴
 其下潰變或非其意所及惟尤芝政安桐貞罪在不赦應剿撫兼
 施迅圖蕙事茲局勢初定范銘知臣與周開錫無意殺之或赴蘭
 州自投亦未可定惟頃接見蘭州道張瑞珍坐補漢中知府林士
 班自秦州來談及范銘一事據稱范軍未潰之先曾問范銘自言
 伊在皖帶兵曾接護前撫翁同書親屬有功又素稱林士班為太

世叔以其為林之望堂叔也或請旨飭下陝西撫臣蔣志章委藩司翁同爵督辦陝西軍務臣劉銘傳委前藩司林之望前赴秦州會同鞏秦階道唐啟蔭查明地方實在情形及周開錫辦理此案有無激變情事以明國是而釋羣疑可否之處伏候 聖裁至甘肅之有楚軍自都興阿多隆阿由湖北帶來內多湖北投誠之眾嗣楊岳斌總督陝甘則湖南水軍居多而皆名為楚軍故蘭州歷設有楚軍糧臺不自臣始也臣軍雖名楚軍而陸續選募各省勇丁頗多本不僞楚人臣於楚軍固無所庸其徇庇又奏臣欽奉恩旨開復降三級留任處分並加賞一騎都尉世職跪聆之下感激涕零不知所措竊念臣楚南下士章句陋儒蒙 文宗顯皇帝特達恩知於疑謗交集時優擢京卿昇以幫辦軍務重任 皇上御極疊承寵渥游擢疆圻並荷甄及微勞錫封伯爵臣拜官不敢辭

東華續錄

同治八十九

話

血以祭劉松山之靈三軍雨泣臣提訊解到金積堡回眾均稱劉帥亡後堡中夜靜時聞戈馬之聲如怒潮湧至每月約三四次或五六次賊中每疑官軍夜襲不敢解衣就臥而上年十一月十六夜三鼓平涼城外忽聞大聲鳴鳴山谷響應守城將士疑為狼嗥開礮轟擊之比縋城出視了無所見臣時徘徊帳中覺其有異後得諸軍馳報是日馬化澂就擒矣然則前史所載毅魄忠魂時露靈異誠未得謂其盡屬虛語也臣與劉松山共事數年知其行軍律已實一時名將而一片忠愛之忱出於至性則古人實無以加每一追思悲痛不能自己合無仰懇 天恩將賞加 臣騎都尉世職合之劉松山原得之三等輕車都尉照三河殉難撫臣李績賓例追賞劉松山令其嗣子肅承襲則盛典不虛前敵諸軍益知所感而 臣亦免忝竊之譏感荷 鴻慈曷其有極 上諭軍機

東華續錄

同治八十九

話

庸誠周開錫既能任事不避嫌怨所有甘南軍務及地方釐稅錢糧已責成該道經理該大臣當飭周開錫聯絡各營及地方官和衷商辦不得一意孤行如有貽誤惟周開錫是問范銘見在是否投出仍著查明具奏另摺奏請將所得加賞世職追獎勞臣等語劉松山屢著奇功歿於王事朝廷軫惜殊深本日已明降諭旨賜祭一壇以慰忠魂俟甘省軍務一律肅清屆時再降恩旨該大臣請將加賞騎都尉世職追賞劉松山令其嗣子承襲之處著毋庸議將此由五百里諭令知之○諭崇實吳棠奏巴夷竄擾經川滇兩軍擊退回巢一摺雲南之大關永善四川之雷波馬邊夷巢林立聲息相通此次滇匪句串巴夷散練分股竄擾雖經川滇兩軍夾擊潰竄回巢惟尚有零匪數百藏匿老山且該夷不務耕耘專圖劫奪難保不暗中句合乘間復出著崇實吳棠劉嶽昭岑毓英東華續錄 同治八十九 奏

督飭唐友耕李家福兩軍在川滇毗連一帶實力防剿將老山匿匪搜捕淨盡毋得稍分畛域其筠連縣地方游匪數十成羣乘機搶奪若不上緊拏辦尤恐釀成大患崇實等務當嚴飭唐友耕會合附近兵練併力掃除以清餘孽將此由五百里各諭令知之○命瑞常為大學士由刑部尚書遷以文祥協辦大學士○左宗棠奏臣前將金積堡首逆馬化澹暨馬耀邦馬建邦馬正邦馬九馬三馬成澹馬恆邦馬定邦等凌遲處死並將從逆要犯概予誅夷各情於同治十年正月二十五日由驛馳報在案嗣復派員將逆屬馬玉澹馬五十六馬五十九馬樹邦馬彥邦馬繼邦馬三和馬飛飛馬化澹馬進孝馬由宗馬鎖馬沙杷馬七十子馬啞啞馬阿西子等男犯十六名口馬馬氏馬譚氏馬閻氏馬何氏馬毛抓抓馬毛亞亞馬三苗七名口又雇工牛占元楊阿壯子等二十六名口僕婦

使女等九名口一併提至平涼委員審取確供臣覆加研訊馬玉澹即馬七係首逆馬化澹堂弟前經手繳過槍礮係購自陝回均不堪用並據雇工及其親屬等供該犯曾與馬化澹經管槍礮等項眾證確鑿應按照共謀反逆凌遲處死例凌遲處死雇工牛占元牛占寬本黑龍江回民據供在馬化澹家受僱已十餘年往來包頭等處領本置貨同治七年官軍進剿該犯即在金積堡並未外出其同謀抗拒可知應即斬決比提馬玉澹牛占元牛占寬辦結外其馬五十六係馬耀邦之子馬五十九係馬樹邦之子馬樹邦係馬九之子馬彥邦係馬三之子馬飛飛係馬成澹之子馬由宗馬鎖馬沙杷馬七十子係馬定邦之子馬繼邦馬三和係馬玉澹之子均年未成丁訊明不知謀逆情事應照反逆案内問擬凌遲之犯其子訊明實係不知謀逆情事者無論已未成丁均解交東華續錄 同治八十九 奏

內務府開割發往新疆等給官兵為奴例解交內務府照例辦理馬五十六馬五十九馬飛飛馬由宗馬鎖馬沙杷馬七十子馬三和俱年在十歲以下應照例牢固監禁俟年十一歲時再行解交內務府照例辦理馬化澹即馬九期服兄又馬定邦之父馬阿西子係馬九已死期服兄馬化椿之子馬進孝馬啞啞係已死馬定邦期服兄馬安邦之子應照緣坐男犯並非逆犯子孫例發往新疆等處給官兵為奴馬阿西子馬啞啞見今年在十五歲以下應牢固監禁俟成丁時再行發遣查新章發新疆之犯俱改發黑龍江惟見據賊供黑龍江亦有新教之黨在彼傳教應改發閩廣給官兵為奴至女犯馬馬氏係馬化澹之妻馬譚氏係馬正邦之妻馬閻氏係馬正邦之妾馬何氏係馬建邦之妻馬毛抓抓馬毛亞亞係馬化澹之女俱應緣坐應照嘉慶十九年山東反逆案發閩

粵等省駐防爲奴除馬馬氏業據報病故驗埋應毋庸議外其馬
閻氏之女馬三苗例無緣坐明文應准該犯婦帶赴遺所馬化濇
之女馬毛抓馬毛亞亞俱年幼應暫行收養俟及歲時再行發
遣其訊無從逆之雇工僕婦使女等均發交平涼縣安插擇配是
否如斯應請旨飭部覈覆遵辦再平涼縣監獄偏仄所有應行監
禁收養男女各犯擬發交陝西按察使衙門分別辦理又奏巨逆
穆生花卽穆三其祖穆大阿渾傳習新教與馬化濇之父馬二交
好新教中推爲大善人穆大阿渾臨死以其帶服白帽紅衣傳之
馬化濇令其眾歸馬化濇管束穆生花與其弟穆四穆五均爲新
教阿渾行教於秦安清水交界之蓮花城一帶與馬化濇互相首
尾馬化濇嗾其攻陷平涼府城固原州城其陷城也屠戕民人慘
酷殊甚平涼爲甘肅中路大郡承平時城內外煙戶不止數萬亂

東華續錄

同治八十九

五月

後僅存有四十七戶男女丁口不滿七百縱橫數百里煙火寂然
而白骨黃茅彌望皆是遺黎泣訴被禍之烈爲古今所未有也穆
生花與其弟兄夥黨旋遷居金積堡助馬化濇抗拒大兵上年五
月穆生花以求撫未得知罪無可逃仰藥自盡金積堡平後陳湜
黃鼎按獲穆玉軍前正法解其眷口夥黨赴平涼平固民人以穆
生花兄弟實逆案渠魁其眷口夥黨呈請按律擬坐臣擬俟其解
齊另案分別擬辦以昭炯戒而快人心又奏據陳湜等稟解王錫
爵鐵秉忠袁世榮三犯到營臣親加提訊據王錫爵供稱雲南蒙
自縣回民由武進士花翎侍衛報捐都司分發甘肅隨征立功保
升花翎遊擊前陝甘總督樂斌委署花馬池營參將同治元年經
甯夏鎮派令帶兵一千名赴陝防堵在北關外偵探賊蹤卽同所
帶回兵數名投入陝回鄒保和賊營七年四月同陝回到董志原

其眷口在花馬池者先已移至金積堡該犯遂入金積堡同住據
鐵秉忠供陝西長安縣回民由行伍出征歷保藍翎都司銜守備
前護陝甘總督恩麟委護靈州營參將同治八年十一月馬化濇
遣逆黨襲陷靈州城該犯投賊攜眷移住金積堡據袁世榮供陝
西鳳翔縣回民由行伍出征歷保花翎都司銜守備署陝西甄平
營都司同治七年挈眷投賊移住金積堡臣查王錫爵鐵秉忠袁
世榮均係從逆武職王錫爵並以女嫁馬化濇之孫爲妻訊各賊
供當官軍進攻金積堡時王錫爵袁世榮與首逆馬化濇之子元
惡馬耀邦分守西南北各城抗拒官軍最爲盡力尤屬罪大惡極
覆載難容臣於研訊明確後卽將王錫爵鐵秉忠袁世榮三犯一
併凌遲處死以昭炯戒報聞○己丑 上詣 大高殿祈雨○庚
寅調全慶爲刑部尚書存誠爲禮部尚書崇綸爲工部尚書以靈

東華續錄

同治八十九

五月

桂爲理藩院尚書早保爲左都御史魁齡爲吏部左侍郎轉延煦
爲戶部左侍郎調桂清爲戶部右侍郎恩承爲禮部右侍郎轉明
善爲工部左侍郎以榮祿爲工部右侍郎由鑲黃旗蒙
古副都統遷○是月編
緩直隸磁州等二十七州縣被擾節年額賦江蘇泰州等二十五
州廳縣暨淮安等四衛被水被旱上年漕糧額賦太倉等二十九
州廳縣暨蘇州等五衛被旱節年民欠租賦
三月癸巳諭軍機大臣等定安金順奏攻克通貴堡擒獲首逆馬
萬選並辦理餘匪情形一摺通貴堡大小兩寨巢穴賊悍日久負
隅經金順會同張曜督率官軍奮勇進剿攻克巨巢生擒首逆實
足以寒賊膽而快人心惟敗逃餘匪乘間竄入納家廂內該處匪
類納萬郭等復以洗回之說煽惑羣情若遽行進兵則已撫良回
勢必驚擾適墮納萬郭等詭謀金順見商張曜飭令該處良回速

將賊匪眾及頑梗不化之徒勒限悉數驅出就戮以免株連所
籌尙合機宜卽著該署將軍等妥爲辦理如果有意窩藏自外生
成卽著金順會同張曜督兵進剿毋令滋蔓金順張曜所部攻堅
破壘勞瘁異常俟甯夏一帶肅清卽可略予休息以養兵力該處
有無零星回堡需兵剿辦並著定安金順查明具奏將此由五百
里各諭令知之○予甘肅陣亡副將傅守異祭葬世職○丙申諭
軍機大臣等岑毓英奏攻克澂江府城擒斬首要各逆並克復江
那土城各摺片澂江府城被賊占踞十有餘年此次經岑毓英督
率各營員弁奪據四面城濠分投開挖地道疊次環攻於二月初
一日將澂江府城攻克生擒首逆馬和等正法敗逃餘匪投殺殆
盡全境一律肅清實足以申天討而快人心岑毓英督兵剿賊親
臨前敵克奏膚功實堪嘉尙其在事出力文武員弁卽著劉嶽昭

東華續錄

同治八十九

罕

岑毓英查明保奏候旨施恩至開化府屬之江那地方久爲賊匪
堅巢經署總兵麟志等軍先將探南脚側竜二處攻克斷其犄角
乘勝力拔江那剿辦尙屬得手卽著劉嶽昭岑毓英檄飭張保和
等迅將田心茂克賊巢一律攻拔毋稍稽遲見在滇省東南各屬
漸次底定此後進兵機宜及如何規復大理之處並著劉嶽昭岑
毓英斟酌情形次第籌辦岑毓英另片奏參將邵天貴等燒殺搶
擄目無法紀已查拏正法等語軍行以紀律爲先騷擾在所必禁
嗣後如有似此不法之員並著該督撫等一體嚴懲以肅軍律將
此由六百里各諭令知之○以流民赴朝鮮滋擾諭都興阿丁寶
楨於沿海地方飭屬嚴密查禁○張兆棟奏挑築運河事宜允之
○丁酉諭軍機大臣等福濟等奏拏獲賊探飭屬嚴防何璟奏烏
屬各臺未齊大同兵候調前進各等語賊匪伺隙回竄本在意中

見據福濟等拏獲賊探據供成娃子賊中分遣細作陸續赴烏
城庫倫放探並有賊股在各旗地界藏匿行走鄂哲尼河等處又
有賊股盤踞約定三月間在雪山溝會齊四月間向東北來烏滋
擾圖上庫倫並調施元帥帶馬隊二千出口謀犯庫倫賊情巨測
亟宜先事豫防著福濟榮全錦丕勒多爾濟張廷岳阿爾塔什達
各飭所屬扼要嚴防斷賊來路一面勤加偵探將各起細作按名
按拏毋任漏迹賊既圖犯烏庫乘其黨與未集先發制之則烏合
之眾不難盡數殲除著杜嘎爾迅卽督兵前進探蹤離剿毋任醜
類蔓延福濟張廷岳等當各就見有兵力防剿兼籌彼此隨時知
照互相聯絡不得稍涉大意福濟等原片著鈔給張廷岳等閱看
烏屬各臺疊經諭令福濟等一律設復乃日久尙未備齊以致師
行多滯實屬疲玩大同官兵改調赴科應由賽爾烏蘇轉西行走

東華續錄

同治八十九

罕

文盛因烏屬各臺未齊令該官兵暫緩來口駐紮天鎮候調俟宣
化兵全過後再行前進究竟烏屬各臺駝馬何時可以備齊宣化
官兵何時全過著文盛福濟等妥速應付毋再稽延杜嘎爾亦應
遵奉疊次諭旨會商福濟等設法辦理以便迅速前進福濟等卽
將各臺備齊由文盛就近飭令大同官兵接續進發星速赴科轉
餉旣由貢果爾一手經理晉省卽毋須派員出口其由歸化購糧
及運赴察哈爾臺站事宜仍著何璟會商定安妥爲籌辦毋令兵
食缺乏福濟等另摺奏請將捐輸踴躍之蒙古王公等獎勵等語
業已照請將軍林頓多布賞穿黃馬褂餘令該衙門議給獎敘矣
卽著該將軍等傳知該王公率屬守禦共衛邊疆力圖報效將此
由六百里各諭令知之○戊戌予甘肅陣亡副都統善山保等祭
葬世職○增建江甯駐防官署兵房○己亥 上詣 大高殿祈

雨○辛丑諭軍機大臣等甘肅金積堡賊巢業經官軍平毀逆首馬化澂等伏誅經左宗棠審明該逆首等眷屬按律分別科罪請將馬化澂馬阿西子馬進孝馬啞啞發往新疆等處給官兵爲奴按照新章俱應改發黑龍江據該督奏訊據賊供黑龍江近亦有新教之黨在彼傳教應改發開廣給官兵爲奴等語回民劫立新教結黨自固恐非安分之徒黑龍江地方是否有此名目有此黨類曾否在該地方滋事著德英不動聲色密訪明確詳細具奏如無滋事情形自應一視同仁毋令該回民等稍生疑懼轉啟弊端此事並非令該將軍查辦萬不可稍涉張皇將此密諭知之尋奏遵查黑龍江回民尙屬安分守法並無新教結黨滋事報聞○丙午兩廣總督瑞麟奏欽州轄境與越南國屬狗頭山等處毗連時有匪徒窺伺洋面見飭副將雷秉剛管帶輪船會剿斃匪多名得

東華續錄

同治八十九

三

旨仍著嚴飭派出文武各員弁會同巡洋舟師實力查拏毋任漏網以靖海疆○丁未 上詣 大高殿祈雨○戊申吏部以大學士倭仁瑞常應定何殿閣請得旨倭仁著授爲文華殿大學士瑞常著授爲文淵閣大學士○庚戌雨○以四川官軍攻克雲南永北廳城出力子副將鄧全勝等以總兵官簡放賞土司安平康祖父母父母二品封典餘加銜升敘有差○辛亥曾國藩等奏籌廣德等處招墾事宜詔如所議行○浙江孝豐縣土匪滋事竄建平安徽官兵擊破之○丁巳定安等奏籌轉運軍糧章程詔如所議行○戊午諭軍機大臣等李福泰奏剿除賓州貴縣賊巢等語匪首廖八占踞賓州下周村地方日久稽誅經副將潘其泰等帶兵進剿破其巢穴該匪率黨逃出旋經兵練擊斃客匪張平義等分踞遷江縣之白鶴村貴縣之松柏村特險負嶠亦經知府固魯鏗

等督率兵勇分投圍攻當將張平義等擒獲正法兩村匪巢同時攻克辦理尙爲妥協惟潰逃餘匪難保不勾結黨與復滋事端李福泰督飭潯州府知府將貴縣土客各案認真清理並分督兵勇搜捕餘黨以清餘孽前據蘇鳳文奏咨商馮子材於入關後挑甯十二營撥赴南太鎮安思恩各府與原派之勇協力清除伏莽仍著李福泰酌度情形督飭所屬文武實力籌辦以期地方一律肅清將此諭令知之○以甘肅克復狄道州城出力賞副將李忠林等巴圖魯名號餘加銜升敘開復有差○己未以孟夏時享 太廟 上前期親詣行禮

東華續錄

同治八十九

三

東華續錄

同治九十

臣王先謙敬編

臣張式恭恭校

夏四月庚申朔諭軍機大臣等文煜等奏第六號輪船開上第七號改造兵船情形一摺另片奏船政大臣因病不能赴工請旨遵行等語閩省第六號輪船見已購齊木料刻日開工即著照文煜等所擬命名鎮海至輪船之設須礮位多而馬力大方能利涉波濤制勝較有把握文煜等擬將第七號改造兵船不為無見著即督飭在事人員與日意格悉心講求功歸實際不得曠日持久虛糜帑金沈葆楨辦理船政成效彰彰見雖病未就痊仍未可置身事外著文煜等督飭夏獻綸等認真妥辦並令該道等隨時稟商沈葆楨以昭慎重沈葆楨俟服闋後再行赴工督率經理此係朝

東華續錄

同治九十

廷曲體孝思俯允所請該前撫母再因病固辭以副委任將此各諭令知之○癸亥諭軍機大臣等劉銘傳奏派軍填紮寶雞一摺據奏唐定奎一軍已由華陰拔隊馳赴寶雞分軍駐紮隴州鳳縣等語著劉銘傳飭令實力嚴防遇賊即擊毋稍疏懈甘省秦州一帶與寶雞等處接壤該處情形若何刻下有無賊蹤范銘所部叛勇雖已收降有無餘匪滋事金積堡克復後降眾是否安置妥協抑尚有餘匪竄併河州劉銘傳如探有確實情形隨時奏聞北山一帶伏莽未清該提督仍當派隊搜捕以靖地方並分飭所部各營將弁隨時認真操練毋任勇丁稍滋事端另片奏丁憂提督請俟撤防後終制等語提督唐定奎膝學義均著暫行留營俟陝西撤防後准其回籍補行終制將此由四百里諭令知之○丙寅諭內閣本日劉崐奏遵保攻克松柏洞苗巢及克復鎮遠等城出力

人員開單請獎並另片聲明摺片單正繕齊拜發開據營官戈鑑稟稱總兵陳大才等五員或撤遣出營或見已身故應將該五員此次保案刪除惟陳大才等業已列入清單請獎一經刪除全單即應另繕未便因此數人致稽全案請將陳大才等保舉撤銷等語除陳大才等業經扣除外惟臣工陳奏事件宜如何小心敬慎乃劉崐於保舉清單竟因業經繕就憚於更換奏請於降旨時代為撤銷實屬不成事體劉崐著交部議處○諭軍機大臣等劉崐奏援黔官軍疊破苗寨進規凱里一摺苗匪盤踞高坡雞擺尾等處經席寶田派軍進剿先將南瓦台盤兩寨攻克逆酋金大五撲犯鎮安當經擊退旋將高坡雞擺尾一帶賊寨剿平其壘谷隴賊巢亦一律掃除辦理尙屬得手所有此次出力人員著准其附入克復台拱案內彙請獎敘席寶田見撥派兵會剿加巴牛場並分

東華續錄

同治九十

軍擇要駐紮通清江台拱之氣扼丹江古州之要自率大軍由排羊排雜前進著劉崐飭令乘此聲威力圖進取務將丹江以東賊寨悉數蕩平由凱里等處節節進剿以期戡定苗疆將此由六百里諭令知之○添設江蘇堰圩同知駐長隄改揚州府總捕同知為河務同知○以湖南官軍收復貴州新城巖門司等城出力賞總兵官席啟昭于高勝正一品封典餘加銜升敘有差○以湖南官軍收復貴州鎮遠施秉等城出力賞提督曹復勝等三代一品封典餘加銜升敘有差○予貴州陣亡參將陳永楨等祭葬世職○己巳諭軍機大臣等金順奏回匪被剿求撫見籌安辦一摺通貴餘匪遁入納家牯後冀與納萬郭等匪黨伺隙逃竄疊被官軍攔擊無路可逃擒斬首夥多名敗匪潰奔入寨窮蹙求降金順會商張曜勒令此起回眾盡繳馬械平毀寨牆若能悔罪輸誠將藏

匿器械繳清聽受約束即著該署將軍等分別妥爲安插予以自新儻敢怙惡不悛心懷疑貳仍即督兵痛剿毋留餘孽甯靈西岸回務金順與張曜會商辦理總當分別良莠相機撫撫不可草率了事其投出靈州回民二百餘名金順已遣令東渡由該地方官收管安插著左宗棠飭令劉錦棠黃鼎遇此項回民抵籍即札行該管地方官隨時箝束妥籌安置毋令失所免致滋生事端金積堡攻復後左宗棠究從何路移營作何布置河狄匪勢若何如何設法進剿該大臣自應統籌全局將賊匪次第蕩平何以日久尙未奏及殊深廑繫著即將籌辦情形據實具奏不得稍涉遲回致負委任前據福濟等奏擊獲賊探成娃子係甘肅平番縣人寄居肅州據供同治八年楊軍門與回講和上年八月內回匪十人持楊軍門票出來貿易隨後出來五百人又有穆姓二人持楊軍門東華續錄 同治九十 三 門印票赴將軍公旗下貿易後跟賊三百多人等語所稱楊軍門是否即楊占鼐有無此等情事著左宗棠查明具奏將此由五百里各諭令知之○子甘肅陣亡遊擊尙清蘭祭葬世職○辛未上詣 大高殿祈雨○諭軍機大臣等成祿奏頭起官軍分紮關外並籌辦後路情形一摺成祿所派頭起出關兵勇分紮敦煌二營玉門一營去冬已抵防所見在關外附近地方是否安靖著成祿飭令遊擊李天和等與安西玉門原駐各軍聯絡聲勢互爲應援以資防剿上年竄擾甘郡之賊於十一月初間折回東去而自山丹至鎮番一帶賊蹤出沒無常道路不通且西甯之賊常赴北套擄糧是蘭州以西賊勢仍形滋蔓左宗棠務當統籌全局一面進兵河狄一面派軍由西路繞截毋令賊匪向甘涼遠竄致追剿又形棘手上年賊匪闖入山丹圍攻甘郡楊占鼐擁兵自衛閉關

株守以致城外地方悉遭蹂躪著左宗棠將該提督貽誤情形查明具奏成祿見在駐紮高臺著即督率兵勇認真訓練遇有賊蹤竄近隨時實力堵剿毋稍疏懈吉林黑龍江官兵見在無可調撥該提督當就現有兵力相機布置另片奏署高臺縣知縣秦惠鈞因奉委赴肅州查辦事件行至南山馬營岡地方遇賊被害殊堪憫惻著交部照例議卹並著左宗棠遴員接署高臺以重地方此股匪徒究從何處竄至見又竄往何處著一併查明具奏將此由六百里各諭令知之○甲戌諭軍機大臣等吳棠奏派隊赴黔甯兵以守川邊並簡練綠營情形各一摺前因曾壁光等奏黔省兵力不敷當照所請調李輝武一軍前往助剿茲據吳棠奏該軍扼守漢南三載以來邊境賴以稍安若全行撤去難資緩急請留二營駐紮陝甘交界之大安驛以固川邊其餘三營仍令赴黔等語東華續錄 同治九十 四 所奏自爲兼顧蜀境起見即著照所擬辦理至所稱調往之三營先給兩箇月餉銀解交李輝武料簡啟行並請將以前欠餉仍由川省酌補以後月餉即歸周達武於各省協餉內均勻撥放等語該軍向食川餉無論在陝在黔於川省同一支應並未額外添餉且黔省兵餉正苦不足若令李輝武所部由該省勻撥月餉勢必愈形支絀著吳棠仍遵前旨將該軍月餉照常籌解不得意存推諉並著飭令李輝武統帶所部三營迅速啟程曾壁光周達武俟該軍到黔後即行酌量添募歸併統帶藉資調遣其陝南一帶已據劉銘傳蔣志章先後奏報調派唐定奎等營分紮寶雞等處仍著飭令在防各軍與川省所留兩營聯絡聲勢嚴密扼守以固邊防川省綠營既據吳棠奏稱簡練整頓可得精兵九千餘人仍著隨時勤加訓練悉成勁旅不得徒託空言有名無實將此由五百

里諭知吳棠蔣志章曾璧光劉銘傳並傳諭周達武知之○諭文麟等奏安集延回酋遞送檄子烏城逆回投順安集延逆首馬仲由烏城遞稟乞撫各一摺安集延帕夏圍攻番城勦敗回匪該帕夏果爲國出力何以呈遞檄子內並無投誠交城之語且將該城漢民概令薙髮發往南路不知安插何地該帕夏見在城外安營空濠派撥纏頭看守城垣其爲希圖占踞地方顯而易見且偪令烏城逆回投順並將馬仲放給迪化總頭目實屬包藏禍心文麟等見擬設法羈縻給予諭帖飭令投誠交城亦不能不權宜辦理但須慎之又慎嚴密防維不可稍涉大意致爲該帕夏所給參將白世泰回營後即將所探安集延及烏城確實情形迅速具奏勇目徐學功等所帶練勇各衛身家不肯從賊洵堪嘉尚自應收留拊循以固眾心即著照文麟等所籌妥爲辦理該辦事大臣等見

東華續錄

同治九十年

五

令孔才帶領馬隊馳赴西路收復奇台等處即著飭令統率所部迅圖攻拔並密探吐魯番軍情豫籌防範文麟等給該帕夏諭帖內有擬據情奏請破格施恩將帕夏從優獎勵一俟欽奉諭旨即送交帕夏恭閱等語而摺內於此節如何辦法並未聲敘著文麟等將辦理情形妥爲籌畫仍一面奏聞索煥章病故是否確實帕夏是否安集延回酋名目抑係人名著一併具奏文麟等續報馬仲具稟投誠見令烏仁泰等傳諭馬仲會同妥得璘及頭目等同赴孔才營中帶領來哈等語馬仲果真心投誠自可因勢利導酌量辦理若觀望不前即屬心懷叵測不可輕率議撫委員等稟詞亦未可輕信務須妥慎籌辦成祿當靜聽文麟等悉心會商毋得冒昧從事致涉兩歧將此由六百里各諭令知之○署廣西巡撫廣東巡撫李福泰卒于祭葬○以劉長佑爲廣東巡撫

已革直隸總督未

到任前仍以兩廣總督瑞麟兼署○以康國器暫護廣西巡撫○乙亥左宗棠奏臣前因安定會甯時有回逆零騎竄越滋擾檄飭該處附近防營隨時按剿以靖地方正月二十四日督帶平江左右兩營總兵蕭賞謙率隊出向會甯一帶按剿行五十里至老河溝遇賊馬三百餘騎蕭賞謙揮隊衝擊適分駐康家堡華家堡哨隊繼至敗之賊由馬營東北向通渭大路竄走旋分而爲兩一踞該縣後川鋪旋竄鋪路鎮一竄城西北三十里之坡兒川瓦房堡一帶旋竄城東北四十里之黃家窰擾及秦安清水各縣界適提督楊世俊勦平岷州潰卒周開錫檄令赴秦州秦安適中之石佛鎮駐紮詢知清水界內有另股賊竄秦州街子口立飭所部馬隊馳往截剿並函會駐紮洛門鎮之提督張仲春截賊由鹽關西竄之路張仲春二月十一日得報後詢知賊竄四門寨東四十里之

東華續錄

同治九十年

六

廖家莊十二日黎明自率宗岳禮營及副白旗馬隊馳抵廖家莊賊鼾睡未起官軍四面圍擊賊驚覺死拒官軍槍轟矛刺斬斃殆盡訊據擒賊供稱此股頭目張運隆係河回僞領員正月十三日由河州竄出見在張運隆已斃於陣楊世俊又詢有另股分踞秦安縣北魏家莊王家鋪一帶復調各旗馬隊北趨任當川扼賊東竄並添調黃白旗四成隊合力圍之十一日遇賊於任當川賊瞥見官軍向西飛遁官軍窮追三十里天曉露宿十二日五鼓追及李家店偵賊熟睡弛備官軍急起掩之斃賊二百餘名生擒三十餘名餘賊負創狂奔官軍躡追至靜甯柏子岔沿途擒斬甚多十三日黎明追至馬家岔復痛勦之餘逆鮮有脫者收隊後查點官軍僅陣亡勇丁二名受傷九名訊據擒賊供稱賊首沙母瞎子馬原四等由河州北莊三甲集竄出見斃於陣餘賊七八十名狂竄

西河禮縣界復經提督蘇家良丁桂智縱馬追斬無遺此次河州馬步各賊共計不過千餘由安定分竄通渭秦安清水秦州西河禮縣各界颺忽狎至旋轉如風經各軍迎頭截尾殲除殆盡地方幸免蹂躪無誤春耕其另股回匪由成縣竄階州白馬關卡者代理州判烏克松阿力不能制二月二十九日竄及階州南路太石山守卡都司李宏珍擊敗之賊折竄黃鹿山管帶楚勇署階州知州洪惟喜派副將鄧光耀率所部馳扼羅家堰派副將彭德沅遊擊王斌武守備周正秋率所部緊躡賊後遊擊李廣全率親兵團練扼紮大水壩遊擊胡彪率親兵中哨扼紮小關嶺嚴陣以待賊竄黃鹿山團丁列隊兩旁巖谷彭德沅王斌武周正秋率隊擊之槍矛並舉斃悍賊三十餘名賊竄向大水壩李廣全擊敗之三月朔一日賊折由瓦房出竄彭德沅擊卻之復折竄羅家堰初二日

東華續錄 同治九十年 七

鄧光耀擊之斃悍賊十餘名賊翻山紛竄追至小關嶺胡彪率所部迎擊之斃悍賊十餘名賊向禮縣雷家壩一路遁逸臣查河州逆回從前無事時即多騎馬遠出肆行劫掠之案與撒拉及米喇各回性情相似自甘南各軍復狄道憑洮設守屏蔽稍寬賊復從下游安定一帶繞道南犯蓋因官軍方勦潰卒妄冀有隙可乘也此次竄賊雖不過千餘然分支狂騁頗為剽悍見官軍至輒望塵先遁瞬息無蹤幸岷州事定官軍扼要分駐地網四張卒亦無能善脫見在地方安謐臣已調提督銜前臺灣鎮總兵劉明燈帶所部馬步八營進駐馬營監以向安定徐文秀撥所部四營由靜甯州延紮會甯一面修治蘭州中大道以利輓運一面轉般軍糧子藥儲存靜甯州城以規進取蓋地荒已久人煙稀絕籌措艱難不得不次第為之而進軍必先清後路通餉道又一定之局也

東華續錄 同治九〇

上諭軍機大臣等左宗棠奏南路官軍截勦竄匪獲勝見調劉明燈所部八營進紮馬營監以向安定徐文秀撥所部四營由靜甯州延紮會甯並挽運軍糧以規進取著即妥籌布置剋日進兵以期節節掃蕩前據左宗棠奏稱撫回李德昌求赴河州曉諭近日該處情形究竟若何該大臣務當相度機宜速籌攻勦斷不可任其觀望遲回致墮緩兵之計金積堡收復後北路有無餘孽潛藏應否留兵駐紮並如何調派各營分投西進之處均著詳悉奏聞將此由五百里諭令知之○廣東東連山連州歸善陸豐德慶開平鶴山恩平花縣饒平十廳州縣文武學額各二名○飭各省速解西征協餉○丙子大學士倭仁以病乞罷予假調理賜人蔭○丁丑諭軍機大臣等定安奏撥隊填紮纏金騰出馬隊西進謹陳籌辦情形一摺前因定安軍營馬步各隊陸續撤回諭令該將軍於金運昌所部到營後妥籌調派以便騰出薩薩布馬隊赴烏援勦茲據定安奏稱甯夏平羅一帶漸次肅清無須添兵助勦惟靈州等處需兵駐守見令金運昌督飭全軍仍紮靈州以資鎮攝其纏金地方已飭劉廷於所部五營內先行抽撥一營就近趕赴纏金駐紮騰出薩薩布馬隊剋日啟程等語所籌均尚周密即著定安妥為辦理毋誤事機至薩薩布各起馬步官兵一千二百餘員名定安前議擬令取道烏喇特旗徑赴烏城見因查探該旗荒沙戈壁並無人煙村落駝馬雇覓維艱軍行不易擬仍由歸化城赴十八臺歸軍臺大路行走亦是正辦即著定安傳知薩薩布督隊暫紮茂明安等旗境內相機進發文盛前奏宣化官兵全數出口大同官兵約於四月二十四日亦可走畢其續調直隸一軍即令接續啟行等語仍著文盛妥為應付催令依次前進一俟各軍全

東華續錄 同治九十年 八

四一一

行出口即知照定安督催薩布一軍接踵西行毋稍遲誤將此
由四百里各諭令知之○已卯諭軍機大臣等穆圖善豫師奏擊
退平番竄匪會商布置情形一摺甘肅平番縣境於本年二月間
有肅州投誠陝回一千數百名由成祿派員護送前往米拉溝據
原解委員聲稱定期十日仍由米拉溝折回赴肅乃逾期仍未折
回忽報米拉溝有陝賊多人四出殺掠復於金家泉等處滋擾先
後經豫師派兵擊斃匪甚多該匪見已分竄入山即著豫師飭
令派出各營分投搜捕認真扼堵務將此股賊匪悉數殲除平番
防勇無多並著左宗棠穆圖善抽調勁旅協同防剿以資厚集原
赴米拉溝陝回尚未折回見在滋事之匪是否即係此項回眾且
該陝回等見須在肅安插何以先送至米拉溝既須由米拉溝折
回肅州何以原解委員又不在平番守候其辦理詳細情形何以

東華續錄

同治九年

九

不先期知照穆圖善等著成祿據實奏聞並一面妥為辦理毋令
貽害地方甘涼一帶該將軍等已飭楊占鼇王仁和一體防範即
著隨時檄令該提督等認真扼守不可稍涉疏虞礮伯一帶賊股
亦當檄令巴札果莽等處團勇合力兜捕保衛地方將此由五百
里各諭令知之○庚辰諭軍機大臣等劉嶽昭岑毓英奏勦退川
省蠻匪疏通關井餉道見飭籌辦江防一摺四川蠻匪自襲踞求
雨堡後分竄雲南之大關永善各地方阻塞關井餉道經劉嶽昭
等飭令總兵李家福等派副將劉奇義遊擊曹世貴各軍分赴大
關永善迎擊斬馘甚夥大關之賊退竄筠連宜賓邊境川軍迎頭
截擊復經滇軍尾追殲滅殆盡永善官軍攻克求雨堡並復蔣家
沱等處碉卡境內肅清餉道均已疏通勦辦尚屬得手惟蠻性出
沒無定亟應整頓江防以杜回竄著劉嶽昭岑毓英督飭李家福

等嚴飭沿江文武修築礮卡置備戰具並檄劉奇義率勇嚴扼隘
口會同原設兵練實力梭巡毋得稍有疏虞其疏防之署昭通鎮
右營遊擊譚美著暫行革職留營以觀後效見在滇省東南各屬
次第底定迤西大理一帶賊勢如何亟宜乘機規復應由何路進
兵之處並著該督撫悉心妥籌辦理迅速具奏將此由五百里各
諭令知之○辛巳 上復詣 大高殿祈雨○諭內閣大學士倭
仁學術純正志慮忠誠受 先朝知遇之隆由翰林游躋卿貳
特恩命直上書房旋授盛京侍郎均能恪恭盡職朕御極之初蒙
兩宮 皇太后簡用耆碩擢任正卿旋晉綸扉並命在弘德殿授
讀朝夕納誨於茲十年深資啟沃前因患病屢請開缺疊經賞假
並賞給人蔭以資調攝遠聞溘逝悼惜良深披覽遺章於修齊治
平之道敷陳剴切語不及私閱之尤深悽愴著賞給陀羅經被派

東華續錄

同治九年

十

貝勒奕劻帶領侍衛十員即日前往奠醴加恩晉贈太保照大學
士例賜卹入祀賢良祠任內一切處分悉予開復應得卹典該衙
門察例具奏伊子廣東候補同知福綸著俟服闋後以同知銜於
該省即補理藩院員外郎福裕著俟服闋後以該衙門郎中補用
伊孫戶部候補員外郎衡峻著以本部員外郎即補衡瑞著賞給
舉人准其一體會試衡齡著賞給主事衡珊著賞給內閣中書用
示篤念耆臣至意尋予祭葬諡文端○壬午諭軍機大臣等成祿
奏瀝陳軍務掣肘並辦理撫回情形各摺片前因成祿駐軍高臺
諭令左宗棠妥籌兼顧茲據該提督奏稱糧餉兩絀情形萬緊駐
師日久事勢更難支持等語成祿一軍疊諭汰弱留強以資得力
不必紛紛招募徒耗餉需惟非左宗棠隨時兼顧恐致貽誤事機
著左宗棠統籌全局遇有該提督咨商一切機宜應行應止務當

悉心會商妥為經畫庶免該提督無所適從至左宗棠新定章程
出差員弁均各發給盤川不准地方官支應自是正辦而成祿軍
營餉精缺之所派委員不能優給川資亦係實在情形若非速籌
接濟不但飢軍難以久持即一切用款亦屬不敷支發著戶部查
明成祿協餉咨催各該省督撫迅速籌解毋任缺乏以濟要需投
誠陝回據成祿聲稱尚非虛偽該提督務當隨時察看妥為防範
不可為其所給將此由四百里各諭令知之○甲中賜梁耀樞三
百二十三人進士及第出身有差○諭軍機大臣等李鴻章奏查
閱海口礮臺見籌布置情形等語大沽海口南北兩岸礮臺日就
傾壞李鴻章見令副將羅榮光督率兵夫擇要興築先將營壘加
挑堅厚添築夾牆並擬於礮臺前架築護臺復於牆外添築闌潮
土壩一道以免潮沙侵刷又將蘇局舊存炸礮及江甯礮局製成
東華續錄 同治九十 十一
洋礮陸續運津並委員添購西洋新式巨礮數尊以備更換操習
所籌均係未雨綢繆至計即著該督妥為經理行之以漸持之以
恆務令海疆要地屹若長城方為不負委任至北塘與大沽犄角
關繫緊要李鴻章已調周得勝帶遵化練軍一千名移紮北塘即
著飭令該總兵實力操防將應設礮臺次第修整俾壯聲威其各
該處應需經費並著該督悉心籌畫期收得寸得尺之效不可畏
難中輟致廢遠謀將此諭令知之○諭張廷岳等妥辦庫倫防務
○乙酉諭內閣前因錦丕勒多爾濟奏參福濟謬妄貽誤各款當
經諭令奎昌馳赴烏里雅蘇台會同榮全查明具奏茲據奎昌榮
全奏稱上年賊陷烏城福濟遇救得生是否與賊同居此時無從
質訊至以倉庫酬賊係得自傳聞亦無確據其奏報賊名係據難
民稱述所殺蒙民均係乘機搶奪匪徒並非置之不理至被擾地

方事前既令蒙古各盟固守藩籬事後又調內地大兵會合防剿
尚非膜視不恤惟厄魯特人眾搶擄牲畜一節實有其事因烏城
旋陷未及究辦至改調察哈爾馬隊上年七八月間福濟因賊已
遠颺咨令暫在賽爾烏蘇一帶聽候調遣並未止令歸伍各等語
福濟被參各節雖查無實據惟身膺邊寄不能振作有為力圖報
稱實屬有負委任該將軍前經革職畱任著即行革任以示懲儆
錦丕勒多爾濟與福濟同辦一事不能和衷共濟迨債事後輒思
諉過於人已屬非是本日復與福濟奎昌榮全聯銜奏請以該參
贊能得眾心為詞擬即馳歸遊牧尤屬謬妄錦丕勒多爾濟著即
開參贊大臣之缺交理藩院嚴加議處至福濟被參案內馬兵常
安子需索羊隻一節仍著奎昌榮全查明定擬具奏○丙戌諭軍
機大臣等張廷岳等奏請飭催帶兵大員乘時進剿籌撥烏城駝
東華續錄 同治九十 十二
馬等項嗣後無力再籌探明匪擾地方張樹聲奏遵派將弁隨軍
赴科各摺片本年三月間回匪突犯賽因諾顏部落公阿畢爾米
特旗所屬諾彥山一帶住戶多被搶掠四月初一日竄至固爾班
賽汗等處焚掠並有四出竄擾之信見在該逆究竄何處著杜嘎
爾統帶馬隊探明賊蹤迅速進剿毋任蔓延奎昌榮全張廷岳阿
爾塔什達務當各飭防兵嚴密堵禦力扼該逆竄突之路刻下關
外大兵雲集時交夏令正可乘時進剿若徒久駐防所坐待賊至
轉瞬又屆秋冬冰雪在地將士苦寒剿辦愈形棘手糜餉老師何
日方能蒞事即著杜嘎爾會商奎昌榮全張廷岳阿爾塔什達探
明何路有賊即由何路進剿以期迅速蒞事不得遷延時日坐耗
餉需如杜嘎爾兵力尙單即咨商張廷岳阿爾塔什達抽調庫倫
防兵協助該逆一經大軍痛剿難保不沿邊回竄著定安金順張

曜於沿邊一帶先事籌防以杜奔突宣化大同官兵均已啟程著文盛僅令星速進行趨程前進以赴戎機昨據李鴻章奏續派古北口統兵一千名如烏庫兩城有警再行調兵出口茲據張廷岳等奏回逆出竄請飭催續調官兵到防著李鴻章仍將續派古北口練兵一千名妥為整備剋日啟程赴庫以資厚集烏里雅蘇台將軍等以各軍咸集需用駝馬等項咨令庫屬圖車兩盟協同籌備張廷岳等見已飭該兩盟將烏城指調駝馬氈帳等項無論足數與否竭力籌辦解交烏城應用惟圖車兩盟供用已極苦累亦係實在情形嗣後所需一切著奎昌榮全就近札飭所屬西兩部落未經被擾各旗設法辦理宣化大同官兵所需軍糧極關緊要著李鴻章張樹聲懍遵前旨妥籌應付不得稍有貽誤派往科城之桓昌等八員張樹聲即飭迅速前進烏里雅蘇台參贊大臣本

東華續錄

同治九十

三

日已簡放多布沁札木楚該參贊即迅速啟程前赴新任會同奎昌榮全將一切應辦事宜實心辦理並將臺站事宜竭力整頓以副委任將此由六百里諭知李鴻章定安金順奎昌榮全多布沁札木楚文盛杜嘎爾張廷岳阿爾塔什達並傳諭張樹聲張曜知之○戊子諭內閣宗人府等衙門奏擊獲毆斃職官人犯供係親王主令謹將咨取親供奏明請旨遵辦一摺主事福珣被扎身死一案據要犯已革三等護衛玉壽供有伊主鄭親王主使情事經該衙門行令鄭親王承志逐一登覆該親王兩次投遞親供反覆辯論而玉壽堅執前供矢口不移案關親王主使糾毆斃人命虛實均應徹底根究著宗人府傳令鄭親王承志到案質訊並著派軍機大臣會同宗人府刑部詳細研鞫定擬具奏

五月庚寅朔雨

上詣

大高殿報謝○諭軍機大臣等前因金

積堡克復後屢經諭令左宗棠將如何移營進剿之處妥籌布置近聞河州回股於四月初間竄擾兩當徽縣一帶旋向西去十六日隆德縣知縣周其俊會同馬隊遇賊於馬殿野雞峴地方接仗陣亡隆德固原一帶匪蹤出沒無定兼之叛回馬彥瀧黨眾四百餘騎潛伏其間並聞另股回匪在秦州西六十里鋪剽劫攻破管子鎮以南民堡一處經官軍追擊於初八日至禮縣所屬長道鎮地方接仗挫敗十四日又有回匪千餘騎竄擾娘孃高橋延擾牡丹園等處秦州北鄉鹽合城地方亦有賊蹤紛竄此股回匪約有三千餘眾由河州潛渡洮河長驅東下見在盤踞甯遠縣屬之馬塢新寺一帶分股四出以擾後路糧道似此情形賊勢甚為猖獗著左宗棠將近日軍情確切查明具奏前據奏稱調派劉明燈等所部分向安定靜甯等處挽運軍糧以規進取諒該大臣必已

東華續錄

同治九十

四

全局在胸速籌辦理第恐所部將士或因金積既克北路稍定遽爾志驕意滿漸形懈弛甚至觀望遷延不遵調遣此等軍營惡習亦難保其必無見在河州賊勢方張正當激勵諸軍鼓行而西滅此朝食斷不可玩時愒日坐失事機仍著將如何籌辦情形迅速奏聞以慰廑念將此由五百里諭令知之○諭杜嘎爾奏逆匪向東侵犯見籌防勤情形請催調承辦糧臺官員迅速出口各摺片逆匪有赴翁音河哈爾尼敦附近之薩巴爾圖河推河等處東竄之信另股距庫倫翁音站僅七八日路程四月初間該逆分股在公阿畢爾米特遊牧之白心圖西樓圖各寺盤踞杜嘎爾見飭管帶吉林二起馬隊之訥蘇肯等前赴翁音驛駐紮著即飭令嚴密設防一面偵賊所向實力進剿迅掃逆氛逆匪見既擾及公阿畢爾米特境內勢將侵犯東南亟應通力合作會籌掃蕩著定安金

順奎昌榮全多布沁札木楚文盛張廷岳阿爾塔什達一併偵探賊情妥籌備豫務期各路聲息相通爲一鼓聚殲之計杜嘎爾統兵進剿需用駝馬甚殷著奎昌榮全多布沁札木楚張廷岳阿爾塔什達將備調駝馬趕緊備齊解交杜嘎爾營中應用杜嘎爾當懷遵前旨探明何路有賊星馳剿辦不得頓兵不進日久無功烏城餉銀三十萬兩業經杜嘎爾飭令貢果爾等擇地存儲看守仍著妥爲照料不可稍有疏虞所稱此項餉銀須有承辦官員專司開放等語著卽咨商金順奎昌榮全多布沁札木楚文盛等妥籌辦理將此由六百里各諭令知之○壬辰諭軍機大臣等郭柏蔭奏會匪滋事陷城見籌防勦一摺湖南會匪糾黨暨旗裹脅焚掠於四月十二日攻破益陽縣城十六日復陷龍陽縣郭柏蔭見飭總兵彭昌禧派撥師船前赴澧州防守並飭黃中元暨荆宜水師東華續錄 同治九十年 五

稽查偵探商令郭松林酌帶所部駐紮荆州布置尙爲周妥惟楚鄂會匪實繁有徒恐其到處勾通暗中響應必須乘其初起就地殲除方免蔓延爲患賊氛漸偪常德近接鄂疆李瀚章郭柏蔭務當嚴飭派出各營實力堵遏毋令匪蹤侵軼荆州地方緊要並著會商郭松林嚴密布置扼要設防常郡兵力甚單如該處情形喫緊該提督自應越境進兵協力助剿但須兼顧荆州防務不得稍有疏虞是在該督等酌度事機妥籌進止鄂省兵力見在不敷分佈陝西軍務漸鬆所有譚仁芳仁勝楚軍卽著蔣志章檄令統帶回鄂交李瀚章郭柏蔭調遣譚仁芳所部啟程後著劉銘傳酌量撥隊填紮湖南會匪見又起事攻陷城池勢已猖獗劉岷何以並未奏及匪徒究有若干是否去歲湘潭滋事餘黨見在如何派兵進剿著卽悉心籌畫迅速據實奏聞此股賊匪若剿辦稍遲則裹

裔日眾該撫務當振刷精神會商李明惠督兵進剿迅將兩城克復盡殄逆氛不得再事因循致干重咎其附近各州縣尤當嚴檄該地方官設法彈壓消息未萌毋任再滋事端致辦理愈形棘手曾國荃是否尙在省城著劉岷傳知該前撫酌募舊部協同李明惠盡力剿賊綏靖地方曾國荃於剿賊機宜確有把握且誼關桑梓諒必能妥速會辦剋期蒞事也將此由六百里各諭令知之○甲午允英翰奏裁皖省防兵以節餉需○乙未左宗棠奏回民以西戎族類雜居中土自古已然載籍詳矣就回民自數之典言之祖曰阿丹生於天方之野產七十二胎每胎男一女一自爲夫婦至彌撒而其教始興又六百年當隋開皇中有穆罕默德者生而神靈闡明清真之教回眾翕然從之其教始盛今回民稱天方教自稱曰穆民以尊穆罕默德故也又曰膜民以阿丹初生之祖言東華續錄 同治九十年 六

也其書有天經一部回族稱爲穆罕默德所受之天者又天方性理天方經典兩部則明代金陵回人劉智所撰皆發揮天經遺意以華人文字潤色之其教以識主爲宗旨似儒者所言明心見性以敬事爲工夫似儒者所言制外養中其教規所謂天道者五一日唸誦誦經一日禮謂報恩一日齋謂絕物一日課謂忘己一日朝謂歸真所謂人事者五謂倫常之理七日一禮拜亦與泰西各國同蓋其原本出於天主耶穌而時雜以佛民之說稱華人爲大教自稱小教非如奇衰詭異之流專以句結爲事煽誘爲能也是故雜處中國千數百年婚姻未通俗尙各別傳習不同而未嘗敢萌他志歷代任其翔泳於區宇之內讎禁無聞我朝錄其人才准其仕進回族由文武科甲得官擢至督撫提鎮者亦不乏人固未嘗以其遊於中國而外之也乾隆年間兩江督撫臣奏回教不宜

留於中國 高宗純皇帝特加訓飭 聖謨洋洋足為百世法矣
乾隆四十六年逆回馬明心蘇四十三由西域歸詐稱得天方不
傳之秘劫立新教煽惑愚回謀為不軌四十九年田五繼之大軍
先後致討罪人斯得然其根株未能淨絕也嘉慶年間有穆阿渾
者與首逆馬化澂之父馬二復以新教私相傳授至馬化澂而其
倣漸張復託名經商到處煽惑回民行其邪教近據各賊供京師
齊化門直隸天津及黑龍江吉林之寬城子山西之包頭暨湖北
漢口等處均有新教徒黨在彼傳教其傳教之人曰海裏飛如內
地之稱經師曰滿拉如內地之稱蒙師而品望皆在阿訇之次馬
化澂則自稱總大阿訇也其教規大略與回老教亦同惟老教
誦經則合掌向上新教則兩掌向上而不合老教端坐誦經新教
則夥誦唧噥頭搖而肩聳老教送葬不脫鞋新教脫鞋送葬凡茲

東華續錄 同治九十

細節異同固無關彼教輕重然新教之所以必宜斷絕者為其自
託神靈妄言禍福行為詭僻足以誘合愚回俾令甘心役使同陷
大逆而不知加以顯戮而不悔一如白蓮清香無為圓頓諸邪教
之足以釀亂階而禍天下也 臣於金積各犯解訊時細心推鞠有
供稱馬化澂能知未來事者如遠客來訪必豫知同伴多寡之數
從前官軍攻勒甯靈馬化澂父子兄弟悉眾抗拒豫言官軍將退
回民無事之類有供稱馬化澂時露靈異療病則愈求嗣則得之
類有供稱馬化澂如投入新教之人向其自陳過犯罰撻皮鞭代
為懺悔即可免罪之類回性多疑善詐異於常人然一經新教蠱
惑即如醉如癡牢不可破方金積長圍久合時陝甘各回饑困殊
常至殺人以食而馬化澂父子兄弟 有餘粟無敢竊議之者迨
局勢危迫至極猶且互相寬慰謂總 阿訇必有保全之法馬化

澂詣營求撫意在一身塞咎見好諸回而諸回目踵營看視者日
凡數輩見馬化澂輒雙膝齊跪不呼之起不敢起如非迷惑陷溺
之深豈宜至此茲幸誅夷遷徙異患可冀永除惟新教傳染已廣
回民聚集之處率有傳習新教之人不及時嚴加禁絕仍慮歷時
稍久故智復萌不逞之徒時思竊發又將重煩兵力也除已獲海
裏飛阿訇諸逆穆四穆五馬承祺牛占元牛占寬等業經訊明懲
處未獲之金師傅馬篆鮮二等咨行各省一律捕治外一面出示
曉諭所屬各府廳州縣回民嚴禁傳習新教其從前誤被新教迷
惑之人概准自首悔教免其治罪庶幾漸趨覺路永拔迷津新教
絕而回族安關隴可保百年無事至各省傳習新教為時尚淺良
回僉稱新教傳染雖廣各省回民亦頗知為彼教異端多有不肯
遠信者如黑龍江回民約二千餘而傳習新教者僅祇百餘即其

東華續錄 同治九十

明驗若乘此時嚴加諭禁無難豫杜亂萌合無仰懇 聖慈飭下
各將軍督撫大臣嚴禁回回新教出示轄境各回寺嗣後遇有新
教阿訇海裏飛等到境煽誘愚回即由各回寺首董縛送所在官
司訊明懲處其從前被誘誤入新教之人仍准自首免罪則愚回
有所懼畏回有所慕不但地方可臻安謐即回民亦長荷高厚保
全之恩於無既矣 上諭軍機大臣等據左宗棠奏請禁絕回民
新教自為思慮豫防起見惟回民散居各省同隸編氓各安生業
若因區別舊教新教設為厲禁地方官稍不加察書吏藉此按求
騷擾必致回眾驚疑轉生枝節從前乾隆四十九年回逆田五等
滋事以後欽奉 高宗純皇帝聖諭查辦此事止當分別從逆與
否邪正之殊不必論其教之新舊欽此嗣於乾隆五十四年經勒
保奏稱新教為回教之大害擬令靜甯等處頭人訪察稟首復奉

聖諭令其設法化導不可區別新舊之名仰見 垂訓周詳具
有深意此次馬化澄倡亂及身既被刑誅徒黨亦遭殲戮正可惜
此割切曉諭俾該回眾等及早改悔不至誤入迷途自陷罪戾該
督見既出示所屬州縣禁習新教並准自悔免罪仍著嚴飭該地
方官妥爲開導不可操之過蹙致激事端所請飭各省一體禁絕
之處可從緩辦理也將此諭令知之○丙申諭軍機大臣等馮子
材康國器奏勦辦邊境土匪克復越南木馬省城暨籌議勦撫機
宜各摺片馮子材籌辦越南踞匪督兵前進取道南甯先將宣化
隆安股匪次第勦除肅清內地伏莽鎮安官軍會同夷兵平毀大
嶺茶嶺等處賊巢攻克木馬省城勦辦尚爲得手該提督見已派
撥兩營駐守並咨照越南派兵嚴防要隘免蹈上年覆轍又爲賊
踞即著馮子材督兵迅赴龍州就近察看情形妥籌勦撫期於一
東華續錄 同治九十年
勞永逸綏藩服而固邊防不得敷衍了事宣化隆安餘匪並著馮
子材康國器嚴飭地方文武認真接捕免致餘燼復然此次出力
員弁准其擇尤保獎毋許冒濫蘇軾漢就撫後仍復觀望懷疑越
南近又有股匪十數起猶須懼以兵力馮子材等擬俟各軍到防
後約會該國先將邊界各匪分別勦撫即分軍扼要駐紮隨時相
機應援所籌尙是惟當實力協助不可稍分畛域應否添募營勇
之處著即酌度辦理至慶泗等府屬境屢有黔苗竄擾尤當加意
嚴防著馮子材康國器迅飭孔憲隆潘其泰越境進兵協同黔軍
掃除獨山荔波各匪進規古州擣其巢穴免致侵軼爲患平樂密
邕省城該處有匪徒搶掠富川恭城等處亦有江華匪股竄入雖
均經兵勇分頭接勦擒獲匪首多名尙恐外來匪徒勾通內匪滋
事著康國器飭令會協均迅將敗匪就地殄除毋任逃匿江華富

東華續錄 同治九〇

川交界處所即著責成陳培桂約同楚軍實力接拏毋令餘匪乘
間竄突以固疆圉將此由五百里諭知馮子材並傳諭康國器知
之○戊戌諭軍機大臣等巴揚阿等奏湖南會匪攻陷城池見在
布置情形一摺會匪疊陷益陽龍陽兩城龍陽已於四月十八日
克復匪股回竄益陽該逆見難退出龍陽並未大受懲創難保不
再行紛竄荆州等處邊防未可稍形疏懈著巴揚阿李瀚章郭柏
蔭希元文全悉心會商督飭派出各營嚴密防維毋令匪蹤闖入
前諭李瀚章郭柏蔭會商郭松林扼要設防如常郡情形喫緊該
提督自應越境助勦仍須兼顧荆州防務巴揚阿見擬商令郭松
林移紮常郡會勦即以荆旗備戰之師遙爲策應應如何酌度緩
急妥籌布置之處著巴揚阿李瀚章郭柏蔭希元文全会商辦理
湖南逆匪滋擾兩縣城池相繼失陷軍情極爲喫緊郭柏蔭奏益
東華續錄 同治九十年
陽龍陽失守於本月初三日早經報到本日又據巴揚阿等奏龍
陽業已克復乃劉峴身任本省巡撫竟無隻字奏到不知所司何
事顯預已極殊堪痛恨著傳旨嚴行申飭劉峴見在如何布置朝
廷亦無從知悉該撫務當振刷精神督飭官軍迅將此股逆匪就
地殲除儻縱令匪勢蔓延擾害地方或不能實力勦辦俟匪蹤退
出以業經收復縣城一奏了事致貽養癰之患恐劉峴不能當此
重咎也將此由六百里各諭令知之○諭曾璧光奏勦平下游股
匪收復八寨等城一摺貴定平越等處賊股既經殲除都勻所屬
平浪各賊巢亦已攻破惟逆首李應腐逃往桃花五寨未獲其定
番李高脚一股經副將何世華等擊敗由廣西一路奔竄李逆亦
未就擒仍著嚴飭派出各軍分投追勦務將著名首逆設法擒獲
以絕根株昨據康國器馮子材奏見令副將孔憲隆潘其泰協同

黔軍剿辦獨山荔波苗匪此時李高脚一股竄往粵境人數已屬無多著馮子材康國器即飭孔憲隆等會合黔軍前截後追迅將此股殘匪悉數殄除以清邊患苗酋聞國興等率眾投誠收復八寨上江下江三脚各城曾璧光見令率領原部駐守八寨並調劉廷玉一軍前往鈴東仍著隨時察看情形妥籌布置毋稍大意一面趁此聲威飭令王彥等軍由平口一帶進兵兼為八寨聲援次第由都勻麻哈各路節節進剿早靖苗疆將此由六百里諭知曾璧光馮子材並傳諭康國器周達武知之○予貴州陣亡參將黃立成祭葬世職○辛丑諭軍機大臣等劉岷奏會匪闖入益陽龍陽兩城旋即克復見在跟蹤追剿一摺此次會匪滋事疊陷益陽龍陽兩城雖經羅德煌姚華武等軍進剿獲勝擒斬多名將兩城先後收復惟倡亂逆首尚未被擒餘匪復四散潛匿必須實力搜

東華續錄

同治九十

王

捕淨絕根株著劉岷督飭李光燦等統帶兵勇認真搜拏務將劉道美劉貫三何春台等全行弋獲不准一名漏網其竄逃餘孽並飭水陸各軍嚴防竄路四路兜拏以期盡數殲除劉岷於地方緊要軍情遲至半月始行奏報實屬不知緩急前已傳旨嚴行申飭若再不振刷精神力圖激奮或令稽誅逸犯餘燼復然惟該撫是問郭伯蔭前已商令郭松林督兵駐紮荊州見雖兩城已復而伏莽未淨仍恐句結竄突李瀚章郭柏蔭總當與郭松林隨時咨商嚴密巡防毋稍鬆懈將此由五百里各諭令知之○壬寅諭軍機大臣等定安金順奏甯夏西岸三縣回匪剿辦完竣請將道員汪景度簡用定安奏西來回匪滋擾烏喇特旗界內金順奏請將管站各員獎勵各摺片納家插賊巢業經攻克甯夏甯朔平羅一律肅清其投出回民業經定安金順分起發交地方官安置靈州逃

來之回亦解交該州收管著左宗棠張曜仍隨時密為查察妥為鎮撫毋令再滋事端金順見應前赴烏里雅蘇台將軍新任甯夏一帶如尚有潛匿餘匪著張曜統率各營認真搜捕務絕根株陝回尚有老弱男婦五百十五名口應否解至平涼安插著左宗棠會商金順張曜妥籌辦理甯夏軍事見已完竣金順張曜所部兵勇應如何分別撤留或包頭纏金一帶須添兵防剿之處著定安金順張曜悉心會商妥速籌辦阿拉善鄂爾多斯等旗並殺虎口等處管站各員接遞文報尚無貽誤著定安查明擇尤請獎毋許冒濫道員汪景度已交軍機處存記密片一件留中西來回匪由阿畢爾米特旗竄至白任濠賚及古爾班賽坎一帶分路搶劫嗣有賊匪三百餘人竄入烏喇特中公旗境內在庫克鄂爾濟巴克那等處擄掠續又在中公所屬之洪庫勒塔拉民屯盤踞烏喇

東華續錄

同治九十

王

特旗在黃河之北直達歸綏無險可恃亟應派兵兜剿以期就地殲除薩薩布帶隊前進計正與賊相遇著定安飛催該副都統親督全軍星速進行迎頭截擊迅掃逆氣並催直字營馬隊迅赴包頭之西一面分飭駐紮纏金之卓勝營暨大同鎮總兵馬陞各派勁旅由東南面節節兜剿毋任紛竄杜嘎爾務當偵賊所向躡蹤追剿與薩薩布等軍前後夾攻為一鼓聚殲之計其餘各股見竄何處著定安杜嘎爾確切查明認真剿辦烏城軍情緊要非有知兵大員前往不足以資調度金順諳練戎機戰功卓著著即迅速啟程前往妥籌防剿以副委任土爾扈特汗布彥鄂勒哲依圖有赴杜嘎爾軍營之說該副都統與該汗是否素識曾否前來謁見來見時如何情形著杜嘎爾即行據實奏聞將此由六百里諭知左宗棠定安金順杜嘎爾並傳諭張曜知之○乙巳殷兆鏞回籍

葬親轉溫葆深為禮部左侍郎以邵亨豫為禮部右侍郎

由內閣學士選

○丙午諭軍機大臣等劉岷奏援黔各軍連拔賊寨克復丹江凱里各城一摺席寶田等軍攻拔排羊等二百餘寨丹江凱里兩城先後克復勦辦尚屬得手本日業經明降諭旨將席寶田等交部從優議敘出力陣亡各員分別獎卹矣惟向來賞給世職皆係出自特恩豈臣下所得擅請劉岷請將提督彭芝亮等賞給雲騎尉世職實屬不諳體制所有彭芝亮等五員著劉岷另行擬請獎敘見在丹江凱里一帶苗寨雖已掃蕩而逆首金大五包大肚均未擒獲張臭迷等復集潰黨盤踞雷公山若不乘其喘息未定迅速進剿必致勾結黨與復肆蔓延席寶田見既回軍施洞著劉岷飭令趁此瘴癘未作會合戈鑑剋日進兵迅將雷公山賊巢攻拔並將逆酋張臭迷等設法擒獲毋任漏網其蟒嶼等境亦當次第規

東華續錄

同治九十

五

復以期早靖苗疆八寨上江下江三屬各城已據曾璧光等奏報收復刻下軍事正在得手著曾璧光迅飭各軍由都勻麻哈各路節節進剿聯絡楚師掃除餘孽不可稍涉遷延另片奏請將已革副將拏問提督審訊等語已革常德協副將陶藻前於會匪竄犯龍陽時帶兵四百名在城防守並未力戰遽行出城潰退滄港土匪乘機搶掠並有潰兵同搶情殊殊可惡陶藻著即拏問交劉岷嚴行審訊按律懲辦毋稍寬縱此次會匪敗竄桃花江一帶共有若干人道員李光燦勦辦情形究竟若何劉岷所奏竄匪擒斬略盡是否確實該撫務當會同李明惠督飭官軍實力兜剿將匪首劉道美等全行捕獲並將滋事匪黨悉數殄滅以淨根株若一味粉飾敷衍了事致貽養癰之患必惟該撫是問將此由六百里諭知劉岷曾璧光並傳諭周達武知之○以克復貴州丹江凱里

二城並攻拔排羊等處賊寨記名布政使席寶田得旨嘉獎賞提

督蘇元春黃馬桂餘陞敘有差予陣亡總兵官陳顯祥等十六員祭葬世職加等○丁未諭軍機大臣等定安奏西來賊股尚眾見籌布置並請添撥山西協餉催山東欠餉各摺片據稱西來賊股見仍盤踞烏喇特旗之洪庫勒塔拉地方並據各處探報賊匪約有萬餘由阿畢爾米特旗西北界分股東竄等語該逆因北路大兵雲集又無糧食可掠是以鋌而走險竄向東南烏蘭察布盟所屬各旗較為喫緊其前股竄踞洪庫勒塔拉地方僅四百餘人當不難於殄滅著定安催令薩薩布迅速前進分隊兜擊並飭金運昌馬陞各軍合力進剿先將此股就地殲除免致勾結蔓延轉形棘手包頭地方素為賊匪垂涎尤應加意防範定安見調毅前軍五營駐紮台梁一帶並令水師由托克托城至包頭一帶梭巡布

東華續錄

同治九十

五

置尙妥所派馬步各隊分紮烏喇特茂明安等旗境內亦頗周密即著飭令派出各軍勤加偵探遇有賊蹤竄近飛速截剿毋稍鬆勁該逆若分股東竄則察哈爾一帶亦恐喫重著文盛先事圖維妥籌防剿軍臺大路為北路各城大軍糧運所關設被賊擾尤屬可虞賽爾烏蘇一帶應如何撥兵保護之處著文盛張廷岳阿爾塔什達會商辦理直隸續派古北口軍一千名著李鴻章催令剋日啟程前赴庫倫以備張廷岳等扼要分紮不可稍有遲誤杜嘎爾見駐哈爾尼敦距賊較遠豈可頓兵坐待致誤戎機著即探明賊蹤所向督率馬隊緊蹙追剿並與定安派出各軍聯絡聲勢合力兜圍以期早殄逆氛金順接奉前旨諒已部署啟程所部得力馬步各隊諒必酌帶前往亦可與杜嘎爾定安各軍會合迎剿刻下甯靈甫定河西尚有零星竄匪且阿拉善旗西界時有鎮番賊

匪竄擾張曜所部各軍應如何扼紮防範之處著即妥籌辦理定
 安見因添募馬勇及調派土默特官兵需用餉銀請飭山西於每
 月應協歸綏防餉三萬之外再增銀五千兩見在歸綏防務緊要
 著何璟張樹聲迅即先行如數籌撥歸綏糧臺以後仍按月源源
 批解毋稍遲緩山東應解歸綏防餉每月二萬六千兩著丁寶楨
 迅飭藩司將欠解銀兩刻期掃數解清以應急需將此由六百里
 諭知李鴻章定安金順文盛杜嘎爾丁寶楨何璟張廷岳阿爾塔
 什達並傳諭張樹聲張曜知之○戊申諭內閣金順奏辦理回務
 完竣一摺甯夏河西一帶回民良莠不齊疊經金順會同張曜分
 別勦撫續又查獲馬強米萬銀納玉標牛大科等訊明正法所有
 甯夏甯朔平羅投誠回眾均交地方官編立保甲妥為安置毋令
 失所經此次安插撫恤後該回眾等務當改過自新各安生業毋
 東華續錄 同治九十 五
 得再有反側負朝廷寬大之恩其附近漢民亦不得有意尋仇藉
 端控告致啟猜嫌總期彼此相安爭端永息地方官吏遇有漢回
 事務尤當持平辦理不可稍有偏袒以昭公允而弭弊端○諭軍
 機大臣等金順奏甯夏回務已竣見分兵布置一摺甯夏為北路
 巖疆刻下雖臻靜謐而西路賊氛尙熾自應分布設防金順會商
 張曜分派各隊扼紮磴口橫城等處所籌尙屬周密金順啟程後
 即著張曜督飭派出各軍嚴密防勦毋稍疏虞河西三縣投誠之
 回均已造冊交地方官編立保甲妥為安置其附近之徒並由受
 害漢民控告者亦經金順等按獲正法至四百五十餘名之多該
 回經此次痛勦自當懷德畏威不至再生反側惟附近漢民亦不
 得有意尋仇致成釁隙本日明降諭旨一道著張曜刊刻騰黃徧
 行曉諭俾漢回永遠相安以副朝廷一視同仁至意阿拉善旗地

方既有西來竄匪搶掠牲畜之事張曜務當飭令馬步隊伍迅往
 防勦毋任蔓延花馬池一帶亦有匪蹤出沒左宗棠當檄飭東路
 官軍實力勦捕張曜仍當妥籌兼顧毋稍疏懈河州等處逆賊方
 張左宗棠總當激勵諸軍鼓行而西滅此朝食豈可頓兵不進致
 軍心懈弛將士思歸以勝兵而轉成暮氣該大臣自金積堡克復
 後久未據報進兵機宜實深慮繫著懷遵疊次諭旨迅將籌辦情
 形據實具奏不得粉飾遷延致誤大局金順另片奏軍營設局鼓
 鑄礮子需費甚鉅無款歸還請飭部撥銀二萬兩以清款項並請
 飭河南撫臣嚴發張曜局費等語著袁保恆即於西征糧臺等撥
 銀二萬兩清還金順鑄礮局費其張曜營中礮局之需即著李鶴
 年如數籌撥作正開銷前據曾國藩奏續飭上海製造局製備洋
 火藥二萬磅洋礮藥五千磅金底大銅帽二百萬顆二十四磅開
 東華續錄 同治九十 五
 花彈子四千箇藥引六千箇木心六千箇委員解交天津道查點
 收存由金順委員迎提赴營等語著金順張曜迅速派員赴津提
 解到營以應急需金順見須前赴烏城此項軍火應如何分撥應
 用之處著與張曜妥商辦理將此由五百里諭知左宗棠金順李
 鶴年並傳諭張曜袁保恆知之○己酉諭內閣曾國藩奏曾任提
 鎮大員尋仇構毀據實參奏一摺前任江南提督李世忠因事逗
 甯揚州與前任浙江處州鎮總兵陳國瑞相遇李世忠挾陳國瑞
 從前奪取鹽船銀物各仇陽與交好於四月十四日潛赴陳國瑞
 寓中喝黨將陳國瑞捆縛赴船行抵揚州四里鋪地方適陳國瑞
 之姪陳澤培等趕至呼救一時各船水手人等譁聚來援李世忠
 將陳國瑞藏匿自覓小舟逃走落水遇救得生其輜重被搶一空
 家屬亦遭毆辱致有落水淹斃者此案李世忠以提督大員輒行

尋仇鬪狠實屬不安本分李世忠著即行革職勒令回籍交地方官嚴加管束陳國瑞與李世忠往來日夜演戲致生事端亦屬性非安靜著以都司降補勒令速回湖北原籍交地方官嚴加管束李世忠陳國瑞均不准在揚州逗留○諭軍機大臣等本日據曾國藩奏參李世忠陳國瑞在揚尋仇構釁業經明降諭旨將李世忠革職陳國瑞以都司降補均勒令回籍矣該二員素性獷悍不安本分每在外滋生事端此次僅予薄懲勒令各回原籍不准在外逗留於懲創之中隱寓保全之意著李瀚章郭柏蔭於李世忠陳國瑞到籍後飭令地方官隨時留心查察嚴加管束如再出外生事或在本籍不受約束即行據實參奏原摺均著鈔給閱看將此各諭令知之○左宗棠奏平涼府屬鹽茶廳固原州所轄東西兩山界連甯夏鞏昌慶陽涇州各府州地方千餘里巖壑複沓漢東華續錄 同治九十年 五

化澧遣共出外求援未及歸巢者袁希孟即閻希孟兇悍尤著曾為馬化澧守峽口以抗官軍者也東山此段以豫望堡地勢最為險要向為回目馬添發所據馬添發伏誅後旌善營營官都司銜馬柏森收用其夥馬彥澧李萬海嗣因其不服調遣革逐之馬彥澧李萬海心懷觖望三月初七夜刺殺馬柏森脅其黨以叛周紹濂魏光燾聞變率隊圍剿賊知大兵將至向毛居士井元城子一帶紛竄魏光燾派總兵于奇泮副將蕭玉元追之遇賊下馬關陣斬騎賊七十餘名生擒五名副將魏紀登追至元城子地方斬步賊十餘名提督徐文秀自白墪追至十六夜三鼓襲賊於梨花背山溝斬賊七八十名生擒二十餘名二十六日提督戴奉聘由鎮原按勒至楊家莊一帶斃賊六十餘名副將李瑞林吳啟雲按勒下馬關連東一帶深山陣斬賊黨十數名生擒賊目楊金潮寨宗東華續錄 同治九十年 五

雅牙兒灣一帶匪逆逆目馬彥濬由關門山竄至擊敗之賊折由盪土溝一路東竄良回都司銜穆進善率旌善二起馬隊拒之少卻收駐南窯洞賊仍東竄穆進善馳報魏紀鑿出官馬套截勦行至黑溝口賊已由沙臺堡竄出魏紀鑿突起奮擊敗之賊由柯家寮向崖竄南竄適提督左日升總兵于奇泮朱上林由黑城子出隊截之朱上林率馬隊衝入賊中斬先鋒悍賊十餘名而奪其馬步隊繼至賊敗折西竄是夜四鼓魏紀鑿追賊至崖竄詢之堡民知有敗賊百餘騎在黃蒿灣急起掩之擒斬過半十四日黎明追至楊明堡收隊十六日詢知河州賊匪另股馬步二三百竄踞條子溝李百寬復帶騎賊百餘徑赴賀家堡接取眷屬適大雨如注咫尺莫辨行徑魏紀鑿揣條子溝之賊必李百寬要約而來意在阻官軍截勦以便接取逆眷宜先進賀家堡截賊出路比發號

東華續錄

同治九十

三

疾馳行十數里至張家原則李百寬已奪取逆眷避雨窰洞燎衣作炊馬鞍盡卸矣見官軍驟至紛紛出窰列拒魏紀鑿率親兵馬隊衝入立斃執李字旗悍賊兩名馬步各隊分途齊至都司強占魁馬隊哨長劉義縱橫盪決斃賊遂多李百寬退入窰洞賊黨死拒勇丁何來福差弁張貴元張吉飛及馬隊軍功馬生德躍馬向前生擒李百寬比飭右後兩哨押犯赴堡子臺而餘賊已護逆眷逸去魏紀鑿率馬步隊迅追逸賊馳八十餘里沿途斃賊約百餘名並將李百寬李文虎眷屬奪獲收隊回條子溝時已戌刻矣忽聞堡子臺礮聲不絕料必有事魏紀鑿仍率所部由條子溝截去見堡子臺來賊百餘與右後兩哨相持即躍馬衝入擒斬數十名騎賊四五十名向種田溝敗竄詢之生擒賊供蓋聞李百寬就擒相約來此劫犯也正擬追逐間適參將宋南山守備徐有禮由小

溝收隊歸與此起竄賊遇奮威截殺誅滅殆盡又行數里至劉家井見各處窰中火光騰灼知敗賊悉踞此間遂派隊圍定溝口督隊衝入盡數殲之同日據隆德轉運局員通判張潤飛報署隆德縣知縣周其俊約駐十里鋪護運馬隊營總十六日輕騎赴北路履勘形勢總兵銜副將王有慶李松林隨身小隊同往行至距縣城四十里野雞峴突遇大股騎賊千餘從山後突出眾寡莫敵王有慶李松林周其俊同日陣亡馬勇戰沒者數名臣於十七日午刻得信疑西山一帶向無千餘騎成股之賊其時未知李百寬業已就擒意其糾合馬彥濬等要逆及河州匪黨同來窺劫糧運也立調步隊三營馬隊三營由瓦亭踰六盤山向北追勦又飭親兵左後兩哨踰空同山繞化平川出龍江峽口而南出底店門扇岔抵隆德冀得痛勦以盡根株二十六日得管帶副藍旗馬隊副將

東華續錄

同治九十

三

尤成章飛報十七日由高堡臺披山到新營川據探馬馳報不知何路突來馬賊百餘步賊二百餘由硝河城南三十五里巴斗溝假充官軍攻破良回王家堡肆掠逸去尤成章立即拔隊五鼓馳抵三岔口土人告知對面嶺畔窰洞微露火光即攻堡之賊住宿處也尤成章即挑壯士傳口號夜砍賊館比踰溝登嶺賊猶未覺壯士指火光明滅處大呼殺賊賊即驚慌亂竄昏黑中斃於亂刃者約數十名黎明躍蹤追勦行五十餘里至雙樹地方賊見追軍無多列陣抗拒尤成章率遊擊喻永勝千總孫成德下馬挺矛衝入賊陣手斬黃衣賊一名而奪其馬砍斃手執方白旗賊目一名喻永勝肩受礮子傷一處胸脅受刀矛傷四處孫成德面受刀傷尤成章衣被槍子穿透數處猶奮威督隊力戰斃悍賊數十賊始大奔將士躍追猛追賊擠墮澗壑自相蹂躪死者無數訊據新

裏回民馬福海及活賊口供所斬黃衣賊目爲馬才棕十六日野雞峴賊王有慶李松林周其俊者卽此賊也人馬約共三百有奇始知隆德所報賊騎千餘不足信臣前疑李百寬糾合馬彥濬等伺劫糧運者亦非也二十四日靜甯防軍記名總兵吳隆海調賊擾州西北八十餘里王家溝急起擊之斬悍賊四名二十五日追至焦家河上王家一帶擒斬二十餘名拔出隴西鎮被裹漢民十四名收隊回防所擊者卽此起敗賊兇鋒已挫不能爲隆靜北路之患矣竊維鹽固東西兩山首要各逆均已陸續擒斬臣於正月二十五日附片陳明並聲敘未獲逆目惟狗齒牙子靖遠驛子馬才棕馬母驢聞希孟金添安等數犯續據該提督周紹濂報斬聞希孟金添安近復據報靖遠驛子帶傷後昇至乾鹽池身死馬母驢卽沙母驢子已經提督楊世俊陣斬茲馬才棕復經尤成章陣斬除狗齒牙子聞已逃赴河州尙無確耗此外著名各逆均已伏誅而李百寬一股又已殲除俟接捕馬彥濬李萬海等竣事東西兩山周千餘里間伏莽盡除運道無虞梗滯矣又奏南路官軍勦賊獲勝情形業經馳報旋據漢中鎮總兵李輝武報稱四月初一日有回逆約數百假裝官軍馬隊竄至兩當總兵文德盛迎擊於簸箕灣敗之賊竄徽縣娘娘壩初二日二鼓微防提督胡國珍總兵蕭德林截賊於場外山旁獲勝斃賊甚多生擒萬海明等十餘名初三日賊由前川向秦州屬境竄去提督楊世俊一軍駐紮石佛鎮初五日偵賊游駛秦屬雙溝窪王家河趙家山一帶掠劫糧運當飛調各營自北而南初七日四鼓飭馬隊張兩翼猛撲雙溝窪王家河以扼其吭步隊跨趙家山脊自上壓下直搗中堅該逆勢不能支官軍四面環擊陣斬三百餘名生擒四十餘名追殺五

東華續錄

同治九

十

五

十餘里據擒賊供稱此股頭目係河州馬秀馬貨郎麻哈等由安定康家崖竄出此外尙有悍目馬榮蘇萬祥劉羊等各率黨分竄意圖合股擾運不料猝遇官軍馬秀馬貨郎俱被斬於陣餘眾殆盡另股東竄之賊折擾禮屬鹽關一帶楊世俊度其必循占城西遁也初八日四鼓潛師於禮屬麻子溝鹿家山待之天未曙賊果至伏起突擊衝賊爲數段馬步縱橫淹擊陣斬百餘名生擒三十餘名漏網者僅十餘敗賊耳劉羊以二百餘騎擾及秦屬梁家大莊楊世俊於是夜駐軍劉家河初九日暮食奮擊斬賊百餘級賊向西狂奔馳追九十餘里於伏甯屬包家莊大草灘及之斬劉羊於陣初十日窮搜崖壑已無賊迹其竄擾甯遠屬馬力坡一股數百騎三月二十八日總理宗岳軍營務提督張仲春調知賊騎擾及甯遠屬之西溝卽出隊掩擊二十九日行抵西溝短兵相接立斃悍賊多名四月初一日賊駛至禮屬靈芝山王家寺各處張仲春連日冒雨窮追飛飭所部各營分股痛勦初三日敗賊於王家寺槍斃矛刺死者二百餘人殲賊目何二於陣初五日探悉另股賊目由娘娘壩鹽關竄至伏羌屬楊家寺張仲春卽拔隊馳赴固城度賊必由東溝竄走設伏伺之初六日黎明賊騎擁至官軍奮起迅擊邊決縱橫賊屍枕藉追殺五十餘里初八九十一等日攔勦包家莊謝家莊等處均疊有斬獲我軍陣亡三名而已生擒賊目張善善子張馬逢楊復子數名解護周開錫行營正法見派隊接剿山谷其另股賊於三月二十七日由娘娘壩各處竄擾觀音店復經總兵田連考道員田應龍連日窮追四月初三日分率所部一扼龍潭壩截其竄微之路一馳抵徐家溝口緊躡賊蹤各嚴陣以待登高瞭望見賊飄忽游駛慮其有伏田應龍率所部折回

東華續錄

同治九

十

五

溝西防抹接溝口之賊田連考飛派虎威中營幫辦田得勝哨官田慶先由東路進鎮西營幫辦文仕茂帶哨官田興餘進左已革總兵熊煥章帶鎮西營前後哨進右田連考自領親兵中哨哨官吳有恆居中策應候選縣丞田治元督隊衝突身受重傷陣稍却賊獲擒合圍我軍排陣抵禦槍矛齊施正酣戰忽溝西礮響田應龍率哨官王仁和及副將謝復盧馬隊自溝西馳至田連考突圍合攻斃賊百數十名賊拚命奔竄又追殺百餘名生擒八名窮追十餘里我軍陣亡勇丁二名虎威鎮西兩營受傷勇丁二十餘名而已二十五日復截於柳家溝斃賊數十名生擒二名其餘之賊向通渭回竄會甯二十七日駐通渭之二起馬隊總兵銜副將李華擊之於曹家川斃賊三十餘名臣維竄匿河州之賊多係甘南及鹽茶固原會甯安定敗殘餘孽而秦川屬鹽關禮縣逆回亦頗

東華續錄

同治九十年

五

潤迹其間零騎偷竄固所不免幸退無可據之險進無可掠之食旋竄旋滅固無能為患也又奏竊鹽固東西兩山及甘南一路賊蹤飄忽官軍疊次勦辦獲勝擒斬賊目多名見籌辦情形經臣據實陳明諭旨垂詢各節多與陝甘兩省交界州縣探報大略相同而各軍營稟報則有合有不合四月初八日官軍無追賊至禮縣長道鎮接仗挫敗之事娘娘壩高橋牡丹園本係一路相距不遠並無千餘騎竄擾之事至秦州北鄉鹽合城有回匪三千餘由河州潛渡洮河長驅東下見在盤踞甯遠縣屬馬塢新寺一帶分股四出以擾後路糧道一節臣處並無所聞以勢度之亦必無其事查河州轄境周四百餘里東自狄道州境渡洮而西與西甯接土回頭目之著名者馬原大馬占龍馬阿渾劉阿渾及卿約臨洮謝大師外尚有撒拉番回內八弓外八弓頭目老阿渾等股數甚

多近來未嘗入犯其入犯者多甯靈鹽固一帶及秦州各屬敗殘土匪之遷徙河州者人數零雜並無大股其入犯也必由洮河下游三甲集康家莊渡洮船小湫急雖有大股亦難徑渡且賊之所以能逞其颺忽狎至之技者正以人少則運掉易靈若多至數千復盤踞一處則官軍合力攻取尚易為功如果三千賊騎盤踞甯遠新寺馬塢則西北踞鞏昌不過百餘里東南距秦州亦不過二百餘里鞏秦豈無急報何以兼旬之久臣處迄無所聞大抵軍中探報距賊較近各營尙有可信若州縣營汛報則皆塘兵差役道聽塗說數十里百餘里外捕風捉影之談毫不足據臣隔省所得傳鈔探報又事後捕風捉影之談更無論也竊維軍事尙質實忌虛浮虛浮之弊起於訛誤者有之起於意見者有之臣忝預軍事十有餘年敗仗則報在人先勝仗則報在人後經勘定地方從無

東華續錄

同治九十年

五

大股竄踞重煩兵力之事蓋愚拙之效可觀者如此至進規河州之舉臣前奏已略及之見時遞運三箇月糧料草束尙未竣事若急於前進則隨運隨耗後無可繼之糧河州夏收約在六月底秋收約在七八月若急於前進則未及成熟前無可因之糧非穩著也又洮河深淺廣狹隨處不同而溜勢湍急與黃河無異由狄道安定隴西進兵海路皆須造船架橋所需器具亂後人物凋殘勢難咄嗟立辦而鹽固東西兩山餘匪及甘南一帶餘氛均應趁此閒暇逐加料理以免後顧之虞防軍未移之先無旬不有戰事亦非坐食虛糜可比察看近日軍情並未稍涉驕惰臣亦不敢因聖明詰責之嚴故為諉謝也 上諭左宗棠穆圖善奏南路各軍勦賊獲勝即著左宗棠穆圖善督飭各軍實力防勦務將殘匪搜捕淨盡毋使賊氛再有紛竄以固南路邊防左宗棠另片奏遵覆

河州等處軍情並進規河州一時未能進取各情形覽奏均悉軍營探報遠近不一傳聞容有異詞朝廷既有所聞即不能置之不問該大臣惟當仰體朝廷西顧之殷將進兵機宜悉心籌畫並激勵將士殺敵致果迅奏膚功用副委任正毋庸瀆辯爲也將此由五百里各諭令知之○予甘肅陣亡總兵官羅榮卿副將王有慶等祭葬世職○辛亥諭內閣前因宗人府等衙門奏主事福珣被扎身死一案訊有鄭親王承志主使情事當派軍機大臣會同宗人府刑部詳細研鞫茲據奏稱連日質訊要犯王壽等已將該親王指使糾毆情形供指確鑿而該親王堅稱並無其事且呈遞親供前後自相矛盾其爲任意狡展更屬顯然請旨先行革審等語承志著先行革去王爵其應訊各情及一千人證著管理宗人府王等軍機大臣會同刑部嚴行審訊按律定擬具奏○諭軍機大臣等李鴻章奏日本使臣將抵天津請派大臣在津會議立約一摺已另有諭旨派李鴻章爲全權大臣並派應寶時陳欽隨同幫辦矣該大臣俟日本使臣到津後務當督飭應寶時陳欽悉心籌畫杜漸防微總期周密妥善免致將來窒礙是爲至要本日簡派全權大臣諭旨一道一併發往如該使索看憑據即著李鴻章另行恭錄給予閱看俟議約事畢此旨仍繳還軍機處備查將此由四百里諭令知之○命直隸總督李鴻章辦理日本國通商條約事務江蘇按察使應寶時署直隸津海道陳欽隨同幫辦○癸丑諭軍機大臣等都興阿等奏查勘鳳巖二邊門外地段完竣並擬畫畱界限情形繪圖呈覽一摺鳳巖二邊地段經都興阿等督飭協領崇善等分段查勘北自駿陽門屬之八里甸子等處起東至兩江匯口轉向西南至海沿江有漏河一道下至廟爾嶺直至貢

道北老邊牆處接續貢道南烏津飛大孤頂子等岡斜向西南至舊邊柵小黑山止均擬酌展爲邊即著照所議辦理其貢道三角一隅之地雖據該協領等請仍舊制毋庸繩丈惟大東溝一帶江海相連時有匪徒叢聚都興阿等務當嚴飭鳳凰城守尉等詳細查明相機安辦至畫畱界限藉資間隔原以內撫游民外綏藩服今則沃壤膏田私墾已徧遷移不易安插亦難殊於邊境大有關繫都興阿等務當詳度情事先事豫籌於查辦鹵廠旺清邊地完竣設法圖維據實奏明辦理所有應畱封禁之地並著該將軍等斟酌機宜隨時妥辦以昭慎重所呈地圖即著畱中都興阿另摺奏海洋匪犯登岸滋擾派兵勦捕各情形海盜登岸搶奪鋪戶掠去商人並敢闖入稅局擄人劫財實屬目無法紀水師營協巡韓珊帶領戰船追捕賊匪棄船登岸將綁去之人均行放回何以東華續錄 同治九十一 美

不乘勢緝獲致令逃逸地方官既不會同堵剿駐紮孤山之統領馬步隊又不趕緊截擊其懈弛情形實堪痛恨著該將軍等查明一併參奏以示懲儆仍一面督飭派出員弁跟蹤窮追務期悉數弋獲不准一名漏網將此各諭令知之○胡肇智以病免調胡家玉爲吏部左侍郎轉黃倬爲兵部左侍郎調鮑源深爲兵部右侍郎轉童華爲工部左侍郎以錢寶廉爲工部右侍郎由內閣學士遷○乙卯諭軍機大臣等金順奏請賞假調理並補行守制葬親一摺金順業已補授烏里雅蘇台將軍此次發摺時自係尙未接奉前旨該將軍身歷戎行宣力有年覽所奏傷疾未痊等情殊堪廬念惟烏里雅蘇台爲西北要區自被賊竄擾以後諸事須重加整頓非有知兵大員前往辦理難資鎮壓金順素性勇往不避艱難見既膺茲重任自應迅速赴任悉心籌辦著仍遵疊次諭旨部署啟程

所部得力馬步各隊並著酌量帶往以資調度將此由五百里諭令知之○調瑞麟為盛京戶部侍郎以銘安為盛京刑部侍郎內閣學士遷○丙辰諭軍機大臣等張廷岳等奏探悉賊情見籌防勦一招據稱四月初十日賊匪在巴噶諾木汗地方與圖謝圖汗部落蒙兵相遇被蒙兵擊敗竄往東南迨至沙巴克烏蘇會同烏喇特公中旗巡防官兵擊斃賊八名擊傷二十餘名見仍盤踞沙巴克烏蘇一帶恐向東南竄擾等語所奏賊匪奔竄蹤跡與定安前奏大略相同惟賊股究有若干未據張廷岳等奏及蒙兵與賊接仗不能窮追任賊奔逸設徑由東南擾及臺路烏庫文報糧餉被阻固屬可虞歸綏及察哈爾一帶亦形喫緊總當四面兜擊使該逆無隙可乘方可一鼓聚殲盡除醜類著定安文盛張廷岳等各飭派出兵弁擇要堵禦相機扼擊仍隨時勤加偵探互相知照以期

東華續錄

同治九十

壬

懦怯甚不足恃著文盛趕將已散五臺設法招集設復其未散各臺並著妥為拊循飭令照常當差毋得妄生疑懼見在軍臺人心未免惶惑亟須有兵鎮壓貢果爾所部未到以前即照文盛所議將左翼四旗馬隊派赴布魯圖一帶分布駐紮以安眾心大同七起官兵急切不能前進即著暫紮各臺藉資防堵仍須將各臺駝馬速行整備俾該官兵得以剋期進發並將後路糧石接續轉運不得任意遷延致有貽誤薩薩布所部本由綏遠取道濟斯洪果爾前進著定安飭令該副都統將此股賊匪悉數殲除至濟斯洪口練軍千名曾否啟程著李鴻章催令迅赴庫倫以備張廷岳等調遣將此由六百里各諭令知之○戊午諭軍機大臣等杜嘎爾奏查探賊蹤派隊進勦一摺賊匪由阿畢爾米特旗分股東竄一股竄入馬蘭察布盟烏喇特旗境內疊經諭知定安催令薩薩布督隊勦辦並諭令杜嘎爾探蹤進勦茲據該副都統奏派稱派令吉爾洪額帶領馬隊四百餘名前進著即飭令該員探明賊蹤所向迅速截勦該匪股數不一恐其分投竄突杜嘎爾仍當懷遵疊次諭旨勤加偵探撥兵堵擊與定安文盛派出各軍聯絡聲勢迅掃逆氛不得擁兵株守坐失事機昨已寄諭定安文盛仍著該副都統隨時查照不得稍分畛域惟征兵需用駝隻馬匹尚多缺乏亟宜寬為籌備著奎昌榮全多布沁札木楚張廷岳阿爾塔什達嚴飭各愛曼速將駝馬解送杜嘎爾營中以應要需杜嘎爾見將烏城餉銀內先撥三萬六千兩發給官兵其餘銀兩仍著飭令派出官兵小心看守毋稍疏忽將此由六百里各諭令知之○己未諭軍機大臣等金順張曜奏遵籌沿邊防勦事宜一摺據稱甯夏

東華續錄

同治九十

壬

一帶近防遠期均關緊要該將軍等已分兵布置復商派提督程之偉等帶隊馳往大舍太烏拉等處截剿並於石嘴磴口一帶派兵扼紮所籌向安即著督飭各軍於派防處所嚴密堵禦遇有匪蹤近即行實力截剿毋稍疏虞一面招集流民鎮撫降眾以靖地方金順當慎遵疊次諭旨酌帶所部剋日啟程其甯夏防剿事宜即著張曜妥籌辦理將此由五百里諭知金順並傳諭張曜知之○諭劉嶽昭岑毓英奏官軍攻克賓居賊巢收復雲龍州城並茂克賊巢攻拔情形各摺片賓州所屬賓居賊巢盤踞日久經楊玉科等先後督軍進剿力攻一年有餘克拔堅巢賓州州境肅清雲龍州賊目趙炳南具稟投誠州城亦已收復該處軍務既經得手大理賊勢自更窮蹙惟雲南縣踞賊負隅未下彌度地方又有賊擾著劉嶽昭岑毓英飭令李維述等實力進剿迅克雲南縣城東華續錄 同治九十年 五月

並將彌度一帶竄賊悉數掃蕩毋得延緩此次攻克賓居賊巢及收復雲龍州城在事出力員弁准其查明併案請獎其茂克賊巢既經攻拔開化府屬已就肅清仍著飭令張保和等乘此聲威速將田心等處賊巢次第攻克以期一律廓清將此由五百里各諭令知之○予雲南陣亡遊擊陳定邦等祭葬世職○是月緩徵山西臨汾等五縣歉收民借倉穀

六月壬戌太白晝見○諭軍機大臣等劉岷奏益陽等處會匪一律剿除一摺據奏道員李光燦等由桃花江進剿舒塘等處賊匪殲盡無遺益陽龍陽交界資江南北兩岸一律肅清惟所稱查探著名首逆多死於陣語涉含糊究竟劉道美劉貫三何春台等首逆曾否殲斃有無實據抑尚在逃未獲該犯等係起事首惡斷不准任令漏網著劉岷派幹員並飭所屬地方官嚴密緝緝務須

東華續錄 同治九〇

悉數弋獲其從逆之犯亦當按捕淨盡以絕根株該撫見將派出各軍分別撤回酌留李光燦兩營擇要扼紮並派員會辦益陽等處國防仍著飭令該員等認真防範以遏亂萌湖南會匪連年滋事雖立時撲滅而閭閻已被其害劉岷身任封疆當時以緝匪安良為念妥為籌辦不得因循粉飾致負委任所有此次李光燦等軍剿匪出力著准其暫行存記俟清查完竣酌量保奏將此諭令知之○予湖南殉難在籍知州陳景滄祭葬世職○癸亥諭軍機大臣等福濟等奏會議酌派委員總辦糧臺請飭速解馬隊口糧趕辦駝馬等項奎昌等奏遵籌撥兵會勦杜嘎爾奏偵探逆匪奔竄情形各摺片出征馬隊需用糧餉極關緊要福濟等擬請在張家口設立總局由口北道專司其事按月源源運送一面由烏城派員在豁尼齊等處迎提著李鴻章酌量情形或令口北道親赴張家口或派員前往妥為辦理期無貽誤惟疏通糧路尤為第一要著刻下蘇彰所帶馬隊在烏城防所已有斷糧之患杜嘎爾營中裹帶之糧亦將罄盡情形實為困苦前據文盛奏布魯圖屬五臺弁兵聞警逃避糧石中途堆積該都統業已挑撥牧羣駝馬趕為運送尙能先其所急仍著飭令各臺趕緊整頓齊備務將應需糧餉陸續趕運以資軍食並著杜嘎爾遵照五月二十八日諭旨飭令貢果爾迅帶所部馳赴濟斯洪果爾臺站駐紮保護糧路至駝隻馬匹等項均為軍營急需福濟等因蒙古力難供應發給西兩盟銀各一萬兩以爲撥買之需著張廷岳阿爾塔什達飭令東兩盟長即行派員赴烏領價一體照辦並著理藩院傳知各該盟長曉諭所屬此次派兵遠征原為保衛蒙古遊牧地方若因駝馬缺乏貽誤事機致賊匪蔓延愈廣於蒙古生計亦大有關係

四二七

該盟長務當力顧大局竭力籌辦不得觀望推延致滋貽誤定安前奏賊踞洪庫勒塔拉地方薩薩布等帶兵進剿見在勦辦情形若何本日據杜嘎爾奏賊於五月十五日竄至拉蘇倫巴咱爾所屬遊牧之巴爾圖叟吉地方與第十七臺相近是否另是一股該副都統見令吉爾洪額所帶之隊改道追剿著即飭令緊躡賊蹤相機截擊並著定安催令薩薩布迅將洪庫勒塔拉之賊剿除淨盡即行取道前進探明賊蹤與杜嘎爾所派之兵聯絡聲勢會合夾擊以期迅掃逆氛邊外地勢遼闊該匪到處流竄防不勝防奎昌等請將杜嘎爾之兵酌留一千名於哈爾尼敦以顧烏庫兩城門戶其餘一千數百名派令跟蹤進剿並請飭綏遠城察哈爾庫倫各派官兵合力會剿等語著定安文盛杜嘎爾張廷岳阿爾塔什達悉心會商妥籌辦理總期將此股竄匪設法及早殄除免至日久紛擾福濟等另片奏前咨綏遠城揀派筆帖式生監一二十名章京三四員赴烏迄今尚未派往等語著定安按照福濟等前咨照數揀派飭令剋日前往毋稍遲延將此諭知理藩院並由六百里諭令李鴻章定安奎昌榮全多布沁札木楚文盛杜嘎爾張廷岳阿爾塔什達知之○甲子諭軍機大臣等張廷岳等奏偵探逆匪竄踞情形請飭各路援兵就近進剿一摺據稱逆匪分作三股一股擾及喀喇沁圖固里克暨托里布拉克二臺一股在騰格里諾爾地方盤踞一股竄至噶克察巴揚莫多等處見在圖固里克托里布拉克二處臺站業經渙散烏庫兩城糧餉及宣大兩軍兵食必將阻滯不通非各路援兵合力剿洗不足以肅清邊境各等語賊匪飄忽無常見既分股滋擾臺站牽掣糧餉要路難保不俟庫倫兵眾前往堵剿即乘虛撲犯庫倫張廷岳等見調蒙兵六

百名馳往該處相機剿捕並督飭宣化步隊嚴密防守所籌尙屬周密即著張廷岳等多發偵探防剿兼施毋稍疏懈杜嘎爾駐紮哈爾尼敦一帶距圖固里克等臺站僅二十二臺尙不甚遠著該副都統仍遵本月初四日諭旨偵賊所在派員帶兵進剿匪股分合不定並著飭令帶兵員弁於賽爾烏蘇池南一帶會同庫倫派出各軍將此三股賊匪聚而殲旃以通臺站而清東路文盛已派兵千名前進著定安酌量情形派撥隊伍合力兜剿薩薩布見紮何處並著定安懍遵前旨飭令該副都統迅率所部轉戰而前至濟斯洪果爾暫紮以護糧運布魯圖屬已經潰散各臺文盛當懍遵疊次諭旨趕緊設復以利師行李鴻章即飭都司賈吉齡統帶古北口練軍一千名迅速啟程赴庫歸張廷岳等調遣俾厚兵力將此由六百里各諭令知之○丁卯諭軍機大臣等恩麟德奏奏東華續錄 同治九十年 聖 僧俗番官謀害已革番目分別奏參一摺據稱達爾漢總堪布班熱頓柱句通噶勒丹寺喇嘛阿丹及札薩克喇嘛札克巴協捻折窩喇嘛策忍桑結謀令諸們罕呼圖克圖辭退協理商上事務並定計密差喇嘛分往各處將已革贖罪之普隆噶布倫彭錯策旺奪結父子池們戴琿琿期美奪結大昭倉儲巴江洛拉旺彭錯通巴戴琿朗結頓柱及見參催果噶布倫密瑪策忍等六人先後謀死班墊頓柱旋因畏罪潛回噶勒丹寺噶布倫策忍注曲聽信該總堪布之言私離職守同往噶勒丹寺集眾抗拒不遵札調等情此案班墊頓柱謀奪商上之權輒敢句通各該喇嘛謀害多人不法已極策忍注曲聽信班墊頓柱煽惑擅離職守情亦可惡班墊頓柱原授達爾漢總堪布職名札克巴協捻見授四品大堪布連札薩克名號策忍注曲曾授台吉噶布倫連東科爾著即一併斥革

並著恩麟德泰派撥番營官兵將該犯等拏獲會同達賴喇嘛訊
明確供定擬具奏該犯等既經糾集僧俗意圖抗拒恩麟等尤當
妥為彈壓一面嚴拏首要各犯一面解散脅從以免滋生事端另
摺奏遵查達賴喇嘛下山時經援案聲明等語本年達賴喇嘛親
至大招喇嘛經攢招為國祈福忱悃可嘉著發去黃哈達一箇銀曼
達一箇鈴杵一分菩提念珠一串玉碗一箇玉盤一箇黃段二卷
交恩麟等轉給達賴喇嘛祇領用昭恩賚將此由四百里各諭令
知之○己已諭軍機大臣等左宗棠穆圖善豫師奏陝回句結西
甯回族滋擾派兵堵剿一摺陝回分竄西甯攻撲高寨威遠等堡
擾及高美堡董家寨一帶經總兵黃武賢派隊堵剿疊獲勝仗惟
逆首白彥虎率黨攻陷小南川漢堡為巢穴崔三一股仍踞曹家
堡分黨潛伏高寨禹生彥股眾與為犄角並有金積堡敗匪竄至
東華續錄 同治九十年 聖

守省垣護運糧石未能移調前往自係實在情形甘涼兵力過單
難資扼剿左宗棠統轄全省西路應早籌及仍著迅速撥兵協剿
毋得稍涉遷延致滋貽誤穆圖善亦應督率近省各軍隨時抗剿
竄匪與左宗棠和衷商辦不可稍分畛域左宗棠穆圖善另摺奏
勦辦山丹土匪及甘州賊股情形已明降諭旨將出力及畏縮各
員分別獎勵懲辦矣仍著左宗棠等飭令楊占鼐督率所部加意
防範毋令賊匪乘間奔突以靖地方將此由五百里各諭令知之
○庚午諭軍機大臣等曾璧光奏勦辦永甯等處賊匪情形一摺
貴州官軍由盤江以北進剿疊破永甯鎮甯歸化賊巢克復募役
司汛城並攻破郎岱水城各崗寨盤江以北雖無賊蹤難保該逆
不乘隙回竄復肆蔓延曾璧光等見調總兵何世華督率八營防
守盤江北岸即著飭令該總兵嚴密布置認真防守毋令再行擾
東華續錄 同治九十年 聖

訥蘇肯帶領官兵與庫倫派出喀爾喀各隊會合進剿並派西勒
興阿會同吉勒洪額所帶之兵向東迎擊著即催令各隊星速前
進探蹤截剿文盛前派察哈爾左翼官兵五百名在軍臺要路安
營並令大同兵暫紮防堵此時賊踞臺站不遠著文盛慶春飭令
迎頭遏截務期與杜嘎爾所派之兵兩面夾擊就地殄除該匪駁
駁東向難免不覬覦庫倫著張廷岳阿爾塔什達督令派出各隊
實力追剿並嚴檄附近防兵確探嚴防毋稍大意薩薩布前次進
剿洪庫勒塔拉匪曾否蕪事著定安催令迅速取道前赴濟斯
洪果爾一帶相機兜剿以顧糧運毋稍遲緩杜嘎爾見在催調駝
馬並在附近雇覓駝隻應用著俟辦理就緒即行統帶官兵剋期
進剿其哈爾尼敦一帶應如何留兵扼紮以顧烏庫門戶仍著懷
遵前旨妥籌辦理刻下臺路梗阻糧運遲滯若不迅籌疏通兵食

東華續錄

同治九十

聖

必致缺乏關繫非輕著杜嘎爾飭令伊勒和布會同賽爾烏蘇管
站官玉和將臺站失散人眾趕緊收集並著文盛慶春將布魯圖
屬各臺一律設復並將各軍糧餉催趨運解以資接濟將此由六
百里各諭令知之○永定河溢○于貴州陣亡參將張晉成祭葬
世職○甲戌諭軍機大臣等劉岷奏剿除雷公山踞逆掃蕩附山
各寨一摺湖南援黔官軍自攻克丹江凱里後乘勝進取連克南
刀大塘堪洞各賊巢徑趨雷公山立平雷公坪並克九眼塘燕子
窠等寨直登山頂縱橫盪決殲賊千數百名雷公山境肅清惟逆
首張臭迷率賊數百竄逸該逆糧盡黨散勢已窮蹙著劉岷飭令
席寶田督率將弁跟蹤追捕迅速弋獲以除巨患並派隊由螃蟹
等處轉戰而前廓清大道俾無梗阻貴州各軍已將上下江收復
調隊進次都勻麻哈之間與楚軍相距不遠著曾璧光周達武檄

催派出將領會合楚軍迅將逆苗次第殲除以靖黔疆此次在事
出力人員著劉岷暫行存記俟苗疆肅清再行彙請獎勵將此由
五百里諭知劉岷曾璧光並傳諭周達武知之○于貴州陣亡遊
擊劉得勝祭葬世職○乙亥諭軍機大臣等楊昌濬奏查辦嚴州
齋匪情形一摺浙江衢嚴二府界連江閩時有齋匪涸迹本年四
月間壽昌縣地方謠傳外來匪徒暗中勾結滋事經該縣督團緝
獲徐保洪包繕幅二名五月初八夜間復有匪徒突入嚴州府城
即經該處文武派兵擊剿擒斬多名立將城內餘匪及城外匪黨
披捕訊據賊供此股匪徒係江西鉛山縣人李懷東起意劫犯搶
掠首先進城已被陣斬其逃散之匪亦經先後擊獲並訪獲積年
齋匪頭目周惲良即朱葛亮等地方一律肅清辦理尚為迅速嚴
州府屬文武各員本有應得處分姑念事起倉卒登時撲滅功過

東華續錄

同治九十

聖

尚足相抵著免其置議其奮勇剿賊受傷之副將黃中理著交部
從優議敘齋匪出沒靡常實為地方之害楊昌濬仍當檄飭派出
各員會同各該地方官督率團練隨時稽查遇有不法之徒三五
成羣形迹可疑者立即躡擊從嚴懲辦此股人數究有若干窩聚
究在何處江西福建與浙江毗連處所尤易藏奸著文煜王凱泰
劉坤一楊昌濬一體飭屬確查悉數兜擊毋任匪黨藏匿鉛山等
處匪徒疊經諭令劉坤一督率所屬實力按捕該撫務當懍遵前
旨飭令所屬各員認真辦理務將該匪黨與訪拏淨盡以絕根株
將此由四百里各諭令知之○諭李瀚章郭柏蔭奏拏獲穀城縣
謀逆匪徒並湘省龍益匪黨肅清等語湖北穀城縣匪徒葉子午
等商同逸犯蔡凌漢招集河南夥黨約期滋事經該縣知縣宋熙
曾訪獲並起出謀逆書信等件著李瀚章等飭令審明後即將各

犯就地正法並勒限緝拿逸犯蔡凌漢等務獲淨盡嚴辦該逆既
有招集河南夥黨滋事之語著李瀚章等知照李鶴年飭屬訪查
如有匪徒潛謀勾結即行嚴拿懲治郭松林見回襄陽著知照該
提督將各軍扼要駐紮妥為彈壓湖南龍益滋事會匪雖經剿散
伏莽尚多該督撫務當督飭各該州縣力行保甲認真稽察以期
消患無形不得以見已撲滅稍形疏懈匪首劉道美劉貫三何春
台等曾否殲斃著劉峴懷遵前旨嚴密緝斷不准任令漏網將
此由四百里各諭令知之○丙子諭軍機大臣等李鴻章奏口外
臺站潰散糧運阻滯請飭迎提保護安定奏撥隊探剿檄調馬隊
進紮臺路慶春奏設復臺站情形派兵赴臺防剿杜嘎爾奏酌配
調到駝隻帶隊啟程各一摺杜嘎爾於圖謝圖汗部落解到駝隻
後即抽調官兵三百餘名親自統帶啟程偵探賊蹤向東南進剿
東華續錄 同治九十年 哭
並飭吉爾洪額訥蘇肯迅速前進一體探剿即著該副都統督飭
各軍視賊趨向實力夾擊毋得再涉遲延致令匪蹤紛竄至駐紮
哈爾尼敦各隊調出千有餘名存營官兵無多而餉銀十餘萬兩
尚在烏訥格圖站收存杜嘎爾務當嚴飭達爾濟等於推河等處
要隘嚴密防守以保糧餉喜喇穆呼爾等臺雖已設復大半惟默
霍爾噶順霍尼齊二臺又被賊擾且探有分犯庫倫多倫諾爾之
說是賊蹤駁駁東竄距察哈爾不過千餘里慶春當飭前調察哈
爾官兵迅即啟程前進探蹤迎剿與杜嘎爾等軍兩面夾擊就地
殄除張廷岳阿爾塔什達仍當懷遵前次諭旨督飭官軍勤加偵
探妥籌防剿毋稍懈弛臺站梗阻前敵各軍糧食恐有匱乏之虞
雖經文盛檄催各臺駝馬並撥兵護送尚恐緩不濟急著杜嘎爾
將二十五臺以下存積米糧派隊迎提到營接濟軍食仍酌撥隊

伍擇要扼紮以護續運之糧慶春迅將已復各臺設法保護未復
各臺趕緊招集以期源源接運無誤師行其宣化官兵並著張廷
岳等就近在恰克圖採辦糧石以資接濟一俟臺站疏通即由李
鴻章飭令口北糧臺如數解還庫倫至張家口糧臺既據李鴻章
奏稱見由口北道就近督辦均尚妥協即著照舊辦理毋庸另議
更張前竄烏喇特旗之賊經薩薩布等派兵會剿賊向西北竄去
難保不與固爾板賽一股會合擾及軍臺著定安仍遵前旨催令
薩薩布督率所部剋日馳赴濟斯洪果爾一帶相機兜剿以顧糧
運並令劉廷等軍聯絡聲勢會合夾擊以期淨掃逆氛賊匪究分
幾股共有若干人見在究竟分竄何處除薩薩布所部曾與賊接
仗外杜嘎爾所派吉爾洪額等何以終未與賊相遇著定安慶春
杜嘎爾張廷岳等確切偵探實力防剿並著定安檄飭烏喇特茂
東華續錄 同治九十年 哭
明安等旗嚴密堵禦毋任賊匪再行竄入將此由六百里各諭令
知之○諭穆圖善奏各營馬步剿賊獲勝等語甘省大靖及黃崖
王鵝壩山石井子等處時有竄賊搶掠軍糧及農民牲畜經薩英
阿雙福等帶隊迎擊擒斬多名金縣境內竄匪亦經穆克德布會
合團勇擊敗惟見值收獲夏田之際該逆肆行滋擾無非計圖飽
掠仍著穆圖善督飭派出各隊分途截剿保護農田毋任肆擾河
逆大股見復偷渡洮河鞏昌安定徽縣等處均有賊蹤該處入省
大路時通時塞秦州運省餉銀軍火亦尚滯中途安定迤西之車
道嶺等處為糧運要路游匪出沒防不勝防穆圖善所部不敷分
布亦係實在情形左宗棠當酌撥勁旅前往助剿力圖兼顧穆圖
善仍就見有兵力實力防範毋稍鬆懈其河州逆回如何籌辦及
見在情形若何仍著左宗棠迅速具奏將此由五百里各諭令知

之○命瑞麟為大學士仍留兩廣總督任○于甘肅陣亡參領德住祭葬世職○戊寅吏部左侍郎胡肇智卒予祭葬○己卯諭內閣前因鄭親王承志於指使糾毆福珣被扎身死一案任意狡展當將承志革去王爵仍令管理宗人府王等軍機大臣會同刑部嚴行審訊茲據審明分別定擬具奏此案兇犯馬三聽從王壽糾邀將福珣毆扎致傷身死該犯以回民因案擬軍由配潛逃膽敢於輦轂重地戕害職官實屬不法已極馬三著即行處絞以昭炯戒已革鄭親王承志因被福珣屢次欺侮主令王壽糾邀馬三將其毆打因而致斃承志業經革去王爵其應得杖一百流三千里罪名著照例折罰養贍錢糧一年並折圈禁二年王壽因承志欲毆福珣復挾嫌愆愆代為主謀致釀重案實屬罪無可追王壽著從重發往吉林等處交該將軍安插德祿在已革鄭親王承志府東華續錄 同治九十 兇

內管事明知承志與王壽謀毆福珣並不勸阻仍與王壽商謀且屢次抗傳到案時復捏詞搪塞亦屬狡詐德祿著杖一百徒三年奕烺聽從王壽兩次代為展轉糾人復幫同馬三攔截福珣車輛亦屬不安本分奕烺所犯杖六十罪名著照例實行責打其應得徒一年罪名照例折罰禁半年此次拏獲兇犯馬三之派出員弁著步軍統領衙門酌量保奏至所遺和碩鄭親王爵著宗人府照例揀選承襲○諭軍機大臣等李鶴年奏皖匪闖入豫境派隊擊散並拏獲多名正法一摺安徽阜陽縣匪徒三十餘人攜帶馬匹洋槍闖入河南沈邱項城交界之樹王村經署沈邱縣知縣秦本提會同參將王壽等拏獲李金聲等數名復有匪徒吳老淵等百餘人突入汝陽縣小宋寨意圖擄掠該署知縣張其昆參將柏英等帶兵會拏立斃數十人陣斬匪首石景沅生擒匪首石倚子並

經新蔡縣知縣管煥猷派勇追獲匪首王拉等十數名餘匪竄回阜陽豫境一律安堵阜陽華莊姜寨一帶聚匪究有若干匪首何人英翰何以未經奏及著嚴檄該地方文武實力搜查悉數捕獲毋得養癰貽患其吳老淵王狗頭二名在逃未獲著英翰李鶴年飭屬一體會拏務須按名弋獲淨絕根株以靖地方李鶴年見檄令李家昌王壽等分紮校巡著督飭該員弁會同地方官實力按捕毋稍疏虞前據李瀚章郭柏蔭奏拏獲穀城縣匪徒葉子午等供有商同逸犯蔡凌漢欲招集河南夥黨約期滋事之語當經諭令知照李鶴年飭屬查拏仍著該撫嚴飭所屬於毗連湖北各州縣地方認真訪查如有匪蹤潛匿立即嚴拏懲辦以杜亂萌將此各諭令知之○調劉長佑為廣西巡撫以張兆棟為廣東巡撫蘇鳳文為漕運總督由廣西巡撫調○庚辰諭軍機大臣等昨有旨將劉長佑調補廣西巡撫該撫謝恩摺內本有取道廣西前赴廣東新任之語著於接奉此旨後迅赴桂林省城接印任事仍毋庸來京請訓廣西地方遼闊伏莽甚多南太泗鎮等屬尤為盜賊淵藪其附近越南邊境時有匪徒滋事叛服靡常若非封疆大吏振刷精神極力整頓不足以綏靖邊圉劉長佑素嫻軍旅前任廣西巡撫有年情形熟悉此次乘瑕錄用正當激發天良力圖報稱該撫到任後於察吏安民及勦辦土匪一切事宜務須認真籌辦毋稍因循馮子材見在帶兵勦辦越南竄匪劉長佑當與和衷共濟以期迅速蒞功將此由五百里諭令知之○辛巳以廣東盜賊肆行諭瑞麟飭屬嚴緝○壬午左宗棠奏竊 臣前將河州零賊出竄南路各軍節節勦捕情形馳陳旋據總統南路諸軍道員周開錫稟報各軍戰狀大略相同惟前此竄賊雖經勦滅殆盡而後路運道所關

周開錫猶慮西禮微成深山窮谷尙有伏莽未除飭令總兵蘇家良等各率馬步分途搜剿四月十三日蘇家良等調知成縣屬任家莊山頂有賊竄匿遂改騎爲步圍之忽一賊自賊中提首級一顆跪陣前乞降蘇家良訊之自稱姓海名富兒所提首級則所殺小頭目查老五也查老五本陝回楊生公所部悍賊上年崔三等逆敗後楊生公潛赴提督傅先宗軍營求撫行至中途事覺爲崔三所殺餘眾復欲就撫又爲查老五所阻茲海富兒憤其屢梗撫議遂斬之以降蘇家良受之海富兒並呼願投誠者三十人呈繳旗幟伏地求撫其不願投誠者尙尙八九十人仍偃蹇如故蘇家良等率隊猛撲皆中礮墮崖死無一脫者遂收降回海富兒三十人以歸點驗降人大半籍隸陝西年力精壯當飭令安插隊伍中充餘丁立功自贖蘇家良以良回積功擢至總兵所部本回騎

東華續錄

同治九十

奎

也階州山谷叢雜最易藏奸尙有縉匪一種據險爲巢時出肆掠爲地方患署知州洪惟善訪有段世才瞿煥周李奎者均積年渠惡自恃險僻已甚白馬關雖有官軍分防無如何也前此逆回闖入白馬關時段世才乘隙擄搶三月初二日回逆敗竄洪惟善飭楚勇哨長副將彭德沅會商守備周正秋率隊合力圍攻段世才匪巢並派哨往扼李奎洞口與小關嶺兩處另募卡勇六隊分紮距州城百八十里之太石山三十里之兩水里以防外寇一面派役訪拏著名匪徒褚正武黃萬明等防其勾結爲患知會白馬關州判烏堯松阿集團協防嚴防竄逸布置既定彭德沅等於三月十二日偪近匪巢駐營出隊攻巢巢中礮石雨注迄不能下二十五日併力攻破頭卡立斃匪等十餘名餘黨縮退二卡拚死抗拒官軍據其頭卡以擋牌護劈山礮向二卡連番轟擊賊不能支是

夜五鼓遂率其黨繞巖潛遁官軍燬卡而入起獲大礮三座擡槍六桿小槍二十三桿其扼李奎洞口之哨勇亦於是日攻破李奎巢穴生擒匪首李奎李俊張昭蒲煥軍楊仕得等五犯烏堯松阿亦擊獲匪首段世才之母段楊氏及其雇工鞏正明夥犯李毛娃之父李應收訊明後當將李奎李俊張昭蒲煥軍楊仕得五犯就地正法餘均分別省釋惟段世才尙未就縛洪惟善調知該匪逃匿瞿煥周所據之名崖洞內地勢尤險四月二十一日派縣丞李芝瑞率隊掩捕是日抵瞿家溝分路進攻連破數卡斃匪二十餘名比官軍攻擊遠且忽洞中喧嚷聲起均向洞左深林行走李芝瑞知賊潛逃揮所部突入匪眾滾崖跌斃與槍矛擊斃斃命者約二十餘名生擒段世才之父段明德段世才之妻段李氏餘匪王三胖子蒲友娃子王偽元帥等數名又沿途追斬二十餘名當將

東華續錄

同治九十

奎

王三胖子王偽元帥蒲友娃子訊明正法惟段明德一犯及段李氏暫留未誅訊據擒賊供稱段瞿兩逆已於是日四更時繞巖遁走段世才有赴陝西畧陽漢中之說瞿煥周則擬赴四川廣元縣臣得報後當即分別咨行四川陝西轉飭所屬一體協緝以淨根株又奏竊甘肅回亂雖由陝回構衅牽連而起實則新教久懷不軌卽無陝回牽連而亦不能保其不變適因漢回結怨得藉口以迫脅其族類其變乃益速時值東南兵事方殷重兵鉅餉難於分布不得不勉事羈縻而玉關內外竟無完土矣茲幸 皇威震疊金積蕩平陝回窘蹙歸誠又經畫地安插朝廷仁育義正之懷天下共喻回民雖善詐多疑自付黨堅耐戰孰如陝西堡寨之密槍礮之多孰如金積其不敢妄肆鴟張固意中事也春間清水縣張家川撫回李得昌自請赴河州諭撫馬尙大馬占鼈 知爲州

回央託而來諭令聽其自投不准招致蓋自行投首准與不准官
操其權苟由招致而來設有不可撫者礙難處置一涉操切轉無
以示大信而服其心也李得昌行至洮河東岸馬昂大等遞呈求
撫適聞河西用兵心懷驚懼疑李得昌之給已李得昌亦疑撫局
有變忿懼而歸嗣西路各郡縣見蕩平金積緣起告示又探知靈
州平涼固原化平川等處安插陝甘各起回民安居耕墾適然無
驚始悟撫局終無可疑馬昂大馬占鼇求撫之心乃益切觀其於
李百寬馬彥濬等投入河州時拒不容留亦可概見此時言招撫
固可省兵力而速戎機然以地勢言之河州西甯即漢唐河湟故
地為歷代戰爭之場蘭州東西南三面均緊連河州河州賊氛不
靖蘭州不能解嚴以賊勢言之河回嗜利輕生性喜剽掠無事時
即常騎馬遠出鈔掠變亂十年未受懲創更無畏忌此等嗜亂之

東華續錄 同治九十

民非創鉅痛深固難望其永久帖服也見在甯夏平涼慶陽涇州
鞏昌秦州階州各屬大致實已肅清販撫耕墾安插遷延兵屯民
屯善後諸務實已具有端緒雖中衛鹽固一帶時有游匪出沒不
常甘南之徽兩西禮等縣亦時有伏匿之匪伺劫運道然統計實
不過數起人馬多者實不過數百少者僅數十而已倏隱倏見如
蠱蝨著體殊費爬按然固無能為害見擬留黃鼎雷正緒魏光燾
左日升等各營自中衛至平涼扼要分駐其南路徽兩一帶加派
提督殷華廷馬隊護運接緝游匪一面慎選地方官會同各防營
嚴密掩捕以淨根株而重後路據各路稟報浮橋渡船已辦各營
芻糧軍用廳備道路修治已平乃檄各將領剋期會師而前進規
河州記名提督涼州鎮總兵傅先宗率所部馬步由狄道進以其
半渡洮而西修立堅壘以其半駐洮東岸為中路記名提督楊世

俊率所部馬步隊及提督張仲春宗岳馬步隊取道南關坪進峽
城為左路記名提督劉明燈由馬營監進紅土窯由紅土窯進安
定縣掃除零匪以扼康家崖之要記名提督徐文秀由靜甯州進
會甯繼之為右路俟中路渡洮之師修壘畢左右兩路乃渡洮繼
進其岷州及洮州廳地居河州西南山徑叢雜以五營分駐兩城
調土司楊元帶番勇守隘口相機防剿統歸楊世俊調遣會甯西
北安定東北均接靖邊縣地境當北竄之衝檄黃鼎分所部步隊
八營益以副將桂錫楨馬隊三營歸記名提督徐占彪統領由中
衛進靖遠南接會甯安定游匪西顧蘭州 臣 俟諸路布置略定即
率親兵由隆德赴靜甯安定督剿俟河州大定乃圖西甯也西甯
著名逆首馬昂三已於三月內自伏冥誅陝西崔三禹得彥白彥
虎等逆近時兇醜頗形消阻至甘州涼州肅州本無大股耐戰之

東華續錄 同治九十

賊惟未覩兵威故爾時形倔強如果鋤其桀黠寬其良愿辦理悉
當人心則期足令其畏撫足令其懷自可永期安謐 臣 惟殫誠盡
瘁慎以圖之 上諭軍機大臣等成縣任家莊匪經總兵蘇家
良按剿投誠者三十人著左宗棠飭令蘇家良妥為安插毋令再
滋事端此外有無伏莽仍著認真搜捕無留餘孽階州緝匪經副
將彭德沅等率團圍攻疊破賊巢惟段侍才瞿煥周在逃未獲該
大臣當飭彭德沅等實力查拏盡法懲治賊供既有段逆赴陝瞿
逆赴川之說著左宗棠咨照吳棠蔣志章飭屬一體協緝毋稍漏
網中衛鹽固一帶時有游匪出沒徽兩西禮等縣亦有伏匪伺劫
運道左宗棠即飭派出各軍嚴密掩捕以淨根株見在該大臣規
取河州分中左右三路進兵布置尙屬周密左宗棠擬赴靜甯安
定督剿即著督飭傅先宗等軍分道前進實力掃蕩毋任河州逆

匪日久盤踞惟河州一經進兵恐該逆被勒窮蹙句結西甯回眾紛竄甘涼等處該大臣於西路一帶尤宜妥籌兼顧以免匪勢蔓延巴里坤鎮總兵員缺既據左宗棠奏稱趙德正尚為相宜即著飭令迅赴署任仍隨時察看如不能勝任即行奏請撤換劉錦棠見在請假回籍並將傷病弁勇遣撤另行募補著飭令到籍後認真挑選假滿即行回甘以資得力其所留各營分駐金積靈州等處即飭蕭章開等妥為鎮撫前由金順遣回靈州回民當諭左宗棠飭令劉錦棠黃鼎遇此項回民抵籍札行地方官箝束安置見在辦理是否完竣著左宗棠查明具奏將此由六百里諭令知之

○左宗棠奏 臣前調提督劉明燈一軍進駐馬營監轉搬軍糧以規進取據報五月二十日親督所部各營隊伍護送由秦州運濟蘭省軍火並擬便道接卸零匪途中詢知先夜四更時有賊數十名襲據通渭安定隴西交界之李家溝廢堡劫掠糧畜當派正中右後三營隊伍分途馳剿僅留前左副中三營隊伍護送軍火旋據各該營官回報軍抵該處賊已遠颺居民均已歸堡二十二日將軍火交替接護前進二十四日率隊回防當據花鼓樓堡民報稱隴西屬之八里灣有竄賊馬步數百名意圖攻堡劉明燈當派正中營總兵王前程率正中營步隊及參將楊正茂西征馬隊馳往援剿是夜三更後步隊先抵距花鼓樓二十里之張家堡詢知賊伏深峽溝廟內王前程當令各哨即夜圍攻乘其不備四鼓衝枚疾進黎明步隊悉已抵廟前賊倉卒出敵官軍槍礮齊施刀矛並進立斃賊七十餘名生擒十四名賊悉棄械狂奔官軍乘勝追殺斃尾賊四五十名前賊回顧追兵甚緊倉卒間躍避土洞以圖苟免官軍結繩放下擬繩出斬之殊賊固匿不出僅一人附繩而

東華續錄 同治九〇

上訊係義岡川漢民吳香香子據供賊匿土洞者約尚有八九十名知繩上必死希俟官軍收隊再出也官軍計無所施乃傾土石入洞中但聞洞中號呼之聲甚慘迨填厚約數尺許聲止而賊已絕矣復追搜餘賊行十餘里不見蹤迹始收隊回防提訊獲賊據供此股頭目馬老五本羣昌回民上年逃入河州五月初六日始由康家崖竄出其西山游匪據提督周紹濂稟稱五月二十日後營總兵周玉林率步隊及王鑑萬馬隊按山至駝廠堡小有斬獲六月初一日接至臭蒿灣斬賊數十名生擒逆目田如貴等四名訊知田如貴本馬化澂之戚屬五月十五日甫由河州竄出意圖句結黨夥劫掠糧運斬之左營管帶官總兵李良穆稟稱六月初二日黎明詞有騎賊二百步賊七八十名由後河竄至官軍整隊迎擊陣斬步賊二十餘名騎賊中破落馬者甚夥賊敗竄後河官軍跟蹤緊追賊分十餘起拚命衝突官軍隨賊所向擊之適大風捲地雨雹交作賊悉由北路竄出比雹止復追則賊去已遠五月十九日魏光燾飭前營副將魏紀鑿接捕趙家塬匪擒斬回目馬得魁等十餘名二十一日後營副將鄭連拔擊賊中田溝斬賊十餘名六月初二日賊目馬彥濬所裹良回楊保俊手刃首戕馬柏森之賊馬成禮並帶同馬勇十八名赴總兵于奇泮營前乞撫受之見正飭各軍上緊接捕各起零匪計可漸次肅清報聞○以常恩為刑部右侍郎由內閣學士遷○癸未諭軍機大臣等金順奏部署起程並請飭催協餉一摺包頭為赴烏必經之路該將軍擬將所部全隊帶往該處簡拔精銳部署赴烏著俟行抵包頭後將應需餉項及採買轉運各事宜悉心籌畫趕緊啟程一面具摺奏聞副將詹恩科帶隊追剿竄匪曾否遇賊接仗近據杜嘎爾張廷岳等

四三五

奏前歲二十五臺霍呢齊之賊見向西南奔竄該匪股數不一奔突靡常該將軍啟行後即當派隊遠探沿途遇有賊蹤相機截剿掃蕩逆氣至所稱該將軍積年餉需缺乏包頭後套等處欠發糧價甚多且赴烏官軍裹帶行糧亦須籌給款項等語所奏自係實在情形見在北路軍情緊要該將軍帶隊前進必須速籌鉅款方能成行著何璟將積欠軍餉趕緊籌撥銀三十萬兩解交金順應用其河東辛未綱應協銀十八萬兩並著一併掃數籌解俾資開放何璟素顧大局務當協力籌畫不得稍涉延宕致誤軍行將此由五百里各諭令知之○乙酉有流星出天市垣○丁亥 今上皇帝生○戊子以孟秋時享 太廟 上前期親詣行禮○允李鴻章請截留江浙奉天漕米十萬石賑濟天津被災民

東華續錄

同治九十

五

東華續錄

同治九十

臣王先謙敬編
臣張式恭恭校

秋七月己丑朔諭軍機大臣等杜嘎爾奏催隊進剿並偵探賊竄情形一摺前據定安奏賊匪已竄出烏喇特旗界五六百里以外此次杜嘎爾聲稱逆匪見竄烏喇特公中旗交界之什巴克台地方是否偵探未確抑係賊蹤回竄著杜嘎爾慎遵屢次諭旨迅催吉爾洪額訥蘇肯等跟蹤追剿力挫兇鋒不得藉口駝馬稍涉遷延致與賊匪相左任令遠颺貢果爾既經調營會剿所有臺站糧路杜嘎爾務當飭令在防官兵妥籌保護毋稍疏虞前據慶春奏圖固里克等臺業經招集並籌備駝隻將各臺存積米糧依次起運是糧道已經通暢著杜嘎爾派員迎催以濟軍食將此由五百里諭令知之○諭馮子材康國器奏撥隊出關剿賊獲勝見籌辦理情形一摺馮子材督軍馳抵龍州聞越南匪勢猖獗即撥隊出關分道進剿攻克長慶府城擒斬逆首趙雄才擒平賊巢十餘處禿山和樂賊巢亦一律掃除疏通北甯諒山餉道剿辦甚為得手惟越南未能截擊致鄧建新等敗匪竄向太原其蘇欄漢曾亞治等股復盤踞東潮縣一帶勾結竄擾均屬可虞馮子材康國器見已畱營長慶等處遙為聲援並調兵堵剿搜捕所籌尚是我兵見在雖未便窮追仍當相機援應屆時可以進兵即當協力夾擊將各股敗匪盡數剿除以綏藩服匪徒如此猖獗越南何以毫無布置任其奔竄著即知照該國嚴密堵禦毋令該匪闖入腹地馮子材尤當嚴飭出關將士及畱防兵丁不可稍有擾累並隨時與該國官吏聯絡聲勢庶彼此情意相洽方易奏功東潮近接欽州恐

東華續錄

同治九十一

為廣東邊患著端麟檄飭洋面師船及該地方文武一體嚴防毋
令蘇帽漢等股潛入滋擾此次剿賊出力員弁准其擇尤保獎以
示鼓勵黔省四寨敗竄苗匪業經粵軍會合黔軍擊退李高脚一
股已敗遁丹江都勻交界一小五戎地方著康國器飭令孔憲隆
督軍嚴防邊隘搜捕餘匪儘再有匪黨竄入粵邊即著併力截擊
以固疆圉黔省下游漸次肅清正籌及上游軍務著曾璧光酌度
機宜知照馮子材等撥兵助剿劉長佑抵任後即著與馮子材和
衷商辦以資得力疊次勦辦苗匪出力員弁著准其擇尤保獎毋
許冒濫將此由五百里諭知瑞麟劉長佑曾璧光馮子材並傳諭
周達武康國器知之○庚寅諭內閣朕叔祖惠端親王之子奉恩
鎮國公奕詢在上書房讀書有年持躬謹飭旋經派令在內廷行
走並管理中正殿事務俱能恪恭將事勤慎有加前因患病疊經
東華續錄 同治九十一 二

飭都司賈吉齡統帶前進迅速出口毋稍遲延此時潰散各臺已
經設復即或糧運緊要駝馬不敷周轉而該練軍行抵張家口後
亦當以次漸進與察哈爾派出各隊聯絡聲威藉截賊匪紛竄之
路著慶春斟酌辦理多倫東北克什克騰地方兵力單薄庫克吉
泰見咨昭烏達卓索圖兩盟長將上年古北口撤回防兵二千操
練整齊以備協剿即著理藩院轉飭昭烏達卓索圖兩盟長一體
遵照豫備聽候徵調庶免臨時延誤正在寄諭聞據杜嘎爾奏吉
爾洪額等追賊至烏喇特旗所屬之布拉特地方擊賊獲勝殲斃
二百餘名生擒十餘名見飭該協領等乘勝追剿等語此次吉爾
洪額等奮力勦賊大挫兇鋒洵堪嘉尚潰匪見已無多著杜嘎爾
飭令前敵各軍探明賊蹤悉數掃蕩前據定安奏此股匪徒約有
二千餘人見分兩股竄擾等語此次吉爾洪額等擊敗之賊係屬
東華續錄 同治九十一 三

賞假調理方冀日就痊愈恩眷長承遽聞溢逝悼惜實深著賞給
陀羅經被派孚郡王即日帶領侍衛十員代朕前往奠醊加恩由
廣儲司賞銀三千兩經理喪事所有飾終典禮著各該衙門察例
具奏○壬辰諭軍機大臣等庫克吉泰奏據谷甘回東竄豫籌防
範一摺多倫諾爾為熱河西北門戶地方富庶素為賊所垂涎庫
克吉泰因直隸咨文聲稱探聞賊匪有分犯庫倫多倫諾爾之說
揀派員弁馳往多倫廳常川坐探並飭豐甯縣大閣司會同營汛
調集兵團嚴為防範復由熱河八旗派定官兵一千名俟有警信
馳赴交界駐紮所籌尚屬周密即著該都統督飭在事員弁認真
偵探嚴密防範不得以賊蹤尚遠稍涉懈弛至古北口練軍一千
疊經諭令迅赴庫倫防剿此次庫克吉泰摺內聲稱李鴻章見飭
該軍趕緊出口協剿等語是此項官兵即可啟程即著李鴻章檄

何股其餘見竄何處尚有若干著定安杜嘎爾確切偵探視賊趨
向飭令各軍妥籌防剿前此札齊魯克齊伯克瓦齊爾殲斃賊目
裹創力戰已諭令張廷岳等從優保奏此次杜嘎爾奏稱剿賊出
力之札奇魯克齊巴奇瓦齊爾是否即係其人著該副都統遇便
奏聞其所部官兵即著張廷岳等擇尤請獎仍令該帶兵官確探
賊蹤會合吉爾洪額等乘勝進擊並著杜嘎爾飭令達爾濟迎頭
兜剿淨掃逆氛將此諭知理藩院並由五百里諭令李鴻章定安
庫克吉泰慶春杜嘎爾張廷岳阿爾塔什達知之○吏部以大學
士瑞常瑞麟應定何殿閣請得旨瑞常著授為文華殿大學士瑞
麟著授為文淵閣大學士○以徐桐翁同龢為內閣學士徐桐由
太僕寺卿遷○草倉河復溢諭恩承等速籌修築○甲午諭軍機
大臣等前因甘肅甘涼肅一帶兵力單薄諭令左宗棠穆圖善派

兵截剿茲據奏稱見在東西兩山尚未肅清南路亦須留兵駐紮西甯河州逆巢未掃左宗棠見駐靜甯距西路遙遠穆圖善所部兵勇駐守省垣分紮金縣等處均難抽撥請俟河西肅清零匪按除淨盡再由左宗棠撥兵前赴西路等語甘涼肅地方緊要亟應妥為設防即著豫師瑞雲就見有兵力於各該處緊要隘口嚴密防堵遇有匪徒竄入即行實力剿擊毋任該匪蔓延惟豫師瑞雲所部兵力無多如有大股竄入殊難堵禦仍著左宗棠穆圖善妥籌兼顧如西路緊急務於無可抽撥之中設法派兵赴援以資得力將此由五百里各諭令知之○永定河復決○丙申諭軍機大臣等左宗棠穆圖善奏回匪竄擾北山官兵截剿獲勝一摺北山秦旺川一帶產糧最廣見值收穫夏麥之際該匪時出竄擾雖經各路官軍截剿獲勝惟據生擒賊供有米拉溝撤回句結陝回二

東華續錄

同治九十一

四

千餘人分股四竄意圖搶糧等語尤應先事豫防力為保護著左宗棠穆圖善督飭各軍分路確探何路有賊即向何路截剿務期護民收穫毋資盜糧穆圖善見已馳往北山著即相機調度並將該處駐紮馬隊重加整頓以期得力將此由五百里各諭令知之○諭定安奏追剿烏喇特旗竄匪獲勝一摺賊匪竄擾烏喇特旗界內避兵而行提督金運昌探悉賊蹤派隊追剿於上月十六日擊賊於奔巴廟斬殺殆盡並在察洪噶爾廟內圍剿分竄之賊兩次殺斃悍賊三百餘名生擒十餘名正法卓勝營剿賊奮勇甚為得力著定安擇尤保奏以示鼓勵賊目韓阿渾是否斃斃零匪見逃何處仍當確切查明認真搜捕毋令漏網前據杜嘎爾奏吉爾洪額等在烏喇特旗所屬之布拉特地方擊賊獲勝是烏喇特旗界內賊股不一此外究有幾股見在何處竄擾仍著定安杜嘎爾

懷遵前旨確探具奏一面飭令各軍偵探兜剿迅掃逆氛將此由五百里各諭令知之○予烏喇特旗降亡遊擊戴占元祭葬世職○丁酉諭軍機大臣等李鴻章奏日本議約漸有端倪並將往返信函鈔錄呈覽一摺日本與中土最近又自託於同文之國見在議立修好條規通商章程自不必沿襲泰西各國舊套該督督飭應寶時陳欽與該使臣反復辯論大致均已允服遵照惟章程內請添凡兩國准予別國優恩及有裁革事件無不酌照施准一條仍是一體均霑之意應寶時等覆該使臣信函頗足折服其心即著李鴻章飭令應寶時等力持定見悉心開導總期妥為酌定以示區別而杜弊端並將辦理情形隨時具奏將此諭令知之○戊戌諭軍機大臣等杜嘎爾奏追剿另股賊匪獲勝情形並派員保護糧路各摺片吉爾洪額等前在布拉特地方剿敗賊匪後復探

東華續錄

同治九十一

五

得正南百餘里山谷中另有賊股當經追至阿巴爾干河擊斃賊匪一百餘名敗竄無多所有出力人員准其擇尤保奏吉爾洪額等兩次所剿賊股均不過二三百人昨據定安奏卓勝營追剿奔巴廟等處之賊亦止三百餘人是賊數並不甚多疊經官軍擒斬漏網無幾此外賊匪究竟尚有幾股仍著定安杜嘎爾確切偵探賊蹤所在督飭各軍迅速兜剿趁此初秋之際務將各股竄匪悉數撲滅剋期蒞事若稍涉遲延轉瞬風雪嚴寒剿辦又形棘手杜嘎爾因馬匹疲乏遠調不及請於察哈爾商都太僕寺牧羣調撥應用著慶春迅調騰壯馬五百匹解赴杜嘎爾軍營俾資進剿喇嘛伊達木捐輸馬匹甚屬急公著杜嘎爾將該喇嘛從前曾否得有獎敘查明具奏後再交理藩院覈給獎敘臺站為糧運所經關係緊要察哈爾所派駐紮臺站官兵即著杜嘎爾責成達爾濟車

德恩速赴濟斯洪果爾妥爲管帶保衛糧道不可稍有疏虞將此由六百里各諭令知之○己亥諭軍機大臣等張廷岳等奏蒙兵追剿賊匪獲勝等語據奏伯克瓦齊爾會同吉爾洪額等於六月十八日在烏蘭察布盟烏喇特公遊牧之塔拉布拉克地方剿賊獲勝與本月初四日杜嘎爾奏報情形大略相同惟餘匪尚有百餘名窮蹙逃散亟宜跟蹤追剿著張廷岳阿爾塔什達飭令和貝貝勒幹丹丹準車林迅速帶兵前進會合伯克瓦齊爾等將此股敗匪悉數殲除杜嘎爾亦當督飭吉爾洪額等與庫倫派出官兵聯絡聲勢會合擊剿務絕根株昨又據杜嘎爾奏吉爾洪額等追剿另股賊匪至阿巴爾干河斃匪一百餘人敗竄無多此外賊匪究竟尙有幾股張廷岳等務當確切偵探各飭官軍視賊所向實力兜剿毋稍遲緩將此由五百里各諭令知之○以紹祺爲內閣

東華續錄

同治九十一

六

學士由詹○庚子子直隸陣亡縣丞馮義誠原籍建祠○壬寅以涂宗瀛爲湖南按察使由江蘇蘇松太道遷○甲辰諭軍機大臣等成祿奏撤回潛結西河回匪肅州防剿緊要請飭督臣撥兵會剿一摺肅州城內客居撤回二千餘人向不安分近復布散流言以馬化澂爲口實搖動眾志肅城土著回民亦爲所惑見又暗中勾結西河回匪零星入城人數益眾若不認真防剿不足以遏亂萌成祿見將出關三營調回以一營駐防金塔二營力扼臨水要隘並分兵防守高臺撫彝以顧後路運道即著該提督就見有兵力防剿兼施毋令肅城稍有疏失前經疊諭左宗棠派撥勁旅馳往甘涼肅一帶截剿竄匪左宗棠覆奏摺內有西路相距遙遠目前無兵可撥擬俟進規河州即派兵赴西路剿賊等語此時肅州情形危急該督已移營進規河州著即酌派勁兵選派得力將領統帶鼓行

而西相機進剿以保關內要地不得稍涉遲誤成祿兵餉久絀著戶部查明該提督指撥專款各省已解若干未解若干分別咨催迅速起解毋令遲延成祿後路糧臺著左宗棠飭令署甘涼道蕭宗幹總司其事所有各省解到餉銀等項即由蕭宗幹設法護運以資接濟成祿另片奏署甘肅提督楊占鼐辦事因循與情不治請催馬德昭迅速赴任等語楊占鼐既不得力即著左宗棠查明貽誤情形據實參奏前據李鶴年奏潼關防務緊要請留馬德昭駐紮兼顧當經准照所議暫緩西進見在陝省安謐豫防已鬆自應飭該提督迅赴本任以重職守即著李鶴年傳知馬德昭遵行成祿又片奏投誠陝回賽玉城等因乞假未允擅自潛逃由南山一帶遁回河州等語該降眾狼子野心難保不沿途滋擾著左宗棠飭令甘涼所屬地方員弁嚴防截剿並著成祿督飭明春胡可

東華續錄

同治九十一

七

均等於臨水及附近南山一帶加意防堵毋稍疏懈將此由六百里各諭令知之○申諭李鴻章籌辦直隸賑務○乙巳諭軍機大臣等總理各國事務衙門奏俄國西悉畢爾地方官由銅綫致該國駐京使臣信函內稱七河省巡撫廓派兵前往伊犁與達蘭察接仗獲勝五月十七日克復伊犁城池生擒頭目該國由銅綫寄信詞意簡略並無詳細情節亟應先事豫籌等語伊犁久爲賊踞因關內未靖兵力兼顧不遑今俄國業已帶兵將該城收復此事關係甚重亟應豫爲籌畫以弭釁端著金順奎昌多布沁札木楚瑛榮文碩確切查明俄國官兵進紮伊犁是否確實烏科兩城距伊犁程途若干是否須由塔爾巴哈台前進沿途有無賊蹤迅速具奏榮全本署伊犁將軍責無旁貸該署將軍曾任伊犁領隊大臣嗣復親往俄界辦理一切事件頗屬勇往且於該處情形又極

熟悉著即飭赴伊犁晤俄國帶兵官七河省巡撫廓後將伊犁城收回妥籌布置中國有人前往經理庶俄人無所藉口其應如何派兵前往駐守及由何路設法轉運糧餉並著榮全會商金順奎昌多布沁札木楚瑛榮文頌迅速具奏聞俄國並欲派兵由伊犁收復烏魯木齊文麟等前奏烏魯木齊城逆回投順安集延逆首馬仲遞稟乞撫擬設法羈縻令該帕夏投誠交城至令馬仲妥得璘等赴哈派孔才赴西路相機收復奇古濟木薩等語見在如何籌辦已否就緒若能將烏魯木齊先行收復免致又費周折景廉久在西疆於各該處事務熟悉即著酌帶兵勇規復烏魯木齊事機緊迫該辦事大臣等務當綢繆未雨先事圖功哈密防守緊要即責成文麟悉心籌畫毋稍大意巴里坤距烏魯木齊不遠景廉到彼後伊勒屯務當與之聯絡聲勢以顧大局所有榮全景廉所部餉需

東華續錄 同治九十一 八

著戶部迅撥有著之款以資接濟總理各國事務衙門摺均著鈔給閱看○諭劉銘傳奏因病請假離營調理一摺覽奏竇屬屢繫見在秦徽鹽固一帶游氛漸少陝省無須多兵譚仁芳一軍即著畱紮該省以資彈壓該提督所部各軍著毋庸撤遣本日據總理各國事務衙門奏俄國派兵於五月十七日代為克復伊犁城池已諭令榮全馳往籌辦惟聞該國尚有派兵規取烏魯木齊之信本日已諭景廉成祿先後帶兵前進相機規復烏魯木齊惟景廉成祿帶隊無多亟須精兵勁勇接續西行庶足以壯聲威該提督忠勇性成情殷報效且以有用之兵置之無用之地尤屬可惜著即督率所部由乾州鼓行而西繞出蘭州之北由甘涼肅一路出關節節前進為收復新疆各城之計刻下河州西甯逆氛未淨關外如烏魯木齊等城又不能任令外人從而生心該提督惟有方

疾從公專任其難以副朝廷厚望○諭據劉銘傳奏舊疾舉發請假離營調理一摺該提督以陝西見無戰事南路防務亦鬆欲率所部東行與曾國藩李鴻章酌商遣畱固為節省餉需起見惟以有用之兵置之無用之地已屬可惜劉銘傳忠勇奮發年力正強更當為朝廷出力本日據總理各國事務衙門奏俄國已派兵代為收復伊犁該國詢問如何辦理等語且聞該國尚欲帶兵收復烏魯木齊因諭署伊犁將軍榮全帶隊前往伊犁收回城池並諭景廉成祿先後統率兵勇規復烏魯木齊一面寄諭劉銘傳令其督率所部由乾州鼓行而西繞出蘭州之北由甘涼肅一帶出關節節前進為克復新疆各城之計庶於大局有益至該提督全軍餉項關繫緊要即著曾國藩李鴻章妥速籌商寬為豫備源源接濟以利師行總理各國事務衙門及劉銘傳摺各一件均著鈔給

東華續錄 同治九十一 九

閱看○丙午命江蘇浙江各採買米二萬石備直隸賑需○丁未諭軍機大臣等李鶴年奏沁河漫口及漫水趨近關黃埝各摺片豫省河內縣所屬之徐保村本年沁水盛漲復因大雨長至九尺有餘該縣小王莊無工處所漫溢過隄衝刷二十餘丈見在水勢趨至關黃埝後身情形甚為喫緊亟應設法保護著李鶴年飭令河北道督率廳汛各員趕緊分別疏消保護黃河隄岸並將沁河漫口堵築毋稍遲緩一面將賑撫事宜迅速籌辦毋任沿河居民流離失所其武涉縣之原村等處埽段據稱情形亦甚喫緊該撫務當豫籌防範以保無虞將此諭令知之○戊申左宗棠奏據固原提督雷正綰記名提督周紹濂陝甘道黃鼎報稱周紹濂訶知逆目李汶虎楊百成等竄至距半角城一百五十里之磨盤水地方混入米包山撫回楊萬春金忠明等股內正籌辦聞忽於六月

初八夜聞李汶虎率逆騎數百由西山東竄雷正綰周紹濂黃鼎各率所部馬步隊伍出擊初九日黎明至苦水泉尾果見逆騎東竄官軍攔頭截擊槍轟矛刺斃賊甚多賊敗潰反奔追至五家山李汶虎率黨死拒官軍奮力齊追斬步賊七八十名馬賊三十名轟斃者尤眾周紹濂所部生擒李文虎楊天朝等八名雷正綰黃鼎所部生擒賊目馬二楊耳環子等數名餘賊紛紛潰竄追之不及訊據李汶虎供稱五月初六日由河州帶馬隊九十名出竄到楊萬春處伏匿今日接仗楊萬春楊百成金忠明一併在內等語臣查李汶虎楊天朝馬二楊耳環子等逆均係逋誅積匪批飭軍前正法梟首示眾楊萬春金忠明等就撫復叛罪不容誅飭令迅速勦辦以昭炯戒雷正綰周紹濂十一日會軍繼進分道直擣米包山一帶賊巢官軍齊抵米包山賊猶未覺即縱隊痛擊接獲旗

東華續錄

同治九十一

十

械號衣軍火甚多賊巢無得脫者其先時出巢劫掠之賊百餘名聞警回援又經官軍擊敗訊生賊供李汶虎眷口尚在河州本日官軍所殺皆楊百成楊萬春金忠明丁萬明之黨內有馬化濼戚屬譚竹林亦已伏誅又據提督楊世俊稟稱駐三陽川之奇捷平西營務處副將楊德俊探知秦州平南川有馬步賊東趨甘泉寺即帶馬隊三旗會合田連考步隊尋縱追擊十一日於秦州麻山頭地方始與賊遇馬隊斃賊數十名追奔六十里至麥積巖兩山峻削對立賊急棄馬上山官軍亦改步齊登斬賊數十名餘賊鼠竄因天晚雨驟覓地暫憩十五日黎明追七十里至黎子園又斃尾賊數十名此股略盡矣訊據生擒賊供鞫昌回目劉洪逃赴河州後茲繞由安定潛來謀劫糧運見已死亡大半劉洪亦經官軍陣斬又駐渭東之平西營都司王勇於十五日調知賊與平西後

營接仗即出隊馳剿至汪家衙與後營夾擊賊即敗退追二十餘里斃賊多名餘賊四散生擒賊目閻得順馬遇濇訊係小頭目馬五所帶已為官軍擊敗同時提督張仲春亦探有步賊百餘竄至閻井一帶即出隊向馬塢鎮截剿該逆聞風折竄岷州適駐岷之副將張登桂於十五日帶隊來駐洛門領糧遇賊於岷屬大坪賊方伏山凹似圖劫運張登桂分隊接剿斃賊十餘名賊遂狂奔十六日竄至距馬塢六十里之百家莊張仲春即於三鼓潛師掩擊五鼓抵百家莊乘賊酣睡將全股圍斬殆盡十七日探知前在禮縣屬擊敗之賊百餘騎又由西河境繞道固城有竄馬塢之勢張仲春飭信營回駐馬塢自帶禮義兩營躡擊賊見官軍即飛向馬塢竄去官軍夾擊轟斬不計其數賊翻山亂竄時已四更矣山霧冥蒙不辨行徑次日探之則已紛紛逃竄無蹤遂於二十日回防

東華續錄

同治九十一

十一

其階州勦辦給匪情形 臣已陳明在案續據署階州知州洪惟善稟稱縣丞李支瑞探得史家溝有窩藏給匪蹤迹即親率隊伍馳往接捕匪目史夢虎遂竄匿何中幅堡中並恃其黨趙金幅夥同助逆李支瑞商請哨官彭德沅周正秋賀俊德等率隊於五月初五日抵何家溝傳諭何中幅令其縛匪平堡繳械免死該匪竟敢抗拒官軍屢戰自辰至申始將後卡攻破斬匪八名而前卡懸巖峭壁力無所施逐日輪攻互有傷損初十日該縣丞令各隊執搗牌直抵卡外積薪縱火當毀卡前礮樓匪勢益形窘蹙十一五更潛竄出卡官軍圍擊斃悍匪三十餘名生擒要逆趙金幅等數名據趙金幅供史學虎已於前兩月逃往白馬關詢段世才蹤迹則堅不吐實當將該逆正法並移知白馬關州判嚴擊史學虎訊辦臣維中南兩路疊次追剿擒斬頗多勦辦給匪亦多擒賊惟首逆

狗齒身馬彥濼及絡匪匪目史學虎等尙未就殲見在仍飭確探
 迅勦務盡根株又奏鹽固一帶零匪經疊次搜獲所餘無幾惟數
 十騎一起十數騎一起者西山以內倏隱倏見時復有之緣地闊
 山荒煙戶絕少零賊見兵即逃轉盼無蹤搜捕難於求速也臣見
 咨雷正綰撥所部馬步九營分紮固原迤北至中衛南境飭平慶
 涇道魏光燾撥所部馬隊一起步隊五營延紮固原迤南至平涼
 旁接隆德以資雕勦而護餉運見已到防記名提督徐文秀已進
 駐會甯劉明燈已進駐安定臣拜摺後即率親兵進駐靜甯州到
 靜甯築營後當即率輕騎馳抵安定狄道一帶察酌情形督令諸
 軍分道速進 上諭軍機大臣等雷正綰等軍追捕西北逸賊擒
 斬賊目李文虎等多名楊世俊所部截勦秦州勦回並在渭源所
 屬汪家衙擊賊獲勝將回目劉洪等陣斬其分竄岷州之賊亦經
 東華續錄 同治九十一 七
 張仲春等督兵截擊擒斬頗多至階州絡匪亦經該處員弁率隊
 進攻破其卡壘殲斃悍匪數十名即著左宗棠嚴飭在事各軍認
 真接勦並將逃首逆狗齒身馬彥濼及絡匪史學虎等悉數擒
 獲淨絕根株左宗棠進規河州見令雷正綰撥馬步九營魏光燾
 撥步隊五營分紮固原南北各路以資雕勦而護餉道令徐文秀
 駐會甯劉明燈駐安定該督自率親兵進駐靜甯所籌均尙周密
 即著於行抵靜甯後馳赴安定狄道一帶察看情形督率諸軍分
 道速進擒渠掃穴迅奏膚功以慰塵繫將此由五百里諭令知之
 ○兩廣總督兼署廣東巡撫瑞麟奏遵查粵東省章官山葬墳以
 橫直二丈爲限循行已久此次駱秉章執奏專就無力升科者而
 言意在爲貧民少畱餘地無如粵東地狹人稠墳塋櫛比若以定
 例相繩恐小民無地開穴轉生事端見經體察輿情參覈例案所

有官山墳地無力升科者應仍遵同治五年部議以橫直二丈爲
 限有力升科者即按定例庶民墾地九步穿心十八步爲率雖有
 餘地不得逾制其不及九步者聽以昭畫一而杜紛更下部知之
 ○以河南汜水縣城被水諭李鶴年撫恤災民○御史張景青疏
 請撫緩東南流亡屯墾陝西荒地 上嘉納之○飭四川等省迅
 解滇餉○以劄賀蕪爲浙江按察使由河南南○已酉諭軍機大
 臣等前因總理各國事務衙門奏俄國帶兵將伊犁城代爲收復
 並欲前往收復烏魯木齊當經諭令榮全景廉分赴該兩城速籌
 布置所有餉需諭令戶部迅速籌撥茲據該部奏稱榮全軍餉擬
 由部庫先行撥給庫平銀十萬兩解交察哈爾遞解景廉軍餉先
 由西征糧臺就近借撥銀十萬兩星速解往等語伊犁烏魯木齊
 事機緊迫榮全景廉兩軍馳赴該城刻不容緩非餉需應手不足
 東華續錄 同治九十一 七
 以利師行所有部撥原庫平銀十萬兩即著戶部知照順天府立
 即委派委員解至察哈爾慶春於此項餉銀到時即行派員妥速
 遞解榮全帶兵起程不能稍緩前次部撥烏科兩處餉銀各十萬
 兩見在存項尙多該署將軍師行迅速即著於該兩城存項內就
 近提用一俟部餉解到再行歸款此項餉銀即著奎昌多布沁札
 木楚瑛榮文碩撥交榮全應用景廉帶兵規復烏魯木齊軍情急
 迫餉項甚關緊要若由部撥及外省指撥仍恐緩不濟急著左宗
 棠飭令袁保恆即由西征糧臺內先行措撥銀十萬兩星速解赴
 景廉軍營以應急需西征糧臺距該幫辦大臣軍營尙近左宗棠
 等惟當迅即起解毋稍稽遲並著何璟於應解本年京餉內劃撥
 銀十萬兩解赴西征糧臺歸款所有榮全景廉續用餉銀著戶部
 再行籌撥以資接濟榮全景廉各當迅赴戎機毋稍遲誤將此由

六百里諭知左宗棠榮全奎昌多布沁札木楚瑛榮文碩慶春景廉何璟並傳諭袁保恆知之○賞榮全赴伊犁治裝銀二萬兩並頒帑銀三萬兩為犒賞俄兵之用○癸丑諭李瀚章等迅解新疆欠餉○予江西陣亡道員帥遠燁建祠布政司理問帥疇附祀○甲寅諭內閣李瀚章郭柏蔭奏前任督臣勳績最著懇請建祠一摺原任大學士官文任湖廣總督十二年當地方兵燹之餘能持大體與歷任巡撫和衷共濟恢復全楚並次第舉行善政民氣得漸復元該省紳民至今稱頌著照所請即將湖北前建胡林翼專祠改為官文胡林翼合祠列入祀典飭令地方官春秋致祭以彰忠蓋而順輿情○以德椿為內閣學士由奉天府府尹遷○乙卯諭軍機大臣等都興阿奏陸續擊獲盜匪並派隊馳往邊外剿捕一摺奉天昌圖廳地方為宵小出沒之區盜匪烏志李等狡狴異常久稽顯戮見復紛出竄擾據諾林不勒等陸續報獲盜犯多名著飭嚴行訊辦盡法懲治榆樹臺孤家子四平街等處均有賊股擾掠亟應迅速撲滅以清盜源都興阿見派索倫多爾札布帶隊馳赴昌圖調沙克都林札布等馬隊出邊會剿並飭諾林不勒及同知張鼎鏞等併力勦辦即著飭令派出各軍認真搜捕昌圖界連吉林並著奕榕即行派隊馳赴該處會合兜擊該將軍等務當嚴飭在事各員將盜首烏志李劉疤拉脖子等悉數弋獲毋任再行漏網並將匪黨搜除淨盡以靖地方法庫邊門等處都興阿飭該防兵認真巡緝毋稍疏懈將此由四百里各諭令知之○鄭敦謹以病免以龐鍾璠為刑部尚書李鴻藻為左都御史調鮑源深為戶部右侍郎以夏同善為兵部右侍郎由詹事遷○丁巳諭軍機大臣等吳棠奏川省邊隅腹地時勢多艱請暫留帶隊得力總兵一摺前准

東華續錄

同治九十一

西

東華續錄

同治九十一

十五

會璧光等奏請將李輝武一軍調赴黔省助剿嗣據吳棠奏該軍兩營駐紮大安驛以固川邊其餘三營仍令赴黔茲復據吳棠奏稱湖南會匪滋事首逆未擒餘氛尚熾黔江彭水邊界見在籌防貴州畢節所轄之觀音洞有匪首羅玄糾集積匪與雲南鎮雄所轄之豬拱箐遺孽復萌勾結為患該處均近接川邊必須分兵助剿甘省之徽兩等處與川接壤時虞回匪竄擾非兩營所能抵禦李輝武帶隊得力請准暫留等語川省邊隅腹地既須增兵即著照吳棠所請將李輝武暫留川省以資防剿該總兵見已拔隊赴黔著吳棠飛檄截留妥為布置黔省勦辦上下游股匪亦需兵力吳棠已於武字右軍酌撥兩營入黔協助即著會璧光周達武於該營到黔後酌量調遣以資得力該營月餉吳棠當寬為籌撥毋令缺乏觀音洞豬拱箐係滇黔交界處所既有匪徒竊發亟宜及早撲滅免致蔓延著劉嶽昭岑毓英會璧光酌量派兵前往搜捕並責成各該地方官查拏奸宄毋任伏莽潛匿以靖地方將此由四百里諭知吳棠劉嶽昭岑毓英會璧光並傳諭周達武知之○戊午諭軍機大臣等會璧光奏官軍擒斬首逆魁克堅巢都勻漸次廓清一摺貴州官軍自剿敗竄匪李高脚後總兵何世華等復將都勻積年巨匪柳添沈殲斃乘勝掃蕩勻郡西北賊壘立解城圍轉戰東路馳勦東南踏平楓香猿家斑竹園等處壘寨擒斬甚多招降乞撫者不計其數見在都勻四面漸次廓清即著飭令各軍將敗殘餘匪悉數殲除一面慎選賢能守令辦理善後務將招降各寨妥為彈壓安撫毋令再生事端楚軍見由螃蟹等處進勦與黔軍相距不遠該撫等即飭將士會合楚軍節節兜擊以靖苗疆李高脚受傷逃遁並著飭令帶兵各員及地方文武一體躡

拏務獲毋令漏網將此由五百里諭知曾璧光並傳諭周達武知之

八月己未朔諭軍機大臣等左宗棠穆圖善豫師奏碾伯剿匪獲勝南川被匪竄擾左宗棠穆圖善奏堵擊西甯賊匪各摺片陝匪崔三等竄擾碾伯之勝番溝等處並撲碾城經官軍連日進剿將賊擊退平戎一帶肅清剿辦尚為得手在事尤為出力各員著左宗棠穆圖善豫師嚴飭各軍探明賊蹤合力搜捕務絕根株逆首崔三是否實係擊斃該大臣等確查具奏西甯竄匪四出竄擾窩洞等處雖疊經檢斬匪勢仍屬蔓延左宗棠等務飭派出官軍分投剿辦迅掃逆氛並檄飭總兵黃武賢嚴密布置務將威遠一帶完善之地妥籌保全至金縣平番及省城附近各隘著穆圖善飭令帶兵將弁實力巡防毋稍大意成祿在肅州收撫陝回潰叛東

東華續錄

同治九十一

六

下甘涼二府戒嚴著左宗棠穆圖善即飭王仁和等加意防剿如兵力尙屬不敷並著左宗棠酌量撥兵策應西甯南川一帶村莊時被賊匪焚掠豫師以兵力難分已函商左宗棠撥軍助剿即著該大臣酌撥得力隊伍前往協助豫師即飭練總張煥奎先行派隊救援以資保衛甯靈一帶雖經肅清惟聞甘涼回匪句結西甯漢回屢擾平番古浪等處日久無可掠食或由古浪之大靖土門越中衛而出邊或由鎮番竄出邊外肅州之回亦時由金塔寺出邊竄擾若不豫籌堵截恐各匪紛紛北竄必致滋蔓難圖刻下大軍進規河州若以一軍分紮鎮番金塔寺等處斷賊出邊之路以一軍駐紮平番扼西甯賊匪出竄兼護秦旺川糧道俾大兵專力河州免至牽掣似於局勢較為周密著左宗棠酌量情形妥籌辦理將此由六百里各諭令知之○辛酉兵部右侍郎夏同善疏請

敦節儉廣賑濟開言路清庶獄 上嘉納之○甲子以京畿久雨上詣 大高殿祈晴○乙丑諭軍機大臣等前有旨將劉長佑

調補廣西巡撫該撫接奉此旨計已馳抵新任接篆視事矣粵西久遭兵燹地瘠民貧年來吏治廢弛地方官復狃於積習一味因循必須封疆大吏整躬率屬破除情面隨時大加懲創方足以挽頹風劉長佑向來辦事尚能認真惟性情過於寬厚若不濟以剛斷遇事優容使人知感而不知畏則有不肖官吏巧於嘗試必致故態復萌劉長佑當振刷精神悉心整頓凡與利除弊察吏安民諸務期於法立令行雖不必以操切為能要不可以慈柔貽誤方為不負委任該撫前在直隸所帶楚省將勇均不得力且多滋事此次入粵距湖南原籍甚近如有懇請隨同報效情事萬不可允其所請任令赴粵致滋紛擾如須招募勇丁儘可就地取材經費

東華續錄

同治九十一

七

既省約束亦易且與該省各營兵勇亦復相習儻帶兵將領乏人著該撫於馮子材軍營商酌調派以資得力將此諭令知之○諭劉銘傳奏復陳兵勇道路情形勢難出關並請賞假離營養病一摺新疆遠在西陲朝廷本欲俟甘省肅清再行籌餉籌兵力圖大舉近因伊犁地方已經俄國代為收復並有代規烏魯木齊之說若不迅赴事機為先發制人之計竟令鄰國得遂其謀以後更難措手是以特命劉銘傳率旅西行為國家力任其難建茲偉績茲據該提督所陳各節河湟未靖轉餉艱難江皖之人又不宜衝寒涉遠自係實在情形劉銘傳又因傷疾舉發亟須靜心調養覽奏之餘曷勝廕念惟邊外事機緊迫萬不可置為緩圖准軍素稱節制之師且非劉銘傳居中調度亦難兵將一心劉銘傳著賞假一箇月在營安心調理一俟病體就痊即行督率所部陸續西進由

甘涼一帶轉戰而前即在肅州屯紮無庸出關庶聲威較壯成祿等軍即可一意西行不至跋前疐後於大局較有神益該提督軍行餉需及應於何處設立轉運糧臺之處並著斟酌情形詳晰奏明一面與曾國藩李鴻章酌度辦理將此由五百里諭令知之○丙寅左宗棠奏竊臣欽奉寄諭肅州一帶關緊要著左宗棠迅即調派勁旅前往扼剿竄匪替出成祿一軍出關剿賊劉銘傳所部已諭令鼓行而西繞赴蘭州北路由甘涼肅一帶出關節節前進為收復新疆各城之計左宗棠身任兼圻本應統籌全局况鎮迪一帶係該督所轄尤當妥籌兼顧穆圖善如有可撥之兵並著會商左宗棠酌量調派以資厚集欽此臣跪聆之餘曷勝欽佩以隴中局勢而論自宜先規河湟杜其紛竄然後豈意西指分兵先扼玉關斷其去路乃策全功此時興師遠舉尚非穩著然此時固

東華續錄 同治九十一 九

有未可拘執者臣接奉諭旨已飛緘穆圖善詢其能否派隊一面咨劉銘傳酌定進兵道路一面飛飭記名提督徐占彪統所部馬步十二營由靖遠防所取道蘭州踰涼甘兩郡以抵肅州緣徐占彪勇敢能戰所部多百戰之餘尙堪當一路之寄而該軍餉事已經清算復擬資以兩月滿餉莫可收飽騰之效其徐占彪所遺靖遠防務甚關緊要臣已檄飭蜀軍統領黃鼎派營員張玉文統帶移駐合併陳明上諭軍機大臣等新疆軍務朝廷本欲俟甘省大定次第籌辦此時既有俄人代為收復伊犁之事勢難置為緩圖惟關外事機緊迫劉銘傳須俟病痊再行拔隊前進尙恐緩不濟急朝廷正深焦灼茲據左宗棠覆奏遵派提督徐占彪所部十二營由靖遠取道蘭州前赴肅州實能力顧大局該軍既堪當一路之寄著即飭令迅速前進不得因有劉銘傳屯紮肅州之旨

稍涉遷延一面咨催成祿先行部署一俟徐占彪到後即令成祿拔隊出關並將啟程日期奏聞肅州防勦事宜即責成徐占彪妥為籌辦將來劉銘傳到肅後亦可商同布置成祿見在出關糧餉最關緊要該軍雖有專撥之餉深慮各省未能如期解到左宗棠亦當代為籌畫隨時接濟俾利師行本年正月閒據奎昌等奏稱綏來等處民團可用當諭左宗棠或派員出關或飭口外鎮道妥籌安撫該大臣究竟如何籌辦儻所派之員因道路梗阻未能西行即可隨同徐占彪大隊赴肅並與成祿一同出關將該處民人加意撫綏務使各團樂為我用以收指臂之效將此由六百里諭令知之○戊辰諭軍機大臣等杜嘎爾奏查明賊匪情形請將官軍擇地移紮並派員採辦兵丁衣服各摺片據稱甘肅回匪侵擾二年皆由土爾扈特旗突出往來搶奪見被官兵在烏喇特境全行勦滅附近亦無另股惟潰匪尙多不知盤踞何處土爾扈特境內有無另股賊匪亦未深悉等語該處逆匪雖經官軍勦盡惟潰賊紛竄各處尤恐勾結本地匪徒蔓延為害亟應迅圖撲滅著杜嘎爾督飭各軍確加偵探將潰散餘匪分投勦捕迅速殲除毋畱餘孽其土爾扈特境有無另股並著嚴飭派出官兵實力躡探務得確情不得稍有含糊致貽後患該處陰雨連綿兵丁等衣服不齊多染寒疾杜嘎爾已派員分赴張家口歸化城等處買補衣服即著定安慶春督飭各屬妥為照料毋誤要需其吉林黑龍江各隊即照杜嘎爾所請准其暫紮四子部落等處以就水草將此由六百里各諭令知之○諭文碩奏遵旨曉諭沙山子民人及聞俄國收復伊犁一摺文碩接奉前旨派員赴沙山子曉諭該處民人該民人等團練殺賊奮勇可嘉仍著奎昌瑛瑛文碩隨時相機鼓

東華續錄 同治九十一 九

勵趙興體董率有方前已照請獎勵該軍功急功好義措辦倉糧二千餘斛深堪嘉尚並著奎昌等加之激勵以期聲勢聯絡俾為我用俄人帶兵代為收復伊犁前據總理各國事務衙門奏及已令榮全馳赴伊犁妥為布置文碩見接土爾扈特親王車林拉布坦來文及委員探報均有俄人收復伊犁之事其是否將城池仍交中國接管尚難遠定榮全當懷遵前旨迅赴伊犁與之會晤商辦文碩見已鈔發俄國條款等件札交千總李昶以備接晤俄人與之應對榮全抵伊犁後該千總亦可得所稟承也車林拉布坦既有允為俄人帶路往攻瑪納斯情事奎昌瑛瑛文碩尤當設法開導加意籠絡毋稍大意伊犁之事烏科兩城曾否有人前來報信著金順奎昌多布沁札木楚瑛瑛文碩仍遵七月十七日寄諭隨時確探具奏關外各團亟宜乘時激勵各該處民人流離困苦

東華續錄

同治九十一

干

亦須加意撫恤文碩以陝甘委員未到暫令千總李昶駐紮該局以通聲氣所辦甚是前諭左宗棠或派員出關或飭口外鎮道妥籌安撫昨復有旨詢問該大臣當飭令所派之員剋期前往將關外民團設法拊循迎機利導激其報效之忱於大局實有裨益另片奏俄人私移鄂博見籌辦情形等語俄官包達拉拜私將杜爾伯特達巴罕原立鄂博那至博勒克地方著奎昌瑛瑛文碩知照該國務於來年查界之前趕將私移鄂博那回原處以符成約將此由六百里各諭令知之○庚午加賞普濟堂功德林賑米八百石○辛未丁寶楨奏整頓山東水師事宜從之○壬申諭李鶴年添撥銀六萬兩備東河工需○鄭親王承志革爵以原任奉恩將軍高德繼子正紅旗滿洲副都統慶至襲封○癸酉諭軍機大臣等杜嘎爾奏探明賊股竄出派隊進剿一摺賊匪二百餘名由

金塔寺城竄出搶掠旋竄入諾彥山前蘇環圖等處並據伯克瓦齊爾等探報亦大略相同杜嘎爾見已派兵一百五十名交參領棟魯布管帶前進總管達爾濟亦派隊前往科雅爾諾爾地方扼要紮營賊匪避兵而行在諾彥山一帶紛竄即著飭令棟魯布達爾濟等探蹤截擊迅將此股賊匪悉數殲除毋令逃逸杜嘎爾仍當隨時分路偵探將各處賊匪搜捕淨盡務絕根株其染病官兵及堪用駝馬迅即設法認真整頓以期追剿得力將此由五百里諭令知之○甲戌諭軍機大臣等馮子材康國器奏攻克越南賊巢並富川等處捕匪情形各摺片越南賊匪鄧建新周仲汶等盤踞香海等處經總兵劉玉成等攻克復將曾亞治餘黨王大臣等擒獲惟鄧周二逆率殘黨向太原一路逃竄首惡未除仍恐復出滋擾著馮子材康國器飭令劉玉成等跟蹤追剿迅速殲除其陳

東華續錄

同治九十一

壬

四何三等匪竄入諒山太原交界之螳螂隴坵地方並著督飭官軍分投搜捕以絕根株逆首蘇福漢遺黨赴廣東乞降業經瑞麟派委知府何世俊等前往查辦該匪是否真心反正瑞麟務當飭令何世俊等詳細察看不可輕率招撫致貽後患著馮子材等就近體察情形儻該逆意存反覆即行派兵進剿毋誤事機竄擾富川之盜匪盤科仔等見已拏獲永甯附近之四十八嶠踞匪黎伯城等亦經參將黃新春帶兵剿除所有在事出力員弁准其擇尤保獎該處地勢險阻難保無餘匪潛藏仍著馮子材康國器飭令遊擊黃興仁等常川巡緝毋稍疏懈其藤縣永安接壤之滿村思排等處股匪著飭都司盧殿清等剋期攻剿以靖地方劉長佑已抵廣東接印該撫調任廣西此時諒可接奉諭旨著即速赴新任將援剿越南及本省剿匪事宜會同馮子材妥商辦理越南軍務

尤當迅速辦完毋再遲延時日馮子材等另片奏進剿越南賊匪奪獲象隻擬挑選呈進等語著照所請准其挑選數隻派員解京並檄飭該委員等沿途安靜行走毋得騷擾將此由五百里諭知瑞麟劉長佑馮子材並傳諭康國器知之○丙子總理各國事務衙門奏日本國使臣議約事竣來京呈貢方物得旨該國所呈方物著留中其另餽土儀一分即著恭親王收受○丁丑 永陵草倉河工竣○諭禁四川私種罌粟○詔各省設局收養流寓孤寡○己卯諭軍機大臣等奎昌等奏遵旨籌辦伊犁情形暨棍楚克丹贊等回籍葬親請飭東兩盟照常換班各摺片榮全因接到俄國來文有約會派兵出征之語派令防禦多仁泰先赴伊犁查探情形多仁泰著照所請賞給三品頂帶並賞換花翎即著飭令該員趕緊前往將一切情形詳細確查隨時稟明酌辦據實具奏俄國既代為收復伊犁非有大員迅速前往經理恐該國更有所藉口著榮全懍遵前旨部署啟程需帶官兵或即在烏城附近酌調以資迅捷其如何取道前進如何派兵駐守前由戶部撥銀二十萬兩並另籌賞需此外尚應籌餉若干餘由塔爾巴哈台行走外尚有何路可以徑達伊犁科城迪西五站以外臺站阻絕應如何鼓勵蒙民一體設立臺站俾官兵糧餉往來不至窒礙兵少不足以振威兵多又艱於糧運榮全應帶兵若干名均著與奎昌等通盤籌畫迅速奏聞榮全素性勇往朝廷固所深知奎昌等斷不可畏難遷延致誤大局棍噶札勒參之弟棍楚克丹贊等回洮州原籍葬親經奎昌等派令把總朱澗帶兵護送經由綏遠城行走著定安查明另給護照一面行知山西陝西甘肅各督撫轉飭各屬於棍楚克丹贊等經過地方一體驗照放行並令原籍洮州於事

竣後加給執照俾令仍回烏城定安並傳知棍楚克丹贊等沿途安靜行走所過州縣毋得藉端騷擾前據張廷岳等奏東兩部落防堵緊該協理將軍等未能赴烏當諭烏里雅蘇台將軍咨行西兩部落就近直班茲據奎昌等奏本年秋季夏季值班已令西兩部落代替惟烏城軍務亦須喫重所有蒙古各務均特副將軍轉飭辦理未便專責西兩盟常年駐班致涉偏枯且遇有應飭東兩盟事務呼應不靈等語所奏亦係實情著張廷岳阿爾達什達自明年起仍照常例令東兩盟副將軍等赴烏換班如屆時遇有要務該副將軍等未能前往即著揀派公以上明幹札薩克前往署辦印務將此由五百里各諭令知之○庚辰命蘇廷魁來京以喬松年為河東河道總督由倉場侍郎遷○辛巳諭軍機大臣等張廷岳等奏偵探賊匪情形請飭催古北口練軍迅速前進並籌解馬匹軍火接濟前敵各摺片賊匪分擾阿畢爾米特遊牧等處大股在珠格倫山一帶盤踞八月初二日復竄至沙巴克台地方分路滋擾張廷岳等見撥馬匹軍火解往伯克瓦齊爾軍營以資接應即著督飭伯克瓦齊爾偵探賊蹤相機進剿並著杜嘎爾督率官軍會合夾擊務期悉數殄滅早靖邊疆塞外地方遼闊兵分數路防剿均屬不敷古北口練軍業已先後啟程暫紮宣化等處前據慶春奏擬將該軍分紮賽爾烏蘇迪北庫屬臺站當經諭令張廷岳等酌度辦理見在庫倫需兵孔亟著李鴻章催令都司賈吉齡迅速拔隊馳赴庫倫慶春將臺站駝隻籌備支應俾利進行該運到庫後即著張廷岳等體察情形妥為調度如西路軍情緊急或由張廷岳督兵進剿或另派得力員弁帶隊前往會剿均著斟酌緩急機宜妥籌辦理將此由五百里各諭令知之○諭劉焜奏清查益

陽等處逸匪勒緝首逆並分布各軍情形一摺湖南益陽等處逸匪經李光燦等督飭官兵圍緝分路搜捕疊獲多名逆首劉道美之妻鍾氏何春台之弟何子詳亦均緝獲訊據供稱劉何兩逆於桃花江潰竄後日久無蹤劉峴見飭地方官購覓眼線並派副將戴登高等帶同兵役分赴各處搜查即著嚴飭派出各員密探賊蹤將劉道美何春台迅速擊獲毋任遠颺致稽顯戮其分布彈壓各軍並著飭令嚴扼要隘實力巡查不得稍有疏懈湖南伏莽甚多該撫務當將團練保甲各事宜認真整頓以清奸宄而消隱患將此由四百里諭令知之○調邵亨豫為倉場侍郎以胡瑞瀾為禮部右侍郎由左副都御史遷○壬午諭軍機大臣等劉嶽昭岑毓英奏官軍進剿東溝獲勝並攻克小東溝賊巢一摺賊首馬城麟久踞河西縣屬之大東溝與小東溝匪首合峒治句結為患經馬如龍東華續錄 同治九十一 五 派兵分道進攻復親率隊伍繼進將小東溝賊巢收復並擒獲合峒治等正法其餘賊眾就撫惟大東溝之賊尚負隅死守馬如龍督隊剿賊身受槍傷曾否痊愈殊深廕繫即著劉嶽昭岑毓英傳知該提督迅速調治一面督率兵勇乘賊匪勢蹙之時趕將大東溝逆巢攻拔毋令首逆馬城麟乘間逃遁致稽顯戮此次出力及陣亡員弁兵勇准其俟大東溝肅清後彙案奏請獎卹其小東溝招撫人眾務當設法彈壓隨時稽察毋令再生事端將此由五百里各諭令知之○以直隸辦賑免各關卡商販米釐並嚴禁鄰省遏緝○乙酉于湖南殉難知縣吳熊建祠典史馬景恆附祀○丙戌諭軍機大臣等奎昌等奏俄取伊犁遵旨籌辦情形請飭杜嘎爾赴翁音河一帶勦賊定安奏另股賊匪復犯草地派隊迎剿薩薩布因病請假張廷岳等奏請派兵擊賊並催古北口官兵暨購

備鐵掌各摺片俄人代復伊犁仍令滿漢察哈爾官員辦事亟須大員前往經理著榮全仍遵疊次諭旨與奎昌多布沁札木楚會商部署啟程榮全擬由杜嘎爾軍營抽調黑龍江頭起三起官兵五百名交吉爾洪額統帶吉林官兵五百名交訥蘇肯統帶配齊軍火器械並將奪獲賊中駝隻選擇膽壯者五百隻兼程前進限九月內到烏並擬將在綏防剿之薩薩布所帶吉林黑龍江馬隊一千二百餘名調至杜嘎爾營中以補其數見在杜嘎爾剿賊亦屬喫緊之際該副都統能否令吉爾洪額訥蘇肯帶領馬隊赴伊抑或另行派員統帶前往著榮全與杜嘎爾悉心商酌妥籌調派聞索倫官兵見駐葦塘子地方榮全即可就近帶往以壯聲威杜嘎爾無論如何為難總須抽調官兵撥交榮全帶赴伊城不得因榮全尚有索倫官兵可撥遠存推諉榮全擬帶官兵一千餘名裹東華續錄 同治九十一 五 糧三箇月約需二十萬斤請飭由口北道歸綏道另籌款項各先辦糧十萬斤由臺站解赴烏城即著李鴻章何璟飭令各該道如數籌辦由綏遠城張家口分道運解並著定安慶春趕緊催提設法趨運以濟要需所請添調吉林黑龍江馬隊二千名之處該處官兵年來徵調不少已諗該將軍等先行挑齊候旨備調奎昌等所稱地西約十數站應設糧臺之處著瑛榮文頤與奎昌等妥籌辦理定安所奏賊匪竄入阿畢爾米特旗遊牧諾彥山等處與奎昌張廷岳等奏報大略相同該將軍已令侍衛永德督帶馬隊由濟斯洪果爾馳赴烏喇特旗會合杜嘎爾所派之兵進剿此項官兵本應由薩薩布統帶西進見在杜嘎爾所部馬隊既須撥赴伊犁薩薩布一軍尤當速赴杜嘎爾營中合隊以資厚集薩薩布病尚未愈著定安飭令迅速調理就痊剋日啟程一面檄令永德先

行帶隊進發探蹤截勦杜嘎爾前奏賊匪並不甚多而本日奎昌等奏賊中逃出蒙古人供稱賊約二萬分起向西撲犯於七月二十七日已到巴彥察罕山偏近翁音河又據張廷岳等奏賊於八月初開竄至巴勒達爾多濟爾旗界內向東北竄擾賊眾約六七千人欲犯庫倫賊蹤已至翁吉河哲林等處各等語賊數究有若干見在究竄何處共有幾股著杜嘎爾偵探明確賊勢趨重何路即行迎頭攔擊並著奎昌等督飭派出蒙古官兵速赴哈爾尼敦等處與達爾濟一軍合力堵擊張廷岳等亦當飭令伯克瓦齊爾統率所部實力嚴防以遏奔突庫倫軍情喫緊著李鴻章迅催都司賈吉齡統帶古北口練軍星速前進並著慶春嚴飭各臺安速應付駝隻俾得早日到防張廷岳等奏口外駝馬疲乏皆由不用鐵掌所致著定安慶春於綏遠城張家口兩處將鐵掌寬為籌備

東華續錄 同治九十一 五

一面咨照各路統兵大員需用若干隨時領取以利馳逐奎昌等另片奏請調員隨營已諭侍衛處令錫綸馳赴烏城並諭戶部等衙門揀派司員筆帖式六員一併前往其山西試用縣丞長慶試用從九品曹遇亨著何璟飭令由驛赴烏交榮全差委所請揀發大員二員俟簡派有人再行發往將此由六百里各諭令知之○以捐備軍需駝馬晉烏里雅蘇台參贊大臣札薩克圖汗郡王街貝勒多布沁札木楚為郡王○是月豁免山東濮州被水節年課稅

九月己丑諭軍機大臣等慶春奏賊匪竄近臺路派撥馬隊保護科城糧餉並飭官文迎勦催古北口練軍出口杜嘎爾奏探明西境竄匪向東擾犯添隊堵勦各摺片科布多一起餉銀運至窄爾瑪克臺因察布察爾臺迤西探有賊匪蹤迹經派解員弁將餉銀

折回哈沙圖地方不敢遽行前進慶春見飭達爾濟派撥馬隊就近前往保護科城軍餉一面選派勁旅迎頭截勦並飭參領車德恩撥兵馳赴賽爾烏蘇護餉衛臺即著該署都統嚴飭達爾濟等確探賊蹤認真防勦不得稍有疏虞臺站人眾聞警易致驚惶務當責令玉和等妥為拊循毋令疑懼逃避又蹈從前覆轍賊匪奔竄靡定見又撲犯翁音河圖犯庫倫若不趕緊殄除轉瞬風雪嚴寒朔辦更形棘手都司賈吉齡所帶古北口一軍已定於九月初三日由宣化啟行赴口著李鴻章嚴催該都司迅速拔隊前進馳赴庫倫慶春將該將軍應需駝隻帳房等項設法寬為籌備以利師行杜嘎爾見已追賊至烏蘭察布盟界距翁音河二千餘里雖據該副都統派兵四百名交富珠哩等偵探夾擊惟相隔較遠奎昌多布沁札木楚張廷岳阿爾塔什達總當就見有兵力相機扼

東華續錄 同治九十一 五

勦毋令蔓延杜嘎爾亦當偵明賊蹤督兵會合夾擊盡殄賊氛定安前已派侍衛永德馳赴烏喇特旗一帶探勦此次慶春請飭綏遠城將軍派隊馳往察布察爾一帶勦賊之處著定安斟酌調度軍情妥籌辦理其多倫諾爾等處防務即由慶春隨時知照庫克吉泰嚴密巡防毋令東竄將此由六百里各諭令知之○辛卯諭軍機大臣等左宗棠穆圖善奏官軍分路勦賊獲勝成祿奏肅回紛擾關內外地方請飭撥兵會勦並撥給餉銀各摺片回匪紛擾西路之古浪縣境及東路之李家莊等處屢經馬步官軍擊退其鎮番等處竄匪亦經防軍截勦獲勝見在大軍進規河州誠恐該逆四出滋擾以圖牽掣穆圖善已赴安定與左宗棠會晤該大臣等務當悉心妥商一面進搆賊巢一面嚴防竄路並將省垣防務妥籌布置以固根本肅州回逆句結外來回匪攻陷屯莊紛擾關

內外地方勢甚猖獗若不速籌掃蕩恐地方日被蹂躪出關大路必致梗阻左宗棠前奏已派徐占彪一軍前赴肅州著即飭令趕緊拔隊前進將肅州一帶賊匪實力勦辦該軍既經西行所需餉銀著左宗棠源源接濟以勵軍心成祿見應出關著即部署一切俟徐占彪抵肅後該提督即行統率所部剋日起程此次規復新疆各城關繫極重務當振刷精神竭力籌辦不得遷延貽誤穆圖善另片奏所部各營歷年防剿出力懇請保獎等語著照所請准其酌保數十人其防守鎮番出力官紳等著一併擇尤保奏成祿另片奏金塔地方擊退賊匪情形所有在事出力員弁團紳著准其擇尤酌保毋許冒濫又片奏護理安肅道寶型辦事乖僻不能得力著即行撤任並著左宗棠迅飭蔣凝學前赴本任以重職守如蔣凝學一時不能前往即著另委委員署理劉銘傳前經賞假

東華續錄 同治九十一 无

一月調理並諭令督率所部前赴肅州屯紮刻下肅州軍務喫重著該提督趕緊督隊啟行早日到防該處為出關要道得該軍扼紮其閒庶可紓朝廷西顧之憂也將此由六百里各諭令知之○諭成祿奏武弁棄營逃走請飭查拏等語本年四月十八日回逆襲破布隆吉營署都司張大倫帶印逃走五月初一日復襲破橋灣營官祁姓都司謝姓戰敗脫逃均不知下落亟應從嚴懲辦著左宗棠文麟景廉飭屬將張大倫及祁姓謝姓一體查拏務獲從重治罪以肅軍律前因俄人代復伊犁並有往攻烏魯木齊之說諭令景廉酌帶兵勇規復烏城見在如何部署即著悉心籌辦迅速具奏肅州回匪見竄玉門等處著文麟酌撥官軍相機截剿毋令蔓延將此由六百里各諭令知之○提督馬德昭軍潰擾潼關旋勦平之德昭下部嚴議○予甘肅陣亡參將萬應全祭葬世職

○癸巳諭軍機大臣等據馮子材奏廣西署太平府知府兼理龍州同知徐延旭將回籍降人驅逐出關致受撫之周仲汶等仍附蘇幅漢等復在越南滋擾且縱勇通賊搶掠夷人財物虛開勇額冒領餉精該員於所屬境內私設釐卡船埠每年所獲不下萬金其幕友包攬土官販買人畜分肥徐延旭亦明知故縱並有濫保官親家丁等情事據實嚴參請革拏治罪等語徐延旭由縣令起家疊膺保獎前據蘇鳳文密保該員才兼文武器識宏深若如馮子材所奏是該員貪劣不職蘇鳳文薦舉非人且於該員官親丁役捏功濫保未能覺察為所蒙蔽亦應查明懲處著劉長佑按照所參各節確切查明據實具奏毋稍徇隱原摺片均著鈔給閱看所呈私釐照票三十五張著一併發給閱看將此由五百里諭令知之○撥部庫銀十萬兩備永定河工需○甲午諭軍機大臣等

東華續錄 同治九十一 无

前因有人奏已革提督李世忠在皖豫交界某家集修築堡寨私藏礮械招集亡命請令李鶴年英翰查奏嗣據英翰奏稱該革員回籍後已移居商城縣境之鎖口未聞別滋事端等語李世忠移居商城後見在能否安靜著李鶴年英翰嚴密訪查據實奏聞馬德昭所部勇丁滋事步行逃勇業經截殺殆盡其槍有馬匹向東散逃曾據蔣志章奏稱逃往閩鄉盧氏等境此項潰勇見竄何處李鶴年務當督飭派出官兵會同地方官悉數搜捕毋令再滋事端將此各諭令知之○諭張廷岳等奏庫防情形危急請飭催援軍並賊匪逼近庫倫各摺片逆匪於八月十四十七等日竄至翁吉河哲林等處擾哲林臺地東之圖爾里察布齊爾臺站賽爾烏蘇西北臺路已斷另股逆匪於二十至二十二等日分竄圖謝圖汗部落烏克爾哈什雅圖地方距庫倫不過七八臺有直撲庫倫

之信情形甚為危急達爾濟一軍已馳抵烏勒幹呼秀地方著張廷岳等就近檄令會合齊莫特多爾濟伯克瓦齊爾等迎頭截擊力遏狂氛古北口練軍疊經催令出口見在庫倫待援甚急著李鴻章嚴飭買吉齡統帶遊行慶春一面迎提到口即將駝馬等項妥為應付催令剋日進發馳抵庫倫毋任延緩杜嘎爾帶兵剿賊是其專責數月以來未見大挫逆鋒且前據奏報賊數無多而於大股分竄之賊並不探明確實設法截剿實屬不知緩急見在賊蹤竄近庫倫情形萬緊該副都統豈得徘徊於無賊之地任令賊勢披猖著即督帶各隊兼程前進將翁吉河一帶賊匪實力剿辦迅掃逆氛定安前飭侍衛永德統率馬隊由濟斯洪果爾馳赴烏喇特旗著懷遵前旨即飭此起官軍迅速取道前赴杜嘎爾營中合隊以資進剿並著催令薩薩布趨緊前往督帶不得藉病延宕

東華續錄 同治九十一 辛

將此由六百里各諭令知之○命英桂留京以張之萬為閩浙總督調何璟為江蘇巡撫以鮑源深為山西巡撫由戶部右侍郎遷○乙未調溫葆深為戶部右侍郎黃倬為禮部左侍郎由內閣學士遷○察布察各臺兵潰諭慶春等設法招集並撥隊馳防○丙申諭軍機大臣等蘇廷魁奏黃水入湖竄運情形喫重等語黃水由王家橋地方竄入牛頭河將芒生廂月壩衝開南旺湖西北兩岸旱石橋趙家口等處均漫水入湖土地廟元帝廟二廂衝開倒流入運西岸天仙廟等處亦均漫水入運東岸情形喫緊趙王河水又灌入牛頭河北岸村莊悉被淹沒見在南旺湖水已深至七尺餘倒漾入運清濁併流已成大患亟應力籌堵禦著蘇廷魁嚴飭運河道督飭該廳營文武各員趕緊集夫搶護西隄毋再疏失東隄為蜀湖屏蔽關緊要並

著勸諭居民協力防守不可稍涉鬆懈其被水各村莊丁實積務當遴派妥員前往查勘分別被災輕重妥為撫恤毋令一夫失所該撫身任地方其應行協同修築疏濬之處並著督飭各該地方官實力籌辦以維河運全局將此各諭令知之○詔撥倉米三萬石部庫銀四萬兩賑順天被水災民○丁酉左宗棠奏竊蘭州車行驛道東由會甯靜甯隆德出平涼以達陝西馱行開道東南由秦州以達陝西而安定綰轂兩路居其衝要頻年回氛蹂躪受害最酷東道因之不通臣宗棠於七月二十九日由靜甯率輕騎取道會甯八月初二日抵安定接見統領後路全軍提督徐文秀統領左路全軍提督劉明燈詢商一切知鹽固甯靈一帶敗殘回逆及鞏郡土著各回皆寄眷屬於河州各賊巢分起四出剽掠每數十騎為一起避兵而行馳疾如風伺便行動不但商旅文報常有梗阻之虞即餉糧軍火亦時防疏失自渭源狄道克復後河州諸賊出巢剽掠必由洮河西岸三甲集渡東岸康家巖然後分竄金縣安定會甯或東趨鹽固或北擾靜遠是安定為賊迹出沒之衝途而康家巖又賊蹤必由之津要比即定議徐文秀一軍由安定西北峽口出金縣秤鈎驛以達站灘劉明燈一軍由安定東南馬家河韓家坪出關門口內官營抵站灘與徐文秀合隊以攻康家巖初四日各營先發初六日徐文秀劉明燈由安定拔營繼進令每進一處各派隊分支包埽而前驅賊併歸康家巖然後聚而殲之初七日徐文秀途遇竄遁之賊數起揮軍縱擊斃賊數十名擒賊目馬得雲等二十四日總兵陳海俊副將陳締高同時掃花峴子伏賊斬賊數十擒賊目武邦賢等十五名均訊明正法初八日由好麥川楊婆廟一帶跟追而前登嶺瞭視羣賊馬步約二千

東華續錄 同治九十一 辛

餘正紛紛竄走徐文秀揮所部各營分途截擊斃賊百餘名至沙
合嶺大雨收隊是夜雪霰交飛初九日冒雪馳抵黃石坪去灘站
四十里人馬疲困不能前進詢悉由黃石坪徑抵康家巖路較捷
遂改道不赴站灘之約初十日踰馬寒山至下營子則距康家巖
僅三十里矣其劉明燈一軍初四日由馬河一帶向西北折而南
趨沿途略有斬獲是日抵柳林溝十一日寅刻劉明燈令總兵黃
宏藻劉正高參將楊正茂各帶所部由三十里鋪新田鋪沿洮河
東岸前進飭參將殷德益都司鍾鳴鳳參將羅瑞秋副將鄧得勝
由大營坪斜鈔而前徐文秀率總兵鄭守南參將劉仁和由魏家
河出賀家溝總兵沈玉遂率陳締高陳汝俊由大營坪出東溝合
攻康家巖是日刻行距康家巖數里徑薄賊卡堡賊千餘見官
軍逼近出卡抗拒徐文秀列隊迎擊而陳締高等已由東溝鈔出

東華續錄

同治九十一

三

賊後矣康家老巖堡中復出步賊數百來援洮西騎賊二百餘亦
渡河助勢徐文秀令鄭守南陳汝俊陳締高劉仁和等分支兜擊
陣斬悍賊二百餘名步賊縮退入卡馬賊見勢不支急上船西渡
正爭渡聞官軍薄之溺斃無數卡賊憑牆放槍死拒并丁傷者數
人軍士愈憤周麾而登立破其卡斃賊約三百人生擒賊目哈章
布等五名餘賊退入大堡劉明燈一軍是日甫出柳林浦口即遇
馬步賊數百揮隊擊之斬賊數十名賊敗入新田鋪合守卡賊併
力穩抗適殷德益鍾鳴鳳羅瑞秋鄧得勝等從大營坪橫截而出
賊敗狂奔各營奮威衝殺陣斬百餘名賊退入康家新巖及孫家
堡劉明燈率馬步各營躡蹤壓迫立將兩堡攻破斃賊二百餘名
生擒十一名餘賊叫號亂竄各堡賊亦相率潰奔併入康家大堡
其渡洮西竄者均偏入急湫中溺斃無數徐文秀劉明燈兩軍既

台即下令布圍康家大堡及各小堡分撥甫定大堡內賊穴牆衝
出各堡賊亦皆棄堡向洮河亂竄官軍分途追逐沈玉遂王前程
橫出截殺斃賊最多計是役破大小莊堡十餘處陣斬溺斃之賊
約二千數百名徐文秀劉明燈即分據康家新巖孫家堡康家大
堡立營訊據生擒賊供賊首馬爾和哈然麻已斃於陣矣十三日
派隊搜山至距康家巖二十里沙碾子地方復斃賊百餘名溺斃
無數竊維康家巖在洮河之東距省城百數十里距狄道州五十
五里對岸十里即三甲集雖屬狄道轄境而實河州門戶由三甲
集而西即太子寺大東鄉等處均逆回麴聚之所洮河西岸山高
徑險賊勢亦較中左兩路為重必過河立營然後可戰必架造浮
橋然後可渡見值秋霖疊降霜雪交加之時萬整爭流岸闊湫急
狄道架橋船隻纜索均已製造齊全康家巖則尚須併力經營乃

東華續錄

同治九十一

三

可集事一俟水退橋成即當渡洮進剿 臣 穆圖善十六日來安定
與 臣 宗棠籌商機宜意見相同旋即回省布置又奏西征協餉奉
撥之數本不敷用而各省關除江西閩海關外均解不足數以故
積欠累累至今已一千三百萬兩辦理西征糧臺侍講學士袁保
恆目觀艱窘情形函咨並達穎禿眉焦不得已請旨嚴催蒙 聖
明洞鑒諭飭各省關新舊並籌各省不但新餉無增即舊餉亦多
延不照解 臣 軍所收協餉祇有此數而穆圖善豫師及甘肅舊有
各軍營餉需均須由 臣 軍墊給且聞有奉旨飭西征糧臺墊撥之
款 臣 軍餉事來源日減銷路日增而兵事則局勢愈寬待用愈急
以故向章每年各營發三箇月滿餉上年僅發兩箇月今歲則端
午中秋均未能發即年節一關尚未卜何如矣此本軍士應得之
餉銀然有則速發無則緩發諸將士諒 臣 有素或無異詞惟糧食

鹽菜衣袴巾履醫藥則生人日用所需沃難短缺非時其緩急源
源支給慈父且不能保其子將帥安能用其士卒哉且陝甘頻年
兵燹子遺僅存往往數百數十里人煙斷絕新復之地非俵給牛
種賑糧則垂斃之民勢將盡填溝壑各省克復一郡縣收一處丁
糧釐稅甘肅克復一郡縣即發一處牛種賑糧非是則有土無民
朝廷亦安用此疆土也如城池宜修地方宜設官採糧轉運軍裝
宜設局已撫回民宜給賑所有薪俸經費賑務師行一處即增一
處之需而皆仰給於臣臣不敢列款上請不得不於軍餉挹注早
為補救此皆陝甘兩省官吏士民所共知者金積底定進規河湟
甘肅局勢雖有轉機而臣憂慮方深正以協餉不時至軍出款
日增入款漸減必將有不能敷衍點綴之勢耳不得已飭上海採
運局向華商籌借銀六十萬兩約以各省協餉到上海時分期扣
東華續錄 同治九十一 五
還復刊行印票搭發各處糧價訂期四日六日十日持票取銀聊
資周轉如逾期無銀應付失信商民則並此亦不能行矣撫臣蔣
志章稔知窘情於無可籌畫時慨允飭司庫借提銀十三萬兩候
餉到歸款暫藉藉此敷衍然上海借款僅資應付印票轉運費用
及撥還陝西庫款軍餉事仍是茫然恐大局決裂終所不免伏
查各省奉撥之款皆部臣總覈各省出入數目酌量指撥原非強
以所難疆臣心存體國諒在奉公如果易地以觀則協餉似亦不
惟自急合無仰懇 皇上天恩申諭各督撫關差仍遵前旨按照
欠數力籌新舊並解以濟急需而措危局不勝迫切待命之至至
各省協款欠數若干西征糧臺開單具報在案部臣無難按籍而
稽內如安徽一省經前署撫臣吳坤修籌定指撥有著之款吳坤
修卸任後即停止不解而所派西征金運昌一軍由臣籌墊餉銀

十一萬兩贖催解還概置不答揆之情理似有未合河南一省月
協甘餉二萬五千兩數年之久僅解過兩次積欠至一百四十萬
兩有奇上年冬間欽奉諭旨提解積欠十萬兩該省僅解過二萬
兩而下欠八萬兩竟不復解撫臣有無畛域之見臣不敢知藩司
劉齊銜曾任陝西道員襄理軍需局務於甘肅窘迫實在情形不
得諉為不知而職守一分即便悍然不顧亦實非大局所宜此尤
臣不能無言者也 上諭軍機大臣等左宗棠由靜甯會甯馳抵
安定察看地勢賊情知安定為賊蹤出沒之衝途而康家巖又賊
蹤必由之津要督飭徐文秀劉明燈各軍分路進剿疊有擒斬乘
勝合圍將康家巖莊堡全行攻拔殲斃賊匪二千數百名陣斃賊
首馬爾和哈然麻官軍即分據康家新巖等處立營以扼衝要見
值秋深水退之時左宗棠務當飭令前敵各營迅架浮橋渡過洮
東華續錄 同治九十一 五
何節節攻剿迅奏膚功穆圖善與左宗棠籌商一切意見相同見
已由安定旋省即著將省城防守事宜妥為布置左宗棠請催各
省協餉一摺已諭令各該督撫迅速籌解矣將此由六百里各諭
令知之○諭文碩奏遵旨詳查程途道里及籌辦大概情形一摺
文碩見在詢悉西路情形實有俄官帶兵三千收復伊犁之信瑪
納斯吉吉縣皆有賊匪盤踞民勇時往攻擊文碩已檄令委員李
旭等查明綏來昌吉迪化各州縣境內實在賊情有無俄人前赴
該處著俟該委員等呈報後隨時知照榮全妥為籌辦毋失機宜
由科布多前往伊犁及塔爾巴哈台路徑文碩既已查明是榮全
馳赴伊犁既屬有路可通即當剋期啟程不得藉詞延宕將來轉
運軍餉能否取道西湖著文碩悉心酌度設法妥辦其庫爾喀喇
烏蘇池西如何設站安臺接護轉運著榮全奎昌多布沁札木楚

體察情形奏明辦理撥兵運糧各事宜最關緊要並著會商文碩
妥議具奏另片奏新到俄官尼克勒幅稱係帶兵駐紮備賊並非
查界之人等語中國徵兵欲往俄國爭界究竟謠傳何自而起俄
人聲言調兵備邊或係因此流言心懷疑惑著文碩檄令委員明
魁等查看情形設法解釋其請調遊擊施紹恆差委一節已諭何
璟飭令該員馳驛赴科交文碩差委矣文碩當將該城防務妥籌
布置以期有備無患將此由五百里各諭令知之○諭恩麟德泰
奏勦辦西藏逆番見已蕝事一摺逆首班墊頓柱等糾合噶勒丹
寺喇嘛僧眾恃險抗拒經恩麟等調兵進勦並會商達賴喇嘛催
令漢番文武勦撫兼施生擒喇嘛阿丹及已革噶布倫策忍汪曲
等二十五名並將班墊頓柱槍斃既據恩麟等奏稱質訊各犯情
詞相符所有阿丹策忍桑結及見獲從逆各犯均著照所擬分別
東華續錄 同治九十一 美

辦理至札克巴協捻策忍汪曲二犯並著恩麟等照例治罪在逃
從逆人犯恩麟等當咨會達賴喇嘛務徹底清查究辦毋任漏網
投誠之喇嘛僧眾仍責成各該寺領袖喇嘛妥為管束不准再滋
事端此次在事出力漢番文武僧俗官兵並傷亡兵練著恩麟等
查明分別奏請獎卹將此由五百里各諭令知之○諭曾璧光奏
籌辦苗疆大概情形一摺黔省清平等處尚未規復丹江凱里賊
地林立金幹幹等各酋亦尚未殲除見在下游防勦各軍不足三
萬曾璧光所稱援黔一軍分半回楚兵分力薄進不能戰退不能
守亦係實在情形楚黔唇齒相依而黔省下游軍務亦正在得手
所有此軍應如何布置始臻妥協之處著劉崐等通籌全局會商
辦理不得顧此失彼稍分畛域李包各逆見竄入寶山復合古州
等處賊眾蠶聚三脚鄧有德已撥營赴援即著曾璧光檄飭該提

督迅速前進併力兜剿至廣西能否撥兵協助仍著該撫隨時與
劉長佑馮子材籌商以期聯絡夾擊迅掃賊氛將此由六百里諭
知劉崐曾璧光並傳諭周達武知之○左宗棠奏徐占彪馬步十
二營遵旨前赴肅州 臣於前月二十七日拜摺後即飭駐陝軍需
局籌備兩月餉需以資裹帶復飭甘肅軍需局酌將甘涼兩府屬
運省糧石分別劃留以便支領一面飭徐占彪來營將欽奉寄諭
宣示並詢商一切徐占彪尚能體會毅然請行於本月二十四日
率所部馬步九營移駐蘭州金家巖候餉據駐陝軍需局稟已與
陝西軍需局湊解銀四萬三千兩俟在途協餉續到立即補解大
約九月初旬徐占彪一軍可由蘭州啟行矣其雷靖遠之提督黃
虎臣三營俟道員張玉文接防即由靖遠徑赴蘭州會隊前進欽
奉八月初八日諭旨已恭錄行知徐占彪矣至奎昌等奏稱綏來
東華續錄 同治九十一 毛

民團可用前奉諭旨後已飭口外鎮道妥籌安撫迄今尚未接其
稟覆近接各軍稟報肅州撫回復叛成祿力不能制紛請派援成
祿函報亦同之徐占彪兵到肅州即有戰事委員暫難出關也報
聞○子貴州陣亡參將周文和等祭葬世職○己亥諭軍機大臣
等左宗棠穆圖善奏截剿竄匪獲勝一摺本年八月間副都統雙
福等在平城堡大澗池等處截擊竄匪均有斬擒涼州鎮總兵王
仁和帶隊至永昌等縣地方節節接勦疊獲勝仗著左宗棠穆圖
善仍飭該將領等實力防勦遇賊即擊毋稍疏懈穆圖善另片奏
見由安定回省並陳會商布置情形等語康家巖攻克後官軍擬
進逼三甲集而中隔洮河難以徒涉見飭各營塔造浮橋安定洮
西之車道嶺地方經穆圖善派隊前往修墊車道以通糧路著飭
令將橋道各工迅速辦竣俾得剋日進取穆圖善擬抽撥數營赴

康家嚴填紫騰出左宗棠所部得以壹意前進即著左宗棠穆圖善悉心會商妥籌布置左宗棠務當督飭官軍節節進剿以期擒渠掃穴早靖邊陲將此由五百里各諭令知之○庚子諭軍機大臣等豫師奏籌防甘涼肅一帶情形等語豫師接奉前旨籌防要隘所稱自平番至威遠各隘口分投防堵賊匪不能由此出竄是已確有把握即著責成豫師妥為布置不得徒託空言至由巴燕戎格山後可達西甯之大通出扁渡口即係永昌山丹鎮番地界賊如繞竄北路則甘涼轄境均被騷擾亟應加意嚴防豫師已知照王仁和楊占菴等力扼要隘以備不虞仍著會商瑞雲隨時防範務臻周密不可稍有疏懈肅州收撫陝回潰叛東下甘涼戒嚴西甯匪徒亦四出竄擾西路幾成賊藪豫師未可以屢挫賊鋒稍存大意尤當相機戒備以衛地方左宗棠仍當懷遠前旨撥兵助

東華續錄

同治九十一

奏

勦並著穆圖善妥籌兼顧將此由五百里各諭令知之○辛丑諭軍機大臣等張曜奏遵辦甯夏沿邊及阿拉善旗防剿情形一摺阿拉善旗西界紅柳園等處地方時有馬賊竄入搶奪牲畜另股賊騎復突竄胡莫克巴音諾爾根等處肆擾雖經官軍迎剿擒斬多名惟該旗地方遼闊平坦無險深恐防範難周張曜已添派李葆珠帶隊前往即著飭令該提督將竄入該旗匪股迅速剿捕淨盡毋任滋蔓至甯夏河西三縣投誠回眾與漢民雜處尤慮藉端尋釁復滋事端張曜業經酌擬章程咨商左宗棠督飭地方官嚴辦所有撫綏彈壓各事宜仍著該提督隨時相機辦理毋稍大意左宗棠見在進剿河州難保該逆不伺竄北路並著該提督先事豫防隨時與定安籌商布置以期周密甯夏沿邊迤北一帶道路綿長如平羅中衛靖遠平番古浪鎮番之大靖土門金塔等處

匪徒處處可以出邊滋擾亟應設法嚴防著該提督遴派明幹員弁將甯夏至肅州沿邊一帶口隘由近而遠確切查明何處賊匪可以出竄何處可以扼要設防繪圖貼說詳細奏聞○王寅諭軍機大臣等奎昌等奏達爾濟擊賊獲勝張廷岳等奏伯克瓦齊爾擊敗竄匪並圖攻賊股情形各摺片此次賊匪由翁吉河一帶分股肆擾經達爾濟一軍於喀喇地方迎擊獲勝大股之賊直犯庫倫復經伯克瓦齊爾繞出賊前至阿達哈楚克山額里音華地方截擊一日之內連獲三捷勦辦甚為奮勉見在畢雷圖廟內盤踞之賊尚有七八百名亟應乘其窮蹙悉力圍攻聚而殲旃斷不可再令竄出致貽後患張廷岳見已添派官兵助剿並親往察看布置著即督飭官軍穩慎圖功毋稍疏失庫倫防務仍著張廷岳阿爾塔什達妥為籌辦不得稍涉大意此外賊匪尚有幾股見竄何

東華續錄

同治九十一

奏

處達爾濟見暫紮翁吉河著奎昌等飭令探明賊蹤認真截剿並著張廷岳等隨時知照該總管互相聯絡以資策應杜嘎爾見在行抵何處著即懷遠慶次諭旨馳赴翁吉河一帶相機勦辦迅殄逆氛不得遷延觀望任賊滋蔓薩薩布所部馬隊仍著定安催令星速前進以資厚集將此由六百里各諭令知之○申諭都興阿等整頓奉天捕務○癸卯諭軍機大臣等劉銘傳奏病難速痊懇恩賞假回籍調理並請派員接統淮軍各摺片劉銘傳著賞假三箇月回籍調理至請飭曹克忠來陝統帶馬步各隊本日已諭令李鴻章傳知該提督即行前往矣甘肅軍情緊要曹克忠未經到陝以前劉銘傳仍當妥籌布置不得以接統有人遽行該卸俟曹克忠到陝該提督再行回籍調理以重防務將此由四百里諭令知之○予江西陣亡知府陳宗元建祠○甲辰諭軍機大臣等都

察院奏廣西職員譚成典遺抱告譚保桂以匪徒肆擾額懇辦
等詞赴該衙門呈訴據稱永安縣縣交界之滿村地方有匪首何
先體及何中孚何七一等聚黨滋擾七年四月攻奪蚌蛇村經官
兵往剿該逆竄回老巢外委庾應榮受賄通賊逆復張連攻村
堡肆行殺掠等語此案前據馮子材康國器奏滿村等處股匪已
傷都司盧殿清等帶兵前往剿辦當經諭令該提督等飭盧殿清
等剋期攻剿茲覽所控各情匪徒擾害閭閻亟應迅籌剿滅以靖
地方著劉長佑馮子材速飭派出各軍實力勦捕務將此股匪徒
剋日殄除毋稍稽延致令養癰成患並著查明外委庾應榮有無
通賊情事從嚴懲辦以儆官邪將此由五百里各諭令知之○諭
張廷岳奏帶兵大員貽誤戎機請旨查辦並帶兵回庫各摺片畢
留圖廟內盤踞之賊不過八九百名自應悉力圍攻一鼓殄滅乃

東華續錄

同治九十一

早

總管達爾濟輕聽賊匪投誠之言自懈防守並阻止伯克瓦齊爾
等軍無須巡邏致令賊匪於九月十三日乘夜向西奔逸貽誤戎
機實堪痛恨札薩克齊莫特多爾濟伯克瓦齊爾業經張廷岳摘
去頂帶以示懲儆達爾濟輕妄縱賊厥咎尤重著先行摘去頂帶
交奎昌榮全多布沁札木楚杜嘎爾查明達爾濟節次貽誤情形
從嚴參辦以肅軍律並著將被裹從逆之邢章解赴烏里雅蘇台
交奎昌等嚴訊賊匪竄逸情形據實具奏見在賊匪竄向何處張
廷岳當飭伯克瓦齊爾等探蹤跟追痛加勦洗杜嘎爾亦當督飭
各軍確探賊蹤會合夾擊並著嚴飭達爾濟實力兜勦毋令得容
喘息餘燼復燃張廷岳恐賊分股直犯庫倫見已帶兵回庫即著
將防守事宜妥籌辦理毋稍疏忽賊股竄向靡定著定安嚴飭各
路防軍遇賊即擊毋形疏懈其薩薩布所部馬隊仍著催令星速

前進以資厚集將此由五百里各諭令知之○諭劉嶽昭岑毓英
奏通籌全局分路進剿一摺滇省東南一帶未拔賊巢均距省城
甚近自應先行勦除以去肘腋之患大東溝尚未克復馬如龍受
傷未痊深慮館驛賊匪出援致成滋蔓竊今田心及日者鄉進剿
之師亦未得手岑毓英見已帶兵啟程親赴池南督剿可謂勇於
任事即著激勵各營分投掃蕩迅拔各巢肅清東南一路臨安府
屬既有賊巢數處梁士美僅派隊駐紮通海曲江一帶安坐府城
並不遵檄勦賊漸形跋扈岑毓英當設法駕馭隨時約束毋任如
前驕恣省城巡防事宜暨接濟各路餉需軍火著劉嶽昭悉心籌
畫不得稍有貽誤另片奏攻克永昌府城等語永昌見既攻克該
處及防守事宜該督撫即飭在事各員妥為布置乘勝進攻永平
將未復各城次第收復為直擣大理之計岑毓英見赴池南所有

東華續錄

同治九十一

早

池西軍務仍著妥籌兼顧將此由六百里各諭令知之○諭總理
各國事務衙門奏奧斯馬加國換約屆期請派員互換一摺奧斯
馬加國前立條約聲明一年更換見據該國使臣嘉理治呈遞照
會內稱即日赴滬候辦換約等語著派恩錫將同治八年與奧國
所立條約妥為互換其條約各本俟李鴻章派員齎送至江蘇時
即著恩錫祗領屆期前往上海辦理恩錫於換約一事向未經手
著曾國藩添派熟悉洋務大員幫同辦理以期妥協本日諭旨一
道一併發往如該使索看憑據即著恩錫另行恭錄給予閱看俟
換約事畢此旨仍繳還軍機處備查將此由五百里諭知曾國藩
並傳諭恩錫知之○乙巳諭軍機大臣等李鴻章奏練軍分起出
口日期請飭察哈爾臺站防護弁兵互相援應並由庫倫多派駝
隻迎引一摺古北口頭起官兵已於本月初六日出口其餘各哨

每起百名開日前進賈吉齡亦親率中營於十二日起口陸續進發即著李鴻章飭令該都司督率各起官兵迅速趨程接續前進毋稍遲誤李鴻章摺內見有探聞馬賊三四千餘由山後烏拉齊向東北分股竄擾圖謝圖汗地面距賽爾烏蘇較近等情該軍前赴庫倫必由賽爾蘇經過深恐附近有賊突至或致疏失著慶春檄飭沿臺防護弁兵於該軍經過時互相援應並著張廷岳阿爾塔什達多派鷹壯駝隻遴委得力員弁帶赴二三十臺處所沿站迎提導引以免遲滯此軍到庫後應如何分撥防期張廷岳等務當妥為布置力保要區將此由五百里各諭令知之○丙午諭軍機大臣等神機營王大臣奏請整飭邊外臺站一摺前因庫倫情形喫緊察布察爾等臺官兵潰散深慮官兵停滯中途糧餉軍火多致梗阻屢諭慶春趕緊設復又以榮全馳赴伊犁於庫爾喀喇東華續錄 同治九十一 聖

烏蘇地西如何設站安臺接護轉運諭令榮全等體察辦理茲據該王大臣奏稱邊外各路臺站見擬分段責成張家口外頭臺至八臺專交察哈爾都統自九臺以北至烏里雅蘇台科布多各臺分交各該盟長自賽爾烏蘇至庫倫自濟斯洪果爾至歸化城各臺亦交各該盟長按照定制何臺應歸何旗管轄者仍令該王公等自行經理每臺連額設之數以紫駝一百隻馬十匹為定數戈壁地內不能用馬之處即備囊駝一百五十隻如不敷用應由幫臺辦事官員添雇所需添雇價銀准其報領在臺供差官兵等應分別給予口分仍由該將軍等稽察遇有認真辦理或貽誤不齊等情隨時奏請勸懲至進取伊犁應由何路前往亟應設法安臺官兵過境時除照例支給外並令蒙古旗戶多備牛羊柴草按照時價賣給官兵以資接濟儻該官兵勒索陵虐准其稟報該管之

將軍等參辦哈爾尼敦等處勻撥官兵分紮聯絡等語著理藩院定安慶春奎昌榮全多布沁札木楚文碩張廷岳阿爾塔什達按照該王大臣所奏詳細情形悉心覈議奏明舉辦該將軍都統大臣等所屬蒙古旗界應設之臺向歸何旗安設者並著繪圖貼說詳細奏聞其應籌各臺經費一併覈實奏請撥用另片奏榮全前赴伊犁雖有路可通第關內外正路未通若以孤軍徑趨伊犁亦非計出萬全等語此時伊犁既不可置為後圖而進兵之後尤應豫籌久遠著奎昌榮全多布沁札木楚文碩妥為覈議奏明辦理原摺片均著分別鈔給閱看將此諭知理藩院並由六百里諭令定安慶春奎昌榮全多布沁札木楚文碩張廷岳阿爾塔什達知之○丁未諭內閣鑲黃旗滿洲奏原任杭州將軍瑞昌次子續承查有下落見由湖北巡撫派員護送到旗一摺續承著該旗帶領東華續錄 同治九十一 聖

引見○諭軍機大臣等蘇廷魁奏堵侯家林決口一摺據稱自蘭工決口後黃水穿運而行本年八月初間黃水異漲復由侯家林將民埝衝成缺口灌運入湖若不急籌堵築恐來年大汛盛漲沙泥俱下河湖全塞南路運道可虞擬趁水落歸槽趕將侯家林缺口堵合沮河一帶民埝一律改築官隄見已派員赴工先於口門盤作裏頭免再刷寬並將堵口築隄節確估奏請籌款興修等語東南運道關繫緊要自應亟籌堵築著喬松年丁寶楨按照所奏各節詳細查勘會商籌辦應需款項若干俟奏到後再行籌撥原摺均著鈔給閱看將此各諭令知之○諭杜嘎爾奏追剿賊匪情形一摺據稱達爾濟於八月十八等日在音音河等處擊賊獲勝與奎昌等前奏大略相同惟畢雷圖廟內盤踞之賊已據張廷岳等續報於九月初三日乘夜向西竄逸此次杜嘎爾摺內所

稱探聞賊匪擾及哈沙圖等站旋於九月初二初四等日向西避
 竄是否即係畢雷圖廟竄出賊股抑係另股之賊著張廷岳查明
 具奏達爾濟輕聽賊匪之言縱令已困之賊復行他竄貽誤戎機
 厥咎甚重著奎昌多布沁札木楚杜嘎爾懷遵前旨查明實在情
 形從嚴參辦毋稍諱飾杜嘎爾接奉疊次諭旨自己趨程前進著
 即督飭所部探明賊蹤實力剿辦毋任日久蔓延張廷岳亦當督
 飭伯克瓦齊爾等會合兜剿並將庫倫防務嚴密布置以杜窺伺
 昨據定安奏薩薩布患病未痊請假回旗其所部馬隊已飭侍衛
 承德記名副都統成山統帶前進馳赴杜嘎爾軍營合隊該副都
 統得此一軍兵力較厚本日據榮全奏於九月初四日啟程前赴
 伊犁隨帶官兵僅止百餘名所有該署將軍前請由杜嘎爾軍營
 抽調吉林黑龍江官兵各五百名吉爾洪額訥蘇肯統帶前進著

東華續錄 同治九十一

器

杜嘎爾遵照前旨迅速派撥剋日前往毋稍延緩將此由六百里
 各諭令知之○諭劉長佑馮子材奏官軍圍剿竄匪殲除首逆並
 拏獲內地要犯一摺越南匪首曾亞日於王大股匪剿除後復糾
 黨竄踞上林社夷村經馮子材飭令劉玉成等帶隊圍剿立將賊
 首曾亞日及匪目黃汝廣等誘擒正法股匪悉數殲除惟賴安粘
 山東枚等處踞匪尚多即著劉長佑馮子材檄飭副將陳得貴督
 率所部勇丁扼紮北芹迅速會同上林社各軍分道攻剿一面咨
 會越南官兵層層堵截務乘賊匪勢孤之時迅將東路逆氛掃蕩
 即行轉戰而西廓清夷境毋稍稍延內匪范三大陳安瀟籍隸欽
 州暗句水東左結之賊由賊中攜帶銀兩潛回原籍那天墟等處
 並在西省上思州邊境招集無賴帶赴水東見經馮子材派弁前
 往欽州大寺汛地面會同該署把總黃紹功將陳安瀟拏獲正法

惟范三大聞風免脫著瑞麟劉長佑馮子材嚴飭各該地方官文
 武會同派出員弁一體嚴密查拏務獲毋任漏網將此由五百里
 各諭令知之○庚戌諭軍機大臣等李鴻章奏遵旨籌派曹克忠
 赴陝接統銘軍各摺片曹克忠接統銘軍既據李鴻章奏尚無不
 相宜之處即著傳諭該提督迅速來京陛見所請派令辦理肅州
 一帶軍務准其專摺奏報之處著俟曹克忠陛見後再降諭旨原
 摺片均著畱中將此由四百里諭令知之○王子賞五城貧民棉
 衣銀○引見原任杭州將軍瑞昌子閒散積承得旨著以六部主
 事用○癸丑諭軍機大臣等李鶴年奏查李世忠在固始境老樓
 地方居住築成一寨附近又築四寨寨內私藏槍礮前數年曾有
 招畱張總愚之叔張特賸任柱之弟任汶及息縣巨捻張昆情事
 其鑄造小錢擅殺平民各節亦皆確實請飭英翰安速辦理以申
 國法等語國家仁育義正一秉大公李世忠既已保全於前此時
 自不能追究既往遽予刑誅如見在實有招納叛黨謀為不軌實
 據即應密速掩捕明正其罪以遏亂萌曾國藩向有遠見於李世
 忠平日行為知之最稔該革員見在舉動想該督亦必隨時查察
 豫為之防此事究應如何辦法著斟酌機宜密速覆奏張特賸任
 汶張昆等是否尚在李世忠寨中抑已逃匿他處即著英翰就近
 密查一面知照曾國藩一面據實奏聞此節為招集亡命確據必
 應切實查明以定罪狀英翰於此事亦能隨處畱心並著與曾國
 藩密慎妥商固不可有心文致亦不可稍涉疏虞此中操縱機宜
 該督撫等諒必能籌畫盡善也原摺均著鈔給閱看將此由四百
 里各密諭知之○乙卯諭內閣劉岷奏拏獲滋事首要各犯訊明
 正法一摺湖南益陽等處滋事首逆劉道美何春台二犯經劉岷

東華續錄 同治九十一

星

正法一摺湖南益陽等處滋事首逆劉道美何春台二犯經劉岷

飭屬嚴擊劉道美潛匿益陽林子口白馬寺內已革守備申大發帶領團勇馳赴該處立將劉道美擒獲其竄犯龍陽逆匪劉子訓王友瀆亦經該撫飭屬緝獲均已訊明正法何春台一犯仍著嚴緝務獲毋任漏網擊獲逆首之已革藍翎都司銜龍陽縣城守營守備申大發著開復守備原官並藍翎都司原銜以昭激勸已革益陽縣知縣黃應誥辦理既多未善被參後仍復不知愧奮著不准留營永不敘用○丙辰諭軍機大臣等成祿奏肅逆東竄官軍堵截獲勝並該逆分股出關情形一摺肅回東竄高臺撫彝一帶經成祿派兵堵截斃賊百餘人復密飭兵勇遏其歸路又斃賊數十名該逆遁歸肅巢分股出關一向西竄往安敦玉等處一由北套竄去成祿見咨綏遠城將軍檄飭各臺豫為堵禦一面飛飭關外三營相機截剿即著該提督嚴飭各軍勤加偵探遇賊即擊保東華續錄 同治九十一 吳

衛民生母稍疏懈逆股既竄向北套深慮擾及草地復肆蔓延著定安徽飭在防兵勇實力堵遏並將阿拉善旗各臺站妥籌防範毋稍疏虞張曜見駐甯夏並著分撥隊伍確探賊蹤頭截擊盡殄逆氛左宗棠仍催徐占彪迅赴肅州將該處賊巢一律掃蕩淨絕根株庶關外地方不至再遭蹂躪於大局實有神益將此由六百里諭知左宗棠定安成祿並傳諭張曜知之○論文麟景廉伊勒屯奏探聞帕夏已赴南路烏魯木齊回情反覆文麟景廉奏肅回出關滋擾情形各一摺烏魯木齊逆首馬仲如果真心向化何以於文麟等發去諭紙後久無回信及孔才行抵昌吉仍復率黨撲攻其為詭詞乞撫另蓄詭謀已無疑義文麟等務當督率各軍安籌防剿不得再行議撫致為該逆所紿前因俄入代復伊犁並有進規烏魯木齊之說諭令景廉酌帶兵勇規復烏魯木齊免落

他人後著並令左宗棠由西征糧臺內先行借撥銀十萬兩迅解景廉軍營俾應亟需見在該城回情反覆亟應迅速進剿以赴事機著景廉懷遠前旨剋日帶兵啟程節節進取將烏魯木齊及早收復庶聲威較壯鄰國不至生心於大局實有神益帕夏不在吐魯番候信速赴南路是其歸順之說殊不足信文麟等務當相機妥辦不可墮其計中如果真心投順交出城池屆時再由該大臣等奏明辦理陝回大股句結肅逆出關滋擾攻陷安西協屬之布隆吉爾橋灣各堡並攻撲安西敦煌城池雖經兵勇擊退而賊股麇集來去靡常難保不時出肆擾左宗棠前奏派徐占彪十二營前赴肅州諒早拔隊西進著飭該提督分撥隊伍相機協剿毋任該逆再行出關肆擾並將肅州防剿事宜妥為籌辦徐占彪到肅後成祿著即懷遠前旨整隊前行與景廉會台規取烏魯木齊毋東華續錄 同治九十一 吳

稍濡滯署都司張大倫謝景孝靖邊前營營弁齊振文均著先行摘去翎頂以示薄懲將此由六百里各諭令知之○丁巳以孟冬時享 太廟 上前期親詣行禮○是月豁免湖南晃州廳被擾上年民欠錢糧蠲免山東濮州等二州縣被水民借牛具籽種銀並賑荷澤等十三縣被水災民

東華續錄

同治九十二

臣王先謙敬編

臣張式恭恭校

冬十月戊午朔諭軍機大臣等張廷岳奏擊獲從逆人犯並賊匪竄擾情形一摺據獲賊供稱該匪在畢畱圖廟被官軍合圍賊勢已極窮蹙乃達爾濟輕率招降並自撤營壘縱令賊匪遠颺實屬罪無可逭達爾濟前已降旨摘去頂帶著即革職擊問交奎昌多布沁札木楚杜嘎爾將該革員貽誤情形嚴行審訊定擬具奏該犯韓會林等三名著張廷岳阿爾塔什達解赴烏里雅蘇台交該署將軍等歸案審訊並將該犯等原供一併鈔送奎昌等覈辦達爾濟所部官兵即著杜嘎爾另派妥員管帶以資得力阿畢爾米特遊牧邊界及巴勒達爾多爾濟遊牧邊界均有賊匪竄擾見在

東華續錄

同治九十二

該逆已竄過因爾板賽堪地方齊默特多爾濟伯克瓦齊爾業已追剿無及逆蹤飄忽靡常難保不復圖回竄著張廷岳阿爾塔什達督飭各軍妥籌防剿杜嘎爾務當偵賊所向實力掃蕩迅殄逆氛將此由六百里各諭令知之○諭文麟景廉奏肅州回匪撲進安西州城立時擊退並賊擾敦煌縣境各摺片肅州回逆屢竄出關七月初二日撲入安西州城當經該城文武及駐防該處之提督張玉春等督率弁勇登時擊退該地方文武員弁雖屬疏於防範尚能將賊眾立時擊退力保危城均著免其議處提督張玉春副將柳致勝協守出力均著交部議敘其餘出力員弁著准其查明酌保毋許冒濫該逆雖經東竄難保不去而復來著文麟景廉督飭該城文武實力防剿以杜窺伺其竄擾敦煌之賊經李天和等於秦安坊地方擊敗該縣四鄉被賊蹂躪情形可憫著文麟等

妥為撫恤毋使失所並著飭令在防官軍遇有賊蹤竄近迅速堵剿力遏狂氛見在賊匪紛擾關外安敦玉等處均形喫緊若不速籌掃蕩恐哈密後路漸致梗阻成祿一軍本應出關著即先派數營前赴嘉峪關扼紮以防賊匪出竄之路一面飭令關外三營隨時截剿力保完區徐占彪一軍計已由蘭州拔隊西進著左宗棠催令迅赴肅州將該處賊股力籌剿辦毋任紛竄成祿於徐占彪抵肅後即當統率所部出關相機前進毋稍濡滯本日據張廷岳等奏甘省回匪時由肅州一帶出邊竄擾圖撲庫倫等語成祿於肅州一帶要隘設法堵截並著左宗棠飭令徐占彪到防後分撥兵勇妥為布置以免賊匪出竄邊外益滋蔓延將此由六百里各諭令知之○命曹克忠接統劉銘傳軍赴肅州防剿○予土魯番陣亡署同知許清貴祭葬世職○己未諭軍機大臣等文頌奏籌

東華續錄

同治九十二

辦沙山子民團事宜一摺沙山子團紳趙興體派隊在瑪納斯呼圖壁交界地方截擊烏魯木齊援賊尙屬得手該處民戶聚積日多自應妥為拊循以壯聲勢仍著文頌隨時酌度情形妥為籌辦千總李昶遇賊受傷曾否就痊文頌已派都司札拉豐阿等帶兵前往布倫托海查看情形筆帖式文齡接辦李昶諸事如果相宜即著賞給五品頂帶俄人行至察罕鄂博折回聲言秋涼再由西進著文頌飭令趙興體等豫為籌畫稟商辦理榮全業已啟程前赴伊犁帶兵無多所有後路解餉及轉運事宜著奎昌多布沁札木楚文頌檄遵前旨妥速籌辦毋稍推諉沙山子等處未運糧石即著文頌飭令委員等提存貞義堡內以備榮全後路接濟前經疊諭杜嘎爾抽調馬隊一千名令吉爾洪額訥蘇肯帶赴榮全軍營著該副都統迅速飭令啟程毋再延緩將此由六百里各諭令

知之○庚申諭軍機大臣等恭親王呈遞巴揚阿稟函內稱湖南益陽龍陽匪徒已散道州土匪尚有一二千人風聞武岡州有六月初旬被圍之說至龍陽之變實由該邑鄉紳陳少海恃與巡撫劉峴之子爲親家倚勢貪功草菅人命誣殺團首劉秀芝遂致激成數端陳少海全家被害帶兵道員李光燦副將陶藻參將羊瀛均未捕獲一人羊瀛一軍尤甚於賊鄉人切齒見聞著名匪首施玉聚眾四五百人在武岡山內竊藏又洞庭西湖巷內有大頭目劉鴻怡原係湖北候補縣丞秉官爲寇湖南州縣賢否不齊或辦案稍有枉縱該匪等即藉口滋事請據稟轉奏派員查辦等語湖南散勇會匪徧地皆是該處有司專以敷衍了事養癰貽患深切隱憂著派李瀚章馳驛前赴湖南將該省文武各官粉飾貽誤各情確切查明據實參奏毋得以奏報肅清在前稍有回護其整飭

東華續錄

同治九十二

三

吏治保衛地方各事宜亦著詳悉熟籌奏明辦理再巴揚阿又稱夥匪內見有偽天王東王西王南王北王名號並肆用從前洪秀泉偽記等語並著李瀚章嚴密訪查如果實有其事即應迅速派兵掩捕盡法懲治以遏亂萌原稟著鈔給閱看將此由五百里諭令知之○諭巴揚阿遞寄恭親王稟函詳述湖南會匪情形業據恭親王呈覽已派李瀚章前往查辦矣地方公事專歸該省督撫具奏若此事關繫重大非尋常地方公事可比該將軍有奏事之責本可據摺奏聞無所用其顧忌嗣後遇有此等緊要事件即著隨時據實奏聞將此諭令知之○辛酉諭軍機大臣等杜嘎爾奏追剿潰匪殄除淨盡一摺潰匪竄踞公阿畢爾米特旗遊牧地方經福珠哩等帶隊馳勦於賽堪阿林之北那林渾第等處將賊匪四百餘名悉數殄除賊首圭堆老四亦經殺斃其馬受王大漢屍

東華續錄 同治九二

老五等是否一併擒斬仍著杜嘎爾詳悉具奏昨據張廷岳等奏稱阿畢爾米特遊牧邊界及巴勒達爾多爾濟遊牧邊界均有賊匪竄擾見在已竄過固爾板賽堪地方是逆蹤飄忽靡常難保不肆行紛竄杜嘎爾見飭各隊在札達噶圖地方駐紮並派員在固爾板賽堪及翁音河等處偵探賊蹤仍著認真探防遇賊即擊毋稍鬆懈昨有旨將達爾濟革職拏問其所部官兵諭令該副都統派員管帶即著遴派妥員接統以資得力庫倫防務緊要張廷岳阿爾塔什達仍當就見有兵力嚴密防勦迅掃逆氛將此由六百里各諭令知之○壬戌賜丁錦堂等九十二人武進士及第出身有差○癸亥賞通州王恕園等處賑米六百石○允戶部議由部庫借撥黑龍江俸餉銀五萬兩並諭直隸等省速解黑龍江積欠俸餉暨整裝銀兩○甲子諭軍機大臣等劉長佑奏查明粵西大

東華續錄

同治九十二

四

概情形見籌整頓等語粵西近年以來吏治軍政廢弛已極以致伏莽未除強團不法劉長佑見擬將邊關內外各軍由馮子材整飭調遣此外各營擇得力道府數員分帶任以勦捕之事藉察廉能並於調撥時量加裁併所籌甚是即著照所擬辦理惟慎選賢能道府督率廉能牧令隨時隨事加意整頓實力奉行不可徒託空言致負委任藤縣永安股匪前已諭令劉長佑等剋日殄滅著即嚴飭盧殿清等認真勦捕務絕根株毋任蔓延爲患南太泗鎮等府距省較遠更易藏奸尤當次第廓清掃除餘孽以靖地方至該省兵力半駐越南邊境內地本不免空虛著馮子材迅將鄧建新等股及早殲除以綏藩服並可騰出兵力會商劉長佑擇要布置綏靖疆圉將此由四百里各諭令知之○乙丑諭軍機大臣等本日有旨將劉峴開缺另候簡用令王文韶署理湖南巡撫吳

四六一

元炳署理湖南布政使矣劉崐見有應行查辦之案著李瀚章傳知該前撫仍在湖南聽候查辦俟此案奏結後再候諭旨王文韶吳元炳署理撫藩各篆能否勝任並著該督隨時察看據實具奏將此諭令知之○諭奎昌多布沁札木楚奏抽撥官兵赴臺堵剿慶春奏籌辦臺站事宜各一摺奎昌等以畢雷圖廟被圍之賊詐降逃遁恐南路一帶臺站為賊所擾見派棍噶札勒參帶兵前赴哈爾尼敦翁音河適中等臺擇要駐紮保護糧道即著督飭該呼圖克圖實力防守毋稍疏虞前據杜嘎爾奏福珠哩等軍在那林渾第地方將潰匪兩股剿除淨盡賊首圭堆老四等亦經殲斃當經諭令該副都統認真探防遇賊即擊見在翁音河等處有無另股賊蹤仍著杜嘎爾嚴飭所部確實偵探相機進剿毋稍疏虞烏城兵力本單棍噶札勒參見紮哈爾尼敦一帶總以力顧後路為

東華續錄 同治九十二年 五

要毋得貪功輕進致烏城空虛或有疏失庫倫防兵糧石慶春見飭管臺參領等將喀喇沁臺站壅滯軍糧設法催運並令迎提軍糧差官洪富等赴臺督運即著檄飭在事各員迅速辦理源源運解毋稍稽遲額勒和布到京見在請假一月俟假期屆滿即飭該都統馳赴新任所有臺站分段責成事宜仍著慶春趕緊籌畫奏明舉辦不得以接替有人稍涉推諉並著奎昌多布沁札木楚懷遵九月十九月初一日諭旨將邊外臺站如何分段整飭之處詳慎籌辦迅速奏聞將此由六百里各諭令知之○以何廷謙為內閣學士由唐王森為左副都御史○命劉崐開缺由翰林院侍講另候簡用以王文韶署湖南巡撫吳元炳署湖南布政使由翰林院侍講○辛未榮壽公主額駙志端病故賞銀一千兩治喪○壬申諭

軍機大臣等景廉奏遵旨籌畫進兵一摺景廉奉命進規烏魯木齊見已撤調駐紮安西等處步隊三營交提督張玉春統帶由巴里坤向西進發並咨調巴里坤綠營官兵三百名隨同進攻統計兵勇三千有餘防剿兼籌實屬不敷分布景廉已會商文麟飭令孔才馳赴西路調齊鎮西定西等營暨奇古一帶兵勇聽候調遣即著酌度情形妥為駕馭以資得力成祿即懷遵前旨迅統所部克期出關不准再涉遲延景廉軍餉前已由西征糧臺借撥銀十萬兩並催令四川等省將月協專協等款歸數籌解著戶部再籌撥銀十萬兩解至察哈爾由景廉派員迎提應用慶春當派員護解催趨前進以期迅速此項餉銀到尙需時准景廉先於烏科兩城各借撥銀二萬兩著金順奎昌多布沁札木楚常順文碩照數發交該委員運解回營俟部撥餉銀解到即行扣還景廉見需健

東華續錄 同治九十二年 六

駝六百隻牛二百頭羊二千隻著文碩飭屬於烏梁海等處代為購買此項價值即由借撥餉銀內提出發給至軍行糧道最關緊要景廉見擬派員分赴巴里坤奇臺古城一帶查看採辦軍糧必須寬為籌備以供支放著伊勒屯文麟隨時照料毋稍膜視景廉迅將諸事布置妥協刻即督隊西行力圖規復毋誤機宜安敦玉等處險要著文麟撥兵填紮嚴密防守不可稍涉大意關外軍情緊急烏里雅蘇台又時虞賊匪回竄著金順迅即馳赴新任將防勤事宜悉心布置以副委任另片奏請調員差委及分撥馬隊等語榮全軍營前已將富和等十員發往足敷差委本日有旨將景廉簡放烏魯木齊都統哈密幫辦大臣令錫綸補授並令赴景廉軍營隨同辦事矣穆圖善如能分撥吉林黑龍江馬隊二三百名歸景廉調遣即著檄令兼程出關以資攻剿其請撥洋槍軍火已

諭令李鴻章等籌解矣將此由六百里各諭令知之○諭據景廉奏遵旨籌畫進兵一摺景廉進規烏魯木齊因哈密僅有馬步隊三營將後路駐防三營調赴哈密由巴里坤向西進發其安西敦煌兩處即由文麟分兵駐紮以資防守安敦玉等處為巴哈東路聲援見在屢被肅回竄擾茲又將駐防三營拔赴前敵文麟亦未必有兵可撥後路益形空虛殊屬可慮本日已諭令成祿剋日帶兵出關以資厚集第念肅州一帶必須有兵填紮方足截回氛之西竄壯關外之聲威著左宗棠檄遵疊次諭旨檄催徐占彪一軍迅赴肅州將該處賊股力籌剿辦毋任紛竄烏魯木齊為逆回老巢醜類甚眾阜康亦為賊踞勢成犄角景廉所部僅三千人益以成祿一軍兵力仍形單薄必須另添勁旅扼紮關外庶可聯絡聲勢前經諭令曹克忠接統劉銘傳所部准軍拔赴肅州將來此軍

東華續錄

同治九十二

七

抵肅若令徐占彪率隊出關分紮安敦玉等處足為景廉等後勁並著左宗棠斟酌情形豫為籌畫毋誤事機景廉等軍餉前據袁保恆奏先撥銀六萬兩派提督李炳勳等領解赴哈等語此時行抵何處著左宗棠嚴飭該提督等迅速西行並令沿途員弁妥為護送俾得早抵哈密以利師行其餘四萬兩並著該督飭令西征糧臺迅速續撥解往毋稍稽遲將此由六百里諭令知之○癸酉諭軍機大臣等劉崑奏官軍攻克螃蟹老巢見飭進剿清江南北兩岸一摺援黔各軍自剿除雷公山苗巢後該逆即收眾聚糧屯踞螃蟹分占麥哨等處負隅抗拒提督龔繼昌等分路進攻疊平逆寨併力攻克螃蟹老巢惟清江南北兩岸尚有亂苗占踞見已飭龔繼昌等先將丹江西南黃茅嶺開懷兩路底定由凱里前進掃除麻凱逆氛進圍北岸之黃飄等處再由清平蕩滌北岸劉崑

前已有旨諭令另候簡用即著王文韶督飭各軍節節進剿實力掃蕩並著曾璧光周達武嚴飭黔軍隨時與楚師聯絡會合兜剿以期迅速逆氛肅清黔境將此由五百里諭知曾璧光並傳諭周達武王文韶知之○子貴州陣亡遊擊向信玉等祭葬世職○丙子諭金順簡汰兵勇迅赴烏里雅蘇台將軍任○丁丑諭何璟等撥山西應解京餉銀十萬兩充景廉軍餉○添設吉林三姓佐領一驍騎校二領催前鋒各五名披甲一百二十五名裁西丹三百名○戊寅諭軍機大臣等奎昌等奏官軍剿匪獲勝生擒逆眾各摺片據稱達爾濟帶隊於九月初九日在喀雅喀喇烏蘇地方剿匪獲勝逸賊約僅百名此股殘匪見竄何處音河一帶是否尚有另股竄踞前據杜嘎爾奏奎昌堆老四業經殺斃茲據賊供該逆向南山逃竄著奎昌多布沁札木楚探明賊蹤嚴密設防以遏奔

東華續錄

同治九十二

八

突杜嘎爾當據遵疊次諭旨督率所部覘賊所向相機進剿迅掃逆氛此項賊匪皆由肅州竄出據獲賊供稱大頭目馬四久伏肅州若不擒其巢穴則該逆首時噉匪黨出關為害伊於胡底著左宗棠檄催徐占彪趕赴肅州認真搜捕務將馬四老巢迅速攻毀毋任逆首稽誅致令蔓延為患成祿如尚未西進亦著督率將士協同搜捕以絕根株達爾濟前因輕率招降縱賊遠颺業經降旨革職擊問著奎昌多布沁札木楚杜嘎爾仍遵前旨將該革員貽誤情形嚴行審訊定擬具奏達爾濟所部官兵杜嘎爾擬派何員管帶並著該副都統一併具奏榮全前赴伊犁帶兵僅一百餘名甚形單弱著杜嘎爾迅飭吉爾洪額訥蘇肯統帶吉林黑龍江官兵各五百名剋日前往聽候榮全調遣該二員啟程日期即著迅速具奏毋再推諉遷延儻榮全因兵力不敷貽誤事機恐杜嘎爾

不能當此重咎也將此由六百里各諭令知之○諭劉長佑馮子材奏會籌越南軍務劉長佑奏接奉諭旨縷陳下情並檢獲藤縣賊首各摺片越南匪首蘇懶漢等雖聲稱投誠仍復心懷反側自應乘其窮蹙悉力殲除以絕後患著劉長佑馮子材督飭派出各軍迅將海陽太原一帶匪眾悉數掃蕩匪首蘇懶漢等務須設法擒獲毋任漏網其河陽興化等處距邊較遠自不宜窮兵深入轉致邊圍空虛該撫等當傳知該國王自行攻剿以清餘孽儻該匪竄近邊境仍當隨時派軍協剿毋稍膜視藤縣所屬之峯門等處久為賊藪經官軍進剿將滿村金屯匪巢先後攻克並擒獲匪首何先體等正法辦理尙妥所有在事出力員弁團紳著劉長佑擇尤附案請獎以示鼓勵仍著督飭副將陳培桂等將永藤交界逸匪接捕淨盡一面妥籌善後綏靖地方革生梁汝弼聚眾逞兇罔

東華續錄 同治九十二年 九

知法紀亦當嚴行懲辦以儆效尤永甯州四十八峒之逃匪伍瓊等竄往柳城余家上雷等村結黨滋擾著飭令遊擊黃興仁等迅速剿辦務絕根株劉長佑所陳為官吏除積習為地方圖久安務當振刷精神實力籌辦用副委任至所稱從前楚軍營員流寓楚省者尙不乏人恐有招搖等事該撫但當隨時查察有犯必懲毋庸臆慮過慮也前因馮子材等奏進剿越南賊匪奪獲象隻擬挑選進呈當照所請准其挑選數隻解京第念越南貢象甫經到京若再將象隻進呈道遠跋涉恐沿途州縣供應不無擾累所有此項象隻著馮子材發給夷官領還毋庸解京將此由四百里各諭令知之○庚辰丁寶楨因病賞假以文彬署山東巡撫由布政使署○辛巳張之萬開缺養親仍以文煜兼署閩浙總督由福州○追子湖北陣亡知縣姚國振於麻城建祠○癸未諭內閣伊犁自同治

五年失守逆回盤踞淪陷數年該處官弁軍民人等身陷賊中本有應得之罪惟念當時回氛猖獗該官弁軍民人等被其偪脅未能自拔尙屬情有可原朝廷惠愛黎元務從寬大所有從前在伊城被陷之官弁軍民人等均著加恩免其治罪並著署伊犁將軍榮全徧行宣示寬其既往之愆予以自新之路該官弁軍民人等務各激發天良共保地方毋任回匪再行窺伺至該處人眾顛沛流離情形困苦殊堪廬念並著該署將軍妥為撫恤毋令失所用副朝廷惻隱小民至意○諭軍機大臣等榮全奏探道西進布置後路機宜並請飭催杜嘎爾迅撥馬隊杜嘎爾奏籌辦調往伊犁各隊並派員接統達爾濟所部官軍暨擒獲賊供情形各摺片榮全見已行抵科布多所屬札哈沁之沙札蓋臺所有籌辦駝馬及雷備後路接濟均尙周妥惟從此西進天氣嚴寒程途荒僻殊深廬念榮全勇於任事不避艱險甚屬可嘉著即激勵官兵探道前進早抵伊犁妥為經理其後路轉運各事宜仍著奎昌多布沁札木楚常順文碩妥速籌辦不得稍有貽誤索倫官兵遠在葦塘子流離日久緩急難恃自非得力勁旅不足以壯聲威杜嘎爾見已令吉爾洪額訥蘇肯整隊啟程並因應放餉銀咨商慶春先由部撥榮全軍餉內截留銀五萬交口北道辦理月餉下餘解營趕辦各項自因移緩就急起見著慶春即行撥給應用並著奎昌多布沁札木楚於烏城餉銀內提撥五萬兩解交榮全以抵截留之款杜嘎爾務當飭令吉爾洪額等迅速拔隊前進毋稍遲緩經過烏科臺站應備各項並著奎昌等豫為籌備毋致沿途阻滯是為至要杜嘎爾請撥鍋帳五百分本日已諭令工部照數撥給該副都統趕緊派員領取以資應用並將該副都統所部各營見有鍋帳

東華續錄 同治九十二年 十

先行湊齊飭吉爾洪額訥蘇肯迅速西進不得藉詞耽延達爾濟所帶之隊杜嘎爾擬派參領貢果爾接統並先令營總翰克巴雅爾台暫行管帶著即飭令貢果爾星速前往統帶察哈爾官兵在翁音河一帶扼紮防守期與烏庫兩城聲勢聯絡刻下敗殘餘匪竄往何處據獲賊任發汶供稱賊首馬受等是否被殺並未確知等語仍著杜嘎爾查明具奏一面確探賊蹤認真追剿迅掃逆氛所有任發汶供詞並著咨送奎昌等覈辦記名副都統成山侍衛永德業已到營杜嘎爾當督同該員等將所帶隊伍相機布置協力防剿毋誤事機榮全另摺奏保經理臺站採辦駝隻尤為出力各員已照請獎勵其餘正臺幫臺出力人員並著奎昌多布沁札木楚常順文碩侯西進大兵過境後查明分別請獎榮全又奏接據伊犁被難官員來稟情形本日已明降諭旨將該官弁等免其東華續錄 同治九十二年 十一

治罪並令榮全妥為撫恤矣該處官民感戴國恩其志可嘉所有各營官員著仍以原職分管各眾並准以喀爾莽阿暫署錫伯營領隊圖記各營事務即責令一體照料仍著榮全到伊後察看情形多方激勸以固人心而維大局將此由六百里各諭令知之○是月蜀綏山西薩拉齊等五廳縣被水新舊額賦並賑徐溝平遙二縣貧民一月口糧

十一月丁亥朔飭山西陝西迅解金順營餉○已丑諭各省督撫密保堪勝藩臬道府人員○諭理藩院嚴飭錫林郭勒等盟長支應臺站駝馬○以李鶴年為閩浙總督錢鼎銘為河南巡撫孫觀為直隸布政使李文敏為廣東按察使由直隸大順廣道遷○癸巳左宗棠奏八月二十一日令提督傅先宗楊世俊將造成船隻於狄道先架浮橋緣狄道對岸地勢寬坦又北距賊巢向隔山溝數重非若

三甲集岸峻瀆急又正對賊巢為賊所必爭也二十二日傅先宗楊世俊各督所部臨河放船牽纜橫渡船甫抵岸即派營過河築壘二十三十四日橋工成二十六日傅先宗飭提督彭國忠四營渡洮營於西坪二十七日楊世俊飭提督張仲春以宗岳四營渡洮營於三義河飭遊擊何建威以四營渡洮營於陳家坪山頂每官軍渡洮結壘賊時以零騎數十或百餘往來窺伺然一擊便走不肯戀戰也唯陳家坪山巔立營時賊以其與三甲集巢穴漸近二十八九日亦於黑山頭築四壘七卡守之又於大坪山紅莊連築數壘與黑山頭賊壘互相聯絡其高家集胭脂山亦皆添築賊壘以防狄道官軍九月二十二日賊糾高家集各股分撲官軍營盤均經擊退敗賊二百餘名是夜四更有賊千餘潛襲彭國忠營彭國忠謂知之先伏精銳於營盤左右山溝賊至伏發斃賊多名十東華續錄 同治九十二年 十一

八日傅先宗楊世俊會攻高家集傅先宗率所部由西平以進楊世俊率所部由西平山梁進何建威率所部由楊家嶺進立將當路十數卡一律踏平賊皆望風遺逸師抵楊家嶺西邊黑山頭賊壘出賊來援總兵敖天印擊走之乘勝破紅莊賊營一座十九日仍分三路疾進卒整隊分行馬隊分左右鈔擊立將高家集八營一律踏毀敗賊縮退高家集大堡傅先宗楊世俊令步軍合圍堡賊以馬隊遮隔援賊甫將大堡外木柵拔毀參將廖嵩鼓勇先登中賊殞命將士憤甚四面蹂附而上立克高家集大堡分兵平毀新集子壘平川吉家山各莊堡計兩日內殺賊二千餘名生擒馬玉等二十一名軍前正法其紅山各賊壘亦次第攻破二十六日楊世俊攻馬家集克之斃執紅旗紅衣賊目一名餘賊鮮得脫者遂向草灘前進行至中途瞥見賊騎一起從西馳至即設伏截

之擒騎賊十餘名而奪其馬餘賊驚覺突圍竄去訊之生擒逆賊供稱竄去者爲甯河賊目馬五馬沅亮及悍黨數十名楊世俊率所部策馬疾追立將馬五馬沅亮及餘逆悉數生擒而還馬五因傷重不肯行已於軍前正法檻送馬沅亮來安定 臣宗棠親提訊鞫馬沅亮供係本名馬格力布卽上年狄道陣擒巨目綽號張飛之弟在甯河充阿渾管回眾二千餘此次因探封臺消息被擒比經斬決梟示方傳先宗楊世俊兩軍之架橋渡洮也 臣等會商狄河逆回悍黨盡踞三甲集太子寺大東鄉固宜設法渡洮痛剿然不先由狄道出師牽制賊勢令賊備多力分既非先其易者後其節目之義且其時雨雪連旬洮河旋消旋漲康家巖近岸之處洲渚縱橫猶可覓水而過然正涵埽西岸邊家灣鄧家灣而下水面雖僅數丈深可滅頂人馬不能踰越且康家巖對岸山腳直插洮

東華續錄

同治九十二

三

濱卽得達彼岸亦無列隊之處賊又於岸邊掘壕數道伏匿其中開槍抵拒勇士爭渡不得往往被傷實爲非策擬俟洮流漸落再議架橋而諸軍急於赴戰必欲力爲其難八月二十八日提督徐文秀劉明燈親赴狄道接取新造船纜順流而下駛過鄧家灣賊壘副將喻友才參將殷德益爲槍子所中登時殞命幸各營隔岸競開劈山廠將船纜搶護提歸東岸得免損失斃賊亦多九月初一日皂水衝渡攻集隔岸廠臺弁勇淹死者三十餘名受槍廠傷者十餘名適 臣宗棠派營務處前福建布政使王德榜道員朱明亮帶親兵兩哨察看形勢到康家巖列隊助剿開洋槍測准轟擊斃賊約二百名賊復由皮船分渡巖上下游及沙泥站等處圖劫運道初七日徐文秀率隊擊之值賊由洪濟橋渡過沙泥徐文秀調各營劈山廠轟之擊沈賊船一隻斃賊多名十一日徐文秀劉

明燈見水勢稍退議輓纜牽船搶過河灘築壘賊出大股排列河干徐文秀等見賊勢團聚連施開花大礮斃賊極多並開放螺絲後膛大礮轟坍對岸礮臺一座賊紛紛駭竄軍士撥船牽纜乘勢急進卒以水深湍急不能徑渡廢然而返十七日賊由上游柳林溝口偷渡經總兵黃宏藻擊退擒斬多名副將眭金城被賊飛子洞穿左脅登時殞命二十三日總兵楊芳桂赴蘭州運糧回營所部參將楊其昌率步隊百餘由沙隴迎護中途遇伏力戰陣亡弁丁從死者七十餘名徐文秀劉明燈所部遊擊邊得貴參將楊正茂擊賊新田鋪劉明燈率馬隊襲賊鄧家灣東均獲小勝徐文秀因水勢漸落船橋終不能成憤甚稟請由狄道過浮橋從黑山頭橫擣三甲集 臣宗棠深韙其議然康家巖對岸及沙泥站以下一帶洮西渡船約二十餘隻皮船更多不勝數皆賊有也官軍繞狄

東華續錄

同治九十二

四

道浮橋以登彼岸雖勝算可操然黑山一帶賊壘林立官軍踰溝數重仰攻已難設師期稍滯而賊乘船競薄東岸雷防兵力已單尤非妥策因飭暫輟此行飭王德榜朱明亮率 臣營親兵千餘名益以提督陳廣發副將凌春臺步隊兩營提督陶生林馬隊一營於距康巖六十里站灘間道過狄道浮橋以趨八羊溝並飭調楊世俊宗岳數營以厚兵力飭傅先宗率所部力攻黑山頭以掣賊勢飭劉明燈豫備柳林溝架橋飭徐文秀豫備康家巖架橋如見王德榜師出八羊溝則列隊東巖以待二十九日王德榜率數十騎由站灘先行過楓樹灣突有回逆自叢薄間衝出刺傷數人下馬王德榜測準發槍連殲二賊正相持聞大隊馳至賊始駭逸旋派隊按山擒斬三十餘賊十月初一日王德榜朱明亮由狄道過浮橋楊世俊調宗岳軍親率馬隊同進連日審看地勢見黑山頭

賊壘憑高俯瞰官軍仰攻非便惟石鼓墩與黑山頭共一山梁官軍立壘於此據賊之中則左掃黑山右掃邊灣均為得勢初五日五鼓潛師夜起王德榜楊世俊派宗岳營總兵高登玉親兵營總兵鄧榮付副將余起立各率所部上石鼓墩搶紮兩壘適值風霧四塞賊不辨官軍多少未敢徑前撲犯比壘成霧散賊以大股來撲官軍憑牆轟擊斃賊無算黎明賊以一股圍撲石鼓墩營一股踞山腰徐文秀等於隔岸遙見官軍已到石鼓墩乃即列隊架橋搶渡山腰之賊飛赴邊家灣堡助守王德榜揮隊截之其圍攻石鼓墩營之賊見勢不支亦撤圍來援官軍分途縱擊勇氣百倍朱明亮怒馬衝鋒手刃三賊陶生林繼之高登玉鄧榮佳余起立從石鼓墩山壓下合攻邊家灣賊壘破之徐文秀劉明燈揮所部搶過西岸立成三壘隨隊助斃賊無數初七日傅先宗率所部由東華續錄 同治九十一 五

石鼓墩進攻黑山頭各壘王德榜分宗岳兩營及親兵兩哨助之而自率親兵八哨及陳廣發凌春臺陶生林等營會同徐文秀攻鄧家灣三甲集賊眾見鄧家灣被圍急喊悍黨萬餘由山梁紛馳來援王德榜朱明亮徐文秀劉明燈一面分禦援賊一面緊攻賊賊槍斃刀矛層遞轟刺鏖戰兩時許賊屍山積立將鄧家灣賊壘攻破援賊敗潰不可止馬隊沿岸掃蕩步隊上山躡追愈戰愈奮遂將三甲集鄧家灣附近各村堡一律破除擒匪供稱逆目謝頭號王海發均斃於陣傅先宗攻黑山頭之軍探悉該逆緣岡結壘懸巨二十餘座其西南又與新路坡紅馬家賊巢相連既須仰攻尤防牽制因飭王德勝設伏蓮花山邊新路坡等處援賊飭何建威率所部攻黑山中梁為中路彭國忠率所部繞八羊溝出黑山之南攻其前敖天印張德勝率所部攜鋤鐵循樵徑出黑山之北

襲其後自率所部為中前路援應其石鼓墩赴黑山頭之路為匪掘斷峻削難登又守以堅壘惟飭石鼓墩兩營作進攻之勢以綴其力部署後銜枚各發四更時中前兩路皆抵賊壘槍礮雷轟賊死拒歷兩時許何建威拔幟先登破其第一卡守賊墜壕鼠竄彭國忠朱運廣亦督隊猛進繼破左右兩卡各壘之賊以黑夜未出天明均悉銳來援傅先宗揮隊衝突正酣戰開敖天印已攀藤緣燈從山後壓下賊咸驚愕傅先宗突入賊陣手刃悍逆二名賊慌亂不及入卡四散奔潰各營風馳電掃立將黑山頭表延數十里大小賊壘悉數削平陣斬匪黨五百餘名其新路坡之賊聞黑山頭礮聲於卯刻由蓮花山後擁至王得勝伺其偏近由山腰截出賊遇伏氣奪王得勝率隊繞前擊之賊敗奔返巢擒斬亦眾初八日傅先宗留彭國忠所部兩營並建字兩營分紮黑山要隘自率東華續錄 同治九十一 六

所部緣黑山後嶺槍上三甲集南山巔立營購得黑山賊屯紮八甲口之內調馬隊向王家坪一帶沿河搜剿各村出馬步四千餘結陣負嶠提督丁桂智總兵王銘忠分兩路包鈔賊分隊以應敖天印率隊由山巔壓下賊腹背受敵奪路分逃馬步各隊立將三甲集以西村寨土堡掃蕩無遺王德榜初七日破賊後紮黑山迤南三甲集之前傅先宗因紮三甲集後以相犄角徐文秀劉明燈亦於初八日將康家巖浮橋搭成劉明燈駐守徐文秀接紮趙家地聲勢均已聯絡惟楊世俊一軍因胭脂三川油油溝等處尚有賊壘於初七日五鼓率所部分三路進剿賊憑壘死守各弁勇填溝銳進立破賊壘三座殺賊三百餘名生擒九名棄壘逃者為馬隊所覺越山狂竄撤隊後接王德榜函會以鄧家灣黑山頭皆經得手惟三甲集巨巢未下遂於初八日率馬隊翻山南下與各

軍合沿途截殺賊多名初九日會攻三甲集王德榜朱明亮率所部出其前宗岳軍繼之楊世俊率馬隊沿河順川而進楊芳桂及楊正茂繼之徐文秀率所部及尤成章橫埽而前沈玉遂督果軍繼之傅先宗所部據山俯擊兼瞭邊援賊劉明燈所部於水家溝沿河截剿黎明各路以次進逼逆首馬占釐初猶登牆賊黨防守槍礮如雨繼以木石各軍冒險殲升前者墜後者繼自卯迄未周麾而登馬占釐雜敗賊中奪門向八甲口而逃各軍分攻康家口陽挂各大小堡卡十餘所破之共斃賊二千餘名生擒百七十四名官軍亦有傷亡初十日徐文秀移紮三甲集餘軍分扼要隘十二日各軍攻破張家坪堡及大貝坪甘坪紅莊張家灣各堡十三日劉明燈朱明亮攻破鮑家莊大坪等堡十四十五等日諸軍進大東鄉口攻剿各賊巢擒斬均多惟據各路馳報其戰事詳東華續錄 同治九十二年 七

細情形應俟續奏竊維狄道河州夙為回眾萃聚之所土著漢民不過十之二三回民恃其族大丁多習為盜賊漢民之弱者供其役使謂之從教之戶其稍強不甘從教而勢力不敵往往失業為匪游掠地方所謂黑頭勇者是也又一種撒拉回民居河洮西甯之間別為風氣亦以剽掠為業百餘年來不受官司約束與河湟諸回互相勾結承平無事時燕齊皖豫響馬劇盜多出其中此固不獨甘肅應除之賊 宗棠初到安定河州諸賊日紛紛上稟求降而於繳馬械求安插諸務獨不一及比知其未受痛創賊心未死遂飭諸軍渡洮進剿茲幸連奪要隘扼賊之吭斬馘共萬餘計足寒賊膽而快人心察看賊勢由三甲集以西至太子寺雖賊壘林立而其眷屬死黨均盡聚大東鄉一隅大東鄉在三甲集太子寺北周百餘里山巒層疊路徑狹險賊以重利啖撒拉逆回誘其

助拒官軍非剋期數路冒險排進節節埽除不能確操勝算見已密飭傅先宗楊世俊先攻七甲集各壘卡直搗太子寺雷兵守之乃同攻大東鄉與諸軍分道並進應可擊賊勢而速戎機又奏提督楊世俊張仲春在秦州等處剿賊獲勝情形馳報在案此股竄逆經官軍擊敗後復分擾成禮西和一帶雖經提督殷華廷田連考暨副將王聲揚等分投截擊疊有斬擒而山谷叢錯道路分歧賊竄伏其間時出肆掠當經 臣 飭殷華廷暨管帶安左營副將張養吾分撥所部扼紮徽縣西南三十里之富家鎮以防西成竄賊而顧徽兩運道九月二十一日殷華廷調賊由成縣之西陳家莊向祈家壩竄走恐其由黃渚關出娘娘壩擾我糧運一面函約駐秦之田連考率隊會剿一面帶所部馳赴黃渚關一帶攔頭截剿沿途探知陳家莊賊已經湯聘珍派張養吾在祈家壩二廟等處擊敗困賊於白馬寺遂星夜趨行復因山路崎嶇至成縣改騎為步二十五日抵白馬寺會商張養吾於二十七日五鼓出隊分兩路進剿黎明賊見官軍猝至不敢接戰翻山向閭家河竄出適另有股賊從西河竄來與之合賊勢漸張二十八日田連考率所部抵閭家河商同殷華廷張養吾分路進剿二十九日辰刻出隊賊方造飯未熟忽覩官軍掩至悉力抗拒相持時許田連考率所部左右盪決陣斬悍賊多名紅衣賊目一名賊眾大潰正追逐開右莊伏賊突出張養吾率隊擊之賊敗奔上山各軍分隊齊登巖上拋石如雨官軍奮勇衝殺賊眾辟易窮追三十餘里越嶺五重計殺斃轟斃跌斃之賊四五百名解散被脅難民數百人生擒回逆數十名訊明正法漏逸之賊不過百餘而已又奏據固原提督雷正綰續稱據管帶旌善營都司穆進善稟報八月初四日

第一冊 續修四庫全書 史部 編年類 四六八

突有賊竄入北山穆進善會同民團乘夜擊之斬賊多名賊敗走
三營雷正縮查係馬彥濬逆股當派左營提督陳義馳赴東山繞
前截擊親率馬隊向北路追勦副將郎永清總兵李廣珠各率馬
步繼之初十日追至毛渠井揮軍急擊陣斃悍賊二十餘名正收
隊閒忽有另股步賊從山溝衝出郎永清挺身抵拒鏖戰半時李
廣珠陳義趕到併力夾攻賊受重傷而逃十三日據參將李積慶
稟同心城附近之李家岡有馬賊百餘名竄過丁家二溝強營總
兵易元壽率隊迎勦賊至亢家灣是夜三更乘賊睡熟直前撲
入殺十數人賊驚起格拒混戰逾時賊敗潰竄投山澗計殺賊五
十餘名落巖死者不計其數官軍陣亡一名受傷十名而已據檢
賊馬五娃供首逆金明忠楊百成由河州分出欲在米包山盤踞
再竄東山等情訊畢斬之賊敗後潛與馬彥濬狗齒身二逆合股

東華續錄

同治九十二

九

賊黨復添十三日由馬房川竄環縣之二十里溝環捷營副將王
楚仁聞報恐賊內竄不及調隊即率親兵百餘人往敗賊於途乘
勝追殺六十餘里至紅德城時已初更王楚仁聞賊大隊尚在火
燄山徑往襲之賊倉卒失措紛紛鼠竄官軍尋蹤躡追殺傷過當
賊拚死回拒王楚仁身先陷敵連斃十數賊忽頭中槍子登時陣
殞弁勇憤主將之死攘臂奮呼爭先殺賊雖互有傷亡而士氣彌
厲時前路提督甘大有派左前兩營由野狐關來援賊聞追軍大
至分途四竄其竄入合水者數十人經總兵張福齊派隊會合防
勇兜擊於北谷廟岔頗有擒斬大股向靈州定邊狂竄因官軍截
勦復由靖遠打喇堡乾鹽池適中之地潛遁雷正縮派精選各營
追之二十五六等日疊有擒斬賊匪入荒山搜覓無蹤度賊不
能東趨監固必西竄會甯急派王德榜王衍慶督率親兵兩哨馬

勇一旗入山搜捕九月初十日調賊由車道嶺向好麥川竄走躡
追及之槍斃齊轟斃賊無數賊回馬抗拒我軍再接再厲賊勢不
支馬隊乘勝逐之賊紛紛墜巖而死追殺數十里不見賊蹤而還
是役計斃賊百餘我軍僅陣亡勇丁一名旋據後路提督徐文秀
報稱水泉洪濟橋夜間有賊偷渡當派馬步追捕至新店子遇賊
百餘總兵沈玉遂鄭守南分頭迎擊槍斃紅衣騎目一名殲斃步
賊數十名餘賊翻山竄去據檢賊朱二娃子供逆目馬姓由固原
一帶回竄河州巢穴當即馬彥濬也臣查馬彥濬等逆不過二百
餘騎加以金明忠楊百成一股屢入亦不過數百騎而往來飄忽
一擊即走隴北荒山廢堡極多最易藏奸然無食可掠其必竄併
河州無疑見據雷正縮魏光燾及靜甯會甯護運各防營報旬日
以來後路並無賊警而河州大東鄉一帶添有賊蹤臣已飭渡洮

東華續錄

同治九十二

辛

諸軍嚴密圍剿聚而殲旃又奏陝甘軍務自金積蕩平化平川安
插周妥後威信既明回族均有求撫不得之意蓋貪生畏死與去
危就安之情即異類亦有同然也茲據駐化平川辦理撫務之記
名道馮邦棟呈送化平川魚鱗戶口冊籍來營稟稱撫回閩興春
陳林等二十餘名據稱見得竄匿西甯之陝回崔三禹得彥白彥
虎馬五馬九兒鄒保和馬生彥馮君葵哈連金等數十人來信羨
其得所哀懇具保投誠並央其呈遞稟詞臣閱該逆等求撫之稟
詞意尙爲真切並稱如有不誠心就撫者即自行勦洗等語查崔
禹等逆見據西甯大小南川一帶距河州賊巢止一河之隔當飭
馮邦棟傳知閩興春陳林等前赴西甯密諭崔禹等如能先將眷
屬送蘭州安置一面相機扼截渡口以遏河賊出竄之路方准收
撫如更能設法直搗河巢則不但免罪且准敘功已於十八日遣

令西行矣頃又據提督楊世俊稟近因軍威不振回眾祈請收撫未便概與拒絕一起為陝回首逆楊文治之弟楊文彥八十餘戶一起為葑臺堡回目馬應林男婦三千餘口又從教漢民男婦二千餘口已飭盡繳馬械聽候安插此外乞撫者尚多臣惟驗其誠偽分別辦理 上諭軍機大臣等左宗棠穆圖善奏官軍攻破賊壘疊獲勝仗一摺覽奏欣慰此次左宗棠等督軍渡洮連戰大捷踴躍高家集等處賊堡斬馘萬餘並將三甲集巨巢攻拔軍威不振賊膽已寒辦理極為得手惟由三甲集以西至太子寺賊壘林立其眷屬死黨均聚集大東鄉負隅抗拒亟宜乘此聲威節節掃蕩左宗棠已飭令傅先宗等先攻七甲集各壘卡直擣太子寺再回攻大東鄉與諸軍分道並進調度甚合機宜著即激勵各軍剋期前進盡殄逆氛以竟全功另片奏中南兩路官軍剿賊情形亦東華續錄 同治九十二年 三

均得手見在中路平慶鹽固一帶已就肅清馬彥濫等逆竄併河州大東鄉一帶正可乘勢兜圍聚殲醜類毋令四出蔓延南路各軍已將河州竄出回股追剿殆盡尙屬出力准由左宗棠彙案擇尤保獎另片奏回目具稟投誠等語崔三禹得彥等悔罪投誠原可網開一面惟必須責令直擣河州與賊接仗立功方准收撫此中探縱機宜該大臣等務當妥為籌畫毋稍疏虞其投誠之陝回楊文彥及葑臺堡回目馬應林等應如何妥為安插之處並著察看誠偽相機辦理將此由六百里各諭令知之○予甘肅陣亡副將喻有才等祭葬世職○戊戌諭軍機大臣等張曜奏查明沿邊一帶口隘繪圖呈覽一摺據稱肅州之金塔一帶邊牆間有坍塌平番之裴家營古浪之大靖土門及甘涼南山各口均可通達邊外陝回崔三等股句串西甯肅州土回分股竄擾人數頗眾是甘

省西北一帶賊蹤出沒靡定實為沿邊之害見在大軍由三甲集等處進剿恐河州之賊勢窮紛竄西北一帶愈形喫重左宗棠務當通籌大局豫為防範前據該督奏稱陝回崔三等具稟投誠是否真心悔罪仍著察看情形妥為籌辦不可稍涉大意肅州回眾時竄玉門安西等處著檄令徐占彪抵肅後將該處防務事宜速籌布置以通出關之路阿拉善旗紅柳園等處見在有無竄匪著張曜飭令李棟珠等認真截剿以清餘孽北路沿邊口隘並著隨時偵探嚴防毋稍疏懈圖畱覽將此由五百里諭知左宗棠並傳諭張曜知之○己亥予甘肅陣亡副將施鵬殉難提督周顯承等祭葬世職○庚子申諭慶春等整頓察哈爾所屬各臺轉運事宜○辛丑諭軍機大臣等左宗棠穆圖善奏附省各營剿賊獲勝情形穆圖善奏派兵扼紮柳林溝各摺片甘肅附省一帶時有賊匪東華續錄 同治九十二年 三

鼠擾經各路防軍隨時雕剿疊有斬擒不至蔓延為患見屆嚴寒河水凍結深恐賊匪伺隙紛乘仍著左宗棠穆圖善檄飭防軍勒加偵探遇賊即擊毋得稍涉疏懈洮各營已攻克三甲集進規大東鄉該處賊悍巢堅山徑錯雜我軍深入尤宜穩慎進取方免疏失穆圖善准左宗棠知照東路空虛前敵無兵可撥因派總兵李佑清統帶三營扼紮柳林溝邊賊旁竄惟省城密邇巨寇兵力僅有六營實屬不敷分布曹克忠接統淮軍前赴肅州一帶須由蘭州省城經過如屆時河州尙未攻克即著該提督會商穆圖善或將所部分紮省城附近各隘騰出穆圖善之兵前往省外各要隘分布似於防期兩有裨益該提督當迅速拔隊啟程相機籌辦毋誤機宜省防緊要仍著穆圖善就見有兵力妥為布置務臻周密將此由六百里諭知左宗棠穆圖善並傳諭曹克忠知之○以

臺站廢弛撤科布多參贊大臣文碩任仍下部嚴議○景廉奏籌備軍糧安設臺站各事宜均如所議行○丁未諭軍機大臣等張曜奏剿辦竄匪情形一摺提督李葆琛等於九月初六等在紅沙梁井泉墩地方疊次擊賊獲勝西甯等處回匪六七百人從烏喇特旗擄掠而歸復經李葆琛等率隊剿擊逸賊遁向鎮番西南另股竄匪擾及中衛及甯夏縣屬境經張曜督隊迎剿均有斬擒剿辦尚為奮勉陝回屬集西甯大通一帶四出剽掠柳林湖素為產糧之區連年被擾見經張曜抽調兩營添紮以厚兵力即著飭令該官兵等嚴密防堵遇有賊匪竄近即行實力殲除不可稍有疏虞其甯夏一帶地方著該提督將防剿事宜隨時相機妥辦以副委任○以四川災歉停免月協餉餉○戊申陝西巡撫蔣志章卒子祭葬○以翁同爵為陝西巡撫譚鍾麟為陝西布政使前河南按察使

東華續錄 同治九十二 五

○已酉諭軍機大臣等劉長佑馮子材奏官軍攻克舊街逆巢首逆就擒一摺逆首蘇桐漢股匪屬聚廣安經瑞麟劉長佑等各派官軍協同圍剿先將舊街賊巢攻克乘勝追殺直抵海南甯蘇逆攜其養子亞鄧暨悍匪數人奔竄東興為官軍弋獲東路漸清此次出力各員准由馮子材查明存記彙案請獎蘇逆既經弋獲是否解至廣東正法仍著劉長佑等詳細具奏該逆養子亞鄧見在潛逃漏網張侍灝亦敗竄十萬山中餘黨紛紛逃回東界亟須速行搜捕悉數擒獲淨絕根株著瑞麟劉長佑馮子材分飭派出各軍實力搜擊以消邊患西路瓊北二山股匪並著劉長佑等飭令劉玉成等軍認真會剿迅殄逆氛將此由四百里各諭令知之○諭八旗嗣後外省官員有應襲雲騎尉恩騎尉世職者即奏請承襲毋庸調取引見○文煜等購米四萬石運天津備賑○壬子

予吉林陣亡記名副都統常在祭葬世職○癸丑諭軍機大臣等奎昌等奏請撥銀兩備用一摺舊駐塔爾巴哈台之厄魯特察哈爾哈薩克人丁自失遊牧以來僑居科布多接壤額爾濟斯河南之布倫托海一帶奎昌等以該遊牧舊地土脈肥饒水草茂盛較勝布倫托海不若令其仍還原處即著金順奎昌多布沁札木楚與常順保英富和文碩會同咨商責成巴彥特古斯妥為辦理該營舊設總管副總管等缺並責令巴彥特古斯就見在人員內詳加察看如有辦公勤慎才具優長者即著該將軍大臣等奏請作為實缺如其不堪勝任亦即揀選更換以資得力至舊設兵額應如何酌增領催及捕盜兵丁之處著該將軍大臣等妥籌具奏奎昌等所奏官兵廉俸餉銀請自來春為始按季支發其厄魯特等人丁仍還故土應須餉銀請賞銀一萬兩均著照所請行惟以上

東華續錄 同治九十二 五

各款均應豫為籌備以供支放著戶部撥銀二萬兩即咨照指撥省分並察哈爾都統務於來年春季掃數解至烏里雅蘇台分別動用科布多塔爾巴哈台事機緊要亟須大員前往經理常順保英富和務當星速進行迅赴新任以重責守將此由六百里各諭令知之○乙卯諭軍機大臣等文麟景廉奏玉門敦煌賊擾情形各等語肅州回逆自本年三月至六月間疊次竄擾玉門縣屬之昌馬湖赤金等處勢甚蔓延其撲犯敦煌之賊於七月間退竄後復於八月間糾集大股紛擾該縣境內情形甚為喫緊該處僅有李天和所帶健銳二營兵力較單文麟見派營官王者彥等率領馬隊百餘名前往援應著即飭令會合燉煌官兵實力堵剿迅掃狂氛玉門為關外首站逆匪出竄首當其衝該處僅有健銳一營威儀一營亦恐不敷分布文麟等務當飭令該縣文武聯絡兵團

妥籌防範其屢次擊賊出力之員弁團總人等准其查明彙案保奏該逆既有攻撲哈密之謠文麟等尤應加意防範以杜窺伺刻下關外賊氛甚熾若不遏其後路必致紛紛出竄愈無底止著成祿懍遵前旨迅派數營先行馳赴嘉峪關扼紮以資截剿仍俟徐占彪到肅卽行拔隊出關毋稍遷延並著左宗棠催令徐占彪趕緊進發卽將該員到肅日期迅速奏聞將此由六百里各諭令知之○是月蠲緩直隸開州等八十四州縣被水新舊額賦山東濟甯等七十州縣德州等四衛暨東平所被水被旱被蟲舊欠額賦雜課浙江海甯等六十五州縣杭嚴等三衛被水被旱被風被雹並未墾田畝本年額賦雜課緩徵安徽泗州等四十一州縣被旱被水被風被蟲新舊額賦雜課直隸定州等三州縣被水新舊糧租並減免差徭展緩吉林琿春等處歉收應徵倉穀

東華續錄 同治九十二年 五月

十二月丁巳諭軍機大臣等奎昌等奏土爾扈特遊牧人眾流離失所情形困苦等語土爾扈特遊牧被賊侵犯搶掠牲畜財物該遊牧人眾展轉遷徙情形極為可憫見由烏魯木齊南山移至科布多所屬之哈布塔克等處居住著常順等隨時加意撫恤毋令失所該汗布彥鄂勒哲依圖見在前往各該處收攬人眾其陸續移出者金順奎昌多布沁札木楚常順保英文碩務當設法安置以免滋生事端該汗家屬人眾流離遷移資用缺乏前由烏科兩城借過銀四千兩著卽賞給該汗毋庸在應領京俸下扣還以示體恤將此由五百里各諭令知之○飭各省撥解來年京餉暨內務府經費○戊午諭軍機大臣等曹克忠奏馳抵陝省日期請截留淮軍一摺據稱該提督於陝州靈寶潼關一帶遇淮軍隊伍聯絡東行詢係劉銘傳飭令先行拔赴徐州所留二十二營其中員

弁勇丁亦復紛紛告假不絕於途等語前令曹克忠赴陝接統淮軍當諭劉銘傳俟曹克忠抵陝後會商一切將辦理情形會同具奏其餘隊伍帶回徐州駐紮劉銘傳自應與曹克忠面商後再將隊伍分別撤留乃該提督迫不及待遽將各隊遣撤且並未先行奏明殊屬輕率見在所留各營是否一律精壯著責成劉銘傳認真挑選足額不得以疲弱充數致難得力甘肅轉運艱難曹克忠統軍前進隊伍亦不宜過多且肅州地方見有左宗棠所派提督徐占彪統帶十二營前往駐紮曹克忠抵肅後亦可聯絡布置自不必將淮軍全行截留該提督見已由西安馳赴乾州著卽與劉銘傳籌商一切接統該軍剋期西進劉銘傳前奏擬分配馬步二十營交曹克忠接統此次曹克忠摺內稱分撥二十二營因何不符之處著劉銘傳曹克忠查明具奏見在拔赴徐州之淮軍各隊

東華續錄 同治九十二年 五月

曾國藩務當督飭認真訓練將來曹克忠所統各營弁兵內如有缺額及不能得力者卽可在徐州各營內續行挑補著曾國藩李鴻章隨時咨商辦理將此由五百里諭知曾國藩李鴻章劉銘傳並傳諭曹克忠知之○諭劉嶽昭岑毓英奏官軍屢破賊壘收復夷寨一摺臨安府屬之館驛等處賊巢見經岑毓英督兵進剿已將五山夷寨收復並分勦粵兮田心日者鄉賊匪脅從各夷寨紛紛反正賊勢已孤卽著劉嶽昭岑毓英飭令何秀林等督率前敵官軍乘勝進攻先將館驛賊巢攻拔一面分兵圍剿各處賊壘以期迅速掃逆氛其反正各夷寨務當飭令各員弁會同地方官隨時稽查妥爲安撫毋令再生事端將此由五百里各諭令知之○于雲南陣亡經歷羅熙藻祭葬世職○庚申直隸豐甯土匪胡夏珠等肆擾捕獲伏誅○辛酉命刑部右侍郎常恩工部左侍郎童華

赴熱河查辦事件○壬戌改山東福山縣煙臺巡檢為繁缺臨清州王家淺巡檢為簡缺○癸亥諭軍機大臣等前因已革提督李世忠有人參奏招集叛黨謀為不軌諭令曾國藩查奏茲據奏稱李世忠居家謀利在所不免而於新築圩寨添製槍械結納亡命等情飭查並無實據等語李世忠見在既無叛逆情迹朝廷不為已甚仍著該督隨時訪察儻有不法情事即行密速具奏將此密諭知之○諭各省督撫截汰營勇酌撤釐卡○允曾國藩奏本年江北冬漕仍辦河運○予湖北殉難通判沈耀登建祠○乙丑諭內閣蘇鳳文奏廣西南甯府知府景雲前赴新任取道江北該員熟悉河務請暫留差遣等語河道事宜非軍營要務可比景雲係見任人員該漕督請暫留差遣之處與例不合所請著不准行○諭喬松年迅堵侯家林決口○添設順天府捕盜中營千總把總

東華續錄

同治九十二

毛

尚無粉飾貽誤惟於雷伯旺及藍溪搶劫殺人兩案並不明晰奏報僅於清查逸匪摺內彙奏實屬疏略劉峴著交部議處已革益陽縣知縣黃應詒擊辦會匪未能迅獲正犯僅將犯屬收禁致被匪眾劫獄陷城前已革職永不敘用著發往軍臺效力贖罪候補參將羊瀛帶練勦賊約束不嚴咎無可辭著以守備降補○加賞通州王恕園等處賑米四百石○庚午子山東陣亡提督曹萬元等祭葬世職○辛未諭戶部籌撥庫倫軍餉○予先儒張履祥從祀 文廟○癸酉諭軍機大臣等王文韶奏援黔各軍攻克賊巢見圖會合黔軍進剿一摺湖南援黔各軍自攻克嶗嶗賊巢後席賈田一軍勦辦清水南岸將黃茅嶺一帶賊巢攻破北岸鄧善燮一軍掃蕩而前進紫雲谷隴擊敗賊軍威已振亟宜乘此聲勢將清江兩岸一律掃平見在周達武前軍已抵黃平與瓊谷隴之

東華續錄

同治九十二

天

口關繫運道民生亟應及早堵塞不容稍涉遲緩文彬等已籌撥銀三十萬兩遴委委員帶赴工次會同地方官購辦料物著喬松年迅速委員馳抵東省並飭原估委員先行星夜赴東務即刻日興工於來年春漲以前辦理完竣並將淤墊運道一律疏濬毋稍延誤該河督等務當督飭在工各員實力籌辦總期工料堅實餉不虛糜以衛居民而利漕運其蘇鳳文前奏臨清建插等事宜仍著蘇鳳文喬松年丁寶楨文彬悉心會商奏明辦理將此由四百里諭知蘇鳳文喬松年丁寶楨並傳諭文彬知之○于甘肅殉難總兵官石紹文祭葬世職○丙子諭內閣前因劉銘傳奏病難速痊未能前赴肅州當經降旨賞假三箇月准其回籍調理其所部准軍即令曹克忠赴陝接統並恐兵將或不相習復諭該提督俟曹克忠抵陝後酌商妥協將辦理情形會同具奏乃據曹克忠先

東華續錄 同治九十二年 无

後陳奏該提督行抵陝州一帶即遇准軍所撤隊伍絡驛東行即所留各營其員弁勇丁亦復紛紛告假不絕於途迨抵乾州後劉銘傳各營弁勇清冊移交即日將交替情形主稟會奏劉銘傳亦即星夜遣發查新接各營疲弱缺額及領餉告假者為數甚多均須一律募補辦理實形掣肘各等語劉銘傳於軍旅重事自應恪遵諭旨與曹克忠會商妥協再將隊伍分別撤留乃竟迫不及待遽將各隊遣撤又不先行奏明且所交各營亦多疲弱缺額實屬措置乖方不顧大局前直隸提督劉銘傳著交部嚴加議處以示懲儆○諭軍機大臣等曹克忠奏接管准軍辦理掣肘情形請招募勇丁添補缺額各摺片曹克忠接統准軍會諭劉銘傳與之會商務將一切駕馭機宜籌畫妥協再行回籍原以新舊交替之際將士不習變故易生劉銘傳自應恪遵諭旨力顧大局方為不負

委任乃曹克忠行抵乾州銘軍已有遺去者得力之統領營官悉皆資遣並將精良馬械悉行運回劉銘傳僅留隨身小隊一晤而別各局早經裁撤准軍一切章程未據交出復貼發餉遺勇告示縱令營勇假歸各營因索餉滋鬧幾致不測等語前據王家璧奏劉銘傳軍伍多虛性情驕蹇朝廷念其前功未加責問所以寬容而優待之者不為不至若如曹克忠所奏各情是劉銘傳止便私圖罔顧公事幾致貽誤大局已明降諭旨將劉銘傳交部嚴加議處以示懲儆見在各營缺額甚多亟須募補著李鴻章迅將需用經費覈定撥交曹克忠以便該提督派員分赴楚皖招募並將曹克忠各營餉需寬為籌備俾免缺乏曹克忠務將各營力加整頓相機駕馭拊循一俟布置就緒即行拔隊西進其撤回徐州駐紮各隊實係若干即著曾國藩查明督飭訓練毋令日久生懈曹克

東華續錄 同治九十二年 三

忠摺片單各一件王家璧片一件均著鈔給曾國藩李鴻章閱看將此由五百里諭知曾國藩李鴻章並傳諭曹克忠知之○予陝西同州傷亡副將李家安等祭葬世職○丁丑諭軍機大臣等瑞麟奏勦辦香山等處匪巢情形一摺廣東香山等縣交界之趙家圍地方近有匪徒麇聚焚搶勒贖經瑞麟派令戴朝佐等督帶兵勇水陸進剿將各處匪巢焚毀賊眾遁向赤溪官軍跟追搜捕擊獲匪首曾大鵝幅等多名見將兵勇調回資成地方文武緝拏餘匪務將在逃匪黨悉數弋獲毋令漏網此次出力各員弁准其擇尤請獎另片奏營員擅自招撫私放要犯請革職審辦等語署赤溪協都司王熊彪隨剿趙家圍等處股匪乃敢擅議招撫屬令各營暫緩進兵並將已獲要犯曾大鵝幅朱秋潰私行釋放實屬膽大妄為且恐有通賊賄縱情弊王熊彪著即革職嚴審究辦至曾

大鵝幅朱秋潰二犯是否釋放後仍行擊獲抑尚在逃著瑞麟明
晰具奏將此諭令知之尋奏要犯曾大鵝幅業已捕獲正法得旨
卽著撤飭各營並地方文武嚴拏朱秋潰務獲毋任倖逃法網○
諭景廉奏馳抵巴里坤籌辦軍糧催調後路各營拔隊並西路軍
情各一摺景廉於十月初七日馳抵巴里坤與伊勒屯商辦進兵
事宜惟沙漠瘠區屢遭兵燹採買軍糧萬分棘手且各省欠解之
款迄無起運明文所有糧石價銀及勇丁月餉等項見均無款可
給自應迅籌接濟除西征糧臺撥款業經奏報起解外其戶部續
撥之十萬兩及各省欠餉協餉卽著戶部詳晰查明迅速咨催飭
由察哈爾運解至景廉軍營以應急需至塞外用兵籌糧難於籌
餉見在巴里坤一帶糧石無多將來大軍銜接西進更難倉卒立
辦著李鴻章定安富勒理鮑源深豫行籌款分飭口北歸綏兩道
東華續錄 同治九十二 三
廣爲採辦麩斤隨時運送景廉所請烏里雅蘇台設立轉運糧臺
或由喀爾喀蒙古遊牧撥用駝隻或官爲發價雇覓商駝之處並
著金順奎昌多布沁札木楚竭力籌辦以濟軍食蒙兵素本怯弱
且布彥鄂勒哲依圖疊據文願奏稱其人未可深恃著景廉妥爲
駕馭毋致貽誤至綏來縣西湖地方居民歸附俄國雖係傳聞之
詞惟該處久無官長約束難免見異思遷景廉務飭派往委員設
法拊循毋令渙散景廉僅帶馬步兩營兵力太單著文麟迅撥數
營駐紮安敦一帶以便景廉所部張玉春等營陸續進發以振軍
威成祿懷遵前旨先派數營扼紮嘉峪關一俟徐占彪抵肅後該
提督卽當拔隊出關毋稍遲滯徐占彪見抵何處計期早應到肅
著左宗棠催令星速到防俾成祿得以早日成行西路軍情仍著
景廉伊勒屯隨時偵探相機妥辦將此由六百里各諭令知之○

戊寅諭軍機大臣等榮全奏帶兵西進安設臺站豫籌西進機宜
請飭烏科兩城速籌轉運探悉伊犁情形各摺片榮全已於十一
月初六日行抵霍博克賽里擬於烏梁海一帶安設臺站並於烏
梁海迤西一體設臺直抵塔爾巴哈台所籌尙妥所有科城兩屬
自和碩特起至布倫托海應設十二臺著奎昌多布沁札木楚常
順保英妥速籌辦常順保英未到任以前仍著文頤速爲經理不
得以交卸在卽稍涉推諉致誤大局全順到任後並著奎昌等詳
細告知一體遵辦其哈爾巴哈台所屬各臺著榮全富和會商辦
理榮全卽當剋期進發毋稍延緩托倫布等早經出京俟行抵烏
里雅蘇台時著奎昌等傳知該員等迅速前進毋稍濡滯吉林馬
隊已據杜嘎爾奏報於十二月初六日由克克伊爾根地方分起
前進若再令另行挑選轉致耽延卽著榮全催令訥蘇肯督帶此
東華續錄 同治九十二 三
起官兵星速進行藉資策應榮全見由霍博克賽里西進去烏科
兩城較遠所有應解餉銀及軍火等項著奎昌多布沁札木楚常
順保英文頤遴派委員飛速押運俾無遲滯俄人喀勒帕科斯克
欲與榮全在那丹木克議事著榮全行抵該處後酌度情形相機
籌辦俄人有明年進兵東路之說尤應先事防維榮全豫籌挑選
索倫等項人眾會合鄉團規取瑪納斯等處先斷東面之路著屆
時妥爲籌畫謀定後動毋稍疏虞轉瞬春融事機緊迫景廉務當
催齊張玉春等營鼓行而西會合沙山子等處團勇掃蕩逆氛規
取烏魯木齊等城並與榮全隨時咨商以期聲息相通藉資聯絡
榮全安設臺站摺著鈔給奎昌等閱看其探悉伊犁情形片著鈔
給景廉閱看將此由六百里各諭令知之○庚辰諭內閣內閣學
士會同蘇之母許氏秉性淑慎教子有方今以疾終深堪軫愷著

加恩賜祭一壇賞銀二千兩經理喪事由廣儲司給發用示優禮
儒臣推恩賢母至意○翁同爵丁憂以邵亨豫署陝西巡撫由倉場侍
○壬午命翰林院侍讀林天齡在弘德殿行走○諭李鶴年等
迅解巴哈兩城欠餉○諭戶部籌撥科布多軍餉○癸未以裕祭

太廟 上前期親詣行禮○諭軍機大臣等成祿奏截剿肅州
逆匪及關外防堵情形並請飭劉銘傳派兵協剿各摺片肅州回
匪攻撲臨水營盤經明春等堵剿獲勝竄犯敦煌之賊亦經李天
和協力擊退惟成祿所奏尚是七八月間之事數月以來賊勢軍
情更不知若何左宗棠前派徐占彪一軍早經啟程尚未奏報到
肅日期著即查明此軍見已行抵何處催令星速前進毋稍遷延
前據文麟奏關外賊勢甚重疊經諭令成祿先派數營馳赴嘉峪
關扼紮遏賊出關之路仍著成祿迅速調派一俟徐占彪到肅該

東華續錄

同治九十二

五

提督即當懷遵前旨拔隊出關與景廉等會籌勦辦劉銘傳駐陝
各營業已撤回徐州其曹克忠接統之馬步二十二營尚須募補
足額有需時日著曹克忠酌量情形先就見有之兵部署啟程其
募補勇丁隨後再行歸隊仍於經過蘭州時與穆圖善會商布置
毋誤機宜將此由六百里諭知左宗棠穆圖善成祿並傳諭曹克
忠知之○甲申以張樹聲為漕運總督李慶翱為山西布政使蔣
凝學為山西按察使由甘肅安肅道遷○調李文敏為江西按察使俊達
為廣東按察使○乙酉子貴州陣亡知府李斌等祭葬世職○是
月蠲免兩浙仁和等六場未墾地畝本年竈課蠲緩江蘇高郵等
三十五州廳縣被水被旱太倉等二十九州廳縣蘇州等五衛水
旱暨未墾田畝新舊額賦雜課湖南澧州等九州縣暨岳州衛被
水新舊額賦雜課陝西隴州等三十七州縣被災被擾積欠額賦

河南禹州等七十五州廳縣被水新舊額賦並賑河內等縣災民
一月口糧緩徵湖北沔陽等二十五州縣武昌等二衛被水新舊
錢糧雜課兩淮富安等十四場歉收舊欠錢糧山西平遙等二縣
被水舊欠額賦暨民借倉穀山東濟甯州被水本年額賦暨同治
十一年上忙錢糧○是歲朝鮮琉球日本越南入貢○會計天下
民穀數除江蘇安徽福建雲南廣西陝西甘肅未經冊報外奉天
等省通共大小男婦二萬七千二百三十五萬四千八百二十一
名口存倉米穀二百八十四萬一百三十七石二斗九合二勺

東華續錄

同治九十二

五

臣王先謙敬編

臣張式恭恭校

同治十一年壬申春正月丙戌朔元日節停止筵宴○戊子諭軍機大臣等丁寶楨奏遵旨籌堵侯家林決口力疾銷假親往督工一招山東侯家林決口關繫運道民生亟應及早堵塞丁寶楨因節氣已過立春為期急迫力疾銷假親赴工次督率河工地方員弁擇日開工寶楨勇於任事力為其難即著督飭在事人員將決口實力趕辦剋期完工該工員等果能勤慎從事著有成效准由丁寶楨破格保獎儻敢陽奉陰違有心遲誤即著該撫嚴參從重治罪以儆玩泄堵築孟家莊河及侯家林決口兩處已由東省籌撥銀三十萬兩此外如有需款之處即著丁寶楨覈實籌辦以

東華續錄 同治九十三

資應用喬松年以事難必成請於今冬舉辦固為慎重餉需起見惟此處決口若不堵塞將來漫淹曹兗濟十餘州縣若再向東南奔注則清淮一帶更形喫重數百萬生靈所繫朝廷豈惜數十萬帑金不為力籌保衛此時丁寶楨既已獨任艱鉅該河督務當與之和衷共濟揀派熟諳河務各員迅赴工次交丁寶楨差委其餘一切事宜亦應隨時商榷務臻妥善不得畏難苟安稍涉推諉將此由四百里各諭令知之○己丑諭內閣欽恤庶獄仁政所先溯查乾隆十一年嘉慶十一年道光十一年均 特頒省刑 諭旨大沛 恩施亦越咸豐十一年 皇考文宗顯皇帝紹述 前徽 復頒行 曠典朕臨御以來仰承 兩宮 皇太后懿訓夙夜兢 兢以愛育黎元為念茲當紀年開秩允宜祇遵 成憲以示矜恤 而迓祥和所有刑部及各省已經結案監禁人犯除情罪重大及

常赦所不原者毋庸查辦外其餘著大學士會同刑部酌量案情輕重分別請旨減等發落其軍流徒杖以下人犯一併分晰減等完結俾霽寬大之恩勉圖自新之路用副朕子惠兆民法外施仁至意○喬松年奏請飭撥銀兩豫修運河隄工允之○庚寅申諭奎昌等籌辦臺站事宜○以江蘇荆溪等處擊獲會匪予提督王兆有等優敘○子江蘇陣亡光祿寺署正銜盛家琳建祠○辛卯諭軍機大臣等劉長佑馮子材奏官軍剿辦越南匪徒殲擒悍逆攻克城巔一摺越南匪首阮四等滋擾太原連陷從化府等城經馮子材調派官軍分路堵剿殲擒悍匪鄧仕昌馮二陳汝景等多名十月初五日各營偪攻從化府城都司蔡簡宸等斬關殺入該逆四百餘人悉數聚殲初六日將從化府城克復買市之賊經遊擊李揚才等前後夾擊該匪窮蹙夜遁官軍跟蹤追剿疊克銀山

東華續錄 同治九十三

波賴匪巢剿辦尚為得手劉長佑等見檄總兵劉玉成等會剿瓊山等處踞匪著即督飭該將弁剋期剿辦掃蕩餘氛所有此次出力員弁准其擇尤請獎毋許冒濫前據劉長佑等奏俟海陽太原一帶賊匪芟除邊隅頓定當回師列守衝要申嚴關禁即著該撫等嚴飭在事將領將剿匪事宜迅速辦竣撤兵入關扼要防守以固邊圉而節餉需將此由四百里各諭令知之○撥部庫銀十萬兩充察哈爾軍餉○癸巳以孟春時享 太廟 上前期親詣行禮○左宗棠奏 臣疊奉寄諭飭催提督徐占彪迅赴肅州均即隨時恭錄飛飭徐占彪欽遵辦理並飭省城軍需局暨署甘涼道蕭宗幹督飭各地方官購糧轉運以利師行並飭蕭宗幹先於涼屬廣籌儲峙以備裹帶及轉運甘州之需並隨軍親赴甘州代為採購存儲以裕軍食疊據徐占彪蕭宗幹等稟報沿途車馱缺乏不

敷周轉該軍分三起拔行於十月先後行抵涼州徐占彪得陝回竄近甘州之報即率步隊六營馬隊一營十一月初六日先赴甘州留提督黃虎臣副將桂錫楨暫駐涼州候調繼進據稟抵甘州後擬以兩營先赴高臺填紮成祿防所以便成祿出關俟蕭宗幹將甘屬糧運辦有端倪續調駐涼五營前進緣成祿一軍久紮高臺民間蓋藏早已搜括一空人逃畜少軍糧難於採購饋運難於周轉徐占彪全軍若一氣開拔徑赴高臺事勢更多窒礙且慮兩軍雜處或滋軫轍自不得不遞續前進近准四川督臣咨委解成祿餉銀三萬兩赴秦州存候成祿委員提取而成祿委員尙無來秦消息臣已飭兌撥川平銀三萬兩解存蘭州遇便搭解前進一面咨成祿就近提取以歸捷便惟省城西路回亂以後大道久荒驛站停撤緊要文報皆展轉積壓涼州限行文書遞到省城者每

東華續錄

同治九十三

三

在一月以後涼州以西更無論也見飭臬司設法整理以期漸復舊制又奏逆回自三甲集潰退後收集敗賊屬聚大東鄉口分踞甘坪大貝坪等處結壘負固各將領均以甘坪壘多且偏若悉銳掃除則大貝坪之氣自奪布政使王德榜道員朱明亮率親兵等營徑攻甘坪之西提督劉明燈率所部取道集下甲堡攻其北提督楊世俊張仲春率所部進八甲口攻其南提督徐文秀率所部牽制大貝坪之賊提督傅先宗常川列隊兼遏太子寺七家集援賊鈔襲之路於十二日整隊分進甘坪守賊出馬步萬餘屯據山梁土德榜揮軍仰攻於礮石交下之際冒險猱升旋躡旋登將及嶺巔賊悉力下壓朱明亮及總兵鄧榮佳等猛進立斃執旗賊目四名趁勢追殺躍壕攀堞連破賊壘四座劉明燈抵集下甲堡都司鍾鳴鳳率右營破堡前一卡鼓銳攻堡弁丁多受石傷劉明燈

急由正中營及左營從堡後繞入賊正不支鍾鳴鳳已大呼先登分隊衝殺徑抵付呼楊世俊甫進八甲口適大東鄉之賊以另股來援揮軍禦之仍飭張仲春迅攻甘坪山南各下槍礮對轟參將周乾山等填壕進攻立破兩卡楊世俊亦將援賊擊退三路兜剿將甘坪堅壘十餘座悉數蕩平傅先宗遙見甘坪得手會同徐文秀攻大貝坪之南自率隊繞出其後賊知甘坪不守均棄壘狂奔各軍電掃風馳立將大貝坪張家坪張家灣各堡壘掃蕩無餘斃賊千計十三日調知鮑家莊大坪等堡賊懼於兵威紛紛宵遁劉明燈等率隊躡連破堡壘十餘處十四日會剿大東鄉口前隊甫至守賊已望風披靡驅殺入谷見山溝紛錯料有伏賊雷已革副將敖天印副將尤成章各率所部紮谷口備援應各軍銜尾銳進搜賊二十餘里毀賊卡數座至陰窪泉地方突見伏賊全起層

東華續錄

同治九十三

四

層環備官軍整隊衝殺賊愈戰愈增王德榜等各下馬督戰回目于海朝祖膺陷陣總兵沈玉遂手刀之士氣益奮敖天印聞槍礮聲急分隊循谷口衝入力砍守隘悍賊多名兩路遙合賊不能支均遁踞山脊官軍連環收隊而還十五日傅先宗復率隊踰溝而進節節掃蕩仍飭敖天印列隊後路以備策應行次紅莊立破賊壘數處賊分由兩山壓下官軍分剿之陣殲悍賊百餘名生擒逆目馬祖拜烈斬之餘賊駭退是日劉明燈率所部沿河西下先抵包家嘴攻破其堡賊向太平堡狂奔又分兵破其下寨會攻太平堡太平堡憑巖俯瞰一徑繚繞官軍甫抵山脚賊發滾木擗石從上墜下官軍於隙處鼓勇而登槍斃執旗布置之賊目一名弁丁蟻附登牆擒賊目馬行三斬以徇其奪門出者適朱明亮攻破竹影臺堡後縱兵截殺殲斃極多救出難民三百餘口劉明燈以包

家背爲大東鄉出犯後路要隘遂雷營據之賊雖屢敗究欲猶張
並噉撒拉逆回在董家山謝家坪等處築壘抗拒一面於紅莊一
帶增築堅壘一面分詣各統領營門乞撫並獻良馬二十二匹諸
將知其爲緩師計也限令數日內悉數呈繳馬匹槍礮許爲轉稟
大東鄉逆首馬悟真仍藉詞支展十一月初六日王德榜張仲春
率四營進紮李家臺白家莊逆首馬占鼐畏官軍追剿帶其黨夥
及撒拉回逆歸弁泥溝老巢王德榜等十三日進紮上七甲集大
東鄉援賊果紛紛而至徐文秀等嚴陣以待楊桂芳等以馬隊分
伏林中俾王德榜得壹意築壘追賊愈逼愈近分股擾及營後官
軍奮起擊之沈玉遂擣其中堅傅先宗在左徐文秀在右槍礮止
刀矛接馬隊由林中突出風馳電掣分鈔賊後賊不能成列沿河
狂遁其繞出營後者朱明亮以守營之軍橫出截之均敗走是役
東華續錄 同治九十三 五

榜先至米家坪賊尙未覺立破四卡二壘趙家溝賊憑壘抗拒
弁勇齊施火器副將余起立冒煙衝入賊亂竄康家莊之賊亦
不戰自潰楊世俊飭張仲春攻小陳家坪自攻馬家坪立毀三壘
正分途追殺間康家莊敗匪突至復擊卻之於時王德榜徐文秀
會隊復攻謝家坪賊棄堡狂奔楊世俊列隊平川遇太子寺之援
朱明亮助攻董家山參將廖福景已破山腰一卡接攻次卡忽破
飛子貫顛殞命將弁憤甚立破其卡斃賊甚多然董家山一帶地
險賊眾究未能破也日暮收隊是日各軍其破大小堡壘五十餘
處殺賊不過數百名其帶傷竄遁者不知其數緣逆回見官軍勢
猛不敢戀戰前者抵格後者狂奔驀山越溝是其慣技又山徑皆
其熟遊易於避匿故耳是夜劉明燈詢知沙泥對岸三十頂莊料
宅莊有賊竄伏急往截剿遇賊新店子頗有撿斬賊駭而奔人馬
東華續錄 同治九十三 六

亦相率翻山竄遁遂將董家山一帶大小賊壘一律奪取徐文秀分營據各大壘太子寺騎賊未之知也順川來援劉明燈擊卻之步賊仍列隊繼進提督陳廣發怒馬砍陣手斬其渠賊遂敗潰是役各軍殺賊千餘名內有偽總帥馬肥人等數十名生擒馬油綠布等數十名訊明軍前正法自此大東鄉太子寺路徑疏通可以直擣太子寺巨巢矣是夜有賊伏王家山溝莊圖阻官軍前進並潛襲各營高月桂訶知擊退斃白巾悍賊數十名十二月初一日各軍分道逐北至太子寺對山始收隊而還初二日傅先宗進攻新路坡五卡克之初三日楊世俊進紮四厚子徐文秀派營護其築壘壘成未半騎賊步賊紛紛來撲楊世俊揮軍擊退之連日楊世俊滾營進紮徐文秀等皆列隊護助太子寺為河州總要關隘向設河州州判駐此以重形勢亂後為河州逆回所踞漢民窮苦

東華續錄 同治九十三年 七

無歸者依回過度名為隨教雖尚存十之二三然皆地皆被回族佔奪久成異壤逆首馬占鼉敗遁牟泥溝老巢後見官軍日偏復糾聚悍黨及撒拉循化各處悍回與大東鄉甯河逆賊麴聚太子寺環太子寺掘壕深約二丈餘闊倍之壘卡林立北與石納奴潘家火紅等回堡互相犄角力圖久抗官軍初七日五鼓楊世俊徐文秀等各率所部募食前進黎明分路猛撲鏖戰四時奪賊長壕並破山頭一壘楊世俊即移一營據之賊未敢犯初八日陳湜楊世俊徐文秀劉明燈等各派隊分攻太子寺北大紅莊等賊堡因山高徑仄不能列隊堡賊槍礮飛石雨注相持數時援賊麴集乃一面撤隊一面接戰斃賊數百而還傅先宗列隊南山頂直擣賊巢楊世俊徐文秀各率所部分兩路從東面上山甫及山腰悍賊萬餘擁擁來撲楊世俊徐文秀揮所部整列迎戰槍礮止刀矛接

賊眾死傷相繼一悍目騎馬持刀斷後勒羣賊反鬪屢卻屢前刀矛擊戛有聲如是者十數次鏖戰四時楊世俊揮所部衝入賊陣斬此賊於馬下賊乃大敗官軍兩路壓剿殺斃槍斃及墜巖墜斃者約千餘計亦可謂惡戰矣生擒悍賊馬哈思訊知悍目馬有阿渾乃馬占鼉手下領員大東鄉人陣前斬兩騎賊一為馬麻五是六阿渾手下領員一則六阿渾之子也是日白巾悍回及撒拉回死者以數百計傅先宗一軍亦頗有擒斬又奏化平川撫定陝回陳林閻與春等二十餘名以竄踞西甯陝回崔三等哀懇具保投誠並央其呈遞稟詞 臣察看情形尙屬真切准陳林閻與春等前往察辦並面示一切陳林等於十一月初八日抵西甯始知崔三已帶其黨夥數千九月內由扁都口一帶出竄肅州口稱因肅回謀殺投誠陝回馮均幅欲向其講理尙未歸巢陳林等比至大南

東華續錄 同治九十三年 八

川一帶察看情形見陝回老幼婦女約數千戶所言皆同聞陳林等至無不喜其來而恨其晚也陳林等因崔三等未歸無從議撫急欲言旋該管口等泣請暫留恐此機一失後無路乞撫各眷屬皆願僱人赴肅送信要崔三等迅速回巢陳林遂回西甯將一切情形兩次稟知道員馮邦棟轉稟前來頃又准豫師平番來函言西甯撫局自陳林到後回情信服踴躍與往年大不相同代理西甯府知府馬桂源本回紳也請帶西甯諸回自赴平番聽撫陳林又諭知河州見存陝回勿復助逆至崔三何日返巢尙未接據稟報 臣維西甯大局自已故青海大臣玉通被回脅制一意主撫媚回愈辦愈壞至今漢番僧俗言及無不痛恨切齒見據各寺番僧及士民來 臣營具稟細詢一切知西甯實已名存實亡此次西甯及咪喇逆回所以急於就撫者因大軍方期河州恐將移軍指隴

豫爲地步大羊之性知畏威不知懷德此時稍涉遷就轉瞬仍肇
衅端不如豫定受撫款目觀其能否遵照再行酌奪已與豫師緘
商尙未准其覆到至崔三眷屬仍在小南川其必返巢無疑應期
應撫容俟屆時察看情形妥爲辦理又奏大軍逼攻太子寺賊壘
後逆首馬占鼇馬悟眞等被剿情急糾聚悍黨增築二十餘壘加
掘長壕希圖穩抗一面喊令大東鄉甯河及岷洮各回分繞後路
截掠糧運車馱牽制官軍以緩前敵之攻大東鄉一帶在洮西岸
濱洮迤西周百餘里山谷雜遝皆回巢也臣原擬以徐占彪一軍
由靖遠取道金縣駐洮河東岸扼其津要迨肅州一帶急需准備
臣遵旨調徐占彪全軍前往而洮河東岸一帶無營可撥咨商穆
圖善派營駐紮穆圖善亦以無營可撥勉調甯夏鎮總兵李佑清
所部三營進紮柳林溝然自康家巖以下沙泥站古城一帶百餘
里仍屬空虛大東鄉賊時以零騎渡洮出擾雖均經會甯安定金
縣護運各軍營隨時擊退究未能悉數殲除迨十月杪洮河漸次
合凍康家巖下游冰橋先結人馬如履平地賊每嘯大東鄉悍賊
踏冰越古城沙泥站一帶乘閒伺劫糧運經護送各營竭力防範
幸免損失惟十二月十三日三甲集回空馱驛四百餘頭經過新
田鋪概被回逆搶去比劉明燈徐文秀在營聞警追捕賊已遠颺
僅奪三十餘頭而還十七日回空馱驛七百餘頭行至距康家巖
百餘里之站灘楊四川等處忽遇逆回馬步三千餘驟從各山溝
衝出圍搶雖經站灘防營總兵蕭賞謙戴定邦等救護回營僅遺
失三十餘頭斃賊百餘名帶傷者甚夥而蕭賞謙所部將弁勇丁
力戰陣亡者四十七名戴定邦所部陣亡者九十餘名受傷者亦
數十名比臣由營派親兵馬步馳往援剿賊已遁由沙泥一帶歸

東華續錄

同治九十三

九

東華續錄 同治九三

巢矣臣維東路空虛賊之乘機出掠本在意中况當洮河合凍時
處處皆成坦道防不勝防而前敵軍糧緊要勢難責其派隊領運
應急增護運之軍以重餉道而臣大營親兵派去前敵者已一千
有奇存營不過千餘尙須分隊巡哨護送蘭州及內官營一帶軍
裝軍餉實屬不敷分布前奉諭旨曹克忠接統准軍前赴肅州一
帶須由蘭州經過如屆時河州尙未攻克卽著該提督會商穆圖
善或將所部分紮省城附近各隘騰出穆圖善之兵前往省外各
要隘分布似於防剿兩有裨益欽此謹遵諭旨咨商曹克忠先撥
十數營赴蘭州由省南阿千鎮延紮沙泥一帶扼此要津如能及
冰凍未泮之先橫擣大東鄉尤可出奇制勝但准軍新舊交替之
際整理需時是否能迅赴戎機未可豫料見又檄飭金積堡防軍
提督蕭章開派提督譚拔萃帶湘勇二營及董福祥等三營取道
東華續錄 同治九十三

東華續錄

同治九十三

十

中衛靖遠會甯前來總兵張福齊帶所部兩營兩旗總兵徐萬福
一營取道涇州慶陽前來均於安定取齊聽調緣各軍以在防無
事屢請前來助剿也臣俟各軍營到齊當卽妥爲布置 上諭軍
機大臣等左宗棠奏官軍連破賊壘逼攻太子寺獲勝仍著督飭
各營趁此春融冰泮之時奮勉圖功迅將太子寺等處賊巢攻拔
節節掃蕩盡殄逆氛以期肅清甘境徐占彪抵甘州後擬以兩營
先赴高臺俟糧運辦就卽調黃虎臣等駐涼五營接續前進著左
宗棠檄令蕭宗幹迅將購糧轉運事宜妥爲籌辦以利師行高臺
地方徐占彪已先撥兩營填紮此軍一到成祿卽當督率所部剋
期出關不准稍涉遲緩四川委解成祿餉銀三萬兩左宗棠見已
兌解蘭州遇便搭解著成祿派員就近提取以資應用由省至肅
州一帶郵政廢弛並著檄飭臬司設法整頓庶文報往來不至積

四八一

歷另片奏赦天印疊著戰功請予恩施等語所有該革員關毅孫之友一案著免其解豫歸案審辦即由左宗棠咨明豫省遵照辦理將此由六百里各諭令知之○左宗棠奏河州迤西之西南北三面與循化廳洮州岷州三屬番界毗連縣巨數百里其槐樹土門老鴉三關距牟泥溝一帶賊巢尤近舊為番族所居史所稱枹罕羌人者也番眾僧俗各隸於土司生長巖穴之間性頗樸野善使火槍地素產馬人習乘騎洮州土司楊元者宋名將楊業後裔也自逆回肇衅以來即從征調戰績卓然惟番部不習紀律又秉性愚直不敵回之狡猾故易為賊所乘戰鬪頻年人畜傷亡過半銳氣亦稍衰矣臣度隴之初加意撫循遴員署洮州廳同知岷州知州宣布 皇仁結以恩信諸番轉相傳說多感激思奮者茲據署洮州廳同知陳臺等會稟督同土司楊元自洮屬姜卡寺入東華續錄 同治九十三年 十一

番界歷黑錯而買務而卡加而童艾而多格寺而俄化所至之處論以練圍捍衛各保身家番眾雖語言不通一經略能漢語者為之譯說無不悅服歡舞比由番族自議土門關以拉布浪童艾兒火力藏各族守之槐樹關以卡加各族守之沙馬關以黑錯各族守之陡石關以買務各族守之新城堡以楊元所部丁永安所部守之其撒拉回巢之西為下唵綽上唵綽卜拉教化各族去各關隘最遠亦經營土司趙僧綱等先後調到各野番為各關隘策應經陳臺等論以朝廷威德莫不膜拜歡呼譯者云自來未見官吏蒞境也點驗先後調到番眾僧俗四千餘人騎馬四千餘匹一律頒賞官茶紅綠布銀牌番眾感悅願聽徵調 臣飭提督楊世俊統之令其各防本境另聽調遣察看情形似河回鋌走番境一著尙有以待之得旨覽奏已悉仍著檄飭楊世俊及該地方文武妥為

駕馭令該土司等各防本境毋稍疏虞○乙未于甘肅陣亡知縣廣年祭葬世職○戊戌諭軍機大臣等左宗棠穆圖善奏各路兵勇疊次擊賊獲勝穆圖善奏親督官兵截剿竄擾北山回匪各一招上年冬間甘省東西北三路馬步兵勇先後截擊竄匪屢獲勝仗其竄擾北山一帶賊匪經穆圖善親督官軍兜剿斃賊多名見在大軍進擣河州賊勢窮蹙難保不鋌而走險擾及省垣以圖牽掣左宗棠穆圖善分飭各軍扼要嚴防毋任該逆陸續出竄以期擒渠掃穴聚而殲旃其西路為運道所關北山秦莊川一帶產糧最多均應設法保護該大臣務當嚴飭將弁勤加偵探認真防守遇有賊匪竄近即行實力擊剿毋稍疏虞將此由五百里各諭令知之○庚子諭軍機大臣等劉嶽昭岑毓英奏派軍出境剿辦威甯州橫匪全數撲滅餉道肅清一摺橫匪楊紹濱等盤踞黔省威甯州地方經劉嶽昭等派委吳奇忠等會同該省文武分投剿辦擒獲楊紹濱陳大桿平毀賊巢惟威甯州地方為滇省餉道關繫緊要匪首李黑四先期潛逃誠恐糾合餘燼蔓延為患仍著嚴飭在事文武實力偵緝務期淨絕根株毋畱餘孽並著知照曾璧光督飭地方官將善後事宜妥為辦理一面會拏逃匪不得任令遠颺將此由五百里各諭令知之○諭曾璧光奏克復清平等城一摺黔省清平黃平一帶為苗匪麕集之所賊巢林立驛路中梗見經曾璧光等派兵進剿將清平黃平等城克復驛路業已疏通正宜乘此聲威掃蕩苗疆殲除羣醜著分檄鍾有思等將敗殘餘匪盡數撲滅毋令蔓延清黃重安一路漸就肅清楚省援黔之軍進攻黃飄白堡聲勢可期聯絡並著該撫等檄飭各營趁此事機得手之時約會楚軍通力合作以竟全功不得稍涉鬆勁將此

由五百里諭知曾璧光並傳諭周達武知之○辛丑諭軍機大臣等王文韶奏援黔各軍攻克黃飄白堡苗寨疏通驛路會合黔軍進剿一摺貴州苗匪聚集黃飄白堡一帶經湖南援軍節節進剿賊寨悉平驛路業已疏通湘黔各軍會合辦理更形得手昨據曾璧光等奏黔軍克復清平黃平重安等城乘勝進剿等語見在湖南援軍復將黃飄等處攻克正可聯絡聲勢迅掃逆氛著曾璧光檄飭各營乘此軍威會合楚軍勦洗而前盡殲醜類北岸賊匪業經掃除該處善後事宜著曾璧光飭令地方文武妥為經理南岸官軍連破苗寨所有招撫降苗一節著王文韶飭令戈鑑安慎籌辦不得稍有疏虞唐本有等軍剋日南渡從直涌地五寶項節節按剿一俟黔軍進至兩空河香鑪山一帶即著會同攻剿該撫等當趁此事機得手之時督飭各軍通力合作以竟全功毋稍鬆勁

東華續錄

同治九十三年

三

將此由五百里諭知曾璧光並傳諭周達武王文韶知之○予貴州陣亡副將李能壽等祭葬世職○免福建運津濟賑米船釐稅○癸卯以譚鍾麟暫護陝西巡撫由布政使護理○甲辰諭軍機大臣等劉坤一奏匪徒撲入靖安縣城當經擊散請將疏防各員褫革一摺江西奉新縣匪徒於上年十二月間糾眾百餘人闖入靖安縣城擄掠燒毀縣署雖經代理縣丞魏鑫等會同奉新縣知縣汪以誠調集鄉團合擊陣斬匪首吳沅發等生擒溫開接等多名匪黨均已擊散惟此股匪徒為數並不甚多而該縣知縣陶輔昌及縣丞高節先事未能籌防均屬咎有應得陶輔昌高節著一併革職仍著劉坤一查明該員等有無退避情事據實奏該撫見派副將普承忠馳往勦辦即著督飭該副將會同該地方員弁實力搜捕餘匪務絕根株毋任一名漏網在事出力員弁團紳著准其

東華續錄 同治九三

擇尤酌保毋許冒濫將此由四百里諭令知之○乙巳湖南瀏陽縣土匪滋事官軍勦平之○辛亥諭內閣兵部左侍郎崇厚著在總理各國事務衙門行走太常寺少卿總理各國事務衙門章京夏家鎬著在該衙門大臣上行走○壬子諭軍機大臣等景廉奏覆陳籌畫西進事宜一摺景廉馳抵巴里坤後探悉趙興體等民團尙知大義特恐該營糧餉缺乏見異思遷已派員赴西路一帶撫慰各營分別給予銀物所辦甚是惟當隨時駕馭拊循俾趙興體孔才等營始終固結不至渙散以助聲威軍糧採辦惟艱前據景廉奏請已諭李鴻章等分飭口北歸綏兩道廣為採辦並諭金順等籌辦轉運事宜以備征兵之用巴城採買糧石尙未交齊著伊勒屯隨時督催毋稍膜視將來大兵雲集需糧尤多並著景廉會商伊勒屯豫為籌畫以資接濟景廉帶兵西進餉需甚急所有

東華續錄

同治九十三年

四

應解哈密餉銀及該都統請撥之山東糧價山西專餉部餉等款仍著文麟照前分撥三分之一以應要需見在春氣漸融前畱哈密兩營及靖邊前營正可拔隊啟行著景廉催提前進毋任逗畱一俟各營到巴即著陸續西進迅赴戎機並著常順保英迅即採買駝牛羊隻委員解赴巴城交景廉軍營應用以利師行將此由六百里各諭令知之○甲寅于安徽陣亡副將蔡應龍原籍建祠○是月豁免湖北黃陂等五縣被擾積欠額賦蠲緩兩浙鮑郎等六場被災新舊竈課緩徵直隸景州等八十七州縣被水新舊額賦租課並民借倉穀山東濟甯等四十六州縣青州等五衛被水被旱被蟲本年上半年額賦雜課江西蓮花等二十六廳縣九江等二衛被旱被水新舊額賦

四八三

運總督○丁巳欽奉 慈安皇太后 慈禧皇太后懿旨皇帝沖齡踐阼於今十有一年允宜擇賢作配正位中宮以輔君德而襄內治茲選得翰林院侍講崇綺之女阿魯特氏淑慎端莊著立為皇后特諭○奉 懿旨皇帝大婚禮著欽天監諷吉於本年九月舉行所有納采大徵及一切事宜著派恭親王奕訢戶部尚書寶蓋會同各該衙門詳覈典章敬謹辦理○奉 懿旨員外郎鳳秀之女富察氏著封為慧妃知府崇齡之女赫舍哩氏著封為瑜嬪前任副都統賽尚阿之女阿魯特氏著封為珣嬪○命曹克忠統兵赴肅州會剿越成祿出關○調吉林黑龍江馬隊各五百名赴成祿軍營○王成諭軍機大臣等榮全奏行抵塔爾巴哈台暫安行營一摺榮全自霍博克賽里前進已於上年十二月十一日行抵塔爾巴哈台隨行官兵冒雪衝寒不辭艱險甚屬可嘉該署東華續錄 同治九十三 五

將軍見在塔城附近暫立行營該處地方殘破其舊居之哈薩克人眾既向恭順自當妥為拊循俾知感奮伊犁近日情形若何俄官喀爾帕柯斯克依約在何地會議著榮全酌度機宜悉心籌辦並將會議時俄官如何情形及如何措詞隨時詳晰奏聞章塘子附近既有俄人在彼紮營該處向有索倫人眾並著榮全設法曉諭以固人心而資聯絡將此由六百里諭令知之○允吳棠奏撥釐金銀二十萬兩賑四川災民並免湖廣等省沿途各關卡商販米釐○乙丑諭軍機大臣等張廷岳等奏竄匪出邊肆擾妥籌防剿一摺西路逆匪二千餘人已於正月間竄至阿畢爾米特遊牧西南濟爾哈朗圖地方沿途擄掠該逆傾巢出擾勢甚猖獗難保不伺隙紛乘牽我兵力邊外地方遼闊無險可扼亟思妥籌防剿免致蔓延且據探稱索倫賊首意圖報復有欲帶賊二萬餘分犯

烏科庫倫之說尤宜先事圖維著金順奎昌多布沁札木楚常順保英張廷岳阿爾塔什達勤加偵探協力防範遇有賊股竄近即行痛加剿洗力遏狂氛賽爾烏蘇一帶臺站為糧餉往來要路該處距庫倫較遠張廷岳等兵力甚單未能兼顧著杜嘎爾迅派得力將領選帶馬隊馳赴賽爾烏蘇一帶擇要扼紮嚴密堵截毋任賊匪竄擾並著金順奎昌多布沁札木楚額勒和布各將所屬臺站布置周密設法保護以期有備無患賊匪如竄近庫倫即著張廷岳帶兵前往迎剿毋任竄入將此由六百里各諭令知之○丙寅諭內閣大學士兩江總督曾國藩學問純粹器識宏深秉性忠誠持躬清正由翰林蒙 宣宗成皇帝特達之知洵升卿貳咸豐年間冊立楚軍勦辦粵匪轉戰數省疊著勳勞 文宗顯皇帝優加擢用補授兩江總督命為欽差大臣督辦軍務朕御極後簡任東華續錄 同治九十三 六

綸扉深資倚任東南底定厥功最多江甯之捷特加恩賞給一等毅勇侯世襲罔替並賞戴雙眼花翎歷任兼圻於地方利病盡心籌畫老成碩望實為股肱心膂之臣方冀克享遐齡長承恩眷茲聞溘逝震悼良深曾國藩著追贈太傅照大學士例賜卹賞銀三千兩治喪由江甯藩庫給發賜祭一壇派穆騰阿前往致祭加恩予諡文正入祀京師昭忠祠賢良祠並於湖南原籍江甯省城建立專祠其生平政蹟事實宣付史館任內一切處分悉予開復應得卹典該衙門察例具奏靈柩回籍時著沿途地方官妥為照料其一等侯爵即著伊子曾紀澤承襲無庸帶領引見其餘子孫幾人著何璟查明具奏候旨施恩用示篤念忠良至意○以何璟署兩江總督恩錫署江蘇巡撫文彬署漕運總督由山東布政使署○戊辰諭軍機大臣等河州賊悍巢堅地勢險峻疊經諭令左宗棠督率

各軍穩慎進取日久未據該督奏報屢繫殊深近聞官軍進攻新路坡迤東賊卡未能得手傷亡多人統領大員有臨陣捐軀者有不知下落者見在各營屯屯高家集一帶堅壁扼守帳房軍裝等件多有遺失勇丁亦有逃亡而自狄道至鞏昌運道仍是梗阻此等情形如果屬實則賊勢復張兵威頓挫而糧餉又不能繼後患殊不可言左宗棠規畫河州圖維已久當此事機緊迫應如何整頓戰守疏通糧道之處想必悉心籌畫以作士氣而固軍心一切辦理情形即著迅速奏聞甯靈一帶需兵鎮壓見分紮若干營張曜一軍向稱得力尙駐甯夏等處若左宗棠前敵亟需添兵就近調張曜之兵會勦足壯軍威著左宗棠斟酌全局妥爲辦理前據該大臣奏劉錦棠請假六箇月回籍即令募勇來營等語刻下該員假期已滿即著左宗棠檄催到甘派赴前敵以資得力將此由

東華續錄

同治九十三年

七

六百里諭令知之○諭左宗棠穆圖善奏各路兵勇勦賊獲勝一摺甘肅附省駐紮各營疊在古浪平番永昌金縣地界截剿竄匪獲勝糧運得以無虞見當進剿河州喫緊之時仍恐該逆伺隙紛乘希圖牽掣近省東西北三路爲運解糧餉軍火往來要道亟應加意嚴防著左宗棠穆圖善飭令各營嚴密偵探認真扼守遇有賊股出竄即行分投離期力遏狂氛以靖地方而護運道毋得稍有疏虞致滋延蔓將此由五百里各諭令知之○諭兵部奏遵議提督劉銘傳處分一摺前任直隸提督劉銘傳移交所部兵勇辦理乖方經兵部議以革職並請將所兼一等男爵革退本屬咎有應得姑念該提督從前勦匪出力著照部議即行革職加恩仍畱一等男爵以示薄懲○以署兩江總督何璟兼署辦理通商事務大臣○已已欽奉慈安皇太后 慈禧皇太后懿旨欽天監奏選

擇大婚納采大徵吉期各摺皇帝大婚禮著於本年九月十五日舉行七月二十六日納采八月十七日大徵所有應行事宜著各該衙門敬謹辦理○允左宗棠奏添建甘肅涇州考棚○庚午諭軍機大臣等杜嘎爾奏賊匪肆竄派隊迎剿等語據奏賊匪於正月初間竄由蘇哈圖向東北奔逸阿畢爾米特遊牧濟爾哈朗圖山陽地方有賊股擾攘與張廷岳等前奏大略相同該逆傾巢出擾亟應乘其喘息未定迎頭截擊痛加剿洗免致日久蔓延杜嘎爾見派貢果爾帶隊前往迎剿並令富珠哩永德等合力夾擊即著檄令該將領等星速馳勦務將賊匪一鼓撲滅毋稍玩延該匪既有欲竄庫倫之說張廷岳等當懷遵前旨勤加偵探如有匪蹤竄近即行帶兵截剿毋任竄入該城防守事宜並著張廷岳阿爾塔什達會商妥籌布置不得以賊蹤尙遠稍涉大意賽爾

東華續錄

同治九十三年

六

烏蘇一帶杜嘎爾仍當派隊扼紮以衛運道杜嘎爾另摺奏請由察哈爾營總那本濟勒色楞管帶隊內挑補第五隊缺額等語即著額和布按照杜嘎爾所咨缺額數目挑補以資得力將此由五百里各諭令知之○詔起彭玉麟巡閱長江水師○辛未諭軍機大臣等曹克忠奏派兵扼防陝邊情形一摺據稱正月間甘省回逆分竄徽縣兩當等處陝防喫緊當派馬步各營馳赴鳳縣寶雞等處扼紮見在賊氛漸遠已將者貴一軍撤回乾州仍畱徐邦道馬隊移紮鳳郡等語刻下陝防既鬆肅州軍務緊要河州賊勢又肆披猖曹克忠所部各營自當速籌整理拔隊西進該提督以糧運車贏異常竭蹶惟恃李鴻章撥款解到方可辦理並據聲稱屢接李鴻章來函深知西路糧運艱難將於正餉外多措協餉貼補運費等語足見該督圖維周至力顧大局即著李鴻章將該軍所

需餉項寬為籌畫迅速撥解俾利軍行曹克忠亦當趕緊部署啟程毋稍延緩將此由四百里諭知李鴻章並傳諭曹克忠知之○壬申諭軍機大臣等前據穆騰阿等並梅啟照同日奏到曾國藩因病出缺當經降旨優予卹典並於湖南原籍江甯省城建立專祠生平政蹟事實宣付史館一等侯爵卽著伊子曾紀澤承襲其餘子孫幾人令何璟查明具奏候旨施恩茲據何璟歷陳曾國藩公忠體國懋著賢勞覽奏尤增悼惜何璟原摺著暫行留中卽將該故督之孫何名年歲若干查明具奏再降諭旨兩江總督及通商大臣事務已先後降旨令何璟署理該署督應極重寄所有江海防海防暨鹽汀漕諸大政亟應循照舊章悉心布置並講求吏治民生妥辦中外交涉事件用副委任將此由四百里諭令知之○癸酉諭軍機大臣等綿宜奏根本重地馬賊日熾積久恐成巨患

東華續錄

同治九十三年

九

一摺盛京為根本重地豈容馬賊成羣肆行劫掠前因有人奏奉天承德縣等處盜賊充斥曾諭令東三省將軍實力接捕茲覽綿宜陳奏各情是馬賊滋事之案層見疊出若不及早捕治必致滋蔓難圖該侍郎所擬清盜源除賊首整兵力嚴門禁四條均屬妥協著都興阿瑞聯清凱恭鏜安速籌商嚴定章程嗣後擊獲馬賊卽將賊之父兄從重治罪庶父子相維弟兄交儆或可收改惡從善之效至各堡保甲應如何認真整頓旗界民界各官應如何嚴予責成毋令置身事外之處並著該將軍府尹妥籌辦理新出馬賊尙易破獲老賊則交通胥役廣有聲援轉得漏網地方文武官弁玩弛至此實堪痛恨此後務將著名盜首嚴行緝捕如有胥役包庇縱放卽將該役嚴辦並將該管官嚴參以示懲儆營兵之設以資捍衛尤當督飭該管各官嚴明賞罰隨時跟緝其假冒兵役

客商者尤當卽時掩捕盡絕根株至奉省八門該將軍等當飭城防各吏認真盤查毋使奸宄溷迹出入以遏亂萌此次詰誥諄諄該將軍府尹等務當振刷精神趕緊籌辦儻敢因循粉飾視為具文以致盜賊蔓延必為該將軍等是問原摺著鈔給閱看將此各諭令知之尋都興阿等奏奉省盜匪歷經嚴拏懲辦見將前辦章程再行責成內外城旗民地方官實力奉行得旨仍著該將軍等認真辦理毋得有名無實以致盜賊蔓延自干咎戾○丙子諭軍機大臣等李鴻章奏籌運巴里坤軍糧請嗣後改辦粟米一摺巴里坤糧石已據該督飭令口北道採辦白麩十萬斤於本年二月間全數運送出口赴烏里雅蘇台接收轉運惟張家口距巴里坤等處計程萬里麩質潮溼誠恐遠道徽變所請嗣後或由景廉就地屯墾招買如必須張家口辦運應改購粟米以免潮變等語自

東華續錄

同治九十三年

十

係為慎重軍食起見著景廉體察情形查明該處兵糧確數將口北歸綏兩道各應辦運若干豫為籌定隨時知照李鴻章鮑源深轉飭嚴辦直隸所需米價腳費卽照李鴻章所請由口北糧臺領到部餉項下動支彙案造報將此由五百里各諭令知之○己卯諭軍機大臣等劉長佑馮子材奏官軍疊克賊巢殄除瓊武股匪並擊獲匪目出力各員請獎各摺片越南匪徒自官軍攻克從化買市後分股遁踞潯瀝等處經馮子材派隊分勦次第收復並將逆首何三等擊獲正法匪黨悉數殲除卽著劉長佑馮子材飭令陳朝綱迅速進兵務將逃匪張侍灝等盡力兜拏毋任漏網以清東路並飭劉玉成陳得貴兩軍將太原零匪會同勦洗毋稍遲延此次出力各員准其擇尤保奏毋許冒濫越南勦匪事竣該撫等懷遵前旨迅將前敵各軍凱撤入關扼要防守以固邊圉而靖藩

服將此由四百里各諭令知之○庚辰以辦理 大婚典禮諭各省添撥京餉銀一百萬兩○允榮全奏伊犁各城官員廉俸均予八成實銀兵餉概免減成○辛巳諭軍機大臣等劉嶽昭岑毓英奏官軍攻破賊踞館驛外垣克復田心等處殲除逆首暨迪西官軍圍攻永平等城獲勝各摺片館驛田心等處久爲賊踞岑毓英督飭何秀林張保和等分路進攻力破館驛西北兩門田心等處賊巢同時攻破擒斬賊目多名逆首馬侍得業經焚斃該撫於餉需支絀之際督飭營弁兵勇屢拔堅巢辦甚爲得手仍著劉嶽昭岑毓英激勵各營乘此聲威迅將館驛全城克復日者鄉邊等處賊眾被剿窮蹙並著乘勢一鼓蕩平肅清各處匪巢以靖邊圉此次出力各員准由該督撫於館驛全城克復後擇尤保獎候旨施恩迪西軍務並著分飭楊玉科李維述迅將永平等縣

東華續錄

同治九十三年

主

城剋日攻拔規取大理盡殲逆氛將此由六百里各諭令知之○壬午裁浙江水陸各營都司守備各一千總等弁四十改設都司守備各二對調都司守備各一添設把總一○癸未諭軍機大臣等譚鍾麟奏籌辦陝省邊防並探聞甘省軍情各摺片據稱甘肅兩當徽縣均有零股回逆竄擾調李輝武所部由略陽鳳縣出境扼紮遣撤王名滔略武四營由李輝武另募六營分別布置並留譚仁芳所部四營駐守隴竇均著照所擬辦理該護撫仍當飭令李輝武等勤加偵探嚴密堵剿毋任賊蹤擾及陝境邵亨豫計可抵任並著將陝省防剿事宜妥爲籌備以固疆圉前聞甘省官軍進攻新路賊卡傷亡多人各軍退屯高家集並聞提督傅先宗中礮陣亡似此情形賊勢頗爲猖獗日久未據左宗棠奏報殊深慮繫茲據譚鍾麟奏探聞西甯河州兩處回酋先後赴安定大營

投誠願繳槍礮馬匹等語回匪詭譎性成每當攻剿喫緊時以投誠爲緩兵之計刻下該逆是否真心悔罪左宗棠務當體察情形妥慎籌辦不可稍涉大意致爲所給其各處要隘仍須分派各軍加意堵遏以防乘間紛竄後路運道見在有無梗阻並近日前敵軍情若何著即迅速奏聞曹克忠所籌募勇經費前據李鴻章奏已飭後路糧臺搭解赴陝該提督即當慎遵前旨速籌整理拔隊西進毋稍遷延將此由五百里諭知左宗棠邵亨豫並傳諭譚鍾麟曹克忠知之○以馬恩溥爲內閣學士由詹事遷○甲申諭內閣丁寶楨奏堵築侯家林決口見已合龍一摺山東侯家林決口經丁寶楨親赴工次督率布政使文彬等嚴飭在工各員弁陸續進占南北兩壩於本月二十四日合龍工程一律堅實覽奏實深欣慰丁寶楨勇於任事督率有方未及兩月克竟全功辦理實爲安速

東華續錄

同治九十三年

主

著交部從優議敘另片奏請將出力守備獎勵等語前任東河守備劉秦挑挖引河節費省夫成功迅速著賞換花翎並賞銀五百兩以示優異又片奏此次工程請免照例報銷等語東省郟城地方舊未設有應汛辦理河工亦無成案可循此次工程用款著開單奏明咨部存案免其按照成例報部覈銷他處工程有案可循者不得援以爲例○諭軍機大臣等前因內閣學士宗晉奏製造輪船糜費太重請暫行停止當諭文煜王凱奏對酌情形奏明辦理茲據奏閩省製造輪船原議製造十六號定以鐵廠開工之日立限五年經費不逾三百萬兩見計先後造成下水者六號具報開工者三號其撥解經費截至上年十二月止已撥過正款銀三百十五萬兩另解過養船經費銀二十五萬兩用款已較原估有增造成各號輪船雖均靈捷較之外洋兵船尚多不及其第七八

號船隻計本年夏間方克葺工第九號出洋尚無準期應否即將輪船局暫行停止請旨遵行等語左宗棠前議册造輪船用意深遠惟造未及半用數已過原估且禦侮仍無把握其未成之船三號續需經費尚多當此用款支絀之時暫行停止固節省帑金之一道惟天下事始甚難即裁撤亦不可草率從事且當時設局意主自強此時所造輪船既據奏稱較之外洋兵船尚多不及自應力求制勝之法若遠從節用起見恐失當日經營締造之苦心著李鴻章左宗棠沈葆楨通盤籌畫見在究竟應否裁撤或不能即行裁撤並將局內浮費如何減省以節經費輪船如何製造方可以禦外侮各節悉心酌議具奏如船局暫可停止左宗棠原議五年限內應給洋員洋匠辛工並回國盤費加獎銀兩及定買外洋物料勢難退回應給價值者即著會商文煜王凱泰酌量籌撥

東華續錄 同治九十三年 三

該局除輪船外洋槍洋礮火藥等件是否尚須製造及船廠裁撤後局中機器物料應如何安置存儲之處並著妥籌辦理已經造成船隻文煜等以撥給股商駕駛殊為可惜擬將洋稅一款仍作為養船經費酌留兩號出洋訓練即著照所議辦理其餘各船俟各省咨調時分別派往將此由五百里各密諭知之○兩廣總督瑞麟奏訊明越南匪首蘇桐漢等正法得旨仍著嚴拏蘇亞鄧並將逃竄餘匪悉數拏獲以絕根株○是月蠲免直隸安州等八州縣積澇地畝上年額賦並緩節年民欠糧租減免雲南東川等四十四府廳州縣被水上年額賦蠲緩廣西橫州等二十九州縣被擾新舊額賦

三月乙酉朔諭軍機大臣等曾璧光奏勦辦上游回匪肅清安南克復貞豐進規興郡新城一摺貞豐州城既克上游軍事正順亟

應乘勝進攻曾璧光見派吳德溥等帶隊馳赴興義著即飭令督同該處文武相機勦辦力攻興義府及新城等處迅圖克復惟該處回夷各匪皆百戰死黨且地接滇疆尤恐此擊彼竄蔓延為患著劉嶽昭岑毓英挑派得力大員管帶兵練迅即馳赴該處會同合力勦辦迅掃逆氛將此由六百里諭知劉嶽昭岑毓英曾璧光並傳諭周達武知之○諭劉長佑馮子材奏攻勦越匪海太肅清一摺海陽太原肅清劉長佑等見將各營調回扼要防守即著妥為布置慎固封守以靖疆圉山宣興化餘匪已知照越南自行攻勦遇有緩急仍當遙為聲援以示體恤藩服之意未可以距邊較遠概從膜視太轄沿邊一帶夷匪不時出沒劉玉成等所部暫留太轄扼守各隘即著飭令該員等認真防範務臻周密並約束兵勇毋許滋擾地方俟越南接成兵到即行撤回將此由五百里各

東華續錄 同治九十三年 三

諭令知之○丙戌左宗棠奏提督楊世俊等於上臘石坡梁大捷後乘勝銳進奪其外壕該逆又於寨外加濬深壕二道並以重利要結撤拉循化八工米拉碾伯各痞回及四鄉悍賊拏死抗拒除分股繞襲運道外南由瓦房山舟豆以迄塌馬池北由火兒混堡循河而下折抵黑山之尾築壘六七十座遙圍以斷官軍狄道糧路二十三日又乘夜在黨川鋪北築二壘橫亘甘南建字兩營之間糧運復梗二十四日楊世俊傳先宗抽隊合擊遊擊石補天拔壘先登各部繼進立將兩壘攻拔守賊殲焉傳先宗飭總兵李占椿分哨填紮旋報賊犯石坡梁各壘楊世俊收隊回援詎悍股緣澗突出徑撲填紮之壘李占椿憑壘堵禦中礮而殞遊擊何建威亦赴援受傷兩壘復為賊據二十五日賊分撲石坡梁各營提督張仲春率隊要截擒斬多名二十六日賊傾巢大至南踰長壕北

踞河川東及宗岳各營之後分股圍攻辭家坪平西等營楊世俊密飭各營堅守勿出賊勢漸懈張仲春督所部衝出楊世俊繼之各營均開壁夾攻縱橫盪決賊死傷枕藉川中連賊於履冰時自相踐踏在坪上者強半迫墮深崖生擒馬老虎馬禿子馬格立等九名斬之惟總兵易全雄戰沒兵勇亦有傷亡二十六日賊又大至專攻石坡梁及辭家坪營盤拔柵填壕抵死不退張仲春率隊來援川中另股截出接戰楊世俊督軍猛進身受兩傷創力戰賊始反奔各軍乘之賊墜巖死者尤眾生擒米一麻木馬兆沅等四名供稱二十六日之戰撒拉大頭目馬鄉老為官軍陣斬黨川鋪賊壘乃也阿渾挑悍黨死守以梗糧運者訊畢斬之是役總兵張得志遊擊陳有祥董金成都司洪明泰守備韓鳳鳴主簿楊興藻均血戰而殞二十八日天未明賊由四山鈔至楊世俊豫約傅東華續錄 同治九十三年 丑

乘夜於新路坡迤東振威前右兩營之間復偷築三壘更據爛泥溝四莊一壘為犄角之勢糧路復梗初五日傅先宗率同提督王得勝彭國忠攻三壘未克初六日復同楊世俊攻之三壘環峙每壘約千賊皆以善槍者穴處牆下另以悍股力抗官軍王得勝彭國忠攻其左楊世俊攻其右傅先宗攻其前刀矛既接戰士踴躍爭先援賊盡卻官軍分撲三壘賊槍礮並發各軍冒險直前力拔木柵弁勇帶傷者多傅先宗振臂大呼自執大旗先進突為飛礮所中由右額貫顛立仆陣前援賊及爛泥溝守賊見大旗忽倒從後擁至楊世俊揮兵力戰王得勝彭國忠等將傅先宗昇回則氣已絕矣初七日陳湜商派徐文秀率所部裹糧赴援會師爛泥溝鼓勇進攻立將四莊一壘悉數攻克斬馘頗多乘勝再攻三壘賊固守不出始收隊而還初八日楊世俊以傅先宗所部主將戰東華續錄 同治九十三年 丑

憤極率所部親兵傍壘列隊鏖戰時許身受三矛力竭陣亡總兵
 鄭守南李其祥楊文林劉篤志副將劉才華王福昌參將吳明勝
 遊擊陳東海都司李相南張有才舒有貴均沒於陣壯士同時殉
 者一百四十餘人時夜深月落官軍與賊莫辨弁丁百餘從重圍
 中殺出繞由狄道回營報知陳湜陳湜飭董家山三甲集康家巖
 各處營壘嚴扼要隘一面馳稟臣宗棠得報立派布政使王德榜
 接統傅先宗之軍查明首先潰退統領營官罪狀一面嚴加裁併
 以期復振飭總兵沈玉遂接統徐文秀所部後路及果勇各營調
 楊世俊所部提督張仲春帶五營紮黑山頭邊併催飭前調提督
 譚拔萃等六營總兵張福齊等五營提督甘大有等五營兼程赴
 安定聽調陳湜商派沈玉遂陳廣發等滾營進逼擇要安營傅先
 宗所部護運之已革總兵敖天印時駐高家集距太子寺三十餘
 里堅守營壘斬逃者以徇於是各營潰卒遂止不奔齊入附近各
 舊壘楊世俊令所部先扼狄道河橋斬逃者飭都司何建威率所
 部五營紮蓮花山據稟收隊後查悉平西營營官參將銜遊擊王
 勇軍功韓祿總兵周道欽已棄所部隨潰卒遁去王得榜行抵狄
 道查點傅先宗所部各軍記名提督河州鎮總兵王得勝紮高家
 集彭國忠紮太平山總兵朱運廣紮虎牢關均扼太子寺竄狄道
 之衝逆首馬占龍等詢知甘南各步營潰退未遠三甲集董家山
 黑頭山一帶官軍正在增壘復進而安定站灘柳林溝一帶護運
 之軍日有增加其安定新調各軍方絡繹奔赴亦知官軍之不可
 力抗也因遣回目馬俊馬正元馬全福馬成龍唐成貴等詣三甲
 集行營涕泣求撫請遵准撫各條先繳馬匹軍械乞官軍暫緩進
 剿陳湜見其情詞似頗真切然同情多詐猶慮其假求撫為緩兵

之謀一面飛稟請示一面遣撫定回目馬壽清赴太子寺覘之臣
 宗棠以辦回之道不外勸撫兼施如果傾誠來投自當仰體 皇
 仁網開一面惟該逆等於窮蹙之後忽稍得逞得逞之後忽又投
 誠似其中或有別故密飭陳湜相機處置姑許其速繳馬械暫緩
 進兵聽候酌奪二十一日馬壽清自太子寺回營具言河回各頭
 目遵諭盡繳馬匹槍礮刀矛頂經立誓永無反覆並稱西甯回目
 馬永福等亦到太子寺竄赴肅州之陝回崔三禹得彥已於正月
 初二日折回大小南川均具稟署西甯知府馬桂源赴安定乞撫
 馬占龍於上臘十六日亦稟求馬桂源乞撫聞馬桂源已到蘭州
 十七日馬桂源果隨同道員馮邦棟自蘭州到安定稟見並帶同
 撫回陳林閻興春前來臣宗棠詳詢一切據稱與西甯回目馬永
 福所告馬壽清者脗合並面上臘十六日馬占龍所遞央保投
 東華續錄 同治九十三 天
 誠稟詞極為迫切蓋因逆黨及撒拉回逆傷亡過多又聞西甯陝
 回土回及米拉三溝回眾均已就撫番部亦聞風響應出路已斷
 勢極窮蹙故也比馮邦棟馬桂源至三甲集則馬占龍等已先繳
 馬七百餘匹槍械五六百件計自正月二十三日起截至三月初
 八日共繳馬二千六百餘匹又子槍九百餘桿刀矛四千餘件見
 尚陸續催繳按日呈送馬占龍馬尕大等詣陳湜馮邦棟前跪訴
 一切涕泣如雨陳湜諭以禍福令悉數呈繳馬械毋蹈金積故轍
 自取滅亡馬桂源回安定稟覆賊中疑懼情形漸釋各回目催繳
 馬械亦甚踴躍從前助逆各回及撒拉等回均已歸故集各處回
 民知官軍准撫均歸家及時耕種迥然不驚察看輪誠乞撫情形
 屬實臣宗棠飭新調各軍仍連營康家巖沙泥站一帶與前敵各
 軍聯絡一氣晝夜戒備候示進止俟各鄉馬械悉數呈繳取具各

同日並無隱雷切結然後委員編審戶口散給門牌乃言撫局也
又奏甘南諸軍馬隊共九營均因前敵料草爲難戰地又在巖谷
險峻之處不利馳驅去冬傅先宗楊世俊均將所部馬隊遣赴鞏
昌一帶就地餵養聽候調遣嗣因賊擾運道馬隊正在鞏屬截剿
未嘗調赴前敵故此大潰退祇有步營而馬隊均尙完整查步營
在後護運者敖天印所部屹立未動張仲春所部遵調赴三甲集
士氣仍奮此無庸置議者也惟傅先宗所部營哨官副將田大勝
參將李天禧都司徐正華千總張承前文志懿熊得勝當徐文秀
力援苦戰時乘營先遁致徐文秀勢孤力竭與壯士百四十餘名
同時戰沒覈其情節實無可寬應請旨飭正法軍前以昭炯戒記
名提督河州鎮總兵王得勝補用總兵朱運廣記名提督彭國忠
不能嚴督所部極力堵禦庸懦無能均應請旨革職雷營以覘後

東華續錄

同治九十三年

元

效據楊世俊稟所部營官總兵周道欽遊擊王勇軍功韓祿於移
營高家集之先棄營潛逃已飭嚴拏正法楊世俊所部營壘距賊
營僅祇里許糧路隔絕傅先宗陣亡後勢難久駐其退紮尙有可
原惟當徐文秀血戰捐軀時未能迅速援剿咎有應得念其平時
打仗勤奮應請旨革去勇號褫去黃馬褂降爲參將雷營帶隊以
覘後效區區愚忱竊以傅先宗徐文秀之殉合計將弁勇丁傷亡
實數不過二百餘員名退紮不過三十餘里於局勢雖無大礙然
甘南諸軍狂於從前姑容積習非嚴明功罪從嚴懲處切實裁撤
歸併以求精實不可此外弁丁有無潰退情形見在仍飭陳澐王
德榜悉心訪察分別辦理一面挑汰歸併以策全功又奏臣前據
署理西甯府知府馬桂源稟西甯各廳縣老民頭目馬永福等呈
稱西屬回眾以封齋起衅兵燹十年其間良莠不一見在認真改

過乞賜撫綏請委員來甯查辦等情並准西甯辦事大臣豫師咨
同前因當以回情反覆不敢稍涉遷就擬豫定受撫款目觀其能
否遵行咨准豫師覆稱款目內已量增數條俟馬桂源回甯時會
列三銜出示令其帶往曉諭並委員會辦等語加參覈尙稱周
密又據馬桂源詳據大通縣回日稟請委員驗收馬匹器械其情
詞迫切與府屬公稟略同自應併飭委員同時辦理查道員馮邦
棟爲化平撫回所信服陳林赴西甯時轉相告語該屬回眾傾慕
更殷此次陳林接棗三等來函央求馮邦棟前往受撫西甯撫局
自應併飭察看辦理以免紛歧又奏查徐占彪自高臺稟報上
年十一月十九日行次甘州府探悉陝回先期遁赴肅州遂抽帶
三營於二十七日馳抵高臺與成祿會晤卽於是日接防以步隊
兩營分紮撫彝高臺兩屬派總兵胡應芳帶馬隊百餘騎護送委

東華續錄

同治九十三年

手

員赴肅州南山各堡採買糧食十二月初四日抵清水地方遇賊
零騎駛至蓋不知徐占彪之來也胡應芳策馬緊追約五六里大
股二千餘踵至胡應芳揮隊迎敵適清水都司胡祥麟團紳王惠
等率團助戰陣斬悍賊數十名而奪其馬餘賊敗遁徐占彪初六
日在臨水得報卽夜親率步隊三營赴清水迎剿成祿亦派守備
鍾文遠帶所部一營同行急馳一百五十里初七夜二鼓抵清水
瞭見相距數里板板火光熒然知各莊據賊不少初八日黎明徐
占彪令提督陳春萬由南山小路進守備鍾文遠繼之參將吳占
勝由北面河灘進徐占彪自率親兵馬隊百騎步隊一營由中路
進賊倉卒齊隊抵拒適左右兩路畢集徐占彪怒馬衝入揮各營
從賊莊中穿出立斬悍賊數十賊大駭而奔官軍整隊緊追五十
里至金佛寺槍礮連環轟擊斃賊不知其數騎賊徑奔肅州徐占

彪因裏糧已盡留步隊一營馬隊一營駐清水而自率所部及成祿派去一營還高臺勇丁雖僅陣亡二名而沿途凍斃者十名凍傷者九十二名亦可見行隊之苦矣據逃出難民李八斤子供此股為崔三禹得彥胡天喜等逆眾約三四千本擬回西甯行至清水不知被何處官軍擊敗過兩日後又有大兵進剿兩仗賊中死傷甚多有認得旗子的說是從蘭州西來人馬人人害怕走回肅州恐官軍追擊十一日即出關去矣適徐占彪所部歸化營營官安杰自肅州偵探回營稱崔三禹得彥等敗回肅州後恐大兵跟蹤追來又虞官軍殺其大小南川家屬即於十一日出嘉峪關安杰於臨行時始得見面據稱賊之本意赴平涼投誠見已竄肅州慮求撫不能取信恒擾特甚決意從關外繞道返竄西甯就撫也惟前此出關竄擾安西所屬之陝回馬祥順及蘭州回目馬明擬

東華續錄

同治九十三年

三

就徐占彪處求撫請自備馬械效力贖罪密具稟詞交安杰呈遞徐占彪擬進肅州先據肅州城南三十里之紅水壩遏肅賊南竄之衝一面調駐涼之馬步各營由涼拔赴高臺會隊齊進為規取肅州之計臣已飭其相機圖之肅城踞賊無多徐占彪勇於赴敵似收復之期亦當不遠成祿此次出關較從前自易據署甘涼道蕭宗幹稟報成祿所收征糧已足今春三月之食又撥徐占彪軍糧內五十餘石歸其發價收買行糧可期充裕至其出關遲速則臣不能懸揣也曹克忠本是宿將聞其為人性情直爽亦急思立功西陲惟接統銘軍新舊交替之際實難孚洽所募新軍一時未及訓練若遽強其為邊塞數千里之行恐中道逃亡在所不免應否飭令李鴻章寬籌餉項抑減營就餉俾得從容整理以免掣肘之處伏候 聖裁 上諭軍機大臣等甘南官軍進攻太子寺賊

巢兩次失挫傷亡將士多至二百餘人覽奏曷勝憤懣傳先宗所部營哨官副將田大勝參將李天禧都司徐正華千總張承前文志懿熊得勝當徐文秀力援苦戰時棄營先遁致徐文秀等勢孤戰歿實屬罪無可道著左宗棠將該員等即在軍前正法以昭炯戒記名提督河州鎮總兵王得勝補用總兵朱運廣記名提督彭忠國不能嚴督所部實力堵禦實屬庸懦無能均著革職留營以觀後效提督楊世俊因糧路隔絕移營退紮情尚可原惟於徐文秀力戰時未能迅速援剿亦有應得之罪姑念其平時打仗勤奮著革去勇號褫去黃馬褂降為參將留營帶隊以示懲懲至辦回之法原應勦撫兼施惟須大加懲創後網開一面使知畏威懷德方為一勞永逸之計此次官軍疊次失挫賊勢方張忽復遣黨投誠難保不首鼠兩端陰懷詭計見在雖已陸續呈繳馬械左宗棠

東華續錄

同治九十三年

三

仍當察看情形妥慎籌辦以免後患所有新調各軍著飭與前敵諸營聯絡一氣嚴為戒備毋為奸回所乘西甯土客各回及陝回崔三等均各乞撫是否出自真心並著左宗棠穆圖善豫師督飭道員馮邦棟前往察看相機妥辦毋稍遷就徐占彪抵肅後擬先紮營肅州城南之紅水壩遏賊南竄之衝並調馬步各隊由涼州拔赴高臺進規肅城著左宗棠檄令激勵將士迅拔堅城毋任久踞刻下肅州軍務既有徐占彪一軍足資勦辦成祿所部軍糧可敷數月之食該提督即當拔隊啟程迅速出關不得再涉遷延其出關後需用糧食應如何源源接濟俾無缺乏之處仍著咨商左宗棠妥籌辦理將此由六百里各諭令知之○左宗棠奏西甯府屬貴德及丹噶爾兩廳遠界邊荒番雜處同治十年夏間陝回據西甯南川一帶兩廳戒嚴八月十二日賊五六千由江拉尕壤

溝攻貴屬亦雜什汛堡偵知帶有皮筏蓄意渡河署貴德營遊擊魏國恩妥布河防分隊飭千總鄧連喜進援亦汛並馳告署貴德同知兼署丹噶爾同知劉肇瑞由丹撥勇來會劉肇瑞飭丹屬練總陳洛藏以馬隊四百赴援另飭王重斗等分守四境要隘十三日鄧連喜率隊渡河賊依山爲營散掠各莊分股攻亦汛甚急因約漢番難民強健者千餘人十四日徑薄賊營殺守營賊三十餘名奪獲皮筏四百餘箇賊分股回援陳洛藏帶團踵至賊始解圍去十八日賊由亦汛山後闖入丹屬南路池漢李哈地方王重斗悉力抵禦劉肇瑞馳調西北兩路健丁助之陳洛藏亦帶馬隊回防十九日擇要設伏再督團丁分路猛進槍礮連環刀矛攢刺賊護賊返走且戰且行伏兵突起截擊賊大潰追殺二十餘里棄賊盈路計斃賊三百餘名嗣據探稱是日槍斃偽帥余逆二子畢逆東華續錄 同治九十三 五

虎逆均帶槍傷逆黨有糾眾復仇之說仍激勵各團扼隘以守二十六日賊果大至就日月山南臺連營暫住該處偏近青海是夜海風大作雪深尺餘凌晨黑霧迷漫團丁以槍礮測準賊營轟擊賊旋退去二十七日抵賊紮營處尙有斷矛殘桿堆積灰燼聞蓋燒以禦寒者賊遂不復再至九月間撤防又奏 上年肅清中北兩路後由中路進規河州除渡洮各軍外中南北三路均酌留防軍勻紮護運兼按零匪先後據提督蕭章開陝安道黃鼎等報稱誦知股匪二百餘竄中衛縣屬之廣武提督蕭義勝追之十一月二十五日遇於炭山斬二十餘名二十七日有賊踰邊牆攻牛家營堡提督何玉超馳援賊敗遁十二月初七日賊騎百餘竄炭井提督譚拔萃潛師以往出其不意斃賊十餘名餘賊回竄提督劉治均又由石空截殺十餘名十三日馬步賊數十人入觀音寺張

家小莊都司吳元超掩殺十餘名守備張維新繞扼要隘悉數捕殺又據陝西提 雷正綰咨開十二月初八日有股匪竄草州張家塘東山良回馬守成集團迎禦十四日捕獲逆目金忠才於紅溝寨斬之十八日與逆目馬天簡賽滿喇戰於小柳墟總兵易元壽聞警馳至夾擊獲勝斬賽滿喇並從匪二十餘名馬天簡馬天彥金忠明金忠彩等突圍去半角城撫回丁飛鵬報稱金忠明馬天彥行經半角城爲所追斬金忠彩亦爲匪黨馬天簡所戕遂密約馬天簡誘馬天簡斬之馬天簡眷屬三十餘口以降呈驗首級屬實已飭赴固原州安插正月二十日都司穆進善獲賊謀訊有河州竄出李萬海等二百餘騎據田家溝二十一日馳往檢守堡賊十名聞賊擾李俊堡回勦獲勝殺賊二十餘名餘匪竄逸南路糧運絡繹尤賊所垂涎十一月二十六日馬步賊二百餘竄鞏東華續錄 同治九十三 五

北三十里鋪提督周文翔夜襲之殺賊三十餘名生擒十一名查出逆目張魁斬之十二月二十日賊騎三百餘竄五里墩提督梅開泰迎勦獲勝跟追遇伏整隊擊之賊又敗二十一日賊竄狄道二十里鋪鈔劫馱驛總兵葉占魁追斬十餘名二十三二十五兩日總兵王光福擊賊於窯店均有斬賊二十八日都司陶達德護運赴三河口遇賊騎五百餘擊走之斃賊數名二十九日周文翔護運至熟羊城賊騎冒雪攔劫鑾戰兩時許始退踞三十里鋪挑奮勇壯丁乘夜襲勦賊驚覺逸去正月初二日周文翔又於熟羊城擊賊獲勝初八日回空糧車七十餘輛至東峪溝賊由溝出盡劫其車驟葉占魁力戰奪回檢斬甚眾是日梅開泰護至謝家堡遇賊斬逆目馬三胖十二日賊劫甘溝糧馱追擒悍逆張三娃斬之秦州運道亦時報匪擾提督殷華廷田連考等往來鈔擊時有

斬擒正月初六日田連考遇賊松樹溝殺賊十餘名初七日跟追至張家灣又殺賊五六十名援賊大至田連考及副將田應祥均身帶多傷扼紮平南川初九日賊撲營壘斃賊百餘名其分股至娘孃壩亦經田應祥擊退零騎又蔓及榆樹壩初十日殷華廷強鳳岐擊卻之臣聞報加檄總兵裴思朝尤成章副將楊德俊參將馮桂增以所部馬隊往賊已由平南川竄楊家山二十日及賊於白蠟峽鏖戰獲勝殺賊六十餘名生擒三十名二十九日追抵禮縣黑家巖繞前截擊殺賊多名越日分路進剿該逆已由西河馬塢一帶回巢中路站灘柳林溝一帶山徑紛歧賊每由沙泥一帶履冰渡河潛伏伺劫十二月初八日馬步賊千餘犯副將楊正茂營盤楊正茂擊走之十三日回空馱騾七幫至新田鋪被賊要截劉明燈躡追未獲徐文秀追抵沙泥斃落後賊數十名奪回馱騾

東華續錄 同治九十三年 五月

二十餘頭十七日總兵戴定邦護運至胡麻嶺賊由山凹橫截而出戴定邦督隊擊退聞站灘及楊泗川防營有警率隊馳援身受多傷尙裹創力戰圍始解糧馱亦無遺失正月初八日糧五幫行經柳林溝爲伏賊所劫甯夏鎮李佑清追之未及王衍慶聞信設伏水磨川二鼓後有賊潛入川口總兵黃宏藻倏起猛擊賊驚而奔次日窮搜無迹十一日大股逆回數千圍柳林溝營壘李佑清憑牆力禦斃賊數十名十二日王衍慶率隊赴援分道鈔殺賊踰山狂竄其靜會一帶亦時有零匪出沒正月十八日探悉甯城南高界陵有賊伏匿提督周紹濂飭總兵周曙良率隊掩捕斃賊數十名又追斬賊目張五等數十名生擒十名二十日搜山遇馬步賊百餘名自山凹出官軍猛進殺賊數十名臣維北路零匪無多回逆所注意擾運者亦祇在中南兩路卒之各營分段嚴防前

敵軍糧轉饋未誤見已一律安謐運道無虞報聞○予甘肅陣亡提督傅先宗徐文秀祭葬世職加等並建專祠總兵官鄭守南等十一員祭葬世職加等附祀徐文秀專祠○予安徽陣亡副將吳秀於原籍建祠子都司國榮附祀○戊子加賞普濟堂功德林賑米二百石展期兩月○己丑欽奉 慈安皇太后 慈禧皇太后懿旨著於本年九月十四日冊封皇后禮成後即日冊封慧妃其瑜嬪珣嬪冊封日期著欽天監於十月內擇吉舉行○諭軍機大臣等杜嘎爾奏籌撥各隊分布防剿一摺賊匪三百餘人見由公阿畢爾米特旗漸趨東南竄近桑錦達賴等處烏喇特爲賊竄熟徑防剿喫緊杜嘎爾已檄成山永德各帶吉林黑龍江馬隊前赴烏喇特交界洪科塔拉地方暨達爾漢貝勒旗和林果爾分投堵剿即著飭令該兩軍星馳前進扼要嚴防遇賊即擊杜嘎爾仍當

東華續錄 同治九十三年 五月

將存營馬隊趕緊挑補整飭隊伍前赴適中地方相機勦辦毋稍大意該逆此擊彼竄忽靡常並著定安富勒理督飭防軍勤加偵探聯絡防剿以免疏虞賽爾烏蘇爲糧運要路杜嘎爾以賊勢東犯擬於奎昌等前調察哈爾馬隊一千名內截留五百名仍防哈爾尼敦騰出富珠哩一軍守賽爾烏蘇以衛糧道自係先其所急即著飭令該副都統帶隊前往防守毋稍鬆懈將此由六百里各諭令知之○庚寅諭軍機大臣等景廉奏催調馬隊派兵西進並請飭文麟撥兵援助各摺片據稱該營兵力單薄必須馬隊助剿擬令吉爾洪額統帶黑龍江官兵五百名由科城徑赴奇古以期便捷等語吉爾洪額所帶馬隊業經杜嘎爾奏報啟程見在行抵何處著奎昌志剛多布沁札木楚常順保英查明飭令迅速前進即由科布多徑赴奇台古城一帶聽候景廉調遣成祿前調吉

林黑龍江馬隊各五百名該省已報啟程到西路後景廉亦可會商調撥以資厚集景廉已派營官金永清帶領一營先赴古城駐紮並經理屯田事宜以資兵食即著該都統悉心經畫督率後路各營陸續進發相機攻剿毋稍遷延兵勇長途遠役該都統務當妥為駕馭恩威並用以固軍心景廉軍營需餉甚急前由西征糧臺運解餉銀六萬兩成祿何以全行截留實屬不顧大局著成祿即將前項餉銀分撥景廉應用派員護解赴坤以濟急需濟木薩迤南大河口一帶通迪化吐魯番為逆匪往來必由之路景廉以威儀後營營官李生元熟悉該處情形請調該員前往扼守著文麟即飭該員管帶所部勇丁馳赴古城擇要駐紮以壯聲威軍功柳天祥探悉伊犁軍情所稱俄人纏頭漢回各懷爭鬪之心勢不相下等語是否屬實仍著景廉隨時派員確切偵探據實具奏榮

東華續錄

同治九十三

壬

全行抵塔爾巴哈台後行知俄官定地會議刻下辦理情形若何著該署將軍妥慎籌辦詳細奏聞將此由六百里各諭令知之○展五城煮賑兩月○癸巳允瑞麟奏調福建輪船赴廣巡洋○甲午諭內閣左宗棠奏請將護理道員革職擊問一摺撤任護理安肅道花翎四品頂帶寶型前在肅州時諸事惟同逆馬四之言是聽且目漢圍為土匪迫令散團從教復借官銀賞賂實屬悖謬已極寶型著即行革職擊問交左宗棠嚴行審訊按律定擬具奏○諭前因張廷岳等奏參達爾濟縱賊達颺及伯克瓦齊爾等附和招降等情先後降旨將達爾濟革職擊問交奎昌多布沁札木楚杜嘎爾訊擬具奏並將伯克瓦齊爾等分別撤任質訊茲據奎昌等訊明達爾濟被參各情請旨辦理等語此案已革總管達爾濟於上年九月間追賊至畢雷圖招地方賊已被困廟內並不就地

東華續錄 同治九三

撲滅輕聽賊匪投誠之言致令乘夜逃竄實屬咎有應得惟念該員旋在喀雅喀喇烏蘇地方剿賊獲勝其從前帶隊亦尚得力達爾濟著免其治罪仍帶革職處分留於軍營責令管帶察哈爾馬隊剿賊以觀後效公奇莫特多爾濟札奇魯克齊伯克瓦齊爾同在畢雷圖廟東南地方列隊賊匪潛由該處竄走又復捏詞稟報希圖卸過情殊可惡姑念該員等前在庫倫防剿尚屬出力奇莫特多爾濟伯克瓦齊爾均著革職留營效力以示薄懲張廷岳等輕信屬員之詞並不詳細查明率行參奏實屬不合張廷岳阿爾塔什達均著交部議處其檢獲賊黨奎昌等分別辦理○丁酉諭軍機大臣等禮部奏據朝鮮咨請奏一摺並將原咨鈔錄呈覽據稱上年十月間有伐木匪民七十餘人乘夜越界屯聚朝鮮杜芝洞山開闢復聚多人渡江放火焚燒房屋經該國礮勇擊斃數名仍屯聚下流金昌里對岸旋有王陽春韓五亭等投遞約書均各散去等語匪民越江滋擾大干法禁所稱該國平安道厚昌郡究與盛京地方何處毗連見在匪徒雖經散去惟事關冒禁越境亟須徹底查明嚴行懲辦著都興阿瑞聯飭令該處地方文武嚴密查拏妥為辦理嗣後仍當嚴禁偷越毋使再有出境滋擾情事並著禮部即行知照朝鮮以安藩服禮部摺及朝鮮原咨均著鈔給都興阿等閱看將此諭知禮部並由四百里諭令都興阿瑞聯知之○已亥諭軍機大臣等劉嶽昭奏派軍出境會剿與義賊匪一摺貴州興義府城踞匪及新城賊巢久為滇黔兩省邊患前據曾璧光等奏貞豐克復派兵進規與郡新城茲據劉嶽昭奏見派副將吳奇忠等管帶忠義等營由興義縣進征知府李維暹等管帶銳字左右營由普安廳進征並派道員沈壽榕馳往興義督率

東華續錄

同治九十三

壬

撲滅輕聽賊匪投誠之言致令乘夜逃竄實屬咎有應得惟念該員旋在喀雅喀喇烏蘇地方剿賊獲勝其從前帶隊亦尚得力達爾濟著免其治罪仍帶革職處分留於軍營責令管帶察哈爾馬隊剿賊以觀後效公奇莫特多爾濟札奇魯克齊伯克瓦齊爾同在畢雷圖廟東南地方列隊賊匪潛由該處竄走又復捏詞稟報希圖卸過情殊可惡姑念該員等前在庫倫防剿尚屬出力奇莫特多爾濟伯克瓦齊爾均著革職留營效力以示薄懲張廷岳等輕信屬員之詞並不詳細查明率行參奏實屬不合張廷岳阿爾塔什達均著交部議處其檢獲賊黨奎昌等分別辦理○丁酉諭軍機大臣等禮部奏據朝鮮咨請奏一摺並將原咨鈔錄呈覽據稱上年十月間有伐木匪民七十餘人乘夜越界屯聚朝鮮杜芝洞山開闢復聚多人渡江放火焚燒房屋經該國礮勇擊斃數名仍屯聚下流金昌里對岸旋有王陽春韓五亭等投遞約書均各散去等語匪民越江滋擾大干法禁所稱該國平安道厚昌郡究與盛京地方何處毗連見在匪徒雖經散去惟事關冒禁越境亟須徹底查明嚴行懲辦著都興阿瑞聯飭令該處地方文武嚴密查拏妥為辦理嗣後仍當嚴禁偷越毋使再有出境滋擾情事並著禮部即行知照朝鮮以安藩服禮部摺及朝鮮原咨均著鈔給都興阿等閱看將此諭知禮部並由四百里諭令都興阿瑞聯知之○已亥諭軍機大臣等劉嶽昭奏派軍出境會剿與義賊匪一摺貴州興義府城踞匪及新城賊巢久為滇黔兩省邊患前據曾璧光等奏貞豐克復派兵進規與郡新城茲據劉嶽昭奏見派副將吳奇忠等管帶忠義等營由興義縣進征知府李維暹等管帶銳字左右營由普安廳進征並派道員沈壽榕馳往興義督率

四九五

會期即著劉嶽昭岑毓英飭令沈壽榕於行抵興義後即行會合
 黔省官軍將進剿機宜妥商辦理曾璧光當檄令吳德溥等迅速
 督隊合力剿擊將興義府及新城等處剋期攻拔毋稍延緩此次
 雲南派出各軍所需糧餉軍火並著曾璧光妥籌兼顧毋令缺乏
 將此由五百里諭知劉嶽昭岑毓英曾璧光並傳諭周達武知之
 ○辛丑大學士瑞常卒晉贈太子祭葬諡文端入祀賢良祠○
 癸卯允喬松年奏飭山東撥銀五萬兩修築運迦二廳隄工○甲
 辰諭軍機大臣等文麟奏肅州回逆出關肆擾暨李生元所部未
 能拔隊赴濟木薩各摺片肅州大股賊匪復行出關攻陷雙塔堡
 汛城頭起賊隊已有竄赴敦煌之信該處本有威儀馬步隊及新
 中營勇丁駐紮防堵即著文麟飭令各營會同戶勇及在城官兵
 協力堵禦毋任賊匪深入成祿當率所部剋期出關迅將此股竄
 匪盡數殲除鼓行而西不得再涉遲延致滋貽誤景廉後路轉運
 事宜據文麟奏稱哈密車駝短缺又乏餘糧轉運難於籌辦請令
 鎮迪道出關專辦後路轉運各事宜等語鎮迪道員缺已有旨簡
 放恩綸照景廉所請令由北路赴任所有景廉後路糧運著左宗
 棠另派道府大員兼程出關妥為料理以濟軍食該大臣派員出
 關勢難迅速仍著文麟隨時設法兼顧毋稍膜視哈密東路時有
 賊氛李生元所部駐紮二堡未能調赴濟木薩一帶見在張玉春
 等已率所部馳抵景廉軍營該都統酌度情形或能另撥一軍協
 防濟木薩俾李生元所部仍駐二堡以免空虚著隨時會商文麟
 妥為籌畫賊有撲犯哈密之說著文麟勤加偵探實力防範不可
 稍涉疏虞將此由六百里各諭令知之○庚戌諭軍機大臣等常
 順保英奏回匪分股出竄請調撥馬隊防剿一摺據稱探報回匪

二萬餘眾分為兩股一股由索倫錫伯格圖路撲犯烏科一股由
 巴勒巴爾海春住拜新圍賽哈諸路竄擾庫倫等語賊匪大股出
 竄深慮乘虛撲擾逞其詭謀烏科兩城防守事宜關緊要即著
 奎昌志剛多布沁札木楚常順保英妥籌布置勤加偵探加意防
 剿不得稍涉疏虞其庫倫防務著張廷岳阿爾塔什達先事籌備
 以固邊圉前據杜嘎爾奏滋擾阿畢爾米特旗遊牧之賊竄近桑
 錦達賴等處該副都統擬赴適中地方相機督剿此股賊匪見竄
 何處該逆股數不一奔突靡常杜嘎爾務當斟酌機宜嚴飭將弁
 偵賊所向實力截剿並將竄庫竄烏之路派兵嚴密堵禦毋任匪
 蹤擾及常順等以大同官兵孱弱請將蘇彰阿所帶兩起馬隊調
 赴科城惟烏城兵亦無多此項馬隊是否可以調撥著奎昌常順
 等會商妥辦大同兵遠道抵防甚屬不易若遽行裁撤未免可惜
 東華續錄 同治九十三年 早
 著常順申明紀律認真訓練俾成勁旅以資捍禦將此由五百里
 各諭令知之○王子諭軍機大臣等張廷岳阿爾塔什達奏庫倫
 情形今昔不同請量為變通一摺據稱庫倫孤懸草地無城無池
 向未設兵戍守遇有事務須調取圖車兩部落官員差委往返需
 時見在事務較繁擬將圖車兩盟之協理將軍和貝飭令每年輪
 班在庫聽候差委該處近接俄疆請由圖車兩盟蒙兵內每季輪
 班派四百名分駐四隅防守與將軍和貝輪替休息所有烏城駐
 班即責成賽札兩盟將軍和貝按季輪替圖車兩盟毋庸赴烏城
 駐班其賽札兩盟所屬毗連俄國之卡倫距庫較遠請仍歸烏城
 將軍管理遇有烏庫交涉事件彼此咨商關照等語所陳各情係
 為因時變通起見惟如該大臣所奏是否烏庫兩處均各得宜並
 有無流弊之處事當更改舊章不厭詳求著金順奎昌志剛多布

沁札木楚張廷岳阿爾塔什達統籌全局彼此悉心會商據實覈奏張廷岳等原摺著鈔給金順等閱看將此由五百里各諭令知之○癸丑以孟夏時享 太廟 上前期親詣行禮○諭軍機大臣等左宗棠穆圖善奏西路官兵迎剿竄匪一摺大靖古浪永昌一帶時有賊匪竄擾雖經官軍迎剿獲勝仍恐游氛不時出沒致擾春耕仍著左宗棠穆圖善督飭各路官軍嚴密防範隨時搜捕毋任紛竄前敵各營失利後左宗棠尚未續有奏報見在情形若何敗挫各營如何整頓近日有無戰事殊深慮繫西甯土客各回及陝回崔三等前於官軍疊挫賊勢方張之時遣黨投誠殊恐另有狡謀左宗棠務當熟審賊情妥慎籌辦不可一時輕信致為所紿目下如何辦理暨官軍賊勢近日情形若何著左宗棠隨時詳細奏聞將此由六百里各諭令知之○是月豁免甘肅河州等二十四州廳縣暨沙泥州判紅水縣丞所屬被擾同治元年至八年應徵額賦緩徵陝西府谷縣被雹本年額賦

東華續錄

同治九十三

望

豫奏陝邊近日防剿情形並探聞甘省軍情一摺安邊定邊地方均有賊騎數百擾及雖官軍擊敗遁竄惟我軍亦有傷亡且逆蹤飄忽靡常北山與甘省毗連處所逼近邊牆草地游匪時虞竄越即著邵亨豫督飭延榆綏鎮道將北山一帶防務實力籌辦並著嚴飭譚仁芳管帶所部剋日拔赴延安一帶相機防剿毋稍鬆懈勇隊之不得力而擾民者迅即妥為裁撤騰出經費調募得力勇營以資鎮撫延榆各屬本係地瘠民貧即應撤飭該管道府督率收令招撫流亡廣為開墾州縣優劣即於是分毋得有名無實至回逆投誠一節疊諭左宗棠察奪妥辦茲據邵亨豫奏探聞河州西甯回目先後乞降呈繳馬械甚多回酋馬占鼐等四人各質其子陝回崔三禹得彥等自肅州敗竄亦赴西甯投誠惟狗齒牙一股不肯歸降見敗竄慶涇交界之驛馬關等語回族眾多原無盡剿之理惟性情反覆無常時虞挾詐不可不防仍著左宗棠豫師體察情形妥慎辦理近日撫局有無端緒如何辦法並著隨時詳細奏聞前敵後路仍應加意嚴防慎毋為賊所乘其狗齒牙一股著左宗棠穆圖善飭令雷正綰等督軍痛剿迅殲醜類慶涇接壤陝省邵亨豫尤當嚴飭在防各軍實力堵禦毋任竄越將此由五百里各諭令知之○諭杜嘎爾奏竄匪回遁探蹤進剿一摺據稱本年正月間阿畢爾米特旗屬博羅諾木汗地方突由西北竄來賊匪二三百於二月間向西竄走巴勒達勒多爾濟旗亦有西來賊匪數十名於二月間回向西遁由察里勒圖察汗德勒地方竄入胡濟爾圖和碩等處見已回遁等語據奏各情似此股賊匪由烏里雅蘇台附近竄出見又向西回竄匪蹤飄忽靡定究竟來自何方竄往何處杜嘎爾已拔隊由中路進兵務當確探賊蹤擊

東華續錄

同治九十三

望

痛剿毋任日久蔓延賊情詭譎並須防其多分股數四面牽掣致官軍應接不遑乘間竄擾完善地方匪蹤前趨東南近又西遁烏城防務甚關緊要庫倫雖稍遠賊氛仍虞再犯著奎昌志剛多布沁札木楚張廷岳阿爾塔什達隨時偵探互相知照一遇賊匪竄近立即痛加剿洗毋稍疏懈杜嘎爾營中駝隻疲乏遠道運糧未能得力該副都統已商令四子部落等旗派員幫同委員就地雇覓民駝以資應用著定安傳知各該旗妥為照料不得稍涉膜視賊勢既分並著督飭防軍相機堵遏毋任竄近烏喇特等旗境張廷岳等前奏逃回蒙古男婦報稱有正月間賊匪帶二萬餘眾分犯烏庫之說嗣復探得西路竄匪有二千餘人之多此次杜嘎爾所奏回竄之賊僅二三百名及數十名是否分股逃竄他處是否另有匪徒竄匿著張廷岳杜嘎爾等查明據實具奏將此由五百

東華續錄

同治九十三年

聖

里各諭令知之○戊午諭軍機大臣等景廉奏二起官兵拔隊西進肅逆竄陷瓜州援軍失利西路各營情形請添設臺站各摺片景廉所部靖邊前營見已拔赴古城所有駐紮哈密各營仍著督催前進以資厚集該都統以兵力尙單請調科布多駐紮官兵惟近據常順等奏探聞回匪有分竄烏科之信方以大同官兵孱弱難恃尙須整頓且該城止此兵力亦未便遽行抽調所請著毋庸議金順尙在包頭一帶未據奏報啟程其吉爾洪額所帶馬隊早經拔隊見已行抵何處仍著奎昌志剛多布沁札木楚常順保英查明飭催速赴奇古一帶聽候調遣孔才所統各營本係烏合之眾人心不無參差惟刻下西路軍務與其遠調官兵難期應手不若就地取材較為便捷景廉務當曉以大義妥為駕馭俾其躍踊用命以壯聲威回匪與安集延既構釁未已亟應整頓隊伍設法

進取榮全前議挑選索倫等項人眾會合鄉團規取瑪納斯等處不為無見仍著榮全察看情形妥籌辦理伊犁近日情形若何俄人曾否會議並著隨時具奏肅州回匪竄陷瓜州署安西協副將柳致勝援剿失利為賊所掠用銀贖回殊堪痛恨著交部嚴加議處署安西州知州王秉鏞以催糧為名日久未回州城顯係規避取巧著交部議處近時關外賊勢若何安西等處城防緊要文麟當隨時兼顧派兵援剿毋稍疏虞此時肅州一帶徐占彪專司勦辦成祿即應迅速出關將安敦玉等處竄匪悉數掃蕩鼓行而西與景廉會合進兵不得再行延宕致誤戎機景廉擬添設臺站五處著照所請辦理需用馬匹及應支鹽菜口糧等項即著景廉開明數目知照奎昌如數撥給文碩前奏沙山子等處屯田事宜著常順保英酌度情形派員董率經理以資軍食將此由六百里

東華續錄

同治九十三年

聖

各諭令知之○己未諭軍機大臣等豫師奏辦理西甯等處撫案情形等語西甯回匪及陝西崔三等乞撫業經左宗棠等酌議章程派道員馮邦棟前往籌辦見在米拉溝等處回自治成林等復帶同黨眾赴豫師軍營呈繳馬匹器械已交馮邦棟一併辦理該回眾等情急乞命雖似可信惟向來撫賊之法難於勦賊非辦理盡善必貽後患左宗棠豫師務當慎遵疊次諭旨督飭馮邦棟體察情形妥慎籌辦不得稍涉大意俟辦有端緒即行據實奏聞將此由五百里各諭令知之○以直隸災歉減長蘆傳辦活計銀兩○予故河南南陽鎮總兵官王萬釗附祀提督楊鼎勳祠○予江蘇太倉陣亡參將王國安祭葬世職○庚申左宗棠奏河州撫事漸可就緒馬匹已繳過三千四百餘匹又子槍及長矛雜械已繳過七千餘件隨教漢民已拔出六百餘戶安插安定縣轄各境回

日馬占鼇馬大等復自限半月投繳馬械悉數完畢再請委員
察驗情狀尚屬可信前敵各營及護運各營均就地興屯廣行耕
墾臣復將河內所繳馬匹分別留營及填補驛馬餘均散給各州
縣貧農據各處稟報流亡稍聚荒絕之產耕墾日多入春計難民
戶口散給種籽賑糧經費已屬不資然兵屯民屯星羅棋布火民
日眾土地日闕無論地方可冀漸次復元將來糧食日多採運之
費亦資節省矣甘南一帶軍務宜旨斬決潰逃將弁田大勝李天
禧徐正華張承前文志懿熊得勝等并飭及時裁汰撤遣籍隸外
省者給以盤川勒令歸籍籍隸本省者給以賑種勒令歸農察看
情形已就肅謐其西甯撫局已飭道員馮邦棟前赴平番會商安
辦准豫師咨稱米拉溝回亦急思就撫徐占彪前准收撫之陝回
馬長順等旋因成祿設護送寶型之陝回二十餘名疑懼不釋遂

東華續錄

同治九十三年

吳

挈其眷屬赴西甯就撫見飭馮邦棟一併察辦徐占彪報續獲勝
仗肅州逆首馬四受傷回城亦有投誠之說據署甘涼道蕭宗幹
稟涼州甘州所屬近均安帖驛路疏通是嘉峪關以內似有肅清
之望也其陝甘各回零騎剽掠在承平時亦所難免然至多者不
過二三百騎少僅數十騎除南路北路中路各營隨時搜捕均有
擒斬逆猷漸消近惟狗齒身一起三百餘騎竄擾花馬池及陝西
定邊安邊等處雖據蕭章開兩次掩捕擒斬近百名並奪其馬然
逆賊見兵即竄未能聚殲聞已東竄臣已嚴飭劉厚基成定康督
令防營迅圖撲滅料亦無能為患耳 上諭軍機大臣等河州回
目馬占鼇等已呈繳馬匹器械自限半月悉數完繳再請委員察
驗米拉溝回眾亦思就撫昨據豫師奏報已諭令該大臣妥慎籌
辦甘省回族眾多性情狡譎見雖乞撫是否真心悔罪尚不可知

且議撫後必須措置咸宜使彼族輸誠悅服方免滋生事端該大
臣總當籌畫萬全慎益加慎斷不可掉以輕心遷就了事致異日
重煩兵力該回等每以乞撫緩師悉力東作俟春耕事畢仍圖抗
拒官軍此等詭計尤應嚴防是在該大臣酌度機宜妥為籌辦免
致為其所絀西甯撫局應飭馮邦棟詳慎辦理肅回雖有投誠之
說並未大受懲創仍應嚴飭徐占彪實力勦洗均毋墮逆回狡計
其狗齒牙一股及零星回騎左宗棠當督飭各營迅圖撲滅掃蕩
逆氛以靖疆圉將此由五百里諭令知之○辛酉設化平川廳訓
導照磨外委各一○癸亥諭軍機大臣等王文韶奏援黔官軍掃
除賊巢一摺清水南岸開懷香鑪山等處賊巢次第攻破凱里以
北業已廓清見在逆眾屬聚烏牙坡一帶恃險負隅賊勢已形窮
蹙著王文韶飭令龔繼昌戈鑑等乘此破竹之勢奮力進攻毋稍
鬆勁並飭唐本有等從凱里一路合兵進剿四面兜圍以收聚殲
之效曾璧光亦當督飭黔軍會合楚師聯絡進取總須嚴密布置
將該逆就地殄除不可縱令逸出致貽後患所有已復地方一切
善後事宜仍著曾璧光遴派妥員悉心經理以靖苗疆將此由五
百里諭知曾璧光並傳諭周達武王文韶知之○予貴州陣亡副
將王宗高等祭葬世職○甲子御史袁承業奏河東鹽務積弊諭
鮑源深認真釐剔○丁寶楨請調閩省輪船赴山東巡防允之○
丙寅停江蘇淮關傳辦活計○庚午諭錢鼎銘籌撥吉林官兵整
裝銀兩並命李鴻章等迅解吉林欠餉○諭文煜王凱泰調撥輪
船赴牛莊海口巡緝○辛未諭軍機大臣等王文韶奏蕩平苗逆
巨巢大略情形一摺貴州苗匪疊經官軍勦敗悉數竄聚烏牙坡
一帶本年三月間黔楚各軍併力兜剿將烏牙坡賊巢攻毀黔疆

東華續錄

同治九十三年

吳

且議撫後必須措置咸宜使彼族輸誠悅服方免滋生事端該大
臣總當籌畫萬全慎益加慎斷不可掉以輕心遷就了事致異日
重煩兵力該回等每以乞撫緩師悉力東作俟春耕事畢仍圖抗
拒官軍此等詭計尤應嚴防是在該大臣酌度機宜妥為籌辦免
致為其所絀西甯撫局應飭馮邦棟詳慎辦理肅回雖有投誠之
說並未大受懲創仍應嚴飭徐占彪實力勦洗均毋墮逆回狡計
其狗齒牙一股及零星回騎左宗棠當督飭各營迅圖撲滅掃蕩
逆氛以靖疆圉將此由五百里諭令知之○辛酉設化平川廳訓
導照磨外委各一○癸亥諭軍機大臣等王文韶奏援黔官軍掃
除賊巢一摺清水南岸開懷香鑪山等處賊巢次第攻破凱里以
北業已廓清見在逆眾屬聚烏牙坡一帶恃險負隅賊勢已形窮
蹙著王文韶飭令龔繼昌戈鑑等乘此破竹之勢奮力進攻毋稍
鬆勁並飭唐本有等從凱里一路合兵進剿四面兜圍以收聚殲
之效曾璧光亦當督飭黔軍會合楚師聯絡進取總須嚴密布置
將該逆就地殄除不可縱令逸出致貽後患所有已復地方一切
善後事宜仍著曾璧光遴派妥員悉心經理以靖苗疆將此由五
百里諭知曾璧光並傳諭周達武王文韶知之○予貴州陣亡副
將王宗高等祭葬世職○甲子御史袁承業奏河東鹽務積弊諭
鮑源深認真釐剔○丁寶楨請調閩省輪船赴山東巡防允之○
丙寅停江蘇淮關傳辦活計○庚午諭錢鼎銘籌撥吉林官兵整
裝銀兩並命李鴻章等迅解吉林欠餉○諭文煜王凱泰調撥輪
船赴牛莊海口巡緝○辛未諭軍機大臣等王文韶奏蕩平苗逆
巨巢大略情形一摺貴州苗匪疊經官軍勦敗悉數竄聚烏牙坡
一帶本年三月間黔楚各軍併力兜剿將烏牙坡賊巢攻毀黔疆

逆苗全股一律蕩平覽奏實深欣慰著俟詳細情形奏到再行降旨宣示該逆悍酋如金幹幹包大肚等曾否擒斬著曾璧光等查明具奏並著飭令各軍按捕餘匪毋留遺孽所有地方善後事宜並投誠黨眾應如何安插彈壓之處曾璧光等務當悉心籌畫妥為經理其援黔各軍應如何分別撤留著王文韶酌妥辦將此由五百里諭知曾璧光並傳諭周達武王文韶知之○癸酉諭何璟等籌撥銀兩添造江甯駐防軍裝○允奎昌等奏改建烏里雅蘇台石城並整頓臺務○甲戌諭瑞麟等迅解西征協餉○戊寅翰林院侍講孫詒經以天變疏請修省 上嘉納之○以庫款支絀諭內務府力求撙節○己卯諭內閣朕奉 慈禧皇太后 慈禧皇太后懿旨據通政司副使王維珍奏請益廣孝思以臻豫順一摺覽奏殊深詫異皇帝沖齡踐阼於今十有一年侍奉晨昏孝養無間當亦在廷臣工所共知王維珍摺內所稱先意承志幾諫不違並孝思維則基諸宮庭等語不知意何所指似此任意揣測信口妄言實屬荒謬王維珍著交部嚴加議處原摺著即擲還○諭大學士兩江總督曾國藩於本年二月間因病出缺當經降旨優予卹典並於湖南原籍江甯省城建立專祠生平政績事實宜付史館一等侯爵即令伊子曾紀澤承襲其餘子孫幾人令何璟查明具奏候旨施恩旋據何璟英翰李瀚章先後臚陳曾國藩歷年勳績英翰李瀚章並請於安徽湖北省城建立專祠又據何璟遵查該故督子孫詳晰覆奏披覽之餘彌增悼惜曾國藩器識過人盡瘁報國當湘鄂江皖軍務棘手之際倡練水師矢志滅賊雖屢經困厄堅卓絕曾不少渝卒能萬眾一心削平逋寇功成之後寅畏小心始終罔懈其薦拔賢才如恐不及尤得以人事君之

義忠誠克效功德在民允宜疊沛恩施以彰忠盡曾國藩著於安徽湖北省城建立專祠此外立功省分並著准其一併建祠次子附貢生曾紀鴻伊孫曾廣鈞均著賞給舉人准其一體會試曾廣鎔著賞給員外郎曾廣銓著賞給主事均俟及歲時分部學習行走何璟英翰李瀚章摺三件均著宣付史館用示眷念勳臣有加無已至意○諭軍機大臣等文麟奏回匪竄擾敦煌瓜州堡等處撲入安西官軍擊退賊匪情形各摺片肅州逆回屢次出關竄擾敦煌安西等處勢甚蔓延敦煌北湖等處踞匪疊經兵勇擊退見已遠遁其撲入安西之賊亦經官軍擊退惟該逆來去無常仍應隨時嚴密防範安西屢被賊匪闖入實屬防守不力文麟見已調派營官周鼎遊擊張忻各帶兵勇前往助守著即飭令會同在城官兵妥籌守禦毋稍疏失署西安協副將柳致勝援剿失利前經東華續錄 同治九十三 吳景廉奏參業經交部嚴加議處文麟所請從寬免議之處著不准行仍著文麟責令該員督率官軍認真防剿以贖前愆敦煌安西等處居民疊遭蹂躪情殊可憫文麟當督飭該地方官妥為撫恤並董勸耕種毋使失所成祿屢奏部署出關究於何日啟程著該提督慎遵疊次諭旨速籌進發不得再以肅逆牽掣為詞稍涉延宕將此由六百里各諭令知之○是月減免貴州興義等九府貞豐等五十州廳縣暨冊亨州同大塘州判錦屏鄉縣丞所屬並古州衛被擾節年額賦

五月甲申朔日食○免熱河騰圍旗民租課三年○乙酉諭內閣昨日御史李宏謨奏請勤召對一摺覽奏實堪詫異自朕御極後兩宮 皇太后垂簾訓政勵精圖治惟日孜孜召見臣工訪求治理本年入春以來 慈禧皇太后聖躬時有不適仍以勤政為心

第 38 冊 續修四庫全書 2 215

無開召對迨三月初旬以後 聖體違和久未痊愈始月餘未經
視朝然四月二十六日猶力疾召見軍機大臣嗣因 聖體尙未
大安是以連日仍未召見李宏謀近在京師豈獨毫無聞見竟以
逐日召見爲請嘵嘵瀆陳冒昧已極朕意本欲從重懲處乃我
皇太后以廣開言路之時特降 懿旨加恩免其褫革仍傳旨嚴
行申飭○予浙江陣亡殉難知縣楊尙瑛等祭葬世職○丙戌諭
內閣御史袁承業奏近聞太監在京城內外開列多鋪並蓄養勝
春奎戲班於園莊各處演戲實屬大干禁令著總管內務府大臣
步軍統領順天府五城一體嚴禁並隨時稽查如有前項情事即
據實奏明從嚴懲辦○諭軍機大臣等曾璧光等奏下游官軍連
克賊巢驛路疏通一摺前據王文韶奏黔楚各軍業於三月間攻
克烏牙坡賊巢逆苗全股一律蕩平此次曾璧光所奏尙是正月

東華續錄

同治九十三年

兗

以前之事刻下大股苗匪既經剿平亟應趁此大軍未撤之時搜
捕餘匪妥籌善後以期一勞永逸王文韶前奏摺內聲稱苗匪棄
械投誠者萬餘人竄投黔軍就撫者亦復不少此項降眾應如何
設法安插必須妥慎籌辦其著名首要各犯如有在逃未獲者亦
當上緊購捕務絕根株免致死灰復然以上各節著曾璧光周達
武王文韶督飭各軍會同該地方官悉心商辦不得苟且了事致
貽後患上游興義一帶踞匪近日攻剿情形若何應否抽調下游
官軍助剿之處著曾璧光等酌度辦理將此由五百里諭知曾璧
光並傳諭周達武王文韶知之○予貴州陣亡總兵官周定堃四
川傷亡總兵官劉爲美甘肅陣亡遊擊楊文嵐祭葬世職○已丑
諭軍機大臣等景廉奏探聞西路軍情派兵西進暨安敦地方被
賊竄擾情形各摺片烏魯木齊回逆見與安集延彼此攻擊景廉

當乘此機會隨時確切偵探設法進取將醜類悉數掃除收復疆
圍該逆曾差人赴趙興體營投誠未允所請嗣後如同逆安集延
等復有投誠之說景廉仍當妥慎籌辦斷不可爲其所紿孔才辦
事未能妥協景廉已派提督張玉春馳赴古城會同孔才辦理防
剿並屯墾事宜著即飭令該提督悉心部署以資戰守徐學功回
營後尤應妥爲駕馭令其帶隊進剿並將趙興體營勇隨時加意
拊循俾爲我用靖邊中營已赴古城後營及親兵營亦陸續調令
赴坤惟駐紮安西之靖邊左營一時尙難開隊著景廉催令楊定
邦將該營趕緊募補足額刻期啟行毋任延宕景廉軍營餉需久
絀各省專協各餉著戶部催令各該督撫迅即如數運解以濟要
需並著奎昌多布沁札木楚志剛額勒和布各將所屬臺站竭力
整頓酌派駝馬接運景廉軍營餉銀毋稍遲滯安敦被賊竄擾與

東華續錄

同治九十三年

辛

文麟前奏略同該逆雖已東竄難保不去而復來仍著文麟慎遵
前旨認真防剿撫恤居民靖邊左營見須西進文麟當飭令安西
州豫備車輛行糧俾利進行毋稍膜視將此由五百里各諭令知
之○癸巳左宗棠奏提督徐占彪稟報前駐涼馬步正月二十五
六等日陸續拔赴高臺飭步隊兩營一紮河西壩一紮清水以顧
運道派馬隊一營步隊二營於二月初一日偪紮距肅三十里之
紅水壩成祿亦以兩營紮臨水初九日騎賊數百駛至距紅水營
盤二三里往來窺探馬步三營同時出擊賊撥馬疾走初十日騎
賊千餘向營猛撲官軍以馬隊居中步隊分列左右槍礮環施賊
殊死鬪自辰迄午官軍分三面各結方陣合力逼進賊始敗退追
十餘里斃悍賊數十名二十九日探有騎賊向東南出掠追之不
及三十日各營分伏全家灣東南十餘里截其歸路賊亦偵知繞

路回竄追及全家灣賊列隊抗拒戰歷兩時官軍愈戰愈奮賊不能當紛紛敗退追至河山子復回旗死拒官軍鼓勇直前賊復敗竄回城三月十五日零賊攻臨水對河民堡騎賊為援官軍擊之獲勝擒斬數十名十六日賊攻老鶴堡屯莊兵至賊遁躡追及城城逆出馬步千餘亦經官軍擊敗探報逆首馬四議糾死黨為背城之戰徐占彪即輕騎率隊馳赴前敵二十一日飭步隊四營分伏距城十里亂古墩樹林中飭右營馬隊列其東南防援賊自率馬隊以團勇為導會同署安肅道何元普由南河沿越朱家莊抵南關壕外誘敵賊啟東南兩門出紅白旗馬步逆眾近前迎拒步賊趨伏壕邊渠內意俟官軍逼近突起乘之徐占彪且戰且退賊蠶擁跟追將至亂古墩伏兵分路突起徐占彪揮軍夾擊賊不能支返奔及壕遂憑險死拒又子槍施放如雨官軍奮威衝壓槍矛

東華續錄 同治九十三年 至

排進斃悍賊甚眾城中復出藍旗綠旗花旗悍賊三路來援官軍躍渠直進縱橫盪決連環施放洋槍及劈山礮雜以刀矛斃賊極多適朱家賊堡亦出賊來援徐占彪豫飭正營馬隊勇丁兩哨堵其莊口斃賊數十名立將外圍攻破賊不能出逆首馬四見事急帶黃旗死黨由東南兩門蠶擁來援何元普飭 宗棠親軍礮隊參將蕭蘭玉把總李道修等向賊叢中連放開花大礮子落之處人馬紛紛倒馬四因坐馬傷蹶翻跌下地徐占彪所部正營官徐春先驟馬向前擬生擒之忽右膊為飛子所中馬四乘閒逸去官軍及圍眾爭先掩殺賊大敗回城陝回馬長順率紅黃旗馬賊千餘由南山一帶往來衝突徐占彪令右營營官齊懷松結陣禦之副將桂錫楨由臨水迎調率所部馬隊三營馳至助戰成祿所部副都統明春署南州鎮王子龍等乘勝繼進賊愈不支爭趨入城

自相踐踏官軍追抵門廂賊急拽浮橋閉門死拒其不及入城者陷投泥淖悉為官軍戮斃是役也鏖戰四時之久斃賊實數約六七百名受傷者約千餘名官軍弁丁陣亡三十五員名受傷者亦二百有奇益血戰也二三四等日訊據被裹難民供稱是役悍賊死黨殺斃轟斃及帶傷垂斃者不知其數城中巷哭該逆洵懼異常馬長順先擬赴西甯求撫至是以未得先往羣相詬訾徐占彪所部回勇頭目安杰入城詢知備實以賊中情形具告無異詞也又奏竊甘南北路逆回狗齒身即楊繼芳馬才棕李萬海各起向匿鹽固東西兩山嗣因官軍技捕甚急竄歸河州本年正月以後河回求撫該逆等以無地可容仍偷竄北路為賒死計 臣聞報飛飭陝西提督雷正綰提督蕭章開左日升道員魏光燾各軍嚴密勦捕正月二十八日雷正綰所部副將趙連科偵知羅家胡同

東華續錄 同治九十三年 至

有步賊劫掠趙隊趨之斃匪數十名生擒李四箇子等十二名訊係陝西馬生彥股眾由河州與狗齒身各起同時出竄者二月初三日騎賊數百竄黃蒿灣雷正綰檄隊兜勦初七日副將李積慶襲賊於元套子賊驚起挺關弁勇猛進斬悍賊三十餘名餘眾鼠竄初八日狗進攻馬家河堡駐堡哨弁嚴守卻之平明賊東竄總兵易元壽設伏丁家溝賊至伏起截殺十餘名追抵護書溝另股步賊出洶河口來援敗賊亦回戈力鬪易元壽身受矛傷馬亦傷斃乃裹創易馬以戰總兵金品勝分隊鈔擊賊復敗走追殲數十名十一日總兵鄧林楓邀擊於康家灣十三日左日升截殺於魏家地坑內頗有斬獲賊向花定一帶狂竄十八日犯定邊縣城防營出擊遊擊秦正明守備馬憲章歿於陣署定邊副將王雲孚率兵勇繼進賊始退十九日副將李萬盛劉文彩接餉還定襄糧躡

追是夜襲賊於柳樹嶺斃十餘名二十日延綏榆鎮劉厚基派隊
赴定換防行至安邊三里灘倉卒遇賊參將銜遊擊劉秀維匹馬
陷陣連殲數名被賊攢刺力竭陣亡安邊防營踵至賊乃西遁老
湘軍提督湯彥和聞警赴援二十二日甫抵定邊賊已竄近湯彥
和率隊截擊不虞老湘軍之迅至也駭而奔猛追四十餘里斬賊
四十餘名擒獲二名二十五日追及於左家團賊又遁三十日提
督蕭元亨調賊駐紅柳溝乘夜馳往斬三十餘名署延榆綏道成
定康派所部提督彭緒斫二十四日擊賊於定邊境獲勝二十八
日賊匿郭家寨迤東知縣饒兆麟擊走之二十九日圍賊於黑梁
子逆目馬小五一股全數殄滅三月初二日彭緒斫在高家灘擊
賊亦有擒斬初四日賊仍竄定邊湯彥和追及狗逆騎賊約二百
瞥見旗幟即狂奔猛追四十餘里斬賊十餘名賊分兩股逃逸一
東華續錄 同治九十三年 五

是日追賊於長峪河賊結隊疾行已殲落後賊數名正躡追間賊
拚死返鬪趙連科左手受刀傷四指均墜藍翎干總周保泰陣亡
賊亦負創向北草原竄去初五日郎永清在高臺堡截敵四五十
名餘眾潰散又奏鞏秦階一帶山谷阻深向為土匪游勇出沒之
所臣分飭馬步諸營扼要駐紮探蹤勦擒斬頗多正月二十一
日總兵尤成章王聲揚參將馮桂增各率所部分途追賊於西和
縣境之雪水河賊敗踞山峽廢堡負嵎死拒尤成章等下馬率隊
蹂躪奮擊斃賊二三百名生擒十一名是日另股逆騎百餘闖入
階州屬白馬關該署州判羅映霄先期會同副將楊隆昌赴白楊
灘按捕另股踞賊二十三日聞警馳回賊已退竄署把總周德身
受矛傷幕友知縣李舒萼縣丞郭怡副將孫萬榮同時遇害二十
九日王聲揚率隊至崖城馬鞍山堡逆騎麇至遂依山列陣俟賊
東華續錄 同治九十三年 五

藻王聲揚會隊疾往賊憑險死拒官軍槍矛排進賊奔潰追殺三十餘里斃賊六七十名救出難民男婦二百名生擒六名十四日賊犯略陽屬郭家壩李輝武所部提督王照南總兵蕭德林追之抵花廠溝鏖戰逾時斬悍賊數十名賊敗遁又追殺多名生擒十名二十二日賊竄階州屬境楊隆昌戰於馬家河斃匪六七十名餘賊竄逸二十四日追及之於麻巖子陣斬數十名追殺及墮巖死者甚眾署階州直隸州知州洪惟善慮尾追莫及檄楊隆昌即取道望子關相機截擊二十八日偵賊竄長壩乘夜襲之斬數十名擒五名訊據逃出難民供稱此起回逆僅二三百名雜以游勇土匪逆目米相公已在麻巖子經官軍擊斃馬三亦經捕獲正法提督田連考殿華廷聞報馳至賊正合股聚踞木瓜嶺四月初七日田連考等直搗賊巢賊盡棄輜重滾溝越嶺而逃田連考奮威東華續錄 同治九十三 奏

躡剿擒斬百餘名殿華廷亦有斬獲 上諭軍機大臣等肅州踞逆經徐占彪督隊痛剿連戰皆捷殺斃悍賊死黨甚多城賊恟懼著左宗棠等即飭令該提督乘此聲威迅拔堅城盡殲醜類惟該逆負固有年仍當穩慎進攻不可稍涉大意甘肅北路零星匪經官軍屢次截剿殲滅殆盡惟狗齒牙及馬二利木尚在脫逃該逆皆百戰之餘熟諳地勢亡命鋌走自在意中左宗棠等仍當檄飭各防營分道搜捕務將狗齒牙等逆悉數弋獲淨絕根株甘南階成一帶竄匪闖入白馬關經官軍截剿竄逸餘黨無多該督等仍當嚴飭各將領聯絡一氣探蹤搜剿以靖地方署白馬關州判羅映霄疏防汛地被匪闖入惟因捕賊遠出聞信即將該關收復著加恩免其置議將此由六百里各諭令知之○左宗棠奏烏魯木齊提督成祿屢奉諭旨飭令出關遷延至今尙無出關確耗計自進

兵西陲於今七載虛糜至艱之餉奚止數十萬而戰績無聞中間僅報收復肅州而肅州旋被賊踞成祿仍避賊甘屬之高臺肅回北竄烏里雅蘇台兼出關擾掠安西所屬成祿不能制也陝回由西甯北擾甘涼與肅回合股成祿不能制也陝回馮均幅實心就撫成祿受之不肯資以兵力致馮均幅爲馬四所害又不能撫輯馮均幅餘黨致馬四得以重賂啖之收其悍黨而其弟馮均貴等遂引其餘眾南附河州成祿且馳檄甘涼各軍沿途截殺是絕其反正之路也陝回馬長順素稱狡悍當其由河西漏網西竄肅州出嘉峪關擾掠安西所屬狂飀條張比聞徐占彪所部西進急返肅城輸款於成祿成祿請受其撫馬長順又通款於徐占彪請爲肅城內應忽成祿將護送寶型之陝回二十餘名一夜殺盡而馬長順遂疑懼不敢回西甯就撫見復與馬四合勢死抗官軍辦回東華續錄 同治九十三 奏

之道不外勦撫兼施然欲治其詐先示以信欲洞其情先釋其懼不易之理寶型信有罪矣護送出城之陝回果何罪乎如是而言撫不可謂信如是而言勦不可謂威據稱欲會合徐占彪共克肅州而遇事不與相商且故意牽制阻撓之克復之功又將何望成祿一軍本有專餉 臣無從豫聞然念邊塞行軍之苦從未嘗有所計較亦以公家之財贍公家之軍固無庸其畛域也頻年以來成祿截留省糧爲數甚鉅上年欽遵諭旨派徐占彪赴肅州 臣飭署甘涼道蕭宗幹籌採軍糧購運需時飭沿途州縣先以省糧供濟隨後買補又慮成祿或有違言並飭蕭宗幹於所屬代爲採糧以資兼顧所以爲成祿計者不爲不周徐占彪師過張掖高臺該各縣豫碾倉糧接濟成祿奏撤署高臺縣知縣徐應魁而以私賣倉糧罪之並參西路轉運署涼州知府李守愚不應緘致各縣豫爲

徐軍籌辦行糧實則成祿所截省糧已足敷該軍數月之食各屬分其餘糧以供徐軍數既無多又可隨時採買填補於事理原無不合而顧斷斷如此蕭宗幹代成祿於高臺金塔等處買軍糧五千石原約發銀收糧成祿止發銀五千兩收糧二千石有奇餘銀不發翻奏蕭宗幹虛張其數糧尙無著以此上瀆 宸聽出尋常意料之外成祿一軍十二營見存實數不過五六營而尙多冗雜前由高臺發兩營赴肅州拉運車二百餘輛半載婦女小孩人所共見久駐高臺蓄養戲班相爲娛宴上年並遣人赴都接取第三妾來高臺荒遠塞竟視爲安樂行高顧安望其長驅塞外一狗公家之急乎西路用兵餉事糧事轉運三者艱窘異常成祿一軍截留省糧加以派捐人數少而軍食充道路近而轉運省故常有數月之儲其各處協餉多寡 臣雖無從查悉然歷詢自涼甘一帶東華續錄 同治九十三年 五月

來者僉謂上年解到協款二十餘萬兩存儲尙多如果決計出關實無不給之慮且奉旨飭催已數月矣此數月中出關固需裹糧以趨不出關亦豈能枵腹而坐與其坐食而徒糜至艱之餉孰如適行而就關外之糧且近又截留奉撥景廉軍餉十萬兩是糧非不足餉非不裕也乃不乘此時急謀出關而仍藉詞諉延日復一日過此以往常有可指之餉不竭之糧任其虛糜乎 臣與成祿素未謀面每聞其虛報勝仗心竊憂之近詳察其舉動一切謬率乖張實難枚舉竊謂如成祿者此時遷延不進固失事機即令勉強出關終難期其振作有爲克當一路 臣不敢徇隱自干咎戾應否簡派知兵大員接統該軍並歸景廉節制調遣以一事權而收餉節兵精實效之處出自 聖裁 上諭左宗棠奏成祿糜餉遷延舉動乖張請簡派大員接統該軍等語朝廷以西事孔亟疊飭該

提督星速出關剿賊若如所參各節殊屬措置乖謬亟應確切查辦著穆圖善按照左宗棠參奏各款嚴密訪察迅速據實具奏毋稍徇隱原片著鈔給閱看○諭金順奏赴任未能迅速擬請效力前驅一摺金順簡任烏里雅蘇台將軍自應遵旨迅赴本任以重職守惟據奏稱選帶所部得力隊伍尙不下六七千人需用駝隻甚多無從籌備遣撤兵勇清釐積欠需費又鉅是以稽遲至今未克成行並以烏城竄匪多係河狄西甯等處回逆由肅州甘涼沿邊北犯擬請暫統全軍進紮甘涼鎮番一帶邀截賊竄來路藉保烏城等語該將軍駐軍包頭徘徊觀望於大局毫無裨益姑允所請迅帶所部馳赴甘肅於甘涼鎮番一帶扼要駐紮遇有賊匪奔突卽行截擊毋任紛竄出邊以遏竄烏之路金順接奉此旨卽當趕緊部署將應撤勇丁設法遣撤拔隊日期先行奏報毋再藉口東華續錄 同治九十三年 五月

於餉需不繼任意遲延到甘後並當激勵諸軍力圖報稱將甘涼鎮番一帶竄匪掃蕩廓清毋留餘孽儻再藉詞延宕不能力圖振作致匪徒鋌走出邊使烏城等處又遭寇警定將該將軍重處不貸金順拔隊啟行應需軍裝轉運費用著鮑源深邵亨豫各於該省應解軍餉內先行籌撥銀十萬兩剋期如數解交金順軍營以資應用其各省應解金順軍餉仍著戶部分催迅解源源接濟毋令缺乏將此由六百里各諭令知之○予甘肅殉難副將孫萬榮陣亡遊擊秦正明等祭葬世職○乙未諭內閣李瀚章王文韶奏援黔各軍攻破賊巢苗疆平定曾璧光周達武奏下游官軍會剿大股苗匪情形各一摺覽奏實深欣慰貴州苗匪張臭迷等自咸豐五年倡亂以來嘯聚黨眾盤踞城池貴東貴西蹂躪殆遍楚蜀邊境亦爲不靖嗣經記名布政使席寶田統帶楚軍入黔援剿貴

州提督周達武亦率所部由蜀前進黔楚各軍節節掃蕩疊將清水南岸開懷香鑪山等處賊巢攻克該逆竄踞烏身坡一帶負嶠死守本年三月開提督唐本有等分路進剿連克身塘馬遂猴子坳等處逆巢提督龔繼昌等會合黔軍進攻烏堡冷水溝等處踞匪擒斬收降者甚眾該逆乘雨出竄官軍截擊於挂燈地方陣斬逆酋九大白遂將烏身坡二十餘里內賊巢悉數踏毀四月開提督蘇元春等分率隊伍由雷公坪等處投剿而前復斬巨酋巖大五於陣並將逆首偽大元帥張臭迷偽平楊王楊大六及姜老拉潘老冒等先後擒獲逆苗全股蕩平其逆首包大肚金幹幹等股盤踞平茶牛角坡等處經黔軍提督鍾開蘭鄧有德等攻破斬賊無算並生擒包大肚金幹幹及悍黨多名均經正法此次黔楚各軍勦力同心連戰克捷遂使積年巨寇悉數殲除苗疆底定洵足

東華續錄

同治九十三年

堯

彭天討而快人心所有張臭迷一犯尤為苗逆渠魁著王文韶即將該逆就地正法傳首犯事地方以昭炯戒湖廣總督李瀚章署湖南巡撫布政使王文韶貴州巡撫曾璧光貴州提督周達武均能和衷共濟克竟全功著一併交部從優議敘記名布政使席寶田總統楚軍調度得宜著賞給騎都尉世職○諭軍機大臣等李瀚章王文韶奏援黔各軍攻破賊巢苗疆平定擒獲逆首張臭迷應否解京曾璧光周達武奏下游官軍會剿大股苗匪情形各摺片本日業經明降諭旨宣示此次黔楚各軍合力團剿克定苗疆著名逆首悉數就擒覽奏之餘實深欣慰所有張臭迷一犯業經解送湖南省城即著王文韶將該逆就地正法傳首犯事地方以昭炯戒毋庸檻送京師其逆首金大五伏匿香鑪山白水洞並有數百人竄伏香鑪山頂著王文韶飭令唐本有等剋日殲除毋任

鋌而走險致貽後患曾璧光等摺內所稱 凱里渡河之賊分股向鎮遠之路逸去此股賊匪尚有若干人著即飭令宇文秀等會合楚軍前截後追迅速殲除毋留餘孽見在苗疆既經平定楚省援軍應如何分別遣撤及擇要扼紮之處著李瀚章王文韶會商辦理黔省地方疊遭寇亂瘡痍滿目殊堪矜憫見在下游一帶甫就肅清當以綏輯閭閻為急務曾璧光務須遴派廉能明幹之員認真經理以期地方日有起色黔省餉項本缺見有各營除酌留下游擇地扼防及剿辦上游與義賊匪外其餘即可酌量裁減以絕經費著曾璧光周達武悉心會商妥為籌辦貴東道一缺有撫緝苗疆之責必須得人而理李德義見在有何別項差委該員於此缺人地是否相宜著曾璧光據實具奏將此由五百里諭知李瀚章曾璧光並傳諭周達武王文韶知之○予貴州陣亡副將洪世

東華續錄

同治九十三年

卒

齊等祭葬世職○丙申諭軍機大臣等豫師奏見籌辦理陝回就撫情形等語道員馮邦棟由平番進抵碾伯陸續將陝回宋全德等呈繳馬匹器械戶口冊籍分別點驗其軍功馬振鳳等帶到匪夥于潮海馬世魁禹召林等均經飭回原處聽候查辦著豫師隨時會商左宗棠督飭馮邦棟妥實辦理不得稍涉遷就致貽後患同情狡詐誠恐各營因辦撫或形疏懈轉為該逆所乘左宗棠務當慎遵疊次諭旨體察情形將河州西甯各回撫局安慎籌辦並嚴飭前敵後路各軍加意防範毋稍大意近日辦理情形並著隨時詳悉具奏將此由五百里各諭令知之○予伊犁殉難已革尚書陳孚恩暨眷屬四名分別旌卹加等○丁酉諭軍機大臣等瑞聯清凱奏邊外賊匪滋擾兵勇迎擊獲勝一摺邊外大東溝突有由上江竄來賊匪五百餘名雖經兵勇在榆樹房東甸子地方迎

擊擒斬多名惟邊外地面遼闊逆蹤出沒靡定仍恐去而復來著都興阿瑞麟清凱嚴飭鳳凰城守尉及帶兵各員在沿邊一帶勤加偵探實力防剿毋稍疏虞此次出力員弁兵勇准其擇尤酌保毋許冒濫此股賊匪係由海洋竄來乘船登岸分股肆擾嗣後尤應嚴防海口絕其登岸之路瑞麟等前調福建輪船已諭文煜等酌撥小號輪船一隻駛赴牛莊海口聽調此項船隻到後即著都興阿等遴派得力弁兵隨時出洋認真巡緝遇賊即擊毋任逆蹤登岸以靖游氛將此各諭令知之○庚子命直隸總督李鴻章為大學士仍留總督任○命前任山西布政使劉秉璋前任廣東布政使文格前任貴州布政使嚴樹森來京陛見○王寅諭軍機大臣等文麟奏官兵截擊西路賊匪情形一摺哈密防守二堡營官李生元等在三道林等處截剿西路馬賊殲擒烏魯木齊送信東華續錄 同治九十三年 空

地方文武妥為安插彈壓其飢疲待哺者亟應籌款分別賑恤曾璧光以黔省降苗益眾未能兼顧自係實情即著王文韶暫由湘省籌款就近酌給口糧俾生計有資不至流離失所所稱生苗頑梗性成此後擬令一律薙髮改變服色並不准私蓄槍礮刀械之處均著照所議辦理並慎選賢能收令將保甲義學等事宜實力舉行以冀默化潛移庶可一勞永逸曾璧光等摺著鈔給王文韶閱看將此由五百里諭知曾璧光並傳諭周達武知之○乙巳諭軍機大臣等劉嶽昭岑毓英奏攻克永平雲南縣城一摺永平雲南兩縣切近大理該逆恃為犄角久抗官軍此次楊玉科李維述等督兵分投進剿先後將兩城攻克殲除悍賊殆盡並將曲洞漾濞賊巢攻拔當糧餉支絀之際該督撫能激勵將士奮勉出力殊堪嘉尚岑毓英見擬將迤南軍務趕緊肅清即赴迤西督剿勇於東華續錄 同治九十三年 空

理情形如何著該大臣隨時具奏以慰廑繫穆圖善另片奏馬隊官兵糧餉請分別報銷等語所有甘肅續調吉林黑龍江馬隊月餉即著照穆圖善所請劃清年限分別報銷其八年冬間委員辦糧未結商借銀二千五百九十兩零即著袁保恆照數撥解歸款將此由五百里諭知左宗棠穆圖善並傳諭袁保恆知之○庚戌諭軍機大臣等榮全等奏面見俄官會議情形並俄兵直入塔境各摺片榮全行抵色爾賀鄂普勒地方與俄官布呼策勒傅斯奇會晤該俄官不議及交還伊犁之事並以請示該國為詞塔境之三一河灣額米斯河老河口等處又有俄兵駐紮本日已令總理各國事務王大臣與該國駐京公使辯論榮全見已旋回塔城著與富和會商布置妥為防範榮全此時自未便帶兵徑赴伊犁惟伊城情形見在究竟如何應派委員前往隨時偵探妥籌進止布

東華續錄

同治九十三

奎

東華續錄

同治九十四

臣王先謙敬編

臣張式恭恭校

六月甲寅朔諭軍機大臣等景廉奏籌辦兵餉各事宜並探聞烏魯木齊軍情請飭黑龍江馬隊全數赴營哈密採辦軍糧各摺片烏魯木齊淪陷已久見在逆回與安集延互相攻擊機有可乘自應厚集兵力迅圖克復景廉所部官軍僅十餘營不敷分布刻下秦晉邊防較鬆著定安於綏遠城防軍內酌撥馬步勁旅二千名派得力大員統帶赴景廉軍營以資攻剿景廉見擬採買駝隻及籌撥軍裝等項需款甚急著李鴻章吳棠錢鼎銘丁寶楨鮑源深邵亨豫李瀚章郭柏蔭於各該省欠解新疆軍餉及景廉協餉內無論如何為難各先行籌撥銀六七萬兩迅速解至察哈爾收存

東華續錄 同治九十四 奎

景廉擬於此項銀兩內提銀十萬兩買駝五千隻以一半為口北歸綏兩道運送米麵之需其餘一半駝隻即於新調兵勇出口時馱運軍火口糧乘便解至景廉軍營並再提銀十萬兩作為官兵出口製辦軍裝裹帶之用其餘銀兩分起解交景廉應用均著照所請辦理該都統所部需用糧石請由口北歸綏兩道每月各運解京斗粟米四百石著李鴻章定安督飭該道等照數籌辦至所請在察哈爾設立糧臺在蒙古地方採買駝隻轉運軍糧及征兵出口事宜責成一手經理等語著李鴻章額勒和布會商辦理烏魯木齊回逆約會鄉團徐學功同攻安集延是否該逆有悔罪輸誠之意如果真心向化獻出城池不妨赦其前罪予以自新著景廉相機妥辦所請將徐學功等分立營名仍著飭令張玉春等妥為鈐束以資得力科城截留黑龍江馬隊前據奎昌等奏到未經

允准此項馬隊著奎昌多布沁札木楚志剛常順保英飭令吉爾
洪額星速統帶前進毋稍遲延景廉軍營需餉甚多不能盡由內
地運解若就哈密一帶採買自較便捷著文麟遇有景廉委員赴
哈採糧或左宗棠派員出關即行妥為照料督飭設法趕辦不得
稍存膜視致誤軍糈將此由六百里各諭令知之○丙辰以舉行
大婚典禮封 皇后阿魯特氏父翰林院侍讀崇綺為三等承恩
公母宗室氏瓜爾佳氏均為公妻一品夫人○丁巳移甘肅平慶
涇道駐平涼府城改甯夏水利同知為甯靈撫民同知○戊午飭
福建等省迅解貴州欠餉○己未諭軍機大臣等左宗棠穆圖善
奏馬步兵勇剿賊獲勝邵亨豫奏零匪竄越陝境派軍追剿等情
各一摺蘭州附近防軍在黃羊川等處截擊回匪均有擒斬著左
宗棠穆圖善督飭該將弁等搜捕竄賊悉數殲除並隨時確探嚴
東華續錄 同治九十四 二

侯行抵甘涼鎮番等處一面扼要駐紮一面迅速奏聞該將軍因
經過蒙古地方暨甯夏所屬各處臺站廢弛擬由營添設運局轉
解糧餉軍火續設馬撥馳遞摺報公文均著照所請辦理甯夏近
日漸有存糧應否設局採買接濟軍食即著金順道出甯夏時與
張曜妥速籌商奏明辦理將此由五百里諭令知之○甲子諭內
閣前據朱鳳標因病兩次奏請開缺疊次降旨賞假調理茲據奏
稱假期屆滿病尚未痊仍懇開缺等語朱鳳標年逾七旬精力尙
健襄贊綸扉深資倚畀今以病未就痊復請開缺情詞懇摯自應
勉如所請朱鳳標著以大學士致仕加恩賞食全俸俾資頤養用
示眷懷著碩恩禮優加至意○吏部以大學士瑞麟李鴻章應定
何殿閣請得旨瑞麟著授為文華殿大學士李鴻章著授為武英
殿大學士○命文祥為大學士以全慶協辦大學士○調寶鑒為
東華續錄 同治九十四 三

防不得稍涉疏懈甘省零股賊騎越入陝境由中部宜君界直竄
白水經譚仁芳等軍進剿由澄城縣西遁其竄擾紅流河一帶賊
匪經延榆綏鎮道派隊擊散著邵亨豫嚴飭譚仁芳等會同曹克
忠駐紮王家角等營將竄陝匪股痛加剿洗毋任日久蔓延致地
方又遭蹂躪並著左宗棠飭令甘境防軍實力堵截以收夾擊之
效河州回眾投誠曾否將馬匹器械依限繳齊就撫回戶已否編
查約有若干著左宗棠將見辦情形詳細奏聞以慰廛繫其陝北
賑墾事宜邵亨豫當慎選賢能牧令盡心經理務臻妥善以期地
方日有起色將此由五百里各諭令知之○庚申諭軍機大臣等
金順奏督隊分起西進並豫籌沿途轉運事宜一摺金順接奉前
旨後已令劉宏發統帶頭隊於六月初六日啟程各隊挨次繼發
該將軍亦即於十六日督率後隊西行即著趕緊前進毋稍紆遲

吏部尚書載齡為戶部尚書以英桂為兵部尚書由內大○丁卯
諭軍機大臣等王文韶奏援黔官軍掃除竄匪苗疆肅清並分軍
設防撫恤降眾各摺片烏牙坡苗匪蕩平後逆首金大五竄伏香
鑪山麓白水尚經提督唐本有等設伏誘擒復將漏網髮逆李七
一股悉數殄除並擒斬著名逆首多名其香鑪山頂踞匪亦已殲
除苗疆一律肅清辦理甚為妥速所有擒斬首逆尤為出力各員
著王文韶先行酌保數人以示鼓勵此次苗疆平定當籌一勞永
逸之計清水南北兩岸降苗為數甚眾一切善後事宜自應妥為
經畫王文韶見派各軍分段設防並籌撥銀兩分別撫恤實能力
顧大局著即飭令道員陳寶箴會同分防各營及各該地方官體
察情形妥籌辦理曾璧光亦當派委明幹大員將下游一帶新復
地方應辦事宜次第經理以圖久遠相安從前漢人視苗人如奴

隸多方陵虐以致激成變端皆由地方官不能豫為勸導之故著
 曾璧光嚴飭地方官曉諭苗漢各民嗣後務須各安生業不得互
 相猜忌遇有詞訟案件是非曲直悉由該管官秉公剖斷毋許稍
 有偏循用副朝廷一視同仁至意王文韶另片奏擬將苗疆形勢
 險夷及用兵先後情形查覈臚陳等語著即確切查明詳細陳奏
 將此由五百里諭知王文韶曾璧光並傳諭周達武知之○停本
 年秋審朝審句決○以單懋謙協辦大學士○命文輝來京以劉
 秉璋為江西布政使前山西布政使○戊辰諭軍機大臣等錢鼎銘奏匪
 徒拒捕派兵查拏一摺河南固始匪徒李六句結安徽霍邱縣李
 四聾子在固境之裴家冲等處滋擾經錢鼎銘派兵前往查拏竟
 敢拒捕竄逸見在匪首李六占踞霍境之葉家集附近民寨李四
 聾子占踞李世忠族姪李德橫莊圍煽惑劫奪亟應及早捕治以
 東華續錄 同治九十四 四

靖地方錢鼎銘見派趙鴻舉等帶兵往捕即著飭令該總兵等迅
 將匪黨盡數殲除淨絕根株毋留餘孽並著英翰檄令郭寶昌派
 隊一體堵拏毋令一名漏網李四聾子一名李昭柱係李世忠族
 弟李世忠見赴江甯著何璟飭令迅即回籍將李四聾子送官究
 治不得稍有徇庇將此由五百里各諭令知之○癸酉諭軍機大
 臣等錢鼎銘奏會合皖軍擒獲匪首一摺固始匪徒李六句結李
 四聾子聚眾滋擾占踞圍寨見經豫皖各軍合力圍剿業將李四
 聾子及頭目吳長林張上銀等七名立時擒獲餘匪逃散此等匪
 徒膽敢句眾拒捕亟應即時撲滅以淨根株李六一名見在未經
 弋獲且餘匪四散尤虞再行句結餘燼復然著英翰錢鼎銘分飭
 崔廷桂牛師韓等合力搜捕務將李六擒獲正法餘匪盡數捕拏
 以清餘孽而靖地方將此由五百里各諭令知之○乙亥諭五城

御史整頓捕務○允豐紳等奏豁免甯夏滿營生息銀五萬五千
 兩○已卯諭軍機大臣等英翰奏官軍越境剿除叛匪一摺匪徒
 李四聾子等與漏網擒逆張振科句結滋事經皖豫各軍合力圍
 剿已將李四聾子張振科擒獲正法餘黨殲除殆盡辦理尚屬迅
 速惟逆匪李六隻身潛逃仍未弋獲著英翰錢鼎銘分飭弁勇及
 各該地方官嚴密緝緝並知會鄰近各省一體兜拏此外有無餘
 匪務期搜捕淨盡毋留餘孽將此諭令知之○以安徽河南交
 界地方殲擒逆匪賞提督牛師韓頭品頂帶子副將徐思忠以總
 兵官簡放○辛巳諭軍機大臣等左宗棠等奏搜捕巴家臺賊巢
 生擒匪首一摺蘇家西兒糾聚逃匪窩伏平番紅城後山之巴家
 臺恃險負隅經豫師函商左宗棠穆圖善密派兵勇前往勦捕參
 將周興祿率眾攻破賊巢守備劉定國將蘇家西兒擒獲餘賊亦
 東華續錄 同治九十四 五

皆殲斃即著該大臣等督飭各軍將在逃匪黨悉數搜捕此外有
 無賊巢仍飭隨時探勘盡絕根株河州等處軍情及見在辦撫事
 宜有無頭緒並著左宗棠恪遵前旨將詳細情形據實具奏將此
 由五百里各諭令知之○壬午以孟秋時享 太廟 上前期親
 詣行禮

秋七月癸未朔諭內閣劉嶽以等奏官軍攻克興義府城一摺貴
 州興義府城久被回匪盤踞為滇黔兩省邊患經該督撫等派軍
 會剿疊有斬擒本年四月間總兵吳奇忠等攻入外城奪據礮樓
 道員沈壽榕吳德溥復會督各軍晝夜環攻該逆抵死抗拒二十
 五日滇軍設伏城南黔軍前隊由北奮擊賊見北門攻急奔赴抵
 禦滇軍即乘虛由南門越濠架梯而入殲斃悍賊二千四百餘名
 生擒九百餘名當將興義府城克復勦辦尚為得手即著督飭官

軍將新城賊巢剋期攻拔以靖黔疆○諭軍機大臣等榮全奏回抵塔城籌辦各務富和奏酌覈軍餉以資要需並接濟庫倫托海人眾各摺片前據總理各國事務衙門奏與俄使辯論交收伊城各事大概情形業經函知榮全相機商辦該署將軍旋回塔城後俄人有無覆音其在塔境三工河灣等處駐紮兵隊有何動靜仍著察看情形按照總理衙門函知各節詳慎籌辦瑪納斯為伊犁東來要地自應早籌克復以資控扼榮全見已派員馳赴沙山子等處查探情形著即催提吉林馬隊到齊認真整頓豫籌調度景廉亦當督率張玉春等速籌進兵機宜並隨時咨商榮全互相策應以期共維大局富和所奏布倫托海農民開墾耕種及十蘇木臺站雇覓駝馬需用銀兩暫由榮全餉下借銀四千七百餘兩並請飭部撥銀二萬兩或由何項專款動用或暫由科城那款濟急東華續錄 同治九十四 六

等語著戶部即照所請籌撥應用撥款未到以前仍著榮全酌量緩急通融接濟厄魯特十蘇木人眾從前暫歸科城管轄見在富和既經到任自應仍歸塔爾巴哈台接管以符舊制著常順保英即將未了各案件移交富和接辦此項人眾情形困苦該參贊務當加意撫綏毋令失所需用鹽糧並著查照向章奏明撥用將此由六百里各諭令知之○諭榮全奏補償俄款事竣請飭催款項一摺據稱山西奉撥應還俄款同治九十年先後解到銀兩業已歸還該國本年再還俄鈔四萬張即掃數全清惟見在日期已迫山西應解此項銀兩尚未接准起解來文請飭迅速撥解等語著鮑源深將山西奉撥本年應償俄國銀兩按照從前奏定數目趕緊解至烏里雅蘇台轉解應用不得稍有遲緩將此由五百里諭令知之○予貴州陣亡遊擊楊佑祿祭葬世職○丙戌諭軍機

大臣等文彬奏擊獲著名幅匪並按捕餘匪情形一摺匪犯朱小五於上年夏間在仰化集句通朱懋堂等結幅聚眾擾害地方見經清淮官軍會合各該州縣文武盡力按捕先後剿除匪黨多名並將匪首朱小五朱懋堂擊獲正法辦理尙妥著何璟張樹聲文彬飭令派出各員會同各該地方官迅速將逸匪朱方茂等嚴密躡緝務期全數弋獲不准一名漏網此次出力各員著准其彙案保奏毋許冒濫將此諭知何璟張樹聲並傳諭文彬知之○以張樹聲署江蘇巡撫文彬仍署漕運總督○戊子諭鮑源深嚴緝游勇並禁種罌粟○己丑左宗棠奏河州土回馬占釐馬尕大等懇誠求撫自限分途按戶搜繳一月完竣復繳馬五百餘匹槍械稱是出具並無隱匿存留切結計先後共呈繳馬匹已四千有奇槍矛一萬四千有奇候補按察使陳湜委員同時分起赴各鄉按村東華續錄 同治九十四 七

勘驗無異方馬占釐之自限分途按繳馬械也各遣子並偕各回目馬承瑞等十二人赴安定軍前獻馬五十四具稟悔罪投誠臣宗棠宣布朝廷威德諭以死生禍福聽其自取比仍縱令歸巢催繳馬械該回民畏疑益釋誓為良民至是具報馬械盡繳乃明白曉示准其就撫也辦撫之道以編審戶口為要編審戶口以遷徙容回安輯土回為要河州境周五六百里回多漢少雜以番眾同治元年變亂以來陝回多避居其中自陝境肅清金積塢蕩區原東西山相繼平定所有各處倡亂之回多寄孳其間以避誅戮此客回之應遷徙者也其本籍漢民有為河回脅制甘為役使名為隨教以圖保全者有仇隙已深逃至岷洮狄道充當勇丁而親屬仍畱河境者宜分別拔出以免弊端此本境漢民之應遷徙者也其外來漢民有因陝回裹脅而隨其同竄河境者有被河回裹脅

而認為義子齒諸奴僕者應逐一勒令交出護送原籍以別種類而資完聚此外來漢民之應遷徙者也撫事既定乃次第圖之願謀遷徙必先定安插之地回漢各有攸宜漢民宜安插狄道金縣安定會甯一帶凡近城驛漢民聚積之處宜也回民則近城驛非所宜近漢莊非所宜併聚一處非所宜從前安插陝回如化平廳平涼縣大岔溝及北原各處丁口已一萬數千既未可多所附益又此次安插回民有籍隸陝西者有隸甘肅者當其併力抗拒官軍固無彼此之分也一旦繳馬械就撫還為齊民則甫被新恩旋尋舊怨不但陝回與甘回氣類攸分即陝回與陝回甘回與甘回亦有難並城而居者以撫局論分起安置換其羣孤其勢計之得也即以回情而論亦非分起安置不可乃豫飭安定會甯平涼隆德靜甯州各牧令覓水草不乏川原相間荒絕無主各

東華續錄

同治九十四

八

地自成片段者以便安置旋委員分途履勘乃度其地廣狹遷陝回楊文彥一起二百五十三名口於平涼之謝家莊桃家莊遷陝回張代雨一起二百九十一名口於平涼之張家莊曹家莊遷陝回拜崇花一起五百三十七名口於會甯之姚王家曲家口遷陝回馬生彥等一起六百四十三名口於靜甯州隆德縣境之王家下堡劉戴家山遷陝回馬文元一起一百五十七名口於安定之劉家溝遷陝回馬維驥一起七十四名口於安定之石家坪遷陝回馬振清一起三百六十三名口於安定之好地掌遷甘回安鴻慶一起四十三名於安定之劉家溝遷漢民陳富貴等四百四十七名口於安定之青嵐山遷漢民董永海等一百零八名口於安定之新套河遷漢民水映江一起四百二十八名於安定夏家營防其陝回中親屬有已安置化平廳平涼縣境者漢民中親屬有

已流寓隴西狄道州各境者聽其自行拔赴完聚而皆給以賑糧大口每口八兩小口每口五兩其遷出稍晚尚能插種粟糜蕎麥者照所墾地畝給以籽種其節候已過不及下種者令其盡力耕墾以待明春所需農器及各器具必不可少者一律酌給惟陝回馮均祿一起住河州西北二百餘里黃河北岸已於彼耕墾栽種乞俟收穫後遷徙聽候安插而鹽茶固原回民從前寄居者尙待清查其應遷之漢民亦有求緩俟收穫者然丁口亦無多矣遷徙安置漸有頭緒乃令知河州知州潘效蘇赴河州知州新任新授河州鎮總兵沈玉遂帶所部後路五營赴河鎮任所署河州州判米聯璧赴太子寺分駐任所據潘效蘇稟報五月十三日到任沈玉遂稟報五月二十四日到任沿途漢回列案焚香迎送絡驛馬占釐馬爾大馬永瑞及各回目阿渾等咸跪道旁膜拜感泣並約

東華續錄

同治九十四

九

約糧百萬斤備軍食因亂後空城僅存於關廂建知州官廨暫資辦公沈玉遂五營列帳城中分飭所部四營各軍由城關外延紮甯河一帶記名提督張仲春領所部宗岳六營進駐太子寺一帶前接甯河後接七甲集等處記名提督陳廣發總兵凌春臺以所部良輔平西等營駐三甲集前接七甲集後接康家巖洮河西岸記名提督王衍慶所部左路五營及鎮西忠營兩營仍駐康家巖西通三家集北連沙泥站南達狄道州東達站灘以抵安定提督銜記名總兵張福齊所部六營由沙泥站分布北由阿干鎮以達省城南出沙崙接康家巖分布之營布政使王德榜所部定西等營仍駐狄道西北接甯河太子寺三甲集各營南接岷洮各營東接鞏秦所屬各營河州撫局雖定而諸路聯絡布置仍未稍疏也惟西北二百餘里循化同知所轄番回雜處毗連西甯即前史所

稱吐谷渾地今爲撒拉回巢地險民悍爲甘肅邊患久矣亂後回番自相殘殺人物凋耗文武不能履任遂以化外置之茲因河州撫定撒拉各回亦赴軍前求撫陳湜謂知逆首狗齒牙即楊繼芳馬彥濬馬龔子等敗後竄匿河州地境密諭馬占鼇掩捕馬占鼇陸續將狗齒牙馬龔子馬彥濬獲解其希圖立功自效之情尙似可信見籌辦善後要務如清釐地畝編審保甲分給門牌安設驛站修葺城垣關隘各事宜正在次第辦理而今歲春夏之交雨澤早降夏收最稔秋稼亦卜豐登士民僉稱十數年來所未見尤爲意外之幸上忙已報開徵民間輸將亦覺踴躍察看情形人情大定各路大致漸次肅清臣宗棠料理安畢即可進駐省垣又奏肅州回逆自本年三月二十一日受創後日在城外及北巖頭塔爾灣等處增設堅卡爲負固計四月二十四五兩日副將桂錫楨東華續錄 同治九十四 十

偏卡誘敵見大卡以外環築小卡賊縮匿不出兩次僅斃賊三十餘名生擒八名提督徐占彪飭所部滾營進逼二十七日參將齊懷松移紮中河橋甫定遽率百隊百騎覘賊將近塔爾灣見各卡外豐草蘇芊牲畜遍野即揮軍迅速進殲牧馬賊十餘名而奪其馬卡賊出援齊懷松已整隊護所獲牲畜而返二十九日復率輕騎歷繞城西賊驅牲畜飲於河驟馬蹙之奪獲甚夥聞城中鐘聲旋起城中援賊爭出乃整隊歸賊不敢逼五月初一日桂錫楨率馬步疾抵城下城卡各出馬步賊數百列陣迎拒桂錫楨以步隊居中馬隊分兩路包圍奮威齊進賊奔趨勢猛追直抵東關口關閉不啟賊競逃入卡桂錫楨揮軍逼攻立破大卡一座賊墮壕死者頗多生擒馬元等五名斬以徇初三日桂錫楨以一營豫伏十里墩率三四兩起馬隊在肅州東角往來馳騁賊由東關突出馬

步千餘名奮前猛撲官軍且戰且走誘近十里墩東伏兵繞由賊後突起桂錫楨回身夾擊賊遂奔潰追斬百餘名生擒十四名訊據獲賊及逃出難民合稱馬四分向關外及西甯各回族求援續有新出難民告知有關外賊目魁頭老四帶纏頭馬步賊三千餘人入城助守提督黃虎臣率軍偵之列隊河灘見城中花紅黑白各旗魚貫而出知爲賊之舊隊大黑旗繼出約眾二千餘計係關外新賊均排立城邊就渠沿環施槍礮誘之不前黃虎臣繞北路回營徐占彪以賊情狡詐必賺之遠出始克痛斃密飭歸化營同勇暗約馬四十八日出隊當作內應繞旗爲號是日徐占彪親率精銳乘夜潛出伏城西南老馬堡黎明先以步隊兩營逼城而陣賊眾爭出官軍且戰且退賊仍疑卻不前忽見歸化營在亂古墩上繞旗數轉喜內應已確大股突出桂錫楨時伏深林中俟賊過東華續錄 同治九十四 十一

甫半橫截而出賊見伏兵無多尙令隊抵禦歸化營迎頭猛擊官軍繼之徐占彪由老馬堡分三路馳至徑衝賊隊縱橫盪決賊屍枕藉賊分兩股一趨城關一奔入朱家堡徐占彪一軍攻堡槍斃守賊甚眾賊殊死拒撤隊誘之賊復飛騎來援徐占彪縱擊斬賊多名將賊擊退並搜殺麥地伏賊數十名是役約斃賊數百名官軍亦有傷亡二十日黃虎臣以兩營移紮三仙洞距賊僅八里二十一日徐占彪繞城巡視賊環城列隊徐占彪折至塔爾灣賊出隊護牲畜殺賊十餘名五月初五日有馬賊數百竄擾撫彝境署甘涼道蕭宗幹聞報會商署甘肅提督楊占鼇撥隊截剿初六日楊占鼇飭提督張慶雲率隊將抵撫彝賊折竄東樂返轡追之賊搶掠牲畜駛赴山丹張慶雲躡蹤追擊初十日在紅寺湖小有斬獲十一日有另股馬賊竄鎮番署鎮番營遊擊李效見副將王禮

和會擊賊於唐家寨斃匪三四十名殲斃執旗賊目二名十二日又追及於爛泥溝賊不戰而走追斬十餘名是日張慶雲追抵黑城有股匪自扁都口竄出與前股合約共二千三四百騎張慶雲扼之駝嶺山賊竄入口十六日賊攻大馬營署永固協副將札拉芬與張慶雲會隊援之十八日戰於周家莊官軍被賊圍截傷亡頗多尙未據楊占鼇續報據署涼州府知府季守愚會報永昌永泉寺一帶時有賊蹤署涼州鎮總兵王仁和派隊在高古城擊賊獲勝是甘涼所報賊蹤均由西甯竄出也前據駐威遠之西甯鎮總兵黃武賢報陝回畢大才馬五九等糾眾二千援肅由大通北原竄出禹得彥白彥虎等悍匪多在其內以時地計之即此股無疑據道員馮邦棟稟報西甯土回自上年首逆馬京三死後兇燄漸銷見在回目馬永福頗明大義馮邦棟到碾伯後馬永福即率

東華續錄

同治九十四

三

西甯咪喇溝西馬營各處回目傾誠求撫呈繳馬匹槍礮各數百據稱陝回禹得彥白彥虎崔三等股佔據大小南川尙未就撫遷巢慮其反噬不得不留各馬步防之一俟陝回了事即當悉數呈繳不敢藏匿自誤陝回惟崔三等撫甚切其禹白等逆則自知稔惡有年疑畏殊甚據撫回陳林等稱該逆等私議如官軍速進當竄蜀竄滇以延殘喘崔三不能制也逆目畢大才等由大通北竄赴肅州首逆馬四之援而禹白崔等三逆仍踞大小南川未嘗同行也近又遣人詣馮邦棟求撫繳馬械各數十藉此以緩官軍之攻可知惟官軍進攻亦有未能速者由蘭州平番歷碾伯以抵西甯路將千里輓運甚艱若因糧彼閒非七月初旬不可臣等飭馮邦棟始諭其悉繳馬械勿違絕之一面飭馬永福馬占鼇先將陝回去路遮截一面檄記名提督何作霖統領所部步隊六營益

以馬隊兩營由康家巖拔行前赴碾伯駐紮檄三品卿銜記名道劉錦棠率步隊新舊四營馬隊兩起由平涼拔行臣宗棠益調陝西補用直隸州知州龍錫慶率所部綏定兩營步隊會師碾伯繼進計何作霖馬步八營此時已行抵平番劉錦棠七月初四五日可抵蘭州比會師碾伯正當新糧收穫之時軍食無虞缺乏區區之慮以陝回首逆及各逆家口均在大小南川擬師指西甯攻所必救畢大才等或當回援老巢官軍力戰破之然後分別剿撫可速戎機也至肅州城堅濠深賊中積糧可支年許近於重濠外增砌賊卡死守不出又購關外援賊前來徐占彪雖力圖攻拔恐亦遠難得手據徐占彪密稟擬先刈近城四十里麥豆誘賊出擊相機圖之臣等已飭其穩慎辦理候西甯事畢再籌會剿並多發攻具助之 上諭軍機大臣等河州土回馬占鼇馬京大等懇誠求

東華續錄

同治九十四

三

撫經左宗棠等宣布朝廷威德責令盡繳馬械准其投誠一面編查戶口將遷徙客回安輯土回各事次第籌辦又於安定會甯平涼隆德靜甯各屬度地廣狹分起安插陝回及漢民之無歸者並皆給以賑糧所籌均合機宜河州文武員弁見已分駐任所即著左宗棠督飭沈玉遂等加意拊循俾悔過自新之人咸知感憤庶可日久相安不至再生反側其太子寺等處要隘並著飭令張仲春等軍照常聯絡布置毋稍疏懈撤拉回目畏威求撫並著該大臣相度機宜一併妥為籌辦西甯回目馬泳幅乞降而陝回禹得彥白彥虎等自知稔惡疑畏殊深且有官軍速進即當竄蜀竄滇以延殘喘之議不可不嚴為之防左宗棠見飭馮邦棟一面諭令悉繳馬械一面密飭降回截其去路並分派各軍會師碾伯進規大小南川老巢所籌深協兵機即著督飭官兵密速剿捕毋令他

竄肅州城堅濠深徐占彪一軍雖屢攻獲勝仍當飭令穩慎進取不得稍涉疏虞陝鄂匪經陝防各軍截剿追至靖邊保安所屬該逆竄向草地而去邵亨豫當督飭譚仁秀等扼要駐紮嚴密布置以靖疆圉北山一路開墾漸多民食稍資接濟並著該署撫督率牧令勤求民瘼加意撫綏以副軫念災黎至意將此由六百里各諭令知之○諭景廉奏探聞西路軍情派兵助守古城定安奏遵撥隊伍馳赴景廉軍營文麟奏因病請假暫留錫綸幫辦營務各一摺烏魯木齊回逆復與安集延句結圖襲徐學功等營壘該營官等先期拔隊出險未為所乘該逆等詭譎異常旋離旋合見既聯成一氣狼狽為奸並欲乘隙東犯奇古該處防兵單薄亟應豫為布置以備不虞景廉已檄派巴城綠營官兵暨靖邊後營頭起勇丁共計三百餘名馳赴古城協同防守務當飭令各營隨時

東華續錄

同治九十四

古

偵探設法堵禦力遏妖氛不得稍涉疏懈其靖邊後營左營勇丁抵坤後能合添撥前往並著景廉酌度辦理該都統軍營需兵甚急李天和所部各營即著成祿檄令迅赴巴城歸景廉調遣毋稍遲延該逆等豈敢相依兇燄漸熾著榮全迅即選派索倫等項官兵會合趙興體團勇進攻瑪納斯以分賊勢而杜詭謀定安見在派撥吉林黑龍江馬隊官兵一千名大同鎮屬步隊官兵一千名赴景廉軍營助剿即著趕緊部署剋期拔隊前進迅赴戎機文麟見因病乞假懇留錫綸在哈幫同辦理營務刻下西路軍情緊要景廉籌辦進剿佐理需人錫綸未可中途久滯姑允文麟所請賞假一箇月調理暫留錫綸在哈將該處防勦事宜隨時商辦文麟假滿後錫綸立即啟程迅赴景廉軍營不准再涉延宕將此由六百里各諭令知之○諭恩麟德泰廓爾喀國王例貢屆期援案

懇免暨達木蒙古番族被災請撥款撫恤各一摺廓爾喀王例貢屆期懇請赴京呈進見在陝南一帶隴回未靖道路通塞靡常若准其來京致該貢使阻滯中途徒勞跋涉殊非柔遠之道所有此次該國王應進貢物著照上屆成案免予呈進一次以示體恤至達木蒙古官兵及三十九族番民據恩麟等奏稱於同治九年間疊遭大雪人畜凍斃遊牧之所藏庫無款那濟請飭川省先行撥銀三四千兩等語達木一帶連年被災自應速籌賑恤著恩麟等即於藏庫軍餉項下先行那用派委委員前往該處查明被災重輕覈實散放毋令一夫失所其那用餉項若干由恩麟等覈明行知吳棠迅速照數籌撥解藏歸款將此由五百里各諭令知之○左宗棠奏狗齒牙即楊繼芳等逆經陳湜密飭河州撫回馬占釐擒獻訊辦其死黨虎滿喇前經鹽茶廳城防回勇哨長楊馥廷護

東華續錄

同治九十四

古

解雷正籍營訊辦又中衛縣長流水新撫回民金生智獲逆目黑卯廖馬二利木等解總兵馮南彬營訊辦其馬才棕一犯據獲賊供已於上年轟斃此外各起零回經靈州鹽茶固原平涼隆德靜甯會甯安定靜遠各防營掩捕追剿擒斬多名特其中有無著名賊自非獲賊訊明及撫回指認不能悉也察看近日情形北路自甯靈鹽茶一帶至蘭州已無成起逆賊擾掠之事惟敗殘餘匪多或數十騎少則十數騎數騎竄伏空山俟便突出見有官軍則竄逸無迹雖於大局無害而千餘里防軍林立未得解嚴蓋土著之回路徑熟悉賊數既少蹤迹易藏官軍臨之如狼捕鼠較之剿辦大股翻形喫力也見飭各將領挑派哨隊分伏僻處遠近民堡相機圖之又奏甘南零匪節經官軍痛剿每恃深山密箐為遁逃數四月十一日提督殷華廷偵賊竄西和之香山自率兩哨尾追以

兩哨繞出山前賊甫至半坡山前隊伍以槍礮仰攻賊悉力抵禦
 殷華廷已率隊度嶺潛出其後賊遠遁橫逸擒斬頗多餘逆竄白
 家關殷華廷計賊蹤當出桃坪十二日冒雨馳往賊已先期逸去
 十五日聞賊踞小川子兵至賊又遁二十一日提督蘇家良所部
 總兵王銘忠趙得禮擊賊鐵佛寺斬二十餘名獲馬十餘匹二十
 二日設伏宗淡溝賊果由溝出截殺十餘名生擒十四名二十六
 日升任甘肅提督李輝武所部總兵鄧貴華副將劉楚華躡賊於
 李家溝賊憑險力拒鄧貴華揮軍衝擊斃悍賊十餘名賊潰走殷
 華廷踵至亦有斬獲是日總兵楊德俊接捕至雪水河馬賊百餘
 正就深林休息官軍奄至立斬數名洋北至趙家山賊回馬力抗
 楊德俊扼其前別以馬步分路襲其後賊窘甚悉向深林狂竄盡
 棄其馬正飭各營分路入箐撥剿瞥見步賊二百餘循山徑東來
 東華續錄 同治九十四 六

楊德俊徑前薄之賊不戰而退走追至白草坪賊據尾抗拒塵戰
 三時官軍鼓勇齊登賊跳巖死者甚眾兩戰計殺五十餘名賊之
 跌斃者無數生擒三名五月十一日賊攻朱家河民堡參將楊世
 俊聞報馳往賊列隊迎拒飭馬隊分三路鈔擊賊越山狂竄遊擊
 張成倫已繞據山巔截之追騎至斬賊百數十名而還十三日餘
 賊總遁秦家河巖谷深阻誘之不出忽有股匪自太石河至與該
 逆合乘夜潛逃十八日提督田連考截擊於岳家壩斃賊三十餘
 名二十日楊世俊追抵階州譚家壩署階州知州洪維善飭總兵
 楊隆昌率寶營自後夾擊賊敗奔南坪山二十二日賊穿林走馬
 家壩分路埋伏以拒追者楊世俊飭寶營跟蹤猛追別以馬隊鈔
 擊伏賊殺賊極多內有黃旗賊目一名且追且殺踰老灘河至漫
 平田連考又由花馬地方橫截而出亦有斬賊二十三日餘賊奔

佛八巖楊世俊追及殺賊數十名二十八日又追及之於禮縣秀
 山截賊為兩一奔馬家山一奔包家山其馬家山一起經田連考
 邀擊亦回竄包家山合股西竄二十九日追至白家關沿途接斬
 數十名餘賊又分竄碧三河一隄壩等處訊據賊供賊中頭目凡
 五一馬麥成一劉三皆陝回一蘇舍立一馬姑九一馬麻兒皆鹽
 關土回劉三馬姑九已經陣斬餘尚未知下落比各軍續報六月
 初六七日勝仗零匪就撫餘均殄滅均報聞○吏部以大學士文
 祥應定何殿閣請得旨著授為體仁閣大學士○于陝西陣亡遊
 擊李運堂祭葬世職○庚寅諭軍機大臣等劉長佑馮子材奏官
 軍暫留越南並勦辦各屬土匪各摺片劉玉成等所部兵勇見因
 越南尚未派兵接防一時不能入關馮子材已照該國所請暫留
 鎮柳選建等營扼紮太轄見籌選練防軍慎固封守辦理尚妥即
 東華續錄 同治九十四 七

著劉長佑馮子材照會該國迅速派兵接防一面飭令劉玉成等
 先就成所各營認真挑汰俟大軍入關即於邊境各要隘妥籌布
 置毋稍疏虞思南太鎮及北流岑溪等處土匪見經次第搜捕巨
 夥殲除該撫等仍當飭令派出各營及地方文武迅將逸匪悉數
 捕獲毋留餘孽並將善後事宜妥為區畫以衛地方此次勦匪出
 力各員著准其擇尤彙案請獎毋許冒濫將此由四百里各諭令
 知之○飭江西等省撥銀一百一十萬兩協濟黔餉○壬辰諭軍
 機大臣等奎昌等奏遵旨遣撤安插棍噶札勒參營眾一摺棍噶
 札勒參見帶索倫馬步兵三百餘名由臺路徑赴塔城其厄魯
 特兵隊俟將所帶喇嘛親族安插阿爾台山後再行赴塔業經奎
 昌等發給口分雇備駝馬於六月十三日拔營西進惟棍噶札勒
 參所部雜湊成軍營規未必整肅該呼圖克圖性復喜事尤當妥

為駕馭方能就我範圍刻下所部索倫厄魯特官兵全赴塔城人數不少富和當申明紀律加意約束毋令滋生事端並著奎昌等隨時確探妥籌兼顧不得因該營已赴塔城遂存膜視另片奏科城積欠應撥烏城官兵口糧據常順等咨商劃撥餉銀通融採辦懇請飭撥折支軍糧銀五萬兩等語著照所請即由戶部如數妥籌撥給此項銀兩一時未能解到准由軍餉銀內先行動支每石口糧照議折給銀四兩俟軍務告竣仍著照章辦理將此由五百里各諭令知之○兵部議覆前任兩江總督曾國藩續議兩江水師章程一外海六營分為三起輪流巡哨一內洋五營分界管轄按期會哨一裏河五營各按汛地巡緝一淞南淞北太湖左右四營各添船三號每號配兵十四名一水營所遺陸汛分撥附近各營兼管一京口三營原轄之大沙洲撥歸陸汛巡防一狼山鎮屬東華續錄 同治九十四 六

海門營改隸蘇松鎮管轄一蘇松三營陸汛原留陸兵一百名加留四百名千總把總外委共十員上海雷兵二百名汛弁兩員一江面失事處分即照前次會議章程覈議一應造船隻分別派營駕駛一裁撤千總八員把總二十四員改設外委三十四員以符定制一酌定外委薪糧一外海六營營官衙署各給差兵十名一水師提鎮兼轄陸營例馬照舊支給不得兼支坐船太湖右營係以都司為營官應給坐船二號一內洋五營升拔考驗照外海水師例辦理裏河五營照內河水師例辦理一增添稟書五十三名書識二百八十六名一裏河水師各船需用旗幟號衣等項每年發銀製給一加給水師提督及蘇松狼山福山三鎮總兵官巡洋經費稟書書識五年役滿考職送部一外海內洋各船其配礮位六百一十六尊洋槍八百八十桿一各船火藥經費在上海蘇州

各局領給一新立各營官兵俸薪養廉等項每年約需銀二十三萬兩有奇不至浮於舊額以上二十一條均應如所奏辦理從之○乙未諭軍機大臣等曾壁光等奏剿除牛角坡逸匪並攻拔香鑪山賊巢殲除逆首李宰腐等下游一律肅清一摺黔省下游苗教各匪屢次肆擾勢甚猖獗經曾壁光等會同湘軍實力攻剿見在下游地方肅清辦理甚為妥速惟苗疆甫定營制未復自應留兵鎮撫以資彈壓即著曾壁光等酌留精兵一萬五千名分投扼紫遇有藏匿餘匪悉數捕獲以期淨絕根株毋得稍有鬆懈上游興義郡城已經何世華等攻克僅餘新城賊巢未下諒不難指日收復並著曾壁光等飭令該總兵等會合滇軍迅圖恢復毋任遲緩黔省素稱瘠苦辦理善後需用孔殷著曾壁光於協餉解到後督同司道妥籌辦理並將兵勇酌撤以節糜費將此由五百里諭東華續錄 同治九十四 九

知曾壁光並傳諭周達武知之○丁酉諭軍機大臣等左宗棠穆圖善奏涼州兵勇分剿竄回情形一摺鎮番縣屬有大通一帶竄來陝回並南山等處土回沿途襲脅居民肆行搶掠經在防各軍隨處截剿餘匪向西沙窩遁去其古浪縣屬賊匪及竄擾永昌縣屬之陝回亦經各軍迎剿獲勝餘賊遠颺即著左宗棠穆圖善飭令王仁和督率兵勇併力搜捕務絕根株穆圖善另片奏交卸省防後應否帶隊赴任抑或移紮西安請旨遵行等語河州撫事漸次就緒西甯一帶劉錦棠見統各營前往相機剿撫左宗棠自可進駐省垣居中調度穆圖善交卸省防原應即赴本任以重職守第甯夏見尚安謐且有張曜所部駐紮足資鎮攝陝西為甘軍後路糧餉所關此時南北兩路時虞零匪竄擾且新撫回眾分別安插之處均距陝界非遙非得力隊伍扼紮要隘懾以聲威不足戢

犬羊反覆之性著該將軍於左宗棠進省將見辦防務分晰移交後統帶所部馬隊並挑選步隊率以東行在陝西乾那一帶擇要扼紮妥籌防剿以副委任穆圖善所部分布近省各要隘尙稱得力左宗棠到省後派兵接防是否足敷分布備不敷扼紮即可將該將軍所部酌量留防著與穆圖善妥籌辦理穆圖善應俟該大臣布置妥協後再行拔隊東進至該將軍懇懇陛見之處著俟軍務大定再行奏請將此由五百里各諭令知之○諭本日據穆圖善片奏交卸省防後應否帶隊赴任抑或移紮西安已諭令該將軍督率所部馳赴乾那一帶駐紮矣武毅右營勇丁潰散二百餘名並有戕害營官情事是否係曹克忠所部見在已否安謐如何懲辦穆圖善馳赴陝境自能彈壓鎮攝以杜亂萌惟此項勇丁竟敢肆行不法久畱該處亦恐不能得力如該將軍所帶各隊到齊

東華續錄 同治九十四 三

後足敷分布即可將武毅右營及其餘隊伍酌量裁撤免滋紛擾若尙須酌畱應如何布置箝束儘須遣撤應揀派何員管帶出境以免逗遛陝疆致貽後患均著體察情形迅速奏明辦理至曹克忠與穆圖善共事多年才略性情知之必悉其接統劉銘傳所部及新募各營能否整頓駕馭並著穆圖善就近詳察據實具奏○予甘肅陣亡副將張忍祥祭葬世職○戊戌諭內閣前據德泰奏駐藏辦事大臣恩麟擅賞戴瑋花翎及巡閱營伍並未親到蒙混入奏各節當經降旨令恩麟明白回奏茲據奏稱上年勦辦不法總堪布班墊頓柱因戴瑋拉旺奪結帶隊奮勇賞給翎支當經咨明達賴喇嘛其巡閱後三汛營伍一節因番民苦瘡由各番官呈請免往從前奏報漏未聲敘至巡捕戈什哈等酌給翎支並未給予印照各等語恩麟於所奏各節雖係事出有因究屬不合恩麟

著交部議處即著來京當差○諭軍機大臣等何璟奏已革提督擅自出外請飭地方官嚴加管束等語已革提督李世忠前經降旨交地方官管束何以任聽出外游弋見在雖無滋事實據難保不故態復萌該地方官漫無覺察深可痛恨著何璟派員押令該革員迅回固始本籍毋任沿途逗留解到後並著錢鼎銘嚴飭該地方官隨時管束毋任潛行外出儻該革員再或他往無論有無滋事即著就地嚴拏治以違旨之罪以遏亂萌何璟等不得稍存姑息之見該地方官如再視為具文任令他出一經發覺必將該縣嚴加處分該管各上司亦一併嚴處不能再邀寬典毋謂言之不豫也將此各諭令知之○諭傳諭廣東提督張曜奏官軍勦辦竄匪疊次獲勝一摺甯夏西路地方自本年四月初二至六月十三等日疊有陝回竄擾延及蒙境經張曜派撥兵勇分路勦擊並於阿拉善各蒙古境內斃賊多名見在和果勒厄拉等處已無賊蹤即著張曜督率沿邊各營實力防守並勤加偵探遇有賊匪竄近即行截擊並飭提督孫金彪等於柳林湖各要隘嚴密扼守一面兼顧蒙境毋令賊匪竄入甯夏各回見已歸業該提督仍當隨時稽察彈壓毋令滋生事端○諭恩麟德泰奏循例查閱後藏三汛營伍一摺據稱布魯克巴部長來稟欲求達賴喇嘛助給銀兩並懇賞給僧官廉俸且以毗連披楞隱躍其詞意存挾制定日聶拉木邊界時有廓爾喀人入境等語江孜後藏定日三汛爲哲孟雄聶拉木隘口緊要門戶自應加意防範布魯克巴部長稟求助銀賞俸究竟是何意見德泰見已啟程前往後藏三汛校閱營伍著即將邊界情形詳細訪察並將布魯克巴及哲孟雄部眾設法防閑毋滋他患其定日聶拉木邊界營伍務須力求整頓以

東華續錄 同治九十四 三

資鎮壓一切辦理情形著於巡閱事畢據實具奏本日已有旨將恩麟交部議處令其來京當差新任駐藏大臣未到任以前所有應辦事宜仍著認真經理不得稍涉大意將此由四百里各諭令知之○己亥諭內閣御史邊寶泉奏督臣呈進瑞麥恐滋流弊並請將永定河合龍保案撤銷各摺片國家愛養黎元惟期年穀順成從不侈言符瑞李鴻章前以直隸清苑縣暨廣平府等屬呈報麥秀兩歧據以入奏並將麥樣進呈在該督雖不至意存粉飾第恐各該地方官藉此導諛貢媚殊於吏治民風大有關係嗣後各該督撫務當勤恤民隱於地方水旱情形隨時察看力求補救不得率以瑞應嘉祥鋪張入告用副朝廷痾瘵在抱之意近聞永定河北岸隄工潰決順天南路及保定天津所屬州縣均有水患兼有被蝗之處著李鴻章迅速查明永定河決口及各州縣被災情形究竟若何據實具奏前據李鴻章奏保永定河合龍出力人員摺內聲稱全河兩岸隄埝均已培補堅厚何以又復潰決在工各員所司何事著李鴻章查明參奏並著該部將前次保案即行撤銷○禮部尚書存誠卒賞銀五百兩治喪予祭葬諡勤恪○調靈桂為禮部尚書以早保為禮藩院尚書英元為左都御史調延煦為倉場侍郎志和為戶部左侍郎恩承為刑部左侍郎綿宜為禮部右侍郎以繼格為盛京兵部侍郎由左副都御史遷○庚子諭內閣昨據御史邊寶泉奏稱永定河決口情形當經降旨令李鴻章查明據實具奏並將工各員查參撤銷前次保案茲據李鴻章奏稱上月大雨時行河水盛漲消洩不及各隄多有墊動均經隨時搶護惟北下汛十七號水高過隄大溜越隄而過搶救不及遂致漫口請將在工各員分別參辦並自請議處等語永定河隄工前經

東華續錄

同治九十四

五

李鴻章奏報合龍並稱兩岸隄埝均已培補堅厚乃為時未久即有決口之處在工各員未能小心防護咎無可辭石景山同知王茂燠著革職留任署北下汛宛平縣縣丞候補主簿唐照著革職留工效力永定河道李朝儀著革職留任以示懲儆李鴻章督率無方著交部議處即著該督嚴飭在事員弁迅將決口趕緊堵合務臻堅固不得稍有草率其全河各段隄工並著隨時加意保護毋稍疏懈○予陝西被戕遊擊周欽輝祭葬世職○甲辰諭軍機大臣等傳諭署漕運總督文彬文彬奏擒獲幅匪首惡正法並緝餘匪一摺幅匪朱小五等被擒後匪首朱方茂潛匿宿遷西南之朱家圩內經文彬飭令總兵歐陽利見等督率兵勇前往密拏並令投誠幅首王見勳解散黨與覓綫協捕擒獲朱方茂凌遲處死辦理尚屬妥速惟匪黨李際平在逃未獲亟應密速偵緝以淨根株王見勳一犯雖據投誠究難深信著文彬嚴飭在事各員會同各地方官迅緝餘匪毋任漏網並飭姚廣武等將王見勳嚴加約束責令躡緝幅首李際平務獲懲辦不得稍涉輕縱致貽後患○乙巳欽奉 慈安皇太后 慈禧皇太后懿旨皇帝大婚典禮著於本年九月十四日寅時皇帝升太和殿遣使行冊立禮本日申時皇帝詣慈甯宮行禮畢升太和殿遣使行奉迎禮皇后鳳輿即於皇帝升殿遣使還宮後由乾清宮啟行十五日子時皇后升鳳輿進宮後丑時行合巹禮十七日丑時皇后詣慈甯宮行朝見禮十八日辰時皇帝詣慈甯宮行慶賀禮畢仍於辰時皇帝升太和殿行慶賀禮十九日卯時皇帝升太和殿筵宴其慈甯宮筵宴時刻著由內傳旨屆時舉行○丙午左宗棠奏提督徐占彪周視肅城惟西南地勢居高賊於距城三十里之塔爾灣堅築堡垣環

東華續錄

同治九十四

五

以濠卡連接黃草壩各賊堡與肅城相為犄角欲規取肅城非先奪塔爾灣堅堡不可維時肅州城外小麥漸次欲熟而賊仍固匿不出各營連日出隊刈麥以絕賊糧兼以誘賊雖小有斬獲卒未得一痛擊也五月二十七日徐占彪飭駐紮三仙洞之提督黃虎臣每日出隊雷臺廟一帶牽制該逆示形於東而親率馬步五營裏帶行糧同署肅州鎮總兵王子龍並調紅水臨水圍丁夜趨塔爾灣飭副將桂錫楨率馬隊為兩路策應抵塔爾灣時天尚未明分所部為十隊各指一堡攻之賊不意官軍夜至倉卒抗拒官軍已乘間躍入立破數卡各賊堡正圖抵禦而官軍已徑薄堡根火器逆注槍礮雷轟堡中火起守賊奪門四竄自寅至巳攻克賊堡四座墩卡十九座生擒十餘名塔爾灣堡之賊出紅白旗來援馬隊擊卻之旋即閉堡不出徐占彪揮軍圍攻賊拚死拒守徐占彪

東華續錄

同治九十四

五

就地為營是夜復分隊襲破附近墩堡六座其焚墩自竄者又十餘座是日黃虎臣師抵朱家堡城中以步賊出禦正接戰間突有馬賊數百東趨三仙洞桂錫楨回軍擊之殺賊數十名而奪其馬馬步賊均返奔入城二十九日徐占彪調開花礮連轟塔爾灣堡謀報城賊出馬步數千分道西馳來援徐占彪按陣不動靜以待之馬賊數百一近陣前旋即縮退徐占彪知其有伏飭提督陳春萬出北路繞伏賊之後王子龍擊其前賊分途接戰馬隊橫攻之賊敗遁追抵黃草壩始收隊而還三十日飭各團丁分道刈麥以馬隊由三仙洞往來游駛為疑兵仍分軍輪攻塔爾灣堡晝夜不息六月初一日肅逆又以悍股赴援凡三次悉經馬隊擊敗陳春萬復乘勝攻獲東大堡生擒賊渠萬長金自鳴斬之賊益洵懼塔爾堡東焚堡夜遁者蓋以十數計初二日徐占彪進紮黃草壩督正營

歸化等營圍攻塔爾堡益急是夜軍功回目藍明泰奮威先登守備徐春先繼之立將塔爾堡攻克賊鮮得免者獲千斤大礮一尊槍械數百件牲畜稱是訊據生賊供稱二十九日之戰口外回目萬長赤斤老二千長冶老四已經官軍陣斬初三日徐春先攻開文殊山前堡二座其餘七座亦已夜遁塔爾灣以上賊壘空矣初四日各營分攻黃草壩三堡未下初五日徐占彪繞堡東築營絕其糧道連破賊墩數座賊知不敵開堡競逃斬賊無算復乘勝克小堡二十餘座於是肅城西南墩堡百餘座均一律蕩平各營合紮沙子壩距城僅三里初六日大南門擁出賊眾五六千均穿白衣紫白巾加縛黃紙前斜排兩行中排方營後列散隊蓋賊中所謂喪門陣也既成列殺一婦人一狗於陣前似為壓勝之術者旋狂譟齊撲官軍營壘徐占彪令各營勿出俟賊之前隊盡過中隊

東華續錄

同治九十四

五

徑薄陣前中營鼓聲起各營奮威衝出賊殊死鬪參將蕭蘭玉以開花礮向賊叢測準轟擊桂錫楨率馬隊徑穿賊陣賊隊大亂徐占彪揮軍乘之躡蹤追殺尸橫遍野直追至城根始行收隊獲匪供稱馬四之弟馬六元帥額角中礮子眾賊搶回城中是日戰斃關內外逆回兇渠數名馬步悍賊無數蓋徐占彪攻肅第一惡戰也賊之排喪門陣以出也誓決死戰迨二段方陣撲近營前時方晴明將弁均奉令按隊挺刃以待忽西北雷聲大震黑雲飛壓賊陣雷雨交作各營聞鼓聲奮躍衝入賊陣賊方驚悸之餘繩藥盡濕官軍所用多洋槍不畏風雨人人喜荷神助以故縱橫盪決所向披靡然將弁之亡傷者亦二十餘員賊之兇悍亦略可見矣初八日賊踞州城南門外枯樹堡賊眾伏麥地向營開放又子槍官軍分路衝截斃賊數十名賊收回枯樹堡初九日賊數千由南

稍門出分駐香莊大小四堡城中旋出賊千餘仍伏麥地向營開
放又子槍比官軍出隊分擊伏賊殺斬十餘名堡中賊槍雨注馬
勇陣亡四名受傷二十餘名營官武朝聘右腕亦帶子傷徐占彪
得報自洪水馳回即夜馳赴城南見渠流忽斷知該逆正堵塞渠
口遣騎馳往胡之推斬六名仍決渠口引流而下十二日徐占彪
仍督隊割麥誘之賊仍不出十三夜徐占彪挑勇卒潛襲南門外
三里許賊築新堡克之賊分竄入城僅獲斬十餘名即移營駐紮
十四日賊千餘排列四壩堡前後比官軍出隊則縮入堡開槍俯
擊徐占彪令團勇蛇行渠內亦以又子槍測準轟擊斃賊二十餘
名賊隊稍多處以開花礮轟之傷賊亦多迨至城邊收隊十五日
辰刻城賊七八千由南門遙擁而出仍伏麥地時開槍向營轟擊
徐占彪飭各營按隊勿出僅以劈山礮遙轟之是日天氣炎熱未
東華續錄 同治九十四 天

羈押一處以備質訊肅城首逆又哀詞乞撫徐占彪諭以且決數
戰再議見在城外麥禾已割者甫及一半城外堡卡雖破除殆盡
護禾之賊屢經擊敗兇狡渠目徐斬已多然攻堅究無善策非多
備攻具加派勁旅廣儲糧料不能確操全算臣宗棠赴省城後自
當察酌情形妥為籌辦以冀稍紓 聖主西顧之憂 上諭軍機
大臣等左宗棠等奏官軍備剿肅州踞匪並帶截擊竄匪
情形各摺片逆匪久踞肅州負隅抗拒見經徐占彪一軍屢次偏
剿攻拔近城之塔爾灣堅巢並掃蕩城西賊壘百餘座徐斬著名
逆目多名勦辦甚為得手逆匪經此懲創兇餒稍衰自應乘此聲
威力圖攻克該逆前次降而復叛見又哀詞乞撫難保非因攻剿
緊急暫為緩兵之計左宗棠見已進紮省城著即酌度情形妥籌
調度檄飭徐占彪督率各營迅速圍攻並將關內外援賊隨時相
東華續錄 同治九十四 天

七月初一日總兵馬有才截之王家堡悉數擒斬李萬海一犯經提督蘇家良於七月初八日生擒解營訊明磔死所有著名各首逆均已辦竣後路已就肅清臣於七月十五日進駐省城調派各軍致力西路以清邊圍報聞○丁未諭軍機大臣等左宗棠穆圖善奏馬隊官兵擊剿陝回獲勝一摺據稱陝回奔竄平番所屬之柳川口一帶經副都統常明督帶馬隊追擊斃賊四百餘名餘匪入山逃逸等語此次陝回由西甯逃出欲赴甘涼一帶搶掠雖經官軍中途截擊其竄逸之匪仍恐四出滋擾著左宗棠等飭令在防各軍隨時偵探遇賊即擊以清餘孽前經左宗棠奏崔禹等逆盤踞大小南川已令劉錦棠何作霖等由碾伯進剿刻下該逆曾否他竄該大臣務當飭令劉錦棠等迅速進兵乘土客交訖之時痛加剿洗就地殲除毋任遠竄甘涼致西路又被蹂躪其西甯土東華續錄 同治九十四 无

回如果真心就撫仍著督飭馮邦棟妥慎辦理毋稍苟且將此由五百里各諭令知之○戊申遣禮部尚書靈桂為正使總管內務府大臣春佑為副使持節詣 皇后邸行納采禮並筵宴如例○前任兵部侍郎彭玉麟奏請俟病體稍痊啟程入覲仍懇恩准回籍養病得旨該侍郎此次查閱長江水師認真整頓力戒因循實堪嘉尚著將應辦各事料理清楚即行來京陛見以慰廑繫○已酉諭軍機大臣等都與阿奏股匪乘間竊發隨時勦辦並請將勦捕得力之員恩准擇保各摺片奉天賊匪滋擾多年邊外地方尤為奸徒遁迹之所雖疊經奏報擊獲多名正法究未能淨絕根株此次昌圖復有股匪糾聚多人焚搶鋪戶抗拒官兵實屬不成事體雖兵勇會同勦捕殺斃甚多而餘匪各處奔逃難保不乘機復發著都與阿嚴飭各官兵暨 方文武迅將敗逃餘匪悉行搜剿

盡數殲除不得以目前稍就安謐即行鬆懈其疊次勦匪出力員弁著准由都與阿擇保數員毋許冒濫仍當責令該員弁等實力搜捕隨時四出梭巡淨絕盜源以靖閭閻而安邊圉將此諭令知之○改福建淡水廳訓導為教諭定學額八名永廣二名增設噶瑪蘭廳訓導定學額五名永廣一名○庚戌諭軍機大臣等前因武毅右營勇丁潰散並有戕害營官情事當經諭知穆圖善俟左宗棠進駐蘭州省城即督率得力兵勇移紮乾那一帶並察看曹克忠能否得力所部勇丁如何分別撤留令該將軍悉心酌度奏明辦理茲據邵亨豫奏稱曹克忠接統銘軍後駕馭未能得宜時逾半年與兵將總不浹洽該提督久患足疾於營哨各官疏於接見軍心已搖訛言四起附近居民紛紛遷徙營弁亦多乞假請飭李鴻章密籌辦理等語軍營統帥全在謀勇兼施聯絡軍心申明東華續錄 同治九十四 无

紀律曹克忠既不能約束勇丁致令戕官潰散是其不勝統帥之任已可概見近復患病不能接見營哨各官則其兵將離心猜疑日積勢所必至此軍素稱勁旅見在不但無益陝防且恐滋生事端致滋後患著李鴻章悉心籌畫將曹克忠所部銘字一軍應如何撤回安插俾有用之兵不至潰散為患地方是為至要穆圖善於行抵乾那後妥為布置俾銘軍去留得以迅速酌定不至日久患生邵亨豫於銘軍未撤之先務當不動聲色妥為調處以弭亂萌該署撫原片著鈔給李鴻章穆圖善閱看此旨關繫軍營大局穆圖善近在甘肅務當飭令在營各員不得稍有洩漏致生他變提督成祿被參各節穆圖善前奏已派員前往訪查何以日久尚未查覆並著該將軍迅速查明據實具奏毋再延緩○予陝西被戕總兵官楊祺祭葬世職○是月豁免湖南晃州廳被擾上年額

賦綴徵山東濮州等四州縣暨東平所被水雹新舊額賦

八月丙辰命戶部酌撥銀十萬兩濟庫倫軍餉○丁巳諭軍機大臣等前因曹克忠接統銘軍不能聯絡兵心申明紀律致令戕官潰散深恐猜疑日積激生事端當經諭令李鴻章悉心籌畫撤回安插茲據該督奏稱銘軍素極整肅經此變易習氣頗難挽回必得平日威望與將士素孚者接統然後撤回安置可漸順手請飭在籍臬司劉盛藻赴直籌議等語遇缺提奏按察使劉盛藻向隨劉銘傳在營帶隊約束嚴明最稱得力此時曹克忠所部銘軍兵將既不相洽若不易人統帶必致以百戰動旅悉行潰散後患殊深著英翰傳知劉盛藻兼程前赴天津聽候李鴻章面授機宜迅行赴陝接統銘軍妥撤回南徐籌安置以弭隱患不得稍涉遲回致滋貽誤穆圖善何日自甘東來該將軍既經帶有得力兵勇將東華續錄 同治九十四 三

東華續錄

同治九十四

三

來行抵乾州即可無庸留調銘軍致滋搖惑李鴻章摺著鈔給穆圖善閱看○諭豫師奏辦理西甯撫局並擊賊獲勝情形一摺陝回暨米拉溝西馬營回眾雖呈繳馬匹器械其中尚有觀望不決暗行出擾情事西甯回眾所繳馬匹較多據豫師奏稱近頗安分仍當防其更變未可稍涉疏虞見在左宗棠已派提督何作霖等分統十六營赴湟兵力厚集豫師當隨時會同該提督等將反側逆回痛加剋洗其真心悔罪者方准投誠斷不可一意主撫致貽後患此中操縱機宜仍著咨商左宗棠妥慎籌辦新添堡一帶突有陝回竄擾經黃武賢派隊追擊餘匪敗遁回巢仍著督飭各軍加意嚴防毋任賊縱紛竄另片奏西甯專餉已派員分赴各省坐催在陝設立西甯運局免收轉解毋庸由西征糧臺催提整發以免拖累等語即著照所請行其各省解餉按月報部事宜仍著貴

保恆照舊辦理將此由五百里諭知豫師並傳諭袁保恆知之○

戊午諭軍機大臣等景廉奏奇古官軍輕進失利咨商榮全規取瑪納斯城各摺片據稱提督張玉春因西路委員桂洪元營官沈廷秀約令進兵該提督帶隊二百餘人馳抵古牧地突有烏城逆回勾結安集延馬隊攻撲營盤眾寡不敵遂致挫失等語此次張玉春誤信委員之言不候批示冒昧輕進致損軍威實難辭咎著先行摘去頂翎責令立功自效以贖前愆倘再不遵調度貽誤戎機即照軍法懲治委員桂洪元擅行致函張玉春調兵進剿並有不必要明都統之語實屬膽大妄為著即提訊明確從嚴懲辦以肅軍令見在官軍既為逆匪襲敗難保不乘勢東犯亟應妥籌布置備豫不虞靖邊左營見已到坤著景廉即飭該營拔赴古城會合前敵各營聯絡聲勢嚴密防守刻下軍情緊要景廉所部兵力東華續錄 同治九十四 三

東華續錄

同治九十四

三

向單著成祿懷遵前旨迅飭李天和統帶所部剋期赴巴里坤聽候景廉調遣不得藉詞延緩榮全前有規取瑪納斯之議若能設法進兵亦足牽制賊勢仍著榮全酌度機宜妥為籌辦回酋馬明如果真心反正即著景廉善為駕馭俾為我用景廉另片奏前撥西征糧臺銀十萬兩成祿截留銀四萬兩其餘銀六萬兩尚未解到等語著成祿將前項銀兩迅即派員解赴景廉軍營以應要需毋稍遲誤將此由六百里各諭令知之○庚申命單懋謙為大學士調毛昶熙為吏部尚書以李鴻藻為工部尚書桑春榮為左都御史調錢寶廉為刑部右侍郎以宜振為工部右侍郎○實授邵亨豫陝西巡撫以畢道遠為倉場侍郎○候補○壬戌命文煜等整頓福建營伍○以桑春榮為刑部尚書胡家玉為左都御史轉彭久餘為吏部左侍郎調童華為吏部右侍郎以何廷謙為工

部左侍郎山內閣○癸亥左宗棠奏肅州附城賊巢自塔爾灣黃草壩等處攻克後惟城東朱家堡牆堅濠深賊恃以為固又城北北巖頭城南枯樹城東南四壩等處墩堡環峙徐占彪已率隊繞紫肅城西南而雷護運道及雷紫三仙洞各營遠在城東若枯樹及四壩地方不即收拔則兩路官軍終虞隔閡六月十七日徐占彪飭正營進紮校場以東適城逆數百出南城刈麥密飭馬隊繞城根截其歸路朱家堡及枯樹各堡出隊為援徐占彪親出擊敗之其刈麥者亦逃入枯樹堡追斬數十名生擒六名盡奪其牲畜麥捆城卡槍礮攢發官軍亦有傷亡徐占彪詳審城勢枯樹三堡六墩負城設險必繞城濠以襲其後遂親挑奮勇百二十名夜率以行仍設隊河灘作勢仰攻並調開花礮向堡轟擊逆賊憑牆外禦徐占彪已繞伏城濠以洋礮測準擊登陴者守賊應聲而倒餘賊驚潰各墩堡同時竄逸夜黑未及窮追遂移營填紮其堡二十一日偵報賊出東門繞竄東南料必赴塔爾灣搶收餘麥率馬隊追及之賊掘壕將行見兵至驚走追斬數十名四壩麥穗黃熟該處賊堡凡十一緊連朱家堡二十一日飭新左新中及三四起馬隊繞東關濠邊撲入兼堵朱家堡援賊飭正右歸化副右攻其南徐占彪率副將桂錫楨護開花礮馳入壩中左右轟擊又令副新後兩營由三仙洞橫攻各堡自卯至午副新後兩營先破東大堡一座餘堡奪門四竄追斬極多旋移軍紮入加築木城所遺三仙洞營壘以團勇填紮自是東西兩路各營始聯成一氣是夜新後營又襲破雷臺廟東面大墩黎明瞥見西廢堡有踞賊馬隊擊走之二十四日城逆馬四具稟請退兵十里願獻城自贖徐占彪稔其詐不允攻朱家堡益急於該堡南北各營卡斷其運糧及出

汲之路閱一晝夜工竣賊益洶懼二十五日各營備攻具填濠齊進徑薄賊牆賊棄堡狂奔追殺極多調右營進紮該堡自是肅城東西南三面賊壘盡矣惟北巖頭有廢堡尚有賊踞十九日徐占彪率隊馳往賊窟聚斂地且刈且縛曳以牛車官軍擊之賊潰遂焚其麥復偏追竄賊賊入廢堡中憑牆放槍徐占彪坐馬受傷棄馬步戰弁丁益奮立將此堡攻克餘堡之賊亦悉數擒斬於是附城概無賊壘七月初一日徐占彪率隊歷北稍門至西門賊惟憑牆施放槍礮誘之不出遙見西北山邊有賊刈麥揮隊投殺斃賊數十名獲賊供稱萬長馬行五已為官軍所斬歸歷塔爾灣遇有刈麥零賊盡殲之城賊終不復出初二日復出歷各壩迄無賊蹤撤隊後城逆遠以三四百名出東門割城根餘麥桂錫楨回軍馳擊殲悍賊多名餘悉滾濠水而逸 上諭軍機大臣等徐占彪東華續錄 同治九十四 三

一軍攻剿肅州逆匪壘克枯樹四壩北崖頭各壘卡及朱家堡堅巢附城賊蹤一律掃蕩辦理尙屬得手肅州之賊屢經懲創自已勢孤膽落著左宗棠等檄飭徐占彪乘此聲威穩慎進取以期力拔堅城毋得輕率受撫致為賊匪所紿至成祿一軍久駐高臺尙無行期疊據奏稱車馬糧石均形缺乏此軍雖難期得力然使因糧缺譁潰必致貽誤地方左宗棠務當飭令甘涼肅二道妥籌接濟不得稍存膜視將來此軍進止朝廷別有權衡也將此由五百里各諭令知之○命都興阿等嚴捕盛京馬賊○乙丑諭軍機大臣等錢鼎銘奏檢獲匪首李六地方肅清一摺匪首李六雖經擊獲訊明是否即行正法刻下地方雖已肅清仍恐皖豫交界一帶伏莽未清若不將餘匪按捕淨盡難保不暗中踉伏伺隙復發著錢鼎銘嚴飭在事各員認真按緝務將餘黨悉數捕獲以消後患

並著飭令各該地方官將編查保甲各事宜實力奉行毋稍疏懈
將此諭令知之○以恩齡為左副都御史降調刑部侍郎○命康國器來
京以文格為廣西布政使前廣東布政使○已遣禮部尚書靈桂為正
使總管內務府大臣桂清為副使持節詣 皇后邸行大徵禮○
諭軍機大臣等榮全富和奏查明保陞參款懇准留營富和奏整
頓臺站榮全奏接閱俄國來文各摺片保陞不能約束兵丁以致
騷擾臺站咎有應得據榮全等訊明臺站官兵亦實有供支遲延
藉詞躲差情事尚可原保陞業經革職著暫緩鞫問留於軍營
充當苦差以觀後效保陞所部參領等五員見均摘去頂帶分別
懲辦其滋事兵丁仍著榮全等確切查明從重懲治以儆效尤不
得含糊了事至臺站官兵支應要差日形疲玩積弊甚深見當整
頓臺站之時豈可任其廢弛富和以各臺稽歷文報勒索賞需請
東華續錄 同治九十四

明定章程革除惡習均係臺站應辦之事著即知照各城將軍大
臣等於所屬各臺一體申明舊章實力整頓不得有名無實至榮
全接閱俄官來文其意不欲中國官兵前往伊犁託詞以緩我師
榮全已將接濟官兵銀兩交克柯色本等運赴伊犁分給以安眾
心自係權宜辦法仍著懷遵疊次諭旨妥慎籌辦瑪納斯為伊犁
東來要地務當設法早籌收復見在吉林官兵業經到齊糧石可
以收穫宜及時整備隊伍妥為調度以期進取英廉查探情形若
何著榮全隨時酌度相機辦理俄國駐京使臣倭良嘎哩如有與
總理各國事務衙門商議之處已諭該王大臣隨時知照矣將此
由五百里各諭令知之○庚午諭軍機大臣等前因何璟奏已革
提督李世忠擅自出外請飭嚴加管束當諭令何璟派員押令該
革員迅回固始本籍並令錢鼎銘飭令該地方官隨時管束茲據

英翰奏稱李世忠雖與叛匪李四輩子同族彼此向有仇隙該匪
起事時李世忠外出業經兩月該革員之子李顯謨一聞警信即
赴省馳告並將李四輩子家屬誘獲復隨同官軍追擊餘匪李世
忠在上海得信後即由輪船旋皖見已接取家屬擬在安省地方
暫住以避物議等語李世忠果能安分守法朝廷自當保全不使
無地自容茲據英翰將該革員見在情形縷晰上陳著准其在安
徽地方居住責成英翰隨時查察如有不法情事一面密速具奏
一面相機辦理毋貽地方之害○允李鴻章奏截留江北漕米十
萬五千八百餘石賑畿輔被水災民○辛未諭內閣彭玉麟奏提
督傷病未痊請開缺回籍調理等語長江水師關緊要黃翼升
自簡任提督以來巡閱操防是其專責遇有庸劣不職各員即應
隨時參劾以肅營伍乃直至此彭玉麟巡閱各鎮該提督始行
東華續錄 同治九十四

會銜參奏殊屬顛預至該提督所收外來候補人員至二百七十
餘員之多亦屬不合本應即予懲處姑念該提督從前帶兵江上
屢著戰功從寬免其置議長江水師提督黃翼升著准其開缺回
籍調理○諭彭玉麟奏酌籌水師事宜請旨遵行一摺長江水師
控制數省關係綦重彭玉麟所陳四條切中時弊深堪嘉尚提督
一缺管轄江面五千餘里非有智識閱遠天資忠亮並秉性剛方
威克厥愛及操守清廉敬慎畏法者難以勝任著統兵大臣及各
直省督撫隨時留心自見在候補提鎮以至偏裨其才識足任此
缺者即行密保候旨簡用其各營弁勇有才堪造就者並著責成
各鎮將隨時咨明提督及沿江各督撫留心考察次第擢用不使
有用之才沈淪末秩用備干城之選軍營以誠樸為先水師初設
均能勤苦耐勞所向有功乃近來竟有修飾廚傳講究應酬等事

種種惡習深堪痛恨所有各營攤派名目著永遠禁革儻有仍蹈故轍私立名目者即照剋扣軍餉例治罪該管督撫提鎮倘隱不參劾者別經訪聞一併治罪以肅軍律長江水師經兵部議定不得撥用別項水師人員定章嚴嚴近來該管提鎮有意見好濫收外來人員一標至二百數十員之多迫經彭玉麟查閱且有並無其人者營制紛雜幾不可問著照該侍郎所擬提標止准酌留三四十員各鎮標止准酌留一二十員此外概行遣撤儻所留各員弁有不安本分暨別有嗜好者即隨時參革毋得稍存姑息各員弁用竣後不准再行濫收如有缺出專於長江水師兵勇中拔補水師額兵出缺即於本地招募藉資得力提督總兵本屬平行長江水師豈容歧異即著遵照定制辦理遇有各總兵所屬汛地員弁缺出即由該管總兵揀員署理咨明提督請補如提督敘補非東華續錄 同治九十四 五月

人該管總兵亦即咨明更正用資整頓而杜弊端另片奏請停止水師肄習弓箭以期專精一技等語水師所用本以使槍放礮為優劣何得藉口演習弓箭致開陸居之漸著照所請所有長江水師及江蘇新改之外海內洋內河水師均著專習槍礮毋庸兼習弓箭該提督隨時操演及考拔各缺亦著照舊章辦理經此次訓諭後提鎮及各該管督撫等務當隨時訪察遇有前項情弊即行從嚴參辦庶不至真才廢棄陋習日深用副朝廷廩念東南整飭戎行至意將此通諭知之○癸酉諭內閣金順自簡放烏里雅蘇台將軍後督帶所部由甘肅甯夏啟程赴任行至山西包頭地方駐紮屢次有旨嚴催徘徊不進嗣據該將軍瀝陳赴任未能迅速自請交部議處並請帶隊赴甘肅甘涼鎮番一帶效力前驅朝廷格外施恩不加譴責俯允所請原冀其力圖振作稍贖前愆迺遲

至數月始據奏稱馳抵甯夏籌布鎮番防剿事宜並無啟程前往甘涼鎮番之語且以會剿蒙地竄匪為詞直欲安坐甯夏郡城遙為控制實屬意存取巧大負委任金順著開烏里雅蘇台將軍之缺交部嚴加議處仍著迅速拔隊剋期西進儻再遲延朝廷惟有執法從事毋謂言之不豫也○諭軍機大臣等金順奏馳抵甯夏籌布鎮番防剿事宜並派隊會剿蒙地竄匪一摺覽奏實堪詫異金順駐軍包頭徘徊觀望久未赴任朝廷念其行役之艱允其西征之請已屬格外體恤且冀其失之東隅收之桑榆也該將軍受此重寄宜如何感激圖報踴躍前驅乃自六月中旬拔隊後遲回兩月始抵甯夏又不遵旨即赴甘涼等處扼要駐紮輒以籌商軍糧及布置鎮番防剿為詞意圖久駐甯夏實屬有意遷延大負委任見在甯州回匪雖經徐占彪進剿屢勝而賊尚負隅成祿東華續錄 同治九十四 五月

一軍出關無期非得一支勁旅前往接濟不能迅奏膚功著金順即日督率所部由甘涼鎮番一帶鼓行而西徑赴甯州到甯後即行奏聞聽候諭旨河州撫事已定西甯等處左宗棠見已派撥勁兵相機勦撫金順率旅西行專赴甯州一帶於撫局並無妨礙至蒙地竄匪防剿事宜本係張曜專責該將軍若再分兵會剿則西進之兵轉行單薄著即督飭程朝立等與劉宏發各營接踵前進毋再遲延沿途軍糧即著知照張曜代為籌畫該將軍不得藉口糧運艱難耽延時日經此次訓誡後金順當激發天良力圖報稱毋再巧為嘗試自速愆尤將此由五百里諭令知之○甲戌命鄧廷枏來京以俊達為廣東布政使張瀛為廣東按察使由河南開歸陳許道

○乙亥諭軍機大臣等都興阿奏擊獲搶劫盜犯並請將疏防劫餉之總兵議處各摺片奉天馬賊充斥屢經諭令都興阿等嚴

飭所屬認真勦捕茲據奏稱先後擊獲盜犯一百六十七名正法該匪等擾害地方股數甚眾雖經屢次擊獲夥匪而著名要犯漏網尚多難保不日肆蔓延釀成巨患著都興阿瑞聯恭鏗慎遵疊次諭旨嚴飭帶兵員弁及地方文武將各處首從匪徒一律搜捕淨盡務絕根株毋稍鬆懈總兵張得祿駐紮新民屯距興隆甸甚近於餉鞘被劫一案毫無覺察著交部議處都興阿前奏未經聲明附參著一併交部議處本年三月間有人奏金州協領書明額等匪災縱勇及牛莊防守尉果勒明阿縱賭釀盜以致連劫當行等情當交都興阿等查奏迄今已逾半年之久各匪犯已否擊獲何以尚未奏覆殊屬玩延著該將軍等迅速查明據實具奏將此各諭令知之○賞普濟堂功德林賑米八百石○戊寅予廣西陣亡參將劉希賢祭葬世職○己卯諭內閣恭親王等奏纂輯勦平東華續錄 同治九十四 完

粵匪方略四百二十卷勦平捻匪方略三百二十卷告成奉表恭進一摺勦捕粵匪始於道光三十年至同治四年克復江甯省城嗣後搜捕餘孽又歷年餘勦捕捻匪始於咸豐元年至同治七年在直隸地方併力殲除計辦理軍務前後十有九年各路軍營及內外臣工章奏紛繁我 文宗顯皇帝神謨廣運 指示機宜 聖訓昭垂軍民感服迨朕御極後稟承 慈安皇太后 慈禧皇太后懿訓燭照無遺同符 先烈戡定大難用底救平一切機宜運畫允宜垂示將來恭親王等奉命纂辦數年來率同在館人員陸續繕輯呈進隨時披覽卷帙繁多尙爲詳悉該備所有大小出力各員自應普加優獎恭親王等摺內雖自稱不敢仰邀議敘仍應特沛恩施恭親王著賞加二級並欽奉 慈禧皇太后頒發御書許謨辰告扁額一方賞給恭親王以示優異文祥寶璽沈桂芬

李鴻藻均著賞加二級該提調等在軍機處行走有年平日辦事俱屬勤慎此次在館總司纂輯或分司檢校均能奮勉出力迅速告成著照所請給予獎勵其餘謄錄供事人等著俟陳設本全行完竣後由恭親王等覈其在館功課及平日差使分別等第造冊註明咨部獎敘其應如何過班銓選之處均由該部覈辦該謄錄供事等當差勤苦異常出力所有從優給予分發各員加恩照所請行○詔添撥京倉米二萬石部庫銀六萬兩賑順天所屬被水災民○辛巳吏部以大學士單懋謙應定何殿閣請得旨著授爲文淵閣大學士○諭各省關卡除賑荒米穀外各項工程物料不得概免釐稅○諭戶部籌撥銀十萬兩濟烏里雅蘇台軍餉

東華續錄

同治九十五

臣王先謙敬編

臣張式恭恭校

九月壬午朔予湖南故巡撫張亮基布政使潘鐸於省城建祠提督鄧紹良等附祀○癸未諭軍機大臣等劉嶽昭岑毓英奏官軍攻克趙州蒙化廳城並大理之上下兩關請將出力陣亡各員分別獎卹本日已將總兵楊玉科等照所請獎卹矣此次楊玉科等督兵進攻趙州蒙化廳城並大理之上下兩關兩旬之間克復堅城要隘頗為迅速深堪嘉獎見在逆眾廣集大理岑毓英擬親往督攻自應如此辦法即著該撫馳赴迤西督同楊玉科等將大理府城迅圖攻克如有願為內應殺賊獻城者並著岑毓英傳旨嘉獎俟克復府城後優予恩敘俾民人知順逆之分不至助賊堅

東華續錄

同治九十五

一

守第軍營宜有專責庶功罪無所推諉此番攻勦大理即責成岑毓英辦理不得稍存推諉之見其省城防守事宜即著劉嶽昭妥籌辦理毋許稍有疏虞順甯雲州二城尚未攻克該處為大理後路若督兵進勦克復兩城則大理賊援已斷迤西一帶可冀次第削平馬如龍向來性情勇往即著統帶所部馳赴雲州一帶力籌攻克以專責成岑毓英另摺奏參將被仇刺殺見派員查辦一摺參將梁士美跋扈驕恣目無法紀前經降旨令該督撫等妥為鈐束何以此次在廟議事忽被刺殺恐知州承保等所稟各情未盡確實著即飭令何秀林等認真訪查兇犯共有幾名是否有人主使奏明辦理以杜擅殺之風毋得稍有含混將此由六百里諭知劉嶽昭岑毓英並傳諭馬如龍知之○飭各省迅解滇餉○左宗棠奏地產瑞麥瑞穀請宣付史館得旨朝廷不言祥瑞惟期年穀

順成前經李鴻章奏另有旨宣示矣甘省軍務未平閩閩彫瘵所望淨埽賊氛登吾民於衽席毋得因地方官呈報稍涉矜夸勉之○于雲南陣亡副將李廷標等祭葬世職○丙戌諭內閣彭玉麟著署理兵部右侍郎童華毋庸兼署前據彭玉麟奏懇恩於陛見後回籍養病本日召見時復再三陳請彭玉麟辦事認真深堪嘉尚刻下傷疾已痊精神亦健特令畱京供職用示朝廷倚任之意該侍郎毋得固辭○丁亥諭軍機大臣等喬松年奏遵議黃運兩河情形並籌堵運河缺口各摺片據稱山東境內黃水日益氾濫運河日益淤塞權衡治河之法以就東境築隄東黃為優擬先堵霍家橋等口並於南北兩岸修築長隄俾黃水前趨張秋借以濟運其張秋池北池南積淤之處普行挑濬修建廂壩以濟漕行等語自黃河穿運以來氾濫於山東境內非特漕運阻滯且民田亦

東華續錄

同治九十五

二

多被害亟應妥籌辦法喬松年所奏因勢利導不為無見著丁寶楨文彬將該河督摺內所陳各節詳細酌度妥議具奏但求於事有濟不得固執已見其片內所稱或將黃水穿運各缺口分別酌堵酌畱並挑濬河身修培隄工各等語該河督所奏自仍以堵霍家橋等口築隄東黃為正辦著丁寶楨等一併議奏原摺片著鈔給閱看將此諭知丁寶楨並傳諭文彬知之○撥河南司庫銀二萬兩備黃河工需○戊子諭軍機大臣等何璟奏江北河運各起漕船全抵臨清請飭築壩以備回空一摺十年分江北河運各起漕船已於八月初間全抵臨清即用原船徑赴通壩交界惟入里廟一帶黃水長落不時此次各船於五月開行抵該處節節築壩蓄畱陂水始克暢行無滯直達臨清將來漕船回空時仍須預為籌畫著丁寶楨文彬嚴飭沿河各州縣俟漕船回空過境時認真築壩

著水設法濟運俾得迅速歸何璟一面飭令王大經雷派安幹員弁會同東省各員速為辦理以免臨時遲誤將此諭知何璟丁寶楨並傳諭文彬知之○庚寅諭軍機大臣等瑞麟張兆棟奏瓊州府屬土匪滋事勦辦情形一摺據稱瓊州土匪何亞萬等糾集萬州黎匪多人分竄定安樂會等處焚擄經署瓊州鎮總兵劉成元帶兵進勦斃匪多名餘匪逃回黎洞避匿等語地方水旱偏災全在該管官體察民情妥為綏輯此次土匪何亞萬等藉荒歉為名突起滋事是否地方官辦理不善以致釀成事端著瑞麟等確切查明據實具奏該匪何亞萬等聚眾已至千餘膽敢負隅抗拒實屬形同叛逆若不速籌勦辦恐致蔓延瑞麟等務當檄飭劉成元督率官軍迅將匪徒力圖撲滅毋稍遲緩並將首要各犯悉數擒獲一面剴切曉諭解散脅從以期早日肅事瓊州地方春雨稀少田禾被災情形若何如有應行撫恤之處並著妥籌辦理將此由五百里各諭令知之○諭杜嘎爾奏擬擇地移紮官軍一摺據稱邊外見無賊蹤濟爾嘎朗圖地方官兵駐紮日久水草取用盡竭見值天氣寒冷擬於四子王旗達爾漢貝勒部落擇地駐紮等語並著照所擬行惟賊蹤出沒靡常該副都統仍當多派員弁分投遠探遇有賊匪即行率隊勦擊毋稍大意福珠禮一軍原紮賽爾烏蘇距庫倫較近即著咨商張廷岳等酌度地勢情形飭令福珠禮統率所部遵照扼紮以護糧運將此由四百里諭令知之○

東華續錄

同治九十五年

三

癸巳以黃鉅為內閣學士由詹事選○甲午以大婚冊立 皇后前期遣官祭告 天地 太廟後殿 奉先殿○諭軍機大臣等瑞麟恭銜奏州縣勦捕馬賊情形並杼管見一摺奉省馬賊滋擾日肆蔓延亟應及早撲滅以免釀成巨患據奏該省新民屯及興

京之新兵堡義州之清河門開原之法庫門岫巖之大孤山等處雖有兵隊駐紮而頓兵一處賊仍得以乘閒肆擾瑞聯等擬於駐紮營兵中以三五十人各為一隊遴員管帶分別段落往返巡查著都興阿酌量情形妥籌辦理官兵分隊駐紮尤須申明紀律責成帶兵員弁嚴加約束明定賞罰以資得力該匪黨類固多無賴貧民而諸色旗丁各處兵勇不免瀾迹其中自應一體懲辦乃竟有關礙私情不加緝究或被獲到案任其狡展種種瞻徇情弊實堪痛恨著該將軍府尹嚴飭所屬旗民各官認真訪察不論何項人等但經為賊即徑行捕拏窮治黨與如本管官袒庇不交或問官承審不實即行分別從嚴參辦盜賊所至必有巢穴及零星窩藏之家近來承審人員往往止圖速結不復深求以致窩家多未破獲嗣後除孤村旅店僻壤農家畏其兇橫強行食宿者照常免罪外其餘無論曾否造意有無同行但知係賊匪而窩留分贖者即照強盜窩主擬斬立決若並未分贖僅知情容留或受託寄頓及代為銷售者不論人數賊數均發新疆給官兵為奴遇赦不赦旗人有犯銷除檔冊一體實發承緝承審之旗民各官務須確切根究不得仍前顛預致有疏縱其緝捕之人並聞有得受月規案縱包庇或句通一氣魚肉商民及貪圖重賄捕得賣放者似此通賊殃民實屬罪不容追著該將軍府尹嚴密訪查該管兵弁勇丁及各州縣書吏差役儻有前項情弊立即捕獲治以軍法毋稍徇縱盛京為根本重地都興阿務當破除情面秉公辦理瑞麟恭銜亦不得以州縣勦捕難期得力稍涉推諉該將軍府尹同受國恩其和衷商榷實力籌辦以遏亂萌原摺著鈔給都興阿閱看將此各諭令知之○乙未寅刻 上禮服御太和殿閱視 皇后 冊

東華續錄

同治九十五年

四

冊

寶道惇親王奕諱為正使貝勒奕劻為副使持節奉冊寶
 詣 皇后邸冊封阿魯特氏為 皇后遣大學士文祥為正使禮
 部尚書靈桂為副使持節齋冊印封富察氏為 慧妃申刻 慈
 安皇太后 慈禧皇太后御慈甯宮 上詣 慈甯門行禮禮畢
 御太和殿受賀○遣惇親王奕諱為正使貝子載容為副使持節
 詣 皇后邸行奉迎禮○命委散秩大臣三等承恩公崇綺以內
 閣學士候補員外郎鳳秀以四品京堂候補○丙申子刻 皇后
 由邸第升鳳輿鑾儀衛儀仗車輅鼓樂前導由大清中門行御
 道至乾清宮降輿 上具禮服候於坤甯宮丑刻行合登禮○丁
 酉 上率 皇后詣 壽皇殿行禮詣 慈安皇太后 慈禧皇
 太后前行禮 御乾清宮 皇后率 慧妃以下行禮○戊戌
 皇后朝 慈安皇太后 慈禧皇太后於慈甯宮盥饋禮饗如儀
 東華續錄 同治九十五 五
 ○己亥 慈安皇太后 慈禧皇太后御慈甯宮 上率諸王大
 臣行慶賀禮 御太和殿羣臣慶賀頌詔天下覃恩有差○賞奉
 迎 皇后鳳輿王大臣暨執事官員加級紀錄有差賞校尉護軍
 等銀○諭軍機大臣等穆圖善奏移師入陝籌辦情形請將銘軍
 馬步八營暫緩議撤邵亨豫奏甘省潰勇竄近陝邊並續探情形
 撥兵迎擊穆圖善已抵涇州各摺片據穆圖善奏楊世俊所統馬
 隊潰變意圖竄入陝境見銘軍副將潘萬才收撫等語惟覽邵
 亨豫所奏潰勇下竄通渭駐紮該處之藍旗馬隊隨同潰散兩哨
 駐紮直道鎮之副白旗旋亦潰變裹脅不下二三千人九月初五
 日夜間全數竄過汧陽直向東下是該匪黨業已竄入陝境是否
 潘萬才收撫之外另有東竄匪股著穆圖善邵亨豫曹克忠確切
 查明將已撫各勇妥籌安置其東竄之匪迅速派隊截剿毋任滋

蔓聞西甯撫事見又變更句引陝回抗拒官軍河州回眾亦有蠢
 動情形儻該降眾再有反覆則是前功盡棄大局殊屬可虞左宗
 棠進省以後自已熟籌布置見在西甯回匪既不就撫自當督飭
 官軍實力勦辦迅速殲除其河州降眾仍當隨時察看密為防範
 以免他虞此時甘省防勦正當緊要穆圖善所部駐紮北山之馬
 隊六起步隊四營尙資得力未便遽行撤動著該將軍飭令仍紮
 原處妥為防勦左宗棠一面揀派勁旅前往接防備左宗棠所派
 之隊未到或到後布置尙未周妥穆圖善遠將此軍撤赴陝境致
 有疏虞惟穆圖善是問甘省轄地綿長需兵較多見在大局未穩
 全在羣策羣力共濟艱難左宗棠務當和衷虛己聯絡眾心以期
 維持全局迅奏膚功金順著仍遵前旨迅由甘涼一帶馳抵肅州
 卽行具奏並將後路甘涼鎮番一帶妥為布置與各軍互相聯絡
 東華續錄 同治九十五 六
 不准再涉遷延亦不得稍分畛域穆圖善請將總兵丁汝昌副將
 潘萬才所帶銘軍馬步八營暫緩遣撤等語著邵亨豫俟劉盛藻
 到後妥商辦理將此由六百里諭知左宗棠穆圖善金順邵亨豫
 並傳諭曹克忠知之○庚子 上率 皇后暨慧妃以下詣 慈
 甯宮奉迎 慈安皇太后 慈禧皇太后升座進酒行禮 上御
 太和殿賜 皇后親屬暨王以下文武大臣蒙古外藩使臣等宴
 ○欽奉 慈安皇太后 慈禧皇太后懿旨皇帝寅紹丕基於今
 十有一載親賢夾輔共濟時艱茲當大婚禮成自應特沛恩施用
 彰勞勩其近支王公勳舊後裔亦宜一體施恩以光慶典惇親王
 著加恩在紫禁城內坐四人轎毋庸進領侍衛內大臣班並免帶
 豹尾槍差使伊子載濂著封奉恩輔國公恭親王輔政多年勳勞
 懋著前於咸豐十一年十月間命以親王世襲罔替因該親王再

三懇辭允俟親政之年再行辦理見在皇帝大婚禮成親政伊遜著卽加恩以親王世襲罔替醇郡王著晉封親王伊子即黃著賞給頭品頂帶孚郡王著賞加親王銜惠郡王奕詳著賞加親王銜郡王銜貝勒載治著賞食郡王俸奉恩鎮國公奕謨著賞加貝子銜禮親王世鐸睿親王德長肅親王隆勳均著賞穿四團正龍補服鄭親王慶至豫親王本格怡親王載敦克勤郡王晉祺順承郡王慶恩均著賞戴三眼花翎莊親王奕仁之子載勳著賞給委散秩大臣御前大臣上學習行走貝勒奕劻著賞加郡王銜補授御前大臣貝勒載漪載澂均著賞食貝勒全俸貝子載容著賞加貝勒銜奉恩鎮國公奕湘奕梁均著賞加貝子銜定郡王溥煦貝勒奕綱貝子綿勳奉恩鎮國公載鋼載遷溥芸溥琳榮毓桂豐奉恩輔國公載岱榮頤續銘載燦裕恪載第純堪端秀均著賞加東華續錄 同治九十五年 七

二級御前大臣伯彥訥謨祜之子貝勒那爾蘇著加恩在御前行走景壽之子志勳著加恩賞給六部員外郎俟及歲時分部行走軍機大臣大學士文祥著在紫禁城內乘坐二人肩輿太子少保銜尚書寶鑒著賞加太子太保銜尚書沈桂芬李鴻藻均著賞加太子少保銜以示行慶推恩之至意○永定河漫口合龍○辛丑欽奉 慈安皇太后 慈禧皇太后懿旨前因皇帝沖齡踐阼時事多艱諸王大臣等不能無所稟承姑允廷臣垂簾之請權宜辦理皇帝典學有成當春秋鼎盛之時正宜親總萬幾與中外臣工共求治理宏濟艱難以仰副 文宗顯皇帝付託之重著欽天監於明年正月內選擇吉期舉行皇帝親政典禮一切應行事宜及應復舊制之處著軍機大臣大學士會同六部九卿敬謹妥議具奏○奉 懿旨本日已降旨令欽天監於明年正月內擇吉舉行

皇帝親政典禮因念 壇 廟大典則崇隆皇帝尤應躬親致祭以嚴對越而昭敬誠著自本年冬至大祀 圓丘爲始皇帝親詣行禮所有一切應辦事宜著各該衙門敬謹豫備○諭軍機大臣等曹克忠奏甘省潰勇見已悉數收撫一摺據稱潰勇由隴州繞越汧陽之草碧鎮勢極剽疾經該提督派令各營分路堵遏自率親兵從扶風岐山大道迎擊先後於鳳翔麟遊各縣境收降潰勇七百餘名全數撫定解回乾州軍營甘省被擄難民隨時解散鳳翔地方照常安堵等語此項潰勇皆係久經行陣何以忽思變計曹克忠既已撫定務須妥爲鈴束毋令故智復萌又貽後患至邵亨豫前奏裹脅不下二三千人此次曹克忠則稱收降七百餘名全數撫定是否收撫之外另有東竄股匪抑裹脅之眾悉已解散著穆圖善邵亨豫曹克忠恪遵前旨確切查明據實具奏河州東華續錄 同治九十五年 八

回眾見在情形若何左宗棠務當密爲防範毋令降眾再有反覆致隳前功楊世俊所部馬隊巴何潰走該參將有無激變情事並著該督確查具奏毋稍徇飾將此由五百里諭知左宗棠穆圖善邵亨豫並傳諭曹克忠知之○諭景廉奏回日遞稟投誠設法籌辦一摺回日馬明等遞稟投誠據稱權與安集延說和以待外援懇請發兵馳救其言雖未可深信亦應設法羈縻景廉擬俟該回將家屬送至清木薩卽檄調冷學功等營赴古牧地幫同馬明駐守藉作官軍屏蔽自是權宜辦法仍著景廉隨時體察情形相機籌辦毋爲該回所給俄人差人時至精河一帶要挾該處戶民又有東取瑪納斯之說景廉兵力單薄未能剋期進取成祿奉命出關爲日已久既不統兵西進又不將景廉所謂吉林黑龍江馬隊及李天和所部飭令西行觀望徘徊擁兵自衛實屬貽誤事機著

即懷遵前旨先將吉林黑龍江馬隊及李天和營勇檄赴景廉軍營以厚兵力不許藉詞延宕並將吉林黑龍江馬隊及李天和營勇先後拔隊日期迅速奏聞景廉當一面籌畫進兵為規復烏垣之計伊犁情形如此左宗棠當顧全大局將出關馬步各隊糧餉隨時源源等濟並嚴飭經過地方官妥為照料俾利師行毋得稍分畛域至安敦玉地方關繫軍行後路必須有兵填紮方免空虛曹克忠見紫陝境徐占彪在肅州攻勦正當喫緊未必有兵可撥該處係左宗棠轄境應如何撥兵前往駐紮之處著該大臣妥為調度務臻周密景廉另片奏擬在察哈爾設立轉運糧臺請派徐樹銘督辦等語景廉在察哈爾設立糧臺一切督催轉運事宜即著額勒和布景瑞派員經理以專責成所請令徐樹銘前往督辦之處著毋庸議又另片奏請撥天津洋槍等語已諭令李鴻章照東華續錄 同治九十五年 九

數採買即著景廉派員赴直領取以資應用將此由六百里各諭令知之○以大婚禮成予內廷行走及執事諸臣升敘蒙古王貝勒等各加銜恩賚有差○乙巳諭軍機大臣等金順奏拔隊前赴肅州暨鎮番勦賊獲勝各摺片金順見已遵旨於本月十五日陸續拔隊西行由甘涼徑向肅州刻下肅州一帶賊勢蔓延僅有徐占彪一軍在彼勦辦成祿株守高臺督率無方所部未能得力著該將軍剋期督隊西進迅赴事機毋稍延宕抵肅州後仍遵前旨即行奏聞金順所部軍糧自應豫為籌備以免缺乏該將軍已派員前往甘涼就地採辦著左宗棠通飭甘涼所屬地方官會同金順委員將糧石寬為購辦以資飽騰不得稍分畛域甯夏及鎮番等處防勦事宜即著責成張曜悉心經理其應如何派撥隊伍以顧金順運道之處著彼此商酌妥辦務臻周密至甘涼一帶時

有賊匪竄擾未可稍涉疏虞仍著金順遵照本月十八日諭旨妥籌布置以顧後路將此由五百里諭知左宗棠金順並傳諭張曜知之○丙午諭內閣彭玉麟奏傷疾未痊懇請開缺回籍一摺侍郎彭玉麟平日辦事認真勤勞夙著前於陛見時令其署理兵部右侍郎以資倚任茲據該侍郎奏稱帶兵江上十有餘年傷疾未痊仍懇回籍調理覽其情詞懇摯姑允所請彭玉麟著開署兵部右侍郎缺回籍調理新授長江水師提督李成謀初膺重任一切情形未能盡悉著該侍郎順道馳赴長江一帶督同李成謀布置周妥再行回籍嗣後每年著巡閱一次遇有應行參劾及變通之處准其專摺具奏應需辦公經費著兩江湖廣各總督籌款奏明交該侍郎支領以副朝廷慎重江防之意○己酉諭軍機大臣等李鴻章奏臬司劉盛藻到津飭即剋期赴陝接統銘軍一摺駐陝東華續錄 同治九十五年 十

銘軍本令劉盛藻接統安撤回南見在甘省撫局未定戰事方殷李鴻章因邵亨豫函商請暫留銘軍駐防陝境係為大局起見著即飭令劉盛藻統帶親軍兩營赴陝接統銘軍認真整頓務令盡復舊規遇有防勦事宜即著邵亨豫妥籌布置曹克忠著俟劉盛藻到營後交替清楚將另募親兵妥慎遣撤再行離營曹克忠交替後所有該營各事宜均由邵亨豫代為陳奏以期迅速銘軍既緩裁撤邠乾附近足資控制穆圖善所統馬步各隊向在甘肅勦賊護運頗著戰功若移紮固原平涼一帶庶得力兵勇不至聚處一隅而於甘省聲援尤為切近更足備豫不虞著穆圖善與邵亨豫斟酌情形妥籌辦理將此由五百里各諭令知之○諭成祿奏統帶出關一摺成祿見拔隊行抵金塔擬即親統全隊先行出關前有旨令金順馳赴肅州業據奏報啟程不日當可抵肅著成祿

即將所部各隊妥爲整頓暫行駐紮俟金順到時聽候諭旨成祿所部兵勇轉運糧餉最關緊要左宗棠務當顧全大局檄飭蕭宗幹等悉心照料寬爲應付不得稍分畛域聞肅州乞援西甯匪黨賊勢尙張徐占彪近日攻勦情形若何該處確實軍情著左宗棠隨時查察飭令徐占彪穩慎進勦毋爲回眾所紿成祿另片奏嗣後奏報請改由草地行走等語亦著聽候諭旨辦理將此由五百里各諭令知之○庚戌諭軍機大臣等榮全奏籌辦各務撥兵布置酌定官兵口分請飭部豫撥經費並劃分新疆月餉遺失軍火請飭查究各摺片據稱伊犁俄人見無動靜塔城俄兵亦已退回該國界內惟察罕鄂博附近有俄營駐紮盤詰東來官兵並有俄人往來沙山子窺伺及駐隊晶河等語榮全擬將伊犁來營人眾酌量留營以期積久成軍並令筆帖式瑞福駐紮博勒塔拉偵探東華續錄 同治九十五年 十一

神機營報銷之處著該營妥籌辦理其請飭另撥經費銀三十萬兩著戶部酌度情形或於部庫撥給或於各省指撥實在有著之款解至科布多交納以便榮全陸續提用又所請將直隸山東山西河南等省應協新疆月餉分別劃解等語著戶部酌覈辦理前由神機營撥解榮全軍營洋礮等件經榮全查驗配帶什物損失甚多並欠鉛藥一萬二千八百四十捲銅帽一萬一千五百粒實屬不成事體著額勒和布景瑞奎昌常順多布沁札木楚志剛托倫布保英一體嚴查究係何臺損壞遺失認真懲辦嗣後運解糧餉軍火等項經過各城該將軍都統大臣等務當加派弁兵小心護送以免貽誤榮全另片奏請飭撥軍械等項已諭令神機營工部如數籌撥矣將此由六百里各諭令知之○辛亥以孟冬時享太廟 上前期親詣行禮○左宗棠奏西甯土客各回疊次求撫各繳馬械臣均飭道員馮邦棟隨時驗收惟察所繳馬械多不適用馮邦棟催令悉數呈繳客回藉故遲延土回則以客回擾害不能不稍留馬械准備抵禦爲詞臣飭暫緩呈繳先將存留馬械造冊申贖俟客回事定再繳一面飭三品卿銜道員劉錦棠提督何作霖等率馬步各營分起前進比劉錦棠等於七月二十及八月初一日等先後行次碾伯初七日各土回目續繳馬械到營馬疲械鈍與前無異仍具結稱限半月內全繳並允辦軍糧惟求官軍緩進蓋以西甯收穫之期約在九月初旬也劉錦棠以同情多詐收穫後恐彼飽我飢辦理費手又慮地氣早寒一經凝凍則營壘均難修築遂出示曉諭土回安堵無恐以便直擣陝回巢穴直隸州知州龍錫慶所部綏定營紮七里鋪親率馬步進紮平戎驛該處地勢平闊逼近陝回所踞之大小南川並分兵聯紮馬營

灣及三十里鋪踞西甯府城三十里與小峽口毗連察看沿途土回堡寨僅留壯丁待收穫餘均潛逃劉錦棠詢其有異飭所部勿犯秋毫致有藉口初十日提督余虎恩率隊入觀音堂溝放水土回開槍抗拒傷勇丁二名十一日劉錦棠率馬隊至峽口周覽地勢突見堡中出馬步百餘施放槍礮弁勇受傷者三名官軍舉槍還擊斃賊數名賊遁十二日馬營灣各營瞥見馬步賊千餘由山頂繞至檢柴溝劉錦棠當飭提督譚上連遊擊董福祥都司張俊李雙良等由左路登山邀擊提督陶生林遊擊熊隆名率馬隊沿溝列陣山險路窄該逆排列峯巒恃險穩拒劉錦棠揮軍分隊上山立斃悍賊數名該逆滾溝而遁掩殺三四十名生擒一名追及紅水溝而返是日另有馬步悍賊二千餘名由府城而來竟奔峽口撲近三十里鋪營盤湟河北岸有賊數百隔河吶喊助勢何作

東華續錄

同治九十五年

三

霖因修壘未成僅調洋礮隊出伏破屋及山溝內向賊轟擊該逆見大隊未出又恃紅水溝之賊已繞及後路遂愈撲愈近何作霖俟其攻撲逾時氣已衰竭整隊猛出擊之該逆驚潰追斬數十名生擒四名追踰山原數重始行收隊訊據擒賊供稱紅水溝之賊係白彥虎馬鎮國畢大才等逆峽口一帶之賊係禹得彥崔三等逆內均雜有西甯土回劉錦棠計該逆既糾股出敵決不遽回老巢豫飭余虎恩等分伏馬營灣各山岔復飭提督譚和義蘇大勝及熊隆名等由馬營灣渡湟擊峽口北山之賊又調陶生林李雙良張俊等赴三十里鋪助剿十三日該逆果率大股三四千分布峽口南北兩山馬賊繞至峽東各營仍照常築壘陶生林等先後齊集遂飭何作霖等衝撲峽口張俊李雙良等分起仰攻南山陶生林由山溝鈔賊後該逆已先於夜間在峽口砌石卡二座憑卡

放槍南山之賊亦憑險死拒槍礮如雨血戰逾兩時譚和義等已渡湟馳上北山立將山頂踞逆擊散斬賊二十餘名徑趨峽口以西陶生林亦從溝內鈔出南山之南賊乃大潰何作霖乘勝衝入峽口攻破石卡卡賊數百殲斬及自盡無一脫者生擒禹逆所部頭目李金良是日有馬步賊數百由紅水溝逸遁而出遇伏驚竄余虎恩等分路追斬亦多十四日馬賊百餘遁馬營灣山溝出竄提督譚慎典追斬數名十五日有馬步賊在小峽口山頭吶喊何作霖等調洋礮隊仰轟之賊遁十六日零賊數百由巴藏溝出提督羅照陞擊走之十七日謀稱平戎西高疆溝口卓子山有賊乘夜修壘並有大股賊在溝屯聚當率馬步馳抵高疆遙見山巔壘已成溝內有土回空堡五座仍為賊踞各山頭賊騎林立眾約五六十當飭陶生林余虎恩等由左路入溝擊踞堡之賊飭譚和

東華續錄

同治九十五年

四

義等由中路登山攻賊壘熊隆名李雙良由右路擊各山援賊弁勇奮躍直前賊憑堡穩拒山上之賊復併力下援陶生林熊隆名等揮軍合擊屢戰逾時斃悍賊無數山上賊先潰堡中各賊亦奪門逃竄踞壘之賊遂齊隊衝出譚和義等截之復縮退入壘各路賊又腐聚回援陶生林譚上連等分路堵擊自辰至酉賊始敗奔各營會攻山壘賊槍石併發急攻不下時已昏暮劉錦棠督軍露宿環攻五鼓時霜風凜冽該逆趁月光陰翳由壘西峻壁滾身潛遁追斬數十名其墮折手足及自盡與受傷者甚眾是日另股賊約數千出峽口攻何作霖營盤何作霖及提督尹興茂席大成等力戰卻之十八日騎賊二三百渡湟擾馬營一帶經何作霖擊退十九日飭李雙良分哨紮平戎以西大股賊仍由高疆溝口而出劉錦棠揮軍分三路進擊賊知不敵仍退縮入溝追斬數名

賊且戰且退官軍結方陣追之直擣高家堡高家堡即逆首白彥
虎行巢也白逆喉返關官軍如牆而進刀砍矛刺殲悍賊五百
餘名賊棄巢狂奔官軍焚其巢而返是日有步賊二千餘出峽口
撲攻何作霖營壘復有騎賊由北岸渡湟鈔出壘後勢甚兇悍何
作霖堅守不出及午賊氣已衰官軍開壁齊出尹興茂扼其前何
作霖及席大成繞壘後包鈔又分哨先堵渡口馬賊倉猝搶渡中
流沈溺數十名渡河不及者悉被截殺壘前之賊亦負創而遁二
十一日劉錦棠督軍在馬營修壘聞峽口礮聲又見馬賊數百已
由何作霖壘徑繞至上紅莊一帶密飭陶生林等率馬隊分伏廢
堡步隊修築如常馬賊逼近新營見僅祇步隊修築營盤遂放膽
進撲忽陶生林等馬隊由廢堡躍出步隊合力夾攻該逆奔逃不
及立斬多名其屍水淹沒者不計其數落後者悉數擒獲劉錦棠

東華續錄

同治九十五年

五

分兵扼河親率熊隆名董福祥等馳赴峽口何作霖等鏖戰已久
見援兵大至奮威猛撲各營繼之賊乃大敗山頂尚有賊數百放
槍抵拒熊隆名等下馬步戰斬賊遂多餘逆滾溝而遁是日白彥
虎率騎賊出高疆溝撲分哨之壘李雙良憑牆力禦槍斃悍逆多
名余虎恩聞警赴援賊敗退計自進紮以來無日不戰其中苦戰
如十七十九二十一二十三等日尤於至險之中克獲奇捷計先
後斬賊生擒實千數百名溺斃受傷者不知其數十九日高疆溝
之戰礮斃紅衣賊目據擒賊供稱即首逆白彥虎夥內總目馬大
賊中所推六元帥兇悍最著者也此外陣斃紅衣悍目尚多其名
姓不可得詳二十三日之戰首逆禹得彥聞亦帶傷自此兇骸亦
當稍減惟劉錦棠所部除雷駐靈州金積堡一帶僅馬步十四營
臣分隸以龍錫慶步隊兩營熊隆名陶生林馬隊兩營尚止馬步

十八營而自碾伯紮至小峽口計程八十餘里山路歧雜見在土
回與客回聯成一片每戰則彌山塞谷四出撓我殊有應接不暇
之勢又所需軍糧子藥運至前敵各營均須派隊往來護送時有
戰事兵力屢分而見單幸官軍皆百戰之餘劉錦棠又敏銳善戰
故能履險如夷臣見擬調提督劉明燈率馬步六營駐碾伯之西
南專司護運俾得一意進取毋憂後顧如兵力足敷則繞由威遠
鎮出奇兵即轉其糧以餉軍尤為全算臣自當慎以圖之又奏正
拜摺開適接劉錦棠稟報八月二十四至九月初四日剿賊連獲
大勝先後斃賊共二千餘名二十七日礮子洞穿首逆白彥虎左
乳當經逆眾搶回南川賊巢二十九日首逆馬桂源之弟馬真源
在小峽力抗官軍亦被礮子洞中右肋其撤拉五工助逆回目多
拜已經官軍陣斬撤拉逆回亦遁回五工據生擒西甯逆目馬仲

東華續錄

同治九十五年

六

供如此並探得九月初六日劉錦棠已踏破觀音堂一帶賊壘機
勢甚利所有詳細情形容俟查明續報又奏肅城外土地沃衍又
值雨澤優霑禾稼豐茂徐占彪調團民收拔以官兵護之計旬日
閒得糧數千石初十日城逆馬七馬得鎮等款營乞撫徐占彪知
其為緩攻計也姑漫應之密覘該逆數百成羣日夜收糧割草往
來不息十九日率馬步繞城巡視瞥見南城外劉家空堡二座又
有賊據約千餘又朱家堡北舊墩三座亦各踞賊百餘見官軍至
即施放槍礮官軍掩殺堡外零賊十餘名餘仍縮退二十日率各
營分攻三墩城逆以二千餘援前墩提督陳春萬擊卻之回軍圍
攻賊已棄墩而逸有另股援中後二墩總兵黃祖福等禦之徐占
彪揮親兵攻中墩破之守備孫三級躍上牆垣手刃千長楊逆及
悍黨十餘名身受七傷力竭而殞是夜千總藍明泰襲破後墩守

賊鮮有脫者二十一日遊擊徐春先等夜攻劉家堡出賊不意以火器拋入賊奪門而走官軍伏暗中擊以槍礮轟斃甚多二堡既克官軍即填紮之二十二日陝回王萬有等以城逆發糧日減且與歸化營回勇半屬親故遂以二百餘騎至歸化營請降願剿賊自贖徐占彪允之委歸化營營官千總藍明泰管帶合紮二十四日城逆數百自北門出飭各馬隊追擊之斬賊多名擒八名新收回勇接戰尤力傷亡亦數名月杪秋糧繼熟賊每乘夜潛出收穫遂派正新後兩路分哨紮城西大路三十日徐占彪率隊赴塔爾灣一帶接勦行次黃草壩見賊約四五百名正在搶獲揮軍擊之斃賊數十名生擒入名奪其牲畜糧束餘逆狂竄回城再抵塔爾灣又遇收糧賊三百餘載糧回城見兵而潰擊殺數十名生擒二名餘逆亦盡棄牲畜逃匿空堡八月初一日分所部馬步一營為

東華續錄

同治九十五

七

兩營環城聯紮距城僅一里半里不等各相間里許自城西迤邐而西又繞城東迄北城角僅餘北門一面未克合圍正修壘間城逆由南門出賊千餘西衝新左新中等營東門亦出賊千餘撲歸化等營當飛飭附營馬步左右鈔之兩路之賊均敗伏濠沿以礮槍礮城上開槍礮助拒徐占彪調副將蕭蘭玉赴正營守備李道修赴左營以開花礮對城轟擊子落城內極多人聲鼎沸又密調劈山礮隊排指東南兩門一面傳令各營收隊伏濠之賊見官軍收隊急趨入城官軍劈山礮隊一齊轟發賊應聲而倒競奪門入自相蹂踐屍骸枕藉初二日辰刻悍賊三四千出北門圍攻歸化兩營甚急徐占彪飭馬隊繞後擊之抽正副新後各營截其歸路餘營排列東南城下賊正與歸化兩營相持馬隊馳至兩面夾擊遂敗退城下而歸路又為官軍鈔截不能收避濠中遂折向東路

鼠竄而遁各營排礮轟擊槍子兩注斃賊約數百名其分匿東南濠沿者開槍外拒城上亦開礮助之對轟竟日始收隊初三日馬賊二名遞呈乞撫北門旋出賊六七百循城東下希圖收屍當派總兵齊懷松等截其後賊抵死鏖戰馬隊亦從旁鈔至殲賊甚多餘賊伏匿濠中官軍撤隊始遁竄回城初四日大股賊出北門分為四股每股約千餘人一循濠而東至副營前排偏濠沿一圍攻歸化右營一由四壩北面繞出歸化營後一列隊城東北徐占彪當飭徐春先禦副營前之賊飭陳春萬黃祖福由四壩攻賊後飭總兵陳登雲出四壩以東鈔之馬隊往來為援副營前之賊拚死猛撲不少卻徐占彪親率馬隊由左路橫衝賊隊徐春先亦由右路截之斃悍逆數十名賊始退紮北城角與列隊城下之賊合為一起李道修以開花礮向賊擊之探口應聲轟裂甄石飛擲城下

東華續錄

同治九十五

六

賊受傷甚多悉奔匿城濠徐占彪折馳四壩陳春萬正與賊戰賊伏溝坎槍礮不能及城上護以槍礮勢難偏攻飭蕭蘭玉以開花礮轟其城樓擊塌樓檐一角傷賊多名伏溝之賊亦驚起向四壩奔逸其圍攻歸化營之賊填壕攀堞偏攻甚猛徐春先等援之賊分隊抵禦千總郭三起怒馬砍陣直擣中堅馬隊相繼衝入藍明泰亦開壁夾攻斃賊百餘名餘賊敗奔北門惟四壩潰賊未及入城中馬賊五六百由北巖頭迎護陳春萬黃祖福率師邀擊殲賊百餘初五日飭副將桂錫楨移紮北巖頭斷其出路收糧之賊千餘未能入城者均西竄出關據逃出難民供稱連日之戰賊中傷亡千萬長十五名阿渾三名 臣維肅州回逆恃其濠深城堅槍礮層疊為負隅久抗之計見將城外新麥刈穫過半賊中糧食無多援賊無裹糧趨赴之理是不擊援賊而援賊自絕也如此時有

勁旅十數營布紫北門一面多昇攻具晝夜轟之堅城計可速拔
惟兵力未能適合長圍慮賊鋌走出關又成不了之局見在秋令
已深計逾九月則冰雪凝沍不能遁出關外屆時自當察看情形
妥籌辦理又奏臣自移駐省城後與穆圖善商議軍務一面籌議
募補標營兵丁精心訓練以實行伍爲異時撤減客軍弁勇之計
其時並不知穆圖善有赴陝之命嗣奉到諭旨與穆圖善悉心商
議穆圖善擬以所部除附省及分駐金縣之河鎮營步隊二千一
百餘名駐平番縣之南字營八百人馬隊一百騎留於甘肅其由
省城北三十里火燒巖至土門止共四百七十五里穆圖善分紫
馬步八營原以保秦王川糧源護運道而通涼甘兩部及肅州關
外文報之路最爲衝要議候臣調營分起填紮乃可拔隊東行臣
比以甘南一路漸就安謐統領奇捷營降補參將楊世俊所部馬
東華續錄 同治九十五年 九

藍旗千總王士清前哨領旗勇目邱盛懷皆江皖人揚言餉項積
欠將一年西北苦寒不慣受各脅其眾倉皇奔潰計同潰者三百
九十六名馬四百三十餘匹臣比飛咨陝西撫臣邵亨豫提督李
輝武曹克忠飭陝邊各營扼截要隘一面飭秦州清水各防營准
備迎勦一面調提督蘇家良帶所部馬隊兩營總兵李國良步隊
一營由狄道赴伏羌進剿時潰卒已由馬營監出通渭過伏羌趨
禮縣迫脅駐紮長道鎮之副白旗馬隊副白旗總哨遊擊張成倫
力戰遇害潰勇仍脅其眾南趨甫抵伏羌適蘇家良帶隊馳至殺
潰卒三十餘名倉卒聞悞殺楊世俊所遣招諭之將弁數名潰卒
卽夜遁秦州又自秦州遁清水經關山圍眾邀截亦斃潰卒數名
楊世俊馳至收回被脅之副白旗弁丁一百四十騎各營被裹勇
丁亦有騎馬隨同衝出者僉稱起意潰走者實止百餘人多江皖
東華續錄 同治九十五年 十

捷勇步隊兩營由狄道沙泥赴省其分紮各處之紅旗白旗藍旗
馬隊各營先後調至馬營監取齊由安定赴省八月十八日楊世
俊到省正商令前進填紮聞忽接安定防營前路統領記名提督
劉端冕飛稟紅白藍各營馬隊行至馬營監次早開拔忽鼓譟夥
潰倡逃各犯持刀斷路迫眾東行營哨各官倉卒訶禁不止馬勇
有抵格受傷者有隨同奔竄者比經派隊馳往接護未潰隊伍一
面追截潰卒楊世俊聞報卽請前往撫諭臣飭就便將未潰隊伍
交原帶營哨各官帶赴蘭州點驗共計三百七十六騎失馬勇丁
五十餘名據總兵楊德俊等稟報倡潰弁丁係五隊領旗把總王
錦如三隊領旗守備路鍾宇紅旗右哨哨長遊擊銜都司呂長樂
後哨哨長把總張志才都司馮高山白旗副哨哨長把總楊富貴

籍此外二百餘名無不急思自拔惟被王錦如等防制不能驟脫
楊世俊卽帶數騎馳往招之甫近白沙堡圍眾疑爲潰卒後隊阻
截不前次日復往則潰卒已竄隴州長溝旋由汧陽草碧溝分起
狂竄一竄鳳翔一竄靈臺界崔木鎮追軍已相隔一日程矣幸曹
克忠督飭所部馬步各營由乾鄠分道截擊其自鳳翔竄出者投
於總兵徐邦道其自崔木鎮竄出者投於遊擊潘萬才而潰卒已
悉數收輯盡矣據各處稟報所收潰卒共六百餘人蓋併沿途裹
脅之數而言也臣飭楊世俊及蘇家良魏光燾各率追師回防俟
事定徐議所以處之者有此一變而調防填紮北山之局不能急
辦穆圖善有緘催促臣媿無以應也伏思臣所部各軍自平涼以
西分紮至蘭州東關坡計程七百餘里自平涼以北分紮至環縣
花馬池以及甯靈中衛又自中衛西南分紮靖遠與安定皋蘭交

界之處計程委折近二千里其甘南鞏秦階一道多從前屏軍以無餉不能多撤亦須臣所部點綴相與維持計程縱橫近千里其河州新定之區又須分部各軍聯絡其間以資控制前派攻勦肅州共馬步十二營近撥攻勦西甯馬步十八營屢據徐占彪劉錦棠稟求濟師臣亦無以應甘肅地居荒遠舊為漢回雜處之地西與番族接壤而居變亂之後尤須兵力鎮壓免致戎心兵勇移調為艱深虞顧此失彼臣早慮兵單顧未敢以增兵上瀆宸聰者協餉已欠至千數百萬催呼莫應也地廣人荒產糧不多採買無出也山谷層疊專恃陸運專恃車馱亂離之後驟馬凋耗接濟孔艱也頻年憂煩萬狀拮据不遑非但不敢增兵並恐兵增而先以速潰者以此茲幸人民漸集耕墾漸多各軍所駐之處多已開屯又仰蒙朝廷福庇歲事稍豐軍糧可免支絀轉運勞費亦資

東華續錄

同治九十五年

三

節縮自宜增調勁旅以速戡定之功竊見湖南提督宋慶所部駐神木一帶見在甯夏安謐邊外草地實無巨寇往來且纏金有金運昌一軍駐紮足資屏蔽若調其赴甘助勦於安定無所損而於微臣則大有益宋慶廉樸勇敢尤得軍心昔年于役微臣與同事最稱相得臣遵旨檢交李鴻章節制調遣彼此仍契洽無間也度隴以來宋慶關念大局歲時遣人遠來問勞兼察軍情其於公義私情惓惓不已如此如蒙聖慈飭令赴甘度不憚於西行合無仰懇天恩飭下綏遠城將軍定安迅令宋慶統帶全軍來甘助勦以速戡定出自聖裁至宋慶赴甘應由榆林綏德一帶至鄜州合水慶陽涇州平涼以抵蘭州如蒙俯允所請臣自當飭沿途各局豫辦糧料草束以適其行不至停待至該軍餉銀本由河南解濟並懇飭下河南撫臣源源批解俾毋缺乏庶師行糧隨

於事更期有濟又奏廣東提督張曜見駐甯夏分營駐鎮番防勦威名素著馭軍嚴明河西之民畏而懷之前此曾接其來械甯夏無事如須兵力助勦亦不辭勞臣以甯夏要區屏蔽最遠未敢冒昧陳奏見在甯夏防務已鬆鎮番又有金順派營進紮是分防鎮番之營可以抽回可否飭下張曜分營駐靈州花馬池一帶以便替出提督譚拔萃所帶老湘步隊三營馬隊一營前赴西甯隨同劉錦棠攻勦以期得力又奏署西甯府知府馬桂源本循化回民捐納候選同知前任西甯辦事大臣玉通在事時力持撫局先委馬桂源署循化同知同治八年又咨穆圖善委馬桂源署西甯府知府以本地回人署理地方篆務又以馬桂源之兄馬本源署鎮標遊擊代辦西甯鎮篆務臣前此所以有西甯名存實亡之奏也竊維西甯即古湟中地屬荒服漢民與番回雜錯而居自陝回肇

東華續錄

同治九十五年

三

從回冀圖旦夕無事其時回目馬尒三狡黠異常既以撫局愚官復挾官以鈐制漢民凌虐殘殺無所不至漢民競訴於玉通玉通無如之何臣度隴後屢據西甯各屬丹噶爾士民來營泣訴冤苦比以兵力遠難分布飭暫為隱忍聽候籌辦旋據西甯鎮黃武賢稟首逆馬尒三已伏冥誅西甯回目係馬永福接充馬永福在湟回中尙稱謹愿見官軍進勦河州懼其波及具稟乞撫適河回馬占鼇亦央馬桂源乞撫馬桂源赴臣安定行營具稟臣與穆圖善豫師會議十二條出示曉諭令其遵照一面派道員馮邦棟赴碾伯察看情形妥為籌辦馮邦棟到碾先後收繳馬械千餘拔出陝回男婦千餘口分起安插化平川及大岔溝等處其西甯各土回延不呈繳詰其故則稱陝回白彥虎禹得彥崔三等踞大小南川

四出擾害須暫留馬械以備不虞並請驅逐陝回以安湟境臣固料其心懷叵測然其時奸謀未露若持之過急必以官兵激變為詞迫脅其眾致起事端遂飭提督何作霖帶馬步八營先赴碾伯聲言進剿陝回飭劉錦棠率馬步十營繼之劉錦棠至碾伯曉諭官軍進剿大小南川在此路過土回毋庸驚恐比抵大峽口修壘則土回已與陝回合股抗拒矣據撫回閻興春等探報馬桂源八月初十日在西甯府東關私宅密約禹得彥白彥虎崔三等共議抗拒官軍一面調集各土回助逆黃武賢在威遠堡擒獲生賊供亦相同並稱馬本源自稱統領陝湟兵馬大元帥馬桂源仍稱西甯知府在關外調集土回帶城中回兵回民以出馬桂源出城兩日不返凡西甯城內避難漢民習知其詐乘機閉城拒守請西甯道郭襄之及縣令主辦城防不准馬桂源等入城見查城中回民東華續錄 同治九十五年 丑

不過數十戶又皆老弱內變無虞馬永福亦在城中惟其子馬三娃本回教海裏飛四出句煽馬永福不能制見亦不令入城也回性多疑善詐非復尋常賊情可比辦回不外勦撫兼施即勦撫而言其輕重緩急隨時隨事應之未可稍涉拘執操縱之機異於髮逆捻逆及各處土回者以此揣度賊始暗結陝回以拒官軍近因陝回屢經痛創又將誘罪陝回以求苟免據陳湜河州來稟馬桂源又自西甯遞呈哀懇設法拯救亦微言府城官民不肯納已情事臣比飭劉錦棠相機辦理固無所容其遷就亦不必明正其罪遠絕其倖生之心又奏奇營馬隊之潰實由憚於西行若輩多出自降捻強悍而不耐勞苦乃其本性所稱欠餉將近一年雖非虛誣卻較之臣部各營積欠一年零三四箇月者猶為優矣胡獨該潰卒以此藉口至統領降補參將楊世俊平日待將弁勇丁頗

東華續錄 同治九五

有恩誼人素廉勤該潰卒無從肆其謗欲且楊世俊自帶青旗馬隊一營及步隊兩營均已安靜抵省各起潰卒各由駐營之地分道赴省先時不及詳悉開導致有此變嗣馳赴前途亦收輯副白旗一營雖所部潰走難辭咎責而情實可原合無仰懇 天恩免其置議 臣 忝領兵符平時未能曉以大義偶爾餉缺遂致紛紛潰逃又旬日三次檄催未及詳察軍情遽加督責亦屬思慮不周疏誤之咎實無可辭應請旨交部議處以昭軍律 上諭軍機大臣等西甯回匪始以乞撫為緩兵之計旋結陝回抗拒官軍經劉錦棠等督軍進剿疊挫兇鋒惟逆首白彥虎等皆積年悍賊詭譎多端必須厚集兵力方能制其死命著左宗棠一面飭令劉錦棠等實力進剿一面添派勁旅繼進以期早日肅清西甯城內漢民閉門防守亦當設法援應內外聯絡俾免疏虞馬桂源既為府城東華續錄 同治九十五年 丑

官民所拒即著令其不必入城以釋羣疑左宗棠仍當隨時察看情形相機辦理肅州官軍雖屢次攻剿獲勝而該逆負嵎如故著左宗棠飭令徐占彪穩慎進攻力圖克拔並酌量添兵合圍毋任鋌走甘省被兵日久亟應速籌戡定刻下西甯肅州均須增軍攻剿省北一帶亦須派營填紮兵力不敷分布宋慶一軍素稱得力見在陝省北路邊境尚屬安謐著定安即令該提督統帶全軍赴甘助剿該軍由榆林綏德一帶取道慶陽平涼以抵蘭州左宗棠擬飭沿途各局豫辦糧草軍行當不至遲滯宋慶接奉諭旨即著剋期拔隊啟程迅赴戎機本日並已諭錢鼎銘將該軍月餉源源接濟矣神木一帶如向須派兵填紮即著定安酌度布置左宗棠見擬將譚拔萃所部官軍調赴西甯所有靈州花馬池一帶即著張曜就近分營駐紮以資穩固穆圖善仍當飭令駐紮甘省城北

五三九

之馬步各隊照舊駐紮認真防剿毋遽裁撤楊世俊所部勇丁潰散情尚可原著免其置議左宗棠自請議處並著加恩寬免將此由六百里諭知左宗棠穆圖善定安並傳諭張曜宋慶知之○是月減免兩浙浦東等三場歉收上年竈課蠲緩山西祁縣被水本年額賦並賑一月口糧

冬十月壬子朔欽奉 慈安皇太后 慈禧皇太后懿旨欽天監奏遵旨選擇吉期一摺皇帝親政典禮著於明年正月二十六日舉行所有應行事宜著各該衙門敬謹豫備○命佛爾國春來京賞嚴樹森四品頂帶署廣西按察使已革貴州布政使○乙卯欽奉 慈

安皇太后 慈禧皇太后懿旨皇后之母家著擡入鑲黃旗滿洲○諭軍機大臣等張曜奏官軍剿辦鎮番等處賊匪疊獲勝仗並殲除南路竄賊一摺甯夏沿邊及阿拉善旗一帶時有竄匪滋擾

東華續錄

同治九十五年

壬

粵經剿辦獲勝仍著該提督派兵搜剿淨絕根株金順見已拔隊赴肅即著懷遠疊次諭旨迅速前進其後路轉運事宜由甯夏至鎮番經過蒙地七百餘里地段甚長著張曜督飭將弁隨時梭巡遇有該營糧餉軍火一切過境即行妥為護送以利進行鎮番一帶防剿事宜該提督尤當布置周密至靈州花馬池一帶並著遵奉前旨揀派得力弁勇前往接防均毋疏懈將此由五百里諭知金順並傳諭張曜知之○予貴州殉難知府李保衡祭葬世職建祠○命於安定等六門外設廠煮賑○丙辰諭軍機大臣等左宗棠穆圖善奏馬步官兵剿賊獲勝一摺西路賊匪於七月間分股竄擾經馬隊各軍於野狐子溝等處截剿獲勝斃賊多名其王家坪竄賊亦經馬步各隊追剿賊匪敗遁仍著左宗棠穆圖善督飭各營認真探剿毋稍懈弛前因甘省防剿緊要穆圖善所部駐紮

北山之馬隊六起步隊四營已諭該將軍飭令仍紮原處勿遽撤動銘軍見緩裁撤穆圖善應否移紮甘肅平涼固原一帶之處仍著該將軍懷遵前旨與邵亨豫妥商辦理將此由五百里各諭令知之○安徽布政使吳坤修卒予祭葬卹廕○以裕祿為安徽布政使孫衣言為安徽按察使由江蘇鹽運使○賞五城貧民棉衣銀○

賞通州王恕園等處賑米六百石○撫恤奉天錦州被水災民○己未恭上 慈安皇太后徽號曰 慈安端裕皇太后 慈禧皇太后曰 慈禧端佑皇太后○御慈甯宮 上率諸王大臣行慶賀禮○庚申以恭上 慈安端裕皇太后 慈禧端佑皇太后徽號禮成 上御太和殿王以下文武官員暨外藩使臣行慶賀禮

頒詔中外覃恩有差○癸亥賞八旗暨步軍綠營兵丁一月錢糧○甲子諭文麟景廉迅期哈密竄匪○戊辰諭軍機大臣等劉長佑馮子材奏各屬剿捕匪徒情形暨整頓沿邊關隘各摺片廣西各屬伏莽甚多見經劉長佑等分派兵勇會同地方官偵探搜捕將隆安匪首盧成茂岑溪匪首陳經謨永甯逸匪章之穩等及其黨與擒獲正法並將西隆苗匪痛加剿洗其越南州布積匪及廣東靈山土匪亦經官軍兜剿斬馘多名出力員弁准由劉長佑等查明存記彙案酌保其各處逃竄餘匪仍當飭屬一體查拏淨絕

東華續錄

同治九十五年

壬

根株以靖地方而弭後患太鎮沿邊一帶關隘久廢不足以固邊防見在大軍將次入關亟應及時修補毋任荒廢劉長佑已派道員覃遠璉前往會同地方官周歷履勘量加修葺所籌甚是惟當飭令該道認真經理務臻周密應如何布置兵勇以資捍禦即著覃遠璉就近幫同馮子材妥為料理將此由五百里各諭令知之○予貴州陣亡提督文德盛祭葬世職建祠○庚午遣使持節冊

封赫舍哩氏爲瑜嬪阿魯特氏爲珣嬪○王申諭各路統兵大臣嚴禁弁勇騷擾○于安徽殉難府經歷沈錫慶祭葬世職○于烏魯木齊陣亡參將王士元祭葬世職○甲戌諭軍機大臣等恩麟奏遵查藏界情形德泰奏巡閱邊境見籌辦理各一摺布魯克巴部長稟求助銀賞俸業經恩麟等檄諭開導廓爾喀人已由聶拉木邊界折回藏境尙屬安靖惟據德泰奏聶拉木邊外與廓爾喀毗連各隘口防守空虛擬於聶拉木左右各隘以至定日後藏江孜各汛添設番兵責成噶布倫等實力整頓等語所奏自爲慎重邊防起見承繼見已啟程到任後即著該大臣等彼此妥商將所擬各節實力辦理所有添設番兵約二百名每月應需口分著承繼德泰知照達賴喇嘛轉飭協理商上事務呼圖克圖羅卜藏青饒汪曲妥擬章程由達賴喇嘛咨明覈辦並嚴飭羅卜藏青饒汪東華續錄 同治九十五年 毛

曲暨噶布倫總堪布等將邊防事務認真整頓不得視爲具文其定日漢營防兵缺額著卽挑補足數飭令實力操防以固邊圉承繼未到以前仍著恩麟德泰將應辦事宜和衷商榷務臻妥善將此由五百里各諭令知之○乙亥諭軍機大臣等奎昌等奏賊匪竄擾籌辦防剿一摺甘肅肅州回匪於八月間分竄出關在白托羅蓋及金山卡倫等處擾掠有圖撲烏科庫倫之說該逆屢竄出關意圖掠食此次所擾地方皆在烏城西南東南十數臺一帶計欲牽掣兵力乘間肆擾奎昌等見撥馬隊堵剿並飭蒙古官兵嚴防卽著嚴飭帶兵員弁實力截剿迅掃逆氛該匪飄忽靡常非有遊擊之師不足以痛殲醜類杜嘎爾卽率所部剋日起行探明賊蹤馳往剿辦並著托倫布保英張廷岳阿爾塔什達豫籌備禦調撥官兵擇要扼守遇賊卽擊毋稍大意至摺內有請領洋槍炸燬

東華續錄 同治九五

一語並未敘明數目及由何處領發如該城需用正殷卽著隨時奏聞將此由六百里各諭令知之○諭景廉奏籌辦西路軍務情形一摺據稱古牧地回目馬明等觀望遲疑未卽就撫安集延與馮納斯回逆互攻且有北犯沙山子之信見商令錫綸前赴布倫托海招募民勇爲東西兩路夾擊之計等語所籌尙妥馬明等投誠旣不可恃仍當外示羈縻密爲防範未可草率從事致貽後患布倫托海地方聚集難民雖可招募成軍惟此項人眾素無紀律若不整肅營規勤加訓練恐難得力著錫綸馳抵該處後察看情形認真挑選僅能練成勁旅佐以沙山子團勇擇要扼紮相機進兵遙爲東路聲援期辦自較得勢並著榮全富和於厄魯特十蘇木蒙古官兵內派出一千名交署領隊大臣巴彥特古斯統帶隨同錫綸進剿以厚兵力所有西路一切軍務著錫綸隨時咨東華續錄 同治九十五年 天

同景廉奏明辦理如遇緊要事件卽由錫綸自行具奏以免遲延景廉以哈密東山一帶見有回匪出沒意圖西竄前敵官軍尙難四進仍著該都統酌度情形將後路布置妥協卽行統兵前進迅籌攻剿榮全於伊犁近日情形曾否隨時派員確探前派英廉等帶隊赴庫爾喀喇烏蘇屯紮曾否到防見與景廉各營能否聲息相通著隨時奏聞以慰廑繫將此由六百里各諭令知之○于烏魯木齊陣亡遊擊張士魁祭葬世職○丙子諭內閣禮親王世鐸等奏請加上 徽號以光鉅典一摺朕沖齡踐阼仰賴 慈安端裕皇太后 慈禧端佑皇太后垂簾訓政宵旰勤勞 聖德徽音超邁前古茲復欽奉 慈綸命朕於明年正月親政自應謹遵順治八年康熙六年 成憲恭上 徽號以繼隆規迺我 慈安端裕皇太后 慈禧端佑皇太后謙抑爲懷未蒙 俯允經朕竭誠

五四一

願懇始荷 聖慈俯鑒羣情勉從所請所有一切應行典禮著各該衙門敬謹辦理○以張樹聲署兩江總督恩錫署江蘇巡撫由署
政使 ○丁丑諭軍機大臣等曾璧光等奏督攻新城及軍中待餉
急迫情形各摺片新城賊悍巢堅屢攻未下即著督飭各軍穩慎
進取務將該城設法迅速攻拔毋稍鬆勁該處各營餉需久缺見
屆冬令嚴寒該勇丁忍凍荷戈情殊可憫且圍攻新城正當喫緊
之際儻因餉需不繼以致軍心解體則功敗垂成尤與大局有礙
著戶部於附近貴州省分迅速指撥實在有著之款一二十萬兩
趕緊解往其餘各省欠餉並著該部查明咨催迅解以資飽騰毋
稍遲誤曾璧光等仍當竭力籌維拊循激勵以竟全功將此由五
百里諭知曾璧光並傳諭周達武知之○庚辰命署兩江總督張
樹聲兼署辦理通商事務大臣○是月蜀綏直隸趙州等六十四
州縣被水被旱被雹新舊額賦及民欠倉穀

十一月癸未諭內閣正藍旗蒙古都統靈桂等奏 皇后母家擡
旗請旨辦理一摺著將委散秩大臣三等承恩公崇綺本身一支
擡入鑲黃旗滿洲○甲申諭瑞麟等協撥貴州軍餉○乙酉諭軍
機大臣等禮部奏賊船侵擾朝鮮據咨轉奏一摺本年八月間中
國商船四隻被賊船迫趕避入朝鮮東江地方賊船竟闖入光城
坊泊船島該國發兵擊敗賊船將中國商船救護出境此起賊船
雖經朝鮮剿散而餘黨猶存沿邊各海洋理宜一律嚴肅豈容匪
徒嘯聚越界搶掠況此因匪船越境竄擾致朝鮮衛將受傷衛士
殞命尤屬不成事體著都興阿瑞麟恭鏜丁寶楨檄飭沿海水師
查拏奸宄期滅餘孽以靖海疆而綏藩服並著禮部行知朝鮮國
王嗣後如有匪徒侵越滋擾即照向章一體兜拏格殺勿論以期

東華續錄 同治九十五年 无

東華續錄 同治九十五年 三

盡職醜類禮部摺並朝鮮咨文各一件均著鈔給都興阿等閱看
將此諭知禮部並諭令都興阿瑞麟恭鏜丁寶楨知之○諭文麟
奏攻剿東山竄匪獲勝並星星峽軍臺逆回劫殺請將疏防營員
示懲各摺片肅州逆匪鼠向哈密東山由馬鬃山分股擾至下莫
艾地方經文麟派令統領魏忠義等帶隊追剿斬馘甚多生擒回
逆馬乙麻木正法匪黨出哈爾山向東北逃竄此次進剿東山逆
匪雖經小有斬獲惟東山地面遼闊隘口甚多該逆分股紛擾亟
應盡力搜剿以絕延蔓該大臣務當嚴飭魏忠義等探明賊蹤所
向實力追擊不得徒事粉飾致令醜類潛滋至星星峽回匪殺傷
弁兵勇目多名劫去車馬餉銀等物守備向永福不能先事防範
著先行摘去頂帶以示薄懲所失餉銀若干兩責令各該營官
賠補並著飭令魏忠義等確探痛剿毋畱餘孽該處軍臺速派弁

兵妥為安設毋任再有疏虞將此由五百里諭令知之○諭禁殿
廷鄉會各考試請託頂替諸弊○申諭金順迅赴肅州○丙戌改
江蘇泰州營守備為泰興營陸路守備駐泰興○丁亥允德英等
請布特哈滿洲總管一缺加副都統銜○諭杜嘎爾添撥馬隊五
百名赴榮全軍營調遣○戊子諭軍機大臣等成祿奏親統前隊
行抵玉門見投勒鼠匪試辦屯田一摺成祿見已親統入營於九
月初間行抵玉門擇要扼紮後隊各營陸續西上該處地方疊遭
賊擾居民大半流離並有鼠匪八九成羣到處劫殺雖經成祿在
惠回堡地方截剿殺斃回匪數十人惟賊夥尚多分股四出不特
安敦玉三屬胥受其害尤恐鼠擾哈密後路滋蔓堪虞成祿統領
各隊既抵玉門即著督飭官軍勤加偵探遇賊即擊務使就地殲
除毋任鼠擾為患成祿軍糧匱乏採辦維艱仍須關內接濟以贍

飢軍左宗棠務當嚴飭肅宗幹何元普等妥爲設法採辦源源轉運毋得稍分畛域致誤事機景廉所調吉林黑龍江馬隊亟望剋日到營以厚兵力見在行抵何處著左宗棠沿途催令迅速趨行毋稍遲滯所有該軍行糧一切並著左宗棠寬爲籌備俾利師行景廉一面派員迎提以資得力成祿所統各營足資防剿此項馬隊惟期迅速抵景廉軍營成祿不得率行截留致有遲誤將此由五百里各諭令知之○己丑諭內閣瑞麟等奏勦辦滋事土匪地方肅清一摺廣東瓊州府屬土匪何亞萬等藉名荒歉糾集萬州黎匪滋事經瑞麟等督飭署總兵劉成元帶兵勦辦該匪逃匿黎同仍敢糾眾負隅四出劫擄復經劉成元會督官紳兵勇分路攻剿當將匪首何亞萬等擒獲並獲要犯多名悉行正法餘匪一律殲除辦理尙爲迅速仍著瑞麟等嚴飭在事員弁協同地方官認真東華續錄 同治九十五年 三

力與辦並整飭捕務嚴查奸宄以靖地方大理賊匪負隅已久上下關早經克復該撫見赴前敵督勦即著岑毓英於馳抵大理後嚴飭該將領等妥籌進攻迅將大理府城剋期攻拔並將附近賊巢一律掃蕩毋稍遲緩將此由五百里各諭令知之○予雲南陣亡副將李廷彪等建祠遊擊趙廷雲等附祀○乙未諭軍機大臣等曾璧光奏官軍攻克新城上游肅清一摺黔省回匪久踞新城於十月初五日克復生擒逆首金萬照正法上游一律肅清全黔底定覽奏殊深欣慰著俟詳細情形奏到再行降旨宣示該省變亂垂二十年見在軍務初平瘡痍滿目亟應整飭吏治撫輯民生著曾璧光督飭所屬將應辦善後事宜悉心經理以期地方日有起色其安插鎮撫各事並著曾璧光妥慎籌辦毋貽後患另片奏下江生苗滋事當經總兵張文德率隊勦除等語辦理尙爲妥速東華續錄 同治九十五年 三

同提督李朝斌派兵分投堵截匪黨恃眾拒捕官軍合圍痛剿擊獲大小梟船三十八隻擊沈二隻起獲私鹽槍礮等件餘匪見水逃逸復在餘杭桐鄉太湖等處緝獲槍匪頭目李阿四等多名此等匪徒黨與甚眾見雖大受懲創在逃餘黨亟應悉數查獲毋任逃匿江浙邊界濱臨太湖港汊紛歧犬牙交錯易致此擊彼竄著張樹聲恩錫楊昌濬各飭地方營汛員弁認真巡緝協力兜拏務絕根株該匪等以聚賭藏身乘間勾結劫掠張樹聲已飭屬查拏賭局清理保甲隨時稽察使匪徒無可容身即著恩錫責成各州縣實力奉行並著楊昌濬一體照辦以靖盜源至哥老會到處結黨拜盟此風斷不可長張樹聲見將羅淋保譚啟思二犯查拏正法其供出劉東伯陳錦汶二犯著王文韶檄飭所屬嚴密捕獲毋任漏網並將游兵撤勇悉數驅逐出境不准逗畱其沿江沿海軍

東華續錄

同治九十五年

三

民暨水陸各營不少此類涸迹即照張樹聲所議准其自首免罪儻仍警不畏法一經發覺即著重懲不貸將此由四百里諭知張樹聲楊昌濬王文韶並傳諭恩錫知之○丁酉申禁各省種植罌粟○戊戌諭軍機大臣等常順保英奏竄匪圍犯科城一摺與十一月十四日奎昌等所奏情形大略相同該匪見已偏近濟甯根地方距科城僅一百餘里亟應迅速撲滅托倫布計已抵科即著常順將該城防勦事宜與該署參贊等妥籌辦理並著托倫布保英慎遵前旨趕緊布置城防並於附近各要隘嚴密扼守一面設法派撥兵勇會同烏城派出官兵探蹤擊勦以淨逆氛達爾濟馬隊追勦此股賊匪見抵何處著奎昌常順多布沁札木楚志剛嚴飭該總管督率隊伍無論賊匪竄擾何地即行迅速兜勦務絕根株將此由六百里各諭令知之○庚子諭軍機大臣等奎昌等奏

探聞科城被擾催隊追勦請調庫倫練軍暨察哈爾馬隊各摺片據稱接據西七臺台吉探報十月十七日賊至科城南街外十八十九兩日賊住街內二十日放火燒毀房屋向南遠颺等語前據常順保英馳奏賊竄入境情形即係十月十七日拜發之件雖稱漸偏科城尙在一百餘里之內而奎昌等探報則是日賊已薄城且賊匪連日焚掠城闕未見常順等出奇制勝所謂襲弱擣虛者安在見在賊已飽颺究竟竄向何處常順等當偵探明確知照各城一體兜勦不得以賊眾兵單未能攻擊為詞任聽匪蹤奪突托倫布計已抵科著懷遵前旨與保英布置城防相機扼守截勦毋稍疏懈奎昌等即飛催派出馬隊兼程赴科探明賊蹤實力追勦迅掃逆氛並著常順等派兵會同進擊不得在城株守莫展一籌致干重咎此股賊匪據奎昌等奏止有六百餘名何以常順等前

東華續錄

同治九十五年

四

奏稱係二三千眾多寡懸殊是否偵探不確抑有另股分竄著即據實具奏賊蹤飄忽難保不回竄烏城奎昌等當將城防先事豫籌毋稍疏忽所請於庫倫練軍內抽調古北口宣化兵共五百名以資防禦自係移緩就急之計著張廷岳阿爾塔什達照數派撥裹帶行糧等件分起速赴烏城交奎昌等調遣達爾濟等馬隊即作為追勦之兵以資得力如庫倫練軍不敷分撥即再由宣化古北口轉調足額著張廷岳等酌度辦理烏城尙需馬隊著額勒和布景瑞再行揀調蒙古馬隊二百五十名裹帶行糧軍裝分起赴烏於明年正月內陸續到齊務須一律精壯不得以疲弱充數將此由六百里各諭令知之○諭張曜奏派隊分紮鎮番等處防勦情形一摺鎮番縣屬又阿拉善旗一帶地方遼闊時有賊匪竄擾

協同郝永剛擇要分紮兼顧金順運道靈州花馬池一帶亦派提督王連三管帶親兵兩營前往俟譚拔萃各營拔赴西甯即行填紮著張曜飭令派出各軍認真防勦遇賊即擊毋稍疏虞該提督仍當親率馬步隊隨時偵探實力勦擊賊匪率多騎賊飄忽異常張曜所部馬隊僅有兩營不敷追勦著定安迅即籌撥馬隊數百名協同追勦盡掃逆氛鎮番縣東西灣竄匪雖經郝永剛等勦敗擒斬多名賊匪見向永昌縣一路遁逃仍當跟蹤追勦並著張曜知會涼州官軍一同截擊就地殲除以清邊患將此由五百里諭知定安並傳諭張曜知之○辛丑左宗棠奏劉錦棠西甯勦匪八月二十四日馬步賊數千分爲二股一循山而下直撲西甯營卡都司李雙良防營一出彥才溝阻截前路各營劉錦棠率遊擊熊隆名都司董福祥副將陳宗蕃分道往擊遙見撲營之賊五六百

東華續錄

同治九十五

美

半落人馬叢中賊棄壘越山而遁是夜湟北收屍之賊紛吸徹旦斃賊蓋不知其數也二十七日各營仍依山設伏午開賊由山頂地邏而下熊隆名以馬隊誘之賊見隊少擁撲而下鄧增仍連施大礮何作霖等分隊擊之賊大潰追近賊卡而返旋據西甯防營李雙良報稱是日馬步賊千餘撲近營壘李雙良憑牆力禦有悍賊揮大刀徑撲營壕爲官軍洋槍擊倒羣賊以矛桿昇之而逸復獲生賊詢之蓋即白彥虎也二十八日各營仍於三十里鋪設伏賊僅以數百人散匿山谷官軍亦以零隊擊之賊遁劉錦棠以羊角灣之賊知我有備料不復出而高疆溝緊逼平戎爲白彥虎畢大才之黨所據倚觀音堂紅水泉爲固必誘出創之遂抽隊夜抵彥才溝口二十九日見馬賊百餘馳騁溝中大股繼出陳宗蕃伴作敗狀誘其深入賊噪而前伏隊四起賊駭而奔追殺十餘里賊

東華續錄

同治九十五

美

紛紛出拒比步隊至奮威衝殺賊棄巢而奔立焚其巢躡追八九里大堡中出馬步賊千餘另股由兩山旁鈔出劉錦棠分軍力戰三時之久賊均敗潰適龍錫慶亦已旋營遂收隊而還初八日小峽之賊已大股出撲營壘另股由左面山溝鈔出劉錦棠飭譚上進等列隊壘前飭鄧增以大礮向擊賊譚潰不復成列馬隊跟蹤馳追山溝之賊從旁衝出陶鼎金等下馬持矛攢刺何作霖等分路鈔之賊不能支追越山巔斃賊三四百名初九日賊大股趨北岸鄧增以大礮擊散其南岸賊千餘排列山頂各營以槍礮仰擊旋亦敗遁初十日副將譚慎典率親軍馬隊赴碾伯迎糧過平戎驛忽馬賊二百餘擁至譚慎典分其隊之半護糧一半接仗行近高店堡都司張俊從堡中躍出賊紛竄十二三兩日劉錦棠抽隊赴平戎驛修橋并渡湟至紅巖子溝築壘以通威遠堡糧路威

東華續錄 同治九十五年

壬

遠之馬圈口班家灣等處時有回逆出擾疊經總兵黃武賢技勦頗有斬馘十四日平戎橋工將竣有百餘馬賊從觀音溝彥才溝頭噪而來劉錦棠飭陳啟明陶鼎金等率馬隊衝擊南山復有大股賊至縣亘二十里陳啟明等以眾寡懸絕收隊憑壘施放槍礮劉錦棠飛令各軍渡湟而南賊趁官軍半渡四面猛撲適譚和義蘇大德齊至士卒直前奮擊斃賊多名熊隆名董福祥時在馬營灣聞平戎驛礮聲甚緊疾馳而來提督席大成尹興茂等亦至張雨翼分鈔羅照陞陳啟明等乘機猛進賊大敗官軍合圍兜追斬賊二百餘名生擒十五名十五夜賊乘雪於李雙良營壘西三里山巔連築七卡大股分紮隔截前敵各營十六日劉錦棠前往查看馬賊擾至平戎驛步賊排列護卡約近萬人劉錦棠飭李雙良堅守勿出飛率各營渡橋直上馬賊向前抗拒官軍槍礮齊發立

斃多人官軍猛追抵馬營灣對岸劉錦棠飭令蘇大德築壘羅照陞等列隊以待賊忽大至馳下平川適何作霖席大成尹興茂等馳至鄧增亦護大礮前來連開數礮賊稍卻各軍分左右力戰斃賊無數賊縮退壘中官軍偏攻壘中礮石紛飛官軍傷亡不少劉錦棠令勿撤隊是夜風雪嚴寒裂膚刺骨軍士露立賊壘之外無一懈者十七日黎明劉錦棠由北岸亂流而渡令鄧增向山頂轟三十餘礮斃賊甚多大股走匿山凹劉錦棠以堅壘驟難蕩平乃整旅折赴馬營灣河灘上下令董福祥連夜添造木橋二十日抽撥三營渡湟築壘令譚上連何作霖等分扼湟南北以扼賊衝部署甫定賊果率大股下山意圖阻官軍工作何作霖等分途盪決斃賊數十名賊敗上山梁少頃復率數百騎由北岸山溝衝近河邊劉錦棠飭各軍迎勦一面令鄧增以大礮隔轟之賊大敗而逸

東華續錄 同治九十五年

壬

陶鼎金等飛馬截之斬馘多名生擒一名二十二三兩日賊時以零騎分擾南北而於紅莊子對岸聯紮數壘蓋防官軍由北岸進攻也劉錦棠佯若不知日夜督修橋壘並於橋兩旁築礮臺護之三十四六等日陸續派隊往碾伯接糧並增修卡壘零賊時出阻擾多被擒斬二十八日五鼓大股撲近新修之卡白彥虎畢大才之黨約土回由馬營灣山下平川渡湟兩股將合約七八千人劉錦棠分軍渡湟猛撲之賊惶懼縮退其臭水不及者董福祥等悉斬之賊回撲席大成營壘董福祥等由左路馳至夾擊賊仍敗遁湟南賊見北岸賊敗渡水來援尹興茂等折回夾擊賊翻山而竄是日步賊千餘至小峽分股伏溝中昇大礮攻何作霖之營礮子墜入壘中者約重二斤餘何作霖率隊從壘牆躍出擊散賊眾並等其礮二十九日劉錦棠令於北岸山上修築一營十月初一日

又於新營西五六里增修一營爲進備計兩日有馬步來擾均擊
敗初二日小峽口賊千餘來撲營壘譚上連等擊斬數十名生擒
三名訊據供稱是日陝回往北川攻民寨掠食劉錦棠令各營分
左右捲旗疾趨奪高寨之險高寨前一卡守賊數十人見官軍
突至棄卡逃入高寨高寨守賊約三千餘列械出扼官軍馬步齊
進銳不可當忽隔河開花大礮子飛墜賊叢中賊益惶懼驀山滾
瀾而逃官軍謹噪乘之刀砍矛刺賊屍枕藉高寨一帶十餘卡壘
一氣踏平比小峽大隊馬賊來援亦經鄧增以大礮擊退擒斬二
百餘名奪獲馬械極多據擒賊趙啟泰於積屍中指認回日蘇九
和一名並供此股陝回最多是夜官軍即紮於此又增修一壘初
三日臣宗棠所調前往助勦之提督劉明燈及副將滕春山等至
高寨與劉錦棠晤商劉明燈所部馬步六營從七里鋪延紮至彥

東華續錄 同治九十五年 五月

才溝營出劉錦棠所部左右翼兩營及綏定兩營以便滾移進取
又增修三壘賊見官軍連日於高寨增壘意南岸必虛初五日大
股由小峽出撲官軍迄未得逞官軍亦未窮追是夜又於八旗壘
西增修兩卡初七日賊大股圍撲新修之卡官軍以連夜未眠僅
以槍石火箭火彈禦之賊見官軍不出各持馬刀紛入濠溝何作
霖譚上連等分兩路挺矛直出立斬悍賊三十餘名賊稍退適鄧
增運大礮至對路狹賊多處連發十餘礮賊乃敗潰初八日分軍
扼小峽正路及西南兩路另派隊上山增修一卡賊紛至官軍擊
卻之一股兇悍異常愈擊愈進何作霖憤甚大呼陷陣縱軍衝殺
縱橫盪決賊不能支始紛紛潰潰初九日黎明賊大股由三十里
鋪竄至官軍按隊不動俟賊漸偏營前乃分左右出擊賊屢卻屢
前官軍奮威衝殺立斬悍賊二十餘名乘勢壓勦斬賊遂多劉錦

東華續錄 同治九五

棠以南岸難攻遂於是夜潛師夜起改率各營由馬營灣過橋至
高寨會襲小峽賊壘分前左右三路衝殺馳近北岸賊壘始驚
覺官軍已逼擁而上次第奪山麓三壘拔幟立幟正追遂聞忽小
峽內塵沙蔽日賊約萬人由山頭及中路奔來官軍整隊迎擊殲
賊數十名左翼一營列隊左山巔賊力爭此地自辰至申血戰不
少卻譚和義等皆身被數創仍裹創力戰大呼突陣賊皆辟易紛
紛敗退是日湟南一股撲近官營並以槍橫擊湟北官軍經何作
霖等擊斃多名是夜劉錦棠令各營急運甄石增修廢壘並於山
頭添修一壘扼之十一日賊於對山亦築數壘十二日偵賊大股
匿峽中守壘之賊堅壁不出劉錦棠懸重賞挑選壯士攻南山各
卡其北山四壘分各軍攻其三劉錦棠親率各營隨後策應夜近
賊壘乘賊未覺火器紛飛著處皆然賊驚起拒戰而壯士已從濠

東華續錄 同治九十五年 五月

中躍出以肩爲梯攀壘騰上矣須臾三壘均破南山賊卡亦同時
攻克各卡壘賊約近千人無漏逸者官軍即夜分填所奪三壘駐
之十三日賊大股來犯劉錦棠飭三壘各以一營守壘餘列長陣
護之羅照陞陳宗蕃李雙良等率所部奮擊斃賊多名立將所破
賊壘修築完好護糧入壘並接修運礮臺車大道十七日署西甯
道郭襄之遣人緹城來告被圍兩月城中糧食將盡十四夜五鼓
賊乘梯襲城雖經擊退然勢甚危迫乞速應援適馬桂源稟請官
軍暫退礮伯即誠心就撫又撤拉八工回昂貴奴勒等亦具稟代
西甯土回乞撫劉錦棠知其意在緩兵十八日黎明飭余虎恩席
大成護五十里鋪各壘自率各營護大礮上北岸山頂正在分撥
之際賊忽分三股一由小峽口南山一由馬營灣下徑犯官軍營
妄意乘南岸之虛其大股則向北山急進劉錦棠以南岸各卡修

五四七

繕完固力足制賊令鄧增測準北山賊壘開大礮轟擊令譚和義護之一面分飭兩路攻左右賊壘一路擊正中大股一路策應兩時發大礮子六十餘賊三壘牆垣皆坍塌避匿溝中劉錦棠揮各路猛進陣斬悍賊二三百名賊大潰官軍躡蹤緊追連破北山西面卡壘十餘座乘勝壓下山梁賊棄山麓各壘而逃一由湟北竄韻家口一由水渡湟南富將峽內羊角灣羅家灣二十里鋪十里鋪一帶卡壘悉數踏平其南岸之賊見官軍自北而南截其歸路竄走南山之南余虎恩席大成追之破其山上卡壘十餘座越山至羊角灣會隊其竄韻家口一帶者見董福祥羅照陞等引軍突至均棄寨向西甯而逃薄暮劉錦棠飭各營歸隊分紮兩岸賊壘一面整修壕牆防賊回撲夜分馬賊數千復拌命來犯官軍結隊衝擊賊屍遍野仍即敗遁十九日黎明瞭見西甯附城各莊寨火起

東華續錄

同治九十五年

星

劉錦棠飛調馬步迅速比抵東關逆首馬本源馬桂源同各土回頭目於先夕三鼓各挈逆眷向東川竄走殿後馬賊數百被陶生林等追擊四散向南川而遁計連日斃賊約三四千人署西甯道郭襄之西甯縣知縣恩祿率城內難民男婦老弱三萬餘名望塵迎拜喜極而涕劉錦棠宣布 皇仁逐加撫諭令其照常防守其城外老弱回民約千餘口籲乞曲貸生命亦令免死安插並諭土回被裹者准其歸候安插 臣維碾伯赴西甯距縣七里渡湟水西南達府城兩山對峙湟水中流古所稱湟中者也由大峽口抵小峽口數十里高峰危聳中通一徑岸路僅寬數尺兵馬能魚貫不能雁行南北溝岔紛歧賊蹤出沒其間排叉子槍平地施放命中較易此次叛逆馬本源馬桂源兄弟先請官軍驅逐陝回迨官兵甫進大峽忽嗾陝回助逆拚死抗拒又糾五工六工撒拉回眾合

勢抗拒地險賊眾又皆著名兇狡劉錦棠孤軍深入以馬步十八營分紮八十餘里賊時於山凹中出隊阻截運道圍撲各營聲氣閒隔時須調撥救援前後計兩月有餘大小五十餘戰幸賴朝廷威福無戰不捷得以掃除積年兇惡挈湟中境土仍隸職方此固非 臣等所能逆料也至邊地苦寒大小峽口一帶山谷盤互日月蔽虧冰凌凝結最早計五十餘戰中半皆夜不收隊露立雪窖中擊柝之聲與號寒之聲相雜而軍士無一怨者非平時訓練有方奚以致此見據劉錦棠稟報馬本源馬桂源帶同各土回目挈眷逃入撒拉蓋該逆本循化廳人與撒拉同鄉并撒拉素相暱就者也 臣已飭按察使陳湜河州鎮總兵沈玉遂督同河州撫回馬占鼇圖之據報該逆已抵巴燕戎格矣大抵同情最忌縛獻阿訇總須其自投羅網耳至陝回已焚棄所踞大小南川巢穴揚言直奔

東華續錄

同治九十五年

星

甘州嗣仍踞西川未動意或求撫亦未可知 臣宗棠前調提督吳隆海率果軍降補參將楊世俊率奇捷馬步等營合馬隊三營步隊八營隨同劉錦棠進剿比抵碾伯則小峽口業已攻克劉錦棠兵抵西甯矣見正按除餘匪分別剿撫以靖地方 上諭軍機大臣等西甯被圍日久此次劉錦棠督軍深入立解城圍並分別安插難民降眾辦理甚妥該處久爲賊擾民不聊生一切善後事宜即著豫師會商左宗棠悉心布置毋令失所回族結黨甚固醜類繁多仍恐有不逞之徒暗中勾結別滋事端亟應將伏莽一律掃除毋貽後患並著左宗棠豫師隨時加意防範以期綏靖地方至叛逆馬本源等帶同土匪挈眷逃遁已抵巴燕戎格豈可任其遠颺仍當設法按名弋獲明正典刑以示懲儆陝回是否仍踞西川如其逃向甘州左宗棠當飭令各軍跟蹤追剿並檄甘涼各隊迎

頭兜擊就地殲除毋聽其乞撫緩師致墮賊計將此由六百里各
諭令知之○諭常順保英奏賊撲科城擊退並請保出力員弁各
摺片據奏賊匪攻撲科城勢甚猖獗經在營將弁竭力拒守歷三
晝夜賊眾始由東南山路仍向札哈沁部落奔竄等語與奎昌等
所奏大略相同此股賊匪雖經退走並未大受懲創難保不去而
復來伺隙竄突常順等常懷遵昨日諭旨偵探明確知照各城一
體兜剿不得拘守一隅致干重咎托倫布抵科後務與保英布置
城防相機扼守截剿毋稍疏懈奎昌等仍飛催派出馬隊探明賊
蹤實力追剿迅掃逆氛此次守城出力員弁及修治城壕辦理臺
站各員均著常順等先行存記俟此股賊匪全行剿滅該員等續
有勞績再行據實奏保常順等摺內聲稱賊匪二千餘眾與奎昌
昨奏六百餘名數目懸殊仍著懷遵前旨確查具奏賊蹤飄忽烏
東華續錄 同治九十五年

城防守事宜奎昌等宜先事豫籌毋稍大意將此由六百里各諭
令知之○左宗棠奏查河州大東鄉地方素稱盜藪積匪高奉朝
馬祥楊由什等於八月內造謠煽亂開出搶劫經軍經理營務
處按察使陳湜出示鎮撫良民俾無從亂一面密拏匪類該逆計
不得逞僅脅數百人據太子寺附近上下各處攔途劫掠九月十
五六兩日民團往捕該匪抗拒接戰殺斃民團十餘人陳湜於十
七日率官軍分路搜捕當擒斬三十餘名餘眾四散連日又經回
目馬占鼂率民團緝獲三十餘名馬祥亦拏解訊明正法據供高
奉朝已逃竄西甯見在密飭搜捕被脅之眾則已概行解散其未
獲匪徒飭地方官督馬占鼂督團密拏地方仍一律安堵如故足
以仰慰 宸廑報聞○于甘肅陣亡遊擊陳湘林等祭葬世職○
壬寅冬至祀 天於 園丘○乙巳喬松年奏籌疏濟運河事宜

允之○于安徽陣亡知府顏懷忠建祠府經歷陳謨附祀並山西
殉難知州莫倉榮等祭葬世職○丙午飭河南添撥河工防險銀
二十六萬兩○丁未諭軍機大臣等邵亨豫奏劉盛藻到陝接統
銘軍並北路零匪竄越剿除殆盡各一摺臬司劉盛藻於十一月
十五日行抵陝省見已馳赴乾州接統曹克忠所部各營著邵亨
豫飭令該臬司妥籌駕馭嚴密布置不得稍涉疏虞曹克忠所收
潰卒立為馬隊二營前據該提督奏請分隸李輝武譚仁芳部下
茲據邵亨豫奏此項勇丁駕馭不易未可輕率分撥即著該撫督
飭劉盛藻體察情形應如何酌量撤留隨時妥慎辦理毋任滋生
事端穆圖善擬由邵進省與邵亨豫籌商防務該將軍當懷遵屢
次諭旨扼紮平涼固原一帶以為甘省後路聲援毋得意存畛域
致誤事機陝北二套河等處賊騎分股竄擾經譚仁芳等帶隊追
東華續錄 同治九十五年

剿殲殆盡其追至克丑爾廟一起匪徒據奏沙地浩渺迷賊所
向究竟竄往何處仍著嚴飭該將領跟蹤搜捕務絕根株並著左
宗棠飭令甘省各軍嚴密扼防毋任匪股紛竄草地致滋延蔓徐
占彪攻剿肅州情形若何著左宗棠檄飭該提督穩慎進取力圖
攻拔以期早靖西陲西甯解圍後一切善後事宜均應妥籌經理
逆首馬本源等遁往巴燕戎格等處該大臣當嚴飭各軍設法購
拏迅速弋獲以申法紀將此由四百里各諭令知之○已酉諭軍
機大臣等前據金順奏遵旨於九月十五日起陸續拔隊西行由
甘涼徑向肅州疊次有旨催令前進迅赴戎機並諭將抵肅日期
先行具奏數月以來未據金順續有奏報殊不可解刻下西甯業
已解圍惟肅州一城未下該處軍務正形喫緊金順計應早到肅
州見在行抵何處著即行奏聞並懷遵屢次諭旨迅赴肅州會同

徐占彪剋期以拔即行出關接統成祿各營安為布置毋再遲延
干咎將此由六百里密諭知之○庚戌允楊昌濬議以輪船運漕
並諭李鴻章籌備撥船轉運○是月獨緩直隸開州等九州縣被
水新舊額賦江蘇高郵等三十六州廳縣暨淮安等四衛被水被
旱新舊額賦太倉等二十九州廳縣蘇州等五衛被水被旱暨未
墾田畝本年額賦浙江海甯等六十七州縣暨杭嚴等四衛被水
被旱被風被雹並未墾田畝新舊額賦山東臨清等七十一州縣
暨濟甯等五衛被水被旱被風被蟲新舊額賦安徽泗州等
四十二州縣被水被旱被風被蟲新舊額賦雜課

十二月辛亥朔左宗棠奏竊提督徐占彪圍攻肅逆八月初八日
黎明偵賊由北門駛運糧草徐占彪密飭總兵齊懷松守備武朝
聘率馬隊夜伏潘家屯莊以待并飭總兵李洪超陳登雲千總藍
東華續錄 同治九十五年 吳

明泰率步隊為接待至日午賊仍未出收隊歷草湖灘突遇賊七
八百分兩股一循北城濠出一出短牆徑前迎撲馬賊四五百忽
由北門疾馳而出齊懷松等背湖列陣分隊迎擊李洪超率隊循
渠逆上賊亦分股力拒正慶戰閒遊擊鄭光平率小馬隊與新收
歸化馬隊由南壩沙根繞衝賊右官軍合力奮進賊駭而奔各營
乘勝追抵北門殲賊數十名並生擒七名而返初十至十九日賊
匿不出惟夜閒於城頭施放槍礮徐占彪飭各營靜以待之二十
日辰刻北門出賊二千餘循濠下至城東分三股圍歸化三營城
上連放大礮護之提督陳春萬等出隊衝殺徐占彪飭遊擊秦玉
盛等以馬隊繞鈔城東北角齊懷松列隊城南總兵宋賢聲黃祖
福等各率隊繼至賊不敢近惟伏渠中施放又子槍相持既久忽
城西槍礮大震徐占彪飛率小隊親兵及遊擊徐春先馳往見城

西之賊二千餘正偪攻河北壩民團營壘民團勢將不支徐占彪
飛令遊擊陳吉陞把總熊飛鵬鈔出賊後千總侯定邦及鄭光平
直攻賊前賊殊死戰熊飛鵬督隊直擣中堅賊始敗竄陳吉陞自
旁橫擊之侯定邦鄭光平復繞截其歸路賊敗走官軍追逼城下
城上槍石雨注始收隊而還計殺賊百餘名將弁亦多帶傷者城
東之賊經總兵龍得勝及藍明泰齊懷松等擊敗返奔守備李得
宜瞥見殿後賊目即前次乞撫之偽萬長馬明躍馬斬之各營乘
勝追殺斃賊數十名徐占彪撥副右等營勇丁助民團守壘二十
一日黎明賊仍由北城濠中潛出千餘人繞城西撲新中營右哨
分壘副將李玉山飭勇丁憑牆堅守俟賊撲近槍礮排轟數十名
賊退踞濠邊宋賢聲陳惠萬馳至見另股由南濠撲正營前哨分
壘擊卻之是夜徐占彪飭各營環城南掘長濠二十二日賊復由

東華續錄 同治九十五年 吳
西南濠內突出千餘名直犯新左後哨分壘提督蕭章林飭以劈
山綫槍測準轟之斃賊數名乘勝開壁縱擊賊仍敗匿濠中是夜
賊千餘由南城各攜鋤偷掘濠牆徐占彪率隊潛往以洋槍自
後擊之賊大潰濠牆已被賊掘坍數丈仍飭修砌二十四五兩日
城南長壕已掘成七百餘丈是夜謀報有賊數百潛赴塔爾灣收
糧徐占彪飭藍明泰率歸化馬步隊跟蹤捕剿賊正乘月搶獲官
軍遠起掩之斃賊二三十名生擒七名奪獲駱駝九頭二十六日
賊千餘由城西禮拜寺偪攻新中兩營城上齊施槍礮徐占彪一
面督軍修濠一面調徐惠先及千總王岐山助守各營慶戰數時
賊始敗遁城西禮拜寺有踞賊數百見長濠修近中渠礙其出入
是夜於渠西築二卡相抗二十七日夜徐占彪率壯士襲賊卡各
攜麥草填濠殺入賊驚覺狂竄斃賊數十名生擒三名遂焚其卡

二十八日城東南西三面俱出零賊伏濠放槍並於城西增修三卡較前高堅徐占彪慮其夜擾調新左營右哨均填紮前哨壘中是夜悍賊二千餘直攻新左營勢甚兇猛總兵張成義及蕭章林環施槍礮賊三伏三起撲及營門蕭章林挺矛奮刺斃賊十餘名賊稍卻徐占彪率各營分道馳援忽大風揚塵賊又子槍不能施放官軍大呼砍陣賊勢披靡屍橫里許生擒十一名訊據擒賊馬六兒供稱是役共斃賊四百餘名內千長萬長其十餘名九月初一日賊伏西南城下開槍又於城上放九節大礮忽斷忽續徐占彪見賊不出戰惟攢聚城濠覺其有異率親兵潛赴城南時城上寂無人聲循濠而西見溝中新開地洞二處深甫六七尺旋入黃草渠又見渠中一洞正對新左營壘深至五丈有餘徐占彪飭蕭章林張成義等亦深掘營濠當之初二日營濠已掘至二丈許忽東華續錄 同治九十五年 聖

黃草渠黑煙突起有聲如雷昏霧中見渠中伏賊紛紛爬濠亂竄不喻其故趨視渠中始知賊失火引然所安火器轟塌地洞洞中之賊已焚斃無數初三夜賊潛出城南偷掘濠牆火光如螢倏忽隱見哨長鄧洪貴暗排槍礮以待俟賊逼近槍礮迸發比賊賊回竄踰溝徐占彪已率隊馳至夾擊斃賊遂多自九月初三以後至二十三日賊雖零星偷撲營濠人數無多知屢挫之後兇骸衰矣二十四賊復分兩股出撲新中兩營眾約三四千人以馬賊五六百排列黃草壩徐占彪飛調副將桂錫楨及秦玉盛藍明泰各率所部迎擊馬賊飭李洪超陳登雲攻其左路親兵小隊及徐惠先宋賢聲等攻其右路秦玉盛等揮隊直前馬賊拚死力拒哨官樊振海怒馬砍陣銳不可當藍明泰復以健騎襲攻賊後賊隊大亂各軍譁噪追逐徑抵北門殺賊數十而奪其馬右路之賊已偏新

中營濠徐惠先自後擊之賊回拒時許李玉山知賊勢已竭開壁夾擊賊仍敗走左路之賊經總兵康得勝副將吳占勝分投接戰賊敗伏河邊以子槍連環施放有賊目執旗喊黨慶戰降賊認爲馬元帥吳占勝率壯士挺矛大呼陷陣伏賊爭起攢刺吳占勝手刃馬元帥而奪其旗餘賊駭奔徐占彪合隊掩殺賊敗入卡副將蕭蘭玉跟追直薄賊卡賊復卻退徐春先順渠鈔之共斬賊二百餘名生擒七名奪獲刀械尤多二十八日秦玉盛率馬隊赴城北巡哨適騎賊二三百向西疾馳秦玉盛繞前截擊賊仍回城糾城賊復出桂錫楨等率隊繼至擊卻之二十九日馬步賊千餘順草湖而下徐占彪列陣以待比賊逼近桂錫楨鈔其後秦玉盛攻其前賊依廢堡分股穩抗徐占彪伺其稍懈親率精銳橫攻之馬賊先逸步賊四潰追殺百餘名生擒四十七名奪獲馬械極多 東華續錄 同治九十五年 吳

徐占彪擊卻卒不得逞惟地闊兵單未能合圍制其死命容俟增派勁旅多異攻具以期迅拔堅城 上諭軍機大臣等甯甯土客各回竄伏西川及巴燕戎格大通等處窮蹙乞撫肅州踞逆亦經徐占彪疊次猛攻逼城而壘惟該城地廣兵單未能速合長圍制賊死命即著左宗棠飭令徐占彪就見有兵力穩慎以圖一面添派勁旅併力進攻金順於九月中旬自甯夏拔隊西進屢諭到肅後會合徐占彪一軍力拔堅城刻下計早抵肅西川等處乞撫回眾並著妥籌辦理毋稍疏虞該大臣以兵力不敷請飭曹克忠赴甘助剿即著邵亨豫傳知曹克忠於交卸後迅速馳赴蘭州聽候左宗棠調遣其所募步隊三營並令慎加選擇或分別賞遣毋任滋事至曹克忠抵甘後應如何撥營歸其統帶及該提督應赴何

處駐紮並著左宗棠斟酌情形奏明辦理穆圖善當懷遵疊次諭旨扼紮平涼固原一帶以為甘肅後路聲援毋得逗遛西安省城將此由五百里各諭令知之○諭景廉奏西路營弁盤獲悍回按出文信一摺據稱回逆妥得遴派人赴古牧地給馬明送信意欲約會孔才助勦安夷經營官秦殿喜盤獲搜出偽文該逆復遣馬進才等赴西甯送信欲約該處回兵出關相助亦經西路營弁盤獲其駐紮古牧地之徐學功等營勇丁見經馬明全數撤回原營等語前據景廉奏回目馬明投誠本不足恃該回目見聞我軍進兵遽將古牧地勇丁撤回顯因官兵前進意存疑懼反覆無常安逆並令馬明約會官軍為伊復仇尤為詭譎著景廉飭令駐古各統領勤加偵探慎守營壘不得輕率進兵致為所愚妥逆意欲糾約西甯回逆出關尤當嚴加防範著左宗棠文麟多派弁兵於關

東華續錄

同治九十五年

兗

內外地方隨時確探遇有該逆遣人送信立即查拏毋令潛通消息金順見在行抵何處著懷遵疊次諭旨迅速兼程前赴肅州與徐占彪一軍會合力拔堅城並派員弁梭巡各關隘毋令內地回逆出關句結為患將此由五百里各諭令知之○諭富和奏籌畫新疆大概情形整頓邊境請飭撥馬匹軍火景廉奏錫綸需用軍火請飭烏科兩城分撥各摺片據富和奏稱塔爾巴哈台城池難於整理且距科布多古城較遠不能接應擬請緩修塔城帶兵由古城沙山子一帶進剿或暫紮布倫托海阿爾泰山一帶以資鎮壓等語富和身任參贊大臣所有塔城應辦事宜責無旁貸自應竭力籌畫勉為其難豈得意存諉卸所稱帶兵進剿亦未見確有把握且該參贊與榮全同在塔城何以不會商該署將軍再行入奏所陳各情於新疆大局有無裨益著榮全酌度迅速奏聞如有

應與景廉咨商之處即著彼此妥籌具奏至該署將軍參贊等同辦一事必應和衷其濟方於公事有裨毋得各執意見卡拉托羅蓋臺究竟是否俄國地面富和以該處屢被俄人偏勒擬將東南兩路十四臺暫行裁撤但裁撤之後道路恐致梗阻著榮全與富和會商妥辦哈薩克肆行搶掠逃避俄境已諭令總理各國事務衙門王大臣與俄使商辦仍著榮全富和派撥官兵認真彈壓遇有哈薩克搶劫之案按照條約分別辦理厄魯特索倫官兵需用軍械馬匹各項數目該參贊何以不分明奏明著富和知照奎昌多布沁札木楚志剛將馬匹需用若干酌量撥給軍械等項應撥若干並著知照奎昌等於前月十九日奏撥神機營軍械內分撥應用該城如有不敷再由奎昌等奏請撥補錫綸前赴布倫托海募練勇丁需用軍火著奎昌多布沁札木楚志剛常順托倫布保

東華續錄

同治九十五年

辛

英豫為籌備以便就近撥用富和另片奏上年十一月二十八日奏奉諭旨豫撥俸餉銀二萬兩迄今尚未解到等語著戶部查明前項撥款迅即行催毋令延緩富和原摺一件著鈔給榮全閱看將此由六百里各諭令知之○王子諭軍機大臣等都興阿奏宗室窩盜分賊獲案審實擬請照例嚴辦一摺西斌即斌洛二身係宗室膽敢窩盜分賊並商令盜匪關鐸等宰牲祭旗糾眾多人到處焚掠淫殺擾害地方實屬罪不容誅全昇即祿二豐喜即豐四窩盜分賊並敢將盜首縱令逃逸目無法紀厥罪維均以上三犯均著革去宗室頂帶照強盜窩主擬斬立決例即行正法在逃盜首關鐸暨鄧心來等即著都興阿督飭在事員弁勒限嚴拏務獲按律懲辦不准一名漏網如逾限無獲即將承緝各員嚴參懲處窩盜之家既經嚴辦其在官人役難保無得受月規家縱包庇及

句通一氣魚肉鄉民情事尤屬罪無可逭該將軍務當會商府尹嚴密查訪儻有前項情弊立即捕獲治以軍法毋稍寬縱至諸色旗民各處兵勇如有瀆迹盜中者並著懷遠九月十三日諭旨嚴擊窮治如本管官袒庇不交或問官承審不實即行分別從嚴參辦務使法立必行不得始勤終怠此案餘犯均著照所擬辦理將此諭令知之○癸丑諭軍機大臣等劉長佑馮子材奏勦捕沿邊各屬土匪情形一摺廣西岑溪等處土匪屢經各路兵勇會同地方官將首要各逆擊獲斬馘多名勦辦尚屬認真惟各屬伏莽尚多非搜捕淨盡不能永除後患仍著劉長佑等督飭各路兵勇及各該地方文武將逃竄餘匪悉數勦除並將善後事宜妥為籌辦以靖閭閻而清遠孽所有此次出力官紳准其先行存記彙案酌保至沿邊郡屬關禁廢弛已久亟應大加整頓覃遠璉所帶營勇東華續錄 同治九十五年 五

計將到防劉長佑等務當督飭該道會同該地方文武修整隘口查拏匪徒庶內奸外寇不至勾結為患劉長佑另摺奏越南國正貢屆期請示進關日期一摺該督撫查照歷屆例貢進關之時酌定日期一面具奏一面行令該國王遵照辦理將此由四百里各諭令知之○乙卯諭軍機大臣等前經疊諭穆圖善移紮平涼固原一帶為甘省後路聲援茲據穆圖善等奏稱劉盛藻見已抵陝接統銘軍那乾一帶足資控禦其固原平涼地方見有雷正綰魏光燾各營駐紮該將軍一軍擬即移紮涇州等語穆圖善見已回邠著即趕緊部署統率所部各營移紮涇州與雷正綰魏光燾兩軍聯絡聲勢互相應援涇州與長武汧隴等處接壤時有潰勇游匪出沒該將軍當隨時查拏認真勦辦以靖地方左宗棠邵亨豫亦當飭令各路官軍協力防勦毋稍疏虞劉盛藻接統銘軍自應

妥籌布置著邵亨豫飭令該臬司於邠乾一帶嚴密設防以資捍衛並將所統各營勇丁妥為駕馭毋任滋生事端將此由四百里各諭令知之○己未日重輪抱珥五色翌日如之○諭內閣前據喬松年奏遵議黃運兩河情形並籌堵運各摺片當經諭令文彬丁寶楨妥議具奏茲據奏稱遵議黃河穿運情形請仍恢復淮徐故道一摺著軍機大臣會同六部九卿與喬松年前奏各摺片一併妥議具奏○諭軍機大臣等金順奏派隊赴肅籌布後路運道並請飭購辦軍火及指撥銀兩各摺片金順所部各隊齊抵涼州已派隊赴肅助勦並雷隊分紮後路以顧運道即日督飭後隊赴肅見在肅城軍務喫緊前據左宗棠奏賊匪被勦窮蹙該處地廣兵單官軍尚未合圍亟盼勁旅早到即著金順懷遠邊次密諭馳抵肅州會同徐占彪迅拔堅城即行出關妥籌布置毋得在涼州逗留是為至要金順以軍火不敷請飭江蘇巡撫趕緊就滬購辦細洋藥二萬磅大銅帽四百萬粒三楞礮藥五千磅派員航海運至天津等語軍火需用甚急若由滬運津未免久需時日著李鴻章按照金順所請先由天津見存之洋藥銅帽等項照數撥給由金順派員赴津領解到營以資應用此項軍火係屬借撥著恩錫趕緊如數購辦解赴天津歸還不得有誤金順因購買皮衣請飭部撥銀一萬五千兩著戶部照數於就近省分迅速指撥解交歸綏道衙門由金順派員領取將此由五百里諭知李鴻章金順並傳諭恩錫知之○諭奎昌等奏請調馬隊勦賊並請飭催前調各軍杜嘎爾奏派撥西征馬隊情形各一摺賊匪屬聚札薩克圖汗池南踞山抗據亟應就地勦除烏城兵力不敷該署將軍等前調之察哈爾馬隊二百五十名庫倫練軍五百名著額勒和布景廉

張廷岳阿爾塔什達懷遠前旨即行派撥剋日啟程毋稍延緩奎昌等此次因援兵未到請將福珠禮所部吉林馬隊二百五十名先行就近調撥此項馬隊見經杜嘎爾添派黑龍江馬隊前往賽爾烏蘇會合調赴榮全軍營著杜嘎爾即將蔡哈爾提到銀兩飭令趕辦行糧迅速進發該軍沿途西行即可覘賊趨向相機截剿如行抵烏城後該處軍情尚未稍鬆即著奎昌等就近調度飭令與達爾濟所部各隊合力勦辦以期迅殄逆氛榮全需兵甚殷奎昌等俟該處軍務稍鬆或察哈爾庫倫調派各隊有一處到齊即令該軍馳赴榮全軍營聽候調遣將此由六百里各諭令知之○子江蘇陣亡道員姚丙禧祭葬世職建祠浙江陣亡知縣鄭煜等建祠○癸亥 上詣 大高殿祈雪○諭內閣前因駐藏大臣恩麟擅賞戴琫花翎並巡閱營伍未經親到當經降旨將恩麟交部東華續錄 同治九十五年 奏

議處令其來京當差並諭知恩麟於新任駐藏大臣未到以前仍將應辦事宜認真經理茲據恩麟奏德泰偏索關防請旨遵行德泰奏與恩麟意見未合照繕移會文彙呈覽各一摺德泰於特飭恩麟諭旨謬為講解固執已見催令恩麟將關防等件剋日移交啟程回京實屬庸妄糊塗不勝幫辦之任德泰著革職即行回旗○諭軍機大臣等德泰奏整頓藏務請飭撥餉銀並定補餉章程各摺片據稱連年藏餉短絀輒向商上借墊番情不無挾制弁兵僅放半餉亦形苦累所奏自係實情西藏遠處邊陲關繫緊要需用餉銀必應照額籌解方足以資整頓川省積欠藏餉為數不少德泰覈計明年餉需及酌還欠款請由川庫撥實銀九萬兩著吳棠如數籌撥務於來年三四月開解到嗣後每年額餉六萬兩限春初解到以資接濟毋稍遲誤其察木多拉里一帶汛塘弁兵並

著嚴飭打箭鑪同知設法撥給足餉毋令缺乏德泰庸妄糊塗本日已降旨革職所有藏中應辦事件著承繼實力整理承繼未到任以前仍著恩麟認真辦理毋稍大意德泰所稱補發駐藏弁兵尾餉請責成糧員等覈實辦理自為杜弊起見著承繼恩麟明定章程飭令承辦各員遇有請咨赴川補領尾餉務須查明確數不得稍涉含糊致滋弊混至所稱弁兵應發實銀不准易錢散放商上人等以錢居奇應行查禁等語並著承繼等體察情形妥為辦理原摺片著分別鈔給閱看將此由五百里各諭令知之○乙丑諭錢鼎銘籌撥銀三萬兩濟張曜軍餉○丙寅延煦等奏變通剝運漕米章程從之○飭江蘇等省撥銀五十萬兩濟烏里雅蘇台軍餉○加賞通州煮賑米四百石○丁卯諭軍機大臣等左宗棠奏已革提督田興恕遺戍新疆行次秦州道梗未能前進同治六年東華續錄 同治九十五年 奏

七等年賊擾鞏秦該革員隨同防軍出隊踴躍爭先見在新疆仍難起解懇請釋令回籍等語田興恕獲咎甚重本無可追姑念該革員防勦出力尚知愧奮且本年查辦遺戍各員業經分別加恩田興恕事同一律著加恩准其釋令回籍該革員到籍後著李瀚章王文韶飭令地方官嚴加管束此次准其回籍係屬法外施恩如再任性妄為不安本分必當從嚴懲辦毋謂寬典可倖邀也將此各諭令知之○戊辰諭總理各國事務衙門奏續與俄使辯論情形一摺俄人代收伊犁一事經總理各國事務衙門王大臣等與之辯論該使臣總持先議後交之說其派兵駐紮西湖阻止中國官兵前往各節詰問再三始允轉行該國詳細聲復能否照辦尚無把握似此情形斷非空言所能有濟著榮全就見有兵力妥為布置穩紮穩進前派英廉帶兵赴庫爾喀喇烏蘇能否紮定儘

能先復瑪納斯再與景廉彼此聯絡進復烏魯木齊庶可挽回大局該使臣以邊界之事須兩國邊界官商辦將來如與榮全會晤即著該署將軍隨時相機辯論景廉前敵軍情若何所調各隊及奏撥成祿處吉林黑龍江馬隊曾否迎提至巴里坤錫綸抵布倫托海後所招募者已訓練成軍否著該都統通籌全局設法進取毋得坐失機宜原摺均著鈔給閱看將此由六百里各密諭知之○已巳調古北口練軍五百名赴烏里雅蘇台助剿○庚午諭軍機大臣等都興阿等奏旺清門外渾江地西地段查勘完竣一摺旺清門外渾江地西地段經都興阿等督飭協領崇善等前往查勘西自邊柵東至渾江南接前查地段北至哈爾敏河口二密等處共查出坐落六十九處已墾熟地十萬三千一百餘畝見已查勘完竣即著照鳳燾二邊門外奏定章程於同治十三年起科以

東華續錄

同治九十五年

五月

投效軍營之處著毋庸議並著奎昌常順多布沁扎木楚志剛隨時照料毋令失所將此諭知理藩院並諭令奎昌常順多布沁扎木楚志剛知之○乙亥諭軍機大臣等劉嶽昭奏官軍進攻順甯籌辦餉需岑毓英奏進攻大理等處情形前諭提督馬如龍統帶部馳赴雲州一帶力籌攻克見在該提督已派副將馬青雲等管帶頭隊兵勇取道蒙化進剿惟因餉需缺乏全軍未能進發自係實在情形馬如龍接奉諭旨即擬剋日進征任事實屬奮勇第兵行糧隨自應趕緊籌畫所有湖北應協該提督專餉及各省應解協餉著劉嶽昭迅即咨催以資應用仍一面先行設法籌撥俾全軍得以剋日起程刻下大理攻期正緊順甯雲州等處必須同時進攻方得牽制之勢著劉嶽昭傳諭馬如龍部署齊備即行拔隊前進毋稍遷延大理東南角城牆攻毀數十丈城中守備甚嚴

東華續錄

同治九十五年

五月

其觀音堂溝土回則令赴統領安西軍督劉明燈行營就近呈繳亦據報收馬四百匹槍械千餘件陝回崔三等土回治福與馬福壽等皆款營獻良馬自限按日追繳馬械彼俗所謂拉馬投誠者也其西甯城關各回民隨馬本源馬桂源遁巴燕戎格者劉錦棠飭回目馬永福往招之計陸續逃歸復業者三千數百名感官軍不殺不擾之德放膽來投者尚絡繹於道馬桂源等以黨夥已離赴劉明燈處遞呈言為西北川回民所誤意為脫罪求免地步以購捕告示中有解營訊辦一語也馬永福在西甯回目中稟稱樸愿本馬本源之堂叔馬本源等糾陝西叛亂馬永福在城助官民守禦甚力其子馬德源即彼教之海裏飛素兇狡馬永福不能制至是因促馬本源等速歸就撫又為馬本源等所殺馬本源兄弟既殺馬德源為其族眾所不容據河回馬占龍馬永瑞等密稟東華續錄 同治九十五年 五月

陳湜見糾約入工撒拉回眾截其入撒拉之路陳湜已與劉錦棠密商辦法不容其深入番地也大抵回性多疑善詐似點實思其用心有非尋常意料所及者辦理之法不可稍涉迂緩致失事機亦不可操之太蹙令其疑畏察看劉錦棠陳湜皆深識此意 臣惟有專其委任責其成功務求數百年之安不敢夸近功而忘遠大也 上諭軍機大臣等肅州回逆困踞孤城疊次出撲官軍營盤經徐占彪等奮勇擊退惟城中悍賊尚多困獸猶鬪允宜穩慎進取迅拔堅城該大臣見已添派陶生林等營前赴肅州交徐占彪節制調遣金順一軍計期亦應到肅即著左宗棠飭令徐占彪會同金順乘此聲威迅圖攻拔以竟全功西甯土客各回呈繳馬匹槍械紛紛乞撫並著飭令劉錦棠等妥為辦理毋稍疏虞逆首馬本源馬桂源逃遁巴燕戎格因黨與已離亦思投誠免罪該逆等

狡詐性成恐以乞撫懈我軍心萬一逃入番地則捕獲尤難仍著飭令劉明燈陳湜劉錦棠等妥慎籌辦無論是否就撫總以捕獲為要不可稍涉迂緩致誤事機另摺奏久病未痊請特簡賢能等語該大臣辦理甘肅軍務宣力數年地方漸就肅清大功不日告竣嗣後一切善後事宜及吏治民生正賴該大臣悉心籌度至新疆軍務誠非從內豫為布置從新豫為調度不可將來大兵出關關內既須重臣鎮撫而籌餉籌糧並籌轉運等事尤恃有大臣實力實心經營布置庶前敵各營不虞後顧該大臣素顧大局諒早籌計及此應俟甘境救平先將餉事兵事通盤籌畫據實奏聞朝廷倚畀方深豈可遽萌退志左宗棠著賞假一箇月安心調理河州肅州軍情仍著隨時詳悉具奏以慰廑繫將此由六百里諭令知之○戊寅諭左宗棠等籌濟成祿軍餉○予甘肅殉難吏目希東華續錄 同治九十五年 五月

祥祭葬世職○已卯裕祭 太廟 上親詣行禮○諭軍機大臣等榮全奏請飭調撥官兵等語據稱探聞瑪納斯逆回復與烏魯木齊纏頭講和有糾合二千餘人先擾民團後撲官軍之謠又聞俄國兵隊五六百名由伊犁啟程欲赴西湖恐有進取瑪納斯之意英廉等駐紮庫爾喀喇烏蘇兵力本單茲據所奏各情殊有腹背受敵之慮著榮全飭令該護軍參領等穩慎扼紮妥為防範俄兵若到西湖務當察看情形隨機應變毋稍輕率致有疏虞榮全軍營需兵孔亟該署將軍以前調杜嘎爾所部吉林黑龍江官軍五百名抵營需時因聞烏城有抽撤官兵之議請飭該城將軍大臣將在防官兵內挑選二百五十名派營總伊楞額管帶赴營俟前調官軍抵烏時截留以補其數前據奎昌等奏該城軍情喫緊請將福珠禮所部吉林馬隊就近調撥當諭杜嘎爾飭令迅速進

發俟行抵烏城後准奎昌等暫留防勦福珠禮一軍已令趕辦行裝拔隊較爲迅速即著杜嘎爾檄令該軍剋日進發趨程徑赴榮全軍營不准稍涉遲滯奎昌等亦不得再行截留致誤事機其黑龍江官兵並著杜嘎爾即令接續前進俾資防勦烏境逆匪見竄何處著奎昌等嚴飭達爾濟實力截勦就地殄除並一面詳細奏聞將此由六百里各諭令知之○是月蠲免兩浙仁和等六場未墾蕩田本年竄課蠲緩直隸天津等二縣大窪地畝額賦暨民借倉穀湖南澧州等十一州縣暨岳州衛被水新舊額賦雜課山西臨州等四州廳縣被水被旱額賦暨民借倉穀並賑隰州災民一月口糧緩徵湖北沔陽等二十七州縣武昌等二衛被水新舊額賦雜課兩淮富安等十四場被水電課展緩河南裕州等七十三州廳縣被水被旱新舊額賦吉林三姓歉收未完倉穀○是歲朝東華續錄 同治九十五 堯

東華續錄

同治九十五

堯

鮮人貢○會計天下民穀數除江蘇安徽雲南廣西陝西甘肅未經冊報外奉天等省通共大小男婦二萬七千四百六十三萬六千一十四名口存倉米穀二百八十三萬九千五百一十四石五斗九合五勺

東華續錄

同治九十六

臣王先謙敬編

臣張式恭恭校

同治十二年癸酉春正月辛巳朔元日節停止筵宴 上詣 堂

子行禮○癸未諭內閣朕於三月初五日恭奉 慈安端裕皇太后

后 慈禧端佑皇太后啟鑾初八日祇謁 東陵初九日節屆清

明朕恭詣 定陵行敷土禮並詣 隆恩殿行大饗禮虔申孺慕

禮成後於十二日還宮所有典禮並一切事宜著各該衙門照例

敬謹豫備○諭軍機大臣等奎昌等奏追勦賊匪出境豫籌防勦

一摺官軍於上年十一月間在那瑪勒吉幹招地方遇賊接仗賊

即敗竄探聞該匪兩股每股五六百名一竄科布多迤西一路不

知何往一回竄肅州邊外之厄濟納河諾彥山一帶與該處踞匪

東華續錄 同治九十六

會合又聞該逆欲將所擄貨財販運於綏遠城庫倫多買槍藥圖

在邊外肆擾肅州踞賊屢竄出關必須迅克肅州城方免蔓延爲

患著左宗棠檄飭徐占彪會合金順兵勇奮力進剿剋期攻拔務

將該逆醜類就地殲除毋任紛竄關外又成不了之局其厄濟納

河諾彥山地方爲肅逆巢穴該大臣兵力此時能否兼顧並著酌

度辦理奎昌等擬俟請調之官兵軍械到齊後騰出察哈爾馬隊

令其移營察漢淖爾地方作爲追剿之兵隨時探明諾彥山等處

賊勢相機攻勦即著奎昌常順多布沁扎木楚志剛悉心商酌妥

籌布置其竄往科城迤西一股究在何處滋擾著托倫布保英確

切偵探派軍截勦盡殄賊氛並著定安張廷岳阿爾塔什達多派

官兵於所屬境內認真盤查毋任賊匪潛行販運以杜詭謀奎昌

等摺內所稱該匪黨內多有花勇係屬何項勇丁並著查明具奏

所有此次打仗出力官兵及在事各員准其擇尤保奏毋許冒濫將此由六百里各諭令知之○丙戌以李宗義為兩江總督並充辦理通商事務大臣前山西巡撫○以張樹聲為江蘇巡撫文彬為漕運總督李元華為山東布政使長慶為山東按察使由充沂曹清道遷○戊子享 太廟○辛卯祈穀於 上帝○壬辰撥部庫銀二十萬兩濟景廉軍餉○常恩以病免調廣壽為刑部右侍郎以成林為理藩院右侍郎由大理寺卿遷○癸巳諭軍機大臣等奎昌等奏借地安插棍噶扎勒參徒眾請將出力委員獎勵各摺片據稱棍噶扎勒參徒眾回阿爾泰山耕牧奎昌等因該處係烏梁海蒙古牧地非辦理清楚不能彼此相安令即補佐領雅爾哈前往阿爾泰山會同科布多委員與烏梁海兩翼散秩大臣妥為籌辦該散秩大臣等情願借地安插該呼圖克圖等亦皆樂從等語自是目前權宜東華續錄 同治九十六 二

辦法惟安插徒眾究有若干棍噶扎勒參要求究係何事均未據一一聲敘著即詳細奏聞奎昌見已起程回京即著常順多布沁扎木楚志剛隨時妥為駕馭毋任滋生事端該烏梁海地屬科布多著托倫布保英畱心察看先事防維毋稍疏忽並飭烏梁海兩翼散秩大臣等諭知該蒙古人眾各守本分務令永遠相安即補佐領雅爾哈著仍以前保佐領軍功班次遇缺儘先即補補缺後以協領儘先補用以示鼓勵將此由五百里各諭令知之○乙未諭內閣劉嶽昭曾璧光奏官軍會克新城老巢黔省上游肅清一招貴州新城地方與雲南平彝等州縣接壤逆回金萬照等屬集其間為患兩省經劉嶽昭等飭令雲貴各軍會合進剿疊將賊窟攻毀擒斬甚多上年十月初五日官兵會同直備城下攻入南門將逆首金萬照等擒獲正法首要各逆悉數殲除當將新城克復

黔省上游一律肅清見在全省底定自應渥予恩施曾璧光著賞給頭品頂帶太子少保銜雲騎尉世職周達武著賞給騎都尉世職以獎勞勩○諭軍機大臣等黔省新城逆回日久負隅此次該將領奮勇攻克將要逆悉數剪除上游一律肅清勦辦甚為出力黔省變亂十有餘年見在地方新復一切善後事宜亟應妥為經理著曾璧光等懷遵疊次諭旨悉心籌辦以期一勞永逸新城降眾二千餘人業經該撫等籌商安插仍著飭令地方官撫綏防範毋貽後患降目張忠誠著劉嶽昭隨時察看如再不知悔改即行明正典刑不得稍事姑容該處逃亡人眾漸次復業曾璧光務慎選賢能守令盡心撫輯用副朝廷軫恤殘黎至意該兩省官軍應如何分別留防撤回以資鎮壓並節餉需之處著劉嶽昭曾璧光周達武妥籌辦理將此由五百里諭知劉嶽昭曾璧光並傳諭周東華續錄 同治九十六 三

達武知之○予貴州陣亡總兵官劉同升等祭葬世職○丙申允王文韶奏分別遣留湖南援黔各軍○戊戌諭軍機大臣等總理各國事務衙門奏請派員辦理日本國換約事宜一摺日本國通商條約上年經李鴻章與該國使臣會同議定茲該國使臣來津換約著派李鴻章將上年所立條約妥為互換其條規二本即由總理各國事務衙門發交李鴻章祇領照辦其親奉國書一節著李鴻章於換約時體察情形妥慎酌辦將此諭令知之○己亥予甘肅被戕總兵官魏紀馨祭葬世職○辛丑諭軍機大臣等前據左宗棠奏成祿糜餉遷延舉動乖張當經諭令穆圖善密查具奏旋據穆圖善覆稱成祿不知檢束參款俱屬有因本應治以應得之罪因念成祿業經出關所部乏人接統是以未經降旨本日復據左宗棠奏成祿前在高臺苛派捐輸迨土民赴營申訴復指為

聚眾抗糧誣為叛逆並將寄寓之權家園莊圍定掩捕殺斃二百餘人猶且虛報勝仗額請獎敘等語是該提督喪心昧良情罪重大實難一日姑容金順前奏行抵涼州即日督飭後隊赴肅此時計已馳抵肅州著即酌帶所部兼程出關接統成祿各隊一面傳旨將成祿革職拏問即日遴派員弁押解來京聽候治罪毋得稍涉遲延致有洩漏肅州軍務已諭令左宗棠責成徐占彪等迅速攻剿應否酌增勁旅即由該督調派金順於拏問成祿派員押解起程後即在安敦玉一帶扼要駐紮聽候諭旨該將軍所部各隊及分紮後路之軍應如何調赴前敵留願運道之處即著金順斟酌軍情妥為籌畫奏明辦理將此由六百里密諭知之○論本日據左宗棠奏成祿在高臺時苛斂捐輸誣民為逆縱兵冤斃多命所犯情節重大斷難一日姑容已密諭金順傳旨將成祿革職拏

東華續錄

同治九十六

四

問解京治罪矣關外距京寫遠解送務須嚴密除由金順派員押解外著左宗棠多派得力員弁沿途護解並飭經過地方官接續遞解前進不得稍涉疏虞前署高臺縣知縣管笙著左宗棠一併派員押解來京質證毋任成祿得以狡展至金順所部兵勇或調赴前敵或分紮後路軍糧關繫緊要左宗棠務當隨時妥籌接濟毋令缺乏一切運送軍糧軍火並檄飭地方官毋得稍分畛域肅州軍務即責成徐占彪等認真勦辦迅掃逆氛如須添撥兵勇即著酌量調派以資得力所請將通判王佳植等免議生員李載寬等昭雪之處俟定案時一併降旨將此由六百里密諭知之○壬寅免直隸各屬同治六年以前民欠旗租○癸卯諭內閣朕奉慈安端裕皇太后 慈禧端佑皇太后懿旨三載考績為國家激揚大典中外滿漢諸臣有能恪共職守勞勩最著者允宜特加甄

敘以示優眷茲當京察屆期吏部開單題請詳加披閱恭親王首贊樞廷歷久不懈盡心輔政鉅細靡遺懋著勤勞深資倚任著交宗人府從優議敘大學士文祥吏部尚書寶璽兵部尚書沈桂芬工部尚書李鴻藻和衷贊畫矢慎矢勤均著交部議敘大學士直隸總督李鴻章盡心民事宣力彌勤陝甘總督左宗棠公忠謀國艱鉅克膺均著交部從優議敘餘著照舊供職○添撥永定河修防戰兵十名守兵九十名○張樹聲請將移撥南匯營之狼山鎮中營守備一缺仍留狼山管理錢糧事宜下部議允之○甲辰諭內閣劉嶽昭峽毓英奏克復大理府城首逆伏誅全郡肅清一摺逆首杜汶秀盤踞大理府城十有八載地險城堅負隅抗拒上年五月間官軍攻克上下兩關賊勢漸蹙雲南巡撫岑毓英先將沂省及東南各郡次第廓清督兵前赴迤西規取大理十一月初十日

東華續錄

同治九十六

五

日至二十等日總兵楊玉科及派出各將弁開挖地道轟陷大理東南城隅乘勢擁入城內之土城晝夜鏖戰共斃賊二千餘名奪踞蓮花池一帶賊壘官軍攻偏土城西北隅楊玉科復約束各軍四面合擊自率親軍策應施放開花大礮轟毀賊營碉樓木柵逆首杜汶秀見事勢危迫於二十五日親率死黨萬餘接仗楊玉科督軍兜剿至二十六日斃賊五六千名該逆敗入土城內之偽城情急服毒其黨將杜逆獻解軍前正法岑毓英督軍至五里橋地方環城審視探知餘酋楊榮蔡廷棟等仍形負固會商楊玉科先期密派將弁暗入分投設伏十二月初七日楊玉科率同太和縣知縣譚席珍直至縣署駐紮初九日潛入偽府督令伏兵奪據該逆廠樓賊眾驚亂岑毓英復親率各軍與楊玉科內外夾擊連日血戰殺賊萬餘賊分股由東南北三門狂竄我軍跟蹤追擊生擒

偽大家宰馬仲山等多名殲賊三千餘名生擒偽大司衡楊榮偽大經略蔡廷棟等盡法懲治並按獲杜逆子女杜淙揚等分別收禁悍黨悉數殲除大理全郡肅清覽奏實深欣慰首杜汝秀首級即著於犯事地方懸竿示眾毋庸獻馘來京其年未及歲之逆子杜淙揚杜廣揚杜城揚三名及幼女一人著在該省嚴行監禁並著刑部查明例案咨行該督撫照例辦理雲南巡撫岑毓英當兵餉支絀之時激勵眾心親臨前敵攻克堅城渠魁授首實屬謀勇兼裕調度有方深堪嘉尚著賞穿黃馬褂並賞給騎都尉世職雲貴總督劉嶽昭與岑毓英和衷共濟克奏膚功著開復革職畱任處分交部從優議敘記名提督開化鎮總兵楊玉科著賞給騎都尉世職並賞給白玉翎管一支白玉搬指一箇小刀一柄大荷包一對小荷包兩箇所有單開之總兵段瑞梅等均著交軍機處

東華續錄 同治九十六 六

記名遇有缺出請旨簡放○諭軍機大臣等杜逆自倡亂以來流毒十有八載攻陷五十三城踞險負隅其勢甚熾岑毓英於兵單餉絀之時激勵眾心堅忍耐苦先將東南各郡次第蕩平然後專事西卒使全境肅清渠魁授首實屬謀勇兼裕功績懋昭劉嶽昭遇事和衷克濟成績均堪嘉尚本日已明降諭旨分別加恩並將出力陣亡各員照所請獎卹俟該省全境肅清再行普沛恩施大理既復未復之順甯雲州及所屬之小猛統猛郎錫臘又騰越廳城及所屬之烏土寨馬家村並蒙化廳屬之大小圍埂自應乘勝掃蕩俾全省一律廓清即著岑毓英督同楊玉科將圍埂賊巢迅速攻拔一面料理大理善後事宜務臻妥善順甯雲州兩城前有旨令馬如龍前往攻取該提督以餉絀尚未起程所派頭起官兵僅五百名亦嫌單薄岑毓英見擬就近分軍相機進取仍

著傳知馬如龍懷遵前旨剋日帶兵徑赴順甯雲州一帶合兵會剿以竟全功應需餉項即著劉嶽昭妥籌接濟毋令缺乏至騰越地方即責成總兵李維述帶領所部前往辦理毋稍遲誤將此由六百里各諭令知之○諭文麟奏追剿東山竄匪獲勝一摺甯州股匪屢次出關竄擾哈密東山經文麟派令統領魏忠義督軍駐紮塔爾沁堡城分扼各隘探剿馬賊並將逆回馬五十九擒獲惟該逆分股突竄蹤迹靡常刻雖被擊遠遁難保不去而復來仍著飭令魏忠義將各要隘實力嚴防遇有賊匪竄至即行截擊毋令分竄其二堡葫蘆溝一帶為該逆出竄之路並著嚴飭張忻李生元等多設偵探嚴密扼堵以免疏虞將此由五百里諭令知之○乙巳欽奉 慈安端裕皇太后 慈禧端佑皇太后懿旨皇帝寅紹丕基於今十有二載春秋鼎盛典學有成茲於本月二十六日躬親大政欣慰之餘倍深兢惕因念我朝 列聖相承無不以敬 天法 祖之心為勤政愛民之治况數年來東南各省雖經底定民生尚未又安滇隴邊境及西北路軍務未戡國用不足時事方艱皇帝日理萬幾當敬念惟 天惟 祖 宗所以付託一人者至重且鉅祇承家法夕惕朝乾於一切用人行政孳孳講求不可稍涉怠忽視朝之暇仍當討論經史深求古今治亂之原克儉克勤勵精圖治此則垂簾聽政之初心所夙夜跂望而不能或釋者也在廷王大臣等均宜公忠共矢勿避怨嫌本日召見時業經諄諄面諭其餘中外大小臣工亦當恪恭盡職痛戒因循宏濟艱難彌成上理有厚望焉○奉 懿旨前因皇帝沖齡亟宜乘時典學特簡師傅朝夕輔導於今十有二年茲值親政伊始仍當不忘古訓况學問事功互相表裏古今治忽之原政事得失之故無

東華續錄 同治九十六 七

不可因事監觀引爲法戒 列聖文謨武烈載在 聖訓尤應按
日恭閱庶於用人行政得有遵循國語清文亦必勤加練習皇帝
每日召見後仍應詣弘德殿與諸臣虛衷討論李鴻藻徐桐林天
齡桂清廣壽均著照常入直盡心講貫用收啟沃之功至肄武習
勞乃我朝家法騎射等事皇帝亦須次第兼習已諭令御前大臣
查照舊章隨時斟酌請旨敬謹伺候前據醇親王奕譞奏親政有
期懇將弘德殿差使撤去等語著照所請嗣後毋庸入直弘德殿
○丙午 上親政率王以下大學士六部九卿詣 慈甯門行慶
賀禮○諭內閣朕受 皇考文宗顯皇帝付託之重冲齡踐阼時
事多艱仰賴 慈安端裕皇太后 慈禧端佑皇太后垂簾聽政
簡任親賢勵精圖治十餘年來粵捻各匪次第蕩平滇隴邊疆漸
臻底定洵足以揚 先烈而奠丕基 盛德豐功超邁前占朕仰
東華續錄 同治九十六 八
蒙 慈蔭得以及時典學日就月將茲復渥被 聖慈命朕躬親
大政孳孳以敬 天法 祖勤政愛民爲念仔肩至重深懼弗克
負荷惟有恪遵 訓諭兢兢業業上懷 祖 宗締造之艱下慰
中外臣民之望用以祇承家法仰荅 慈恩至在廷王大臣及各
省封疆大吏務當共矢公忠匡朕不逮其餘大小臣工亦宜精白
乃心恪恭盡職勤求吏治又安民生以冀上副我兩宮 皇太后
諄諄訓誡至意○諭上年自冬至後朕恭遇 壇 廟大祀敬謹
親詣行禮而 奉先殿未經特祭恭查咸豐二年 皇考文宗顯
皇帝親詣 奉先殿致祭行禮朕親政後自當敬法 前謨用申
誠悃謹於三月初一日恭詣 奉先殿前殿讀祝致祭所有應行
典禮著各該衙門照例敬謹豫備○已酉諭軍機大臣等戶部奉
部庫空虛應行存儲款項請照初議另款封存一摺四成洋稅銀

兩前經總理各國事務衙門奏明解交部庫另款存儲近因各衙
門奏支之款絡繹不絕正項不敷隨時那借殊與初議不符著該
部遵照奏准原案全數封存以後各海關報解四成洋稅隨到隨
封連前所存一概不准擅動如庫存正項一時不敷周轉惟入旗
兵餉及神機營經費暨隨時緊要軍需准由該部奏明暫借四成
洋稅開放仍俟正項充裕照數撥還其餘一切放款概不准奏借
此項致啟那移之漸另摺奏內府外庫定制攸分各宜量入爲出
不可牽混又片奏內府經費仍照舊添撥各等語內務府供應內
廷一切用項本有粵海關天津長蘆應解各款及莊園頭租銀加
以戶部每年添撥經費量入爲出何至用款不敷著總管內務府
大臣於一切應用之需覈實樽節並嚴飭各該司員認真辦理毋
得任意開銷致涉浮冒其各省關例解款項如逾限不到或仍前
東華續錄 同治九十六 九
拖欠卽由該大臣等奏明將該督撫監督運使等嚴予處分以儆
玩泄至由部奏撥之六十萬兩見經戶部奏明仍按年籌撥是內
府用款不至過絀嗣後不得再向戶部借撥以符定制將此各諭
令知之○是月蠲緩直隸安州等五州縣被水上年額賦江西蓮
花等二十八廳縣暨九江府同知所屬歙收新舊額賦雜課廣西
永安等二十八州縣被擾被旱上年額賦暨兵米緩徵直隸邢州
等三十八州縣被水額賦山東濟甯等三十九州縣東昌等四衛
被水被旱被蟲被風上忙額賦租課廣東海陽等四縣被水同治
十年額賦兩浙錢清等六場被災甯課展緩直隸深州等三十五
州縣積欠糧租倉穀
二月庚戌朔諭軍機大臣等前因喬松年奏籌辦黃運兩河情形
文彬丁寶楨奏請仍挽復淮徐故道並御史游百川奏河運並治

宜詳籌妥辦等情當經降旨交軍機大臣會同六部九卿妥議具奏茲據遵議會奏請派大員前往山東查勘各等語黃河自銅瓦廂決口改道北行後泛濫山東境內久爲漕運民生之害見在淮徐故道既難規復豈可聽其自然不爲修治喬松年前奏堵合霍橋決口築隄東水使由張秋八里廟一口下注入海旁流分注藉以濟運所擬辦法究竟是否可行有無窒礙必須籌畫萬全方可興辦此事關係重大固不可日久因循亦未便輕率從事李鴻章曾在山東勦辦捻匪於黃運兩河情形閱歷既久自必熟悉著該督將喬松年等所奏悉心體察從長計議應如何妥籌辦法期於漕運民生兩有神益及辦理有無把握之處據實詳細具奏原摺片著鈔給閱看將此諭令知之○下詔修省求直言並諭各省舉賢能杜侵漁○癸丑諭軍機大臣等榮全奏餉細兵單豫籌辦法東華續錄 同治九十六

一摺榮全接到俄官來咨不令管伊犁人民並擬派伊犁官員銀兩不遵卽治其罪且聞有東進之說榮全以調兵必先集團餉項支絀各省報解寥寥自係實在情形所請將山西等省月協餉銀三萬五千兩由戶部先撥見款批交神機營與前請每月一萬三千兩之項源源解濟再令各該省將應協之餉解還部庫等語著戶部議具奏該署將軍務當臨機應變將調兵集團及進兵道路並運解軍火各事宜先行妥爲布置以圖進取俟戶部議定後如何籌濟餉需卽行諭知該署將軍遵照辦理另摺奏因病懇請開缺又片奏病如增劇擬先赴京就醫各等語榮全宣力邊疆歷有年所且數年來備嘗艱苦茲因積勞病發懇請開缺履念殊深惟見在新疆各城未復非熟悉該處情形者斷難勝任榮全當力疾從公以副委任未可遽萌退志著加恩賞假一箇月在營調理

毋庸開缺刻下事關緊要接替乏人不得率行起程回京致誤事機將此由五百里諭令知之○戊午祭 大社 大稷○加上慈安端裕皇太后徽號曰 慈安端裕康慶皇太后 慈禧端佑皇太后徽號曰 慈禧端佑康頤皇太后 御慈甯宮 上率諸王大臣行慶賀禮○左宗棠奏西甯附郡地方震懾兵威其求撫者又經劉錦棠推誠相待羣爲感動陝回中如崔偉畢大才禹中海土回中如治福興馬福壽卽江湖三楊保元目者外各回目悉矢志輸誠天心漸定惟大通縣地居邊徼未覩軍威向陽堡逆目馬進祿下亂泉逆日韓起壽卽半角頭本叛員馬桂源馬本源腹心大通營都司馬壽尤爲狡黠劉錦棠先飭總兵胡萬亨赴大通督收回眾所繳賑糧本形踴躍馬桂源由巴燕戎格遣人暗伺馬壽等糾黨戕害領賑難民數十人撫回崔偉畢大才禹中海等願東華續錄 同治九十六

十六日遇賊於距通十里之姑姑加莊敗之斃賊數十名撫回各隊均有傷亡劉錦棠布置郡防率隊繼進正月初一日悍賊千餘撲崔偉等營盤崔偉等率馬隊擊走之追殺十餘里斃賊八九十名生擒四十餘名訊出叛弁馬壽之姪馬良才斬之初四日劉錦棠進兵攻向陽堡提督吳隆海陳汝俊蔣月華等由左路進提督熊隆名陳啟明繼之提督余虎恩遊擊董福祥由右路進親率提督席大成進中路譚慎典率崔偉各隊排列河西前西甯鎮總兵黃武賢亦飭遊擊黃金福率師來會分道猛進出巢之賊約三千餘分東西南三面正修砌礮臺見官軍至拚死抗拒官軍槍礮齊轟繼以刀矛立斃悍賊數十名賊始敗縮堡中憑堡放槍擲石官軍於礮石中冒險肉薄而登傷亡不少吳隆海陳汝俊蔣月華憤

甚揮軍毀其堡門奮躍而入各軍亦攀堞齊登立將巷戰之賊千餘悉駢斬之賊之奪東牆出走者約尚三四百人熊隆名陳啟明率馬隊及郭蟒寺練總陳海馬隊追殺淨盡堡中賊均遁入二小堡登樓上屋擲石放槍仍圖抗拒吳隆海董福祥立破其一尙餘一堡正派隊圍攻開礮樓屋頂之賊號呼乞命稱爲賊目所脅請官軍緩攻願盡縛賊目以獻問其姓名始知馬壽馬進祿韓起壽及河西著名匪徒悉在其中當令縛獻首從四十餘人提馬進祿韓起壽陣前磔死餘逆概予駢誅惟雷叛弁馬壽拘守未誅飭令飛告縣城各回勒限出城並捆獻爲逆者始免勦洗其撫回馬福壽又於賊眾中指認與馬桂源兄弟暗相勾結之逆回三十餘人悉訊明斬決餘眾千餘概行釋免軍威不震各處回眾聞風畏懼搶額哀鳴願繳馬械獻匪人求免勦洗劉錦棠遂加撫諭令其速繳馬匹槍械勿萌異心自干誅戮惟大通營及永安一帶回巢距大通縣城二十餘里尙須移軍勦辦見正料理拔營臣維西甯地勢遼闊向爲回番窟穴山嶺複沓西北徑通關外西南均接青海西藏四十餘年等於絕域聲教久已不行劉錦棠破賊解圍後回眾震於兵威均各款附惟土客各回多疑善詐自不知所犯不赦恐併遭誅戮其黠者復多方煽惑暗肆阻撓此時若操之太蹙必致人人自危兵威一加轉得有所藉口自不得不宣示恩信堅良回就撫之心迨安撫漸多來投者亦請速誅反側自明心迹而後因而用之庶收以回攻回之效又此次大通逆目馬進祿韓起壽等鼓惑叛弁馬壽詭謀煽變戕害領賑難民孽繇自作官軍急起勦之逆目無一漏網恩信無渝聲威更暢俾誠心就撫者知感挾詐來投者知畏其於勦撫兼施機宜尙允協惟馬本源兄弟竄踞

東華續錄 同治九六

巴燕戎格爲時已久雖徧詣各軍求撫而仍巧持兩端暗行勾結必須速予殲除臣宗棠已飭陳湜沈玉遂率河州太子寺三甲集各營隊伍由河州前進令撫回軍功馬占龍馬永瑞等各率所部爲之前驅並檄提督劉明燈總兵敖天印分扼米拉溝各要隘以杜竄越復調降補參將楊世俊率馬步各營由扁都口一帶移駐大通冀可速赴戎機又奏肅州逆回自十月間屢敗後伏匿不出惟分股於城西禮拜寺附近添築堅堡爲犄角提督徐占彪分派各營輪班攻撲十二月十九日城賊出馬步三千餘分撲署總兵王子龍黃祖福營勢甚兇悍徐占彪飛調提督陳春萬千總藍明泰循長濠擊其前自率總兵宋賢聲齊懷松遊擊徐春先秦玉盛等從黃草坡鈔其後復飭總兵李洪超陳登雲越長濠擣其中堅三路並進王子龍見援兵已集亦開壁出迎賊腹背受敵退踞城東華續錄臣同治九十六

西北隅官軍三面環攻如牆而進賊結隊拚鬥抵死不退官軍勇氣百倍縱橫盪決自卯至申鏖戰歷六時之久殲賊甚多復以劈山礮向賊團聚處轟之賊更不支向北奪路而退徐占彪揮軍追殺適副將桂錫楨守備武朝聘各馬隊由北巖頭馳至兩路夾擊賊屍枕藉餘賊竄入北稍門時已二鼓矣計生擒二十八名陣斃悍賊二百餘名訊據擒賊供稱馬四以援絕勢蹙挑悍黨千餘啖以重資爲背城之戰不虞仍爲官軍痛勦賊目死傷甚多當將擒賊斬決徐占彪以城西之堡守禦綦嚴偏攻徒傷精銳惟有用地雷轟之各營弁勇輪圪地道二十三日工竣妥置藥匣引絃二十四日初更飭提督黃虎臣徐春先陳春萬率隊順黃草渠繞至堡前阻其出路兼截南稍門出援之賊飭李洪超陳登雲黃祖福率隊前赴堡北遏賊北竄截北稍門及禮拜寺援賊親率馬步環伏

五六三

堡之左右四更時地雷併發立塌堡牆一丈有餘守牆者多飛墮牆外計斃數十名餘賊開壁四竄伏軍四起呼聲動地賊自相踐踏官軍趁勢越入賊堡刀矛並進陣斬偽千長馬文檢賊六十三名內有偽催兵百長馬四把子堡內賊無一脫者時城內出援之賊亦被李洪超等擊敗之是役共擒斬三四百名訊據馬四把子供稱賊勢窘蹙異常請入城諭撫徐占彪以回情狡詐未准所請又知援軍將至攻堅大礮亦與偕來軍心益奮臣維肅逆勢孤力竭臣前派提督陶生林戴宏勝等馬步五營歸徐占彪節制調遣已於十二月二十三日行過甘肅不數日即可抵肅金順先撥各營亦可剋期會剿以局勢論賊愈蹙而兵愈增計可剋期蕪事上諭軍機大臣等大通逆目馬進祿等鼓惑叛弁馬壽詭謀煽變經劉錦棠督軍進剿攻破向陽堡逆巢並將著名逆酋悉數擒斬

東華續錄 同治九十六 五
勦辦尙屬得手叛員馬本源等久踞巴燕戎格徧詣各軍求撫仍持兩端暗行句結必須迅速勦辦左宗棠已派陳湜等軍由河州前進著卽飭令實力攻勦並嚴扼米拉溝等處竄路以期一鼓殲除大通一帶回匪仍著飭令劉錦棠等乘勝進兵勦撫兼施速籌戡定平番碾伯一帶防勦事宜著豫師督飭所部與左宗棠派出各營聯絡策應毋稍鬆懈肅州城西賊堡經官軍用地雷轟破城內賊勢已蹙惟回情狡詐未可輕聽乞撫之詞致墮詭計見在陶生林等軍計已抵肅兵力較厚著左宗棠飭令徐占彪激勵將士奮力圍剿迅拔堅城毋任日久盤踞將此由五百里各諭令知之

○左宗棠奏河州回目馬占鼂馬永瑞自就撫後疊辦各務均極妥慎嗣接捕河州土匪及各處竄匿回目多名臣察其悔罪輸誠切實可靠令挑選回勇兩營飭馬占鼂督帶馬永瑞副之仍歸河

州鎮總兵沈玉遂統帶勦賊立功茲據沈玉遂稟稱同治十一年十二月二十八日米拉溝撫回馬良義飛報馬桂源等率賊千餘衝撲細巷地方圍丁眾寡不敵被賊焚掠勢圖東竄當經東鄉回目馬悟真即馬尕大將河冰凝結各處併力鑿開斷賊偷渡沈玉遂飭馬占鼂馬永瑞率左右兩營隨官軍勦賊復派馬營回目馬仲有下川口回目安朝玉等各率丁壯助勦二十九日抵米拉溝馬良義等正與賊戰馬占鼂適至率回勇奮力夾擊陣斬悍賊數十名官軍率馬仲有等乘勢壓勦復斃賊數十名生擒二十三名內有馬麻希馬腮巷蘇美成七十八馬洒兒蘇狗免勒者布七名俱著名逆目也餘賊敗竄歸巢官軍回勇均有傷亡又東鄉匪首高復箇亦經馬占鼂等勦平是馬占鼂等投誠以來實能勦賊自效此次馬桂源噉黨出竄合力堵勦痛挫兇鋒尙屬奮勉旋據

東華續錄 同治九十六 五
馬占鼂馬永瑞馬悟真等赴臣署謁見諭以順逆之理禍福之機均能感悟亟思立功自贖合無仰懇 天恩准給馬占鼂花翎五品頂戴馬永瑞藍翎五品頂戴馬悟真五品頂戴以資觀感出自鴻施奏入 上允之○左宗棠奏宋慶一軍因鮑源深奏留稽遲良久嗣蒙諭旨飭催西進將士歡忻鼓舞分起趨行宋慶輕騎馳赴蘭州已於二月二十六日接晤面商一切其大隊馬步三月初旬均可於蘭州取齊臣之奏調該軍原因穆圖善面商率所部赴甘涼以重西路形勢嗣以回任赴陝並請臣事前毫無所聞迫奉旨允其赴陝臣一時倉卒不得不改調宋軍既蒙 聖明鑒允不料爲鮑源深所阻復多稽滯見甫到蘭州不及先扼甘州兼遏西甯逸賊於兵謀未免稍舛然西事方殷正賴樸健良將共圖戡定此時惟有暫駐涼州以就軍食俟夏收登場轉涼郡之糧以赴

甘俟甘郡秋收登場轉甘郡之糧以赴肅庶幾師行無滯制勝可期以愚見度之將來非於肅州設力總臺收儲糧料子藥又於前後各處節設轉運局不可蓋西北用兵艱阻勞費百倍內地勢有固然歷代兵事得失之分必在乎此謹附片陳明報聞○予甘肅陣亡提督朱南英等祭葬世職○已未以恭上 慈安端裕康慶皇太后 慈禧端佑康頤皇太后徽號禮成 上御太和殿王以下文武官員行慶賀禮頒詔天下覃恩有差○庚申諭軍機大臣等常順等奏督隊進紮以扼賊衝並豫籌軍儲景廉奏請採買戰馬耕牛各摺片烏城防剿緊要見在肅州軍務正在得手誠恐賊匪竄出紛擾該城防堵未可稍疏常順等擬飛催福珠禮馬隊並宣化等練軍到城分起扼紮惟福珠禮一軍前經諭令杜嘎爾飭令馳赴榮全軍營該城不得截留宣化等練軍亦據李鴻章奏稱東華續錄 同治九十六 六

該處存兵無多未能抽調諭令該署將軍等咨商張廷岳等於庫防練軍內酌量抽撥就近赴烏常順多布沁扎木楚志剛務當就見有兵力扼紮嚴防勤加偵探儻賊勢緊急常順等當親往督勦毋稍疏虞該城需用火器甚急著神機營調撥洋槍五百桿隨帶洋火藥鉛箭銅帽配帶什物以及擦槍器具排槍二百桿隨帶鉛丸二萬出配帶什物彈模等項即行解赴察哈爾都統衙門並著定安調撥子母礮四十位隨帶馬架擡槍一百桿隨帶鉛丸一萬出配帶什物彈模等項統由常順等即派官兵分往迎提以資防勦景廉勦辦賊匪馬匹缺乏並奇古屯田牛隻短少採買維艱著常順多布沁扎木楚志剛托倫布保英各飭所屬會同景廉委員在蒙古部落採買戰馬一千匹耕牛一千頭解送到營俾資應用所需價值先由該城墊發俟景廉軍餉到烏扣還常順等另摺奏

遵查烏科兩城具報賊數互異情形據實覆陳等語軍營偵探最關緊要常順等前奏賊匪數目係據該部落探報倉卒馳陳未克確查嗣後惟當確切偵探妥籌防勦毋得稍涉張皇致滋貽誤將此由五百里各諭令知之○回逆犯古城諭景廉防勦○辛酉諭軍機大臣等金順奏前隊進紮肅州設法催運軍糧一摺金順所派前隊總兵俞厚安等軍見已馳抵肅州該前將軍擬將甘州高臺各處糧運辦理稍有端倪即由高臺滾營前進規取肅州日內計早抵肅惟前因成祿情罪重大諭令該前將軍酌帶所部兼程出關接統其軍傳旨將該提督革職擊問解京又因景廉需兵孔急復諭令該前將軍於接統成祿所部後即飭李天和三營馳赴景廉軍營聽候調遣關外事機緊要金順當懷遵正月二十一日本月十一日兩次密諭酌帶勁兵刻日出關將諭辦各事妥速籌辦以慰廑懷肅州賊鋒屢挫機有可乘該前將軍所部各隊應否酌留若干助勦抑須全行調赴前敵之處著金順斟酌軍情妥籌辦理該軍所需糧石即照所議隨時與左宗棠和衷商辦俾利師行○乙丑諭軍機大臣等都興阿奏股匪突出滋擾派隊勦辦情形一摺奉天牛莊屬界黃沙坨高麗房身龔家地雙岔子等處突有馬賊分竄滋擾旋即合股百人麇聚虎獐屯地方經該將軍派令總兵張得祿營總訥欽馳赴牛莊會同防守尉果勒明阿帶隊接勦追至鷹城子缸瓦嶺等處擒斬甚多餘賊渡河逃逸淹斃無算此股馬賊嘯聚省南山溪之間久逃顯戮見在出擾牛莊屬境雖經斬馘多名誠恐餘黨未盡殲除復圖狡逞都興阿惟當嚴飭派出各員弁等實力接緝務將南路伏莽一律芟除毋留餘孽至西路地方並飭撤回隊伍認真防範毋得稍有疏虞將此諭令知

之○丁卯諭李鴻章嚴捕滋事游勇○改山東文登協中軍都司為陸路文登營都司隸登州鎮總兵官統轄○庚午諭軍機大臣等劉嶽昭岑毓英奏攻克蒙化廳屬大小圍埂岑毓英奏查明參將梁士美被仇刺殺辦理情形擬派楊玉科進攻順甯等城各摺片蒙化廳屬賊黨見已悉數殲除事機順手自應乘此聲威迅將未復各城力圖攻拔岑毓英前派總兵段瑞梅蔡標等分攻順甯雲州二城兵力尙單著即責成提督楊玉科親帶所部馳往督同段瑞梅等併力進攻肅清邊圉大理府城一切善後事宜著該撫懷遵前旨酌度辦理其騰越廳城即飭令李維述速籌規取毋稍延緩千總沈朝輔向助參將梁士美跋扈驕恣旋因爭權懷怨主使將梁士美刺殺並誘殺紳士多人聚眾謀為不軌抗拒官軍實屬罪不容誅業經格殺洵足以申國法而快人心其下手兇犯沈東華續錄 同治九十六 九

有能等仍著該督撫飭屬嚴拏毋任漏網已革副將和耀曾勦賊出力前已有旨以總兵記名簡放著照所請准其開復副將原官免繳捐復銀兩並仍照原保獎勵都司楊九貴棄營私逃回籍把持錢糧公事實屬大干法紀楊九貴著即革職嚴拏究辦以肅軍紀將此由五百里各諭令知之○予雲南陣亡副將岑寬德等祭葬世職○乙亥諭軍機大臣等金順奏全師抵肅勦賊獲勝一摺總兵劉宏發等於正月十四五等日會同徐占彪各隊攻勦肅逆疊獲勝仗勦辦尙屬出力該前將軍督率後隊於正月十八日齊抵肅州即著懷遵疊次密諭酌帶兵勇星速出關接統成祿所部一面傳旨將該提督革職拏問不准稍涉遲延致有洩漏肅州一城尙稽攻克該前將軍所部隊伍應否酌留若干助勦抑須全行調赴關外之處並著仍遵前旨斟酌軍情妥籌辦理另片奏革員

赴營投效等語已革協領花里雅春著准其留營差遣○乙亥子故兩江總督曾國藩於揚州建祠○是月豁免江蘇邳州等十六州縣暨淮安等三衛被擾節年民欠額賦

三月己卯朔諭軍機大臣等張廷岳阿爾塔什達奏賊匪意圖竄擾豫籌堵擊一摺賊匪勾結甘肅州逆黨由阿拉善王旗竄至諾彥山一帶圖犯庫倫暨額爾德尼班第達呼圖克圖及額爾德尼招等處逼近庫倫西南張廷岳等已檄齊莫特多爾濟等各帶所部分投防守並飭宣古兩營會同蒙古各營扼紮庫倫迤西聯絡聲勢以防賊匪奔竄所籌尙妥仍著張廷岳等隨時偵探盤查毋任賊匪滲入如遇匪蹤竄近即著督飭各營相機前後夾擊痛加勦洗以期一鼓聚殲諾彥山等處地多險阻易於藏奸其平原處所路路可通並無要隘足扼賊蹤飄忽靡定各遊牧又路徑紛歧尤虞伺隙四竄亟應一體防範以遏妖氛著定安常順多布沁扎木楚志剛杜嘎爾張曜實力嚴防遇賊即擊毋任紛竄將此由五百里諭知定安常順多布沁扎木楚志剛杜嘎爾張廷岳阿爾塔什達並傳諭張曜知之○壬午張建基以病免以林之望為湖北布政使前甘肅使○癸未 上奉 慈安端裕康慶皇太后 慈禧端佑康頤皇太后啟鑾謁 東陵○免蹕路經過地方本年額賦十分之三○乙酉賞看守行宮弁兵半月錢糧○丙戌 上謁 昭西陵 孝陵 孝東陵 景陵 裕陵 定陵○丁亥清明節 上謁 定陵行敷土禮率王以下文武大臣詣 隆恩殿行大饗禮禮成詣明樓前行辭謁禮○臨奠端慧皇太子園寢 上奉 慈安端裕康慶皇太后 慈禧端佑康頤皇太后回鑾○己丑左宗棠奏正月初六七兩日劉錦棠進規大通查看一路堡寨

林立若節節攻取必滯戎機而懸軍深入又恐後路多梗乃雷六營擇要駐紮一面整隊速進初八日撫回治復與馬福壽由通城馳至稟知城關回眾約二千餘惟叛弁馬壽之黨千長馬長忠韓喜文王成宗偽軍師袁滿拉等及其死黨仍誓死抗拒餘皆畏懼兵威並無固志劉錦棠飭遊擊董福祥雷守向陽堡親率各營縛馬壽以行甫抵城邊踞城之賊礮石紛下劉錦棠揮軍環攻令治復與馬福壽繞城而呼獻城迎降者免死擒賊者重賞忽見回眾數百開西門奔出羅拜馬前劉錦棠整隊入城逆賊嗾眾下城巷戰各營乘勢蹂騰而上立克縣城劉錦棠下令撫諭降眾飭令導引官軍覓擒賊目當獲二百餘名斬之分飭各營分屯城關查點城內漢民據供向有三千餘人逆弁馬壽自小峽敗歸戕其丁壯見僅留老弱婦女六百餘口號哭之聲慘不忍聞劉錦棠遂提馬東華續錄 同治九十六 年

壽磔於市漢民爭摘其心肺啖之立盡並擒其死黨馬長忠等一百八十餘名駢戮之河東西及近城莊堡各頭目踵營納款均請盡繳馬械捆獻匪黨求免進剿西甯道郭襄之委雷陝補用知縣黃仁治署大通縣篆初十日至城劉錦棠飭辦善後遷城關回民於河東西另招城西北遜布馬厥利順張家寺各漢堡難民資之路旁回堡亦量與難民更易十一二日降回紛至大通營及永安一帶回日望風款附該處距城已在二百里外矣十四五六等日各莊捆獻匪黨一百五六十名悉斬以徇人心大定十九日劉錦棠率隊仍旋西甯陝回在西甯者丁壯老弱婦女統計尚二萬有奇崔偉禹得彥畢大才等傾心向化劉錦棠挑其精壯立為精善馬隊向陽堡之役助勦尤力惟白彥虎一起狡黠異常聞大通葺事自知罪孽重大慮不為官軍所容雖亦偽詞乞撫而責其呈繳

馬械則遷延支展觀望不前崔偉等陰告劉錦棠豫為之備劉錦棠時在大通飭撫回治復與率隊駐水峽一帶扼之十四五等日兩戰皆捷十六日深追遇伏所部亡失甚多治復與被賊生擒不屈死之白彥虎旋率眷屬黨與約二千餘潰出由永安南山草灘一帶狂竄劉錦棠以方遷徙陝回各巨股老少不遑追截各陝回均俯伏哀鳴聽候安插當分為三起約有二萬人派隊押赴平涼秦安清水等縣擇地安插臣據報即分撥營縣妥為照料一如化平廳故事並給新撫民每戶示諭一紙刊發良民門牌俾其遵守惟羸弱困踣行走遲滯見已分起押解給以行糧並發車馱載其婦稚輜重以過其行西甯境內自此無客回羸雜之患此遷徙西甯客回另籌安插之實在情形也臣維西甯地方遭回逆蹂躪久已名存實亡據土民云不親天日者四十二年矣劉錦棠解西甯東華續錄 同治九十六 年

圍後痛勦大通悍賊一面收撫使輸誠者懷德挾詐者畏威俾糜爛至極不可收拾之區倏臻底定惟白彥虎乘隙狂竄偵知經過鐵賣溝等處冒雪奔馳途中凍僵者不少臣宗棠前檄降補參將楊世俊率所部馬步各隊及甘涼肅各軍准備截擊見據稟報已各有擒斬尚未收隊容緩陳明以清眉目而各軍探稟所報賊數多寡不同或者該逆途中多所迫脅未可知也其禹得彥崔偉畢大才等由西甯屢伯平番過省點驗行走安靜當經遴員護解平涼清水秦安化平各廳縣妥籌安插西甯各屬善後事宜亦分飭斟酌妥辦冀一勞永逸後患而竟前功又奏馬本源兄弟竄踞巴燕戎格城自知罪在不赦意圖負隅聞劉錦棠逼剿大通復糾股竄紮巴城冀襲後路臣宗棠先檄飭提督劉明燈總兵敖天印扼屯險隘該逆懼不敢前而陳湜沈玉遂已率河州各軍於正月

二十六日抵大河家偵知該逆眷屬均在戎城因商派提督張仲春陳廣發總兵楊芳桂戴定邦率五品花翎馬占鼐及馬仲友馬良義等分起夤夜疾趨查大河家赴戎之路一由循化一由米拉三溝兩路稍平而較遠乃議取道番地翻山直擣戎城攻其不備連日大雪迷漫各軍衝寒度險二十九日抵端莊距巴城二十里回目馬永福等率眾迎降詢知馬桂源兄弟帶其死黨數百騎甫赴札巴正圖挈眷他竄陳湜等立飭馬占鼐率馬如蛟馬德等急進沈玉遂等督輕騎繼之馳至戎城叛逆業經西竄餘黨正絡繹奔赴官軍急分隊入城一面跟追十餘里及賊後隊賊返旗抗拒官軍奮威衝殺斃悍賊七八十名截獲逆眷六口及其姻黨十餘名二月初一日劉明燈敖天印率所部由米拉溝來會分駐城關實所獲馬本源馬桂源妻子於獄時大雪不止知該逆未遠遠颺

東華續錄

同治九十六

五

也劉明燈沈玉遂飭弁帶回勇楊生魁周世祥蔣來成馬仲魁馬永昌馬伏清等深入賊中諭以脅從罔治之意回眾爭繳馬械乞撫叛逆馬桂源兄弟見人心已離惶懼益甚陰遣死黨求救於軍功馬占鼐馬占鼐飭其盡繳馬械初四日齊赴城外東山乞撫一面稟知沈玉遂沈玉遂密派馬步隊環伏東山要隘比該逆至遂俯首就縛陳湜赴巴燕廳先提其死黨馬五麻海乙什馬肖箇麻箇子等三十餘犯斬之下馬桂源馬本源馬檣源於獄連日接孳餘匪並勒限外五工撒拉各頭目悉繳馬械並撥各營扼要駐紮擬俟辦理循化一律就緒乃可班師先派兩營將馬桂源兄弟眷口押解赴省訊辦維巴燕戎回番雜處山谷幽險與循化廳緊接叛逆馬桂源等本循化回族其由西甯遁入巴燕戎也蓋圖廣行句結為西竄之謀幸陳湜籌策精審沈玉遂及各營將士勦力

同心其始不露聲色以緩其謀其繼解散黨與以孤其勢遂令狡猾兇豎自入網羅不致垂煩兵力又河湟表裏互為聲應荒服闊絕用兵至難就河湟而言非先定河州剿撫兼施中亦難措手此次收復巴燕戎廳員弁勇丁均平定河州著績之人應請彙入一案保獎以昭激勸上諭軍機大臣等大通縣城為逆回所踞堡寨林立劉錦棠訪知其中死黨無多餘皆畏懼兵威因勢利導遂克縣城並將叛弁馬壽等擒斬辦理甚合機宜即著左宗棠等飭令劉錦棠將善後事宜妥為籌辦以期一勞永逸白彥虎乘隙狂竄左宗棠等當飭在事各軍認真追捕務獲毋令日久稽誅此次出力文武員弁著准彙入前次各保案奏請獎勵另摺奏攻克巴燕戎城情形已降旨將出力人員照所請獎勵矣將此由六百里各諭令知之○左宗棠奏金順一軍於十二月二十八日進紮

東華續錄

同治九十六

五

城外北巖頭二十九日提督徐占彪見金軍揚旗出隊慮其初到未諳地勢賊情派隊馳赴北河灘為其策應賊先由北稍門出馬步二三千與金軍隔河相持見金軍至遂擁來撲徐占彪嚴陣以待賊不敢近惟以槍礮轟擊良久賊稍懈徐占彪飭提督陳春萬總兵黃祖福遊擊徐先春鈔其左總兵宋賢聲李洪超陳登雲鈔其右賊分兩路抵敵正酣戰閒徐占彪率隊直擣中堅賊退敗適副將桂錫楨參將武朝聘從後截之追殺至北門而還計斃悍賊七八十名正月初二日臣所派往之提督陶生林金慶元總兵戴宏勝等馬步五營抵肅初四日賊與金軍接戰徐軍率隊援之賊退入城徐占彪連日於城西北添築六壘扼賊出入要路初八日黎明北稍門出步賊二三千馬賊五六百騎撲官軍新築各壘徐占彪以此路為賊所必爭飛飭各營三路並進各壘亦開壁出擊

斃賊甚多賊退踞城根抵拒並多匿溝中遮蔽槍礮見官軍愈偏愈緊初更後溝內匿賊潛遁入城官軍追殺至北稍門收隊初九日東稍門出馬賊四五百騎北稍門出步賊千餘仍撲新築各壘徐占彪率各營分路擊之賊尚未退忽南稍門出步賊七八百衝至官軍濠邊徐占彪飛調陶生林總兵齊懷松參將方友升等縱橫擊之兩路賊均敗入城計共斃賊百餘名訊據賊供初八日之戰高臺老二偽元帥戈什頭目王連萬長千長頭目十餘名均被陣斬初十日賊八九百復出北稍門甫列東湖灘即經官軍擊敗退匿廢堡徐占彪飭開後膛開花礮擊斃甚多初十日夜三更後探報新到關外援賊四千餘帶叉子槍多桿並運糧駱駝千餘隻由北稍門偷入徐占彪飛調武朝聘方友升等馳往堵剿正值該逆絡繹入城之際官軍鼓銳截殺陣斬數十名生擒十八名奪獲東華續錄 同治九十六 丑

駱駝二百餘隻訊據擒賊供稱馬四上年派口外阿渾李得隆赴紅廟子求援此股援賊係紅廟子逆首妥鄉約後隊阿渾裸萬材帶來徐占彪以前在城西北添築之壘距北稍門之路尚遠且營數過單十三日察看北門河灘忽見馬四於單家屯莊就廢堡連夜築成大方堡一座牆垣堅厚濠溝二道外加木城二道徐占彪以此堡不破則北稍門之圍猶有罅漏因於是夜派金慶元戴宏勝等環賊堡圍築四壘十四日黎明北稍門出馬步賊三四千分爲兩股一伏近堡廢牆內一撲戴宏勝營壘徐占彪親率遊擊鄭光平及陳春萬宋賢聲等迎頭猛擊令陶生林桂錫楨秦玉盛參將馮桂增等分左右後三路鈔之金軍派隊會剿戴宏勝亦乘勢出戰將兩股賊圍困一處斃賊無算賊敗退城下徐占彪以槍礮轟擊忽礮聲不震正詫異間瞥見賊婦女二人倒豎陣前似以妖

術歷勝者徐占彪連放二十餘礮轟塌堡垣丈餘堡賊竄出二三百被官軍圍殺逃脫無幾餘賊仍踞堡死守城上槍礮而集官軍攻至黃昏收隊徐占彪知堡賊必已膽落是夜潛派各營環伏堡外隨令施放開花後膛大礮聞堡內人聲鼎沸知斃賊已多俄而堡內竄出賊三四百匿堡後濠溝被伏堡後官軍截殺擒斬百餘名徐占彪乘勝衝殺入堡堡內殘賊鮮得脫者天初明城中鳴鐘發鼓北稍門出馬步賊六七百與敗殘餘賊合股循濠而來適遇伏堡西官軍突起截之伏堡右官軍亦躍出夾攻其追殺堡後竄賊之官軍亦從中路橫衝賊隊斃賊多名賊大潰城中鐘鼓愈急徐占彪知賊必出大股拚命鏖戰飛調各軍分五路部署甫定北稍門果出馬步賊數千圍奪附城新堡並分股撲堡外官軍城上槍礮助之徐占彪令對賊磨聚之處連開大礮又向城頭轟擊賊紛紛倒撲時陶生林桂錫楨等分東西馳至徐占彪率隊從中路衝殺金慶元等由東湖灘橫截而出金軍馬步亦至賊應接不暇秦玉盛等又由北稍門截賊歸路賊殊死戰官軍四面盪決殲賊甚多二十一日賊復由北稍門出馬步二千餘循北河灘疾趨直撲戴宏勝營壘徐占彪飛飭各營張兩翼擊之親自率隊衝鋒而前至地勢平坦賊忽走匿廢堡廢牆內徐占彪以前途無險可憑察看賊情有異勒兵勿進潛派各營於東南一帶分起設伏少頃東稍門忽出馬步賊二千餘衝撲藍明泰等營壘頃刻間逼近長濠各伏兵覘賊已深入一齊突出金軍亦派隊會擊賊敗退回城北稍門匿賊亦退是夜三更徐占彪令出賊不意襲攻禮拜寺每營挑壯士數十令方友升馬隊亦改步隊與黃祖福等伏寺之北陳春萬等伏寺之南徐占彪率隊伏寺之西其東面距城僅百

步五更後調後腔開花殿對寺蠶放子落開花寺賊惶遽急起出寺拚關東北兩面伏兵齊起賊不知所措躍入城濠竄匿寺內餘賊欲逃無路天將明金軍馬步亦至徐占彪於寺西架立雲梯督隊直上又飭壯士趨寺東附城一面斬關搶入寺內立克禮拜寺寺中賊無漏網者派幫統提督黃虎臣以副營三哨駐之黃昏時賊復自北稍門出死黨千餘循城濠而來多攜門板敗車城上又絕下皮襖數十束似為深夜奪寺計徐占彪精選壯士百名令各持攜牌以避城上槍子當先衝擊賊將門板敗車堆燒寺外牆門官軍分兩路鈔截一面將火撲滅副營亦由寺內殺出斃賊百餘餘賊敗回臣維肅州城西禮拜寺回民稱係伊先輩祖塋初入中國時死者即多藏魄於此故敬護甚至附城之新堡與肅城相為犄角至是均為官軍攻破賊膽益寒長圍益密奉旨覽奏均悉仍

東華續錄 同治九十六 天

著督飭徐占彪等實力進攻迅圖克復陣亡參將張集昌等均著交部從優議卹○庚寅 上奉 慈安端裕康慶皇太后 慈禧端佑康頤皇太后還宮○甲午諭內閣鮑源深奏藩司應遵旨赴京陛見並呈請開缺回籍補制一摺山西布政使李慶朝前在蒲州府任內丁憂因防務緊要未能回籍自應准其補制李慶朝著賞假百日回籍補行穿孝毋庸開缺俟假滿後即行來京陛見○命五城奏賑展期兩月○丙申諭軍機大臣等金順奏會攻肅州獲勝請飭張曜前赴甘涼催山西撥解軍餉成祿奏車馬短缺未能拔隊出關各摺片金順抵肅州後會同徐占彪攻勦獲勝賊勢已蹙著左宗棠責成徐占彪乘此機會認真攻勦以期早竟全功金順仍慎遵前旨刻期出關接統成祿所部能否酌留隊伍會攻肅城著該前將軍妥籌布置務臻周密白彥虎糾黨六七千人出

竄甘州漸近撫彝地方意圖應援肅逆牽掣官軍甘撫一帶關繫種運後路金順見須出關未能兼顧徐占彪所部攻勦喫緊若抽撥隊伍前往必致兵分力單甯夏防務見尙安謐張曜平日勦賊勇往著即親率大隊由甘涼一路節節掃蕩而前殲除白彥虎等股以維全局張曜拔隊後著定安飭令金運昌酌撥數營由纏金迅赴甯夏扼要填紮聯絡聲勢毋得稍有遲延山西每月應解金順軍餉二萬兩同治十年撥款尙有五萬兩未解月餉又不應期該軍需用孔殷著鮑源深通盤籌畫將金順軍餉設法源源接濟俾資飽騰成祿此次憑陳車馬短缺糧食匱乏不能拔隊前進亦係實在情形該軍見交金順接統應需車馬糧食左宗棠務當檄令地方官設法應付俾利師行不得意存膜視將此由六百里諭知左宗棠定安金順鮑源深並傳諭張曜知之○諭榮全奏伊犁

東華續錄 同治九十六 天

兵民盼救並陳伊犁等處情形一摺俄人之在伊犁者見有一千餘眾日向索倫錫伯蒙漢人等勒索銀糧蒙漢人等窘苦盼救甚殷纏頭色得克等亦願反正歸誠榮全當隨時妥為拊循以便相機進取至榮全接濟錫伯銀兩俄官來咨不令管理榮全咨覆謂錫伯係中國所轄之人應由中國接濟俄國無庸管理義正詞嚴所辦甚是惟當將調兵集團及疏通道路運解軍火各事宜妥為布置用赴事機俄商前往瑪納斯貿易中途殺傷五十餘人是否回匪冒名搶劫著榮全確切查明據實具奏趙興體與瑪納斯回匪互殺賊勢似可稍蹙第首逆馬伏沉漏網而投誠之說又未可深信榮全仍當妥慎籌辦隨時咨商京廉激勵士卒設法進兵速將烏魯木齊及瑪納斯等處戡定庶可併力西進較之徵調內地兵勇難易遲速判若天淵該署將軍必能體會此意也另片奏病

勢增劇亟盼派員接替等語見在邊事孔棘非熟悉情形者斷難
勝任榮全當懷遵二月初四日諭旨任將此由六百里諭令知之○丁酉諭內閣此次祇謁 東陵謹
於 定陵迤東擇有吉壤地勢雄秀山川環抱復恭奉 慈安端
裕康慶皇太后 慈禧端佑康頤皇太后親臨閱視敬奉 懿旨
普祥峪菩陀峪即定為萬年吉地欽此朕仰體 慈懷自應擇吉
興工 普祥峪著派惇親王協辦大學士全慶總管內務府大臣
都統春佑工部右侍郎榮祿 菩陀峪著派醇親王左都御史英
元總管內務府大臣吏部左侍郎魁齡總管內務府大臣工部左
侍郎明善前往敬謹辦理○己亥以英元差務較繁改派尚書英
桂恭修 菩陀峪萬年吉地工程○命前塔爾巴哈台參贊大臣
富和赴烏魯木齊助勦○辛丑諭吳棠迅解貴州欠餉○予廣西
東華續錄 同治九十六 天
陣亡遊擊楊汝廷祭葬世職○壬寅諭軍機大臣等張曜奏竄匪
授及甘涼派隊援勦一摺據奏接據金順咨稱甘州撫彝一帶見
有竄匪滋擾咨令李葆珠率隊赴肅助勦該提督當即添派提督
孫金彪遊帶隊伍馳赴鎮番會同李葆珠等將軍火等項護送西
進等語肅州此時情形若何仍形喫緊即於孫金彪李葆珠兩
員中酌留一員並酌留隊伍以資助勦其餘隊伍仍令回紮鎮番
俾資護運著金順張曜會商妥籌辦理金順前奏白彥虎出竄甘
州漸近撫彝茲據該提督奏探聞該逆糾黨由大通竄至涼州西
南一帶金順見須出關張曜著仍遵本月十八日諭旨親率大隊
由甘涼一帶勤加偵探掃蕩而前務將白彥虎等股悉數勦滅迅
殄逆氛張曜援隊後定安當懷遵前旨即飭金運昌酌撥數營前
赴甯夏扼要填紮毋稍延緩其鎮番一帶防勦事宜並著張曜妥

籌布置務臻周密將此由五百里諭知定安金順並傳諭張曜知
之○甲辰諭軍機大臣等劉長佑奏越南國勢未能自強援軍難
以兼顧一摺越南近日情形益加貧弱黎裔等患近在國中濱海
地方又為法國蠶食其勢岌岌幾難自存該國不能自強動招外
侮在中國撫綏藩服自難忽然第越境用兵可暫而不可久越南
前次變亂業經調兵深入援應以示懷柔若長恃中國兵力其勢
斷難兼顧兵法以逸待勞自應先防後勦不宜舍己從人劉長佑
閱歷較深於此中機宜必能洞悉著隨時會商瑞麟統籌全局慎
固邊防越南如有緩急邊境防軍即可遙為聲援相機進止並著
檄令覃遠璉等加意設防嚴杜奸徒勾結毋稍疏懈馮子材入省
會商後如何情形即著詳細具奏將此由五百里諭令知之○丁
未諭內閣劉嶽昭岑毓英奏官軍攻克順甯府城並錫臘等處賊
東華續錄 同治九十六 天
巢及圍攻雲州獲勝一摺雲南順甯賊匪於官軍未到之先出撲
大小中山各營經提督段瑞梅率師援勦自正月二十八日至二
月初七日連日鏖戰連破賊營棚樓三十二座殺賊八百餘人提
督楊玉科分兵往攻錫臘牽制賊勢當將錫臘攻克段瑞梅等復
將橋頭山等處賊營木壘棚樓八十餘座概行平毀殺賊二千餘
人並將鳳山虎山攻克乘勝直抵城下開挖地道晝夜圍攻楊玉
科督飭段瑞梅等分攻各門一面架梯登城一面由轟陷處衝入
節節掃蕩至二十五日將順甯府城收復逆首馬得中等均已焚
斃雲州一路於正月二十六及二月初二等日屢經官軍勦擊攻
拔附城河灣村賊營五座其猛郎一帶賊巢亦經次第攻破勦辦
甚為得手即著激勵將士迅將雲州騰越兩城奮力攻復掃除餘
孽以靖邊疆○諭軍機大臣等岑毓英奏滇省軍務將次肅清俟

蕩平雲州騰越等處餘孽後擬即遣撤勇丁追繳軍器上年該省大理未克之先委員赴粵購買洋槍洋礮洋藥銅帽等物尚多未解入滇請飭沿途各省督撫截留等語即著瑞麟李瀚章吳棠郭柏蔭王文韶張兆棟劉長佑曾璧光飭令所屬查明雲南督撫及提督委員由粵採買洋槍洋礮各項無論行抵何處即行悉數截留封存該省軍裝庫以免事後清查追繳之煩將此各諭令知之○移浙江烏程縣丞於楊濱橋與大錢司巡檢分管漣港事宜○子雲南陣亡縣丞王廷瓚等祭葬世職○是月蠲免陝西鄜州等十二州縣被擾舊欠額賦

夏四月己酉朔享 太廟○子貴州傷亡知縣朱恩榜祭葬世職○庚戌諭李鴻章籌修畿輔水利○戊午諭軍機大臣等景廉奏遵旨通籌西路全局一摺錫綸行抵布倫托海察看該處地勢空曠無險可據暫赴阿爾泰山南駐紮擬調集蒙古喇嘛及未經回塔之厄魯特官兵以壯聲威惟該官兵等困苦異常亟應籌給款項即著常順多布沁扎木楚志剛托倫布保英就近籌撥銀一萬兩以便錫綸派員分往迎提毋稍延緩該都統所奏錫綸宜駐紮沙山子或另擇善地徐圖進剿著景廉錫綸隨時會商妥辦趙興體等團勇錫綸當妥為撫馭以資援應景廉以榮全前赴伊犁尙宜稍緩該署將軍所帶官兵莫若與錫綸會合以全力規取瑪納斯果能克復庶聲勢聯絡烏魯木齊可期得手彼時再議交還伊犁之事等語所籌亦是著榮全悉心酌度妥籌辦理景廉於三月內起程進紮古城居中調度該都統到古後務當妥為布置穩慎進取以挫賊鋒而維全局巴里坤為大軍後路景廉計已拔隊該處地方空虛李天和等隊伍一時不能到坤著文麟迅撥營勇填

紮巴城不得稍事推諉前經疊諭金順出關即著星馳西進飭令李天和所部三營及吉林黑龍江馬隊迅赴景廉軍營以厚兵力肅州一城為關內外樞紐亟應迅圖攻克著左宗棠檄飭徐占彪實力圍剿檢渠埽穴迅奏膚功毋任逆黨疊竄邊外致擾蒙古地方是為至要將此由五百里各諭令知之○庚申諭軍機大臣等杜嘎爾奏會商籌備防剿一摺賊匪意圖竄擾忽靡常亟應認真防範杜嘎爾以軍臺四十四站縣延數千里地勢原分四段擬於中兩段左近擇要分營扼紮所籌尙妥即著勤加防探遇賊即擊毋稍疏虞惟該營僅有馬隊二百名不敷分布著額勒和布等即由察哈爾八旗添調官兵三百名速赴杜嘎爾軍營以資防剿該營餉項支絀刻下兵數既添餉需尤亟察哈爾前請部款十五萬兩見在存無多勢難分顧著戶部迅速籌撥銀五萬兩解交

東華續錄 同治九十六 三
察哈爾存儲由杜嘎爾按月派員請領應由何省協餉歸還之處即由該部奏明辦理杜嘎爾一軍上年領過鍋帳等項支搭日久殘破不堪著工部再行覈發全分鍋帳二百副由額勒和布等就近派員赴部請領分撥應用毋稍稽遲將此諭知戶部工部並由四百里諭令額勒和布杜嘎爾景瑞奎昌知之○辛酉常寧祀天於 圓丘○諭軍機大臣等金順奏肅逆突圍援賊營力戰擊退並斟酌出關事宜密陳請旨各摺片肅州踞逆日夜突圍而各路援賊屢次撲犯營壘經金順會商徐占彪督率官軍奮力擊退尙屬得手惟援賊雖難保不再圖竄擾金順疊次諭令帶兵出關徐占彪一軍深恐兵力單薄不能遏絕外援殲除踞匪前據左宗棠奏宋慶所部三月初旬可於蘭州取齊擬令先赴涼州等語此時計早抵涼即著左宗棠傳知該提督統率全軍剋日赴肅會

東華續錄 同治九十六 三
察哈爾存儲由杜嘎爾按月派員請領應由何省協餉歸還之處即由該部奏明辦理杜嘎爾一軍上年領過鍋帳等項支搭日久殘破不堪著工部再行覈發全分鍋帳二百副由額勒和布等就近派員赴部請領分撥應用毋稍稽遲將此諭知戶部工部並由四百里諭令額勒和布杜嘎爾景瑞奎昌知之○辛酉常寧祀天於 圓丘○諭軍機大臣等金順奏肅逆突圍援賊營力戰擊退並斟酌出關事宜密陳請旨各摺片肅州踞逆日夜突圍而各路援賊屢次撲犯營壘經金順會商徐占彪督率官軍奮力擊退尙屬得手惟援賊雖難保不再圖竄擾金順疊次諭令帶兵出關徐占彪一軍深恐兵力單薄不能遏絕外援殲除踞匪前據左宗棠奏宋慶所部三月初旬可於蘭州取齊擬令先赴涼州等語此時計早抵涼即著左宗棠傳知該提督統率全軍剋日赴肅會

同徐占彪規復肅州盡殲醜類如宋慶一軍兵力尙慮不敷或未
能卽時西進卽著左宗棠遵照前旨另派得力隊伍迅赴肅州會
剿金順以剿賊成圍正在喫緊未可遽撤圍師率之西去已函致
成祿來肅會剿俟其到後一面安置成祿部眾一面傳旨拏問所
籌辦法殊形謬妄且與歷次諭旨不合朝廷賞功罰罪一秉大公
至正何必誘之使來作此權宜之計况信函往返難免不至洩漏
至謂成祿部眾調至關內可以近受箝制則首降諭旨原令金順
帶兵出關豈關內則可威撫關外卽不可威撫耶該前將軍仍當
懍遵疊次密諭酌帶所部迅速出關接統成祿各軍傳旨將該提
督革職拏問解京治罪以肅戎行不得藉口圍師遷延干咎並不
得藉口左宗棠所派之兵未到任意稽遲金順所部軍糧仍著左
宗棠飭屬妥籌毋令缺乏將此由六百里各密諭知之○乙丑諭

東華續錄

同治九十六

三

軍機大臣等定安奏籌布防勦事宜請飭各專責成暨阿拉善旗
有賊竄擾各摺片定安以甯夏及阿拉善旗一帶不可無重兵鎮
攝甘涼地方見有宋慶一軍防勦足敷分布似可移緩就急酌留
張曜所部就近扼紮以期兼顧擬自甯夏至涼州防勦事宜責成
張曜辦理其甘涼地西請責成宋慶勦辦等語前據左宗棠奏宋
慶所部擬令先赴涼州已有旨諭知左宗棠卽飭宋慶統率全軍
起日赴肅會同徐占彪攻勦以便金順出關是甘涼一帶兵力甚
單亟須張曜督隊前往迅掃逆氛當此事機緊要之時豈可朝令
夕更改涉鬆勁仍著定安知照張曜懍遵前旨迅赴甘涼將白彥
虎等股盡數掃除毋得遷延貽誤張曜啟行後甯夏需兵填紮定
安旣奏稱金運昌一軍難以輕動應如何派隊扼紮俾免疏虞之
處著該將軍妥籌具奏阿拉善旗有賊匪竄擾是否白彥虎一股

東華續錄 同治九六

見旣竄向阿畢爾米特地方著定安督飭防軍會同蒙兵認真截
擊並著知照張曜撥隊協力兜剿以免蔓延另片奏請飭豫省撥
解張曜駝隻銀兩等語前諭錢鼎銘於張曜一軍月餉外籌銀三
萬兩備購駝隻迄今未據報解見在張曜統軍西進需駝甚亟著
錢鼎銘將前次派撥銀三萬兩趕緊如數措解以應急需至每月
餵養駝隻及駝夫工食等項需費甚鉅著鮑源深飭令河東道自
本年四月起每月籌撥銀五千兩交太原駐紮嵩武軍轉運局徑
解張曜軍營以資接濟河南餉項未到以前張曜所需駝隻仍著
定安趕緊籌款墊辦以便張曜兼程前進俟河南餉到再行撥還
該將軍當以大局爲重不得稍涉推諉儻有貽誤定惟該將軍是
問將此由六百里各諭令知之○己巳左宗棠奏陳湜傳飭巴燕
戎格城鄉呈繳馬械准其自新數日之間陸續繳到又子槍約二
千桿馬約一千三四百匹巴燕戎界連循化地分八工均係撒拉
回族每工約戶口數千其五工惟木胡隆一工馬械較多各莊尙
知畏威呈繳獨距城六十里之青科莊回族雖自稱限期呈繳然
暗中牽連藏匿屢催罔應陳湜稔其爲撒拉悍回平時卽遠出擾
掠商旅素稱劇盜兇橫尤甚者不乘威創之終貽後患二十八日
整旅前進道員劉錦棠亦率隊來會青科悍回竟敢空莊出拒守
隘放槍官軍突前擒斬數名賊始翻山而逸遂進兵駐紮青科次
日陳湜傳飭各工各莊回族不准容留青科一回並聲言將青科
田屋給各良回該回聞之乃於三月初二日歸莊投誠聽候察辦
陳湜當將著名回匪馬乙麻馬米力治主麻等五十六名就莊駢
戮梟首以徇初三日派提督張仲春都司馬占鼐勒繳該處及附
近各莊馬械拆毀各莊廠樓宥其馴者安業如故青科一莊遂平

東華續錄

同治九十六

三

五七三

乃接辦卡勒岡工十三莊撫事查卡勒十三莊惟三莊馴順其十莊隱匿槍械各回目亦屢傳不到初四日楊芳桂往查該十莊鳴槍抗拒又大胡卡勒兩工交界東山內亦多藏匿馬械初五早張仲春同所部仁營營官總兵劉厚福往查劉厚福率弁勇數十人獨出一路途中被伏賊暗槍中傷殞於陣前亡弁勇數名初七早陳湜派提督劉明燈前往助剿馬占鼇亦率隊入山窮按該逆抗拒如故陳湜以該逆怙惡逞兇亟應痛剿即商派沈玉遂陳廣發鄧榮佳等帶後路隊伍分支急追其馴順三莊給以良民旗令植門首禁止官軍不得擅入專攻十莊五日已破其六莊斬悍賊三百餘名帶傷者不計其數然每破一莊賊拚死抗拒官軍中槍傷亡者共數十人馬占鼇所帶回勇亦傷亡三十餘人其餘四莊遂哀懇求撫卡勒東爲甘都工自陳不敢助逆卡勒甘都之河對岸

東華續錄

同治九十六

五

舊爲循化上四工撒拉回族所居上四工素懷反側與下四工仇隙本深至是暗煽卡勒甘都中匪回並挾制良回希圖發動軍功馬永瑞自循化下四工來稱上四工內除人家工外均議糾眾滋擾下四工則願剿賊自效陳湜連日調度進剿十五日上四工內街子蘇治河沿三工回眾已渡河者果耀隊於卡勒工地十六日復分三路圍犯官軍營壘沈玉遂等飭各營列隊山頭自率數十騎誘賊飭後路各營偃旗潛伏山溝待之賊果糾眾來撲沈玉遂左膊被槍子洞穿仍裹創誘敵賊以官軍勢單翻山湧進忽伏兵揚旗突起四面衝截賊遂大敗官軍追奔十餘里立斃悍賊百餘名並奪其叉子槍賊之帶傷者無算均滾滾四散是日下四工頭目韓老大攻街子等工巢穴亦有檢斬十七至二十一二等日劉錦棠遣西甯鎮總兵何作霖率湘軍四營及撫回崔偉馬隊二百

騎到戎助破卡勒餘莊按誅兇逆餘回哀懇免剿並將馬械繳盡街子等工頭目亦乞先繳又槍刀矛各一千五百件容俟縛獻醜類盡繳馬械陳湜見駐甘都工河岸俟諸事妥畢再過河赴循化次第辦理臣維該逆回族均撒拉一種生性獷野兒時即操習叉子槍技最精練平時較獵能於百步之外取飛鳥百不失一所居依山瀕河地勢險惡乾隆中檄調隨征金川番族及石峯堡逆回官兵恃爲軍鋒猛鷲可想嗣仍屢次擾邊官軍疊次進剿皆未能痛加創艾率於巴燕戎循化邊界耀兵而還該回族自恃地險眾悍時與漢番構衅弄兵益無畏忌官軍至則詭詞求撫旋復殺掠如故爲隴省邊患者近百年矣茲乘河湟底定後深入其阻大加搜獲冀可潛銷隱匿一靖邊陲陳湜辦理此事於回莊中稍明順逆者曲加撫慰並嚴禁弁丁毋令稍有擾累其桀驁者則必痛加

東華續錄

同治九十六

五

勦辦俾識兵威總期恪遵諭旨分別勦撫以規永久臣宗棠亟飭陳湜沈玉遂等苦心分明毋枉毋縱以持情法之平此時多費一分心力將來即免一分衅端不敢草率從事致煩 聖厪又奏陝回白彥虎由西甯狂竄官軍截擊疊獲勝仗業於二月二十九日附摺陳明查二月初七日降補參將楊世俊偵知該逆零騎擾及扁都口關門等處初八早飛派馬步隊於口外扼截賊果蓬擁而來楊世俊直前迎戰賊恃眾而驕爭先馳突鏖戰四時之久斃執旗悍賊數名賊敗走官軍由南山鄉追至費家寨賊復返撲官軍鼓銳奮擊陣斬二百餘名槍礮轟斃者狼藉於地生擒賊目領員藍添紅一名悍賊四名賊由山岔紛紛亂竄是夜擾及洪水西北訊據擒賊供稱此股係白彥虎馬長順余老虎並西甯蘇家堡二司付等因畏罪不敢就撫暗糾西甯西北兩川及大通永安敗匪

合股北竄初九日探報賊竄山丹屬之下四旗楊世俊即率馬步四營並洪水紳士軍功王應庚等率練勇百名分爲三路迅往掩襲黎明行抵該處賊瞥見即遁楊世俊等及其尾隊頗有擒斬而賊竄甚速無心戀戰日暮已竄至東樂地方楊世俊料其必由甘州北竄初十日黎明取道石岡墩一帶直下甘州以圖攔擊調賊已於是日竄甘城十餘里之梁家堡署甘肅提督楊占鼇統帶信字營提督張慶雲及信字營營官副將王節文各率隊馳往正值該逆分股渡河隊伍散亂張慶雲率馬隊迎頭奮擊楊占鼇率步隊隨後策應賊倉卒不知所措驚惶四散官軍乘勢掩殺斃賊十餘名生擒一名餘賊仍敗過河北而去初更時楊世俊馳至探報賊踞距甘城三十里之紅沙窩一帶十一日五鼓官軍分三路前進張慶雲爲右路楊世俊爲左路楊占鼇及署甘涼道蕭宗幹率東華續錄 同治九十六 美

親兵爲策應行十餘里馬步賊五六百奔突而至官軍槍礮環施斃賊十餘名賊遽敗走楊世俊以前面必有巨股接應非進與決戰不能痛挫其鋒因與各軍整隊逐之白逆果憤前賊之敗親率死黨前來拚闕勢甚兇猛官軍聯爲方陣四面接戰乘銳衝突自辰至申官軍屹立不動俟賊勢稍懈乃四面包抄而前槍轟矛刺賊敗而走共計斃賊百數十名生擒悍賊四名十四日賊數十騎馳突城外去而復返楊世俊等知其有詐派隊按其伏逆旋即敗去十三夜賊已西竄楊世俊張慶雲及甘提中營參將陶世貴疾追之次日及之於撫彝廳屬之鴨子渠板橋賊正圍攻民堡官軍乘其不備急擊之斃賊數十名生擒十餘名賊眾三千餘回頭死拒官軍張左右翼擊之仍不少退楊世俊等揮軍陷陣斃悍賊十餘名賊始潰走官軍追殺數里共計斃賊百餘名生擒十一名十

五日賊由撫彝竄往高臺焚燒搶掠偏近城垣經城上槍礮轟擊敗去是夜踞距城二里許之下河沿又河南竄來一股與之會合踞鎮夷西山寺維時提督徐占彪慮後路運道梗塞亦派提督陶生林副將桂錫楨參將馮桂增等馳至賊見前途有備折而西趨楊世俊詢賊中逃出難民知河南一股係肅城遣迎白逆入城者肅城之賊知徐軍分隊遠出營壘必虛是夜賊出隊四五百圍攻官軍營壘徐占彪先已分路設伏賊至伏兵齊起被圍之壘亦開壁迎敵前後夾攻斃賊十餘名賊退墩下廢牆內墩上火彈齊拋復燒斃賊數十名賊敗入城十八日白逆竄擾毛目雙樹屯一帶民莊連陷十餘堡是日肅城南稍門亦出步賊千餘伏城壕內徐占彪令各軍嚴防衝突靜以待之頃刻賊由壕內躍出徐占彪督隊迎擊槍礮火彈並發斃賊目二名悍賊數十名賊敗退各官軍東華續錄 同治九十六 毛

復三面鈔來賊亦分股死鬪逾三時之久官軍衝入賊陣賊大亂敗入壕溝官軍乘勝衝殺斃悍賊數十名南稍門復出步賊來援徐占彪飭守備陳文英以後膛開花礮向賊叢轟放四十餘礮斃賊甚多時金順亦親率隊會勦兩股賊均縮退入城據擒賊供稱上年偽元帥馬得鎮赴西甯求援前夜偷越入城與馬四商議白逆等擬先將眷屬安置毛目北山內親率大隊赴肅應城逆之援毛目爲高臺縣丞分駐之所逆意圖陷此城以便安置逆卷十九二十等日白逆攻毛目城甚急架梯掘牆濬擁上撲經縣丞李彭把總楊春督率紳民固守滾石槍礮下擊斃賊約百餘名並斃逆日一名賊仍未退二十三日陶生林等與金順所派馬隊及成祿雷防高臺馬隊自肅馳至出賊不意斃悍賊百餘名立解城圍追賊至二十里外又擊斃馬賊百餘名生擒逆目二名小頭目二十

餘名奪獲馬械無算二十四五兩日復敗賊於白柳灣萬年渠官軍乘其渡河西竄復殲斃多名二十六日賊竄金塔北屬牛頭灣楊世俊先已取道斜出該處為擱頭截擊之計是日伏隊於三塘壩各要隘二十七日辰刻賊騎千餘攻莊擄掠官軍伏起猛擊賊遽狂奔官軍追擊十餘里斬獲頗多二十八日賊大股屬至楊世俊飭提督高登玉高月桂總兵馬有才鄒金本等三路分剿槍斃轟斃多賊復直前奮擊短兵相接立斬悍賊十餘名生擒七名時陶生林金順各軍先後會合三面攻剿復斃賊百餘名擄擒賊供稱白逆右膀已被礮子中傷矣賊連日竄踞肅城四十里之野麻灣徐占彪方慮兵力難於分布適陶生林楊世俊等均已繞出賊前迎敵三月初六日白逆全股攜帶眷屬竄踞肅城三十里之塔爾灣廢堡即肅逆馬四舊巢前經徐占彪攻破者也初七日辰刻

東華續錄 同治九十六

五

城賊開前堵築之大南門出賊二千餘直撲官軍長壕徐占彪率隊衝擊商調各軍及肅州鎮章洪勝安肅道史念祖派來護勇憑壕抵禦施放洋礮並放後膛礮四十餘響斃賊甚多賊惶亂不能成列正攻擊開白逆馬步三四千分五股由塔爾灣鈔來一撲參將方友升營壘一撲參將武朝聘營壘餘三股分撲各營長壕徐占彪調陶生林總兵齊懷松參將秦玉盛從九徐鹿鳴等由西鈔擊楊世俊提督金慶元總兵戴洪勝黃祖福等由東北鈔擊徐占彪親自率隊由中路衝擊賊殊死戰金順亦督隊前來會剿鏖戰三時賊全股敗潰徐占彪揮軍趕殺十餘里奪獲白逆方紅旗二桿前鋒花旗五桿小旗十九桿生擒二十八名斃賊四百餘名肅城之賊見白逆大敗始鼠竄入城初八日賊千餘由南門出撲長壕官軍憑壕連施槍礮徐占彪率隊從水卡衝出金順督所部馳

赴南門策應又調後膛礮連放二十餘礮賊紛紛倒仆仍敗潰入城賊前隊各帶草束後隊各帶鋤斂意在填壕以迎援賊不虞疊次被創志不得逞也訊據擒賊供稱白逆將於初九日五更來撲長壕徐占彪與諸將商議俟援賊來而戰莫如先擊其虛是夜三更分派各營嚴守長壕防賊出竄一面率馬步分三路別由小路銜枚疾進直搗援賊巢穴行距塔爾灣三四里探報該逆二千已由大路赴援肅城矣徐占彪飭各路取齊速進天明抵塔爾灣賊始驚覺狂呼亂竄老幼婦女伏地號呼人聲鼎沸徐占彪令母殺賊眷見強壯者則砍之立破其堡賊向南山狂竄官軍躡追十餘里共斃賊四五百名生擒二百餘名訊據生賊供稱已絕糧三日惟擇生畜疲頓者宰以充飢故行不能速是時援賊已抵城南南門內亦出賊千餘夾攻長壕各營分途迎敵連環施放槍礮

東華續錄 同治九十六

五

援賊屢卻屢前正相持間忽賊中隊伍自亂悉撥馬返奔蓋聞官軍已破塔爾灣急顧巢穴也城賊見援賊擊轉亦縮退城壕適徐占彪等追賊收隊行過塔爾灣十餘里見援賊奔回前署肅州鎮總兵王子龍提督李登第都司劉芳海千總李道修等遽策馬衝入賊隊各手刃數賊中槍殞命徐占彪飭各營整隊繼進陣斬賊二百餘名適金順飭所部馬步馳回會剿賊即紛紛潰竄官軍回營見城賊未退復乘勝越壕痛剿賊始敗退初十日白逆分股由南山竄文殊山官軍追之生擒二十餘名收回婦女百餘名十一日徐占彪楊世俊商定金軍於十二日仍剿援賊黎明三路鈔去距賊二里許賊出步隊五六百列堡外拒戰官軍先接其伏伏賊先敗官軍勇氣百倍所向披靡飢疲之眾有竄南山者有竄關外大單灘黑山峽等處者官軍追剿出關之賊二十餘里斃賊一百

餘名生擒十餘名收隊回營留桂錫楨馮桂增兩營馬隊駐關防堵是夜三更援賊二司付馬步六七百復來衝撲長壕官軍扼壕堵之賊下馬越壕官軍前後夾擊奪獲賊馬三十餘匹擒斬三百餘名賊由東湖灘橫逸衝至金順所部各營壕邊復經金順殲斃百餘名此股漏網者無幾矣十六日三更城賊千餘頭裹白巾出撲東湖官軍長壕並攻營卡徐占彪由北而南楊世俊由南而北截之時賊已有數百名突過長壕遇官軍包鈔夾擊陣斬白旗悍賊數十名槍斃轟斃尤多擒賊十餘名餘賊仍滾溝縮入城中據擒賊供稱城賊自援逆疊敗後益惶懼不知所為前由關外來援之賊已亡傷過半彼此怨恨急思棄城逃竄恨不能潰出重圍維白彥虎等逆由西甯偷竄據劉錦棠稟報不過二三千人途次凍餓僵斃不少續據署大通縣稟報賊數約及四千蓋西甯回目東華續錄 同治九十六 早

馬壯大通回目馬正清等竄併入夥並沿途裹脅漢回民人頗多也迨經節節截剿賊勢日衰其得至肅州應城賊之援者據前敵各軍稟報初不過三四千續報二三千雖均約略之詞然賊屢屢敗逐漸減少是其明證見據徐占彪報援賊之散竄南山者數百當即大通西甯之賊楊世俊報狂竄出關得至大罕灘黑山峽者人數不多又探報賊首白彥虎於毛目之戰右臂已被槍傷故疊次援賊來犯未見該逆領隊其偽副帥馬占魁及大通賊目二司付均已陣斬此外陣斬各賊目非擒賊供指不能確悉其轟斃帶傷之賊目則擒賊亦未能確指也援賊已絕糧三日以馬騾充食出關以後則水草柴薪俱乏雖宰牲亦難生啖人馬餓斃亦多冀或免貽關外巨害見檄徐占彪將所收白逆裹脅之漢民數百名酌給賑糧分別安插其丁壯願隨營者准暫補各營卒伍缺額

其散竄南山各岔口者飭甘州各防營搜緝並咨商宋慶飭分駐甘州各營就近捕斬以絕根株其前敵各軍長圍密合士氣甚奮飭解餉銀軍火並攻堅火器均絡繹載途如賊肯出城就戮則賊事可速縱使固匿不出亦當盡力攻剿速拔孤城不致久稽時日 上諭軍機大臣等巴燕戎城克復後陳湜飭令該處回族呈繳馬械並將青科莊悍回懲創以次戡定卡勒等莊見駐甘都工河岸俟循化上四工回族縛獻醜類盡繳馬械諸事辦妥再赴循化次第辦理即著左宗棠等督飭陳湜認真籌畫懾以兵威撫其馴順以期一勞永逸綏靖邊陲白彥虎等逆由西甯出竄圖援肅州經楊世俊等軍探蹤截擊疊挫賊鋒該逆復與肅城踞賊夾撲圍城營壘經徐占彪等督軍擊退並襲破塔爾灣賊巢賊膽益寒紛紛潰竄見在白彥虎已被槍傷亟應乘此機勢迅速殲除其散東華續錄 同治九十六 早

竄南山各岔口者左宗棠已飭甘州各防營搜緝並咨商宋慶飭令分駐各營就近捕斬想可淨絕根株至竄向大罕灘黑山峽之賊人數雖不甚多亦應一律追捕仍著該督飭派官軍探蹤剿擊悉數殲除毋畱餘孽肅賊無援必形窮蹙左宗棠當飭令徐占彪等盡力攻剿速拔孤城不得久稽時日將此由六百里各諭令知之○允左宗棠奏調前布倫托海辦事大臣李雲麟赴營差委○子甘肅陣亡總兵官劉厚福祭葬世職○辛未以瑞聯為熱河都統調志和為盛京戶部侍郎榮祿為戶部左侍郎以訥仁為工部右侍郎由內閣學士遷○癸酉諭軍機大臣等左都御史胡家玉奏江西省額外加徵地丁銀兩請飭裁革一摺據稱江西省錢糧定例徵銀一兩隨徵耗銀一錢今每兩加徵銀四錢顯違定制請飭永遠裁革不得再立捐款公費名目等語各省地丁錢糧均有定額若

如該左都御史所奏是該省州縣於正額之外違例加徵民間受害何可勝言亟應速為禁止著劉坤一嚴飭所屬州縣等恪遵定例不准絲毫浮收如查有私立捐款公費名目額外加徵者即著嚴行參辦另片奏該省漕米一石折收銀一兩九錢除解部款外提充捐款公費及州縣辦公之用為數已多復又分為三限每限每石各加銀三錢全給州縣辦公深恐虛報收數徒飽私囊弊端不少請旨裁禁等語著劉坤一一併查明將應行裁革者速行禁止並著嚴飭各州縣認真辦理毋得稍有徇庇原摺片著鈔給閱看將此諭令知之○丙子 上詣 大高殿祈雨○諭內閣御史文明奏宦寺馳行越禮請旨嚴禁一摺據稱本月十三日祭祀禮成還宮之先突有眾太監騎馬爭馳自正陽門起擅走各門中洞並廡役亦俱騎馬由中路跟隨衝越儀仗直至午門外始行下馬

東華續錄 同治九十六 聖

各門官兵並不向前攔阻請旨嚴禁等語乘輿出入凡扈從各官皆宜凜遵步行若如該御史所奏該太監等越禮馳行實屬不成事體亟應嚴行禁止著總管內務府大臣令總管太監嚴加約束嗣後該太監等當差出入皆當恪遵功令不准恣意妄行並嚴飭各門章京督率官兵等每遇乘輿出入各路如再有太監及廡役人等擅走御道不聽攔阻者立即稟明該管大臣奏請從嚴懲辦毋稍寬縱另片奏請將慎刑司所立鐵碑恭錄懸挂各處等語著管內務府大臣即將慎刑司門左鐵碑恭錄數通恭懸執事太監各處俾知有犯必懲以肅紀綱而昭炯戒

東華續錄

同治九十七

臣 王先謙敬編

臣 張式恭恭校

五月己卯以王大經為湖北按察使由江蘇江安鹽道遷○壬午雨 上詣 大高殿報謝○甲申景廉等奏籌臺站事宜詔如所議行○乙酉德英奏整頓東三省捕務 上嘉之○戊子諭軍機大臣等成祿奏陝回大股突竄出關情形危急一摺據稱東來大股賊匪約有萬餘悉竄出關自惠回堡至赤金連營數十里擾及白楊河屯莊後面並無追兵訊據獲賊供稱白彥虎等逆因肅逆馬四乞援率黨由扁都口西出至肅州塔爾灣一帶紮營馬四不放入城白彥虎遂傳知賊眾出口全到赤金意欲赴紅廟子等語前據左宗棠奏官軍襲破塔爾灣賊巢賊眾潰竄白彥虎已被槍傷其竄向

東華續錄 同治九十七

大軍灘黑山峽之賊人數不多似賊股漸已窮蹙此次成祿所奏則稱賊係全數出關勢甚猖獗情形不甚相符成祿所部本單豈能遏賊狂竄左宗棠當嚴檄追剿之師跟蹤進擊迅速掃逆氣不得以驅賊出關遂為了事金順著懷遵疊次諭旨帶兵剋期西行接統成祿所部將此股竄匪悉數殲除毋得稍事遷延致成滋蔓將此由五百里各諭令知之○庚寅諭軍機大臣等劉嶽昭岑毓英奏官軍攻克雲州城池勒辦川滇邊界匪徒情形各一摺記名提督楊玉科等於克復順甯後進攻雲州力戰月餘先後斃賊甚多旋於四月初二日攻破城池逆酋悍賊悉數殲除辦甚為出力見在雲州既克軍威愈振騰越等處之賊自必聞風膽落著劉嶽昭岑毓英督飭李維述等迅速攻勦力圖掃蕩一面飭楊玉科統軍繼進合力圍攻以期早日肅事其小猛統等處賊黨並著嚴飭

官軍一律勦除母任久踞川滇邊界游練句結土匪郭心齋在仁富鄉等處聚眾滋事經昭通兵團會同川省防軍進剿當將首匪擒獲並斃餘黨數百名地方業已肅清辦理尙爲迅速惟川滇連界地方崇山密箐路徑紛歧賊黨此擊彼竄難保無漏網餘匪復行嘯聚著吳棠劉嶽昭岑毓英飭令該地方文武舉辦團練編查保甲隨時認真緝捕消患未萌不可稍涉大意此次在事出力文武員弁兵團著准其附入興義府城案內擇尤保奏母許冒濫將此由五百里各諭令知之○以崇綺爲內閣學士候補內閣學士○予雲南陣亡遊擊伍起雲祭葬世職○壬辰撥荆州駐防官兵五百五十名移補乍浦滿營缺額○乙未諭直隸籌撥 普祥峪 菩陀峪工程銀兩○丁酉諭內閣總理各國事務衙門奏駐京各國使臣願請覲見呈遞國書一摺見在齋有國書之駐京各國使臣著

東華續錄

同治九十七

二

赴玉門一帶接辦該軍事務惟成祿所部必須金順迅往接統大加整頓方能得力且賊匪近又紛竄出關尤當隨時督隊截剿免致蔓延肅州軍務已諭左宗棠責成徐占彪勦辦金順著懷遵疊次諭旨刻期出關接統成祿所部掃蕩妖氛不得遲誤機宜致負委任至關外米糧缺乏兵食維艱金順所部軍糧著左宗棠妥籌兼顧檄令地方官設法採買轉運源源接濟以資飽騰毋稍膜視將此由五百里各諭令知之○甲辰夏至祭 地於 方澤六月戊申朔諭戶部籌撥烏里雅蘇台軍餉並飭催山東等省迅解欠餉○壬子 上幸瀛臺○諭軍機大臣等金順奏酌抽馬步各營親統出關請飭左宗棠籌濟軍食文麟奏肅州回匪西竄出關派兵防守哈密隘口各一摺見在肅州回匪陸續竄出關外玉門安西俱有大股攻撲屯莊哈密亦復喫重金順自應懷遵前旨

東華續錄

同治九十七

三

臣費果蓀於紫光閣前瞻觀並呈遞國書○癸丑復設山東兗州府泉州通判○庚申諭軍機大臣等榮全奏詳陳近日邊情亟圖補救一摺土爾扈特遊牧屢被哈薩克竊去馬匹該蒙古未經報官因認有原馬即將哈薩克馬羣起來作質雖有不合而俄官聽信哈薩克一面之詞不問曲直大肆搶擄將貝子固山達等拘執赴伊實屬非理榮全見已行文俄國查詢此事即著催令該國迅速咨覆詳悉具奏此事榮全務當妥為辦理毋任哈薩克倚勢妄行以安蒙古各處民團榮全仍當設法鈐束隨時招集安撫俾為我用以輔兵力該署將軍見擬派員赴庫爾喀喇烏蘇一帶擇地安營訓練保衛地方即著實力舉行不得有名無實金順著懷遵疊次諭旨迅速出關與景廉之軍聯絡聲勢相機進取以靖邊疆將此由五百里各諭令知之○辛酉諭軍機大臣等金順奏肅州

東華續錄

同治九十七

四

踞逆屢撲城圍經官軍擊勝一摺此次肅城回匪屢思攻撲城圍經金順督率兵弁會同徐占彪蔣東才各軍疊次擊剿獲勝見在添築卡壘縮圍緊逼該逆屢敗之餘飛走路窮自不難一鼓攻拔即著左宗棠飭令徐占彪等軍迅克肅城毋再遲緩提督宋慶是否已抵肅州並著該大臣遵照前旨令其兼程前進以資統率見在關外情形極為喫重肅城有徐占彪各軍足以攻拔堅城該前將軍務當懷遵疊次諭旨剋期出關毋得以肅城未克為詞遷延不進所調察哈爾馬一千匹本日已諭知額勒和布等迅速撥調計到營尙需時日該前將軍更不可藉口馬匹未到稍有稽延致誤戎機肅城攻克後金順雖已出關其所統文武員弁曾有微勞准其擇尤酌保優予獎敘將此由六百里各諭令知之○飭江西等省迅解閩省協餉○于肅州陣亡參將陳占彪等祭葬世職○

乙丑諭軍機大臣等景廉奏帶隊馳赴古城查看前敵情形並請飭臺站籌備駝馬運解礮位軍火各摺片景廉已於四月間馳抵古城即赴濟木薩地方察看營壘該處地當扼要且南山一帶與烏魯木齊吐魯番路可通烏屬回逆與安集延時合時離情形叵測景廉惟當督飭各營官軍認真訓練勤加偵探毋稍疏虞該都統擬於木壘河一帶分紮兩營聯絡聲勢以防賊匪繞越我軍後路阻絕糧運即著景廉就見有兵力酌度情形妥為布置以期穩慎進取景廉兵力尙單所有綏遠城前撥之大同官兵迄今尙未拔隊該軍應需行餉業由景廉咨催陝西河南迅將銀五萬五千兩埽數解綏並飛咨山東於欠解新疆及景廉專協各款內迅速籌撥銀四萬兩運解綏城以為該軍起程之費即著定安安為布置飭令此項官兵剋日啟行速赴景廉軍營以資防剿成祿所

東華續錄

同治九十七

五

部吉林黑龍江馬隊並李天和三營迄無西進消息成祿所帶各隊已歸金順接統前經疊次諭令該前將軍迅速出關與景廉軍聯絡聲勢該事機緊要著金順懷遵疊次諭旨剋期出關不准稍涉遲延○滋貽誤其吉林黑龍江馬隊並李天和三營即著金順飭令迅速馳赴景廉軍營助剿毋稍延緩金順出關後兵力目厚能否再行添撥步隊數營前往景廉軍營以壯聲威之處著該前將軍妥籌辦理黎獻由湖北購辦礮位軍火等項業經分起啓程由河南山西歸化城取道蒙古前進著定安於此項軍火經過綏遠城時迅即撥給一半官駝俾資運解其一半即著派委妥幹之員會同黎獻就近設法雇覓商駝一併送至濟斯洪果爾臺運解到營以期迅速並著額勒和布奎昌轉飭蒙古各軍臺一體支給駝馬應用俾免阻滯將此由六百里各諭令知之○山東巡

撫丁寶楨奏按察使長庚請於陛見後回旗補制得旨長庚著俟
來京陛見後賞假百日在旗補制○丙寅命英奎來京以裕寬爲
陝西按察使由福建鹽○丁卯左宗棠奏三月二十六日勦撫卡
勒工事故陳湜移軍甘都工查訪該工回民當河南三工逆回渡
河抗拒官軍時多係裹脅而來甘心從亂者不過數人此次聞風
逃匿當飭代理巴燕戎廳喬金鏞等拏獲亂匪拜牌壹五八迭巴
子等八犯戮之甘都地與循化僅一河之隔循化入工撒拉大小
頭目先後款營請命其下四工爲猛打工章哈工柰慢工清水工
上四工爲街子工又家工大寺工蘇治工外有沿河四莊蓋附麗
於街子工者陳湜以上四工上年曾堵禦馬桂源本年復攻街子
逆回巢穴尙知順逆卽上四工內之又家工亦實未渡河抗拒因
飭令收齊槍械俟官至循城時呈繳其街子大寺蘇治三工則勒
限先繳又子槍一千五百桿到營並備辦船筏接渡官軍開城以
待方准收撫數日間均各如命辦理無敢刻延四月初四五六等
日陳湜酌留數營駐甘都後路親率各軍耀隊河干成列以濟先
派五品軍功回目馬占鼉馬永瑞率左右兩旗登岸而壘各軍分
紮循城內外方渡河時自河岸至近城居民扶老攜幼焚香跪迎
相屬於道城中民房無幾官廨荒廢殆盡而城堞尤多坍塌當派
各營先修城垣兩日畢事回目鄉約及老民紛紛扶杖求見伏地
涕泣號呼乞恩陳湜剴切開導曉以大義令急縛獻逆目呈繳馬
械運送軍糧毀平各莊礮臺礮樓賠修衙署廟宇數者有一違誤
卽予勦辦諸回聞命感激不兩旬上四工縛送最稱梟悍之積年
匪首並此次倡亂渡河之馬玉連沈五十七韓麻亥馬綻八十九
馬亥必保查山白住麻等二十餘名下四工亦解到數賊駢戮以

東華續錄

同治九十七

六

徇總計回民約三千戶先後繳槍四千餘桿大礮劈山礮十六尊
凡彼中所稱金花銀裝飾珊瑚松綠極精利各槍概經追繳並出
具不存一馬一槍甘結惟番民以逐獵爲業熟番槍械令交千戶
長百戶長收管其生番逐居水草毡帳時移應准稍爲存留以防
猛獸而護牛羊該處專恃地險槍利不習馬戰故馬不多畜然亦
已總過二三百匹連日運送軍糧男婦負載絡繹不絕各軍駐循
十四營旗不惟足資飽騰且有存糧備勘各莊礮臺礮樓平毀已
盡其沈家韓巴兩堡牆堅厚而礮臺尤多詢係明代所築亦均拆
毀廳城衙署廟宇各回聯名具呈懇准繳賠修銀萬二千九百兩
陳湜當飭代理循化廳同知汪聲元經收辦理凡所指示各回無
不奔走爭先惟懼少延晷刻諸事既定陳湜商西甯鎮總兵何作
霖所帶老湘軍五營及回目崔偉馬隊仍回西甯令循城文武各
員到任視事並規畫巴燕戎格循化地勢全局分營擇要扼紮俾
與西甯碾伯河州聲息相通互爲聯絡庶新定之地足資鎮壓陳
湜率親軍回蘭州等竊維循化憑山阻河溝岔紛歧地勢險
與巴燕戎格無異而八工撒回向所稱大撒拉者習俗獷鶩槍械
精利則較五工撒拉爲尤甚陳湜初渡河時決計大張撻伐痛挫
其鋒乃自卡勒工一戰賊負創而歸又見官軍能戰不擾威信彰
明各處就撫番回均釋其疑懼之心遂各俯首帖耳惕息效順此
固始願所不及也臣等見飭地方有司招徠賑撫清釐地畝嚴行
保甲興建義學及舉辦一切善後事宜妥籌次第經理冀得長治
久安永紓邊患見署河州知州潘效蘇稟收輯難民四萬名口見
署狄道州知州謝光容稟收輯難民萬餘名口漢回相庇以安猜
忿頓釋而巴燕戎循化河州各境漢回番撒大小渠目百餘赴蘭

東華續錄

同治九十七

七

州叩謁臣宗棠親加撫諭飭其安分守法宣布朝廷勦撫兼施之意察其情詞尙能領悟均以復同平民爲至幸也又奏三月十八日提督黃虎臣擒獲肅城逃賊供稱城賊以禮拜寺係由塔爾灣出嘉峪關大路既爲官軍奪據竄路愈窮遂挑悍黨多名冀奪回禮拜寺以便狂竄出關十九日南門果出悍賊八九百頭裹白巾裝束殊異循城壕呼躍而來南稍門復出賊二千餘繼之圍禮拜寺勢甚兇猛提督徐占彪率隊憑壕迎擊槍礮環施黃虎臣據寺牆以洋礮劈山礮轟擊斃悍賊十餘名賊退伏壕內連放叉子槍城上槍礮如雨相持兩晝夜二十二日二更徐占彪商派各營潛師夜起令提督陳春萬參將楊世俊遊擊徐春先等由西南鈔擊提督金慶元總兵戴宏勝參將方友升等由城壕下擊徐占彪親自率隊由寺側衝擊金順亦督軍會勦均袒左臂分路齊進將近

東華續錄

同治九十七

八

賊前賊始驚覺昏黑中不辨官軍多少先放槍礮擁來撲官軍從槍礮中衝殺斃賊頗多賊縮退城濠四鼓後復來衝撲官軍步步緊進鏖戰良久賊死傷狼藉天明安肅道標勇丁肅州鎮標勇丁馳來策應賊敗退踞城根廢牆內然不入城據牆爲營外掘深濠又於濠內築牆憑牆施放槍礮並於濠邊長牆內潛開地道徐占彪飭於禮拜寺四面開浚深濠截之並於寺西長壕內添築礮臺移後膛礮向賊壘轟擊賊驚懼無措連日晝伏夜動以避礮子復相持四晝夜官軍更番戰守賊猶苦抗二十六日擒賊供稱開地道四處已被官軍掘濠截斷二十二夜之戰黑痣萬長及千長二名均被轟斃賊死傷以數百計並稱賊中最畏後膛礮螺絲礮將誓死來奪是日賊於西南添築礮臺施放叉子槍斷禮拜寺出入之路徐占彪飭開後膛礮轟擊礮臺立即掀倒臺上之賊盡斃

徐占彪防賊乘夜來犯豫爲部署三更後賊果猛衝官軍長壕官軍併力抵禦洋槍斃賊數十名賊仍不退天明徐占彪又移後膛礮向賊叢連放四十餘出賊紛紛倒地金順亦派隊馳來賊始敗入濠溝復相持兩晝夜徐占彪料賊必夜出令陳春萬總兵黃祖福陳登雲宋賢聲藍明泰挑壯士八百名楊世俊兩營金慶元戴宏勝方友升等三營於二十八夜三更後分三路襲擊直抵西南角城根官軍更番進攻勇氣百倍賊拚戰日久困憊已甚無復鬪志紛向北城逃竄官軍趁勢趕殺金軍亦由東北迎勦前後夾擊斃賊無算賊仍逃入濠溝始由城濠縮退入城自此以後連日閉城不出各軍加濬城濠一以防賊乘機偷越一以防賊暗掘地道四月十六日城中逃出漢民供稱賊見官軍鎖圍既合知無生路擬突圍狂竄又爲眷口所累將殺眷而逃徐占彪以同性殘忍事

東華續錄

同治九十七

九

或有之飭各營晝夜防守加修濠牆並於金慶元戴宏勝營外重開長濠緊偪河灘誘其出戰十八日辰刻北稍門出賊二三千直撲金慶元戴宏勝營壘圍阻官軍工作徐占彪會同金軍及楊世俊馬步分路由西北越長濠繞出賊後疾馳鈔擊賊又子槍裝放較緩不及官軍洋礮便捷往來盪決數十次斃賊百餘名午後賊始敗退背城施放槍礮城上礮聲連震官軍直前突之相持至夜賊始入城是夜官軍並未收隊十九日黎明賊復出四五百名來犯官軍一面工作一面拒戰適金順亦派隊會勦賊敗退而官軍濠牆成二十日賊放出漢民老幼婦女四百餘名口皆飢餓垂斃據稱城中糧乏以老幼婦女徒坐耗食驅之令出並稱十八十九兩日之戰賊死者不計其數見紛議殺眷出竄與前逃出漢民所供大略相同二十四日金順移營近紫湖潭賊瞭見卽出賊二三

千來爭該處地多坑坎高低不平賊伏低處放又子槍金軍衝突
數次賊殊死戰時徐占彪派金慶元戴宏勝黃祖福宋賢聲等由
西北橫截而來並移後膛礮轟之子落開花當者立斃賊隊大亂
徐占彪又飛調楊世俊方友升陳春萬徐春先及總兵李洪超等
前來金順亦添派隊伍分四路環攻慶戰四時之久先後共斃賊
四五百名賊向北稍門狂竄因歸路已斷倉卒由南稍門入城二
十八日金順又移兩營進紮徐占彪等率各營列隊相護賊果來
犯官軍三路並進擒斬多名據擒賊馬百衣保供二十四日之戰
賊萬長馬得幅中礮陣斃計自三月十八日至四月二十八日共
斃賊千餘名傷者無數旋據宋慶續稱派所部提督蔣東才率前
軍馬步六營於五月初十日抵肅信東城築壘十六日接仗斃賊
多名十八日復偪小北門修築一卡賊不復出宋慶續派總兵李
東華續錄 同治九十七

東華續錄 同治九十七

礮子悉數解肅交臣派去之總兵銜副將鄧增管放計土城雖堅
厚異常然連注施放層層擊卸計或得手通計前後起解礮子一
千五百餘顆見存營尙九百餘顆計可足用至賊糧漸少踞賊屢
思竄出關外而各營鎖圍密合愈偏愈緊城中號呼喧嚷營中亦
時間聲息見據各營稟報及金順徐占彪緘牘均言克復之期必
當不遠臣未敢頻加迫促但飭徐占彪加緊轟攻毋須肉薄登城
致傷精銳一面廣儲糧糗冀竟全功一面豫行申儆嚴禁各營爭
攫財物致墮奸謀違令爭功致滋疏漏冀堅城速下早慰 宸懷
又奏竊臣欽奉諭旨金順酌酌出關事宜著左宗棠另派隊伍迅
赴肅州會勦金順所部軍糧仍著左宗棠飭屬妥籌接濟臣於四
月二十二日奉到後即傳知宋慶先飭所部分駐甘州之提督蔣
東才一軍步隊五營馬隊一起馳赴肅州隨同徐占彪進勦宋慶
東華續錄 同治九十七

五八三

以地多戈壁水草缺之非騾馬所宜亦非民車木輪所便轉運一次損耗必多非若駝隻之可以負重耐久而又不擇水草也惟駝一項實行商所需農家素少餵養金順原帶駝據稱僅祇賸二百餘隻又疲乏不堪此外各軍雖有奪獲然各私為己有搬運柴薪糧料亦難責其借供出關之期金順疏稱出關數營計每月需糧一千石料三百石以甘肅州斗斛合計斤重糧一千石重三十餘萬斤料三百石重九萬餘斤以一月運糧料赴玉門之數計之每駝一隻每月僅能兩次往返負運止五百斤非共用駝八百隻不敷周轉而負運軍裝軍火不與焉若全軍出關則糧數增至數倍即駝隻亦增數倍而由涼運甘由甘運肅計程九百餘里需用車馱騾馬不與焉無論關內外商賈絕迹駝無可雇即內地民間應差之騾驢車輛供由涼運甘由甘運肅亦實不敷周轉此

東華續錄

同治九十七

三

猶僅就金順全軍及兼統成祿各營而言亦僅就玉門一處而言也若將來出關之軍尚議增竄駐軍之地不僅玉門則更無從籌措此轉運之難也 臣奉諭籌辦金順出關糧運責無容諉竊以肅州被禍最重產糧無多向資甘郡轉輸灌注而甘郡近因客軍雲集採辦已空又不能不藉資涼郡糧石灌注接濟見飭解銀赴涼廣為採買以裕糧源雖併運腳合算所費過多然欲籌濟飢軍則勢不容已至由涼運甘計程四百八十里由甘運肅計程四百二十里民間車馱騾驢因軍興轉饋頻頻耗疲之萬難再加迫促見飭甘涼所屬通共勻撥臺車二千輛照東路見章每糧百斤每運百里由官津貼腳價制錢四百餘文軍餉軍裝軍火按斤重照給津貼此外官私來往差務概行禁用臺車庶民困稍紓得豐其芻豆以資餵養而畜力漸充饋運乃期無誤其狹瘠衝繁各缺飭

由鄰近州縣協濟臺車以均苦樂又民間臺車二千輛分布九百餘里計每百里僅分車百輛有奇而往返裝卸歇養時有耽擱不能計程限以時日遇糧餉軍火紛至沓來每多停待積壓之患見查東南兩路運務稍簡調取各局官騾官車約計健騾一千五百餘頭分赴涼甘各屬以助臺車轉運肅州此後仍當隨時添添此籌辦關內轉運之大略也至關外轉運利用駝隻內地無從購覓自宜於產駝地方廣為採取向來調取各旗駝隻均難得用徒費餵養見派員赴喇嘛廟一帶重價購買定以五六歲外臆壯健實者為佳又擬派員赴阿拉善旗烏拉王公等處採購為隨時添補之用惟駝隻於五月歇廠八月起廠此四箇月內正值換毛怯熱之時不宜赴運入秋則天高氣爽任重行速損耗必少此籌辦關外轉運大略也竊維糧運兩事為西北用兵要著事之利鈍遲速

東華續錄

同治九十七

三

機括全繫乎此千鈞之弩必中其機會而後發否則失之疾與失之徐亦無異也西路各郡之糧收穫恆在八月茲值舊穀既沒新穀未升之時遠籌採購則非其時關內車馱騾驢在官初議分撥在民初議津貼運路向未暢行遠籌灌輸則力有未逮駝隻尚在歇廠採辦到肅連閏計算亦須在八月之交遠籌轉運縱零星湊集亦違其性且亦斷不能多 臣愚竊謂金順全軍出關所慮不在圍肅之師失其臂助但恐迫促成行勞費萬狀於事無益而又害之金順亦心知其難而自請親率數營出關亦因嚴旨詰責不暇籌及後路糧運情形關外用兵機局迫而出此 臣愚竊謂金順既暫難出關即如所請親率數營先行亦屬無益以言整飭成祿各營則成祿所留玉門僅止步隊一營馬隊一起既委明春料理自期周妥無須金順親行以言追勦白彥虎股逆關外聲息久隔文

報不通安肅道史念祖飭安西敦煌確探馳報尙未接其稟牘惟據玉門安西陸續逃至關內者約八百餘戶傳言賊蹤已近敦煌至賊數多寡則亦未能確指金順出關數營難言確有把握如圖前進仍須從關內續籌糧運玉門距肅州已三百六十里矣若再前進糧無可籌運何能辦其勢必仍羈滯玉門坐食關內至艱之糧而已臣擬商之金順如果親率數營出關或即先派營哨分紮嘉峪關雙井子惠回堡赤斤堡火燒溝腰泉子井子一帶作為尖宿臺站各蓋造駝廩掘井刈草以待計八月新駝到肅新糧上市是時肅城亦必得手然後全軍次第西發暫慰玉門徑指安西敦煌乃為得勢臣之愚計竊以秋仲出關師期雖遲兩月而局勢似為穩慎疊據前敵各軍安肅甘涼各道緘牘所言情形不謀而合謹據實馳陳伏乞 聖慈指示機要以便遵守其宋慶所部尙有東華續錄 同治九十七 古

數營留駐甘郡宋慶已遵旨赴肅臣見咨商將留廿各營暫緩開拔張曜見率所部馳抵鎮番水草臣咨請暫駐鎮番一帶靜候諭旨緣攻肅各軍皆言鎖圍密合兵力足敷惟虞大軍併聚一隅軍食缺乏之故也 上諭軍機大臣等循化廳城既經收復惟收輯難民甚多一切善後事宜亟應次第興辦著左宗棠豫師飭令該地方官認真經理妥為撫綏以期一勞永逸左宗棠所奏三四五月間官軍圍攻肅州踞匪疊獲勝仗與金順前奏情形大略相同見在宋慶所部提督蔣東才等營亦已行抵肅州備城築壘各營鎖圍嚴密賊膽已寒第窮極思竄亦在意中著左宗棠飭令徐占彪宋慶督率各營實力圍勦務將此股賊匪就地殲除毋得縱令他竄致貽後患至關外用兵糧石車駝自應豫為籌畫方可師行無阻自肅州一帶被賊蹂躪以後籌辦一切均屬不易此種情

形朝廷亦所深悉但以西路軍情緊要未便置為後圖且景廉見已率隊進抵古城後路尤須有軍策應方可聯絡聲勢節節進規是以疊次嚴諭金順刻期出關以期迅赴戎機茲據左宗棠奏稱見在新穀未收軍糧缺乏橐駝亦值歇廠怯熱之時不能負重若展遲兩月於八月間拔隊西行局勢似較穩慎等語所籌亦係實情惟白彥虎賊股見又竄擾關外安敦玉等處情形緊急盼兵尤切金順仍當趕緊部署統軍出關相機勦辦如一時實因糧運車駝未能應用或派撥數營先行進發以資接應之處著金順酌度情形妥籌辦理金順需用糧石車駝等項仍著左宗棠飭令該地方官速為籌備毋稍延誤將此由五百里各諭令知之○左宗棠奏臣前因肅城援賊勦辦後餘黨有竄入南山者當即咨商宋慶飭分駐甘州提督蔣東才就近接捕旋接宋慶牘開四月十八日東華續錄 同治九十七 五

蔣東才偵知甘郡西北七十里板橋地方有賊騎擾掠蔣東才率隊擊之訶知距營七十里神仙廟有賊二百餘騎蔣東才令參將胡永清都司徐心友參將劉知儉由河下鈔出偏賊入山東口而自率各營徑擣賊巢縱橫奮擊斃賊頗多生擒二十餘名餘賊鼠竄訊據擒賊供稱此股乃馬景瀝所帶賊黨及男婦共五六百名踞山東內轉脚湖為巢馬景瀝赴肅州此股交回日馬四帶領昨以二百餘騎向神仙廟靜安廟一帶掠食忽為官軍擊敗馬四並被官軍陣擒矣轉脚湖距神仙廟八十里十九日蔣東才復率隊前往接捕賊見官軍至男女多投巖死餘眾抗拒官軍立將賊巢踏破生擒回目董福馬見齡等此股擒斬殆盡甘州府稟報境內無賊報聞○庚午飭廣東等省迅解貴州協餉○以阿昌阿為內閣學士由太常寺卿遷○乙亥諭軍機大臣等文麟奏大股陝回攻撲敦

煌縣城並哈密回王呈請禁糧出境慶壽奏東路逆匪出竄布置城防各一摺據文麟奏稱探聞陝回於四月間竄撲敦煌約有萬餘攻陷新店子一帶屯莊並圍攻縣城道路梗塞文報不通等語逆匪紛竄關外勢甚猖獗見在賊蹤既擾及敦煌哈密東路甚形喫重馬蓮井防軍單薄文麟務當添派兵勇擇要駐紮聯絡防勦力杜西竄之路所有派援敦煌之軍並著飭令迅速前往相機策應賊匪有欲竄入敦煌山內前赴西路之說巴里坤城防亦屬緊要著慶壽酌募得力勇丁認真訓練將防守事宜妥為布置毋稍大意前據左宗棠奏金順一軍因籌辦軍糧駝隻未能剋日啟行業經諭令金順趕緊部署出關或派撥數營先行進發以資接應見在關外賊勢蔓延望援甚切該軍尤宜豫為料理早日出關以期迅速氛成祿舊部各營前據金順奏稱已派明春前赴玉門

東華續錄 同治九十七 六

一帶接統並著飭令妥為整頓遇賊即擊迅赴戎機據文麟奏稱回王邁哈默特等以哈密產糧僅足供本城兵民之食呈請禁止販賣出境等語自為慮及乏食起見見在景廉進紮古城後路糧運必須源源接濟巴里坤亦係瘠苦之區所產糧石無多尤非安敦玉一帶可比儻有好商私販出境希圖牟利或有暗中接濟賊匪等情自當明白曉諭設法禁止但不可概行遏糴致誤軍情將此由五百里諭知左宗棠金順文麟並傳諭慶壽知之○諭榮全奏征兵途次截留請飭催速進並探聞賊情各摺片前因榮全奏調杜嘎爾軍營馬隊當諭該副都統檄飭福珠禮一軍剋日進發馳赴榮全軍營其黑龍江官兵並著接續前進茲據榮全奏福珠禮所部共吉林黑龍江官兵三百八十餘員名內黑龍江馬隊一百八十餘名見經常順全數截留僅飭吉林一隊前進該虎兵力

過單請飭催截留征兵速進等語見在纏頭萬餘有由沙山子竄赴西湖之信是庫爾喀喇烏蘇一帶軍情甚迫榮全所部過單不敷布置所有烏城截留之黑龍江馬隊著常順車林多爾濟仍飭併歸福珠禮統帶剋日撥赴榮全軍營以資防剿沙山子等處見在回情若何榮全當就見有兵力妥為防範毋稍疏虞將此由五百里各諭令知之

閏六月壬午嚴諭奉天吉林飭屬清釐積案○甲申諭內閣前據軍機大臣六部九卿會議喬松年文彬丁寶楨並御史游百川所奏籌辦黃運兩河情形當經諭令李鴻章妥籌辦法據實詳細具奏茲據奏稱銅瓦廂決口後舊河身淤墊過高歲久乾隄無從修治勢難挽復淮徐故道且於漕運無甚裨益至借黃濟運築隄束水工程均無把握與導衛濟運之法同一難行各等語所奏頗為詳盡河流既難挽之使南而利運又別無長策李鴻章請仍由海道轉運令各督撫酌提本色若干運滬由海船解津其餘仍照章折解以省運費並隨時指撥漕折銀兩採買接濟著戶部通盤籌畫妥議具奏河流趨重山東自應增立隄防著丁寶楨酌度形勢將張秋利津一帶舊有民埝加倍堅固以資捍衛其侯家林決口見雖堵築合龍仍恐民埝不能久恃並著該撫於秋汛後詳細勘估酌籌款項將侯家林上下民埝仿照官隄辦法一律加高培厚設法守護沿河各州縣民人田地久被淹沒情殊可憫即著查明分別奏請蠲緩錢糧並將海口鹽場商運各事宜酌量變通辦理以示體恤至銅瓦廂決口以下蘭儀東明一帶地勢平行不可無遙隄以防泛濫著喬松年就近察看應如何量築隄埝以資保護即行悉心籌辦淮徐故道涸出舊河身民間多有占種該督所請

東華續錄 同治九十七 七

酌議升科之處著江蘇河南山東各督撫體察情形妥籌具奏另片奏請旨停止河運採買糧石推廣海運等語著戶部議奏○乙酉諭張樹聲撥銀二萬兩充歸化城轉運經費○丙戌諭內閣原任大學士朱鳳標老成端謹學問優長由翰林游擢正卿疊司文柄朕御極後命充上書房總師傅簡任綸扉管理部務均能恪恭將事克稱厥職上年患病疊經賞假調理嗣因請開缺准予致仕賞食全俸方冀調養就痊遐齡永享遽聞溘逝悼惜殊深著加恩追贈太子太保銜賞給陀羅經被派肅親王隆勳帶領侍衛十員卽日前往奠醑所有任內一切處分悉予開復應得卹典該衙門察例具奏伊子主事朱其煊著俟服闋後以工部郎中遇缺卽補伊孫監生朱有基著賞給舉人一體會試用示眷念耆臣至意尋予祭葬諡文端○諭劉嶽昭岑毓英奏官軍攻克騰越廳城並東華續錄 同治九十七 夫

各處賊巢雲南全省肅清一摺覽奏實深欣慰雲南自雲州克復後提督和耀曾督軍進攻小猛統本年四月十五十六等日該逆連次出撲疊經官軍擊敗生擒首逆偽大將軍馬應紅等復乘勝由寨後禮拜寺攻入殲賊多名當將小猛統攻克各軍進攻騰越廳城三月初三初七等日先後攻克烏土寨馬家村堅巢並將城外賊營木城礮樓概行掃蕩直薄城下李維述等督軍四面合圍開空地道五月初三日夜間轟陷城垣十餘處各軍蟻附而進該逆紛紛潰逃官軍內外夾擊殲除偽大司強馬汰廉等首從二千餘賊當將騰越廳城克復全省一律肅清仍著劉嶽昭岑毓英督飭各軍將餘匪悉數剿滅務絕根株滇省逆匪自咸豐六年倡亂以來攻陷城邑荼毒生民十有八載上年大理克復巨寇伏誅後其餘黨猶敢分踞順甯等處負隅死抗此次經劉嶽昭岑毓英等分

飭各軍以次攻拔各該將士同心敵愾迅速蕩功深堪嘉尚雲南巡撫岑毓英親臨前敵調度有方用能肅清全省著賞加太子少保銜該撫前經賞給騎都尉世職著加恩改爲一等輕車都尉世職雲貴總督劉嶽昭籌備戰守克竟全功著賞穿黃馬挂雲南開化鎮總兵楊玉科戰功卓著前經賞給騎都尉世職著加恩改爲一等輕車都尉世職總兵李維述提督段瑞梅蔣宗漢徐聯魁均著賞給雲騎尉世職○諭雲南自軍興以來迄今十有八年郡縣城池大半被賊蹂躪小民顛沛流離深堪矜憫見在地方甫就肅清流亡未集若將積欠錢糧照常徵收民力益形拮据著加恩將同治十一年以前民欠錢糧概行豁免其應徵錢糧著該督撫督飭地方官認真清查分荒熟地酌量徵收成數奏明辦理該省前因軍務緊要調派各屬鄉勇協同官軍助剿抽收釐穀接濟軍東華續錄 同治九十七 九

糧閭閻不無苦累並著自本年以後永遠停止以紓民力該督撫卽刊刻騰黃徧行曉諭務使實惠均霑毋任吏胥舞弊用副朕軫念民艱至意○諭軍機大臣等劉嶽昭岑毓英奏官軍攻克騰越廳城及小猛統等處賊巢一摺雲南回匪之亂歷時十有八年自上年冬間攻克大理府城後節節進剿迤西賊巢次第掃蕩見在騰越既克全省一律肅清覽奏實深欣慰滇省久被賊擾民生困苦茲幸羣匪廓清亟應慎選牧令整飭吏治加意撫綏俾得各安生業其有著名賊黨漏網伏匿者仍當嚴密按捕以絕根株該省餉項本形支絀岑毓英另片奏稱擬將粵勇先行遣撤其餘各營俟由騰越撥回分別撤留卽著該撫妥爲辦理以節餉需並督飭管帶各員嚴加約束毋任滋生事端又據奏前署騰越鎮總兵明慶前署保山縣知縣鮑慶均因失守城池久陷賊中見在先後逃

出等語該員等於城陷後覩顏苟活是否甘心從逆抑實係被賊拘雷所供各情有無捏飾著劉嶽昭岑毓英確切查明將該員應得罪名定擬具奏將此由六百里各諭令知之○諭曾璧光周達武奏新城防勇索餉滋事見經全數殄滅一摺本年四月間駐防新城之經左新前兩營哨長什長丁發桂等同勇丁五六百人鼓譟索餉由外城進攻內城分黨往攻興義府城官軍分路剿辦將逆首丁發桂楊得城殲斃並將陶甫承何玉亭黎正關先後擒獲餘匪無一漏網見在興義等處是否業已安靖著曾璧光等妥爲彈壓尤宜加意拊循黔省上下游隨處皆有防軍無軍不有欠餉萬一相率效尤殊屬不成事體曾璧光周達武務當先事豫防隨時安撫毋令再滋事端將此由六百里諭知曾璧光並傳諭周達武知之○予貴州新城遇害道員周康祿祭葬世職如二品官例

東華續錄

同治九十七

三

交國史館立傳於死事地方暨原籍建祠革救援不力副將劉百魁職永不敘用○予貴州陣亡知州楊見龍等祭葬世職○予雲南殉難副將魁昌祭葬世職建祠陣亡知州吳景蘇等祭葬世職附祀○以籌備雲南軍需予前任成都將軍崇實等優敘○甲午以京畿久雨 上詣 大高殿祈晴○丙申詔戶部查各省畝捐釐捐及徵收丁漕違制者次第奏請豁免○己亥命刑部右侍郎廣壽赴奉天審辦案件○辛丑諭內閣前因都察院奏殉節人員應不准由同鄉京官呈請予諡當經降旨令該處紳民呈請各該督撫及都察院衙門查覈具奏毋庸由同鄉京官具呈聲請因思易名之典所以褒卹大員其有名不副實者雖秩登一品未經予諡所以示彰瘝之公至嚴且慎溯自軍興以來文武各員中有戰功早著爲中外所共知者因督兵大臣詳敘事蹟奏請予諡亦經

加恩允准乃近來中外臣工往往將殉節道府州縣等官懇請予諡該員等矢志報國朝廷既優加贈卹並廕及子孫所以褒獎忠藎者不爲不至儻將易名重典視爲矜恤常例紛紛陳請殊屬非是嗣後文武各員其官階例不予諡者如果勳名懋著自當破格施恩臣下不得率行奏請以示限制○諭軍機大臣等景廉奏回逆大股出關滋擾敦煌請飭金順來古助剿並請飭榮全進兵會攻瑪納斯各摺片陝回白彥虎會合西甯大股回逆攜帶家眷萬餘眾出關滋擾敦煌及西海蒙古一帶地方攻破村堡官兵堵剿連獲勝仗後因賊眾兵單官軍挫衄李天和陣亡胡飛鵬被擄勇丁散亡大半此軍本係赴坤助剿之兵刻下將亡勇潰已不成軍景廉兵力甚單防剿均形棘手該逆此次勾結甘回攜眷出關沿途擄掠必爲西甯烏魯木齊之計該處南北兩路皆有徑路可通

東華續錄

同治九十七

三

景廉惟當就見有兵力勤加偵探設法截剿一面飛咨哈密巴里坤兩城嚴密防守毋稍疏虞金順一軍前經疊次諭令迅速出關以厚兵力見在哈密古城各處事機甚急即著該前將軍懷遵疊次諭旨速帶馬步各營兼程西進爲景廉後路應援並與景廉會商機宜迅速掃逆氛毋得藉詞延緩回目馬明既有投誠之意景廉惟當設法羈縻總使安夷回逆勢不相聯庶免掣肘但回情詭譎投誠未可深信景廉持諭招撫總宜穩慎籠絡計出萬全毋爲該回所給是爲至要俄商前赴瑪納斯貿易該處正爲賊匪出沒之區貨物被搶勢所必至俄商遠指爲徐學功搶劫景廉見已札調徐學功來營面詢並派員前往查訪虛實自無難根究即著景廉查詢明確將如何辦理之處即行據實奏聞官軍能將瑪納斯剋期攻拔先發制人兵機庶可得手著榮全咨會錫綸迅速會兵進

攻務將瑪納斯攻克以期次第進取榮全亦當安籌攻剿迅赴戎機毋稍遲誤將此由六百里諭令知之○永定河溢○予故直隸總督慶祺附祀格林沁天津專祠江蘇道員袁保慶附祀袁甲三臨淮專祠○丙午予貴州陣亡副將吳喜榮等祭葬世職

秋七月丁未朔享 太廟○己酉諭軍機大臣等金順奏攻克肅州東關平毀賊卡一摺肅州自合圍後金順會商徐占彪宋慶添築礮臺偪城轟擊上月初六日徐占彪督隊出賊不意直登東城各軍奮勇繼進賊眾抵死抗拒分股出城撲犯官軍營卡冀圖牽掣各營分投迎剿大挫兇鋒遂將東關攻克並將蒲桃園賊卡平毀悍賊悉數殲除辦尚為得手東關攻克城糧畜將盡已成檻馱釜魚著左宗棠檄令徐占彪宋慶等併力環攻嚴防賊匪衝突迅將肅城剋期攻拔聚而殲旃毋稍鬆勁肅州軍務得手徐占

東華續錄

同治九十七

三

彪宋慶兩軍足敷勦辦白彥虎等股竄擾關外勢甚猖獗金順仍當懷遵疊次諭旨迅帶所部兼程西進為景廉後路應援相機痛掃妖氛毋稍遲滯另片奏請將已革委參領雙壽雷營等語雙壽係勒令回旗永不敘用之員所請雷營效力之處著不准行將此由六百里各諭令知之○諭本日據金順奏肅州兵勇圍攻甚密指日可期克復是甘省軍務漸就肅清因思見在各營勇丁固多他省客勇而本地募勇亦復不少此項勇丁招自田間半係無業游民以之衝鋒禦寇不過一時權宜之計無事時恐未必能安耕作若任其游蕩不為鈐束致令流為匪徒不但無以示矜恤亦非綏靖地方之道甘肅各營兵丁缺額甚多凱撤以後應如何將本地募勇挑補訓練以資安插之處著左宗棠悉心酌度情形奏明辦理其各省勇丁亦當分別撤留其得力者飭各營官實力整頓

不得力者妥為資遣俾免滋事並著先事豫籌以遏亂萌將此諭令知之○予甘肅陣亡總兵官黃金臺等祭葬世職○辛亥諭軍機大臣等劉長佑馮子材奏西陲西林踞匪悉數殲除裁併各軍並疊獲匪犯情形一摺西陲西林兩屬之峯崗巖毛草坪等處賊巢經官軍先後攻克斃賊多名惟該處近接黔疆匪蹤出沒無定難保無餘黨竄伏仍著劉長佑等督飭該處地方文武實力梭擊以清餘孽防剿越南各軍見經馮子材簡汰挑留分紮關內外其鎮安歸順及各土州要隘亦經覃遠璉派營分駐即著檄飭該鎮道扼要嚴防毋稍疏懈吳逆餘黨蒙艾等竟敢由越南潛回句結滋擾雖經擊獲正法此外漏網者尚恐不少劉長佑等仍當嚴飭沿邊各營一體搜捕務絕根株並飭各該處地方官將善後事宜統籌全局妥為辦理將此由四百里各諭令知之○癸丑諭軍機

東華續錄

同治九十七

三

大臣等文麟奏陝回竄擾敦煌見催馬隊會剿並賊匪分竄哈密邊界各摺片陝回大股眾約萬餘出關滋擾敦煌攻陷屯莊焚燒搶掠官軍接仗失利李天和陣亡兵勇死亡過半與景廉前奏大略相同見在賊勢猖狂均向北山飛竄深恐沿途句結勢成滋蔓難圖文麟所派馬隊官兵復為河漲所阻未能前進敦煌兵勇無多勢難堵禦著文麟飛飭馬隊營官張明等迅速設法繞道前赴敦煌會同該處官兵實力勦辦毋稍疏虞並著文麟分飭東路沿塘駐防並塔爾納沁一帶各營勤加偵探認真防堵金順一軍疊經諭令迅速出關刻下關外軍情緊急著該前將軍懷遵疊次諭旨剋日拔隊起程迅赴戎機毋得稍有遲誤明春所帶成祿數營見紮何處著金順檄令就近兜剿以遏兇鋒該逆向西竄擾其心叵測哈密古城各處防堵未可稍鬆著景廉會商文麟各就見有

兵力設法堵剿毋任賊匪紛竄哈密邊界馬金山一帶竟有賊匪三百餘名盤踞並有青海回逆四萬餘名到肅被官兵擊敗竄往古城俱有北犯之意文麟務當飭令在防官兵扼要嚴防遇賊即擊毋稍疏懈將此由六百里各諭令知之○乙卯諭軍機大臣等楊昌濬奏黨匪聚眾滋事立時撲滅一摺浙江新昌縣烟山地方向有黨匪出沒疊經捕獲懲辦楊昌濬飭令該縣編查保甲匪徒王城繼等因挾紳董協獲黨首何則秀之嫌起意聚眾滋擾羣至紳士楊禹疇等家拆毀房屋復句結天台東陽匪類於閏六月初四日擁眾數千圍撲縣城當經官軍奮力截捕斬擒黨匪百餘名餘眾散逸其竄往關嶺之匪亦經守卡弁勇擊散惟匪首王城繼等在逃未獲著楊昌濬嚴飭密速緝拏務獲懲辦毋任漏網一面將保甲事宜認真辦理並收繳器械嚴申禁令以靖地方前署新

東華續錄

同治九十七

五

昌縣知縣王嘉瑞於黨匪挾雜焚搶未能先事籌防著交部議處該管知府及地方營汛事前疏於稽察本有應得之咎姑念會督防剿即時撲滅功過尚足相抵均著免其置議所有出力員弁著俟匪首王城繼等悉數緝獲後再由該撫擇尤保奏毋許冒濫將此由四百里諭令知之○庚申左宗棠奏五月二十九日徐占彪令副將鄧增相度地勢於城西禮拜寺修築礮臺安置後膛礮位六月初一日連開一百五十礮轟塌城上女牆七處城身外面甃石坍卸三丈有奇礮子入土轟炸狀類蟻房而城身仍未迸裂初二日復轟一百五十礮傾圮之處亦多當令每營各挑壯士百名豫備乘勢登城賊於西城南北兩角伏匿死黨二三千名並於城上加砌橫牆以備堵禦夤夜將城上甃卸之處補砌完好徐占彪以城身堅厚轟攻驟難得手察看附城東關房屋櫛比舊為市廛

埠頭城堞雖與內城一律然甃石厚而附城之土稍薄利於轟擊初六日會商宋慶於關外叢冢中偪築營壘修立礮臺初八日夜三更南稍門出賊七八百來攻城上城下又槍如雨徐占彪與宋慶一面以洋礮劈山礮連環迎擊約斃悍賊百餘名一面會同各軍督眾興工初九日各營卡成遂於營卡中急築礮臺三軍聲息相接初十日未刻南稍門復出賊一二千分為兩股一撲宋軍長濠一撲徐軍水卡徐占彪以洋礮劈山礮憑濠轟斃十餘賊賊即遁宋軍越濠追剿賊復拚關不卻宋軍繞出賊後左衝右突勇氣百倍金順又派隊前來助剿槍礮環攻賊向墳冢低窪處避匿俟礮聲稍息仍敢直前猛撲時已晚矣徐占彪調後膛礮向賊叢連轟十餘響斃賊數十名賊始敗竄入城金軍亦於東關重濠內偪築礮臺與徐軍互為犄角地勢均高於城俯矚關內瞭如指掌據

東華續錄

同治九十七

五

逃出漢民供稱城賊見官軍愈偪愈緊各懷怨忿由關外來援巨酋馬六元帥即馬得振圖向關外竄走土回馬四欲雷其共守堅城然亦迄無成說十五日修築工竣礮臺距東關城垣僅一矢之遠一濠之隔十六日徐占彪飭鄧增與守備陳文英疊轟百二十礮毀城堞十餘處城身轟坍六七尺寬三丈有奇十七十八兩日復增築礮臺高二三丈寬三丈有奇賊復於夜間囊土堆砌雜以毡包草筐門片仍行堵閉十九日復轟塌之連日轟倒城身寬六七丈高七八尺左右雉堞均經轟坍礮子飛入城中號哭之聲直達城外其轟塌之土囊毡包草筐門片諸物堆積城根金順亦用開花礮於東北角轟塌關城三四丈堞口十餘處正擬騰躍而上惟關城緊隔一濠深約三四丈濠內注水約二三丈內有泉眼數處冬夏不涸古所謂酒泉也賊於濠頭築壩蓄水深不可踰仍廢

然而返徐占彪派隊夜探濠口係用木椿密釘外加木板土封牢固難以決洩徐占彪飭各營穿暗渠避賊槍礮伏行至濠口併力紮卡以便開掘二十一二三等日南北兩稍門出悍賊千餘晝夜來爭連撲七八次均經官軍擊敗賊屍狼藉濠邊營卡已成金宋兩軍亦在東北東南兩角添築二壘聯絡聲勢賊見憤甚復拌死奮拒槍礮止短兵接官軍大呼陷陣與賊扭襟捉髮縱橫搏擊陣斃偽千長馬孔一名其餘悍賊死者無算閏六月初四夜壘頭掘開濠水漫溢徐占彪令用樹枝青草填濠賊擲火具焚之不果初五日徐占彪復飭各營多運土石填濠初六日晨餐後乘守賊稍懈徐占彪商宋慶各挑壯士越濠猛撲徐占彪親率總兵李玉春參將方友升遊擊武朝聘等首先登城賊由南北兩面擁擁來撲均頭裹白巾袒臂譁噪適金宋兩軍均蟻附而上立將東關克復

東華續錄

同治九十七

美

順由大街之北宋慶由大街之南分三路於街中築壘距東城根約一矢之遠賊仍晝夜拚死來爭兇餒仍熾官軍時有傷亡蓋處於必死之地故鬪志益決也據城內投出回民馬咸奉供稱初九日撲卡之首逆馬得振即偽元帥馬六又名馬正國本關外著名悍賊是日左額卒中槍子重傷即時伏誅其餘悍賊死者甚眾宋慶所報亦同蓋即徐占彪受傷之頃也刻下金軍開花礮逐日轟擊東北城堞時見摧倒徐占彪礮臺已成礮聲昕夕不斷宋軍於克東關時得有賊之大礮劈山礮宋慶令總兵宋得勝由南寨牆進紮偏至南稍門用礮對門施放又令提督蔣東才將城外東南長濠再向內緊偏添築營壘正在興工十七夜三鼓賊由北城縋出數百人猛撲金軍長濠當被擊敗各官軍偏攻東城而關上城外晝夜巡哨不遺餘力臣於閏六月初六日又派副將賴長添解

東華續錄

同治九十七

毛

一營者亦有二三百人號稱一營者馬軍有二百五十騎為一營者亦有百數十騎為一營者若按照營數支發糧料不獨虛糜可惜且彼此相形之下多者與少者一例支銷必致爭論紛紜無以服其心而杜其口臣咨各軍詳詢人馬實數者以此旋准宋慶覆稱所部毅軍馬步共二十一營原因營官人才不齊故管帶之數多寡不一未能照步軍五百人為一營馬軍二百五十騎為一營之制然實計馬步戰勇共七千六百名加以每營長夫百名及隨員戈什車駝夫應領食軍糧者不下萬人戰馬四百匹各營馱運軍裝鍋帳駝隻馬匹及統領營官隨員戰馬坐騎尚不在內今按實在人馬數目步軍照五百人一營馬軍照二百五十騎合計馬步共作十六營馬隊共作兩營每日每名計淨糧一斤十兩加以隨員人等統照萬人計算每月約需糧四十八萬七千五百斤料東華續錄 同治九十七 天

四萬八千斤又准張曜覆稱所部馬步十四營步隊每營勇丁併長夫共五百名每日每營應支淨糧八百一十二斤半合計每月十二營需糧二十九萬二千五百斤馬隊兩營每營二百五十騎每日每營應支糧五百斤每月應支糧一萬五千斤戰馬五百匹每日每匹支料四斤每月應支料六萬斤統計馬步勇丁每月共需糧三十二萬二千餘斤料六萬斤其金順所部馬步實數臣處無冊籍可稽惟准咨開原二十一營加成祿一軍馬步十六營共馬步三十七營臣飭安肅道史念祖親往商詢實數再三婉懇始准照三十營計算然就臣所聞見言之照實數歸併金順所部不過十一二營成祿所部見存者不過數營今姑作二十營併算則人數已足一萬二千名其支發糧料章程照張曜宋慶兩營章程料之委屬有贏無細此各軍應需糧食約畧數目也至轉運一節

張曜所部每月祇能自運一半宋慶所部駝隻車馱稍多亦須由局幫運至金順所部轉運牲畜則全需由局籌辦據史念祖稟金順所部照三十營支發糧料由肅州運玉門需駝二千八百餘隻由玉門運安西需駝三千五百餘隻無論駝價昂貴倍於從前無從設措且蒙古各旗因頻年被擾產駝不旺藉口居奇購辦益形艱阻臣所委赴各路員弁稟報相同見飭於內地回番部落重價接羅未知能否得有成數如金順一軍馬步能覈實支發運腳尚資節省否則虛擁多營又將成坐食遷延之局且出關之舉不能專恃金順一軍將來必仍須從關內派撥此時既悉素以從後有勁旅又將苦於糧運不濟無從趨赴於機局殊有關繫此不得不從長計議豫為陳明者也可否仰懇飭下金順深思兵貴精實之義汰去虛冗疲乏將弁兵勇歸併成營庶制勝有權免貽異日之悔大局之幸亦金順與臣之幸也臣因西師久無成功此次出關須操全算未可仍前率略致啟戎心故不敢不盡其愚不為糧料轉運暫圖省便起見至金順全軍餉銀據稱每年祇收到三十餘萬兩似實不敷臣無從查考可否飭下部臣查催俾免掣肘緣宋慶張曜兩軍皆議及津貼而金順兼統成祿所部若令據實冊報不可不明給津貼以昭平允而慰軍心謹一併據實馳陳伏乞皇上聖鑒訓示施行又奏見在關內大兵雲集將來出關轉運糧料軍火尤非多購駱駝不可臣前派都司張泰周克忠等帶領見銀前赴阿拉善並檄該旗協理台吉阿布哩派委妥弁導引至鄂爾多斯烏拉特三公哈喇哈等處挑買壯健駱駝又派後營守備白高年等帶銀赴鎮番等處採買駱駝隻旋據張泰等稟稱行抵阿拉善據阿台吉稱去年亢旱駱隻缺乏見有之駱係蒙古民人

馱運商貨不肯出售且駝價翔貴難以採買至各旗路途遙遠駝價更昂徒勞往返等語阿布哩自行呈覆無異又據白高年等稟稱蒙古游牧之駝均被蒙古印房調去以致駝價日昂等情臣維向例軍需調用蒙古駝隻原可無需用價即照例發價每駝一隻給銀八兩而止此次臣念蒙旗疊遭兵燹特派員前往攜銀照時價收買原仰遵朝廷體恤藩部至意阿拉善縱無可購其烏拉特等處素係產駝之區探聞尙供採買乃該台吉阿布哩巧詞搪塞不但於本處一意推諉且並派弁引導亦敢任意阻撓且並將各處游牧之駝飭印房調去其擡價居奇致誤要需殊出意料之外臣前接張曜緘稱有蒙官貪利駝難採辦之說觀此益信除再嚴飭協理台吉阿布哩遵照妥辦並允多給價銀外相應請旨飭令阿拉善親王貢桑珠爾默特迅速回旗承辦以免貽誤 上諭軍東華續錄 同治九十七 三

機大臣等左宗棠奏攻克肅州外城情形一摺與金順前奏大略相同見在各軍已偏城添築營壘併力轟擊左宗棠又派員押解礮位前往助勦賊勢窮蹙不難聚而殲旃即著左宗棠飭令徐占彪會同宋慶迅將肅州剋期攻拔盡掃妖氛毋令一名漏網各營糧料轉運自應按照人馬實數覈實支銷以免浮冒見據左宗棠查明除徐占彪所部有冊可稽外宋慶馬步共作十八營張曜馬步十四營金順並接統成祿所部共作三十營並將轉運章程分別籌畫所奏甚為詳悉著照所議將各該營應需糧料照數源源接濟毋令缺乏經此次覈定後各該營如有缺額以少報多冒領浮銷即著該大臣隨時查明參奏兵貴精不貴多金順各營自可汰弱留強不必虛擁多營耗軍需而無實際著該前將軍酌度情形從長計議將各營歸併裁汰查明實在數目以便左宗棠設法

供支各省應解金順及接統成祿一軍協餉著戶部查明催令迅解金順軍營以資應用毋得遲延阿拉善旗採辦駝隻意存推諉且有擡價居奇情事協理台吉阿布哩辦公未能踴躍著理藩院飭令貢桑珠爾默特迅速回旗承辦以免貽誤烏喇特等旗向係產駝之區足供採買著定安就近飭令各該旗會同左宗棠委員盡力採辦不准阻撓推諉將此由六百里各諭令知之○左宗棠奏河州東鄉逆目騎賊楊瞎油什康七箇子自去年漏網後率悍黨三十餘騎伺閒劫掠蹤迹飄忽異常諸軍雖星羅碁布探蹤合剿間有擒斬而元惡未除終為可慮六月十三夜統領宗岳軍提督張仲春偵知該逆等由董家山竄入大東鄉張仲春立飭分駐甯河七甲集各營寅夜截剿自率馬隊向該匪舊踞之張岔莊追捕及抵該處賊又他竄緊追至那勒寺川時甫黎明遙見楊瞎油什數騎飄瞥馳過張仲春策騎奮追該匪等盤馬開槍都司劉煥章中槍殞命張仲春憤甚驟馬而前撞楊瞎油什墜馬即奪其馬該逆仍躍上他馬飛馳逸去張仲春即騎所奪賊馬緊追適前阻深澗楊瞎油什所騎生馬未能躍過張仲春追及又恰遇副白旗馬隊馳至奮力夾擊陣斬悍賊數名立將匪首楊瞎油什康七箇子馬照清等三犯擒獲張仲春遂將夥黨馬照清一犯解交河州鎮沈玉遂引捕夥黨親押匪首楊瞎油什康七箇子解赴蘭州臣比訊明盡法處死梟示嗣據沈玉遂報續獲賊黨馬成明即金溝滿拉馬尒五十馬喜兒馬兒酒馬勒黑馬主麻馬阿力木馬照清馬瞎力木馬良成即馬合合馬瞎箇馬祿祿馬雙箇金如林等訊明斬決漢回番散覩聞之下無不慶幸歡躍 臣維楊瞎油什一犯本是河州劇盜向以出外劫掠為生相貌不踰中人而馬上用槍

百發百中在河狄最稱絕技至今回民談之猶爲色變此次經張仲春窮追手縛實快人心報聞○壬戌諭軍機大臣等常順奏賊氛北竄馬隊遠難移撥一摺據稱探報陝回大股出關北竄匪蹤擾及阿畢爾米特遊牧見飭官兵探剿前由杜嘎爾撥到之黑龍江馬隊一時未能撥赴榮全軍營懇請飭撥勁旅迅速來烏再令黑龍江馬隊西進等語此項馬隊本係榮全調赴西路之兵該處需兵甚亟本難准其所請惟見在回匪大股分竄烏城兵力甚單黑龍江馬隊駐防察漢淖爾等處未便遠行撤動著准其暫留防剿以遏賊鋒並著李鴻章於宣化官兵內挑選五百名剋日整隊赴烏前據李鴻章奏直省練軍未便再議抽調惟見在關外軍情緊要該督務當酌度緩急迅行調派毋稍遲延該官兵抵烏後常順等即飭黑龍江馬隊馳赴榮全軍營俾資戰守逆匪由胡魯斯東華續錄 同治九十七 三

泰地方逸去見竄何處著常順車林多爾濟文奎嚴飭官軍確切偵探視賊所向實力擊剿迅殄逆氛並將該城防守事宜妥爲布置不得稍涉疏虞另片奏逆匪圖竄烏魯木齊請飭迅克肅州俾金順得以率隊出關並請飭景廉速剿踞賊等語該逆屬聚於安西敦煌等處覬覦北犯儻任令句結烏魯木齊踞匪該城軍務更覺棘手著景廉督飭官軍力籌堵剿毋令該逆聲息相通益形滋蔓肅州外城已克當不難一鼓而下著左宗棠檄飭各軍加勁圍剿迅奏膚功金順當懷遵疊次諭旨迅速出關將白彥虎等股匪黨痛加剿洗毋任豕突將此由五百里各諭令知之○癸亥允萬青藜等奏截留通倉漕糧八萬石賑順天被水災民○丙寅諭內閣本年永定河決畿輔被災甚廣亟應妥籌撫恤著於東南各省釐金關稅鹽課項下各撥銀三四十萬兩以資賑濟一面於直隸

藩運各庫內無論何項先行動支○己巳諭軍機大臣等都興阿奏股匪肆擾派隊擊散一摺匪首趙西來孫洛好等率黨百餘人由大孤家子屯擾及卡拉營子一帶經派出蒙古官兵馳至何家屯地方追擊斃賊多名餘匪逃匿新立屯等處復有匪目趙中等率賊七八十名圍聚滋擾副都統德昌督隊馳抵羊羔屯地方緝捕將該匪及另股接應之賊擊敗餘賊竄逸此起賊匪乘禾稼茂密之時伺隙紛竄豈可任其句結致成滋蔓且邊內外賊匪股數尚多亟宜加意搜捕著都興阿督飭派出各員弁實力分投確探痛剿不得任令四出竄擾並將匪首趙西來等按名弋獲不准一名漏網以清伏莽而遏亂萌將此由四百里諭令知之○辛未諭軍機大臣等崇實奏東荒沿邊一帶匪徒滋擾調隊會剿並酌撥餉需一摺匪首莊洛三即莊洪汰在奉省東魯荒等處糾邀著名馬賊王江海及蒙賊鐵千一隻熾等沿途裹脅赴朝陽縣東荒一帶挾嫌報復崇實因該處兵力單薄已咨商李鴻章等在古北口練軍內調撥馬隊官兵一百名前往勦辦即著嚴飭帶隊各員會同該處地方文武將此股匪徒迅速撲滅匪首莊洛三等務須悉數弋獲不准一名漏網該縣見募勇丁籌備防剿所需經費崇實擬於熱河道庫內暫行動支造冊報銷著照所請辦理將此諭令知之○諭金順奏關外逆匪被剿竄遁並偏攻肅州情形一摺逆匪分擾安西敦煌等處經副都統明春總兵胡可均等帶隊截擊均獲勝仗擒斬頗多金順復派副將和正興等選帶隊伍出關接應文麟所派馬隊亦到該逆於閏六月十七等日遁逸入山勢將由南山西竄該逆見竄何處有無分股著景廉文麟督飭官軍確切分探嚴防痛殲醜類毋任蔓延安敦玉雖已解嚴仍著金順

文麟飭該官兵等按捕逸匪實力探勦不得稍涉疏虞肅城自攻
 克東關後各軍添築卡壘連環攻擊不難一鼓蕩平著左宗棠金
 順督令各該將領刻期攻拔將該處踞匪聚而殲旃以安邊圉金
 順一面部署出關事宜早日成行毋稍遲緩此次關外出力各員
 弁著該前將軍俟肅城克復後併案覈實請獎將此由五百里各
 諭令知之○予甘肅陣亡副將李天和祭葬世職○癸酉申諭順
 天直隸編查戶口核實散賑○甲戌允兵部奏復武職回避舊章
 並召各省實缺提鎮入覲○寶珣以病免以恩麟為兵部右侍郎
 由左副都御史遷○乙亥左宗棠奏閏六月十一夜十六等日幫統蜀軍
 提督黃虎臣合金順宋慶兩軍進偪城根修築營壘賊拚死來爭
 黃虎臣督隊巷戰卻之十七日復於大街壘卡中修築礮臺用大
 礮對門施放並開空地道二十日徐占彪以各軍進紮關廟長濠

東華續錄 同治九十七 孟

頗覺空虛徐占彪又因調治腿傷未能領隊慮賊從南突竄遂商
 金順宋慶兩軍仍駐東關徐軍移紮長濠並令黃虎臣於大南門
 外偪城修築礮臺豫備轟攻二十五日礮臺將成適 續派助攻
 之總兵銜副將賴長管解後膛礮並開花礮子到營二十六日徐
 占彪飭蜀軍新左正右兩營連夜修築營卡二座距南城根不及
 半里二十七日辰刻賊見官軍紮卡扼其吭賴長開放大礮轟塌
 三垛忽大南門突出悍賊二千餘分兩股飛奔奪卡維時卡牆甫
 成弁丁正搬運鍋帳守卡兵單不能抵禦兩卡均被奪踣參將方
 友升見賊已入卡牆率所部騎兵下馬陷陣賊均出卡猛撲槍子
 兩注方友升頸中飛子重傷直貫脊骨賊乘勢直撲礮臺賴長令
 礮隊勇丁用洋槍測準連斃悍賊十餘並開大礮擊後隊之賊及
 踞卡各賊轟斃甚多維時鄧增亦由濠內馳至助同守禦開礮轟

東華續錄 同治九七

擊左手指被槍子斷折徐占彪時正養傷營內急調各營馳援賊
 見援兵大至又所踞卡牆已經大礮轟塌無可藏匿仍狂竄入城
 徐占彪飭各營仍將原築營卡修築撥將弁固守此次力戰陣亡
 守備王安邦楊世泰李春雲千總劉映富李占奎李長勝楊得貴
 胡均貴曹國洪余占春張有貴熊玉山合無仰懇 天恩飭部各
 照官階從優議卹以慰忠魂 維金順宋慶與徐占彪會攻肅城
 以來遇事和衷商辦均稱得手攻具又已陸續到齊孤城自可計
 日攻城惟肅州本邊關重鎮堅厚異常而城逆及援逆處必死之
 地斷無束手待盡之理負隅窮寇必決死戰固在意中徐占彪傷
 尚未愈未能親歷陣前 臣自應親赴肅州察酌形勢就近妥商辦
 理而出關糧運一切必須與金順面商督飭安涼兩道妥為籌辦
 又西路各軍雲集游匪每多混雜其中宜及早拏辦以靖地方而

東華續錄 同治九十七 孟

各郡縣善後事宜尤非親歷各處諮訪利病難期周妥此 臣親赴
 西路之行所以不可緩也謹擬拜摺後於十九日即率隊啟行
 上諭軍機大臣等官軍克復東關後復於大南門外偪城修築礮
 臺營卡該逆分股占踞兩卡經副將賴長等開礮轟擊仍奪回原
 築營卡固守該大臣見在親赴肅州即著與金順會商督飭各軍
 力籌進剿迅克堅城肅逆勢極窮蹙左宗棠金順務當嚴密布直
 鎖合長圍就地殄除毋令賊乘間出竄又成不了之局各郡縣
 善後事宜及金順出關後糧運一切即著左宗棠親歷該處妥籌
 辦理本日據景廉奏回目馬明投順安夷並有西攻綏來之說若
 句結該處逆回撲犯沙山子等處見存勇丁無多防勦均不足恃
 請飭金順來古助剿等語著金順一面部署出關事宜振旅西行
 與景廉聯絡聲援以資戰守將此由五百里各諭令知之○諭景

五九五

廉奏回目馬明投入安集延並逆匪撲犯民團派隊援應各等語
 馬明乞撫本不足恃見在該逆與瑪納斯回匪均投併安集延逆
 敵頗張景廉務當督飭官軍慎守營壘嚴防東犯不得稍涉疏虞
 趙興體等營勇均係烏合之眾屢經逆匪撲擾勢難支持景廉見
 派馬隊前往援剿著飭令該官兵迅速西進聯絡民團實力防剿
 以遏賊鋒沙山子地居要隘該都統咨會錫綸帶兵會同榮全所
 部進駐該處以壯聲勢而固民心即著該都統等彼此會商妥籌
 辦理安集延久踞烏城勢甚兇悍非厚集兵力難以得手見在肅
 州一城指日可克前據左宗棠奏金順一軍請俟秋仲出關本日
 已寄諭金順令其迅速振旅西行該都統另摺奏請撥軍火已諭
 定安常順等照數撥給矣將此由五百里諭令知之○丙子諭錢
 鼎銘添撥銀四萬五千兩備黃河工需○是月豁免山東青城縣
 東華續錄 同治九十七 美
 被水新舊錢糧

東華續錄

同治九十八

臣王先謙敬編

臣張式恭恭校

八月丁丑朔以湖南永順府屬水災諭王文韶妥籌賑恤○戊寅
 祭 大社 大稷○諭軍機大臣等文麟奏回匪攻撲馬蓮井等
 處營堡派隊援剿一摺陝回大股由敦煌西竄先後圍攻馬蓮井
 塔爾納沁營堡勢甚猖獗文麟見派馬隊馳赴塔爾納沁援剿著
 即飭令統領魏忠義等會同該處兵勇嚴密堵禦實力剿擊毋任
 逆匪竄越該逆擁眾奔突誠恐竄入東山益形滋蔓並著文麟咨
 會景廉及巴里坤城大臣總兵等一體嚴防毋稍大意將此由六
 百里諭令知之○辛巳直隸運河隄決諭李鴻章撫恤災民並飭
 江蘇等省籌撥賑款○壬午諭軍機大臣等都興阿奏邊外復起
 東華續錄 同治九十八 一
 股匪派隊剿除一摺奉天邊外匪徒滋擾熱河朝陽轄境經都興
 阿派隊前往會同剿辦該官兵等於朝陽縣剿賊獲勝在東魯克
 高山臺地方斃匪多名並將賊首孫洛疙疸擒獲正法其南路竄
 匪亦經官軍隨時剿除著都興阿飭令派出各員會同熱河官兵
 迅將竄逸餘匪悉數殲除毋畱餘孽崇實亦當飭令該地方官一
 體嚴密按捕務絕根株將此各諭令知之○四川敘州府屬游匪
 滋事官軍剿平之○榮全復以病乞免 上不許○子故雲貴總
 督勞崇光建祠並予恆春祭葬世職○癸未崇實疏陳熱河圍場
 積弊請暫緩起徵允之○戊子諭軍機大臣等景廉奏請飭成瑞
 赴古助剿並陝回攻破馬蓮井營堡各摺片景廉帶兵駐紮古城
 防剿正在喫緊遊擊陳升恆業經該都統遵旨飭令回巴里坤署
 理總兵之任即著景廉咨催署烏魯木齊提督成瑞迅速馳赴古

城襄辦一切陝回攻破馬蓮井營堡雖經官軍迎剿獲勝惟東西兩路回逆聲息時通關內逆匪分竄安敦哈密深恐句結烏城回逆互為聲援其勢又成滋蔓孔才一軍勢難分撥赴哈密廉已咨催巴里坤迅派兵勇並飛咨金順所部駐紮安西之副都統明春帶領兵勇就近往援惟賊勢正在臨張兵力究形單薄著金順懷遵疊次諭旨迅率所部剋期出關與景廉聯絡聲勢會堵逆氛毋稍延緩並著左宗棠酌撥勁旅數營前往助剿兼顧巴里坤哈密兩城文麟惟當就見有兵力勤加偵探認真防剿毋令賊匪蔓延為患將此由五百里各諭令知之○以湖北公安縣被水諭郭柏蔭撫恤災民○召劉嶽昭入覲以岑毓英兼署雲貴總督由巡撫署○庚寅諭內閣理藩院代奏土爾扈特汗布彥烏勒哲依圖賑濟該游牧流離貧苦蒙民請借支十年汗俸一摺布彥烏勒哲依圖著東華續錄 同治九十八 二

加恩賞借十年汗俸嗣後不得援以為例○壬辰諭軍機大臣等景廉奏哈密被圍撥兵馳救並請飭烏城迅撥馬隊赴巴哈接應派援沙山子官兵剿賊獲勝常順等奏賊氛竄近撥隊迎剿各摺片陝回竄擾哈密盤踞大泉黃蘆岡一帶分股撲城官軍迎剿失利統領魏忠義張炳李琦李生元等皆無下落官兵多有陣亡巴里坤亦有逆回分竄巴哈兩城為西進大軍後路地方最關緊要北股回逆勢極猖獗見在哈密被圍甚急該城日夜盼援景廉業經籌撥馬步隊前往援應惟賊眾兵單勢難抵禦且道路窵遠尤恐緩不濟急左宗棠見已馳抵肅州兵力自厚肅州以窮寇拒守孤城諒不難剋期攻拔刻下關外事機甚急萬一肅州踞逆鋌而走險勢必與竄擾巴哈等處賊匪聯成一氣該兩城稍有疏失則賊勢又復燎原關外用兵較之內地更形棘手大局何堪設想目

下烏垣安夷回逆又時有東犯之意景廉孤軍在外兵力難支著左宗棠迅即撥派勁旅數營馳往哈密以資援應速將該處賊匪悉數殲除並堵截肅回出關分竄之路哈城事機十分緊急該大臣務當迅籌調撥毋稍遲緩致誤戎機金順一軍疊經諭令剋日出關以資防剿見在該處情形較前更急著該前將軍迅即拔隊起程並先行撥派得力官兵馳往接應與明春一軍會同雕剿迅掃逆氛景廉亦當酌度情形妥為籌布哈密地方緊要文麟當就見有兵力妥籌堵剿毋稍疏虞巴里坤已有賊匪竄近著慶壽勤加偵探實力防守以顧地方烏里雅蘇台見駐吉林黑龍江馬隊及察哈爾官兵尙稱得力著常順多布沁扎木楚文奎妥為調度迅撥馬隊數百名由草地兼程馳赴巴哈以資援應賊匪竄及沁城喀喇烏蘇等處與烏城所屬蒙古部落毗連常順等見已派撥東華續錄 同治九十八 三

官兵前往迎擊即著飭令認真剿洗毋令賊勢蔓延景廉所派往援沙山子之營總依勒和布一軍與遊擊徐學功等剿賊出力准由景廉擇尤保獎以示鼓勵陣亡官兵著查明請卹將此由六百里諭知左宗棠常順多布沁扎木楚文奎景廉金順文麟並傳諭慶壽知之○諭榮全英廉奏查看厄魯特官兵並沿途臺站情形請調宣大官兵駐防塔城各摺片厄魯特官兵屢經催調尙未移至塔城英廉以該官兵等困苦路途遠恐難遷移擬親赴布倫托海查看情形再行籌辦著英廉於馳抵該處後將厄魯特近日情形留心查看加意拊循能否遷移來塔務與榮全商酌妥協迅速具奏塔城東路各臺無力應差致經過官兵軍火運送多有耽延並著英廉沿途周歷履勘應如何設法整頓之處一併妥商辦理塔城向有甘省換防兵七百名駐紮防守近因道路未通難以調派

刻下瑪納斯等處賊勢猖獗防務喫緊必須兵力鎮撫方免疏虞榮全等請暫由宣化大同兩鎮各撥兵五百名駐守係為思患豫防起見著李鴻章鮑源深於宣化大同官兵內挑撥精壯五百名攜帶軍火器械分赴塔駐防俟嘉峪關道路疏通再照舊章由甘省撥兵換防並著戶部將此項官兵餉項寬為籌撥源源接濟毋令缺乏將此由五百里各諭令知之○癸巳諭李鴻章等迅解吉林俸餉○乙未諭軍機大臣等景廉奏派援巴哈兩城並擬親往督隊暨請飭金順出關左宗棠籌辦軍糧請派署哈密幫辦大臣常順等奏派隊協勦各摺片關外回匪竄擾巴哈兩城哈密被圍甚急景廉見派吉爾洪額沙克都林扎布統帶馬步隊前往救援惟此股回逆人數甚眾悍賊尤多非厚集兵力難圖勦洗著景廉飭令吉爾洪額等兼程前進迅速馳援該都統將濟古兩處防

東華續錄 同治九十八 四

守妥為布置即著督帶兵勇親往援應毋稍稽遲該處地方為西進大軍糧運後路刻下哈密城圍甚急萬一稍有疏虞則不獨西進大軍糧路阻絕即肅州全局亦為掣動金順前有帶兵西進之請見在關外情形較關內十分緊急該前將軍曾否起程著懷遵疊次諭旨趨程前往並先撥得力官兵星馳前進會同明春各隊迅解哈密之圍並著左宗棠飭令各屬認真籌辦軍糧在玉門地方安設轉運糧臺以資接濟該大臣仍當懍遵前旨速撥勁旅數營馳赴巴哈兩城迅掃賊氛毋得顧此失彼金順一軍屢次屢諭剋期出關見在哈密被圍情形如此緊急若再遷延不進致誤事機定將金順從重治罪左宗棠所部甚厚儘可分撥出關刻下關外賊勢鴟張巴哈兩城盼援甚急若坐視不救致該城稍有疏失定惟左宗棠是問明春見已簡放哈密幫辦大臣責無旁貸著即

督率兵勇認真勦辦力解城圍該城防守事宜著文麟就見有兵力妥為布置毋稍貽誤巴里坤與哈密毗連東西北三路皆有賊匪竄擾著慶壽勤加偵探固守城防嚴飭兵勇遇賊即擊常順等已派察哈爾一起官兵馳往巴里坤一帶會同前次派出達密蘭防軍共圖援勦即著飭令該官軍迅赴前敵實力雕勦儻事機緊急仍著常順多布沁扎木楚文奎就近撥兵前往以資援應毋得稍分畛域將此由六百里加緊諭知左宗棠常順多布沁扎木楚文奎景廉金順文麟明春並傳諭慶壽知之○戊戌內閣學士宋晉請擇修直隸河渠以工代賑下李鴻章議從之○以蘇勒布為左副都御史由大理寺卿遷○癸卯諭軍機大臣等文麟奏回匪圍攻營堡調隊應援請飭部撥銀兩各摺片陝回大股會合東路竄匪偏竊纏頭回眾圍攻哈密城堡勢甚猖獗亟應迅速勦洗文麟見已

東華續錄 同治九十八 五

咨會景廉金順派兵救援前據景廉奏巴里坤哈密軍務緊迫該都統已派吉爾洪額沙克都林扎布帶隊援應即著景廉飭令孔才並派出各隊兼程前進該都統將濟古兩處防務布置妥協即懍遵前旨督率兵勇迅速回援毋稍遲緩明春已授哈密幫辦大臣迅即督率兵勇前赴哈密會同勦辦金順一軍屢次諭令出關見在哈密情形緊急務當迅率所部剋期起程毋再遷延干咎同王福晉暨伯克頭目等深明大義均屬可嘉回城被匪攻陷後該王福晉等見在何處著文麟查明具奏並傳諭該王福晉等迅速招集回眾毋任去而從賊左宗棠當懍遵疊次諭旨分撥兵勇出關助勦一面兼顧金順糧運毋令缺乏肅城賊勢久蹙該大臣親赴前敵督勦軍聲日振即著激勵將士趕緊進攻迅將城池克復並嚴防窮蹙敗匪乘閒逃竄出關是為至要統領魏忠義打仗失

利文麟請將該員革職並自請治罪本屬咎有應得姑念賊眾兵單情尚可原均著加恩寬免仍責成該辦事大臣就見有兵力將城防事宜嚴密布置不得稍有疏虞致干嚴譴哈密盼飭迫切所需兵糧由各路採買均應速撥款項以濟要需著戶部撥發軍餉見銀十萬兩糧價見銀五萬兩解交察哈爾都統衙門收存由文麟委員候補道常祥等領解赴哈俾供支放將此由六百里各諭令知之○乙巳賞普濟堂功德林賑米八百石

九月己酉諭軍機大臣等崇實奏剿辦賊匪獲勝情形一摺匪首莊洛三等在哈立套力改地方聚眾焚掠分股圖犯朝陽縣境經崇實派令署知縣陳本植等帶隊進剿立將股匪擊散莊洛三等黨退回巢穴官軍跟追圍剿殲斃賊黨多名賊始逃竄該匪竄回靠邊屯將家屬送往賓圖王旗藏匿復被奉省官兵中途截擊熱

東華續錄 同治九十八

六

河馬隊焚毀賊巢沿途追殺擒獲悍黨屈幅潰等正法勦辦尚為得手惟東荒地方遼闊匪首莊洛三等見向逃逸著崇實督飭派出兵勇及古北口練軍探蹤搜捕都興阿亦當檄令奉省官兵會同兜剿務將首要各犯悉數殲除以靖地方毋令死灰復燃致成滋蔓將此各諭令知之○庚戌飭山東等省迅解庫倫協餉○辛亥諭軍機大臣等常順等奏探報竄賊情形請調員統帶防軍哈密委員運解軍械中途遇賊各摺片回匪大股出關滋擾圍攻哈密其另股竄向諾木托羅蓋地方常順等見令達密蘭率所部迎剿並飭依楞額帶隊赴巴里坤臺路駐紮以遏三塘湖等處竄匪即著督令該官兵等嚴密堵禦確探匪蹤實力勦擊巴哈軍情緊要並著常順多布沁扎木楚文奎懷遵前旨檄飭防軍前往援應以勦為防不得意存畛域逆匪股數眾多邊外地方遼闊亟需厚

集兵力以杜奔突著杜嘎爾即將見駐紮遠城臺路之察哈爾馬隊移紮哈爾尼敦用資防剿哈密被圍情形岌岌景廉自己帶隊回援即著督飭吉爾洪額等軍星馳勦辦迅解城圍文麟當就見有兵力穩慎防守明春即率所部馳抵任所掃蕩賊氛金順一軍此時已否起程即著懷遵疊次嚴諭剋日馳往援剿該軍糧運左宗棠當飭地方官安速籌辦俾師行得以無阻並懷遵前旨派委得力將弁前往會勦肅州一城疊據左宗棠等奏勢在垂克該大臣復親往督師諒不難一鼓攻拔近日戰事如何著即詳悉奏聞以慰塵繫前派赴榮全軍營之侍衛特爾慶阿准其調赴烏城以資得力哈密委員運解軍火被賊搶掠當經官兵奪回著飭俟臺站疏通再行護解前進毋資寇兵將此由六百里各諭令知之○癸丑回逆竄偏科布多論署參贊大臣托倫布等嚴防○乙卯諭

東華續錄 同治九十八

七

內閣李瀚章等奏土匪滋事擒獲首要各犯懲辦一摺湖南臨湘縣藥姑山地方於本年七月開突有土匪傅春琳等聚黨結會搶劫滋事李瀚章等飭令提督劉維楨等帶兵前往會擊該匪膽敢拒捕經派出各軍先後擒獲匪首傅春琳等並匪黨多名訊明正法其竄逸之匪該提督等分投投擊續獲王洗保等審明懲辦並將匪巢平毀地方一律肅清湖南會匪疊經滋事見雖立時撲滅仍恐伏莽未淨復行句結為患著李瀚章郭蔭柏王文韶督飭文武各員會同嚴密接查以靖地方並著飭令地方官力行保甲毋得徒託空言○丁巳諭軍機大臣等杜嘎爾奏嚴布防探豫籌堵擊一摺陝回出邊撲犯巴哈等處哈密被圍甚急前經諭令該副都統將見駐紮遠城臺路之察哈爾馬隊移紮哈爾尼敦用資防剿即著杜嘎爾懷遵前次諭旨迅速移紮毋誤戎機一面嚴飭派

出官兵巡護糧路勤加偵探遇賊即擊毋稍疏虞另片奏請飭山西將撥補餉銀迅即籌解等語此項餉銀係該省應行抵還杜嘎爾劃撥之款見在該營防剿正急需餉甚殷著鮑源深迅將應行撥補餉銀二萬五千兩趕緊籌備務於九月內解至察哈爾以濟急需毋得稍有延緩將此由五百里各諭令知之○戊午調察哈爾馬隊一千名赴烏里雅蘇台防剿○辛酉命於安定等六門設廠煮賑並賞宛平縣賑米一千八百石通州賑米一千石○壬戌命錢鼎銘添撥河工防險銀五萬五千兩○癸亥諭軍機大臣等景廉奏續派馬隊馳援哈密一摺據稱陝回大股見在竄往紅廟子地方恐該逆西竄則古城防務更形喫緊該都統未能帶兵赴哈見添派營官田錫禮等帶隊前往應援等語即著景廉飭令該營官等星馳前進並飭前派赴哈密之吉爾洪額等迅速進剿立

東華續錄

同治九十八

八

攻哈密營堡甚急前經疊次諭令左宗棠等迅速派兵援應乃各路官兵均無到哈信息該城日夜盼援事機刻不容緩吉爾洪額等軍計已行抵巴里坤距哈甚近即著景廉飭令該副都統等趨程前進速解城圍文麟一面派員迎提母任藉故逗留致誤大局景廉續派之馬隊三百名並著飭令田錫禮迅速統帶前往以資接應孔才所部馬隊並黑龍江馬隊景廉務當移緩就急飭令兼程赴哈會同各軍迅掃逆氛金順總未據報出關殊不可解該軍兵力頗厚著即懷遵疊次諭旨刻期前進並先派得力將領統帶馬隊星夜馳援不得貽誤戎機致干重咎左宗棠諒已派隊起程著即催令派出官兵迅速前進毋稍延延金順一軍糧運仍著該大臣飭令地方官妥為辦理錫綸已授為烏魯木齊領隊大臣所遺哈密幫辦大臣早已簡放明春履經催令帶隊星馳赴哈即著

東華續錄

同治九十八

九

匪首袁名揚仍著該撫嚴拏務獲究辦○壬申諭軍機大臣等朕今歲恭謁 東陵稍申孺慕明歲新正當降旨恭詣 西陵直隸今年被水道路能否暢行此次工程不能不藉資民力恐被擾處所民力難支著該督酌度情形據實具奏將此諭李鴻章知之○諭前於七月間據左宗棠奏圍攻肅城踞逆情形並親赴前敵督勦該逆踞守孤城經官軍於克復東關後復於大南門外偏城修築礮臺營卡賊匪飛走技窮諒不難剋期攻拔乃迄今兩月未據該大臣續有奏報屢繫殊深見在關外陝回到處句結勢極猖獗哈密被圍甚急萬一肅逆被勦窮蹙竄出關外與各匪聯絡一氣又成滋蔓難圖勢將不可收拾即使肅城克復而關外受害不可勝言大局何堪設想左宗棠計已早抵肅州著即督飭官軍力籌進勦迅拔堅城務將該逆悉數聚殲萬不可使城賊乘間竄出致貽大患哈密被圍日久業經疊諭該大臣迅速派兵往援究竟調撥何隊前往哈密為西路要隘斷不可稍有疏虞仍著左宗棠懍遵疊次諭旨速即派兵兼程前進迅解城圍力籌兼顧金順一軍曾否出關並著催令該前將軍懷遵疊諭星馳前赴哈密毋稍延緩致誤戎機所有圍攻肅州及馳救哈密各情形著該大臣迅速詳細奏聞以慰懸盼將此由六百里諭令知之○飭福建等省撥解西征軍餉○癸酉諭軍機大臣等劉長佑奏土豪被控抗審見在籌辦情形一摺廣西南丹土豪莫雲義藉團恣暴為害地方其子莫五兇狡尤著屢被控告莫雲義竟匿居蠻洋山寨恃險負隅抗不到案該土豪稔惡多年漸形跋扈亟應捕拏懲治以儆刁頑劉長佑以該處地險寨堅難擒獲並聞其與黔省苗匪聲氣相通尤恐被勦窮蹙遁入苗寨重煩兵力該撫見已增調練勇二三

營派員統帶前往勦捕馮子材熟悉該處情形即著就近督飭各營相機進勦務將莫雲義弋獲毋令漏網並著曾璧光酌撥兵勇扼紮交界地方以杜竄越毋令乘間潛逃致與苗匪句結莫雲義到案後即著劉長佑將被控各情逐一根究盡法懲治莫如勤等有無受賄蒙稟等情仍著劉長佑查明辦理另片奏遵查陳得貴等一案等語陳得貴業因另案參革李玉墀究竟見在何處有無不法情事仍著該撫密飭劉玉成確切查明並俟湖北雲南各督撫查覆後悉心覈辦將此由四百里各諭令知之○子貴州軍營病故提督宇文秀陣亡提督文德盛合建專祠○永定河漫口合龍○是月減免兩浙浦東等三場歉收上年竈課
冬十月丙子朔享 太廟○諭李鴻章籌撥熱河經費銀兩○丁丑諭內閣御史沈淮奏請暫緩修理圓明園一摺見在帑藏支絀水旱頻仍軍務亦未盡戢朕躬行節儉為天下先豈肯再興土木之工以滋繁費該御史所奏雖得自風聞不為無見惟兩宮 皇太后保佑朕躬親裁大政十有餘年劬勞倍著而尚無休憩遊息之所以承慈歡朕心實為悚仄是以諭令總管內務府大臣設法捐修以備 聖慈慈憫用資頤養但物力艱難事宜從儉 安佑宮係供奉 列聖 聖容之所暨兩宮 皇太后駐蹕之殿宇並朕辦事住居之處略加修葺不得過於華靡其餘概毋庸興修以昭節省將此明白通諭中外知之○諭軍機大臣等都興阿奏請添調防軍一摺奉天地方遼闊時有賊匪嘯聚句結巡緝防勦未可稍疏該省分防各路官兵尚須汰弱留強亟應厚集兵力以資防勦著奕榕德英即行挑選精壯馬隊官兵各一百名揀派委參領以下等官管帶前赴奉省由都興阿分撥調遣並著該將軍飭

令分防各軍認真校巡實力剿捕以靖地方而消邊患將此由四百里各諭令知之○諭總理各國事務衙門奏川省毆斃司鐸教士見籌辦情形一摺據稱接准魁玉等函稱法國主教范若瑟遣教士張紫蘭潛赴黔江縣私買民房建堂傳教致該縣民人將司鐸余克林教士戴明卿毆斃與法國使臣照會所述不符請飭魁玉等迅速查辦等語四川黔江縣民人既有毆斃司鐸教士之案自應查訊明確及早持平辦結方足以服該主教之心免致另生枝節若日久耽延轉使該主教有所藉口且恐民心煽動將來民教滋事之案愈多辦理更形棘手著魁玉吳棠將此案詳細實情先行具奏一面嚴飭該地方官將案內下手正兇及幫毆從犯嚴緝務獲訊明啟釁根由分別按律懲辦並將見在辦理情形隨時咨明總理各國事務衙門以憑覈辦不得稍涉遲延將此由六東華續錄 同治九十八 三

己卯諭軍機大臣等常順等奏圍偏哈密賊匪業經西竄見籌防剿一招據稱景廉派撥沙克都爾札布等已經帶隊由巴里坤赴哈賊匪見向吐魯番一帶逃竄等語刻下賊蹤雖已西竄而哈密城防未可稍鬆該處見在布置情形若何著文麟就見有兵力將防守事宜悉心籌畫景廉亦當懷遵前旨妥籌兼顧均勿稍涉大意其竄赴吐魯番賊股並著景廉派兵剿擊就地殲除毋任紛竄常順等以關內外與喀爾喀處處毗連見仍派達密蘭所部馬隊駐紮瑪呢達爾旗界以護蒙古遊牧即著飭令該員加意防護毋令賊蹤竄越仍著常順等勤加偵探如哈密軍情緊急即飭達密蘭帶隊馳援不得稍分畛域並著飭依楞額馬隊防護巴里坤臺路毋稍疏虞明春時已否赴哈著懷遵疊次諭旨迅速帶兵馳

往與文麟會商防剿毋稍遲延將此由六百里各諭令知之○諭鮑源深迅解烏科兩城欠餉○壬午丁寶楨乞假修墓以文彬署山東巡撫恩錫署漕運總督由江蘇布政使署○甲申諭軍機大臣等景廉奏請停止運糧以紓臺力文麟奏固守哈密擊賊獲勝托倫布等奏賊犯科屬撥隊迎剿各一摺哈密被匪圍攻日久經文麟督率兵勇實力攻剿力保危城洵堪嘉尚此股賊匪經官軍截剿獲勝後曾否他竄前據常順等奏探得哈密賊蹤有西竄吐魯番之信是否分股西擾抑係探報不確即著文麟明春據實奏聞文麟等務當激勵兵勇嚴密探防遇賊即擊毋稍疏懈明春究於何日馳赴哈密該處地方緊要兵力甚單左宗棠究派何隊馳援肅州踞賊經官軍圍剿窮蹙萬一以出關為走險之路則巴哈兩城適當其衝受害不可勝言著左宗棠督飭各軍迅圖攻拔務將賊匪東華續錄 同治九十八 三

就地殲除毋任逃竄出關致貽大患應如何派兵截剿堵賊出關之處著該大臣妥為籌畫不得稍涉疏虞一面飭令派援哈密之軍星夜趨行前往以厚兵力金順何日拔隊何以日久未據奏報起程仍著懷遵疊諭帶隊迅速西進科布多屬突有賊匪竄擾軍臺將景廉軍營押解軍裝餉銀十八駄全行掠去托倫布等見派官兵馳往探剿即著飭令該官兵確切偵探認真防剿並著常順多布沁扎木楚文奎一體嚴防以顧臺路景廉以古城一帶採糧尙易請將口北歸綏兩道運糧全行停止以節糜費刻下金順帶兵出關前經疊諭左宗棠將該軍糧運妥為籌畫即著該大臣擇地設立糧臺由關內源源運解以裕兵食察哈爾所省運費米價著額勒和布奎昌毋庸撥解以節經費將此由六百里各諭令知之○以哈密固守城垣擊賊獲勝辦事大臣文麟得旨嘉獎賞副

都統銜○壬辰諭軍機大臣等托倫布保英奏分撥隊伍馳剿竄匪安插臺站並撥赴榮全軍營察哈爾馬隊請暫留援剿各摺片賊匪由察漢通古臺站竄擾土爾扈特一帶向西奔竄察漢通古池南哈布塔克卡倫復有匪股麇聚西南兩路臺站聞風逃避見經托倫布等派撥黑龍江官兵二百名由保英帶赴布拉噶河跟蹤截剿安置臺路即著保英分歷各臺遇賊即擊將臺站妥爲布置並著景廉英廉一體設法整頓以期疏通餉路毋令壅滯托倫布務當嚴飭馬步各隊密布城防力遏竄匪不得稍涉鬆懈達布蘇圖池南博東齊河地方有賊匪數百名盤踞該處兵力甚單見赴榮全軍營之察哈爾馬隊二百五十名抵科因西路臺站梗塞未能前進托倫布等所請留科策應之處著暫准其截留協同派出各員弁聯絡防剿一俟臺路疏通仍即迅飭前赴榮全軍營毋東華續錄 同治九十八 七

稍延誤將此由六百里各諭令知之○甲午諭內閣前據左都御史胡家玉奏復陳江西省錢糧違例加徵請飭裁革當交戶部妥議具奏茲據劉坤一奏稱胡家玉原奏諸多失實該左都御史及其弟姪有田六七百畝自咸豐初年至今二十餘年銀米絲毫未完該撫接胡家玉干預原籍諸事之信不一而足前於丁漕新章奏奉諭旨之後復貽書該撫等意存恫喝等語除江西徵收丁漕章程業經戶部議奏降旨准行外劉坤一所陳各節著胡家玉明白回奏○丁酉諭內閣前據劉坤一奏稱左都御史胡家玉陳奏江西加徵錢糧語多失實並謂胡家玉及其弟姪田畝久未完糧兼有干預公事信函當令胡家玉明白回奏茲據奏稱本籍祖遺湖田四五百畝其父兄弟五人各分田不及百畝歷年未完銀米均因災歉緩徵劉坤一間或貽書詢問地方公事亦曾函答此次

丁漕改章適江西藩司有書前來據實答復並函致劉坤一實非意存恫喝等語該撫此次所奏藉詞固多激切惟胡家玉致書本籍地方官雖爲公事起見殊屬不合著交部照例議處所稱地畝被淹緩徵是否屬實歷次往來信件是否該撫先行致函均著劉坤一據實具奏○戊戌諭軍機大臣等前據總理各國事務衙門奏川省黔江縣民人毆斃法國司鐸教士請飭查辦當諭令魁玉等將此案詳細實情先行具奏並將案內正兇及從犯嚴緝務獲訊明懲辦茲據魁玉等奏稱法國主教范若瑟遣教士張紫蘭潛赴黔江縣私買民房建堂傳教該縣民人將司鐸余克林教士戴明卿毆斃與總理各國事務衙門前奏情形大略相同見已拏獲正兇陳淙發等六名飭令西陽州知州羅亨奎等提犯研究下手正兇稟候查辦餘犯仍飭嚴緝並飭涪州知州濮文昇前赴黔江東華續錄 同治九十八 七

謂買房建堂以致民教不和滋生事端該地方官事前豈毫無見聞已獲之陳淙發等六人是否實係下手正兇亦應確切根究不得遷就了事桂衡亭辦理不善咎無可辭著即行摘去頂帶撤任仍著魁玉吳棠慎遵前旨將起釁實情迅速查明具奏並嚴究下手正兇躡緝幫毆從犯訊明分別懲辦毋得一味拖延任令該地方官含糊了事並將見在辦理情形隨時咨明總理各國事務衙門毋稍延緩將此由五百里各諭令知之○己亥以克復甘肅肅州關內肅清 上詣鍾粹宮 慈安端裕康慶皇太后前長春宮 慈禧端佑康頤皇太后前賀捷○左宗棠奏 宗棠八月十二日馳抵肅州駐營城南二里許十三日巡閱長濠察看各軍某布星羅鎮圍密合其西北及南門外稍有單薄處所旋飭隨帶鎮西

副中兩營分撥駐紮諸統將均擬乘勢攻拔迅蕪斯役臣等商各將領約期會攻時臣金順已於東北角開掘地道准備至期舉發擬商宋慶合攻東北臣宗棠飭徐占彪降補參將楊世俊各挑壯士於城西南角開花礮轟塌處所填塞賊濠以便騰塌而上一面派隊嚴扼長濠防其衝突首逆馬四即馬文祿在城上見臣宗棠整旆遙臨惶懼殊甚十四日遣人賫稟赴徐占彪所部歸化營乞撫請出關討賊贖罪臣等覺其詐不與批答惟出示城中曉諭回民老幼婦女免死其誠心乞撫者准詣營投審聽候分別辦理馬四奉到告示匿不張貼十五夜三鼓徐占彪楊世俊督隊填濠城上槍礮連聲不絕副將賴長等連用後膛礮指轟斃賊不少五鼓填濠登城楊世俊揮隊猛撲甫及城腰賊乘高死抗槍子石塊紛集如雨官軍未能驟登十六日黎明東北角地雷轟發宋慶所部

東華續錄

同治九十八

六

營官遊擊張林急揮壯士冒槍石登城賊負隅死鬪張林身中數槍裹創血戰旋中子殞命十七日徐占彪楊世俊於西南城根各掘地道副將賴長守備陳文英李思經以後膛礮向賊叢連轟臣金順宋慶等以劈山洋礮對東北城環擊臣宗棠令副將鄧增移大礮一尊置東北角礮臺晝夜指轟各斃賊無算十九日五鼓徐楊兩軍地道掘成同時舉發楊世俊率奇捷各營壯士奮勇先登副將歐陽吉星率副中營繼之連撲數次斃賊甚多逆眾於城上斜掘深坎伏踞其中坎上密排又槍伺官軍上城連環施放官軍稍却楊世俊憤甚持刀督戰甫上城頭忽飛子貫腦將士扶救回營次日而殞徐占彪見楊世俊創甚仍督壯士分隊猛撲復陣亡二十餘名帶礮石傷者五百餘名臣等商議賊贖孤城援絕糧乏自無不滅之理仰攻徒損精銳不如增修濠壘仍一面用後膛開

花大礮向城中測準轟擊一面加掘地道困之時劉錦棠報由西甯取道永安赴甘州候調臣宗棠令帶數營前來助剿以所部撫定之河湟番回本賊舊黨可以用奇也九月十四日臣金順派所部壯士從東北城缺口槍登城頭紮卡斷賊由城上往來之路悍賊連日猛撲均經大礮洋槍擊退斃賊甚多其西南各城土回老弱紛紛乞命臣宗棠逐一提訊據稱城中糧盡悍賊宰驢馬充飢老弱乞其皮煮食度活餓斃者不知其數聞官軍不殺老幼婦女故偷出逃生也比設局臨水地方畱養聽候安插初十日劉錦棠率湘軍五營及已撫回番至肅臣宗棠令其駐營南門陝回軍功崔偉禹中海畢大才甘回軍功法鏡泉馬福壽等日馳馬城下呼馬四及各賊目告以死期已至善自為謀馬四自知生路已絕哀懇出城乞撫十五日親詣臣宗棠大營泥首乞命適臣金順與宋

東華續錄

同治九十八

七

慶徐占彪劉錦棠均在坐臣等當以罪在不赦仍宜遵前諭先撤馬械次造客土各回戶口清冊聽候審辦安插並令將各悍目分班帶赴大營聽候面諭馬四唯唯聽命嗣是陸續款營呈繳又槍一千一百七十餘件劈山礮過山鳥槍狗頭礮擡槍數百件矛桿千餘刀又無數惟戰馬僅繳七十餘匹據稱連日飢甚已將餓瘦之馬悉數宰食所贖止此臣等飭客回分繳冊籍籍甘州者出東門由宋慶點驗籍口外沙州者由臣金順點驗籍西甯河州循化及陝西者由南門出歸劉錦棠徐占彪點驗各軍豫於附近廢堡分男女安置二十一夜土回頭目金自明領賊數十潛由大北門竄出臣金順督隊轟擊殲之金自明伏誅二十二日點驗畢數對冊籍人數有多復拔出漢民男婦一千一百餘名口二十三日申刻臣宗棠令提逆首馬四即馬文祿馬永福馬照馬金龍馬良臣

卽禿鄉約王得勝卽王大漢馬金才卽貴德老四馬良臣及阿渾等九犯數其罪磔之中軍號礮三響臣金順宋慶徐占彪劉錦棠立將各起兇悍客回一千五百七十三犯悉數誅是夜諸軍入城縱火槍轟矛刺計土回五千四百餘名除拔出老弱婦女九百餘名口外盡付焚如肅州以平二十四日安肅道史念祖署肅州知州李宗笏入城圍屍骸枕藉卽老弱婦女亦頗不免蓋昏夜亂刃交加有不及辨者矣計逆回竊踞州城於今十載始則土回肇衅繼則馬文祿藍吉楨受首逆安得璘偽封元帥兇燄更張吉楨死馬文祿以西甯獵戶糾眾撒拉回番及西甯河州劇盜偷息於此以通關內外花門消息西路妥逆中路馬桂源馬本源東路馬化澂皆資其聯絡中間就撫受職更名馬忠良實則自稱馬文祿人仍呼之馬四而已當就撫時城內漢民尙三萬餘名口該首東華續錄 同治九十八 文

逆殘殺其精壯虜辱其婦女至今僅存老羸男婦千一百餘口其客回從逆者關外則沙州哈密纏頭紅廟子各種關內則西甯河州循化保安營隴西狄道伏羌甘肅各種及陝西流徙之回約共兩萬有奇能戰者半之漢民日微回黨日聚勢不至淪爲異域不止自前年徐占彪一軍進剿由甘州高臺轉戰而來大小數十戰偏賊迸聚一城臣金順繼至而圍始合宋慶繼至而圍始密東關既破儲積空矣關外賊走外援絕矣猶敢倔強一隅誓決死鬪是其命中之技堅悍之性誠有異於他賊者茲幸天網高張俾積年逆誅悍賊按籍而誅屠豕到羊無一漏逸在事諸軍功績卓著合無仰懇 天恩優加甄敘又奏欽奉 上諭金順前有帶兵西進之請著懷遵疊次諭旨趨程前往並先撥得力官兵星馳前進等因欽此臣聞命之下惶悚實深關外軍情緊迫金順一軍整理需

時臣自當遴派勁旅出關以資臂助惟肅州甫經克復各軍勞乏過甚損折亦多亟須整理見在正擬酌量汰撤稍節虛糜若於各營中零星抽撥湊合成營則兵將兩不相習恐難驟收實效惟駐紮鎮番廣東陸路提督張曜所部嵩武一軍步隊十二營馬隊兩營整理年餘蓄銳已久張曜素嫻韜略曾蒙 聖明洞鑒及之且與金順共事數年彼此相習臣前路過涼郡面商關外增軍一事張曜毅然請行臣深佩慰此時金順所定出關二十營整理既需時日臣若僅派數營先往誠恐兵力仍單此不得不調嵩武全軍之實情也惟所部馬隊僅止兩營仍應添派得力之營以期得力查穆圖善續調之吉林黑龍江馬隊頗有堪資挑撥者臣竊見涼州副都統額爾慶額勇幹有爲由管帶吉江馬隊著續簡放是職金順亦稔知其人堪以派往應請旨飭下張曜額爾慶額各帶所東華續錄 同治九十八 九

部出關共收實效臣一面先籌兩軍糧運俾資裹帶毋誤師期如蒙俞允張曜額爾慶額應請飭幫辦金順軍務俾盡其贊畫之長庶期共濟近據玉門安西州商民傳言哈密解嚴賊復西遁未知確否然增軍出關則仍未敢視爲緩圖也至欽奉諭旨飭於玉門安設轉運糧臺一節竊爲用兵必設糧臺總司收發支應各處皆然從前西北用兵欽派重臣駐肅辦理糧臺歷有成案臣調督陝甘時因餉需不濟祇於湖北設後路糧臺陝西設西征糧臺專司各省協餉而一切軍需支應製造轉運諸務皆節節設局經理不敢多設糧臺愚陋之見實因糧臺一設所需差委員弁及製造軍需匠作夫役護臺將弁兵勇辦公薪糧等項需費浩繁當茲艱鉅之秋自應力求樽節惟恐局勢日侈需用日多不如設局之結算較便稽覈易施也究之頭緒紛繁事無巨細均須躬親裁決於庶

務時有叢脞之虞而報銷亦難以速辦茲蒙諭設立轉運糧臺實
關外亟應興辦之事亦臣早擬陳請者可否仰懇 天恩於戶
部堂官內簡任賢能總司其事並令選派廉幹司員攜帶帑銀出
關辦理以昭慎重之處出自 聖裁又奏官軍自閏六月十一至
二十七日圍攻肅城踞逆偪城築壘併力攻勦及臣親赴前敵商
酌機宜籌辦糧運各情形業於七月十八日詳悉陳明七月初一
日據逃出難民供稱賊因東關已被官軍攻克長圍愈緊勢尤危
迫各逆目造長車數十架每架長二丈四尺寬一丈五尺上安擋
牌毡片以禦槍礮下用軸轆以數十人共推一架意圖架濠而過
徐占彪傳諭各營豫為部署初六日五鼓大南門果出悍賊四五
千均推擋牌長車分為三股一撲歸化營新築營卡一撲新左營
長濠一撲右營長濠並拔濠外木椿濠擁搭濠徐占彪令各營以
東華續錄 同治九十八 主

洋礮劈山礮憑濠環擊轟毀擋牌斃賊頗多扒濠之賊為守濠隊
伍刀砍矛刺紛紛倒仆維時歸化營營卡之賊亦經該營擊退參
將楊世俊率所部奇捷營急由西南角馳至合提督陶生林副將
桂錫植參將馮桂增方友升遊擊秦玉盛武朝聘等馬步各營及
安肅道護勇齊隊越濠奮威追殺副將鄧增賴長以後膛大礮連
放三十餘響擊斃尤眾傷者不可勝計各軍奪獲牌車四十餘架
賊即敗遁時金軍於東北角用開花礮對城轟攻宋軍排列東南
長濠槍礮環施賊仍向南門敗竄回城復由城中馳赴東北與金
軍拚鬪金軍仍以槍礮指擊斃賊無數據擒賊供稱賊目馬四傳
諭黨眾乘蜀軍統領傷尚未愈突圍狂竄此次城賊攜帶牌車濠
擁出撲兇斃仍熾蓋自知處於必死之地故鬪志益決不虞仍為
官軍所敗志不得逞也十八日徐占彪以楊世俊所紮城西南之

苦水堡均勢較高商令修築礮臺攻西南兩面十九日三鼓賊大
股由北門繞出城西北急思乘夜竄遁前隊賊千餘名直撲元亨
新中三營濠壘各營槍礮齊施斃賊多名徐占彪復調先鋒親兵
營及方友升馮桂增等馬隊應援賊見兵力愈厚長濠扼守甚嚴
仍退縮入城二十三日西南城角之苦水堡礮臺築成高與城齊
寬能排置大礮二尊臺側有水溝二道便於設伏溝西南土塬層
疊而塬畔距城根僅十餘丈溝南塬中又有破牆溝西塬直接禮
拜寺官軍營壘二十五夜徐占彪派新後營副將康得勝撥隊南
塬就破牆紮卡副營總兵宋賢聲於西塬塬邊築卡總兵李玉春
率先鋒親兵營列隊護之元亨正新左新中右捷中左等營幫修
卡濠賊見官軍備城添築卡壘城上槍礮施放益緊鄧增賴長以
後膛大礮指轟始退縮城下兩卡均連夜築成二十六夜徐占彪
東華續錄 同治九十八 主

令元亨副新中四營楊世俊所部捷中左兩營由西塬開挖深溝
一道橫連禮拜寺正右新左營由南塬挖溝橫通礮臺側之水溝
口仍派李玉春率先鋒親兵營於前面列隊以護每營分挖三十
餘丈深約五尺寬六七尺連夜竣工晝以步隊十營各挑壯士暗
伏溝內待後膛礮轟塌城身乘機進取夜則飭派馬隊改步伏之
抽步隊回營守濠是夜槍礮如雨鄧增賴長以後膛礮連轟乃息
時城西復出賊三四百名蓋擁來撲先鋒營於溝南紮卡商派楊世
俊紮卡溝西互為犄角飭鄧增賴長陳文英日用頭二號後膛大
礮測準轟攻計西南城角轟塌七十餘垛口城身外面甃石亦多
塌卸八月十二日臣馳抵肅州駐軍城南二里許會督各軍晝夜
攻勦所有八月十二以後戰事及此次克復城池各情形另摺具

奏以清眉目 上諭軍機大臣等肅州逆匪經左宗棠與金順分督各軍會合圍攻並各掘地道進擊逆首馬四以勢蹙詣營乞撫經左宗棠等飭令呈繳馬械點驗冊籍九月二十三日該大臣將逆首及各起兇悍客回悉數誅戮即於是夜克復肅城覽奏實深欣慰所有肅城善後及甘省一切事宜應如何次第興辦撫輯地方以資培養之處著該大臣通盤籌畫妥為布置前因關外軍情緊迫疊諭金順統率所部出關左宗棠揀派得力將弁前往助剿茲據該大臣奏稱提督張曜夙嫻韜略副都統額爾慶額勇幹有為均堪派令出關會同勦辦即著知會張曜統帶嵩武全軍額爾慶額統帶吉林黑龍江馬隊會同金順馳往關外迅掃賊氛金順一軍勞乏過甚自應略加整理仍著該前將軍趕緊部署即率得勝之師早日西進不可過於延緩左宗棠務將各軍糧運妥為籌備俾利師行安設轉運糧臺一節該大臣請於戶部堂官內揀員總司其事並令選派廉幹司員攜帶帑銀出關辦理著候旨遵行惟糧運事宜必須地方大吏督率呼應方靈即使派員前往仍須該大臣會同籌辦方能有濟也袁保恆著賞假三箇月俾令回籍省視所有西征糧臺事宜著左宗棠知照袁保恆將見辦事宜趕辦完竣並遴派妥員暫行接管袁保恆一俟假滿即行赴陝經理毋稍遲延將此由六百里各諭令知之○左宗棠奏肅城土客逆回業已辦結其老弱婦女二千數百名概行遞解蘭州設局留養俟 宗棠凱旋擇地方分起安插以廣 皇仁惟客回種類不一其由哈密遷來之纏頭回子一種見止二百八名據稱係康熙年間來肅近為肅逆迫脅死傷甚多哀懇於內地安插其沙州紅廟子一帶回族則地方尚未肅清更無遣歸之理且人數所贖無多

婦女老弱居其大半 臣等已飭一同解赴蘭州再候安插見在肅州實無一回孱雜其甘州涼州各回死亡殆盡亦無遺種從此關內外花門句結當可無虞特自古徙戎之舉均係自內及外無由邊邊腹之例局外議論非所敢知然熟察情實非此不能杜釁而靖邊疆報聞○以克復肅州賞提督徐占彪雲騎尉世職蔣東才陳春萬黃馬桂餘升敘有差○開復甘肅陣亡降補提督楊世俊原官與提督王子龍等均予祭葬世職○庚子諭內閣昨因肅州克復降旨將在事出力之徐占彪等分別優獎因思陝甘逆回擾亂十有餘載勢極猖獗自節任左宗棠總督陝甘數年以來不辭艱苦次第勦除此次親臨前敵督飭將士克復堅城關內一律肅清朕心實深嘉悅自應特沛殊恩用昭懋賞左宗棠著以陝甘總督協辦大學士該大臣前經賞給騎都尉世職並著改爲一等輕車都尉世職將軍金順督軍助勦共奏膚功洵爲奮勉著開復革職處分○諭軍機大臣等據左宗棠奏餉項奇絀請撥四成洋稅以資接濟當經降旨交戶部速議具奏第思甘肅地方瘠苦見又時屆隆冬該將士荷戈關隘寒冽異常朕心深爲軫念本日已諭知戶部於庫存項下撥銀一百萬兩陸續解往左宗棠於此項銀兩解到後即可酌放月餉俾資飽騰至該大臣軍營餉需亦諄諭戶部嗣後務撥有著之款不得以空言搪塞該大臣所請揀派戶部堂官辦理糧臺事宜自爲慎重起見但轉運採買非得地方大吏辦理則呼應不靈該大臣素顧大局朕所倚畀不必再派部院大員以期事權歸一此次攻拔肅城窮蹙之寇幸皆聚而殲旃關外安敦王等處有無匪徒竄匿哈密曾否解嚴迄今未據文麟奏報關內如甘涼平番一帶無無零星餘匪西甯河州撫事諒不至

再有反覆甘境甫經戡定 臣所部各營官兵數年來 息一面設法裁併庶一兵 一兵之用而餉亦不至虛糜至將

來關外用兵籌餉難籌糧尤屬不易應如何先事豫籌該大臣諒 早計及著將兵事餉事統籌全局悉心經理與關內外見在地方 情形一併詳細奏聞張曜額爾慶額馬步各隊何時可以出關金 順昨亦諭令將兵勇略加休憩即率得勝之師西進所有出關官 兵糧餉轉輸及採買一切事宜該大臣自無不引為己任不待朕 之諄諄訓諭也將此由六百里諭令知之○辛丑飭催各省迅解 京餉○甲辰諭內閣前據左宗棠奏肅州克復關內一律肅清先 後降旨將左宗棠等及在事出力各員優加獎勵因思該省各路 統兵大員或扼要設防或相機雕剿同心協力共奏膚功允宜一

東華續錄 同治九十八

五

體施恩以彰勞勩將軍金順助攻肅州已加恩開復革職處分著 再賞還黃馬褂花翎清字勇號以示鼓勵穆圖善前署陝甘總督 統兵剿賊懋著勤勞此次移紮涇州扼賊紛竄亦屬得力著賞給 雲騎尉世職提督宋慶駐軍陝西邊境屢挫賊氛追調赴甘肅合 攻肅州尤為奮勇張曜扼紮甘肅甯夏郡城勦辦王家疃等處踞 匪地方得以安謐近由涼州馳赴肅州勇往可嘉宋慶張曜均著 賞戴雙眼花翎副都統銜西甯辦事大臣豫師會同左宗棠辦理 西甯招撫事宜復在平番防勦得力著賞給頭品頂帶其辦理西 征糧臺之二品頂戴詹事府詹事袁保恆籌解軍餉始終無誤亦 著賞給頭品頂戴見在關內肅清亟應乘此 將關外各處竄 匪次第掃除著金順督率所部迅赴古城會同景廉進勦穆圖善 著即派隊赴安西敦煌玉門一帶扼紮妥籌防勦以壯聲援哈密

尚未解圍張曜著與宋慶統帶所部一同馳往哈密與文麟明春 會同剿賊以厚兵力該將軍等務當奮迅圖功殄除醜類用副委 任所有出關各軍轉運糧餉關繫緊要著左宗棠認真督辦源源 接濟毋任缺乏○諭軍機大臣等前於九月二十七日寄諭李鴻 章詢問明春恭謁 西陵橋梁道路各事宜能否先期趕辦迄今 日久未據該督覆奏即著 察情形迅速據實奏聞毋再遲緩將 此諭令知之○諭前因肅州克復加恩以左宗棠協辦大學士並 賞給一等輕車都尉世職本日復明降諭旨穆圖善等分別加恩 獎敘以示論功行賞用彰勞勩見在關內肅清隴右大兵雲集自 應乘此聲威分路西征景廉駐紮古城兵力單薄亟應添派勁旅 以圖進取金順所部尚有二十營若與景廉合在一處則兵威較 壯景廉本有請飭金順前赴古城之奏即著統率各營刻日馳赴

東華續錄 同治九十八

五

古城相機進剿以期規復烏魯木齊景廉於金順到後將各隊如 何分撥前進之處即著和衷商辦不得稍涉意見其額爾慶額馬 隊即著左宗棠飭令隨同金順西進聽候調遣哈密雖獲勝仗見 在是否解圍未據文麟等續報張曜宋慶所部兵力較厚該提督 等久歷戎行辦事奮勇朕所素知著即督率所部馳往哈密駐紮 會同文麟明春等相機防勦遇有軍情緩急均准會銜奏事穆圖 善所部馬步各隊久駐涇州徒置無用之地即著飭令該統領等 分起前赴安敦玉一帶駐紮以為諸軍後繼該將軍見在奏請陛 見著將各隊分派起程後再行來見面授機宜以上各軍經朕酌 量分派後該將軍等接奉此旨即行奮迅前進不得託詞耽延儻 有玩泄從事朕必當按律懲辦決不寬貸至各該軍馳赴關外糧 餉一切及轉運事宜責任綦重必須先事豫籌並著飭地方官悉

心經理帶兵大員其勢難於兼顧左宗棠身任兼折責無旁貸著
卽統籌各軍所需糧餉軍火等項每月應用若干寬爲豫備陸續
轉輸毋令稍有缺乏如果各該軍逗畱不進則罪在主將儻因糧
餉不繼致誤戎機朕惟左宗棠是問關外情形究竟若何糧運道
路若何鎮迪以東俱總督統轄之地著卽詳細查明繪圖呈覽河
州狄道回情是否安帖該大臣督辦糧運自應駐紮肅州蘭州省
城止有藩臬駐紮是否足恃西甯安插各回眾能否不滋事端並
著左宗棠豫師據實具奏左宗棠所部各隊久在邊陲其中疲乏
者諒亦不少自應分別遣撤將得力之師分紮各要害以資彈壓
值此餉項支絀之時尤宜汰弱留強以節糜費將此由六百里諭
知左宗棠移圖善金順景廉豫師文麟明春並傳諭張曜宋慶知
之○是月獨緩直隸灤州等六十五州縣被水被雹新舊額賦暨
東華續錄 同治九十八 天

十一月戊申冬至祀 天於圜丘○諭軍機大臣等常順等奏賊
匪分股竄擾見擬督隊迎剿一摺賊匪竄擾車臣淖爾一帶分股
在察幹河及莫爾根霍碩等處滋事常順等見飭達密蘭等帶隊
馳往截剿卽著飭令該官兵遇賊卽擊毋稍疏懈蒙古臺站關緊
西北各城糧餉轉運賊蹤飄忽靡常見已竄擾圖謝公遊牧深恐
賊股四竄於臺路殊有關礙常順業經馳赴前敵督隊迎擊卽著
督率各軍迅將此股賊匪悉數殲除毋任蔓延爲患並著多布沁
扎木楚文奎會同托倫布保英勤加偵探實力勦擊以期淨掃逆
氛而疏臺路將此由五百里各諭令知之○庚戌諭軍機大臣等
榮全奏馳報前敵近日情形舊疾未痊請簡大員接替常順等奏
迎剿竄匪獲勝各摺纏夷滋擾新渠城堡一帶經景廉派營總依

爾和布帶隊援剿會合團勇疊獲勝仗惟前據景廉奏該都統因
古城兵力尙單已將依爾和布一軍撤回刻下新渠等處止有徐
學功營勇分紮難資捍禦榮全務當飭令官兵確探賊蹤妥籌防
範並與團勇聯絡策應以壯聲援該署將軍以東路軍情喫緊請
飭金順迅速出關見在肅州克復關內肅清業經諭令金順張曜
宋慶部著出關分赴古城哈密等處會同景廉文麟等防剿諒該
將軍等接奉前旨定當振旅西行不至稽遲時日也榮全舊疾未
痊殊深慮念西路軍事孔棘該署將軍仍當力疾籌辦維持大局
以副委任毋庸開缺賊匪竄擾車臣淖爾及圖謝公遊牧常順親
赴前敵督剿十月初間卓凌阿帶兵接仗獲勝該逆向西北逃逸
著常順等督飭官軍確切偵探規賊所向奮力勦擊務將賊股迅
速殄除毋任滋蔓該匪股數眾多來往飄忽榮全既據科城咨稱
東華續錄 同治九十八 天

有賊二千餘人欲竄科布多等處卽著托倫布保英妥籌勦辦力
掃逆氛並將匪蹤究竄何處確探具奏哈密已否解圍未獲文麟
等續報卽著該辦事大臣等將該城近日情形詳悉奏聞以慰
繫將此由六百里各諭令知之○飭山東等省迅解新疆欠餉○
辛亥子甘肅守城禦賊故在籍同知祁兌建祠○壬子諭軍機大
臣等王文韶奏貴州生苗糾眾襲寨戕官見經收復一摺貴州丹
江廳屬之蓮花開開屯奸苗暗約八寨古州苗眾句結散勇滋事
襲破雞講寨署通判屠翰合門被害官兵亦有傷亡經王文韶飭
令提督龔繼昌等分隊進攻斃賊多名當將雞講收復賊匪向皆
各喬桑烏洛遁去黔省甫就肅清古州上下江等處生苗膽敢句
眾襲寨戕官亟應及早剪除以清萌蘖著王文韶曾璧光各飭在
防官兵勤加偵探認真防剿將逸賊悉數殲除毋貽後患並隨時

相機鎮撫消禍未萌黔省軍務初平瘡痍未復全賴地方官潔己奉公安良除暴庶幾與民休息治理日臻著曾璧光慎選賢能牧令切實講求吏治該省地方官吏如有不勝任者嚴行糾參毋得稍涉姑息以靖地方將此由四百里各諭令知之○甲寅諭軍機大臣等金順奏統師出關瀝陳需餉實數籌畫糧運請飭撥兵勇皮衣銀兩帳房軍火仍令陝西製辦各摺片金順見率所部馳赴古城一帶剿賊士卒荷戈邊外艱苦倍常且戈壁長途糧運一切需費甚鉅亟應籌撥有著之款如期解濟俾赴戎機所請於粵海關江海關江漢關洋稅項下按月添撥三萬兩之處著戶部速議具奏其四川新添該將軍營餉銀每月一萬兩著吳棠飭令藩司剋期籌撥毋稍遲誤哈密雖據探報解圍該逆西竄吐魯番一帶金順仍應趕緊部署出關率得勝之師轉戰而前痛殲醜類

東華續錄

同治九十八

天

並遵十月二十九日諭旨速赴古城與景廉會商防剿規復烏魯木齊以慰塵繫關外用兵糧餉軍火最為緊要前經諭令左宗棠妥籌辦理該大臣自必通籌全局源源接濟毋任缺乏金順所部及接統成祿舊部兵勇統需皮衣銀二萬六千兩著戶部即行如數指撥解至歸綏道衙門發給該營委員以資應用金順軍營所需帳房軍火歷年均由陝西製辦仍著邵亨豫照舊章籌款辦理見在秦隴肅清晉省防務已鬆該省防軍應如何分別撤留以節餉需著鮑源深悉心酌度奏明辦理將此由六百里各諭令知之○諭托倫布等奏剿捕逆匪疊獲勝仗一摺賊匪竄擾科屬博東齊地方經保英帶兵往剿並著喜莫得等分投進攻該逆紛紛逃竄十月初八日在阿育爾公喇嘛庫倫等處接仗殲斃賊匪數百名餘匪向翰克扎薩克池南逃竄並探聞西路盤踞慶格里之賊

復欲乘機蠢動亟應迅籌剿辦以遏賊氛著保英統率派出各軍痛加剿洗毋任紛竄並著景廉派撥隊伍前往合力殲除以清餘孽托倫布當就見有兵力妥籌防剿力顧城防本日據金順奏探聞哈密業已解嚴惟尚未據文麟奏報見在究竟已否解圍著文麟迅速奏聞並著該辦事大臣等將該城防守事宜悉心籌畫不得稍涉疏虞將此由五百里各諭令知之○乙卯諭內閣朕於明年二月二十四日恭奉 慈安端裕康慶皇太后 慈禧端佑康頤皇太后啟鑾二十七日祇謁 西陵禮成後於三月初二日還宮所有應行事宜著各該衙門照例敬謹豫備○丙辰命盛京工部侍郎奕慶留京當差調戶部右侍郎桂清為盛京工部侍郎○丁巳 上詣 大高殿祈雪並詣 時應宮 昭顯廟 福佑寺拈香○戊午 上以祈雪詣 宣仁廟 凝和廟 普度寺拈香

東華續錄

同治九十八

天

○己未諭軍機大臣等禮部奏越南使臣齋到該國王奏疏鈔錄呈覽一摺據該國王奏稱河陽興化諸匪巢獨力攻剿願此失彼山興宣三轄蔓匪仍復猖獗請飭派兵會剿等語越南國邊地被匪竄擾前經諭令馮子材督飭官軍出關剿辦嗣以兵勇不宜久駐外國且慮有騷擾情事是以疊准劉長佑等奏將各營陸續撤回茲據該國王具疏籲請朕願藩封殊深軫念此時粵西官軍如令出境剿匪究於該國有無裨益且不至別滋事端之處著劉長佑馮子材悉心妥籌迅速具奏並著禮部傳令該國王知悉該國王原奏著鈔給劉長佑馮子材閱看將此諭知禮部並由五百里諭令劉長佑馮子材知之○以崇綺為戶部右侍郎學士○飭粵海等關撥銀六萬兩濟金順軍餉○辛酉諭軍機大臣等劉長佑奏越南各匪肆擾見飭粵軍防剿並籌保衛邊境一摺越南

各匪在宣光河陽一帶分股擄劫據報法國帶兵攻破越南河內省城官多被擄兵有傷亡並有黃逆崇英與陳四黎大各匪乘機攻襲太原山西奸民游勇蟻附鴟張之信北甯見亦戒嚴刻下越南各匪乘機肆擾深恐該逆假冒外國名色或勾結為患必致又起變端粵西太鎮南甯三府均與粵南毗連該處止有劉玉成覃遠璉兩軍兵力甚形單薄見越南夷官踵營求救自應相機防剿以顧外藩著瑞麟張兆棟迅即撥兵數千名由欽州徑出關外約會援剿或繞赴西省南太地方協同堵擊並著劉長佑飭令劉玉成等軍酌度情形認真剿辦仍著瑞麟等查照前次奏撥之案按月籌解餉銀二萬兩以資接濟粵軍於邊關內外堵剿越南各匪與法兵絕不相涉著總理各國事務衙門即行照會法國使臣轉飭遵照毋令別滋事端將此由四百里各諭令知之○壬戌諭軍

東華續錄

同治九十八

三

機大臣等景廉奏援軍抵哈擊賊獲勝立解城圍並探聞餉銀被劫各摺片景廉所派之吉爾洪額等軍於八月間到哈在泥基頭地方與賊接仗獲勝復會同威儀營官軍將回城收復並攻破南湖賊營辦理尙屬得手惟據探白彥虎股匪由五堡分股奔竄並有撲犯古城之信亟應迅速截剿以遏賊氛即著景廉飭令吉爾洪額等拔隊回古以資防剿並飭派出各營奮力殲除毋任紛竄據奏該逆將福晉回王縛送南湖賊營該福晉等被賊偏脅不從實屬深明大義刻下南湖業經攻破該福晉等見在何處著文麟等將實在下落確切查明妥為安撫景廉餉銀在科布多所屬察漢通古臺被賊搶劫即著咨明托倫布等派員一體詳查哈密解圍疊據各路奏報文麟何以日久尙未據奏著即迅速奏聞明春業經到哈著與文麟會商將該城防守事宜悉心籌畫毋稍疏虞

匪蹤飄忽靡常烏里雅蘇台所屬諾木托羅蓋等處已有匪蹤竄擾仍著常順等飭令達密爾確切偵探妥籌防剿迅掃逆氛所有此次剿匪出力人員及陣亡兵勇著景廉查明分別奏請獎卹將此由六百里各諭令知之○諭常順奏烏城戰守兵數相等城防布置周妥情形一摺據稱文奎等請催察哈爾官兵摺內隱然以該署將軍為多擁強兵於外而畱孱弱以居守置城防於不顧因將布置情形縷晰上陳等語文奎等前請催調官兵自係為嚴密設防起見常順率行揣度曉曉置辯殊屬非是嗣後該署將軍務當以公事為重與該參贊等隨時和衷商辦不得稍存意見貽誤事機自干咎戾將此諭令知之○移雲南提標右營遊擊駐蒙化廳鶴麗鎮標右營都司駐麗江府城劍川營都司駐喇雞鳴臨元鎮標左營都司駐臨安府屬曲江驛鶴麗鎮標右營右哨千總駐

東華續錄

同治九十八

三

甲子 上詣 大高殿祈雪○諭內閣御史吳可讀奏請將已革提督成祿立正典刑一摺除原議之軍機大臣及刑部堂官毋庸會議外著御前大臣大學士六部九卿將該御史原摺並軍機大臣會同刑部定擬一摺再行嚴議定擬具奏○予故前任浙江提督鄭魁士祭葬諡壯烈○己巳諭軍機大臣等岑毓英奏查明滇省情形擬即撤勇停捐一摺軍興以來募勇籌捐本係一時權宜之計軍務平定自應規復舊制免滋弊端滇省已就肅清據該撫查明所部粵勇除遣散外所餘不過千人其籍隸本省勇丁挑選精壯充補綠營兵額餘令歸農歸廠自謀生理所奏甚合機宜即著會商劉嶽昭督飭得力將領將見在各營勇丁分別遣畱所畱各勇准其充補兵額仍著該督撫隨時加訓練束以營規俾成

勁旅其遣散各勇尤須妥為安置免致滋生事端至該省及各省所設捐局既可裁撤即行查明奏聞一律停止以免有名無實滇省變亂日久仕途既雜吏治宜及時講求該督撫慎選賢能牧令與民休養生息遇有庸劣各員亟應隨時甄別毋任濫竽歷年收捐款項即著該督撫查明實數應如何加廣學額中額之處請旨辦理另片奏吏治營伍國用各節深明大計即著照所議辦理停捐裁勇滇省能先舉行足見該撫勇於任事著與劉嶽昭和衷商辦實事求是整頓地方用副委任該撫所議各節本日並諭令各省督撫等酌度情形籌議具奏矣將此由四百里各諭令知之○諭岑毓英奏遵旨覆奏侍郎徐桐所陳安危大計請將吏治營伍國用力圖整飭據稱整頓吏治必先停捐欲停捐必先足用欲足用必先易勇為兵按楚勇章程各省如裁勇十萬每歲所省餉銀即足抵補京外捐項見時多以勇營雷防則綠營未能整頓可知應將見在勇丁挑選精壯充補綠營兵額痛除積習易弓箭為槍礮勤加操練餘勇酌給欠餉妥籌遣散擬請由滇省先行辦理等語所陳不為無見滇省既可首先舉行各省情形雖不相同亦當力求整頓應如何認真籌畫妥為布置之處著各省督撫按照該撫所議各情悉心酌度次第經理務使實有成效毋得徒託空言並將擬辦情形先行詳細具奏原片均著鈔給閱看將此各諭令知之○庚午諭喬松年等疏濬運河○壬申諭內閣前據軍機大臣會同刑部審明已革烏魯木齊提督成祿罪名比例擬以斬立決聲明應否改為斬監候恭候欽定旋因御史吳可讀奏請將成祿立正典刑當令御前大臣大學士六部九卿再行覈議定擬具奏茲據該王大臣等奏稱成祿罪名仍照原議辦理其未經畫稿

之通政使于凌辰大理寺卿王家璧亦據另摺陳明均無異議成祿著改為斬監候餘均照軍機大臣等所請辦理至御史職任言官雖准風聞奏事何得以私意揣測形諸奏章該王大臣等謂吳可讀刺聽朝政與風聞言事不同請旨究詰實據等語御史吳可讀著降三級調用毋庸究詰○諭軍機大臣等錫綸奏回賊西竄軍臺阻梗見擬派兵會剿文奎等奏防剿喫緊請截借軍餉英廉奏馳回塔城見擬籌辦各節並籌安設布倫托海等臺各摺片賊匪竄擾科屬察漢通古軍臺等處和碩特土爾扈特等喇嘛營子均被劫掠賊蹤西竄至青格里河錫綸見派蒙庫吉呼噶爾帶領蒙兵喇嘛等眾前往烏隴古上游沿河一帶相機堵剿即著錫綸飭令該官兵認真探擊毋稍疏虞該處軍臺為古城塔城要路且為榮全景廉等營運道所必經見探聞烏梁海各臺站皆已逃散東華續錄 同治九十八 三

亟須力圖勦洗以淨賊氛錫綸派出之軍僅有六百名兵力甚形單薄著托倫布保英即速派令伯多滾察漢兩防兵選擇妥員管帶前進兩路夾擊並派明幹之員隨同官軍一面整飭軍臺以顧運道儻賊氣甚熾即著錫綸親率所部前往督勦榮全景廉亦當勤加偵探應如何派兵會剿之處即著妥籌調撥迅赴戎機科屬地西臺站被擾烏城防剿喫緊儲款無存文奎等請由伊犁軍餉暫行截留二萬兩以資接濟即著准其暫行借用一俟烏城軍餉解到即如數補還該城需餉甚殷那借止可顧一時之急著戶部將各省蒂欠該城之款嚴行催取迅速籌解並咨明綏遠城張家口兩處於烏城軍餉解到時即飭該城領餉各員迅解到烏以資急用榮全處盼餉亦切嗣後文奎等亦不得任意截留以致顧此失彼厄魯特官兵寄居布倫托海英廉以塔城一切章程尚無

頭緒擬俟餉項稍充再行飭調回塔即著照所請行該城見在應辦事宜亟須斟酌緩急次第舉辦惟從前案卷全行遺失著戶部兵部工部理藩院將塔城歷辦冊案摘鈔一分並將該部院則例一並頒發交英廉迅速辦理該城拖欠哈薩克駝馬帳目著英廉即令親王扎薩克厄魯特領隊大臣等查明確數具文承領此項銀兩並准併案覈實報銷塔城布置一切需款甚多著戶部即行籌撥銀八萬兩俾資應用英廉請於東路臺站置買駝馬四百隻騾馬四百隻驢馬六百匹騾馬六百匹分放各臺應差惟此項駝馬為數太多塔城無從採買著常順多布沁扎木楚文奎即派員按照市價妥為照數採買務選口輕體壯毋任以疲弱充數即由英廉派員赴烏領取所需款項常順等先行墊辦俟戶部撥款解到即由常順等照數扣還以清款目布倫托海一臺為科布多所轄前此駐紮該處之厄魯特官兵除由錫綸調往外其餘人眾亦應調回塔城即著托倫布保英速即撥派官兵前往安設臺站以便厄魯特人眾移回塔城駐紮其餘安設各臺即著照英廉所擬辦理該參贊大臣務當實心經理以副委任將此由六百里各諭令知之○諭李宗羲等籌銀五萬兩解交淮安關監督備辦要需○癸酉 上詣 大高殿祈雪○撥山東司庫銀六萬兩備運河工需○甲戌諭軍機大臣等魁玉吳棠奏蠻匪滋事官軍勦撫兼施地方見已靜謐一摺四川峽邊懸境蠻匪蠢動經魁玉等派兵勦捕殲擒悍目數人該蠻眾窮蹙畏懼先後投誠該將軍總督擇其樸誠可靠之人令充千百戶設立夷兵夷約並將建礮修堡等事宜次第舉行辦理尚為妥協惟裸民支蕃族眾全在地方官撫馭得宜魁玉吳棠務當督飭所屬將善後各事宜妥為籌辦並

隨時捐循防範以杜亂萌毋稍大意將此由四百里各諭令知之○是月蠲緩直隸寶坻等三縣歉收額賦並減免差徭江蘇高郵等三十六州廳縣淮安等九衛被水被旱太倉等三十九州縣蘇州等五衛被旱暨未墾田畝山東濮州等七十三州縣德州等四衛並東平所被水被旱被蟲浙江海南等六十六州縣杭嚴等四衛被旱被風被雹被蟲新舊額賦雜課緩徵安徽泗州等四十五州縣被水被旱被風被蟲新舊額賦雜課十二月乙亥朔諭軍機大臣等都興阿等奏賊匪聚眾械鬥見籌勦辦情形一摺本年十一月間突有賊首宋幅倡率領匪眾與高希田械鬥傷斃多人該匪見竄往夾心子高家盤踞難保不竄入甌口滋擾亟應迅速勦辦著都興阿等督飭派出各隊趕緊緝拏務將此股賊匪及早撲滅毋任蔓延並著將高希田與宋幅倡起東華續錄 同治九十八 差

變根由詳細查明妥籌辦理以靖地方將此由四百里各諭令知之○丁丑以明年恭奉 慈禧端佑康頤皇太后祇謁 西陵詔撥直隸藩庫銀一萬二千兩修治橋道

○庚辰諭內閣邵亨豫奏故員殉難慘烈請賞還世職一摺據稱守城殉難之前山東臨清直隸州知州張積功所得雲騎尉世職因其嗣子張紹陵傳教獲罪致停承襲惟該故員前在臨清守城禦賊力竭捐軀全家殉難死事甚烈懇請賞還世職等語張積功所得雲騎尉世職著即賞還准其於近支內擇人承襲○以松淮為內閣學士 由詹 事遷○移浙江黃巖鎮總兵官於海門衛為海門鎮總兵官改甯海左營守備一千總二把總四外委三隸海門鎮左營轄○壬午雲南巡撫岑毓英奏奉旨兼署督篆自揣兼顧難周請另簡員署理得旨岑毓英向來勇於任事朕所深知雲貴總督

仍著該撫兼署將地方應辦事宜悉心經理毋許固辭○癸未諭軍機大臣等榮全奏東路竄匪喫緊見籌截剿情形一摺關外竄匪在青格哩池東各臺焚掠經錫綸帶隊迎剿獲勝賊匪奔竄與錫綸前奏情形大略相同該匪見已竄入塔境亟應迅速剿辦著榮全飭令派出各軍分投探剿迅掃逆氛並著英廉督飭塔城官兵嚴密設防毋得稍涉大意該匪由阿雅爾淖爾向大小拐地方奔竄該處與瑪納斯路徑相通孝順見已帶隊赴沙灣迎剿即著榮全飭令該員迅圖剿洗務將此股竄匪悉數殲除免致句結為患錫綸前派隊伍赴烏隴古上游一帶堵擊並著督飭該官兵勤加偵探認真防剿毋稍疏虞將此由五百里各諭令知之○甲申諭軍機大臣等錫綸奏陝回分股西擾官兵追剿獲勝英廉奏塔屬各臺被擾見派員照舊安設托倫布等奏科屬竄匪敗逃整頓東華續錄 同治九十八 五月

臺站各一摺陝回句結竄哈賊股擾及烏梁海等部落錫綸督率官軍追至霍博克河下游科科墨頓地方截剿獲勝賊匪乘夜遠颺錫綸兵力甚單此次連獲勝仗斃匪多名賊眾雖已敗逃究未大加懲創尤恐與瑪納斯大股句結遂成滋蔓難圖錫綸見已飭令沙山子各軍由阿雅爾淖爾南畔瑪納斯河東一帶扼要堵截著即嚴飭該處兵勇認真截擊毋使賊勢蔓延榮全昨日奏報已派孝順額爾根巴圖等帶兵分赴沙灣高家磴地方探蹤剿擊著即飭令孝順等勤加偵探會同錫綸派出各軍盡殲醜類毋稍疏虞塔城所屬烏素圖烏圖布拉克鄂布爾圖三臺官兵聞警逃散英廉見在派員督催照舊安設著參贊大臣即行文該王扎薩克等速將被難蒙古安為安插並趕將驚散臺站設法安置英廉仍當會同榮全督飭見有官兵嚴加防守遇賊即擊以顧臺路科屬

見無賊蹤著托倫布保英刻即查明各臺被擾情形分別撫恤一面將各臺安設齊備毋得以賊氛已遠稍為鬆勁將此由五百里各諭令知之○乙酉允李宗義等奏修運河惠濟橋並暫停堰圩石工○丙戌 上詣 大高殿祈雪○丁亥諭軍機大臣等景廉奏西路官軍剿匪獲勝古城防務喫緊請飭金順速進助剿並賊擾軍臺請飭科布多就近剿辦安設臺站各摺片徐學功率領練勇在三道廠子地方截擊竄匪獲勝實屬奮勇可嘉本日已明降諭旨將該員照所請獎勵矣逆首白彥虎等見已竄入瑪納斯並句結迪屬回匪勢漸鴟張或西撲沙山子或東犯古城均在意中巴里坤屬之紅柳峽等處亦有竄匪滋擾濟木薩迪西三臺地方復有逆回假充兵勇搶掠之事景廉一軍駐紮古城有四面受敵之勢情形殊為喫緊前經諭令金順帶同額爾慶額督兵出關前東華續錄 同治九十八 五月

赴古城會同景廉剿匪刻下當已布置就緒即著該將軍剋日拔隊起程馳往剿辦毋得稍事逗畱貽誤事機其需用車馬並糧運事宜著左宗棠督飭地方官妥速籌辦以利師行景廉見派孔才帶兵赴三臺剿賊著飭令該統領實力剿擊迅殲賊股沙山子為西路要地儻該處被賊踞擾關繫綦重逆首白彥虎既有撲犯沙山子信息官軍自應迅往扼防以杜窺伺景廉已咨會錫綸率隊進紮並請飭榮全令孝順率部會剿孝順見駐沙灣距沙山子不遠即著榮全檄飭迅速會合錫綸進兵痛殲匪類毋任蔓延兵機旦夕異宜辦理尤貴迅速若待請旨飭行往返稽遲恐致貽誤嗣後景廉於就近各軍如有應行調撥之處即由該都統調遣以期便捷毋稍拘泥科布多屬軍臺前被賊擾臺兵潰散景廉軍營道路阻隔業據托倫布等奏稱科屬已無賊蹤該署參贊等飭將烏

梁海等處各臺一律安設齊備並查明被難蒙古分別撫恤即著
托倫布等迅速籌辦以通臺路將此由六百里各諭令知之○戊
子諭內閣禮部議結磨勘處分請旨更正並自行檢舉一摺本年
順天鄉試中式舉人徐景春試卷文理荒謬經磨勘官籤出照例
斥革正副考官同考官均有應得處分著照該部此次所議正考
官全慶副考官胡家玉童華潘祖蔭均著降二級調用同考官著
即行革職至此案正副考官同考官處分該部前奏辦理未能允
協所有禮部堂司各官著交部分別議處○諭禁內務府催索被
災蠲緩租銀○郭柏蔭以病免以吳元炳為湖北巡撫涂宗瀛為
湖南布政使崇福為湖南按察使前甘肅按察使○己丑諭錢鼎銘添撥
黃河防險銀二十七萬四千兩○以崇實為刑部尚書由鑲白旗蒙古都統
○以賀壽慈為左都御史劉有銘為刑部左侍郎由左副都御史遷○
東華續錄 同治九十八 天
以殷兆鏞為吏部右侍郎前禮部左侍郎宋晉為戶部左侍郎由內閣學士遷○
庚寅諭內閣前任陝西巡撫劉蓉前因剿賊失利降旨革職茲據
王文韶奏劉蓉於本年十月間在籍身故等語該員前在湖南湖
北四川陝西等省曾著戰功所有前得革職處分著加恩開復○
命工部右侍郎宜振恭辦 普祥峪萬年吉地工程○召王凱泰
入覲以李鶴年兼署福建巡撫由閩浙總督署○辛卯諭內閣文麟奏前
因哈密回子親王邁哈默特並伊母原任回子親王伯錫爾福晉
邁哈默特福晉均被回匪裹脅見經文麟將該王邁哈默特並邁
哈默特福晉尋救回城但伊等所住房屋及需用物件盡被蹂躪
其伯錫爾福晉尚未尋獲一摺該回子親王邁哈默特突遭大難
堅守不變深堪嘉尚著加恩賞給該王銀二萬兩由戶部撥給交
文麟轉交該王以示體恤仍著文麟務將伯錫爾福晉尋獲回密

東華續錄 同治九八

妥為安撫俟尋獲時即速奏聞以副朕矜恤回臣之至意○諭軍
機大臣等文麟奏追剿竄匪獲勝請催各省欠餉並飭部撥銀五
萬兩請飭常順等安設北路臺站各摺片圍備哈密賊匪自援軍
擊敗後竄至瞭墩地方經誠慶等跟蹤追剿斃賊多名將回王邁
哈默特等救出惟纏頭去而從賊恐勾結吐魯番回逆仍復竄擾
哈密亟應嚴加防範著文麟等督飭各將士將城守事宜妥籌布
置不得以賊蹤已遠稍涉疏懈臺站為運道所關見在北路蒙古
各臺被擾均已逃避自應趕緊安設著常順等迅飭蒙古人等將
頭二三臺以及北路各臺速為安設以通運路刻下哈密需餉甚
殷即著照文麟所請由戶部籌撥銀五萬兩迅速解交察哈爾都
統衙門收存即由文麟等派員迎提其各省應撥哈密餉銀著戶
部咨催各該省督撫飭令藩司迅速撥解毋任遲延回城被賊搶
掠該回王等情形困苦殊深屢念本日已明降清字諭旨賞給該
回王銀二萬兩由戶部解往著文麟等即將此旨宣示並著妥為
安撫將此由五百里各諭令知之○壬辰原任漕運總督袁甲三
母郭氏百歲生辰頒 御書扁額旌賞如例○癸巳飭山西迅解
甯夏欠餉○甲午 上詣 大高殿祈雪○丙申諭內閣見在肅
州克復關內肅清因思已故廣東陸路提督劉松山前在甘肅督
兵剿賊卓著戰功嗣因深入重險遇伏捐軀追念前勞殊深矜憫
劉松山業經得有三等輕車都尉世職著再加一等輕車都尉世
職令其嗣子承襲以彰忠盡○諭劉坤一奏遵旨據實覆奏一摺
據稱查明胡家玉及其弟姪田畝歷年應完錢糧實有未曾被災
辦緩仍未完納者丁漕改章一案胡家玉曾貽該撫書信並非該
撫先行致函等語胡家玉本籍田畝應完錢糧既未完納又將丁

六一五

漕改章一事致書地方官均屬不合降調左都御史胡家玉著交部議處○左宗棠奏 臣奉 上諭見在關內肅清隴右大兵雲集自應乘此聲威分別西征左宗棠身任兼圻責無旁貸著即統籌各軍所需糧餉軍火等項每月應用若干寬為豫備陸續轉輸如果各該軍逗雷不進則罪在主將儻因糧餉不繼致誤戎機朕惟左宗棠是問關外情形究竟若何糧運道路若何鎮迪以東俱總督統轄之地著即詳細查明繪圖呈覽河州狄道回情是否安帖該大臣督辦糧運自應駐紮肅州蘭州省城祇有藩臬駐紮是否足恃西甯安插各回眾能否不滋事端並著左宗棠豫師據實具奏左宗棠所部各隊久在邊陲其中疲乏者諒亦不少自應分別遣撤將得力之師分紮各要害以資彈壓值此餉項支絀之時尤宜汰弱留強以節糜費欽此跪誦之下欽仰我 皇上軫念西陲

東華續錄 同治九十八 旱

洞曠邊務際此關隴肅清為邊塞一勞永逸之計申命諸將剋期出關疆 臣總司糧餉分別責任迅赴戎機在事文武諸臣慎遵聖訓敢不殫誠竭慮以求仰慰 宸厯竊維由肅州出嘉峪而西本漢唐師行大道關內外風土相同非有洪濤巨浸崇山峻嶺足妨戎馬也安西玉門敦煌近雖遭白逆股匪擾掠一空然使關內之糧足供裹帶車駝隻足供周轉無庸仰給安西出關之兵何憚不進近時軍情無復以出關為苦者以此然徒言出關固尚非難至由安西抵哈密計程十一站千里而遙經由戈壁無臺站無水草砂磧縱橫人馬每多困躓中間僅安西城北四站馬蓮井尚可支帳小憩以備汲飲而亦未可久留過此又七站始抵哈密回城地暖而腴為纏頭回族聚居之所軍興以來音耗闊絕近被白逆股匪竄擾是否有餘糧足供採買更無從知 臣前在肅與諸軍

集議官軍分起次第行走必先將甘涼採買糧料運存肅州又由肅州出關運至玉門然後頭起開拔至玉門又用其私駝轉搬玉門存糧以赴安西騰出官駝官車轉運第二起軍糧而後第二起繼進餘軍仿照辦理此抵安西州作一停頓又裹糧運哈密如此層遞銜接人畜之力方稍舒展而士氣常新可免意外之慮至由哈密前進所有糧運事宜斷非 臣力所及自古至今從未有運涼甘肅之糧濟哈密以西軍食者語云千里饋糧士有飢色言其不宿飽也今涼甘肅之糧運哈密計程實近三千而所歷又皆兵燹之餘砂鹵之地其勞費願待問哉諭旨飭金順額爾慶額由哈密進古城與景廉會師金順等至安西州搬齊糧料必一面遣人赴哈密詢訪就近堪資採買者若干以定進止如就近有可設措自不須轉搬安西存糧以節勞費而張曜所部遵旨進哈密即可藉

東華續錄 同治九十八 旱

資其糧以進時距麥熟之期亦當不遠舊糧漸盡新穀旋升後此續進之軍方可相時而動 臣所擬宋慶之軍及 臣部精選之軍蓄銳待發自可不誤師期諭旨飭穆圖善率所部進駐安敦玉為諸軍後繼 臣統籌糧餉軍火等項寬為豫備陸續轉輸毋令稍有缺誤穆圖善欽奉諭旨感激奮興固不待言 臣具有天良又新蒙特恩至優極渥苟有一籌可展竟敢稍惜心力致煩 聖厯撫衷自問何以為安願無如時地足以限之關內之糧接購無餘非待明秋無從加採而前進各軍能否就近採買騰關外存糧以供繼進之軍又難懸擬若勉挪前進各軍糧料以應穆圖善則前進各軍中途缺食大局不堪設想若不挪前進存糧以應穆圖善則至之軍一飽無時又將何策以善其後故於接到穆圖善咨時業將一切實在情形縷悉咨覆請其將隊伍暫駐涇州平涼一帶遵

旨陛見面陳此時急赴安西於大局有損無益確實情由伏候
聖慈詳示機宜俾有遵循大局之幸亦微臣與穆圖善之幸也至
金順張曜兩軍各有專餉無待臣籌額爾慶額所統吉林馬隊二
百騎黑龍江馬隊百騎穆圖善委解存餉三萬兩甚為充裕其自
挑涼州滿營百騎及臣撥交桂錫植馬隊一營一起臣已各撥滿
餉四箇月交額爾慶額並撥購到口馬二百五十五匹健駝二百隻
洋馬礮單械各件以壯其行出關各軍所需軍火見解肅州者堪
資一年之用如遇各軍餉到稍遲必應墊發者臣自當相其緩急
應之惟臣軍餉項奇絀久在洞鑿之中如各軍視爲公中糧臺取
攜自便無論點金乏術缺誤必多且將來款目轉轉過多從何銷
算此非由部臣派員專立一案隨時考覈嚴切催提不可非臣力
所及也諭旨垂詢河州狄道回情是否安帖該大臣督辦糧運自
東華續錄 同治九十八 望
應駐紮肅州蘭州省城祇有藩臬駐紮是否足恃西甯安插各回
眾能否不滋事端並著左宗棠豫師據實具奏臣維甘肅一省變
亂十餘年被禍慘烈甲於天下所以然者回變與髮逆捻逆不同
而甘回與陝回起衅緣由又異當時辦法未能苦心分明遂致紛
紜日甚不可收拾也陝回之禍由於漢回構怨已久起衅之故實
由漢民而匪回乘機構變並敢戕害團防大臣據地阻兵法難曲
貸迨官軍屢予痛勦兇悍首逆馬政和楊文治于彥祿等均已授
首悍賊殄滅已多所存無幾國法已伸其餘首從各逆既俯首輸
誠自可概邀寬典安置甘境與漢民異處以杜衅端通計陝回七
八十萬見存者除白彥虎股內二千有奇此外安插甘境者不過
六萬餘眾而已甘回雖不如陝回之悍然人數較多自乾隆年間
新教潛入內地久懷不軌詭謀秘計在入室操戈居心圖謀不軌

與國爲仇橫亘北數省無所畏忌是法所必誅時不可緩者也辦
法宜嚴首惡不可稍縱倖托 皇上福庇事機順利首逆馬化隆
父子馬桂源兄弟及馬四等次第伏誅其餘各目懷異志者亦已
悉數芟夷而後安西肅州甘州涼州一帶二千餘里並無回族聚
處實漢唐以來未有之奇竊計後此疆臣能慎擇廉明守令分佈
各郡縣母有擾累興教勸學潛移民俗化其愚頑則雖百世相安
可也至西甯本蒙漢回番雜處之區循化貴德巴燕戎格尤多回
番而漢民頗少由西甯徑達關外有路可通不必取道嘉峪臣飭
劉錦棠於明春解凍時親歷各隘擇要修築堡寨調撥兵勇分駐
絕關外相通蹊徑以便盤詰而畫郊圻就回番之情言之番愚回
狡一經不法之徒造謠鼓煽易生事端蓋新定之區恩信孚洽未
久也然一經持平辦理旋即帖服察看情形轄境均尚安帖不獨
東華續錄 同治九十八 望
河狄也臣宗棠料理運糧事宜畢仍回蘭州一爲安插肅州漢回
難民一爲河湟客土難民有准於收穫後遷徙安插者應速籌辦
理以期永久一爲欠項積久遺撤無資而蒙恩飭撥部款百萬兩
一時難以速到應及早豫爲籌畫庶明春分別辦理易於措手至
糧運事宜繁重仍在得人而理臣不駐肅州亦可隨時料量耳又
奏竊肅州克復大軍應即乘勝出關速圖掃蕩人皆知之而能言
之臣始念亦謂巧遲不如拙速及體察軍情詳審局勢竊有不
輕議者請爲我 皇上敬陳之一在籌出關之兵宜審也通計攻
肅各軍金順宋慶徐占彪及臣節次調派馬步各起共六十餘營
可謂多矣然攻堅既久損折實多受傷成廢者亦不下數千之眾
皆所稱精銳之選也徐占彪所部蜀軍馬步十三營前後陣亡將
士五百餘員名帶傷者二千四百有奇宋慶一軍傷亡之數近千

名而染病物故者亦數百計金順所部步軍即胡世英之英禮十營本非佳選又由甯夏拔赴涼州時逃亡不少雖幸金順隨時補輯得以成軍每戰身先作其勇氣然陣亡者數百名受傷殘廢者亦數百計此在肅時所深悉者肅城克復後與諸軍熟商非從新整理難收實效金順宋慶徐占彪均以爲然比飭隨帶之總兵戴洪勝奈起立提督金慶元副將歐陽吉星等歸頭品頂戴記名提督譚上運統領併成五營益以馬隊三營駐守肅城修葺城濠俾成雄鎮飭肅州鎮總兵章洪勝接統楊世俊舊部馬步四營及親兵小隊駐嘉峪重修邊城以嚴鎖鑰並撥馬步小隊分駐關外以通玉門之氣其玉門靖逆營遊擊缺委隨營總兵銜副將陳南波署理安西協護將缺委隨營提督吳次漢署理敦煌沙州營將缺委隨營副將聶福田署理各令挑汰存營孱弱兵丁而募東華續錄 同治九十八 署

山內獵戶補之各足一營五百名實數照內地防勇章程資以月餉責其防守本境兼護運道糾游勇 巡視嘉峪關畢回肅即撤徐占彪馬步七營分別回籍挑留精壯併成馬步六營於肅城外擇水草便利處紮營按日操練亦便其養傷待愈耳時因出關期近諸軍整理需時奏調張曜嵩武軍由鎮番涼州赴肅而嵩武軍到肅後軍食日增甘涼訂買運肅之糧不敷接濟各軍之用不得已商請宋慶率所部回涼州整理兼以就食宋慶又以舊部在豫者多募補易於集事而金順出關在即擬以所部見存精壯聽金順挑補額數俾期捷便 服其力願大局深知緩急並愜私懷旋並撥副將馮桂增馬隊一營布洛絲螺後膛開花大礮一尊飭總兵邵增帶領礮手隨金順出關以從其欲計此時整理就緒壁壘一新矣張曜一軍馬步十四營隊伍整肅士飽馬騰堪稱勁旅

並益以新製連架劈山礮十尊布洛絲二號螺絲後膛礮一尊七響後膛礮十桿其涼州副都統額爾慶額馬隊除自挑涼州滿營百騎外移圖善撥交吉林二百騎黑龍江一百騎 慮其單飭總兵桂錫楨帶所部馬隊一營一起約四百騎歸其統帶計金張額三軍出關馬步共一萬數千幸皆精實可用數月而後仍可調撥勁軍陸續繼進如此士氣常新而不竭糧運常裕而不飢以之制關外客土逆回自操十全之算一在籌出關之糧運宜審也肅州安西共隸一道而產糧贏絀各屬攸殊肅州及高臺腴地也安西玉門頗多砂瘠而敦煌爲上腴軍興以來民困於逆回之擾掠復苦於軍營之捐攤久矣民人存者不過十之三四地畝荒廢居其大半官軍藉興屯之名先給領籽種牛價抵算採買糧銀接括抑勒戶口流亡自白逆竄出關外官軍復沒屯莊被陷安敦玉彫東華續錄 同治九十八 署

劫之狀較甚從前 在肅見難民絡繹入關恐轉徙日多荒地無人耕墾籌銀二萬兩分給三州縣並撥寒衣萬套賑之冀留此災黎盡力屯墾庶異時餘糧出糶關外各軍可就近採買稍節勞費也然目前軍食不能取給安西則固不待言甘涼肅素稱腴地頻年戎馬被害最苦自徐占彪偏師徑擣肅州肅回縮退諸軍戡定河湟甘涼道路漸次肅清農民得安耕穫倖獲中稔兩年以來尙供官軍採買然死亡既多川原耕種不過十之三四其旱地更無過問者 由蘭到肅途間疊據土民紛紛遞呈求免採買比經再三開導除畱民食及籽種外諭其悉數出糶勿任居奇幸三郡民情樸愿又知官軍誓滅此賊且能不擾遂得集有成數通計涼甘肅三郡訂買市斗軍糧十六萬三千餘石按照額徵倉斗則三十餘萬石幾敵通省常年額賦雖優議價值每市斗一石重三百餘

斤給銀四兩而民間繳納不前市價驟長每石竟至六七兩之多據甘州府縣稟報棍徒喬良廷即喬鐸李太和造謠煽惑阻納官糧以致市肆擡價居奇貧民糶食無出軍民均困臣察訪得實立飭將喬良廷李太和杖斃並以署甘涼道蕭宗幹辦理瀕預撤任查辦訪聞局員候選知縣杜輔仁甘標後營都司林長興有侵欺情事交調署甘涼道黃慶章訊實詳參自此民間交糧乃漸踴躍然以訂買糧料總數供金順張曜額爾慶額三軍食用及運糧車馱駝隻防營所需食用算至明歲六月新熟尙短糧料市斗二萬餘石見擬盡括額徵本色及各標營季糧陸續填補尙未知能否足敷且甘肅地氣高寒麥秋雖在六月而民間割麥完畢必應堆積成塚俟其稟糜粘脫始便碾打上市臣此次七月十九日由蘭州啟行八月十二日始抵肅州沿途村舍麥塚雖多而繳官上市

東華續錄

同治九十八

吳

調集各營官騾一千六百餘先後到齊起運勉資周轉而前用民價在蘭州平涼所雇商民車馱駝隻及袁保恆在河雇辦車輛亦陸續搭運軍裝軍火抵甘於是轉運稍旺肅州乃有存糧以後可不須重價雇民車然通計由涼州甘州採糧運肅由肅駝運至安西州合計民運車馱駝隻腳價及官車官騾官駝員弁人夫薪糧牲畜草料口袋什物局費一切攤算每糧百斤需銀十一兩七錢內外其勞如此其費如此夫豈此時才力所堪若非豫籌樽節而動言用眾恐官軍之餉餽不繼精臺之儲峙早空不但後時不能保此不竭之源即目前出關之師亦且時憂飢潰此轉運艱難之實在情形也竊維自古關塞用兵在精不在多方全盛時籌用兵即先籌芻粟如漢趙充國古稱名將其駐軍酒泉即今之肅州治敦煌即今之安西州治所籌兵事重屯田而罷騎兵留步兵萬人

東華續錄

同治九十八

吳

者少明歲節候雖早計民間繳納新糧必俟八月陳糧尙應寬籌兩月庶新熟之交得資接濟此籌糧甘苦之實在情形也就轉運言之自涼州至肅州共九百里又自肅州至嘉峪關至玉門縣三百六十里玉門至安西又二百里其一千四百餘里路多砂石用駝爲宜惟駝隻非農家所蓄向來民間所蓄惟騾馬牛驢以供農事藉應差徭所有惟木輪大車不耐負重行遠頻年賊回擾掠牲畜極少差車無供上年成祿出關強拉差車數百輛甫至玉門車夫棄車逃回並騾馬亦拋置不顧自是更無從措手臣於夏初派弁三路出口採駝三千又偏置蒙古駝少價昂採獲尙不及一千二三百隻報到者僅止六百餘隻臣過甘郡時道府請重價雇民車每運糧百斤行百里許給銀四錢其應出差車許給銀二錢計四十餘日之久民車差車運糧料到局尙不滿三千石幸臣前

恃諸軍內再精選數千屆時慎擇統將率之同行如天之福甘涼安肅明歲豐稔西師飽騰再分起層遞而前如行衽席庶邊塞肅清可操全算計期不過稍遲數月而局勢穩矣否則師行荒徼既不能因糧於敵復不能隨地徵糧士馬苦於長征求一飽而不得正恐未及遇賊軍情先搖於局勢無益而又害之且戰陣之事最忌於前突後竭行軍布陣壯士利器厚集於後則前隊得勢鋒銳有加戰勝而兵力愈增必勝之著也若全力悉注前行一洩無餘設有蹉跌無復後繼是乃危道詩言緜緜翼翼傳稱被竭我盈蓋皆注意後路之說况出關之師所應加意者不僅哈密以西客土各回似成效不在欲速取威不僅一戰也區區之愚所爲不能自釋者以此至關外軍事除景廉每年尙閒有絨贖往來餘則並未接過隻字即鎮迪一道名雖隸陝甘總督管轄而實則由烏魯木

東華續錄

同治九十八

哭

齊都統及各大臣就近督率公事一切由其主持數十年前即是如此臣無從過問所有哈密以西糧運事宜應由出關各軍到地自行籌畫固未能懸揣亦勢力所不逮非豫爲諉謝也 上諭軍機大臣等官軍攻克肅州後亟應乘勝出關速圖西進左宗棠擬令張曜一軍作爲頭起金順額爾慶額兩軍次第起行宋慶一軍暫回甯夏整理軍裝各項請俟明年秋後與該大臣精選之軍陸續繼發所籌不爲無見即著飭令各軍分起前進迅掃逆氛該軍糧運事宜仍著該大臣妥爲籌畫俾收飽騰之效糧臺事極繁重固在得人而理如有必須該大臣前赴肅州親爲料簡之處仍應馳往督辦省垣一切事宜據奏有崇保等經理得宜自可無慮張曜各軍人數將近兩萬兵力不薄而遠道籌糧實非易易穆圖善所部著暫駐紫涇州平涼一帶並著將所部部隊概行撤遣仍

帶所部吉林黑龍江馬隊俟來年宋慶一軍整理就緒及左宗棠精選之軍派員管帶後併交穆圖善總統前進扼紫安敦玉一帶督辦轉運事宜其採糧一切仍著左宗棠飭屬妥爲經理所有應撤步隊著穆圖善妥爲遣散毋令滋生事端官軍見經分起出關軍行糧隨不容稍有缺乏左宗棠以糧運進抵哈密已經層遞銜接始能運到由哈密前進糧運事宜勢難兼及亦屬實在情形將來各處官軍由哈密節節進剿應如何就地籌畫之處著景廉文麟明春慶壽與金順額爾慶額張曜宋慶臨時酌度情形妥爲辦理左宗棠仍當隨時察看力籌兼顧以期無誤軍精見在安西肅州甘涼一帶回匪悉數殲除地方均已安帖該大臣當將應辦各事宜次第妥爲籌布以竟全功景廉見在古城該處地方爲西路進兵要道古城領隊大臣一缺並其餘各城員缺刻尙虛懸如須

東華續錄

同治九十八

哭

請旨簡放即著景廉迅速具奏左宗棠另片奏請將該大臣所得一等輕車都尉世職追賞已故提督劉松山等語亦經明降諭旨將劉松山加賞一等輕車都尉世職令其嗣子承襲請將所得世職推讓之處著毋庸議將此由六百里諭知左宗棠金順穆圖善景廉文麟明春額爾慶額並傳諭慶壽張曜宋慶知之○左宗棠奏用兵之要先審軍情古人所以於擇將兼聽與人之誦也此次諸軍乘勝出關士氣倍奮况諸統將新承恩旨受寵若驚所部樂事赴功自不待言惟餉饋盈絀隱繫軍情有急需體察者各軍餉事均由協餉省分解濟本有一定數目其解到多寡實數臣無由知然嘗詢之金順張曜宋慶得其大略以協餉實數按照員弁兵勇長夫均勻攤算計每名每年可得實銀三十餘兩除雷備製造添補軍需軍裝購買駝隻之用別無餘賸至糧料價值轉運腳

費按道里遠近牽算計每人所食月需淨糧四十五斤馬隊一騎日需料五斤草十二斤兵勇長夫兩名所需食糧月需九十斤均不可少照步軍攤算馬隊一營二百五十騎抵步隊一營五百人長夫二百名之數其大略也各軍馬步兵勇每月應得實餉僅止三兩有奇若按照食用糧料價脚攤扣則馬步兵勇將所得實餉盡數賠繳尚須找銀繳局萬無是理若不按名按騎攤扣則糧料價值轉運脚費等項又將何出應懇 天恩飭下戶部兵部會議出關各軍應得正餉每名每月若干兩責成協餉省分按數如期解濟此外糧料價值運脚共計需銀若干兩或責成協餉省分按月搭解毋得延誤如協餉省分力有不及務須及早奏派鄰省按月劃款協濟不令虛懸庶出關之軍餉饋均歸有著雖遠道轉戰無殊近履階庭軍情益奮諸統將亦得所藉手以圖報稱豈意整

東華續錄

同治九十八

辛

軍討賊勿敢遷延功效可必而朝廷以餉饋充繼課其赴機遲速法行令肅於軍政實有裨益應請飭下戶部揀派明幹司員將出關各軍餉需專立一案按月稽覈具報如協解省分稍有遲誤及餉到而各軍逗畱不進咎有攸歸庶餉需不催自急軍情慰愜無可藉口得旨該部速議具奏○予甘肅傷亡遊擊張林祭葬世職○丁酉諭直隸迅解兵部馬館地租銀兩○己亥飭各省迅解雲南欠餉○予雲南陣亡總兵官褚克昌建祠○辛丑諭內閣前據江西巡撫劉坤一陳奏降調左都御史胡家玉本籍田畝未完錢糧並有先貽該撫書信情事業將胡家玉交部議處茲據給事中邊寶泉奏稱胡家玉累次未完漕糧劉坤一豈漫無覺察何以事歷多年概置不問胡家玉既有干預原籍諸事之信何以不立時奏聞迨胡家玉條陳江西丁漕改章互相抵牾始行糾參藉端報

復挾私攻訐等語劉坤一於胡家玉本籍田畝未完漕糧當時並未奏參接胡家玉信函後又不即行陳奏亦屬不合劉坤一著交部議處○壬寅諭內閣明年恭逢 慈禧端佑康頤皇太后四旬大慶並朕親政後初屆元日令辰允宜仰體 慈懷覃敷闡澤因念推恩之序首重親親予郡王著賞銀三千兩多羅貝勒載治著賞銀二千兩俱由內給發惠郡王奕詳鎮國公奕謨均著交宗人府從優議敘多羅貝勒載激著加郡王銜頭品頂帶載瀾著賞給三等輔國將軍頭品頂帶 著賞戴花翎用示施恩錫類篤念宗支至意○諭明年恭逢 慈禧端佑康頤皇太后四旬大慶並朕親政後初屆元日令辰業經加恩近支王貝勒等因思中外王大臣有勤勞素著者亦宜特沛恩施恭親王文祥寶鋆均著交該衙門從優議敘沈桂芬著賞給御書扁額一方科爾沁親王伯彥

東華續錄

同治九十八

至

納謨祜多羅貝勒奕劻公景壽均著賞穿蟒貂褂大學士兩廣總督瑞麟大學士直隸總督李鴻章協辦大學士陝甘總督左宗棠均著交部從優議敘用示宣綸錫羨至意○賞軍機大臣工部尚書李鴻藻母姚氏 御書扁額○癸卯祭 太廟○是月蠲緩湖北沔陽等二十四州縣暨武昌衛被水被旱新舊額賦湖南澧州等十州縣暨岳州衛被水額賦雜課山西岢嵐等六州廳縣被水被雹新舊額賦倉穀河南鄭州等七十七州廳縣被水被旱新舊額賦並賑孟津縣災民一月口糧緩徵兩淮富安等十四場被水新舊額課○會計天下民穀數除江蘇安徽雲南廣西陝西甘肅未經冊報外奉天等省通共大小男婦二萬七千七百一十三萬三千二百二十四名口存倉米穀二百八十四萬六千七百八十八石九斗八升六勺

東華續錄

同治九十九

臣王先謙敬編

臣張式恭恭校

同治十三年甲戌春正月乙巳朔元旦節停止筵宴○庚戌諭劉坤一等嚴緝江西教匪○辛亥祈穀於上帝○諭軍機大臣等都興阿等奏擊獲金州屬界械關賊首正法一摺賊首宋帽倡糾眾在金州尹家屯地方與高希田械關殺傷多人業經總兵張得祿等帶隊擒獲正法並將此股匪徒撲滅辦理尙屬妥速惟高希田卽高退愚亦有在岫巖界坎子下屯地方糾匪搶劫情事見在全家逃入海洋亟應查拏懲辦著都興阿清凱志和恭鏗嚴飭所屬旗民地方官各處搜緝並著文彬檄令所屬各州縣及沿海一帶一體捕拏務獲盡法懲治以絕根株而杜後患所有此次出力

東華續錄

同治九十九

一

官弁兵勇著准都興阿等擇尤酌保毋許冒濫將此由四百里各諭令知之○壬子諭軍機大臣等景廉奏陝回攻撲上馬橋派兵援剿錫綸奏擬撤蒙兵暨副總管於兵潰後隨時破賊請免議罪各摺片陝回白彥虎率黨攻撲上馬橋景廉以徐學功兵力甚單派令沙克都林扎布帶隊馳援該逆人數眾多意在掠糧占踞要隘沙山子地方素稱產糧之區且爲西進大兵要道上馬橋距沙山子僅數十里該處稍有疏虞則沙山子新渠等處皆形喫緊徐學功所部止有三營兵力實形單薄前經諭令榮全飭令駐紮沙灣之孝順一軍迅速馳往會剿並諭令景廉於就近各軍如有應撥之處卽行調遣以期無誤兵機何以孝順一軍屢催未到著榮全卽飭孝順迅速統兵前往會剿逆氛該處軍情緊急儻各軍任意延緩必致貽誤事機著景廉嚴催孝順所部速往應援如再遲

延卽由該都統嚴行參辦兵事旦夕異宜應敵豈容稍緩嗣後各軍備有不遵調遣者卽著景廉指名嚴參以肅軍令沙克都林扎布所帶各隊景廉卽飭令會同徐學功認真防剿以待援軍錫綸所部無多並著該領隊大臣統率前進會同孝順沙克都林扎布兩軍進駐沙山子扼要防剿務將該逆合力殲除毋任蔓延爲患副總管蒙庫吉呀噶爾所帶蒙兵聞賊卽潰不能得力錫綸擬將此項蒙兵裁撤騰出餉銀招募民勇卽著咨明榮全景廉英廉巴彥特古斯等將此項蒙兵內由錫綸酌留二百名應用其餘悉數裁撤該兵月餉卽於出奏之日停止以節糜費蒙庫吉呀噶爾在烏梁海所屬之柯柯莫敦軍臺地方遇賊敗潰實由烏梁海部眾聞警遠避又因蒙兵驚潰以致失機姑念其於兵潰後尙能收集殘眾隨同破賊蒙庫吉呀噶爾著免其議罪將此由五百里各諭

東華續錄

同治九十九

二

令知之○撥部庫銀二十萬兩充景廉軍餉○甲寅諭軍機大臣等王文韶奏楚軍追剿丹古亂苗逸賊悉數殲除防境肅清一摺苗匪李官保等句結古州逆酋李公雞於上年十月開竄至咱刀地方經王文韶飭令提督龔繼昌等會合黔軍進剿先後斃賊多名並將首逆李官保等生擒正法李公雞乘夜逃逸復經我軍擒獲梟示防境均已肅清在事出力各員弁准其彙案擇尤保奏惟苗民性多反覆難保不別滋事端仍著曾璧光督飭地方官妥爲鎮撫並將善後事宜次第興辦毋令再生反側王文韶當於湘黔交界一帶隨時防範如有苗匪稍形蠢動卽當不分畛域會籌剿辦以遏亂萌將此由五百里諭知王文韶曾璧光並傳諭周遠武知之○諭承繼等奏達賴喇嘛下山啤經一摺見在藏地清平達賴喇嘛擬於本年正月閒下山率領僧眾親赴大招攢招啤經爲

國祈福具見惻忱洵堪嘉尚即著承繼等前往布達拉山妥為照料並發去黃哈達一箇銀曼達一箇鈴杵一分菩提念珠一串玉梳一箇玉杯一箇小卷五絲段二卷傳諭該達賴喇嘛祇領用昭恩賚將此各諭令知之○乙卯以恭謁 西陵修理亭座諭李鴻章迅撥銀六千兩交清安辦理○丙辰諭內閣左宗棠奏請簡漢中鎮總兵一摺陝西漢中鎮總兵員缺著楊長春補授向來提鎮缺出均由特簡且見在各軍營俱有記名人員候旨簡放此次左宗棠將周紹濂等開單呈覽殊屬非是嗣後各督撫務恪遵定例不得列名請簡以符體制○諭禁廣東闖姓賭博○命翰林院編修張英麟檢討王慶祺在弘德殿行走○丁巳諭軍機大臣等瑞麟張兆棟奏越南股匪與法國兵互相攻擊情形未定擬請固守邊圍相機籌辦各摺片法南與越南構兵踞其河內省城股匪劉東華續錄 同治九十九 三

革職革任各一摺降調左都御史胡家玉著加恩改為降五級調用江西巡撫劉坤一加恩改為革職留任降為三品頂帶○趣金順赴古城會景廉等規復烏魯木齊各城○景廉以疾乞免不允仍予假一月調理○諭戶部每月添撥榮全軍餉銀一萬兩○癸亥諭軍機大臣等文彬奏覆查東明石莊戶口門難以施工應請緩辦一摺文彬親往石莊戶等處詳細查勘丁寶楨所議堵口築隄之舉時日既迫形勢又復變更難以興辦該署撫擬於趙王河以北金隄以南修築長隄知會李鴻章將東明一帶與濮州毗連處所一律接修並於荷澤等境勸諭居民各修隄埝籌堵石莊戶下游支流趙王河南岸修月隄一道以為屏蔽汶口之計即著文彬督飭委員妥籌辦理所需銀兩即由該省籌款奏明動支並著李鴻章飭令東明一帶地方接修長隄以資保衛黃水擠清下注東華續錄 同治九十九 四

營餉每年二萬兩○己巳諭內閣禮部奏議結覆勘試卷一摺上年癸酉科江南等省試卷經派出大臣覆加磨勘當將應議試卷交部覈議茲據該部詳查條例將此次籤出應議各試卷分別斥革停科及正副考官同考官受卷謄錄對讀各官應議之處繕單呈覽江南舉人楊楫著即行斥革正考官劉有銘副考官黃自元均著降二級調用同考官朱泰修著即革職○庚午以黃鈺為刑部左侍郎由內閣學士遷○是月蠲緩直隸天津等二縣窪地上年額賦暨民借倉穀兩浙仁和等十場荒田暨被災上年竈課緩徵山東濟甯等四十一州縣德州等四衛東平所被水被旱被蟲上忙額賦雜課展緩直隸定州等四十八州縣被水春徵額賦祁州等二十州縣節年民欠糧租江西蓮花等二十七廳縣南昌等二衛被水新舊額賦雜課

東華續錄 同治九十九

五

二月丁丑春分朝 日於東郊○戊寅祭 大社 大稷○庚辰予故江蘇道員袁保慶附祀原任漕運總督袁甲三本籍專祠○辛巳以鄉試中卷文多疵謬諭禮部申明科場條例○飭山東等省迅解景廉軍餉○壬午以袁保恆為內閣學士由詹事遷童華為左副都御史降調○丁亥諭禁各省私設釐卡○諭文祥等籌議東三省緝捕章程○庚寅加賞普濟堂功德林賑米二百石銀四百兩展期兩月○辛卯 上御紫光閣閱侍衛等騎射○甲午 上再御紫光閣閱侍衛等騎射○裁江南淮揚鎮遊擊一守備把總各二外委六兵二千四百三名○丙申諭軍機大臣等岑毓英奏探聞越南軍務喫緊籌辦滇省邊防一摺越南河內省城被法國帶兵攻破並有匪徒黃崇英等乘機攻襲太原山西勢頗猖獗雲南開廣臨安轄境與越南所屬宣光等處接壤恐有外匪闖入句

結該處回夷滋事岑毓英見派提督李文益等馳往探明賊情將沿邊防堵事宜豫為布置即著飭令該員等會同地方官隨時認真防範以期有備無患越南各匪嗚張該撫慮其假冒外國名色濶入滇境或捏稱滇省兵練傷及法人致啟釁端著總理各國事務衙門照會法國使臣轉行見駐越南之領事各官俾知滇省派兵防邊係堵剿越南各匪與法兵不相干涉毋啟猜疑如欲遊歷入滇俟越南平靖道路暢通後方可前往岑毓英惟當隨時加意籌畫慎固封守期於中外相安以免另生枝節另片奏巴蠻不時竄擾擬撥隊巡防等語著照所議即將昭通等處標兵挑補足額分派一半前往金沙江外駐紮巡守輪替更換勤加操練前設勇營著即行裁撤以復營制而固邊防將此由四百里諭令知之○諭禁京師私鑄○諭吳棠等迅解貴州欠餉○丁酉 上奉 慈

東華續錄 同治九十九

六

安端裕康慶皇太后 慈禧端佑康頤皇太后啟鑾謁西陵○免蹕路經過直隸宛平等六州縣錢糧十分之三○己亥賞守護行宮兵丁半月錢糧○庚子 上謁 泰陵 泰東陵 昌陵 昌西陵 慕陵 慕東陵○辛丑 上奉 慈安端裕康慶皇太后 慈禧端佑康頤皇太后回鑾○是月蠲緩廣西左州等二十七州縣被擾額賦

三月甲辰 上奉 慈安端裕康慶皇太后 慈禧端佑康頤皇太后還宮○丙午命吏部尚書寶鋆協辦大學士○丁未諭內閣本年補行覆試日期較早各省續到之未經覆試舉人不能一體會試未免向隅自應量為變通以示嘉惠士林至意著禮部查明此次如有未經覆試舉人准其先行會試俟會試後再令補行覆試儻覆試時有應行罰科等事仍著該部知照知貢舉照例辦理

嗣後各直省應行覆試舉人務當及早晉京如期應試毋許任意
遲延此係破格加恩嗣後不得援以為例○己酉以冀自閩為內
閣學士由太常寺卿遷○庚戌允載遷等奏撥長蘆鹽務銀五萬兩發商
生息備永濟籌備二庫支放○辛亥諭軍機大臣等前因文彬奏
覆查東明石莊戶口門難以施工擬於趙王河等處築隄修埝當
經諭令李宗義等於江北下游豫籌防範擇要修守茲據奏稱上
年侯家林以南王老戶等處又復潰決其分流入運者擠清下注
江鏡銅沛一帶湖田被淹若罷堵口之議下游更難防範請飭山
東巡撫籌堵缺口等語著文彬詳加籌度如石莊戶口門實難施
工即先將王老戶等處民埝缺口竭力籌堵以免黃水下注貽患
江北李宗義等所籌江北各屬備禦情形即著督飭派出各員認
真辦理不可有名無實徒託空言原摺著鈔給文彬閱看將此由
東華續錄 同治九十九 七

古地方請將蒙兵暫緩遣撤一摺賊匪竄踞諾彥山之套賴商達
地方經伯克瓦齊爾帶領蒙兵追剿獲勝斃匪多名惟賊匪見尙
盤踞額哲尼河崇庫克地面該處為烏庫兩城適中之地亟須即
時剿洗以免日久蔓延所有伯克瓦齊爾所帶蒙兵二百名著准
其暫緩遣撤其額爾德尼招所駐蒙兵三百名著暫行遣撤仍聽
候調撥並著張廷岳阿爾塔什達妥為籌布一面知照烏城派兵
會剿一面飭令伯克瓦齊爾勤加偵探遇賊即擊仍當穩慎防剿
毋稍疏虞將此由五百里各諭令知之○丁巳命五城煮賑展期
兩月○庚申諭軍機大臣等金順奏料理出關事宜暨查擊黎獻
所部潰勇各摺片金順見派提督劉宏發統帶禮字五營作為前
隊徑赴巴里坤續購駝隻此時計已到營即著親督馬步各營前
往安西一帶暫紮迅將存儲玉門之糧運赴安西剋期拔營西進
東華續錄 同治九十九 八

四百里諭知李宗義張樹聲文彬並諭恩錫知之○壬子以甘肅
農業久荒詔免同治十三年以前積欠錢糧○癸丑諭內閣吏部
奏遵議臬司各員處分一摺雲南按察使程誠於遊擊楊玉麟被
毆斃命延不審結致釀重案前署會澤縣知縣任傳綸不能約束
差役復不照例相驗實屬咎有應得程誠任傳綸均著降二級調
用不准抵銷任傳綸並有疏脫重犯案懸不結情事著照部議降
一級調用毋庸查級紀議抵○諭給事中邊寶泉奏覆試舉人試
卷出入太重請飭會議一摺所有覆試舉人謝煥章試卷著派榮
春榮彭久餘會同禮部秉公查覈具奏○諭鮑源深迅解烏科兩
城經費銀兩○甲寅 上幸圍明園○還宮○予故戶部尚書署
陝甘總督沈兆霖於甘肅平番縣建祠○乙卯以倉景恬為雲南
按察使前湖南按察使○丙辰諭軍機大臣等張廷岳等奏竄匪盤踞蒙

黎獻所部勇丁潰逃辦理不善咎實難辭著先行交部議處並著
景廉認真察看如黎獻實難得力即行據實奏參毋稍遷就未逃
勇丁應如何分別遣留並著酌度辦理原片著鈔給景廉閱看將

此由五百里各諭令知之○辛酉追予故貴州巡撫蔣蔚遠諡勤
愨建祠○以貴州軍務肅清予劉嶽昭曾璧光周達武優敘提督
何世華等世職獎擢有差予陣亡總兵官鄧仁和等祭葬世職○
壬戌諭閩粵兩省海關每年各撥銀二萬兩備奉天兵餉○乙丑
予哈密陣亡參將張圻等祭葬世職○丙寅諭瑞麟等籌解雲南
欠餉○庚午諭內閣本日桑春榮彭久餘會同毛昶熙黃倬奏嚴
覆已革舉人謝煥章試卷請免其斥革仍照例罰停會試一
科又據禮部奏謝煥章仍請照前議斥革各一摺除原派閱卷大
臣禮部堂官及此次所派之桑春榮彭久餘毋庸會議外著九卿
會議具奏○左宗棠奏 臣前奏出關諸軍餉盈絀隱繫軍情急
須體察一片欽奉硃批該部速議具奏旋准戶部鈔錄原摺奉旨
依議欽此 臣維出關諸軍見惟金順張曜額爾慶額三起除額爾
東華續錄 同治九十九 九

慶額所部馬隊由穆圖善派交吉林二百騎黑龍江一百騎額爾
慶額自挑涼州滿營百騎外 臣撥交總兵桂錫楨馬隊一營一起
共三百七十五騎歸其統帶應領月餉糧料運腳等項穆圖善撥
交者由穆圖善支應桂錫楨一營一起由 臣支應其涼州滿營之
一百騎亦由 臣支應不計外張曜一起步十二營馬二營業經張
曜開報其糧料運費由河南支應金順併統成祿舊部馬步雖名
三十餘營然步隊照五百人一營實數馬隊照二百五十騎一營
計算金順自定二十營此外又由 臣撥交副將馮桂增馬隊一營
總計金張額三軍馬步約共一萬七千餘名騎並明春所帶成祿
舊部二千餘名騎合計在內加之員弁丁役人夫則近兩萬矣以
糧料價值轉運腳費而言計由涼甘採運肅州由肅州轉運玉門
安西州所需民運車騾馱隻腳價員弁人夫薪糧牲畜草料口袋

什物局費一切均勻攤算每糧百斤約需銀十一兩七錢上下料
價稍減而腳價則一運道近則腳價猶少運道遠則腳價增多見
籌出關轉運腳價多於糧價數倍者兵燹之後人物彫殘絲毫
能借資民力與承平時迥異無論予遺之民尚須官賑賑糧尚須
官運也 臣於上年十二月初十日拜發各摺片業經詳細陳明而
以餉盈絀隱繫軍情急須體察懇飭戶部兵部會議者以此茲
戶部奏稱向來各路軍營餉需及一切雜支均由各該大員酌量
情形查照例章覈定數目奏請由部指撥從未有先由部 臣覈定
者又稱出關各營共計幾營每營弁兵若干每月所需正餉若干
其糧料價值運費按照時價貴賤道里遠近計算共需若干戶部
均屬無從知悉請旨飭下左宗棠查明出關各營弁兵實數所需
正餉糧料運腳等項按照例章並體察關外情形每月實在需銀
東華續錄 同治九十九 十

若干及出關各營原撥餉項分晰聲敘先行奏明 臣維見在出關
各軍除額爾慶額馬隊各營由 臣與穆圖善撥交其餉糧轉運腳
價由穆圖善與 臣餉項內照舊劃給毋庸另籌宋慶一軍正需整
理暫毋庸議其金順一軍除 臣撥交馮桂增馬隊一營餉項亦由
臣劃給毋庸另籌其自統各營及接統成祿舊部馬步共二十營
張曜所部馬步十四營已經陳明在案惟 臣於金順張曜宋慶各
軍餉項餉章無從知其詳細上年在肅晤談僅得其梗概部議向
來各路軍營餉需及一切雜支等項均由各統兵大員酌度情形
查照例章覈定數目奏請由部指撥是金順等應奏部 臣應撥與
臣無干自可無庸置喙其糧料價值時估不同斗石大小斤兩輕
重互異以及轉運里數遠近均經 臣據實陳明若逐項分晰聲敘
未免繁瑣且金順至古城張曜至哈密一切又須從新算起諸軍

有無例章可查情形應由其酌度數目應由其覈定臣亦無能代
 籌也臣前因各軍馬步兵勇所得實餉僅三兩有奇按照糧料價
 值攤扣儘數賠繳尙須找銀繳局若不攤扣則糧料價值轉運腳
 費等項又將無出原係實在情形事繫軍情既有見聞不敢緘默
 故將餉數糧價運腳詳悉陳明上瀆 聖聰請飭部會議一免諸
 軍藉口一期迅赴戎機至應否酌中定議諸軍餉饋均歸有著之
 處無可查照無從覈定仍應由戶兵兩部會議得旨該部議奏○
 辛未論軍機大臣等總理各國事務衙門奏日本兵船見泊廈門
 請派大員查看一摺日本國使臣上年在京換約時並未議及派
 員前赴臺灣生番地方之事今忽與兵到閩聲稱借地操兵據英
 國使臣函報日本係有事生番並據南北洋通商大臣咨覆情形
 相同事關中外交涉亟應先事防範以杜弊端李鶴年於此等重
 東華續錄 同治九十九 十一

待華工之事李鴻章務將此事與之辯論明晰先立專條再議通
 商條約事務本日簡派全權大臣諭旨一道一併發往如該使臣
 索看憑據即著李鴻章另行恭錄給與閱看俟議辦事畢此旨仍
 繳還軍機處備查將此諭令知之○命欽差大臣大學士直隸總
 督李鴻章與必嚕國使臣會商事務○是月獨緩陝西邠州等四
 十八州縣被擾舊欠額賦
 夏四月癸酉朔享 太廟○甲戌詔撥戶部銀十萬兩撫恤烏里
 雅蘇台被災被擾部落○諭左宗棠籌解開外軍糧○丙子常雩
 祀 天於 圓丘○丁丑 上幸瀛臺○大學士單懋謙因病乞
 休允之○俄羅斯國使臣布策等於紫光閣前瞻觀○戊寅論軍
 機大臣等前據總理各國事務衙門奏日本兵船見泊廈門聲稱
 借地操兵並據英國使臣及南北洋大臣咨報該國有事臺灣生
 東華續錄 同治九十九 十二

援以爲例前據給事中胡毓筠奏稱謝煥章試卷萬青藜背誦其文謂不列等未免屈抑等語萬青藜於此卷既擬查照成案斥革舉人乃於未經奏結之先輒以屈抑向人傳誦殊屬不合萬青藜著交部議處○諭軍機大臣等總理各國事務衙門奏俄人久踞伊犁一摺榮全前與俄官會議收回伊犁迄無成說遞更覬覦伊犁附近地方該國駐京使臣布策經總理各國事務衙門與之剖辯允爲行查彼國其言未足深恃若再不亟圖進取辦理更無把握察哈爾馬隊計已馳抵塔城榮全兵力稍厚著即將各營力加整頓先期布置一面與景廉各軍聲息相通妥爲籌畫毋誤事機瑪納斯烏魯木齊等城必須剋期收復方可爲規復伊犁進步著左宗棠催令出關諸軍迅速西進會同景廉籌商進剿迅將各城踞賊次第蕩平期與榮全聲勢聯絡以靖邊氛原摺均著鈔給閱

東華續錄

同治九十九

古

看將此由五百里各密諭知之○辛巳 上幸圓明園○還宮○癸未諭軍機大臣等榮全奏前敵剿賊失利並請飭金順景廉撥隊助剿暨飭部補撥欠餉各摺片逆首小虎雖已竄回瑪納斯城難保不復行紛竄並有攻撲沙山沙灣西湖等處之信亟應嚴密防範著榮全飭令孝順沙克都林扎布等勤加偵探遇有賊匪西犯務當會合夾擊力挫兇鋒榮全軍營兵力甚單亟應撥兵援助著景廉卽飭吉爾洪額統帶黑龍江一軍並添撥吉林馬隊二百五十名星速前往西湖毋稍延緩金順此時行抵何處著卽分撥勁旅二三千名飭由沙山徑赴西湖會合各軍以資助剿據榮全奏該處行營及庫爾喀喇烏蘇軍營需餉甚殷所有戶部欠撥該處同治十一年十一月至十二年二月共四箇月月餉銀五萬二千兩卽著補行撥發交榮全領餉委員運解回營以應急需將此

由六百里各諭令知之○以關內道路疏通改甘肅安敦玉三州縣仍歸總督節制○乙酉諭軍機大臣等前因李宗義奏黃流積清入運請飭東省籌堵王老戶莊等處民捻缺口以免貽患江北當經諭令文彬籌度辦理茲據奏稱黃流潰決情形實由上游漫溢東省先當其衝江境因而受害等語是直境與東省交界地方應辦河工正未可緩上年李鴻章曾有於直隸河務先辦尾閘各工之請見在辦理情形若何其直東接壤處所應如何妥籌堵禦俾得保護本境卽以捍衛下游之處卽著體察情形妥籌辦理江北一帶自應修補運隄使漫水得歸舊河不至橫溢爲患李宗義當酌量緩急豫籌備禦以衛民生文彬於應行防範之處仍當悉心酌度實力布置毋得徒託空言文彬原摺著鈔給李鴻章李宗義閱看將此由四百里各諭令知之○丙戌諭軍機大臣等總理

東華續錄

同治九十九

古

各國事務衙門奏日本國兵船已赴臺灣各國船隻亦有駛往福建洋面情事請旨責成前派大員妥速籌策一摺據稱接李宗義咨函內稱日本國兵船於三月下旬有駛進廈門海口者有前往臺灣者由瓊瑤地方登岸並無阻問之人英國水師提督亦選兵船往臺灣地南巡查並聞日本購買輪船裝載軍裝糧餉法國及日本兵船均已抵廈日本兵共八營俱在臺灣東海岸起岸欲攻生番本月初開始准李鶴年函稱臺灣道稟報二月間日本水師官同夥一人抵瓊瑤柴城一帶查看牡丹社等處形勢繪圖並聲稱牡丹社係屬番界彼自尋釁在我勢難禁止等語生番地方久隸中國版圖與臺灣唇齒相依日本相距尤近且各國均有兵船駛往臺灣道視爲番界尋釁勢難禁止實屬不知緩急見在日本兵船已赴臺灣且有登岸情事亟應迅籌辦法沈葆楨著授爲欽

差辦理臺灣等處海防兼理各國事務大臣以重事權所有福建鎮道等官均歸節制江蘇廣東沿海各口輪船准其調遣俾得與日本及各國按約辯論而於征調兵弁船隻等事亦臻便捷該大臣接奉前旨計已馳赴臺灣一帶著即體察情形或諭以情理或示以兵威悉心酌度妥速辦理並與潘壽隨時慎密籌辦一面會商文煜李鶴年等督飭鎮道妥為布置期於消息方萌不得稍涉大意一面將見在辦法及臺灣如何情形迅速奏聞以慰廑繫除江蘇廣東沿海各口輪船用款仍由各該省撥給外所有該大臣需用餉銀著文煜李鶴年籌款源源接濟毋任缺乏應調官兵並著李鶴年迅速撥派毋誤事機○宋廷春以病免以潘鼎新為雲南布政使前山東布政使○戊子諭軍機大臣等李鶴年奏日本師船擬攻臺灣番境相機妥籌一摺據稱日本以土番劫殺該國遺風難

東華續錄

同治九十九

五

民率領兵船擬攻臺灣番境見已照覆該國將官令其早日回兵並飭臺灣鎮道按約理論等語日本違約與兵前據總理各國事務衙門具奏已派沈葆楨潘壽前往臺灣生番一帶察看與文煜李鶴年等會商辦理嗣復授沈葆楨為欽差辦理臺灣等處海防兼理各國事務大臣見在日本兵船已有登岸情事各國船隻復駛往福建洋面較李鶴年所奏情形尤為喫緊著沈葆楨懷遵前日諭旨與潘壽慎密籌畫隨時會商文煜李鶴年等悉心布置毋令侵越方為妥善並著文煜李鶴年將撥餉撥兵事宜遵旨妥速籌辦毋誤事機日本是否回兵臺灣鎮道如何與之理論即著據實奏聞○己丑陝甘總督左宗棠奏請將陝西省延綏陝安漢中各鎮協營仍歸總督節制以復舊制從之○癸巳諭軍機大臣等李鶴年奏日本兵船已臺灣番境密籌防範並請陳臺灣地利

各摺片日本兵船不候照覆即行駛赴臺灣登岸紮營李鶴年已派水陸各營分往鳳山澎湖等處屯紮並調集莊團水師防範臺灣藉壯聲威以期有備無患番地雖居荒服究隸中國版圖其戕殺日本難民當聽中國持平辦理日本何得遽爾興兵侵軼入境若謂該國僅與生番尋仇未擾腹地遂聽其蠻觸相爭必為外國所輕視更生覬覦釁端固不可開體制更不可失該督惟當按約理論阻令回兵以敦和好不得以番地異於腹地遂聽其肆意妄為也派往瓊瑤之員與日本如何辯論能否就我範圍著該督據實奏聞仍隨時會同文煜悉心布置務臻周密沈葆楨計當起程著懷遵疊次諭旨與潘壽慎密籌畫會商文煜李鶴年妥為辦理毋稍大意近日臺灣番境情形若何著隨時詳細具奏另片奏稱查辦彰化匪徒各情匪黨雖就殄除恐有餘孽潛藏根株未盡匪

東華續錄

同治九十九

六

首廖有富亦未就擒著李鶴年檄令臺灣鎮道飭屬一體查拏務將廖有富等按名弋獲盡法懲治毋令死灰復燃○修湖北江陵蒲圻二縣隄工○丙申諭軍機大臣等景廉奏回逆滋擾滋泥泉西泉等處經官軍堵剿獲勝等語此股賊匪隨同白彥虎出關分路滋擾意在阻截我軍餉道見在雖經孔才等帶兵堵擊擒斬悍逆多名惟該逆既經分股且有撲犯北套橋之信是賊眾人數尚多不得以黑茨窩一路均無賊蹤稍形鬆懈仍著景廉飭令派出官軍勤加偵探務將此股逆匪悉數殲除毋貽後患刻下大兵陸續出關張曜一軍業已行抵玉門金順所派各軍分起進發該都統駐紮古城日久聲息自可相通出關各軍見在行抵何處景廉在古城如何布置並著詳悉奏聞將此由四百里諭令知之○移直隸任縣管河縣丞改駐苟各莊○丁酉賜陸潤庠三百三十七

人進士及第出身有差○諭軍機大臣等李鶴年奏日本師船已與生番接仗見籌防範一摺日本並不違約回兵已與生番接仗即日移營進剿該國見到輪船七隻尚有鐵甲船及堅固兵船未到此時數端已開自應先事布置嚴密設防以期有備無患江蘇廣東沿海各口輪船前已有旨准歸沈葆楨調遣李鶴年亦擬添調直隸江蘇輪船赴閩防範應需輪船若干隻即著李鴻章李宗義張樹聲瑞麟張兆棟如數發往以壯聲勢日本被傷者是否止係數人至生番有無被殺被傷之人未據該督奏及生番既居中國土地即當一視同仁不得謂為化外游民惹置不顧任其慘遭荼毒事關海疆安危大計未可稍涉疏虞致生後患著沈葆楨懍遵邊次諭旨隨時與潘蔚籌畫會商文煜李鶴年辦理總當消弭邊釁豫遏詭謀方為不負委任李鶴年所籌自強之策有無把握

東華續錄 同治九十九 七

是否辦有端倪不得以空言塞責致誤事機○飭廣東等省迅解閩省兵餉○己亥改江蘇蘇松鎮左營守備為中營陸汛守備並改補千總外委各一○辛丑諭軍機大臣等景廉奏病勢增劇懇請開缺一摺景廉假期屆滿病未就痊覽奏殊深廩繫該都統久居邊塞為國宣勞見在駐紮古城防勦正當喫緊且金順等隊計已陸續出關尤須聲勢聯絡進取以靖邊陲景廉熟悉情形未便遽易生手仍當顧全大局力疾從公勉為其難以副委任著再賞假兩箇月在營調理毋庸開缺遇有緊要事件仍著悉心經理毋誤戎機將此由四百里諭令知之

五月壬寅朔諭軍機大臣等文煜李鶴年沈葆楨奏遵旨會籌臺灣防務大概情形一摺覽奏均屬妥協日本上年遭風難民經臺灣商民與熟番救出交回該國轉藉他國積年舊案越境稱兵沈

葆楨等擬將疊次洋船遭風各案摘要照會各國領事其不候照覆即舉兵入境與生番開仗各情形亦分次照會令其公評曲直並擬購買鐵甲船水雷及各項軍火器械均著照所議行並准其將閩省存款移緩就急酌量動用如有不敷即照所請暫借洋款以應急需調赴浙江之伏波等輪船著沈葆楨迅速調回直隸江蘇廣東沿海輪船應如何調撥之處著沈葆楨等與李鴻章李宗義張樹聲瑞麟張兆棟咨商妥辦前署臺灣道黎兆棠據沈葆楨奏稱該員洞悉洋情著瑞麟張兆棟飭令即行起程赴閩以資得力所請設電綫以通消息亦著沈葆楨等迅速辦理該大臣此時計已起程前赴臺灣著即察看情形妥速籌辦一面詳悉具奏用慰廩繫羅大春潘蔚等到臺後沈葆楨即與該員等隨時會商辦理該省防務沈葆楨文煜李鶴年當統籌全局妥為布置另片奏

東華續錄 同治九十九 六

請派員稽察船政等語沈葆楨見在赴臺著文煜等傳諭前陝西布政使林壽圖前往船廠認真稽查隨時察看海口情形如有緊要事宜與文煜李鶴年妥為備禦並著會銜具奏○諭瑞麟等奏越南匪徒情形分別籌辦一摺據稱法國已與越南議和並與越南合兵勦辦股匪驅逐流民該匪等有願回內地投首之人見籌辦法等語越南匪徒一經法國會勦難保不奔竄邊境著瑞麟等分飭沿邊帶兵各員隨時偵探嚴密設防如鼠回各匪仍敢持械滋擾即著實力堵勦毋任鼠入內地其投首之匪尤應詳查如實係真心悔罪自拔來歸即飭令交界地方各官妥為收撫不准攜帶軍器其中有無在內地犯案之人瑞麟等仍當分別辦理並飭各本籍地方官嚴加管束毋令滋生事端如有流落難民遷回內地者妥為安插總之為勦為撫該督等務須妥慎籌辦不可稍涉

輕率致貽後患以重邊防將此由四百里各諭令知之○戊申諭軍機大臣等榮全奏續獲奸細並前敵獲勝情形一摺逆首小虎糾合瑪納斯賊匪意圖紛竄經李順等擊獲奸細訊明賊情當經派隊於謝家地擊賊獲勝該逆雖經受創難保不復圖竄擾著榮全飭令李順福珠禮等勤加偵探嚴密防範並嚴飭沙克都林扎布進兵會剿毋任遷延該署將軍前調黑龍江馬隊已有旨諭知景廉飭令吉爾洪額統帶前往西湖並令金順分撥勁旅會合進剿藉可稍助兵力著即派員催令迅速前進一俟到營後妥籌布置亟圖進取另片奏索倫兵餉請飭塔城參贊籌辦等語塔城一切事宜向由該參贊大臣照例辦理見在榮全既駐塔城所有索倫俸餉及一切事宜著榮全英廉和衷共濟妥為籌畫毋得各存意見致誤事機將此由五百里各諭令知之○己酉夏至祭地

東華續錄 同治九十九 九

於方澤○王子 上幸圓明園○還宮○諭軍機大臣等沈葆楨等奏據報臺灣近日情形一摺日本已分三路進攻番社生番逃散遂將牡丹社等處焚燒並欲攻龜仔丹社乘隙尋仇意圖深入若再不亟籌辦法則生番更遭荼毒沈葆楨已與潘蔚起程赴臺邀集各國領事公評曲直若能斂兵回國自可消弭釁端儻仍悍然不顧不得遷就因循轉誤事機沈葆楨與潘蔚相度機宜悉心籌辦應如何調撥官兵前往藉壯聲勢之處著會商文煜李鶴年妥速布置以維大局本日有旨諭令王凱泰即行起程回任毋庸來京陛見該撫回任後著李鶴年隨事和衷商辦以期共濟時艱○諭李鶴年奏閩省海防緊要請飭撫臣迅回本任一摺福建巡撫王凱泰前經行抵蘇州因病奏請開缺當經降旨賞假兩箇月毋庸開缺見在閩省自日本違約與師占踞臺灣牡丹社一帶

東華續錄 同治九九

該省海防關緊要著李宗義張樹聲即行傳知該撫速行回任以重地方王凱泰於接奉此旨後即日起程赴閩毋庸來京陛見不得俟假期屆滿致有遲誤將此由五百里各諭令知之○以祁世長為內閣學士由翰林院侍讀學士遷○甲寅諭軍機大臣等英廉奏擬赴東路察看地勢改道安臺一摺據稱俄人見在察罕鄂博山口安設營卡並欲那移塔城東路鄂莫倫臺不准哈薩克雇給牲畜以致差使阻滯英廉見擬親赴東路察看改道安臺仍在察罕鄂博等處安設卡倫等語鄂莫倫一臺既為俄人地面往來差使已屬不便見並有窒礙情形自應擇地移設著英廉即行前往東路詳細察看應由何處安臺並在察罕鄂博等安設卡倫著與榮全悉心商酌妥為辦理以顧臺路塔城各臺需用駝馬應差著額勒和布多布沁扎木楚懷遵上年十一月二十七日諭旨先行墊款採買駝駝四百隻駝駝四百隻並隨霍木全分驢馬六百匹驢馬六百匹務於八月以前辦齊即由英廉派員赴烏領取以資應用墊價若干俟戶部指撥塔城之山東河南安徽等省地丁銀兩無論何省解到即由額勒和布等照數扣還以清款目將此由五百里各諭令知之○乙卯諭軍機大臣等文麟明春奏回王邁哈默特呈請代懇賞借十年俸銀以補修城垣安輯難夷另頒新印以昭世守並據聲稱該回王每年應支俸銀二千兩該辦事大臣因餉項支絀欠發三年等語上年七月陝回大股密擾哈密圍攻營城該回王等深明大義派選槍手隨同剿辦逆匪因將回王等偪挾西行經官軍搶救回營該回王等困苦情形殊堪矜念自應優加體恤著照所請賞借十年俸銀由戶部發給交該回王所派通事領齊回哈該回王採辦各物准其由臺站運解並著禮部另鑄

東華續錄 同治九十九 十

六三一

該回王印信由驛遞交文麟等轉給祇領原摺著鈔給戶部閱看將此諭知戶部禮部理藩院並諭令文麟明春知之○丙辰諭內閣李宗義奏已故提督功績卓著請合建專祠一摺前湖北提督向榮前江南提督張國樑於咸豐年間先後駐師金陵督兵勦賊屢著戰功向榮旋以積勞病故張國樑亦殉節丹陽均經奉旨優卹茲據該督奏稱該故員等金陵駐紮最久生平戰績以江甯爲最著雖未竟全功而保障江南民情愛戴請合建專祠等語向榮張國樑著准於江甯省城合建一祠由地方官春秋致祭以彰忠藎○丁巳諭內閣本年十月初十日恭遇 慈禧端佑康頤皇太后萬壽慶辰謹照乾隆六年 皇太后五旬萬壽加賞八旗年老人等成案所有在京八旗官員及男婦太監等年六十以上者均著加以恩賞該部即遵諭行○諭軍機大臣等都興阿奏分東華續錄 同治九十九 主

黑龍江一軍並吉林馬隊二百五十名前經諭令該都統飭由沙山前赴西湖助勦茲據景廉奏稱古城濟木薩地居衝要烏屬逆同時復竄擾三臺滋泥泉及南山一帶並探聞南路安集延見在吐魯番地東安設馬隊由關展直至齊克騰木地方古城籌防籌勦竭蹶不遑巴哈兩城仍須兼顧所有吉林黑龍江馬隊勢難分撥等語自屬實在情形惟西湖兵力甚單亟須添兵援應常順前次奏撥駐防科布多之察哈爾馬隊五百名尙可移緩就急著托倫布保英即飭此項馬隊刻日馳赴西湖毋稍延緩金順見在行抵何處該軍兵力較厚一俟抵古城後即著景廉與金順會商酌撥數營馳往榮全軍營俾資防勦所需駝隻著榮全迅速籌備先期前赴古城接替金順所部官兵西進毋稍遲誤金順一軍糧運著左宗棠懷遵疊次諭旨源源籌解以資飽騰將此由六百里各東華續錄 同治九十九 主

撥各路客兵勦捕情形一摺前因盛京地方時有馬賊四出紛擾疊經諭令都興阿等嚴行整飭該官兵及旗民地方官宜如何認真緝捕況去歲秋收歉薄當此青黃不接之際尤應加意巡緝以靖閭閻本日據奏情形雖經各路官兵分投勦捕疊於昌圖界僻家嶺等處獲賊多名惟餘匪逃匿尙多著名盜首未獲且敢拒捕戕官致筆帖式依凌阿於田莊臺地方緝賊中槍殞命該匪戴發乘間逃逸是匪徒肆行無忌緝捕仍未得力何以綏靖地方著都興阿嚴飭駐紮各路官兵勤加搜緝務將著名匪首悉數弋獲餘匪一律殲除不准一名漏網致滋延蔓並著志和恭鏜飭屬一體嚴拏隨時稽查保甲以杜奸宄潛蹤儻該地方官猶敢仍前玩泄即著從嚴參辦毋稍寬縱將此由四百里各諭令知之○諭景廉奏古城防務喫緊馬隊礙難調撥一摺景廉所部吉爾洪額管帶

諭令知之○停本年秋審朝審人犯句決○戊午諭軍機大臣等瑞麟張兆棟奏查辦東西兩粵交界伏莽疊獲匪犯一摺廣東靈山縣捕屬等處與廣西接壤向多伏莽經瑞麟等派總兵鄭紹忠等馳往會同廣西邊界文武查辦先後擊獲匪犯多名將橋標村匪巢平毀仍著瑞麟張兆棟會同劉長佑督飭派出各員於兩粵交界地方嚴搜逸犯並移軍西鄉將該處匪黨悉數殲除以清伏莽欽州偏近越南恐有外匪竄入著瑞麟等嚴飭鄭紹忠等會同地方文武隨時確探妥爲防範毋稍大意將此各諭令知之○己未彗星見○辛酉諭軍機大臣等岑毓英奏接捕著名賊黨殲除首要逆犯遣散降回暨收獲礮械等件各摺片逆首馬德新業經拏獲正法馬應鸞馬尙雄亦經官軍殺斃尋向州降回數千戶亦已追繳軍火器械分遣回籍辦理甚爲得手該省甫就肅清一切

善後事宜亟應妥籌布置平彝縣屬之馬頭山等處回民二百餘戶與漢民仇怨太深該署督見擬將尋甸州城十里外絕產清查分撥計口授田與漢民閒雜而居惟必須妥慎籌布務使彼此相安不得復相尋釁方為盡善提督馬如龍寓中礮械等件刻下軍務肅清自不應畱存寓所見經岑毓英收獲先後解交善後局存儲此外各回寨如尚有私藏者自應概行追繳惟須慎重出之不可激成事端沙甸大莊一帶前有洋人來往開化邊界之河口新街亦有洋人帶水手跟丁前來見雖楚回越南難保不再圖窺伺著岑毓英飭令該地方文武隨時認真偵探嚴密防維其餘一切事宜統著該署酌度情形慎密籌辦以副委任將此由四百里諭令知之○壬戌諭軍機大臣等常順等奏酌擬棍噶扎勒參安插徒眾事宜請仍歸塔城管轄將該呼圖克圖所遞章程開單呈

東華續錄

同治九十九

五

覽一摺棍噶扎勒參呈遞章程八條經常順等分別酌擬辦理並請將嗣後該呼圖克圖徒眾一切事宜仍歸塔城參贊大臣管轄所奏各節是否妥協額勒和布到任後著即詳加查察覆覈具奏原摺單著鈔給閱看將此諭令知之○諭吳棠訪緝川省會匪○甲子命崇實馳赴山海關查辦事件○乙丑詔戶部撥銀十九萬餘兩賑奉天災民○丙寅諭軍機大臣等沈葆楨等奏到臺日期籌辦大概情形並番目籲乞歸化臺澎防兵擬另招精壯充補請將臺灣課稅等銀撥充經費各摺片沈葆楨潘霽先後行抵臺灣察看該處情形沈葆楨給與日本西鄉從道照會詞意頗為嚴正潘霽於本月初八日親赴瓊瑤面加詰問設防之事自屬萬不容緩沈葆楨等擬於海口建築礮臺安放巨礮使不得停泊兵船北路淡水等處派兵駐紮由提督羅大春督率巡防並另招勁勇多

備軍火等事所籌均是即著該大臣等分別妥速辦理日本藉口他國積年舊案違約稱兵曲直是非中外共見沈葆楨等務當與之極力理論不得稍涉遷就致誤事機該國如何照覆潘霽到瓊後如何辯論情形著隨時詳悉奏聞以慰塵繫生番本隸中國版圖朝廷一視同仁疊諭該大臣等設法撫綏不得視同化外任其慘罹荼毒見據各社番目籲乞歸化即著該大臣等酌度機宜妥為收撫聯絡聲勢以固其心臺澎向用內地班兵率皆疲弱見在因時制宜自不妨變通辦理沈葆楨等擬將班兵疲弱者撤令歸伍另招本地精壯充補事平之後察看情形再行酌辦即著照所議行臺灣鹽課關稅釐金等款准其儘數截畱撥充海防經費歸臺灣道衙門支銷不敷之款著文煜李鶴年籌撥接濟毋令缺乏○戊辰諭軍機大臣等文煜李鶴年奏籌辦沿海各口防務一

東華續錄

同治九十九

五

招馬祖澳及白犬洋面已有日本鐵甲船木輪舟在彼游弋並有孟春兵船自廈門測水直至中歧意存恫喝此時防務自應嚴密布置以備不虞覽文煜李鶴年所奏籌防情形半屬空言並無切實辦法當此事機緊要之際若再掉以輕心必致臨時張皇貽誤大局究竟福廈各口何處最為扼要見應如何設防福甯連江沿海一帶作何準備是否已臻周密著文煜李鶴年悉心籌畫立見施行不得以含混一奏遂爲了事沈葆楨見於淡水等處派兵駐紮由羅大春督率巡防責任綦重仍當遵奉前旨檄令即日赴臺以資得力著文煜李鶴年另派得力之員統兵駐紮廈門並會商李新燕妥爲籌布近省情形當隨時知照沈葆楨潘霽以期聲息互通○諭見在日本與臺灣生番稱兵構釁疊經據理曉諭仍未遵約退兵近復有兵船在福州口外往來本日據文煜李鶴年奏

請留提督羅大春暫緩赴臺駐紮廈門一帶以資鎮守但臺灣事
機甚急昨經沈葆楨奏業與潘蔚先後抵臺擬於該處海口建築
礮臺並派兵駐紮淡水等處由羅大春督率巡防是該提督亟應
速赴臺灣省防一時未能兼顧而福州各處海口關繫緊要防守
需人福建水師提督彭楚漢前經李鴻章奏請留帶直隸練軍暫
緩赴任刻下閩省防務正急著李鴻章即飭彭楚漢刻日馳赴新
任以重地方直隸練軍即由該督另揀妥員統帶本日有寄諭沈
葆楨及文煜李鶴年夾板印封各一件李鴻章接到後即著發交
輪船速為分別投遞毋稍遲誤將此由六百里諭令知之○辛未
撥德州駐防旗兵二百名青州一百名河南五十名荊州五百五
十名移補杭州駐防兵額○是月減免直隸安州等五州縣被水
上年額賦並緩節年糧租緩徵安徽天長縣被旱本年上忙額賦

東華續錄

同治九十九

五

並展上年原緩錢糧

六月甲戌 上幸圓明園○還宮○諭軍機大臣等榮全奏逆匪
滋擾臺站派隊迎剿添調官兵各情形一摺孝順等擊獲奸細據
供烏魯木齊逆首大虎帶領逆黨圖撲西湖等處見在第六臺一
帶已有零匪竄擾搶掠臺站孝順等軍有腹背受敵之勢榮全挑
選官兵派桂祥統帶往剿即著飭令該員確探匪蹤實力勦辦與
前敵官軍聯絡聲勢迅掃賊氛並著景廉檄令沙克都林扎布等
撥兵馳赴西湖援剿毋稍遲緩致誤事機駐防科布多之察哈爾
馬隊前諭托倫布保英飭令西進見在塔城需兵孔急著該參贊
等即令此項官兵迅速前往俾資戰守將此由六百里各諭令知
之○丙子諭軍機大臣等文煜李鶴年奏布置海防籌撥臺防餉
銀軍火並探報日本船隻在五虎口外游弋情形請飭宋慶統兵

赴閩各摺片日本違約稱兵昨據沈葆楨奏報到臺後業經給與
照會向其理論並經潘蔚親赴瓊瑤面加詰問是否斂兵回國尙
未續有奏報見據文煜等奏福州五虎口百餘里外已有該國鐵
甲等船在彼游弋是福州廈門等處海防甚為喫緊文煜等見擬
擇要堅築礮臺並飭副將楊廷輝將附近漁人召募成軍免資寇
兵即著迅速妥為布置並飭總兵孫開華等認真辦理以期有備
無患所需水雷及轉輪礮臺等即著咨商沈葆楨妥為籌辦以資
要需此外沿江沿海如尚有扼要之處亦當豫為防範毋稍疏懈
臺灣近日情形自沈葆楨給與照會之後日本官如何照覆能否
就我範圍著沈葆楨等相機妥辦仍隨時奏聞以慰廑繫至提督
宋慶一軍見在整理出關雖尙未成行而閩省海防緊要該軍遠
在甯夏焉能濟急閩浙兩省皆李鶴年管轄何至乏員調撥如防

東華續錄

同治九十九

五

軍需人統帶即著另行揀派以資得力所請飭令宋慶帶兵赴閩
之處著毋庸議○己卯諭軍機大臣等沈葆楨等奏理諭倭將稍
有端倪仍遵旨加緊籌防並請飭彭楚漢帶隊赴臺各摺片潘蔚
偕道員夏獻綸等於五月初八日馳抵瓊瑤與日本中將西鄉從
道反復辯論逐條窮詰西鄉從道理屈詞窮旋以所用兵費無著
為言復經潘蔚據理駁斥彼請一面致書柳原前光一面寄信該
國暫不添兵前來沈葆楨等所奏非益嚴警備難望轉圜儻恃其
款詞日延一日奸民乘隙構煽必致事敗垂成等語深合機宜著
照所請由北洋大臣調撥久練洋槍隊三千人南洋大臣調撥久
練洋槍隊二千人均乘坐輪船赴臺該郡見有兵勇不甚得力李
鴻章李宗義務當迅速調派令其刻日起程前往以壯聲勢南北
洋防務緊要俟日本兵退後沈葆楨等即令此項隊伍各歸防所

前據文煜等奏擬留羅大春駐紮廈門當經降旨仍令迅即渡臺辦理淡水一帶防務並諭李鴻章檄飭彭楚漢迅赴本任沈葆楨等此時計可接奉前旨所陳臺灣南北路布置情形及令曾元福提倡鄉團各事宜即著督飭該員等悉心籌辦務臻周妥並偵探日本情形隨時詳悉具奏潘蔚在琅瑤時傳各社生番頭目至者百數十人皆稱懇求保護並願設官經理永隸編氓仍著沈葆楨等遵奉疊次諭旨妥為收撫以固其心所有奏調之前南澳鎮總兵吳光亮浙江候補道劉璈著瑞麟楊昌濬派令迅往臺郡用資任使閩省輪船不敷調撥江蘇廣東沿海各口輪船前有旨准歸沈葆楨調遣即著於滬局添調數號由吳大廷督帶駛往前諭李鴻章飭彭楚漢赴閩如該提督尚未起程此次調撥之北洋洋槍隊三千人著即令其統帶迅由輪船馳赴臺灣毋稍遲緩該提督東華續錄 同治九十九 毛

抵臺後應否留於該郡督隊辦防之處著該大臣等與文煜李鶴年會商辦理○命前任陝甘總督楊岳斌湖北巡撫曾國荃山東巡撫閻敬銘江蘇巡撫趙德轍丁日昌浙江提督鮑超山西按察使蔣益澧兩淮鹽運使郭嵩燾來京陛見○辛巳子故四川布政使升任巡撫劉蓉事蹟宣付史館入祀名宦祠並附祀總督駱秉章專祠○壬午諭軍機大臣等岑毓英奏烏索寨餘匪已降復叛派兵剿滅一摺逆首柳映蒼糾黨占踞騰越屬之烏索寨經提督蔣宗漢等合兵圍剿連破賊壘本年四月間將烏索寨攻克柳映蒼舉火自焚匪黨殺淨盡剿辦尚屬妥速惟該處毗連緬甸野夷恐有漏網餘匪潛行竄伏仍著岑毓英嚴飭蔣宗漢等認真查緝務將匪黨悉數殲除毋畱餘孽將此由五百里諭令知之○子雲南陣亡遊擊顧定侯祭葬世職○癸未諭軍機大臣等本日

文祥奏病仍未痊懇請開缺一摺已明降諭旨再賞假兩箇月俾得安心調理矣數月以來該大臣病體仍未就痊甚深屢繫惟各國交涉事件甚繁刻下日本與生番尋釁辦理亦無頭緒亟須該大臣前赴總理各國事務衙門會同籌畫著文祥不必拘定假期隨時前往該衙門悉心會商妥辦共濟時艱將此諭令知之○諭李鴻章奏遵旨籌派洋槍隊航海馳赴臺防並請調駐陝銘軍東來以備南北海口策應一摺前據沈葆楨等奏請由北洋撥久練洋槍隊三千人南洋二千人馳赴臺灣當經諭令李鴻章李宗義迅速調派茲據李鴻章奏稱直隸防軍拱衛畿輔必須畱備緩急礙難分調南洋槍隊無多亦難酌撥且於兩處抽撥恐兵將素不相習轉致貽誤查有提督唐定奎所統見駐徐州之武毅銘字一軍素習西洋槍礮訓練有年堪以派往等語著照所請即飭唐定奎統帶所部步隊六千五百人由徐拔赴瓜洲口分起航海赴臺聽候沈葆楨調遣由李宗義張樹聲飭調滬局輪船暨雇用招商局輪船駛赴瓜州以備該軍東渡並著沈葆楨酌派閩廠兵船入江接載俾期迅速該軍所需月餉軍裝子藥等項仍著源源籌撥毋任稍有缺乏提督彭楚漢著李鴻章飭令星速赴任籌辦防務日本違約稱兵南北洋沿海各口均須嚴密設防自應添調勁兵屯紮適中之地以壯聲援見在陝西防務已鬆著即亨豫迅飭臬司劉盛藻統率陝防武毅銘軍馬步二十二營星夜兼程拔赴山東濟甯及江南徐州一帶擇要扼紮以備南北海口策應該軍到防後著李鴻章李宗義隨時會商相機調派南北洋防務緊要並著該督等悉心妥籌詳細具奏福州一帶沿海地方文煜李鶴年王凱泰當實力籌防務臻周密不得稍存大意致誤事機日本近

日情形若何著沈葆楨等隨時確探並將應行備豫事宜妥為區畫即行奏聞另片奏輪船遲速無常嗣後寄諭沈葆楨等夾板等件除發交齋坦原輪船遞回可期迅速外其餘應仍由驛遞徑發閩省等語覽奏已悉嗣後發交該督飭令遞回之件即著隨時交原輪船飛速遞遞○大學士文祥因病奏懇開缺得旨文祥著再賞假兩箇月安心調理毋庸開缺○丁亥諭軍機大臣等金順奏督師出關請由關內運糧接濟並懇飭部先那實在鉅款各一摺據稱提督劉宏發見經金順派令統帶各營中巴里坤馳往古城副都統額爾慶額已於五月初九日出關帶隊赴古金順酌帶馬步各隊西進暫紮安西屬境請由關內轉糧接濟等語金順所部各軍全隊西行軍糧最關緊要見在巴里坤古城等處產糧無多須由關內及安敦玉等處運糧接濟方可無誤軍食著左宗棠將

東華續錄

同治九十九

无

該軍及額爾慶額一軍所需糧石源源運解毋令缺乏劉宏發及額爾慶額各營到古後即著景廉籌糧供給以期士飽馬騰並著飭令劉宏發等會合各軍實力防勦迅掃逆氛張曜全隊見在行抵何處未慶暫駐甯夏轉瞬秋涼布置計均就緒著左宗棠將各該軍糧運設法妥籌一面飭令陸續西行以厚兵力據金順奏該軍後隊未能接連開拔所需月餉運費等項頗形緊急非得鉅款難資集事請飭部於庫存四成洋稅項下先行借撥銀一百二十萬兩分為兩批解至綏遠城將軍衙門收存轉運即於積欠金順軍餉內由部指撥東南各省歸還庫款等語著戶部速議具奏至各省關奉撥金順軍餉欠解尚多並著該部咨催迅解毋任延宕將此由六百里各諭令知之○予甘肅陣亡知府安保安祭葬世職○庚寅予故湖南提督楊鼎勳附祀曾國藩祠○辛卯諭軍機大

臣等都興阿等奏賊匪分股竄擾派隊防勦並探聞賊匪竄踞情形各摺片本年五六月間突有馬步賊匪分股竄擾孤山等處經官兵分隊迎擊疊有斬擒該匪奔竄羅圍溝地方復竄至新兵堡盤踞見經都興阿添派副都統色楞額帶隊往勦即著該將軍等飭令派出各軍實力勦辦務將此股賊匪悉數殲除毋留餘孽見在軍務未竣亟須儲備將材以為干城之選並著都興阿查明奉省如有久經戰陣謀勇兼優之宿將即行據實酌保數員用備任使將此各諭令知之○論沈葆楨等奏續籌防務情形一摺日本復到輪船一隻裝兵二百餘人帶有鐵練農器等件又有輪船駛往後山一帶意存覬覦亟應厚集兵力益嚴警備提督唐定奎一軍著李鴻章檄令星速拔隊兼程前進不得稍涉延緩致誤事機並著沈葆楨李宗義張樹聲遵奉前旨分別飭調船隻妥為豫備

東華續錄

同治九十九

三

俾得迅到防所以壯軍威臺灣南北路防守事宜均甚緊要澎湖守備空虛見添募勇丁一營是否足資捍禦沈葆楨等務當督飭張其光夏獻綸等妥籌布置嚴密防守北路淡水等處前諭羅大春前往督防該提督此時當已渡臺並著該大臣等與之會商相機籌辦日本遣人往句卑南社番經沈葆楨等將該番目陳安生等招致來郡潘蔚見擬駐營鳳山就近相度形勢次第撫綏惟日本既約牡丹社生番議和並以王字社生番不肯議和有進兵往攻之說沈葆楨等應如何聯絡番眾之處務宜設法妥辦福州廈門一帶文煜李鶴年王凱泰見在如何籌防著即區畫周密詳悉奏聞○丁酉命服闋內閣學士翁同龢仍在弘德殿行走○予浙江殉難巡撫羅遵殿安徵陣亡道員咸福建祠○是月蠲緩河南虞城縣被風被雹本年額賦

○

臣王先謙敬編

臣張式恭恭校

秋七月辛丑朔享 太廟○乙巳諭軍機大臣等沈葆楨等奏臺灣南北路防守情形請飭准軍迅速來臺一摺日本兵營屬聚龜山風港等處不時游弋各莊且有脅逼大鳥萬千仔吊二社到營說和及在茄鹿塘哨探情事沈葆楨見飭王開俊由東港進紮枋寮戴德祥由鳳山填紮東港潘霽與曾元福等馳赴鳳山招募土勇激勵鄉團益於海口要隘催建兵棚以備准軍分紮臺北諸路以夏獻綸所部一營駐紮蘇澳擬就淡蘭添募土勇兩營以厚兵力並開通山路即可分移岐萊各處墾荒布置尙屬周妥即著沈葆楨飭令派出各軍認真防守毋稍疏虞並令潘濬等將生番各

社設法招徠俾爲我用倭人雇墨西國船隻被傷二案並著沈葆楨文煜李鶴年王凱泰飭令夏獻綸速行辦結仍一面招撫岐萊各處生番剴切曉諭毋爲利誘省城各路海防文煜等務當嚴密布置見在濟安等輪船次第駛回臺灣南北防務略有端倪沈葆楨等惟當慎密防維固不可掉以輕心亦不宜冒昧從事總期審度機宜悉心籌畫以副委任唐定奎所帶徐州洋槍隊十三營見在曾否起程著李鴻章李宗義張樹聲飭令該提督迅速赴臺以資得力○丙午諭內閣李鴻章奏職官報效木植見在無從驗收轉解一摺據稱候選知府李光昭報效木植見與美法兩國商人互控結訟轉轄甚多其所買法商木植較之呈報內務府之數木價既多浮開銀亦分毫未付等語李光昭所辦木植經李鴻章查明係買自法商其價僅議定洋銀五萬四千餘元而在內務府呈

稱購運洋木竟敢浮報值銀三十萬兩之多似此膽大妄爲欺罔

朝廷不法已極李光昭著先行革職交李鴻章嚴行審究照例懲辦所有李光昭報效木植之案著卽註銷○諭軍機大臣等李鴻章奏李光昭報效木植見與洋人互控結訟並密陳李光昭性情狡譎語言荒唐各摺片李光昭與法美領事構訟各執一詞必須持平妥辦著李鴻章飭令該關道與各國領事官會審明確秉公辦理該革員以五萬餘元之木價捏報三十萬兩已屬荒唐且面求美領事代購價值法領事照會關道請拘雷李光昭母使逃走無恥已極尤堪痛恨該督既稱李光昭在外招搖出言不慎且恐有別項情節卽著李鴻章迅速確切根究按律嚴辦不得稍涉輕縱將此諭令知之○予浙江殉難知府李希郊建祠○戊申裁雲南琅鹽井提舉缺改爲石膏井提舉○己酉諭軍機大臣等劉長

佑奏見籌勦撫越南匪徒及越南近日情形一摺法人與越南會勦各匪之議未可遽信則粵軍未可遽撤匪徒未可遽招劉長佑所籌各情詳審周密實爲切中窾要見在法人原駐河內者漸次退出其大小洋船亦皆退泊左金港口有俟涂普義來時仍欲進紮省城及勒令南官往勸劉泳幅讓出河路之說用意殊屬叵測粵軍駐紮高諒既爲越南聲援又可自固疆圍見在黃崇英股匪屢爲劉泳幅所敗復爲滇省開化練勇所截機會大有可乘劉長佑已飭徐延旭趙沃體察越南賊勢軍情籌辦勦撫仍著該撫隨時密授機宜以期於事有裨粵東官軍查辦積匪漸次蕪事卽可進駐欽州遙爲犄角著瑞麟張兆棟會商劉長佑協力通籌俾兩省邊防同臻鞏固總期安本境而綏藩服此中大有權衡該督撫等必能籌畫盡善也徐延旭等到防後如何辦理情形著劉長佑

詳悉具奏將此由四百里各諭令知之○庚戌諭軍機大臣等榮全奏官兵兩次擊敗回逆臺路已通並請將孝順仍留軍營各摺片逆回兩次撲犯西湖等處滋擾南臺雖經官軍擊退仍恐去而復來該處爲前敵餉道關繫甚重著榮全仍飭孝順等勤加偵探嚴密防範並與沙克都林扎布等聯絡聲勢前後夾擊毋稍大意察哈爾官兵到營後並著酌量分撥飭令速赴前敵以資助勦庫爾喀喇烏蘇地方既據奏稱遭亂後舊制一時難復新任領隊大臣孝順即著准其暫留榮全軍營專辦前敵軍務將此由五百里諭令知之○壬子諭軍機大臣等景廉馬隊官兵暫難分撥並請飭設法轉運接濟大軍一摺吉爾洪額等馬隊既據景廉奏稱暫難抽撥即著俟金順到古城後悉心商酌設法分撥勁旅前赴西湖助勦金順業已出關劉宏發步隊五營先赴坤城該軍口糧已

東華續錄

同治一百

三

經景廉籌撥接濟惟後路大軍皆以轉輸不繼停留於安玉等處見在事機正急各軍豈容阻滯中途著左宗棠懷遵疊次諭旨設法速爲轉運俾資飽騰毋稍缺乏本日已有旨授景廉爲欽差大臣金順爲幫辦大臣新疆事宜該大臣等責無旁貸金順見在行抵何處著迅速先行赴古與景廉籌商進兵機宜金順一抵古城即著迅速奏聞以慰廑繫榮全兵力尙單逆回疊犯西湖等處並著該都統妥籌兼顧以期聯絡聲勢俾壯軍威刻下大軍陸續西行餉需不容稍緩著戶部速籌有著之款源源撥解毋令停兵待餉致誤事機將此由六百里各諭令知之○諭榮全見在塔城籌辦西路軍務屢經奏調景廉金順所部前往助勦古城防務喫緊景廉所部馬隊未能分撥金順又不能即抵古城均屬緩不濟急不若就地籌畫兵力設法自強伊犁迤北數百里尙有察哈爾官

兵駐牧去塔城精河均不甚遠此項官兵定額一千八百餘名或全數調往西湖或酌調一半訓練成軍土爾扈特蒙古近駐庫爾喀喇烏蘇南山亦可酌調二三百名藉壯聲勢大河沿戶民約數百家如招募數百名入營隨同打仗可補兵力之不足其不願入營者飭令築堡自衛伊犁之南尙有錫伯營及厄魯特人眾均在本地遊牧駐紮人數尙不單弱榮全本有整頓伊犁營制之責如能就近調募加意撫綏俾成勁旅較之遠道望援甚爲便捷即著該署將軍酌度情形妥爲籌辦將此由六百里諭令知之○命左宗棠爲大學士仍留陝甘總督任○授烏魯木齊都統景廉爲欽差大臣督辦新疆軍務正白旗漢軍都統金順幫辦軍務○追予烏魯木齊殉難提督平瑞事蹟宣付史館與故古城領隊大臣保恆署領隊大臣惠慶各建專祠各家屬等暨陣亡官兵一併附祀○

東華續錄

同治一百

四

乙卯諭曾璧光妥籌黔省善後事宜○丙辰諭軍機大臣等沈葆楨等奏續陳防務暨撫番開路情形各摺片日本兵船仍在龜山等處相持日久尙未退兵見在羅大春黎兆棠均已到臺沈葆楨已飭張其光等開通山路潘壽亦前往鳳山督練新軍催集民團綏撫番社並飭地方官豫籌客兵薪米各省輪船陸續駛回唐定奎一軍不日亦可趕到刻下颶颶時作瓊瑤難泊輪船龜山倭營又當風衝彼族正在進退維谷之際著沈葆楨文煜李鶴年王凱泰潘蔚酌度情形審慎籌畫使倭船迅離臺境柳原前光在都經總理各國事務衙門王大臣與之剴切辯論該使臣語意枝梧沈葆楨等務宜乘此兵燹未開速爲布置一面撫馭番眾一面厚集兵力俾壯聲威倭人劉穆齋失銀一案並著飭令夏獻綸迅行辦結毋令藉故耽延○戊午諭內閣御史陳彝奏內務府大臣辦事

欺蒙請予處分一摺革員李光昭報效木植種種欺罔業經降旨交李鴻章審辦總管內務府大臣於該革員先後具呈時並不詳查駁詰遽為陳奏實屬辦事欺蒙咎有應得均著交部議處以示懲儆尋吏部議總管內務府大臣崇綸明善春佑均應照溺職例革職從之○戊午撥巴里坤戰馬三百匹赴哈密軍營○己未諭內閣朕於八月二十七日啟鑾駐蹕南苑九月初六日還宮○飭山西巡撫雷夏滿營兵餉○庚申 上幸瀛臺○比利時國使臣謝惠施等三人於紫光閣前瞻觀○甲子 上幸瀛臺○御紫光閣閱吉林黑龍江弁兵馬步射○諭內閣御史孫鳳翔奏前署內務府司員肆行欺罔情罪尤重請先予嚴懲一摺據稱上年李光昭呈請報效木植及此次呈進木植皆係見任內務府大臣貴寶署理堂郎中任內之事貴寶蒙混具稟呈堂並與李光昭交通舞弊等語貴寶於李光昭報效木植一案輒敢蒙混回堂入奏致李光昭得售其奸欺蒙尤甚貴寶著先行交部嚴加議處並著李鴻章查明李光昭有無與貴寶交通舞弊情事據實奏明辦理以示懲儆尋吏部議貴寶應照溺職革職例革職從之○乙丑諭軍機大臣等奕裕奕艾奏甯古塔城被匪闖入旋經收復見在搜剿餘匪一摺甯古塔地方突有馬步賊匪三百餘名分股撲城署副都統雙壽未能抵禦被匪闖入城內見在雖經烏勒興阿等將賊擊退收復城池惟賊眾分股竄逃難免不散而復合刻下各處馬賊未盡剿除儻再勾結蔓延為害實非淺鮮著奕裕等咨令烏勒興阿雙壽督飭兵勇協同派出官兵實力搜捕務將此股竄匪悉數殲除毋令乘閒遠颺復圖嘯聚甯古塔地方緊要該處官兵當如何嚴密防守以免疏虞乃賊匪僅有三百餘名該城即行失守是

東華續錄

同治一百

五

平時武備廢弛已可概見署副都統協領雙壽著摘去頂帶俟回協領任後仍帶革職留任處分並著奕裕等責令迅將餘匪盡行殲滅以觀後效如再不知愧奮即著嚴參懲辦將此由五百里各諭令知之○己巳諭內閣前降旨諭令總管內務府大臣將圓明園工程擇要興修原以備兩宮 皇太后燕憩用資頤養而遂孝思本年開工後朕曾親往閱看數次見工程浩大非剋期所能蒞功見在物力艱難經費支絀軍務未盡平定各省時有停災朕仰體 慈懷甚不欲以土木之工重勞民力所有圓明園一切工程均著即行停止俟將來邊境又安庫款充裕再行興修因念三海近在宮掖殿宇完固量加修理工作不至過繁著該管大臣查勘三海地方酌度情形將如何修葺之處奏請辦理將此通諭中外知之○庚午欽奉 硃諭傳諭在廷諸王大臣等朕自去歲正月

東華續錄

同治一百

六

儀原屬咎有應得惟念該親王自輔政以來不無勞勩足錄著加恩賞還親王世襲罔替載激貝勒郡王銜一併賞還該親王當仰體朝廷訓誡之意嗣後益加勤慎宏濟艱難用副委任○諭前降旨令總管內務府大臣將圓明園工程擇要興修嗣朕以經費支絀深恐有累民生已特降諭旨將圓明園一切工程即行停止並令該管大臣查勘三海地方量加修理為朕恭奉兩宮 皇太后駐蹕之所見在時值艱難何忍重勞民力所有三海工程該管大臣務當覈實勘估力杜浮冒以昭撙節而恤民艱○申諭吳棠查拏四川會匪並嚴禁胥役苛擾積弊○王申諭軍機大臣等沈葆楨等奏臺灣近日情形力籌防務並北路倭案辦結等語槍傷生番見飭嚴辦及閩廠輪船懇准續造各摺片日本兵船七隻後灣楓港一帶日以蓋兵房掘濠溝豎竹圍為事意圖招誘番眾伺喝村

東華續錄

同治一百

七

民日久相持情形漸怯見在淮軍業經到臺羅大春已抵蘇澳夏獻綸招募楚勇亦已成軍澎湖地方見借海關凌風輪船駐彼教習閩廠六船隨同操練防務漸臻嚴密彼族自無隙可乘惟中路水沙連秀姑巒一帶為全臺適中之區地方最為緊要刻下該處社贊竟有教堂數處並有逃匪通匿其間沈葆楨等見擬募兵前往即著與文煜李鶴年王凱泰潘蔚迅速籌商妥為調派一面撫綏番眾搜捕匪徒一面開路設防力求固守安平礮臺並著沈葆楨等設法興築臺城倒塌千有餘丈見經發款分修著即飭令周懋琦等認真經理務期修築鞏固不准草率從事電報雖可緩圖鐵甲船必不可少即使議購有成將來仍應鳩工自造目前尤須講求駕駛之法沈葆楨等惟當切實籌辦力圖自強閩廠輪船即照所請准其續行興造得力兵船以資利用北路倭案已經辦結

沈葆楨等請將稅務司好博遜酌給獎勵之處著該衙門議奏屯番槍傷生番亟宜速為查辦張其光正在下淡水一帶辦理招撫事宜何以聞信不即行馳往拏辦迨回郡城後復不與沈葆楨言及實屬不知緩急此案關繫撫番全局豈容置若罔聞著沈葆楨等嚴飭張其光將屯番拏獲懲辦以安人心儻該總兵再行辦理頗預即著沈葆楨等據實奏明從嚴參處○癸酉諭軍機大臣等都興阿奏竄匪句結滋擾派兵迎剿情形一摺孤山敗匪由新兵堡竄出後復敢句結匪徒回竄意圖窺伺邊內經官軍迎剿斃賊多名該匪旋向古城子等處北竄見經都興阿派令營總觀海等帶兵防剿即著嚴飭各該員弁實力勦辦務將此股賊匪悉數殲除其鐵嶺開原等處並飭派防各員隨時探防遇賊即擊毋任竄入邊疆志和等亦當督飭地方官認真緝捕以靖閭閻將此各諭

東華續錄

同治一百

八

令知之○調寶璽為兵部尚書英桂為吏部尚書○都察院左都御史英元卒予祭葬諡恭毅○以廣壽為左都御史由刑部右甲戌調載崇為刑部右侍郎崇綺為吏部右侍郎以慶陞為戶部右侍郎由內閣學士遷○諭瑞聯整頓熱河捕務○戊寅祭 大社 大稷○己卯吏部以大學士左宗棠應授何殿閣請得旨左宗棠著授為東閣大學士○壬午諭軍機大臣等前據李鴻章奏李光昭報效木植見與洋人互控結訟並陳李光昭性情狡諂言語荒唐當降旨將李光昭革職交李鴻章嚴行懲辦時逾一月有餘尚未據該督覆奏著李鴻章將此案迅速嚴訊即行奏結毋再遷延將此諭令知之○申諭都興阿嚴緝奉天馬賊○癸未秋分夕 月於西郊○諭軍機大臣等都興阿奏股匪沿邊竄擾官兵勦辦情形一摺孤山敗匪糾黨回竄邊內經色楞額等督隊迎擊在中江

道李家臺等處斃匪多名餘匪竄至大網子溝地方越山逃遁著
都興阿嚴飭派出員弁實力緝拏其沿邊一帶並著飭令帶隊各
將領嚴密防守毋任匪蹤紛竄將此由四百里諭令知之○戊子
諭內閣前因已革知府李光昭報效木植浮開價銀並在外招搖
各節當諭令李鴻章嚴訊究辦茲據李鴻章奏訊出李光昭捏報
木價並捏造奉旨採辦銜條旗號及圓明園監督各情實屬膽大
妄為不法已極李光昭即著照所擬斬監候秋後處決另片奏李
光昭訊無與貴寶交通舞弊實據惟內務府筆帖式成麟擅自出
京借李光昭潛往各省請旨革職等語成麟著即行革職以示懲
儆貴寶業經革職著毋庸議○調黑龍江馬隊官兵五百名助剿
吉林馬賊○已丑以興京城守尉一缺責任繁重命加副都統銜
著為例○撥河南司庫銀九萬兩備黃河工需○庚寅諭各直省

東華續錄

九

整頓捕務○乙未諭內閣見在大軍陸續出關著派欽差大臣大
學士陝甘總督左宗棠督辦糧餉轉運一切事宜內閣學士袁保
恆著作為幫辦並將西征糧臺移設肅州著袁保恆前往該州駐
紮○詔各直省督撫酌裁釐局禁種罌粟○丁酉 上幸南苑○
諭軍機大臣等李瀚章等奏湖北應協雲貴餉項請由督撫派員
催解等語據稱湖北奉撥月協滇軍餉銀二萬兩嗣經改為提督
馬如龍專餉疊次皆由該提督派員守催見在馬如龍路經湖北
隨帶弁丁七八十人之多坐索欠餉甚急由李瀚章等籌解銀二
萬兩仍復藉端挾制迨經劉嶽昭過鄂與之婉商再籌解銀四萬
兩始允清款又近來雲貴兩省每將尋常商戶欠項以及文武廉
俸等款不由督撫知照徑由藩司填給庫收令其至鄂由協餉匯
兌各情各省協濟餉需自應由督撫派員催領且目前各省庫款

東華續錄 同治一〇〇

支絀籌措為難若如該督等所奏帶兵官帶領多人坐索欠餉且
零碎款項悉由鄰省支給實屬不成事體嗣後湖北應協雲貴兩
省餉項即著劉嶽昭岑毓英曾璧光派委委員前往催解不得令
帶兵官自行委員催取並不得以尋常欠款指餉匯兌以免分歧
而重餉需將此由五百里各諭令知之○戊戌閱御前王大臣乾
清門侍衛等騎射○己亥 上行圍

九月庚子朔 上幸晾鷹臺撤圍○賞南苑官員段匹暨苑戶等
一月錢糧並賞海戶銀○辛丑 上幸晾鷹臺閱神機營兵○王
寅閱御前王大臣乾清門侍衛等射○諭軍機大臣等景廉奏檄
飭防軍截擊竄匪一摺沙山馬橋等處時有賊匪竄擾防務甚關
緊要西湖地方亦恐有賊匪回竄景廉已飭沙克都林扎布在沙
山馬橋等處防守與西湖各營互為聲援仍著隨時偵探如有賊
匪撲犯西湖即行帶隊截擊毋令深入見在額爾慶額馬隊並金
順所部步隊五營已抵古城金順亦由安西拔隊西進兵力較厚
金順到營後著景廉悉心會商酌撥數營前往西湖一帶援剿以
遏賊氛將此由五百里各諭令知之○賞內閣學士松淮副都統
銜為駐藏大臣○子哈密被戕副將李萬勝祭葬世職○癸卯予
管神機營事醇親王等加級有差並賞兵丁銀○賞南苑圍場章
京等段匹銀兩○甲辰予管奉宸苑事御前大臣景壽等加級有
差○乙巳 上還宮○諭內閣榮全所進黑花馬一匹朕乘騎甚
穩著賞給鐵龍駒名號榮全著加恩賞給大卷江紬二卷小刀一
把大荷包一對小荷包一對○丙午諭整頓京營捕務○丁未諭
內閣大學士兩廣總督瑞麟老成端恪練達勤能歷受 先朝知
遇之隆洵升卿貳入贊樞機咸豐三年 特命赴直隸天津等處

東華續錄

十

匪撲犯西湖即行帶隊截擊毋令深入見在額爾慶額馬隊並金
順所部步隊五營已抵古城金順亦由安西拔隊西進兵力較厚
金順到營後著景廉悉心會商酌撥數營前往西湖一帶援剿以
遏賊氛將此由五百里各諭令知之○賞內閣學士松淮副都統
銜為駐藏大臣○子哈密被戕副將李萬勝祭葬世職○癸卯予
管神機營事醇親王等加級有差並賞兵丁銀○賞南苑圍場章
京等段匹銀兩○甲辰予管奉宸苑事御前大臣景壽等加級有
差○乙巳 上還宮○諭內閣榮全所進黑花馬一匹朕乘騎甚
穩著賞給鐵龍駒名號榮全著加恩賞給大卷江紬二卷小刀一
把大荷包一對小荷包一對○丙午諭整頓京營捕務○丁未諭
內閣大學士兩廣總督瑞麟老成端恪練達勤能歷受 先朝知
遇之隆洵升卿貳入贊樞機咸豐三年 特命赴直隸天津等處

督兵剿匪克奏膚功朕御極後簡授廣州將軍調任兩廣總督在
 粵十年練兵訓士綏靖邊疆辦理地方事宜均臻妥協旋晉綸扉
 仍留總督之任敷歷中外懋著勤勞前因患病賞假調理方冀漸
 次就痊長承恩眷茲聞溢逝悼惜殊深著加恩追贈太保照大學
 士例賜卹入祀賢良祠任內一切處分悉予開復應得卹典該衙
 門察例具奏准其入城治喪其靈柩回旗時著沿途地方官妥為
 照料伊子候選知府懷塔布著俟服闋後以四品京堂候補主事
 佛呢音布著賞給員外郎花沙布哈芬布均著俟百日孝滿後由
 該旗帶領引見用示朕篤念耆臣至意尋予祭葬諡文莊○以英
 翰為兩廣總督未到任前以廣東巡撫張兆棟兼署調吳元炳為
 安徽巡撫以翁同爵為湖北巡撫前陝西巡撫未到任前以湖廣總督
 李瀚章兼署○戊申以鐵祺為內閣學士由詹事遷○己酉諭軍機大
 東華續錄 同治一百一十
 臣等桂清奏興京地方緊要請添設大員鎮守一摺奉天馬賊日
 多屢經剿辦未能淨絕根株且時有擾及興京之事近復有邊外
 賊匪聚集七八百人窺伺邊內新兵堡地方商賈居民紛紛遷徙
 該處地方緊要亟應嚴密防範以淨賊蹤興京僅有城守尉一員
 前經都興阿等奏請加副都統銜俾資鎮攝業經允准見在桂清
 請於該處添設副都統一員一切體制章程官兵員數均仿照金
 州錦州之例自為 陵寢重地格外加慎起見惟添設大員應籌
 經費應否將盛京副都統移紮興京其員缺即照京旗以侍郎兼
 任以及 陵寢官兵應否照馬蘭泰甯兩鎮章程責成管轄著都
 興阿志和麟書繼格銘安桂清恭鏗悉心履勘繪圖貼說詳細妥
 議具奏至添設副都統後城守尉自毋庸加副都統銜或即將此
 缺裁撤並著一併議奏桂清原摺著鈔給都興阿等閱看將此各

諭令知之○庚戌調吳元炳為江蘇巡撫未到任前以兩江總督
 李宗義兼署以裕祿為安徽巡撫紹誠為安徽布政使調與奎為
 河南按察使由浙○乙卯詔江西湖南湖北自明年始悉運本色
 漕糧毋得奏請折徵○予甘肅陣亡參將吳國泰祭葬世職○丙
 辰諭軍機大臣等奕格等奏殲除匪首塔界漸就肅清見在剿辦
 姓屬金匪一摺竄擾塔城匪首王冥誅即王汶拴業經擒獲正法
 餘匪亦經副都統烏勒興阿搜剿殆盡遠近山場溝內一律肅清
 惟敗殘餘匪尚在遁逃仍須乘勢接捕以期淨絕根株見在三姓
 所屬山場尚有金匪聚集亟應乘此聲威迅行剿辦奕格等已添
 調官兵助剿即著奕格奕艾咨令副都統勝安親督官兵入山搜
 剿務將伏匿金匪趕緊剿洗淨盡不准一名漏網並著咨令烏勒
 興阿暫緩撤兵仍在塔界擇要堵擊以防金匪分竄此次擊獲匪
 東華續錄 同治一百一十
 首及在塔境出力各員准由奕格等歸案擇尤保獎毋許冒濫塔
 城被擾失去之左右兩司關防佐領等圖記均著該部按照單開
 照例補行頒發將此各諭令知之○戊午諭內閣軍機大臣刑部
 奏官犯成祿呈遞呈詞請派大臣覆訊一摺已革烏魯木齊提督
 成祿誣斃多命一案前經軍機大臣會同刑部審訊比例擬以斬
 立決並以成祿究係誤聽人言與實在誣民為逆者不同應否改
 為斬監候聲明請旨復經御前大臣大學士六部九卿會議仍照
 原擬具奏當經降旨改為斬監候已屬法外施仁豈容該犯任意
 狡辯成祿仍照原擬斬監候該犯所遞呈詞等件著毋庸置議○
 諭軍機大臣等沈葆楨等奏准粵兩軍到臺及南北開路情形一
 摺見在淮粵兩軍陸續到臺即著分別布置擇要扼紮以壯聲威
 臺南生番尚易招致北路各社率多頑梗之徒大南澳平埔等處

有兇番糾集丁壯數千意在抗違沈葆楨等務當悉心籌度恩威並用會同羅大春加意招徠妥慎辦理不可輕易進紮致為番族所乘轉礙撫番大局臺郡城垣關緊要著督飭該地方官速行修葺務期鞏固沈葆楨另片奏大雅安瀾輪船遭風損壞自請議處等語此次損壞船隻即著分別設法修理沈葆楨未能先事豫防殊屬疏忽著交部議處製造輪船工鉅費繁嗣後務當飭令該管駕等隨時加慎又片奏訊結屯番槍傷生番一案即著照所議辦理○予故提督吳雲集附祀曾國藩祠○已未飭各省迅解京師欠餉○庚申諭戶部籌撥西征餉銀諭楊昌濬等迅解滇省欠餉○癸亥戶部左侍郎宋晉卒予祭葬○以袁保恆為戶部左侍郎由內閣○轉成林為理藩院左侍郎以蘇勒布為理藩院右侍郎由內閣○乙丑諭內閣予告大學士賈楨持躬端謹學問優長受先朝知遇之隆由翰林入直上書房陟正卿入贊綸扉疊司文柄朕御極後派充實錄館監修總裁優加簡畀倚任方殷旋以患病屢請開缺准予致仕賞食全俸方冀頤養安和長承恩眷茲聞溢逝悼惜殊深著賞給陀羅經被派載濂帶領侍衛十員即日前往奠醊加恩晉贈太保照大學士例賜卹入祀賢良祠任內一切處分悉予開復應得卹典該衙門察例具奏靈柩回籍時並著沿途地方官妥為照料伊子道員用河南彰德府知府賈致恩著俟服闋後以道員遇缺即選伊孫員外郎銜主事賈孝珍著以郎中分部即補用示朕篤念耆臣至意尋予祭葬諡文端○丙寅總理各國事務衙門奏切籌海防將緊要應辦事宜撮敘四條請飭詳議命各督撫詳細籌議將逐條切實辦法限於一月內覆奏○丁卯諭錢鼎銘添撥東河搶餉銀二萬五千兩○戊辰予

東華續錄

同治一百

吉

故署安徽巡撫李孟羣附祀湖北按察使李卿毅祠○己巳諭軍機大臣等李宗義恩錫奏憑陳近日黃水情形請派廷臣會議一摺江南揚莊以下舊黃河業經李宗義派員挑濬並酌做裏頭以備澇至堵閉惟近來黃水愈益南趨李宗義以東省決口不堵不特江省無從措手即東省曹濟各屬齊河利津一帶亦岌岌不可終日萬一蘭儀等處再有失事直隸安徽均恐受害是目前情形較前數年更形喫緊亟宜豫行籌策以期一勞永逸應如何妥籌辦理之處著李鴻章李宗義文彬喬松年錢鼎銘恩錫悉心籌畫會議聯銜具奏請旨辦理李宗義等原摺著鈔給李鴻章等閱看將此由四百里諭知李鴻章李宗義文彬喬松年錢鼎銘並傳諭恩錫知之○以達克丹為理藩院額外侍郎烏珠穆沁貝勒○是月減免兩浙橫浦等六場被水上年竈課有差

東華續錄

同治一百

南

冬十月庚午朔享太廟○辛未諭內閣本年十月初十日恭遇慈禧端佑康頤皇太后四旬萬壽慶洽敷天因思京外實任文武一二品大員老親有年屆八十以上者康疆逢吉祿養承恩洵為盛世嘉祥允宜特加賞賚著吏部兵部八旗都統即行查明分別咨報軍機處開單呈覽候旨施恩○諭已革提督劉銘傳著加恩開復原官○甲戌賜張鳳鳴等一百三十五人武進士及第出身有差○丙子 上率近支親藩恭迎 慈禧端佑康頤皇太后御慈寧宮陸座侍宴 上捧觴上 壽綵衣躬舞王貝勒貝子公等以次進舞禮成奉 慈安端裕康慶皇太后 慈禧端佑康頤皇太后幸漱芳齋侍膳賜近支親藩等食○丁丑 上奉 慈安端裕康慶皇太后 慈禧端

佑康頤皇太后幸寧壽宮侍膳賜王以下文武大臣暨蒙古王貝勒等食至庚辰皆如之○已卯 慈禧端佑康頤皇太后四旬聖壽節 御慈寧宮 上率王以下文武大臣暨蒙古外藩等行慶賀禮○賞隨班祝 殿廢員前馬蘭鎮總兵官慶錫等職銜○免王公文武官員降罰留革處分○命廣科以都統遇缺題奏晉照祥御前侍衛桂祥佛佑乾清門侍衛○庚辰以廣東沿海猝遭颶風諭張兆棟等撫恤災民○壬午賞五城貧民棉衣銀○甲申左宗棠奏 臣前奏出關諸軍餉數及糧價運腳應由戶兵兩部會議一摺聲明除額爾慶額所統馬隊金順所統馮桂增一營糧餉腳價由 臣與穆圖善餉項內劃給毋庸另籌外其金順張曜宋慶等出關各軍餉糧應否酌中定議俾諸軍餉饋有著嗣准部覆金順張曜宋慶應各將該軍所需正餉糧科等項查照例章並體察關東華續錄 同治一百 五

外情形每月實需銀若干並原撥餉項分晰咨報由 臣奏明再由 臣覈辦等因已經奏明奉旨依議欽此 臣比恭錄並鈔部文飛咨金順張曜宋慶欽遵辦理頃接張曜咨報所部嵩武軍馬步十四營按人馬實數每月應支淨糧料四十三萬六千九百五十斤其管駝驛差弁夫長應支食之銀糧駝驛應支食之料向不在內該軍由河南應餉計每月照章應得正雜餉銀三萬七千二百八十餘兩若將糧料價值轉運各費攤扣不但全軍無餉且欠數甚鉅應請奏准將該軍糧運經費作正開銷俾各營仍得正雜餉款以資食用津貼其自出關以後軍裝軍火軍餉等項轉運應請再添撥銀五千兩以清墊款此張曜所報軍餉數目也宋慶所部毅軍據報步隊十四營又一旗馬隊一營又一起統計步勇七千二百名長夫一千五百餘名馬勇四百名長夫百三十六名共計馬步

勇夫九千一百三十六名隨員差弁夫丁不計月需淨糧料四十九萬三千一百餘斤照河南餉章大建每月支銀四萬二千餘兩小建月支銀四萬一千餘兩前因出關各軍採糧轉運艱阻萬狀奏明暫由肅州移駐涼州甯夏就近採運糧料供軍價平腳省尙可毋庸議加惟見擬撥馬步勇丁千名馬百餘匹先進哈密放水灌池為積進開墾之計及將來各營出關所需糧運屆時再照張曜餉事議增乃昭平允至宋慶所稱前因料理出關挪用正餉購辦駝駝千隻見已到營雇駝夫三百名此項駝料夫糧每月需銀四千兩應請按月添撥此宋慶所報軍餉數目也金順一軍合明春所部自定馬步二十營人數在一萬以外嗣奉諭旨明春所部歸其自帶聞金順仍自定馬步二十營所需糧料計已由局發過一千二百萬斤除派提督劉宏發等六營赴古城外金順擬於九月內親帶馬步四營赴巴里坤餘仍屯駐肅州安西該軍馬步餉章與楚軍相仿較之張宋豫軍餉章為優其在安肅糧料均由肅局應付應請作正開銷該軍餉項提解不少頃據額爾慶額桂錫植等古城來報該處一帶糧料每石重三百餘斤合銀三兩近因官軍陸續到境景廉定作四兩三錢已為金順訂買二萬餘石旋據史念祖等稟報所聞相同似金順全軍撥行可供十箇月之食但 臣所接景廉八月來緘尙云須由關內齎糧前往金順近日來牘亦以為言無從揣測按關內採糧由涼州起歷甘肅州以達安西計程一千五百六十里合糧料價值車駝駝隻運腳及各項費用計算每糧料百斤實需銀十一兩七錢有奇惟由涼州而西抵肅州所採糧料近西一站則運腳之費可遞省一站故甘肅運腳省於涼肅屬運腳又省於甘也是糧運價值雖由涼起算而程

途遠近即價腳多寡所關並非以十一兩七錢上下爲定也原奏亦曾聲敘及之景廉前奏稱科布多烏里雅蘇台採糧一石運至古城需銀十餘兩勞費甚多已奏停止而以出關各軍糧料應由關內接濟爲言不知由烏科採運至巴古需銀十餘兩之多僅與由涼採運至安西所費價腳相等而由烏科採運至古地一石計重三百餘斤較由涼州運安西計重百斤之價腳已少三分之一況由安西逾哈密轉運巴古計二十六站一千九百八十七里每百斤又須加運腳過倍乎臣前緘致金順言之頗詳然猶不知巴古一帶本有糧可採價並不昂又可省運費二十餘倍也以臣所見所聞言之金順到巴古後萬無舍近求遠舍易圖難舍賤食貴之理臣與景廉金順同辦一事所用同係朝廷至艱之餉但論於軍情國計有裨何庸妄存意見所有金順一軍餉事糧事就所知

東華續錄

同治一百

七

省浮費即著左宗棠景廉金順妥爲籌商總期軍食有神不可舍易圖難更不得意存推諉至金順一軍每月實需若干即由該幫辦大臣覈實奏明辦理張曜一軍每月乾銀五千兩向由晉省撥發刻下軍行較遠提解爲難著鮑源深即將此項銀兩按月解至西征糧臺以便轉解應用該軍皮衣銀兩即著左宗棠撥款賞給將此由五百里各諭令知之○左宗棠奏部議出關各軍運腳照定例按程覈算較臣原奏每糧百斤約需銀十一兩七錢上下數目不無懸殊查例載運腳係專指願用車騾駝價而言臣原奏關內採運由涼州歷甘肅州以達安西計程一千五百六十里每糧百斤約需銀十一兩七錢上下係合糧價車騾駝雙腳價及員弁人夫薪糧牲畜草料口袋什物局費一切統算在內均勻攤價故與例載專指腳價言者多寡之數不符若專就運腳言之固不至懸殊也且此時甘省新復之區人物彫殘絲毫不能藉資民力與從前承平日久地方完善情形判若霄壤自未可按照成例致誤轉輸見時關內轉解糧餉軍裝軍火官運民運相輔而行民運腳價無論雇用車騾駝馬酌定每運百斤百里均各給銀四錢而額爾慶額出關雇用之民駝則自定百斤百里給腳銀五錢關外食物昂於內地腳價較內地加增見辦情形已難一律也民運腳價之外尙有民夫口食牲畜餵養及應用什物各項一有缺乏立形滯礙停待一日所費更多故必須設立官局隨時給領酌扣價銀始爲省便雖比民間買價津貼已多而費實不容惜故關內民運百斤百里給腳價銀四錢合之局用津貼實不止四錢關外民運百斤百里給腳價銀五錢合之局用津貼亦尙不止五錢也官運須分途採購車馱分幫派弁夫管理車軸鞍架繩索口袋什

東華續錄

同治一百

七

物須隨時修整備辦牲畜須按站豫備草料醫藥以資餵養車輛損壞牲畜倒斃又須裁併挑換隨時買補填槽所費極繁而總分局員弁夫役護勇工匠薪糧局用正雜諸費尙未計也此項費用指官民運腳而言自應攤入糧價並算約言之則爲一端分言之則款目瑣碎非俟轉運旅役專案據實開報請銷急難清理就緒此時就 臣所墊過糧價實銀言之除宋慶一軍去歲由甘肅州各局支領糧料已經結算價銀外金順一軍領過糧料截至本年九月內共一千二百萬斤應攤合價銀六十六萬餘兩內收還銀六萬七千五百七十六兩一錢八分尙墊過銀五十九萬餘兩張曜一軍領過糧料截至本年九月上旬止共支四百七十萬零九百餘斤應攤合價銀二十五萬九千餘兩內收還銀六千餘兩尙墊過銀二十五萬三千餘兩合之金順一軍糧價由 臣墊付者已

東華續錄 同治一百 九

八十餘萬兩此該兩軍未出關以前由甘肅州各局就近支領居多故攤扣價銀每百斤約合五兩五錢有奇若全隊出關以後糧運仍由內地籌供則由涼州遞運安西州每糧百斤實需銀十一兩七錢有奇安西轉解哈密又須從新起算程途遠近即價腳多寡所分路途少一站運費可省一站牽算分攤費自輕減並非以由涼州至安西州十一兩七錢上下爲定也前摺已經陳奏所有運腳難拘定例及 臣墊過金張兩軍糧價截止本年九月上旬實數謹附片陳奏再金順一軍借過 臣軍餉銀十二萬兩並未還款見又允借駝隻三四百隻運糧至巴里坤張曜一軍借過 臣軍餉銀三萬兩未還見又借助駝隻運糧至哈密均未在兩軍採運欠項內計算合併聲明伏乞 聖鑒訓示得旨戶部知道○乙酉諭內閣巡視北城給事中春慶等奏擊獲多年在逃逆犯請交部

審辦一摺已革署參將張兆綬係因通匪奉旨正法之員膽敢逃匿提督馬如龍門下改名張瑞臣潛行來京實屬不法已極經北城擊獲供認不諱著卽交刑部嚴行審訊按律懲辦湖南提督馬如龍著先行解任聽候傳質○丙戌諭軍機大臣等禮部奏朝鮮國貢使被劫據咨轉奏一摺朝鮮國貢使回國行至鳳凰城邊門以外竟有匪類結夥持械搶奪行裝實屬不成事體亟應嚴密查拏著都興阿志和恭鏗派委員弁前赴邊門以外迅卽緝拏懲辦毋任遠颺嗣後朝鮮貢使過境應如何防護並邊外如何設法整頓毋使奸徒滋蔓之處並著都興阿等體察情形悉心妥議奏明辦理以清貢路而靖邊圉將此諭知禮部並由四百里各諭令知之○莊親王奕仁薨予祭葬諡曰厚○丁亥以歧元爲內閣學士由太常寺卿遷○飭山東等省迅解奉天協餉○賞通州王恕園等處賑

東華續錄 同治一百 十

米六百石○戊子諭軍機大臣等本日李鶴年奏參藩司不能稱職一摺據稱福建布政使潘霽由捐納佐雜出身心術陰柔人品卑瑣差委員缺多係捐班人員以致物議沸騰編造歌謠黏貼街市且有袒護同鄉結爲朋黨及與將軍拜認師生各情近日辦理日本事宜卑詞下氣求悅夷人大失國體等語該藩司見在臺灣其辦理一切事宜以及平日居官行事沈葆楨知之必稔卽著按照李鶴年所參各節秉公詳細查明迅速據實具奏毋稍徇隱原摺著鈔給閱看○李瀚章奏湖北漕糧驟難徵本色請採買米三萬石運津允之○己丑定新設甘肅固原直隸州知州爲衝繁難要缺海城縣知縣爲繁疲難要缺平遠縣知縣爲繁難中缺固原州州判海城縣丞均爲要缺平遠海城二縣訓導典史同心城巡檢均爲簡缺○庚寅諭軍機大臣等戶部奏出關各軍餉項暨

新疆各城軍餉請歸西征糧臺經理一摺見在大軍出關相機進
取前經降旨派左宗棠督辦糧臺轉運一切事宜並令袁保恆幫
辦所有出關各軍應需糧餉運費等項自應統歸左宗棠袁保恆
斟酌緩急奏請籌撥至新疆軍餉近年各城請撥頭緒紛繁殊不
足以昭覈實亦應由左宗棠等一併經理嗣後出關各軍暨新疆
各城請撥餉需均由該統兵各員及各城大臣查照左宗棠袁保
恆覈明數目的量奏撥不得紛紛自行奏請以歸畫一而專責成
即著左宗棠袁保恆查照該統兵各員及各城大臣一體遵照
辦理左宗棠袁保恆務當通盤規畫酌盈劑虛覈實籌撥
毋任稍有匱乏原摺均著鈔給閱看將此由五百里各諭令知之
○壬辰諭軍機大臣等沈葆楨等奏臺灣近日情形並准軍到臺
一摺日本兵船尚未退出臺灣刻下退兵章程業經定議惟此後
東華續錄 同治一百 五

海防各事宜亟須認真講求以期有備無患見在淮軍三起均抵
澎湖應如何分紮要隘之處仍著沈葆楨等酌度情形妥為布置
其南北開路以及郡城修築礮臺各事並著該大臣等悉心經理
毋稍鬆勁刺桐脚莊民已與龜紋社釋嫌尋好琅瑤諸社均受約
束其餘亟須次第清查惟入山愈深番社愈雜北路復有生番撲
犯礮樓傷斃兵丁之事亟應妥為籌辦俾番眾悉為我用藉可自
固藩籬著沈葆楨文煜李鶴年王凱泰潘蔚飭令派出各員設法
招徠隨時撫恤招墾事宜仍須商同羅大春認真籌畫臺郡城工
業已過半安平礮臺見擬設於三鯤身地方一切工程沈葆楨等
務當悉心經畫毋得畏難思阻○允鮑源深奏雷丁憂提督張樹
屏辦理冬防○賞八旗步軍綠營兵丁一月錢糧○癸巳命左都
御史廣壽侍郎夏同善赴陝西查辦事件○予雲南殉難同知鄭

自燿等建祠○丁酉諭軍機大臣等大學士文祥奏敬陳管見一
摺臺灣之事權宜辨結亟宜未雨綢繆豈可仍蹈因循錮習著沈
葆楨文煜李鶴年王凱泰潘蔚悉心籌商所有在臺兵勇應如何
酌留准軍素稱得力見在業已到臺應如何分紮防堵全臺事宜
應如何布置該大臣等務當妥為經畫以善將來並著李鴻章李
宗義將前議購買未成之鐵甲船水礮臺及應用軍械等件迅速
籌款購辦庶幾兵械精良有備無患原摺著鈔給閱看○己亥
上不豫仍治事如常命軍機大臣李鴻藻恭代批答章奏○諭軍
機大臣等都與阿等奏勦辦金州逸犯情形一摺逸犯高希田潛
回夾心子地方經營總奎山等帶隊往捕該犯膽敢勾結匪黨聚
眾抗拒我兵奮勇衝擊斃匪多名高希田向北逃竄其餘匪黨
由魏口街市歸併高希田圍寨亟應迅速捕擊以靖地方著都與
東華續錄 同治一百 五

阿等飭令派出隊伍馳赴金州魏口會合各軍協力兜擒相機辦
理總期淨絕根株毋任蔓延為患其沿海各口岸並著都與阿等
嚴密防範以杜竄越將此由四百里各諭令知之○是月蠲緩直
隸定州等四十五州縣被水被旱被雹本年額賦租課暨民借倉
穀開州等三州縣被水本年額賦並減免差徭
十一月庚子朔改甯國營為皖南鎮標左營以原設參將與蕪采
營遊擊對調添設皖南鎮標右營都司守備各一改設荻港外委
一撥遊兵營荻港千總一銅陵采石汛把總二歸皖南鎮標右營
轄○甲辰惇親王等議奏 聖躬正宜調攝每日批摺仍遵前旨
暫由李鴻藻敬繕批答清字摺件並暫由奕訢等敬繕從之○賞
察哈爾移回塔城官兵三月俸餉○己酉諭內閣朕於本月遇有
天花之喜經惇親王等合詞頌懇靜心調攝朕思萬幾至重何敢

稍耽安逸惟朕躬見在尚難耐勞自應俯從所請但恐諸事無所稟承深虞曠誤再三籲懇兩宮 皇太后俯念朕躬正資調養所有內外各衙門陳奏事件呈請 披覽裁定仰荷 慈懷曲體俯允權宜辦理朕心實深感幸將此通諭中外知之○命寶蓋為大學士由兵部○以惠林為左副都御史由大理寺卿遷○庚戌諭軍機大臣等景廉奏籌畫邊疆軍務機宜請由甘肅遷移戶民分居奇古等處各摺片回逆分踞烏屬各城相為犄角逆餒甚張景廉擬分路進兵會同金順由古城直取古牧地為一路張曜由天山南直取吐魯番為一路並添派大員赴沙山會合沙克都林扎布錫綸等直取瑪納斯為一路即著景廉金順隨時籌畫激勵將士妥速進剿力掃賊氛毋得稍事延緩關外糧餉轉運事宜前已有旨派左宗棠督辦並令袁保恆幫辦移紮肅州疊據左宗棠袁保恆奏

東華續錄 同治一百

請撥餉銀並籌糧運各事左宗棠袁保恆景廉金順同辦一事即著隨事會商妥籌辦理景廉所請飭令戶部撥給庫銀六十萬兩並嚴催各省欠餉等語著戶部議奏景廉派員赴烏里雅蘇台等處採辦駝隻著理藩院知照管轄內外盟蒙古將軍大臣傳知蒙古王公轉飭各愛曼隨時出售按市價官為採買毋許委員稍有抑勒西路奇古等處居民稀少田地半屬荒蕪景廉請仿照成案由甘肅各州縣遷移民人一千戶分居奇古等處以實邊地此項遷移戶民由官發給盤費車腳牛具籽種趕於明春到古俾得盡力耕作以贍軍糧著左宗棠體察情形酌籌妥辦將此諭知戶部理藩院並由五百里諭令左宗棠景廉金順袁保恆知之○以廣壽為兵部尚書魁齡為左都御史調恩承為吏部左侍郎以紹祺為刑部左侍郎由內閣學士遷○王文韶奏湖南漕糧駁難改徵本色請

採買米二萬石運津允之○辛亥予太醫院左院判李德立以三四品京堂候補右院判莊守和以四五品京堂候補○壬子諭軍機大臣等沈葆楨等奏日本違約退兵收回草房營地方一摺日本兵船盡數退出臺灣其遺下營房草房板片均經點收完竣該處已派官軍填紮惟瓊瑤一帶善後機宜亟須悉心籌畫妥善經營所有招撫生番及修城開路各事宜仍當妥籌辦理毋得以倭兵已退即形鬆懈著沈葆楨文煜李鶴年王凱泰潘蔚懍遵十月二十八日諭旨妥為布置毋稍因循沈葆楨等惟當於此時力圖自強之策以期未雨綢繆庶幾有備無患另片奏道員黎兆棠因病回籍等語該員見經簡放津海關道即著沈葆楨傳知黎兆棠病痊後迅速赴任以重職守○癸丑冬至祀 天於 圓丘遣醇親王恭代行禮○諭軍機大臣等前因丁寶楨奏石莊戶決口奪

東華續錄 同治一百

擱南趨亟應堵築請飭撥款一摺當諭令該部速議具奏茲據戶部工部會議奏稱石莊戶決口關繫東南兩省大局自應趕籌修築所需工款除上年存銀二十八萬兩外擬撥各省地丁等銀七十萬兩以資應用等語見在經費支絀該部以有上年存款可以動用合之此次撥款幾及百萬當可與工舉辦惟據該撫所奏決口情形亟宜及時趕辦設因款項不繼致有停待貽誤非輕著戶部仍照該撫原請一百五十萬兩之數即行指撥有著之款趕緊撥解毋誤要需並著丁寶楨即將應築隄壩及挑挖引河各工勘明地勢迅速妥辦毋再坐失事機仍督飭承辦各員實心經理剔除積弊務使款歸實用不准稍有虛糜喬松年亦當和衷商酌通籌辦理以裨大局將此諭知戶部並由五百里諭令喬松年丁寶楨知之○諭左宗棠奏籌畫移設糧臺辦理採糧轉運事宜暨請

開除屯田經費各摺片肅州設立西征糧臺既據左宗棠奏稱南
北相距甚遙辦理均形窒礙刻下北路轉運不患無駝採辦亦易
自無庸膠柱鼓瑟惟見在烏科兩城實存糧石究有若干每年所
產糧石若干留備各該城兵食若干以及轉運駝隻能否購辦足
敷應用著額勒和布杜嘎爾多布沁扎木楚托倫布保英詳細確
查迅速具奏糧臺之設必與軍行道路相宜左宗棠所奏於烏里
雅蘇台科布多巴里坤地方擇一要處移臺駐紮並著兩處設立
分臺之處即著與袁保恆妥商辦理袁保恆與左宗棠同辦一事
務當和衷商榷毋得各存意見致誤事機景廉金順統領大軍西
進總期糧食源源接濟俾利師行並著隨時與左宗棠袁保恆妥
切函商以重軍食屯政雖與行軍相宜惟今昔情形不同目前尚
難舉辦著與袁保恆悉心商酌總期事有實濟餉不虛糜餘著照
東華續錄 同治一百 五

著再加賞親王俸一分醇親王奕誼著賞食親王雙俸等郡王奕
惠郡王奕詳均著賞食親王俸郡王銜貝勒載治載澂均著賞
食郡王俸貝子銜奉恩鎮國公奕謨著賞食貝子俸御前大臣科
爾沁博多勒噶台親王伯彥訥謨祜著賞食蒙古親王雙俸郡王
銜貝勒奕劻著賞食郡王俸固倫額駙公景壽著賞食貝子俸御
前行走貝勒載漪貝勒載澂均賞食郡王俸御前行走奉恩輔國
公載瀛著賞食奉恩鎮國公俸頭品頂帶 貼黃 著賞食輔國公俸
御前行走貝勒那爾蘇著賞食蒙古郡王俸軍機大臣大學士文
祥寶鑿沈桂芬李鴻藻均著賞戴雙眼花翎總管內務府大臣尚
書英桂崇綸左都御史魁齡均著賞戴雙眼花翎侍郎榮祿著賞
加太子少保銜並賞戴雙眼花翎太子少保銜侍郎明善著賞太
子太保銜並賞戴雙眼花翎貴寶文錫均著賞戴雙眼花翎弘德
東華續錄 同治一百 五

左宗棠所擬辦理左宗棠原摺片著鈔給袁保恆景廉等閱看將
此由六百里各諭令知之○甲寅諭內閣朕於本月遇有天花之
喜仰蒙 慈安端裕康慶皇太后 慈禧端佑康頤皇太后調護
朕躬無微不至並荷 慈懷曲體俯允將內外各衙門章奏 代
為披覽裁定朕心實深欣感允宜崇上兩宮 皇太后徽號以冀
仰答 鴻慈於萬一所有一切應行典禮著該衙門敬謹辦理○
諭朕奉 慈安端裕康慶皇太后 慈禧端佑康頤皇太后懿旨
慧妃著封為皇貴妃瑜嬪著封為瑜妃珣嬪著封為珣妃貴人西
林覺羅氏著封為瑤嬪○諭朕奉 慈安端裕康慶皇太后 慈
禧端佑康頤皇太后懿旨皇帝於本月遇有天花之喜仰賴 蒼
穹默佑諸臻康吉中外同歡允宜普沛恩綸優加賞賚內廷行走
惇親王奕誼著賞食親王雙俸恭親王奕訢前經賞食親王雙俸

殿行走尚書廣壽侍郎徐桐候補內閣學士翁同龢均著賞戴花
翎翰林院侍講王慶祺著賞加二品頂帶南書房行走侍郎黃鈺
著賞戴花翎候補三品京堂潘祖蔭著以侍郎候補翰林侍講學
士孫貽經詹事府左庶子徐郁翰林院侍講張家驥詹事府左贊
善歐陽保極均著以應升之缺儘先升用所有王公及京外大小
官員均著賞加二級京師八旗又綠步各營兵丁均著賞給半月
錢糧用示行慶推恩至意○諭朕奉 慈安端裕康慶皇太后
慈禧端佑康頤皇太后懿旨皇帝於本月遇有天花之喜仰賴
蒼穹默佑諸臻康吉寅感實深因念欽恤庶獄仁政所先允宜特
沛恩施量加矜恤所有刑部及各省已經結案監禁人犯除情罪
重大及常赦所不原者毋庸查辦外其餘著軍機大臣會同刑部
酌量案情輕重分別請旨減等發落其軍流徒杖以下人犯一併

分晰減等完結俾需寬大之恩勉圖自新之路用示子惠兆民法
 外施仁至意○予故右春坊右中允馮桂芬建祠○乙卯諭內閣
 朕奉 慈安端裕康慶皇太后 慈禧端佑康頤皇太后懿旨彤
 妃等位侍奉 宣宗成皇帝多歷年所允宜加崇位號以表尊榮
 彤妃晉封為彤貴妃 佳妃晉封為佳貴妃 成妃晉封為成貴
 妃 貴人蔡佳氏晉封為恆嬪 貴人尙佳氏晉封為豫嬪○論
 朕奉 慈安端裕康慶皇太后 慈禧端佑康頤皇太后懿旨麗
 皇貴妃等位侍奉 文宗顯皇帝均稱淑慎麗皇貴妃著封為皇
 貴太妃婉妃著封為婉貴妃祺妃著封為祺貴妃玫妃著封為玫
 貴妃璫嬪著封為璫妃吉嬪著封為吉妃禧嬪著封為禧妃慶嬪
 著封為慶妃○諭禁宗室寄居外城○諭錢鼎銘添撥東河防險
 銀二十六萬兩○丙辰諭內閣兵部遵議提督失察在逃逆犯處

東華續錄

同治一百

卷

分一摺湖南提督馬如龍於逆犯張兆綬改名張瑞臣潛隨來京
 未能覺察實屬咎無可辭馬如龍著照部議革職留任○命丁寶
 楨籌撥銀六萬兩備運河工需○己未諭軍機大臣等文麟等奏
 飭派纏頭接護伯錫爾福晉回哈一摺伯錫爾福晉上年被逆匪
 擄至七克騰木經安集延南路夷目帕夏搶出安置布古爾地方
 該福晉轉徙流離殊堪矜念帕夏投遞文檔據稱俟奉到哈密大
 臣印諭即將該福晉送回其為去逆效順已可概見文麟等見令
 回王邁哈默特選派頭目前往該處即著將伯錫爾福晉安速接
 護回哈毋令失所該帕夏果能率領南路各城夷人翻然來歸再
 將吐魯番城池獻出朝廷自必加以恩典著文麟等開誠曉諭設
 法招徠以裨大局該大臣等接到帕夏回文即著迅速具奏將此
 由五百里各諭令知之○允戶部奏豫撥各省應解來年京餉暨

東華續錄

同治一百

卷

內務府經費○癸亥以沈秉成爲河南按察使由江蘇蘇州○甲子
 諭軍機大臣等前因石莊戶決口亟須堵築當經諭令丁寶楨及
 時趕辦並諭戶部照該撫原請之數指撥有著款項以資工需茲
 據丁寶楨奏查勘石莊戶決口見難施工擬在池下之賈莊建壩
 堵合即於南北岸普築長堤惟查濮州爲北岸之上游而濮州之
 上游又在開州請飭直隸一律趕辦等語此項工程關係數省地
 方自當不分畛域通力合作趕籌辦理即著丁寶楨籌備物料督
 飭在事各員及早興工以冀剋期成事其直隸境內應行堵築之
 處著李鴻章督飭該地方官安速籌辦俾南北兩岸悉臻完固至
 應需工款據丁寶楨奏除部撥一百五十萬兩外尚不敷銀一百
 二三十萬兩著於山東藩運兩司及糧道各庫臨清東海兩關隨
 時通融那用以濟要需該撫務當嚴飭在事人員認真辦理儻有
 浮冒因循致誤要工者即行從嚴參辦如能辦理迅速工程完固
 准由丁寶楨奏請獎敘原摺著鈔給李鴻章閱看將此由四百里
 各諭令知之○丙寅以翁同龢爲內閣學士候補內閣學士○以雪澤愆
 期命恭親王詣 大高殿恭代祈禱○是月錫綬江蘇泰州等三
 十六州應縣淮安等四衛被水被旱新舊額賦山東濮州等七十
 州縣德州等四衛並東平所永阜所被水被旱被風被雹新舊額
 賦租課湖南澧州等九州縣暨岳州衛被水被旱新舊額賦緩徵
 安徽泗州等五十四州縣被水被旱被風被雹新舊額賦租課
 十二月辛未諭內閣岑毓英奏遵查通省荒熟田地酌擬應徵應
 減錢糧成數一摺據稱上年錢糧仍係儘收儘解開支軍餉本年
 委員分投丈量按畝估計成數已種田畝自九成至五六成不等
 荒蕪田畝自一成至四五成不等請分別徵收減免等語雲南甫

就肅清流亡未集田畝半屬荒蕪若將應徵錢糧照常徵收民力實有未逮加恩著照所請即自同治十三年起予限十年將滇省各屬錢糧按照此次清查已種田畝成數分別徵收其荒蕪田地各按成數將應納錢糧暫行蠲免以蘇民困俟十年限滿百姓元氣稍復荒蕪盡行開墾再照舊額徵收該督撫卽刊刻謄黃徧行曉諭務使實惠均霑毋任吏胥舞弊用副朕軫念民艱至意○吏部以大學士寶鋆應定何殿閣請得旨李鴻章著授爲文華殿大學士文祥著授爲武英殿大學士寶鋆著授爲體仁閣大學士○王申以循聲卓著予故廣東鹽運使鍾謙鈞交國史館立傳○癸酉子故四川彭山縣知縣升任道員蹇閣建祠○甲戌 上疾增劇○允李宗義奏來年江北漕米改辦海運○李宗義以病免以劉坤一署兩江總督劉秉璋署江西巡撫由布政使署○ 上疾大漸東華續錄 同治一百 元

東華續錄 同治一〇〇

粵捻各逆次第削平滇黔關隴苗匪回匪分別剿撫俱臻安靖而兵燹之餘吾民瘡痍未復每一念及寤寐難安各直省遇有水旱偏災凡疆臣請蠲請賑無不立沛恩施深宮兢惕之懷當爲中外臣民所共見朕體氣素強本年十一月適出天花加意調攝乃邇日以來元氣日虧以致彌留不起豈非天乎願念統緒至重亟宜傳付得人茲欽奉兩宮 皇太后懿旨醇親王之子貼黃著承繼文宗顯皇帝爲子入承大統爲嗣皇帝特諭嗣皇帝仁孝聰明必能欽承付託 天生民而立之君使司牧之惟日矢憂勤惕勵於以知人安民永保我不丕基並孝養兩宮 皇太后仰慰 慈懷兼顧中外文武臣僚共矢公忠各勤厥職用輔嗣皇帝郵隆之治則朕懷藉慰矣喪服仍依舊制二十七日而除布告天下咸使聞知○乙亥未刻大殮畢奉安 梓宮於乾清宮○庚寅奉移東華續錄 同治一百 辛

西刻崩於養心殿東暖閣○ 慈安端裕康慶皇太后 慈禧端佑康頤皇太后御養心殿西暖閣召惇親王奕訢恭親王奕訢醇親王奕譞孚郡王奕譞惠郡王奕詳貝勒載治載澂公奕謨御前大臣伯彥訥謨祐奕劻景壽軍機大臣寶鋆沈桂芬李鴻藻總管內務府大臣英桂崇綸魁齡榮祿明善貴寶文錫弘德殿行走徐桐翁同龢王慶祺南書房行走黃鈺潘祖蔭孫貽經徐郁張家驥入欽奉 懿旨醇親王奕譞之子 貼黃 著承繼 文宗顯皇帝爲子入承大統爲嗣皇帝○奉遺詔曰朕蒙 皇考文宗顯皇帝覆載隆恩付畀神器冲齡踐阼寅紹丕基臨御以來仰蒙兩宮 皇太后垂簾聽政宵旰憂勞嗣奉 懿旨命朕親裁大政仰維 列聖家法一以敬 天法 祖勤政愛民爲本自維薄德敢不朝乾夕惕惟日孜孜十餘年來稟承 懿訓勤求上理雖幸官軍所至

梓宮觀德殿○光緒元年二月戊子寅刻 皇后阿魯特氏崩○庚寅定 萬年福地於 雙山峪修建 山陵○甲午奉移 大行皇后梓宮於永思殿○三月己亥恭上 大行皇帝尊諡曰 繼天開運受中居正保大定功聖智誠孝信敏恭寬毅皇帝 廟號 穆宗○五月戊申恭上 大行皇后尊諡曰 孝哲嘉順淑慎賢明憲天彰聖毅皇后○九月辛亥奉移 穆宗毅皇帝梓宮暨 孝哲毅皇后梓宮暫安隆福寺行宮派王大臣輪班敬謹守護○五年三月庚午卯刻葬 惠陵 上在位十三年 聖壽十有九 上誕膺 寶命臨御萬邦荷 昊穹眷佑之隆嗣 列聖貽謀之遠 冲齡踐阼蒙兩宮 皇太后垂簾聽政時四方多事 上祇承 慈誨 垂拱無爲 天與人歸捷書疊報迨 親政後宵衣旰食綱舉目張庶事用康八方底定懿敷盛哉洵 天生

2094524

S
Z121.5
15a

續修四庫全書 史部 編年類

敦敏御齊之主上符元會下濟烝民用是海宇蕩平中外僑服邇
安遠至萬國輸誠 駿烈鴻猷爲千古罕觀之隆軌也而乃天花
甫謝 聖體違和遽棄臣民莫攀 龍馭衝諸壤擊之倫棧嶂航
瀛之侶莫不痛失怙恃奔走號呼於此見人心之感戴者深而
深仁厚澤之淪浹肌髓者非一日也金匱石室式煥宏謨方策匪
貽永永無極則 上之所以壽萬世壽萬民與壽其身曷以異哉

東華續錄

同治十百

三



ZW 21101000583362